



15.5.356

~~15.5.5~~  
15.5.5



1870



TRACTATUS  
PROBABILITATIS  
EX PRINCIPIS ANTIQUORUM  
COMPOSITUS,

IN QVO

PROBABILITAS IN GENERE, ÆQUALIS, & MINOR  
per ea, quæ docuerunt Antiqui,  
stabiliantur,

Et plures Opiniones, de Confessione, Confessore, Horis Canonicis,  
Æquivoco, Turpi lucro, Duello, rerum Defensione occisiva,  
deque aliis ad Probabilitatem pristinam, à qua per  
Probabilioristas dejectæ fuerant, ex  
Præscorum placitis revocantur.

AUCTORE

NICOLAO PEGULETI

*Sacra Theologia Professore.*



LOVANII,

Apud Ægidium Prost, Superioribus Annueantibus, 1707.



# AD LECTOREM.



I ulla unquam in Scholis Theologicis materies agitata fuit Enixis viribus, illa profectò est de opinione Probabili. Mirum, quot Doctores de hac re, nec parvi momenti, dissertationem instituerint, & quantum pro ejus enodatione elaboraverint. Alii disputationem longissimam, alii tomos integros ediderunt. Porro adeo multa afferunt in suis de ea voluminibus tam Probabilioristæ contra Probabilitatem, quam Probabilistæ in ejusdem favorem, ut jam actum agere videatur, qui de hoc argumento adhuc differere tentaverit. Verùm enimverò, si, quod mihi ipsi videtur, promere liceat, existimo, rem non ita se habere, sed plurima posse addi iis, quæ à sapientissimis Authoribus de hac difficultate in utramque partem sunt allata. Unum tamen notatu dignum præcipuè animadverteram, nempe Doctores rigidos perpetuò in Probabilitatem obficere Novitatem. Clamant, opinionem de sequenda æquè, vel minùs probabili, esse novum inventum, & solum ab ævo Bartholomæi Medinæ lucem aspexisse. Audiamus Illustrissimum Clerum Gallicanum de Anno 1700. in Palatio Sancti-Germani celebratum in quodam Libello ad S. De *Opinionum Probabilium usu* sic dicentem: *Quòd ergo in praxi eam nobis liceat sequi sententiam, quam nec ipsi ut probabiliorē eligendam judicemus, hoc novum, hoc inauditum, ac postremo demum seculo productum.*

Sic etiam Antonius Cordubensis in *Questionario Theologico* lib. 2. q. 3. assert. 1. cum scripisset, partem tutiorem esse tenendam, quando eadem est probabilior, statim subjungit: *Et in hoc omnes Theologi conveniunt.* Nedum verò Authores Probabilioristæ in hanc existimationem abierunt, sed ipsi quoque Probabilistæ. Hinc Franciscus Amicus tom. 3. disp. 15. num. 75. disertè affirmavit: *Omnes ferè antiquos Theologos negare, licitum esse operari secundum sententiam minùs tutam, & simul minùs probabilem.* Ego illi perpetuum opinioni libentissimè subscripsi, testibus non esse credendum de aliorum factis testificantibus, nisi ipsum fundamentum scientiæ in medium afferant; Proinde cum Authores non adaperiant caput, & originem, unde permoti fuerint ad historiam hanc tenendam, omnes nempe Doctores *Veteres ixisse in opinionem rigidam*; ideo jure præfens opus aggredior, & inquiri, an Probabilitas sive in suo genere, sive in æquali, sive in minori gradu recta morum regula fuerit apud Antiquos.

Apud Antiquos inquam; quamobrem Lector, Modernorum laudator, de me jure conqueri haud poterit, si Doctores juniores, qui adeo Probabilitatem illustrarunt, non viderit allegari, cum solum, quid in hac difficultate senserint prisca Scriptores, disquirere proposuerim; omnes

verò, me actum omnino non agere, sed novam promovere questionem; sibi facillimè persuadebunt. Propterea, si verum est adagium illud: *Omnia nova placent*, sperare non desinam, hunc meum fortassis, qualiscunque is sit, laborem veritatis studiosis quibuscunque placitum; & quidem Probabilistis, quia ipsorum Placitum Antiquis placuisse demonstro; Probabilioristis verò, quia non impugno opinionem probabiliorē, pro qua adeo acriter decertarunt, sed tantum aperio hoc dubium, an ipsorum hæc rigida opinio priscis Authoribus arriserit, de quo iidem questionem non instituunt: Tum quia pro hac opinione affero quosdam Antiquos, quos nondum allegatos alibi vidi, ut legenti cap. 18. patebit. Quia autem, ut inquit Divinus Vates in Psal. 115. *Omnis homo mendax*; & ex D. Bonav. in 2. dist. 15. circa textum dub. 3. *Vix aliquis Catholicorum Tractatorum immunis fuit à deceptione*; proinde non dubito, me in plurimis potuisse decipi; sed cum sciam etiam, me non voluntariè, sed ex humana imbecillitate deficere; ideo humillimè, quæcunque assero, illius iudicio submitto, cui à Christo Domino dictum est illud certissimæ stabilitatis essatum: *Tu es Petrus, & super hanc Petram ædificabo Ecclesiam meam*. Ex sola misericordia Pastoris divini vivo in Salvatoris Ovili; est ergo omnino necesse, ut doctrinæ cibum recipiam ab illo, cui Christus ipse commisit: *Pasce oves meas*. Igitur Summo Christi Vicario, Beatissimo CLEMENTI Undecimo, cum Hieronymo relato in C. *hæc est fides*. 24. q. 1. veraci corde profiteor: *Hæc est fides, Papa Beatissime, quam in Ecclesia Catholica didicimus, quamque semper tenuimus, & tenemus, in qua si minus periret, aut parum cautè fortè aliquid positum est, emendari cupimus à te, qui Petri fidem, & Sedem tenes; sin autem hæc nostra confessio Apostolatus tui iudicio comprobatur, quicumque me culpæ voluerit, se imperitum, vel malevolum, vel etiam non Catholicum, non me hæreticum comprobabit.*

Sed nedum à Sede Apostolica, verum etiam à quibuslibet viris doctis melius sentientibus libenter corrigi appetam, si tamen, ut loquar cum Augustino Epist. 19. c. 1. *Non quia ipsi ita sentiant, sed quia mihi per Authores Canonicos, vel Probabili ratione, quod à vero non abhorreat, poterunt persuadere*; namque, subdo cum eodem Augustino Epist. 15. c. 1. *absit, ut lador, si mihi certa ratione voluerit quis, & potuerit demonstrare, se veriùs intellexisse, quàm me; imò verò absit, ut non cum gratiarum actione lucris meis depretem, si fuero, ipso docente, instructus, aut emendante correctus.*

# INDEX AUTHORUM.

Abbas Antiquus.  
 Adrianus Sextus Papa.  
 Ægidius Bellamera.  
 Ægidius Columna.  
 Albericus de Rosate.  
 Albertus Magnus.  
 Alexander Aletius.  
 Alexander Anglicus. †  
 Alphonsus de Castro. †  
 Alphonsus Tostatus, Episcopus Abulensis.  
 Divus Ambrosius.  
 Quidam Ambrosius apud Divum Antoninum. †  
 Ambrosius Calepinus.  
 Anastasius Sinaita. †  
 Andreas Alciatus.  
 Andreas Vega.  
 Angelus de Clavasio.  
 Angelus de Perusio. †  
 Quidam Annibal apud D. Antoninum.  
 Divus Anselmus.  
 Divus Antoninus.  
 Antonius Andreas.  
 Antonius Butrio.  
 Antonius Corduba.  
 Quidam Antonius apud Ioannem Antonium à Sancto Georgio. †  
 Antonius Maria Coratius.  
 Archidiaconus, Guido à Bayssio.  
 Aristoteles.  
 Armilla, seu Bartholamæus Fumus.  
 Astesanus.  
 Averroes. †  
 Divus Augustinus.  
 Quidam Augustinus apud Divum Antoninum. †  
 Author Catenæ Græcæ. †  
 Azo in Summa.  
 Baldus de Perusia.  
 Baptista de Salis. †  
 Baptista Trovamala, seu Rosella. †  
 Barnabas Brissonius.  
 Bartholamæus Caimus.  
 Bartholamæus Fumus, seu Armilla.  
 Bartholamæus Medina,

Bartholamæus de Pisis, seu Pisanella.  
 Bartolus de Saxoferrato.  
 Quidam Bartol. in Florar. apud De-  
 structorium Vitiourum. †  
 Divus Basilius.  
 Venerabilis Beda.  
 Divus Bernardinus.  
 Divus Bernardus.  
 Bernardus Claramontanus. †  
 Bernardus Compostellanus.  
 Divus Bonaventura.  
 Breviarium Romanum.

Cæsar Julius Cæsar.  
 Cirillus Alexandrinus.  
 Concilia varia, Lateranense Tertium,  
 Quintum, Constantinense, Basilien-  
 se, Florentinum, Africæ, Tri-  
 dentinum, &c.  
 Conradus de Summenhart.  
 Cynus.  
 Divus Cyprianus.

Destructorium Vitiourum à Fabri Fe-  
 lio compositum.  
 Didacus Covarruvias.  
 Divus Dionysius. †  
 Dionysius Carthusianus.  
 Directorium Juris, aliàs Petrus Casuel. †  
 Dominicus Bannex.  
 Dominicus Geminianus.  
 Dominicus Soto.  
 Dominicus Tuscus Cardinalis.  
 Durandus de Sancto Portiano.

Eustratius. †  
 Eutimius.

Filius Fabri, seu Destructorium Vi-  
 tiourum.  
 Franciscus Ferrariensis.  
 Franciscus Mayron.  
 Franciscus Victoria.  
 Franciscus Zabarella Cardinalis.

Gabriel Biel.  
 Glossa Canonica.  
 Glossa Civilis.  
 Glossa Divi Raymundi, seu Villemus  
 Rodonensis.  
 Glossa Sacre Scripturæ.  
 Godeschalvus Rosemondo.  
 Gostredus Abbas. †  
 Gostredus de Fontibus. †  
 Gostredus Tranensis.  
 Gratianus.  
 Divus Gregorius Magnus.  
 Divus Gregorius Nytsenus.  
 Guido de Monte Rocherio, seu Mani-  
 pulus Curatorum.  
 Guido Papa. †  
 Guilelmus Altissiodorensis.  
 Guilelmus de Alvernia, seu Parisiensis.  
 Guilelmus Durandi, seu Speculator.  
 Guilelmus de Monte Laudano. †  
 Guilelmus Na. †  
 Guilelmus Ocham.  
 Guilelmus Paraldus.  
 Guilelmus Rubion.

Henricus Boic.  
 Henricus Gandavenfis.  
 Henricus Herp.  
 Henricus Hostiensis.  
 Hervæus Brito.  
 Divus Hieronymus.  
 Divus Hilarius.  
 Hippocrates.  
 Hugo Canonista. †  
 Hugo de Sancto Victore. †  
 Humbertus Generalis PP. Dominic. †

Jacobus Almainus. †  
 Jacobus de Aretio. †  
 Jacobus Butrio. †  
 Divus Ignatius de Lojola. †  
 Innocentius Primus.  
 Innocentius Tertius.  
 Innocentius Quartus.  
 Joannes Altenstaig.  
 Joannes de Amb. †  
 Joannes de Anania. †  
 Joannes Andreas.  
 Joannes Antonius à Sancto Georgio,  
 alias Præpositus.  
 Joannes Baconius,

Joannes Bassolius. †  
 Joannes Bertachinus.  
 Joannes de Biblia. †  
 Joannes Burchardus. †  
 Joannes Calderinus. †  
 Divus Joannes Capistranus.  
 Joannes Capreolus.  
 Joannes Chappius.  
 Divus Joannes Chrysostomus.  
 Divus Joannes Damascenus.  
 Joannes Driedon. †  
 Joannes Duns Scotus.  
 Joannes de Fanton. †  
 Joannes de Faventia. †  
 Joannes de Fontana. †  
 Joannes de Friburgo.  
 Joannes de Gambaco. †  
 Joannes Gerlon.  
 Joannes de Imola.  
 Joannes de Lignano. †  
 Joannes Major.  
 Joannes Medina.  
 Joannes de Neapoli.  
 Joannes Nider.  
 Joannes Parusi. †  
 Joannes Tabienfis.  
 Joannes Turrecremata.  
 Divus Ildorus.  
 Iuvenalis.

Lactantius Firmianus.  
 Divus Laurentius Justinianus.  
 Lex Canonica.  
 Lex Civilis.  
 Lex Longobarda.  
 Ludolphus Carthusianus.  
 Ludovicus Lopez.

Magister Sentent. seu Petrus Lombardo.  
 Marcus Tullius Cicero.  
 Marsilius de Inguen.  
 Mattheus de Cracovia. †  
 Divus Maximus Monachus.  
 Melendus. †  
 Michael Bartholamæus Salonijs.  
 Monaldus.

Nicolaus de Ausmo, alias Supplemen-  
 tum Pisanelle.  
 Nicolaus Barriani.  
 Nicolaus de Lyra.

Nico-



Nicolaus de Orbellis.

Nicolaus de Tudeschis, Abbas Panor-  
mitanus :

Origenes :

Divus Paulinus. †

Paulus Gryfaldus.

Pelbartus in Rosario.

Petrus Aquilianus.

Petrus Arragon.

Petrus Aureolus.

Petrus de Bellapertica. †

Petrus de Bergamo.

Petrus Casuel, seu Directorium juris. †

Petrus Joannes de Ancharano.

Petrus Lombardus, seu magister Sent.

Petrus Navarra.

Petrus Paludanus.

Petrus de Sampsona. †

Petrus Soto.

Petrus de Tarantasia. †

Petrus Tataretus.

Pontifices varii in Bullis.

Præpositivus. †

Priscianus.

Quintilianus :

† Qui hoc signo notantur, hos Au-  
thores non legi, sed ab aliis allegatos  
retuli.

¶ Qui verò hoc designantur, sunt  
unus Author. Deceptus fui, quia  
ad nomen solum respexi, nec legi Præ-  
fationem Roselli, in qua aperte decla-  
ratur hæc veritas.

Allego Glossam Divi Raymundi sub  
nomine Villelmi Rodonenfis, & jure  
hoc facio. Excussa fuit anno 1603. Ro-  
mæ sumptibus Joannis Tallini Summa  
S. Raymundi de Peniafort cum Glossis  
Joannis de Friburgo.

Hic idem Codex iterum prodit in lu-  
cem, sed cum diverso titulo, qui talis est:  
*Jo. de Friburgo Ordinis Prædicatorum  
de Sacramentis Pœnitentie, Ordinis,  
& Matrimonii ad Summam Sancti Ray-  
mundi Commentariorum libri quatuor*  
Romæ apud Andream Phai 1619. Li-

Rainerius de Pisis.

Divus Raymundus de Peniafort.

Raynaldus in Summa. †

Richardus Anglicus. †

Richardus de Mediavilla.

Rupertus Abbas.

Rupertus Holcot.

Sanctes Pagninus. †

Stephanus Brulifer.

Supplementum Pisanellæ, seu Nico-  
laus de Ausmo.

Sylvester Prieras.

Tertullianus.

Theodoretus.

Theophilactus.

Divus Thomas Aquinas :

Thomas Argentinus.

Thomas de Vio, aliàs Cajetanus.

Vervee. †

Villelmus Rodonenfis, seu Glossæ

Divi Raymundi.

Divus Vincentius Ferrerius.

Vincentius Lirinenfis. †

Vincentius Tancredi Canonista. †

Vincentius in Speculo Historiarum. †

Ulricus. †

ber dedicatur Clementi Octavo, & Phi-  
lippo Tertio Hispaniarum Regi à Pa-  
tribus Dominicanis.

Ego, salva reverentia Authoris, qui  
fecit imprimere Codicem prædictum, &  
ipsi placuit, credere, illas Glossas factas  
esse à Joanne de Friburgo, alsero else  
editas à Villelmo Rodonenfi, qui vixit  
paulo ante Joannem de Friburgo, qui-  
que fuit famosissimus usque ad Sylve-  
strum Prieras, qui fuit ultimus, cui libuit  
scripsisse, ut alii Antecessores Morali-  
stæ fecerant, Villelmum Rodonensem,  
Glossatorem Raymundi allegare. Duo  
fundamenta habeo mez assertionis :  
Primum. Astensis, Pisanella, ejus Sup-  
plementum, Antoninus, Angelus, Ro-  
sella, Henricus Boic, Abulen. & de Or-  
bellis referunt Villelmum Rodon tan-  
quam Glossatorem Raymundi, Sive au-  
tem illum asserant nomine proprio Vil-  
lelmi

elmi Rodon, sive sub nomine Glossæ Raymundi, referunt textus, qui verbatim habentur in illa Glossa Raym. quæ dicitur composita à Joanne de Friburgo. E contra nunquam apud ipsos invenies allegatum Joannem de Friburgo, nisi in Summa Confessorum.

Secundum fundamentum, & quidem evidens, est autoritas ipsius Ioannis de Friburgo. In ejus Summa Confessorum habentur duo Prologi. Primus est factus in quendam Libellum, cui titulus: *Libellus questionum casualium*. In ipso ergo sic scribit Author: *Ego Frater Joannes Lector de Ordine Predicatorum... primo tam de textu*, quàm de ejus apparatu, seu Glossæ Summæ Venerabilis Patris Fratris Raymundi, qui pœnitentiariorum dirigit, *registrum, sive tabulam, seu cunctum ordinem Alphabeticum cū diligentia ordinavi*. Ecce Friburgo ordinat *textum, & Glossam Raymundi*. Ergo, sicut non composuit textum Raymundi, sic nec ejus Glossam. Legantur alia sequentia illius Prologi, quæ multum faciunt ad propositum.

In alio Prologo, qui factus est in Summam Confessorum ab eodem Authore, hæc habentur: *Similiter cum nominatur hic Glossa, semper intelligendum est de Glossa Villelmi super Summam Raymundi, nisi alia Glossa specificetur, ut Glossa Innocentii &c.* Igitur Friburgo in sua Summa Confessorum aperte fatetur, Villelmum fecisse Glossam in textum Divi Raymundi, & paulò ante dicit, se ponere in sua Summa casus Summæ Raymundi, & ejus Glossæ, quibus addit eas, quæ à posterioribus Doctoribus scripta sunt. Lege hanc Summam Joannis, & in ipsa videbis frequentissimè allegari Glossam Villelmi factam super Raymundum. Lege insuper Glossam Raymundi, de qua loquimur, & videbis eise eandem cum illa, quam allegat Friburgo.

Denique ut tollatur omne dubium, lege hanc Summam Confessorum lib. 2. tit. 3. q. 3. Ibi querit, an duellum sit licitum: Refert opinionem negativam, postea subdit: *Glossa tamen Villelmi hic*

*contra prædictos solemnes Doctores sentit cum secunda opinione*, & dicit, quòd illa videtur rationalis, & maxime ubi innocens accusatur de crimine ad mortem; durum enim videtur dicere, quòd talis teneatur potius sustinere se suspendi, quàm se defendere in duello. Sed fortè distinguendum est &c. Sed cum liceat res suas armis defendere, easque defendendo raptorem occidere, si aliter defendere non potest, quare non potest eas defendere in duello, non quòd ipse offert, sed quòd ei à iudice offertur, vel potius inferitur? Propter hoc credo, quòd hæc opinio potius tenenda est, cum ratione non careat, & sit benignior; ne videamur damnare omnes illos, qui se defendunt in duello, vel res suas. De Sacerdote autem non credo &c. Hæc omnia Villelmus. Contra Villelmum sufficiat, quòd duellum prohibitum est. Hæc tamen Friburgo. Lege Glossam Raymundi lib. 2. tit. de duello litt. F. V. non peccare, & litt. G. V. si sit etiam Sacerdos, & verbatim leges textum allegatum à Friburgo sub nomine Glossæ factæ à Villelmo. Observa etiam, quòd Friburgo teneat opinionem oppositam illi, quam sequitur Glossa Raymundi, nec dicit se corrigere. Ergo Ioannes de Friburgo, & Gloisator Raymundi sunt duo Doctores.

Igitur concludo, quòd Ioannes de Friburgo ordinavit Glossas Raymundi, & hoc solum, apponendo litteras Alphabeta; unde primæ Glossæ alicujus tituli apposuit litt. A. secundæ Glossæ litt. B. & sic deinceps. Posthac ergo, si excutitur Summa Beati Raymundi cum Glossis, hunc titulum debet habere: *Summa Sancti Raymundi cum Glossis factis à Villelmo Rodonensi, & ordine alphabetico dispositis à Joanne de Friburgo*. Probabiliter legant has Glossas, quia sunt benignæ, quantum desiderare possunt. Hæc volui notare, quia dum in hoc Opere allego pro eadem opinione Friburgo, & Rodon, opinio est securior, si pro se habet duos Doctores, quàm si unum solum.

# INDEX CAPITUM.

## CAPUT I.

*Probabilitas à Probabilioristarum con-*  
*vitiis defenditur.* 1

## CAPUT II.

*Quid sit Opinio.* 7

## CAPUT III.

*Quid sit Opinio Probabilis.* 11

## CAPUT IV.

*An ad assensum Probabilem requiratur*  
*Voluntas.* 38

## CAPUT V.

*An Voluntas possit physice flectere Intel-*  
*lectum ad partem aequæ, vel minus*  
*Probabilem.* 47

## CAPUT VI.

*De Dubio, & Suspensione.* 62

## CAPUT VII.

*Quinam sint Doctores Antiqui.* 78

## CAPUT VIII.

*De Propositionibus damnatis à Summis*  
*Pontificibus, & solvitur questio de*  
*Infalibilitate Pontificis, & ejus*  
*Superioritate in Concilio.* 80

## CAPUT IX.

*De Propositionibus damnatis à Clero Gal-*  
*licano, & ab aliquibus Universitati-*  
*bus.* 104

## CAPUT X.

*Errores plurimi Glossæ Canonice.* 108

## CAPUT XI.

*Errores Antiquorum laudatorum à Ven-*  
*drochio.* 120

## CAPUT XII.

*Errores aliorum Antiquorum recitantur.*

131

## CAPUT XIII.

*Plurimæ opiniones benignæ Divi Thomæ*  
*referuntur.* 145

## CAPUT XIV.

*Aliæ Opiniones Benignæ ex Divo Thomæ.*

155

## CAPUT XV.

*Circumstantia notabiliter aggravans per*  
*Divum Thomam non est de necessitate*  
*confitenda.* 167

## CAPUT XVI.

*Opiniones benignæ Doctoris Subtilis, Di-*  
*vi Antonini, & Divi Raymundi de*  
*Penafort.* 177

## CAPUT XVII.

*An sit magis descendendum Antiquis, vel*  
*Modernis in difficultatibus Moralibus.*  
189

## CAPUT XVIII.

*Textus Antiquorum pro opinione proba-*  
*biliori. Et an in hac materia prae-*  
*ferendi sint Antiqui, vel Moderni.* 205

## CAPUT XIX.

*Removetur ab Opinatione Adversariorum*  
*Alensis, Divus Bonaventura, &*  
*Durandus; Ubi an opinio de sequenda*  
*probabiliori sit Traditio, vel Opi-*  
*nio communis.* 220

## CAPUT XX.

*Statuitur tanquam certum, Probabili-*  
*catem posse esse regulam morum.* 227

## CAPUT XXI.

*Probabilitas, etiam formaliter sumpta,*  
*est optima regula morum.* 234

## CAPUT XXII.

*Antiquorum textus pro Probabilitate*  
*referuntur.* 246

## CAPUT XXIII.

*Vendrochii argumenta contra Probabili-*  
*tatem ex Divo Thomæ desumpta di-*  
*luntur.* 261

CA-

## CAPUT XXIV.

*Solvuntur Objectiones Vendrochii ex  
Scripturis, & Patribus desumptæ.*

282

## CAPUT XXV.

*Expenduntur decreta Episcoporum Gallo-  
rum, quæ referunt Vendrochius, quibus  
videtur Probabilitatis doctrina con-  
demnari.*

292

## CAPUT XXVI.

*Plura objecta Vendrochii à ratione desum-  
pta evertuntur.*

301

## CAPUT XXVII.

*An ex pluribus opinionibus aequalibus  
possimus, licetè quamlibet sequi.*

324

## CAPUT XXVIII.

*Alii Antiqui pro aequali opinione refe-  
runtur.*

337

## CAPUT XXIX.

*Opinio benignior, cæteris paribus, est  
sequenda.*

354

## CAPUT XXX.

*Equalis Probabilitas stabilitur rationi-  
bus.*

365

## CAPUT XXXI.

*Solvuntur objecta contra æqualem Pro-  
babilitatem.*

373

## CAPUT XXXII.

*Alia objecta contra æqualem Probabili-  
tatem solvuntur.*

396

## CAPUT XXXIII.

*Statuitur, nos posse sequi in Praxi in  
quæstione Juri Opinionem minùs pro-  
babilem, & minùs tutam juxta An-  
tiquos.*

414

## CAPUT XXXIV.

*Textus Divi Thomæ faventes Opini-  
onem minùs Probabilem.*

445

## CAPUT XXXV.

*Referuntur pro Opinione minùs Probabi-  
li, & minùs tuta Doctores, qui jux-*

*ta Vendrochium in veteri in Choro re-  
poni debent.*

450

## CAPUT XXXVI.

*An Confessorius in Confessione uti possit  
opinionem minùs Probabilem, & minùs  
tutam.*

461

## CAPUT XXXVII.

*An Subditus possit obedire Superiori se-  
quendo Opinionem minùs Probabi-  
lem, & minùs tutam.*

481

## CAPUT XXXVIII.

*Probatur argumentis Theologicis, Nos  
posse sequi Opinionem minùs tutam,  
relictâ Probabiliore, & tutiori.*

498

## CAPUT XXXIX.

*Ex eo, quòd Opinio de Opinione minùs  
Probabili, & minùs tuta, sit No-  
va, probatur esse sequendam.*

511

## CAPUT XL.

*Probatur, Opinionem Novam contra  
Communem Antiquorum non esse ex  
hoc improbandam. Examinantur Opini-  
ones Antiquæ de Conceptione Beatæ  
Virginis, de Absolutione à Reserva-  
tis, de Sigillo Confessionis, & obiter  
de Iteratione Confessionis ex oblivione  
Penitentis, & recitatione Matutini  
ante Missam.*

518

## CAPUT XLI.

*Refellitur Opinio Antiquorum circa Ba-  
ptismum Puerorum in Utero.*

529

## CAPUT XLII.

*Probatur nostra Conclusio ex eo, quòd  
Adversarii dicunt, ex eadem sequi  
ingentia absurda.*

554

## CAPUT XLIII.

*Ducellum in plurimis casibus fuisse lici-  
tum Antiquitus: Nunc verò posse  
saltem admitti pro salvanda vita.*

564

#### CAPUT XLIV.

*Probatur nostra Conclusio ex eo Capite, quia ex Probabilitate sequuntur quaedam Opiniones, quae videntur absurda Adversariis. Expenditur, an sit mortale, voluntarie distrabi in Officio Canonico, damnatum ad mortem respuere cibum oblatum, & jurare sine animo jurandi.* 574

#### CAPUT XLV.

*An res possint defendi cum occisione Invasoris.* 588

#### CAPUT XLVI.

*An turpe lucrum in conscientia retineri possit; unde ex hoc inferatur Probabilitas.* 603

#### CAPUT LXVII.

*Textibus Antiquorum demonstratur, Equivocationem esse licitam.* 619

#### CAPUT XLVIII.

*Textus Sacrae Scripturae, Sacrorum Canonum, & Sanctorum Patrum allati contra Probabilitatem solvuntur.* 644

#### CAPUT XLIX.

*Reliqui textus contra Probabilitatem militantes dissolvuntur.* 266

#### CAPUT ULTIMUM.

*Plures propositiones benignae Probabilitatum quoad Sacramentum Confessionis defenduntur.* 672



# Errata

# Corrige

Caput num. lin.

	margin.			
12	2	38	sciendum	sentiendum
	53	4	89	889
14	19	14	vinum	virum
15	3	4	fit	non fit
16	23	26	fit	non fit
17	19	28	experiri	exprimi
18	6	8	in quo sub excommunicatione latæ sententiæ obligantur	in quo efficaciter suadentur
19	12	3	non possumus	possumus
22	5	27	vir ducat	vir non ducat
26	52	38	versamur	vescamur
28	7	9	habebat	non habebat
	9	11	non tamen	tamen
	14	11	præcipit	incipit
	21	3	non omittere :	non omittere : & subdit ;
29	9	27	integretur	interpretemur
32	19	8	volvens	vovens
33	5	22	non posse	posse
	17	8	verititius	verius
	88	51	delinandum	declinandum
35	32	17	ut veterum	ut veterum 9. dist.
36	14	4	juxta tem opinionum	tem opinionum juxta
	3	10	erigens	exigens
	41	1	Goditurascalus	Godscalus
	44	6	sune	sunt
	59	4	& minus tutam fateantur	& minus tutam esse antiquam, dum Doctores illi antiqui fateantur
	73	25	contrariam	juxta contrariam
37	49	8	conservandam	consecrandam
39	33	14	Ecclesæ	Ecclesiæ
41	86	10	valirissimis	validissimis
	92	26	aquorum	aquosum
42	8	14	pœnitentii	pœnitenti
	39	20	confesus	consensus
44	13	19	acensus	ascensus
In Tit. Cap. 47.			Probabilitatem	Equivocationem
In Indice rerum V. Res. lin. 2.		45		C. 45.

Ceteros plurimos errores quisque facile cognoscat.



# TRACTATUS PROBABILITATIS

Ex Principiis Antiquorum  
Compositus.

## CAPUT PRIMUM.

*Probabilitas à Probabilioristarum Convitiis defenditur.*



Mnes Doctores, qui Probabilioristæ, vel Sicuristæ nominantur, in hoc concordant, Probabilitatem non esse bonam regulam morum; hinc damnant ipsius Sæctatores, tanquam per viam damnationis incedentes: Nec simpliciter illam proferibunt, sed disertiis, scommatibus, injuriis, opprobriis major pars horum Doctorum eandem infectatur. Illam vocant *Fontem*, & *originem* morum depravatorum, laxativam conscientiarum, *artem peccandi licitam*, *artem claudicandi in utramque partem*, *quæ propemodum finit*, unumquemque, ad arbitrium vivere, & sic imaginari omni votum colere, nulla habita ratione Legis, aut consideratione ultimi finis; *Artem cavillandi*, vel potius

*facilem peccandi licentiam*, *simplicitatem prorsus inimicam*, & *toti humano generi perniciosam*; *Abyssum*, *Morbum*, & *Malum Probabilitatis* &c. potestne acerbius aliqua doctrina notari?

2. Si res non esset antiquissima, quod varietas opinionum vigeat, esset tolerandum utcumque, talia probra torqueri in Probabilitatem tanquam in principium, unde sæpe discordia in opinando emergit; at semper ab initio disputationum mos obtinuit, ut in rebus obscuris Doctores inter se dissentiant. Sive ergo Probabilitas sit, sive non sit recta regula morum, perpetuò in talibus dissensio fuit apud Magistros; adhuc tamen propter hanc discrepantiam illi se mutuo maledictis non carcebant, sed magna benevolentia, & honore a! invicem digladiabantur. Notæ sunt quæstiones,

A

etiam

etiam in moralibus, inter Divos Augustinum, & Hieronymum; verumtamen nec probra inter ipsos, nec execrationes de alterius opinionibus legimus.

Semel visum fuerat Hieronymo, Augustinum non tota modestia processisse in quaestione de mendacio officioso instituta contra ipsum Hieronymum, dum scriberet eadem, ut *palinodiam caneret*; quia autem primo aspectui novum, nec verisimile apparebat, quod Augustinus ita se gereret erga Hieronymum, ipse Hieronymus, quamvis Stylus, & Epicheremata Epistolæ Augustinum proderent, maluit iudicare, illam Epistolam non esse Augustini, sed alterius.

Sed audiamus Eloquentiam Hieronymi, & erubescant, & sileant Probabilioristæ contumeliosi: *Itaque si tua est Epistola, aperte scribe, vel mste exemplaria versora, ut absque ullo rancore stomachi in Scripturarum disputatione versetur, & vel nostrum emendemus errorem, vel alium frustra reprehendisse doceamus. Absit autem à me, ut quicquam de Libris Beatitudinis tua attingere audeam; Sufficit enim mihi probare mea, & aliena non carpere. Caterum optime novis Prudentia tua, unumquemque in suo sensu abundare, & puerilis esse jactantia, quod olim adolescentuli facere consueverant, accusando illustres viros suo nomini famam querere; Nec tam stultus sum, ut diversitate explanationum tuarum me ladi putem, quia nec tu laderis, si nos Contraria senserimus; Sed illa est vera inter amicos reprehensio, si nostra opera non valentes aliorum juxta Persium Manticham consideremus. Superest, ut diligas diligentem, & in Scripturarum Campo tu eis senem non provocas. Nos nostra habuimus tempora, & cucurrimus, quantum potuimus; nunc te corrente, & longa spacia transmeante nobis debetur otium; Simulque (cum venia, & bonore tuo dixerim) ne solus mihi de poetis aliquid proposuisse videaris, memento Daretis, & Estelli, & Vulgaris Proverbi: quod Bos lassus fortius figat pedem. Hactenus Hieronymus litter. 13. inter Augusti.*

3. Hunc morem Sanctorum sequuti sunt postea antiqui Scholastici, Magister Sententiarum, Altisiodorensis, A lensis, Albertus, Divus Bonaventura, Richardus, Durandus &c. & celeberrimarum Scholarum Coriphæi Divus Thomas Doctor Angelicus, & Subtilissimus Scotus. Ipsi quoque prisci Summistæ non aliter se gesserunt, D. Raymundus, Villelmus Rodonensis, Joannes de Friburgo, Rainerius, Astecianus, Pisonella &c.

Magister Sententiarum in 4. dist. 17. sequitur veritatem catholicam, quod Confessio auricularis sit sub precepto; & quamvis referat opinionem oppositam, quæ jam hæresis evalit manifestata, adhuc tamen, quia tunc Ecclesia nihil deciderat, illam non damnat. Sic etiam D. Raymundus lib. 3. tit. de senten. defin. precep. & excomm §. 31. refert opinionem cujusdam Melendi asserentis, habentem unam excommunicationem non posse amplius excommunicari, & licet nunc hæc opinio sit error apertus, quia tamen tunc res obscura erat, Sanctus Doctor nec Adversarium damnat, nec dictæ doctrinam insequitur.

4. Ego plurimum legi hosce antiquos Authores, nec reperi scommata in opiniones oppositas, nec in ipsarum Doctores. Qui hoc non credit, adeat, & oculis suis legat opera illorum Procerum; nec enim, ut illos convincam, vacat longum catalogum texere, & alia exempla proferre, siquidem nimium cresceret hic Tractatus; illa duo exempla retulisse, sufficiat.

Addo insuper, quod Doctores antiqui adeo se modeste gesserunt, ut Scholastici raro nominent Magistros, quorum opiniones confutant; Summistæ verò, si nominant Doctores, solent hunc tenorem custodire: primò referunt opinionem unam cum aliquo Authore; secundò referunt alteram cum tuis rationibus, & Doctoribus; & sic transeunt; unde censentur approbare implicitè secundam. Quod si unam expressè approbant, oppositam non censurant, & sæpè etiam non respondent argumon-



argumentis oppositis : aliquando etiam si confutant aliquem, hoc faciunt posito prius aureo monito Beati Augustini Epist. III. relato in c. neque quorumlibet. 9. dist. Scilicet, *salva semper ipsi reverentia debita.*

1. Sed quid plura? ipse Summus Pontifex, & omnium Pastor ceteris non onerat Doctores, si sequuti sunt opinionem in se falsam, sed ante determinationem Ecclesie. Legatur Bulla præfixa à Gregorio Tertio decimo Decreto Gratiani, & ab ipso Gregorio correcto. In hac Summus Pontifex ait, esse excusandos antiquos Glossatores, si aliquando aberraverint, & reddens rationem hujus excusationis dicit: *Quia nondum pleraque erant decisa ab Ecclesia.* Legatur etiam c. *damnatus* de Summ. Trinit. in hoc determinatur veritas de Unitate Dei contra Abbatem Joachim asserentem divinas Personas esse unum Deum eo modo, quo plures homines sunt unus Populus. Facta hujusmodi decisione subdit Pontifex : Si quis igitur sententiam, vel doctrinam præfati Joachim in hac parte defendere, vel approbare præsumpserit, tanquam hæreticus ab omnibus evitetur. In nullo tamen propter hoc Florentino Monasterio (cujus ipse Joachim exivit institutor) volumus derogari. .... Maxime cum ipse Joachim omnia scripta sua nobis assignari mandaverit Apostolicæ Sedis iudicio approbanda, seu etiam corrigenda. .... Reprobamus etiam, & condemnamus perverissimum dogma impii Almerici, cujus mentem sic Pater mendacii excæcavit, ut ejus doctrina non tam hæretica, quam insana sit censenda. Hucusque sacer textus.

Nota differentiam inter Joachim, & Almericum; Utriusque doctrina damnatur; uterque tamen non damnatur, se non solus Almericus, qui proinde impius vocatur. Nota etiam, quod Pontifex vult evitari ut hæreticus, qui defendit doctrinam Joachimi. Nunc inquirō, cur Joachim non damnatur, & damnatur Almericus, cum uterque errore non se junctus sit? Tum fortius, Joachim

defendendo suum errorem non evitatur ut hæreticus, bene verò est fugiendus ut talis, qui post decisionem Pontificiam eundem errorem Joachim tueretur; quare hæc differentia?

6 Videamus Antoninum 3. par. tit. 3. c. 2. §. 9. ubi ait : Qui assentit opinioni alicujus Magistri contra manifestum scripturæ testimonium, sive contra id, quod publicè testetur secundum auctoritatem Ecclesie, non potest vitio erroris excusari. Concor. Monal. Guil. & Hostien. Aliqua, quæ aliquando fuerunt in varia opinione Doctorum, antequam per Ecclesiam fieret determinatio, & pro illo tempore potuerunt excusari, qui unam, vel contrariam partem tenebant; Sed postquam determinatum est per Ecclesiam, & firmata altera earum, hæreticum esset sentire contrarium. Exemplum de paupertate Christi. Ante Papam Joannem Vigessimum tertium erant variae, & contrarie opiniones, utrum Christus cum Apostolis habuerit in communi mobilia; sed determinatum fuit per ipsum Papam Joannem Vigessimum tertium, imo per Ecclesiam, quod habuit, ut Jo. 13. & c. habebat 12. q. 1. Ita quod, qui contrarium assereret pertinaciter, hæreticus haberetur. Addit Hostien, quod cum sint diversa jura, & opiniones, scilicet non contra Deum, vel bonos mores, humanior sententia est præferenda, scilicet ceteris paribus de transact. c. fin. aliàs standum est ei, quæ meliori innititur rationi : dist. 20. §. 1. c. Capellanus de Fer. Adde etiam, quod in his, quæ concernunt forum Conscientiæ, in dubiis tutior pars est eligenda, de spons. c. juvenis; nec tamen de sæcili contraria opinio est condemnanda Sic Ant. Eandem doctrinam tradiderat par. 1. tit. 3. c. 10. §. 10. vers. revertens ad quartam, & glossaverat D. Thomam, qui videbatur esse contrarius.

Observa illam doctrinam, quod ante determinationem Ecclesie in iis rebus, etiam sacris, in quibus varia erat opinio, excusabantur, qui unam, vel contrariam tenebant opinionem, & hæc

A 2 cœtri-

doctrinam universalem probat Antoninus exemplo in materia de paupertate Christi, in qua ante determinationem Joannis Vigesimalitertii excusabantur variè opinantes, non verò post talem determinationem. Hac doctrina est conformis illi, quam Antiqui communiter tradebant de Notionibus, de qua nos infra agemus. Dicunt ergo Antiqui, quod in materia de Notionibus divinis licet variè opinari, non verò asserere, ante decisionem Ecclesie, & ante investigationem, per quam scimus, & videmus rei veritatem.

7. Confirmatur ex l. regula ff. de jur. & fact. ignor. vers. sed juris ignorantiam. Labeo assignans casum, in quo juris ignorantia non excusat, ait: *ut cui facile sit scire, & detrimento sit juris ignorantia.* Cum ergo ante expressum textum Scripturæ, & ante decisionem Ecclesie, & sic dum res est obscura, non sit facile scire veritatem rei, cum videamus, nedum Theologos, sed etiam Patres in hisce casibus variare in opinionibus; Sequitur in his casibus, si legem ignoramus, hanc ignorantiam esse excusabilem juxta leges; cur ergo Adversarii illam damnant?

Confirmatur ulterius c. fin. de Constit. dicitur: Quod Constitutio Sedis Apostolicæ nihil debet obscurum, vel ambiguum continere; & Gloss. v. *ambiguum* ait, quod lex nullam obscuritatem continere debet, ne per obscuram constitutionem in laqueum incidamus, nemini enim debemus laqueum injicere 27. q. 2 de viduis, nec debet nos inducere per legem obscuram, vel dubiam ad id, à quo nos cohibere debet. Videantur Gloss. c. un. de post. præl. in c. v. de casero, Imola, & Abbas c. fin. de Constit. n. 2. & alios Canonistas in hunc locum. Præterea in c. *erit autem* 4. dist. Isidorus observat, quod lex debeat esse manifesta, ne aliquid per obscuritatem in captionem contineat. Si de ratione legis est, quod sit manifesta, quomodo opinio damnabitur per legem obscuram?

8. Igitur ex his ego regulam efformo: *Opinio est excusabilis, & sic, nec con-*

demnabilis erit; *quandiu contra ipsam argumentum certum non reperitur.* Hinc rectè Antoninus dicebat, illos Doctores excusari, qui ante decisionem Joannis Vigesimalitertii unam, vel alteram opinionem sequebantur in materia paupertatis Christi. Et ratio regulæ est evidens, quia opinio nequit damnari, nisi de falsitate convincatur; cum ergo sola certitudo convincat, non verò Probabilitas; Sequitur evidenter, quod opinio, contra quam non militant argumenta certa, nequeat damnari: minor est evidens, & major deducitur clarè ex testibus modò allatis. Confirmatur à paritate de Reis, qui ex l. fin. C. de probat. & refertur c. sciant cuncti. 2. q. 8. non damnantur, nisi contra ipsos instruat publicæ notio, quæ munita sit testibus idoneis, vel instruetur apertissimis documentis, vel induciis ad probationem idoneis, vel indubitatis, & luce clarioribus. Ergo etiam, si opinio deducatur ad Tribunal Pontificum, ut de falsitate notetur, non erit damnabilis, nisi argumenta certa contra eam afferantur. In cap. 3. & 4. videbimus cui-cunque Probabilitati posse non licitè contraire per Doctores antiquos; atque adeò ad proscribendam opinionem, non argumenta probabiliora, sed certa sunt consocienda.

Hinc patet differentia, cur Abbas Joachim sequendo suum errorem non evitabatur ut Hæreticus, bene verò ut tales sunt evitandi, qui nunc talem errorem docerent; ratio est clara, quia Joachim suam opinionem tenuit ante decisionem Ecclesie, unde tunc res erat obscura, & sic dignus erat venia, si veritatem non videret; in tenebris enim nemo videre potest; posita autem determinatione Ecclesie, cum lux veritatis affluat, excusatione indignus est, si quis incidat in foveam falsitatis. Et hæc doctrina apertè colligitur ex c. dixit Apostolus 24. q. 3. in quo dicitur: qui sententiam suam, *quamvis falsam, atque perversam* nulla pertinaci animositate defendunt, præsertim quam non audacia lux præsumptionis peperit, sed a seductis,

à seductis, & in errorem lapsis parentibus acceperunt; quærun autem cautâ sollicitudine veritatem, corrigi parati cum inveniunt, nequaquam sunt inter hæreticos computandi. Vide Raym. lib. 1. tit. de Hæret. &c. §. 10.

9. Hoc totum confirmatur ex aliis Sacris Canonibus. In c. *unius* 26. dist. Divus Hieronymus iussit, non esse bigamum illum, qui in Infidelitate habuit unam uxorem, in Fidelitate verò aliam. In c. *actus* ead. Divus Augustinus oppositum docuit. Ecclesia decedit quæstionem in c. *deinde* ead. & confirmavit opinionem Augustini; adhuc tamen Hieronymum non damnavit. Signum manifestum, quòd, qui defendit suam sententiam ante decissionem Ecclesiæ, non sit dignus condemnatione; cum verò de similibus idem sit iudicandum. I. non possunt. ff. de leg. & c. *per venerabilem* qui filii sunt leg. Sequitur, quòd in aliis materiis ante inventionem certi argumenti liceat variè opinari, & propter hoc nec notari. Si ergo Almericus ut impius à Canone dictus fuit, non verò Ioschim, & Beatus Hieronymus, quamvis errorem & ipsi defenderint, debemus asserere, hanc differentiam derivare, quia ille contra principium certum tenuerit opinionem, non verò isti.

Ex his omnibus patet evidentissimè, hocse Probabilioristas contra morem Antiquorum Doctorum, Sanctorum Patrum, & ipsius Ecclesiæ procedere, dum Doctrinam de Probabilitate damnant, quæ nondum à Sede Apostolica præscripta est, nec contra ipsam argumenta evidentiâ confecta sunt. Hinc nos possumus illos iustissimè redarguere, dum nos volunt à Probabilitate deterere sub prætextu, quòd sit contra Sanctos Patres; ipsi verò evidenter contra morem, nedum Sanctorum, sed etiam Ecclesiæ procedunt.

10. Sed velint, nolint, debent Probabilitatem non censurare; audiamus Innocentium Undecimum in suo illo Decreto condemnatorio multarum opinionum de quo infra. Tandem inquit Pon-

tifex, ut ab injuriis contentionibus Doctores, seu Scholastici, aut alii quicunque impositum se abstineant, & ut paci, & charitati consulatur, idem Sanctissimus in virtute sanctæ obedientiæ eis præcipit, ut tam in Libris imprimendis, ac manuscriptis, quàm in thesibus, disputationibus, ac prædicationibus, caveant ab omni censurâ, & notâ, necnon à quibuscunque Convitiis contra eas propositiones, quæ adhuc inter Catholicos hinc inde controversantur, donec à Sancta Sede recognita super iisdem propositionibus iudicium proferatur.

Ex his verbis primò liquet, dari præceptum sub mortali, ut constat ex illis verbis: *præcipit in virtute sanctæ obedientiæ*. Secundò, hoc præceptum ligare Doctores, & quoscunque alios. Tertiò, hoc præceptum esse observandum in Libris imprimendis, in scriptis, in thesibus, disputationibus, ac prædicationibus; Quæ verba involvunt adeo plures casus, ut vix persona comprehensa possit illud in alieno casu subterfugere. Quartò, hoc præceptum obligare, ne censuras, notas, & convitiis proferamus. Quintò, hoc præceptum valere tantum pro illis propositionibus, quæ adhuc hinc inde inter Catholicos controversantur. Hæ tamen propositiones non gaudebunt hoc Pontificio privilegio, postquam Sedes Apostolica de ipsis iudicium suum protulerit; data enim sententia Apostolica, tunc ita & nos iudicare debemus c. *hec est fides*. c. *rogamus* 24. q. 1.

11. Nunc licet instruere argumentum evidens contra Adversarios. Propositio, quæ adhuc controversatur inter Catholicos Doctores, nec est damnata à Sede Apostolica, debet esse libera à censuris, notis, & convitiis; sed opinio de Probabilitate, etiam minori, sectanda est propositio, quæ adhuc inter Catholicos Doctores controversatur, nec est damnata à Sede Apostolica. Ergo opinio de sectanda, etiam minori, Probabilitate debet esse libera à censuris, notis, & convitiis. Hoc argumentum est omnino evidens, major enim est decisio Innocentii; minor vero est clara legenti

Bullas Alexandri Septimi, Innocentii Undecimi, & Duodecimi, & Alexandri Octavi, in quibus damnant multas propositiones; nam hanc de Probabilitate non invenies. Damnatur quidem in quibusdam materiis; verbi gratia, quando agitur de valore Sacramenti; nunquam tamen universaliter proscribitur. Damnatur etiam generaliter, sed quando *Probabilitas est tenuis*, ut patet ex Decreto Innocentii XI. num. 3. At nos loquimur de Probabilitate, quæ licet comparata cum majori sit minor, adhuc tamen in se sit magna. Sic dicimus, licet *Authoritas Scoti* respectu Divo Thomæ sit minor iuxta Thomistas, tamen debet etiam à Thomista judicari magna, & gravis, & si judicaret Thomista *authoritatem Scoti* esse levem, iudicè vapularet à Scotistis.

12. Dices: *Propositio de minori Probabilitate* sectanda est damnata à pluribus Episcopis Gallis, ut videri potest apud Vendrochium in sua Appendice ad dissertationem de Probabilitate §. 11. & novissimè à Clero Gallicano Anno 1700. in Comitibus Generalibus coacto in Palatio San-Germans Parisiis in tit. *de electione Opinionum*, decretum est, *doctrinam hanc initium malorum esse, atque omnium delictorum corruptelarum caput*. Ergo saltem Doctores Galli poterunt notare, censurare, & convitiari hanc doctrinam de Probabilitate minori.

Sed contra; nego siquidem consequentiam, de antecedenti sermo erit infra, quando agam de propositionibus damnatis à Conciliis Provincialibus. Ratio est manifesta, quia quando Superiores in præceptis sunt contrarii, debemus obedire Majori; nam, ut ait Glossa super illud ad Rom. 13. qui potestati resistunt, ipsi sibi damnationem acquirunt: Si quid iusserit curator, nunquid est tibi faciendum, si contra Proconsulem jubeat? Rursum, si quid Proconsul jubeat, & aliud Imperator, nunquid subitatur illo contempto, illi esse serviendum? Ergo si aliud Imperator, aliud Deus jubeat, contempto illo obtemperandum est Deo. Ita Glossa,

quem refert, & sequitur D. Th. 2. 2. qu. 104. art. 5. & DD. communiter agentes de Obedientia; & est per se notum; Si enim est major in jurisdictione, ergo minor debet cedere. Cum ergo Pontifex expressè præcipiat, ne aliquis condemnet propositiones, quæ adhuc inter Catholicos controvertuntur, & talis sit propositio de Probabilitate, sequitur evidenter, quòd Doctores Galli non debeant illam damnare, quamvis notata sit à Clero Gallicano, nam debent potius obedire Pontifici, tanquam Majori.

Notabis obiter consonantiam Decreti Innocentiani cum Doctrina Antiquorum, præcipuè Divi Antonini. Dicebant hi, nos posse variè opinari ante decisionem Ecclesie; & Innocentius jubet, ne censuremus propositiones ante iudicium Pontificium. Antiqui subdebant, nos non posse variè opinari postquam invenimus textum, & rationem, quibus veritatem sciamus, & videamus. Quod est dicere, nos posse variè opinari, usque dum certi non sumus in illa materia. Pontifex jubet, ne notemus illas propositiones, quæ adhuc inter Catholicos hinc inde controvertuntur. Hanc conditionem Pontifex superflue utique non apposuit, quia lex nihil superfluum continere debet, ut habetur in proem. Sexti. Significant ergo illa verba implicite, quòd illæ propositiones aliàs habeant rationes graves, & dignas, ut adhuc propter illas Catholici Doctores inter se controvertant, & variè opinentur. Si enim levis rationibus moverentur ad hæc controversias, jam illa pars contradictionis, quæ rationes leves haberet, esset temeraria; & sic evidenter agna temeritatis Nota, & Censuræ; Ergo Pontifex ubique fundamento prohiberet, ne taliter notaretur. Patet ergo per Pontificem nos posse variè opinari, usque dum certi non sumus in illa materia.

13. Morem ab Antiquis laudatum, & in praxi de iustum, & à Summo Pontifice expressè præceptum adamusim ego sequar; neminem convitiis onerabo, aut impetum,

impetam, quin omnes, ut par est, & dignum Viro, maximè Claustris addito, colam, & prosequar; opinioniones verò *alienas*, si adhuc inter Catholicos controvertantur, cum reverentia dimittam: opinioniones jam à Sede Apostolica præscriptas in eodem sensu certissimè damnabo, excusando interim ipsorum Doctores, sive Antiqui fuerint, sive Moderni, ne sim personarum acceptator contra Apostolum. Illos porrò excusabo sectando exemplum Gregorii Decimertii supra relatum, & Doctorum Antiquorum, qui si opinioniones ab errore protegere non poterant, defendebant, & excusabant Authores.

Hæc dicta sint ad componendam multorum Probabilioristarum audaciam. Dixi *multorum*; siquidem non omnes Probabilioristæ exarsérunt su furorem, sed stylo gravi, cordato, & Theologis digno in Probabilitatem scripserunt, quos inter eminent Cardinalis Lauræa, Thyrsus Gonzalez, & Fogarinus, quos propterea libenter legere fas est; è contra verò illos sine molestia, & stomacho evolvere non possumus, quin imò absolutè aliquando legere nequimus nimis nauseari à dictariis, clamoribus, & maledictis.

## CAPIT SECUNDUM.

### *Quid sit Opinio.*

**C**ertum est apud omnes, nomine opinionionis non venire primam intellectus operationem, quæ à Logicis simplex apprehensio vocatur. Est etiam certum, quòd semper affirmationem, aut negationem unius de alio involvit; nam per Aristotelem 6. *Æth.* c. 3. opinione falsum dicere possumus, uti & suspicione. Difficultas stat in assignanda eius definitione, & hoc procedit, quia variè à Doctoribus usurpatur. Quia verò finis meus est ex Antiquis Doctoribus hunc de Probabilitate tractatum componere, ideo quas definitiones de Opi-

nione hi tradiderint, breviter referam; sed ante Doctores Antiquos asseram Patres, quos definitionem huiusmodi tradidisse, legere potui.

2. Divus Augustinus tom. 6. de utilit. credendi c. 11. ita scribit: *Tria sunt alia hominum genera, profecto improbanda, ac detestanda; unum est opinantium, idest eorum, qui se arbitrantur scire, quod nesciunt. .... Tria sunt item velut finissima sibi in animis hominum distinctione dignissima, Intelligere, Credere, Opinari, quæ si per seipsa considerentur, primum per seipsum sine vitio est; secundum aliquando cum vitio; tertium nunquam sine vitio.* Reddens deinde Sanctus Doctor rationem, cur opinari semper sit cum vitio, ait: Opinari duas ob res turpissimum est; quod ediscere non potest, qui sibi jam, se scire, perinasit, si modo illud disci potest; & per seipsam temeritas non bene affecti animi signum est. .... Quod intelligimus igitur, debemus rationi; quod credimus, Authoritati; quod opinamur, errori.

In Lib. de mendacio ad Cosent. c. 3. tom. 4. dicit: Inter credere autem, & opinari hoc distat, quòd aliquando ille, qui credit, sentit, se ignorare, quod credit, quamvis de re, quam se ignorare novit, omnino non dubitet, si eam firmissimè credit; qui opinatur autem, putat se scire, quod nescit. Ex hisce textibus patet, quod per Divum Augustinum opinio est existimatio certa de re, quæ potest aliter se habere. Et quidem, quod multi adhæreant firmiter opinionibus, sicut faciunt alii erga scientiam, patet ex Aristotel. 7. *Æth.* c. 3. num. 5. Hoc vitio laborare plures Probabilioristas, non dubito; namque aliquando ut certas tenent conclusiones, quæ possunt aliter se habere, ac proinde solum sunt in linea opinionis; & hinc Probabilistæ absque scrupulo oppositas tuentur, & sic ego pluriès faciam in hoc Tractatu.

3. Divus Maximus in Epist. ad Marinum, & est eius primum Opinulum, & reperitur in Bibliotheca Patrum tom. 7. pag. 607. agens de opinione sic dicit: Opinio est duplex, rationalis, &

sine ratione. Opinionem sine ratione, ajunt, esse cognitionem simplicem, & in promptu; ut cum quis profert opinionem alienam ignorans causam ejus; ut qui dicit, animam esse immortalem, & non reddit causam, quæ immortalitatem ejus demonstrat; Rationalem verò opinionem dicunt esse cognitionem secundum determinationem mentis constitutam; ut cum quis ratiocinatus de aliqua re causam ejus scienter reddit. . . . Proprium est mentis, conficere viam aliquam ferentem ad cognitionem rei, procedit enim à propositionibus per ratiocinationes ad conclusiones. Sic Divus Maximus, & est, non ille Episcopus Taurinensis, sed Monachus, de quo fit mentio in Martyrologio Romano die 13. Augusti.

Secundum ergo Divum Maximum *opinio sine ratione* est cognitio simplex de alterius opinione sine ratione, per quam probatur illa opinio. *Opinio autem Rationalis est conclusio habita medio ratiocinationis a quibusdam propositionibus.* Hinc si illæ propositiones erunt certæ, tunc illa opinio erit rigorosè scientia; si probabiles, tunc illa opinio verè, & in rigore Philosophico erit opinio probabilis, ut nunc Philosophi accipiunt opinionem probabilem.

4. Divus Hieronymus de definitione Opinionis nihil habet expressè; ex iis tamen, quæ scribit super cap. 16. & 23. in Matth. videtur colligi, quòd opinio sit cognitio de obiecto, quod potest aliter se habere; unde ibi diversas conclusiones, quas diversi habebant de eadem re, vocat opiniones.

Curavi ex Divo Joanne Damasceno, & Divo Ilidoro Hispalensi invenire aliquid ad propositum; & quamvis tractaverint de Dialectica, nihil reperi. Sic etiam in Gregorio Magno, Joanne Grifosthomo, & Ambrosio nihil inveni. Nec mirum, quia est res philosophica, & Patres supernaturalia, & divina explicare satagebant; & propter hanc rationem mirum non erit, si definitionem Opinionis clarè habitam ex Divo Augustino non amplectemur, nam juxta Di-

vum Thomam in 2. dist. 13. art. 3. ad 1. Divus Augustinus in Philosophicis non habet magnam auctoritatem. Nec obstat c. sancta 15. dist. in quo approbatur doctrina Divi Augustini; intelligitur enim de iis, quæ scriptis de fide, & moribus. Hinc Beatus Th. quodl. 3. art. 10. dicit ex Apost. ad Rom. 14. extra has materias quælibet posse abundare in proprio sensu.

5. Divus Bernardus lib. 3. de consideratione c. 3. docet, tribus viis Deum, & Angelos esse investigandos, scilicet *Opinione, Fide, & Intellectu.* Observa hic statim, quantum discrepet in acceptione Opinionis Divus Bernardus à Divo Augustino; siquidem per Augustinum *nunquam opinio est sine vitio, & semper est improbanda, ac detestanda*; è contra per Divum Bernardum *Opinio est via ad cognoscendos Angelos, & Deum; & sic est amanda, & sectanda.*

Prosequitur Bernardus, & ait: Intellectus ratione innititur, Fides auctoritate, *Opinio sola verisimilitudine se tuetur.* Habent illa duo certam veritatem, sed Fides clausam, & involutam, Intelligentia nudam, & manifestam. Ceterum opinio certi nihil habet, verum per similia quarit potius, quam apprehendit. . . . *Sciendum, quia opinio, si habet assertionem, temeraria est.* Fides, si habet habitationem, infirma est. . . . multi sunt opinionem intellectum putaverunt, & erraverunt. . . . possumus singula hæc ita definire: Fides est voluntaria quædam, & certa prædicationum prolatæ veritatis. Intellectus est certissimæque invariabilis certæ, & manifestæ notitiæ. *Opinio est quasi bene se pro vero aliquid, quod falsum esse nescias.* Hæc Bernardus: igitur per Sanctum Doctorem opinio est existimatio, quod res quasi ita sit, quamvis possit aliter se habere; Si enim res non posset aliter se habere, tunc res non haberetur ut quasi vera, ut requiritur ad Opinionem ex Divo Bernardo, sed haberetur, ut vera est; & sic illa cognitio esset certa, ac proinde non esset Opinio. Dicitur autem, *quod falsum esse nescias*, nam si scires, oppositum esset verum, tunc de alio non posses habere

habere opinionem, quia oppositum certitudini non potest haberi quasi pro Vero, ut requiritur ad Opinionem.

Nescio, an Pater Gonzalez adverteatur Divo Bernardo, nam disert. 1. §. 1. num. 4. ait, quod dum probabiliter assentimur uni potius, quam alteri, iudicamus iudicio absoluto, unam ex illis esse veram, & alteram falsam. Hinc opinio est absolutum iudicium de veritate rei, cum formidine tamen, juxta Gonzalez; at Divus Bernardus ait, quod opinio sit quasi habere pro vero obiectum.

Illa particula, Quasi, notat diminutionem apud Barbolam ex II. & licet notet etiam veritatem, in textu tamen Divi Bernardi veritatem notare nequit, quia Opinio versimilitudine se tuerit. Ergo Opinio non est iudicium de veritate rei, sed est quasi iudicium de veritate rei.

6. Hic notabis illa verba: Opinio, si habet asseritionem, temeraria est. Ego legens Antiquos, ut infra patebit, cognovi, quod nomine Assertionis intelligebant cognitionem certam. Vult ergo dicere Divus Bernardus, quod, qui in re opinabili adhæret certitudinaliter ipsi, sit temerarius; & iure taliter est censendus, dum non iudicat rem ex vi ipsius, sed ex sua temeritate. Opinio juxta hanc acceptionem est illa, quam describit Divus Augustinus.

7. Nunc transitum faciamus ad Scholasticos, & Summistas. Alexander Alen. par. 1. q. 68. memb. 1. art. 2. ait, quod opinio est, cum propter aliquas rationes animus versatur magis ad unam, quam ad aliam partem. & par. 2. q. 69. memb. 4. art. 2. dicit: quod opinio est acceptio alicuius cum formidine alterius.

Albertus Magnus tom. 19. qui est Summa de Creaturis, in tract. de Homine q. 31. art. 1. fin. dicit, opinio est acceptio unius partis cum formidine alterius, ita tamen quod ad illam, quam formidat, non habet rationem expressam, formidatur tamen propter debilitatem rationis alterius partis.

8. Divus Thomas in pluribus locis loquitur de Opinione, & pluries illam definit. In 3. dist. 23. q. 2. art. 2. quæst. 1.

Scribit, quando ratio, quæ movet ad alteram partem, neque sufficit ad intellectum terminandum, quia non resolvit conclusiones in principia per se nota, neque sufficit ad voluntatem terminandam, ut bonum videatur illi parti adhaerere, tunc homo opinatur illud, cui adhæret, & non terminatur intellectus ad unum, quia semper remanet motus ad contrarium, accipit enim unam partem cum formidine alterius, & ideo opinans non assentit. Patet ergo per Divum Thomam hic, quod opinio est acceptio unius partis cum formidine alterius; quando Sanctus Doctor dicit, quod opinans non assentit, non excludit omnem assensum, quia opinio per ipsum est acceptio unius partis, atque adeo importat secundam intellectus operationem, & sic assensum; excludit ergo assensum perfectum, qui importat assensum, & adhesionem totalem unius partis, quod non habetur in opinione, in qua intellectus quidem adhæret uni parti, sed tamen, ut dicit Angelicus Doctor, remanet semper motus ad contrarium, quia scilicet formidat partem oppositam. Hoc tandem expresse paulo post textum allatum fasius est Sanctus Doctor dicens: Opinans habet cognitionem sine assensu perfecto; sed habet aliquid assensus, in quantum adhæret uni magis, quam alii.

In 1. par. q. 79. art. 9. ad 4. dicit, quod Opinio significat actum intellectus, qui fertur in unam partem contradictionis cum formidine alterius.

In 2. 2. q. 1. art. 4. ait: assentit intellectus alicui dupliciter, uno modo, quia ad hoc movetur ab ipso obiecto, quod est per seipsum cognitum, sicut patet in primis principiis, quorum est intellectus; vel est per aliud cognitum, sicut patet de conclusionibus, quarum est scientia. Alio modo intellectus assentit alicui, non quia sufficienter moveatur ab obiecto proprio, sed per quandam electionem voluntarie declinans in unam partem magis, quam in aliam; & si quidem hæc sic cum dubitatione, & formidine alterius partis, erit opinio; Si autem sit cum

cum certitudine absque tali formidine, erit fides.

In q. 2. art. 1. scribit: quidam actus intellectus habent cognitionem informem absque firma assensione, sive in neutram partem declinent, sicut accidit dubitanti; sive in unam partem magis declinent, sed tenentur aliquo levi signo, sicut accidit suspicanti; sive uni parti adhaereant, tamen cum formidine alterius, quod accidit opinanti. In art. 9 ad 2. ait: Opinio non habet firmum assensum, est enim quoddam debile, & infirmum secundum Philosophum. l. primo post. tex. 44. tom. 1. unde non videtur procedere ex perfecta voluntate.

9. Ex hisce testibus patet clarè, Opinionem importare quidem assensum, sed infirmum. Patet etiam clarè, ad assensum opinativum requiri actum voluntatis, quia in opinione intellectus declinat in unam partem magis quam in aliam, & hoc voluntariè per quandam electionem. Ille terminus, *Quandam*, significat electionem imperfectam, unde in textu sequenti dicitur, quod Opinio non procedat ex perfecta voluntate, quae verba indicant, quod assensus Opinionis procedat à voluntate imperfecta; dicitur autem voluntas imperfecta, quia voluntas in opinione non determinat totaliter intellectum ad unam partem, ut facit in Fide. Sed de hoc puncto agam infra ex professo cap. 4.

In q. 14. de verit. art. 1. scribit: quando intellectus inclinatur magis ad unum, quam ad alterum, sed tamen illud inclinans non sufficienter movet intellectum ad hoc, quod determinet ipsum in unam partem totaliter, unde accipit unam partem, tamen semper dubitat de opposita, & hæc est dispositio opinantis, qui accipit unam partem contradictionis cum formidine alterius, & art. 9. ad 6. asseruit opinionem non posse esse de objecto scientiæ, quia opinio importat formidinem, quam scientia excludit.

10. Divus Bonaventura in 3. dist. 24. art. 2. quæst. 2. vers. *sed contra*. 3. docet, quod opinio est assensus unius partis cum formidine alterius. Huic definitioni as-

sentit Richardus in 3. dist. 24. q. 6. Durandus qu. 1. prolog. sentent. numer. 20. & 23. Capreol. in 3. dist. 25. art. 3. ad 6. ubi refert textum Divi Thomæ ex 3. Sententiarum. Hanc definitionem autem hos tradiderat Guilelmus Parisiensis de Fide c. 1. propè medium.

Rubion. in 3. dist. 24. q. 1. art. 1. definit opinionem: est notitia ex ratione topica, non ex demonstratione causata, quæ quidem non est ipsius rationis topica, nec conclusionis, sed rei significata per eam.

Quod attinet ad Summistas etiam paucos habeo antiquos de opinione differentes. Joannes Nider in Consolat. timor. conscient. par. 3. c. 1. verbatim sequitur definitionem Alberti Magni, sicut etiam Beatus Antoninus par. 1. tit. 3. c. 10. §. 9. Angelus V. opinio num. 1. explicat illam ex Divo Thomæ 2. 2. qu. 1. art. 4. Baptista de Salis. V. Confessio 1. qu. 8. dicit esse assensum ad aliquam rem cum aliquali formidine alterius partis. Alios Summistas antiquos non habeo. Placet tamen his addere unum, qui tempore quasi Antiquo vixit, & est Sylvester; hic V. opinio princip. de verbo ad verbum sequitur Angelicum Doctorem in 2. 2. q. 1. art. 4.

11. Apud Legistas nomen Opinio habet multas significationes, ut videri posset in Diction. utriusque Juris Alberici de Rosate. V. opinio. aliquando significat enim Famam, seu exultimationem; aliquando ponitur pro Consuetudine, & aliquando pro Sententia. Hæc omnia hic Doctor probat per Leges, ut munus est Juristarum. Denique ait: quod Opinio est cum dubitatione responsu Instit. de iure nat. §. responsa prudentum. Hæc definitio potest sustineri aliquo modo, & meo iudicio coincidit cum illa, quod sit acceptio unius partis cum formidine alterius.

Hæc definitio opinionis, quod sit acceptio unius partis cum formidine alterius, est desumpta ex Arist. tom. 1. poster. 1. c. ult. ubi dicebat, quod Opinio est acceptio propositionis non necessaria, & quod est confessum, quod, qui cognoscit rem sic se habere, ut possit etiam aliter



aliter se habere, ille opinetur. Hinc Doctor Angelicus explicans hunc Aristotelis textum scripsit: Nullus, quando opinatur, quod impossibile sit, aliter se habere, reputat, se opinari, sed tunc reputat, se scire; quando autem opinatur, quod sic est, & quod nihil prohibeat, aliter se habere, reputat, se opinari.

12. Hanc tamen definitionem credo esse de Opinione in communi, prout scilicet importat quancunque existimationem, in quo sensu etiam suspicio esset opinio; nam ex Divo Thoma etiam suspicans declinat magis in unam partem; si autem declinat in unam partem, ergo illam accipit; accipit, inquam, sed imperfecte, & non totaliter; atque adeo illam accipit cum formidine alterius. Ratio ulterior est, quia Divus Thomas definiens Suspicionem 2. 2. q. 2. art. 1. ait: quod sit cognitio, per quam intellectus declinat magis in unam partem, sed tenetur aliquo levi signo. Hac verba utique ponuntur ad distinguendam Suspicionem ab aliquo; porro hoc aliquod non erit, nisi Opinio stricte sumpta, & in particulari, quaque importet objectum movens non leviter, sedurger.

13. Mastrius in Logica disp. 14. q. 1. definit Opinionem, quod sit Cognitio, seu assensus determinatus alterius partis contradichonis cum formidine alterius. Explicans illum terminum, Determinatus, ait: Suspicans esto magis in unam partem propendeat, quam in aliam, quia tamen levibus movetur iudiciis, & conjecturis, ideo non assentitur illi determinate, at vero opinans, utpote innixus magis urgentibus alteri parti determinate adhaeret. Prædictam definitionem tradi ab omnibus Theologis, & Philosophis testantur Doctissimi Patres Salernitanenses de Fide disp. 2. dub. 6. §. 1. num. 128.

Sed contra, quia suspicans non accipit utramque partem, cum in unam magis propendeat; ergo unam accipit. Ergo determinatur ad illam. Tum quia communiter ratio indeterminati datur pro constitutivo dubitationi; ergo Suspi-

cio debet esse assensus determinatus. Ergo definitio data, nisi aliud addatur, verificatur de suspicione.

Replicabis, licet suspicans magis propendeat in unam partem, tamen illi adhuc assensum non præstat.

Sed contra, quia, ut dicebam in princ. cap. ex Arist. opinione, & suspicione possumus dicere falsum. Ergo suspicio importat secundam intellectus operationem, qua sola falsum, & verum proferimus; assensus autem intellectivus non est nisi secunda operatio intellectiva, ut infra probabo ex Divo Thoma 1. 2. q. 17. art. 6.

Breviter ergo dicta redigendo in compendium assero, quod Opinio dupliciter sumi potest, large, & in communi; & sic est acceptio unius partis cum formidine alterius. Deinde strictè, & in particulari pro cognitione distincta à suspicione, & in hoc sensu vocari solet à Modernis Opinio Probabilis, de qua sermo erit in cap. sequenti.

## CAPUT TERTIUM.

### Quid sit Opinio Probabilis.

1. Sicut Divus Augustinus in alio sensu accepit Opinionem, ac accipiant Philosophi, & Theologi; sic etiam aliter ipse intellexit Probabilitatem, ac Scholastici faciunt. Igitur tom 1. lib. 3. contra Academicos c. 16. ait: certe non foras omnis, qui errat, peccat; omnis tamen, qui peccat, errare conceditur, aut aliquid id pejus. Quid si ergo aliquis adolescentium, cum nos audierit dicentes: turpe est errare, & ideo nulli rei consentire debemus; sed tamen cum agit quicquid, quod ei videtur probabile, nec peccat, nec errat; Illud tantum meminerit, quicquid occurrit vel animo, vel sensibus, non pro vero esse approbandum. Id igitur audiens adolescens insidiabitur pudicitia Uxor alienæ. Te, te Consulo, Marce Tulli, de adolescentium moribus, vitæque tractamus.

statum; cui educandæ, atque instituendæ omnes illæ litteræ tuæ vigilaverunt. Quid aliud dicturus es, quàm non tibi esse probabile, ut id faciat adolescens? *At illi probabile est.* Prosequitur Sanctus Doctor ad monstrandum per hoc Probabile posse cohonestari homicidia, parricidia, sacrilegia, & omnia omnino flagitia, aut facis ora, quæ paucis verbis apud Sapientissimos Iudices defenduntur. Quomodo autem non facerem, quod probabile visum est? Qui autem non putant ista probabiliter posse persuaderi, legant Orationem Catilinæ, qua Patriæ parricidium, quo uno continentur omnia scelera, persuasit. Jam illud quis non ridet? ipsi dicunt, nihil te in agendo sequi nisi probabile, & quarunt magno opere veritatem, eum eis sit probabile, non posse inveniri. Hactenus Sanctus Doctor.

2. Igitur per verum probabile juxta principia Academicorum Divus Augustinus intelligit illud, quod est verissimile; ita tamen cognoscebant verissimile, ut nihil approbarent pro vero; unde *quicquid vel animo, vel sensibus occurrebat, pro vero non approbant.* Hinc si vilui occurrebat ignis, non approbant pro igne; Si menti occurrebat copula cum femina conjugata, non approbant, quod esset adulterium. Nihil porrò approbant pro vero, quia dicebant de nulla re dari scientiam; unde de ipsis idem Augustinus in 1. Lib. retract. c. 1. asserit, quod prohibent cuiquam rei assentiri, & omnino aliquid tanquam manifestum, certumque sit, approbare sapientem, *cum eis omnia videantur obscura, & incerta.*

Certe, si hæc concedantur, sequitur, quod omnia vitia, etiam execrabilia, etiam proditio Patriæ, in qua omnia scelera continentur, inquit Augustinus, poterunt excusari. Quomodo enim hæc damnari poterunt, si oppositum non est certum?

3. Credo, neminem Probabilistam nomine Probabilitatis hoc monstrum intellexisse; nam ipsi vel implicitè, vel explicitè ponunt inter requisita ad eandem,

quod nihil convincens in contrarium afferatur; hinc cum Antiquis fatentur, posita decisione Apostolica in aliqua Controversia, non licere variè opinari, quamvis antea hujusmodi varietas vigeret, ut cap. antecedenti dicebam. Hinc mirum valde est, quod Pater Tyrinus Gonzalez dissertat. 12. §. 5. attulerit dictum primum textum Augustini contra Probabilistas nostros, dum omnino sit extra rem. Augustinus probat non valere Probabilitatem ad mores componendos in quaestione de patrandis *Adulterio, Homicidio, Proditione Patriæ, Perjurio &c.* qua specie veri poteris arguere ex hoc, Probabilitatem non prodesse in illis materiis, *an liceat, defendere res cum occasione invasoris, habere rem cum Uxore variando situm, proferre equivocum pro salute mea, non consilium circumstantias aggravantes &c.* Hoc argumentum mihi videtur esse idem cum hoc: est damnabile cespitare, & non videre in meridie; ergo est damnabile cespitare, & non videre in nocte. Igitur, sicut Probabiliorista asserunt, quod, si quis probabilius judicaret, Perjurium esse licitum, non per hoc hic excusaretur à perjurio sequendo hoc iudicium probabilius, quia in re clara tenetur quis scire veritatem; ita Probabilista affirmant, in materia certa Probabilitatem non prodesse, quia tenemur scire veritatem. Hinc memoriæ est mandandum, si afferantur textus Divi Augustini desumpti ex his libris contra Probabilitatem, nullius esse roboris, quia aliad intelligit Augustinus nomine Probabilitatis, aliud nos, ut etiam notavit Sicuristarum Antesignanus Vendrochius append. 2. sect. 3. art. 3.

4. Divus Bonaventura in 3. dist. 24. art. 2. q. 2. ita scribit: *Opinio probabilis dupliciter consuevit accipi: uno modo dicitur opinio assensio unius partis cum formidine alterius; alio modo dicitur opinio assensio Animæ generata ex rationibus probabilibus, secundum quod consuevit dici, quod syllogismus dialecticus generat opinionem & illogismus demonstrativus generat scientiam.* Ita Sanctus

Sanctus Doctor, qui tantum discernim ponit inter has duas opinionis Probabilis acceptiones, ut sustineat, opinionem secundum primam acceptionem repugnare cum Fide de eodem objecto secundum idem; juxta verò secundam acceptionem stare cum Fide.

Impugnat Richardus in 3. dist. 24. q. 6. hanc duplicem acceptionem, quia de ratione opinionis est, quòd sit incerta, & sic opinans formidat, ne alia pars sit vera; & colligitur ex Divo Bernardo lib. 5. de consider. c. 6. dicente, quòd opinio falli potest, & ambiguum habet; & secundum Aristot. 1. poster. tex. 44. de ratione opinionis est, quòd opinans æstimet rem posse aliter se habere. Concor dat Divus Thomas 2. 2. q. 1. art. 3. ad 4. His ego assentio, quia in rei veritate objectum Probabilitatis non potest esse, nisi contingens. Contingens, inquam, non quasi quòd ex parte rei debeat esse contingens, quia, ut notat Maffrius in Logic. disp. 14. q. 1. & dixerat prius Doctor Angelicus lib. 1. post. lect. 44. litt. C. de objecto in se necessario potest dari opinio; unde antiquitus opinabantur, Terram non esse rotundam, cum tamen necessarium sit naturaliter, Terram esse rotundam; & ut advertit Paludanus in 3. dist. 23. quæst. 5. opinio potest esse de objecto universali, universale autem est necessarium. Sufficit ergo ad objectum opinionis, quòd intellectui repræsentetur ut potens aliter se habere; hinc Doctor Angelicus dicit appositis, quòd de ratione opinionis est, ut id, quòd est opinatum, *existimetur possibile aliter se habere*. Nota illud verbum, *existimetur*, quia non importat semper veritatem rei: nam non implicat existimationem hominum esse falsam; ergo id, quòd est necessarium in se, potest repræsentari menti aliter, ac est.

5. Non nego tamen cum Maffrio ibidem esse valde probabile, quòd formido solum aptitudinalis sit de essentia Opinionis probabilis, non verò actualis; unde a seculo nullam esse implicantiã, quòd detur opinio probabilis absque actuali formidine, ut etiam probabiliter

sustinent Patres Salmaticenses Discreti de Fide disp. 2. dub. 6. §. 1. num. 130. & olim docuerant Mayron. in 3. dist. 24. art. 6. Rubion. ibidem. q. 1. fin. & Bafsolis. q. 1. Prologi.

Non potui invenire apud Antiquos Theologos, & Summistas definitionem *Opinionis Probabilis* sub his duobus terminis; sed illam definiebant sub nomine simpliciter *Opinionis*; vidimus enim cap. antecedenti dupliciter definiri Opinionem, primò, ita ut illa definitio etiam suspicionem comprehenderet; secundò, ita ut explicaret quandam habitum peculiarem distinctum à suspicionem, à scientia &c. quem habitum nunc Moderni solent vocare *Opinionem Probabilem*; & hunc habitum fatebantur Antiqui apud Richard. Divum Bonaventuram, & Palud. locis allatis generari *ex medio probabili*.

6. Nunc videamus, quomodo Opinionem Probabilem definiant Moderni. Joannes Cardenas in sua Crisi Theologica part. 1. disp. 1. cap. 2. num. 16. ait, juxta communem sententiam: Opinionem probabilem esse *cognitionem incertam quidem, sed gravi, & prudenti fundamento innixam*. Si est cognitio incerta, sequitur, posse esse falsam. Si est nixa gravi, & prudenti motivo, sequitur habere veritatem suæ nature consonam. Multi addunt definitioni, quòd nihil convincens contra ipsam asserri possit. Hæc additio fundatur in communi Antiquorum asserto dicentium, nos posse variè opinari, antequam Ecclesia decideret, & ante percontationem, per quam veritatem videamus, & sciamus. Est bona additio, quia explicat definitionem, non tamen necessaria, quia subintelligitur in illa Voce, *Incertain*; si enim opinio est incerta, ergo nihil convincens debet habere contrarium, quia si illud haberet, esset certò falsa, non verò incertè vera, siquidem oppositum certitudini est certò falsum. Igitur perpetuò mandandum est memorie, tandiù opinionem remanere probabilem, tandiù ejus fundamenta nata sunt movere homines prudentes. Certum est

autem;

autem, certò falsum tales homines movere non posse. Hinc Opinio Aristotelis tom. 2. lib. 2. meteor. c. 3. asserentis Lineam Æquinoctialem esse inhabitabilem remansit Probabilis etiam tempore Divi Thomæ, ut ipse testatur 1. part. q. 102. art. 2. ad 4. nostris verò temporibus est evidenter falsa; unde antiqui-  
cùs homines prudentes trahere poterat ad sui sequellam hujusmodi opinio, non sic tempore præsentis. Sic etiam plurimæ opiniones Glossæ, & aliorum Antiquorum præcis temporibus probabiles reputabantur, & poterant movere homines doctos, & prudentes; nostris autem diebus, cum certò falsæ evaserint, nequeunt, viros sapientes movere.

7. Definitio allata colligitur ex Aristot. Libr. 1. topic. c. 1. n. 6. tom. 1. qui definiens Probabilia ait: *Probabilia autem sunt, quæ videntur omnibus, aut plurimis, aut sapientibus, & his, vel omnibus, vel plurimis, vel maxime familiaribus.* Hæc definitio Probabilitatis differt ab allata à nobis, quia traditur per principia Extrinseca, & per effectum; Nostra verò per Intrinseca; In re tamen idem significant; Nam ea, quæ omnibus videntur, idest, quæ approbantur ab omnibus, aut plurimis, &c. videtur impossibile, quòd approbentur ob motivum leve, & imprudens; Ergo, quòd approbatur ab omnibus, aut plurimis, &c. habet motivum grave, & prudens. Hinc patet, quòd approbatio ab omnibus, aut plurimis, &c. est effectus motivi probabilis, & prudentis.

Ad Probabilitatem tamen non sufficit, quòd probetur ab omnibus, aut plurimis, &c. sed requiritur insuper, quòd sit motivum incertum, hoc est, quòd possit aliter se habere; si enim non posset aliter se habere, non esset probabile, & opinabile, sed scibile, & necessarium juxta Aristotelem 1. poster. c. 24. & 6. Ethic. c. 3. & Lib. 1. magn. moral. c. 33. tex. 6. scripsit: quòd opinio sit, per quam ferimur in objectum, ut dubitemus, an sic, vel aliter se habeat. legitur secundum Aristotelem, & rei

veritatem, motivum potens aliter se habere, & simul potens movere ad sui cognitionem vel omnes; vel plurimos &c. est motivum probabile; & cognitio ex illo procedens erit probabilis. Et si una ex his duabus conditionibus deficiat, unde vel non possit aliter se habere, vel non possit movere aut omnes, aut plurimos &c. illud non erit probabile, & opinabile, sed vel certum, vel improbabile.

8. Verùm non est necesse ad Probabilitatem, quòd actu debeat probari vel ab omnibus, vel à plurimis, &c. quia, ut dicebam, hæc approbatio est effectus motivi probabilis; sed sufficit, quòd possit approbari &c. quia causa stat sine suo effectu; & quia aliàs in casibus de novo occurrentibus non possent adhibere fidem subditi suis Parochis, & aliis Confessariis. Hic collige, quòd quando Doctores dicunt: Unum Doctorem reddere opinionem probabilem, intelligendum est, non præcis ex solo capite Authoritatis illius Doctòris, sed quia tractando questionem ex professio attulit rationem urgentem, & solvit objecta, & sic talem opinionem evexit ad statum, ut possit movere vel omnes, vel plurimos &c.

9. Attamen Autoritas solius Doctòris in illa Facultate clarissimi, & famosissimi potest esse motivum sufficiens ad Probabilitatem constituendam. Hinc 1. septimo ff. de statu homin. legitur; *Septimo mense nasci perfectum partum, jam receptum est propter Authoritatem doctissimi Viri Hippocratis.* Hic patet, quòd Lex dicit: *Propter Authoritatem doctissimi Viri Hippocratis*; Ergo Lex decidit propter meram authoritatem Hippocratis, qui equidem in facultate medica famosissimus est, & Princeps. Vilete hic aut parvam scientiam rerum naturalium Antiquorum, aut varietatem complexionum Infantum. Quis est, etiam Rusticus, qui non sciat, plus quàm Medicus, partum septemnem esse vitalem, cum sæpe hoc accidat in qualibet Urbe, & loco? Sic etiam 1. *Ani-*  
*qui. ff. de solut. Authoritate Aristotelis* probatur,

probatur ; uno partu quinque nasci potest.

10. Hisce legibus consonant plures Antiqui, quos infra referam, dicentes, quòd Frater simplex, & quilibet homo in consiliis possit sequi quamlibet opinionem, dummodo sit alicujus Doctoris Magni. Hinc, quia Divus Thomas, & Scotus sunt famosissimi, clarissimi, & magni in Theologicis, eorum Opiniones poterunt absque scrupulo propter ipsorum Autoritatem deduci in praxi. Discipuli aliarum Scholarum, scilicet Aegidius, Henrichus, Baconus, &c. contendunt, suos Magistros ad tantam Autoritatem pertingere. Ego omnes veneror, & colo. Sed quid responderent Jesuitis, si dicerent, Magnum Suarium in Theologicis adeo fuisse veratum, ut longè plura scripserit, & pleniori calamo, quàm Aegidius, Henricus, Baconus? Negabuntne tantam prerogativam Doctori tam Magno? Si concedent, quomodo se tuebuntur à Vendrochio, qui tam facili ter proscribit illius opiniones?

11. In cap. *Inquisitioni de Sent. excomm.* deciditur, quòd Matrimonio junctus ad Consilium sui Pastoris, conscientia levis, & temeraria credulitatis explosa, licet non solum reddere potest, sed exigere debet Conjugale. Et quidem credo ex hoc textu ortam fuisse praxim, qua fideles in dubiis Parocho, & Confessario credunt absque scrupulo. Ego nescio, an ex hoc textu quis deducere possit, à fortiori credendum esse cuilibet Autori, qui scripta in publicum ediderit, ex eo quòd supponatur doctior, quàm plurimi Parocho. Non dubito, quòd quilibet Author sit doctior plurimis Parochis, adhuc tam non cuilibet Doctori credendum est; quia in re Alexandro VII. damnatur hæc Propositio, quæ est 27. *Si ber sit alicujus Junioris, & Moderni, debeat opinio censeri Probabilis, dum non contra rejectam esse à Sede Apostolica, tanquam improbabilem.*

12. Ex his tria leviuntur; Primum, quòd possimus sequi opinionem in praxi alicujus Doctoris, si sit *Antiquus*, &

*magnus*. Hoc deducitur ex dictis II. & opinione illorum Antiquorum. Secundum, quòd Opinio Parochi, atque alterius viri docti, data voce tenus sit bona regula humana. Hoc patet ex d. c. *Inquisitioni*. Tertium, quòd opinio *libris exarata*, si sit alicujus Junioris, & Moderni, & ita sive sit vivi, sive mortui, sive magnæ, sive parvæ doctrinæ, non sufficit pro praxi. Hoc liquet ex illa propositione damnata ab Alexandro Septimo.

13. Cum Probabilitas, & Opinio sit de iis, quæ possunt aliter se habere, sequitur evidenter, quòd est maxime notandum, intellectum non cogi ab opinione Probabili; cum enim possint aliter se habere, mens potest ambigere, an aliter se habeant, & sic potest suspendere assensum illis motivis. Hinc, licet subditus sibi probabilior videatur, suum Principem bellum gerere iniustum, adhuc tamen tenetur obedire Principi; unde dicitur cap. *quid culpatur* 23. q. 1. Ergo *Vir justus, si forte sub Rege homine etiam Sacrilego militet, rectè potest illo jubente bellare, si recte pacis ordinem servans, quòd sibi jubetur, vel non esse contra Dei præceptum, certum est, vel utrum sit, certum non est*; Tum quia experientia constat, sæpe Antiquos, & Modernos errasse in suis opinionibus; licet ab illis sint habitæ ut probabiliores; Ergo intellectus mens potest, judicare se hic decipi. Ergo, licet sibi videatur probabilior hæc Opinio, poterit illi non assentiri, præcipue ex imperio voluntatis. Tum quia Intellectus potest solvere Argumenta opinionis probabilis, etiam probabilioris; & quando Argumenta sunt insolubilia, procul dubio sunt certa; & aliter se habere non possunt; atque adeo sunt extra sphaeram Probabilitatis; & sunt in materia necessaria, nec pertinente ad lineam opinionis juxta aliam Doctrinam Aristotelis.

14. Confirmatur ex Majore in 4. dist. 4. q. 1. concl. 2. ubi probans in Baptismo infundi Virtutes etiam Cardinales ita discurre: *Romanus Pontifex vocat illam proba-*

probabiliorum in Clement. de Summ. Trinit. Fidei Carbolica. §. verum, quamvis non precipiat illam Opinionem insequi; Ergo si non est fortis ratio ad oppositum, debemus illam imitari. Consequentia est plana, & loquitur indistincte, & confirmo &c. Insuper, sicut definitio Pontificis Maximi, ubi non constat de Opposito, est inconcusse tenenda, ita sententia, quam probabiliorum existimat, debet censi probabilior; cum quo tamen fiat, quod licet culpam tali determinationi contraire.

Hunc Authorem Vendrochius Not. 1. in Epist. 5. sect. 4. §. 1. reponit in choro Theologorum Antiquorum; esse verò Doctorem Probabilioristam liquet ex eius prolog. 4. sentent. qu. 2. Sed non obstante, quod sit Doctor Antiquus, & Probabiliorista, adhuc censet, posse opinioni probabiliori nos contraire, & quod magis est, licet sit ab Ecclesia declaratum, esse opinionem probabiliorum. Si ergo per Majorem etiam opinioni, quæ per Ecclesiam deciditur ut probabilior, possumus contradicere; sequitur clarè Probabilitatem, & Probabilitatem non cogere intellectum ad sui assensum, & posse nos cuicumque Probabilitati contraire, de quo infra cap. sequenti.

15. Diximus ad Probabilitatem requiri, quod sit incerta Cognitio, & quod habeat rationem gravem, & prudentem, seu solidam, & magni momenti Vendrochius in Nota 1. ad V. Epistol. sect. 1. §. 9. carpit acriter Jesuitas tanquam sub nominibus magni momenti, ut ita dicam, intrudentes plerumque apparentem tantum verisimilitudinem. Dixerat §. 4. medietatem opinionum esse veram, medietatem vero falsam; Hic verò ad propositum nostrum sic interrogans exclamat: In illa media probabilitum Opinionum parte, quam falsam esse diximus, & solis demum fallacis mixam, quæ potest, ut ita loquar, rationum soliditas inveniri?

Respondeo, magnam soliditatem inveniri, ulque dum non inveniatur principium certum, & clarum, quo manifestetur fallitas opinionis. Rem

exemplis declaro. Fit quæstio, utrùm teneamur confiteri peccata Sacerdoti. Fit quæstio, utrùm teneamur confiteri circumstantias notabiliter aggravantes. Fit quæstio, an possumus absolvere peccantem absentem.

16 In Prima Quæstione de Fide est ex Tridentino sess. 14. cap. 5. can. 5. & can. 8. pars affirmativa. Hinc semper falla fuit ex parte objecti, & in seipsa propositio negativa. Adhuc tamen quero, an aliquando habuerit rationes graves, prudentes, solidas, & magni momenti? Audiamus Gratianum de pœnit. dist. 1. §. fin. Quibus auctoritatibus, vel quibus, ait ipse, rationum firmamentis (nota terminum) utraque sententia Satisfactionis, & Confessionis, (an scilicet sit necessaria, vel non, ait Glossa) innuitur, in medium breviter exposuimus. Cui autem potius barum adhibendum sit, lectoris iudicio reservatur; utraque enim sanctores habet sapientes, & Religiosos Viros. Hic patet evidenter, opinionem negativam obligationis constituti peccata Sacerdoti tempore Gratiani habuisse rationum firmamenta, & sanctores sapientes, & religiosos Viros; unde tunc hæc opinio censebatur probabilis; & ab intrinseco ob rationum firmamenta, & ab extrinseco ob sanctores sapientes, & Religiosos Viros. Hinc Divus Thomas in 4. dist. 17. in expositione textus dicebat: Hoc, quod ponitur hic pro opinione, barens est, non quod explicitè sit contra aliquem Articulum, vel præcedens, vel sequens ad ipsum, sed implicitè aliquid contrarium Fidei continet; quia sequitur, quod claves Ecclesie non sint necessaria ad salutem, & in talibus, antequam determinetur per Ecclesiam, quod ex eis sequatur aliquid contrarium Fidei, non iudicatur Hæresis esse, & sic Magister, & Gratianus hoc pro opinione ponunt. Sed nunc post determinationem Ecclesie sub Innocentio Tertio factam Hæresis repudianda est. Sic Angelicus. Hæc porro Hæresis clarissime est determinata à Tridentino loco allegato. Hic liquet, Divum Thomam referre Magistram, & Gratianum habuisse pro opinione

opinione Magistrorum, & sic pro probabili id, quod postea judicatum fuit hæreticum. Insuper Argumentum: nil majus falsum, quam quod opponitur Vero supernaturali; hinc opinio negativa in nostro casu, cum esset contra Verum supernaturale, erat falsissima, & detestanda, & adhuc, hoc non obstante, hæc opinio falsa habuit *firmamenta rationum, & Viros doctos sapientes, & Religiosos*: Quare? Quia non habebatur decisio clara in contrarium, hoc est, non aderat principium certum, per quod falsitas demonstraretur: Sed quando sumus in materia incerta, obscura, probabili non habetur principium certum; Ergo tunc opinio, licet falsa, potest habere rationem solidam, rationem gravem, quæ scilicet à personis Religiosis, rationem doctum, quæ nempe à Sapientibus approbetur.

17. Urgeo: Falsum naturale minoris ponderis est falsum, quod opponitur Veritati supernaturali; Ergo si falsum oppositum Veritati supernaturali in materia incerta, obscura, probabili potest habere rationem firmam, solidam, gravem, & à Sapientibus, & Religiosis Viris approbatam, falsum naturale quoque in materia incerta, &c. poterit habere rationem firmam, &c. Et, ut Adversarium evincam, assignet ipse quantitatem requisitam, ut furtum sit mortale, quia assignata demonstrat contrarias opiniones, quæ per ipsum falsæ erunt, non habere rationes firmas, solidas, &c. & à Sapientibus approbatas. Uterius progredior: Nondum est decisum ab Ecclesia, seu à Summo Pontifice, an possimus defendere res temporales occidendo Invasorem, si aliter non possimus illas salvare, Hinc in mea sententia sumus in materia obscura, incerta, probabili &c. Ipse Vendrochius existimat falsam opinionem affirmativam, si vult sequi Montaltium Litt VII. pag. 115. Demonstrat ergo mihi, hanc opinionem non posse habere rationem firmam, solidam, & à Viris Sapientibus approbatam.

18. Dices, hanc opinionem fuisse

proscriptam à Clero Gallicano in Comitibus Generalibus in Palatio Sancti Germani celebratis, ut patet in ejus Libello Propositionum damnatarum num. 36.

Respondetur omnes scire, & infra demonstrabo, non spectare ad Synodum Nationalem authenticæ, & certò declarare legem Generalem Ecclesiasticam, & sic multò minùs Naturalem, in qua versatur materia præsens; Hinc sine scrupulo ullo, saltem qui non subijciuntur legibus illius Cleri, ut ego, possunt licetè, liberè, & probabiliter, quin & probabilioriter, sequi propositionem affirmativam, quam tunc solum non propugnabo, quando Summus Pontifex damnaverit, vel quando Clerus Gallicanus, seu alii Viri Docti inveniant rationem claram, qua videatur rationum firmamenta, quibus fulcitur mea sententia *esse solum apparenter solida, tantumque vocanda solida mendacia, graves magnique momenti fallacie*, si placeat loqui juxta phrasem Vendrochii. Si Doctor ille Antiquus Joannes Major Sorbonicus, ut dixi, potuit, asserere, non obstante decisiva declaratione Summi Pontificis decernentis talem Opinionem ut probabilior, nil repugnare, quòd eidem opinioni possimus contraire *rationibus fortibus*, cum aliàs ipse Pontifex non jussit sequi opinionem suam; cur ego, non obstante decisione Cleri Gallicani, qui Germanis, Italis, Anglicis, Hispanis, nec cæteris Christianis imperat, non valebo reperire argumentum verè solidum, firmum, forte, quo amplectar opinionem contrariam?

19. Insto: Vendrochius sect. 4. §. 6. affirmat, Intellectum posse judicare duas Propositiones certò, & constanter eas esse æquè probabiles. Supponamus has esse in materia, *An teneamus confiteri circumstantias notabiliter aggravantes*. Licet enim Montaltius Litt. 9. pag. 166. judicet partem negativam novam corruptelam, ultra alias à Jesuitis assertas, *superadditrare*, tamen nemo sanæ mentis negaverit, utramque Opinionem in hac materia esse Probabilem, tum ob rationes, tum ob Doctores præclaros, &

priscos ; & modernos tenentes sive hanc, sive illam. De hoc infra suo loco. Ergo Vendrochius dicit, quod Opinio asserens obligationem consentendi circumstantias aggravantes sit Probabilis; dicit etiam (disputationis gratia saltem) quod opinio negativa sit Probabilis. Jam scimus unam ex his esse falsam in seipsa; adhuc quero, an Argumenta probantia Probabilitatem primæ Opinionis sint solida, firma, vel fallacia, & sophismatibus referta. Hoc idem inquirō de secunda Opinione. Si dicatur utramque Opinionem habere Argumenta fortia, solida, nec fallacia constantia; Ergo in materia obscura opinio falsa habet Argumenta fortia, & solida. Si dicatur Opinionem falsam habere rationes solum apparentes, & fallaces; quomodo ergo Vendrochius tunc utramque opinionem judicabit probabilem? Nemo potest asserere, si sit sapiens, aliquod esse probabile, nisi sit motus à ratione, quæ sibi sit fortis, gravis, & solida.

20. Instruamus Argumentum universaliter. Opiniones contrarias, etiam Morales Thomistarum, Scotistarum, Baconistarum, &c. certum est, non posse esse in seipsis veras, quia impossibile est, quod objectum sit, & non sit; Una ergo est vera, altera falsa. Interea volo, quod Vendrochius iudicium ferat de Argumentis probantibus omnes, & singulas illas Opiniones, an sint valida, efficacia, & fortia; vel fallacia, & sophistica. Si primum asseratur, ergo opinio falsa, quæ scilicet in se est falsa, habet erga nos magnam soliditatem, firmitatem, &c. propter quod est digna, ut propugnetur à Thomistis, Scotistis, &c. Si secundum dicatur, jam Vendrochius acriter vapulabit à Thomistis, Scotistis, &c. qui omnes iure asserunt, omnes Opiniones suorum Doctorum continere sanam, solidam, firmamque doctrinam.

21. Nunc reverendo ad tertiam Questionem in illa difficultate, quam proposui supra Verf. *Respondeo*, magnam: *An possimus absolvere pœnitentem absen-*

*tem.* Observe ex Divo Antonino par. 3. tit. 14. c. 14. §. 9. & tit. 17. c. 12. & c. 21. §. 3. in Concilio Basilienfi super hoc Articulo factam fuisse collationem cum multis notabilibus Doctoribus Theologie. Quidam eorum (si scandalum magnum timeretur) Absentem absolvendum esse proclamabant, qui præsens malè absolutus fuerat; Aliis verò placuit negotium committendum esse Deo, si notabile scandalum timeremus; præsertim si malè absoluta fuisset prius multitudo, vel multi eorum multum distarent à Confessario. Hanc opinionem de Verbo ad Verbum sequitur Sylvester Verb. Confessor. 3. num. 1. qui allegat Directorium Juris, cujus Author fuit Petrus Casuel.

22. Laxiorem Opinionem habuit Paulus. in 4. dist. 17. q. 2. art. 1. dicit enim: *Si pœnitens non possit ire, nec accersere Sacerdotem, liceat eidem scribere peccata, & mandare; & Sacerdos possit rescribere, & remandare absolutionem; & valet absolutio quando uterque sic est infirmus, vel clausus.* Hanc opinionem sequitur clarius Adrianus, qui per Vendrochium collocatur in choro Theologorum Antiquorum, in 4. ubi agit de Sacram. Confess. art. 1. §. *sed oritur ex his.* Hic expressè asserit: Generalius autem respondendum videtur, ubi iusta causa occurrit, talis videlicet, quæ consistentem relevat à Confessione ore faciendâ, Confessio facta per scripturam, vel nuntium valida est, & potest absentem Sacerdos Sacramentaliter absolvere; Secus dum ex segnitia, vel verecundia non vult ore proprio confiteri Sacerdoti, quia sic poneret obicem Sacramentali Absolutioni. Hanc quoque sententiam tenet Petrus Soto in Institut. Sacerd. de Confess. Lect. XI. §. *tertium istud*, ubi ait: *Tenent etiam voc. plures nostrum, Petrus de Palude, Hadrianus, Sylvester.* Sed Sylvester sequitur, ut dixi, primam sententiam Sancti Antonii. Alii etiam inveniunt sententiam Paludani, scilicet Fumus. Verb. Confessio Sacram. num. 23. Tabiena, Verb. Confessio. 2. numer. 34. Verf.



**Verf. Quarto quod.** Turrecremata in c. quem pœnitet de pœnit. distinct. 1. q. 2. num. 3. Dominicus Soto in relect. de rejud. & detegend. fecr. membr. 3. q. 4. dub. 4. § ad hoc respondetur. Hanc Opinionem sequuti sunt alii Moderni, præcipue Navarrus in c. quem pœnitet de pœnitent. dist. 1. & in Summ. c. 21 num. 36. ubi vult, opinionem contrariam Misericordiam Dei, Virtutem Sacramenti, & Devotionem erga ipsam minuire.

23. Atamen Clemens Octavus in sua Bulla, Incipit: *Sanctissimus Dominus Noster*, de Anno 1602. 20. Junii. §. 1. & est in Tom. 3. Bullarii Cherubini, est verò hujus Pontificis 87. damnat hanc propositionem: *Lucere per litteras, seu internuncium Confessario absenti peccata sacramentaliter confiteri, & ab eodem absente absolutionem obtinere.* Scio graviter altercari Doctores, an Papa damnet illam propositionem divisè, & quoad quamlibet ejus partem, an verò complexè, & conjunctim, de quo vide Modernos; Antiqui enim divinare non poterant. Præcipue verò lege Salmaticenses tract. 6. de Sacram. in gener. c. 3. num. 26. ubi referunt, Paulum Quintum declarasse illam propositionem intelligendam tum conjunctivè, tum disjunctivè.

24. Supposita ergo declaratione Summi Pontificis inquiri, an utraq; opinio habeat amplius rationes, quæ possint movere Viros doctos, graves, & Religiosos, ut olim habuit; Doctores enim Notabiles, Divus Antoninus, Sylvester, Palud. uterque Soto, Tabiena, & alii relati fuerunt docti, graves, & Religiosi. Ni volumus judicare primam Cathedram contra textum in c. *Nunc autem* 21. dist. jam patet, quòd opinio Sylvestri, Palud. Soto, Doctorum Basilienfium nunc non habet rationes firmas, graves, &c. quare ergo ante declarationem Pontificis rationes pro illa opinione solidæ reputabantur? Non ob aliam, nisi quia non aderat principium certum, unde colligeretur evidenter falsitas illarum. Igitur evidenter

constat, falsum in materia obscura, & incerta, quoadusque non fiat determinatio Ecclesiæ, posse habere magnam soliditatem, gravitatem, & firmitatem Veri, & nequit dici contrarium sine injuria gravissima Sanctorum Patrum, & omnium Scholasticorum, qui in hisce materiis contrarias opiniones ab initio sequuti sunt, & usque ad finem Mundi sequentur. Hinc dicebat Divus Antoninus 1. part. tit. 3. c. 10. §. 10. *Verf. revertendo ad quartam: Quod autem dicit Beatus Thomas quodl. 3. q. 4. art. 2. quod quando sunt duæ opiniones contrarie de eodem, oportet alteram esse veram, & alteram falsam; Si ergo ille, qui facit contra opinionem Magistrorum, ut puta habendo plures præbendas, faciens contra veram opinionem non excusatur à peccato, cum faciat contra legem Dei, quamvis non faciat contra Conscientiam.* (Notentur verba sequentia Sancti Antonini glossantis prædicta verba Divi Thomæ, quæ videbantur esse multum scrupulosa) *Hæc enim verba Beati Thomæ non possunt intelligi, nisi de his, ubi manifestè patet ex Scriptura, vel determinatione Ecclesiæ, quòd sit contra legem Dei, & non de illis intelligi, ubi non apparet; aliis sibi contradiceret in eodem libro, quod non esset credendum.*

25. Ecce clarè per Divum Antoninum quis excusatur sequens opinionem falsam ante textum clarum Scripturæ, & decisionem Ecclesiæ. Ergo per Divum Antoninum opinio falsa in materia obscura potest habere rationes, propter quas dignus reddatur venia illam sequens; & ita illæ rationes erunt valde solidæ. Faciunt pro hoc puncto ea, quæ dixi cap. primo per totum, & præcipue textus Antonini ex parte 3. tit. 5. c. 2. §. 9. relatus c. 1. n. 6. Notabis illa verba: *Antequam per Ecclesiam fieret determinatio, pro illo tempore poterunt excusari, qui unam, vel contrariam tenebant; & postea negabis, si potes, per Antoninum utramque opinionem habuisse ante decisionem Ecclesiæ fundamenta verè solida, & firma.*

Colligitur ad Probabilitatem non sufficere, quòd res sit incerta; nam de re incerta datur etiam dubium, & suspicio. Requiritur ergo pariter, ut dicebam in nostra definitione, *ut nitatur gravi motivo*. Porro utraque ratio sufficit ad Opinionem Probabilem constituendam ut distinctam ab aliis cognitionibus; per hoc enim, quòd sit incerta, distinguitur à Fide Divina, Scientia, & Intellectu, quæ sunt cognitiones certæ. Per hoc, quòd *gravi motivo nitatur*, distinguitur à suspitione, quæ levi signo tenetur. A dubio distinguitur, quia opinio importat assensum, & dubium rejicit assensum.

26. Quæres primò, an possimus habere opinionem probabilem, si præcisè in illa materia non detur decisio Ecclesiæ, nec textus clarus Scripturæ, aut aliud principium certum. Prima facie videtur affirmativè dicendum, quia Divus Thomas quodl. 3. art. 10. quærens, *Utrum auditores diversorum Magistrorum tenentium diversas opiniones excusentur à peccato erroris, si opiniones suorum Magistrorum tenent*, concludit: *qui ergo assensu opinioni alicujus Magistri contra manifestum Scripturæ testimonium, sive etiam contra illud, quod publicè tenetur secundum auctoritatem Ecclesiæ, non potest ab erroris vitio excusari*. Alii Antiqui tractantes hanc questionem asserunt integrum textum Doctoris Angelici, & sic transeunt; quos vidi, sunt Joannes de Friburgo lib. 3. tit. 33. quæst. 18. Pisanella, & ejus Supplementum V. opinio. Divus Antoninus par. 3. tit. 5. c. 2. §. 9. Et Henricus Hesp præcep. 1. term. 8. q. 4. Ergo per hos Doctores quis ab erroris vitio excusabitur, si habeat opinionem, quæ non sit contra principium certum; & hinc noscap. 1. dicebamus contra Probabilioristas, Probabilitatem non posse damnari, quia nullum principium certum habetur Probabilitati oppositum; & referebamus ex Divo Antonino, quòd ante decisionem Joannis Vigefimiertii Doctores poterant unam, vel alteram partem tenere in materia de paupertate Christi,

27. Sed absolusè tenendum est, ex præcisò capite, quòd non detur decisio Pontificis, aut textus clarus Scripturæ, aut aliud principium certum, non posse haberi Opinionem Probabilem; quia ex præcisà deficientia principii certi sequitur solum in illa materia non dari certitudinem; ablato enim uno contradictorio præcisè solum sequitur aliud contradictorium; sed ex præcisò capite Incertitudinis non sequitur Opinio probabilis ex modo dictis; ergo ex deficientia decisionis Pontificiæ, aut alterius principii certi non sequitur necessariò dari in illa materia Opinionem probabilem.

28. Nec Doctor Angelicus, & illi Antiqui nobis opponuntur. Loquuntur ipsi de discipulo sequentem opinionem Magistrorum, & dicunt rectè, hunc excusari ab erroris vitio, si talis opinio non sit contra aliquod principium certum; & Divus Antoninus specificabat de tenentibus unam, vel alteram partem in materia de paupertate Christi; & jure sustinent, tales opinantes excusatos fuisse, usque dum inveniretur aliquod certum, quod ipsis opponeretur. Non opponuntur, inquam, quia loquuntur de Opinionibus Magistrorum; & sic loquuntur de cognitione distincta à Dubio, & Suspicionem, & sic loquuntur de illa cognitione, quæ causabatur à *ratione Probabilis*, ut utar phrasi Divi Bonaventuræ, Richardi, Rubion, & aliorum Antiquorum. Porro nomine *rationis Probabilis* non intelligebant Antiqui *meram carentiam principii certi*, ut legenti ipsorum libros fiet manifestum; sed pro qualibet Opinione peculiare rationes inveniebant; Cum enim ipsi distinguerent Opinionem à Dubio, & Suspicionem, ergo pro constituenda Opinione non poterant asserre *solum carentiam principii certi*; nam hæc ratio est communis Dubio, & Suspicioni. Insuper Opinio multiplicatur ad multiplicationem materiæ, in qua est; & sic asseriebant peculiarem rationem pro peculiari Opinione alicujus materiæ. Igitur Divus Thomas, Joannes de Friburgo, &

alii Antiqui dicebant : *Discipuli absque vitio erroris possunt tenere opiniones suorum Magistrorum*, ( scilicet conclusiones, quas sui Magistri ex rationibus Probabilibus deduxerunt ) *usque dum non accedat decisio Ecclesia, aut aliud principium certum in oppositum reperitur*. Sic etiam in cap. 1. ego dixi, illam Opinionem, *Probabilitas est recta regula*, non posse damnari, nisi afferatur principium certum; hoc tamen non opponitur doctrinae praesenti, quia ex deficientia principii certi inferebam solum, illam opinionem non esse damnabilem, non vero deducebam ex hac ratione, illam Opinionem esse vel Certam, aut Probabilem, aut Probabiliorum. Igitur deficientia principii certi causat, Opinionem non esse damnabilem, non vero, esse Probabilem, sed hoc habet aliunde.

29. Dices ex Divo Antonino part. 1. tit. 3. §. 10. regul. 7. Veri, revertendo ad quartam, dicitur : potest quis tenere unam partem alicujus opinionis, & secundum eam operari excluso saltem scandalo, quae scilicet pars habeat pro se notabiles Doctores, dummodo talis opinio non sit contra auctoritatem expressam Sacra Scriptura, nec contra determinationem Ecclesia Catholica, & quod etiam ex contrarietate saltem opinionum non inducatur ad dubitandum : Ergo Opinio vincitur nedum per Decisionem Ecclesiae, aut per aliud principium certum, sed etiam per aliam Opinionem, quia posito dubio de aliqua re, de illa non habetur amplius Opinio. Illud dictum Antonini est iuxta Doctorem Angelicum dicentem quod. 8. art. 13. quod si quis retinet plures Praebendas cum dubitatione orta ex contrarietate opinionum, peccat procul dubio.

30. Sed contra primum ex Divo Thoma ibidem, qui sic concludit illum articulum : *aut ex contrariis Opinionibus in nullam dubitationem adducitur, & sic nec peccat*. Ergo Opinio contraria non semper causat hanc dubitationem; ergo Opinio ex se non habet vires sufficientes ad tollendam oppositam opinionem, quia si tales vires retineret, semper op-

positam tolleretur, non enim Opinio esset libera ad suum effectum; ergo dubitatio non oritur per se, & ex viribus opinionis oppositae, sed ab aliunde.

Contra secundum, quia Divus Antoninus, & Divus Thomas non exigunt illam conditionem, ne inducatur ad dubitandum, ad Opinionem, sed ad Operationem; ille enim dicit : potest quis tenere unam partem alicujus Opinionis, & secundum eam operari. Ecce expressae Opinionem, & Operationem. Ille vero expressae loquitur de Opinante, & cum dubitatione retinente plures praebendas. Ecce etiam expressae Opinionem, & Operationem. Certum est autem plura requiri ad Operationem, quam ad Opinionem; & cum bona, & Opinio probabilissima potest quis peccare mortaliter, Probabilissima est Opinio Scottistarum dicentium ad consecrationem Calicis non requiri omnia verba formae; si quis tamen operaretur juxta illam Opinionem, sacrilege consecraret. Sic etiam est certum ex Alexandro Octavo in suo Decreto condemnante plures opiniones num. 3. Opinionem probabilissimam sufficere ad praxim; si quis tamen simul haberet dubitationem de opposito, & operaretur, hic discrimini se objiceret, & sic peccaret ex Divo Thoma; & hic faceret contra conscientiam, & ita edificaret ad Gehennam. c. litteras de restit. Spoliar. c. quoniam omne de praescript. Denique si subditus prohiberetur à suo Superiore, ne operaretur juxta Opinionem Angelici Doctoris, hic procul dubio peccaret, si operaretur juxta Doctrinam Angelici; & tamen haberet alias bonam, & rectam Opinionem.

31. Ceterum etiam ego fateor, quod, si advenit Dubium, tollitur Opinio, ut patebit infra, quia Opinio importat assensum intellectivum, Dubium vero importat Suspensionem assensus; assensus autem, & suspensio assensus opponuntur contradictorie : at nego, quod, dum advenit Dubium in casu de varietate Opinionum, Opinio vincatur; quia sola evidentia convincit, & cogit intellectum, & omnes rationes possumus

solvere, solis exceptis certis ex dicendis in cap. sequenti. Quando ergo ex varietate Opinionum advenit Dubium, & tollitur Opinio, tollitur eo modo, quo intellectus suspendit assensum, *quando habet quadam apprehensa, qua*, ut inquit Divus Thomas 1. 2. qu. 17. art. 6. *non adeo convincunt intellectum, quin possit assentire, vel dissentire, vel saltem assensum, vel dissensum suspendere propter aliquam causam; & in talibus assensus ipse, vel dissensus in potestate nostra est, & sub imperio cadit.* Hunc textum expendam cap. sequenti num. 8. Adi hunc locum, & veritas melius elucescet. Igitur tollitur in hoc casu assensus opinativus, non quia convincatur, Sed propter aliquam causam; stat tamen simul, quod assensus huiusmodi *sub imperio cadat.*

32. Quæres secundò, an assensus opinativus sit circa veritatem ipsius rei, an verò circa apparentiam, & verisimilitudinem.

Pater Gonzalez dissert. 1. §. 1. num. 4. ait, esse assensum determinatum, & absolutum unius partis contradictionis cum formidine alterius; quamvis enim moveatur ad opinandum à verisimilitudine objecti, *judicium tamen opinativum non fertur in illam verisimilitudinem, sed in veritatem*; nam verisimilitudinem invenit in utraque parte contradictionis, & illam manifestè, & evidenter cognoscit in utraque; at evidenter cognoscit veritatem non posse esse nisi in altera tantum; unde dum probabiliter uni potius assentitur, quam alteri, iudicat iudicio absoluto unam ex illis esse veram, & alteram falsam. Pro confirmatione affert Cardinalem de Lugo disput. 10. de Fide sect. 1. num. 14. dicente: *non esse idem credere conclusionem aliquam esse probabilem, & credere probabiliter illam*; nam, qui tenent aliquam propositionem probabilem, concedunt simul contrariam esse probabilem; non tamen credunt veram, etiam assensu probabili; alioquin haberent assensus duos probabiles de objectis contradictoriis.

Id contrarium num. 6. refert Joannem

à Sancto Th. 1. 2. pag. 325. n. 45. ubi ait: assensum probabilem judicare, de facto hoc esse verum, non absolute, & quoad esse, vel non esse in se, sed quoad apparentiam, & probationem, idest in ratione probabili; quod autem solum apparenter, aut probabiliter est verum, dat locum alteri parti, quia involvit aliquam formidinem de illa ob incertitudinem, qua assentitur; & ideo ipse assensus probabilis ex sua natura sic importat affirmationem de una ratione apparente. Sic doctissimus hic Author, & ejus doctrina videtur fundari in definitione Opinionis tradita à Rubione, & allata cap. antecedenti num. 10.

33. Si per *judicium absolutum* intelligatur actus non habens aliquam conditionem, est verum, si autem intelligatur actus adæquans objectum, nec modificatus; pace ipsius hoc nequeo concedere, quia actus opinionis est debile quoddam, & infirmum ex Divo Thoma 1. 2. qu. 2. art. 9. ad 2. Aristot. 1. poster. tex. 44. & insuper est quid minus, quam assensus scientificus; ergo non debet dici *judicium absolutum* de veritate, sed potius *judicium quasi absolutum* de veritate rei.

34. Pro responsione sciendum primò, quod, sicut in materia certa dantur duo genera cognitionum, scilicet primorum principiorum, & conclusionis deductæ ab illis, & prima cognitio vocatur intellectus, secunda scientia; ita in materia topica duplex datur cognitio, primorum principiorum nempe, & conclusionis ex illis deductæ. Vide Divum Thomam post. 1. lect. 44. litt. c. fin. Utraque ex his cognitionibus dicitur Opinio ex Divo Thoma. Ratio hujus divisionis est, quia ex Divo Thoma ibid. & lect. 32. cum Aristot. non proceditur in infinitum in predicationibus, sive sursum, sive deorsum; ergo in materia topica debent dari prima principia; hæc autem nequeunt esse necessaria, & certa, quia ex necessario non sequitur contingens, & ex certo non sequitur probabile, ut constat, & notat Divus Thomas lect. 44. litt. C. Hinc communiter hæc

hæc propositio, *mater diligit filios*, conceditur. Si autem dantur principia, datur quoque conclusio; ergo in materia topica datur cognitio principiorum, & conclusio. Primam solam cognitionem opinativam definit Arist. 1. poster. c. 24. num. 1. dum dixit, quod *Opinio est acceptio propositionis immediata non necessaria*; Patet siquidem, cognitionem deductam ex principiis opinativis esse Opinionem, & tamen est evidens, non esse propositionem immediatam.

35. Sciendum secundum ex Divo Thoma 2. 2. quæst. 1. art. 4. multiplici modo intellectum assentiri objecto: uno modo, quia ad hoc movetur ab ipso objecto, quod est per seipsum cognitum, sicut patet in primis principiis, quorum est intellectus, vel est per aliud cognitum, sicut patet de conclusionibus, quarum est scientia. Alio modo assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis, quam in aliam; & si quidem hæc sit cum dubitatione, & formidine alterius partis, erit Opinio. Si autem sit cum certitudine abique tali formidine, erit Fides. *Illa autem videri dicuntur, quæ per seipsa movent intellectum nostrum, vel sensum ad sui cognitionem.*

36. Hic insurgere potest dubium, quomodo distinguantur assensus principiorum scientiæ, & assensus principiorum Opinonis. Ratio dubitandi est, quia uterque assensus est de propositione immediata; ergo objecta in utroque assensu immediate, & abique cognitione alterius objecti movent intellectum; ergo uterque assensus est visio; nam illa videri dicuntur, *quæ per seipsa*, id est abique alio medio prius cognito, *movent intellectum.*

37. Verum faciliè dubium solvitur, si bene perpendatur textus Doctoris Angelici. Ipse dicit, quod objecta Opinonis, & Fidei *sufficienter non movent*. Ut ergo reddantur sufficientia, aliud requiritur. Hoc autem aliud est *electio quadam voluntaria*, ait Divus Thomas.

E' contra *objectum*, movens ad cognitionem primorum principiorum scientiæ, *per seipsum est cognitum*; Et sic, ut cognoscatur, non requirit aliquod medium. Hoc idem accidit ex Divo Thoma in Visione. Igitur assensus principiorum in materia topica non erit Visio, quia objectum ejus non est sufficiens ad talem assensum, erit autem assensus principiorum scientiæ Visio, quia per seipsum est sufficiens ad talem assensum.

38. Sciendum tertio assensum conclusionis scientiæ convenire, & differre ab assensu conclusionis opinativæ. Convenit, quia uterque est de propositione mediata, & cautatur in medio discursu. Disconvenit, quia medium ducens ad assensum scientiæ est necessariò connexum cum veritate ipsius rei, & impossibile est, quod non sit connexum cum veritate ipsius rei; Medium autem ducens in assensum opinativum de propositione mediata non est necessariò connexum cum veritate rei, sed potest aliter se habere juxta Aristotel. & omnes Philosophos; unde potest ducere in cognitionem non veritatis ipsius rei, sed falsitatis. Hinc argumenta, quibus apud Gratianum Viri religiosi, & docti inducebantur in assensum opinativum, quod non daretur præceptum de Confessione, non trahebant ad assensum veritatis rei, sed falsitatis. Idem dico de argumentis plurimarum propositionum, quas Antiqui opinabantur, quæque detectæ sunt falsæ. Has opiniones referam infra cap. 8. 9. & 10.

39. His scitis dico primò, assensum opinativum propositionis mediatæ non esse judicium de veritate rei. Hanc conclusionem puto esse doctrinam Aristotelis dicentis loco allato: quare derelinquitur Opinione esse circa verum quidem, *aut falsum*, contingens autem & aliter se habere. Ecce expressè Opinio versatur circa *verum*, *aut falsum*. Ergo assensus opinativus non est judicium de veritate rei, sed est judicium de quadam ratione, quæ possit compatiri cum veritate rei, & veritate rei.

40. Probatur primò. Non implicat, quòd assensus opinativus in se actu sit falsus; hinc, ut dicebam, antiquitus assentiebant aliquibus propositionibus opinativè, quæ tamen erant falsæ, & de facto Thomista assentit uni parti probabiliter, & Scotista assentit alteri parti, probabiliter pariter, unde uterque ex his assensibus est opinativus, & tamen unus ex illis est falsus; ergo assensus opinativus non est iudicium de veritate rei.

41. Confirmatur ulteriùs ex Divo Thoma, qui part. 1. quæst. 102. art. 2. ad 4. refert, quòd probabilis reputabatur, Lineam Equinoctialem esse inhabitabilem, ut tenebat Aristotel. tom. 3. 2. 2. meteor. c. 5. art. 2. Certè Aristoteles habebat assensum opinativum, sicut alii viri docti tempore Divi Thomæ, huic propositioni: *Linea Equinoctialis est inhabitabilis*: & tamen ille assensus erat falsus actualiter, ergo assensus opinativus non est iudicium de veritate rei.

42. Probatur secundò. Veritas rei est una; unde in una sola parte reperitur, hoc fatente ipso Adversario, & est evidens; impossibile est enim duo contradictoria simul esse vera: ergo si assensus opinativus est iudicium de veritate rei, debet esse unius: hinc, quia iudicium in materia certa est de veritate rei, ideo in tali materia datur unius assensus, & omnes intellectus eidem assentiunt; inde omnes fatentur hominem esse visibilem; ergo, si assensus opinativus est iudicium de veritate rei, omnes debent tenere eandem Opinionem, cum ergo hoc sit falsum, falsum quoque erit dictum huius Doctoris.

43. Probatur tertio: Per ipsum Doctorem intellectus movetur ad opinandum à *Verisimilitudine*; Ergo assensus opinativus est iudicium de verisimilitudine. Consequentia probatur, quia perfectius est iudicium de veritate rei, quàm de verisimilitudine, ac proinde nequit verisimilitudo causare iudicium de veritate rei, quia effectus nequit excedere suam causam. Tum quia iudicium de verisimilitudine requisitum ad

assensum opinativum, vel est objectum movens ad assensum opinativum, vel est præmissa concurrens ad conclusionem opinativam. Si primum dicatur, cum objectum non sit veritas ipsius rei, iudicium de ipso non erit iudicium de veritate rei. Si asseratur secundum, jam scimus conclusionem sequi debiliorem partem, atque adeò conclusio deducta à præmissa *Verisimili* erit solum *Verisimilis*, & erit iudicium de sola *Verisimilitudine*, non de veritate rei.

44. Dices: Quando asseritur, *assensum opinativum esse iudicium absolutum de veritate rei*, non intelligitur, quòd ille assensus debeat esse conformis cum re à parte rei; hic enim assensus est certus, sed intelligitur, quòd sit assensus de unica sola parte, ita ut iudicet esse veram solam illam, cum formidine tamen alterius.

Sed contra, quia si assensus opinativus non importat conformitatem cum re à parte rei, cui dicitur conformis? aliud non video assignari posse, nisi *motivum*, ut dicunt Probabilistæ, *rationalabile* movens ad talem assensum, quod motivum, cum non sit necessariò connexum cum re, nequit ducere, ut dicebam, necessariò in cognitionem veritatis rei, sed potest compati cum falsitate; unde dicebat Arist. aliquando falsa esse veris probabiliora. Infra patebit responsio ad aliud, quod assertur in objectione.

45. Dico secundò assensus opinativus propositionis immediatæ non necessariè non est iudicium de veritate rei à parte rei. Ratio est, quia iudicium de talibus propositionibus, licet in se esset falsum, adhuc esset assensus probabilis; ergo non est iudicium determinatum de veritate rei.

Dices, talis propositio immediata non cognoscitur aliquo medio, sed per seipsam percipitur nullo alio cognito; ergo Opinio de ipsa est cognitio de veritate ejusdem, quia res est una veritas.

46. Respondetur ex Divo Thoma, quòd objectum opinionis per seipsum non sufficit ad movendum intellectum, &

hic,

sic, ut habeatur intellectio opinativa, requirituraliquid aliud præter objectum proprium: hoc autem aliud in sententia Doctoris Angelici est *electio quadam voluntaria*. Si dicamus hanc electionem concurrere ad Opinionem ut objectum cognitum, sicut se habet ad assensum Fidei, tunc objectio supponeret falsum, & sic nullius roboris esset. Sed, ne recurremus ad doctrinam valde difficilem, cum certum sit ex Divo Thoma, & cap. seq. patebit melius, objectum proprium opinionis non sufficere, ut moveat, & ita deberi hunc defectum suppleri ab alio: ideo dico, quod veritas illius propositionis immediata non movet intellectum, quia sic videretur illud objectum, sed *quasi veritas objecti* præstat tale munus, nam, ut patet cap. antecedenti num. 10. ex Divo Bernardo, *opinari est quasi habere pro vero*, quod falsum esse nescias, & si ille assensus in se, & à parte rei esset falsus, adhuc apud nos esset assensus opinativus, & tandiù remanet opinativus, quandiù durat apparentia de illius veritate. Ergo assensus opinativus de illa propositione immediata non est iudicium determinatum de veritate, sed est apparentia de veritate. Hinc Divus Thomas 1. poster. lect. 44. c. fin. vocat opinionem talis propositionis *existimationem*; certum est autem, existimationem posse esse falsam, & sic non esse iudicium determinatum de veritate rei.

47. Pro solutione sequentis conclusionis sciendum duplicem dari veritatem, objecti scilicet necessarij, quod nequit aliter se habere, & contingentis, quod potest aliter se habere. Primum causat veritatem scientiæ, & cognitionis certæ. Secundum causat veritatem Opinionis, ut liquet ex Arist. poster. 1. c. 24. Et Divo Thoma ubi suprà. Hic pro objecto contingenti, ut dicebam suprà n. 4. non intelligas rem, quæ à parte rei potest aliter se habere; nam de ente necessario potest dari Opinio. Sic de distinctione graduum metaphysicorum, & potentiarum Animæ dantur variz Opinionēs, & tamen certum est, quod illæ

sunt res in seipsis necessarie; quæque nequeunt aliter se habere. Sic etiam in moralibus in lege naturali dantur variz Opinionēs, & tamen materia legis naturalis est omnino necessaria. Igitur per objectum contingens intelligitur ipsa res, quæ obijciatur tali modo intellectui, ut quantum est in virtute talis modi possit aliter se habere, quicquid sit, an à parte rei ita se habeat. Audiamus Divum Thomam ibidem. litt. C. fin. circa omnia mediata, inquit ipse, quorum est demonstratio, & scientia, potest aliquis existimare, quod possibile sit aliter se habere, *et ita potest ea opinari*; non enim Opinio est solum de his, quæ sunt contingentes in sui natura. .... Sed Opinio est de his, quæ accipiuntur ut contingentes aliter se habere, sive sint talia, sive non. Hæc Doctor Angelicus ex Arist. c. ult. lib. 1. poster.

48. Quod attinet ad objectum necessarium, credo cum Aristot. & Divo Thoma ibidem. litt. B. requiri, & quod debeat apparere esse tale, ut impossibile sit aliter se habere, & quod ex parte objecti tale se habeat; nam hic loquimur de scientia, quæ est cognitio universalis, & certa; de eo autem, quod ex parte rei potest aliter se habere, nequit dari cognitio universalis certa, datur quidem de objecto contingenti cognitio certa, oculi enim certificantur per visum, *Petrum esse album*, ast hæc cognitio est particularis, ut patet. Quod si dicas: ad opinionem sufficit, quod objectum appareat contingens, licet in se sit necessarium; ergo ad scientiam sufficit, quod appareat necessarium, quamvis in se sit contingens. Hinc aliqui apud Arist. 7. Eth. c. 3. adherrent lux opinioni adeo firmiter, ut alij scientiæ. Sed disparitas est clara, quia plura requiruntur ad perfectius, quàm ad imperfectius; porro scientia est quid perfectius Opinione. Quod si aliqui objecto contingenti firmiter adherant, illa adhesio non est scientia, sed temeritas, quia certitudo nequit fundari in incerto. Vide definitionem Opinionis num. 3. ex Divo Bernardo desumptam.

49. Secundum Probabilitatis Veritas bifariam quoque dividitur, & aliam vocant *Objectivam*, aliam formalem. Prima sistit in eo, quod cognitio ita se habeat, sicut res est in seipso, & à parte rei. In hoc sensu Arist. lib. 4. metaph. c. 7. num. 2. tom. 5. dixit: Verum esse cum dicitur esse, quod est, vel non esse, quod non est. Secunda sistit in conformitate Intellectus cum re, non quidem prout est in se, sed prout iudicatur secundum motiva rationabilia. Prima veritas importat certitudinem, secunda verò Probabilitatem; unde, & illam vocant *Veritatem Probabilem*. Videantur Mastrius in 2. disp. 5. num. 49. 121. & 123. Bordon. in Propugn. Opin. Probab. c. 5. num. 7. c. 17. num. 45. c. 18. num. 6. & 110. & in Addit. Fund. 2. num. 7.

50. Dico tertio, assensus opinativus est iudicium de subiecto, quod est à parte rei, de quo affirmatur, vel negatur aliquod prædicatum ob motivum, quod quidem non sit necessarium ipsa veritas à parte rei, sed ita videtur esse intellectui Prudenti. Hæc conclusio est corollarium ex dictis. Dicitur, quod ita videatur esse intellectui Prudenti, quia, si loquamur de Opinione propositionis mediatae, per Antiquos ex dictis Opinio est conclusio deducta ex argumento probabili; Probabilia autem sunt, ut supra retuli, ex Aristot. *quæ videntur vel omnibus, vel Sapientibus, & ex his vel omnibus, vel pluribus &c.* Si loquamur de opinione propositionis immediate non necessariae, nec quoque motivum debet necessarium esse ipsa veritas, quia sic esset assensus non opinativus, sed certus, ut dixi conclusionem antecedenti; ergo pariter ejus motivum debet dependere ab intellectu Prudenti. Tum quia assensus opinativus, etiam propositionis immediatae, est intra metas Probabilitatis, nec enim talis cognitio est scientia, aut intellectus; ergo restat, quod sit intra metas Probabilitatis, nam nequit assignari alius habitus, cujus sit actus. Lege Arist. & Divum Thomam lib. 1. poster. d. lect. 44.

litt. C. idem argumentum conficienter. Si est intra lineas Probabilitatis, ergo est verus hic assensus, quia ita videtur vel omnibus, vel Sapientibus &c. non verò, quia ita objectum se habeat, quia hæc ratio constituit scientiam, non opinionem, quia, & si objectum se non haberet ita, adhuc potest dari assensus opinativus de illa re. Vide num. 46.

51. Nunc restat, ut rationibus Patris Gonzalez respondeamus: dupliciter respondeo, primò secundum principia Probabilistarum communiter dicentium, nos posse utrique parti simul assensum Probabilem præbere. Secundò juxta meam doctrinam peculiarem; per me si quidem in materia topica possum quidem præbere assensum vel huic, vel illi parti disjunctivè, non utrique copulativè, idest eodem tempore.

52. Juxta ergo Probabilistarum doctrinam dicimus, veritatem *objectivam*, & certam reperiri solum in unica parte; & sic uni tantum possum assentiri: veritatem verò *formalem*, & Probabilem inveniri in utraque parte, & sic utrique parti nos posse simul assentiri. Hinc videbimus infra Divum Thomam aliquoties, latem in speculativis, sequutum fuisse utramque partem, ut probabilem; Divum Bonaventuram sæpe dixisse, utramque partem esse probabilem, & defensibilem; Richardum sapissime concedere licentiam amplectendi Opinionem, *quam volumus*; & alios Antiquos hæc methodo resolvisse quaestiones. Nunquid hi Doctores celeberrimi docuerunt, & sustinuerunt utramque partem, & utrique assensum non præbuerunt? vel si præbuerunt assenserunt uni tanquam fallæ?

53. Nec habere duos assensus probabiles de utraque parte, & utrumque esse *probabiliter Verum* est ponere duam contradictoria vera, ut videtur Pater Gonzalez cum Lugo supponere; nam, ut advertit Cardenas in sua Crisi Theologica disput. 15. cap. 4. art. 6. num. 249. quilibet Dialecticus facilius potest cognoscere non esse contradictorios, cum ambo sint affirmativi. Recolendum est  
ergo



ergo ex Arist. 2. Periherm. c. 3. & docent Logici; de quo videantur Mastrus in Logica tract. 2. c. 9. Et Maurus in explic. Arist. ibidem, quod in propositionibus modalibus, ut propositiones sint contradictoriae, non debet negatio praeponi *Disso*, sed *Modo*. Hinc Arist. num. 3. dicebat, has propositiones non esse contradictorias: *Possibile est Sortem ambulare*; bene verò esse contradictorias haece: *Possibile est esse*; *Non possibile est esse*. Cum ergo haec propositiones, *Probabile est dari praeceptum de circumstantiis aggravantibus consentendis*; *Probabile est non dari praeceptum de circumstantiis &c.* non habeant affirmationem, & negationem de *Modo*, sed de *Disso*; idè non erunt contradictoriae. Igitur juxta principia Aristot. & Dialecticæ haec propositiones erunt contradictoriae: *Probabile est dari tale praeceptum*; *Non probabilè est dari tale praeceptum*; Ex quibus affirmativa est vera, negativa est falsa; & sic utrique intellectus nequit assentire; poterit tamen illis simul assentire, tanquam non contradicentibus.

34. Probatur ulterius, quòd utrique parti probabiliter possimus assentire. Adversarii concedunt, *utramque partem esse probabilem*. Quæro, dum hoc concedunt, an cognoscunt utramque partem esse veram; & sic utrique poterint assentire, quia verum est objectum assensus; an verò cognoscant unam esse veram, alteram falsam. Si sic; ergo, quam veram agnoscunt, vocent Probabilem, & falsam appellent *Improbabilem*, & *erroneam*; non autem Probabilem. Nec dicas ex Arist. & Divo Thoma ubi suprà, Opinionem verari circa *Verum*, aut *Falsum*; Ergo Opinio falsa potest dici Probabilis: non dicas, inquam, hoc; nam, quod quidem in se est falsum, potest intellectui apparere probabile, imò & probabilius ex Aristot.... Quod verò tibi *Falsum* apparet, & nescis ut falsum, & judicas falsum, nequis illud vocare Probabile; unde Divus Bernardus dicebat, opinari est quasi habere pro vero, quod

falsum esse nescias. Tum quia hoc nomen, *Probabile*, accipitur in bonam partem; hinc Alexander VII. num. 27. & 40. & Innocentius Undecimus num. 2. 3. 4. & 6. damnant in suis Decretis quasdam propositiones, quæ Probabilitatis nomine condecorabantur à Doctoribus. Antiquitus in materia Confessionis Sacramentalis utraque pars Probabilis iudicabatur. Nunc certò pars una est falsa, alia vera; numquid utraque pars dici potest Probabilis?

35. Dices, quod judicatur falsum; potens tamen esse verum, potest vocari Probabile; ergo Probabilitas non importat veritatem, sed potentiam, ut sit vera.

Sed contra, quia Probabilia sunt ea quæ talia videntur vel omnibus, vel Sapientibus &c. Si Probabile videtur esse tale, ergo Probabile importat actu veritatem, quæ trahat intellectum ad suum assensum. Igitur, quod judicatur falsum, potens tamen esse verum, non potest vocari *Probabile*, quia Probabile, ut tale approbatur à Sapientibus, Falsum verò reprobatum à Sapientibus, quin ab omnibus; falsum enim, ut falsum est objectum reprobationis, non approbationis. In rei veritate apud Divum Thomam nomen *Probabile*, accipitur in bonam partem. Possem plures textus asserre, sæpè enim hoc nomen utitur, hos sex referre sufficiat. Par. 1. quæst. 1. art. 8. ad 2. ait Theologianus arguere ex autoritatibus Patrum *Probabiliter*. 3. part. quæst. 70. art. 4. ad 2. scribit: *Probabile est*, ante circumcissionem parentes fuisse quasdam preces pro parvulis ad defendum peccatum originale. Quæst. 7 de malo art. 11. ad 16. dicit, *esse satis probabile*, quod peccatum veniale in Purgatorio statim non deleatur. In 4. dist. 17. q. 3. art. 3. quæst. 4. ad 5. ait: dum prenitens sibi *probabiliter* timet aliquod periculum, potest recurrere ad Superiorem pro obtinendo alium Confessorem. Distinct. 32. art. 4. ad 3. susinet cum alijs *probabiliter* esse, matrimonio junctum non posse votum facere de non petendo debito. Dist. 45. quaest. 2.

quæst. 2. art. 2. quæstion. 1. ad 3. docet: de facto Traiani hoc modo *probabiliter* estimari potest, quod precibus Beati Gregorii ad vitam fuerit revocatus. Certè Angelicus Doctor in his locis accipit terminum, *Probabile*, in bonam partem, ut scilicet significet aliquid, quod intellectus amplectatur, & sic quod sit; nec in alio sensu, pro quanto potui legere, unquam inveni. Ergo in sententia Divi Thomæ, quod cognoscitur esse actu fallum, nequit nominari *Probabile*. Legatur Bordonus in Propugn. Opin. Probab. c. 19. num. 21. ubi egregiè probat ex Etimologia nominis, & aliis capitibus nomen, *Probabile*, accipi in bonam partem, & veritatem importare.

36. Hæc dicta sint ad ostendendum esse valde probabilem illam Opinionem Probabilistarum, quod scilicet sine contradictione possimus probabiliter assentiri utrique parti; quia tamen hæc Opinio non est necessaria pro meo fine, qui est dare licentiam sequendi quamlibet ex duabus probabilibus opinionibus. Ideo omitamus hanc doctrinam, maxime cum principii Doctoris Angelici quadrare non videatur; siquidem ipse 1. 2. quæst. 77. art. 2. ad 3. dicit, quod aliquis nequit habere simul actum Opinionis veræ de universali affirmativo cum actu Opinionis falsæ de particulari negativo. Eadem habet quæst. 53. art. 1. quæst. 64. art. 3. ad 3. & part. 1. q. 17. art. 4. ad 1. & q. 3. de Malo. ar. 9. ad 5. Idem Sanctus Doctor lib. 4. Metaphys. lect. 6. litt. D. lect. 15. litt. G. & lib. 11. lect. 3. litt. A. fin. probat Opiniones contrarias non posse esse simul in eodem intellectu, quia verificarentur duo contradictoria; objectum enim Opinionis affirmativa esset ens, objectum verò negativæ esset non ens, & dant exemplum huius doctrinæ, aliata quæst. 64. dicit, non posset aliquis opinari simul, quod Bonum sit bonum, & Bonum non sit bonum. Nota, quod Sanctus Doctor in quæst. de Malo expressè fatetur, nos non posse habere simul aut scientiam, aut Opinionem veram in actu de universali affirmativo,

& Opinionem falsam de particulari negativo. Hinc notum simul intellectus nequit habere cognitionem certam de utraque parte contradictionis, sed nec etiam cognitionem incertam, & de linea Opinionis, expressè enim loquitur tum de scientia, tum de Opinione.

37. Respondetur igitur secundò ad argumenta Patris Gonzalez, & dicimus cum Divo Thomæ, quod idem intellectus nequit judicare utramque partem esse veram, licet *Probabiliter*, & *Opinativè*, sed unam tantum; at talis assensus probabilis, seu iudicium Opinativum non est iudicium de veritate rei, quia veritas opinativa, seu Probabilis, quamvis in se actu esset falsa, non amitteret suum esse. Et contra Veritas rei non esset veritas rei, si in se esset falsa. Quando dicitur: evidenter cognoscimus utramque partem esse probabilem, & tamen non possumus assentiri utrique parti probabiliter; ergo assentiri probabiliter non est idem, ac iudicium de Probabilitate; erit ergo iudicium de veritate rei, quæ solum stat in unica parte.

38. Respondetur distinguendo primum consequens: ergo assentiri probabiliter rei non est idem, ac iudicium de Probabilitate Opinionum; concedo: non est idem, ac iudicium de Probabilitate Rerum; nego. Explico exemplo. Cognosco opinionem dicentem, *circumstantias aggravantes esse constitutas*, & de hac profero iudicium, & dico: *Hæc Opinio est probabilis*. Cognosco alteram Opinionem negantem, *circumstantias aggravantes esse constitutas*, & de hac efformo iudicium, & dico: *Hæc Opinio est probabilis*. In figuratione huius casus duo dantur iudicia, seu assensus intellectivi. Primus actus attingit *Circumstantias*; secundus percipit *cognitionem illam*, quæ circumstantiæ attinguntur. Primus actus est directus, est in linea Opinionis, & potest esse falsus. Secundus actus est reflexus, quia attingit, & habet pro objecto *cognitionem*. Est evidens, & sic spectat ad lineam scientiæ, nec potest esse falsus. Hinc patet

patet data distinctio; nam iudicium de Probabilitate Opinionum non est probabile, sed certum; iudicium verò de Probabilitate Rerum est Probabile, & in linea Probabilitatis, quia potest aliter se habere, nam in dato casu, iudicio circumstantias aggravantes esse confitendas oò motivum, quod necessario non est ipsa res; & sic necessario non est Veritas Rei. Hoc autem, quod videtur ipsa res, & veritas rei, sed necessario non est ipsa res, & veritas rei, cum sit quid minus, quam esse necessario ipsam rem, & veritatem rei, nos vocamus Probabilitatem Rei, Verisimilitudinem, & Quasi Veritatem Rei, ut utar phrasi Divi Bernardi.

59. Porro, quamvis assensus opinativus formaliter non tendat ad veritatem rei, ut explicui, adhuc juxta hæc principia Divi Thomæ eodem tempore intellectus non assentietur alteri parti; & hoc, quia adhuc affirmaretur, & negaretur idem prædicatum de eodem subiecto; diceretur enim: datur præceptum de circumstantiis aggravantibus confitendis: non datur præceptum de circumstantiis aggravantibus confitendis. Hoc autem fieri in eodem intellectu eodem tempore est impossibile juxta Divum Thomam. Audi ipsam allata lect. 5. lib. 11. Metaphysic. litt. A. fin. Impossibile est, inquit, quod aliquis opinetur, hoc principium esse falsum: (quod nempe idem sit, & non sit) opinaretur enim contradictoria esse simul vera; & sic idem habere simul contrarias opiniones; nam contrariæ opiniones sunt, quæ sunt de contrariis. Sicut Opinio, qua quis opinatur Socratem sedere, est contraria opinioni, qua quis opinatur eum non sedere. Sic Sanctus Doctor.

60. Dices, impossibile quidem est, quod ens sit, & non sit; non tamen implicat, quod ens appareat esse, & appareat non esse juxta Divum Thomam, qui q. 14. de verit. art. 1. dicit, dari rationes apparentes æquales ad utramque partem moventes; ergo, si juxta Divum Thomam assensus opinativus est de ap-

parentia, & probabilitate, non verò de veritate rei, intellectus poterit utramque partem opinari.

Respondetur, in sententia Divi Thomæ non implicare, quod ens appareat esse, & appareat non esse in actu primo; implicare verò, quod appareat in actu secundo; hoc est, dantur quidem media, & rationes ad utramque partem moventes, ut Doctor ipse Angelicus dicebat loco allato; non tamen intellectus movetur actu ad judicandum de utraque parte, ut fatetur expressè ibidem Divus Thomas. Et quidem in aliis materiis juxta Divum Thomam in eodem intellectu dantur motiva ad diversos actus, & tamen simul illi actus in eodem intellectu non se compatiuntur. Sic part. 1. quæst. 58. art. 7. ad 3. ait: ad eandem conclusionem habere possumus, & medium demonstrativum, & dialecticum. Et quæst. 62. art. 7. dicit: nihil prohibet simul aliquid cognoscere per diversa media; sicut simul potest cognosci aliquid per medium probabile, & demonstrativum. Doctissimi Salmaticenses de Fide disput. 2. num. 141. & 142. explicant hocce textus de mediis in actu primo, non verò in actu secundo; tenent enim tanquam de mente Divi Thomæ exploratum, opinionem, & scientiam de eodem objecto non compati simul in eodem intellectu. Sic etiam in sententia Scoti in 3. dist. 24. in solut. argum. princip. ad 1. & 3. ut notat Mastrius in 3. disput. 6. num. 104. in eodem intellectu sunt composibiles habitus Fidei, & habitus scientiæ, non tamen actus Fidei, & actus scientiæ de eodem objecto: ergo etiam nos possumus dicere, quod in sententia Divi Thomæ apparet quidem utraque pars in eodem intellectu in actu primo, non verò in actu secundo; & hoc, quia in actu secundo importatur affirmatio, & negatio de eodem subiecto, & prædicato, quæ non importatur in illis motivis in actu primo se habentibus ad utramque partem hujus objecti.

61. Colligitur, sive dicatur assensum opinativum esse de veritate rei, sive de quasi

quasi veritate, five de Probabilitate, & Verisimilitudine; colligitur, inquam, ex assensu opinativo non posse inferri *veritatem rei*. Hinc nequit argui à sententis, quem habeo de hoc objecto, est certò opinativus; ergo hoc objectum ita est. Hinc dicebam: Opinatio Aristot. de Linea Æquinoctiali inhabitabili proculdubio antiquitus erat certò probabilis; quin probabilior reputabatur teste Divo Thoma, & multis alix Antiquorum opiniones, etiam morales, erant certò probabiles, & tamen non inferebant veritatem, cum postea invente sint falsæ. Hoc corollarium mihi est evidens, & ex eodem videtur inferri, quòd assensus opinativus non sit iudicium determinatum de veritate rei. Hic suppono, quòd hæc propositio de assensu opinativo sit saltem in materia necessaria. si non sit definitio ipsius assensus opinativi. Si illa propositio est necessaria, ergo non posset dari assensus opinativus sine veritate rei. Si dicant talem assensum solum contingenter importare veritatem rei; ergo explicant assensum opinativum in ordine ad aliquod contingens, & accidentale, de quo parum esse debemus solliciti. De essentia, & proprietatibus metaphysicis assensus opinativi debemus inquirere, non de ejus accidentibus. Si debeo fateri, quòd sentio, credo in hac questione esse differentiam de solo nomine.

62. *Quæres* tertio, an Opinio possit esse omnium, an verò necesse sit, ut aliqua cognitio sit Opinio, quòd detur varietas in opinativis.

Respondetur aliquam propositionem posse esse in linea opinionis, etiam si illam omnes doceant. Hic præscindo à Sanctis Patribus loquendo in materia Sacra. Loquor ergo de Scholasticis, & Summis, & dico, quòd, si omnes Scholastici, & Summi docerent aliquam propositionem, ex præciso capite, quòd conveniant, nequit argui, illam propositionem esse evectam à statu opinionis, sed considerandæ sunt rationes, unde solum elevabitur ad certitudinem,

si rationem certam offerent. Hinc, licet Scholastici, & Summi faciant omnes per tria sæcula, & amplius, ex professo docuerint, Infantem non posse baptizari existentem totaliter in utero; tamen Moderni aliqui, quos sequar, jure potuerunt discedere à tali opinione, & oppositam sustinere, nec de temeritate accusari.

63. Hanc meam conclusionem putasse evidenter Aristotelis docentis 1. topic. cap. 1. tex. 6. & retuli supra num. 7. Probabilia esse, *quæ videntur vel omnibus, vel plurimis, atque Sapientibus, atque his, vel omnibus, vel plurimis* &c. Nota, quafò, quòd aliquid potest *videri omnibus*; & tamen esse *Probabile*. Quin Aristot. primo loco posuit vocem, *Omnibus*, ut significaret, tunc propositionem propriè esse in linea Probabilitatis, cum admittitur *ab Omnibus*. Si propositio potest remanere Probabilis, & esse omnium; conclusio deducta ab illa erit omnium, & tamen non erit, nisi Opinio; quia ex præmissa probabili nequit deduci conclusio scientifica, & ad alium habitum nequit reduci illa conclusio ex sex assignatis ab Aristot. 6. Æthic. c. 3. quàm ad Opinionem.

64. Confirmatur. Testibus doctissimis Salmaticensibus num. 131. & 132. illa propositio: *omnis mater diligit filium*, est adeo apparens, ut nulla ratione indigeat ad sui assensum; ergo omnes illi præbebant assensum, & utique opinativum, ut potè habentem formidinem de opposito. Maffrius in Logic. disp. 14. quest. 1. princ. testatur illam propositionem *ab omnibus* acceptari ut veram in serie contingentium. Hic obiter colliges, non bene dixisse Patrem Gonzalez cum Lugo, relatis num. 32. quòd concedentes unam propositionem esse probabilem, simul concedant contrariam esse probabilem. In multis equidem est verum, non tamen in omnibus; unde illa propositio: *mater non diligit filium*, non est probabilis, licet omnes concedant esse probabilem suam oppositam.

65. Vendrochius Not. 1. Epist. V. ponit pro titulo paragrapho tertio hæc incri-

inſcriptionem : *Nullam Propoſitionem Probabilem univerſe, & omnibus.* In ipſo verò incauſa Caſuiſtas, ed quòd aſſerat, quòd, ſi aliqua Propoſitio viſa fuerit Probabilis aliquibus Doctòribus, ſit talis cenſenda ab omnibus; Unde ſubjungit, hoc eſſe injurioſum Deo, & hominibus; Deo quidem, quia Uni dat majus lumen, quam Alteri; Homini- bus verò, quia denotat omnes aquali ignorantia laborare. Verum tamen eſt, quòd in Paragrapho limitat titulum, & dicit: Vix dari Propoſitionem Proba- bilem univerſe, & omnibus. Hæc ſua Doctrina ſequitur ex alia, quam pluri- bus in locis inculcat, quamque ſequun- tur Probabiliorita, in difficultatibus nempe tangentibus Conſcientiam *Oratio- ni inſtandum eſſe*, ut Pater luminum il- luſtrent mentem ad veritatem haurien- dam. Si hoc eſt verum, jam liquet, qui plurimum oraverit, poſſe præſume- re, ſe habuiſſe majus lumen Divinum; & ſic poterit, æquo judicio credere, ſe doctiorem alio, qui dictat opinionem contrariam, & minus oraverit; ac proinde fas erit ipſi, opinionem ſuæ con- trariam non eſſe probabilem judicare. Quod an ſapiat præſumptionem, decer- nent viri docti.

66. Doctrinam hanc de Oratione fun- denda pro ſolutione dubiorum in ma- teria obſcura, & incerta reſellemus ali- bi; nunc verò quoad ea, quæ ſpectant ad præſentem difficultatem aſſero, opi- niones omnes Auguſtini, & Antiquo- rum Patrum, ſi ab Eccleſia non ſint proſcriptæ, ab omnibus eſſe ſequendas ex c. *Sanſta* 15. diſtinct. Ex alia parte ſciimus ex Divo Thoma 1. part. quaſt. 1. art. 8. Authoritatem Patrum contineri intra lineam Probabilitatis, adeoque cum Opinionibus Patrum non ſint una, aut duæ, ſed plurimæ, jam patet non vix, ut volebat Vendrochius, ſed ſæpe propoſitionem eſſe Probabilem univerſe, & omnibus. Sic etiam quis poterit ne- gare omnes Opinionibus Divi Thomæ eſſe Probabiles? Hoc idem aſſerent de Opinionibus Scoti Scotiſtæ, de opinio- nibus Bæconi Bæconiiſtæ, & ſic lo-

quando de Opinionibus Procerum An- tiquorum. Ergo plurimæ Opinionibus de- bent eſſe Probabiles univerſe, & om- nibus.

67. De reliquo etiam ego fateor mul- tas Opinionibus, quæ multis videntur Probabiles, non eſſe neceſſe, quòd aliis tales videantur, quia aliter homi- nes eadem ignorantia laborarent. Aſſi hoc puto verum de Doctòribus, qui floruerunt diverſis temporibus, quia de- curſu temporis diſcooperiuntur multa vera, quæ falſa videbantur, & multa eſſe certa, quæ ſolùm probabilia repu- tabantur. Sic aliquæ hæreſes probabi- les à viris Catholicis Antiquis judicate ſunt, ut patet in quaſtione, an Con- feſſio peccatorum ſit in Præcepto Divi- no. Sic Divus Cyprianus, & cum eo Oſtuaginta Episcopos tenuerunt, Bapti- zatum ab Hæreticis eſſe iterum bapti- zandum. c. præter hoc 32. diſtinct. §. ve- rum fin. Sic Joachim Abbas tenuit aliquas Propoſitiones ut Probabiles, quæ tamen poſtea damnate ſunt ut hæreti- cæ. c. *Damnatus de Summ Trinit.* Sic etiam Magiſter Sententiarum aſſeruit plura ut Probabilia, quæ tamen com- munitè reprobantur, ut patet ex Di- vo Antonino part. 4. tit. 11. c. 8. Divo Bonaventura in 2. diſtinct. 44. dub. 3. & Pelbar. in Roſar. V. Opinio. num. 4. & hinc mos obtinuit, quòd poſt diuturnas quaſtiones Pontifex decidat dubium, & certam reddat unam ex opinionibus, ut patet ex c. *Damnatus de Trin.* c. *fidei eod.* in ſexto, c. *Antiqua extrav.* Joann. 22. & aliis Decretalibus, ut obſervat Bæcon- nius in 4. diſt. 2. q. 4. art. 3.

68. Liquet ergo, quòd decurſu tem- poris longo non eſt neceſſe, quòd Do- ctiores poſteriores accipiant ut probabi- lia, quæ primis talia apparebant. Ve- rum, quòd videtur probabile viris do- ctis, difficultatemque agentibus ex profeſſo, alii florentes circa idem tem- pus nolint amplecti ea ut probabilia, eſt nimium ſapere, & præſumptuoſum, & judicare ſolem in meridie exiſtere, dum vix Aurora ruſcit. Et hoc eſt contrarium praxi Antiquorum, qui nunquam

priscos ; & modernos tenentes sive hanc, sive illam. De hoc infra suo loco. Ergo Vendrochius dicit, quod Opinio asserens obligationem consistendi circumstantias aggravantes sit Probabilis; dicit etiam (disputationis gratia saltem) quod opinio negativa sit Probabilis. Jam scimus unam ex his esse falsam in seipsis; adhuc quero, an Argumenta probantia Probabilitatem primæ Opinionis sint solida, firma, vel fallacia, & sophismatibus referta. Hoc idem inquirō de secunda Opinione. Si dicatur utramque Opinionem habere Argumenta fortia, solida, nec fallacia constantia; Ergo in materia obscura opinio falsa habet Argumenta fortia, & solida. Si dicatur Opinionem falsam habere rationes solum apparentes, & fallaces; quomodo ergo Vendrochius tunc utramque opinionem iudicabit probabilem? Nemo potest asserere, si sit sapiens, aliquod esse probabile, nisi sit motus à ratione, quæ sibi sit fortis, gravis, & solida.

20. Instruamus Argumentum universaliter. Opiniones contrarias, etiam Morales Thomistarum, Scotistarum, Baconistarum, &c. certum est, non posse esse in seipsis veras, quia impossibile est, quod obiectum sit, & non sit; Una ergo est vera, altera falsa. Interea volo, quod Vendrochius iudicium ferat de Argumentis probantibus omnes, & singulas illas Opiniones, an sint valida, efficacia, & fortia; vel fallacia, & sophistica. Si primum asseratur, ergo opinio falsa, quæ scilicet in se est falsa, habet erga nos magnam soliditatem, firmitatem, &c. propter quod est digna, ut propugnetur à Thomistis, Scotistis, &c. Si secundum dicatur, jam Vendrochius acriter vapulabit à Thomistis, Scotistis, &c. qui omnes iure asserunt, omnes Opiniones suorum Doctorum continere sanam, solidam, firmamque doctrinam.

21. Nunc reverendo ad tertiam Questionem in illa difficultate, quam proposui supra Verf. *Respondet, magnam: An possimus absolvere pœnitentem absen-*

*tem.* Observe ex Diyo Antonino par. 3. tit. 14. c. 14. §. 9. & tit. 17. c. 12. & c. 21. §. 3. in Concilio Basilienli super hoc Articulo factam fuisse collationem cum multis notabilibus Doctoribus Theologæ. Quidam eorum (si scandalum magnum timeretur) Absentem absolvendum esse proclamabant, qui præsens malè absolutus fuerat; Aliis verò placuit negotium committendum esse Deo, si notabile scandalum timeretur; præsertim si malè absoluta fuisset prius multitudo, vel multi eorum multum distarent à Confessario. Hanc opinionem de Verbo ad Verbum sequitur Sylvester Verb. Confessor. 3. num. 1. qui allegat Directorium Juris, cujus Author fuit Petrus Casuel.

22. Laxiorem Opinionem habuit Palud. in 4. dist. 17. q. 2. art. 1. dicit enim: *Si pœnitens non possit ire, nec accersere Sacerdotem, liceat eidem scribere peccata, & mandare; & Sacerdos possit rescribere, & remandare absolutionem; & valet absolutio quando uterque sic est infirmus, vel clausus.* Hanc opinionem sequitur clariss. Adrianus, qui per Vendrochium collocatur in choro Theologorum Antiquorum, in 4. ubi agit de Sacram. Confess. art. 1. §. *sed oritur ex his.* Hic expressè asserit: Generalius autem respondendum videtur, ubi iusta causa occurrit, talis videlicet, quæ consistentem relevat à Confessione ore faciendâ, Confessio facta per scripturam, vel nuntium valida est, & potest absentem Sacerdos Sacramentaliter absolvere; Secus dum ex segnitia, vel verecundia non vult ore proprio confiteri Sacerdoti, quia sic poneret obicem Sacramentali Absolutioni. Hanc quoque sententiam tenet Petrus Soto in Institut. Sacerd. de Confess. Lect. XI. §. *tertium istud*, ubi ait: *Tenent etiam voc. plures nostrum, Petrus de Palude, Hadrianus, Sylvester.* Sed Sylvester sequitur, ut dixi, primam sententiam Sancti Antonini. Alii etiam inveniunt sententiam Paludani, scilicet Fumus. Verb. Confessio Sacram. num. 23. Tabienr. Verb. Confessio 2. numer. 34. Verf.

Quarto quod. Turcremata in em pœnitent de pœnit. distinct. 1. num. 3. Dominicus Soto in relect. tend. & detegend. secr. membr. 3. sub. 4. § ad hoc respondetur. Hanc opinionem sequuti sunt alii Moderni, quæ Navarrus in c. quem pœnitent enitent. dist. 1. & in Summ. c. 21. 26. ubi vult, opinionem contra-Misericordiam Dei, Virtutem Sacerdotii, & Devotionem erga ipsam ere.

Attamen Clemens Octavus in sua, Incipit: Sanctissimus Dominus, de Anno 1602. 20. Junii. §. 1. & Tom. 3. Bullarii Cherubini, est hujus Pontificis 87. damnat hanc positionem: *Lucere per litteras, seu iunctum Confessorio absenti peccata mentaliter confiteri, & ab eodem absolutionem obtinere.* Scio graviter cari Doctores, an Papa damnet propositionem divisæ, & quoad alibet ejus partem, an verò compositæ, & conjunctivæ, de quo vide Moscos; Antiqui enim divinare non possunt. Præcipue verò lege Salmaticæ tract. 6. de Sacram. in gener. c. 3. 26. ubi referunt, Paulum Quindoclarasse illam propositionem ingendam tum conjunctivæ, tum disjunctivæ.

Supposita ergo declaratione Summi Pontificis inquiri, an utraq; opinio amplius rationes, quæ possint esse Viros doctos, graves, & Rectos, ut olim habuit; Doctores & Notabiles, Divus Antoninus, esset, Palud. interque Soto, Talamus, & alii relati fuerunt docti, grati & Religiosi. Ni volumus judicare eam Cathedram contra textum in Summ. tit. 21. dist. jam patet, quod Jo. Sylvestri, Palud. Soto, Doctores Basilienfium nunc non habet rationes, amplius graves, &c. quare ergo an declarationem Pontificis rationes pro opinione solidæ reputabantur? Non illam, nisi quia non aderat principium certum, unde colligeretur evidentialitas illarum. Igitur evidenter

constat, falsum in materia obscura, & incerta, quoadulque non fiat determinatio Ecclesiæ, posse habere magnam soliditatem, gravitatem, & firmitatem Veri, & nequit dici contrarium sine injuria gravissima Sanctorum Patrum, & omnium Scholasticorum, qui in hisce materiis contrarias opiniones ab initio sequuti sunt, & nique ad finem Mundi sequentur. Hinc dicebat Divus Antoninus 1. part. tit. 3. c. 10. §. 10. Veri revertendo ad quam: *Quod autem dicit Beatus Thomas quodlibet. 3. q. 4. art. 2. quod quando sunt due opiniones contrarie de eodem, oportet alteram esse veram, & alteram falsam; Si ergo ille, qui facit contra opinionem Magistrorum, ut puta habendo plures præbendas, faciens contra veram opinionem non excusatur a peccato, cum faciat contra legem Dei, quæ non faciat contra Conscientiam.* (Notentur verba sequentia Sancti Antonini glossantis prædicta verba Divi Thomæ, quæ videbantur esse multum scrupulosa) *Hæc enim verba Beati Thomæ non possunt intelligi, nisi de his, ubi manifeste patet ex Scriptura, vel determinatione Ecclesiæ, quod sit contra legem Dei, & non de illis intelligit, ubi non apparet; alias sibi contradiceret in eodem libro, quod non esset credendum.*

25 Ecce clarè per Divum Antoninum quis excusatur sequens opinionem falsam ante textum clarum Scripturæ, & decisionem Ecclesiæ. Ergo per Divum Antoninum opinio falsa in materia obscura potest habere rationes, propter quas dignus reddatur venia illam sequens; & ita illæ rationes erunt valde solidæ. Faciunt pro hoc puncto ea, quæ dixi cap. primo per totum, & præcipue textus Antonini ex parte 3. tit. 5. c. 2. §. 9. relatus c. 1. n. 6. Notabis illa verba: *Antequam per Ecclesiam fieret determinatio, pro illo tempore poterunt excusari, qui unam, vel contrariam tenebant; & postea negabis, si potes, per Antoninum utramque opinionem habuisse ante decisionem Ecclesiæ fundamenta verè solida, & firma.*

Colligitur ad Probabilitatem non sufficere, quòd res sit incerta; nam de re incerta datur etiam dubium, & suspicio. Requiritur ergo pariter, ut dicebam in nostra definitione, *ut nitatur gravi motivo*. Porro utraque ratio sufficit ad Opinionem Probabilem constituendam ut distinctam ab aliis cognitionibus; per hoc enim, quòd sit incerta, distinguitur à Fide Divina, Scientia, & Intellectu, quæ sunt cognitiones certæ. Per hoc, quòd *gravi motivo nitatur*, distinguitur à suspitione, quæ levi signo tenetur. A dubio distinguitur, quia opinio importat assensum, & dubium rejicit assensum.

26. Quæres primò, an possimus habere opinionem probabilem, si præcisè in illa materia non detur decisio Ecclesiæ, nec textus clarus Scripturæ, aut aliud principium certum. Prima facie videtur affirmativè dicendum, quia Divus Thomas quodl. 3. art. 10. quærens, *Utrum auditores diversorum Magistrorum sententiarum diversas opiniones excusentur à peccato erroris, si opiniones suorum Magistrorum tenent*, concludit: *qui ergo assensu opinioni alicujus Magistri contra manifestum Scripturæ testimonium, sive etiam contra illud, quod publicè tenetur secundum auctoritatem Ecclesiæ, non potest ab erroris vitio excusari*. Alii Antiqui tractantes hanc questionem asserunt integrum textum Doctoris Angelici, & sic transeunt; quos vidi, sunt Joannes de Friburgo lib. 3. tit. 33. quest. 18. Pisarella, & ejus Supplementum V. opinio. Divus Antoninus par. 3. tit. 5. c. 2. §. 9. Et Henricus Hesp præcep. 1. sem. 8. q. 4. Ergo per hos Doctores quis ab erroris vitio excusabitur, si habeat opinionem, quæ non sit contra principium certum; & hinc nos cap. 1. dicebamus contra Probabilioristas, Probabilitatem non posse damnari, quia nullum principium certum habetur Probabilitati oppositum; & referebamus ex Divo Antonino, quòd ante decisionem Joannis Vigessimertii Doctores poterant unam, vel alteram partem tenere in materia de paupertate Christi,

27. Sed absolutè tenendum est, ex præcisò capite, quòd non detur decisio Pontificis, aut textus clarus Scripturæ, aut aliud principium certum, non posse haberi Opinionem Probabilem; quia ex præcisà deficientia principii certi sequitur solum in illa materia non dari certitudinem; ablato enim uno contradictorio præcisè solum sequitur aliud contradictorium; sed ex præcisò capite Incertitudinis non sequitur Opinio probabilis ex modo dictis; ergo ex deficientia decisionis Pontificiæ, aut alterius principii certi non sequitur necessariò dari in illa materia Opinionem probabilem.

28. Nec Doctor Angelicus, & illi Antiqui nobis opponuntur. Loquuntur ipsi de discipulo sequentem opinionem Magistrorum, & dicunt rectè, hunc excusari ab erroris vitio, si talis opinio non sit contra aliquod principium certum; & Divus Antoninus specificabat de tenentibus unam, vel alteram partem in materia de paupertate Christi; & jure sustinent, tales opinantes excusatos fuisse, usque dum inveniretur aliquod certum, quod ipsis opponeretur. Non opponuntur, inquam, quia loquuntur de Opinionibus Magistrorum; & sic loquuntur de cognitione distincta à Dubio, & Suspitione, & sic loquuntur de illa cognitione, quæ causabatur à *ratione Probabili*, ut utar phrasi Divi Bonaventuræ, Richardi, Rubion, & aliorum Antiquorum. Porro nomine *rationis Probabilis* non intelligebant Antiqui *meram carentiam principii certi*, ut legenti ipsorum libros fiet manifestum; sed pro qualibet Opinione peculiare rationes inveniebant; Cum enim ipsi distinguerent Opinionem à Dubio, & Suspitione, ergo pro constituenda Opinione non poterant asserre *solum carentiam principii certi*; nam hæc ratio est communis Dubio, & Suspicioni. Insuper Opinio multiplicatur ad multiplicationem materiæ, in qua est; & sic asseriebant peculiarem rationem pro peculiari Opinione alicujus materiæ. Igitur Divus Thomas, Joannes de Friburgo, &



illi Antiqui dicebant : *Discipuli absque vitio erroris possunt tenere opiniones suorum Magistrorum*, ( scilicet conclusiones, quas sui Magistri ex rationibus Probabilibus deduxerunt ) usque dum non accedat decisio Ecclesia, aut aliud principium certum in oppositum reperitur. Sic etiam in cap. 1. ego dixi, illam Opinionem, Probabilitas est recta regula, non posse damnari, nisi asseratur principium certum; hoc tamen non opponitur doctrinæ præsentis, quia ex deficientia principii certi inferrebam solum, illam opinionem non esse damnabilem, non verò deducebam ex hac ratione, illam Opinionem esse vel Certam, aut Probabilem, aut Probabiliorem. Igitur deficientia principii certi causat, Opinionem non esse damnabilem, non verò, esse Probabilem, sed hoc habet aliunde.

29. Dices ex Divo Antonino part. 1. tit. 3. §. 10. regul. 7. Vers. revertendo ad quartam, dicitur : potest quis tenere unam partem alicujus opinionis, & secundum eam operari excluso saltem scandalo, quæ scilicet pars habeat pro se notabiles Doctores, dummodo talis opinio non sit contra auctoritatem expressam Sacra Scriptura, nec contra determinationem Ecclesia Catholica, & quòd istam ex contrarietate saltem opinionum non inducat ad dubitandum. Ergo Opinio vincitur nedum per Decisionem Ecclesiæ, aut per aliud principium certum, sed etiam per aliam Opinionem, quia posito dubio de aliqua re, de illa non habetur amplius Opinio. Illud dictum Antonini est iuxta Doctorem Angelicum dicentem quodl. 8. art. 13. quòd si quis retinet plures Præbendas cum dubitatione orta ex contrarietate opinionum, peccat procul dubio.

30. Sed contra primò ex Divo Thoma ibidem, qui sic concludit illum articulum : aut ex contrariis Opinionibus in nullam dubitationem adducitur, & sic nec peccat. Ergo Opinio contraria non emper causat hanc dubitationem; ergo Opinio ex se non habet vires sufficientes ad tollendam oppositam opinionem, nisi si tales vires retineret, semper op-

positam tolleretur, non enim Opinio est libera ad suum effectum; ergo dubitatio non oritur per se, & ex viribus opinionis oppositæ, sed ab aliunde.

Contra secundò, quia Divus Antoninus, & Divus Thomas non exigunt illam conditionem, ne inducatur ad dubitandum, ad Opinionem, sed ad Operationem; ille enim dicit : potest quis tenere unam partem alicujus Opinionis, & secundum eam operari. Ecce expressè Opinionem, & Operationem. Iste verò expressè loquitur de Opinante, & cum dubitatione retinente plures præbendas. Ecce etiam expressè Opinionem, & Operationem. Certum est autem plura requiri ad Operationem, quàm ad Opinionem; & cum bona, & Opinio probabilissima potest quis peccare mortaliter, Probabilissima est Opinio Scottistarum dicentium ad consecrationem Calicis non requiri omnia verba formæ; si quis tamen operaretur juxta illam Opinionem, sacrilegè consecraret. Sic etiam est certum ex Alexandro Octavo in suo Decreto condemnante plures opiniones num. 3. Opinionem probabilissimam sufficere ad praxim; si quis tamen simul haberet dubitationem de opposito, & operaretur, hic discrimini se objiceret, & sic peccaret ex Divo Thoma; & hic faceret contra conscientiam, & ita adificaret ad Gehennam. c. litteras de reſtit. Spoliar. c. quoniam omne de præscript. Denique si subditis prohiberetur à suo Superiori, ne operaretur juxta Opinionem Angelici Doctoris, hic procul dubio peccaret, si operaretur juxta Doctrinam Angelici; & tamen haberet aliàs bonam, & rectam Opinionem.

31. Cæterum etiam ego fateor, quòd, si advenit Dubium, tollitur Opinio, ut patebit infra, quia Opinio importat assensum intellectivum, Dubium verò importat Suspensionem assensus; assensus autem, & suspensio assensus opponuntur contradictoriè: at nego, quòd, dum advenit Dubium in casu de varietate Opinionum, Opinio vincatur, quia sola evidentia convincit, & cogit intellectum, & omnes rationes possumus

solvere, solis exceptis certis ex dicendis in cap. sequenti. Quando ergo ex varietate Opinionum advenit Dubium, & tollitur Opinio, tollitur eo modo, quo intellectus suspendit assensum, quando habet quadam apprehensa, qua, ut inquit Divus Thomas 1. 2. qu. 17. art. 6. non adeo convincit intellectum, quin possit assentire, vel dissentire, vel saltem assensum, vel dissensum suspendere propter aliquam causam; & in talibus assensus ipse, vel dissensus in potestate nostra est, & sub imperio cadit. Hunc textum expendam cap. sequenti num. 8. Ad hunc locum, & veritas melius elucescit. Igitur tollitur in hoc casu assensus opinativus, non quia convincatur, sed propter aliquam causam; stat tamen simul, quod assensus huiusmodi sub imperio cadat.

32. Quæres secundò, an assensus opinativus sit circa veritatem ipsius rei, an verò circa apparentiam, & verisimilitudinem.

Pater Gonzalez differt. 1. §. 1. num. 4. ait, esse assensum determinatum, & absolutum unius partis contradictionis cum formidat alterius; quamvis enim moveatur ad opinandum à verisimilitudine objecti, iudicium tamen opinativum non fertur in illam verisimilitudinem, sed in veritatem; nam verisimilitudinem invenit in utraque parte contradictionis, & illam manifestè, & evidenter cognoscit in utraque; at evidenter cognoscit veritatem non posse esse nisi in altera tantum; unde dum probabiliter uni potius assentitur, quam alteri, iudicat iudicio absoluto unam ex illis esse veram, & alteram falsam. Pro confirmatione affert Cardinale de Lugo disput. 10. de Fide sect. 1. num. 14. dicente: non esse idem credere conclusionem aliquam esse probabilem, & credere probabiliter illam; nam, qui tenent aliquam propositionem probabilem, concedunt simul contrariam esse probabilem; non tamen credunt veram, etiam assensu probabili; alioquin haberent assensus duos probabiles de objectis contradictoriis.

In contrarium num. 6. refert Joannem

à Sancto Th. 1. 2. pag. 325. n. 45. ubi ait: assensum probabilem iudicare, de facto hoc esse verum, non absolute, & quoad esse, vel non esse in se, sed quoad apparentiam, & probationem, idest in ratione probabili; quod autem solum apparenter, aut probabiliter est verum, dat locum alteri parti, quia involvit aliquam formidinem de illa ob incertitudinem, qua assentitur; & ideo ipse assensus probabilis ex sua natura sic importat affirmationem de una ratione apparente. Sic doctissimus hic Author, & ejus doctrina videtur fundari in definitione Opinionis tradita à Rubione, & allata cap. antecedenti num. 10.

33. Si per iudicium absolutum intelligatur actus non habens aliquam conditionem, est verum, si autem intelligatur actus adequatus objectum, nec modificatus; pace ipsius hoc nequeo concedere, quia actus opinionis est debile quoddam, & infirmum ex Divo Thoma 2. 2. qu. 2. art. 9. ad 2. Aristot. 1. poster. tex. 44. & insuper est quid minus, quam assensus scientificus; ergo non debet dici iudicium absolutum de veritate, sed potius iudicium quasi absolutum de veritate rei.

34. Pro responsione sciendum primò, quod, sicut in materia certa dantur duo genera cognitionum, scilicet primorum principiorum, & conclusionis deductæ ab illis, & prima cognitio vocatur intellectus, secunda scientia; ita in materia topica duplex datur cognitio, primorum principiorum nempe, & conclusionis ex illis deductæ. Vide Divum Thomam poster. 1. lect. 44. litt. c. fin. Utraque ex his cognitionibus dicitur Opinio ex Divo Thoma. Ratio hujus divisionis est, quia ex Divo Thoma ibid. & lect. 32. cum Aristot. non proceditur in infinitum in predicationibus, sive sursum, sive deorsum; ergo in materia topica debent dari prima principia; hæc autem nequeunt esse necessaria, & certa, quia ex necessario non sequitur contingens, & ex certo non sequitur probabile, ut constat, & notat Divus Thomas lect. 44. litt. C. Hinc communiter

re propositio, mater diligit filios, conceditur. Si autem dantur principia, datur quoque conclusio; ergo in materia opica datur cognitio principiorum, & conclusio. Primam solam cognitionem opinativam definit Arist. 1. poster. 24. num. 1. dum dixit, quod *Opinio est acceptio propositionis immediata non necessaria*; Patet siquidem, cognitionem deductam ex principiis opinativis esse Opinionem, & tamen est evidens, non esse propositionem immediatam.

35. Sciendum secundò ex Divo Thoma 2. 2. quæst. 1. art. 4. multiplici modo intellectum assentiri objecto: uno modo, quia ad hoc movetur ab ipso objecto, mod est per seipsum cognitum, sicut patet in primis principiis, quorum est intellectus, vel est per aliud cognitum, sicut patet de conclusionibus, quarum est scientia. Alio modo assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis, quàm in aliam; & si quidem hæc sit cum dubitatione, & formidine alterius partis, erit Opinio. Si autem sit cum certitudine abique tali formidine, erit Fides. *Illa autem videtur dicuntur, quæ per seipsa movent intellectum nostrum, vel sensum ad sui cognitionem.*

36. Hic insurgere potest dubium, quonodo distinguantur assensus principiorum scientiæ, & assensus principiorum opinionis. Ratio dubitandi est, quia uterque assensus est de propositione immediata; ergo objecta in utroque assensui immediatè, & abique cognitione alterius objecti movent intellectum; ergo uterque assensus est visio; nam illa videri dicuntur, *quæ per seipsa*, id est abique aliquo medio priùs cognito, *movent intellectum.*

37. Verùm faciliè dubium solvitur, si bene perpendatur textus Doctoris Angelici. Ipse dicit, quod objecta opinionis, & Fidei *sufficienter non movent.* Et ergo reddantur sufficientia, aliud requiritur. Hoc autem aliud est electio *quædam voluntaria*, ait Divus Thomas.

Est contra *objectum*, movens ad cognitionem primorum principiorum scientiæ, *per seipsum est cognitum*; Et sic, ut cognoscatur, non requirit aliquod medium. Hoc idem accidit ex Divo Thoma in Visione. Igitur assensus principiorum in materia topica non erit Visio, quia objectum ejus non est sufficiens ad talem assensum, erit autem assensus principiorum scientiæ Visio, quia per seipsum est sufficiens ad talem assensum.

38. Sciendum tertio assensum conclusionis scientiæ convenire, & differre ab assensu conclusionis opinativæ. Convenit, quia uterque est de propositione mediata, & cautatur in medio discursu. Disconvenit, quia medium ducens ad assensum scientificum est necessariò connexum cum veritate ipsius rei, & impossibile est, quod non sit connexum cum veritate ipsius rei; Medium autem ducens in assensum opinativum de propositione mediata non est necessariò connexum cum veritate rei, sed potest aliter se habere juxta Aristotel. & omnes Philoſophos; unde potest ducere in cognitionem non veritatis ipsius rei, sed falsitatis. Hinc argumenta, quibus apud Gratianum Viri religiosi, & docti inducebantur in assensum opinativum, quod non daretur præceptum de Confessione, non trahebant ad assensum veritatis rei, sed falsitatis. Idem dico de argumentis plurimarum propositionum, quas Antiqui opinabantur, quæque detectæ sunt falsæ. Has opiniones referam infra cap. 8. 9 & 10.

39. His scitis dico primò, assensum opinativum propositionis mediatæ non esse judicium de veritate rei. Hanc conclusionem puto esse doctrinam Aristotelis dicentis loco allato: quare derelinquitur Opinionem esse circa verum quidem, *aut falsum*, contingens autem & aliter se habere. Ecce expressè Opinio versatur circa verum, *aut falsum*. Ergo assensus opinativus non est judicium de veritate rei, sed est judicium de quadam ratione, quæ possit compatiri falsitate rei, & veritate rei.

40. Probatur primò. Non implicat, quòd assensus opinativus in se actu sit falsus; hinc, ut dicebam, antiquitus assentiebant aliquibus propositionibus opinativè, quæ tamen erant falsæ, & de facto Thomista assentit uni parti probabiliter, & Scotista assentit alteri parti, probabiliter pariter, unde uterque ex his assensibus est opinativus, & tamen unus ex illis est falsus; ergo assensus opinativus non est iudicium de veritate rei.

41. Confirmatur ulteriùs ex Divo Thoma, qui part. 1. quæst. 102. art. 2. ad 4. refert, quòd *probabilis* reputabatur, Lineam *Æquinoctialem* esse inhabitabilem, ut tenebat Aristotel. tom. 3. l. 2. meteor. c. 5. art. 2. Certè Aristoteles habebat assensum opinativum, sicut alii viri docti tempore Divi Thomæ, huic propositioni: *Linea Æquinoctialis est inhabitabilis*; & tamen ille assensus erat falsus actualiter, ergo assensus opinativus non est iudicium de veritate rei.

42. Probatur secundò. Veritas rei est una; unde in una sola parte reperitur, hoc fatente ipso Adversario, & est evidens; impossibile est enim duo contradictoria simul esse vera: ergo si assensus opinativus est iudicium de veritate rei, debet esse unius: hinc, quia iudicium in materia certa est de veritate rei, ideo in tali materia datur unius assensus, & omnes intellectus eidem assentiunt; inde omnes fatentur hominem esse visibilem; ergo, si assensus opinativus est iudicium de veritate rei, omnes debent tenere eandem Opinionem, cum ergo hoc sit falsum, falsum quoque erit dictum huius Doctoris.

43. Probatur tertio: Per ipsum Doctorem intellectus movetur ad opinandum à *Verisimilitudine*; Ergo assensus opinativus est iudicium de verisimilitudine. Consequentià probatur, quia perfectius est iudicium de veritate rei, quàm de verisimilitudine, ac proinde nequit verisimilitudo cauere iudicium de veritate rei, quia effectus nequit excedere suam causam. Tum quia iudicium de verisimilitudine requisitum ad

assensum opinativum, vel est objectum movens ad assensum opinativum, vel est præmissa concurrens ad conclusionem opinativam. Si primum dicatur, cum objectum non sit veritas ipsius rei, iudicium de ipso non erit iudicium de veritate rei. Si asseratur secundum, jam scimus conclusionem sequi debiliorem partem, atque adeò conclusio deducta à præmissa *Verisimili* erit solum *Verisimilis*, & erit iudicium de sola *Verisimilitudine*, non de veritate rei.

44. Dices: Quando asseritur, *assensus opinativum esse iudicium absolutum de veritate rei*, non intelligitur, quòd ille assensus debeat esse conformis cum re à parte rei; hic enim assensus est certus, sed intelligitur, quòd sit assensus de unica sola parte, ita ut iudicet esse veram solam illam, cum formidine tamen alterius.

Sed contra, quia si assensus opinativus non importat conformitatem cum re à parte rei, cui dicetur conformis? aliud non video assignari posse, nisi *motivum*, ut dicunt Probabilistæ, *rationalabile* movens ad talem assensum, quod motivum, cum non sit necessariò conexum cum re, nequit ducere, ut dicebam, necessariò in cognitionem veritatis rei, sed potest compati cum falsitate; unde dicebat Arist. aliquando falsa esse veris probabiliora. Infra patebit responsio ad aliud, quod asseritur in objectione.

45. Dico secundò assensus opinativus propositionis immediate non necessariò non est iudicium de veritate rei à parte rei. Ratio est, quia iudicium de talibus propositionibus, licet in se elset falsum, adhuc elset assensus probabilis; ergo non est iudicium determinatum de veritate rei.

Dices, talis propositio immediata non cognoscitur aliquo medio, sed per seipsam percipitur nullo alio cognito; ergo Opinio de ipsa est cognitio de veritate ejusdem, quia res est sua veritas.

46. Respondetur ex Divo Thoma, quòd objectum opinionis per se ipsum non sufficit ad movendum intellectum, & sic,

ic, ut habeatur intellectio opinativa, requiritur aliquid aliud præter objectum proprium: hoc autem aliud in sententia Doctoris Angelici est *electio quedam voluntaria*. Si dicamus hanc electionem concurrere ad Opinionem ut objectum cognitum, sicut se habet ad assensum Fidei, tunc objectio supponeret falsum, & sic nullius roboris esset. Sed, ne recurramus ad doctrinam valde difficilem, quæ patebit melius, objectum proprium opinionis non sufficere, ut moveat, & ita deberi hunc defectum suppleri ab alio: ideo dico, quòd veritas illius propositionis immediate non movet intellectum, quia sic videretur illud objectum, sed *quasi veritas objecti præstat* tale munus, nam, ut patet cap. antecedenti num 10. ex Divo Bernardo, *opinari est quasi habere pro vero*, quod falsum esse nescias, & si ille assensus in se, & à parte rei esset falsus, adhuc apud nos esset assensus opinativus, & tandiù remanet opinativus, quandiù durat apparentia de illius veritate. Ergo assensus opinativus de illa propositione immediata non est iudicium determinatum de veritate, sed est apparentia de veritate. Hinc Divus Thomas 1. poster. lect. 44. 2. fin. vocat opinionem talis propositionis *existimationem*; certum est autem, existimationem posse esse falsam, & sic non esse *iudicium determinatum de veritate rei*.

47. Pro solutione sequentis conclusio-  
nis sciendum duplicem dari veritatem,  
objecti scilicet necessarij, quod nequi-  
aliter se habere, & contingentis, quod  
potest aliter se habere. Primum causat  
veritatem scientiæ, & cognitionis certe.  
Secundum causat veritatem Opinionis,  
ut liquet ex Arist. poster. 1. c. 24. Et  
Divo Thoma ubi suprà. Hic pro obje-  
cto contingenti, ut dicebam suprà n. 4  
non intelligas rem, quæ à parte rei po-  
test aliter se habere; nam de ente ne-  
cessario potest dari Opinio. Sic de di-  
stinctione graduum metaphysicorum, &  
potentiarum Animæ dantur variz Opi-  
niones, & tamen certum est, quod illæ

sunt res in seipsis necessariae, quæque nequeunt aliter se habere. Sic etiam in moralibus in lege naturali dantur variae Opiniones, & tamen materia legis naturalis est omnino necessaria. Igitur per objectum contingens intelligitur ipsa res, quæ obijciatur tali modo intellectui, ut quantum est in virtute talis modi possit aliter se habere, quicquid sit, an à parte rei ita se habeat. Audiamus Divum Thomam ibidem. litt. C. fin. circa omnia mediata, inquit ipse, quorum est demonstratio, & scientia, potest aliquis existimare, quòd possibile sit aliter se habere, & ita potest ea opinari; non enim Opinio est solum de his, quæ sunt contingencia in sui natura. . . . . Sed Opinio est de his, quæ accipiuntur ut contingencia aliter se habere, siue sint talia, siue non. Hæc Doctor Angelicus ex Arist. c. ult. lib. 1. poster.

48. Quod attinet ad objectum necessarium, credo cum Aristot. & Divo Thoma ibidem. lib. B requiri, & quoddam debeat apparere esse tale, ut impossibile sit aliter se habere, & quoddam ex parte objecti tale se habeat; nam hic loquimur de scientia, quæ est cognitio universalis, & certa; de eo autem, quod ex parte rei potest aliter se habere, nequit dari cognitio universalis certa, datur quidem de objecto contingenti cognitio certa, oculi enim certificantur per visum, *Petrum esse album*, ast hæc cognitio est particularis, ut patet. Quod si dicas: ad opinionem sufficit, quoddam objectum appareat contingens, licet in se sit necessarium; ergo ad scientiam sufficit, quoddam appareat necessarium, quamvis in se sit contingens. Hinc aliqui apud Arist. *Æth. c. 3.* adherent tunc opinioni adeo firmiter, ut alii scientiæ. Sed disparitas est clara, quia plura requiruntur ad perfectiorem, quam ad imperfectiorem; porro scientia est quid perfectius Opinione. Quod si aliqui objecto contingenti firmiter adherent, illa adhesio non est scientia, sed temeritas, quia certitudo nequit fundari in incerto. Vide definitionem Opinonis num. 3. ex Divo Bernardo desumptam.

49. Secundum Probabilistas Veritas bifariam quoque dividitur, & aliam vocant *Objectivam*, aliam formalem. Prima sistit in eo, quod cognitio ita se habeat, sicut res est in se ipsa, & à parte rei. In hoc sensu Arist. lib. 4. metaph. c. 7. num. 2. tom. 5. dixit: Verum esse cum dicitur esse, quod est, vel non esse, quod non est. Secunda sistit in conformitate Intellectus cum re, non quidem prout est in se, sed prout judicatur secundum motiva rationabilia. Prima veritas importat certitudinem, secunda vero Probabilitatem; unde, & illam vocant *Veritatem Probabilem*. Videantur Mastrius in 2. disp. 5. num. 49. 121. & 123. Bordon. in Propugn. Opin. Probab. c. 5. num. 7. c. 17. num. 45. c. 18. num. 6. & 110. & in Addit. Fund. 2. num. 7.

50. Dico tertio, assensus opinativus est iudicium de subiecto, quod est à parte rei, de quo affirmatur, vel negatur aliquod prædicatum ob motivum, quod quidem non sit necessariò ipsa veritas à parte rei, sed ita videatur esse intellectui Prudentum. Hæc conclusio est corollarium ex dictis. Dicitur, quod ita videatur esse intellectui Prudentum, quia, si loquamur de Opinione propositionis mediata, per Antiquos ex dictis Opinio est conclusio deducta ex argumento probabili; Probabilia autem sunt, ut supra retuli, ex Aristot. quæ videntur vel omnibus, vel Sapientibus, & ex his vel omnibus, vel pluribus &c. Si loquamur de opinione propositionis immediate non necessariæ, nec quoque motivum debet necessariò esse ipsa veritas, quia sic esset assensus non opinativus, sed certus, ut dixi conclusionem antecedenti; ergo pariter ejus motivum debet dependere ab intellectu Prudentum. Tum quia assensus opinativus, etiam propositionis immediatæ, est intra metas Probabilitatis, nec enim talis cognitio est scientia, aut intellectus; ergo restat, quod sit intra metas Probabilitatis, nam nequit assignari alius habitus, cujus sit actus. Lege Arist. & Divum Thomam lib. 1. poster. d. lect. 44.

lit. C. idem argumentum conficienter. Si est intra lineas Probabilitatis, ergo est verus hic assensus, quia ita videtur vel omnibus, vel Sapientibus &c. non verò, quia ita objectum se habeat, quia hæc ratio constituit scientiam, non opinionem, quia, & si objectum se non haberet ita, adhuc potest dari assensus opinativus de illa re. Vide num. 46.

51. Nunc restat, ut rationibus Patris Gonzalez respondeamus: dupliciter respondeo, primò secundum principia Probabilistarum communiter dicentium, nos posse utrique parti simul assensum Probabilem præbere. Secundò juxta meam doctrinam peculiarem; per me siquidem in materia topica possum quidem præbere assensum vel huic, vel illi parti disjunctivè, non utrique copulativè, idest eodem tempore.

52. Juxta ergo Probabilistarum doctrinam dicimus, veritatem *objectivam*, & certam reperiri solum in unica parte; & sic uni tantum possumus assentiri: veritatem verò *formalem*, & *Probabilem* inveniri in utraque parte, & sic utrique parti nos posse simul assentiri. Hinc videbimus infra Divum Thomam aliquoties, saltem in speculativis, sequutum fuisse utramque partem, ut probabilem; Divum Bonaventuram sæpè dixisse, utramque partem esse probabilem, & defensibilem; Richardum sapissime concedere licentiam amplectendæ Opinionem, quam volumus; & alios Antiquos hac methodo resolvisse quæstiones. Nunquid hi Doctores celeberrimi docuerunt, & sustinuerunt utramque partem, & utrique assensum non præbuerunt? vel si præbuerunt assenserunt uni tanquam falsæ?

53. Nec habere duos assensus probabiles de utraque parte, & utrumque esse probabiliter Verum est ponere duos contradictoria vera, ut videtur Pater Gonzalez cum Lugo supponere; nam, ut advertit Cardenas in sua Crisi Theologica disput. 15. cap. 4. art. 6. num. 249. quilibet Dialecticus facillime potest cognoscere non esse contradictorios, cum ambo sint affirmativi. Recolendum est

ergo ex Arist. 2. Periherm. c. 3. & docent Logici; de quo videantur Mastrius in Logica tract. 2. c. 3. Et Maurus in explic. Arist. ibidem, quod in propositionibus modalibus, ut propositiones sint contradictoriae, non debet negatio praeponi *Disso*, sed *Modo*. Hinc Arist. num. 3. dicebat, has propositiones non esse contradictorias: *Possibile est Soritem ambulare*: *Possibile est Soritem non ambulare*; bene verò esse contradictorias habet: *Possibile est esse*: *Non possibile est esse*. Cum ergo hæ propositiones, *Probabile est dari præceptum de circumstantiis aggravantibus confitendis*; *Probabile est non dari præceptum de circumstantiis &c.* non habeant affirmationem, & negationem de *Modo*, sed de *Disso*; idcirco non erunt contradictoriae. Igitur juxta principia Aristot. & Dialecticæ hæ propositiones erunt contradictoriae: *Probabile est dari tale præceptum*: *Non probabile est dari tale præceptum*; Ex quibus affirmativa est vera, negativa est falsa; & sic utrique intellectus nequibit assentire; poterit tamen illis simul assentire, tanquam non contradicentibus.

54. Probatur ulterius, quod utrique parti probabiliter possimus assentire. Adversarii concedunt, *utramque partem esse probabilem*. Quæro, dum hoc concedunt, an cognoscunt utramque partem esse veram; & sic utrique poterunt assentire, quia verum est objectum assensus; an verò cognoscant unam esse veram, alteram falsam. Si sic; ergo, quam veram agnoscunt, vocent Probabilem, & falsam appellent *Improbabilem*, & *erroneam*; non autem Probabilem. Nec dicas ex Arist. & Divo Thoma ubi supra, Opinionem verari circa *Verum*, aut *Falsum*; Ergo Opinio falsa potest dici Probabilis: non licet, inquam, hoc; nam, quod quidem in se est falsum, potest intellectui apparere probabile, imo & probabilius x Aristot.... Quod verò tibi *Falsum* apparet, & noscis ut falsum, & judicas falsum, inquis illud vocare Probabile; unde Divus Bernardus dicebat, pinari est quasi habere pro vero, quod

*falsum esse nescias*. Tum quia hoc nomen, *Probabile*, accipitur in bonam partem; hinc Alexander VII. num. 27. & 40. & Innocentius Undecimus num. 2. 3. 4. & 6. damnant in suis Decretis quasdam propositiones, quæ Probabilitatis nomine condecorabantur à Doctoribus. Antiquitus in materia Confessionis Sacramentalis utraque pars Probabilis judicabatur. Nunc certò pars una est falsa, alia vera; numquid utraque pars dici potest Probabilis?

55. Dices, quod judicatur falsum; potens tamen esse verum, potest vocari Probabile; ergo Probabilitas non importat veritatem, sed potentiam, ut sit vera.

Sed contra, quia Probabilia sunt ea qua talia videntur vel omnibus, vel Sapientibus &c. Si Probabile videtur essetale, ergo Probabile importat actu veritatem, quæ trahat intellectum ad suum assensum. Igitur, quod judicatur falsum, potens tamen esse verum, non potest vocari *Probabile*, quia Probabile, ut tale approbatur à Sapientibus, Falsum verò reprobatur à Sapientibus, quin ab omnibus; falsum enim, ut falsum est objectum reprobationis, non approbationis. In rei veritate apud Divum Thomam nomen *Probabile*, accipitur in bonam partem. Possem plures textus asserre, sæpè enim hoc nomen utitur, hos sex referre sufficiat. Par. 1. quæst. 1. art. 8. ad 2. ait Theologiam arguere ex autoritatibus Patrum *Probabiliter*. 3. part. quæst. 70. art. 4. ad 2. scribit: *Probabile est*, ante circumcisionem parentes fudisse quasdam preces pro parvulis ad delendum peccatum originale. Quæst. 7. de malo art. 11. ad 16. dicit, *esse satis probabile*, quod peccatum veniale in Purgatorio statim non deleatur. In 4. dist. 17. q. 3. art. 3. quæst. 4. ad 5. ait: dum penitens sibi *probabiliter* timet aliquod periculum, potest recurrere ad Superiorem pro obtinendo alium Confessorem. Distinct. 32. art. 4. ad 3. sustinet cum aliis *probabiliter* esse, matrimonio junctum non posse votum facere de non petendo debito. Dist. 43. qua st. 2.

quæst. 2. art. 2. quæstion. 1. ad 3. docet: de facto Trajani hoc modo *probabiliter* estimari potest, quod precibus Beati Gregorii ad vitam fuerit revocatus. Certè Angelicus Doctor in his locis accipit terminum, *Probabile*, in bonam partem, ut scilicet significet aliquid, quod intellectus amplectatur, & sic quod sit; nec in alio sensu, pro quanto potui legere, unquam inveni. Ergo in sententia Divi Thomæ, quod cognoscitur esse actu falsum, nequit nominari *Probabile*. Legatur Bordonus in Propugn. Opin. Probab. c. 19. num. 21. ubi egregiè probat ex Ætymologia nominis, & aliis capitibus nomen, *Probabile*, accipi in bonam partem, & veritatem importare.

56. Hæc dicta sint ad ostendendum esse valde probabilem illam Opinionem Probabilistarum, quod scilicet sine contradictione possimus probabiliter assentiri utrique parti; quia tamen hæc Opinio non est necessaria pro meo fidei, qui est dare licentiam sequendi quamlibet ex duabus probabilibus opinionibus. Ideo omittamus hanc doctrinam, maxime cum principii Doctoris Angelici quadrare non videatur; siquidem ipse 1. 2. quæst. 77. art. 2. ad 3. dicit, quod aliquis nequit habere simul actum Opinionis veræ de universalis affirmativo cum actu Opinionis falsæ de particulari negativo. Eadem habet quæst. 53. art. 1. quæst. 64. art. 3. ad 3. & part. 1. q. 17. art. 4. ad 1. & q. 3. de Malo. ar. 9. ad 5. Idem Sanctus Doctor lib. 4. Metaphys. lect. 6. litt. D. lect. 15. litt. G. & lib. 11. lect. 5. litt. A. fin. probat Opiniones contrarias non posse esse simul in eodem intellectu, quia verificarentur duo contradictoria; objectum enim Opinionis affirmativæ esset ens, objectum verò negativæ esset non ens, & dant exemplum huius doctrinæ, aliata quæst. 64. dicit, non posset aliquis opinari simul, quod Bonum sit bonum, & Bonum non sit bonum. Nota, quod Sanctus Doctor in quæst. de Malo expressè fatetur, nos non posse habere simul aut scientiam, aut Opinionem veram in actu de universalis affirmativo,

& Opinionem falsam de particulari negativo. Hinc nedum simul intellectus nequit habere cognitionem certam de utraque parte contradictionis, sed nec etiam cognitionem incertam, & de linea Opinionis, expressè enim loquitur tum de scientia, tum de Op. inione.

57. Responderetur igitur secundò ad argumenta Patris Gonzalez, & dicimus cum Divo Thomæ, quod idem intellectus nequit judicare utramque partem esse veram, licet *Probabiliter*, & Opinativè, sed unam tantum; at talis assensus probabilis, seu iudicium Opinativum non est iudicium de veritate rei, quia veritas opinativa, seu Probabilis, quamvis in se actu esset falsa, non amitteret suum esse. E' contra Veritas rei non esset veritas rei, si in se esset falsa. Quando dicitur: evidenter cognoscimus utramque partem esse probabilem, & tamen non possumus assentiri utrique parti probabiliter; ergo assentiri probabiliter non est idem, ac iudicium de Probabilitate; erit ergo iudicium de veritate rei, quæ solum stat in unica parte.

58. Respondeatur distinguendo primum consequens: ergo assentiri probabiliter rei non est idem, ac iudicium de Probabilitate Opinionum; concedo: non est idem, ac iudicium de Probabilitate Rerum; nego. Explico exemplo. Cognosco opinionem dicentem, *circumstantias aggravantes esse confitendas*, & de hac profero iudicium, & dico: *Hæc Opinio est probabilis*. Cognosco alteram Opinionem negantem, *circumstantias aggravantes esse confitendas*, & de hac efformo iudicium, & dico: *Hæc Opinio est probabilis*. Infiguratione huius casus duo dantur iudicia, seu assensus intellectivi. Primus actus attingit *Circumstantias*; secundus percipit *cognitionem illam*, quæ circumstantiæ attinguntur. Primus actus est directus, est in linea Opinionis, & potest esse falsus. Secundus actus est reflexus, quia attingit, & habet pro objecto *cognitionem*. Est evidens, & sic spectat ad lineam scientiæ, nec potest esse falsus. Hinc patet



patet data distinctio; nam iudicium de Probabilitate Opinionum non est probabile, sed certum; iudicium verò de Probabilitate Rerum est Probabile, & in linea Probabilitatis, quia potest aliter se habere, nam in dato casu, iudicio circumstantias aggravantes esse confitendas ob motivum, quod necessarium non est ipsa res; & sic necessarium non est Veritas Rei. Hoc autem, quod videtur ipsa res, & veritas rei, sed necessarium non est ipsa res, & veritas rei, cum sit quid minus, quam esse necessarium ipsam rem, & veritatem rei, nos vocamus Probabilitatem Rei, Verisimilitudinem, & Quasi Veritatem Rei, ut utar phrasi Divi Bernardi.

59. Porro, quamvis assensus opinativus formaliter non tendat ad veritatem rei, ut explicui, adhuc iuxta hanc principia Divi Thomæ eodem tempore intellectus non assentietur alteri parti; & hoc, quia adhuc affirmaretur, & negaretur idem prædicatum de eodem subiecto; diceretur enim: datur præceptum de circumstantiis aggravantibus confitendis: non datur præceptum de circumstantiis aggravantibus confitendis. Hoc autem fieri in eodem intellectu eodem tempore est impossibile iuxta Divum Thomam. Audi ipsum allata lect. 5. lib. 11. Metaphysic. litt. A. fin. Impossibile est, inquit, quòd aliquis opinetur, hoc principium esse falsum: (quòd nempe idem sit, & non sit) opinaretur enim contradictoria esse simul vera; & sic idem habere simul contrarias opiniones; nam contrarie opiniones sunt, quæ sunt de contrariis. Sicut Opinio, qua quis opinatur Socratem sedere, est contraria opinioni, qua quis opinatur eum non sedere. Sic Sanctus Doctor.

60. Dices, impossibile quidem est, quòd ens sit, & non sit; non tamen implicat, quòd ens appareat esse, & appareat non esse juxta Divum Thomam, qui q. 14. de verit. art. 1. dicit, dari rationes apparentes æquales ad utramque partem moventes; ergo, si juxta Divum Thomam assensus opinativus est de ap-

parentia, & probabilitate, non verò de veritate rei, intellectus poterit utramque partem opinari.

Respondetur, in sententia Divi Thomæ non implicare, quòd ens appareat esse, & appareat non esse in actu primo; implicare verò, quòd appareat in actu secundo; hoc est, dantur quidem media, & rationes ad utramque partem moventes, ut Doctor ipse Angelicus dicebat loco allato; non tamen intellectus movetur actu ad iudicandum de utraque parte, ut fatetur expressè ibidem Divus Thomas. Et quidem in aliis materiis juxta Divum Thomam in eodem intellectu dantur motiva ad diversos actus, & tamen simul illi actus in eodem intellectu non se compatiuntur. Sic part. 1. quæst. 58. art. 7. ad 3. ait: ad eandem conclusionem habere possumus, & medium demonstrativum, & dialecticum. Et quæst. 62. art. 7. dicit: nihil prohibet simul aliquid cognoscere per diversa media; sicut simul potest cognosci aliquid per medium probabile, & demonstrativum. Doctissimi Salmaticenses de Fide disput. 2. num. 141. & 142. explicant hosce textus de mediis in actu primo, non verò in actu secundo; tenent enim tanquam de mente Divi Thomæ exploratum, opinionem, & scientiam de eodem objecto non compati simul in eodem intellectu. Sic etiam in sententia Scoti in 3. dist. 24. in solut. argum. princip. ad 1. & 3. ut notat Mastrius in 3. disput. 6. num. 104. in eodem intellectu sunt compossibiles habitus Fidei, & habitus scientiæ, non tamen actus Fidei, & actus scientiæ de eodem objecto: ergo etiam nos possumus dicere, quòd in sententia Divi Thomæ apparet quidem utraque pars in eodem intellectu in actu primo, non verò in actu secundo; & hoc, quia in actu secundo importatur affirmatio, & negatio de eodem subiecto, & prædicato, quæ non importatur in illis motivis in actu primo se habentibus ad utramque partem hujus objecti.

61. Colligitur, siue dicatur assensum opinativum esse de veritate rei, siue de quasi

quasi veritate, five de Probabilitate, & Verisimilitudine; colligitur, inquam, ex assensu opinativo non posse inferri *veritatem rei*. Hinc nequit argui: assensius, quem habeo de hoc objecto, est certò opinativus; ergo hoc objectum ita est. Hinc dicebam: Opinio Aristot. de Linea Aequinoctiali inhabitabili proculdubio antiquitus erat certò probabilis; quin probabilior reputabatur teste Divo Thoma, & multis alia Antiquorum opiniones, etiam morales, erant certò probabiles, & tamen non inferebant veritatem, cum postea invente sint falsæ. Hoc corollarium mihi est evidens, & ex eodem videtur inferri, quòd assensus opinativus non sit iudicium determinatum de veritate rei. Hic suppono, quòd hæc propositio de assensu opinativo sit saltem in materia necessaria, si non sit definitio ipsius assensus opinativi. Si illa propositio est necessaria, ergo non posset dari assensus opinativus sine veritate rei. Si dicant talem assensum solum contingenter importare veritatem rei; ergo explicant assensum opinativum in ordine ad aliquod contingens, & accidentale, de quo parùm esse debemus solliciti. De essentia, & proprietatibus metaphysicis assensus opinativi debemus inquirere, non de eius accidentibus. Si debeo fateri, quòd sentio, credo in hac quaestione esse differentiam de solo nomine.

62. *Querres tertio, an Opinio possit esse omnium, an verò necesse sit, ut aliqua cognitio sit Opinio, quòd detur varietas in opinantibus.*

Respondetur aliquam propositionem posse esse in linea opinionis, etiam si ultimum omnes doceant. Hic præcindo à Sanctis Patribus loquendo in materia Sacra. Loquor ergo de Scholasticis, & Summistis, & dico, quòd, si omnes Scholastici, & Summistæ docerent aliquam propositionem, ex prædicto capite, quòd conveniant, nequit argui, illam propositionem esse evertam à statu opinionis, sed considerandæ sunt rationes, unde solum elevabitur ad certitudinem,

si rationem certam offerent. Hinc, licet Scholastici, & Summistæ omnes per tria sæcula, & amplius, ex profecto docuerint, Infantem non posse baptizari existentem totaliter in utero, tamen Moderni aliqui, quos sequar, iure potuerunt discedere à tali opinione, & oppositam sustinere, nec de temeritate accusari.

63. Hanc meam conclusionem puto esse evidenter Aristotelis docentis 1. topic. cap. 1. tex. 6. & retuli supra num. 7. Probabilia esse, *qua videntur vel omnibus, vel plurimis, atque Sapientibus, atque his, vel omnibus, vel plurimis* &c. Nota, quòd, quòd aliquod potest videri omnibus; & tamen esse Probabile. Quin Aristot. primo loco posuit vocem, *Omnibus*, ut significaret, tunc propositionem propriè esse in linea Probabilitatis, cum admittitur *ab Omnibus*. Si propositio posset remanere Probabilis, & esse omnium; conclusio deducta ab illa erit omnium, & tamen non erit, nisi Opinio; quia ex præmissa probabili nequit deduci conclusio scientifica, & ad alium habitum nequit reduci illa conclusio ex sex assignatis ab Aristot. 6. Ethic. c. 3. quàm ad Opinionem.

64. Confirmatur. Testibus doctissimis Salmaticensibus num. 131. & 132. illa propositio: *omnis mater diligit filium*, est adeo apparens, ut nulla ratione indigeat ad sui assensum; ergo omnes illi præbeant assensum, & utique opinativum, ut potè habentem formidinem de opposito. Maltrius in Logic. disp. 14. quæst. 1. princ. testatur illam propositionem *ab omnibus* acceptari ut veram in serie contingentium. Hic obiter colliges, non bene dixisse Patrem Gonzalez cum Lugo, relatis num. 32. quòd concedentes unam propositionem esse probabilem, simul concedant contrariam esse probabilem. In multis equidem est verum, non tamen in omnibus; unde illa propositio: *mater non diligit filium*, non est probabilis, licet omnes concedant esse probabilem suam oppositam.

65. Vendrochius Not. 1. Epist. V. ponit pro titulo paragraphi tertio hanc incra-

inscriptionem : *Nullam Propositionem Probabilem universè, & omnibus.* In ipso verò inculcat Casuistas, eò quòd asserat, quòd, si aliqua Propositio visa fuerit Probabilis aliquibus Doctoribus, ita talis censenda ab omnibus; Unde subiungit, hoc esse injuriosum Deo, & hominibus; Deo quidem, quia Uni dat majus lumen, quam Alteri; Homini verò, quia denotat omnes aequali ignorantia laborare. Verum tamen est, quòd in Paragrapho limitat titulum, & licet: Vix dari Propositionem Probabilem universè, & omnibus. Hæc tua Doctrina sequitur ex alia, quam plurimus in locis inculcat, quamque sequuntur Probabilioristæ, in difficultatibus semper tangentibus Conscientiam *Oratorum instandum esse*, ut Pater luminum illustret mentem ad veritatem hauriendam. Si hoc est verum, jam liquet, qui plurimum oraverit, posse præsumere, se habuisse majus lumen Divinum; & sic poterit, æquo judicio credere, se doctiorem alio, qui dicitur opinionem contrariam, & minus oraverit; ac proinde fas erit ipsi, opinionem suæ contrariam non esse probabilem judicare. Quod an sapiat præsumptionem, decernent viri docti.

66. Doctrinam hanc de Oratione fundenda pro solutione dubiorum in materia obscura, & incerta refellemus alibi; nunc verò quoad ea, quæ spectant ad præsentem difficultatem assero, opiniones omnes Augustini, & Antiquorum Patrum, si ab Ecclesia non sint proscriptæ, ab omnibus esse sequendas ex c. *Sancta* 15. distinct. Ex alia parte citamus Divi Thomæ 1. part. quest. 1. art. 8. Autoritatem Patrum contineri intra lineam Probabilitatis, adeoque ut Opiniones Patrum non sint una, ut dicitur, sed plurimæ, jam patet non vix, ut volebat Ventrochius, sed *sepe propositiorem esse Probabilem universè, & omnibus.* Sic etiam quis poterit negare omnes Opiniones Divi Thomæ esse Probabiles? Hoc idem asserent de Opinionibus Scoti Scotistæ, de opinionibus Baconi Baconistæ, & sic lo-

quendo de Opinionibus Procerum Antiquorum. Ergo plurimæ Opiniones debent esse Probabiles universè, & omnibus.

67. De reliquo etiam ego fateor multas Opiniones, quæ multis videntur Probabiles, non esse necesse, quòd aliis tales videantur, quia aliter homines eadem ignorantia laborarent. At hoc puto verum de Doctoribus, qui floruerunt diversis temporibus, quia decursu temporis discooperiuntur multe vera, quæ falsa videbantur, & multa esse certa, quæ solum probabilia reputabantur. Sic aliquæ hæreses probabiles à viris Catholicis Antiquis iudicatae sunt, ut patet in questione, an Confessio peccatorum sit in Præcepto Divino. Sic Divus Cyprianus, & cum eo Octoginta Episcopi tenuerunt, Baptizatum ab Hæreticis esse iterum baptizandum. c. præter hoc 32. distinct. §. verum fin. Sic Joachimus Abbas tenuit aliquas Propositiones ut Probabiles, quæ tamen postea damnatae sunt ut hæreticae. c. *Damnatus, de Summ. Trinit.* Sic etiam Magister Sententiarum asseruit plura ut Probabilia, quæ tamen communiter reprobantur, ut patet ex Divo Antonino part. 4. tit. 11. c. 8. Divo Bonaventura in 2. distinct. 44. dub. 3. & Pelbar. in Rosar. V. Opinio. num. 4. & hinc mos obtinuit, quòd post diuturnas questiones Pontifex decidat dubium, & certam reddat unam ex opinionibus, ut patet ex c. *Damnatus de Trinit.* c. *fidei* eod. in sexto. c. *Antiqua* extrav. Joann. 22. & aliis Decretalibus, ut observat Baccolinus in 4. dist. 2. q. 4. art. 3.

68. Liqueat ergo, quòd decursu temporis longo non est necesse, quòd Doctores posteriores accipiant ut probabilia, quæ primis talia apparebant. Verum, quòd videatur probabile viris doctis, difficultatemque agitantibus ex professo, alii florentes circa idem tempus nolint amplecti ea ut probabilia, est nimium sapere, & præsumptuosum, & judicare solem in meridie existere, dum vix Aurora rubescit. Et hoc est contrarium praxi Antiquorum, qui nunquam

nunquam opiniones cœtaneorum damnant.

69. Observemus iterum Magistrum Sententiarum. Suo tempore erant Probabiles suæ opiniones, nec ullus invenitur, qui illas damnaret. Transacto Sæculo Divus Bonaventura asserit octo opiniones Magistri reprobari. Transacto alio Sæculo cum dimidio Divus Antonius quindecim Opiniones Magistri vult non esse Probabiles. Non multò verò post usque ad viginti sex tales Propositiones inventæ sunt ex Dionysio Carthusiano in 4. Sentent. princ. quod confirmat Bellarminus in Catalogo Script. Ecclesiasticæ, in Petro Lombardo. Ecce quòd decursu temporis multa apparuerunt falsia, quæ talia antiquitus non existimabantur; ergo Doctores non debent respuere ut improbabilia, quæ ex professo probantur à cœtaneis; poterunt tamen hoc facere Doctores posteriores.

70. Dices, Alexander Septimus in suo Decreto num. 27. damnat hanc propositionem. *Si liber sit alicujus Junioris, & Moderni, debet Opinio censeri probabilis, dum non constet rejectam esse à Sede Apostolica tanquam improbarem*: ergo, quod existimatur probabile ab aliquo Moderno, non est necesse, quod judicetur probabile à suis cœtaneis.

Respondetur, Decretum intelligendum esse ex capite, quòd propositio non sit damnata a Sede Apostolica, & ex capite, quod sit Opinio alicujus Junioris. Et jure damnatur, nam multa per patientiam tolerantur, quæ si deducta fuerint in judicium, exigente justitia non debeant tolerari. Ita expressè dicitur. *c. cum jamdudum* de præben. Ergo de facto tolerantur ab Ecclesia, quæ deberent damnari, si ipsa sciret. Sic etiam Doctores non omnia discutunt ex professo, & cum aliàs humanum judicium sit satis fallibile; ergo quilibet Doctor nequit dare probabilitatem Opinioni; & hinc Aristot. dicebat Probabilia esse, *quæ vel omnibus, vel plurimis* &c. Ergo opinio alicujus Docto-

ris non debet censeri probabilis ex capite Authoritatis unius Doctoris Moderni, sed plurimi requiruntur. Si verò Modernus tractet ex professo difficultatem debita diligentia, non video cur non debeat censeri probabilis ab aliis. Suppono autem, quòd hic Doctor non sit cœcus, ut procul dubio esset, si contra materiam claram decideret.

71. Quæres quartò, an opinio probabilis rectè dividatur in magis, & minus, & æquè probabilem, & quid sint istæ opiniones.

Respondetur affirmativè quoad utramque divisionem, & ex Antiquis clarissimè patebit, quando trahabo illas difficultates, an possimus sequi opinionem minus, & æquè probabilem. Hic asseram pro utraque unicum textum, & pro priori ex Divo Thoma. In 4. dist. 24. quæst. 1. art. 1. quæstion. 5. ad 3. & p. 3. in addit. hoc est q. 34. art. 5. ad 3. scribit: sustinendo illud dictum, (quòd scilicet ad sacram Ordinationem non requiratur tactus physicus) ex dictis apparet causa eius, quia enim potestas Ordinis accipitur à ministro, sed non à materia, idèò porrectio materię magis est de essentia Sacramenti, quàm tactus: tamen ipsa verba formæ videntur ostendere, quòd tactus materię sit de essentia Sacramenti, quia dicitur, accipite hoc, vel illud. Hæc Doctor Angelicus. In hoc textu clarè sustinet unam opinionem, & aliam amplectitur, & docet tanquam propriam; hinc secunda ab ipso judicatur probabilior; primam tamen etiam judicat probabilem, quia illam sustinet; minus tamen probabilem censet, quia docet oppositam tanquam de sua mente. Gonetius Thomista, & quidem ex Probabilioristis, tom. 5. de Ordine disp. 2. num. 43. fatetur, Divum Thomam in hoc loco esse problematicum, & partem primam sequi ut probabilem, secundam verò ut probabiliorem.

72. Pro opinione æquè probabili assero Seraphicum Doctorem, qui in 4. distinct. 13. art. 2. quæst. 2. in illa quæstione, an Corpus Christi descendat in

centum

*Ventrem hominis*, refert quatuor modos licendi, & reprobatis primo, & quarto, de aliis duobus sic scribit: de duobus propositionibus mediis, quæ sit verior, non est facile judicare, cum utraque sit multum probabilis. Potest loqui clarius? alibi etiam utitur tali modo decidendi quæstiones, ut in progressu Operis patebit.

73. Dices, hæc exempla sunt in materia speculativa, non in morali, in qua difficultas maxime procedit. Sed hæc responsio non satisfacit, quia Adversarii sic concedunt, Probabilistas non defendere duos contradictoria, dum tenent utramque partem; Si enim tenere utramque partem in speculativis non importat contradictionem, nec importabit in moralibus, quia forma contradictionis non dependet à materia, in qua est, ut omnibus est manifestum: itque adeo corruebat unum ex argumentis, quod impetitur Probabilitas, quod scilicet, est contradictorium defendere probabiliter utramque partem. Tum quia, si in speculativis dantur motiva gravia, & digna, ut sapientes moveantur ad sustinendam utramque partem, nulla ratio assignari potest, cur implicet in moralibus, præcipue physice oquendo.

74. Quid autem sint istæ Opiniones, breviter respondeo, illam esse probabiliorem, quæ habet motiva efficaciora, & magis impellentia ad sui assensum intellectum; Illam esse verò minus probabilem, quæ quidem habet motiva efficaciora, & valide impellentia ad sui assensum intellectum; tamen minus novent, & impellunt, quàm motiva oppositæ partis. Opinio denique æque probabilis est, quæ habet motiva æqualiter urgentia, ac opposita.

75. Ratio harum divisionum, & designationum est; quia Opinio est habitus intellectualis ex Aristotele 6. Æth. c. 3. & sic quoque Opinio probabilis; habitus autem suscipiunt magis, & minus, tum sint quædam qualitates. Ergo datur Opinio probabilis magis, minus, & æque intensa; & sic probabilior, mi-

nus probabilis, & æque probabilis. Cum verò, quæ differunt penes magis, & minus, & sunt ejusdem speciei, habent eandem definitionem, cum differentia sola in gradibus; ergo istæ opiniones debent definiri eadem definitione specifica cum differentia sola graduum; Sed Opinio probabilis est, quæ nititur gravi, & prudenti motivo; ergo illa erit Opinio probabilior, quæ habet motum gravius, & potius movens; & sic discurrendo de aliis allatis definitionibus.

76. Hæ nostræ definitiones habent fundamentum in jure. In c. Capellanus de Feriis fit mentio de opinione habente meliorem, & subtiliorem rationem, & Institut. de empt. & vendit. §. item pretium de Opinione fulcra validioribus rationibus. Fundantur etiam in dictis Antiquorum, qui cum Monaldo in Prologo Summæ dicunt, esse sequendam opinionem, quæ nobis magis consona rationi videtur. Antiquorum dicta referam infra. Porro sunt unum, & idem habere motivum fortius impellens, ut nos dicimus; ac habere meliorem, validiorem rationem, ac esse magis consonum rationi, ut dicunt jura, & Antiqui Doctores; ergo definitio data a nobis de Probabiliore Opinione fundatur in jure, & in dictis Antiquorum; & de consequenti etiam idem fatendum est de aliis definitionibus allatis. Vide num. 75. Plurima essent hic addenda de his divisionibus, sed dicuntur in decursu Operis, in quo omnia ordinantur ad stabiliendas hujusmodi divisiones. Vide tamen omnino cap. .... in quo demonstro necessitatem divisionis Opinionis Probabilis in Probabiliorem, & minus Probabilem.

77. Quæres quintò, quid sit formido; quam Opinio Probabilis vel ætualiter, vel aptitudinaliter importat.

Respondetur cum Bordonio c. 5. n. 24. quod est timor, ne Opinio contraria sit vera, & sic nostra sit falsa; & sic ne incurramus in peccatum sequendo nostram Opinionem. Dicitur timor, ne Opinio aliena sit vera, quamvis enim  
C veritas

34

veritas in se sit bona, & sic nec sit timenda; tamen bonum alienum aliquando est malum nobis; hinc, si Opinio aliena esset vera in se, nobis esset mala, quia redderet nostram opinionem falsam; Opinio autem falsa est mala; unde, quia Opinio possumus dicere falsum, Aristotel. 6. *Æthic.* c. 3. exclusit illam à ratione virtutis intellectualis.

78. Hic porro adverte, formidinem Opinionis non versari circa veritatem formalem, & probabilem, sed veritatem objectivam. Formidamus ergo, quod Opinio aliena à parte rei sit vera, & sic nostra à parte rei sit falsa; certi tamen sumus quod Opinio nostra habeat veritatem formalem, & probabilem. De his Veritatibus dixi cum Probabilistis num. 49. Hæc doctrina patet exemplis. Thomista est certus, quod sua Opinio sit vera probabiliter; adhuc tamen formidare debet, ne à parte rei sit falsa. Idem dico de aliis Opinanti-bus.

79. Hinc colligitur, quo sensu Opinio Probabilis, in se falsa, sit mala; est enim mala physice, & naturaliter, non verò moraliter, & formaliter; unde est mala, sicut ignorantia invincibilis; utraque namque dicit carentiam veritatis physice, & naturalis, quam habere non possumus, cum opinari ex Divo Bernardo sit quasi habere pro vero, quod falsum esse nescias. Hinc hoc malum moraliter non est æstimandum; & sic, licet tot antiqui celeberrimi operati sint juxta opiniones, quæ in se erant falsæ, non peccaverunt, sed ab omnibus sunt excusandi. Et propter hoc Gregorius Decimus Tertius excusavit Glossatores Decreti, si aliquoties erraverunt. Vide Bordon. num. 23.

80. Quæres sextò, quid sit Opinio tuta, tutior, & minus tuta, & æque tuta.

Respondetur, tutum idem est, ac esse absque periculo, & in nostra materia intelligitur de periculo peccati. Illa ergo Opinio, quæ si ponatur in praxi, nullum peccati periculum affert,

dicitur tuta. Tutior erit, quæ in comparatione ad aliam magis caret periculo. Equè tuta est, quæ tam caret periculo, ac altera. Minus tuta est illa, quæ non tam caret periculo, sicut alia.

81. Dupliciter Opinio potest carere periculo peccati, materialiter, & formaliter. Primo modo sumpta est, quando ex parte rei, & in seipsa nullum dicit periculum peccati. Secundo modo sumpta est, quando ex parte rei quidem est periculum peccati, tamen per rationem fortem iudicamus esse probabiliter veram, & sic non adesse tale periculum. Sic omnes Opiniones Divi Thomæ, & Scoti sunt formaliter tuta, materialiter tamen sunt periculosa. Hinc formaliter nullum periculum peccati incurrimus; si sequendo opinionem Divi Thomæ non fatemur circumstantias aggravantes. Formaliter quoque nullum peccati periculum incurrit peccator sequendo Scotum in 4. distinct. 17. qua st. 1. art. 3. si habita copia Confessoris non conhietur statim. Materialiter utraque habet periculum, quia utraque à parte rei potest esse falsa.

82. Sacri Canones sapienter utuntur termino *Tutius*; unde ortum est illud sacrosanctum essatum: in dubiis tutior pars est eligenda. De ipso sermo erit, cum agam de Dubio. Ipse quoque leges civiles sæpe habent hæc nomina *Tutius*, & *Tutius*, videantur l. 1. ff. quarum rerum. §. si libertatis. l. iusjurandum. ff. de verb. oblig. §. 1. l. 4 §. totiens. ff. de damno infecto. & l. ult. ff. de inoffic. testam. Hic obiter assero Gloss. in d. ult. de inoffic. testam. V. *Tutius*. Dicebat lex, quod in quodam casu tutius quæ fecerit, si se abstinuerit à petitione Legati. Glossator ita explicat illud verbum, *Tutius*: posset ergo utrumque, abstinere, & non abstinere. .... vel dic *Tutius*, ideo tui, ut repellatur, si acceperit &c. nescio, an Glossa huius nominis, *Tutius*, petere usurpari, quando invenitur in lege Canonica; si dicatur, quod sic, clare sequitur nos posse sequi utramque partem.

83. Hic

83. Hic posset inquiri, cum in moralibus agatur de adipiscendo Regno Cœlesti; hinc debemus vitare pericula tantæ amissionis, & sic pericula peccandi; posset, inquam, inquiri, an teneamur vitare pericula peccandi materialiter, an verò sufficiat vitare pericula peccandi formaliter.

Breviter respondeo sufficere vitare pericula peccandi formaliter; nam aliquando occurrit casus, quod utrumque importet periculum materiale peccati. Accipe exemplum. Sacerdos sumpto corpore advertit, consecrasse aquam; quæritur, quomodo hic defectus sit supplendus. Divus Thomas part. 3. quæst. 83. art. 6. ad 4. tenet, iterum esse consecrandam utramque materiam. Scotus in 4. distinct. 8. quæst. 3. vers. *di. co*, quod sustinet esse consecrandum solum Sanguinem Patet, utramque opinionem esse materialiter periculosa, & neutram formaliter. Accipe aliud exemplum, quo probatur nos non teneri vitare pericula peccandi materialiter, licet possimus. Scotus in 4. distinct. 13. quæst. 1. §. de secundo principali vers. *in tertio autem est* tenet, facientem pœnitentiam impositam in peccato mortali satisfacere præcepto. Certè hæc Opinio à parte rei potest esse falsa, & sic materialiter est periculosa; & tamen Scotista non tenetur vitare hoc periculum; & ego nullum scrupulum habeo, si mei pœnitentes illam practicaverint, etiam si plurimi, & doctissimi Antiqui, & ex parte Doctor Anglici, oppositam sustinuerint, unde videam hanc esse omnino probabilem. Vide Antoninum 3. part. tit. 14. c. 20. §. 2. qui refert diversas Opiniones, & Doctores in hac materia.

84. Colligitur, posse dari Opinionem probabiliorē, quæ tamen materialiter sit minus tuta, quàm opposita. Hoc patet in casu de faciente pœnitentiam in peccato mortali juxta Opinionem Scoti, quam docent etiam Petrus de Tarentasia, Joannes Parusi, Vincentius in Specul. histor. lib. 10. & Anaibal apud Divum Antonium loco allato. Hæc

Opinio videtur probabilior Scotistis; est tamen materialiter minus tuta, quod negari nequit, cum Divus Thomas, Albertus Magnus, & Paludanus oppositum teneant in casu, quo pœnitentia non relinquit post se effectum, ut est oratio; ergo Opinio opposita est probabilis; & sic Opinio Scoti à parte rei potest esse falsa.

85. Dices ex c. si quis autem de pœnit. distinct. 7. habetur, *tene certum, & dimitte incertum*; ergo quando Opinio est minus tuta, nunquam potest quis illa uti.

Respondetur, illud dictum Augustini esse intelligendum in determinata materia de remissione peccatorum; agit enim ibi de eo, qui se reducit in fine vitæ ad faciendam pœnitentiam peccatorum, & dicit, quod pœnitentia illo tempore facta est dubia, an sit vera pœnitentia, quia videtur moveri principaliter timore Gehennæ magis, quàm divinæ offensæ, quod requiritur ad veram pœnitentiam secundum Augustin. de pœnit. dist. 7. c. nullus. Ita Divus Antoninus part. 1. tit. 3. cap. 10. §. 10. versus finem. Igitur patet, quod hic agitur de mediis ad salutem necessariis; in tali autem materia procul dubio certitudo est tenenda, & Opiniones relinquendæ. Subdit ibidem Divus Antoninus, & concordat Nider in Præceptorio præcept. 1. c. 3. litt. F. allegans Gersonem, quod, si illud dictum extendatur ad alias materias, sit intelligendum de certitudine morali, *qua conjungit ex probabilibus conjecturis, grossis, & figuratis*, magis ad unam partem, quàm ad aliam se habentibus. Hæc explicatio omnino est sequenda, ne damnemus omnes Doctores, etiam Sanctos; nam omnes aliquando sequuti sunt opiniones benignas.

86. Quod si dices, sequutos fuisse Opiniones benignas, quia illas crediderunt certas; contra est, quia sic sunt condemnandi ex alio capite, nempe de temeritate, dum in materia obscura, & probabilis, & in qua sciunt Viros doctissimos, & Sanctos oppositum docuisse,

se, voluerunt tantum fidere proprio intellectui, ut se videntes crederent, & alios cecos.

87. Nota obiter illos terminos: *conjecturis grossis, figuratibus*. Si Probabilista Probabilitatem explicarent hisce terminis, credo, acriter vapulatu- ros à Probabilioristis, ut doctrinam intru- dentes nimis contrariam *Rigidati* decan- tate; illa enim nomina, quia nimium grossa, præferunt speciem quandam cognitionis debilis nimium. Quod verò addantur illa: *magis ad unam, quam ad aliam partem se habentibus*, hoc to- tum salvatur de Probabilitate; nam etiam fatentur Probabilista, quod con- jectura illa graves, & urgentes ad Pro- babilitatem Opinionis, nedum magis, sed unice se habent ad illam; argumenta namque pro mea opinione nullo mo- do concludunt, & conducunt ad opposi- tam.

88. Quæres tandem, quid sit Opinio communis. Antiqui multum tribuunt Opinioni communi; hinc Angelus. V. Opinio. num. 1. scribit: *in causa dubii pro multitudine est presumendum*. Ita tenet Glossa in c. fin. de pœnit. dist. 1. Bart. in l. precibus vers. *sed quid si ex præcedentibus*. C. de impu. & Gloss. in l. omnis definitio. ff. de re judic. & in Clem. 1. in fin. de Summ. Trinit. dicunt Doctores, quod in dubiis, & decisi- vis adhaerendum est carroccio Doctorum, quia communis Opinio Doctorum inducit probabilem errorem. Eadem dicunt Syl- vester. V. Opinio. num. 2. & Tabiena. V. Opinio. num. 4. post princip. Sed si quis velit legere magnifica privilegia Opinionis communis legat ex Juristis Antonium Mariam Coratium in Syn- tagmatis Opinionum communium tom. 1. lib. 2. tit. 8. & alibi, qui plenissimo ca- lamo eæ congerit, & num. 16. dicit, *in dubiis non esse recedendum à communi Opinione*, & refert pro hac Opinione tot Doctores, ut quisque ad satietatem invenire poterit.

89. Respondetur ad quæsitum, illam esse Opinionem communem, quæ à pluribus Doctoribus Scholasticè tracta-

ta fuit. Pro Scholastica tractatione in- telligo, quod Doctor afferat rationes pro se, & solvat principaliora objecta. Ita Bordonus illo. c. 5. num. 47. qui di- cit ita omnes sentire cum Sanchez lib. 1. c. 9. num. 9. Navarr. in Manual. c. 27. num. 189. Subscribit Probabiliorista Fa- gnantis c. ne inittaris de Constitut. num. 435.

Hinc patet ad communem Opinionem duo requiri, pluralitatem Doctorum, & modum Scholasticum tractandi quæstio- nem. Primum requisitum est evidens, nam nomen, *Commune*, significat ali- quod ad plures attinens. Lege titulum. ff. *communis dividundo*, & videbis veri- tatem. Consule etiam Barnabam Bris- lionium de verbor. signific. V. *Communis*. Quod verò exigatur tractatio illa Scho- lastica, mihi quoque videtur evidens; cum enim ad Opinionem communem requiratur autoritas Doctoris, ut advertit Coratius lib. 1. tit. 2. num. 5. tunc Doctor vir autoritatis erit, si versatum se promit in illa materia; quia autoritas nihil aliud est, quàm Opinio, qua quis creditur imitatione dignus, ait Coratius num. 6. Doctor autem expendendo rationes pro sua opi- nione, & solvendo opposita præstat om- nia, ut plene cognoscat materiam; & sic præstat ea, quæ requirantur, ut ju- dicetur peritus.

Ob hanc rationem credo invaluisse illam Opinionem Glossæ c. ut veterum. 9. dist. V. Græci. Quod, quando Do- ctores Ecclesiæ sibi contradicunt, in quæstionibus, & subtilitatibus sit præ- ferendus Augustinus, in translationibus Hieronymus, in moralibus Gregorius. Ratio est, quia Augustinus tractavit quæstiones ex professo, Hieronymus to- tus fuit in translationibus, & Gregorius in sensu morali magna diligentia explicuit Scripturam.

90. Dices: Doctor presumitur peri- tus. l. unic. §. *ideoque*. C. de nov. cod. fac. l. unic. C. de profess. qui in Urb. Constant. lib. 12. ergo, si Doctor, quin- vis simpliciter, dicat aliquam opinionem, debet judicari dignus, cui credatur. Sed

Sed



Sed contra, quia lex illa de professor: &c. loquitur de illis Doctoribus, qui docendi peritiam, secundam dicendi, interpretandi subtilitatem, copiamque disferendi se habere patefecerunt; ego ex his probo meum dictum, quia de eo, qui jejune suam opinionem dicit, nec ponderat rationes pro ipsa, & contra ipsam, procul dubio nequeunt verificari allata verba legis, ut speculanti patebit.

At Coratius tit. 6. num. 10. tenet, non requiri Scholasticam tractationem, ut Doctor faciat Opinionem, in iis Doctoribus, qui non solent facere disputationem, ut est Glossa, & alii Doctores Antiqui, qui certe faciunt communem Opinionem, & tamen non disputant. Sed contra, quia Glossa sive Canonica, sive Civilis sæpe disputat asserendo textus pro, & contra, succintè quidem, sed tamen principaliora asserit. Hinc in iis etiam, quæ non disputat, facit magnam auctoritatem, non tamen tantam, quantum in aliis; & de Glossa Canonica est clarum, nam videbimus in plurimis errasse, quæ simplici verbo asseruit.

91. Difficultas restat de numero Doctorum, qui requiruntur ad Opinionem communem. Baptista de Salis. V. Opinio. Sylvester. ibidem num. 2. & Tabiena ibidem num. 3. referentes Jacobum de Butrio dicunt, illam esse communem Opinionem, quam Glossa, & alius sollemnis Doctor docent. Explicando quinam sint isti Doctores sollemnes, quorum unus cum Glossa faciat Opinionem communem, dicunt plures apud Coratium tit. 3. esse Bartolum, alii esse Archidiaconum in 6.

92. Alii voluerunt non sufficere unum Doctorem, licet sollemnem, sed requiri aliquos antiquitatis nota insignes; & alii addiderunt debere esse tres, & alii esse oportere quatuor. Qui desiderat Doctores harum opinionum legat ipsum Coratium.

Hic porro Doctor num. 19. ait, ad communem Opinionem requiri ad minus septem Doctores, si inter eos sit

Glossa, Innocentius, Hostiensis, Speculator, Bartolus, vel alius Doctor eximia auctoritatis; sin minus; majorem numerum secundum pondus, & auctoritatem eorum. Istas Opiniones, cum solos Juristas nominet, puto, quoad auctoritatem Doctorum valere solum inter Juristas.

93. Probabiliorista Fagnanus ubi supra allegans Menochium, Alciatum, Mantiam, Thomam Sanchez in Decalog. lib. 1. c. 9. num. 9. Balthum. V. Conscientia. num. 8. Navarr. in Manual. cap. 27. num. 289. afferentem Alexandrum, Decium, & Gomez, quibus addo Azor. tom. 1 lib. 2. cap. 13. Bordon. ubi supra alios citantem, tenet illam dici communem, quæ à sex, vel septem Doctoribus classicis, qui scilicet in Scholis allegari solent, ex professo questionem agitantibus, traditur; non esse autem communem Opinionem, licet asseratur à quinquaginta, qui alios sequuntur veluti Aves, & Oves præcedentes subseqentes. Fagnanus, Navarrus, Bordonus, & Azorius, quos vidi, nullam asserunt rationem pro hoc septennario numero. Antonius Coratius è contra plura congerit satis diffusè, & multum laudat numerum septennarium; quæ tamen omnia, pace ipsius dixerim, non multum urgere videntur.

94. Mihi videtur hic numerus esse diminutus, si loquamur de communi Opinione Modernorum, quorum aliquando plus quam quinquaginta agitant eandem questionem ex professo. Igitur crederem ad summum dictum numerum valere de Opinionibus communibus Antiquorum; unde si tempore antiquo invenias septem Doctores ex professo tractantes materiam, & eandem Opinionem docentes, poteris illam sententiam appellare communem; nam dictus numerus inter Antiquos non est adeo parvus. E' contra cum Moderni sint in tanto numero, numerus septennarius mihi videtur valde parvus. Hinc multò minus illa Opinio dicitur communis inter Theologos, quæ solum

à decem, vel duodecim, etiam ex professo, tractantur; nam nomen, Theologus, complectitur Antiquos, & Modernos Theologiæ professores, ut liquet; est autem valde ingens numerus Theologorum, ita ut decem, aut duodecim illorum Opinio non videatur posse dici communis.

95. Tullius V. *Opinio communis*. concl. 149. primò dicit ad Opinionem communem requiri, ut plurimi sint Doctores, & assert pro se Doctores, & l. 1. ff. de offic. quaest. & c. de iudiciis 3. q. 3. V. *plurimi*. postea subdit, ad communem Opinionem exigi, quòd proveniat à Doctoribus, qui pondere, numero, & mensura sunt majores. l. 1. §. *neque ex multitudine*. C. de veter. jur. enuclean. c. 1. de iis, *qua sunt à majori parte*. Unde per ipsum ad communem Opinionem requiritur, ut major pars Doctorum sit pro ipsa. Denique num. 6. & 7. dicit notabiliter, pro communi Opinione illos non allegari, *qui non examinant, sed perfunctorie transeunt*. Hoc tene menti tanquam omnino verum, & notabile pro Probabilistis; ex hac enim conditione requisita ad Opinionem communem ego evidenter colligam, communem Opinionem Antiquorum non esse contrariam Probabilitati.

## CAPUT QUARTUM.

*An. ad Assensum Probabilem  
requiratur Voluntas.*

1. **D**upliciter intellectus potest assentiri objecto, primo physice; secundo licite. Assensus physicus est ipse actus intellectus tendens in objectum per modum enuntiationis; est etenim assensus secunda operatio intellectus. Assensus licitus est, quando ille actus non est contra legem. Hic, & in cap. sequenti sermo erit de assensu physico; de licito verò loquar infra, cum inquiram, an liceat sequi quamlibet opinio-

nem ex pluribus probabilibus, sive æqualiter, sive inæqualiter.

2. Dupliciter etiam potest requiri voluntas ad assensum opinativum, primò quoad exercitium, ut scilicet producat huiusmodi assensum. Secundò quoad specificationem, ita ut ratio voluntarii sit de essentia illius.

Mastrius in 2. disput. 5. num. 49. 124. & 225. Cardenas in sua Crisi Theol. disput. 56. c. 16. art. 1. num. 818. Bordon, in sua Propugn. Probabil. pluribus in locis, sed præcipuè c. 21. per totum, dicunt, voluntatem in materia probabili posse flectere intellectum in partem, etiam minus probabilem; & hæc doctrina debet esse communis Probabilistis.

3. Dico primò, proposito objecto obscure intellectus non assentitur illi, nisi aliud accedat.

Probatur, quia tale objectum nequit videri, ut patet; sed videretur, si in hoc casu intellectus illi assentiretur; ergo. nequit illi assentiri. Minor probatur, quia ex Divo Thoma 2. 2. quaest. 1. art. 4. *illa videri dicuntur, qua per se ipsa movent nostrum intellectum, vel sensum ad sui cognitionem*. Ergo si objectum in nostro casu per se ipsum movet intellectum, videtur.

4. Confirmatur. Ibidem Divus Thomas hæc subdit: intellectus assentit alicui dupliciter, uno modo, quod ad hoc movetur ab ipso objecto, quod est per se ipsum cognitum, sicut patet in primis principiis, quorum est intellectus; vel est per aliud cognitum, sicut patet de conclusionibus, quarum est scientia. Alio modo intellectus assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis, quam in aliam; & siquidem hæc sit cum dubitatione, & formidine alterius partis, erit opinio; si autem sit cum certitudine absque tali formidine, erit Fides. Ecce quòd, quando ad assensum intellectus movetur ab ipso objecto, tunc ille assensus vel est intellectus, vel scientia; in nostro autem, casu

casu nec illa cognitio est intellectus, nec scientia, ut est evidens; ergo in nostro casu potentia intellectiva non movetur ab objecto.

5. Probatur secundò: in hoc casu intellectus non cogitur ab objecto; ergo ipsi nullo modo assentitur; consequentia liquet, quia intellectus se solo sumptus non est liber, nec dominus suæ actionis; ergo, si non cogitur, nullo modo eidem assentitur. Antecedens ostenditur, quia si cogitur intellectus, ergo illa ratio est evidens, quia ex Gabriel in 3. distinct. 43. quæst. 3. litt. D evidentiā est cognitio, quā veritas sic manifestatur, ut intellectus nequeat dissentire. Si ergo objectum est obscurè propositum, non cogit intellectum; & sic intellectus circa ipsum nullum actum habet.

6. Objectum obscurum bifariam potest proponi intellectui, vel ut contingens, & tanquam potens aliter se habere; vel ut necessarium, nec potens aliter se habere. Objectum primo modo movet ad opinionem, secundo modo ad fidem divinam. Si objectum proponatur ut potens aliter se habere, tunc est evidens, quod intellectus non cogitur, quia ratio cogens intellectum est insolubilis, nec ab ipsa intellectus potest se defendere; & sic est necessaria. E contra ratio contingens est solubilis, & potest aliter se habere.

7. Dices, objectum ut potens aliter se habere necessitare intellectum ad actum opinativum, sicut objectum evidens ad actum scientiæ.

Sed contra, quia assumptum valet de necessitate specificationis, non exercitii; specificationis quidem, quia objectum potens aliter se habere specificat actum peculiarem in omnium sententia; hoc tamen objectum non valet cogere intellectum ad exercitium suæ potentæ, quia, quod per seipsum movet intellectum, & sic ipsum cogit ad actum, est evidens ex D. Thoma ubi supra.

8. Dico secundò, objectum obscurum propositum sive ut potens aliter se habere, & sic objectum opinabile; sive

ut cerò verum, & sic credibile per Fidem divinam, ut actum moveat ad assensum, vel dissensum, est necessarium imperium voluntatis; & sic voluntas quoad exercitium determinat intellectum quoad Opinionem, & quoad Fidem. Pro hac conclusione puto valere dictum Aristotelis dicentis; quod voluntas determinet ad partem contradictionis rationalem potentiam indifferenter, & Anselmi assentientis in lib. de similit. c. 2. quod voluntas movet omnes alias vires

9. Probatur primò ex diversis textibus Divi Thomæ. In 3. dist. 23. quæst. 2. art. 2. quæstion. 2. scribit; quod fides captivare dicitur intellectum, in quantum non secundum proprium motum ad aliquid determinatur; sed secundum imperium voluntatis, & sic in credente ratio per se intellectum non terminat, sed mediante voluntate. ... credens habet assensum simul, & cogitationem, quia intellectus ad principia per se nota non perducitur; unde adhuc habet motum ad diversa; sed extrinsecè determinatur ad unum, scilicet ex voluntate. Eadem habet quæstion. 3. & quæst. 14. de Verit. art. 1. art. 3. & art. 4. ubi refert Divum Augustinum dicentem nos credere; quod volumus; & fidem esse in voluntate. Idem dicit 2. 2. quæst. 1. art. 4. art. 6. ad ult. quæst. 2. art. 1. ad 3. art. 2. art. 9. ad 2. art. 10. quæst. 4. art. 2. Constat ergo clarè ex Doctore Angelico, voluntatem in objecto obscuro supernaturali determinare intellectum.

10. Hoc idem probatur ex Tridentino sess. 6. c. 6. dicente: Fidem ex auditu concipientes libere moventur in Deum credentes vera esse; quæ divinitus revelata &c. tum quia ex Marc. ult. dicitur: Qui crediderit, & baptizatus fuerit salvus erit; qui vero non crediderit, condemnabitur. Et ad Rom. 4. agebat Divinus Paulus; credidit Abraham Deo, & reputatum est ei ad iustitiam. Ecce per Fidem mereamur salutem nostram; certum est autem ad meritum requiri libertatem juxta omnes Doctores. Et ex hoc capite Divus Thomas 2. 2. quæst. 2.

art. 9. ad 3. & quæst. 14. de verit. art. 3. dicebat, Fidem esse meritariam. De hoc puncto vide Magnum Suarium de Fide disp. 6. sect. 6. Cardinalem de Lugo disp. 10. sect. 1. & seqq. & Bannez. 2. 2. quæst. 1. art. 4. dub. 2. ex Modernis, & Richard. in 3. dist. 23. art. 4. quæst. 2. & Scotum in 3. dist. 25. quæst. 2. ex Antiquis. Si ergo, in objecto certissimo Fidei, ut Intellectus determinetur, requiritur voluntas propter hoc, quia proponitur modo obscuro; à fortiori, ut intellectus determinetur in materia opinativa, requireretur imperium voluntatis, quia materia est quoque obscura, & insuper est incerta, & fallibilis.

11. Specialiter probatur secundò de assensu opinativo ex Divo Augustino tom. 7. lib. 2. de bapt. contra Donatistas. c. 8. scribente: Sed quia non extiterant, nisi qui ei consuetudinem opponerent; defensione autem ipsius consuetudinis non tales afferrent, *quibus illa talis Anima (Divi Cypriani scilicet) moveretur, noluit vir gravissimus (Divus Cyprianus) rationes suas, & si non veras, quod eum latebat, sed tamen non viles, veraci quidem, sed tamen nondum asserta, consuetudini cedere.* Ecce Divus Cyprianus *nolebat* relinquere opinionem suam. Ergo liberè permanebat in ipsa. Ergo determinatio ad opinionem dependet à voluntate. Nota illum terminum, (*Asserte,*) & suppone, quòd Antiqui pro *Assertionem* intelligebant cognitionem certam, ut infra patebit; & hinc colliges, ex doctrina Divi Augustini, & exemplo Divi Cypriani licere nobis voluntariè remanere in nostra sententia, usque dum nobis obijciatur Doctrina certa. Ergo ex his duobus Sanctis Patribus clarè apparet in materia incerta, & sic in opinione, voluntariè nos remanere, & sic determinatio in tali materia dependet à voluntate. Nota illas particulas, *Non viles,* & illas: *nondum asserta,* & videbis rationes non vinci nisi à certitudine; & hinc colliges evidenter, opinionem minùs probabilem non vinci à Probabiliore. Si ergo non vinci-

tur, stat firma, & jure illam sequimur.

12. Probatur tertio ex Divo Hieronymo, qui Epist. 11. inter Divi Augustini cap. 3. scribit: ego.... de magnis statuere non audeo, nisi hoc ingenue fateri, me Majorum scripta legere, & in Commentariis, secundum omnium consuetudinem, *varias ponere explanationes, ut è multis sequatur unusquisque, quod vellet.* Hic textus nequit ulla tergiversatione infringi, expressè enim dat licentiam amplectendi opinionem, *quam quisque vellet.* Ergo per Divum Hieronymum, quis liberè, & voluntariè se determinat ad sequendam aliquam opinionem è multis. Et nota hic obiter morem omnium Antiquorum referendi in suis scriptis *varias explanationes*; & sic videbis consuetudinem Modernorum Probabilistarum asserentium plures Opiniones in aliqua difficultate probari ab omnibus Antiquis; & sic reprobari evidenter rigidum illum modum scribendi Probabilioristarum, qui propriam unicam opinionem asserunt, & prætendunt cogere Lectores ad illam unicam amplexandam. Non sic erat mos Antiquorum; non sic se gessit Divus Hieronymus; quin immò plures explanationes congeriebat in hunc finem, *ut è multis sequatur unusquisque, & sic doctus, & indoctus, quod vellet.* Hic textus Hieronymi duo probat evidenter, primum, quòd determinatio ad aliquam opinionem dependet à voluntate; secundum, quòd nos possumus sequi unam opinionem è multis, *quam volumus.*

13. Probatur quartò ex Divo Thoma; & primò 1. 2. quæst. 17. art. 6. scribit: intellectus quantum ad objectum habet duos actus; primò quidem, ut veritatem circa aliquid apprehendat; & hoc non est in nostra potestate, nec imperari potest. Alius autem actus rationis est, dum his, quæ apprehendit, assentit. Si fuerint talia apprehensa, quibus naturaliter intellectus assentiat, sicut prima principia, assensus talium, vel *disensus* non est in nostra potestate, sed

sed in ordine naturæ; & ideo propriè loquendo naturæ imperio subiacet. Sunt autem quædam apprehensæ, quæ non adeo convincunt intellectum, quin possit assentire, vel dissentire, vel saltem assensum, vel dissensum suspendere propter aliquam causam; & in talibus assensus ipse, vel dissensus in potestate nostra est. Ecce expressè dantur quædam apprehensæ, quibus assentire, vel dissentire non habetur præcisè à natura, sed etiam à nostra potestate, idest voluntate: ergo in hoc casu determinatio ad hunc, vel ad illum actum specificum dependet à nostra voluntate. Non semper tamen in talibus est in nostra potestate assentire, vel dissentire, sed solum suspendere assensum, vel dissensum, & hoc denotant illa verba: *vel saltem assensum, vel dissensum suspendere*. Porro in hoc casu ad voluntatem spectabit determinatio actus quoad exercitium.

14. Quia autem Angelicus Doctor non explicavit, quænam sint hæc apprehensæ, quæ non convincunt intellectum, opus est, ut nos illa inquiramus; & puto esse objecta obscure proposita, & hoc colligitur ex ipso textu, in quo fatetur prima principia convincere intellectum; ideo autem illum convincunt, & cogunt, quia sunt evidentiæ, & clara; ergo è contra objecta obscure apprehensæ non convincunt intellectum juxta Divum Thomam.

15. Secundus textus Divi Thomæ hoc clarè demonstrans habetur ex 2. 2. quæst. 1. art. 4. quem retuli num. 4. c. 2. num. 8. & c. 3. nump. 35. in quo expressè docet, quòd aliquando intellectus non movetur ab objecto proprio sufficienter, sed per quandam electionem voluntarie declinat in unam partem magis, quàm in aliam, & si quidem hæc (declinatio) fit cum dubitatione, & formidine alterius partis, eris opinio; si autem sit cum certitudine absque tali formidine, erit Fides. Nil clariùs, & expressiùs dici potest.

16. Ego semper miratus sum, quare

Doctores, præcipuè Thomistæ, non expenderint hunc textum, dum ex Divo Thoma definiunt assensum opinativum. Dicunt, Doctorem Angelicum definivisse opinionem, quòd sit *acceptio unius partis cum formidine alterius*. Hoc fateor esse verum, & retuli c. 2. num. 2. ut subdo, si in hoc textu Sanctus Thomas addit illam particulam, *Voluntarie*, cur ipsi omittunt? meminerunt hujus textus ex Antiquis solus Angelus, postea Sylvester, & Tabiena. V. Dubitatio princ. Primi duo non reflexerunt super illam particulam; Tabiena verò illam reliquit. Imposuerum necesse erit summo studio scrutari, cur Angelicus Præceptor hujusmodi particulam (*voluntarie*) posuerit in definitione assensus opinativi.

17. Tertius textus habetur quæst. 2. art. 9. ad 2. in quo ita scribit: in scientia duo possunt considerari, ipse assensus scientiæ ad rem scitam, & consideratio rei scitæ. Assensus scientiæ non subijcitur libero arbitrio, quia sciens cogitur ad assensum per efficaciam demonstrationis; & ideo assensus scientiæ non est meritorius, sed consideratio rei scitæ subiacet libero arbitrio. .... & ideo consideratio scientiæ potest esse meritoria, si referatur ad finem caritatis. .... Sed in fide utrumque subiacet libero arbitrio, & ideo quantum ad utrumque actus fidei potest esse meritorius. Sed opinio non habet firmum assensum. .... unde non videtur procedere ex perfecta voluntate. Et sic ex parte assensus non multum videtur habere rationem meriti; sed ex parte considerationis actualis potest meritoria esse. Ecce negat, opinionis assensum procedere ex perfecta voluntate. Implicite ergo dicit procedere ex imperfecta voluntate.

18. Dices: Divus Thomas quæst. 14. de verit. art. 3. ad 5. scribit: secundum quod loquimur de virtute, neque scientia, nec opinio virtus dici potest, sed sola Fides, quæ quantum ad id, quod voluntatis est, prout modo prædicto in genus virtutis cadit, non est media inter

ter scientiam ; & opinionem , quia in scientia , & opinione non est aliqua inclinatio ex voluntate , sed ex ratione tantum ; si autem loqueremur de eis quantum ad id , quod est cognitionis , sic nec Opinio , nec Fides esset virtus , cum non habeant completam cognitionem , sed tantummodo scientiam . Sic Doctor Angelicus . Illa verba : quia in scientia , & opinione non est aliqua inclinatio ex voluntate , sed ex ratione tantum , clarè , & expresse significant , voluntatem nullo modo requiri ad opinionem , sicut nullo modo voluntas requiritur ad scientiam .

19. Fateor textum esse valde urgentem , & prima facie videri oppositum textui ex 2. 2. quæst. 1. art. 4. in quo expresse dicitur , ad Opinionem requiri electionem quandam , per quam voluntariè habeatur declinatio intellectus in unam partem magis , quam in aliam cum formidine de opposita . Et quod magis est , in hoc textu Sanctus Doctor æquiparat in ratione voluntarii opinionem cum Fide , & distinguit præcisè ex eo , quod opinio importat formidinem , non sic Fides . Ait enim , si voluntaria declinatio in unam partem sit cum formidine , est opinio ; si sit sine formidine , est Fides . Ergo per Divum Thomam clarè ad opinionem requiritur imperium voluntatis . Miror , quod Pater Petrus de Bergamo , qui fecit concordantiam in dictis Beati Thomæ , quæ videntur opposita , non viderit præterentem oppositionem .

20. Joannes à Sancto Thoma 2. 2. quæst. 1. disput. 3. art. 2. asserit , voluntatem dare speciem actui Fidei ; unde in fine art. ex hoc inferit , impossibile esse dari actum Fidei sine voluntario : & hæc doctrina clarè probat ex textu Divi Thomæ quæst. 14. de veritat. art. 3. ad decimum , ubi dicit , quod illud , quod est ex parte voluntatis , est essentielle Fidei .

Num. 3. sustinet , quoad exercitium opinionem , & scientiam esse voluntarias . Juxta hanc doctrinam possumus dicere , quod , quando Divus Thomas

negat , ad opinionem pertinere aliquam inclinationem ex voluntate , intelligendus sit quoad specificationem , non verò quoad exercitium . Hæc explicatio sufficit ad dissolvendum objectionem aliam .

21. Sed non video , quare hic Sapientissimus Thomista dicat , opinionem requirere voluntarium quoad exercitium , non verò quoad specificationem . Nam rationes , quas asserit ad probandum Fidem specificari à voluntario , eadem valent pro opinione . Eodem loco scribit : Divus Thomas perpetuò docet , objectum fidei non movere sufficienter in ratione objecti ipsum intellectum ; & ideo indigere motione voluntatis ; ergo suppletur per voluntatem id , quod se tenet ex parte objecti , & consequenter id , quod se tenet ex parte specificationis objecti fidei .

22. Ego subsumo , hæc omnia valere de opinione : reproduco textum Divi Thomæ ex 2. 2. quæst. 1. art. 4. alio modo intellectus assentit alicui , non quia sufficienter moveatur ab objecto proprio , sed per quandam electionem voluntariè declinans in unam partem magis , quam in aliam , & siquidem hæc sit cum dubitatione , & formidine alterius partis , erit opinio : si autem sit cum certitudine absque tali formidine , erit fides . Sic Doctor Angelicus : ecce clarè , quod proprium objectum in opinione non movet sufficienter . Si objectum proprium opinionis non movet sufficienter intellectum , ergo in ratione objecti indiget alio , ut compleatur , & sit sufficiens ad movendum intellectum . Hoc autem aliud , quod non est objectum proprium opinionis , quid erit , quatio ? Voluntas utique . Facio argumentum in forma : motio insufficiens objecti fidei in ratione objecti est causa , cur voluntas specificat actum Fidei juxta Joannem à Sancto Thoma ; Sed objectum opinionis probabilis non movet sufficienter intellectum in ratione objecti juxta Divum Thomam , ergo juxta Divum Thomam voluntas specificat actum opinionis .

23. Præterea idem Doctor num. 4. subdit : quia in actu Fidei intellectus non habet causam necessitantem ejus assensum ex parte objecti specificantis ; ergo objectum specificans in fide solum inducit assensum voluntarium , & non necessarium ; ergo ex sua specie , idest , ex vi objecti dependet à motione voluntatis liberè. *Antecedens patet* , quia *objectum specificans actum fidei est veritas in-evidens* ; ergo insufficienter movens , si enim est in-evidens , ergo non sufficienter movens , latetque intellectui pro ea parte , qua non videtur , & si latet , non movet sufficienter ; ergo neque convincit , aut necessitat intellectum ; ergo vel suspendit assensum , vel , si elicit , actum voluntatis elicit , quia potest non elicere , utpotè non necessitatus ; sed hoc , quod non est necessitati intellectum ad assensum , tenet se ex parte objecti , quod non sufficit ad talem assensum necessitandum ; ergo tenet se ex parte specificationis , quia , quod se tenet ex parte objecti , dicitur ex parte specificationis requiri , quia objectum est principium specificandi. Hucusque Author.

24. Per hunc discursum patet , ideo requiri ex parte objecti Fidei voluntatem , quia objectum Fidei est in-evidens , & sic insufficienter movens , nec convincens , nec necessitans intellectum ; *Œ sic , scilicet , actum voluntatis elicit* , Ergo subdo : sed objectum opinionis est *veritas in-evidens* , nec convincens , nec necessitans intellectum ; ergo , *si elicit , actum voluntatis elicit*. Nec juvat , si dicas cum eodem Doctore num. 4. in solut. arg. quod *opinio movet intellectum saltem per discursum probabilem* , Fides verò ex sola autoritate dicentis , non juvat , inquam , quia discursus probabilis opinionis est *veritas in-evidens* , non convincens , nec necessitans intellectum ; & sic , *scilicet actus , actus voluntatis elicitur*.

25. Ulterius objectum opinionis habet remissiores vires ad movendum intellectum , ac habeat objectum fidei ; nam objectum opinionis est obsecrum , &

insuper potest aliter se habere ; unde objectum opinionis magis recedit ab objecto scientiæ , & visionis , quæ sunt objecta maximè moventia intellectum. E' contra objectum Fidei est quidem obscurum , sed tamen non potest aliter se habere ; Ergo objectum opinionis ex duplici capite deficit in virtute motiva , objectum verò Fidei in solo capite obscuritatis deficit in tali virtute ; ergo objectum opinionis in ratione objecti minus movet , quàm objectum Fidei , *Œ sic non necessitat intellectum , Œ sic , scilicet , actum voluntatis elicit*.

26. Hic obiter nota , quòd , quando hic Doctor ait , quoad exercitium requiri voluntatem tum in scientia , tum in opinione , hæc non sunt intelligenda eodem modo , sed diverso ; nam ex Divo Thoma 2. 2. quest. 2. art. 9. ad 2. ad scientiam requiritur voluntas solum , ut consideret ejus objectum , non ut ipsi assentiat , quia per demonstrationem sciens cogitur ad assensum. Cum autem in opinione non detur demonstratio , quæ habet virtutem coactivam , hinc in assensu opinionis non cogitur intellectus ; & sic , ut habeatur hic assensus , requiritur alia virtus , quæ est ipsa voluntas. Igitur ad considerationem objecti scientiæ requiritur voluntas , non ad assensum ejus ; ad considerationem objecti opinionis , & ad ejus assensum requiritur voluntas , voluntas equidem , sed imperfecta , quia , ut ait Divus Thomas , *Opinio est quoddam debile*.

27. Probatur quintò ex Divo Ignatio Loiola in Epistola de virtute Obedientiæ num. 9. apud Patrem Thyrium Gonzalez disert. 14. num. 105. ita scribente : *Vis animi tametsi non ea , qua voluntas pollet , libertate prædita est , atque ipsa natura fertur ejus assensus in id , quod sibi veri speciem præbet ; tamen multis in rebus , in quibus videlicet cognire veritatis evidentiæ vim illi non inest , potest voluntatis pondere in hanc potius , quàm in illam inclinari ; quæ res cum incidunt , debet , quisque obedientiam profutur , inclinare sese in sententiam*

Superioris. Divus Ignatius sensum Divi Thomæ ex 2. 2. quæst. 1. art. 4. penè iisdem verbis expressit; unde meo videri est textus clarus, & apertus.

28. Probatur sexto ex Parisiensi de Fide cap. 1. post init. quem refert, & sequitur Nider de consolat. timor. conscient. par. 3. cap. 19. *Probabilitas*, inquit, *quantumque sit, non ingerit credulitatem, seu fidem ex necessitate hominibus intelligentibus, & exercitatiis, cum ipsi certi sint, non omne, quod videtur verum, esse verum.* Unde voluntarium simpliciter est, & liberum de omni probabili, ut ei quis credat, vel non credat; quoniam nihil adeo probabile, quod non habeat dissuasionem, qua possit videri falsum, aut saltem qua possit videri non esse credendum, & hoc propter periculum erroris. Ecce expressè, & clarè per hos Doctores determinatio ad credendum, vel non credendum dependet simpliciter à voluntate, & libertate nostra.

29. Probatur septimò ex Majore in 4. quæst. 2. prologi. §. *tertio arguitur, non potest*, qui sic docet. Licet non possimus assentire propositioni invidenti sine ratione, tamen cum motivis aequalibus, quantum est de se, possumus ex passione animi uni parti assentire. Patet exemplariter, nunc Parisiadicitur, quòd Exercitus Regis est victor in Italia: duo æquè præsentès sunt, quorum alter Gallos diligens assentit; alter non assentit, sed dissentit. Sic in proposito potest quis assentire huic, hoc est mihi licitum, & licet nesciat, quæ illarum viarum sit verior, scit, quod secundum unam facere ei licet. Hucusque Doctor. Ecce expressè stantibus iisdem motivis aequalibus per Majorem unus assentit, & hoc ex *passione animi*; hæc autem passio est voluntas, quæ ob amorem erga Gallos eligit credere victoriam Gallorum; ergo voluntas in hoc casu determinat intellectum.

Idem Doctor refert ibidem concl. 4. quòd Episcopus Parisiensis è dnobis æquè dignis eligit, quem vult ad Beneficium; & Sorbona inter duos priores

æquales unum alteri præfert ad nutum; Ergo intellectus determinatur ad unum ex voluntate Episcopi &c. volentis potius favere uni, quàm alteri.

Probatur octavò ex Divo Raymundo lib. 3. tit. de poenitent. & remiss. §. 53. ibi refert quatuor opiniones in illa quæstione, an peccata dimissa redeant, dum iterum peccamus; aliqui dicebant, quòd redirent & quoad reatum, & quoad poenam, & quoad omnia. Alii dicunt contrarium, scilicet quòd non redeunt; sed ideo, dicuntur redire, quia propter ingratitudinem ita reus & peccator constituitur, ut ante fuerat. Has opiniones vocat Sanctus Doctor *magis solemnes*, & postea subdit: *Secunda videtur aliquatenus tutior. Elige, quam volueris.* Meo iudicio clarè est pro me Divus Raymundus. Infra expendam hunc textum.

30. Probatur octavò præcipuè ex Richardo de Mediavilla, qui sapè relatis variis opinionibus cum suis fundamentis resolvit quæstionem hoc modo: *qui vult tenere primam opinionem, potest respondere argumentis contrariis &c. qui vult tenere secundam opinionem, potest respondere rationibus oppositis &c.* Hunc modum determinandi sequitur in 1. dist. 48. art. 2. quæst. 2. in illa quæstione morali, an teneamur nos conformari cum voluntate Dei in volitò. In 2. dist. 21. art. 3. quæst. 1. in illa difficultate, an primi parentes potuerint peccare venialiter in statu innocentie. In 3. dist. 37. art. 3. quæst. 2. in illa controversia, an quis possit defendere propriam vitam cum morte invaloris, & distinctè 39. art. 2. quæst. 1. in illa materia, an iuramentum dolosum de re licita obliget.

31. Ita quoque se gessit in 4. dist. 1. art. 4. q. 2. in quæstione, an Sacramentum sit causa efficiens illius gratie, quæ confertur in Sacramento. Dist. 6. art. 4. quæst. 2. in difficultate, utrùm baptizatus ignorans se baptizatum postea faciens se baptizari sine conditione sit irregularis. Dist. 10. art. 3. quæst. 2. in controversia, utrùm Deus posset transmutare eandem substantiam panis in plura Corpora; & art. 7. quæst. 1.



quæst. 1. in difficultate, an virtute Sacramenti Sacerdos possit quantamcunque materiam convertere. Dist. 13. quæst. 1. in controversia, an sit licitum plures Sacerdotes super eandem hostiam verba consecrationis proferre cum intentione consecrandi. Dist. 17. art. 1. quæst. 4. in quaestione, utrum ordine naturæ prior sit contritio, quam peccati remissio. Art. 3. quæst. 8. in difficultate, utrum Confessio Sacramentalis possit fieri simul pluribus Sacerdotibus. Art. 4. quæst. 4. in illa quaestione, utrum prior sit ordine naturæ gratiæ infusio, quàm culpæ remissio. Dist. 18. art. 7. quæst. 4. in illa difficultate, an Clerico excommunicato minori excommunicatione possit conferri Beneficium, & idem illud valeat licite retinere. Dist. 27. art. 2. quæst. 3. in illa controversia, an abscissio genitalium facta post matrimonium ratum, sed non consummatum, dissolvat matrimonium ratum. Dist. 29. art. 1. quæst. 2. in difficultate, an sponsalia facta per metum cadentem in constantem virum, & iuramento firmata obligent. Denique hunc modum decidendi servat eodem art. quæst. 3. Distinct. 33. art. 3. quæst. 1. dist. 38. art. 5. quæst. 2. dist. 39. art. 2. quæst. 3. & alibi, ut referam commodius, quando tractabo illas quaestiones, an possimus sequi duas opiniones, æqualiter vel inæqualiter probabiles.

32. Si velimus loqui candidè; negari nequit, Richardum clarè, & expressè esse pro nostra opinione; quia expressè, & clarè dat nobis licentiam sequendi opinionem à multis, quam volumus. *Qui vult tenere primam opinionem &c. qui vult tenere secundam opinionem &c.* Ergo juxta hunc Magnum Doctorem voluntas potest determinare intellectum, quando objectum est obicure propositum.

33. Doctorem Subtilem semel inveni sequutum esse methodum hanc, quam adeò crebrò practicavit Richardus, & fuit in 4. dist. 33. quæst. 3. in quaestione, an repudium fuerit licitum in lege antiqua. In hoc loco sustinet repudium

fuisse licitum; adhuc tamen in fine quaestionis scribit: *qui vult tenere primam opinionem*, (oppositam nempe, quæ asserit repudium fuisse illicitum) *ad argumenta in oppositum potest faciliter respondere.* Ergo juxta Scotum intellectus tenens unam opinionem potest determinari ad oppositum per voluntatem.

34. Dices, quando Doctores asserant, voluntatem determinare intellectum in materia obscura, intelligendos esse, quatenus voluntas applicat intellectum, ut attendat ad propria objecta; hinc in hoc sensu etiam scientia dependet à voluntate; voluntariè siquidem studemus Physicæ, Theologiæ &c. at proposito objecto, aliud imperium voluntatis non requiritur, nam actus determinatur ab illo ipsè intellectus; sicut applicato oculo ad coloratum, oculus absque alio imperio voluntatis determinatur ad videndum ab ipso colorato.

Sed contra, quia, ut dixi, ex Divo Thoma 2. 2. quæst. 1. art. 4. discernim eorum, quæ non videntur ab iis, quæ videntur, sistit in hoc, quòd quæ videntur per seipsa movent ad judicandum, quæ verò non videntur, non movent *sufficienter* ex seipsis, sed per *quandam electionem voluntariam* intellectus declinat potius in hanc partem. Ergo ad cognoscenda objecta obscura, nedum requiritur voluntas, ut applicet intellectum, quia etiam quoad hoc requiritur in objectis claris; sed exigitur etiam quoad ipsum actuale exercitium judicandi; & si dum intellectus assentit, vel dissentit objecto obscuro, ad hoc moveretur in solo objecto, tunc illud videretur in sententia Divi Thomæ. Vide etiam tex. quæst. 2. art. 9. ad 2. relatum num. 15. qui eparè infringit hanc objectionem. Tum quia Richardus, & Scotus dicunt, *qui vult tenere primam opinionem.* Tendere opinionem est ipsè formalis assensus; hanc autem teneantiam dicunt dependere ab ipsa voluntate. Tum quia hic modus determinandi quaestiones est proprius

prius in opinione; & sic debet esse de assensu, non de applicatione ad objectum, quia hæc etiam in scientia est voluntaria.

35. Respondebis, quando Divus Thomas docet, objectum opinabile non movere sufficienter intellectum ad assensum, non debet explicari quoad exercitium, sed quoad specificationem; unde debet intelligi, quod sufficienter non movet ad totalem assensum circa objectum, ut dicit expressè quest. 14. de veritat. art. 1. nam in rei veritate, quamquam opinio est declinatio in unam partem, tamen totaliter illam non sequitur, & hoc, quia, ut ait Divus Thomas in 3. dist. 23. q. 2. art. 2. questum. 2. semper remanet motus in contrarium, accipit enim unam partem cum formidine alterius.

36. Sed contra, quia Divus Thomas expressè asserit in assensu opinativo requiri electionem, per quam voluntariè declinet in unam partem magis, quam in aliam; ergo deficiente hac electione non habebitur assensus opinativus: ergo quoad exercitium opinandi intellectus dependet à voluntate. Est quidem etiam verum, quod objectum opinabile non movet ad totalem assensum ipsius objecti, quia opinio est assensus infirmus, & imperfectus objecti, ut dicebat Divus Thomas illo art. 9. ad 2. ex Arist. lib. 1. post tex. 44. tom. 1. At nihil contra nos; imo facit pro nobis, quia in tantum intellectus cogitur in scientia ex eodem textu Divi Thomæ ob efficaciam demonstrationis; cum ergo opinio non habeat similem efficaciam, cum sit infirmus assensus, ex hoc, quod opinio non sit assensus totalis ad objectum, sequitur, quod intellectus in exercitio opinionis non cogitur, sed per voluntatem movetur. Igitur juxta Doctorem Angelicum, & rei veritatem objectum opinabile non movet ad perfectum, & totalem assensum ipsius, sed ad infirmum, & imperfectum; at hic imbecillis assensus nequis haberi, nisi voluntas determinet intellectum; quia ad opinionem exigitur electio qua-

dam, per quam voluntariè declinet magis in unam partem, quam in aliam. Cum verò assensus opinionis non sit totalis amplexus objecti, ut accidit in Fide Divina; idè electio hæc non est perfecta, & totalis; unde nec voluntas perfectè, & totaliter vult objectum opinatum, sicut perfectè, & totaliter vult objectum fide Divina creditum; & hinc Divus Thomas dicit, ad opinionem requiri electionem quandam, qui terminus, *Quandam*, habet virtutem diminuendi, & negat, opinionem procedere ex perfecta voluntate.

37. Probatur non ratione, quia cum intellectus non polleat libertate; hinc, cum non determinetur ab objecto obscure proposito; sequitur, quod determinetur ab alia potentia; ergo determinabitur à voluntate, cum nequeat assignari alia potentia, maxime cum ipsa sit Regina, & domina aliarum potentiarum.

38. Obijcies. Si voluntas posset inclinare ad assensum intellectum, jam posset opinari, ut sibi liberet, quod est contra Aristotelem. 2. de Anim. c. 28. num. 2. ubi asserit, nos quidem posse imaginari objecta prout volumus, v. g. imaginari montes aureos, non tamen ita posse opinari. Hanc objectionem inculcat Fagnanus in c. *ne innotatis*, de constitut. num. 139. & 140. & alii Probabilioristæ.

39. Sed vana omnino est obiectio, nam cum Divo Thoma dicimus, ad assensum opinativum duo requiri, objectum proprium, quod moveat quidem, sed non sufficienter; & insuper requiritur quadam electio voluntariè declinans in unam partem magis, quam in aliam. Cum ergo non suppetant semper propria objecta moventia intellectum, quando volumus: idè non semper possumus opinari, quando volumus, licet possumus imaginari, quando volumus, quia ad imaginationem tota ratio faciendi est voluntas. Quæ doctrina elicitur ex ipso Aristot. ibid. num. 8. ubi assignans causam, cur opinio non sit imaginatio, ita dicitur =  
omnino

omnino opinionem sequitur fides, fidem autem persuasum esse, persuasionem autem ratio, bestiarum autem quibusdam imaginatio quidem inest, ratio vero non. Ecce per Philosophum ad opinionem requiritur ratio, non vero ad imaginationem; ergo, cum semper ratio non reperitur, quando volumus, (ò utinam reperire semper nobis illam liceret) non semper opinari possumus, quando volumus. Porro in nostra sententia, quamvis exigatur *electio voluntaria*, exigitur tamen etiam ratio: scimus autem omnes, quod deficiente causa, etiam inadequata, deficit effectus, nam juxta commune prologium, Bonum ex integra causa, Malum ex quocunque defectu. Præterea nequit negari, Fidem Divinam esse voluntariam, cum ratio voluntatis ex Divo Thoma sit essentialis Fidei, ut dixi: & tamen propter hoc non possumus credere fide divina, quando volumus, sed solum, quando obiectum proponitur ut evidenter credibile; ergo etiam, licet diceremus rationem voluntarii esse essentialem opinioni, ex hoc non sequitur, nos posse opinari, quando volumus, sed solum, quando obiectum, quamvis obicuum, validè impellit ad assensum, sed insufficienter. Vide Bancæ 2. 2. quæst. 1. art. 4. dub. 2. ad 1. qui eadem doctrina utitur in solutione hujus argumenti.

40. Respondetur secundo. In actu opinativo duo esse consideranda, specificationem actus, & actuale exercitium, sicut Doctores distinguunt duplicem libertatem in voluntate, specificationis unam, exercitii alteram. Igitur specificatio Opinionis, & Fidei dependet à principiis propriis, & obiecto proprio; unde, si motivum sit certum, & infallibile, & fundatum in testimonio dicentis, actus habebit speciem, & essentiam Fidei Divinæ. Si motivum sit incertum, unde possit aliter se habere, & actum sit movere vel omnes, vel sapientes: & ex his vel omnes, vel plurimos &c. ut dicebat Aristoteles, tunc actus habet speciem, & naturam

*Probabilitatis*; ut tamen produeatur tum actus Fidei, tum opinionis, & intellectus exeat in actuale exercitium horum habituum, requiritur imperium voluntatis.

41. Hinc est soluta illa difficultas, an voluntas requiratur ad specificationem opinionis; nam respondetur negativè, & deducitur ex Divo Thoma quæst. 14 de veritat. art. 3. ad 3. relato num. 18. licet fatear textum ex 2. 2. quæst. 1. art. 4. multum urgere pro opposita opinione. Vide num. 15. 16. & 22. In nostram opinionem ire debent etiam Probabilioristæ, quia, si aliter dicant, tunc tenentur concedere, ex voluntatis imperio nos posse sequi quamlibet opinionem ex pluribus probabilibus.

Antonius Maria Coratius tom. 1. Synag. opin. comm. tit. 6. num. 7. ait in sola voluntate consistere facere opinionem. Hoc dictum in Theologia prima fronte est falsum.

## CAPUT V.

*An Voluntas possit physicè flectere Intellectum ad partem aequè, vel minùs Probabilem.*

1. Pater Thyrsus Gonzalez disert. 3. cap. 2. tanquam rem sibi exploratam asserit, intellectum non posse assentiri, etiam per voluntatis imperium, illi propositioni, quæ sibi ut minùs probabilis apparet. Pro hac doctrina refert aliquos Antiquos, & plures Modernos, etiam Probabilistæ; communiter tamen Probabilistæ oppositum docent. Vide cap. præcedens num. 2.

2. Dico primò, quando utraque pars habet rationes æquales, voluntas physicè potest imperare assensum illius partis, quam vult.

Probatur primò. Quando obiectum est obscurè propositum, actu non movet intellectum ad assensum, nisi accedat

dat imperium voluntatis, ut patet ex cap. antecedenti: unde voluntas requiritur saltem ut conditio necessaria ad productionem assensus. Si ergo voluntas accedat ad rationes unius partis, tunc illa pars habet conditionem requisitam ad actum, quam non habet alia pars; & sic illa trahet ad actum, non alia.

3. Nequit aliud responderi, nisi quod rationes alterutrius se invicem impediant, & tollant virtutem motivam; ut autem habeatur actualiter assensus, requiritur virtus motiva in genere objectivo, nec sufficit imperium voluntatis; imaginari enim quidem possumus, quando volumus, non autem opinari, dicebat Arist. ut alibi animadverti.

Respondetur cum experientia, videmus etenim ipsis oculis, quod Sol impedit, ne candela producat lumen in meridie; & sic tollit effectum candelæ, at non tollit virtutem illuminativam candelæ, quæ virtus est lumen existens in candela, quod lumen oculis videmus existere in candela; ergo etiam illæ rationes æquales tollent quidem ad invicem suos effectus, non tamen virtutem in actu primo. Et ratio est clara, nam virtus motiva in actu primo est ipsum obiectum, quod apprehenditur; ante enim assensum actualem non datur nisi apprehensio terminorum obiecti, ut patet: vide etiam Divum Thomam 1. 2. quæst. 17. art. 6. quem retuli cap. anteced. num. 13. in casu autem, quo rationes sunt æquales, & se impediunt in assensu, adhuc restant apprehensa in ordine ad utramque partem; ergo adhuc habent virtutem in actu primo motivam ad assensum; & sic accedente voluntate ad unam partem, hæc pars habet virtutem, & conditionem requisitam ad actum, atque adeo hæc pars prorumpet in actualem assensum.

4. Probatur secundò ex c. *essote* de regul. jur. Ibi dicitur: hoc loco nihil aliud præcipi æstimò, nisi ut ea facta, quæ dubium est, quo animo fiant; in meliorem partem interpretemur; quod

enim scriptum est, *ex fructibus eorum cognoscetis eos*, de manifestis dictum est, quæ non possunt bono animo fieri. Nota illud verbum, *interpretemur*; certè significat exercitium intellectus, quod fit per actum interpretationis; Interpretatio autem est iudicium, ut legenti libros Aristot. Pehiermenias dictos, patebit: & mihi videtur irrationabile, si quis illud explicare vellet, quòd significet; *suspendamus iudicium*. Igitur, quando dubium est, an proximus bene, vel male agat, *est præceptum*, ut iudicemus in bonam partem. Si est præceptum, ergo physice voluntas est libera ad faciendum, & non faciendum, quia observantia præcepti essentialiter debet esse libera; ergo in dubiis voluntas potest physice fieri ad partem, quam vult.

5. Nota etiam illa alia verba: *quod enim scriptum est &c. de manifestis dictum est*. Hinc colliges, regulam illam Canonicam valere de omnibus dubiis, & excludi solum, dum res est manifesta; & sic valet, quando utraque pars propriè dubitat, & quando habet æquales, vel inæquales rationes probabiles, quia adhuc non sumus in manifestis. Hinc hanc regulam Canonicam viri probi passim sequuntur, & proximum bonum iudicant, licet rationes urgentes in oppositum habeant, & solum cessant à tali bono iudicio, quando evidentia ad oppositum illos cogit.

6. Hanc regulam sequenti sunt Alen. par. 2. q. 118. n. emb. 1. art. 4. D. Thomas 2. 2. q. 60. art. 4. Joannes de Friburg lib. 3. tit. 34. quæst. 235. Pilanella, & ejus Supplem. V. Dubia. Divus Antoninus 2. part. tit. 3. cap. 8. §. 1. Nider Precep. 1. c. 13. litt. D. audiamus Doctorem Angelicum: ubi non apparent manifesta indicia de malitia alicujus, debemus, eum ut bonum habere in meliorem partem interpretando, quod dubium est.... de rebus debet quis niti ad hoc, ut iudicet, secundum quod sunt; quia in iudicio de rebus non attenditur bonum, vel malum ex parte rei, cui nihil nocet, qualitercunque iudicetur, sed attendi.

tenditur ibi bonum judicantis, si verè judicet, vel malum, si falsò: quia verum est bonum intellectus, falsum autem est malum ipsius, ut dicitur 6. Æth. cap. 2. In judicio, quo judicamus de hominibus, *præcipue* attenditur bonum, & malum ex parte ejus, de quo judicatur, qui in hoc ipso honorabilis habetur, quòd bonus judicetur, & contemptibilis, si judicetur malus, & ideo ad hoc tendere debemus in tali judicio, quòd hominem judicemus bonum, nisi manifesta ratio appareat in contrarium.... Articulum concludit tandem his verbis: Alio modo interpretatur aliquid in bonum, vel malum *definiendo*, sive determinando: & sic in rerum judicio debet aliquis niti ad hoc, ut interprete- tur unumquodque, secundum quod est. In judicio autem Personarum, ut interprete- tur in melius.

7. Legi quendam Probabilioristam dicentem, Angelicum Præceptorem non velle, ut in dubiis Personam actu judicemus bonam, quia potest dari casus de Dubio propriè dicto, in quo nulla sit ratio pro parte de bonitate, & tunc non possumus judicare proximum esse bonum, nam sic temerè judicaremus. Igitur juxta Sanctum Thomam debemus in his casibus suspendere judicium.

8. Sed contra, quia Sanctus Doctor ait: quòd in dubiis Personarum debemus ad hoc tendere (perpende sequentia verba) in tali judicio, quòd hominem judicemus bonum. Ecce expressè loquitur de tali judicio. Numquid judicium est idem, ac suspensio judicii? præterea tendere, ut judicemus hominem esse bonum, est idem, ac tendere, ut suspendamus judicium hujusmodi? procul dubio, si Divus Thomas hoc intellexisset, expressisset in verbis oppositum illi, quod volebat significare.

9. Præterea ibi dat regulam de judicio rerum, & personarum; dat regulam de definitione, vel determinatione rerum, & personarum in Dubiis. De personis dicit, esse judicandas bonas; de rebus autem dicit, esse judicandas, ut sunt. Quia verisimilitudine potest ex-

plicari, quòd in dubiis personarum debeat suspendere judicium? Igitur voluntas hominis potest, & debet flectere intellectum in dubiis personarum, licet pro utraque parte sint æquales, vel inæquales rationes, ut judicet esse bonas.

10. Nec ratio in contrarium urget; nam potest quidem dari casus, quòd in illa materia non sint peculiaries rationes pro alterutra parte, v. g. potest dari casus, quòd non sint motiva desumpta ex genere castitatis, vel luxuriæ, ut judicemus hominem esse castum, vel libidinosum; at non potest dari casus, quòd non sint motiva universalis, ut judicemus hominem esse. V. g. *castum, justum &c.* & inter motiva universalis hoc est unum contentum in regula assignata, quòd quilibet præsumitur bonus, nisi probetur malus, & ex hac regula possumus rationabiliter judicare proximum esse castum, justum &c. nisi ratio manifesta appareat in contrarium. Ex ratione hujus regulæ existimo oriri præxim Ecclesiæ, quòd Sacramentum Extremæ Unctionis conferatur cuicunque Christiano, nisi constet habere peccatum mortale. Si Sacerdos dat Sacramentum, utique debet judicare subiectum esse bonum; aliter sacrilegè conferret Sacramentum. Constat ergo, intellectum hominis probi flecti à voluntate ad judicandum hominem esse bonum, & quando non adsunt motiva particularia in illo genere, & quando adsunt motiva æqualia, vel inæqualia pro utraque parte.

11. Probatur tertio ex testibus Sanctorum Hieronymi, Augustini, Raymundi, & Scoti, & Richardi, quos attulimus cap. antecedenti pro secunda conclusione. In his conceditur facultas sequendi inter plures opinionem, quam volumus. Hæ igitur Opiniones vel habent rationes æquales, vel inæquales. Per hos Doctores voluntas potest sequi, quam vult; ergo voluntas inter motiva æqualia, vel inæqualia potest physice flectere intellectum ad partem æqualiter, & minus probabilem. Meo judicio

cio admissa autoritate illorum Patrum, & Doctorum consequentia est inevitabilis. Unde apud me est certum, in sententia ipsorum voluntatem physicè posse flectere intellectum existentem inter motiva aequaliter, vel inaequaliter probabilia, cum expresse dent licentiam sequendi, & docendi inter plures illam opinionem, *quam volumus*. Numquid possum docere, & tenere aliquam Opinionem, & illi assensum intellectivum non praebere?

Illis Doctoribus addo Aftesum lib. 8. tit. 10. art. 2. quaest. 7. Ibi facit quaestionem; an Coniux dans alteri Coniugii licentiam vovendi possit illam revocare. Refert duas Opiniones oppositas, & concludit ad modum Richardi: *Qui vult tenere primam opinionem, potest dicere ad objecta. Qui vult tenere secundam opinionem &c.* Ergo juxta Aftesum voluntas determinat intellectum existentem inter rationes probabiles oppositas.

12. Major quoque aperte est pro hac conclusione, dum narrat, quod duo aequè praesentes inter *motiva aequalia*, unus ob amorem in Gallos credit victoriam Gallorum, alter verò non credit. Lege cap. antecedens num. 29. Ecce expresse, quod quis inter duo motiva aequalia *ob amorem* flectit intellectum ad assensum de victoriâ Gallorum, alter verò *ob odium* flectit intellectum ad dissensum. Ergo voluntas juxta Majorem potest flectere physicè intellectum existentem inter motiva aequalia.

13. Dices, voluntatem posse facere, quod motiva crescant in sua virtute, & sic illa pars habebit majores vires, quam alia: & sic sumus extra quaestionem. Assumptum patet in judicio temerario; hoc enim sic accedit: obiectum est leve in ordine ad trahendum intellectum ad assensum; voluntas ergo ob passionem vel iram, vel invidiam facit apparere magnum intellectui, quod in se est leve; & sic, quod in se est leve, & grave apparet ob passionem ipsi intellectui, movet ad judicandum ipsum intellectum. Sic etiam motiva aequalia

in seipsis ob passionem voluntatis redduntur inaequales, & tunc intellectus amplectitur partem, quae habet motivum efficacius.

Sed contra primò, quia illi Patres, & Doctores expresse dant nobis licentiam amplectendi opinionem ex pluribus, *quam volumus*; ergo ratio, & motivum eligendi unam praeter alia est voluntas: si autem eligimus unam praeter alia, quia una habet motivum efficacius, non eligimus hanc praeter alia, quia volumus, sed quia efficacius movemur; ergo non exerceremus libertatem, quae nobis conceditur ab illis. Tum quia Divus Raymundus dicit: ex his duabus opinionibus, *Elige, quam volueris*. Certè ex hac licentia in hoc instanti possum eligere vel primam, vel secundam; & tamen in illo instanti motiva pro utraque sunt aequalia. Tum quia electa prima in primo instanti possum in secundo instanti eligere secundam; numquid in hoc secundo instanti mea voluntas argere potest vires motivi secundae opinionis? si dicatur, quod sic; ergo in potestate voluntatis est constituere obiectum, quod non erat in linea opinionis probabilis, intra lineas opinionis probabilis; & sic concedunt, pliusquam nos volumus. Consequentia probatur: quia quando ex duobus obiectis aequaliter moventibus unum efficacius evadit; tunc illa opinio evadit probabilior; & sic est verè opinio probabilis per ipsos Adversarios, qui inculant; Antiquos nomine opinionis probabilis intellexisse illam, quam his temporibus vocamus probabiliorum.

14. Quod si dicant, illas majores vires, quas acquirit per voluntatem obiectum, non habere in se; & tunc constituet opinionem in linea temeritatis, quia tunc opinio est temeraria, quando absque motivo sufficiente in se, sed tantum apparenter tali, habetur ipsa opinio; hinc juxta hanc explicationem Patres illi, & Theologi, dum dant licentiam amplectendi opinionem, *quam volumus*, darent nobis licentiam temerè judicandi.

15. Contra secundò, quia vel in potestate voluntatis est augere virtutem utriusque partis, vel non: si secundum; ergo non possumus ex duabus opinionibus eligere, *quam volumus*, ut concedunt Patres, & Doctores; sed solum illam, cuius vires augere potest voluntas. Si primum dicatur: habetur illud, quod volumus, nos enim Probabilistæ aliud nolumus, nisi quòd inter probabiles opiniones nobis concedatur libertas sequendi, quam volumus. Interea petimus ab Adversariis, ut nos doceant modum, quo voluntas ex suo beneplacito angeat vires unius Opinionis. Ego sic explico, ut feci in probatione prima concl. secundæ cap. antecedent. Adversarii, si volunt à nobis differre, debent dicere, quòd voluntas faciat, ut motiva pro hac parte efficacius exprimant veritatem; & sic debent dicere, vel quòd objectum constituatur per voluntatem intra lineas Probabilitatis, vel Temeritatis, ut dicebam in prima responsione num. 13. &

14

16. Pro hac nostra opinione clarè facit textus relatus cap. antecedenti num. 27. ex Divo Ignatio Lojola, qui dicit in rebus obscuris intellectum *posse voluntatis pondere in hanc potius, quam in illam inclinari*. Nota, quòd non dixit, *rationum* pondere, sed *voluntatis*. Igitur ego post debitum studium cognosco utramque opinionem Divi Thomæ, & Scoti esse probabilem aequaliter; advenit deinde præceptum Superioris, quòd ego defendam opinionem Divi Thomæ, & reliquam illam Scoti, ego morem gero præcepto: propugno Divum Thomam, & resolvo rationes Scoti. Hinc ego *voluntatis* pondere potius in hanc Divi Thomæ opinionem, quam Scoti, descendo. Ecce clarè Divus Ignatius pro me. Quòd si Superior postea jubeat, ut opinionem Scoti tuear, obstat. Ecce sola voluntas mutat opinionem.

17. Probatur quoque clarè in Judiciis, qui debet decidere lites, nec illas reddere in notales; unde 1. *propter an-*

*dum*. C. de judic. decernitur, causas non esse prorogandas à Judice ultra triennium, & gravi poena puniuntur, si hanc legem transgrediuntur. Et c. *nonnulli*. §. sunt & alii de rescript. decernitur, restringendas lites esse potius, quam laxandas. Quid ergo faciet Judex, si incidat in causam habentem æquales rationes pro utraque parte? Si ejus voluntas nequit physice intellectum flectere ad unam partem, certè nunquam litem dirimet; & sic nedum triennio, ut lex jubet, sed nunquam lis terminabitur. Antiqui dicebant in hoc casu *bonum esse habere Julicem amicum*. Ergo Judex ob amorem juxta Antiquos judicabit pro Amico.

18. Pro hac quoque clarè facit textus ille ex 2. 2. quæst. 1. art. 4. Divi Thomæ, quem toties expendi, & alibi pluries expendam. Ait Sanctus Doctor, quòd *quando intellectus assentit alicui, non quia sufficienter moveatur ab objecto proprio, sed per quandam electionem voluntariè declinans in unam partem magis, quam in aliam, cum dubitatione, & formidine alterius, hic assensus erit opinio*. In casu quæstionis dantur motiva pro utraque parte, non tamen sufficienter movent. Accedat ergo voluntas uni parti; tunc intellectus per electionem voluntariè declinabit in illam partem magis, quam in aliam; Quia actus voluntatis solum voluntariè declinare facit, ut est evidens: habetur insuper formido, & dubitatio de opposita; ergo juxta Doctorem Angelicum voluntas determinat physice intellectum existentem inter motiva aequalia.

19. Dices, in illo casu non habebit formidinem, & dubitationem de parte opposita, sed habebit aliquid plus; quia illa pars opposita habet motiva aequalia, ac alia, de qua habet assensum. Ista autem motiva sunt adeò fortia, ut nata sint gignere opinionem, quæ est quid magis, quam formido.

Respondetur primum per instantiam, an Adversarii admittant, quòd in hoc casu voluntas possit physice flectere in-

intellectum, si concedunt: dicant ad quem habitum ille assensus sit reducendus. Certè non est dubitatio, quia hæc assensum non habet. Non est suspicio, quia hæc ex Divo Thoma 2. 2. quæst. 2. art. 1. *levi signo tenetur*; in nostro verò casu non dantur motiva levia, sed fortia. Ergo debent fateri, esse assensum opinativum probabilem.

10. Responderetur secundò, motiva alterius partis non gignere assensum opinativum, quia voluntas illis non accedit; & sic pro illa parte non datur *electio quadam voluntarie declinans*, ut ad assensum opinativum expressè requirit Doctor Angelicus. Hinc illa motiva se habent solum in actu primo. Igitur assensus alterius partis habitus ex imperio voluntatis importat formidinem, quia causatur ab objecto proprio, quod potest aliter se habere: Et hæc est ratio, cur assensus opinativus sit formidolosus essentialiter, saltem radicaliter. Et si Adversarii insisterent, quòd objectum valide movens ad aliam partem, causet in assensu oppositæ partis plusquam formidinem; tunc assensus partis probabilioris haberet plusquam formidinem: nam motiva partis minus probabilis sunt magis fortia, quàm motiva suspicionis, cum solum penes magis, & minus differant à motivis partis probabilioris.

11. Denique pro hac opinione clarè pugnat Divus Thomas quæst. 4. de potentia Dei art. 4. in corp. quæst. Ibi refert duas opiniones Sanctorum circa creationem Mundi. Prima Augustini dicebat omnia fuisse eodem instanti tempore formata. Secunda aliorum Sanctorum sustinebat, primo tempore fuisse creata elementa Mundi, & corpora cælestia, in alio tempore lux; in alio firmamentum, & corpus Diaphanum suis ordinatum, & distinctum. Hinc iuxta primam opinionem sex dies, in quibus à Scriptura Mundus dicitur factus, important unicum tempus, plura instantia intellectualia amplectens; iuxta verò secundam opinionem important successione diversorum temporum, si-

cut, quando nos dicimus, transierunt sex dies, intelligimus successionem diversorum temporum.

22. De his duabus opinionibus sic, corpus articuli concludens, discurret: Harum igitur expositionum prima, scilicet Augustini, est subtilior, magis ab irrisione Infidelium Scripturam defendens: secunda verò, scilicet aliorum Sanctorum, est planior, & magis verbis litteræ quantum ad superficiem consona; quia tamen neutra earum à veritate fidei discordat, & utrumque sensum circumstantia litteræ patitur: ideo, ut neutri earum expositionum præiudicetur, utramque expositionem sustinentes, utrinque rationibus respondendum est. Ita verbatim Angelicus Præceptor.

23. Cum cap. antecedenti probaverimus, motiva opinionum probabilium non cogere, & ideo ad ipsorum assensum requiri imperium voluntatis, & cum in questione de creatione Mundi prædicta nihil fuerit certum, sed solum opinabile, cum Sancti inter se dissentirent; sequitur evidenter, Divum Thomam per voluntatem flexisse suum intellectum ad sustinendam utramque expositionem.

24. Aliud huic textui, & aliis relatis nequit responderi, nisi quòd sint in materia speculativa; & sic concedunt, in speculativis voluntatem posse flexere intellectum existentem inter motiva æqualiter probabilia, non verò posse flexere in materia morali, in qua difficultas procedit.

Sed contra, quia voluntas est æquè potens flexere physicè intellectum in speculativis, ac in moralibus; quicquid sit interim, an liceat operari iuxta hanc opinionem, de quo infra. Ratio est, quia sicut in rebus speculativis Sacre Scripturæ Sancti differunt in explanatione Scripturæ, & illam diversam explanationem *Circumstantia litteræ patitur*; Ita etiam in moralibus Sacre Scripturæ Sancti differunt in explanatione Scripturæ, & circumstantia litteræ diversam explanationem illam patitur:



patitur : ( nec enim possumus dicere Sanctos in moralibus erravisse , vel Scripturam in moralibus non posse pati diversam explanationem. )

25. Nota primò, quòd juxta Divum Thomam quamvis aliqua opinio sit *plurior*, & *magis verbis Scripturæ quantum ad superficiem consona*, est sequenda quidem, non tamen solum, sed aliam possumus sequi, si sit subtilior; sic etiam si aliqua opinio sit subtilior, & magis defendens ab irrisione Infidelium Fidei doctrinas est sequenda, non tamen necessariò est solum ipsa tradenda; sed possumus, & debemus etiam aliam, si hæc sit magis consona quoad superficiem Scripturæ. Quòd si Probabilioristæ oppositum dicerent, ne credas illis, sed exemplum clarum Divi Thomæ imitare.

Nota secundò illa verba Sancti Thomæ: *Ideo, ut neutri earum explanationum præjudicaretur, utramque sustinentes.* In his verbis Sanctus Doctor credebatur præjudicari uni opinioni ex allatis, si utramque non sustinuisset. Adversarii assignent rationem hujus credulitatis, & postea negent, si possint, utramque opinionem in moralibus debere sustineri à nobis, si sancti inter se differant in moralibus. Quia autem suppono nedum Opinionibus Sanctorum, sed etiam aliis Doctoribus, esse præstandam reverentiam, & nemini esse præjudicandum tit. de nov. oper. nunc. ergo, si alii Doctores insignes varient inter se in Opinionibus sive speculativis, sive moralibus, nullam damnare debemus; & melius faciemus, si voluntas volens omnes Magistros insignes honorare flectit intellectum ad sustinendas diversas illorum opiniones; & sic, quod ut debitum præstandum est Sanctis, voluntariè ob amore præstabitur aliis Doctoribus, utique famolis. Tum quia de facto Divus Thomas, Divus Bonaventura, Divus Raymondus, & Divus Antoninus differant inter se in moralibus.

26. In uno casu coguntur Adversarii concedere, quòd physice, quin licite,

possit voluntas flectere intellectum ad assensum existentem inter motiva aequaliter probabilia, quando scilicet in utraque parte est æquale periculum peccati, & homo debet operari. Major in 4. in prolog. quaest. 2. concl. 4. dat exemplum de Judice. Ipse Judex physice est certus Petrum non occidisse Paulum; adhuc contra Petrum instituitur processus criminalis, unde juxta allegata, & probata est innocens. In hoc casu Beatus Thomas, & Alensis dicunt, Judicem obligari in conscientia ad condemnandum illum innocentem. Viri tot cum aequali probabilitate assenserunt obligari ad ipsum non condemnandum. Certè voluntas Judicis debet unam eligere. Ergo evidenter in hoc casu voluntas physice flectit intellectum existentem inter motiva aequaliter probabilia.

Sed melius exemplum est de Sacerdote, qui, assumpto Corpore, adversus tit consecrasse aquam. Hic debet perficere sacrificium, vel consecrando utramque materiam, ut vult Divus Thomas, vel solum vinum, ut cum aequali probabilitate docet Scotus, ut dixi supra. In hoc ergo casu voluntas potest, & debet flectere physice, quin & licite vel ad unam, vel ad aliam partem. Nec potest dici, in his casibus periculosis ex utraque parte intellectum esse certum, quòd licet operari juxta unam ex illis duabus, ut dicebat Major; nam hoc judicium non dat majorem probabilitatem illi parti, quam eligit; quia illud judicium aequaliter se habet ad aliam partem oppositam, ut est evidens; ergo intellectus non determinatur ad hanc partem ob illud judicium, sed ex alia causa, quæ alia non est nisi voluntas, quæ vult potius sequi hanc. Ex hoc principio puto ortum fuisse illud dictum Antiquorum Juristarum, quòd bonum est habere Judicem amicum; ex hoc enim sequitur, si lis habeat omnino æquales rationes pro utraque parte, tunc Judex potest judicare pro Amico.

27. Obijcies. Intellectus existens in-

ter motiva æqualiter moventia est dubius ex Divo Thoma quæst. 14. de verit. art. 1. Ergo ex parte actus primi intellectus non habet virtutem trahendi ad opinionem, quia objectum idem nequit specificare actum dubii, & opinionis. Confirmatur. Opinio in actu secundo est acceptio unius partis cum formidine alterius; ergo opinio in actu primo importat motivum ad unam solum partem impellens; ergo, quando adfunt motiva pro utraque parte, tunc non adest objectum specificativum opinionis.

Respondetur ad primum, æqualitatem rationum non esse formaliter ipsum Dubium, sed esse unam ex causis, unde provenit Dubium, ut patet cap. sequenti, datur enim etiam Dubium, quando pro neutra parte adfunt rationes, ut patet ex Divo Thoma loco citato; adhuc tamen æqualitas rationum pro utraque parte specificat opinionem in actu pro utraque parte; nam supponimus illa motiva esse gravia, & fortiter impellere ad utramque partem; ut tamen tollatur actuale Dubium, & detur actualis assensus opinativus, requiritur voluntas, ut patet ex dictis. Vide cap. sequens n. 33. & seqq.

28. Ad Confirmationem, juxta principia Probabilistarum, ut dixi cap. tertio, quæst. 2. num. 32. ita assensus opinativus est acceptio unius partis cum formidine alterius, ut stet simul ex aliis motivis cum assensu opinativo alterius partis, ut in exemplo allato Divi Thomæ de Creatione Mundi liquet; hinc etiam motiva specificantia Probabilitatem unius partis in actu primo stabunt simul cum motivis specificantibus Probabilitatem alterius partis in actu primo.

29. Quod si velimus tenere assensum opinativum unius partis non stare simul cum assensu opinativo alterius partis, ut ibi num. 36. dicebam, tunc negatur consequentia, quia, ut ibi dicebam, aliquando motiva diversa reperiri possunt simul in intellectu, non tamen actus illorum motivorum, &

aliquando potentia ad opposita sunt simul in eodem subiecto, non tamen actus oppositi illarum potenciarum, ut dicebam ibidem num. cum Doctore Subtili.

30. Obijcies secundo, quando utraque pars habet motiva æqualiter probabilia, non datur ratio, cur voluntas flectat ad hanc partem, & non illam; ergo nequit voluntas physice determinare intellectum existentem inter motiva æqualiter probabilia. Consequentia probatur, quia ex Illustrissimo Cleo Gallicano in Libello condemnatorio plurium Propositionum in conclusione Operis dicitur, *dubia esse determinanda ex ratione*, non voluntate, juxta illud ad Rom. 12. *rationabile obsequium vestrum*. Tum quia ex Aristot. 2. de Cælo tex. 93. dicitur, quod si famelico ponerentur æqualiter distantes duo cibi, & duo potus, ad nullum moveretur; ergo cum duo motiva æqualia se habeant ut duo bona æqualia, tunc voluntas ad nullam opinionem determinabit intellectum.

Respondetur primo, ad summum probare quod licet voluntas hoc nequeat facere, non autem physice, & illicite; potest siquidem voluntas facere obsequium irrationabile, hoc est, contra leges morales, licet non contra leges sue nature; hoc est, contra suas proprietates physicas: est enim voluntas Regina in Regno Animæ; unde alie potentie sunt ejus subditæ, & illas movet: hinc scribit Divus Thomas ubi supra, quod intellectus possibilis non movetur nisi a duobus, scilicet a proprio objecto, quod est forma intelligibilis, scilicet quod quid est, ut dicitur 3. de Anima tex. 26. *Et a voluntate, qua movet omnes alias vires*, ut dicit Anselmus in lib. de similitudinibus c. 2. Et idem Divus Thomas expressè scripsit 2. 2. quæst. 1 art. 4. quod, quando objectum non movet sufficienter, tunc intellectus *per electionem quandam voluntarie declinat in unam partem magis, quam in aliam, & si quidem sit cum formidine, ille assensus erit opinio;*

opinio; si autem sit cum certitudine absque tali formidine, erit *Fides*. Ecce expressè, quando intellectus non movetur sufficienter ab objecto proprio, ut accidit in omni materia obscura, tum naturali, & sic in opinione, tum supernaturali, & sic in fide, voluntas adjuvat intellectum, ut exeat in actuale exercitium.

31. Respondetur secundo, si obiectio aliquid probat, probat, nec etiam in speculativis voluntatem posse flectere intellectum existentem inter motiva æqualia; nam etiam in speculativis debet solvere Dubia ex ratione: & sic Divus Thomas non potuisset sustinere utramque opinionem, ut fecit, in speculativis. Nec Divus Raymundus potuisset dicere, *elige, quam volueris ex his duabus opinionibus*. Nec Richardus tam sæpe potuisset hoc modo solvere difficultates, sicut nec alii Doctores, quos alibi referam. Tene menti hanc responsum, quia sic Adversarii vel tenentur fateri Antiquos erravisse, vel objectionem non esse magni ponderis.

32. Respondetur tertio, hanc objectionem solutam fuisse à Majore, Doctore Sorbonico ubi supra. §. *tertio arguitur*. Audi ejus verba: teste experientia, licet non possimus assentire propositioni inevidenti sine ratione, *tamen cum motivis æqualibus*, quantum est de se, *possimus ex passione animi uni parti assentire*. Patet exemplariter: nunc Parisiis dicitur, quod Exercitus Regis est victor in Italia; duo æquè præsentés sunt, quorum alter Gallos diligens assentit, alter non assentit, sed dissentit. Ita Major, qui tamen loquitur in casu morali, sed in utraque parte periculoso; hinc subdit: sic in proposito potest quis assentiri huic propositioni, *hoc mihi est licitum*; & licet nesciat, quæ illarum viarum sit verior, scit, quod secundum unam facere ei licet. Ego subsumo. Quamvis in nostro casu ego nesciam, quænam illarum partium sit verior, cum utraque æqualiter appareat; tamen scio, unam illarum esse veram; ergo, si Ma-

jor, quia scit sibi licere, secundum unam facere, ideò se determinat ad unam, & ad unam facere; ita ego, quia scio unam partem esse veram, me determino ad unam, & flecto intellectum ad unam. Igitur patet ex doctrina Majoris in obscuris intellectum non posse flecti ad unam partem *sine ratione*; si tamen adsint rationes æquales pro utraque parte, tunc *ex passione animi*, & sic ex voluntate, possum uni assentiri; & hic assensus erit quoad speciem in linea Opinionis Probabilis: quia illa motiva sunt probabilia, quoad exercitium autem etiam in linea voluntarii; quia in obscuris ex Divo Thoma, in quibus obiectum sufficienter non movet, *requiritur electio quædam voluntarie declinans in unam partem magis, quam in aliam*.

33. Ad autoritatem Aristotelis Richardus in 2. dist. 38. art. 2. quæst. 4. fin. ait, posse dici, quod Philosophus non asserat. Vel loquatur per comparationem ad sensibilem appetitum, qui liber non est. Divus Thomas in explic. textus lect. 25. lect. D. fin. expressè asserit, illud dictum esse Sophistarum, & sic non Aristotelis: unde subdit, quod *famelicus curreret ad alterum, quodcumque contingeret*. Hic Sanctus Doctor videtur supponere, quod Aristoteles loquatur de appetitu sensitivo, qui etiam in illo casu determinaret potentiam cursivam ad unum ex illis potibus æqualibus; hinc à fortiori possumus dicere quod voluntas, quæ est libera, poterit determinare intellectum ad unam ex illis opinionibus æqualibus.

34. Restat videre, an voluntas possit physicè flectere intellectum ad partem, ad quam motiva minùs impellunt, quàm ad opposita. & difficultas est in sensu composito, quod in intellectu sint motiva fortius trahentia ad aliam partem: in sensu enim specificativo, hoc est, quando alia pars ab aliis judicatur probabilior, nulli est dubium, cum id, quod aliis probabilius apparet, aliquando mihi minùs probabile videatur.

35. Dico secundò, supposito quòd motiva pro opinione Divi Thomæ ubi appareant urgentiora, adhuc voluntas potest physicè flectere intellectum ad assentiendum Opinioni Scoti, cujus fundamenta me quidem valide impellunt, sed minùs, quàm motiva pro opinione D. Thomæ.

36. Probatur primò ex iis, quæ dixi in primo argumento pro conclusione antecedenti, nam objectum ut probabilius propositum non cogit intellectum ad sui assensum ex dictis, nec tollit virtutem motivam in actu primo ab argumentis pro parte minùs probabili; sicut Sol non tollit virtutem illuminandi ærem à candela; hinc Doctor Angelicus quæst. illa 14. de verit. art. 1. dicebat: quandoque intellectus inclinatur magis ad unum, quàm ad alterum; sed tamen illud inclinans non sufficiens movet intellectum ad hoc, quòd determinet ipsum in unam partem tota. *Iter. .... Et hæc est dispositio opinantis. Ecce, quòd inclinari magis ad unum non determinat totaliter intellectum; ergo potest dari determinatio incompleta in hac materia in parte opposita: si enim vis totalis determinandi non est in hac parte, certè non implicat, quòd aliqua vis determinandi sit in alia parte. Sicut si totus calor non est in Petro, necesse est, quòd aliquid de calore sit in alio subiecto. Si ergo voluntas accedat parti minùs probabili, & non probabiliori, pars minùs probabilis trahet in assensum intellectum, cum habeat ultimum requisitum ad actualiter trahendum assensum intellectivum.*

37. Hæc consequentia explicatur. Ut candela, & Sol illuminent ærem requiritur concursus Dei: & si candela ad præsentiam Solis haberet concursum Dei, non verò Sol, tunc candela illuminaret ærem, non verò Sol, illuminaret, inquam, juxta intensiorem suæ virtutis, & sic aer parùm illuminaretur. Sic dicimus, ut magis, & minùs probabile trahant intellectum ad assensum, requiritur voluntas ex dictis; ergo si minùs probabile habeat concur-

sus voluntatis, trahet intellectum ad assensum, non verò magis Probabile; trahet, inquam, ad assensum sed juxta intensiorem suæ virtutis.

38. Dices, naturaliter loquendo Deus debet concurrere in illo casu cum Sole, & non cum candela, & hoc, quia Sol est majoris virtutis, & si Deus faceret contrarium, faceret contra exigentiam naturalem Solis; ergo etiam, si voluntas concurreret cum minùs Probabili, & non cum magis Probabili, faceret contra naturam magis Probabilis; ergo loquendo juxta exigentias rerum, voluntas debet concurrere cum magis Probabili, & non cum minùs Probabili.

Sed contra, quia pro nunc habeo intentum, probat enim, quòd voluntas debet quidem concurrere cum Probabili, ut non probat, quòd nequeat concurrere cum minùs probabili; imò hoc conceditur; sicut conceditur, quòd Deus absolute potest concurrere cum candela, & non cum Sole. Hic solum assero, quòd voluntas physicè potest flectere intellectum ad minùs probabile, præscindendo interim, an debeat aliter facere, de quo infra.

39. Probatur secundò exemplo claro Divi Thomæ relato cap. 3. num. 71. Divus ergo Thomas sustinet dictum, quòd ad Sacram Ordinationem non requiratur tactus physicus; postea docet oppositum. Certè sustinet primam opinionem, & illam utique sustinet ut minùs probabilem, cum doceat oppositum statim post quatuor lineas. Tum quia ipse Gonettus Probabiliorista expressè dicit, quòd Divus Thomas tenet primam opinionem ut minùs probabilem, secundam ut probabilioram. Ergo voluntas Divi Thomæ flectebat suum intellectum ad assensum opinionis, quam cognoscebat esse minùs probabilem.

40. Divus Raymundus allatus suprà dat licentiam eligendi unam ex duabus opinionibus, quamvis una esset *atque tenus tutior*. Ego illud adjectivum, *Tutior*, accipio pro *Probabiliore*; loquitur enim

enim ibi Sanctus Doctor de duabus opinionibus speculativis; in speculativis autem Tutioritas nequit distinguī à veritate. Unde una opinio speculativa est tutior per hoc, quod habeat minus periculum dicendi falsum, quia nullum aliud periculum invenies, in ordine ad quod opinio speculativa dicetur tuta; nam opinio per hoc formaliter, quod elongetur à falsitate, accedit ad veritatem. Ergo Opinio speculativa *Tutior* est Probabilior. Cum verò voluntas ex Divo Raymundo possit flectere intellectum ad opinionem aliquatenus minus tutam, sic flectet ad opinionem *aliquatenus* minus probabilem. Video exemplum Divi Raymundi non probare de opinione absolute minus Probabili; cum sit de *aliquatenus* minus probabili; tamen clare probat de opinione, quæ non est omnino æqualis.

41. Glossator Raymundi lib. 4. de matrim. §. 10. V. *abstinendum*, refert opinionem dicentium, quod tam Maritus, quam Uxor peccant mortaliter exigendo debitum matrimoniale tempore menstrui, postea subdit. Alii dicunt, quod exigere in menstruo debitum scienter non est peccatum mortale inter conjugatos, sed tantum veniale; prima tamen opinio videtur verior, & magis consonat auctoritatibus Sanctorum; in talibus autem non est præcipianda sententia in foro pœnitentiali, nec deneganda absolutio, si nolit conjugatus tempore menstruum continere, sed via tutior est consulenda, & terror ex periculo incutiendus. Ita Glossator Raymundi. Ecce hic Doctor tenet expressè ut probabiliorē, & magis consonam Doctrinæ Sanctorum opinionem rigidam, adhuc tamen concedit, ut pœnitens sequatur oppositum; ergo dum concedit, tunc voluntas debet flectere intellectum, ut assentiatur opinioni oppositæ probabiliori; opinio autem opposita probabiliori est minus probabilis. Infra videbimus proprio loco, quod omnes Antiqui, qui hunc calum evolverunt, docuerunt, Confessarium, saltem Parochum, posse permittere, ut

pœnitens sequatur opinionem oppositam illi, quam ipse Confessarius tenet ut probabiliorē.

42. De Richardo nulli dubium esse debet, quod doceat voluntatem posse flectere intellectum ad partem minus probabilem, sicut hoc concessit expressè in æquè probabilibus. Duos textus solum assero, unum speculativum, alium practicum. Speculativus est in 3. dist. 34. art. 1. quæst. 3. Ibi refert duas opiniones, quarum prima erat, quod Dona Spiritus sancti non sint necessaria ad salutem, & hanc vocat probabiliorē. Secunda erat, quod Dona sint necessaria ad salutem. De his duabus opinionibus resolvit consueto modo: *qui vult tenere primam opinionem: qui vult tenere secundam opinionem.* Ecce expressè per voluntatem flectit Richardus intellectum ad sustinendam opinionem oppositam illi, quam credit probabiliorē; ergo hæc alia opinio erat minus probabilis.

43. Practicus habetur in 4. dist. 6. art. 4. quæst. 2. Afferit duas opiniones, prima dicebat, bis baptizatum, quamvis ignoranter, esse irregularem. Secunda negabat esse irregularem. Primam dicit esse magis consonam textui Canonico; ergo illam fatetur esse probabiliorē. Concludit quæstionem eodem modo: *qui vult tenere primam opinionem; qui vult tenere secundam opinionem.* Hic textus est adeo clarus, ut Adversarii nequeant illum aliqua tergiversatione solvere; nam est moralis, & pars probabilior est etiam strictior, & tamen voluntas potest flectere intellectum ad sequendum oppositum: *qui vult tenere secundam opinionem.* Alios textus Richardi referam infra, dum tractabo quæstionem principalem, au liceat, sequi opinionem minus probabilem, & minus tutam.

Assensus lib. 8. tit. 19 art. 2. quæst. 7. fin. scribit: qui verò volunt tenere secundam opinionem, *possunt dicere* ad decretum allegatum contra eam, per illud verbum, *similiter convertatur*, intelligendum est sic: nisi malit suum con-

jugem revocare, & sic solvant quidam, & Gloss. solvit ibidem. *Vel potest dici, & melius*, quod dicit similiter convertatur, *quia revocando peccat &c.* Ecce in voluntate est dicere, id quod *melius est*, & sic quod verius est; vel dicere oppositum, & sic dicere minùs probabile.

44. Dices, motivum probabilius determinare intellectum ad unam partem in actu primo; ergo intellectus nequit flecti nisi ad illam partem; sicut enim Sol prævenit candelam, & determinat aerem ad recipiendum effectum à Sole prodeuntem, & non à candela; ita à pari de motivo probabiliori, & minùs probabili.

Respondetur ex Divo Thoma q. 14. de verit. art. 1. motivum probabilius non determinare intellectum ad unam partem *totaliter*. Si non determinat totaliter ad illam partem, ergo in alia parte adest aliquid, quod non est in probabiliori. Ergo etiam intellectus potest determinari ad hanc aliam partem. Et contra Sol totaliter continet effectum candelæ; & cum sit agens efficacius, & necessarium, prævenit candelam, & producit effectum, qui posset produci à candela. Motivum probabilius non est agens necessarium ex dictis; ergo non prævenit in actuali motione motivum minùs probabile; sed, ut moveat, requirit electionem quandam voluntariam ex Divo Thoma toties allato. 2. 2. quæst. 1. art. 4. Ex alia parte cum motivum minùs probabile non amittat actum primum; si accedat voluntas, habebit omnia requisita ad producendum assensum probabilem quidem, sed minùs. Relege nostram primam probationem.

45. In publica concertatione olim audiivi, quendam Amicissimum meum, & quidem Probabilistam, qui que hoc meum Opusculum, qualecunque est, dignatus est evolvere, & approbare; audiivi, inquam, hoc argumento prementem Probabilioristam, amicum etiam meum: *Opinio minùs probabilis est verè probabilis; ergo possumus se-*

qui opinionem minùs probabilem. Antecedens probatur, quia magis calidum supponit minus calidum; ergo magis probabile supponit minùs probabile: Respondit defendens, disparitatem esse inter calorem, & Probabilitatem, quia calor potest esse in pluribus subjectis, veritas verò in uno solo, ut est evidens; hinc in nostro casu veritas est in parte probabiliori, & sic ipsam solam sequi possumus; & sic nec physicè voluntas poterit flectere intellectum ad partem minùs probabilem.

46. Sed contra, & est argumentum efficacissimum pro antecedenti conclusionem, quia in speculativis, maxime prophanis, possumus libere sequi hanc, vel illam opinionem, saltem si sint æqualis Probabilitatis, ut expressè tenet in materia sacra speculativa Major in prolog. 4. sentent. quæst. 2. concl. 2. §. *tertio arguitur, dicta Hieronymi vers. ex his patet* scribit: si assertiones eorum oppositæ sint æquè apparentes. ... *quare non licebit tenere, quod vales, dummodo rationi alterius satisfacias?* Ergo ex eo, quod veritas est in una sola parte, non sequitur, quod debeamus sequi hanc, & non illam, & voluntas nequeat flectere intellectum ad unam, vel ad oppositam; nam etiam, dum utraque pars est æquè probabilis, in una sola parte reperitur veritas; ad summum sequitur, quod voluntas nequeat flectere intellectum ad utramque simul, quia sic certò flecteret intellectum ad falsum, quod est impossibile.

47. Nostri Probabilistæ respondent, ut patet ex cap. 3. num. 32. veritatem objectivam reperiri quidem in una parte; veritatem verò formalem, & probabilem, & juxta phrasim Divi Bernardi loquendo, *quasi veritatem* reperiri in utroque extremo, & sic voluntatem posse flectere physicè intellectum ad utramque partem.

48. Sed concedendo intellectum posse solum uni parti physicè assentiri, assensero non probari ab Adversariis, veritatem reperiri solum in parte probabiliori.

liori, nec unquam hoc probare poterunt, quia *Probabilitas*, inquit Parisiensis, & Nider relati c. ant. n. 48. *quantacumque sit, non ingerit credulitatem, seu fidem ex necessitate* hominibus intelligentibus, & exercitatis, *cum ipsi certi sint, non omne, quod videtur verum, esse verum.* Ergo est certum, veritatem necessariò non reperiri in parte probabiliori: & sic potest reperiri in parte minùs probabili, & sic parti minùs probabili intellectus poterit assentiri. Nec major efficacia motivi probabilioris obstat, quia, ut dicebam, *Probabilitas quantacumque sit, non ingerit credulitatem ex necessitate*; ergo possumus assentiri parti oppositæ minùs probabili. Relege omnino textum Parisien, & Nider.

49. Instabis. Est quidem verum, nos non necessitari ad actum assentiendum parti probabiliori, quia hoc est proprium objecti evidentis, & sic talis assensus est liber quoad exercitium; necessitari tamen quoad speciem, unde supposito, quòd intellectus moveatur actu, movebitur ad partem probabiliorum. Sic Fides Christiana est libera quoad exercitium, tamen quoad specificationem est necessaria, quia *homini docto*, inquit Pater Gonzalez disert. 3. c. 2. §. 2. num. 32. *penetranti credibilitatem nostra fidei, omnino apparet impossibile eidem dissentire, eam falsam reputando.*

30. Sed contra, quia negamus assumptum; ad exemplum de Fide illo dato, assignamus disparitatem evidentem, quia cum motivis Fidei Christianæ non possunt simul componi motiva opposita; nam motiva nostræ Fidei sunt evidenter credibilia, & sic opposita motiva nullius sunt roboris, quia evidentia cogit, & ad nihilum reducit opposita. Hinc hoc argumentum est bonum: hæc res est evidenter credibilis; ergo impossibile est credere oppositum. Evidentia ergo credibilitatis unius de necessitate excludit à credibilitate partem oppositam. At motiva probabiliora non excludunt de necessitate aliam

partem vel à *Probabilitate*, vel à *Veritate*.

51. Hinc hæc argumenta non valent: hæc opinio est probabilior: ergo opposita est falsa. Hæc opinio est probabilior; ergo opposita non est probabilis; quia *Probabilioritas de necessitate non ingerit credulitatem*, & comparativum non excludit formam comparisonis ab alio extremo. Igitur *Probabilioritas de necessitate* excludit ab opposito *Probabilioritatem*, non verò *Probabilitatem*, velint, nolint Adversarii; sicut magis calidum in uno excludit magis calidum ab alio, non verò excludit ab illo calorem simpliciter.

52. Probatur quartò ex Divo Augustino Epist. 7. ubi refert quatuor opiniones de exortu Animæ Rationalis, quarum meminerat lib. 3. de lib. arbitri. prima erat, quòd Animæ nostræ omnes propagarentur ab Anima Adæ. Secunda, quòd singillatim in singulis fiant. Tertia, quòd extra creatæ mittantur. Quarta, quòd in Corpora sponte mergantur. Omnes autem ut probabiles iustinet, & de omnibus explicat, verificari illud Ecclesiastes c. 7. *Convertatur pulvis in terram, sicut fuit, & Spiritus revertatur ad Deum, qui dedit eum.* Maxime verò docet verificari de prima, & de tertia; & propter hoc videtur forsitan, quòd illas credat probabiliores, quod enim magis est conforme Scripturæ Sacre est probabilis, & verius.

53. Denique dicit, quòd, si quis illarum aliquam voluerit asseruere, atque defendere, hoc faciat vel Scriptura Sacra, quæ non possit aliter accipi; sicut est, quòd Deus hominem fecit: vel ratione tam certa, ut contradictio, aut nulla existat, aut insanie similis iudicetur. Nota primò, quòd idem textus Sacre Scripturæ verificatur de oppositis opinionibus; quin maxime verificatur de prima, & de tertia opinione, quæ formaliter sunt oppositæ, idem enim nequit propagari, & creari.

54. Nota secundò pro presenti materia,

teria, quodd Divus Augustinus exigit, ut quis defendere *velit illarum aliquam*; & sic non omnes quatuor velit tueri, exigit, inquam, ut inveniat vel Scripturam Sacram, *qua non possit aliter accipi*, sicut est, *quod Deus hominem fecit*. Ecce ad deferendas, & abjiciendas plures opiniones, & ut cogamur solum unam defendere, requiritur textus clarus, & certus; textus enim, qui nequit aliter accipi, est certus; & ipse Divus Augustinus dans exemplum quantæ certitudinis debeat esse ille textus ait: *sicut est, quod Deus hominem fecit*. Si in Sacra Scriptura invenietur textus clarus, est ille, in quo dicitur, Deum fecisse hominem; Est enim adeo apertus, quantum per verba res clare exprimi potest.

55. Quia verò Divus Augustinus non erat illius genii, & ingenii quorundam Probabilioristarum, qui si legunt aliquam questionem sacram sine sacro textu agitatam, torquentur, & exclamant, difficultatem bene non solvi, quia rationibus solvitur; idè subdit: *aut invenietur ratio tam certa, ut contradictio nulla existat*. Igitur, Probabilioristæ, si vultis, nos cogere, ut praetenditis, ad sequendam illam vestram topicam, & rigidam opinionem, quam unicam soletis referre, & approbare in vestris scriptis, hanc regulam ex Magno Augustino debetis observare. *Inveniendus est textus clarus, qui nequeat aliter accipi. Vel asserenda est ratio tam certa, ut contradictio nulla existat*. Uque dum non observabitur hanc legem, *voluntarie perseverabo in meis pluribus opinionibus*, licet sint minus probabiles; nam ratio, & textus, qui probabilioriter militent pro opposita, non sunt clari, & sine ulla contradictione, cum possint aliter se habere. Similia dixi cap. anteced. num. Hic nota, hoc tempore esse de Fide ex Divo Thoma part. 1. quæst. 118. art. 2. quod Anima rationalis *non traducatur cum semine*. Vide etiam Opuscul. 2. c. 73. Plurimis in locis Sanctus Doctor asserit Animam creari, quos brevitas gratia

relinquo, & quia res est certa apud Catholicos.

56. Objicies primò ex eodem Gonzalez num. 19. licet voluntas interserviat, ut fundamenta alicujus Opinionis urgentiora appareant, quia facit, quod intellectus vividius attendat ad illa, & minus ad opposita, tamen supposita omni diligentia possibili circa illa fundamenta, si urgentiora appareant, nequit voluntas flectere intellectum ad partem oppositam; quia sic crederet esse unicè veram illam partem, quæ est minus verisimilis; impossibile est autem, quod absolute credatur verum illud, quod minus verisimile apparet.

57. Juxta principia Probabilistarum argumentum supponit id, quod est probandum; supponit scilicet, quod assensus opinativus sit judicium absolutum de veritate rei à parte rei; hoc autem negant ipsi. Dicunt insuper, illud, quod minus verisimile apparet, judicari esse verum, *sed probabiliter*; minus enim verisimile habet fundamenta, quæ continentur intra lineam Probabilitatis, sicut fundamenta partis magis verisimilis, cum sola differentia Graduum: differentia autem graduum, ut sciunt Philosophi, non variat res specificè; quando verò causæ differunt ponens magis, & minus causant effectus non specie diversos, sed tantum *Gradualiter*; ergo fundamenta magis, & minus verisimilia non debent causare cognitiones specie diversas; ergo utraque cognitio debet esse probabilis; ex eo autem, quod una sit probabilior, de necessitate non infert falsitatem in opposita, ut dicebam; ergo etiam supposita Probabilioritate unius partis, potest judicari *vera*, probabiliter tamen, pars opposita.

58. Objicies secundò ex eodem n. 18. si intellectus posset ex voluntatis imperio flecti ad amplectendam ut veram eam sententiam, quam ipse exercitè, & signatè judicat esse minus verisimilem opposita, posset quis hunc actum habere: Quamvis ego evidenter experiar majora, & validiora fundamenta



ad judicandum contractum A. esse peccaminosum, quàm ad judicandum oppositum; nihilominus censeo contractum non esse peccaminosum, & hanc partem, ut unice veram amplector, & oppositam rejicio ut falsam. Quis autem non videat eum actum omnino repugnare, sicut repugnat iste: quamvis ego videam, hunc colorem esse magis similem Albo, quàm nigro; nihilominus judico esse nigrum, & non album. Et quis non rideret Magistrum, qui defendens aliquam conclusionem ut veram; v.g. quòd Deus cognoscat futura libera in Decreto prædeterminandi causam secundam; Cæterum nihilominus censeo fundamenta sententiæ oppositæ, asserentis cognosci independentem à Decreto, esse validiora, & urgentiora, & ita mihi representantur in actu primo. Ridiculus haberetur, qui ita pronunciaret, & non posset defendere suam sententiam, & oppositam impugnare, nisi ore tenus, non autem serio, & ex Animo. Quis enim ex animo præferat alteri sententiam, cujus fundamenta apud ipsum minoris sunt momenti? Ita Gonzalez, qui alia assert ibidem, quæ tamen sunt ejusdem rationis.

59. Meo judicio illud, quod non potest credere Pater Gonzalez, credunt Probabilistæ; ipsi enim expressè dicunt, nos posse sequi in praxi opinionem minùs probabilem relicta probabiliori. Credunt ergo esse veram partem minùs probabilem; nam, si falsam judicarent, illam non possent sequi. Ergo Probabilistæ præferunt opinionem minùs probabilem; & sic habentem fundamenta minùs urgentia, opinioni probabiliori; & sic habenti fundamenta urgentiora. Igitur id, quod nequit credere Pater Gonzalez, Probabilistæ credunt.

60. Præterea quis sustinet dictum Magni Alberti, & docet opinionem oppositam; hic certè, dum sustinet dictum Alberti, præfert opinionem minùs probabilem Probabiliori. Hoc fecit Divus Thomas, ut expendi num. 39. Richar-

dus dat mihi expressè licentiam sequendi opinionem oppositam Probabiliori, & opinionem contrariam illi, quæ magis est consona textui Canonico; Ergo Richardus dat mihi licentiam præferendi opinionem, habentem fundamenta minùs urgentia, opinioni habenti urgentiora fundamenta: Opinio enim probabilior, & opinio magis consona textui Canonico habent fundamenta urgentiora.

61. Respondetur igitur, si quis judicet vel certo, vel probabilioriter ut veram illam partem, quæ habet contra se fundamenta urgentiora, procul dubio hic haberet actum repugnantem, ut est evidens; si quis verò judicet ut probabiliter veram illam partem; quæ habet quidem fundamenta gravia pro se, habet tamen fundamenta graviora contra se; hic non haberet actum repugnantem; & hæc est ipsa doctrina Probabilistarum: & si Pater Gonzalez credit, esse actum repugnantem, debet asserre fundamenta hujus tæ credulitatis. Ratio hujus distinctionis est, quia omnis cognitio, quæ dicitur vera, vel est de objecto necessario, vel contingenti, ut liquet ex dictis; si de necessario; ergo fundamenta opposita, nedum non sunt urgentiora, sed nullius sunt roboris. Si de contingenti, tunc hoc objectum ex se non est sufficiens, ut cogat intellectum, sed requirit electionem quandam voluntariè declinantem in unam partem magis, quàm in aliam ex Divo Thomas 2. 2. quæst. 1. art. 4. toties allato. Ex alia parte de objecto contingenti possunt dari rationes graves pro utraque parte, & urgentiores pro una. Voluntas non se jungit cum urgentioribus; ergo non datur assensus de parte probabiliori; voluntas autem se jungit cum parte opposita; & sic tunc datur objectum, movens quidem graviter, sed minùs, quàm oppositum; movet, inquam, graviter, sed insufficienter; & datur electio quedam voluntariè declinans in unam partem magis, quàm in aliam; ergo dantur omnia, quæ requirit Divus

Thomas, ut habeatur assensus ille, qui est opinio; & tamen est de objecto minus probabilis.

62. Eadem distinctione satisfacit aliis, quæ subdit Pater Gonzalez. Igitur non implicat, quod fundamenta ex sua natura gravia, sed gradualiter minus, quam opposita, producant suum actum, & non opposita; & ratio est evidens, quia ad productionem obscurorum actuum requiritur electio voluntaria ex Divo Thoma; voluntas verò, cum sit libera, potest se jungere, cui vult; ergo fundamenta minus urgentia possunt habere determinativum proximum ad actum producendum, & non motiva urgentiora, & sic illa producent suum actum, & non ista. Producent, inquam, suum actum, qui erit in linea Probabilitatis juxta naturam suorum fundamentorum, secundum tamen graduallem intensiorem, in qua sunt sua fundamenta. Relege primam nostram rationem.

63. Dices, fortius superat minus forte; ergo probabilius, utpotè fortius, superabit minus probabile. Tum quia minus probabile, qua tale, importat carentiam probabilitatis; ergo si probabilitas est in linea veritatis, minor probabilitas erit in linea falsitatis.

Respondetur ad primum, illud antecedens valere in causis physicis, & in causis objectivis valere in evidentibus, quæ necessario movent potentiam, non verò in obscuris, quæ necessario non movent potentiam; & sic unam non producit effectum ante aliud: & sic quoad actum secundum non se superant. Nec se superant quoad actum primum, quia in sensu composito ad objectum probabilius datur objectum oppositum, quod est in linea probabilitatis, ut patet ex dictis. Ad secundum, si argumentum urget, probat, minus calidum non esse in linea calidi, & universaliter qualitatem remissam non esse essentialiter naturæ cum intensâ, quod est contra Philosophos. Igitur Probabilitas, qua talis, non importat lineam

entis, sed gradum juxta Philosophos; hinc minus Probabile, qua tale, importat carentiam Graduum Probabilitatis, non verò carentiam lineæ entis, quam dicit Probabilioritas; & sic nec excludit veritatem; & sic non est in linea falsitatis. Lege caput sequens, quia invenies aliqua pertinentia ad materiam hujus capitis, sed præcipuè quæst. 3.

## CAPUT VI.

### De Dubio, & Suspicionem.

1. CUM in dubiis tutior pars sit eligenda juxta Sacros Canones c. ad audientiam. c. significasti el. 2. c. petitio de homicid. c. juvenis de Sponsal. & Clement. §. nos itaque. de verbor. signific. hinc sedulo incumbendum est in tradenda definitione Dubii; sic enim cognita, natura ejus, faciliè poterimus interire in particulari, quando obliget regula illa: *In Dubiis tutior pars est eligenda.* Doctrina hujus capitis maximè spectat ad hunc Tractatum; quia Probabilioriter confundunt Dubium cum Formidine, quæ spectat ad Probabilitatem; unde sæpius contendunt allegatum axioma valere etiam in Probabilibus, quod est alienum à veritate.

2. Joannes Nider consolatur timor. conscient. part. 3. c. 1. Et Divus Antoninus 3. part. tit. 3. c. 10. §. 9. definiunt Dubium, quod sit interminutus in ius rationis super utramque partem contradictionis per æqualia mala. Angelus. V. Dubium. ait: Dubium secundum Isidorum &c. est motus indifferens in utramque partem contradictionis. Vel dic, quod Dubium est rationum contrariorum æqualitas secundum Philosophum. Has duas definitiones amplectuntur Sylvester. V. Dubium. n. 1. & Tabiena. V. Dubitatio. n. 1. Silvest. subdit: Unde propriè homo dubitat de aliquo, quando habet rationes ad utramque partem æqualiter, aut quasi æqualiter.

si. *proventes.* Fumus. V. *Dubitatio.* ait: *Dubitatio* provenit ex eo, quod quis ad utramque partem rationes habet; ideo non determinat se ad unam partem secundum Divum Thomam in 3. dist. 17. art. ult. Sylvester quoque ait, secundam definitionem esse juxta Divum Thomam ibidem. Supplementum Pitaneæ. V. *Confessor.* 2. § ult. ait, quando aliquis non habet aliquam rationem, quare magis debeat adherere opinioni unius, quam alterius, remanet in Dubio.

3. Albertus tom. 19. qui est *Summa de Creaturis.* part. 2. tract. 1. quest. 51. art. 1. fin. distinguit Dubium ab Ambiguitate, & utramque definiens ait: *Dubitatio* est interminatus motus rationis super utramque partem contradictionis. Ambiguitas autem est motus rationis ambiens utramque partem contradictionis *per equalis media.* Definitionem eandem dubitationis habet in 3. dist. 17. art. 8. Hic vides Divum Antoninum, & Nider definitionem Dubii composuisse partim ex definitione Dubii, & Ambiguitatis, quas tradidit Magnus Albertus.

Hæc definitio Opinionis, quod sit interminatus motus rationis *per equalis media*, vel quod sit contrariarum rationum æqualitas, nec est juxta Divum Thomam, ut dicitur, nec secundum Aristotelem, ut pariter affirmatur.

4. Legimus Divum Thomam loco citato in 3. dist. 17. art. ult. *Dubitatio*, inquit ipse, dupliciter dicitur; Primò enim, & principaliter signat motum rationis supra utraque parte contradictionis cum formidine determinandi. Secundò translatus fuit &c. Hic non lego rationum æqualitatem. Nec potest dici, argui æqualitatem rationum ex illis partibus, cum formidine determinandi, cum formido sit proprietas rationum probabilium; Nam Divus Thomas quest. 14. art. 1. scribit: Intellectus noster possibilis respectu partium contradictionis se habet diversimodè; quandoque enim non inclinatur magis ad unum, quam ad aliud, vel

propter defectum moventium, sicut in illis problematibus, de quibus rationes non habemus; vel propter apparentem æqualitatem eorum, quæ movent ad utramque partem; & ista est dubitantis dispositio. Ecce clarus textus, in quo Angelicus Doctor admittit Dubium accideri in duobus casibus. Primò, propter defectum moventium, sicut in illis problematibus, de quibus rationes non habemus. Secundò, vel propter apparentem æqualitatem. Ergo juxta claram mentem Divi Thomæ Dubium nequit definiri, quod sit æqualitas rationum; quia sic definitio non competeret omni definito, quod est contra omnem Philosophiam; & ex definito non valeret consequentia ad definitionem, quod pariter est contra Philosophiam, & contra 1. t. ff. de dolo malo. Ego subdo, qui nullam rationem habet pro aliqua parte, in neutram partem inclinatur, ut est evidens; ergo tunc datur propriè dubitatio juxta Doctorem Angelicum. Ergo sine æqualitate rationum datur dubitatio propriè sumpta. Et nota, quod in textu ex quest. 14. de verit. primo loco posuit deficientiam moventium causare dubitationem, ut denotaret, hanc esse principalem causam dubitationis.

5. Hæc quoque definitio non est juxta Aristotelem, imò est contra ipsum expressè, qui 6. topic. c. 2. tex. 19. ait: Similiter autem & dubitationis videbitur effectivum esse contrariarum æqualitatem ratiocinationum; quandoque enim ad utraque ratiocinantibus nobis similiter videntur omnia secundum utrumque fieri, dubitabimus, utrum agamus. Ecce expressè Philosophus asserit, æqualitatem rationum contrariarum esse effectivum dubitationis; ergo Dubium non est æqualitas rationum, quia definitum est quidem ejus causa intrinseca, & formalis, non verò extrinseca, & effectiva. Lege Philosophum, & Averroem, & Patrem Maurum hunc textum explicantes, & videbis, Aristotelem illam definitionem Dubitationis rejicere, ut malam; unde

de nescio ; quomodo Angelus illam eradiderit tanquam de mente Philosophi.

6. Hæc quoque definitio est contra rationem aperte, nam propriè, & in rigore dubitamus, num grana arenæ sint paria, vel disparia, & tamen nedum æqualitatem rationum non habemus, sed nec levem. Item, ut dicebat Angelicus, in illis Problematis, de quibus rationes non habemus, verè, & propriè dubitamus; siquidem Aristot. 3. metaphyc. c. 1. tex. 3. dicit, Dubitationem ita se habere ad procedendum in via intelligibili, sicut vinculum in corpore ad deambulandum in via materiali; sicut enim per vinculum impeditur corpus, ne progrediatur ulterius; sic dubitatio impedit mentem, ne viam veritatis percurrat; patet autem, tunc maximè impediri mentem à veri via, quando nullum argumentum habet; cum argumentum sit inedinum ad acquirendam veritatem; ergo, quando nullum argumentum habemus, tunc maximè dubitamus. Paritatem vinculi amplectitur D. Thomas in explic. hujus text.

7. Dices, parùm refert, an æqualitas rationum sit ipsa dubitatio, an causa ejusdem; semper enim sequitur, quòd dubitatio habeat secum annexam talem æqualitatem rationum, ex quo ulterius sequitur, quòd intellectus inter duas opiniones æqualiter probabiles remaneat dubius, ut contendunt Probabilioristæ, & præcipuè Vendrochius in not. 1. Epist. 5. sect. 4. §. 3.

Sed contra, imò multum refert; quandoquidem ejusdem effectus possunt esse plura effectiva, non verò ejusdem definiti plures definitiones. Sic lux causatur & à Sole, & ab igne, & à Deo. Lux tamen unicam definitionem habet. Sic valet inevitabiliter consequentia à definito ad definitionem, ut dicebam; hinc, si Petrus est homo, necesse est esse animal rationale; non tamen bene argueris: Petrus calefit hic: ergo adest ignis hic. Primum argumentum est adeo verum, ut impos-

sibile metaphysicè sit esse falsum. Ab effectivo verò ad effectum, & è contra multoties non valet consequentia, quia, & causa efficiens habet plures effectus, & idem effectus habet plures causas: & sic non valet consequentia ab uno ad aliud determinatè; tum quia causa effectiva pluries impeditur ad suum effectum producendum ab alia causa, & sic accidit in casu nostro: Nam in obscuris intellectus subordinatur imperio voluntatis, & ab ipsa determinatur quoad exercitium; & sic saltem physicè voluntas potest flectere intellectum existentem inter æquales rationes, ut uni adhareat; & sic ratio unius partis producat suum effectum: & sic tollitur Dubium. Quòd si æqualitas rationum esset formaliter ipsum Dubium, impossibile esset metaphysicè dari talem æqualitatem, & non dari Dubium, quia data definitione metaphysicè datur definitum.

8. Instat Vendrochius ibidem, & ait, quòd cæca illa dubitatio, ubi nil utrimque rationis affulget, placida quodammodo est, & ignorantie, quam dubitationi vicinior. At qui æqualem utrimque lucem aspicit, nec veram à fallaci valet internoscere; hic propriè æstuat, angitur, & sensum longè acriorem habet dubitationis suæ. Subdit Vendrochius. Et pulchrè Terentius Hegionem auditis variantibus amicorum sententiis ita loquentem inducit: Bene fecistis; incertior sum multo ante quam antea.

9. Nunc vellem scire, an Divus Thomas, qui clarè sustinet utramque partem contradictionis in quæstione de Creatione Mundi, quàm adeo longam is stituit, incertior fuerit post adeo longum studium, an verò antea. Si primum, ergo Divus Thomas in vanum laboravit; si secundum, iam habeo intentum. Idem quæro de Richardo, & de aliis Antiquis, qui relatis diversis sententiis cum suis fundamentis concludunt, elige, quam velueris. Præterea hi Doctores de opinionibus, de quibus nullam rationem habebant, non dabant libertatem eligendi aliquam ex pluribus:

ergo

ergo hi Doctores post inventas æquales rationes pro opinionibus, si dabant hanc libertatem, procul dubio non erant adeo incerti, sicut antea. Tum quia Major dicit expressè, quòd teste experientia, licet non possimus assentire propositioni inevidenti sine ratione, tamen cum motivis aqualibus, quantum est de se, possumus *ex passione animi* uni parti assentire. Certè Major evidenter opponitur cum doctrina allata Vendrochii. Quia autem cuique in propria arte credendum est, arg. l. un. ff. de *inspic. ventr.*; & cognitio de Dubio pertineat ad Philosophum, & Theologum, non verò ad Poetam; hinc relinquam Terentium, & cum Terentio Vendrochium, & adhærebo Majori tanquam magis Philosopho, & Theologo.

10. Nunc autem probo evidenter, quòd illa *cæca dubitatio* sit vicinior dubitationi, quàm ignorantia. Deberet sufficere textus ille ex quæst. 14. de verit. art. 1. Divi Thomæ, in quo clarè dicit, *Dubitantis dispositionem reperiri vel propter defectum rationum, vel propter aequalitatem apparentem earum*; & præcipue, ut dicebam, quia primo loco posuit carentiam rationum, quali esset prima, & principalis causa *Dubitandi*. Tum quia ille propriè est ignorans, qui dicit nescientiam eorum, quæ quis scire potest, & tenetur ex Divo Thoma part. 1. quæst. 101. art. 1. ad 2. 1. 2. quæst. 76. art. 2. quæst. 3. de *Mal.* art. 7. & alibi. Porrò hæc nescientia est carentia scientiæ debite; hinc ille maximè nescit, qui nullam cogitationem, & actum intellectus habet: nam scientia est conclusio, & sic tertia operatio intellectiva; ergo ille maximè erit ignorans, qui nullam operationem intellectivam habet. Ex alia parte dubitatio importat aliquem actum intellectus: cum dubitans fluctuet inter duas partes ex Divo Thoma de verit. & 2. 2. quæst. 2. art. 1. dicit: *dubitantem habere cogitationem informem in neutram partem inclinantem*. Porrò ille, qui dubitat, quia non habet aliquam

rationem, hic certe habet aliquem actum: habet enim cogitationem informem, & neutri parti inclinat; ergo noster dubitans maximè accedit verè dubitanti, & elongatur maximè ab ignorante, quia hic nullum actum habet. Brevius: ignorantia maxima nullum actum importat. Dubitatio propriè dicta importat aliquem actum. Noster dubitans habet aliquem actum intellectivum: ergo noster dubitans magis accedit Dubitationi, quàm ignorantia.

11. Præterea ex Aristot. 3. metaphys. c. 1. num. 1. & Divo Thoma ibidem dicitur: *quærens scientiam aggreditur primum, de quibus dubitare primum oportet*. Ergo Dubitatio est primus gradus in via ad habendam scientiam. Ignorantia ex alia parte non est gradus ad habendam scientiam, imò est ejus oppositum. Sed illa *cæca dubitatio*, de qua loquimur, est primus gradus ad habendam scientiam, quia importat apprehensionem terminorum, & primus gradus scientiæ est apprehensio terminorum scientiæ; ergo illa *cæca dubitatio* magis participat de dubitatione, quàm de ignorantia; & sic erit vicinior Dubio, quàm ignorantia.

12. Quòd verò magis fluctuet, fluctuet, & magis dubitet, qui habet illam cæcam dubitationem, quàm habens æquales rationes, probatur, quia ille magis distat à solutione Dubii, quam iste. Audiamus Divum Thomam ubi suprà litt. B. Dubitatio de aliqua re eodem modo se habet ad mentem, sicut vinculum corporale ad corpus, & eundem effectum demonstrat; inquantum enim aliquis dubitat, inquantum patitur aliquid simile his, qui sunt strictè ligati. Sicut enim ille, qui habet pedes ligatos, non potest in anteriora procedere secundum viam corporalem, ita ille, qui dubitat quasi habens mentem ligatam, non potest ad anteriora procedere secundum viam speculationis. Et ideo, sicut ille, qui vult solvere vinculum corporale, oportet,

et, quòd priùs inspicat vinculum, & modum ligationis; ita ille, qui vult solvere dubitationem, oportet, quòd priùs speculetur omnes difficultates, & earum causas. Sic Doctor Angelicus. Ecce per Divum Thomam, ut habeatur veritas, oportet, priùs speculari omnes difficultates, ad illas solvendas, quibus solutis veritas acquiritur. Ergo, qui nullas rationes habet, magis distat à veritate illo, qui habet rationes pro utraque parte; & sic magis angitur, & fluctuat. Si enim intellectus quiescit acquisito fine suo, qui est veritas, maximè erit inquietus, fluctuabit, & angetur, quo remotior erit à suo fine.

13. Confirmatur ex ipsa ratione Vendrochii. Intantum intellectus angitur, & aestuat, inquantum nequit internoscere, quanam sit lux vera, dum æqualem utrimque aspicit; sed habens illam cæcam dubitationem multò magis nequit veram lucem aspicere; ergo hic multò magis aestuat, & angitur. Minor probatur, quia, ut aspiciatur vera lux, hoc est, ut attingatur veritas, ex Divo Thoma, & Aristot. ubi supra requiritur, quòd prius speculemur omnes difficultates, & earum causas; ergo non habens has difficultates, & earum causas multò magis nequit internoscere, quanam sit veritas, quàm ille, qui habet has difficultates, & causas; patet autem quòd ille, qui nullam rationem habet, non habeat has difficultates, & causas, bene verò ille, qui æquales rationes habet pro utraque parte: sic enim iste aspicit ligamen, quo tenetur, ne progrediatur ulterius in viam speculationis: ille verò nullum ligamen aspicit. Relege textum Divi Thomæ, & Aristotelem ibidem. Lege etiam Maurum in explicatione hujus loci Aristotelis.

14. Sed res postulat, ut subijciamus alias definitiones Dubitationis, quas ex Antiquis potui colligere, ex hoc enim, & fiet manifestum, quid sit Dubitatio juxta Antiquos, & quòd illa cæca dubitatio Vendrochii sit dubitationi, quàm

ignorantiz vicinior. Alensis part. 2. quaest. 118. membr. 1. art. 4. dicit, *dubium quantum est de se, in neutram partem inclinare*. Divus Bonaventura in 3. distinct. 17. in explic. litt. dub. 3. scribit: *Dubitatio proprie dicitur indifferentiam iudicii rationis respectu utriusque partis contradictionis, ita quòd neutrum præligat alteri*. Durandus in 3. dist. 17. quaest. 2. num. 10. hac habet: *Notandum est, quòd dubitatio primo, & principaliter significat motum rationis super utramque partem contradictionis cum formidine determinandi alteram*. Iisdem verbis explicat dubitationem Paludanus in 3. dist. 17. quaest. 2. fin. hac definitio est eadem, quam habet D. Thomas relat. 4.

15. Parisiensis de Fide c. 1. columna 6. scribit: *Dubitatio non est, nisi mutatio ipsius (id est intellectus) qua nunc in alteram partem contradictionis, nunc in alteram partem inclinatur*. Akinodorenensis in 2. tract. 30. c. 3. quaest. 1. ait: quòd non inter affirmationem, & negationem titubat, non est suspicio, sed iudicium, quia tantum in alteram partem vergit. Item si non magis in alteram vergat, non est suspicio, sed pura dubitatio. Ad hoc ut opinio sit suspicio duo concurrunt, scilicet ut & opinio titubet, & non per firmas conjecturas magis vergat in alteram. Iudicium verò est post controversiam deliberationis sententia firma, & certa.

16. Scotus in 3. dist. 39. §. universaliter. dicit: *universaliter autem, sive in favoribus, sive in odiis iurens de illo, cuius oppositum magis credit, vel de illo, de quo est dubius, id est, quòd non magis assensit uni parti, quam alteri, peccat mortaliter*. Rosella. V. Confessio. 1. num. 12. ait: *dubitare proprie dicitur, quando quis ad aliquam rem quoad assensum est indifferens, & in æquilibrio, ita quòd non magis moveatur ad unam partem, quàm ad aliam*.

17. Omnes istæ definitiones verificantur de illa cæca dubitatione, nisi forte excipias illas ex Parisiensi, & Scoto



dubitationem esse adeo vicinam dubitationi, quantum est vicina rei definitæ illa res; quæ habet definitionem definitæ; & hinc dices, & esse viciniorē dubitationi, quā ignorantiæ, & esse propriè dubitationem.

24. Quæres primò, an Formido, & Dubitatio sint idem. Apud Grammaticos certè accipiuntur pro eodem, sed apud Philosophos, & Theologos accipiuntur pro diversis; nam vidimus cap. secundo, & tertio Opinionem stare cum formidine, & in ordine ad ipsam definiri; Dubitatio autem est impossibilis cum opinione, unde, qui opinatur, propriè non dubitat; hinc Divus Thomas 2. 2. quæst. 2. art. 1. & quæst. 14. de verit. art. 1. clarè distinguit Opinionem, & Dubitationem.

25. Dices Sanctus Doctor in text. de verit. scribit: *Intellectus accipit quidem unam partem*, tamen semper dubitat de opposita; *& hac est dispositio opinantis*. Et 2. 2. quæst. 1. art. 4. si assensus sit cum dubitatione, *& formidine alterius partis, erit opinio*.

Sed contra, quia Doctor Angelicus clarè in illo art. 4. asserit, opinionem importare assensum, & in text. de verit. clarè etiam fatetur, intellectum dubitantem non inclinare magis ad unam, quā ad aliam, & hanc non inclinationem haberi, etiam in problematibus, *de quibus rationes non habemus*; & sic patet, quòd in dubitatione intellectus non assentit; quia assensus in obscuris haberi nequit sine ratione, ut patet clarè, & dicebam ex Majore: ergo dubitatio secundum Divum Thomam excludit de sua ratione formali assensum intellectivum; & sic impossibile est, quòd de eodem quis opinetur, & dubitet; nec enim quis de eodem potest habere assensum, & suspendere assensum. Debemus ergo dicere, quòd in locis allatis Divus Thomas accipiat dubitationem non strictè, sed largè, pro timore scilicet, ne pars opposita sit vera; Hæc significatio est ipsa formalis formido, ut patet ex c. 3. quæst. 3. num. 77.

26. Quæres secundo, dato, quòd quis probabiliter assentiat utrique parti, an hic propriè dubitaret.

Respondetur negativè: nam, quando Divus Thomas utramque probabiliter opinionem sustinuit in materia de Creatione Mundi, utique non fuit dubius. Tum quia dubitatio propriè accidit ex Divo Thoma de verit. art. 1. etiam in problematibus, *de quibus rationes non habemus*; & tunc certè neutri parti assentimus; ergo dubitatio formaliter sumpta stat sine assensu de aliqua parte. Tum quia, qui probabiliter utrique parti assentit, habet quid magis erga objectum, quā ille, qui nulli parti assentit; ergo si secundus dubitat, non dubitat primus. Antecedens est evidens, quia assentiri probabiliter objecto importat secundam intellectus operationem; secunda autem operatio plus attingit objectum, quā prima operatio, cum qua stare potest Dubitatio propriè sumpta.

27. Præterea dubitatione non dicimus verum, aut falsum; ergo dubitatio non importat assensum, quo semper vel verum, aut falsum dicimus: Antecedens probatur ex Aristot. & Divo Thoma 3. metaphysic. lect. 1. princ. ubi dicitur, quòd dubitatio præcedit veritatis determinationem, & qui prius determinarent veritatem, quā dubitarent, *essent similes illis, qui, quonam ire oporteat, ignorarent*. Ergo si dubitatio præcedit veritatis determinationem, per dubitationem non dicimus verum, aut falsum.

28. Tum quia ex definitione dubitationis data à Divo Thoma, Durando, & Paludano habetur, quòd sit motus rationis super utramque partem *cum formidine determinandi alteram*; ergo in dubitatione nulla determinatio intervenit: ergo, quando datur determinatio ad utramque, tunc nulla datur dubitatio: consequentia sequet, quia gemina determinatio opponitur cum nulla determinatione. Porro in nostro casu datur gemina determinatio intellectus, quia datur geminus assensus, ergo



ergo in nostro casu nulla datur dubitatio.

29. Dices: In hoc casu intellectus ita se habet ad veritatem, sicut ille, qui neutram eligit partem.

Sed contra, quia, qui nullam eligit partem, hic nec verum dicit, nec falsum, sicut facit, qui assentit utrique.

30. Replicabis. Hic fluctuat inter duas partes, sicut ille; ergo uterque dubitat.

Sed contra, quia fluctuatio propria dubitationis est, quæ stat sine assensu ex Divo Thoma quæst. 14. de verit. art. 1. & est ante determinationem intellectivam, ut dixi num 27. huiusmodi autem fluctuatio non reperitur in nostro casu. Et certè Divus Thomas ob reverentiam Sanctorum sustinens utramque partem in difficultate de Creatione Mundi non fluctuabat dubitans, sed probabiliter constans navigabat æquor Theologicum.

31. Urgebis. Hic nescit veritatem, sicut ille: ergo uterque dubitat. Sed contra, explicetur ille terminus, *Nescit*. Vel significat incertitudinem rei, vel indeterminacionem ad alterutram: si primum, concedimus: at non proinde hic dubitat, quia sic dubitaret opinans, cum etiam ipse non sit certus de re. Secundum negamus, quia probabiliter est determinatus ad utramque partem. Hic est maximè advertendum, ne terminos confundamus, aliud esse dubitationem, & incertitudinem, quæ est idem ac formido: suprà autem probavi evidenter dubitationem, & formidinem non esse idem. Tum quia omnis opinio, etiam Divi Augustini, Divi Thomæ &c. est incerta, nulla tamen est dubia. Est incerta, quia de ratione opinionis est, quòd possit aliter se habere. Non est dubia, quia est regula bonæ operationis.

32. Quæres tertio, si inter motiva æqualiter probabilia possit intervenire dubitatio.

Respondetur primò affirmativè, quia expressè Divus Thomas illa quæst. 14.

de verit. art. 1. ait, dubitationem intervenire vel ob deficientiam rationum utriusque partis, vel ob apparentem æqualitatem eorum, quæ movent ad utramque partem. Tum quia quodl. 8. art. 13 scribit: *Sed tamen in quandam dubitationem inducitur ex contrarietate opinionum; & sic, si manente tali dubitatione plures præbendas habet, periculo se committit, & peccat.* . . . aut ex contrariis opinionibus in nullam dubitationem adducitur; & sic non committit se discriminari, nec peccat. Ecce ex contrarietate opinionum inducitur quandam dubitatio juxta Doctorem Angelicum.

Tum quia ex dictis proposito objecto obicuro intellectus, nisi aliud accedat, non assentitur eidem, nec assentietur: ergo in nostro casu nulli parti assentitur; ergo fluctuat inter duas partes animi pendens, & indeterminatus.

33. Respondetur tamen secundò, non semper intellectum remanere dubium inter æqualia motiva existentem, sed aliquando assentiri uni parti.

Possit probari ex ultimis verbis Divi Thomæ ex illa quæst. de verit. *aut ex contrariis opinionibus in nullam dubitationem adducitur*; ergo juxta Divum Thomam intellectus inter contrarias opiniones positus aliquando in nullam dubitationem adducitur. In rei veritate Cardenas part. 3. disp. 36. c. 17. art. 4. num. 944. existimat esse rem claram, per licet verba probari, per Divum Thomam intellectum non esse semper Dubium inter motiva probabilia existentem.

34. Meo tamen iudicio res non est ita clara, nam potest dici, quòd si una opinio sit minùs probabilis, alia verò probabilior, quòd tunc intellectus non sit dubius, sed sit determinatus, in actu primo tamen, ad partem probabiliorē: cum enim ille sit dubius, qui non habet modum acquirendi veritatem: iam habens motiva probabiliora habet modum acquirendi veritatem, quæ in hoc casu acquiritur potest, probabilem scilicet. Assumptum

probat; quia probabilioritas est speciale motivum, per quod potius potest se determinare ad unam, quàm ad aliam partem. Tum quia ille est dubius, qui equaliter se habet ad utramque partem: in dato autem casu intellectus, licet sit in actu secundo suspensus ad utramque partem, tamen in actu primo magis propendit in unam partem, quàm in aliam: unde potest potius se determinare ad unam, quàm ad aliam partem.

35. Probatur ergo aliter nostra conclusio, quæ colligitur clarè ex dictis cap. antecedenti, in quo probavimus, voluntatem posse physicè flectere intellectum existentem inter motiva tum equalia, tum inæqualia, etiam ad partem minùs probabilem: probatur, inquam sic. Intellectus cum non cogatur à ratione probabili, potest illam solvere: cum autem in exercitio dependeat in rebus obscuris à voluntate, ut dicebam, iam voluntas solvit rationes probabiles, quæ erant pro una opinione: solutis illis, restant in suo robore rationes pro alia parte; & sic voluntas potest flectere, saltem physicè, intellectum ad hanc aliam partem.

36. Hunc modum progrediendi intellectivum puto exercuisse magnum illum Antiquum Theologum, Richardum de Mediavilla. Retuli c. 4. num. 30. sapissimè ita proceçisse in suis questionibus. Primo refert fundamenta pro utraque. Ecce intellectus habens rationes vel æquales, vel inæquales. Postea subdit: *Qui vult tenere primam opinionem, potest respondere ad objecta.* Ecce clarè, & expressè docet modum determinandi intellectum existentem inter rationes æquales, vel inæquales; & hic modus sistit in volitione defendendi unam opinionem, ex qua volitione intellectus actualiter movetur ad enervandas rationes oppositas, quibus solutis juxta Richardum defendet, & illam opinionem amplectetur, quam determinaverat voluntas. Si meus intellectus non me decipit, puto eviden-

ter meam conclusionem deduci ex doctrina Richardi. Puto etiam deduci ex doctrina Divi Raymundi dantis licentiam nobis existentibus inter duas solemniores opiniones, (quamvis una esset aliquatenus tutior) sic nos determinandi: *Elige, quam volueris.* Lege cap. 4. num. 12. & ibi invenies Divum Hieronymum retulisse diversas explanationes juxta communem consuetudinem, *ut unusquisque eligat, quod velit.* Scotus etiam semel sequutus est modum determinandi Richardi, ut patet cap. ant. num. 34.

37. Hic subdo textum ex Divo Bonaventura, & Durando. Primus habetur in 4. dist. 38. art. 2. quest. 3. & scribit: *Quanam istarum trium opinionum* (circum illam difficultatem, an Summus Pontifex possit dispensare in voto) *sit verior; scilicet me nescire, & satis potest qualibet sustinere: & ideo nullam assero.* Dicebam suprà, & intra demonstrabo, per *Affertionem* Antiquos intellexisse cognitionem certam.

Igitur per Doctorem Seraphicum qualibet ex his tribus opinionibus *satis potest sustinere*; ergo est in mea potestate sustinere unam ex illis; ergo, licet sim inter opiniones satis sustinibiles, & sic *satis probabiles*, possum me determinare ad unam sustinendam. Si autem unam sustines, utique illi assensum præbes. Illæ tres opiniones erant: Prima, quod Papa possit dispensare omnia vota. Secunda excipiebat votum continentie, & tertia excipit tria vota Paupertatis, Castitatis, & Obedientie. Nota illam causalem: & ideo; cum enim dicat, illas tres opiniones esse sustinibiles; hinc rectè infer, *ideo nullam assero*; quia assertio est de re certa, non de opinabili, & propter hoc Divus Bernardus scripsit opinionem esse temerariam, si sit cum assertione.

38. Secundus habetur in 4. dist. 19. quest. 11. num. 9. & est talis: Istud autem, & si sit probabiliter dictum (quod in qualibet comestione in die jejunii frangatur jejunium, & sic novum pec-

catur

caturum committatur) videtur tamen multum durum; & ideo aliter dici potest, & minus. Igitur ego constitutus inter æquales probabilitates video unam esse multum duram. Quid faciam? sequar exemplum Antiqui Durandi, & dicam: ideo aliter dici potest, & minus, & amplectar opinionem benignam, probabilem tamen. Et jure sequar exemplum Durandi, nam c. de quibus. 20. dist. juncta Gloss. V. *Exempla*. possumus decidere quæstiones, quando jus in illa difficultate non invenitur expressum, juxta exempla. Nec dicas, Durandum credidisse opinionem rigidam esse minus probabilem; nam sicut opinionem, quam sequitur, vocavit, *potius*, quæ ratio per Adversarios potius movet, ad relinquendam opinionem, quam ad sequendam; ita si benignam opinionem credidisset, esse probabiliorē, vocaret illam probabiliorē, & oppositam non dixisset absolute esse Probabilem, sed addidisset *ly Minus*; Illa enim ratio est motivum sequendi opiniones: hæc verò deferendi. Tum quia per Adversarios Durities, & Rigiditas non est motivum discendi ab opinione, sed sequendi illam: unde volunt nos teneri ad sequendam rigidam, quando sumus inter æquales. Minor verò Probabilitas per ipsos est motivum retrahens intellectum ab opinione. Si ergo opinio rigida erat minus probabilis, Durandus debebat tacere Rigiditatem, & referre Minorem Probabilitatem. Sed oppositum facit Durandus; & sic clarè Durandus opponitur cum Adversariis, vel in puncto de Rigiditate fugienda, vel quod illa opinio rigida fuerit minus Probabilis. Sed si velimus loqui candidè, in utroque opponitur; nam sic Durandus propriè loquutus fuisset; cum enim utraque opinio absolute vocatur probabilis, intelligitur de æquali probabilitate, quia verò in argumentis nihil ponitur superfluum, ergo *ly, multum durum*, possumus in anteceden- ti à Durando debet aliquid operari; ergo est causæ ex qua provenit illa casualitas, & ideo aliter dici potest. Igitur

juxta Durandum æqualis Probabilitas multum dura movet ipsum ad relinquendam opinionem, & sic ad aliam amplectendam.

39. Tum quia Adversarii dicunt, quoties Antiqui utuntur hoc nomine, Probabilitas, toties intelligere de Probabilitate; ergo dum Durandus dixit, hoc est probabiliter dictum, sed multum durum, & deleat hoc dictum, deferat opinionem probabiliorē ob suam duritiem nimiam; ergo intellectus existens inter motiva probabiliora, sed multum dura, & motiva minus probabilia, sed multum mitia, poterit relinquere Dubium, & se determinare ad partem minus probabilem multum mitem, & hoc est, quod unice volunt Probabiliter.

40. Dices ex Vendrochio not. 1. Epistol. 5. sect. 4. §. 3. Si quis ab homine hoc in statu constituto (scilicet inter æquales rationes) quaesierit, quam illarum sententiarum sit vera, si verè respondere voluerit, ingenuè fatebitur, ne scire se, incertum esse, dubitare. Si ergo nescit, si est incertus, si dubitat, nequit se determinare, & uni parti assentire.

41. Respondetur primò, etiam opinantem nescire rem, & esse incertum, quia solum per scientiam rem scimus, & sumus certi. Insuper, si nihil aliud accedat, intellectus existens inter probabiles rationes est etiam dubius, at si accedat voluntas, qui vult tenere primam opinionem, inquit Richardus, & Scotus, tunc potest solvere objecta contraria, quibus solutis, est liber suslinendi primam opinionem, & sic amplius non est dubius, sed probabiliter cognoscens objectum.

42. Respondetur secundò juxta Durandi exemplum, intellectus existens inter rationes probabiles æqualiter est dubius, si habeatur respectus præcisè ad æqualem probabilitatem; si habeatur verò respectus ad duritiem, & benignitatem illarum, non est dubius, nam ipse relinquit probabiliter dictum, quia erat multum durum. Hæc doctrina

Durandi erat valde communis apud Antiquos, qui dicebant inter duram, & benignam opinionem, *ceteris paribus*, esse eligendam benignam in *Præceptis Dei*, & *Ecclesiæ*, de quo puncto satis dicam in quæstione, an liceat sequi quamlibet opinionem inter plures æqualiter probabiles.

43. Instabit ex eodem Vendrochio, & aliis Probabilioristis. Libra si habet æquale pondus in utraque lance, stat in æquilibrio, sicut stabat, quando nullum pondus habebat, & impossibile est, quod in aliquam partem inclinet; ergo etiam intellectus habens æquale pondus rationis stabit æquilibrium, & impossibile erit, quod in aliquam inclinet, sicut impossibile est, quod intellectus inclinet in aliquam partem, si nullam rationem habet; & paritas maximè currit, quia tam intellectus, quàm libra sunt potentiz necessariæ. Mirum, quantum Adversarii sibi complacent de hoc argumento.

44. Sed respondetur facillimè cum Divo Thoma 1.2. quæst. 17. art. 6 quem retuli cap. 4. num. 13. Intellectum dupliciter moveri, primò naturaliter, ut accidit in cognitione primorum principiorum, *quorum assensus, vel dissensus non est in potestate nostra, sed in ordine nature*; & ideo propriè loquendo, *natura imperio subjacet*. Secundò movetur à talibus objectis, quæ non adeo *convincunt intellectum, quin assentire possit, vel dissentire, vel saltem assensum, vel dissensum suspendere propter aliquam causam: & in talibus assensus ipse, vel dissensus est in potestate nostra, & imperio subjacet*. Hinc dicimus intellectum in motu naturali assimilari libræ, quæ naturaliter movetur: in motu verò, *qui est in nostra potestate*, non assimilari Libræ, quæ non habet motum dependentem à nostra potestate.

45. Confirmatur hæc disparitas. Posito minimo pondere in una ex lancibus flatera movetur abique alio adminiculo; posito infinito objecto in intellectu; obscurè tamen, si tamen non accedat

voluntas, intellectus nullum actum elicit, quia ex Augustino tom. 4. 26. in Joann. super illa verba, *nemo potest venire, dicitur: quod cetera potest homo nactus, credere non potest nisi volens*. Hunc textum refert, & approbat Divus Thomas quæst. illa 14. de verit. art. 1. de quo cap. 4. Ergo intellectus in suis motibus non semper assimilatur Libræ.

46. Respondetur secundò assignando aliam disparitatem: nam intellectus habet virtutem dissolvendi rationes, quando sunt probabiles, cum ab illis non convincatur; dissolutis autem rationibus unius partis, tunc intellectus inclinat in aliam partem propter suas rationes; hinc Richardus volentem sustinere unam ex opinionibus probabilibus docebat modum solvendi objecta opposita. *Qui vult tenere primam opinionem, potest respondere ad opposita &c.* E' contra Libræ non habet virtutem minuendi pondus alterutrius lancis, & sic semper stabit immota.

47. Respondetur tertio ex doctrina Durandi; nam juxta ipsum intellectus inter æquales rationes positus potest se determinare, si iæ rationes sint diversæ in duritie, & benignitate; hinc potest intellectus relinquere opinionem probabilem, & alteri adherere probabili, si tamen illa sit multum dura, & hæc sit mitior.

48. Urgebis. Est contra rationem, quod voluntas applicet intellectum ad solvendas rationes hujus partis, & non illius, cum sint æquales.

Sed contra: nam exemplum Richardi, & Scoti dicentium, *qui vult tenere primam opinionem, ad objecta potest dicere*, clarè demonstrat assumptum esse falsum. Quod verò illæ rationes sint æquales, sequitur solum, quod ædem aqualiter moveant, non verò, quod una nequeat solvi ante aliam.

49. Reurgebis. Dum solvitur ratio pro hac opinione, solvitur simul ratio pro altera opinione; sicut, si addit unus testis de visu ad probandum Petrum occidisse Paulum, & addit alter testis de visu,

visu, qui diceret Titium occidisse Paulum, & nullum alium interfuisse illi homicidio, si quis vellet infirmare unum ex his testibus, qui supponuntur æquales quoad condiciones, infirmaret & alterum; unde v. g. si diceret, non credo Petro. ex eo, quia, cum sit homo, potest dicere falsum: certè hic infirmaret etiam testimonium Titii, cum sit ipse quoque homo, & homo æqualis conditionis. Idem à pari dicendum est in nostro casu.

50. Cardenas in sua Crisi Theologica part. 1. disput. 6. c. 6. art. 2. num. 100. & par. 3. disp. 56. c. 16. ait, diversam esse rationem, quando intellectus est inter æquales rationes in questione Juris, ac in questione Facti, & hanc disparitatem esse ipsam experientiam, qua constat in questione Facti intellectum hædere dubium, non sic in questione Juris, dum æquales sunt rationes. Sed Adversarii negabunt hanc experientiam, & dicent, ipsos æqualiter hædere tum in questione Juris, tum Facti.

51. Igitur ego assigno disparitatem desumptam ex ipsa objectione. Intantum, dum infirmatur unus testis, infirmatur etiam testis oppositus, quia idem motivum, quo infirmatur primus, reperitur in altero; nam si infirmatur testimonium Petri, quia est homo; Titius quoque est homo; & sic infirmatur simul testimonium Titii. At in questione Juris, in qua proceditur per rationes, motivo, quo infirmantur rationes unius partis, non infirmantur rationes alterius partis; quin magis firmantur: unde Richardus volentem tenere unam opinionem docet modum solvendi rationes opinionis oppositæ. Tum quia doctrina, qua solvuntur rationes pro opinionem Divi Thomæ, non interit ad solvendas rationes, quæ probant opinionem Scoti, sed continent ipsam: hinc, ut questio sit plene soluta, debent solvi objecta opposita, & solutio dubitatorum est determinatio veritatis ex Aristotele, & Divo Thom. metaphysic. 3. princ. & retuli num. 12. quod

explicat, & confirmat Ægidius in 3. dist. 23. part. 2. quest. 2.

52. Confirmatur: Si testes pro utraque parte sint numero æquales, & credantur habere condiciones æquales, tunc intellectus est dubius; si tamen postea inveniat, quod testes unius partis habeant aliquam conditionem pravam, quam non habeant testes alterius partis: v. g. fuerint perjuri, sint infames, &c. tunc intellectus non est amplius dubius, sed se determinat. Sic in questione juris, motivum, quo intellectus solvit rationes unius partis, non invenitur in rationibus alterius partis; & sic, si illæ solvantur, non solvantur istæ, sed magis firmantur; & sic intellectus postea ex imperio voluntatis actu determinatur ad istam partem, ut liquet ex exemplo Richardi, & aliorum Antiquorum, & melius suo loco patebit.

53. Ex hoc potest colligi modus, quo intellectus possit relinquere opinionem probabiliorum, & amplecti ex imperio voluntatis minus probabilem, ut posse facere ex exemplis claris, præcipue Richardi, probavi cap. antecedenti num. 42. & 43. Iste ergo est modus: Intellectus ex imperio voluntatis potest solvere opposita: qui vult tenere primam opinionem, dicebat Richardus, potest solvere objecta &c. Solvendo autem opposita non solvit rationes illius opinionis, quam vult sequi; quia motivum solvendi non reperitur, nisi in rationibus oppositæ opinionis. Solutis autem objectis unius partis, intellectus ex imperio voluntatis actu se determinat ad aliam opinionem, probabilem quidem, sed tamen minus probabilem.

54. Quæres quartò, quot, & quænam sint requiritæ ad Dubium. Cardenas part. 1. disput. 6. c. 1. num. 1. & seq. tenet tria requiri. Primum, quod intellectus suspendat assensum in utramque partem contradictionis. Secundum, quod intellectus cogitet de utraque parte contradictionis. Debet ergo cogitare v. g. de dormitione Petri, & de

de non dormitione Petri. Cum autem hæc cogitatio non sit assensus, ut patet ex primo requisito, erit simplex apprehensio; quicquid sit, an hæc simplex apprehensio debeat esse complexa, vel incomplexa. Tertium, quod illa suspensio assensus in utramque partem contradictionis non sint ratione distractionis ad alia objecta, sed defectu motivi actualiter moventis ad assensum unius partis; unde, si intellectus non assentiat uni, quia ab alio objecto distrahitur, non per hoc dicitur dubitare de illo: Ita Cardenas; hinc juxta hanc doctrinam intellectus existens inter motiva probabiliora ex una parte, & minus probabilia ex alia parte ante assensum esset dubius, quod non credo concessuros Probabilioristas.

55. Posset addi quarta conditio, quod nempe intellectus non inclinet in actu primo magis ad unam, quam ad aliam; & hæc conditio clare colligitur ex definitione Dubii data à Supplemento, & allata num. 2. ratio est, quia si habet motivum magis inclinandi in unam partem; ergo habet modum se solvendi ab illa suspensione, & sic à Dubio; ergo in actu primo non est dubius. Tum quia intellectus æquali modo se habet ad utramque partem contradictionis in dubio, ut colligitur ex definitionibus Antiquorum de Dubio supra allatis; ergo, quando in actu primo intellectus inæqualiter se habet, si volumus sequi Doctrinam illorum Antiquorum, tunc non est dubius in actu primo. Ergo tunc erit in opinione quoad actum primum, si illa major inclinatio procedat ex gravi motivo; erit verò in suspitione, si proveniat ex levi motivo, quæ doctrina videtur colligi ex Divo Thoma 2. 2. qu. 2. art. 1. in quo loco ait, dubitantem *in neutram partem* declinare; suspicantem declinare magis in unam partem, sed *levi signo*; opinantem adhærere uni parti cum formidine alterius.

56. Sed clarius colligitur ex quæst. 14. de verit. art. 1. ubi ait, dubitantem *non inclinare magis ad unum, quam ad*

*aliud*, & hoc vel ob defectum rationum, vel ob apparentem æqualitatem moventium; opinantem inclinare magis in unam partem, quam ad aliam, ita tamen, ut illud magis inclinans non determinet intellectum ad unam partem totaliter. Ecce dubietas, quando intellectus non magis se habet ad unum, quam ad aliud. Ecce opinio, vel suspicio, quando magis ad unum declinat intellectus.

57. Ex alia parte ille textus ex potenti Dei quæst. 4. art. 2. relatus cap. antecedenti, num. 23. & seqq. in quo Doctor Angelicus, ne præjudicium inferat opinionibus oppositis Sanctorum, *sustinet*, & quoddam Mundus formatus fuerit successivè pluribus diebus materialibus, & quoddam fuerit factus *in eodem instanti temporis*, clare demonstrat, intellectum non esse dubium, quamvis in actu primo habeat motiva æqualia ad utramque partem: nam dubitans nulli parti assentitur; Divus autem Thomas in hoc casu utrique assentit. Sic etiam ille textus ex 4. distinct. 24. quæst. 1. art. 1. quæstiunc. 5. ad 3. & 3. part. addit. quæst. 34. art. 5. ad 3. relatus cap. 3. num. 71. & memini etiam cap. antecedenti, num. 39. in quo sustinet ut minus probabile, & quoddam non requiratur tactus physicus ad sacram Ordinationem, & ut probabilius, quoddam requiratur: clare probat, intellectum non determinari ad partem probabiliorum, sed posse etiam determinari ad partem minus probabilem; ergo motiva æqualia, vel inæqualia non sunt aliquid per se requisitum ad Dubium, sed adhuc illis stantibus poterit adesse, & abesse dubium, si nempe voluntas non determinet ad exercitium intellectum, vel determinet.

58. Nos juxta doctrinam allatam cap. antecedenti, & in præfati dicimus primo, posse intellectum ex imperio voluntatis determinari ad unam partem æquè probabilem amplectendam, inobsecris enim, inquit Major, quamvis nequeat determinari sine ratione: potest tamen determinari stantibus moti-

vis aequalibus pro utraque parte, & hoc ex passione animi; & in hoc casu Richardus, Scotus, Raymundus, & alii Antiqui dant electionem opinionis voluntati. *Qui vult tenere primam opinionem; qui vult tenere secundam opinionem, &c.* elige, quam volueris. Potest etiam intellectus ex dictis determinari à voluntate ad partem minus probabilem, quod authoritate Glossæ clarè confirmo. c. *quidam intravit*. de conversi. conjug. V. *Non exigere*. scribit: *Tancredi dicit, quod tenet matrimonium, quia votum non fuit solemne. .... Alii dicunt, quod non tenet matrimonium, & debent separari. ....* & hoc videtur verius, quia quantum ad continentiam servandam satis solemnizavit ipsum votum per suam professionem. Vel si vis dicere, quod matrimonium teneat ipse tamen debitum ab uxore exigere non debet. Ecce expressè sententia verior. Et tamen est in potestate voluntatis sequi oppositam, & sic minus probabilem, opinionem: *Vel si vis dicere, quod matrimonium teneat.*

59. Secundò, possumus sequi utramque, solvendo utrinque rationes, & hunc modum praticavit Divus Thomas in illa questione de productione Mundi. Relege illum textum, qui habetur, ut dicebam, cap. antecedenti, num. 23. & seqq. & observa, quòd Divus Thomas expressè sustinet utramque opinionem: *utramque opinionem sustinentes*, & ut utramque sustineat, respondet utriusque rationibus: *Utriusque rationibus, respondendum est*. Utramque porro sustinet, ut nemini præjudicetur. Tu ergo fac similiter. Ne opinionibus Doctorum, utique magnorum, præjudicium pares, cinnes illorum opinionem sustine; ut verò sustineas, responde rationibus omnium. Sic faciendo imitare Divum Thomam, & doctrinam Probabilitatis defendes, & demonstrabis intellectum posse non esse dubium, dum reperitur inter motiva aequalia.

60. Hic textus, sicut probat clarè in casu de motivis aequalibus, forsitan

etiam probat in casu de motivis inæqualibus, non enim esset extra rationem, si credamus, Divum Thomam judicasse opinionem Divi Augustini minus probabilem, difficile namque credo, quòd tanti æstimaverit auctoritatem solius Augustini, quanti aliorum Sanctorum, si tamen Adversarii judicent, Divum Thomam existimasse illas opiniones æqualiter probabiles, adhuc hic textus dat nobis modum determinandi intellectum ad partem minus probabilem. Ratio est, quia motiva probabiliora sunt solubilia; & ratio insolubilis non est probabilis, sed certa, ut alibi dixi: ergo, solutis motivis probabilioribus, poterit intellectus, ut dicebam num. 53. determinari ad partem minus probabilem. Interea instruant me Adversarii modum, quo Doctor Angelicus sustinet dictum asserentium tactum physicum non esse necessarium ad sacram Ordinationem, & tamen doceat etiam oppositum; & tunc eodem ego utar, & sic me determinabo ad partem minus probabilem, & hinc ut minus probabiles sustinebo opiniones Scoti v. g. & ut probabiles opiniones Angelici Præceptoris.

62. Colligitur primò Dubium esse suspensionem intellectus quoad secundam operationem intellectivam in ordine ad utramque partem contradictionis, ortam ex deficientia motivi actualiter moventis ad unam partem. Hoc corollarium deducitur ex dictis à num. 54. & seqq. & de hac definitione Dubii mihi videtur saltem plures definitiones datas ab Antiquis de Dubio verificari, ut Lector singulas perpendendo poterit animadvertere.

63. Colligitur secundò, cum opinio probabilis, & Dubium differant, illud axioma canonicum: *In dubiis tutior pars est eligenda*, non posse verificari de opinione probabili. Ratio est, quia axioma loquitur de Dubio; ergo non debet trahi ad probabilia, quia à diversis non fit illutio. Hanc explicationem illius axiomatis amplectuntur Divus Antoninus part. 1. tit. 3. c. 10. §. 10. regul. 6. fin.

fin. & Angelus. V. *Opinio*. num. 2. est tamen verum, quòd Divus Antoninus accipere videtur opinionem pro opinione probabiliori. Vide Bordon. in Pro-pugn. opin. prob. c. 14. per totum, in quo latè defendit hanc interpretationem.

64. Procoronide eorum, quæ ad dubium spectant, sciendum Modernos dividere dubium in negativum, & positivum. Primum est idem Dubium, quod usque modò explicuimus. Secundum est idem eum opinione probabilis; Hac autem vocatur Dubium, quia, cum sit essentialiter incerta, communiter, & vulgò incertum, & Dubium pro eodem sumuntur; & credo Adversarios se accipere hos terminos, eum tamen in rigore sint omninò diversi.

65. Nunc breviter videndum est de suspitione, quæ est alia pars præsentis capituli. Aletensis part. 2. quæst. 117. memb. 7. triplicem distinguit suspitionem; alia est enim temeraria, quando sunt multa signa boni, pauca mali. Alia est suspicio probabilis, quando multa sunt signa mali, boni pauca. Alia est suspicio violenta, quando omnia signa mali apparent, nulla boni. Subdit verò, quod judicare aliquem, idest, condemnare ex prima suspitione, sit peccatum mortale; Judicare ex secunda suspitione sit veniale, dum fiat in suspitione: Si verò veniat ad assertionem firmam, tunc ex pertinacia præsumitur esse mortale. Vide Rainerium. V. *Præsumptio*. c. 2. Divum Bernardinum part. 2. Fer. 5. post 1. Domin. art. 2. cap. 1. Angelum, Pisanellam, & ejus Supplementum. V. *Communicare*. propè finem. Divum Antoninum 3. par. tit. 9. c. 12. ante §. Et Albericum. V. *Suspicio*. Hanc triplicem divisionem suspitionis priùs tradiderat Glossa in c. oves. 6. quæst. 1. V. *Suspicio*, & dicit, primam esse abiciendam juxta illum Canonem oves, secundam inducere purgationem, tertiam sufficere ad condemnationem.

66. Idem Author ibidem memb. 1.

tenet, suspicionem non esse judicium, secundum quod suspicio dicitur *acceptio unius partis cum formidine alterius*; judicium autem sententia firmata. Est tamen suspicio, quæ relinquatur ex judicio, eum aliquis habet *rationem levem, vel probabilem*, & secundum illam judicat, ex illo judicio relinquatur suspicio, & aliquando potest dici illa suspicio judicium materialiter. Membr. 4. dicit judicium, & suspicionem differre, quòd judicium importat firmam sententiam, suspicari verò est dicere aliquid ex levitate, sed non firmare. Membr. 6. scribit, quòd suspicio potest dici opinio boni, vel mali, vera vel falsa: in Angelis autem bonis non est opinio, secundum quod suspicio est acceptio unius partis cum formidine alterius; unde nec suspicio; in Angelis autem malis potest esse opinio, vel suspicio.

67. Divus Thomas 2. 2. quæst. 2. art. 1. scribit: quidam actus intellectus habent cognitionem informem absque firma assensione, sive in neutram partem declinent, sicut accidunt dubitanti, sive in unam partem magis declinent, sed tenentur aliquo *levis signo*, sicut accidunt suspicanti, sive uni partis adhæreant, tamen cum formidine alterius, quod accidunt opinanti. Quæst. 60. art. 3. dicit ex Tullio suspicionem importare opinionem mali, quando ex levibus indiciis procedit; dicit verò hanc suspicionem provenire ex triplici capite. Primo, quia suspicans est malus. Secundo, quia malè afficitur erga aliquem. Tertio, ex longa experientia. Subdit postea tres gradus suspitionis dari. Primus est, cum quis ex levibus indiciis incipit dubitare de bonitate alicujus. Secundus est, cum quis ex levibus indiciis pro certo æstimat malum de aliquo. Tertius est, cum Judex ex suspitione incipit procedere ad condemnandum aliquem. Hac omnia habent etiam Rainerius. V. *Suspicio*. Aletensis libr. 1. tit. 38. art. 1. & Sylvest. V. *Judicium*. num. 5.

68. Nider in consolat. timor. consc.

part 3.



part. 3. cap. 1. ait: quod scrupulus sit quadam vacillatio conjurgens cum formidine ex aliquibus conjecturis debilibus, & incertis. Et paulo post: scrupulus videtur idem esse cum suspitione ex levibus saltem procedente. Divus Antoninus part. 1. titul. 3. cap. 10. §. 9. scribit: scrupulus ex levibus conjecturis, seu mediis, & multis debilibus movetur ad unam partem, & hic etiam dicitur suspicio, & pusillanimitas spiritus. Divum Antoninum sequitur Tabien. V. Dubitatio. princ.

69. Ex his patet suspitionem aliquando confundi cum opinione probabili, & hæc est suspicio probabilis. Et sic fecit Altiſiodorensis, qui, ut retuli numer. 15. scripsit: ad hoc ut opinio sit suspicio, duo concurrant, scilicet ut opinio titubet, & non per firmas conjecturas. Aliquando etiam confunditur cum morali certitudine, & hæc est suspicio violenta; nam quis nequit condemnari, nisi delictum sit certum. l. fin. C. de probat. c. sciant cuncti. 2. quæst. 8. si ergo, quis per violentam suspitionem condemnatur, illa suspicio erit moralis certitudo.

70. Nos hic loquimur de suspitione prout est distincta ab opinione, & sic multo magis à morali certitudine; hinc amplectimur definitionem suspitionis datam à Divo Thoma 2. 2. quæst. 2. art. 1. & dicimus, suspitionem esse, quando declinamus magis ad unam partem, sed tenemur levi signo; hinc subdimus opinionem probabilem, & suspitionem distingui inter se ex diversitate motivorum; si enim motivum sit grave, illud iudicium erit opinio; si verò sit leve, & leviter moveat, illud iudicium erit suspicio. Nec potest dici, opinionem, & suspitionem distingui, quasi quod opinio sit secunda operatio intellectus, & suspicio sit prima; nam omnino teneo, etiam suspitionem importare secundam operationem intellectivam; siquidem, ut dicebam cap. 2. princ. & fin. suspitione possumus dicere verum, & falsum, nam Aristotel. 6. Ethic. c. 3, excludit à ratione virtutis

suspitionem, & opinionem; quia suspitione, & opinione contingit dicere falsum; ut notat etiam Divus Thomas ibidem lect. 1. princ. & ex ipso Divo Thoma observat Albericus. V. Suspicio. Porro est certum ex Philosophia, sola enunciatione dici verum, vel falsum; ergo suspicio consistit in enunciatione, quæ est secunda operatio intellectiva. Hec doctrina videtur esse contra Gonzalez disert. 3. cap. 2. §. 3. num. 39.

71. Hic observa, quod, quando dixi, in suspitione intellectum magis declinare in unam partem. Ego non facio vim in ly magis; unde existimo, quod, si quis haberet motivum leve ad unam partem, & ad aliam nullum motivum haberet, adhuc ille actus esset suspicio, sicut esset opinio, si quis haberet motivum grave pro una parte, & pro alia nullum. Ergo de ratione opinionis, & suspitionis non est, importare ly magis propriè sumptum, prout scilicet importat comparisonem. Tum quia opinio, & suspicio sunt habitus, & qualitates intellectuales; habitus autem in sua essentia non sunt quid comparativum, sed quid positivum.

72. Quæres, an suspicio, & opinio differant penes magis, & minus, ita ut opinio minus probabilis sit suspicio, opinio verò probabilior sit opinio simpliciter.

Respondetur, differre simpliciter, & in ratione entis, non verò in ratione graduum, & differre, sicut gravitas Terræ, & levis Aeris. Ratio est, quia nos hic loquimur de opinione probabilis, quæ scilicet juxta Antiquos procedit à ratione probabilis; Probabile verò per Aristot. natum est movere sapientes; Leve autem non movet sapientes, & doctos, sed indoctos, & homines leves. Doctus ergo, & indoctus cum non differant in his rationibus gradualiter, sed simpliciter, & eo modo, quo ens, & privatio entis, sequitur, quod nati sint moveri à motibus simpliciter diversis; hinc in allato Canone oves dicitur, quod omnis suspicio

suspicio est potius repellenda, quam recipienda.

73. Nec potest, dici opinionem minus probabilem se habere ut suspicionem respectu Probabilioris, quia vidimus Divum Thomam, Richardum, Glossam, & alios viros Doctissimos sustinuisse opiniones minus probabiles; ergo opinio minus probabilis potest movere Sapientes, & sic non est suspicio, de qua loquimur in presenti. Tum quia opinio, quæ mihi videtur probabilior potest evadere minus probabilis ex eo, quia pro parte opposita sunt inventa fundamenta nova magis urgentia, & tamen eadem sunt fundamenta præ opinionis; nam, si mea fundamenta urgebant ut quinque, opposita possunt evadere urgentia ut sex. Ergo minus probabile nequit esse leve, & habere motivum leve, consequentia probatur, quia aliter, quando erat opinio probabilior fuisset in rigore suspicio, quia ex parte objecti habebat fundamentum leve.

74. Confirmatur. Doctores, pene omnes, mutant opinionem, & hoc fecit etiam ipse Doctor Angelicus; unde illam, quam probabiliorem judicabant antea, nunc reputant minus probabilem, & hoc, quia inveniunt rationes efficaciores pro hac secunda; non per hoc tamen fundamenta prioris opinionis sunt levia; aliter prius etiam fuisset levia, & illa opinio in rei veritate fuisset suspicio, maxime in sententia Patris Gonzalez ubi supra numer. 41. qui ait, *iudicium esse temerarium, quando ex fundamento in se levi, sed mihi apparentis magno moveor ad tale iudicium.*

## CAPUT VII.

*Quinam sint Doctores Antiqui.*

Hæc questio maxime spectat ad hunc Tractatum, & facit ad intelligentiam ejusdem tituli, in quo as-

seritur esse illum componendum ex principis Antiquorum. Quinam ergo sunt isti Doctores? Prius suppono, me simpliciter nomine Antiquorum non intelligere Sanctos Patres; hi enim communi nomine non sunt appellandi; hinc nec approbo illam Glossam in c. *¶ purgabit*. 50. dist. V. *Antiqui*. explicantem illud psalmi, *sicut anni antiqui, id est*, ait, *Patres Sancti*. Igitur memorie altè retinendum est, quando dicam *Antiquos esse postponendos Modernis, Modernos melius explanasse questionem, quam Antiqui* &c. me non comparare Modernos cum Sanctis Patribus. Quòd si aliquando ratio, propter quam æquiparo Modernos cum Antiquis, valeret etiam de Patribus, tunc potius dicas, me errasse in comparatione, quam fecisse comparationem cum Patribus. Tunc ero allegandus pro comparatione Patrum cum aliis, quando expressè Patres nominabo. Mihi noti sunt strepitus, olim excitati contra Celotium, & Reginaldum ex eo, quòd subobicurè videbantur hujusmodi comparationem instituisse.

2. Suppono secundò, pro Doctoribus Antiquis me non intelligere illos, qui longam vitam duxerunt, & senes soleamus vocare; in hoc enim sentit Suarez, qui septuaginta annos vixit, esset Doctor Antiquus; Divus verò Thomas, & Scotus essent Moderni, qui ad sexaginta non pervenerunt. In hac significatione esset concedendum, Modernos esse Antiquis postponendos. Hinc, ceteris paribus, sapientior est, qui plures habet annos eo, qui pauciores; & hinc rectè Divus Augustinus de natur. Damon. c. 3. relatius in c. *scindum* 26. quæst. 3 & 4. ex diuturno tempore, quo Damones vivunt, arguebat, ipsos esse sapientiores hominibus. Hinc etiam Divus Thomas 2. 2. qu. 60. art. 3. dicebat senes ob experientiam reddi magis peritos, quam alii; unde in casibus, in quibus alii suspensionem habent, ipsi ad certitudinem accedunt.

3. Igitur pro Antiquis accipio pro eodem,

dem, ac Leges accipiunt hoc nomen, *Veteres*, de quo pluries ipsa mentionem faciunt. *Veteres definebantur leg. cum ex. §. 1. ff. de solut.* Veteres putaverunt. *leg. 1. §. fin. ff. de peric. & commod.* Veteres receperunt. *1. qui non. §. 2. de hered. instituend.* Veterum opinionem existimantium. *leg. perpetuo. §. de condict. indeb. secundum Cassii, & veterum opinionem. leg. is, cui. ff. ad Leg. Falc. ferè omnes veteres intellexerunt. 1. si servus. §. inquit lex.* Cum veterum sententia displiceat. *1. cum veterum. C. de donat. ante nupt.* In plurimis etiam aliis locis Leges meminerunt hujus nominis, *Veteres*. Porro hoc nomen in hisce textibus significat eos, qui vixerunt ante Latres illarum legum. Nos ergo pro Antiquis intelligimus eos, qui ante nos vixerunt.

4. Nunc difficultas insurgit, quantum temporis requiratur ad constitutionem Antiquitatis. Divus Thomas Opusc. 22 cap. 2. vocat Guilelmum de Altisodoro, & Guilelmum Episcopum Parisiensem, vocat, inquam, *Antiquos, & famulos Magistros*. Juxta Bellarminum isti Guilelmi floruerunt anno 1240. Divus autem Thomas defunctus est anno 1272. hinc constat, spatium triginta annorum constituere Antiquitatem per Divum Thomam. Hinc obiter notare placet, opinionem de Probabilitate sectanda non esse amplius novam, sed esse Antiquam. Hæc tradita est primò à Bartolomæo Medina, qui mortuus erat anno 1582. ut colligitur ex dedicatione Petri Gonzalez, quam fecit de Commentariis in tertiam partem ejusdem Medinæ Cardinali Alexandrino. Meus Codex editus est Venetiis anno 1590 apud Bernardum Bazan. A tempore ergo Bartolomæi Medinæ usque ad præsentem annum 1706. transierunt centum, & viginti quatuor anni; ergo juxta Divum Thomam hæc opinio jam evasit antiqua. Erat etiam antiqua tempore Vendrochii, qui scribebat anno 1660.

5. Glossa in Clement. de Summ. Trin. §. fin. V. *Sanctorum, & Doctorum*

Modernorum ponit inter Modernos Magistram, Alexandr. Albert & Divum Thomam. Author hujus Glossæ fuit Joannes Andreas, qui vivebat anno 1348. juxta Bellarminum de Scriptor. Eccles. Magister autem Sententiarum juxta eundem Bellarminum floruit anno 1145. Hinc juxta hanc Glossam spatium ducentum annorum non constitueret Antiquitatem.

6. Tuscus, V. *Antiquum*. concl. 341. Bertachinus in Repert. V. *Antiquitas*. Barbosa tract. de appell. verb. utr. jur. V. *Antiquum*. Spatium octuaginta, sexaginta, quin & triginta annorum antiquum appellant.

7. Vendrochius Not. 1. Epistol. 3. sect. 4. §. 1. ubi refert, quinam Doctores veteres sequuti sint partem probabiliorē, asert Joannem Majorem, Adrianum, Conradum, Caietanum, Scotum, Sylvestrum, Tabienam, & etiam Navarrum. Jam scimus Navarrum obiisse anno 1586. & natum 1594. ex Bellarmino de Scriptor. Ecclesiast. hinc Navarrus mortuus est, antequam scriberet Vendrochius, si scribebat anno 1660. ante annos 74. & sic per Vendrochium spatium centum annorum certò constitueret Antiquitatem.

8. Antonius Maria Coratius sua Synagmata opin. commun. excussit primò Lugduni anno 1595. hic lib. 1. tit. 5. numer. 24. dividit tempus in *antiquum, medium, & modernum*. Cuilibet tempori assignat spatium centum, & sexaginta annorum circum circa, & subdit tempus antiquum incepisse à tempore Irnerii, qui primus glossavit leges civiles, & vivebat anno 1080. & durasse usque ad annum 1240. Tempus medium exordium habuisse à dicto anno 1240. usque ad annum 1400. ab hoc verò anno usque tempus ipsius Coratii fuisse tempus, quod ipse vocat *modernum*. Si calculum ergo hujus Doctoris volumus sequi, ad Antiquitatem requiritur spatium trecentum annorum circum circa. Juxta hanc computationem Vendrochius non poterat vocare opinionem de sequenda probabiliori communem apud

Ad

Antiquos, cum solus Henricus ex al-  
 latis Doctoribus ab ipso tantum tempo-  
 ris Vendrochium præcesserit. Hic Au-  
 thor nullam rationem, aut textum af-  
 fert pro hac sua divisione, cum aliis sit  
 Juris Doctor.

9. In rei veritate nequit aliqua ra-  
 tio, aut textus efficax inveniri ad de-  
 cernendam hujusmodi questionem, quæ,  
 licet formaliter sit speculativa, virtua-  
 liter tamen est practica; cum enim ab  
 Alexandro Septimo sit damnata hæc  
 propositio num. 27. *Si liber sit alienius  
 Junioris, & Moderni debet opinio proba-  
 bilis censeri, sequitur evidenter, quod, si ad  
 Antiquitatem non sufficiunt centum an-  
 ni, Authores non habentes hoc tempus,  
 sint Juniores, & Moderni; & sic opi-  
 nio eorum ex vi Authoritatis extrinse-  
 cæ non erit censenda probabilis, & sic  
 nec tuta in praxi.*

10. Ego accipiam nomen, *Antiquum*,  
 pro Doctore, qui saltem per annos du-  
 centum ante nos floruerit, & pro hac  
 opinione erunt Divus Thomas, Tu-  
 scus, Bertachinus, Barbosa, & ipse  
 Vendrochius, ut ex ipsorum dictis  
 erit manifestum. Ipse aliam rationem  
 præter horum Doctorum authoritatem  
 non habeo, nisi quia hoc tempus mihi  
 tale esse videtur. Tum quia tempus il-  
 lud assignatum à Coratio videtur nimis  
 longum, & assignatum à Vendrochio  
 videtur nimis breve, medium ergo erit  
 decernendum, ut feci.

11. Colligitur, omnes Doctores fuisse  
 Modernos, & futuros Antiquos, &  
 Antiquissimos. Ratio est evidens,  
 quandoquidem aut parvum tempus tran-  
 sivit ab ipsorum morte; & sic sunt Mo-  
 derni, & Juniores; aut longum tem-  
 pus, vel longissimum præterit post eo-  
 rundem mortem, & sic sunt Antiqui,  
 & Antiquissimi. Hinc Doctores, quos  
 Thomas Argentinas in 4. dist. 25. qu. 1.  
 art. 3. & Tostatus in Defensor. par. 2.  
 cap. 18. §. *sed nunc obijciunt*, vocabant  
 Modernos, jam sunt Doctores Anti-  
 qui, cum transferint jam plusquam  
 ducentum anni: propter quam ratio-  
 nem Doctores modo viuentes post de-

cem Sæcula Antiquissimi appellandi  
 erunt.

Hic esset agitanda illa quæstio, an  
 majoris Authoritatis sint Antiqui, an  
 Moderni tum absolute, & in omni ma-  
 teria, tum in materia peculiari de Pro-  
 babilitate, sed melius puto illas infrà  
 peculiariter tractare.

## CAPUT VIII.

*De Propositionibus damnatis à Sum-  
 mis Pontificibus, & solvitur  
 Quæstio de Infalibilitate Pontificis,  
 & ejus Superioritate in Conci-  
 lium.*

1. Pontifices Summos, scilicet Pa-  
 pas, semper solitos fuisse judica-  
 re de Quæstionibus ad fidem, & mores  
 pertinentibus, illas sententia sua desi-  
 gnare, nemo est, qui ignorat, & legen-  
 tibus Epistolæ Decretales hoc liquet,  
 etiam loquendo de ipsis extra Conci-  
 lium. Hinc Innocentius Tertius Ar-  
 chiepiscopo Arelatensi scribens, & re-  
 fertur c. majores de Baptismo ait: *Ma-  
 jores Ecclesiæ causas, præsertim Articu-  
 los Fidei contingentes, ad Petri Sedem  
 referendos intelliget, qui eum, &c.*  
 Notanda est illa particula (*Præsertim*)  
 quæ, ut notat Barbosa in tract. de dict.  
 ulu frequ. *Exprimit casum minus du-  
 bitabilem, & implicat magis dubitabilem.*  
 ex l. fin. & Gloss. V. *Præsertim*. ff. de li-  
 ber. exhiben. c. pro humani. V. *Præser-  
 tim*. in l. 6. & Doctores ibidem. Ibi  
 verò casus magis dubitabiles alii esse ne-  
 queunt, quam quæstiones ad mores per-  
 tinentes. Hinc Alexander Tertius, &  
 refertur c. 1. eod. decidit, Baptismum  
 esse nullum, si relinquuntur verba:  
*Ego te baptizo. & c. 2. dec. dit*, dubium  
 de Baptismo esse rebaptizandum. Et  
 Innocentius Tertius c. 4. determinat,  
 neminem posse seipsum Baptizare, &  
 c. 5. si delicias, vel aqua, vel forma,  
 Ba-

Baptismum esse nullum. Quæ decisiones, & factæ sunt extra Concilium, & spectant ad mores. Legantur Du Vallius Doctor Sorbonicus in tractatu de Supr. Rom. Pontific. in Ecclesi. potest. Diana part. 12. tract. 2. addit. & Cardenas in opere posthumo, quod super Propositiones damnatas ab Innocentio Undecimo composuit Dissert. 1.

2. Hunc morem Antiquissimum non intermiserunt posteriores Pontifices, & sicut in Cathedra successerunt honore, dignitate, & jurisdictione, ita & in exercitio supremæ hujuscemodi jurisdictionis. Hinc Beatus Pius Quintus anno 1567. die prima Octobris damnavit plurimas Opiniones speculativas Michaelis Baji Doctoris Lovaniensis, quam damnationem confirmavit ejus Successor Gregorius Decimustertius anno 1579. Kalendis Januarii, quas sententias videre possumus in Bulla Urbani Octavi, quæ incipit *In eminenti*, edita anno 1643. 19. Junii, & reperitur in Bullario Romano collecto per Angelum à Lantulca, & Joannem Paulum à Roma, & hæc Bulla est 284. ejusdem Urbani.

3. Clemens verò Octavus anno 1602. 19. Julii in Bulla, quæ incipit *Sanctissimus Dominus Noster* in Bullario Romano Laertii Cherubini, & est Octuagesima septima in ordine, proscripsit ad minus *uti falsam, temerariam, & scandalosam* hanc propositionem: *licere per litteras, seu interpunctionum Confessario absenti peccata sacramentaliter confiteri, & ab eodem absente absolutionem obtinere.* Innocentius Decimus Bulla 54. Incipit: *Cum occasione*, edita anno 1653. Prædie Kalendas Junii apud Bullarium Romanum Angeli à Lantulca &c. damnat quinque propositiones *ut Hæreticus Cornelii Jansenii Episcopi Iprensis.* Hanc verò damnationem fecit Pàpa ad instantiam complurium Episcoporum Galliarum. Hanc sententiam confirmavit Alexander Septimus anno 1656. 17. Kalendas Novembris in Bulla, quæ incipit: *Ad Sanctam*, & est vigesima octava in Bullario Romano Angeli à Lantulca.

4. Idem Pontifex Alexander anno 1665. Bulla 157. Incipit *Regimini Apostolici* exhibet formulam subscribendam ab omnibus Ecclesiasticis in Regno Galliarum pro confutatione dictarum quinque propositionum Jansenii. Hanc formulam infra referam num. 42.

5. Hanc Constitutionem Pontifex edidit ad instantiam Regis Christianissimi Ludovici Decimiquarti, ut ex secundo Paragrapho Bullæ liquet. In ejus porro primo Paragrapho dicitur: *Archiepiscopos, & Episcopos Galliarum egregium studium contulisse executioni earundem Apostolicarum Constitutionum, (scilicet Innocentii Decimi, & Alexandri Septimi damnantium quinque propositiones Jansenii) & Regem Christianissimum quoque eidem executioni auxiliarem dexteram singulari pietate strenuo, ac constantissimo animo porrexisse.* Precor Lectores meos, ut menti altius insistant damnationem hanc Jansenii, & hanc formulam subscribendi huic damnationi, & studium Episcoporum, & Regis, ut executionem obtineas scriptio illa.

6. Si in omni genere scientiarum nostris temporibus homines dare operam iatagerunt, præcipue Religiosi viri hoc præstituerunt; maxime verò hi facultates sacras illustrarunt, Theologiam nempe, in hoc obediens Sacro Canonis *super specula*, ne Clerici, vel Monachi, &c. in quo sub excommunicationis lætæ sententia obligantur ad studium Theologiæ. Et quidem illam partem, quæ Moralis dicitur, tot libris explicarunt, ut in hoc postremo sæculo plures Authores floruerint in hac scientia, quam olim in pluribus sæculis. Scio Vendrochium, & Gouettum hanc multitudinem Doctorum zibus excipere, & comparare multitudini *Ranarum incumbentium Egypto, & illam devastantium.* Quia conscientia id faciant, ipsi viderint. Cum omnes autem homines, quamvis pii, sint erroribus subjecti; hinc, ex hac multitudine, non est mirum, si opinandi licentia multum excreverit, in dies magis excretura, ni Sedes Apostolica frænum poneret, & obtem.

obicem. Hoc perpendens idem Summus Pontifex Alexander Septimus feliciter cepit opus adeo expectum à bonis. Igitur edidit Bullam anno 1665. die 24. Septembris. Incipit *Sanctissimus Dominus Noster*, & aliam publicavit anno 1666. die 18. Maii. Incipit *Sanctissimus Dominus Noster*, & reperitur in Bullario Angeli de Lantusa &c. In appendice. In his Bullis damnat Quadragintaquinque Propositiones morales partim antiquas, & partim noviter prodantes, & illas damnas ut minimum tanquam scandalosas.

7. Prosequens est negotium adeo grave, & utile Innocentius Undecimus, & anno 1679. die 2. Martii damnavit, ut minimum scandalosas sexagintaquinque propositiones morales partim ex Libris, Theosis, scriptis, partim noviter adinventas. Bulla incipit *Sanctissimus Dominus Noster*. Illam nondum legi in Bullario Romano, sed in libellis excusis Venetiis, & Ferrariæ, sicut & alias sequentium Pontificum. Idem Pontifex die 23. Novembris ejusdem anni prohibuit duas propositiones speculativas. Bulla incipit *Cum supradictis*.

8. Sed anno 1688. die 19. Februarii damnavit sexaginta octo Propositiones tanquam hereticas, suspectas, erroneas, scandalosas, blasphemias, piarum aurium offensivas, temerarias, Christiana disciplina relaxativas, & seditiosas respectivè, quas assererat Michael Molinos. Bulla incipit *Cælestis Pastor*; Quarum quidem multe formaliter sunt speculativæ, multe morales, omnes tamen tendebant insensibiliter ad omnem libidinem, etiam horribilem, introducendam.

9. Alexander Octavus anno 1690. die 21. Augusti, Bulla incipit *Sanctissimus Dominus Noster*, reprobavit duas Propositiones, & die 7. Decembris, Bulla incipit *Sanctissimus Dominus Noster*, pariter reprobavit 31. Propositiones partim speculativas, partim morales tanquam temerarias, scandalosas, male sonantes, injurias, &c. & hereticas respectivè.

Denique Innocentius Duodecimus anno 1699. die 13. Martii. Bulla incipit *Cum aliis*, damnavit 23. Propositiones tanquam temerarias, scandalosas, male sonantes, piarum aurium offensivas, in praxi perniciosas, ac etiam erroneas respectivè, excerptas ex libello composito Gallico Idiome ab Illustrissimo Archiepiscopo Cameracensi Francisco de Salignac Fenelon; qui libellus magnos rumores in Gallia excitaverat. Unde Rex Galliarum multum nostris temporibus apud Pontificem instaverat (ut Epistole publice sapienter referebant) pro condemnatione doctrinæ hujusmodi Libelli.

10. Hic Operæ pretium velle videtur, ut tractem quæstionem illam celeberrimam: An Papa extra Concilium, dum facit Bullam pro tota Ecclesia, sit infallibilis. Obduo verbocapita hanc difficultatem aggredior; primum, quia, cum Probabilitas nequeat compati cum principio certo opposito, hinc agendo de Probabilitate, videnda sunt, quænam sint principia certa, quæ destruunt probabilitatem in opposita parte; sic enim sciemus in quam materia Probabilitas possit inveniri. Secundum, quia aliqui Probabilioristæ tangunt hanc materiæ.

11. Divus Thomas part. 1. quæst. 1. art. 8. ad 2. ait: Theologiam ex necessitate argumentarii ex Sacra Scriptura, ex Authoritatibus verò Doctorum Ecclesiæ argumentari probabiliter, quod utrumque probat textu claro Divi Augustini Epist. 19. relato in c. ego solus 9. dist. circa hoc secundum nota, ex Tridentino sess. 4. de edit. & usu sacr. libr. Unanimem sensum Patrum de aliquo textu Scripturæ facere rem certam: unde Divus Thomas intelligendus est de Doctoribus Ecclesiæ seorsim sumptis.

12. Doctores nunc communiter loca, ex quibus Theologia sumit sua argumenta, dividunt in decem, & sunt: Sacra Scriptura, Traditio Christi, & Apostolorum, Ecclesia Catholica, Authoritas Conciliorum Generalium, Au-

thoritas Pontificis Romani, Autoritas Patrum, Autoritas Theologorum, Ratio Naturalis, Autoritas Philosophorum, & Humana Historia. Videantur Vasquez 1. par. quæst. 1. art. 8. & Cano diffusissimè in Lib. de Locis Theologicis. Communiter autem creditur fide Divina quatuor priora loca tribuere argumenta certa, cum omnes fundentur in Divina revelatione; quia autem ab eodem fonte hauriunt certitudinem, ideo Divus Thomas, ut observat Vasquez numer. 2. solius Sacrae Scripturae meminit. Hoc tamen de quarto admitto, si Pontifex adhæreat Concilio Generali, si enim non adhæreat, tunc insurgit difficultas, quæ modo est examinanda.

13. De hac quæstione Montaltius (si tamen hæc Epistola ab ipso conscripta est) Epist. XIX. pag. 419. Ita scribit è Gallico Idiomete in Latinum translatus: *Post aliquot Sæcula Pontifices ingentem numerum ediderunt Decretorum, Decretalium, Bullarum, & Constitutionum Antiquis Decretis Contrariam, ipsi etiam Sacra Scriptura.* (Nota hæc ultima verba Lector, & decerne, an hæretici magis detrahere possint Sedi Apostolicæ) & pag. 423. dicitur; Est ergo certum absque dubio, si Papam infallibilem credimus, oportere, ut nos sua mancipia esse dicamus, aut nos tanquam hæreticos reputemus, quia potestati infallibili resistimus.

14. Vendrochius, si benè recordeor, non credo, quòd expressè sit contra infallibilitatem Papæ; benè quidem de consequenti, ait enim nota 2. in Epist. VI. sect. 1. §. 3. *Omninoque Episcopis Ecclesiastica Potestatis plenitudinem adeptis divinis; & multo magis Summo Pontifici, qui præcipuam quandam in totam Ecclesiam Auctoritatem habet, parum idonea apud Deum excusatio erit &c.*

15. Post Vendrochium excusum Hemelstadii adnectitur triplex disquisitioni Pauli Irenæi, in quarum calce ponuntur duo Decreta Senatûs Parisiensis de anno 1663. die 30. Maii, & 22. Janua-

rii. His prohibetur, ne Sorbona defendat hæc propositiones: *Summus Pontifex est supra Concilium Aëumenicum. Summus Pontifex nullo accedente Ecclesiæ consensu est infallibilis.* Hæc continentur in primo Decreto. In secundo verò hæc etantur: *Christus Sanctum Petrum, ejusque successores summa supra Ecclesiam auctoritate donavit. Concilia Generalia ad extirpandas hæreses, schismata, & alia tollenda incommoda admodum sunt utilia, non tamen absolute necessaria.* In primo Decreto Propositiones damnantæ vocantur *ausus*, & *monstra*, & decernitur, ut Facultas Sorbonica contrarias tueatur juxta antiquam Doctrinam Ecclesiæ, Sanctorum Canonum, Decretorum Generalium, & libertatum Ecclesiæ Gallicanæ, ac Antiquorum Decretorum Facultatis Theologicæ sub pœna animadversionis exemplaris. Anno 1682. publica documenta retulerunt, à Clero Gallicano fuisse defensas hæc thesæ. *Papa non est infallibilis: Ipsius Decreta ad suam validitatem exigunt Concilium Generale. Concilium Generale est supra Papam. Pontifex nequit se extendere super temporale Principum.* Vide Michaellem Foisarenum in sua Veneta Historia anno 1688.

16. Quid quæso, Lector, dixisti, dum legisti Decretum illius Parlamentum? Num spectat ad Parlamentum Seculare, judicium ferre de Propositionibus, & Thesis Theologicis, quæ tangunt etiam privilegia Sedis Apostolicæ? hoc est contra c. *cum veniens*. de Judic. Num spectat ad Seculare Parlamentum decernere, an hæc, vel illa explicatio Evangelii sit *ausus*, & *monstrum*? Ex ponere pœnam Facultati ex Ecclesiasticis Personis constitutæ, si secus fecerit? Certè in c. *Ecclesiæ de constitut.* dicitur: *Laici, etiam Religiosi, super Ecclesiis, & Personis Ecclesiasticis nullam esse attributam Facultatem, quos obsequendi maxime necessitas.* Ego quidem jure pæto, *monstrum*, & *ausum*, quòd hoc Parlamentum nolit, Pontificem Summum posse cer-

re explicare illa verba : *Quodcumque solveris super terram ; Pasce oves meas ; Et tu conversus confirma fratres tuos.* Et ex alia parte tam confidenter dicat explicationem factam ab ipsis Pontificibus , & à Summis Theologis , inter quos Divus Thomas , de Evangelio , esse ausum , & monstrum ; Et insuper prohibeat ( & hoc Ecclesiasticis Perionis ) sub poenis exemplaribus , ne sequantur dictam explicationem Pontificum , & Theologorum. Ego gratias ago maximas Deo , qui me natus , & vivere facit extra territorium talis Parlamenti. Unde absque periculo veritatem hanc certissimè sequi possum ; Hinc venerans , & obsequens Decreto Alexandri Octavi damno ad minus ut temerariam , & scandalosam hanc Propositionem damnatam ab eodem numero. 29. *Futilis , & toties convulsa est assertio de Pontificis Romani supra Concilium Œcumenicum auctoritate , atque in fidei questionibus decernendis infallibilitate.*

17. Ego , ut verum fatear , credere nequeo illi Decreto in ea parte , in qua dicit , Sorbonam antiquitùs edidisse decreta tales opiniones defendendi. Scio quidem Joannem Gersonem Doctorem Sorbonicum tractatum parvum composuisse , ut patet in Tomo editionis Parisiensis de Anno 1520. fol. 85. in quo pro posse tuetur *Papam , etiam cum Collegio Cardinalium , esse de viabilem à Fide.* Pro hac quoque opinione allegantur Almainus , & Joannes Major Doctores quoque Sorbonici. Ex hoc tamen inferre non opus est , Sorbonam Antiquam talem Doctrinam ut suam defendisse , & decrevisse.

18. Duvallius , ipse pariter Doctor Sorbonicus , qui scripsit anno 1636. in tract. de Suprem. Pontificis Auctoritate , qui reperitur in fine tom. 2. in 2. 2. Divi Thomæ , in Antiloquio primæ partis , narrat , post necem Henrici Quarti Galliarum Regis prodiisse Libellum , ratione cujus fuisse in Sorbona gravissimam controversiam de Suprem. Pontificis Potestate tanto dissidentium animo-

rum ardore agitatam ; odioque partium ita implacabili , ut à probris , & contumeliis , quibus mutuo se se impetebant , ad suprema tribunalia ventum sit. Ergo liquet evidenter per Duvallium tellem ocularem suo tempore in Sorbona fuisse opiniones oppositas de Suprem. Pontificis Auctoritate , an scilicet extra Concilium possit infallibiliter decernere , nec ne. Ergo Sorbona antiquitùs decretum non fecerat , ut vult Parlamentum , quod Pontifex non sit infallibilis extra Concilium. Nunquid non debet credi Duvallio de gestibus , quibus ipse præsens intererat , sed potius Parlamento constato ex Viris , qui forsitan tunc erant pueri , & qui præsentes esse non poterant illi concertationi Sorbonicæ ?

19. Ante meam Conclusionem respondebo iis , quæ in textibus Adversariorum dicuntur. Igitur ad Montalium dico , objectionem illam , quod data infallibilitate Papæ &c. esse obiectum hæreticorum , qui si unice huic veritati crederent , Catholici evaderent. Certè Papa , & Concilium in unum consentientes per omnes sunt infallibiles , hoc solum hæreticis negantibus. Nunquid per hoc Catholici mancipia evadunt Papæ , & Concilii ? Hoc discrimen reperio inter Papam , & Concilium , quod cum Papa semper existat , potest filios rebelles , & hæreses nascentes statim compescere in exordio , ut scilicet præstiterunt Innocentius Decimus , & Alexander Septimus de Hæresi Janseniana. E' contra , cum Concilium Generale rarissimè existat , & rarissimè ob difficultates ingentes , & nisi post longum tempus , cogi possit , ut patuit præcipuè in Tridentino , quod fuit ultimum , & in Nicæno omnium primo ; hinc difficiliter posset errantes in viam salutis reducere ; & potest dari casus , quod tale remedium applicetur , cum hæresis summas vires obtinuerit ; & sic , vel parum , vel difficillimè morbum radicitus extirpet.

20. Exemplis patet hæc veritas. Insurre-



irrexerat Hæresis Lutherana, insurrexerat & Hæresis Janseniana. Illam Leo Decimus, hanc Innocentius Decimus, & Alexander Septimus condemnant. Lutherana adhuc viget cum deplorabili Animarum detrimento. Janseniana feliciter extincta est; nisi forte excipias aliquas reliquias, & illas quidem latentes. Nunc inquirere licet disserimen talis eventus. Cur Lutherana vivit, & hæc Jansenii jacet?

21. Dicam, quod sentio, & mea sententia fundatur in experientia. Principes Germani pro extinctione nascentis Lutheranae sectæ volvere Concilium Generale. Hoc dum longo tempore colligitur, Hæresis vires acquirit adeo validas, ut remedium per Concilium Generale adhibitum non fuerit sufficiens postea ad illam debellandam. Si Carolus Quintus, & alii Germaniæ Principes Damnationem Leonis credidissent infallibilem, nonne pullularent hæresim nullo negotio compressissent?

Ex hoc præterito funestissimo malo doctus Ludovicus Decimusquartus Gallia Rex juxta *c. scribamur* de præsumpt. judicavit similem eventum: habituram doctrinam Jansenii; hinc habita Pontificia condemnatione parens statim Decreto cum Gallia Episcopis insequitur perniciofa dogmata, & faustæ fautores illorum reprimat, & extinguat. Videmus. 27. 60. p. 1.

Postremis temporibus, ut retuli, Archiepiscopus Cameracensis quoddam Propositiones seminabat; quæ Catholicis suspectæ videbantur; statim insurgunt motus, & tumultus. Multi Episcopi Galli clamant, sed parum feliciter. Rex sapientissimè recurrit ad Papam; damnat hic asserta dubia Archiepiscopi; qui, cum peccaret ignorantia, non malitia, audita damnationis sententia è suggestu se retrahit; motus cessant, & pax redit. Quæro, si Archiepiscopus Pontificem fallibilem tenuisset, nonne potuisset reclamare, & appellare Concilium, & interim spargere sua dogmata? posita appellatione legitime nihil est

innovandum. c. i. de appell. & toto tit. ut *lite pendet*. &c.

Archiepiscopus ergo diffudisset per totam Diocesim sua dogmata, & populi facillimè ea didicissent, & potuissent rationabiliter illa credere, dum audissent suum Præfulem, non obstante Pontificia sententia, illa è suggestu sæpius inculcare; Ab illa verò Diocesi nullo negotio in alias migrassent. Congregandum erat Concilium. (hoc opus, hic labor.) Hic linquo Adversarios, ut modum speculentur faciliem, & brevem congregandi Generale Concilium illo tempore, in quo tota Europa funestissimo Bello affligebatur.

Nec valet dicere, licet Papa sit fallibilis, esse ipsi obediendum; & sic non potuisse Episcopum Cameracensem, adhuc posita appellatione ad Concilium, spargere suas opiniones.

Nam contra manifestè, quia sic appellatio, quæ supponitur legitima, ad nihil interviret, cum appellante non sublevaret à præsenso gravamine; & sic in ordine ad appellandum à Papa idem esset appellare, ac non appellare; & hinc in rei veritate Adversarii concedunt à sententia Papæ non dari appellationem, quod est illud, quod volumus; sic enim sequitur Papam esse infallibilem. Si bene perpendantur exempla harum Hæresum, liquet clarè esse necessarium ad extinctionem celerrimam, & totalem; ut teneamus Papam esse infallibilem in decernendis rebus fidei, & morum.

22. Venio ad Vendrochium dicentem Episcopos adeptos *Ecclesiasticæ plenitudinem Potestatis*, & hoc parum erat, unde addit originem, ex qua tanta Authoritas fluxit, & hoc *Divinitus*, inquit, nullam rationem reddendo, quasi sit certum, quod dixit. Facio ergo hoc Argumentum: Episcopi adepti sunt *Divinitus* plenitudinem Potestatis Ecclesiasticæ; Sed Archiepiscopi Moguntinus, Trevirensis, Parisiensis sunt Episcopi; ergo adepti sunt *Divinitus* plenitudinem potestatis Ecclesi-

sticæ: Poterunt ergo hi Prælati absol-  
vere ab excommunicatione lata per  
Canonem, Si quis suadente; poterunt  
dispensare à votis Castitatis perpetuæ,  
Peregrinationum Compositellæ, Hiero-  
solytæ, & Sanctorum Petri, & Pau-  
li; poterunt dispensare in quarto gra-  
du Affinitatis ad contrahendum Ma-  
trimonium; poterunt concedere in hoc  
die unum diem Indulgentiæ. Si ergo  
hi Archiepiscopi non possunt hæc mi-  
nima, ut est certum, quomodo pote-  
rit dici, Episcopos fuisse adeptos *pleni-  
tudinem Ecclesiastica Potestatis*, & hoc  
Divinitus?

23. Nec potest dici, Vendrochium  
intelligere de Episcopis in Concilio  
Generali collectis; namque loquitur de  
Episcopis, quibus incumbit officium  
Curandi, ne Sacri Canones per corru-  
ptellas aboleantur. Porro hoc officium  
spectat ad quemlibet Episcopum in par-  
ticulari arg. c. omnia. 25. quæst. 3. tum  
quia ibi comparat Episcopos, & Pa-  
pam in allegato officio, & dicit mul-  
tò magis spectare ad Summum Ponti-  
ficem. In sententiâ Vendrochii sci-  
mus Concilium Generale esse majoris  
Autoritatis, ac Papa; proinde ma-  
gis spectat ad ipsum officium conser-  
vandi Canones; ergo, dum Vendro-  
chius dicit, magis spectare ad Papam  
custodire Canones, quam ad Episco-  
pos, intelligendus est de Episcopis in  
particulari, non de eisdem congregatis  
ad Concilium. Interea audiat Ven-  
drochius Canones c. decreto. & c. qui  
se fecit. 2. quæst. 6. Qui se fecit alius esse  
Proposium, non moleste ferat, aliquem  
sibi esse Prælatum; Ipsa namque Eccle-  
sia, qua prima est, ita reliquis Eccle-  
sias vices suas eredit largiendas, ut in  
partem sint vocatæ sollicitudinis, non  
in plenitudinem potestatis; Unde om-  
nium appellantium Apostolicam Sedem  
Episcoporum iudicia, & cuncta mayo-  
rum negotia causarum eidem Sedi refer-  
rata esse liquet. Idem dicitur c. ad vo-  
norem. de author. & usu palii. Solus  
Romanus Pontifex in Missarum Solem-  
nis pallio semper utitur, & ubique

quoniam assumptus est in plenitudinem  
Ecclesiastica Potestatis, qua per Pallium  
significatur. Alii autem nec semper,  
nec ubique, sed in Ecclesia sua, in qua  
Jurisdictionem Ecclesiasticam accipiunt,  
certis debent uti diebus. Liqueat ergo evi-  
denter hanc Propositionem, Episcopi  
adepti sunt plenitudinem Ecclesiastica Po-  
testatis, esse falsam, & erroneam, & di-  
rectè contrariam allatis textibus.

24. Interea fateor de fide esse, quòd  
Episcopi sint divinitus adepti suam Po-  
testatem; dicitur enim cap. 20. Actuum  
Apostolorum. F. num. 28. Esse positos à  
Spiritu sancto ad Ecclesiam Dei regen-  
dam.

Si velimus verò concedere, quòd  
Vendrochius loquatur de Episcopis con-  
gregatis in Concilio; tunc, cum illos  
separat à Papa, dicit illud, de quo  
controvertitur modò; Nequit tamen  
negari illam propositionem esse decep-  
toriam, cum in ipsa reticeatur solum-  
minus, ratione cuius propositio solum  
est vera, si tamen est vera. Absolutè  
ergo loquendo, & juxta Sacros Cano-  
nes debemus dicere: Episcopi adepti  
sunt partem sollicitudinis Ecclesiasticæ.

25. Dicebat Vendrochius, quòd Sum-  
mus Pontifex obtinuerat præcipuam  
quandam Autoritatem in totam Eccle-  
siam. Cum ipse in antecedenti propo-  
sitione attribuisset plenitudinem po-  
testatis ex jure Divino Episcopis, cer-  
tè aliam potestatem dat Pontifici Sum-  
mo; & cum illa sit tota, hæc pars  
neceesse erit. Illa nomina præcipuam  
quandam mihi videntur significare qui-  
dem singularem, & magnam, non ta-  
men omnem potestatem; & quod  
magis est, de Episcopis expressè dicitur  
ipsorum potestatem Divinitus ema-  
nare; de Papa verò tacetur. Hic pa-  
tet evidentiissimè, Vendrochium  
Autoritatem Episcopalem velle extollere  
plurquam potest, Papalem verò depri-  
mere supra posse; sed in vanum labo-  
rat. Cuncti enim sciunt, omnes Epi-  
scopos, etiam Patriarchas habere limi-  
tatem Autoritatem quoad locum,  
& in ubique Jurisdictionem non habent;

quoad personas, quia in solùm Parisienses, & suæ Provinciæ fideles Archiepiscopus Parisiensis imperium exercet; & quoad ipsammet jurisdictionem, quia in sua Diocesi, & in fideles sibi subditos plenitudinem potestatis nequit exercere, cum, extra casum permissum, nec horam Indulgentiæ possit concedere. Igitur in allatis Sacris Canonibus expressè dicitur: Romanum Pontificem obtinere plenitudinem Potestatis. Audiatur etiam Vindochius Tridentinam Sess. 14. cap. 2. Synodum dicentem: Unde merito Pontifices Maximi pro Suprema Potestate sibi in Ecclesia Universalis tradita, &c. Audiatur Maximus, & evidentissimè Concilium Æcumenicum Lateranense Tertium sub Innocentio Terzio dicens: In c. 62. & refertur c. cum ex eo. de pœnit. & remissa. §. fin. Cùm Romanus Pontifex, qui plenitudinem obtinet Potestatis, hoc in talibus moderamen consueverit obviare. Ergo apertè contradicit Sacris Canonibus, qui absolute non fatetur hæc propositionem: Pontifex obtinet plenitudinem Potestatis.

26. Ad Decreta Senatus Parisiensis quod attinet, non relinquo priores propositiones, quibus respondebo in corpore Quaestionis, solvo ultimam, in qua dicitur: Concilia Generalia esse solum utilia, nec absolute necessaria ad extirpandas hæreses, schismata, & alia incommoda tollenda. Porro Senatus jubet, ut Sorbona contradictoriam defendat. Si unquam aliqua propositio defendenda erat à Gallis, & totis viribus sustinenda, proculdubio erat hæc. Audiui, in Gallia inceptam, & auctam cum maximo strepitu hæresim Jansenianam; audiui, & dolui, timuique ne Florentissimum illud Regnum patereur clades, & ruinas, quas passum fuerat per tot annos occasione Calvinianæ sectæ. Sed Dei beneficio timor omnis evanuit, & nova hæresis, cum plurimum metuebamus, tunc extincta obiit. Foran post Tridentinam alia Synodus Æcumenica indicta fuit, ut potestem grassantem comprimeret? Ne-

utiquam unquam. Tentavere quidem Episcopi illius Regni fidei ardore succensâ hydram suffocare, sed omnia in irritum cadebant, & Authores, cum scirent definitionem Causarum Fidei spectare ad Summum Pontificem, ex c. majores de Baptismo, nihili, aut parvi faciebant sententias Episcoporum. Hoc attendentes quamplures Episcopi, ut vidimus, ad Innocentium Decimum confugerunt. Factum narro verbis Caramuelis tunc viventis. Hic in Theologia Fundamentali Romæ impressa Anno 1656. Fundamen. 4. numer. 250. sic scribit.

27. Pius Quintus, & Gregorius Decimus tertius condemnaverant in Michaele Bayo multas Propositiones, à quibus precipuas Cornelius Jansenius revocavit, cui statim Urbanus Octavus contradixit, & iterum Innocentius Decimus. At quid aliud est interdicere, & aliud condemnare Doctrinam; Octogintaquinque Gallia Pontifices ad Innocentium Decimum, ut ad universalem Magistrum conuenerunt, & ut definiret, quid rei esset, humiliter postulaverunt. Hic habes quamplures illos Episcopos, quos ex Bulla Innocentii Decimi constat scripsisse eadem, fuisse Octogintaquinque. (pauciores amplectitur Gallia.) Epistolam habes apud Patrem Stephanum Dechamps in initio Operis de hæresi Janseniana editi Luëtia Parisiorum in folio, (Nota hanc Epistolam editam fuisse in Urbe Regi Galliarum; unde nequimus suspicari esse fictam, & falsam.) Anno 1654. ex qua ego has pauculas lineas exscribo: Precamur, Sanctitas tua, quid in hac re sentendum sit, clarè, distinctèque dehnit. Obtestamur ergo, ut has præsertim propositiones, de quibus disceptatio periculosa, ac controversa videtur est, Sanctitas tua expendat, ac perspicuam, & certam de quacumque sententiam ferat, &c. Experta est nuper Beatitudo Tua, quantum Apostolica Sedes in gemini Ecclesiæ capitis errore prostrando valuerit Auspurnas. Continuo sedata est tempestas, atque ad Christi vocem, & imperium venti, &

enare obedierunt. *Quamobrem flagitamus, Beatissime Pater, ut clara, firmaque de propositionum istarum prolata sententia, cui Reverendissimus ipse Jansenius morti proximus opus suum subjecit, caliginem omnem discutias, animos fluctuantes componas, dissidia prohibeas, Ecclesia tranquillitatem, splendoremque restituas &c.* Hucusque Caramuel.

28. Hæc Historia evidenter probat ex confessione penè omnium Episcoporum Gallorum, per Papam ita posse sedari tempestates, quæ ingruunt Ecclesiæ Navæ, sicut per vocem Christi olim procella imminens naviculæ Petri compressa est, & maris fervor esserbuit, & venti quieverunt. Possit quoque per ipsum, & quidem sine Generali Concilio, caliginem omnem discuti, animos fluctuantes componi, dissidia prohiberi, & Ecclesiæ tranquillitatem, splendoremque restitui: Ergo evidenter sequitur, per Episcopos Gallos *ad extirpandas hæreses, schismata, & alia tollenda incommoda* non esse necessarium Concilium Generale, cum Papa se solo possit hæc omnia præstare. Tum quia in Gallia, ut experientia patet, hæresis Janseniana extincta est; sed hoc sola potestate Papæ absque Generali Concilio factum est; ergo ad tollendam hæresim insurgentem non est necessaria Congregatio Concilii. Sic etiam per Innocentium Duodecimum flagitante Rege, absque Generali Concilio extincta sunt in Gallia semina discordiarum, ut dixi, quæ ab Archiepiscopo Cameracensi juxta fuerant. Ergo est falsum Decretum Parlamenti Parisiensis dicentis, Concilia Generalia esse necessaria ad extirpandas hæreses, schismata, & alia incommoda tollenda.

29. Solutis hisce objectionibus pono meam conclusionem, quam certissimam puto, & assero, Papam extra Concilium esse infallibilem in decernendis fidei, & morum quæstionibus. Probatæ verò ex illius Authoritatibus Evangelii: *Quodcumque ligaveris super terram, &c. Tibi dabo claves Regni Cæ-*

*lorum: Tu es Petrus, & super banc petram edificabo Ecclesiam meam, & porta inferi non prævalebit adversus eam, &c. Pæce oves meas.* In his textibus datur summa potestas; dicitur enim: *Quodcumque ligaveris super terram.* Et insuper datur singulari personæ; dicitur enim, *Tibi, & Tu*, quæ est personissima particula, & rem ponit sub oculos, ut observat Barboza in dict. usu freq.

30. Respondent, Petrum accepisse claves nomine Ecclesiæ, quia Petrus significabat Ecclesiam. c. *quodcumque* 24. qu. 1.

Sed contra; quia Petrus significans Ecclesiam, & accipiens claves cælorum nomine Ecclesiæ, vel illas accepit solum pro Ecclesia, ita ut Soli Ecclesiæ darentur, ut illis uteretur, sicut procurator accipit possessionem domus nomine Domini, qui solus disponet de domo. Et sic Petrus, & Papa nihil accipissent à Christo, & sic Papa haberet illam Authoritatem, quam daret ipsi Ecclesia, & sic Ecclesia posset illam tollere, limitare, &c. Et sic posset cuilibet Episcopo illam committere. Hoc Argumentum fusiùs infra prosequar. Si verò illas accepit etiam pro se; ergo, cum in illis textibus data sit suprema potestas, Petrus pro se, & Successoribus suis accepit supremam potestatem; & sic æqualem, quam habet Ecclesia; & sic in Ecclesia darentur duo domini æqualem supremam Jurisdictionem habentes; quod quàm sit absurdum, expendant Adversarii. Tum quia illa verba: *Pæce oves meas, & illa alia: Ego rogavi pro te, ut non deficiat fides tua, & tu aliquando conversus confirma fratres tuos*, Pontifices explicant pro seipsis, & agnoscunt in illis sibi ipsis datam esse à Christo supremam potestatem, per quam præcipuè hæreses compescerent, ut patet ex Bulla, *Cælestis Pastor* edita ab Innocentio Undecimo Anno 1688. 19. Februarii, in qua damnat plurimas propositiones Michaelis Molinos tanquam hæreticas, scandalosas, &c. patet etiam in c. *alio-*

*rum* 9.

rum. 9. quæst. 3. ubi dicitur : *Replicabo tibi dictum : Tu es Petrus, & super hanc petram &c. Et rursus Sanctorum vocem patet*, idest, explicat Glossa, V. *Sanctorum* in Sanctis Conciliis confirmantur. Ecce secundum Papam, & Concilia illa verba soli Papæ dicta sunt. Certum est autem, ad Pontificem spectare declarationem Scripturæ, ut liquet ex c. *maiores*. de Bapt. & c. *cum Marthæ* de celebr. Missarum. & aliis Sacris Canonibus. Hinc, si daremus textum illum Augustini c. *Quodcumque* facere sensum, quem intendunt Adversarii, quod non credo, adhuc in hoc esset cum reverentia dimittenda Autoritas Augustini, & sequenda explicatio Pontificum. Unde merito corrigendus est Abbas in c. *uno*. de decim. ubi dicit : *Dictum alicujus Sancti, si juxta authoritatem Juris Divini potius sit standum esse, quam interpretationi Papæ*; Corrigendus est, inquam, omnino, quia interpretatio Sancti est solum doctrinalis, Papæ verò Authentica, ut patet in c. *maiores*. & c. *cum Marthæ* allegatis. Hinc Alexander Octavus in sua Bulla condemnante 31. Propositiones num. 30. proscribit sequentem : *Ubi quis invenierit doctrinam in Augustino clare fundatam, illam absolute potest tenere, & docere, non respiciendo ad ullam Pontificis Bullam*.

31. Secunda conclusio. Papa est supra Generale Concilium. Pro hac conclusione faciunt plurimi Canones. c. quis nesciat. 11. dist. c. præceptis. 12. dist. c. si Romanorum. c. ita Dominus. 19. dist. c. in novo. c. nunc autem. c. quamvis. 21. dist. c. omnes. c. Constantinopolitana. c. Sacrosancta. 22. dist. c. si Papa. 40. dist. c. considerandum. c. fidelior. 50. dist. c. Petrus. c. in istis. 80. distinct. c. bene quidem. 96. dist. c. arguta. 2. q. 6. c. Petrus. quæst. 7. c. dudum 3. quæst. 6. c. aliorum. c. patet. c. facta. c. ipsi. c. nemo 9. quæst. 3. c. hæc est fides. c. est aliud. c. quoties. c. rogamus. c. si Deus. c. cum Beatissimus. 24. quæst. 1. c. confidimus. 25. quæst. 1. c. significasti de elect. c. proposuit de concess. præben. c. ubi majus.

c. Antiqua de privil. c. fundamenta de elect. in 6. c. licet de constit. in 6. c. quoniam de renunc. in 6. Clement. si Summus de sentent. excommun.

32. In his Textibus dicitur. Papam iudicare omnes, ipsum à solo Deo accepisse plenitudinem potestatis : Habere curam universalis Ecclesiæ; non dari majorem Autoritatem, quam sit sua; & similia dicuntur, quæ certè clarissime præferunt Papam Concilio.

33. Nec dicas cum Adversariis, hos Canones esse editos à Pontificibus, qui potuerunt errare, dum de seipsis loquerentur.

Nam contra evidentur, siquidem fuerunt Antiquissimi, & Sanctissimi Pontifices; unde nulla præsumptio potest inveniri, quæ suspicemus eos ex passione loqui. Tum quia cum loquantur clarè, & apertè, Ecclesia illos correxisset, nec enim agitur de dicto alicujus Episcopi particularis, sed de Papæ.

34. Præterea illi Antiqui Pontifices, & Moderni se cognoscunt solam subijci Deo, & nullum aliam habere Superiorem, cur non debemus dicere hanc esse Traditionem Christi, vel Apostolorum? si hæc non est hujusmodi Traditio, non video, quæ talis sit tenenda. Ex hoc capite credo evenisse, quod omnes Ecclesiæ ab initio, & utique nunc consilunt Pontificem Summum in majoribus causis, ut expressè dicitur in c. *maiores*. de Bapt. Et fateatur Innocentius Primus rescribens Concilio Milivitano, conftrato ex sexaginta, & uno Episcopis. Hæc Epistola est 93. inter Divi Augustini. Ecce aliquot verba : Diligenter ergo, inquit, & congruè Apostolico consultiis honorari; Honori, inquam illius, quem præter illa, quæ sunt extrinsecus, sollicitudo manet omnium Ecclesiarum, super anxiis rebus, quæ sit tenenda sententia. Antiquæ scilicet regulæ formam sequenti, quam toto semper ab Orbe mecum, nostis, esse servatam. Verùm hæc missa facio; neque enim hoc vestram credo latere prudentiam; quod etiam actione firmatis, nisi scientes, quod per omnes

omnes Provincias. De Apostolico pe-  
tentibus responsa semper emanant; præ-  
sertim quoties Fidei ratio ventiletur,  
arbitror, omnes fratres, & Coepisco-  
pos nostros nonnisi ad Petrum, idest  
sui nominis, & honoris Authorem, re-  
ferre debere, velut nunc retulit vestra  
dilectio, quod per totum Mundum possit  
omnibus Ecclesiis in commune prodesse.

35. Ecce Historia clara, & expres-  
sa, in qua narratur, ex toto Mundo  
in rebus anxiiis, præcipuè Fidei, Ro-  
manam Sedem consuli; & hoc ex debi-  
to. *Referre debere.* Et responsio Pon-  
tificis non erit dicenda Opinio, idest  
responsio cum dubitatione, ut loquar cum  
Glossa civili, sed est appellanda *Senten-  
tia*. Quia sit *sententia*, inquit  
Innocentius; Nomen autem *Sententia*,  
significat rem certam apud Antiquos;  
nam per sententiam *sineus controversus  
imponimus*. l. 1. ff. de re judic. Sola au-  
tem certitudo finem controversiis impo-  
nit, quia opinionis quantumcunque pro-  
babili, ut vidimus, possumus contrai-  
re; quod apud veteres erat adeo ve-  
rum, ut Major dixerit, nos posse con-  
trahere opinionem, quam Concilium Gene-  
rale Viennense cum Papa amplexus erat  
tanquam Probabiliorem.

36. Nota insuper illa verba: *Anti-  
qua scilicet regula normam sequenti.* Hæc  
denotant, consuetudinem hanc consu-  
lendi Romanam Sedem à toto Orbe ad  
habendam sententiam in rebus anxiiis,  
& præcipuè Fidei, esse juxta *Antiquam  
regulam*. Hoc testimonium Innocentii  
datum Concilio nequit dici esse suspe-  
ctum, quamvis sit in causa propria, quia  
fuisse redargutum à Concilio, si verum  
non fuisset; maxime cum Innocentius  
asserat, hoc etiam sciri ab ipso Conci-  
lio.

37. Sed expendamus in particulari tex-  
tum ex c. *significasti*, de elect. Ibi pro-  
ceres Siciliæ mirabantur, quod Papa ab  
Archiepiscopis Juramentum fidelitatis  
exigeret, cum non legeretur hoc jura-  
mentum statutum fuisse à Conciliis?  
Respondet Papa, nulla Concilia legem  
posuisse Romanæ Ecclesiæ, sed ipsam

omnibus Conciliis robur dedisse, & ip-  
sius Authoritate facta fuisse, & in ip-  
sorum statutis patenter excipi Autho-  
ritatem Ecclesiæ Romanæ. Ex hoc  
Textu sequitur, Concilia robore care-  
re sine consensu Papæ, & Leges Con-  
cillii Generalis non tangere Ecclesiam  
Romanam; & Ecclesiam Romanam non  
subjacere Concilio; & sic, si Ecclesia  
Romana non est subdita Concilio, ne-  
cesse erit, quod Concilium subdatur  
Pontifici. Quando ergo Concilium Ge-  
nerale universali Legem statuit, pa-  
tenter excipit Papam; ergo Concilium  
legem non dat Papæ; ergo non est eius  
subditus; & si non est subditus, erit  
Dominus Concilii, quia, ut dicebam,  
nequeunt esse dux Supremæ potestas.

38. Nec potest dici, Textum loqui  
de Conciliis Provincialibus, non Ge-  
neralibus; aliter admiratio illa proce-  
rum fuisset prorsus ridicula. Ridicu-  
lum est etenim dicere, quod Papa so-  
lum illa possit, quæ conceduntur à Con-  
ciliis Provincialibus. Evidens enim est,  
Concilia Provincialia, & Nationalia  
subesse Pontifici, cum ab illis detur ap-  
pellatio ad Papam. c. *omnis*. c. *si quis*.  
c. *ad Romanam*. c. *ideo*. 2. quest. 6. Et  
Sedes Apostolica fundavit alias Eccle-  
sius Italiæ, Galliæ, Hispaniæ, & bre-  
viter totius Orbis. c. *quis nesciat*. 11. dist.  
& vices suas, in partem tamen sollici-  
tudinis Ecclesiasticæ, demandavit. c. *de-  
creto*. c. *qui Jesuitæ*. 2. qu. 6. Tum quia  
Sedes Apostolica sine ulla Synodo præ-  
cedente solvit, quos Synodus iniquè  
damnaverit; & damnat, quos oportet  
nulla existente Synodo. c. *cuncta*. 9. q. 3.  
Igitur illi proceres loquebantur de Con-  
ciliis Generalibus, quæ solus Papa con-  
gregat. dicto cap. *significasti*. & sic dice-  
bant: *Papa debet solum facere, quæ ipsi  
conceduntur à Conciliis Generalibus; sed  
hec tale Juramentum non concesserunt;  
ergo, &c.* Cui objectioni optimè Pa-  
pa respondet, nulla Concilia legem Pa-  
pæ præfixisse, quin eius Authoritatem  
ab illorum legibus patenter excipi, &  
omnia Concilia Authoritate Papæ esse  
facta.

facta, & robur accepisse. Quæ verba de Provincialibus accipi nequeunt, cum Provincialia congregentur ab Archiepisc. c. si Episcoporum. 18. dist. quod probat Tridentina Synodus sess. 24. de reform. cap. 2.

39. Morem excipiendi patenter Authoritatem Papalem servat eadem Æcumenica Tridentina Synodus, & sess. 7. de Reformatione. & sess. 24. cap. 21. sancivit, *Quæ de morum reformatione, atque Ecclesiastica disciplina in hoc Sacro Concilio statuta sunt, declarat, ita decreta fuisse, ut in his salva semper Authoritas Sedis Apostolicæ, & sit, & esse intelligatur.*

40. In confirmationem utriusque conclusionis afferendus est Divus Thomas, qui pluribus in locis expresse pro illis pugnat. Igitur 1. part. quæst. 36. art. 2. ad 2. ait: *Quod in quodam Concilio, in Occidentalibus congregato, expressum fuit Summum Summi Pontificis in Symbolo, quod Spiritus sanctus procederet à Filio; cujus Authoritate etiam Antiqua Concilia congregabantur, & confirmabantur.* Et 2. quæst. 10. asserit: *Ad Summum Pontificem pertinere finaliter determinare ea, quæ sunt Fidei, ut ab omnibus inconcussa Fide teneantur, ad quem majores, & difficiliore Ecclesiæ quæstiones referuntur.* 2. quæst. 6. c. omnis oppressus, & aliis Canonibus, unde & Dominus Luc. 22. Petro dixit, quem Summum Pontificem constituit: *Ego pro te rogaui Petre, ut non deficiat Fides tua, & tu aliquando conversus confirma fratres tuos.* Et hinc, ratio est, quia una fides debet esse totius Ecclesiæ, secundum illud Corinth. cap. 1. Idipsum dicatis omnes, & non sint in vobis schismata; quod servari non potest, nisi quæstio fidei de Fide exorta determinetur per eum, qui toti Ecclesiæ præest, ut sic ejus sententia à tota Ecclesia firmiter teneatur; & ideo ad solam Authoritatem Summi Pontificis pertinet nova editio Symboli, sicut & omnia alia, quæ pertinent ad totam Ecclesiam, ut congregare Synodum, & alia hujusmodi. Unde pertinet ad Summum Pontificem,

cujus Authoritate Synodus congregatur, & ejus Sententia confirmatur. .... *Athanasius non composuit manifestationem Fidei per modum Symboli. ... Sed quia integram Fidei veritatem ejus Doctrina breviter continebat, Authoritate Summi Pontificis est recepta, ut quasi regula Fidei habeatur.*

41. In Quæstione Decima de potentia art. 4. ad 13. hæc habet: *Sicut antem posterior Synodus potestatem habet interpretandi Symbolum à priore Synodo conditum, ac ponendi aliqua, ut ex prædictis patet, ita etiam Romanus Pontifex hoc sua Authoritate potest, cujus autoritate sola Synodus congregari potest, & à quo Sententia Synodi confirmatur, & ad ipsum à Synodo appellatur. Quæ omnia patent ex gestis Calcedonenfis Synodi; nec est necessarium, quod ad ejus expositionem faciendam Universale Concilium congregetur, cum quandoque id fieri prohibeant bellorum dissidia, &c.* Hucusque Divus Thomas. Quæ mihi adeo clara videntur, ut à nemine puto negari posse, Divum Thomam aperte stare pro meis conclusionibus.

Nota illa verba: *Ad Summum Pontificem pertinere finaliter determinare ea, quæ sunt Fidei, ut omnibus inconcussa Fide teneantur.* Nota etiam illa: *Ad ipsum à Synodo appellatur.* Nota pariter illa: *Nec est necessarium, quod ad ejus expositionem Universale Concilium congregetur.* Poterat loqui clarius Angelicus Doctor?

42. Posset adduci in validam confirmationem, præcipue primæ conclusionis, Juramentum, quod præstant in Gallia omnes Ecclesiastici in successionem alicujus Dignitatis, & etiam omnes Sæculares, dum Laureum Doctorem accipiunt, & Collegiorum Rectores, & Magistri. Formula hujus Juramenti edita est ad instantiam Regis Galliarum ab Alexandro Septimo Bulla 157. quæ incipit: *Regimini Apostolici.* Porro facta est ut reliquæ Jansenistarum extirparentur. Tenor ergo Juramenti est talis. Ego N. Constitutioni Apostolicæ Innocentii Decimi data die 31. Martii 1633. & Cui.

Constitutioni Alexandri Septimi data die 16. Octobris 1656. Summorum Pontificum me subijcio, & quinque Propositiones ex Cornelii Jansenii Libro, cui nomen, Augustinus, excerptas, & in sensu ab eodem Autore intento, prout illas per dictas Constitutiones Sedes Apostolica damnavit, sincero animo rejicio, & damno, & ita juro, sic me Deus adjuvet, & hac Sancta Dei Evangelia. Galli ergo jurant se damnare sincero animo propositiones Jansenii, prout illas Sedes Apostolica damnavit. Sed Sedes Apostolica illas damnavit tanquam hæreticas; ergo Galli jurant se sincero animo damnare propositiones Jansenii tanquam hæreticas: Facimus ergo hoc dilemma: Vel ad Summum Pontificem spectat determinare propositiones de Fide, vel non spectat; Si primum, jam habeo intentum, Papam scilicet esse infallibilem; Si secundum, quomodo potest obligare Gallos ad credendas de Fide illas propositiones, si non sunt de Fide? Certè Episcopus non posset arctare suos subditos ad sic credendum, quia Episcopus nequit propositiones de Fide discernere. Et ratio à priori est, quia Fides impossibile est, quòd aliter se habeat; ergo impossibile est, quòd detur Fides in aliqua materia, nisi sit statuta in linea necessaria, & quæ non possit aliter se habere; ergo, si Papa est fallibilis, impossibile est quòd det firmitatem, & necessitatem; & sic Papa nequit statuere objectum, in quod tendat Fides, & sic non potero obligari à Papa, ut jurem me de fide credere objectum, quod statuitur à Papa. Assumptum patet ex Innocentio Undecimo propos. 21. in qua decernitur assensum fidei stare non posse cum notitia solam probabili, quòd Deus sit loquutus.

43. Alias rationes non assero pro mea sententia, quia pro meo instituto hæc poterunt sufficere; tum quia hic tractatus nimium excreveret; est enim materia præsens adeo ampla, ut de ipsa nedum longissimæ disputationes, sed Libri integri circumferantur. Horum aliquos infra referam.

44. Non abs re tamen erit, si solvamus aliquot objecta magis obvia, & in quibus Doctores sequentes oppositum plurimum fidunt: Primum est Auctoritas Concilii Constantiensis, & Basiliensis. Concilium ergo Constantiense Session. 5. declarat, quòd ipsa Synodus Constantiensis habeat immediatè Christo potestatem, cui quilibet cujuscumque status, & dignitatis, etiamsi Papalis existat, obedire tenetur in his, quæ pertinent ad Fidem, & extirpationem dicti Schismatis, & reformationem dicte Ecclesie in capite, & in membris. Item declarat: Quòd quicumque cujuscumque conditionis, status, dignitatis, etiamsi Papalis, qui mandatis, statutis, seu ordinationibus, aut præceptis hujus Sacre Synodi, & cujuscumque alterius Concilii Generalis legitime congregati, legitime super præmissis, seu ad ea pertinentibus factis, vel faciendis obedire contumaciter contempserit, nisi resipuerit, condigne penitentia subiciatur. Hæc duo Decreta confirmata sunt à Basiliensi Sess. 2. 16. 18. 33. 38. & tandem Sess. 45. Toties hæc congregatio Prælatorum inculcabat sua Decreta, poterat enim prævidere, si solum semel edidisset, statim à memoria hominum delenda. Nedum verò Basiliensis cætus confirmavit illa Decreta Constantiensis, sed definivit etiam esse de Fide, & contrariam assertionem judicavit hæreticam, quod non fecerat Constantiense.

45. Ego nihili facio Convantum Basiliensem propter multa. Primò, quia, ut patet ex ejus Sess. 7. collectus fuerat ob tria; nempe primò, ut hæreses extinguerentur. Secundò, ut Bella inter Christianos sedarentur. Tertiò, ut vitia extirparentur: Huic fini non inserviebant illa Decreta, cum ad summum non valeant, nisi pro tollendo Schismate, quod tunc nullum vigeat. Hinc Pontifex videns pariter illos Prælatos non incedere per viam, ad quam vocabantur, ut advertit Divus Antoninus titul. 22. super Historiæ cap. 10. §. 4. Dissolvit illam Congregationem.



46. Secundò non tractabantur in ipso negotia spiritualia eo ordine, dignitate, modestia, & charitate, ut fas erat, & necessarium pro cœtu, in quo est de Fide Spiritum sanctum assistere. Legatur Aeneas Sylvius, qui totis viribus pro potestate Concilij decertavit in Historia, quam scripsit de tali Concilio, & patebit, in Congregatione Basilienſi datam fuisse potiùs speciem duorum Exercituum adinvicem dimicantium atrociter, quàm concertationem Sacram Prælatorum differentium, quid definiendum veniret pro Fide, pro Spe, pro Pace, pro Charitate Christiana. Audiamus Aeneam testem ocularem libr. 1. & Hic cum Arelatensis In hac verba scribentem: *At Catbelani, quoniam negari sibi dilationem viderant, ne concordata duodecim Virorum legerentur, strepitum, ac vociferatione obstabant, magno conatu studentes, ut lectionem concordatorum protestatio, quàm Panormitanus effecerat, precederet; nec res sine violentia fuit, cum nec mandata Præsidentis recipere, nec ordo in rebus agendis solitus custodiretur; erat namque ubique clamor, ubique strepitus, ubiqueurgia effundebantur. Nunc Panormitano, manè Ludovico sermo erat; nulli tamen sine festinantia loqui licuit. Episcopi cum Episcopis, Inferiores cum Inferioribus verbales habebant rixas, omniaque contentionibus, & probris infonabant, &c.* Quo verbo. veluti Cælesti fulmine iacti Panormitanus; Ludovicus, ac Mediolanensis; uno impetu assurgentes, Libertas, inquam, nobis eripitur. En quid est, quod frangenda nobis capita Patriarcha minatur? Tunc ille Patriarcha, Aquilejensis scilicet, curavit humilibus verbis placare furentes Prælatos, sed incalsum; Sic enim prosequitur Aeneas: *Nequaquam tamen Patriarchalis humilitas clamores extinxit, sed quoties legibiles concordati fiebat mentio, toties major strepitus, ac vociferatio, impedimentum extollebatur.*

47. Idem quoque Aeneas narrans postea aliam Sessionem, advertit fuisse clamoribus, & tumultibus plenam.

Nec mirum, si sine ordine cuncta fiebant. Quomodo enim membra poterant bene se regere, & in præfixum finem se ordinare, si omnes conatus dirigebant ad deprimentum Caput? Legatur paragraphus sequens: *Quo verbo, inquit Aeneas, tantus clamor est exortus, quantus solet in praelis tubarum clangor, & equorum fremitus audiri, cum signis collatis duo invicem concurrunt Exercitus, &c.* Fateor plurimum risisse, dum legi historiam hanc apud Aeneam. Quis enim non rideret legens hæc ridicula? Irascebar tamen contra Aeneam, & contra defensores Basilienſium, dum videntes talia monstra crederent adhuc esse Generale Concilium.

48. Tertiò adest aliud caput evidens negandi Authoritatem Basilienſis, quia tandem elegit Antipapam, qui per Ecclesiam Catholicam semper fuit existimatus Antipapa, & fuit Amedeus Dux Sabaudiz, qui postea errorem suum recognoscens Nicolaum Quintum Eugenii Successorem, ut Christi Vicarium, veneratus est ex Divo Antonino cap. 12. Quis poterit credere illud esse verum Concilium Generale, quod eligit Antipapam, qui dividit Ecclesiam, quæ debet esse una, Sponsa Christi? Preterea, quomodo credam Concilium Generale, à quo recessit Caput Ecclesiæ Jesu Christi Vicarius Romanus Pontifex? Ego cum capite potius mori mallem, quàm vivere cum aliis membris, quia membra sine capite Fidem habere nequeunt, quæ fundatur in capite, & est in petra Ecclesiæ, quæ est Divus Petrus, & ejus Successores Summi Pontifices.

49. Quartò in Sess. 45. in Decreto quinque propositionum dixit: *Nec unquam aliquis Peritorum dubitavit, Summum Pontificem in his, quæ Fidem concernunt, judicio eorundem Conciliorum Universalium esse subiectum.* Credemus ne huic Conventui in obscuris, dum falsum asseruit in manifestis? Nonne Divus Thomas asseruit, ut dixi, 2. 2. quæst. 1. art. 19. *Id Papam spe-*

clare manifeste determinare ea, quae sunt  
Fidei, ut ab omnibus inconcussa fide re-  
maneat? Ergo per Divum Thomam  
ante consensum Papa non possumus Fide  
inconcussa aliquid tenere; ergo per Di-  
vum Thomam, quanvis Concilium de-  
terminat aliquid de Fide, si tamen non  
confirmet Papa illum Articulum, Pa-  
pa non tenetur credere definitum à  
Concilio; ergo per Divum Thomam  
Papa in rebus Fidei non subditur Con-  
cilio Generali. Quomodo ergo Basi-  
liense potuit dicere, nullum peritorum  
dubitare de suo Decreto? Numquid Di-  
vus Thomas non fuit peritus?

30. Accedit his omnibus, quod licet  
Basiliense Sess. 36. accesserit ad opinio-  
nem faventem Immaculatæ Conceptioni  
B. V. & definierit tenendam, & ample-  
ctendam ab omnibus Catholicis, nulli-  
que de cetero licitum esse in contra-  
rium prædicare, & docere; tamen nul-  
lus roboris fuit hoc decretum, nec ob-  
servatum. Et Divus Antoninus par. 2.  
titul. 8. c. 2. Instituens questionem de  
Conceptione Beatæ Virginis, & asse-  
rens Doctores, & Textus pro utraque  
parte, non meminit hujus Decreti Ba-  
siliensis, quod solum, si aliis proce-  
ssisset à vero Legislatore, debebat præ-  
ponderare omnibus in contrarium.  
Necdum verò non meminit, sed San-  
ctus Doctor asserit propter Doctorum  
Autoritates, & rationes probabilius  
esse, quod Beata Virgo fuerit genita  
in peccato originali. Et, quod mirum  
est, Divus Antoninus scribebat imme-  
diate post Basiliense; Unde, si tunc  
aliquam Autoritatem habuisset Basi-  
liense, non fregisset sic aperte præce-  
ptum adeo solenne, & clarum expre-  
ssè dicendo: *Præabilius esse Restam Vir-  
ginem conceptam fuisse in originali pec-  
cato.* Sed quid plura? Ipse Antoninus  
3. part. tit. 23. § 6. sic dicit, Basiliense  
effectum fuisse Conciliabulum. Deni-  
que Concilium Lateranense sub Leone  
Decimo, Sess. 11. In decreto condem-  
natorio Pragmaticæ Sanctionis vocat  
Basiliensem eorum Conciliabulum. Si  
ergo Papa, & Concilium Lateranense

Congregationem illam nihili faciunt,  
idem faciam ego absque scrupulo.

31. Petrus Annatus in Apparatu ad  
Theologiam positum, asserit Congre-  
gationem Bassiensis fuisse legitimam  
usque ad Sessionem 25. inclusive. Le-  
gens ego Historias Odorici Raynaldi Ita-  
licè exaratam de Anno 1430. numer. 7.  
invenio, quod hic Author probat Ses-  
sionem 24. solum habuisse decem Epi-  
scopos, & tredecim Abbates. Hæc po-  
test dici Æcumenicus Ecclesiæ con-  
gressus? Si juraveris hoc non cre-  
dam.

32. Negotium facessit Constantiensis  
Synodus, quæ bene cepit, & melius  
absoluta fuit, & in ipsa repressum il-  
lud horrendum Schisma, quod diu ve-  
xaverat Ecclesiam Catholicam. Ego  
puto, illa duo Decreta prout edita ab  
illo Concilio explicari commodè posse  
de Papa dubio, non de certo, prout  
quæstio præsens procedit. Ratio est,  
quia, quando Textus, & Leges viden-  
tur opponi, debent conciliari, ut est  
regula certa in Jure. Cum ergo ex *con-  
suetudine* de elect. dicatur, nulla Con-  
cilia posuisse legem Romanæ Ecclesiæ,  
jam patet, quod hic Textus, & alii su-  
prà à me relati loquuntur non de Papa,  
qui potest esse aliquando dubius, sed  
de Autoritate Papalis dignitatis, quæ  
est certa, quod detur in Ecclesia. Et  
contra Constantiense loquitur de quo-  
cunque ejusque status, etiam si Papa-  
lis existat. Ecce, quod loquitur de ho-  
minibus, qui sunt Papa, quod potest  
esse dubium, ut tunc temporis accide-  
bat, nam tunc tres erant, qui Papæ di-  
gnitatem sibi arrogabant. Quod sic possit  
intelligi, & debeat Constantiense ex duo-  
bus deduci.

33. Primum est, quia Ecclesia non  
solet decernere res, nisi ita necessitas po-  
ssulet. Porro necessarium erat decide-  
re de Papa dubio, & hoc ad tollendum  
funestum Schisma; Nulla verò necessitas  
aderat decidendi de Papa certo. Quin-  
talisi decisio potuisset parere Schisma in-  
ter Papam certum, & Concilium; Pa-  
pa siquidem totis viribus propugnasset.

C. 8.

E. significasti, de elect. & dixisset usque modo nullum Concilium Sedi Apostolicæ legem fixit, quin exceptis patenter ejus Authoritatem; ergo nec modo patiar, quòd Ecclesia Romana subeat legem ab alia; & ita gessisse Martinum Quintum in Constantiensi liquet; Nam in Sess. ultima in publico Concilio confirmavit quidem decreta Concilii, sed non omnia, sed decreta in *materiis Fidei conciliariter facta*, ipsaque sic conciliariter facta, & non aliter, & non alio modo ratificavit, & illud idem iterato fecit dñi per Organum Domini Augustini de Pisis.

54. Ecce Martinus vernus, & certus Pontifex, etiam in ipso Concilio, non omnia decreta approbavit, sed solum in *materia Fidei*, nec quomocunque decreta, sed conciliariter facta, nec semel ita dixit, sed iterato; nec dissoluto Concilio, sed in ipso Concilio. Ecce quod vernus Pontifex noluit recipere aliquam legem pro Ecclesia Romana; Ipsas res Fidei, quas amplectitur, non amplectitur absolute, sed cura illa conditione, nempe conciliariter factas, & non aliter, nec alio modo. Cum ergo illa decreta Constantiensis, de quibus loquimur, non sint definita à Constantiensi, tanquam Fidei Dogmata, jam illa decreta non sunt approbata à Martino. Fuit quidem mirum, quod Martinus in ipso Concilio non approbaverit omnia decreta, sed solum *materias Fidei*, & has etiam limitatè approbaverit; adhuc tamen nullus Patrum se opposuit; quia scilicet veritas evidens illos retinuit, quia in rei veritate Papa non cogitur recipere legem ab alio, cum nullum in terris Superiorem agnoscat. Igitur ex his constat evidenter, vel quòd illa decreta Constantiensis, in quo Papa subijcitur Concilio, non debeant intelligi de Papa certo, sed Dubio; vel quod Martinus coram ipso Concilio fregerit illa. Et hinc jure faciunt à fortiori Pontifices, dum extra Concilium nullum Superiorem agnoscere volunt, & se supra Concilium extollunt.

55. Secundum verò caput, propter quod illa decreta non sunt intelligenda de Papa certo, est, quia Ecclesia Catholica, & Pontifices Successores illa non receperunt. Omnes Itali, omnes Hispani, ait Caramuel in Theolog. Fundam. Romana lib. 1. Fundament. 14. & seqq. Sustinent Papam non subjacere Concilio, & esse infallibilem; quin credit, hoc idem asserere omnes Galios, & in confirmationem refert illam Historiam, quòd Octuagintaquinque Episcopi Gallorum confugerunt ad Pontificem, ut certam, & indubitatam sententiam de quibusdam propositionibus Janisenii promeretur; tum quia semper floruerunt Doctores, qui constantissimè refragarunt Constantiensi; & licet Divus Antoninus 3. part. titul. 23. §. 6. fateatur in concernentibus ad Fidem Concilium esse supra Papam, & propter hoc Concilium potest judicare Papam de hæresi. c. si Papa. 40. dist. tamen dixit, quòd in his, *quæ sunt juris positivi indubitanter. si Papa supra Concilium, qui ipse est Caput Ecclesie*. Ecce quòd in aliquo contrariatur Constantiensi, scilicet quòd Papa teneatur obedire Concilio in his, *quæ servantur ad reformationem Ecclesie in capite, & in membris*.

56. Nedum verò Constantiensi se opposuerunt Doctores plurimi, sed ipsi etiam Summi Pontifices totis viribus se opposuerunt, & se ipsos infallibiles gesserunt, & soli Deo subiectos se agnoverunt, adherentes in hoc vestigiis suorum Prædecessorum, qui talibus prerogativis se decoratos crediderunt, ut patet legenti Canones allegatos supra pro prima conclusione. Et quidem in c. *factis*. 9. quest. 3. Anterus Papa expressè dicit: *Facta subditorum judicantur à nobis, nostra verò judicat Deus*. Et Gelasius Papa in c. *cunctis*. ead. ait: *Siquidem ad Ecclesiam Romanam de qualibet Mundi parte appellandum est, ab illa autem necesse est appellare permittitur*.

57. Pontifices etiam post Constantiensem sequuti sunt hanc Doctrinam. Et primò Pontifices omnes in Bulla Cœnæ Domini excommunicant appel-

appellantes à Pontifice ad futurum Universale Concilium. Secundò non servant illud statutum Sess. 39. Incipit *Frequens*. In quo decernitur in perpetuum Concilium Generale de decennio in Decennium celebrandum fore; & ita hoc expressè imperat, ut nollit, Papam etiam cum Concilio Cardinalium posse id tempus prorogare. Primis temporibus Pontifices voluerunt exequi Sanctionem hanc, & Martinus Quintus Concilium Basileæ indixit, & confirmavit Eugenius Quartus. Prælati Basilienses insistentes decretis Constantiensis, & volentes extollere Concilium supra Papam, noluerunt acquiescere translationi Concilii Ferrariam, & postea Florentiam. Vide hic Argumentum evidens Superioritatis Papæ erga Concilium. Papa indicit Concilium Ferrariæ, postea Florentiæ. Concilium Basiliense contradicit. Ecce primus Papa post Constantiense contradicit apertè Concilio Constantiensi. Sequamur Historiam. Papa incipit, prosequitur, & absolvit cum magno fructu ipsum Concilium. Conventus Basiliensis obsequutus decreta Constantiensis infœliciter prosequitur, suas Sessiones ad infast pugnantium Exercitium, ut vidimus, conficit; in horrendum Schisma labitur; eligit Antipapam, & tandem cum opprobrio, & irrisione omnium terminat. Ex his habemus Papam immediate creatum post Concilium Constantiense obstitisse Constantiensi dissolvendo Concilium congregatum juxta statuta Constantiensis contra voluntatem expressam ipsius Concilii, & hanc dissolutionem fuisse approbatam à majori parte Episcoporum, quin & ab ipsis Græcis. Habemus insuper, quòd Basiliense Concilium aliàs legitime congregatum; quòd totis viribus conatum fuit observare illa Decreta Constantiensis post dissolutionem factam à Papa renitente eodem Concilio, infœliciter prosequutum fuisse, cecidisse in Schisma, Antipapam elevisse, & miserimè terminasse. Ecce fructus extollentium Papam supra Concilium, & erigentium

Concilium supra Papam. Mihi placent fructus extollentium Pontificem, & ideo sequor eorum sententiam firmissimè. Quibus arident fructus collecti ex Basiliensi cœtu, etiam documenta sequantur.

Quando dico Concilium Basiliense non fuisse recipere translationem Concilii factam ab Eugenio, hoc assero, non quasi quòd omnes Patres Concilii hoc detrastaverint, sed quia major pars obstitit; nam scio ex Odorico Raynaldo in Aunal. latinis de Anno 1437. num. 5. ornatissimam partem, & prudentia potiore, licet numero imparè acquiescisse voluntati Pontificis.

58. Pius Secundus Pontifex Maximus, priùs dictus Aeneas Sylvius, interfuit Basiliensi, & in Historia de eodem laudat, & extollit ipsum Concilium Basiliense supra Papam, licet videret modum omnino indignum procedendi ejusdem. Electus Papa longissima constitutione deset, detestatur, & execratur suos errores, & publicè se retractat læsisse enormiter Sedem Pontificiam postponendo Papam Concilio. Tandem omisis pluribus aliis Pontificibus Alexander Octavus in suo illo Decreto condemnatorio 31. propositionum num. 29. proscripsit propositionem illam: *Futiles, & toties convulsa est assertio de Pontificis Romani supra Concilium Æcumenicum Auctoritate, atque in Fidei questionibus decernendis infallibilitate*. Et ejus Prædecessor Innocentius Undecimus in Bula Cœlestis Pastor dicit: *Quod Christus Ecclesiam Catholicam Sponsam suam tanquam novam Civitatem Sanctam Jerusalem descendente de Cœlo, non habentem rugam, neque maculam, unam, Sanctamque in terris relinquens, armis potentia sua contra Portas Inferi circumvallatam Petro Apostolorum Principi, & Successoribus ejus regendam tradidit, ut doctrinam ab ipsius ore baptismi sanctam, relictamque custodirent; ne oves pretioso suo sanguine redempti pravatum opinionum pabulo in antiquos errores reciderent; quod præcipue Beato Petro mandasse nos Sacra Littera docent. Cui enim* Aposto-

*Apostolorum nisi Petro dixit: Pascere oves meas? & rursum: Ego rogavi Petre, ut non deficiat Fides tua, & tu aliquando conversus confirma fratres tuos.*

59. Notare autem placet, quòd in hac Bulla Innocentius damnat propositiones plures Michaelis Molinos ut hæreticas, erroneas &c. & per hanc constitutionem intelligit docere Ecclesiam Universalem, quam sibi regendam accepisse à Christo in eadem asserit, & subdit, quòd licet prius de hoc negotio Decretum ex mandato suo factum fuisset, nihilominus, ne memoria Apostolica damnationis deleri posset, utque Populus Christianus Catholica veritate instrueretur per viam veritatis incederet, Prædecessorum suorum Summorum Pontificum vestigia inibendo, de novo definitivè illas propositiones damnavit. Hic Pontifex se declarat authenticè Rectorem, & Doctorem Ecclesiæ Universalis, & Populi Christiani. Ergo Ecclesia Universalis, & Populus Christianus tenetur obedire Pontifici in materiis illius Bullæ, quæ sunt Fidei, & morum. Et sic patet, hunc Pontificem, & suos Prædecessores se opponere allegatis Decretis Concilii Constantiensis; & sic sequitur evidenter, quòd vel Pontifices, vel Concilium erraverit. Quòd Pontifices erraverint, nequit dici, quia Ecclesia Universalis illos venerata est ut veros Christi Vicarios, & Divi Petri Successores; quod non facisset, cum tenuissent apertè, & constanter, & in publicis constitutionibus sententiam contra Manifestum Concilii Decretum; & sic, si vera foret opinio Adversariorum, sequeretur, quòd præcipuè Innocentius voluisset docere errorem manifestum Ecclesiæ Catholicæ, & Populum Christianum; unde per Adversarios debuisset acerrimè corrigi, & Ecclesiæ denunciari, ut puniretur canonicè juxta Decretum Constantiense, & etiam deponeretur, si esset contumax juxta doctrinam Glossæ in c. si Papa. 40. dist. V. *A fide devius.*

60. Sed libeat opponere Concilio Constantensi, & cœtui Basiliensi Concilia

Florentinum, & Lateranense Quintum sub Julio Secundo congregatum. Florentinum ergo Sessione ult. in litt. Sanctæ Unionis determinat, Sanctam Apostolicam Sedem, & Romanum Pontificem Successorem esse Beati Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem, ac Doctorem existere, & ipsi in Beato Petro pascendi, regendi, & gubernandi Universalem Ecclesiam à Domino Jesu Christo plenam potestatem traditam esse; quemadmodum etiam in gestis Æcumenicorum Conciliorum, & in Sacris Canonibus continetur. Sed Lateranense Sessione II. in Decreto abrogante pragmaticam Sanctionem expressè dicit, Papam esse super omnia Concilia, & plenam habere potestatem eadem induendi, dissolvendi, & transferendi; & hanc doctrinam probat exemplis præteritorum Conciliorum; & observa, quòd his duobus Conciliis interfuere per seipsos Summi Pontifices, & illos absolute confirmaverunt. E' contra Basiliensi nunquam Papa adfuit; quòd si interfuit Constantiensi, illud non approbavit absolute, sed sub modificationibus, ut vidimus.

61. Dices, quamvis Papa non interfuerit cœtui Basiliensi, tamen Eugenius illud approbavit ut patet ex litteris suis, quæ lectæ sunt in Sessione 16. ergo Eugenius approbavit ea, quæ gesta sunt Sessione 2. in illa porro Sessione confirmata sunt Decreta de Superioritate Concilii in Papam. Ergo juxta approbationem Eugenii Concilium est supra Papam.

Sed perperam gloriantur Fautores Basiliensium de confirmatione Eugeniana. Legantur litteræ Eugenii; quas refert Odericus Raynaldus in Annal. Latinis. Anno 1434 num. 1. & apparebit, Eugenium approbasse, Concilium Basiliensè à tempore prædictæ incarnationis suæ legitime continuatum fuisse, & habere, prosecutionem: habuisse continuari, ac prosecutionem habere debere ad prædicta pertinentia ad ea perinde, ac si nulla dissolutio facta fuisset. Igitur Eugenius approbat

pro legitimo Concilio Generali cœtum Basilienſem. Hoc fateor, at ſubdo cum Turrecr. Summ. de Eccl. libr. 2. c. 100. & Cano de Locis Theologicis libr. 1. in ſolut arg. ad 9. Eugenium non approbaſſe doctrinam, quam illud Generale Concilium tradiderat. Non enim eſt idem approbare aliquem cœtum eſſe legitime Generalem, ac approbare ejus doctrinam. Nemo eſt, qui poſſit negare, quòd Concilium habitum à Clero Gallicano Anno 1700. Pariſiis in Palatio Sancti Germani fuerit legitimum Concilium Nationale Generale. Qui hoc negaret, eſſet jure plectendus. Aſt non per hoc cogimur fateri, doctrinam deciſam ab illo Concilio eſſe veram, quin poſſumus defendere oppoſitam, ut ipſe aliquoties faciam cum debita reverentia. Igitur Eugenius approbavit, Baſilienſe eſſe Generale Concilium, at non approbavit ipſius doctrinam. Vide Turrecrematam latè hanc reſponſionem proſequentem, quam reſcribit verbatim idem Odericus.

62. Unus ex præcipuis, ut dixi, Doctores, qui opponitur Supremæ Potestati Papæ eſt Joannes Gerson Doctor Sorbonicus. Hic poſt Textum Concilii Conſtantiensis allegatum conatur, per plura argumenta ſuadere ſuam opinionem, & hoc præcipuè ex multis abſurdis, quæ videntur ſequi ex noſtra ſententia. Primò ſequitur, quòd Papa non ſubderetur legi Evangelicæ de correctione fraternâ, quæ univerſaliter lata eſt de omnibus, quòd, ſi correptus non audiat correctionem fraternam, ſit denunciandus Eccleſiæ. Hinc Paulus ad Galat. 2. *Corripuit Petrum Summum Pontificem.*

63. Reſpondetur, proximus noſter ſi ſit Caput, Rector, & Doctor Eccleſiæ debet quidem corripi, non tamen eſt denunciandus Eccleſiæ, cum ipſe debeat illam docere, regere, & judicare. Et hæc doctrina expreſſe colligitur ex c. ſi Papa. 40. diſt. in quo dicitur, quòd ſi Papa catervatim ſecum ducit populos in gehennam, hujus culpas ipſe redarguere præſumit mortalium nullus, quia cum-

illos judicaturus à nemine eſt judicandus, niſi deprehendatur à Fide devius. Ecce quòd Papa peſſimus à nemine eſt judicandus, & ſic nemini eſt denunciandus. Quid ergo in hoc caſu faciendum? proſequitur Textus: *pro cujus perpetuo ſtatu Univerſitas Fidelium tanto inſtantius orat, quanto ſuam ſalutem poſt Deum ex illius incolumitate animadverſis propenſius pendere.* Si omnes fideles in Litanis, & Sacerdotes in Miſſis impenſe ſemper orant pro Papa, impenſius eſt orandum, ſi Papa eſſet publicus peccator, & judicium relinquitur Deo, ut expreſſè dicitur in c. ſalla. 9. quaſt. 3. Qui, ſi periniſit, quòd Eccleſia daretur regenda homini peccatori, ex peccatis illius, juxta ſuum morem, bonum pro ſua Eccleſia eruere ſciet.

64. Quòd ſi velimus ſequi doctrinam Gerſonis, & denunciare Papam Eccleſiæ, procul dubio horrendum Schiſma exorietur. Eodem Sæculo, quo habitum fuit Conſtantiense, vixit Papa ſceleratiſſimus, ut ſcimus omnes, ſcandalizans totam Eccleſiam, & tamen Eccleſia non uſa fuit doctrina Gerſonis, ſed inſtantius oravit, & veluti miraculo ſublatus eſt; ſeipſum enim veneno necavit, quod propinare Cardinalibus deſtinaverat; quòd ſi tentatum fuiſſet, ut Concilium contra ipſum congregaretur, non deſuiſſent plurimi, qui pro Papa ſteſiſſent; unde, vel Schiſma, vel nihil actum fuiſſet.

65. Exemplum illud Divi Pauli probat equidem, Pontificem poſſe corrigi, cum poſſit ut homo privatus errare, & ſcandalizare; non tamen probat, quòd poſſit denunciari Eccleſiæ, quia Petrus non fuit denunciatus. Si quidem Papa eſſet denunciandus Eccleſiæ, utique Concilium eſſet ſupra Papam; & quia ex citato Canone ſi Papa, Papa hæreticus ab Eccleſia judicari poſteſt, ideo in hoc caſu Concilium eſt ſupra Papam. Dixi, ſi Papa ſit hæreticus, & per hæreſim intelligo peccatum, per quod Fides amittitur, & vocatur per Canonem à Fide devius. Porro Fides ſolum deperditur ex Tridentino Seſ. 6. cap. 13.

per

per infidelitatem, quæ per omnes Theologos sistit in errore intellectus opposito veritati, quam Fides docet. Hinc non est audiendus Glossator, & alii Canonistæ explicantes illum terminum à *Fide devium* omnem contumaciter peccantem; nam qui contumaciter adulterat, pejerat, &c. si nullum aliud peccatum habet, debet quidem appellari adulter, perjurus &c. non tamen infidelis; & talis adulter, perjurus, &c. est verè, & propriè fidelis, & veram fidem habet, ut colligitur ex Tridentino can. 28. illius Sessionis; tum quia Inquisitores delegati contra hæreticam pravitatem non utique procedunt contra hosce adulteros &c. ergo nec Concilium, quod habet potestatem in Papam à *Fide devium*, poterit procedere in Papam adulterum, perjurum, Simoniacum, &c. Hic peto ab Adversariis, ut doceant modum denunciandi Papam Ecclesiæ. Numquid est denunciandus omnibus Episcopis? sed quis hoc munus obibit? est ne denunciandus Concilio Generali? at quis congregabit illud? tum quia Congregatio Concilii Generalis est res adeo difficilis, ut prius morietur Papa; hinc restantia interviret pro nihilo.

66. Aliud absurdum infert Gerson ex nostra sententia; sequitur enim, quod Papa, qui est membrum corporis Ecclesiæ, sicut homines alii, si scandalizaret totum corpus, ipse non esset rescindendus, ut totum corpus sanum fieret, contra Doctrinam Evangelicam fundatam in similitudine juris naturalis Matth. 18. Ego nescio cur Gerson non vocet Papam Caput Ecclesiæ, sed solum illo vocabulo omnibus fidelibus communi *de membro*. Forſan vidit in voce illa, *Caput*, contineri responsionem evidentem suo sophismati, ideo tacuit vocem, *Caput*, & substituit vocem *Membrum*.

67. Licet ex modo dictis pateat clara responsio, adhuc tamen dico, quod membrum aliud est caput, aliud non est caput. Si non est caput, tunc procul dubio, si est putrefactum, debet

abscindi, ne totum corpus corrumpat. Si verò membrum putrefactum sit caput, in naturalibus quidem nunquam est abscindendum, quia cadere caput, & occidere animal est unum, & idem; Hinc serpens, ut salvet caput, omnia membra internecioni concedit, in quo sistit prudentia, quam imitari nos Christus jubet Matth. 10. & animadvertunt Augustinus . . . . & Joannes Chrysostomus Homil. 34. in Matth. longè ab initio, cujus Doctrinam approbat Ecclesia die 30. Junii in tertio Nocturno in Commemoratione Divi Pauli. Hinc sistendo in metaphora corporis; potius perire deberent omnia membra Ecclesiæ, quàm Caput ejus, quod est Papa. Adhuc tamen assero, in moralibus caput esse abscindendum, sed solum in unico casu; si nempe moriatur; In aliis morbis quantumcunque magnis medendum est caput, non abscindendum. Ut umque verò probò: Si Caput Ecclesiæ moriatur, hoc est, si Papa sit à *Fide devius* (Fides enim ex Divo Chrysostomo, ubi suprà, *Caput est, & radix, quæ servata, etiamsi omnia perdas, omnia tamen rursus majore cum gloria recuperabis*) Tunc jam dixi, est deponendus, & Concilium est supra Papam. Si verò Caput Ecclesiæ non moriatur, idest, non sit devius à *Fide*, quamvis gravissimo morbo laboret, & sic cætera membra gravissimè decumbant juxta illud effatum medicum: dum caput dolet, cætera membra languent, in hoc, inquam, casu caput non est abscindendum, idest, Papa non est deponendus, sed est curandus. Cum enim caput sit vivum, jam recipit spiritus vitales à corde, idest à Spiritu sancto, qui ex Divo Thoma 3. part. quest. 8. art. 1. ad 3. est Cor Ecclesiæ. Scimus autem ex Medicis à capite descendere Spiritus animales in cætera membra, & hoc munus præstat, licet detineatur gravissimo morbo; unde influit spiritus necessarios, ut ita vivant, licet fatear esse spiritus non ita puros, ut sunt, quando est sanum, Nunquid tamen est abscindendum, quia tunc

membra de languidis transirent ad mortua, quod est summum malum. Particularizemus doctrinam. Caput acerbissimo dolore cruciatur, & sic cetera membra ita male decumbunt, ut non se moveant &c. non per hoc tamen homo sibi facit cadere caput. Papa sceleratissime vivat, sit publicus Simoniacus, Adulter, Homicida, &c. sit tamen fidelis, debet ne praecidi, deponi? neutiquam certe, hoc esset reddere infirmam Ecclesiam peiori morbo. Divideretur in duo capita, ut iniquissime factum est in Conciliabolo Basilienli. Medeamur ergo tunc capiti languido, & pareamus Canonis *Si Papa*, & Ecclesia oret instantissime, ut à se tollatur talis morbus.

68. Adversarii dicunt in moralibus posse tolli caput, & a iud substitui abique morte corporis mystici, & abique alio gravi incommodo. Sed contra, quia est quidem verum, quando caput mysticum moritur physice; quia tunc cum nihil sit, nullum malum causare valet. At si adhuc existat, & moraliter langueat, difficillime & cum insuperabili calamitate hoc fieret. Si Concilium Constantiense cum tanta difficultate potuit mutare Caput Ecclesiae dubium, quomodo potuisset hoc praestare, si attuisset caput, quod suum flet creditum ut certum ab Ecclesia?

69. Nescio, an Gerson neget, Papam esse Caput Ecclesiae Universalis, ut videtur negare quidam Doctor in Opusculo, quod ponitur post Concilium Basilienle in 4. Tom. Concil. edito Venetijs Anno 1585. Apud Dominicum Nicolinum. Si hoc neget, quæro, quodnam sit Caput Ecclesiae, non utique Ecclesia Gallicana, non Hispanica, &c. ergo erit Romana, ut dicitur in c. 1. 12 dist. Si insister, Caput Ecclesiae esse Christum. Contra est, quia nos hic loquimur de Ecclesia, quæ sit Sponsa Christi, & thalamus ipsius, juxta c. *quam* 11 univ. 21. dist. & sic loquimur de Ecclesia totaliter distincta à Christo, atque adeo debet habere aliud Caput præter Christum; tum quia

Ecclesia militans est in terris; tum quia Christus est Caput per modum causæ principalis; & sic debet dari caput in genere causæ Instrumentalis. Tum quia qualibet Ecclesia habet proprium Caput, Pontificem, & Rectorem; Qualibet Sponsa proprium Sponsum in terris. Ergo Ecclesia Catholica habebit etiam in terris Caput, Pontificem, Rectorem, & Sponsum, qui utique erit Papa, ut clare dicitur in c. *ubi periculum de elect. in sexto*. Nec valet, si dicas, nescias esse, quod Ecclesia, quæ est sancta, & munda non habens maculam, nec rugam, habeat pro capite, & Sponso Pontificem, qui est homo peccator, &c. Nam Ecclesia Romana non habet maculam, neque rugam, nec aliquid ejusmodi, ut expressè dicitur in d. c. *quamvis*. Hinc Ecclesia Romana poterit esse Caput Sanctum, quale docet Sponsus Christi. Tum quia Ecclesia Romana ita est caput, ut omnes alie Ecclesiae debeant sequi doctrinam ejus. c. 1. 12 dist. Papa ergo docet opiniones Janlenii esse hæreticas, alias esse scandalosas, &c. Quæro, an aliqua Ecclesia possit illi non obedire; si aliqua; ergo hæc non obediunt; ergo membrum potest à capite discedere contra canonem.

70. Confirmat & Suppono, quod Ecclesia in toto Orbe sint mille; Pontifex ergo omnibus illis Ecclesiis intimat suam Doctrinam; si aliqua ex his non pareat, jam discedit contra Textum à capite. Quando verò dicitur Papam esse peccatorem, &c. nihil valet, quia etiam Episcopi constituentes Concilium Generale sunt homines peccatores. Et licet per revelationem sciremus, quod Episcopi, qui dederunt votum pro aliquo Decreto Fidei in Concilio Generali, sint Adulteri, &c. adhuc tamen illud Decretum est validum, sanctum, & ipsi obediendum, nam illi adhuc sunt veri Episcopi, & contrarium erat hæresis Joannis Hus in suo Articulo 30. ut patet ex Constantiensi Sessione 15. ubi refert articulos illius Hæretici. Ut ergo Papa sit Caput Ecclesiae sanctæ,



Sanctæ, fufficit, quòd dum loquitur Ecclefiam, vera, & sancta loquatur: *Hinc Christus dicebat, esse obediendum Pharisæis sedentibus super Cathedram Moysi, non tamen esse faciendum, sicut illi faciebant.* Sic etiam Divus Petrus Epistol. 1. cap. 2. admonebat esse audiendos præpositos etiam discipulos; ergo ad Caput visibile Ecclesiæ Sanctæ militantis fufficit, quòd doceat Sancta, nec est necesse, quòd faciat Sancta.

71. Gerson ex eo, quòd Divus Paulus reprehenderit Divum Petrum, infert Papam posse publicè redargui per Doctorem Theologum, qui in officio prædicationis succedit Paulo, etiam ubi non hæreticaret, vel erraret in fide. Quando quis posuit conclusionem falsam, nil mirum est, si falsa, & absurda accipiat pro illa stabilienda. Ridiculum, falsum, & periculosum est dicere, quòd Doctor Theologus succedat in officio prædicationis ipsis Apostolis. Nunquid Theologi poterunt prædicare sine licentia Episcoporum? Si succedunt, vel succedunt ex officio, velex delegatione. Si primum; ergo Theologi, qui non prædicant, peccant mortaliter. Si secundum, ubi reperitur hæc delegatio? Præterea scimus, quantum Episcopi obstituerint Regularibus, etiam in Theologia peritissimis, quamvis haberent privilegia Apostolica, ne prædicationis munus obirent. Quæro insuper, quibus Gentibus Doctor Parisiensis prædicare debebit? quibus Salmaticensis? Audiant hæc Sectatores Gersonis, ut cum viderint illum errare in re manifesta, credant potuisse errare in alia difficili, & obscura. Episcopi successerunt in locum Apostolorum ex Tridentino Session. 23. cap. quarto.

72. Aliud absurdius audiamus. In quinto Argumento asserit; data nostra Sententia sequi, quòd injustè oppressus à Papa non haberet refugium, & defensore suæ innocentie, cum supponamus Papam, non habere Superiorem in terris. Hoc Argumentum, si probare; aliquid, destruit Regimen Monarchicum; & tamen Aristoteles dixit:

*Monarchiam esse Dominationem perfectam.* Sequela probatur, quia in Regno Monarchico non datur Tribunal Superius; & in temporalibus hi Reges clamant, se non habere alium Superiorem præter Deum. Insuper omnes Reges sunt homines peccatores, & habent plures occasiones, commoditates, & facultates injustè persequendi Innocentes. Scimus factum Uriæ, & plurima alia similia. Persecutio Papæ secundum potentiam Papalem jam scimus esse Spiritualem. Mæ excommunicet, quod est maximum malum, quod potest inferre. Si est excommunicatio injusta, eo quòd sum innocens, in foro Conscientiæ me non ligat. Quòd si in foro fori apparebit iusta, hoc non est adeo malum grave, quòd propter hoc debuerit Christus instituere Concilium Generale Superiorem Papæ. Nunquid, etiam si Papæ excommunicaret centum injustè, propter hoc esset congregandum Concilium Generale?

73. Tum quia hoc tardum remedium interviret pro honore mortuorum, non pro solatio viventium; tum quia, sicut in temporalibus, qui casus frequentius accidere valet, si subditus à Rege injustè insectatur, fugit, & se abscondit; sic faciat in Spiritualibus. Post mille annos hic casus nondum lectus est; cum ergo sit adeo rarus, à Legislatore Christo Domino non erat curandus. Nam Legislatores solent inspicere, quæ sæpe eveniunt. I. nam ad ea. ff. de leg. Non est autem adeo rarus casus, quòd insurgant novæ Hæreses. Et si Christus instituisset, quòd Concilium esset Index infallibilis Fidei, jam ante congregationem Concilii, & Judicis ultimi Senientiam, hæreses figerent radices, & difficiliter postea eradicarentur, quòd non succederet, si Papa esset infallibilis, quia tunc fideles statim edocerentur veritatem; & sic ab Hæreticis non deciperentur. Si verò supponamus Papam fallibilem, Hæretici tunc dicerent, Papam in sua decisione errare; & sic expectandam esse decisionem Concilii, quæ dum attenditur, interim Hæreses deci-

piunt auditores, ut factum est in hæresi Lutherana, ut dixi.

74. Absurdissimum verò est, quod ibi dicit Gerson. Audiamus. Si Concinator coram Papa prædicet, & magna multitudine, & dicat Christum fuisse verum Prophetam, & Papa jubeat, ut propter hoc Concinator tradatur in Carcerem, si credat Concinator, quòd, si se appellet ad Concilium Generale, Populus proteget eum, & manebit in Fide recta. Si autem non appellaverit, Populus reputabit, quòd Papa verum dicat, & bene faciat, & ita deferat Fidem. Tunc, subdit Gerson: Concinator potest dicere: Concilium appello, sicut Paulus timens à seditiosis occidi, clamavit; Casarem appello. Addit hanc Doctrinam latissime, & studiosissime prosequutum fuisse Ocham in suo dialogo.

75. Hic Gerson confundit potestatem Spiritualem Papæ cum potestate Temporali ejusdem, quam per accidens habet.

Dico primò, hunc innocentem non tradi in carcerem ex vi, & potestate directa, quam Christus dedit Papæ, sed ex potestate Temporali, quam Constantinus donavit Pontificibus. Si enim Papa non esset à Casare constitutus Dominus temporalis, difficulter haberet Satellites, à quibus Concinator duceretur in carcerem.

Jam scimus, omne jus, & omnem potestatem, quam habebat Populus Romanus translata fuisse in Imperatorem. l. 1. si de cons. Princip. Unde Imperator est Supremus Dominus, nec ab ipso poterat appellari ad Populum. Nunc quot Imperatores sceleratissimi fuerunt, qui injustissime persequuti sunt non unum, non mille, sed innumerales homines, familias, &c. qui innocentes aliud Tribunal non habebant, ad quod appellarent, nisi Deum; & tota eorum salus sistebat in fuga. Nunquid propter hoc non est optimè statutum, & optimè translatus Imperium in Imperatorem? Inveniri Regimen, in quo vulgum absurdum, & inconveniens, etiam per accidens, sequatur, est impossibile in hoc Mundo, in Epyre

habitur solum. Potest statui Regimen in terris, quod sit aptum ad tollenda incommoda, quæ frequenter possunt accidere, & hoc est Monarchicum in Papa quoad negotia Spiritualia. Tum quia si Papa habet potestatem tradendi in carcerem Concinatorem in illo ficto casu adeo injusto, habebit etiam vires compescendi plebem; & si supponitur adeo injustus, & impius; debet etiam supponi callidus, & astutus, ut prius modum secum exegerit ad tutè in carcerem conjiciendum Concinatorem. Videte subtilitatem Adversarii; Fabricat casum moraliter impossibilem, & prætendit, quòd Christus respexerit ad illum in fundanda Religione Christiana.

76. Dico secundò, supponendo, quòd Papa habeat solum potestatem Spiritualem, quæ per se ipsi competit, jam Concinator non traditur in carcerem; fingere verò, quòd appellatio ad Concilium sit medium aptum ad retinendam plebem in fide, hoc fit omnino gratis, nec ulla videtur connexio inter illa, nisi ad summum per accidens, de quo non est curandum; quæ enim per accidens eveniunt, non veniunt in considerationem scientiæ, ait Divus Thomas in 2. dist. 24. quæst. 2. art. 4. ad 6. & alibi pluries. Medium aptum retinendi auditores in fide erit, quòd Concinator deceat illos asserendo Scripturas, & Patres. Vera enim Doctrina tollit errores. Quando verò dicit Gerson Doctrinam suam fusissimè tractari ab Ocham, nihil juvat, cum hic Doctor fuerit insensissimus Pontificibus. Sic etiam nec illi juvat, suam opinionem defendi præter Doctores supra allatos à Glossa in c. legimus. V. Urbe. 93. dist. & in c. nemo. 9. quæst. 3. V. neque ab omni Clero. & ab Angelo. V. opinio. num. 1. & Pelbarto in Rosar. V. opinio. num. 12. Qui duo Summistæ dicunt, Concilium præponi Papæ in concernentibus rebus fidei, quia Orbis major est Urbe. d. c. legimus. In aliis verò præponi Papam. Sunt quidam, 25. quæst. 1. & c. Anstiasus, 19. dist. Non, inquam, juvat illi,

nam multitudo Doctorum nihil prodest, quando moventur levibus argumentis, & contra ipsos militant rationes convincentes.

77. Quòd Orbis sit major Urbe, si quid probat, potius probat, quòd quoad mores debeamus sequi sententiam Concilii, non Papæ, quia Hieronymus illud dictum profert ad probandum, quòd mos potius sequendus sit Orbis, quam Urbs. Et ad hoc intentum assertur à Glossa in d. c. *legimus. V. Major*. Adhuc tamen nec ullo modo favet Concilio hujusmodi probatio; quia consuetudo Ecclesiæ Romanæ est duplex, ut notat Glossa ibidem. *V. Urbis*. Una, quam servat, & mandat, ut servetur ab aliis, de qua loquuntur *c. nolite. & c. quis nesciat. 11. dist.* & hæc prævalere debet Concilio, & omnes debent illi obedire, ut patet ex dictis. Alia, quam servat, sed non mandat, ut servetur ab aliis, & de hac loquitur *c. legimus. & tunc valet: Orbis major est Urbe*.

78. Denique pro mea Sententia aliud propono, quòd mihi evidens apparet. Videmus, Papam supremam Jurisdictionem in toto Orbe exercere. In foro pœnitentiali absolvit omnes fideles in omni loco ab omni peccato, & censura, ut in Jubiliis. Dispensat ab omni voto, & impedimento Canonico, ut patet in Sacra Pœnitentia, utque uno verbo dicam, ipse utitur in praxi illis universalissimis Regulis: *Pasce oves meas; Quodcumque ligaveris super terram*. Quod verò hæc tanta jure faciat, videantur Summistæ, Angelus, Nicolaus de Aulmo ex Antiquis; ex Modernis Sylvester. Verb. *Papa*. Legatur etiam Divus Antoninus 3. part. tit. 22. per totum. Nunc quæro, an Papa hæc faciat Autoritate Divina, an Ecclesiastica, sicut Vicarius Episcopi facit auctoritate data sibi ab Episcopo. Si primum dicatur; ergo, si hanc Autoritatem habet independentem ab Ecclesia, Ecclesia non potest illam coarctare, nec limitare.

79. Ex alia parte Adversarii fatebun-

tur Concilium Generale habere talem Autoritatem; tunc quæro iterum, si Concilium, & Papa differrent, cui standum esset? Papæ? Ergo in plurimis Papa esset supra Concilium; & si hoc concedatur, non adest ratio, cur non concedatur in cæteris; præcipue cum Autoritas Pontificis deducatur ab illis Regulis: *Pasce oves meas; & quodcumque ligaveris, &c.* Quæ cum sint Universales, nulla adest ratio ad illas limitandas ad hæc, & non ad illa. Præterea si Concilium quoque habet illam Autoritatem, vel habet à Papa, & sic idem sequitur. Vel habet à Deo; & sic, cum Autoritas Jurisdictionis ordinariæ possit delegari, jam Concilium Generale posset suam Supremam Jurisdictionem alicui Episcopo delegare; & sic constituere Episcopum tantæ Autoritatis, ac Summus Pontifex, cum hac sola differentia, quòd Papa polleret Autoritate Divina Christi, ut dicitur *c. omnes. c. sacrosancta. 12. dist.* & alibi pluries; Ille verò Episcopus tanta Autoritate fulgeret Ecclesiastica lege. Et quidem Concilium haberet motivum sufficiens hoc statuendi in India Orientali, & Occidentali, quæ adeo distant à Romano Pontifice. Si hoc concedatur, ut debent concedere, qui volunt Concilium sine Pontifice habere Jurisdictionem immediatè à Deo, jam vident Schismata, & divisionem Ecclesiæ, & subtractionem ab obedientia à Christi Vicario, unde unus posset dicere: *Ego sum Pauli, Ego sum Capiti &c.* contra id, quod volebat Paulus 1. Cor. 1. & contra id, quod Canones, & Tridentinum asserunt, Ecclesiam Romanam esse Matrem, & Magistram omnium aliarum Ecclesiarum.

80. Si verò Adversarii dicant, hæc tanta peragere Autoritate Ecclesiæ, & Concilii Generalis, ut videtur tenere Glossa in *c. Concilia. 17. dist. V. Iussione*. jam sequitur evidenter, jure Divino Papam non habere majorem Jurisdictionem, ac habeat quilibet Episcopus; sequitur ulterius per Concilium posse statui Episcopum, qui polleat majore

jore Authoritate Papæ; & sic divisio, & Schisma Ecclesiæ, ut dixi; tum quia, cum ex Trident. Sess. 14. c. 7. & Sessione 24. cap. 1. de Reformat. Pontifex habeat curam, & Sollicitudinem Universæ Ecclesiæ; ergo hoc privilegium nequit ipsi tolli absque hæresi, quia, qui Romanæ Ecclesiæ privilegium ab ipso Summo omnium Ecclesiarum Capite traditum auferre conatur, hic procul dubio in hæresim labitur..... fidem quippe violat, qui adversus illam agit, quæ mater est Fidei, & illi contumax invenitur, qui eam cunctis Ecclesiis prætulisse cognoscitur. Unde & ipse Sanctus Ambrosius se in omnibus sequi Magistrum Sanctam Romanam proficitur Ecclesiam. Sunt formalia verba. c. omnes. 22. dist.

81. Hæc breviter dicta sint pro aliquali solutione tantæ quæstionis. Pro qua videantur ex Antiquis Divus Joannes à Capistrano, & Turrecremata in Summ. Ecclesiæ. nec omittatur Divus Antoninus ubi suprâ cap. 6. §. 20. & hic tenet ad Papam pertinere confirmationem Concilii; A Synodo appellari posse ad Papam; Papam posse sine Concilio determinare Articulos Fidei; & Joannes de Neapoli in Quæst. variis. quæst. 39. Ex Modernis verò legantur Magnus Suarius de Virt. Theol. disp. 3. §. 9. & 10. qui diligentissimè tractat hæc quæstiones; & de Fide contra Anglos disp. 10. Canus de Locis Theologicis præcipuè lib. 6. Cardinalis Tuscus. Verb. Concilium. concl. 552. & Bellarminus de controversiis Fidei. Tom. 1. controversi. 3. & Tom. 2. lib. 2. de Concil. Nec omittatur Diana part. 11. tract. addit. 2. qui resolut. 2. more solito adducit plurimos. & resolut. 4. assert censuras, quas nostri Doctores præstant in Doctores sustinentes Pontificem non esse infallibilem. Legatur etiam Antonius Vaira Lector Primus Juris Canonici in Celebrissimo Lyceo Patavino, qui Tomum integrum de hac materia edidit Anno 1704. & acerrimè confutat Aloysium Mayburgum, qui ausus est sustinere oppositum.

82. Denique videatur Antiquus Asten-

sis lib. 6. titul. 39. de Papa. Hic art. 2. refert, & explicat plures versus, in quibus explanantur, quæ propria sunt Papæ. Erat proprium Antiquorum redigendi ad metrum illa, quæ apud ipsos veluti effata, & axiomata erant; & hoc faciebant, ut facili memorie mandarent. Primus versus erat: *Si sic Catholicus, Papam non judicat ullus.* Decimus nonus dicebat: *Nec Legi subditur ulli.* Ecce apud Antiquos erat axioma Papam Catholicum à nullo judicari, & nulli esse subiectum.

83. Claudamus quæstionem, & cum Divo Hieronymo Epistol. ad Damasum in Exposit. Symboli relato in c. hæc est Fides. 24. quæst. 1. ad Beatissimum Pontificem præsentem Clementem Undecimum humili corde dicamus: *Hæc est Fides, Papa Beatissime, quam in Ecclesia Catholica didicimus, quamque semper tenuimus, & tenemus, in qua si minus perierit, aut parum caute forte aliquid positum est, emendari cupimus à te, A te, inquam, & sic sine Concilio etiam.* Sed quare à te, cum aliàs es infallibilis? Ecce rationem evidentem: *Qui Petri Fidem, & Sedem tenes. Sin autem hæc nostris Confessio Apostolatus tui iudicio comprobatur, quicumque me culpare voluerit, se imperitum, vel malevolum, vel etiam non Catholicum, (nota hanc vocem) non me hæreticum comprobabit. Sancta Romana Ecclesia, quæ semper immaculata mansit, & Domino providente, & Beato Petro Apostolo operante, in suum manebit sine ulla Hæreticorum insultatione prævalente, firma, & immobilis omni tempore persistet.*

## CAPUT IX.

De Propositionibus damnatis à Clero Gallicano, & ab aliquibus Universitatibus.

1. Quamvis sit decisum in Jure c. m. 1. jores. de bapt. Causas Fidei esse refe-

referendas ad Sedem Apostolicam; tamen Antiquis etiam temporibus Concilia Provincialia, & Nationalia questiones Fidei decidisse constat ex pluribus Conciliis Aphricanis, Toletanis, & Arausicanis. Hinc hæc exempla sequens Clerus Gallicanus Anno præcipue 1700, in Palatio Sancti Germani conrogatus ad Comitata Generalia, idest, Nationalia Galliarum, edidit Decretum spectans ad Fidem, & mores. Hoc decretum legi ego in fine Libri, cui titulus: *Questiones Paralipomenæ Natalis Alexandri*.

2. Supponendum est autem ut certum apud omnes, decisiones Concilii, etiam unius Nationis integræ, non facere rem certam; quia possunt esse falsæ. Et de facto Provincialia Concilia errare, unde Divus Thomas 3. part. quæst. 80. art. 6. ad 3. asserit derogatum fuisse c. *Septem continet*. 2. quæst. 3. & est Decretum Concilii Vormaciensis, in quo jubebatur, ut in purgationem de crimine suspectus Eucharistiam acciperet. Ibi verò dicit Divus Thomas, hoc factum esse tentationem Dei; unde sine peccato fieri non posse. Insuper Divus Cyprianus cum octuaginta Episcopis decrevit Baptisimum hæreticorum non esse validum. 32. dist. c. *præter hoc*. §. *Verum principia*. fin. quod Decretum posita tanquam hæreticum explosum fuit ab Ecclesia, ut notat Bellarminus in controversi. Fidei Tom. 3. cap. 10. Alia exempla Conciliorum Provincialium errantium asserit Cano de Loc. Theol. lib. 3. concl. 4. Ratio verò supposita est, quia nullibi reperitur concessum tale privilegium Conciliis Provincialibus; quin reperitur statutum, ut à Conciliis Provincialibus ad Romanam Sedem provocetur, ut legenti 2. quæst. 6. per totam patebit.

3. Ex hoc supposito sequitur, decisionibus talibus non esse necessario credendum, sed posse contrarium sustineri, & adhærere aliis Doctoribus, licet non sint in Episcopali dignitate constituti arg. c. *ego solus*. 9. dist. ubi Glossa Verb. *Qualibet*. expressè dicit, quod

veritas à quocunque prolata semper præferenda est ex c. *queritur*. 2. quæst. 7. & aliis iuribus. Ratio etiam est, quia cum illæ decisiones sint fallibiles, iam intellectus non cogitur ab illis, cum solum ab evidentia cogatur, ut alibi dixi.

4. Hic posset inquiri, an Episcopi valeant præcipere suis subditis, ut sequantur suas decisiones. Quæstio est de subditis, quia Lex non obligat, nisi suos subditos, ut patet ex iuribus. In hoc est certum, quod subditi, si sint extra territorium Episcopi, & sic etiam Concilii Provincialis, non tenentur obedire, & sequi decisiones Episcoporum, & Conciliorum, quia extra *Territorium sui dicenti impune non paretur*. Dubium ergo restat de subditis existentibus intra Territorium. Circa quod, loquendo de obedientia quoad actus voluntatis, puto certum subditos debere obedire. Hinc puto certum, quod Galli existentes in Gallia, excipio Regulares exemptos, debent in praxi uti decisionibus Cleri Gallicani. Hinc, quia Clerus Gallicanus num. 66. videtur damnasse opinionem de æquivocis, Galli in suis actionibus nequeunt uti æquivocis sine peccato. Sic etiam nec possunt defendere res suas occidendo, licet inde sequatur gravissimum nocumentum, quia pariter hæc opinio damnata est à Clero Gallicano num. 36. Ratio est, quia tenemur obedire Superioribus, etiam in probabilibus, & dubiis. arg. c. *quid culpatur*. 23. quæst. 1. & expressè ibi Glossa. V. *Iniquitas*.

5. Loquendo verò de obedientia quoad actus intellectus, scilicet, an teneamur tenere opinionem decisam ab Episcopis, hic mihi nec opus est, nec juvat talem questionem decidere. Vide Asten. 1.6. t. 47. ar. 3. q. 8. Ego sum in Regione, in qua Episcopi non solent hæc præcepta incere, & damnant solum propositiones; quæ à Sede Apostolica describuntur, & in hoc plurimum illos laudo, nam indecorum valdè esset, si contingeret, quod aliqua propositio damnata ab Episcopis, aliquando falsa comperiretur; ergo, si aliqua propositio videtur Episcopis

scopis falsa, & lapsa, consultus erit; si prohibeant solum praxim, quod certo facere possunt, & nihil decernant de eius veritate, ne fortè ipsi errent; tum quia non per hoc Doctores opinionis contrariae mutabunt opinionem: immò possent conqueri, dum videant suas opiniones proscribi sine ratione evidenti, & ab iis, ad quos ex officio non spectat iuridicè interpretari. Loquimur enim hic de opinionibus in materia iuris Naturalis, Divini; & Ecclesiastici; Horum porrò iuridica declaratio spectat ad Summum Pontificem; cum enim illius sit interpretari, cuius est condere juxta legem *fin. ff. de leg. & c. inter alia. de Sentent. excomm.* Et juris Ecclesiastici communis sit Author non Synodus Nationalis, sed Generalis, & Papa; ergo interpretatio iuridica juris Ecclesiastici communis ad Papam spectat. Iuris quoque Naturalis, & Divini est Deus Author, cuius cum vices gerat in terris Vicarius Christi Summus Pontifex, non verò Episcopi, sequitur, quod iuridica interpretatio horum iurium spectet ad Papam, non verò ad Episcopos. Hinc in *c. multis. 17. dist.* subetur, ut, *si in Conciliis Provincialibus exorta fuerint maiores, & difficiles quaestiones, (ut Sancta Synodus statuit, & beata consuetudo exigit,) ad Sedem Apostolicam semper referantur.* Idem dicitur *c. maiores.* de bapt. Nota illam particulam *Semper.*

6. Ego consulerem semper Episcopis, ut abstineant à damnatione propositionum, quæ adhuc hinc inde inter Catholicos Doctores controvertuntur; sic enim non se exponerent periculo erroris, & impugnationis, quæ posset fieri à Doctoribus sequentibus opinionem oppositam; tum quia allatis Sacris Canonibus adamussim obedirent, sicut & Decreto Innocentii Undecimi, in quo damnat illas 65. propositiones; In fine enim illius dicitur: *Tandem ut ab injuriosis contentionibus Doctores, seu Scholastici, aut alii quicumque imposterum (nota quod omnes comprehendit) se abstineant, & ut paci, & caritati consula-*

*tur, idem Sanctissimus in virtute Sanctæ obedientie eis præcipit, ut tam in Libris imprimendis, ac Manuscriptis, quam in Theisibus, disputationibus, ac predicationibus caveant ab omni censura, & nota, nec non à quibuscunque conviciis contra eas Propositiones, quæ adhuc inter Catholicos hinc inde controvertuntur, donec à Sancta Sede recognita super usdem Propositionibus iudicium proferatur.*

Si dicamus, hoc Decretum ligare solos Doctores in particulari, non verò Universitates, nec Episcopos, & multò minùs Concilia Provincialia, si, inquam, hoc dicamus, adhuc Episcopi, Concilia Provincialia, & Universitates debent abstinere, me iudice, à censurandis Catholicorum opinionibus; nam ex verbis Pontificiis habetur, quod tales censura pacem turbant; sed nemo etiam Episcopus, debet pacem turbare, ut liquet; ergo nemo, etiam Episcopus debet, censurare opiniones Catholicorum; Sed si Episcopi videntur contraria bonis moribus, praxim prohibeant illarum, quod possunt, sed non censurent veritatem earundem.

Hic autem ratiocine non possum (salva semper reverentia Illustrissimo cætui) aliqua, quæ mihi digna notatione videntur super modum procedendi prædicti Conventus Gallicani. In Praefatione illius dicitur: *Illud Concilium celebratum fuisse, ut occurreret Ecclesiæ laborantis incommodis.* Sed hoc officium ad Caput Ecclesiæ pertinet procul dubio, non ad Ecclesiam Gallicanam; nam hæc, sicut & cæteræ, sunt vocatæ in partem Sollicitudinis, non in plenitudinem potestatis, ut dixi ex *c. decreto. c. quæ se fecit. 2. quæst. 6.* & in Conciliis Provincialibus, sic & Nationalibus non sunt tractandæ majores, & difficiles quaestiones, (ut Sancta Synodus statuit, & beata consuetudo exigit) Sed ad Sedem Apostolicam sunt referendæ, *c. multis. 17. dist. c. quoties. 24. quæst. 1.* Quia tamen, ut dixi, introductum est per consuetudinem, quod in Galliis in Comitibus Generalibus tractentur negotia

tia Fidei, quæ sunt majores Quæstiones, ut notat Glossa. V. *Majores. d. c. multis.* Non tamen introductum fuit, nec introduci potest, quòd Ecclesia Gallicana debeat gerere curam Ecclesiæ, membrum liquidem regere corpus non debet, sed solum Caput. Ideo Episcopi Gallicis incommodis Ecclesiæ Gallicanæ, non Ecclesia providere debent. Præterea in hoc Concilio examinantur, & discutuntur propositiones jam damnatæ à Sede Apostolica; & quæ dicuntur tempus non permittit, non proscribuntur. Hinc licet Alexander Octavus ante decem annos damnaverit 31. propositiones, hæc à Clero Gallicano non notantur, una excepta. Ex quo videtur sequi, quòd Decreta Pontificia in Gallia recipiant firmitatem à Concilio. Et tamen scriptum est: *Nec ullum ratum est, aut erit unquam Concilium, quod non falsum fuerit ejus auctoritate. C. Regula. 17. dist.*

7. Denique observo, quòd in margine Propositionum damnatarum aliquando ponitur Censura Pontificum, aliquando alicujus Episcopi Gallicani, aliquando etiam alicujus Vicarii Generalis particularis Episcopi; aliquando verò simul Pontificis, & Episcopi. vel Vicarii. Nescio, an hæc margo sit in actibus Concilii, an verò sit notatio alicujus Doctoris. Hac notatio nullo modo mihi placet, quia sicut stellæ augere nequeunt lumen Solis, ita nec Episcopi augere possunt Auctoritatem Pontificum, qui assumpti sunt in plenitudinem potestatis, & qui ita vires suas aliis Ecclesiis impertiuntur, ut hæc Ecclesiæ, & ita illarum Episcopi, in partem sint vocatæ Sollicitudinis, ut dicebam ex allato c. decreto. & c. *qui se jcit.*

8. Si Episcopi, & Concilia Provincialia non sunt infallibilia, multò minuserunt infallibiles Universitates, quin puto, cæteris paribus, plus valere decisionem Concilii Provincialis, quàm alicuius Universitatis, etiam Magnæ. Hinc pluris æstimandæ sunt decisiones Conventionis Gallicani, quàm Universitatis Parisiensis. Ratio est, quia S. i-

ritus sanctus posuit Episcopos regere Ecclesiam Dei; ergo cum Jure Divino teneantur regere, & docere populos, populi debent jure Divino obedire Episcopis, & contra populi non tenentur obedire Universitatibus, quarum potestas est solum dandi Lauream Candidatis, & explicandi veritatem, non verò imperandi.

Dices: In jure Doctores, & Universitates habent facultatem interpretandi Leges; ergo Doctorum explicatio est Juridica, & Authentica. Antecedens constat ex Præfatione Decretalium Gregorii, & aliorum Decretalium, in quibus Pontifices mittunt Decretales Universitatibus quibusdam, ut illas interpretentur, & legant.

9. Respondetur, Interpretationem legis factam ab Universitatibus, & Doctoribus esse quidem derivatam à legibus, quatenus hoc leges concedunt, non tamen esse necessariam, quasi quòd teneamur sequi illam interpretationem, sed esse liberam, ut colligitur ex l. un. *C. de profess qui in Urbe Constant.* & notant Glossa. §. *ex his omnibus.* el. 1. 11. qu. 1. & Divus Antoninus 1. part. tit. 17. §. 7. Quando autem assero, interpretationem Doctorum non esse juridicam, intelligo de necessariâ, quæ habet vim legis, de qua agitur l. 1. *C. de leg.* & hæc prodit ab eo, qui legem tulit. Vide Gloss. & Antoninum ibid.

10. Hic posset fieri Quæstio, an per prædictum Innocentianum Decretum Universitates teneantur imposterum abstinere à censurandis opinionibus, quæ adhuc inter Catholicos controvertuntur.

Respondetur primò, ipsos Doctores omnium Universitatum in particulari procul dubio teneri, quia hoc Decretum loquitur de Doctoribus expressè.

11. Respondetur secundò, mihi non esse certum, teneri ipsas Universitates, ut sunt quoddam corpus morale, & unum Collegium, quia in dicto Decreto nullum datur verbum, quod expressè, & clarè loquatur de communitatibus.

12. Respondetur tertio, Motivum tamen, propter quod factum est illud Decretum, reperiri etiam in Universitatibus, quia Censuræ Universitatum de aliqua opinione possunt frangere pacem, & causare rixas; Nanque Doctores opinionis censuræ conquerebuntur de tali Censuræ, cum Universitates, ut dixi, habeant solam facultatem interpretandi liberè leges, & earum interpretationes non cogant, & possint errare.

13. Ex his omnibus sequitur clarè, me ritè, & rectè processurum, nec ab ullo culpandum fore, eo quod in hoc Libro sequar aliquando propositiones censuratas à Clero Gallicano, & ab aliquibus Universitatibus. Hoc enim faciam innixus validissimis rationibus, & salva semper honorificentia nedum illis Magnis Episcopis, sed aliis viris doctis, ac aliis omnibus. Ego enim omnes colere volo, & nullum spernere, aut denominatione minus digna aliquem appellare, ut faciunt Adversarii, præcipuè Vendrochius, qui quos Theologos sibi faventes videt, quamvis communiter non censeantur maximi, maximi illos facit, & in Theologorum choro reppit; qui verò sibi adversantur, nihil querit, & spernit. Hoc idem facit de Episcopis. Ipse laudat magnopere quemlibet Episcopum in particulari, qui in Gallia Decreto damnaverit Probabilitatem. Benè facit; Episcopi sunt venerandi, ac magni faciendi. Martinus Bonacina fuit Episcopus, & Doctor Theologus, & Canonicus, & insuper composuit magnam Summam Moralem, quam solus invidus non laudabit; Hunc verò Episcopum nullius autoritatis virum vocat Vendrochius.

14. Dicat Vendrochius mihi: Illi viri Galli fuerunt Episcopi, & Doctores; Sic fuit Bonacina; in hoc sunt pares. Bonacina fuit Doctor in duplici facultate, quod de illis Gallis Episcopis non constat; ergo in hac ratione Bonacina excellit illos Gallos. Bonacina composuit Summam, quæ undique expetitur, & ab omnibus legitur, & à Moralistis, & a iurisperitis, Probabilioristis, lum-

mis laudibus effertur. Episcopi illi summam ullam Moralem non fecerant, nec de Moralibus quæstiones publicè tractarunt, unde licet illos ut Magistros Theologiæ Speculativæ, utpotè Laureæ Theologica decoratos; vel ut Sacrorum Canonum peritos; & sic Casuum Conscientiæ legis humanæ gnaros, utpotè Juris Doctores, debeamus colere, & venerari, non tenemur eosdem credere totius Moralis Sapientes. At Bonacinam ob hunc quoque titulum venerandum esse, liquet manifestissimè. Cur ergo tantoperè laudat Vendrochius quoslibet illorum Episcoporum, & Episcopum Bonacinam sic vituperat? Ego aliam rationem diversitatis non video, nisi quia illi favent Vendrochio, hic verò adversatur. Ego sic non faciam, omnes laudare placeat, & si doctrina non placeat illorum, sequendo monitum aureum August. epist. 111. *Illos cum reverentia dimittam*, ut sæpius Lectores meos monui.

## CAPIT X.

### *Errores plurimi Glossæ Canonica.*

Invitus accingor ad narrationem errorum Glossatoris Canonici, & aliorum Antiquorum; ego enim volo aliorum defectus tegere, vel defendere, si fieri posset. Invitus accingor tamen ad huiusmodi evagationem, in qua si aliqua culpa erit, tota Adversariis erit tribuenda. Ipsi contra nos sic argumentantur. Doctrina, ex qua sequuntur plurima absurda, est abicienda; sed Probabilitas est doctrina, ex qua plurima absurda oriuntur; ergo Probabilitas est abicienda. Major est lumine naturali notissima, & ipsis Summulistis Logicis datur pro regula, *Ex verò non nisi verum sequi*. Probant ergo minorem, & illam probant asserendo plures propositiones, quas ut probabiles docent Probabilitatem. Huiusmodi argumento utuntur Fagnanus. *C. ne innuat. r.*



de constitut. num. 335. ubi dicitur: *Innumeras propositiones falsas, velut ab Equo Trojano, egredi ab opinione probabilis.* Vendrochius Not. 1. epistol. 5. sect. 3. §. 5. dicens: *Probabilitatem pandere latissimum aditum ad omnem impietatem.* Gonetius Tom. 3. dissert. de probab. art. 3. num. 64. & seqq. referens *monstra Probabilitatum.* Vincentius Baron apud Cardenas disput. 15. num. 361. & sequi. asserens: *per Probabilitatem scelera omnia evadere licita.* Jacobus à Sancto Dominico apud eundem Cardenas disp. 56. cap. 21. art. 5. probans: *Probabilitatem relaxare Conscientias plurimis laxis opinionibus.* Sed nihil mirum elset, quod hi Doctores tali argumento inniterentur; nam scribunt in Probabilitatem tanto ardore, & acri disputatione, ut possimus suspicari, quod calor disputationis ita ipsis cerebrum calefecerit, ut mens non potuerit haurire species claras ad discernendam imbecillitatem argumentationis. Res mira est, eandem argumentationem adhibuisse Fogarinum disp. 3. part. 3. sect. 2. num. 36. & sequi. ubi dicit: *Propositiones damnatas à Pontificibus provenire à Probabilitate; & alios Probabilioristas, qui stylo gravi Probabilitatem infectantur.* Quin Illustrissimus Clerus Gallicanus in §. de dilectione Dei. scribit: *Probabilitatem esse initium damnatarum propositionum.*

2. Non est hujus loci respondere prolixe directè huic argumento; suo loco hoc faciam. Sufficiat dicere, illas propositiones, quas docent Probabilitate, non tradi ut probabiles, vel minùs probabiles, sed ut plurimum tanquam Probabiliores; unde si argumentum probaret, probaret nec etiam Probabilioristam esse bonam regulam morum contra ipsos.

3. Sed demus id, quod volunt; nunc cogor respondere ad hominem, contra ipsos retorquendo argumentum evidenter. Dico evidenter, nam atsero, quod Adversarii non poterunt aliquid repone- re; ecce argumentum. Doctrina ex qua sequuntur plurima absurda, est ab- picienda; Sed ex Doctrina Antiquorum

sequuntur plurima absurda; ergo Doctrina Antiquorum est abpicienda. Minor patebit capite præfenti, & seqq. in quibus Glossæ, & aliorum Antiquorum plurimas propositiones falsas, & laxas referam. Et nota, quod plures referant, & quidam etiam laxiores, & perniciosiores. In materia de Confessione potestne inveniri opinio laxior, & perniciosior, quod non tenemur confiteri peccata? In materia eleemosynæ, quod ad eleemosynam non obligamur? In materia Duelli, quod consueundo excuset à Duello? Hoc autem faciam, quia sic melius nostros Probabilistas defendam.

4. Sed jam incipiamus historiam errorum Antiquorum, & ordiamur à Glossa Canonica. Ne scio, an, exceptis Sanctis Patribus, tantam doctrinæ estimationem aliquis Doctor consequutus fuerit, ut Glossator. Hic de Canonico sermonem habeo. Amplissimo calamo hæc laudes scribere Bertachinus, & Cardinalis Tuscus. V. Glossa. Superfluum puto iterum eas enarrare, quin & tædio plena res esset. Scire sufficiat, tot esse, ut fidem humanam longè superent. Inter minores hanc dices, quod sua Authoritas prævaleret aliis, ut notavit, probavitque Bordonus Theologus in Propugn. Opin. prob. cap. 5. num. 84. & Textus defectum supplere dictum ejusdem. Joannes Andreas, ut refertur in Gloss. fin. de regul. jur. scripsit de Glossa Decretalium, tantam sibi adeptam fuisse gloriam, ut, licet occideret, fama perennis erit.

5. Sed pauca in laudem Glossæ dictæ à Probabiliorista Fagnano audiamus in C. ne iniuriar. de const. num. 332. Quod maxime, inquit, in opinionibus Glossæ procedit, cujus Authoritas alias antecedit, si credimus Baldo in l. cum benedictas. C. de pos. & propterea idem Baldus in l. fin. §. necessitatem. C. de bonis, quæ liber. adducere, inquit, Olofredi veritatis, id est Glossæ, & in perpetuum non errabis. Et in C. contingit de dolo, & contum. asserit Baldus summisse, sicut accidit Doctores volentibus insinquare opiniones Glossæ.

*Glossarum.* & Cynus in l. non mortuum. c. de contraben. & commut. stipul. Ad-vocate, inquit, audi Idolum tuum. idest *Glossam*. Hinc juxta Fagnanum, *Glossator* est idolum Canonistarum. Hic peto ab ipso, quare vocet ritè Idolum *Glossatorem*, & Moderni nequeant vocare *Dianam Agnam Dei*? Nec quis credat Idolum dici, fumendo Idolum, ut sonat apud Catholicos Numen falsum.. & fictum, & mendax. Neutrumquam certè. Hoc nomine significant virum tantæ scientiæ eruditum, & imbutum, ut honorem summum mereatur, & ut ita dicam, thus, & adorationem à Sapientibus in genere Sapientiz, ut quidam Philosophus, *Confusius* nomine, apud Sinas philosophicè adoratur, ut narrat Pater Bartolus in *Historia Sinenfium* lib...

6. Ego potius supponens esse vera tot encomia, quàm talia credens, inquiram, an hoc Idolum semper velut oraculum, & sic veraciter, an verò, ut Idolum, & sic mendaciter, sæpius loquutum fuerit. Igitur obiter quærens in *Glossa*, quorum opus habebam, notavi hæc Propositiones, quas, an sint aut hæreticæ, aut erroneæ, aut temerariæ, aut scandalosæ, aut improbables, aut ridiculæ, & quædam contra evidentiū naturalem, ut tales ipsas pro certo habeo, munus erit Adoratorum *Glossæ*, & omnium Probabilioristarum, demonstrare hæc Censuris non subjacere. Ita verò illas noto, nec transgredior mandatum Innocentii Undecimi, quia hæc opiniones apud Catholicos hinc inde amplius non controuertuntur. Ego utor *Glossa* in De reum, & Decretales excussa Anno 1528 Tertio Kalendas Maii Venetiis. Hoc animadverto, quia *Glossator* fuit aliquando correctus, unde nollem, quod Adversarii me falsarium nuncuparent, si *Glossa* correctæ uterentur.

7. Igitur in c. consuetudo. 1. distinct. V. Quod Religioni conveniat; ait: Multa enim sunt contra rationem, tamen congruunt Religioni, ut Virginem peperisse & infra V. Quod saluti proficiat: Lice-

ratio sit, quod homo debeat persequi inimicum; tamen non proficit hoc ad salutem. Indist. 5. princ. V. Sed cum naturale. dicit: Puerpera, & menstruata usque ad certum tempus prohibebantur intrare Ecclesiam, sed modo neutra prohibetur: & hæc prohibitio est de jure naturali; ergo restat, quod jus naturale sit variatum.

8. In c. 1. dist. 13. V. Item adversus, asserit: Mendacium officiosum prolium à perisello, idest, qui renunciavit omnibus, esse peccatum mortale, dictum verò ab aliis, peccatum veniale. Eandem opinionem amplectitur. c. ne quis arbitretur. 22. quæst. 2. Verb. Non occiditur. Hæc *Glossa* à Divo Thoma 2. quæst. 110. art. 4. vocatur rationabiliter irrationalis. Sed si hic *Glossa* est nimium scrupulosa, 14. dist. c. quod ait. V. Periculosissimè, non videtur adeo severa; iam inquirens, an liceat pro salute spiritali proximi peccare venialiter, utramque opinionem refert, at nihil decidit. Quia tamen veram opinionem ponit secundo loco, potest dici illam sequi. Sed modus hic amplectendi opinionem in Doctore non arguit firmitatem in ipsis, sed Dubium.

9. In c. In his igitur. 23. dist. V. Pro beneficiis. c. quicquid invisibilis. V. Consultatione. c. honorantur 32. quæst. 2. V. Honorantur, & V. Desponsata. & in aliis textibus, quos infra refero, sustinet, Matrimonium gratiam non conferre, & ne videretur hoc casu dicere, probat, ut est moris Canonistarum, Canone Connubia. 32. quæst. 1. At hic Canon eodem modo probat hæc hæresim, ut veritas errorem, & falsitatem. Hæc hæresis damnatur à Tridentino Sessione 7. can. 7 & 8. de Sacramentis in genere. In c. qui Episcopus eadem. V. Dimittantur, ait: idest dimissa ostendantur, nam per Contritionem dimittuntur adulti peccata, non per Baptismum.

10. In c. unum Orarium. in casu, qui incipit, Habet, ait: Dicitur enim Crimen quodlibet peccatum mortale, vel veniale, quod ex deliberatione procedit, &

non deletur; nisi per pœnitentiam. Quæ verò procedunt ex infirmitate, vel ignorantia præcipit Jacobus alterutrum consiteri, quia facile dimittuntur. & V. Criminale. asserit, quod assiduitas, & contemptus vitandi veniale fiat mortale. Vide Glossatoris falsissimam rigiditatem.

11. In c. acutius. 26. dist. V. Significat. hæc habet verba: Et ita ipse Episcopus est Sacramentum (scilicet Episcopatus) sicut aqua ipsa. 1. quæst. 1. detrahe. In c. non nos. 40. distinet. V. Quis enim dicit: Facta Papa excusantur, ut homicidia Sampsonis, & Furta Hebræorum, & in c. homo Christianus. eadem dist. V. Cæter. habet hæc alia: Alii dicunt, quod circumstantia non aggravat peccatum, sed solus contemptus. Quam benignus Glossator!

In c. pervenit. 95. distinet. V. Concedit. asserit, quod Diaconus ex mandato Papæ potest conferre Diaconatum, & confirmare in fronte; Sed non potest Papa ei demandare, ut conferat ordinem, quem non habet. & in c. illud. ead. V. Christianus. affirmat, quod Episcopi debent benedicere Presbyteros, quia & ipsi Presbyteri sunt, & insimul debent Dei Ecclesiam gubernare. Quod autem unus Episcopus est maior, hoc fuit de consuetudine. Legatur Tridentinum Sess. 23. & constabit iure Divino Episcopos Superiores esse Presbyteris.

12. In c. detrahe. 1. quæst. 1. V. Detrahe. decedit, Puerum non esse baptizatum, nisi perleveret in aqua usque ad ultimum verbum forme; ibi quoque videtur tenere cum Gandulpho, quod elementum aquæ sit ipse Baptismus. Hinc lepidè illudicitur à Scoto in 4. dist. 6. quæst. 3. Attamen in cap. 1. de Consecr. dist. 4. tenet absolute, Baptismum consistere in aqua; Nevè sequatur illud absurdum, quod Sacramentum bibatur ab Asino, & aliis animalibus vastre molis, forsitan vult consistere equidem in aqua, sed tamen in solo ultimo instanti verborum. Sed facile esset, vitare hoc periculum quoad Asinum, & animalia similia, n in nullo labore cohi-

beri possunt, ne ingrediantur in locum, ubi Baptisma datur. Labor esset, & opus magnum remorari Catellos; Bestiolæ hæc siquidem leves pedibus huc, at illuc currunt tanta celeritate, ut nequeant, junctâ suâ corporis parvitate, tam facile capi, & prohiberi. Hinc dubitarem, ne in ultimo etiam verborum momento Baptisma sorberent. Hortarer ergo Parochum, si cultor Glossæ esset, ne talia animalia aleret, & juberet, ne Populi illa secum ducerent in templum. Hæccine poterant hæc ridicula, & inepta evulgari à Canonillarum Magistro?

13. In c. sicut filii. ead. V. Fisci. jubet, dandum esse Baptisma ei qui fide accedit, & in c. remissionem. V. Necessitatis. dicit: Videtur etiam, quod Baptismus non sit necessitatis Sacramentum. Tridentinum Sessio 7. de Baptism. Can. 3. decidit: Si quis dixerit Baptismum liberum esse, hoc est, non necessarium ad salutem, anathema sit. In c. manus. V. Impositio. asserit, quod manus impositio in pœnitentibus, si est publica, est Sacramentum, & ideo non reiteratur, & convenit tantum Episcopis, ut 26. quæst. 6. c. 1. & 50. distinet. in capite. Si est privata non est Sacramentum, & iteratur, & convenit etiam Presbyteris, ut 26. quæst. 6. c. Presbyteri. §. ecce. Si mens mea non fallit credo, Textum hunc continere geminam hæresim. In c. quod quidam. V. Homini. dicit arg. quod sententia baretici valeat, & ligatio, & solutio, cum jus ligandi, judicandi, atque solvendi à tempore consecrationis accipit.

14. In c. Presul. 2. quæst. 5. audaciter asseruit: Nunquid contra Papam duplicabuntur testes? Immo duo sufficient, (scilicet ad condemnandum Papam) & in hoc est deterius conditionis, quia ipse sine comparatione aliorum creatus est major, & ideo sine spe veniæ condemnandus est ut Diabolus. De pœnit. dist. 2. prince.

In c. nihil. 7. quæst. 1. V. Minimum. tenet, Sacerdotem debere abstinere à Celebratione Missæ, nisi cibis sit digestus. Hinc

Hinc sequitur eos malè agere, dum nocte Natalitia paulò ante mediam noctem ventaculum sumunt, & ipsa peracta celebrant. Addit tamen: *Medicinam fortè potest sumere*, ante Missæ celebrationem, *quia illa non connumeratur inter alimenta. ... quod non credo.*

13. In c. tempus. 13. quæst. 2. V. Pro Baptizatis. vult tam prodesse quibuslibet orationes in generali, & in particulari. Quæ Glossa quantum glossanda sit, lege Divum Thomam quodl. 2. art. 14. & Theologos, qui communiter asserunt, ceteris paribus, plus prodesse Orationes factas pro aliquo determinato, quàm pro omnibus in generali. Et in V. Pro valdè determinat, Orationes pro decedentibus in peccato mortali, si non sint valdè mali, valere iis ad mitiorem pœnam.

16. In princ. 13. quæst. 1. V. Quod autem. ait: *Infirmittas carnis duplex est. Unus est fomes peccati, scilicet originale peccatum, & quæ ex hac causa fiunt, imputantur.* Tridentinum Sessione 5. in Decreto de Originali peccato statuit de Fide, per gratiam Baptismi tolli reatum Originalis peccati. Adhuc tamen subdit: *Manere autem in baptizatis concupiscentiam, vel fomitem hac Sancta Synodus fatetur, & sentit.* Suprà verò dixerat, per Baptismum tolli totum id, quod veram, & propriam peccati rationem habet. Unde damnatur alius error Glossæ. c. si Concupiscentia. V. Habitat. eadem. ubi ait: *Non enim tollitur penitus Originale in Baptismo quoddam sui essentiam, sed ejus effectum mitigat Baptismus, ne per illud damnemur.*

17. In c. sanè. quæst. 3. eadem. V. Ad instar. ait: *Item Simonia est majus crimen, quàm hæresis, ut i. quæst. 1. c. eos. Immo est majus crimen, quàm aliud crimen.* Simonia est peccatum in res Sacras quidem, tamen creatas; Hæresis verò, odium Dei, & desperatio, cum sint vitia opposita Virtutibus Theologalibus, sunt peccata immediatè in Deum. Numquid major erit injuria facta Creaturis, quàm Creatori, famulis, quàm domino, rebus, quàm per-

sonæ, subdito, quàm Supremo rerum omnium Creatori? In c. quam sit. 18. quæst. 2. V. Ad ordinandum. ait: *Quod si Monachus sit factus Papa invito Abbate, debetne redire? sic, & ipsemet compellere se redire.* Nemo certè potest, se compellere, quia coactio est ab extra, & electus Papa, cum jam sit Papa, est suprà omnes, & nulli tenetur obedire, & soli Deo est subiectus, ut diximus.

18. In c. ne quis. V. Non occiditur. 23. quæst. 2. ait: *Videtur ergo, quod perfectus homo mortaliter peccet mentiendo pro vita alterius.* Hunc errorem tenuit etiam c. 1. dist. 13. V. Item adversus. ut suprà retuli. In c. quid ergo. 23. quæst. 5. V. Levus. ait: *Ecce quod levem dicis culpam maledicere Deo, cum magis sit maledicere Deo, quàm Principi.* Quis quæso execrationes Montaltius, & Vendrochius iactassent in Modernos, si hanc lassitatem hæreticam propugnassent, & falsitatem evidentissimam? In c. qui recedunt. V. Amentibus. 26. qu. 6. asserit: *Si quis fuerit amens à natiuitate, talis potest baptizari, & Corpus Christi in necessitate recipere.*

19. In c. Diaconissam. 27. quæst. 1. V. Ordinari. ait: *Alii dicunt, quòd, si Monialis ordinetur, benè recipit characterem, quia ordinari facti est, & post Baptismum quilibet potest ordinari. c. final. de Presbyt. non baptiz. Non credo, quòd hæretici nostri temporis asserentes Ordinem non esse Sacramentum tantum audeant c. si quis votum eadem. V. Eodem. ait: *Numquid simpliciter vovens potest contrahere cum alia, quæ simpliciter vovit? Non videtur, quòd teneat Matrimonium, cum neuter possit debitum exigere.**

20. In c. Beata Maria. Verb. Voti virginialis. ait: *Sic ergo patet, quòd Maria non voverat continentiam, sed proposuerat vovere, & Virginitatem servare.* Legatur Textus ipsius Augustini, & patebit, Beatam Virginem votum virginittatis non expressisse ore; ergo videtur corde expressisse, quod sufficit ad votum, ut Glossa quoque fatetur. V. Ore.

21. In c. quomodo virginibus. V. Per se. 31. quæst. 1. ait: *Matrimonium enim propter se non appetitur, quia non ducit ad vitam.* Omnes Catholici contra hæreticos asserunt, Matrimonium esse opus bonum, & Sacramentum; ergo ducit ad vitam supernaturalem. In c. *bi qui Matrimonium.* 32. quæst. 7. V. *Exselli sunt.* concedit spadonem contrahere Matrimonium, *si habet virgam erectam, siue resolvat sperma, siue non; nam talis satisfacit mulieri, sicut mulier satisfacit viro, siue resolvat, siue non; nec requiritur, quod semper in Matrimonio sit filiorum procreatio, quia sufficit, quod non evitent prolem,* ut supra eadem quæst. 2. c. *folet.* audite lassitatem! hic melius quadrarent tacita illæ quidem, & propter hoc acutissimæ oburgationes, quas pascit in Jeuitas Montalcus Litter. IX. pag. 196. ob quasdam opiniones indulgentes nimium Matrimonio junctis, & sponis. Parcamus Glossæ errorem philosophicum, dum non agnosceit discrimen inter semen virile, & foemineum. Canonistæ enim non tenentur studere Philosophiæ. Nullo tamen modo ignoscendus est illi error Theologicus, & Canonicus. Ibidem ipse fatetur, quod frigidi sunt inhabiles ad Matrimonium, & habetur. c. *requisisti.* 33. quæst. 1. & ibi dicitur, quod possunt vivere hi frigidi simul ut frater, & Soror, si scilicet ambo sic vivere velint. *Quod si mulier causatur, & dicit: Volo esse mater, & filios procreare, tunc videtur, mulierem secundas nuptias contrahere posse.* Vir autem, qui frigida est natura, maneat sine Coniuge. Ecce quod Textus clarè, & expressè separat illos, quia vir nequit facere, ut Uxor evadat mater, & filios procreet. Hoc autem fit non erectione virgæ, sed effusione spermatis; & erectio virgæ satisfacit voluntati quidem lascivæ mulieris, quæ sola non sufficit ad Matrimonium, sed non satisfacit voluntati rationali mulieris volentis fieri matrem, & filios procreare, quæ sola potest reddere Matrimonium validum, & cuius solus defectus in dicto c. *requisisti.*

attenditur, ut matrimonium dirimatur; ergo Glossa lassitatem ingentem, & destructivam generis humani induxit contra Textum manifestum Canonis, ac proinde juxta regulam Theologicam Glossa est inexcusabilis in hoc errore.

22. Xistus Quintus Anno 1587. 27. Junii in Bulla *Cum frequenter* damnat matrimonium spadonum utroque teste carentium, si contrahant, non ut castè vivant, sed ut carnaliter invicem conjungantur. Scio Probabilissimè Basilium Pontium de matrim. c. 56. sustinere ut validum Matrimonium Eunuchorum utroque teste carentium, si fiat ad vitam castè transigendam, quam opinionem amplectitur ut probabilem Diana part. 4. tract. 4. resolut. 75. & in Coord. tom. 2. tract. 6. resolut. 142. Ego huic opinioni calculum præbeo, & forsam multi Moderni benigni præbent; Sed omnes damnabimus lassitatem Glossatoris, quia licet Probabilistis placeat invahere opiniones benignas, quando materia est obscura, nec Lex est aperta, & clara; tamen hoc displicet, & reſugimus, quando res est clara, & textus expressus, quique nulla tergiversatione per interpretationem probabilem explicari potest.

23. Scio Sanchez libr. 7. de matrimo-  
disput. 92. num. 15. afferre pro opinione  
Glossæ plures Legistas, & Canonistas,  
& Summistas Theologos, qui dicuntur  
esse in Probabilioristarum numero,  
scilicet Angelum. Verb. *Matrimon.* Im-  
pedim. 16. num. 11. Tabien. V. Impe-  
diment. impediment. 12. quæst. 6. num. 7.  
Armill. Verb. *Matrimon.* num. 51. quibus  
addo Aſteſanum lib. 8. titul. 28. & vide  
etiam Bertachinum in suo Repertorio  
Legali. V. *Caſtratus.* Sed nuerus Do-  
ctorum nihil facit pro hoc errore, quem  
esse intolerabilem dicit Soto in 4. dist.  
34. quæst. 1. art. 2. & miror, quomodo  
Philareus Tom. 1. de offic. Sacerdot.  
part. 2. libr. 2. cap. 10. cum limitatione  
*Si Uxor ſciuit hanc impotentiam, dum  
nupſit,* sequatur opinionem Glossæ tan-  
quam veram. Ipse est inexcusabilior,  
H quam

quàm Glossa, quia scripsit Anno 1389. & sic post Bullam Xysti, in qua clarè damnatur opinio Philiarchi.

24. Si Glossa in allata opinione lasa fuit, & concessit licentiam amplam in genere libidinis sub titulo matrimonii, §. *bis ita respondetur.* 33. quæst. 1. aliam benignam licentiam in eodem genere concessit, ait enim juncto textu Gratiani: Conjugium confirmatur officio Carnis, ut suprà probatum est, postquam verò Carnali commixtione confirmatum fuerit, nisi causa fornicationis non licet viro uxorem dimittere, vel uxori à viro discedere: Verum antequam confirmetur, impossibilitas officii solvit vinculum Matrimonii. Hæc Glossa corrigitur ab Antonino 3. part. tit. 1. c. 21. §. 3. concl. 3. Ego non damno hanc opinionem, nam pro ea stat D. Th. quodl. 11. art. 10. solum assero, Adversarios illam potius debuisse rejicere, cum damnaverint opiniones magis probabiles.

25. De pœnitent. distin. 1. princip. V. Utrum. scribit: Bax. dixit, quod sola cordis contritio non delet peccatum, ubi copia Sacerdotis babratur, & in hoc videtur Gratian. declinare, sed quicquid dicat Bax; dic, quod neq. cordis Contritione, nec oris Confessione peccata dimittuntur quoad culpam, sed tantum gratia Dei. De consecr. distin. 4. nemo tollit. Sed ipsa cordis Contritio signum est peccata esse dimissa, sicut exterior satisfactio est signum cordis Contritionis, gratia enim præcedit Contritionem, arg. infrà eadem non potest quis, Contritio remissionem; Unde remissio est attribuenda gratia, quæ est causa causa. Ibidem. V. Sunt enim. fin. scribit: Sed ad quid fit oris Confessio, cum jam peccatum sit dimissum per Contritionem propter Confessionem? Sol: hæc fit ad humilitatem, & justitiam exercendam, & ut satisfaciatur Ecclesie, quam læsit, & ut ipse, & alii reddantur cautiore. Si tamen subtiliter intueamur, Gratia Dei est attribuenda remissio peccatorum, non Contritio, ut dixi in princ. & no. infrà eadem. c. dixi consistebat. & c. 15. potestatis.

Legatur Tridentinum Sels. 14. Can. 4.

& ibi deciditur ut fidei dogma; ad integram peccatorum remissionem requiri tres actus in pœnitente, quasi materiam Sacramenti Pœnitentiæ, videlicet Contritionem, Confessionem, & Satisfactionem. Legatur etiam Caput quartum, & quintum ejusdem Sessionis, & apparebit falsitas Glossæ.

26. In c. magna. V. Dimiserit. scribit: Remissio peccatorum præcedit cordis Contritionem, non enim potest quisque verè confiteri, nisi habeat prius fidem per dilectionem operantem. In c. si cui. V. Voluntas. in Glossa marginali habetur: peccata, quæ sola voluntate contrahuntur, sola voluntate delentur. & in Glossa ordin. Peccata, quæ sola voluntate contrahuntur, sola voluntate dimittuntur secundum Bax, ar. ff. de pac. ab emptione. Sed contrarium credo, si ad consensum voluntas pervenit. In c. omnis. §. alii è contrario testantur. Verb. Justificeris. asserit Confessionem oris requiri, non ut justificemur Deo, apud quem jam justificatus es, sed ut justificemur quoad alios. Legatur Tridentinum Sels. 6. cap. 7. & Sels. 14. & videbuntur errores harum Glossarum.

27. In c. tres autem. Ver. Collecta. non minus scrupulosè, quàm erroneè scribit: Perinde ergo judicandum est de pluribus minutis (peccatis scilicet venialibus) ut de uno grandi, & gravi delicto, cui minora coarctata æquantur. I. si idem. C. de ju. sancimus. §. pe. & in V. Opprimat. ait: Illa multa venialia, idest, contemptus eorum, & vilipensio, quod quidem peccatum est mortale, vel ipsum veniale peccatum est mortale, dum placet. Veh. hominibus, si hæc vera essent. Si septies in die cadit justus, ut Scriptura clamat, & per Glossam plura peccata venialia gravi delicto æquantur, jam omnis justus habebit peccatum mortale, si non formaliter, saltem æquivalenter; & consequenter erit dignus gehennæ; & sic jam non erit justus. In c. quamvis. V. Utraque. videtur supponere cum Gratiano utramque Sententiam circa illam quæstionem, An confessio peccatorum sit Sacerdoti faciendâ, esse probabilem,

bilem, in qua sententia <sup>negativa</sup> procul dubio deterior est hæresi Lutherana, quæ saltem volebat Confessionem de peccatis externis saltem in generali esse faciendam Sacerdoti. De hoc errore infine sermo erit.

28. In c. de quotidianis. V. Brevibus. dist. 3. alserit, peccata venialia breviter ratione temporis esse venialia, evadere verò mortalia, si durant. Et in c. n. bul. V. Prodest. sustinet, quòd orare, jejunare, & alia opera religionis facere, licet mens ab iniquitate non revocetur, prodesse ad minus *suppletum subeundum*; Unde non est deneganda pœnitentia super uno peccato; dum quis remanet in aliis. Et in c. Ille Rex. V. Deletur, ait: *Siquidem in Baptismo deletur originale, ne obis, non, ut non sit.*

29. In c. Sacerdos. dist. 6. V. Recitet, quaerit, an Confessarius teneatur revelare peccatum, auditum in Confessione, cuius revelationem præcipit Episcopus sub excommunicatione, & sic decidit: *Dic, quòd in secreto Episcopo dicere potest, utpotè, qui prodere possit, non obesse.* 22. quaest. 5. hoc videtur, vel dic, ibi scivit ut homo, hic ut Deus. Hic duoevidenter patent, primum, Glossam sequi probabiliter utramque opinionem; Secundum, primam opinionem esse errorem intolerabilem ex c. omnis utriusque. de pœnit. & remis. unde, & licet Papa jubeat, Confessio non est revelanda.

30. In c. 1. de consecr. dist. 2. V. Calix. tenet opinionem asserentem aquam esse miscendam in Calice, dum Missa celebratur, *de honestate tantum*, & quòd possit confici Sanguis Christi de aceto, si ex vino factum sit; & addit rationem ex l. in venditionib. ff. de contrab. n. empt. in qua dicitur, quòd vini, & Aceti prope eadem missa est. Sed Glossa in decernenda materia Sacramentorum debebat recurrere ad Theologos, & Sacram paginam, non ad legem, & Legistas, quibus non est jus de rebus Sacris decernere.

31. In c. In Sacramento. V. Frumentis. eadem habet: *Numquid si frumento ad-*

*datur Piper convertitur in Corpus Christi? Non, sed reliquum tantum, quare non ita remanens convertitur, si fermentum addatur? Quia ibi nihil est Azimi, cuius possit fieri consecratio, & ideo nihil convertitur. Vide inconsequentiam Glossæ. Ipse putat dist. 5. de pœnit. §. in pœnitentia. V. Pœnitentia. Gracos non confiteri peccata Sacerdoti, & propter hunc morem alseruit hæreticum errorem, quòd Confessio facta Sacerdoti non sit sub præcepto Divino. Quare ergo propter morem Gracorum consecrandi in fermentato non debebat asserere veritatem Catholicam, quòd scilicet Christus non vetaverit consecrationem in fermentato?*

32. In c. tribus gradibus. Verb. *Miscere*) ait: *Sed nec species illa (Eucharistiæ alius cibus permiscetur; Non enim in stomachum descendunt; quare per secessum non emittuntur; Licet enim aliquis reficiatur ex ipsis, non tamen incorporantur, nec in stomachum descendunt, nec per secessum emittuntur. Interdum enim odore recreatur homo, (non tamen reficitur, & aliter homo odore,) qui tamen, nec in stomachum, nec in secessum dirigitur. .... Unde forte per sudorem emittitur de corpore. Certum, quòd species quam cito dentibus teruntur, tam cito in Cælum rapitur Corpus Christi.*

Audisti ineptias, & errorem? Nostris oculis cernimus in die Natalis Domini, in quo species Eucharistica non modicæ assumuntur à Sacerdote, Sacerdotem non. solum non emittere sudorem, sed frigore rigere, & tremere. Insuper Tridentinum Session. 13. can. 4. decrevit, post usum Eucharistiæ remanere verum Corpus Christi; ergo non est certum, contritis speciebus, volare Corpus Christi in Cælum, sed est error.

33. In c. timorem. V. Corpus. scribit: *Item ideo Sacerdos ea (verba Consecrationis) non profert significativè, quia non posset, ea verè proferre; mœniretur enim, si diceret: Hoc est Corpus meum: Item quid, si quis profert verba hæc post mortem Christi ante Resurrectionem, conficeret.*

ficere? Videtur quod non, quia Corpus Christi tunc erat mortuum, & inanimatum; ergo si transubstantiatio fieret, tunc transiret in corpus mortuum, & inanimatum, & sic inuolueretur sumeretur. Quomodo ergo vivificaret Corpus mortuum? Hic Glossa supponit, vel quod Anima Christi, & non Verbum Divinum, producat in nobis gratiam in Eucharistia, vel quod Corpus mortuum Christi non esset in triduo mortis Christi unitum realiter cum verbo Divino, quod utrumque est error gravissimus.

34. In c. non isse. V. eod. scribit: *Non iste panis est, qui vadit, idest non incorporatur, sicut ceteri cibi in stomacho digeruntur, vel non descendit in stomachum, sicut ille cibis corporalis, vel non transit in sustentationem, sicut ille, est enim cibum anima, non Corporis; species tamen bene vadunt in corpus. Sed numquid ibi est Sacramentum? Non, quia definit ibi esse Corpus Christi; & tunc ibi est Sacramentum, quando est Corpus Christi. Sed quando hoc fit, idest, usque ad quem locum procedat per Gulam, nescio. Sed, licet non sit Sacramentum; cum est in corpore, si tamen evanuerit illud, cum generatione est servandum, quia Sacramentum fuit. Est certum, si in vomitu species in suo esse discernantur, esse Sacramentum; de quo quid sit faciendum, recolendum est Rituale Romanum.*

35. In c. qui bene. Verb. Comederit. hæc habet: *Nec dicendum, quod mus sumat Corpus Christi; statim enim definit esse Sacramentum, ex quo ab eo tangitur; Si tamen dicatur, quod sumat, non est magnum inconveniens, cum sceleratissimi homines illud sumant. Sed B. non concedit, quod ab eo sumi possit, immo statim definit esse Sacramentum. Sed iterum non possit consecrari, quia non est jam panis, immo tantum species. Quando hæc lego, & ex alia parte lego Probabilioritas velle, ut pro discenda veritate consulamus Antiquos, statim cogor dicere Probabilioritas non vidisse Antiquos, quorum multi de Eucharistia non bene procul dubio scripsere. An-*

*toninus a part. ult. 13. c. 6. §. 3. de vob. Eucharistia dicit, esse de Fide. Christum remanere sub speciebus, usque dum remaneret substantia panis, & vini; & Divus Thomas 3. par. quest. 80. art. 3. ad 3. ait, Opinionem contrariam derogare veritati Sacramenti. Tridentinum autem Sessione 13. can. 3. damnat. ut hæreticos asserentes, sub speciebus. Eucharisticis separatione facta, non adesse Christum. Nota, quod Concilium non dixit separatione facta ab homine, sed absolute separatione facta; ergo sive casu, sive ab homine, sive à bestia. Eucharistia dividatur, adhuc ibi aderit Corpus Christi; & sic, licet Eucharistia tangatur, & frangatur à mure, adhuc ibi erit Corpus Christi; & sic à mure sumetur Corpus Christi. Unde, si mus ille caperetur statim, debemus certo credere habere Corpus Christi. Miror, quomodo Pasqualigus Sacr. moral. doctrin. disput. 107. sect. 1. referat. opinionem Glossæ, pro qua alios Antiquos allegat, & nihil decidat, cum clare sit damnanda, & rejicienda, ut derogans veritati Sacramenti, ut dicebat Divus Thomas.*

36. In c. solet. dist. 4. V. Fidem, ait: *Quomodo possumus habere talem fidem, & non charitatem, nisi qui habet unam virtutem, habet & omnes, de prenitent. §. distinct. c. fin. Non posse quidem, nisi miraculosè, secundum quod mali etiam miraculosè prophetizant. 1. quest. 1. prophetizavit. Et infra in V. Implorandum. asserit: Al hoc dico, quod, si baptizans, intendit baptizare, qualemcumque intentionem baptizans habet, recipit Sacramentum. Quod baptizandus, si sit adultus, debeat habere intentionem aliquam recipiendi Baptismum, sine qua Sacramentum est invalidum, est omnino certum apud Theologos. Clarius Glossa in c. majores. de baptism. & ejus effect. §. fin. V. Perdurare. expressit hunc errorem, ait enim, Baptismum esse validum, si baptizandus ore vellet, & corde dissentiat. Vide propositionem 28. damnatam ab Alexandro Octavo.*

In c. tunc valere. V. Absolutem. ead. ci-



dicit: *Res significata per Baptismum tunc incipit, (ablati flectione) habere remissionem peccatorum, non propter Baptismum, sed propter cordis Contritionem, idest per charitatem, vel humilitatem mentis, quam habet, dum habet cordis Contritionem.* Et tamen Textus ibi contrarium decidit, & Tridentinum Sess. 14. cap. 4. docet, quod Contritioni non sit adscribenda reconciliatio sine Sacramento voto, quod in illa includitur. In cap. quando. V. *Pedes lavet. ait: Unde Pœnitentia magis, quam Baptismus est necessaria.*

37. In princ. dist. 5. V. *Omnes. ait de Confirmatione..... qua ultimum est inter alia Sacramenta necessitatis, præter Unctionem Infirmorum, quæ non ita propriè dicitur Sacramentum, maxime secundum opinionem eorum, qui dicunt iterari posse; nam Sacramenta non iterantur.* Jam liquet de Fide ex Tridentino Sessione 7. & 14. Extremam Unctionem esse propriè, & verè Sacramentum, licet, si infirmi post susceptam hanc Unctionem convalescerint, iterum hujus Sacramenti subsidio juvari possint. Tridentinum Sessione 14. de Extrema Unctione. c. 3.

38. In Proœmio Decretalium. V. *Subditos. explicat: Idest, Prædestinatos; quasi quod solos Prædestinatos Christus Rex pacificus disposuerit fore pudicos, & pacificos, & modelitos.* In Rubr. de Summ. Trinit. §. *species. asserit: Species autem Fidei sunt due; Una est formata, quam habent Sancti, & Boni; & alia est informis, quam habent mali, & etiam Dæmones, & Infideles, & existentes in mortali peccato. Si infidelis habet Fidem, quando est ipsi infusa, cum baptisma ex Tridentino Sessione 6. cap. 7. sit Sacramentum Fidei? & in §. principales autem. scribit: Principales autem Articuli Fidei nostra sunt septem, secundum quod sunt septem dona Spiritus sancti, quos quilibet Christianus scire tenetur, Clerici explicite, Laici implicite, & credere, sicut tenet Ecclesia; & sunt hi: Incarnatio, sive Nativitas, Baptismus &c. Vide propositionem 64 damnatam ab In-*

nocentio Undecimo, & Cardenas in hanc propos.

39. In c. quanto de Consuet. V. *Rejuvenata. scribit: Dico, quod Papa potest hoc delegare Sacerdoti (scilicet dare Sacramentum Confirmationis) & non Laico, sicut credo; & sic ex tali delegatione, & in adminiculo habiti Sacramenti potest conferre quicquid habet. Immo quilibet Clericus hoc facere potest; quæ verò non habet, non potest conferre. Sed inauditum est apud Theologos, Offitium v. g. ex mandato Papæ posse confirmare. In c. pastoralis. de offic. jud. ord. Verb. Præterquam. ait: Quidam dicunt contrarium, quod nunquam licet Laico à tali excommunicatione absolvere.... & sic prima opinio benignior, & securior est. (Ecce quantum benignitas, an summa lassitas? placuerit Glossæ, quod etiam appellet eam securiorem, ut faciunt Moderni de opinionibus, quæ dum sunt benignæ, securiores appellant.) Et sicut potest Laicus in necessitate injungere pœnitentiam, vel absolvere ab aliis peccatis mortalibus, cum recipit confessionem illius, quare non eodem modo ab excommunicatione? Non videtur ratio, quare potius in uno, quam in alio. Vel dic, quod Laico possit quis confiteri, sed Laicus non potest ipsum absolvere. Ecce quod Glossator assumit ad probandam conclusionem dubiam, an scilicet Laicus absolvere possit ab excommunicatione, errorem, & hæresim manifestam, quod nempe Laicus possit absolvere à peccatis, cum solis Apostolis Sacerdotibus dictum sit: Quodcumque solveritis super terram, &c. Vide Tridentinum Sessione 14. cap. 6. & can. 10. hunc eundem errorem videtur repetere de transact. c. veniens. Ver. Necessaria. dicit enim, quod pœnitentia in necessitate à quocumque conferri potest, sicut Baptismus, nam confiteri possumus, inquit, cuicumque juxta illud: Confitemini alterutrum peccata vestra. Nota verò in priori Textu, quod ibi videtur Glossa amplecti duas opiniones probabiles oppositas, scilicet quod Laicus possit absolvere, & non possit absolvere.*

40. In c. in presentia. de probat. V. *Durum*. ait: Sed istud est hodie propter religionem, pro qua multa contra rationem statuta sunt. Et in c. causam. de Testibus, & attestat. V. *Rationi*. Quare dicit obvia rationi, cum privilegia indulgentur contra ius commune, & ita contrarationem. In c. ex studiis. de preceptis. V. *Ex studiis*. asserit: Primo ponuntur verba Salomonis in Parabolis. c. 20.

.... Et pone casum, ut in Cap. precedentibus referendo consultationem ad Papam: An dicta Salomonis contra Canonizationem sint approbata ab Ecclesia, cum sint incorporata in Biblia. Dic, ut dicit Gloss. no. in cap. 1. 16. dist. & idem tenet Hieronymus in Prefat. super Libro Proverbiorum. & videntur concludere, quod sint Apocrypha, quod est notabile. Ecce vocat notabile hæreticum dictum; est enim de Fide ex Tridentino Sess. 4. in decr. de Canonicis Scripturis, quod Liber Parabolarum Salomonis sit Canonicus, & non Apocryphus.

41. In c. ex parte. de celebrat. Missar. V. *Nesfortie*. dicit: Quod si conficeret Sacerdos post aliquem cibum, vel potum sumpsum, male saceret, tamen conficeret de consecr. distin. 2. liquid. Hugo dicit contra super decreto illo 70. dist. a patribus. Certè Hugo gravem errorem asserit, & ex modo dicendi Glossa putat illum probabilem. Inc. Cum Mariba. eadem. §. Ex eo autem. V. *Sanguinis veritatem*. dicit: De Corpore Christi sunt tres opiniones. .... Tertia dicit, quod remanet substantia panis, & vini, & in eodem loco, & sub eadem specie est Corpus Christi. Huic Glossæ quadrant verba Divi Thomæ, quæ scripsit in expositione distinct. 17. in 4. super verba Magistri, quibus vocabat opinionem, errorem illum magnum asserentium Confessionem peccatorum non esse sub præcepto. Ait autem Sanctus Doctor: Hoc, quod ponitur hic pro opinione, hæresis est, non quod explicite sit contra aliquem Articulum, &c. Ergo illa tertia Sententia, quæ à Glossa vocatur opinio, est hæresis, & quidem damnata expresse in c. firmiter. de Summ. Trinit. Hunc tex-

tum ipsa Glossa allegat pro secunda opinione, unde nescio, quomodo possit vocare opinionem illum errorem. Posset dici, quod Antiqui acciperent pro opinione tam propositionem veram, quam falsam; Unde mirum non sit, si Antiqui non existimaverint opinionem, seu probabilitatem, regulam sufficientem pro moribus. In §. Tercio loco. sustinet, morientem in peccato mortali non valde magno juvari orationibus viventium.

42. In c. Perniciosus. V. *Consuetudinem*. scribit: Quasdam enim consuetudines solus usus approbavit 11. dist. Ecclesiasticarum, & ita solo usu Antiquorum Patrum ponitur plus de vino, quam de aqua. Et alia ratio posset assignari; vinum delectabilius est ad bibendum, quam aqua; & ideo ponitur plus de vino, quam de aqua; Nam si plus poneretur de aqua, non transiret ita suavis, & ne horrorem generaret. In c. Litteras. V. *Fermentato*. scribit: Unde dicit Ugutio, quod si quis conficeret de fermentato pane in Ecclesia Occidentali, nihil fieret.

43. In c. si quis puerum. V. *Patris*. de baptisim. Sustinet etiam hodie valere Baptisimum, si baptizetur in nomine Christi, relinquendo expressam invocationem Trinitatis, & tamen in Textu deciditur contrarium. Et in c. veniens. V. *Per Sacramentum Fidei*. docet in Sacramento Matrimonii non conferri gratiam, ut etiam alibi animadverti.

In c. causam. qui filii sint legitim. V. *Ad Regem*. dicit: Item Moyses utrumque gladium habuit, cuius Successor est Papa. Inc. *significante*. V. *Repellentes*, qui in atrium. accus. poss. retinet suum solitum errorem, quod Matrimonium non confert gratiam; & ideo in Matrimonio Simonia committi non possit. Si ideo in Matrimonio non committitur Simonia, quia ibi non confertur gratia, jam quique videt palliari plurimas Simonias. De hoc alibi.

44. In c. vir autem. V. *Iterari*. de secund. nupt. ait: Fallit etiam secundum quosdam in Extrema Unctione; Quid enim impediret hanc iterari, cum non sit

SACRA-

*Sacramentum*, sed oratio super hominem  
1. q. 1. manus?

In c. *felicitis*, de torneam. V. *Sepultura*. docet, vilem Sepulturam, idest in campis, non nocere defunctis. Si non nosset; ergo frustra Ecclesia denegat Ecclesiasticam Sepulturam quibudam peccatoribus. Idem docet c. *quamquam*. V. *Denegetur*, de cognat. spirit.

45. In c. *Civitate de Usuris*. V. *Comparant*. asserit contrahentibus in venditione, & emptione licere se se ad invicem decipere usque ad dimidium justipretii. In c. *omnis utriusque*, de pœnit. & remis. Verb. *Alieno Sacerdoti*, tenet, Regularibus Sæculares non posse confiteri sine licentia Parochi; Quæ opinio jam damnata est à Joanne Vigesimo secundo de Schilmat, in extravag. comm. c. 2. Inc. *à nobis*, de Sessent. excôrn. Verb. *Non poterit*, sustinet, in articulo mortis laicum posse absolvere. Hic non dicit à peccatis, vel à censuris. Saltem debet intelligi à censuris. Si intelligitur de censuris, nihil dico tunc de hac opinione. In c. *quanta*. V. *Interpretamur*. Sequitur solium errorem, quod favore Religionis multa contra rationem instituntur.

46. In c. *altercationis*, de bigam. in 6. in additione incipit: Idem Guid. Bar. docet Sacerdotem bigamum, qui homicidium committit, puniendum esse per Judicem Sæcularem. In c. 1. de cognat. spirit. Verb. *Frontis*, asserit, quem non esse verè Christianum sine Sacramento Confirmationis. Si hæc Glossa intelligatur, ut sonat illud adverbium verè, est error hæreticus, cum per Baptismum efficiamur verè, nedum debitores Fidei, sed etiam universæ Legis Christi servandæ ex Tridentino Sessione 7. canon. 7. de baptis. In regul. juris. regula *Peccatum*, infiguratione casus scribit: *Proprie autem loquendo Sacerdos peccata non dimittit, sed solus Deus, sed quod facit Sacerdos est signum, quod dimittitur à Deo*. In regula *Peccati venia*. Verb. *ead.* ait: Per contritionem deleri peccatum quoad Deum, & per pœnitentiam susceptionem à Sacerdote ostendi deletum quoad

Ecclesiam. In regula quod omnes. Verb. *ead.* in fine ait: *Secundum primum casum de jure Archiepiscopus consecrandus est ab omnibus Suffraganeis, Papa tamen sibi hoc usurpat*: hic error nascitur ab illo alio, quod Papa non habet plenitudinem potestatis?

47. In capito *Gravi*. Clement. 1. de celebrat. Miss. asserit, satisfieri Horis Canonicis, si cor divertat ad alia, & labiis serviamus. Plures Probabilioristæ damnant hanc opinionem ut falsam. Ego illam suo loco defendam, ne dicam errasse plures Antiquos, inter quos Divum Antoninum, & plurimos Modernos. In Clement. *Exvi*, de verbor. significat. §. *ideoque volumus*. Ver. *Quamvis*, ponitur in quibusdam codicibus hæc Glossa: *Tertio nota, quod Deus respicit cor, seu animum, non manum, idest operationem*; & tamen Deus in Decalogo primo loco prohibet operationem, postea verò desideria prava.

48. Denique pro coronide errorum Glossæ ponam in ultimo loco, quæ habet de pœnitent. dist. 5. §. *in pœnitentia autem*. V. *In pœnitentia*. & ideo ultimo loco pono, ut altius remaneant in memoria. Si meis oculis hæc non legissem, fabulæ narrare crederem. Igitur sic scribit: Videndum est, quando oris confessio fuerit instituta, utrum necessaria sit, vel tantum voluntaria: qualiter sit faciendæ, cui, & quando. Dicunt quidam, institutam fuisse in Paradiso statim post peccatum, dicente Domino ad Adam: Adam ubi es? Ideo enim quæsit, ut ipso confitente peccatum, daretur forma aliis imposterum confitendi; sed quia in illa interrogatione Dominus minis expresse videbatur ad confitendam movisse, ideo post exquisivit à Cain fratricida expressius: Ubi est Abel frater tuus? Alii dicunt, quod sub lege fuit primo instituta, quando Josue præcepit Achor, crimen suum confiteri, & lapidatus est 45. distinct. Sed istis. Alii dicunt, quod in novo Testamento à Jacobo dicente: *Confitemini alterutrum peccata vestra, &c.* Sed melius

dicatur, ( si hæc opinio est melior, er-  
go priores hæreses erant bona ) eam  
institutam fuisse à quadam Univer-  
salis Ecclesiæ traditione potiùs, quàm  
ex novi, vel veteris Testamenti au-  
thoritate. Et traditio Ecclesiæ obli-  
gatoria est, ut præceptum ar. 11. dist.  
in his rebus : ergo est necessaria con-  
fessio in mortalibus apud nos, apud  
Græcos non ; quia non emanavit tra-  
ditio talis : Sicut nec conficiunt in  
Azymis. Illud ergo Jacobi : *Confite-  
mini &c.* Fuit consilii primò, alio-  
quin ligaret & Græcos non obstante  
eorum consuetudine. Est autem fa-  
cienda &c. Sacerdoti si adest, vel  
proximo in necessitate. Possuntne legi  
hæc sine stomacho ? tot ineptiæ in  
quinque lineis ? Probabilioristæ, & om-  
nes laudatores Antiquitatis, & asper-  
natores Modernorum asserant, non di-  
cam primarium ex Modernis, sed insi-  
mum Casuistam, qui tot errores gra-  
vissimos, & lassos in paucis lineis dixe-  
rit. Ad hæc quid dicent Adversarii. vi-  
tuperantes Modernos, quasi introdu-  
ctores lassitates in moribus ? Durandus  
in 4. distin. 17. quest. 8. numer. 9. in-  
dignabundus fremit in præsentem Glos-  
sam.

Ex his patet, manifestè me probasse  
minorem argumenti, quod ad hominem  
formabam contra Adversarios, & erat,  
*quod ex Doctrina Antiquorum sequeban-  
tur absurda.* Probavi autem illam eo  
modo, quo faciunt Adversarii ; sicut  
enim, ut hoc probent de Probabilitate,  
asserunt errores, quos Probabilistæ do-  
cuerunt ; ita hoc feci asserendo errores,  
quos tradidit famosissimus Glossator Do-  
ctor adeo Antiquus, & infra idem præ-  
stabo errores aliorum Antiquorum refe-  
rendo.



## CAPUT XI.

Errores Antiquorum laudatorum à  
Vendrochio.

**V**Endrochius asserit Epist. 5. not. 1.  
sect. 4. §. 1. opinionem, qua astruitur  
in praxi esse sequendam probabiliorem,  
fore Doctrinam Antiquorum Theolo-  
gorum, & pro illa duodecim asserit ; &  
sunt Henricus, Divus Antoninus, Ger-  
son, Angelus, Panormitanus, Caje-  
tanus, Sylvester, Conradus, Maior,  
Soto, Adrianus, & Tabiena. Hic  
non est locus inquirendi, an verè sint  
Antiqui. Ex dictis cap. 7. liquet, solum  
priores quinque jure inter Veteres collo-  
cari.

Nunc errores horum Doctorum, ex-  
cepto Antonino, enumerare lubet.  
Hoc verò præstabo, non ut eos depri-  
mam, sed ut evidenter evincam. Adver-  
sarios, qui ita laudant Antiquitatem,  
ut non erubeant canere, à Modernis  
morum lassitatem, & corruptellam pro-  
venisse ; ut convincam, inquam, Ad-  
versarios ad fatendum lassitatem hanc  
& doctrinam corruptam introducam.  
fuisse olim ; & sic probata manebit ulte-  
rius propositio minor mei argumenti,  
quod ad hominem instituebam cap. an-  
tecedenti num. 3. contra Adversarios.  
Pauca tamen errata horum Authorum  
detegam, quia libros ita pridem lege-  
bam, ut discerem, non ut errores nota-  
rem ; & hoc minus solum aggressus sum  
post lecturam Adversariorum.

2. Quod attinet ad propositum, scio  
Navarrum ducem extitisse opinionis su-  
stinentis restrictiones mentales, quæ  
sunt proscriptæ ab Innocentio Undeci-  
mo numer. 26. & 27. Memini etiam le-  
gisse, quod Sylvester. Verb. *Eucharis-  
tia.* 3. num. 1. asseruerit, verius esse,  
quod in articulo mortis, si quis negligat  
sumere Eucharistiam, non peccet mor-  
taliter ; quod, an sit verum, alij judi-  
cent. Insuper num. 16. scribit : *Volenti  
Communicare Contritio non sufficit, sed.*

requiritur Confessio, sine qua communicare habita copia Confessoris est mortale secundum Sanctum Thomam, nisi forte secundum Richardum expectetur in brevi devotius, & securius quis confiteatur. Et suprà 2. num. 9. afferens causas, quibus Sacerdos possit Missam dicere sine confessione ait: Ego autem puto, quod hic sub nomine necessitatis intelligatur omne excusans ab irreverentia Sacramenti, ut si est obligatus ad celebrandum, . . . . . vel nuper decessit anima indigens Sacrificio probabiliter. (Quæ autem est anima nuper demortui, quæ non probabiliter, sed certo indigeat Sacrificio?) Aut si imminet Solemnitas Magna, in qua valde sit Anima celebrare; aut si tantus fervor sit in eo, qui peccavit, quod inde ex Sacrificio speret magnum juvamen contra peccatum, & huiusmodi, quia in talibus potest esse reverentia maior in aliquo non confesso, quam aliis plerumque in multis confessor.

3. Quod non sit necessaria confessio peccati mortalis volenti communicare sub mortali, tenuit etiam Cajetanus (alter Theologus Vendroebii) V. Sacramentalis Communio. Tridentinum tamen Sessio. 13. can. 11. statuit, necessariam esse Confessionem, quantumcumque quis existimet habere contritionem, si velit communicare.

4. Panormitanus habuit suos errores, & lassitates. Et primò in c. de homine. de celebr. Missar. num. 7. inclinatur in opinionem prædictam de non præmittenda Confessione ante Communionem. Secundò in c. omnis utriusque. de penit. & remiss. num. 18. asserit, præceptum Confessionis Sacramentalis non esse de jure Divino, unde asserit, Græcos non peccare non utendo Confessione. Confitemur enim soli Deo in secreto. Tertio in c. statuimus. de custod. Eucharist. num. 3. recitat opinionem Vincentii, quam vocat notabilem, qui dicebat, quod licet in foro contentioso ferens falsum testimonium puniatur de falso, & de omni damno inde sequuto, tamen in foro Animæ solum puniatur de falso testimonio, licet aggravetur per sequentia, & tu vide Innoc. In

c. sicut dignum. de homie. ubi dixit singulis. lariter, quod in foro Animæ non puniatur quis ad Satisfactionem, si damnum intulit præter propositum, sed puniatur de negligentia, quasi velit, quod in foro Animæ habeatur respectus ad voluntatem delinquentis, & sic ut ibi latius noto. In d. c. sicut dignum. Abbas non loquitur de teste, sed de dante consilium, & de auxiliante, v. gr. dum quis simul cum alio capit Urbem, spoliatur Civitatem &c. & asserit utrumque teneri ad restitutionem; nescio, an ex hoc Abbas asserat, testem falsum damnificentem teneri ad restitutionem. Lector judicabit, an teneat sententiam Vincentii, necne.

5. Quartò procul dubio in c. à crapula. de vita, & honestate Clericor. num. 2. asserit, ebrietatem non esse mortale. crederem, quod etiam non supponendo aquam in vino potenti non peccet quis mortaliter, nisi assidue quis inebrietur per text. notab. In cap. vinum. §. alias ead. num. 25. distin. (nota verba sequentia) ubi habes textum semper menti tenendum, quod abrietas non est peccatum mortale, nisi sit assidua. Et ad alium Textum, & ad motum Doctor: dicas, quod non loquitur præceptivè. Nota quantum sibi complaceat de tam monstroso, & lasso errore, dum vult, quod semper recordemur textum, ex quo putat illum deduci. Hic error fuit etiam plurimum Canonistarum Antiquorum, ut advertit Fagnanus in d. c. à crapula.

6. Quintò in cap. debitum. de baptis. num. 3. asserit, quod nemo potest alium baptizare, quin possit esse pater suus carnalis, & sic quod præcedat baptizandum saltem per decem, & octo annos, nec ipsi placet opinio Ancharani dicentis sufficere, si per quatuordecim annos præeat. Vide apertam, & expressam injuriam contra Episcopum, & Parochum quadragenarios, qui non possent baptizare Judæum sexagenarium.

7. Sextò in Rubric. hujus. tituli asserit, quod Aqua sit proprie Sacramentum, & quod sit satis probabilis illa opinio, quæ tenet aquam esse solidam tunc Sacramentum, cum dicuntur verba à Ego

*te baptizo: & aqua tangit corpus.* Hæc opinio est quidem speculativa, unde non est ad rem nostram, sed non potest negari multum derogare authoritati, quam Vendrochius Panormitano attribuit, ut in veterum Theologorum choro illum collocet. Derogant etiam multum ejus authoritati ea, quæ scripsit in Rubr. fin. de observ. jejunii non enim est certus, an jejunium Ecclesiæ obliget ad mortale, nisi fiat ex contemptu.

8. De Dominico Soto nullum errorem habeo, quia parum ipsum lego. Scio tamen ipsum fuisse Authorem opinionis, quod non adsit obligatio gravis præmittendi recitationem Matutini ante Missam. Oppositum docuerunt omnes Antiqui, qui hoc punctum tetigerunt, quique nec pauci, nec indocti fuerint. Unde Adversarii juxta sua principia ipsum carpere, & damnare deberent.

9. Joannes Major in 4. dist. 4. quæst. 1. concl. 2. ut alibi etiam observavi, tenet, quamvis Concilium Viennense sequutum fuerit quandam opinionem tanquam probabiliorē, adhuc posse nos sequi oppositam, quia possumus invenire rationes fortes oppositas. Et distinct. 33. quæst. 2. docuit probabile esse fuisse licitum repudium in Lege veteri. Quæ opinio licet nunc sit speculativa, ex se tamen posset esse practica, ut fuit in illa Lege veteri. Sic etiam licet illa Viennensis sit speculativa, idem diceret ob paritatem rationis, si Concilium sequutum fuisset opinionem practicam. An verò hæc sint errores secundum Doctrinam Adversariorum execrantium Probabilitatem, judicent ipsi. Sic etiam indicent, an sit verum, quod aliorum distinct. 31. §. contra sextam Conclusionem. ubi ait, quod copula conjugalis habita ob moderatam voluptatem non sit culpa respiciendo lumen naturale; subdit tamen: *Sancti rationabiliter rigide, & severe loquuti sunt de carnali copula, non quia judicarunt eam utrobique esse malam, sed ob pravitatem, quæ in ea delinquitur. Verum eorum dicta non oportet*

*extendere, sed potius in hac parte restringere, ne omnes Conjuges damnemus; & Theologus expedit tum in Confessione audienda, tum in consilio dando scire, qui in ea re sunt culpabiles, & qui non.* Vide propositionem 9. damnatam ab Innocent. Und.

10. Circa Adrianum, dato quod sit pro Vendrochio, non habeo alium errorem, quia illum parum legi, nisi quod existimet esse errorem, quod Beatus Gregorius Magnus concesserit Pre-byteris, ut chrismaient in absentia Episcopi. Hanc opinionem non esse errorem, sed verè probabilem, solus ille negaverit, qui viris doctissimis credere noluerit. Hunc errorem habet Adrianus de Confirmat. art. ult. Vide Bellarminum tom. 1. in controver. Fidei de Rom. Pont. lib. 4. cap. 10. in Gregorio Magno, ubi acriter carpit Adrianum propter hanc suam audaciam.

11. Circa Conradum Summenhart, Adversarii ipsum condemnabunt de errore, & quidem gravi, nam de contract. quæst. 100. concl. 3. tenet, Confessarium ordinarium debere absolovere penitentem sequentem opinionem oppositam illi, quam tenet Confessarius ipse.

12. Circa Henricum Gandavensem, fateor sapè plura de quodlibetis legisse, & illum iudico esse Doctorem rigidissimum; & potius peccavit (si peccavit) sequendo semper partem strictiorem. Nec verum est, quod Bordonus in Propugnac. Probabilitatis cap. 6. numer. 42. ex Casaling aliserit, quod Henricus quodd. 29. quæst. 30. sustinuerit, non esse mortale omissionem Divini Officii, nisi sit per plures dies; Nam Henricus quodd. 11. quæst. 29. clare dicit, non recitantem Officium peccare mortaliter, si sit Ordine Sacro insignitus, vel Beneficio Ecclesiastico donatus. Si verò est Religiosus, nec in Sacris constitutus, & habet Religio bona Ecclesiastica sibi deputata, inde vivat, tenetur sicut Clerici beneficiati non existentes in Sacris ratione juris percipiendi Beneficium, ita quod Religiosi ratione Religionis sim-

placiter non obligantur ad Horas; quòd si obligantur ad Horas ex aliquo statuto, vel Papa, vel ipsius Religionis, hoc est ratione, qua sunt Clerici Religiosi. Legatur etiam quæst. 12. quodlib. 19. & videbit, quòd Henricus decidit, si *Magister, vel Scholarius* tenetur ad Horas Canonicas sub mortali, non posse illas omittere hodie cum proposito dicendi illas die sequenti. Nec potest dici, quòd Henricus non sit certus de obligatione dicendi Horas Canonicas, dum facit illam propositionem conditionalem si *Magister, vel Scholarius tenetur &c.* Nam, cum faciat illam quæstionem de Magistro, & Scholari, jam hæ personæ, quantum est ex se, non tenentur ad Officium Divinum, cum, & Magister, & Scholarius possunt esse non Sacro Ordine insigniti, nec beneficiati; quas personas jam supra decidit sub mortaliteneri ad Horas. Igitur ego nequeo Henricum damnare de erroribus lapsis legendo Quodlibeta in duos Tomos distincta, & Veneritis 1613. excusa. Porro in his non adsunt nisi quindecim Quodlibeta; unde allegatio illa Bordonii non adest in meo Codice. De nimis rigorosis possum damnare Henricum. Ipse pluries agitavit Quæstionem, an confessi privilegiatis, scilicet Regularibus, teneantur eadem peccata confiteri Parochis; in qua quæstione quodlib. 7. quæst. 23. & 24. quodlib. 10. quæsti. 2. quodlib. 12. quæsti. 31. semper tenet scrupulosissimam partem, quòd scilicet iterum teneantur eadem peccata confessa Regularibus confiteri suo Parocho. Quæ opinio videtur damnata à Joanne Vigesimo secundo in extravag. *Vas electionis*, de Hæreticis. Ibi enim damnatur ut falsa, erronea, & *multum periculosa* illa opinio, quæ alserit, quòd *Confessi Fratrybus habentibus licentiam generalem audiendi Confessiones tenentur eadem peccata, qua confessi fuerant, iterum confiteri proprio Sacerdoti, idest Parocho*. Hic nota obiter contra Adversarios, quòd opinio prædicta vocatur *periculosa multum*. Quæro propter quam rationem? Forsan peccatum est iterum

eadem peccata confiteri? immò est multum laudabile, & proficuum. Est ergo multum periculosa, quia cum sit multum difficile confiteri alteri propria peccata, esset difficillimum iterum illa eadem alteri à primo dicere, & cum nos simus fragiles, sequitur, quòd facere illam secundam Confessionem vix adducere. Hinc plurimi illam omitterent; & sic, si hæc secunda Confessio esset sub præcepto, jam illa opinio scrupulosa esset *multum periculosa*, quia multos, & plurimos in peccatum mortale adduceret; ergo contra Adversarios sequitur, quòd non sola opinio lapsa, sed stricta, & scrupulosa sit non solum *periculosa*, sed *multum periculosa*; & ideo abijcienda. Hinc ex hac Regula sæpius inferam, multas opiniones esse rejiciendas, quia cum obligent ad difficillima, & sic multi, & per plurimi non observarent, idèd essent *multum periculosa*, & ideo rejiciendæ.

13. Secunda opinio Henrici multum scrupulosa, & sic forsan multum periculosa, & idèd abijcienda, est, quòd *potius aequali facilitate faciendi majus, & minus bonum*, teneatur exequi melius bonum. Sic decidit quodlibet. 4. quæst. 32. & ex hoc deducit, quòd peccator oblato Confessore teneatur statim confiteri. Conclusionem hujus sequelæ non rejicio; illam equidem rejicio ut nimium scrupulosam, ex qua sequitur.

14. Pono aliam Doctrinam sub oculis, quam habet quodlib. 1. quæst. 29. Alserit ibi, inferiorem posse absolvere penitentem à peccatis, & si penitens habeat Calius reservatos, remittere illum ad Superiorem pro absolutione reservatorum. Hæc opinio est admodum benigna; quia tamen est multorum Antiquorum, & puto esse etiam Divi Thomæ, idèd illam, licet non mihi placeat, non damno. Objiciebatur Henrico, quòd nequeat fieri absolutio per partes: respondet, quòd sicut potest imponi Satisfactio per partes, ita & Absolutio. Subdit postea: *Vel si omnibus modis velimus, quòd Absolutio de omnibus*

omnibus debeat esse unica, dicamus, quod prima Absolutio sit sub ratificatione de secunda subsequenda, ita quod factum in prima suspenditur, nec habet effectum suum quousque eveniat secunda, & tunc secunda agens in virtute propria, & prima precedentis agit totum, quod unica Absolutio de omnibus simul facta agere deberet. Hic dicitur, quod prima Confessio peccatorum, & absolutio data ab inferiori non habet effectum suum. Ibi tamen est verum Sacramentum poenitentiae; adest enim confessio integra peccatorum, dolor de peccatis, & absolutio Sacerdotis ab habente Jurisdictionem, saltem super aliqua peccata; ergo debet producere effectum suum, scilicet gratiam sanctificantem, quia hanc nostra Sacramenta gratiam producant, quando homo non ponit obicem ex Tridentino Sessio. 7. can. 6. de Sacram. in genere.

15. Adcamus Magnum Cancellarium, Gerionem nempe, Antiquum Theologum laudatum à Vendrochio. Hic part. 3. tract. de vita Spiritual. Animar. qui incipit pagin. 319. lect. 4. corollar. 2. hæc scribit: Quantumcunque legistores intendant per suas leges suos subditos debere fieri meliores interius, & sanctiores quoad Divinum forum occultum, tales tamen intentiones suæ non cadunt sub eorum præcepto. Ita, quæ si fiant actus exteriores suorum iussorum (nota hæc verba) cum persussissimis intentionibus, & finibus occultis, non erit ibi transgressio legis humanæ, ut humana est, sed ut Divina. Et ita si dicam Horas meas Canonicas cum quacunque mentis evagatione, & nulla attentione; Si jejunem in Quadragesima tantummodo, ut sanior sim, vel ut postmodum voracius, & inde voluptuosius comedam; Si iterum Tonsuram clericalem, vel vadam Dominicis diebus ad Ecclesiam auditum Missam pro vana gloria, aut fraude alia; Similiter de aliis actibus extrinsecis præceptorum, ago quidem male apud Deum peccans in legem suam, me tamen pro transgressione

humanorum præceptorum nemo accensabit. Et hic accipiunt fundamentum dicentes, quod in casibus prædictis non teneretur aliquis Horas iterare, nec aliam Missam audire. Sed sufficit de peccato in Deum commissio contriti, confiteri, & satisfacere. Hæc autem Sententia mitis est pro scrupulosis.

16. In Corollario 3. scribit: Sicut simul aliquem observare præceptum humanum, & tamen peccare mortaliter, sicut aliquis merendo apud Deum poterit humani præcepti violator accusari. Patet primum in casibus prioribus, ubi fit actus præcepti humani ad finem perversum. Has duas opiniones Adversarii tenentur damnare de lassitate; Probabilistæ tamen forsitan illas non rejiciunt.

17. In Corollario 4. Omissio Horarum Canonicarum, transgressio jejuniorum Ecclesiasticorum, & generaliter omnium statutorum, & Regularum, & Canonum nunquam est mortale peccatum, nisi pro quanto Divinæ Legi præceptivæ dissonans invenitur, & ita quantum Lex aliqua habet admixtum de Lege Divina præceptivæ, tantundem, & non amplius est ejus transgressio mortaliter vitiosa. Si meus intellectus non me decipit, ex hac Doctrina sequitur, quod cum audire Missam in die v.gr. Sancti Matthæi nil de lege Divina præceptivè habeat, non sit peccatum mortale omisso auditionis Missæ in tali die. Hoc idem dico de Communione Paschali, & de Confessione annuali. Communio quidem est in Præcepto Divino, sicut & Confessio, non tamen Communio de Paschate, & Confessio de quolibet Anno. Hinc si quis mense Januarii communicaret, & non in Paschate, non peccaret mortaliter, quia jam satisfecisset præcepto Divino. In Corollario sequenti doctrinam similem habet.

18. In Corollario 6. habet: Ex quo amplius videtur non esse securum, asserere, tot Leges, & Canones, & Regulas obligare ad peccatum mortale, cum ex multis causis, tum nominatim ex eo, quod multa hujusmodi Constitutiones im-

parti-



portinentes sunt Legi Divinæ, quæ in Evangelis cum suis Expositionibus sufficienter tradita, explicatioque est. In hoc Corollario subdit: Si peccat quis mortaliter transgrediendo limitationem istam Ecclesie, ( idest non audiat Missam in die determinato Dominicæ, & operando serviliter ) hoc non est proprie ex hoc, quod Ecclesia sic præcepit, sed quia sic limitare expediebat pro Communitate, & jam homo sit contemptor Divini Præcepti, & suorum Superiorum, quibus sponte se submisit. .... quamvis adhuc in talibus limitationibus quadam adducuntur magis ad quandam decentiam, quam præcepti necessitatem.

19. In Corollario 14. asserit constare constitutiones de Excommunicationibus, Suspensionibus ferè omnes esse de jure positivo purè, idest nullam includentes Legem Divinam. Ego subsumo, sed per Gersonem in Corollario 4. nunquam est mortale peccatum, nisi pro quanto Divina Legi præceptiva dissonans invenitur; ergo transgressio excommunicationum &c. ferè semper non est peccatum mortale.

20. In Corollario 10. Aldimus adhuc, quod nulla traditio, vel Regula, vel Lex, vel determinatio puri hominis, qui in talibus fallere potest, & falli, obligat ut præcisè talis est subditus ad credendum eam tanquam veritatem Fidei, aut Divinam Legem, ( hoc est verum ) licet obligare possit sub pœna politica ad exteriorem præceptionem, & ad non impugnandam eam, ( nota ly sub pœna politica ) Exinde patet via ad investigandum particulariter, quid operentur determinationes Summorum Pontificum; quid condemnationes articulorum Parisius, vel alibi factæ. Poterit siquidem fieri, ut absque peccato mortali, immo cum merito magno, sit aliquis Theologus, vel alius prudens, qui dissentiat corde ab humanis determinationibus, aut traditionibus, qui tamen obligabitur propter evitacionem Scandali, vel aliter non repugnare exterius. Nescio an hæc verba præferant majorem reverentiam erga Summum Pontificem, quam ea, de quibus adeo conqueri-

tur Montaltius Epistol. VI. pag. 84. ironicè, & acerbè.

1. Præterea hic nullam agnoscit differentiam inter decisiones Pontificis, & Academiæ Parisiensis, & tamen in casu de quo agitur intercedit adeo magna; Nam Pontifex potest præcipere, ut suæ Decisiones recipiantur à toto Orbe, juxta illud magnum: Quodcumque ligaveris super terram, &c. E' contra Sorbona nulla Authoritate pollet præcipiendi; & impunè potest quilibet Doctus impugnare Decisiones, quas etiam asserit esse de Fide; nullo enim jure cavetur hoc. Loquor de jure comuni; si enim aliquis Episcopus præcepisset, tunc subditi illius Episcopi debent obedire illis decisionibus non ut Sorbonicis, sed ut Episcopalibus.

21. In Tomo Secundo, tract. 1. de Avaritia pagin. 131. column. 1. scribit: Nemo de necessariis suis simpliciter teneatur elargiri, immò nec de necessariis secundum statum suum, sed nec de superfluis suis, ut sua sunt, sub pœna: peccati mortalis, nisi ubi gravis necessitas circa alterum ipso præsumere debente quòd alius non succurret, immineret; necessitas enim extrema proximi præferenda est soli decentie proprii status, quanto magis superfluitati? Hanc Doctrinam ego puto probabilem, & suo loco defendam; Sed Adversarii illam condemnant ut nimis lasam, & volunt cogere divites ad eleemosynam extra gravem necessitatem. Si per gravem necessitatem intelligat Geronius, ut videatur intelligere, extremam; tunc prorsus etiam assero, esse Doctrinam valde lasam, & falsam; & teneo pro certo in gravi necessitate nos teneri ad eleemosynam de superfluis.

22. In eodem Tractat. de Luxuria scribit: Si sola delectatio quaeritur, infra tamen metas vinculi Matrimonialis, .... nec sit cum circumstantiis aliunde prohibitis, illud, aut illud, aut tantum veniale peccatum est. Puto textum esse mendosum in illo verbo *Illud*, quia sic aptum sensum non reddit, & debet reponi potius, *Nullum*, & sic dicatur, *Illud*, aut

aut Nullum, aut tantum peccatum veniale est. Quæ Propositio damnata est ab Innoc. Und. num. 9.

23. In Tractatu de arte audiendi confessiones fin. ait: Injungat Confessor penitentiam non aliam, quam de consensu peccatoris, & de qua speret impletionem; nisi forte peccata essent publica, & scandalosa, pro quibus ad reparationem cogi deberet invitus. .... Commoneatur tamen ipse confessus, ne penitentiam hanc, vel aliam accipiet, si non eam proponat, se firmiter impleturum, agnoverit enim se in Purgatorio, quam in hoc Mundo. Graviter omnia soluturum. Videtur Gerson fuisse in opinione, quod penitens non teneatur acceptare penitentiam impositam à Sacerdote; & clarius hoc colligitur in primo Tract. hujus Tomi Secundi de Regul. moral. de penit. pag. 133. column. 2. ubi ait: Tutius est cum parva penitentia, quæ sponsetur, & verisimiliter adimplebitur, ducere confessos in Purgatorium, quam cum magna non implenda precipitare in Infernum. Renuens penitentiam in hac vita sultum facit, nihilominus absolvendus est, si hoc non ex infidelitate, qua credit non esse Purgatorium aliud, hoc faciat, sed vel propter ténertudinem corporis, aut infirmitatem, aut paupertatem, aut aliud simile. Legatur Tridentinum Sess. 14. c. 8. Ibi dicitur, quod Sacerdotes debent pro qualitate criminum convenientes Satisfactiones injungere, ne levis opera pro gravissimis delictis injungendo, alienorum peccatorum participes efficiantur. Nota illud v. Ténertudinem.

24. Caietanus in Summ. Verb. Satisfactionis ut pars diversimodè consideranda, aliter pariter, penitentem non teneri ad Satisfactionem, narrando enim casus, in quibus potest omitti impositio penitentia, tertio loco ponit eise, quando penitens nullam vult penitentiam, hic peragere, sed offert se in Purgatorio subditurum; talis enim videtur absolvendus. .... si casus sit possibilis, quin saltem semel signare se signa Crucis nullus resu-

taret. Sed infra sequitur opinionem omnino laisam, & propterea rejiciendam; siquidem tenet, quod omittere Satisfactionem, utique impositam, & acceptam, non sit peccatum mortale, si desit contemptus. Hæc opinio prorsus est error, & omnino eliminandus, & contra Tridentinum loco allato.

25. Quod penitens non teneatur acceptare penitentiam, etiam convenientem, mihi videtur sustineri etiam à Tabiena. Verb. Confessio. 2. num. 18. & seq. & cum Tabiena occurreret objectio multiplex ex Divo Thoma num. 20. conatur respondere. Tandem concludit: Bona igitur videtur distinctio, quando dicitur: Si accipiat, & maxime quando remanet poena persolvendi. Sed pro certo videtur secundum mentem Sancti Thomæ, quod teneatur acceptare, quando est discreta. Ego puto, quod Tabiena sustineat penitentem non teneri ad acceptandam penitentiam etiam convenientem, & hoc clare num. 18. 19. asserit, & in finem num. 20. addit in Sententia Sancti Thomæ adesse talem obligationem. In numero 39. asserit, eise validam Confessionem, & ipsam hoc modo esse in precepto, (intellige de Ecclesiastico) & non aliter, scilicet ita facta, id est, quando quis constituitur non perfecte contritus, vel habet ignorantiam, vel negligentiam, quæ non excusant, vel non sunt perfecta ad consequendam gratiam, non tamen est divisa, neque est omnino sine sua materia, id est, habet aliquam contritionem, quamvis imperfectam, & intendit recipere Sacramentum, & ista non occurrunt consistenda. Mihi quidem hæc opinio nunquam placebit; adhuc tamen non damno, quia scio eise valde communem in sententia Thomistarum. Assero tamen Adversarios, à quibus in materia Confessionis opiniones benignè reprobantur, forsan debere illam damnare.

In V. Eleemosyna num. 6. habet duas conclusiones, in prima, quod judicandus sit habere superflua suæ vitæ, & suorum teneatur ad eleemosynam habentem talem necessitatem, ita quod nisi sibi administraretur panis, vel vinum, vel but-

jus.

*jusmodi necessaria, in brevi monetur, vel incurret magnam infirmitatem, & judicat, quod alius non sibi subveniet.*

26. In secunda verò conclusione ita asserit: Quando aliquis judicat se habere superfluum secundum statum, idest judicat, quòd habet illa, quæ communiter sunt sibi necessaria, etiam secundum decentiam, & quòd habet alia magnæ quantitatis, ita quòd expressè cognoscit esse superflua secundum statum suum, & cognoscit, quòd est aliquis, qui multum indiget, si ve secundum individuum, si ve secundum personam, ita quòd nisi illi subveniat de illo superfluo, judicat, quòd incidet in magnam verecundiam, vel hujusmodi, tunc iste peccat mortaliter, nisi subveniat. Nec etiam ista conclusio est multum rigida, ut mul- ti debeant illaqueari. Ad hoc enim, quòd faciat contra istam conclusio- nem, primò requiritur &c. Quar- tò, quòd appareat secundum judicium suum, quòd sit aliquis, qui multum indiget. Quintò, quòd ipse judicet tunc, quòd tenetur pro certo, tunc si non subveniat, peccabit. Nec hoc est multum rigidum, immò valde con- sonum rationi &c. In nullo alio casu hic Doctor judicat præceptum Elec- mosynæ obligare; & sic per ipsum in ne- cessitatibus ordinariis pauperum non dat præceptum Eleemosynæ. Quam do- ctrinam, licet ipse veram reputem, dam- nare debent Adversarii, ut dicebam su- præ.

27. Angelus habet suos errores, & lassitates, & ipse quoque est Doctor collocatus à Vendrochio in veterum Do- ctorum choro. In primo loco pono, quòd quis potest alium interficere, ne percutiatur ab illo, quia inquit V. De- fensio. num. 4. *Cum injuria personalis sit major, quam realis, ut in l. fervorum. in fin. ff. de pœnis. & propter realem ir- recuperabilem possum te interficere, ut in d. l. Furem. Ergo fortius pro personali. Ecce, quòd Angelus concedit occisio- nem, ne quis percutiatur, & ne subeat jacturam irrecurabilem realem, idest*

rerum, quæ Doctrina quoad res dam- natur. ab Illustrissimo Clero Gallicano num. 36. quoad verò percussionem rea- lem, fortassis etiam videbitur nimis lassæ severis Probabilioristis.

\* 28. Verb. *Homicidium.* num. 5. ean- dem Doctrinam de occisione pro rebus habet, ait enim: quando fur noctur- nus, vel diurnus cognoscitur, & res possunt rehaseri per Judicem, quod non licet occidere, & facit, quod notat Bar- tholus in d. l. Furem. aliter sic. Idest, si res non potest rehaseri per Judicem, nec fur cognoscitur, fur potest occidi. Verb. *Confessio.* 1. num. 14. asserit, quòd Confessor injungat aliquam pœniten- tiam, quam statim, & in statu gratiæ possit pœnitens peragere, & postea aliam adjicere, quam non intendat pro pœni- tentia Sacramentali imponere. . . . Ita quòd qualitercumque impleat, sufficiat, & etiam si non impleat, non intendat il- laqueare, sed in suo arbitrio ponere. Hæc benignitas placebitne nostris rigidis Probabilioristis?

29. Verbo eodem. 4. num. 13. asserit, Confessorem ordinarium, scilicet Pa- rochum, teneri ad absolvendum pœni- tentem sequentem opinionem contra- riam illi, quam amplectitur Confessor. Hanc Doctrinam ego puto omnino cer- tam, sed debet reputari error lassissimus ab Adversariis, vide num.

Forlan judicabunt errorem illam opinionem, quam habet num. 4. ubi docet, quòd, quando Confessor est dubius de aliquo, debet absolvere pœnitentem, & impo- nere, ut consulat peritos, & deliberet facere, quicquid faciendum ei fuerit de- claratum. Hæc, inquam, Doctrina ab Adversariis est damnanda, qui asserunt, Confessorem non posse se accommodare opinioni pœnitentis, eo quòd Confes- sarius est Judex, non pœnitens; et nec periti sunt Judices Confessionis, sed so- lus Confessarius; ergo in hoc casu Con- fessor juxta Adversarios nequit licentiarè pœnitentem, ut sequatur opinionem Pe- titorum.

Verb. *Confessio.* 6. num. 1. tenet, quòd Confessor debet dare pœnitentiam, quam sine

*sine marmure, & sponte velis portare, & non aliam propter periculum. .... nec debet exigere juramentum, vel promissionem de abstinendo in futurum ab aliquo peccato. .... sed absolvas eum simpliciter sine conditione, cum protestatione, quod si non restituat alienum, vel faciat debitum, quod evacuabit fructum Confessionis, quamvis sibi videatur, quod non sit sacrilegium illud, ad quod obligatur.*

30. Sed exhorrescent Adversarii legendo Verbo Ornatus. num. 4. ubi habet: *Ego verò in occultantibus defectum, (succando, colorando, & adhibendo adulterinos crines) tenebam opinionem Sancti Thomae, (scilicet quòd hujusmodi fictiones sunt peccata, sed non semper mortalia) in aliis autem, quae talibus utuntur ad fingendam majorem pulchritudinem, recitarem eis opiniones praedictas (scilicet quòd sit peccatum mortale) & inducerem pro posse ad dimittendum ostendens periculum; tamen si vellent tenere opinionem Sancti Thomae, non negarem eis absolutionem. (notent Adversarii sequentia, & horreant juxta sua principia) Sed me exonerarem, & super ipsos, vel ipsas relinquerem.*

31. In Verb. Feria. numer. 42. docet, Omittentem auditionem Missae in die festo ex aliqua passione animi, vel pigritia, vel non causa rationabili, si tamen ad hoc non sit assuetus, esse peccatum veniale. Idem asserit de omittente Horas Canonicas Verb. Hora Canonica. num. 10. & hanc opinionem vocat humaniorem, subdit tamen aliam opinionem esse tutiorem. De quo quis dubitat? Alias lassitates Angeli non recito, quia haec sufficient ad demonstrandum Vendrochio, Doctores, quos ipse venerabili Theologorum nomine insignit, quo non vult decorare Modernos, licet famosissimos, habuisse suos errores aequè, ac Modernos. Lector poterit alios in hoc Summista legere errores lassos, quia in rei veritate saepe nimium ipsi placent benignitates.

32. Denique ultimus Doctor, quem Vendrochius ponit, & jure, in veterum Theologorum choro, est Divus

Antoninus. Veterem, & Theologum; & Canonistam eum esse fateor. Ejus Summa divisa in quatuor Partes clarissime demonstrat, quantum illis facultatibus imbutus fuerit; est verò adeo copiosa, ut ante ipsum nullus, quem viderim, adeo de Casibus Conscientiae luculenter scripserit. Utinam alii Sancti in hac materia in lucem edidissent, quae sciebant! Nedom verò Theologum, & Canonistam appello, sed etiam inter Sanctos Patres ipse libentissime loco, quicquid Vendrochius in contrarium dixerit. Sanctitate, & Doctrina floruit. Insuper Ecclesia Romana in ejus Officio in Lectionibus secundi Nocturni laudat Doctrinam ejus uti insignem; Quare non debet appellari Sanctus Pater? Si omnes illi, qui laudantur à Decreto Gelasii relato in c. Sancta. 15. distinct. vocantur Patres, cur non ille, cujus scripta celebrantur à Breviario Romano julii Romani Pontificis edito, praecipue cum Breviario Romanum à tota Ecclesia recipitur?

33. Grande verò nefas committeret, qui in hoc Sancto lassitates, & errores inquireret. Errantem Antoninum nunquam proferam; Illo ut plurimum benigno utar contra Adversarios, quia in rei veritate benignus valde exiit in opinionibus, & multum à rigidis Decisionibus abstinuit. Aliquas ejus benignas propositiones infra referam, hic verò nonnulla rescribam, quae à me probantur, sed ab Adversariis damnanda sunt; & quia injustè damnanda forent, ideo doctrinam Adversariorum justissime proscrībenda venit.

34. Igitur 3. part. titul. 4. cap. 3. §. 1. quarens an quis possit defendere bona sua occidendo invasorem, sic scribit: *Sed in secundo casu (scilicet quando infertur violentia pro rebus) aut violentia rebus illata potest per viam Judicii reparari, & tunc non licet qualitercunque, immò cum qualitate Armorum, non autem sacrorum, quia non debet personam percutere pro defensione. Ubi autem aliter salva esse non possit, modo per viam Judicii reparare non potest, tunc licet qualiter-*

literecumque defendere, etiam personam occidendo, ut l. fure n. ff. ad l. Cornel. de Siccar. Paulo infra admonet, quòd hæc defensio rerum debet fieri incontinenti, & tunc dicitur violentia incontinenti repelli pro rebus etiam post fragrantiam facti, dummodo non divertat ad alius extraneos. Ecce Textus expressus, quo Sanctus Doctor facit nos posse occidere invasorem rerum in casu, quo non possimus rem aliter defendere. Hinc nescio, quomodo potuerit quidam Probabiliorista explicare ipsum pro opinione opposita. cap. 45. n. 26. de hoc puncto agam ex professo.

35. In §. 2. iterum alierit, esse licitam defensionem rerum cum modamine inculpatæ tutelæ. Ab hac verò defensione excludit eos, qui nequeunt habere bona sua, ut sunt *Servi, & Monachi, & similes*. Et ab hac exclusione ego colligo Divum Antoninum pro defensione intelligere, etiam quòd possimus occidere invadentem, quia non credo aliquem dicturum, quòd Monachus nequeat pro rebus sui Monasterii fures claudere, ne aufugiant, aut ipsos etiam ligare, & alia facere præter percussionem personalem. Quod si Glossa in c. suscepimus. de homic. Verb. *Ligaverunt*, negat, duos Monachos potuisse ligare quosdam fures, ideo est, quia observat, quòd poterant aliter evadere. Ergo si Divus Antoninus negat Monachis defensionem pro rebus, debet intelligi de defensione occisiva. Hæc autem clarè colligitur ex sequentibus; namque alierit, quòd si quis vim vi repellendo pro rebus occidat, vel mutilet, non incurrit excommunicationem, si percutiat Clericum; incidat tamen in Irregularitatem, quia in hanc incurritur sine dolo, ut patet in Iudice condemnante reum. Ecce quòd Sanctus Doctor negat Excommunicationem incurri propter homicidium factum in defensionem rerum, & hoc negat, quia excommunicatio non incurritur sine dolo, vel diabolica suggestionem. Peccatum autem mortale sine dolo, aut diaboli suggestionem non committitur. Ergo si defen-

sio occisiva pro rebus esset peccatum mortale, ut volunt Adversarii, jam Divus Antoninus non supponeret, in nostro casu non intervenire dolum, aut diaboli suasionem.

36. In eadem parte tit. 17. cap. 17. §. 5. videtur tēere, non esse necessariū cōfiteri circumstantias aggravantes, v.g. *furari multum, furari centum Florenos*. Moutaltius Epist. X. pag. 166. sustinet, opinionem dicentem non adesse obligationem confitendi circumstantias aggravantes esse novam deordinationem; hinc per ipsum opinio Divi Antonini rejicienda esset ut causans lassitudinem novam in moribus.

37. In cap. 30. ante §. 1. scribit, quòd Confessor debet injungere penitentiam peccatori dicenti se non posse aliquam duram peragere, quam libenter suscipiat; & si Sacerdos non potest gaudere de omnimoda purgatione ejus, saltem gaudet, quòd liberatum à gehenna, transmittit ad Purgatorium. Itaque inquit Hostiens: Confessor nullo modo debet permittere peccatorem desperatum recedere à se 16. quest. 6. Preter byter, sed potius imponat ei *unum Patrem noster, vel aliud leve*. De hoc puncto vide cap. ult. num. 34.

In §. 3. docet, Confessarium ordinarium in materia, in qua sunt opiniones inter Magistros, licet credat illud esse peccatum, si tamen penitens non vellet cognoscere illud esse peccatum, debere nihilominus illum absolvere, nec reputare eum inhabilem ad absolutionem, quia ex ratione, & non præterea hæc opinio est. Ordinarius autem in absolvendo debet sequi commune iudicium Ecclesiæ, non suum. Certò debent hæc duæ Opiniones damnari ab Adversariis.

38. In eadem part. tit. 13. cap. 4. §. 7. facit questionem, an teneamur ad attentionem internam in persolvendo Horas Canonicas, & ipse cum Hostiens: Henric. Ulric. & Glossa, & Archidiaconus sustinet sententiam negativam, & subdit: *Hunc intellectum teneas*, (sententiam scilicet negativam) *qui benignior est, &*

quia Ecclesia non debet alicui laqueum injicere. Si obligati ad Officium Divinum sunt in ætate matura, & apti ad attentionem, non tenentur ad attentionem internam, quanto minus adstringentur ad hanc attentionem, qui obligantur audire Missam, cum hoc præceptum liget pueros statim, ac ad rationis usum perveniunt, qui pueri non sunt adeo apti ad attentionem, sicut sunt addicti ad Horas Canonicas? Opinio Divi Antonini circa Horas Canonicas est adeo benigna, & in linea moræ Probabilitatis, ut multi Probabilistæ illam sequi resugant. Aliqui verò Probabilioristæ non desinunt illam proferbere. Scio D. Anton. 2. par. tit. 9. cap. 10. §. 2. prope finem dicere: Cum maxima ergo reverentia ibi assistere (idest Missæ) oportet, & omni mentis devotione. Adhuc tamè hæc verba non explicant præceptum sub mortali, quia illa infert ex motivis, quæ si inferrent præceptum grave, etiam in Missa ex devotione inferrent.

39. In part. 2. tit. 4. cap. 5. §. 7. querit, utràm ornatus mulierum secundum morem Patriæ, qui videtur vanus, & superfluus quoad vestes incisus, perforatus, lingulatus, ricchamatus, caudatus, de auratus, quoad etiam mitras, senbaltheos capitis, capillaturas varias, circa dorsum Margaritas, zonnas aureas, plumulas altas, fucos, & hujusmodi sit peccatum mortale. Longissimè S. Doctor tractat questionem per varias distinctiones, in quibus ut plurimum est ita benignus, ut certò damnaretur à Probabilioristis severis. Audi hæc pauca, quæ habet §. 8. vers. ex prædictis igitur, & loquitur de Confessione mulieris nimium se ornantis: Si non potest Confessor clarè percipere, an sit mortale, vel veniale, seu ex intentione ipsius, quam nescit intelligere, vel illam exprimere, seu ex qualitate, & quantitate ipsius ornatus, non videtur tunc precipianda sententia, ut dicit Guil. Spec. in quodam simili, ut scilicet denegat propter hoc absolutionem, vel illi faciat conscientiam de mortali, quia faciendò postea contra illud, etiam si illud in se non est

set mortale, ei erit mortale. . . & curâ promptiora sint jura ad adsolvendum, quàm ligandum dist. 50. ponderes, & melius sit reddere rationem de nimia misericordia, quàm de nimia severitate, ut dicit Christus 26. quæst. 7. alligant, potius videtur absolvendam, & divino examini dimittendam. Ita Sanctus Doctor. Pro certo habeo hæc visura nimium lapsa Probabilioristis, sed tamen pro certo scripta sunt à Divo Antonino.

40. In eadem part. tit. 1. §. 10. asserit acquisita per meretricium non esse necessariò restituendum, nec necessariò dandum in elemosynam. Subdit postea: Et idem dicendum de acquisito per concubinatum, & Sodomiam, & Adulterinum eadem ratione. . . . quidam dicunt, quòd acquisitum per Adulterinum est dandū ei, in cuius injuriam est factum. . . Sed idem videtur dicendum, quòd de aliis turpibus lucris, scilicet meretricio, & hujusmodi. Hæc sententia adeo Montaltio Epist. VIII. pag. 133. nova videtur, ut asserat, se nunquam audivisse Adulterinum dare legitimum titulum acquirendi, & quòd Judices hunc titulum non approbarent. Posthac debet dicere oppositum, cum clarè Divus Antoninus hoc doceat. Eandem doctrinam de acquisitis per concubinatum, lenocinium, adulterium, & hujusmodi habet tit. 2. cap. 1. §. 19. Vide cap. 46.

In materia Elemosynæ procul dubio Divus Antoninus fuit prorsus benignus: unde part. 2. tit. 1. cap. 24. §. fin. dicit: Tertiò cum quis de superfluo utriusque necessitatis, nature scilicet, & personæ, non subvenit magnas necessitates, & miserias patientibus, & si non extremas sibi notas, & hoc videtur esse quasi peccatum mortale secundum Durandum: Sed non secundum Thomam. Quàm sit benigna hæc sententia nemo non videt, & jam scimus damnari ab Adversariis, ut dixi supra. Alias opiniones benignas hujus Sancti Doctoris non referam, quæ errores per Adversarios reputandi forent, quia sæpius infra occasio se offeret illas recitandi.

## CAPUT XII.

*Aliorum Antiquorum Errores  
recitantur.*

**P**RO evidentia errorum, & lassituum Antiquorum aduerto ex Decreto Alexandri Septimi de Anno 1664. 24. Septembris, ex propositionibus lassus ibi damnatis quidam fuisse *Antiquitates*. Sierant *Antiquata*; ergo ab Antiquis Doctoribus asserbantur. Quomodo ergo Adversarii possint illas omnes Modernis attribuire? Sed de hoc suo loco. Incipiamus in particulari narrationem errorum Antiquorum, & exordium summam ab illis, quos Magister Sententiarum docuit.

2. Doctoris adeo famosi, & Antiqui errores quatuordecim à Divo Antonio 4. part. tit. 11. cap. 8. enumerantur; viginti verò sex à Carthusiano in 4. Sentent. princ. & à Bellarmino de Scripturis Ecclesiasticis. Est tamen verum, quòd major pars eorum est speculativa. Ego referam solum morales, sive tales formaliter, sive virtualiter. Igitur in 4. distinct. 2. §. *hic considerandum*, asserit, quòd Baptismus Joannis cum impositione manuum æquipolebat baptismo Christi, ita quòd baptizatus baptismo Joannis non erat baptizandus Baptismo Christi. Distinct. 13. §. *illius verò*, dixit, quòd Schismatici degradati, Præcisi ab Ecclesia, Hæretici, Excommunicati non habent potestatem validè consecrandi Corpus Christi. Distin. 25. §. *de Simoniacis*, dicit, quòd Episcopi Simoniaci degradati non possunt conferre ordines validè. Distinct. 27. §. *secundum hoc*, quòd secundus maritus alicujus mulieris incognitus carnaliter à primo redatur impotens ad Sacros Ordines per copulam carnalem cum eadem. Dist. 34. §. *de his*, quòd cognoscens Sororem Uxoris suæ non tenetur uxori petenti debitum reddere. Distinct. 38. §. *fin.* sustinet, quòd uxoratus in patria, si in alia regione aliam ducit, si facti pœnitens

velit ad priorem redire, & nequeat, sed per Ecclesie disciplinam cogatur secundam tenere, incipit excusari per obedientiam, & timorem; quòd possenti mulieri debitum reddit, à qua ipse nunquam poscere debet, & sic de aliis hujusmodi sciendum est. Vide, quam lassitatem in genere libidinis permittit Magister sub titulo colorati Matrimonii. Non credo, quòd Adversarii in hoc genere lassitatem similem repenient in Modernis.

3. Errores Gratiani colligit Divus Antoninus eodem loco. Ego solum quoidam recensibo 95. distinct. c. *Presbyteros*. §. *sed illud*, dicit, quòd fortè necessitate urgente in absentia Episcoporum, ubi est consuetudo, Presbyteri possunt chrismare in fronte. In c. *ad mensam*. 11. quæst. 3. §. *evidenter itaque post*, dicit, quòd iniiciens manus violentas in Clericum incurrit anathema juxta c. *si quis suadente*. & exponens verbum *Anathema* ait, idest separationem à Sacramentis, & ab ingressu Ecclesie, non autem à communione Fidelium. In cap. *precipimus*. §. *sed notandum*. 12. quæst. 1. tenet, Clericos Orientales posse habere proprium; Occidentales verò, qui prius uxorem, & filios habuerint, non verò, qui à pueritia sacre militie traditi sunt, nisi fortasse retinendo sua à sumptibus Ecclesia abstineant.

4. In c. *dilectio*, §. *potest etiam aliter*. 16. quæst. 3. ait, sufficere ad præscribendum, si quis habuerit bonam fidem ab initio possessionis, etsi medio tempore habuerit conscientiam rei alienæ. In §. *fin.* 22. quæst. 4. dicit, quòd, si quis post votum castitatis juret feminæ ducere eam in uxorem, illicitè quidam jurat, juramentum tamen servare non prohibetur, sed sibi de violatione voti pœnitentia est injungenda. In tractat. de pœnit. distinct. 1. per longum disputat in utramque partem, an Confessio sit de necessitate salutis. In fine sic concludit: Cui potius adherendum sit, *Letto* ris iudicio reservatur. Et ne videatur hanc lassam hæreticam licentiam grati concedere, subdit rationem: *Utraque enim*

anim, opinio, habet fautores Sapientes, & Religiosos viros.

5. Nunc recensendi sunt errores aliorum Antiquorum, quos casu potui colligere. Illos enarrabo servato ordine alphabetico excepto primo, quem ideo primo loco ponam, ut Lector statim incipiat cognoscere lassitates ingentes Antiquorum, etiam in jure naturali. Nostri Moderni in rei veritate de Duello valde lassam opinionem, damnatam ab Alexandro Septimo num. 2. asseruerunt; sed in hac materia Antiquiores magis lassaverunt habenas. En tibi Historiam desumptam ex Divo Raymundo libr. 2. tit. 3. de duello. §. 2. Ibi Sanctus Doctor probat, duellum esse illicitum, postea subdit: Non obstat, quod crimen lesæ Majestatis crimen perduellionis appellatur; quia illud non fit ideo, quod in illo crimine, non in aliis, sit admitendum duellum, prout quidam male intellexerunt, sed quia perduelles dicuntur hostes. Vult ergo dicere crimen perduellionis, idest crimen hostile. ff. de verbor. signific. quos nos hostes. Consuetudo tamen generalis contra ista invaluit ferè ubique terrarum; unde solet quæri, an hujusmodi consuetudines generales excusent à peccato mortali, & dicunt quidam, quod sic, inducentes pro se verbum Ambrosii 32. quæst. 4. obijciuntur Jacob quatuor uxores, quia quando mos erat, crimen non erat. Alii distinguunt, utrum quis offerat, an suscipiat duellum, & cum suscipit, utrum sponte, an delatum à iudice; dicunt enim eum, qui offert, & eum, qui sponte suscipit, peccare mortaliter, cum vero, qui suscipit iudice compellente, non peccare, quia non sponte id facit, sed invitatus, cum aliter non possit evadere periculum corporis; vel rerum; quod enim quis facit ob defensionem suam, vel suarum rerum, licitum iudicatur, si sit etiam Sacerdos. Eandem horribilem historiam referunt Goffredus Tranensis in Summ. tit. de Clerico pugna in Duello num. 3. Hostiensis in Summa. Henricus Boic eodem, & alii Canonistæ ibidem. Asten. lib. 1. tit. 27.

de duello, Divus Antoninus par. 3. tit. 4. cap. 4. §. 2. Alios non refero, quia infra ex professo tractans de duello afferam reliquos Antiquos. Nec mirum si consuetudo, & Doctores approbant duellum, cum Lex Longobarda in pluribus casibus duella admittat, quas leges infra referam. In una harum Legum Otto Imperator statuit, quod, si quis accusaretur, falsificasse Diploma Imperiale, hic teneretur duello innocentiam suam probare. Hanc Legem Imperator posuit loco alterius, qua hic accusatus tenebatur olim iuramento probare se innocentem; & illam statuit interventu Procerum Italia. Vide Mabillon de re Diplom. libr. 1. cap. 6. pagin. 23.

6. Federicus quoque Imperator in lib. Feudorum. Tit. de pace tenenda. §. si quis hominem. legem dixit in hæc verba: Si quis hominem inter pacem constitutum occiderit, se per duellum defendere potest, quod ad sui corporis tuitionem eum occidit. Nec mirum debet esse, si Imperatores erraverint in materia duelli, nam, si credimus Divo Thoma part. 3. quæst. 80. artic. 6. ad 3. Concilium Vormaciense c. 15. in maiorem errorem impexit; dum decrevit, & refertur. c. cum contingit. 2. quæst. 4. ad expurgandam infamiam de furto, ut Monachi acciperent Eucharistiam, & Sacerdos ipsos communicans diceret: Corpus Christi sit tibi bodie ad probationem. De hoc Decreto Angelicus Doctor sic scribit: In omnibus talibus esse verè videtur Dei tentatio; unde sine peccato fieri non possunt, & gravius videtur, si in hoc Sacramento Eucharistia, quod est institutum ad remedium salutis, aliquis incurreret iudicium mortis; unde nullo modo Corpus Christi debet dari alicui suspecto de crimine quasi ad examinationem.

7. Lecta hac funesta historia relinquo iudicium penes Adversarios, quinam magis lassaverint habenas in materia duelli an Antiqui, an Moderni. Dum verò ipsi perpendant ad dandum iudicium huiusmodi, ipse recitabo errores aliorum Antiquorum.



8. Franciscus Mayr. in 4. dist. 14. q. 1. art. 2. ad 3. narrat, in provincia Provincie fuisse usum sic absolvendi : *Absolvat te Deus Pater, Deus Filius, Deus Spiritus sanctus.* Vide etiam Parisien. de pœnit. c. 19. litt. H. D. Th. Opusc. 22. scribit contra opinionem dicentis, non esse utendum hac forma in Sacramento Pœnitentiæ, *Ego te absolvo*, sed illa : *Absolutionem, & remissionem tribuat tibi Omnipotens Deus.* Et cap. 3. refert objectum Adversarii asserentis, quod ante triginta Annos omnes utebantur illa forma : *Absolutionem, & remissionem, &c.* cui respondet : *Sed quomodo potest de omnibus testimonium perhibere, qui omnes non vidit?* Hæc responsio refutat quidem evidentem objectum de omnibus, sed non de plurimis, nam ille Doctor poterat vidisse plurimos, & illos audisse illa forma, *Absolutionem, & remissionem &c.* absolventes. Quisque videre potest, quam fuerit damnosa illa consuetudo, & illa opinio de forma Absolutionis; nam, si pœnitentes non habebant dolorem charitatis perfectam, misere damnabantur. Gerson part. 2. in Opuscul. super absolutione Confessionis Sacramentalis litt. I. pag. 184. interrogatus, an apud aliquem Doctorem reperiatur forma authentica absolutionis Sacramentalis, respondet, reperiri in *Summa Confessorum, vel Beribotina. V. Absolutio.* Sed si quis noluisse credere illis Doctoribus, non aderat liber certæ Autoritatis potentis cogere ad sic tenendum? Poterat quidem allegari etiam Doctor Angelicus Opuscul. citato 22. sed nec Doctor Angelicus potest cogere ad sic credendum. Cum ergo Antiqui non haberent Librum infallibilis Autoritatis in hac materia, mirum non erit, si etiam tempore Gersonis fuerint tot varietates in forma Absolutionis, & temporibus Antiquioribus viguerit & consuetudo, & opinio aperte falsa. Nos Moderni in hac materia veritatem certam habemus, & usum. Tridentinum Session. 14. cap. 3. ait, Sacramenti Pœnitentiæ formam in illis verbis positam esse, *Ego te absolvo &c.* Per hunc

textum aperte damnatur usus Provincie & Opinio dicentium formam hujus Sacramenti esse illa verba, *Absolutionem, & remissionem &c.*

9. Apud Divum Thomam quodl. 12. art. 30. quidam dicunt, quod quilibet Sacerdos potest absolvere quemlibet à quolibet peccato; & licet non bene faciat absolvendo, tamen absolutus est. Alii dicunt, quod nullus, etiam auctoritate Superioris Prælati, potest absolvere subditum inferioris Prælati sine ejus voluntate, puta auctoritate Episcopi contra voluntatem Parochi. Parisien. ubi supra scribit : Si forte ille Sacerdos illitteratus fuerit, etiam totum interpreti potest committere, si saltem sit Diaconus, reservatum tamen sibi benedictione, & absolutione, quæ sine potestate clavium in peccatis mortalibus locum non habent; in venialibus autem peccatis, secundum quosdam, absolvere possunt etiam Laici in necessitate. Tridentinum Session. 14. cap. 6. & can. 10. decidit de Fide, solos Sacerdotes esse Ministros absolutionis. Hinc Laici nec venialia possunt absolvere; nec Diaconus habet aliquid speciale in ordine ad Confessionem Sacramentalem, quod non habeant alii Clerici, quia in rei veritate solus Sacerdos est à Christo constitutus minister Sacramenti Pœnitentiæ. Sed quid dicemus de illa hæretica opinione, quam aliqui Antiqui tenebant apud Divum Raymundum lib. 3. de pœnit. & remis. §. 62. quod remissio peccatorum solum à bono Ministro fiat? Vide Tridentinum Sess. 14. can. 10.

10. In Concilio Basiliensi juxta Divum Antoninum part. 3. tit. 17. c. 12. & cap. 21. §. 3. facta fuit collatio à multis notabilibus Doctoribus Theologiæ, & fuit doctum à quibusdam, quod Confessarius, qui absolvit pœnitentem aut ex estimatione, aut ex ignorantia, aut ex verecundia, quem non poterat absolvere, possit eundem pœnitentem abientem absolvere, si aliter faciendo timeretur magnum scandalum, & si speratur ab ultima Confessione, quod sit in gratia. Palud. in 4. distinct. 17. quæst. 2. artic. 1.

dicit, aliquem inclusum in carcere posse scribere peccata Sacerdoti, & hunc posse rescribere, & remandare absolutionem. Idem tenet Godescalcus Rosemond. c. 7. §. *confiteri per sebedulam*. fol. 171. Alios Antiquos hujus opinionis retuli alibi.

11. Divus Thomas quæst. 2. de malo. art. 4. dicit, apud Antiquos diversas fuisse opiniones de actibus humanis; quidam enim dixerunt omnes actus de se esse actus indifferentes, aliquos esse de se bonos, alios de se malos.

12. Quidam tenuerunt, mutum, & mancum posse simul conferre Sacramentum Baptismi, itaut mancus proferret verba, & mutus ablueret. Canonistæ omnes tempore Hostienf. in Summ. de Baptism. num. 7. fin. dixerunt, Baptismum esse invalidum, si formæ præmitteretur, aut interponeretur, aut postponeretur aliquod verbum, v. g. si diceretur, *Arma, virumque cano*: Ego te baptizo in nomine Patris, &c. Ego baptizo te in nomine Patris, & Filii, & Spiritus sancti, & omnium Sanctorum. Huic opinioni adhæret Hostienf. ex eo, quod ita omnes bodie in hoc conveniant; ergo credemus eis. ff. qui satis dare coguntur. l. inter omnes. Idem Doctor num. 16. scribit: Dicas, quod in baptizante non requiritur intentio, quæ pro baptizato sit, dummodo contraria non adit; unde & ebrius baptizat. 1. quæst. 1. c. dedit, qui tamen nihil intendit; nam quod sobrius cavet, ebrius ignorans committit, nequit, quid loquitur, sepultus jacet. Multi quoque Canonistæ apud Sylvest. V. Baptismus. 4. quæst. 9. tenent illud axioma, in Sacramentis nihil est iterandum, sed causæ supplendum, quod erat omisum, ita esse amplè interpretandum, quod si est omisum aliquod substantiale, ut fiat Sacramentum, non sit repetendum illud substantiale, sed sufficere ponere omisum.

13. Potest quis celebrare Missam, & communionem accipere præmissa sola contritione sine Confessione, si expelletur brevi Confessor, cui devotius confiteatur. Ita Baptista de Salis, V. Confessio. 2.

quæst. 7. & Richardus; Astenf. lib. 5. tit. 11. med. Jam dixi cap. antec. hanc opinionem fuisse Sylvestri. Hugo apud Astenf. lib. 8. tit. 18. quæst. 6. sustinuit, Judæos tenentes puerum alterius in Baptismo, vel Confirmatione contrahere cognationem spirituales. Sed ipse erravit, inquit Astenf. in hoc, quod dixit, quod cognatio spiritualis contrahitur inter Judæos, quia non baptizatus non potest contrahere aliquam cognationem spirituales.

14. Paludanus in 4. dist. 17. q. 7. refert duos modos Antiquorum, qui dicunt confitentem, sed non penitentem, satisfacere præcepto Ecclesiæ, quia, cum illa scilicet sit de actu interno, non subjacet præcepto Ecclesiæ. Nescio, an hæc opinio subjaceat Propositioni damnatæ ab Alexandro Septimo num. 14. lege etiam Alen. dicentem 4. part. quæst. 18. membr. 4. art. 5. §. 7. in solut. arg. propè finem, si autem quæreretur, utrum non contritus, si confiteatur in mortali, ut obediat Ecclesiæ, & ut gratiam inveniat &c. omittat sic confitendo; dicendum, quod non, sicut dicunt Magistri, sed absolutum est à præcepto Ecclesiæ; unde licet securius esset, iterum confiteri, tamen non est necesse, quia ex parte Sacerdotis non erravit clavis, licet ex parte confitentis defuit dispositio conveniens absolutioni; unde expletur sic, secundum quod est in præcepto, sed secundum quod est Sacramentalis satisfactoria non impletur. Nihil dico de opinione tanti Doctoris, & Magistrorum. Expendant Docti.

15. Alii apud Astenf. lib. 5. tit. 10. art. 2. dicunt, Confessionem non cadere nisi sub præcepto Ecclesiæ. Unus Doctor apud Mayron in 4. distinct. 17. quæst. 1. fin. tenet, Confessionem de peccatis oblitis non cadere sub præcepto divino, sed humano. Quidam Presbyteri, & alii secundum morem aliquarum Ecclesiarum confitentur in Generali Confessione, se commisisse omnia peccata dicendo, *peccavi in omnibus vultis*, in quibus homo peccare potest. .... vituperandi tamen sunt Presbyteri, qui addunt de pollutione, credentes

*dentes hoc sufficere sibi pro Confessione, quod non est verum, quia ad huiusmodi mortalia requiritur Confessio specialis Sacramentalis.* Ita verbatim Asten. lib. 5. titul. 12. quæst. 5. Juxta hanc historiam vel illa Confessio in generali non erat Sacramentalis facta coram Sacerdote; vel si erat Sacramentalis, non erat specialis, hoc est de speciebus peccatorum. Hinc rectè Asten. dicit, *non esse verum, hoc sufficere pro Confessione, quia ad huiusmodi mortalia requiritur Confessio specialis Sacramentalis.* Hæc veritas definita est de Fide à Tridentino Session. 14. cap. 5. & canon. 7. Rosella apud Mastrium in 4. disp. 5. quæst. 15. art. 1. docuit, si quis integrè confiteatur, & absolvatur, si nec se complaceat, nec displiceat de peccatis, validè, & licitè recipere absolutionem, & gratiam Sacramentalem suscipere. Clerus Gallicanus in proposit. damn. fin. referens hanc propositionem, in morte mortaliter non peccas, si cum attritione tantum Sacramenta suscipias, quamvis actum contritionis tunc omittas libere; licet enim sequi opinionem minus probabilem, relicta probabiliori; referens, inquam, hanc propositionem illum damnat multipliciter, & ait, esse pessimum Probabilitatis fructum. Cujus, quæso erit fructus illa Antiqua opinio Rosellæ? Certè Clerus Gallicanus debet fateri in Antiquitate fuisse doctrinam deteriorem Probabilitate in hac materia.

16. Confirmatio fuit instituta in quodam Concilio Meldensi. Ita quidam antiquus, & insignis Doctor. Hæc est hæresis ex Tridentino Session 7. de Sacrament. can. 1. Inc. quanto. de consuet. V. Reservata. narratur, secundum quosdam Papam posse delegare Laico potestatem conferendi christi. Quidam dixerunt, Laicum posse Extremam-Unionem conferre apud Baptist. de Salis V. Absolutio. 1. fin. Alii hoc Sacramentum fatentur, fuisse institutum à Divo Jacobo. Ita Magister in 4. dist. n. 23. c. 2. & Hugo Victorinus apud Salmaticenses de Sacram. in gen. cap. 3. dub. 1. num. 7. Divus Thomas in 4. distinct. 23.

quæst. 1. art. 1. quæst. 3. narrat circa institutionem hujus Sacramenti duplicem fuisse opinionem, prima negabat, fuisse immediatè institutum à Christo; secunda affirmabat, & hanc Sanctus Doctor sequitur ut probabiliorem. Hinc patet, primam opinionem per suos Doctores fuisse probabilem. Tridentinum Session. 14. de Extrem. Unct. cap. 1. docet, hoc Sacramentum fuisse institutum à Christo, & promulgatum à Jacobo Apostolo. Alii apud Divum Thomam art. 4. quæst. 1. voluerunt, nullam formam esse de necessitate hujus Sacramenti. Hinc juxta hanc opinionem infirmi non recipiebant hoc Sacramentum, quia Tridentinum ibidem docet hoc Sacramentum habere formam ex institutione Christi, & esse illa verba, per istam Sanctam Unionem &c. Si plures Antiqui malè loquuti sunt de Sacramento Pœnitentiæ, malè quoque senserunt de Extrema Unctione, quæ pariter est Sacramentum expiativum delictorum, si quæ sunt expianda, & abstergens peccati reliquias juxta Tridentinum ibidem. c. 2.

17. Magister Sententiarum ubi suprà cap. 3. scribit: Quidam de omni Sacramento intelligi volunt, quod non sit iterandum, scilicet secundum totum illud, quod pertinet ad Sacramentum, dicentes quædam Sacramenta posse sæpius suscipi, quædam verò non; nec tamen, quæ sæpius sumuntur, totaliter iterantur, ut Sacramentum Altaris, & Unctionis, quæ licet sumantur sæpius, tamen, quia non iterum benedicitur eadem Hostia, vel idem oleum, non iteratur Sacramentum cum injuria. .... In Conjugio quoque semel tantum benedicitur quisque, non sæpius; benedicitur enim, ut ait Ambrosius, cum prima, & non cum secunda Uxore. Jam scimus in pluribus locis usum vigere, de quo vide Glossam in c. vir de secund. nupt. V. Errari. præcipue in Italia, dum contrahitur secundum matrimonium, si ambo non sint vidui, iterum matrimonium benedici, & præcipue si femina sit virgo. In iure quidem non deberet bene-

dici ex allato cap. *vir.* tamen ratione consuetudinis licitè hoc fit. Gloisa ibidem requirit, ut hæc consuetudo sit licita, debere à Papa cognosci. Ex his patet evidenter, quòd etiam Sacramenta, quæ requirunt benedictionem, iterantur quoad omnia. Forſan Magiſter credit, requiri ad Matrimonium *Benedictionem*, ſicut ad Eucharistiã *Consecrationem*, & ad Extremam *Unctionem ipsam benedictionem*; quod est apertè falsum; nam nequit haberi validum Sacramentum Eucharistiæ sine Consecratione, ut colligitur ex Tridentino Sess. 13. cap. 4. & can. 4. nec Extremam *Unctionem sine benedictione*, cum benedictio spectet ad materiam huius Sacramenti ex Tridentino Sess. 14. de Extrem. Unct. cap. 1. E' contra *Benedictio* in matrimonio est mera, cerimonia, & ritus Ecclesiæ, & sine ipsa matrimonium est validum Sacramentum, ut patet in matrimonio viduorum, & in matrimonio clandestino sine Parocho celebrato, quod antiquis temporibus validè fiebat, ut patet ex tit. *de cland. despons.* & opinio opposita de errore damnatur à Trid. de refor. matr. c. 1.

18. Igitur ad nostrum propositum de Fide est, tria solum Sacramenta iterari non posse, *Baptismum nempe, Confirmationem, & Ordinem* ex Tridentino Sess. 7. can. 9. de Sacr. in gen. Hinc certum est alia iterari posse, & oppositum est error. Insuper est certum ex Flor. in. decr. Eugenii vers. *quinto*. Sacramenta ex tribus perfici forma, materia, & intentione Ministri. Est etiam certum. verba benedictionis balsamum pro chrismate, & oleum pro Infirmis spectare ut materiam remotam. Sacramenta, & benedictiones matrimonii esse caeremonias Ecclesiæ, quas ipsa posset licitè omittere, & variare.

Famosissimus Antiquus par. 2. q. 119. monbr. 2. art. 3. tenet non esse peccatum eligere bonum ad Beneficiũ Ecclesiæ, sicut minus, relicta meliori Persona. Beneficiũ minorã vocat ea, quæ sunt infra Episcopatum. Nescio, an hæc opinio sit damnata ab Inapentio. Und. n. 27,

19. Aliqui apud Glossam 13. distinct. c. 1. V. *Item adversus.* & c. *nerui.* V. *Et quis.* & c. *vir.* 32. quæst. 4. V. *Voluptate.* & Divum Bonaventuram in 4. distinct. 31. art. 2. quæst. 1. dicebant, *Copulam conjugalem non excusari à peccato veniali.* Ex hoc errore sequitur, cum communitas teneatur ex præcepto divino propagare seipsam juxta illud Genesis, *crevisse, & replete terras*, sequitur, inquam, præceptum divinum obligare ad peccatum veniale. Alii etiam nimis rigorosi apud Durandum ibidem quæst. 4. copulam maritalem habitam ob voluptatem carnalem *peccatum mortale* asseruebant. Ex hac opinione periculum evidens insurgebat viris valde deditis veneris peccandi mortaliter, dum difficulter tales possunt frangere animum deditum hiic blanditiis, & illum continere intra fines procreandi prolem. Sed audi horribilem lassitatem. Paludanus in 4. distinct. 32. quæst. 2. apud Angelum V. *Debitum conjugale.* num. 27. tenet, *licere Uxori post copulam ejjectionem seminis, ne habeat plures filios, quos nequit alere.*

20. Asten. lib. 2. tit. 67. art. 4. quæst. 2. refert, Joann. in Glois. 2. quæst. 1. V. *Si peccaverit in te.* asserere, quòd *si omnes tenerentur ad correctionem*, & hæc opinio eiſet dura, & teneri non debet, eo quòd *constituit omnes transgressores*; & ideo hoc *mandatum extenditur solum ad eos, qui sunt in gradu, vel Magistratum constituti.* Subdit Asten. *Sed contrarium huius habetur.* 24. quæst. 3. c. *tam Sacerdotes.* ubi dicitur, quòd *tam Sacerdotes, quam reliqui fideles omnes summam debent habere curam de his, qui pererunt, quatenus eorum redargutione, aut peccatis corrigantur, aut, si incorrigibiles appareant, ab Ecclesia separentur.* Nota obiter, quòd opinio dura non placebat Antiquis, & sic nec placere debet Modernis.

21. Aliqui dixerunt apud Divum Thomam 1. 2. quæst. 19. art. 5. *Voluntatem discordantem à Conscientia erroneam*, (utique invincibiliter) non esse malam. Alii voluerunt apud Divum Thomam,

pāriter in 4. distinct. 8. quæst. 2. art. 4. quæstion. 1. quòd verba consecratoria panis non producebant suum effectum, nisi consecrato vino; adhuc tamen periculosè non adoratur Hostia ante Consecrationem Sanguinis, quia non adoratur, quod est, sed quod erit. Hugo in c. quod a Patribus. 76. distinct. apud Faulsum de Eucharist. libr. 1. quæst. 398. vult, Sacerdotem non jejunum invalidè consecrare. Quidam consecrabant aquam, in qua erat pannus musto intinctus. Apud Divum Thomam 3. par. quæst. 74. art. 8. & c. cum omne. de consecr. dist. 2. Plures apud Archidiaconum in c. in Sacramentorum. num. 2. de consecr. distinct. 1. tenent, non esse necesse ponere aquam in Calice, sed sufficere, si ponatur in Calice.

22. Paulus Gryfaldus. Verb. Damnati. num. 9. refert, Præpositivum, Gilbertum Pictaviensem, Altiostodorensem, & Rupertum Linconiensem, tres sunt Episcopi, asseruisse, suffragia viventium prodesse damnatis. Apud Divum Thomam quæst. 15. de verit. art. 4. Antiquitus aderat opinio, quòd delectatio mortuosa, v.g. de fornicatione non esset peccatum mortale.

23. Qui non emit infra pretium dimidium, & qui non vendit supra pretium dimidium, licet facit Panormit. de immunit. Eccl. c. quia plerique. quæst. 10. & Ber. Innoc. & Hostien. apud Asten. lib. 3. tit. 11. de usur. art. 4. quæstion. 4. verè sed obicitur contra supra dicta. qui Doctores specificant in cap. in civitate. de usur. de emente, & vendente pro septem, quod valet solum quinque. Secundùm verò Rodon. apud Asten. art. 5. quæstion. 2. verè si tamen in tali poenitens est absolvendus, qui decipit in emptione, & venditione citra dimidium, si nolit restituere, si tamen contractum facit sine dolo, & fraude. Hæc doctrina Rodon habetur in Glossa Raymun. libr. 1. de decim §. 14. V. Bene valet. his verbis: videtur tamen quibusdam, & probabiliter, quod in hoc casu teneatur venditor in foro penitentiali ad restituendum emptori, quod solvit Ec-

clesiæ, cum sit licitum contrahentibus se se decipere, dum tamen absit fraus, & dolus, & non ultra dimidium iusti pretii fiat deceptio. ff. de minor. in causæ. §. ult. C. de resund. vend. l. 2. C. l. si voluntate. C. extr. de empt. & vend. Cum dilecti. Isti errores sunt peiores, quàm contractus mohatra ab Innoc. Und. n. 40. damnatus.

24. Astenfis ibidem quæstion. 9. tenet esse usuram, si quis mutuet cum pacto de remuneratione, licet enim mutuarius obligetur ad antidota. ff. de peb. ar. di. sed & si lege. §. consuluit. C. de testam. c. cum in officiis. illam tamen obligationem naturalem deducere in civilem est spes lucri, & ideo est usura. Gloss. 14. quæst. 3. si foeneraveris. Movetur tamen Hostien. in contrarium, quia hic nihil accedit sorti, & aliàs illud, quod sine pacto debetur, licet potest in pactum deduci de elect. significasti. Hæc doctrina vel est ipsa formalis propositio damnata ab Innocentio Undecimo num. 42. vel est peior.

25. Circa Eleemosynam impiè erraverunt illi Antiqui, qui apud Abulen. Marth. 6. quæst. 34. negaverunt Eleemosynam esse sub præcepto. Lass quoque fuerunt illi, qui solum præceptum huiusmodi agnoverunt in extrema necessitate.

26. Quidam dicunt, vinum in parvascere converti in sanguinem per immissionem particule Hostie apud Divum Thomam part. 3. quæst. 83. art. 2. ad 2. Alii apud Rainerium de Eucharistia volunt, peccatores non manducare Corpus Christi. Unde dum labiis tangunt Eucharistiam, definit ibi esse Corpus Christi. Similem errorem refert Divus Thomas 3. part. quæst. 80. art. 3. Altiostodorenfis in 4. tract. 5. cap. 5. quæst. 4. fin. fol. 20. ad vitandum scandalum concedit, posse dari Hostiam non consecratam pro consecrata. Alii apud Divum Thomam in 4. dist. 8. quæst. 1. art. 4. quæstion. 2. ad 2. sustinent, Aquæ potum non frangere jejunium naturæ, & sic non impedire sumptionem Eucharistiæ. Idem tenuit Goffr. Tranen. Summ. de celebr. Missæ cap. 1. modico.

modico zinziberis sumpto per modum medicinx.

27. Divus Raymundus libr. 3. de senten. præcep. defin. & excommun. §. 31. *Pone, quod excommunicatus scribit: Melendus dicit, quod semel excommunicatus non potest amplius excommunicari, quia nihil ad nos de his, qui foris sunt 2. qu. 1. multi.* De hoc antiquissimo Doctore Melenda valent illæ lamentationes, quas in Probabilistas jaciunt Probabilioristæ, quod scilicet peccatoribus blandiuntur, ipsique lassant habenas. Eiusdem farinae est sequens: *Copula Clerici in Sacris constitutis juxta Imolam, Gersonem, & Supplementum Gabrielis est simplex fornicatio* apud Sanchez de matrimo. lib. 7. disput. 27. num. 20. & 21. Apud Asten. libr. 7. titul. & art. 5. dicitur, illa verba, *Anathema sit*, non dicere sententiam latam. Tridentinum damnans hæreses utitur illa forma, nec potest dici, non importare sententiam latam.

28. Aliqui Antiqui Canonistæ apud Fagnanum, c. *firmiter*, de Summ. Trinit. num. 41. voluerunt, nos ex necessitate mediæ obligari solum ad sciendum dari Deum, & esse remuneratorem, & nihil aliud. Angelus V. *Fides*, num. 6. tenuit, *Vetulam credentem Trinitatem esse seminam peccare venialiter*. Vide propositionem 64. damnatam ab Innocentio Undecimo. Alii apud Gloss. c. *non est* el. 1. 23. quæst. 5. V. *cod.* dicunt, quod ubi castitas, & Fides periclitatur, *possis quis licite se occidere*.

29. Quidam apud Gossr. de Furtis. num. 9. dicebant, *nullam necessitatem excusare, si quis furetur cibaria, vestem, vel pecus*. Si Monachus, inquit Angelicus Doctor 2.2. q. 32. art. 8. non habet dispensationem, tunc nequit facere Eleemosynam, nisi forte in articulo extremae necessitatis, in quo licitum ei esset furari, ut eleemosynam daret. Nequit negari oppositam opinionem esse crudelitissimam, & contra humanitatem. Sed audi scrupulum Altissiodorens. in 3. tract. ult. cap. 3. fin. Alieni Monacho præcepit Abbas, quod ferret victualia in Abbatium; dum fert illa, aliquis in extremitate vitæ constitu-

tus exigit ab illo aliquid ex illis ad reserandum se. Quid facere debet Monachus? Audi. Dicendum, quod non debet ei dare, sed exponere coram, & dicit, quod si sibi placeat, accipiat, quia non sunt sua. Sed esto, quod semivivus sit, & non per se possit capere, tunc debet illi dare, & postea manifestare suo Superiori, quod sic fecerit. Sic Doctor. Utique hoc debet manifestare, at ad quid scrupulus ille, quod non debet ei dare? Sed urgeo, si ille postea ex desperatione nollet accipere, nonne ipse Monachus debet ex charitate ipsum hortari, ut accipiat, quin & præbere ipsi panem? Igitur præceptum Superioris non intelligitur in casu extremæ necessitatis, & esset crudelis ille Superior, qui vellet ita intelligi.

30. Abbas Antiquus 92. distinct. c. ult. ait, quod Clerici Beneficiati non obligantur ad dicendum Officium, si per alios illud recitant. Glossa ibidem V. *Deputatus*. narrat, quosdam dicere illorum tantum esse obligatos ad dicendum Divinum Officium, qui alieni Ecclesie intrinsecus est, alias non, etiam ordinatus sit ad titulum suæ possessionis. Richardus Anglicus apud Angelum. V. *Hora Canonica*. num. 10. asserit, semel relinquere Officium non esse mortale, nec tenetur Beneficiatus omittens Horas Canonicas ad restitutionem fructuorum.

31. Apud Panormitan. rubric. de observat. jejun. num. 7. aliqui dixere, Jejunii obligationem incipere solum expleto Anno vigesimo sexto, & num. 11. secundum Cardin. narrat, jejunium frangere esse mortale solum, si fiat ex contemptu, vel ex inobedientia. Hæc opinio est damnata ab Alexandro Septimo num. 23. Idem Doctor refert, eandem erroneam opinionem Calderinum tenere universaliter de Legibus Ecclesiasticis.

32. Secundum aliquos homo tenetur ad impossibile apud Altissiodorens. in 2. tractat. 29. cap. 2. de omissione. quæst. 2. questione incidenti fol. 105. column. 3. princ. Alii apud Gloss. 13. distin. 6. item ad accessus. V. *codem*. admittunt perplexi.

tatem; unde per hos Doctores, quis cogeatur ad peccandum. Homicida occultus juxta Antiquum Vincentium apud Angelum, V. *Homicidium*, 3. num. 1. *non erat irregularis*. Aliqui apud Asten, lib. 7. tit. 19. q. 3. dicunt: Excommunicatum baptizantem solemniter non incurere irregularitatem. Tamburinus de irregular. cap. 14. §. 3. asserit, excommunicatum exercentem actus proprios ordinum Majorum fieri irregularem ex toto titul. de Clerico excom. n. minist. & videtur hanc regulam tenere ut certam; unde illa Antiqua Doctrina per hoc esset error manifestus, & lassus admodum; patet siquidem, quod baptizare solemniter est actus proprius ordinum Majorum. Juxta secundum quosdam apud Bacon. in 2. distinct. 40. & 41. artic. 1. debet judicare secundum scientiam privatam, & non secundum allegata, & probata. Clericus, & Religiosus non tenetur audire Missam diebus festis juxta Joannem de Biblia apud Antonin. 2. part. titul. 9. cap. 10. §. 1. dub. 1. & juxta Richard. quodl. 1. art. 6. quest. 1. *Seculari est peccatum veniale die Dominico non audire Missam, cum hoc omiserit non ex aliqua legitima causa, sed ex aliqua infirmitate mentis, sicut ex aliqua passione, vel ex aliqua pigritia, si tamen hoc confiteatur non iust.*

33. De mendacio fuerunt varii errores apud Antiquos. Alii voluerunt omne mendacium esse peccatum mortale apud Alber. in Summ. part. 2. tract. 20. quest. 125. m. n. r. 3. Multi concesserunt nos posse mentiri pro salvanda vita innocentis apud Altifiodorens. in 3. tract. 23. cap. 1. quest. 2. colum. 3. & ipse paulo post hoc concedit viro imperfecto, & negat viro perfecto.

34. Circa Sacramentum Ordinis Antiqui habuerunt suos errores. Aliqui apud Richard. in 4. distinct. 25. artic. 1. quest. 3. sustinent Episcopum degradatum invalidè conferre Ordines. Apud Glossam 75. distin. c. Ordinationes. V. *Tertia*. aliqui dicunt, Missam esse de substantia Ordinationis Episcopalis. Ex hoc sequitur invalidè consecrari Episco-

pum sine Missæ celebratione. Hac opinio videtur contraria iis, quæ habet Florentinum, scilicet Sacramenta perfici his tribus materia, forma, & intentione Ministri. Idem dico de opinione principalium Canonistarum apud Pax Jordan. tom. 1. libr. 3. titul. 11. num. 40. sustinente jejunium requiri de necessitate Sacramenti, ut Ordo Episcopalis conferatur. Alii apud Divum Thomam in 4. distinct. 25. quest. 2. artic. 1. quest. 1. dicebant, sexum virilem requiri ex sola necessitate præcepti, non Sacramenti.

35. Glossa Raymund. lib. 3. de pœnit. §. 21. V. *Unum sit*. inter peccata venialia reponit, ex aliqua necessitate pejerare, facile, & temere maledicere. Scotus in 3. distinct. 39. litt. F. scribit: *Quantum ad primum communiter conceditur, quod unicum perjurium leve non est peccatum mortale, tamen ex consuetudine perjurare est peccatum mortale; & hoc videtur posse poni, quia habitus generatus inclinat ad graviores actum, quam sint præcedentes.* Doctor Subtilis rectè subdit, habitum nihil facere ad propositum, quia perjurium est contra præceptum primæ tabulæ, & ita esse peccatum mortale. Facit ergo ad propositum, quod perjurium sit indeliberatum, vel ex plena deliberatione. Interea tene menti banc communem opinionem, quam refert Scotus, quod unicum perjurium leve non est peccatum mortale.

36. Sed legamus Asten. libr. 2. tit. 69. art. 3. quest. 4. dicentem: Nunquid potest quis committere veniale, ut alius vitet mortale? Respondet Alexan. Angl. (ideit Alenis) part. 2. tit. 2. de perplexitate, casu septimo, quod perfectus secundum quosdam non debet committere veniale, ut alius vitet mortale, sed pœnam temporalem potest sustinere; Imperfectus autem potest. Alii dicunt, quod etiam Perfectus potest committere veniale, ne alius vitet mortale, sed quodammodo cadit a perfectione. Hunc etiam errorem tenuerunt alii apud Glossam in c. 1. 14. distinct. V. *Periculosissime*. si hi Doctores fuerunt nimis lassi, alii apud Glof-

Glossam 22. quæst. 2. cap. *si qualibet*. V. *Æterna*. fuerunt nimis rigidi dicentes, quòd mendacium ad salvandam propriam vitam fit mortale, & quòd, licet per veniale quis non damnetur, *tamen impedire potest, ne quis salvetur*; quam doctrinam ibi Glossator iustissime corrigi. Fuerunt etiam impie rigidi illi Doctores, qui apud Divum Raymundum lib. 3. tit. *de pœnit.* §. 2. dixerunt: Pœnitentiam virtutem fuisse irreiterabilem.

37. Quidam apud Divum Thomam quodl. 9. art. 15. dixerunt, ita esse licitum habere plures præbendas, ac habere *plura poma*. Alii dicunt, inquit Glossa 6. distin. §. 1. V. *quia vero*. quòd dormientes non peccant. .... Si ergo in nocturna pollutione homo non venit ad consensum, nullo modo peccat; si verò pervenit, peccat mortaliter secundum istos, *nisi forte imaginetur cum Uxore propriâ*, quia tunc dirigit affectum in Uxorem, & non peccat mortaliter. *Hanc opinionem fovet Hugo, &c.* Hæc opinio est prorsus ridicula, & falsa. Nam vel loquitur de consensu habito in somnis, & tunc certum est nullum esse peccatum, quia dormiens, ut talis, peccare nequit, vel loquitur de consensu habito extra somnum; & tunc directio affectus in Uxorem non iustificat pollutionem, nam Matrimonium non iustificat pollutionem voluntariam.

38. Probabilioristæ coguntur fateri, quòd de Sigillo Confessionis Antiqui non bene senserunt, ut faciunt Moderni. Hinc aliqui illorum apud Divum Antoninum par. 3. tit. 17. cap. 22. princ. concedunt, posse revelari Confessionem ad impediendum magnum malum, v. g. *ad impediendum matrimonium illicitè contrahendum*, & §. 3. alii dicunt, complice peccati non cadere sub Sigillo Confessionis. Glossa Raymund. lib. 3. de pœnit. & remis. §. 59. V. *Qui peccatum*. scribit, peccatum commissum, & confessum cadere sub sigillo, *non committendum*; quia si quis confiteatur Sacerdoti, quod vult interficere hominem, vel aliquid nequiter operari, non

tenetur omnino celare; sed tali personæ revelare debet, qui possit prodesse, & non obesse. 22. quæst. 5. hoc videtur. Debet etiam præmonere quantum poterit sine peccato, & scandalo illum, cui alius proponit inferre damnum, vel injuriam, & dicere ei, quòd huiusmodi nequam propositum sibi confessus est, quòd nec recepit, nec tenetur recipere sub sigillo Confessionis. Hic autem intelligo de illo, qui habet firmum propositum aliquid nequiter perpetrandi; secus est de illo, qui constituit, se tentari super aliquo flagitio perpetrando, & se aliquando dissentire, & *in hoc casu non debet facile revelare*. Quòd peccatum perpetrandum, licet confessum, possit revelari, tenet etiam Archidiaconus. cap. *Sacerdos*. de pœnit. distin. 6. num. 2. & allegat dictam Glossam Raymund. sub nomine Rodon. & Alens. part. 4. quæst. 19. membr. 2. art. 2. refert, quòd quidam Magistri docebant, peccatum secundum quòd est de futuro, quòd quis dicit, se proponere facere, repugnare clausoni sigilli. Divus Thomas in 4. distin. 21. quæst. 3. artic. 1. quæstion. 1. ad 1. hanc opinionem vocat erroneam. Idem Author ibidem §. 2. & Thomas Argentinas in 4. distin. 11. quæst. 1. art. 1. post tertiam conclus. vers. *sed contra istud*. narrant, quòdam è contrario ita fuisse scrupulosos in materia sigilli Confessionis, ut Sacerdos non posset revelare, quod audivit in Confessione, quamvis postea, vel antea illud viderit, vel alio modo sciverit. Hanc opinionem Angelicus Doctor art. 3. dicit, *parere præiudicium veritati, & iustitiæ servandæ*.

39. Altisiodorensis in 4. tractat. 6. de Confessione cap. 3. q. 4. quærit, an Confessor possit revelare Confessionem illi us, qui contrahere vult matrimonium, quod ipse Confessor ex vi Confessionis igit fore invalidum. Arguit pro utraque parte, postea subdit pro solutione: *Ad hoc solent dicere Magistri*, quòd in hoc debet Sacerdos revelare Confessionem, & non infringit Sigillum Confessionis, sed aperit; quia infringere importat disfor-



diffirmitatem, est enim infringere indebitè revelare. Postea solvit objecta. Inde subdit: *Alium casum ponunt Magistri*, in quo dicunt esse licitum revelare Confessionem, cum aliquis Decanus dat licentiam Canonicis suis constendi alicui Sancto viro, & aliqui ex illis Canonicis sunt irregulares tali irregularitate, quæ non recipit dispensationem, volunt tamen Ordines suscipere; & in hoc casu dicunt, quod huic Sancto Viro licet revelare Confessionem Decano, ut corripiat Canonicos, & moneas, ne suscipiant Ordines. Nemo non videt horribilitatem opinionis, quæ certò ad nihilum redigit Sigillum Confessionis. Observa benè illa verba: *solent dicere Magistri*; & illa alia: *Alium casum ponunt Magistri*. Hæc procul dubio innuunt hanc opinionem fuisse Plurimum. Certè si major pars teneret unam opinionem, ego non possem dicere absolute de opinione opposita: *solent dicere Magistri*. Vel, *aliam opinionem concedunt Magistri*; nam procul dubio dubitarem, quod Lectores crederent, illam opinionem esse communem.

40. Ipse Altisiodorensis postea de sua mente subdit: *In nullo casu revelanda est Confessio*, nisi fortè ex aliquo matrimonio, vel ex re aliqua, quæ magnum detrimentum incurreret, & nullum periculum immineret Sacramento Confessionis. *Iste casus quasi impossibilis est.*.... Si tamen esset possibilis, & magnum periculum immineret Ecclesiæ, si non revelaretur Confessio, posset eam Confessor revelare ex consensu Episcopi, aliter non. Deinde asserit, quod Decanus, qui per Confessionem scit, alicum ex suis Canonicis esse irregularem, & Capitulum facit instantiam, ut illos Canonicos faciat ordinari; Decanus, inquam, in hoc casu, non debet eos presentare, immo debet projicere crimen in communi dicendo, nullum presentabo hodie, quia non est bonum, & debet assignare aliquas causas, licet insufficientes. Bone Deus! Hæccine dicta sunt ab Antiquis?

41. Aliqui apud Astenf. lib. 6. tit. 55.

de Simonia, princ. voluerunt sola voluntate non committi Simoniam. Inter hos Doctores sunt Tanc. apud Astenf. & Glossæ c. *consulere*. V. *Voluerunt*. & c. fin. V. *Affectu animi* de Simon. Alii apud Divum Antoninum part. 2. tit. 1. cap. 5. §. 2. docuerunt, *Papam non posse committere Simoniam*, quæ opinio, inquit ipse cum Divo Thoma, est erronea. Astenf. lib. 6. tit. 55. art. 7. princ. dicit, quod omnis potestas, & omnis iurisdicção Deo est, & spiritualis esse videtur, & ex hoc arg. secundum Hostien. quod si quis det pecuniam, ut promoveatur in Imperatorem, vel Potestatem, vel Rectorem alicujus Civitatis Simonia committitur. Si hæc Doctrina est vera, quod nolo damnare, esset necesse edocere Respublicas, & Aulas Principum hanc veritatem, aliter esset periculum præsens, ne tota Respublica, & Aula inficeretur hac Simonia, non quidem ob munus à manu, sed ab obsequio, & à lingua.

42. Aliqui scrupulosi apud Altisiodor. in 4. tract. 1. cap. 4. quæst. 2. dicunt, adhuc vigere præceptum de non comedendo Sanguine, & suffocato, ut olim præceptum erat Judæis, & ab Apostolis confirmatum Actuum 15.

43. Panormitanus in c. *statuimus*. de custod. Euchar. num 3. narrat, quandam Vincent. tenuisse in foro Animæ testem falsum puniri quidem de falso testimonio, non verò de damno inde sequuto.

44. Justus nequit dubitare, inquit Altisiod. in 3. tract. ult. cap. 2. fin. an fecerit votum de Religione, & an debeat remanere in saculo pro Patre paupere, quia *Unctio docebit eum*. Nostis temporibus credo hanc doctrinam esse contra experientiam. Nam multi scrupulosi, quique ex iis, quæ apparent, judicantur valdè timorati in lege Domini, dubitant, & scrupulis anguntur, an votum v. gr. fecerint, an adimpleverint præceptum &c. & Doctores his scrupulos regulam assignant, quod præcipue Patri Spiritualis obediant. Ergo nostris temporibus non succedit illud miraculum quod

quod *justus edocetur à Deo, an votum fecerit* &c.

45. Astenſus lib. 6. tit. 47. art. 8. qu. 4. quaerit, ſi quis ager corpore, & ſanus mente voveat Religionem intrare, nunquid ad hoc tenetur? *Reſpondeo, quod ſic.* Hanc opinionem puto certiffimam, ſubdit tamen: *Dicunt quidam, quòd ſi timore mortis hoc facias, & quam cito convaleſcentiam ſenſit, contradicat, non tenetur, ut in c. ult. de renunc.* Si autem non contradicat, ratificare videatur. Hanc opinionem puto errorem evidentem, quia ſanus mente, & faciens votum cum plena cognitione obligatur ad reddendum; nec ad faciendum votum requiritur ſanitas corporis, ſufficit ſanitas mentis; nec canon allatus facit pro hoc errore, nam, ut notatur in rubro, ibi dicitur, *quod Abbas exemptus ſine licentia Papæ renunciare non poſteſt.* Certè ſubditus debet obedire Superiori; cum ergo hic Abbas eſet ſubditus immediatus Papæ, à quo confirmationem Abbatiae receperat, utique naturaliter ſequitur, quòd ſine licentia Papæ nequit renunciare, quia faceret contra jus Papæ. At noſter ager eſt ſui juris; & aegritudo non tollit requiſita ad votum, ergo factò voto nequit ab ipſo reſilire; & infirmitas corporalis, & ſanitas impertinenter ſe habent ad votum. Si infirmitas corporalis redundaret in mentem, & tolleretur lumen rationis, tunc quidem votum eſet nullum, & ſi convaleſcentiam ſentiret, nec contradiceret, adhuc voto non obligaretur, ut dicit iſta opinio in ſecunda parte; nam hic de verbò ad verbum valet illa regula Canonica; Non firmatur traſſu temporis, quòd de jure non ſubſiſtit, regul. 18. de rez. jur. in 6.

46. Proſequitur Aſten. Alii dicunt, quando quis vovet timore mortis, aut hoc facit timore mortis animæ..... & tunc votum tenet; aut timore mortis corporis, ſcilicet ne cum enſe interficiatur, & tunc non tenet, quia nunc non eſt per divinam inſpirationem. *Extra quòd motus cauſa.* Et hoc videtur verius ſecundum Hoſtien. Vide

hic inſufficientem doctrinam huius opinionis. Caſus quaerit eſt de agro corporaliter, ſed ſano quoad mentem Ad quid ergo reſpondere de coaſto per metum necis inferendæ per enſem? fuiſet diſtinctio aptior huiusmodi. Aut facit votum timore mortis animæ, aut corporis; ſcilicet aut timebat propter ſua peccata damnationem animæ, quæ damnatio eſt mors animæ; aut timebat mortem corporis, quæ inſtabat ob aegritudinem. Et in utroque caſu debemus reſpondere, votum eſſe validum, utpotè ſimpliciter voluntarium, & liberum. Apud Divum Thomam 2.2 quaerit. 88. art. 12. ad 2. quidam dicebant, Prælatos poſſe pro libito diſpenſare in votis, quia ſupponebant, ſed falſò inquit Doctòr Angelicus, quòd in quovis voto includeretur conditionalis voluntas Superioris.

47. Quoad uſuram, quidam faventes uſura, inquit Aſtenſ. lib. 3. titul. 11. de uſura. art. 5. princ. dicunt, quòd nunquam committitur uſura, niſi ex pacto detur. Ex Innocentio Undecimo propoſitione 42. habetur, committi uſuram, ſi ultra ſortem aliquid exigitur tanquam ex benevolentia, & gratitudine debitum. Ergo datur uſura ſine aliquo pacto. Aliqui Doctòres temporis Alexandri. de Nevo, ut ipſe reſert in ſuo Conſilio contra Judæos ſcenerantes, dub. 1. & habetur in ſine Supplementi Piſanella, dicebant, *Judeos licet ſcenerari Chriſtiani, & allegant illud Deuteronom. 23: Non ſceneraberis. Fratri tuo pecuniam, vel aliam rem, ſed alieno.* Sed malè allegatur, quia dato etiam, quòd hæc opinio fuiſet vera, dum Judaica Religio erat vera Religio; nunc eſt aperte falſa; non enim poſſumus, vel ſuſpicari, quòd Deus voluerit ex ſpeciali ſua voluntate auferre dominium pecuniæ ab illis, qui aliàs ſunt veri domini, ut ſunt Chriſtiani, & illud concedere perfidis Judæis, inimicis capitibus Dei, & Chriſti. Unde hæc opinio eſt magis ſcandalofa, quàm illa damnata ab Innocentio Undecimo de Mohatra n. 40.

48. Claudio narrationem *Lassitatum* Antiquorum cum errore gravissimo, & rigidissimo Parisiensis, qui deleg. c. 21. litt. D. tenuit, ignorantiam facti non excusare, unde ait, quod si viro supponeretur mulier aliena, tunc, nisi culpa aliqua viri hoc impediat, avertit Deus cor ejus, ne cognoscit mulierem sic juxta eum jacentem, & hoc vel infrigidando eum, vel aliquam cogitationem immitrendo, vel aliter ipsum occupando, vel ipsam mulierem terrendo, ita ut inde abeat, vel aliqua alia via. Ego nunquam credere potero hoc miraculum.

Dixi hoc miraculum, & miraculum magnum, quod enim vir dormiat cum muliere, & ipsam nec tangat, nec coequet de re venerea per totum illud tempus, est valde mirabile. Nos adhareamus regulæ ille famose Legali, & Canonice, *Facti ignorantia, non juris excusat*, & pro certo teneamus doctrinam Parisiensis esse erroneam, periculosam, & inductivam in desperationem. Miror admodum, quod Probabilioriste damnaverint Modernos tantum male loquentes de Patriarchis, dum dixerunt, *Patriarchas fuisse adbibitos æquivocationem*. Dicunt v.g. Jacobulum fuisse æquivoco, dum Patri dixit, *Ego sum Esau primogenitus*. Exclamant Probabilioriste, *hoc verti ludibrio Jacob*. Nunquid dicere, quod Jacob fornicatus sit, dum Liam cognovit, vertitur in gloriam? Peccare poterunt, inquit Parisienses, Jacob, & Loth; sicut enim Loth potuit inebriari, & Judas fornicari, sic & Jacob; excusantur enim à tanto, sed non à toto. Ego subdo, si Jacob poterat peccare, & fornicari, cur non æquivocare? Si Probabilioriste damnant dicentes, Patriarchas æquivocasse, cur non damnant asserentes Patriarcham Jacob fornicatum fuisse?

49. Nunc si namus laudatoribus solius Antiquitatis, ut sunt Adversarii, considerandum, an ipsa immutinis fuerit ab erroribus, an vero multos habuerit, & forsitan plures, & deteriores iis, quibus moderna tempora deturpantur. Hinc

cum Gregorio Decimotertio concludemus in Bulla Decreto Gratiani præfixa, & typis ædito Anno 1582. in Foribus populi Romani, *Non modo cum Veteribus Glossarum Autoribus, quibus, cum viri pii, & Catholici fuerint, ignoscendum videtur, si quid vel ob errorem in illis, vel quia nondum pleraque à Sacris Conciliis definita fuerant, liberius locuti sunt*. Subdo tamen, quod si Adversarii jactant, nos fore confusos & ambiguitates, & probabilitates Modernorum Probabilistarum, ego potiori ratione dicere possum, nos esse valde incertos inter scrupulositates, lassitates, & obscuritates plurium Antiquorum, ita ut nesciremus, quid foret eligendum, ni Moderni suis lucubrationibus illis obscuritates illustrassent, illas lassitates coercuissent, & asperitates complanassent.

Nunc iudices consilio ipsos Adversarios, an sequendo exemplum ipsorum, ego evidenter probaberim ad hominem, ex *Doctrina Doctorum Antiquorum sequi plurima absurda*, ut promiseram cap. 10. num. 2.

50. Hic placet paucas opiniones Antiquas expendere, damnosiores fortassis, quam lassitates nonnullæ. Paludanus apud Divum Antoninū 3. par. tit. I. cap. 20. §. 4. voluit copulam conjugalem cum uxore prægnante esse culpam venialem. Vide ingens absurdum, quod ex hac opinione sequitur; Sequitur enim, quod melius esset accipere in conjugem foeminam sterilem, aut vetulam; sic enim hi conjuges certò vitarent hoc veniale. Et contra si foecundam, & juvenem acciperent, moraliter impossibile esset, quod illud sæpius non admitterent; unde Confessarius, qui concubinarium ad matrimonium cum concubina adhortaretur, illum quidem ab inferis eriperet, sed certò mitteret in Purgatorium.

51. Aliqui Antiqui etiam valde famosi acriter contendebant, fore peccatum mortale petitionem debiti conjugalis tempore menstruum; quin alii scrupulosè asserbant, in hoc casu reddentem etiam debitum peccatum mortali-  
ter.

ter. Has tres opiniones de Matrimonio non damno; Aſſero ſolum, eſſe periculoſas, & junctæ cum illis duabus, quæ antiquitus probabiles reputabantur, quod actus matrimonii eſſet peccatum veniale, & copula matrimonialis habita ob delectationem peccatum mortale, junctæ, inquam, ſimul reddebant proſus matrimonium intolerabile, & periculoſiſſimū, & majora peccata inducebant, quæ aliquam opinionem laſſa.

52. Theologi autem debent cavere ab opinionibus periculoſis, quæ periculoſæ ſunt, quæ ratio tam invenitur in laxis, quam in rigidis. Hinc Divus Antoninus in ſua Summula Confeſſionali, aliàs dicta *Defecurunt*, ſcripſit tract. de reſtit. cap. 6. poſt med. *Sicut Prædicator debet ſibi cavere à prædicando ea, quæ habent homines inducere ad malum, & ab allequendo à malo, ita debet cavere à prædicando ſcrupuloſa, & ardua, & quando communis opinio eſt in contrarium, hoc enim eſſet injicere laqueum animabus, quod fieri non debet.* 37. quaſt. 1. cap. *Viduas.*

53. In hoc genere Pater Natalis Alexandri, ſalva reverentia, videtur deficere. Ipſe ut plurimum ſequitur rigidiores; & licet in præſat. Theol. moral. Dogm. profeſſus fuerit, ſe ſequuturum. D. Thom. Raym. & Antonin: tamen quaſi ſolum illos ſequitur in ipſorum ſeveris opinionibus. Hoc unum exemplum ſufficiat. Agitat lib. 2. c. 8. art. 1. aſſer. 8. quaſtionem illam famoſam, an teneamur ad attentionem in recitatione Horarum Canonicarum. D. Antoninus clarè par. 2. tit. 13. c. 4. §. 7. & 8. ſequitur partem benignam, nec hanc docet tranſeunter, & t. epidè, ſed ex propoſito facit quaſtionem, & ſuadet Lectoribus, ut ſequantur opinionem benignam, & quod valdè notabile eſt, ſuadet, ut illam teneamus, quia *benignior eſt*. Lege interrum textum Viri Dei cap. 44. num. 7. Lege etiam num. 11. & ſeqq. & videbis quot Antiqui eidem benignæ ſententiæ ſuſfragati fuerint. Cur ergo Pater Alexandri opinionem benignam clarè, & ex profeſſo traditam à D. An-

tonino non amplectitur, ſed oppoſitam? Lege cap. 47. num. 1.

In hoc ſerſam deſicit Diana. Ipſe ex Probabiliſſis eſt benigniſſimus; adhuc tamen par. 4. tract. 4. reſ. 6. tenet, Theatinos Profeſſos, non habentes ſacros Ordines, obligari ad Horas canonicas ex capite conſuetudinis. Paſqualigus de Sacrific. Miſſæ. q. 89. num. 15. reſert, in ſuſceptione habitus Religioſi apud Theatinos ſibi factam fuiſſe proteſtationem à Superiore nomine Religionis hiſce verbis conceptam: *Ipſi, quod nullus in Congregatione noſtra, ante ſuſceptus ſacros Ordines, etiam poſt expreſſam in ſcriptis proteſtationem, ad Horas canonicas tenetur.* Hanc proteſtationem legi in princ. Libelli excuſſi Venetiis apud Juntaſ aſio 1581. cui titulus: *Ordo recipiendorum Fratrum ſecundum ritum Clericorum Regularium.* Si ergo à Religione condita uſque ad Paſqualigū vixerent eodem tempore, quo Diana, ipſa Religio in Libro autentico, & in Facto publico, & tam ſæpe proteſtatur ſolemniſter, ſe non habere talem rigidam conſuetudinem; cur Diana durè admodum ex capite conſuetudinis prætendit obligare ſuos Theatinos? Ego veritatem ſemper ſequi conabor, ſive in parte rigida, ſive benigna, & à veritate deviare non credam, ſi intra Probabilitatis glorioſæ limites opinio contineatur.

54. Ex his colligitur, Doctores illos cenſura dignos fore, qui opinionem falſas, licet hæ ſint rigide, tuentur; ſiquidem non ſeveritas, aut benignitas obſectorum, ſed veritas, & merita eorundem movere debent viros doctos, & Sapientes. Hinc cernimus Divum Thomam, Divum Bonaventuram, Alenſem, Scotum, Durandum, Richardum, & cæteros Theologos Antiquos Proceres, opiniones proprias defendere non ob rigiditatem, aut benignitatem, ſed ob rationes, & argumenta; quin ſæpius inveniemus ſequutos fuiſſe opiniones, quia *benigniores, & humaniores.* Propterea Seraphicus Deſtor in 2. diſtinct. 41. art. 1. quaſt. 3. decidit,

cidit, dari actiones indifferentes; *Indulgetur enim*, inquit, *natura fragili, & infirma, ut multa possit talia facere, (ideest actus indifferentes.) Nec Deus requirit ab homine in tali statu distractionis, & miserie, quod omnia referat ad se, qua facit.* Hæc opinio est in materia universalissima, & ex primis principiis, unde campum aperit valde patientem ad particulares opiniones benignas. Hinc obiter deduco aliud corollarium, quod cum aliqui erraverint in multis opinionibus rigidis, non sint magne authoritatis in reliquis rigidis propositionibus, licet nanque suspicari, eas sustinuisse non ob motiva, & rationes, sed ob scrupulositatem, & rigiditatem, quæ nihil inserviunt ad veritatem opinionis.

### CAPUT XIII.

*Plurima Opiniones benignæ Divi Thomæ referuntur.*

**E**X alio capite Probabilioristæ Probabilitatem insectantur. Existimant ergo ex Probabilitate oriri opiniones, quas ipsi *lassas* nuncupant. Has Probabilistæ *benignas* appellant; Vocant autem *benignas*, quia favent hominibus, & à iugo Legis illos liberant. In hac significatione sæpius Leges utuntur hoc termino. Sic dicitur *l. 2. C. de necess. serv.* Ea scriptura benigna interpretatione, perinde habenda est &c. & *l. 3. de donat. qua sub mol.* cum postea benigna jurisinterpretatione Divi Principis &c. & *l. 9. ff. de pactis dotal.* Benigna interpretatione potest defendi utilem stipulationem esse & *l. 112. ff. de condit. & dem. n.* Sed benigna interpretatione dicendum &c. & *l. 16. ff. de donat.* Dominium ad Libertas benigna interpretatione pertinet. Plurimos alios textus omitto, quia hic non est ipsorum locus. Infra alios referam. Porro Adversarii opiniones benignas appellant *lassas*, ut extorqueant à Lecto-

ribus imperitis damnationem de ipsis si enim benignas dicerent, Lectores omnes illas approbarent, nam benignitas naturaliter hominibus placet, & suo loco videbimus, Antiquos, ceteris paribus, Benignitatem prætulisse austeritati.

2. Adversarii ergo arguunt contra Probabilitatem. Doctrina, ex qua sequuntur propositiones *lassæ*, est abjicienda; sed ex Probabilitate sequuntur propositiones *lassæ*; ergo &c. Minorem probant asserendo plurimas propositiones, quæ à Probabilistis defenduntur ut probabiles, quas Adversarii judicant *lassas*. Ego sic retorqueo argumentum. Doctrina, ex qua sequuntur propositiones *lassæ*, hoc est, *benignæ*, est eligenda; Sed ex Probabilitate sequuntur opiniones *lassæ*, ideest, *benignæ*, ergo &c. Maior probabitur tot authoritatibus Antiquorum infra suo loco, ut Adversarii cogentur illam concedere. Ig tur probo minorem, & probo asserendo plurimas opiniones benignas, quas docuit Angelicus Doctor, qui in rei veritate fuit valde benignus, & explosit multas opiniones austeras, quæ illis temporibus vivebant. Ipse pro certo puto, Divum Thomam fuisse benigniorem ceteris Scholasticis sui temporis. Illas autem teli gam, prout legendo Opera Sancti Doctoris mihi occurrerunt, quas quidem opiniones benignas non transire Pro babilistis metas certissimum puto, quia Doctores gravissimos, & rationes fortes habent in oppositum.

3. Igitur in 4. distin. 5. quæst. 2. art. 2. quæstion. 4. dicit, quod Sacerdos solemniter baptizans in peccato mortali peccat mortaliter. Si autem baptizet in articulo necessitatis, non quasi Minister Ecclesie, sed sicut vetula baptizare posset, non peccat. In quæstione sequi tenet, quod Adultus non potest dare nummos Sacerdoti nolenti illum baptizare sine pretio. Postea subdit: Quidam vero dicunt, quod potest pretium dare, quia hoc non est Simoniam committere, sed redimere vexationem suam. Sed primum melius videtur. Per hac ultima verba cer-

tē non damnat secundam sententiam benignam, sed ex modo loquendi, si Divus Thomas loquitur in sensu proprio, supponit illam esse bonam; & sic probabilem.

4. Distin. 6. quæst. 1. art. 1. quæstion. 1. docet, quod puer in maternis uteris totaliter existens nequeat baptizari. Hæc opinio est solum probabilis, & videtur esse contra charitatem, qua tenemur amare proximum in extrema necessitate existentem, & sic sequendo ipsam adest periculum peccati; & sic contra ipsam militant omnia, quæ jactant contra Probabilitatem Adversarii. Nos infra sequemur opinionem oppositam in casu. Distinct. 8. quæst. 1. art. 4. quæstion. 2. ad 2. tenet, quod ea, quæ propter alios cibos accipi consueverunt, vel dirigendos, sicut electuaria; vel ducendos per membra, sicut potus vini, vel aquæ, hujusmodi Jejunium (Ecclesiæ) non solvant, quamvis etiam aliquo modo nutriant. Doctrina hæc de potu vini est adeo in linea probabilis, & benigna, quod Montaltius Epist. V. pag. 68. & 69. illam damnet, & contra ipsam militant plures Antiqui. In responsione ad 3. ait: *Quæ interius geruntur sine exterioris cibi sumptione, non videntur solvere jejunium naturæ, nec impedire Eucharistiæ perceptionem, sicut deglutit saliva; & similiter videtur de his, quæ intra dentes remanent, & etiam de eruptionibus.* In quæstion. 2. art. 4. quæstion. 2. asserit, quod si Sacerdos consecrato Corpore deficiat, alius Sacerdos debet explere. .... ita quod incipiens sequens Sacerdos, ubi primus dimisit, si sciatur; si autem nesciatur, debet à capite incipere; Non enim dicitur iteratum, quod nescitur esse factum. Secundum tamen Innocentium Tertium consultius est, uti illa Hostia jam consecrata seorsum posita super altam, deinceps totum officium iteretur. Tota hæc Doctrina non excedit lineam probabilitatis, excepto illo axioma Canonico. Quin, si debeo proferre meam mentem, credo, quod Angelicus Doctor sequatur duas opiniones oppositas; quatenus laudat opinionem Innocentii, quæ

est opposita illi, juxta quam Divus Thomas prius dixerat esse faciendum.

5. Distin. 9. quæst. 1. art. 2. quæstion. 2. dicit: *Si aliquis per hujusmodi signa scilicet diligenti discussione suæ Conscientiæ, quamvis forte non sufficiens, ad Corpus Christi devotè accedat, aliquo peccato mortali in ipso manente, quod ejus cognitionem subierugiat, non peccat, immo magis ex vi Sacramenti remissionem consequetur.* In art. 4. quæstion. 1. ad 5. affirmat: *Si placeat nocturna pollutio, ut natura exoneratio, vel alleviatio, peccatum non creditur.* Sic etiam ego credo, & credo etiam, hoc solum esse probabile, & valde benignum.

6. Distinct. 15. quæst. 2. art. 1. quæstion. 4. in corpore quæstionis solum duas necessitates agnoscit, ob quas dives teneatur ex superfluo dare eleemosynam, scilicet necessitatem extremam, & necessitatem conditionatam, quæ est, cum quis indiget aliquo ad sui status decentem conservationem. Hæc Doctrina est contraria illi, quam amplectitur Montaltius Epist. XII. pag. 209. ubi asserit, dari præceptum de eleemolynâ in necessitatibus ordinariis Pauperum. Ordinariæ autem necessitates Pauperum, credo ego, non important indigentiam alicujus requiriti ad sui status decentem conservationem; Ergo Montaltius fateri debet, aut Doctrinam Divi Thomæ esse solum probabilem, vel falsam.

7. In Responsione ad quartum ejusdem quæstionculæ benignè scripsit, quod tempus præcepti dandi eleemosynam ex parte accipientis tunc instat, quando aliquis vidit alios impotentes, vel pigros ad subveniendum, & pauperem indigentem cibo, & potu, & aliis vitæ necessariis: Nota illud verbum, vidit, quod in propria significatione denotat cognitionem certam. Dicit ergo Divus Thomas, quod, quando dives scit, alios esse impotentes, vel pigros &c. tunc solum instat præceptum eleemosynæ. Hanc Doctrinam puto esse eandem cum illa Vasquii, quæ docet, ut dives teneatur ad eleemosynam, requiri, ut sciat nullum alium opem latuerunt. Hanc porro acriter impu-

impugnat Montaltius Epistol. illa XII. pag. 210.

8. Artículo 3. quæstiunc. 2. ad r. ait : Sicut dare eleemosynam corporalem non cadit sub præcepto obligante, nisi ad tempus necessitatis, & ut aliqui in necessariis suæ vitæ subveniantur, ita ad doctrinam alterius non obligatur homo propter debitum officium, nisi in his, quæ sunt de necessitate salutis, & quando non esset, qui instrueret, vel quando aliquis alium errantem videret; nisi esset alius, qui ex officio id facere teneretur; aliis autem docere est Consilium. Hæc doctrina confirmat relatam supra de præcepto eleemosynæ, & simul aliam tradit probabilem solum pariter, quam quis habet docendi alios propter debitum officium.

9. Artículo 4. quæstiun. 2. docet, quod quis potest retinere ea, & de iis facere eleemosynam, quæ lucratur lenocinio, vel meretricio. Nota illam terminum, *Lenocinio*, & legantur Sylvester, Tuscus, Bertachinus, Angelus, & Albericus Rosate. V. *Leno*. ubi videbimus, illum dici *Lenonem* secundum Leges, qui accipit pecuniam pro *Adulterio*, vel pro copula *Ancillarum*, quas quis tenet pro commercio carnali. Addunt hi Doctores, quod lenocinium est majus crimen, quam Adulterium. Montaltius, qui Epistol. VIII. pag. 133. asserit, in conscientia non posse retineri lucrum, quod acquiritur per actiones infames, turpes, & inonestas, & per *Adulterium*, judicaret à fortiori, pecuniam acquisitam per *Lenocinium* iuste retineri non posse; & sic Doctrinam Divi Thomæ esse falsam. Sed ego veram reputo, solum tamen intra limites Probabilitatis, quia nequit negari esse probabile, quod leno nequeat retinere in conscientia lucrum acquisitum. Observo etiam, quod Divus Thomas ibidem videtur docere, in aliquibus sceleribus minimè nos posse retinere pretium, quia lex prohibuit lucrum ex tali actu. Per illum terminum, *Lex*, improbable non est, Divum Thomam intelligere legem humanam. Et si concedatur

hoc, sequitur, esse veram sententiam communem Modernorum asserentium, de quolibet peccato pretium posse retineri, excepta *Simonia*, quia Moderni hoc intelligunt loquendo de jure naturali.

10. Artículo 5. quæstiunc. 1. dicit, quod si Uxor habet alias res præter dotem, vel si est lucrosa, tunc potest tales eleemosynas dare, quæ virum non depauperent, etiam non requisito assensu viri, dummodo non prohibeat. Et si etiam prohiberes verbo, posset probabiliter credere, quod eam non intenderet simpliciter ab eleemosynis coercere, sed à superfluitate eleemosynarum. Doctrina, quæ fundatur in probabili credulitate, certè non potest esse nisi probabilis. In Quæstiuncula 3. ejusdem art. dicit, quod ancillæ, servi, & famuli liberæ conditionis non possunt, facere eleemosynam de rebus dominorum sine eorum consensu præter panem, & hujusmodi, quæ non inferunt sensibile nocumentum, non quasi habentes potestatem aliquam in re domini, sed quasi tractantes eam in utilitatem domini. Probabiliter quis potest judicare, quod domini nolint hanc utilitatem; & ideo doctrina Divi Thomæ solum est probabilis.

11. In quæst. 3. art. 1. quæstiunc. 4. ad 3. respondens objectioni, qua dicebatur, si jejunium esset sub præcepto, sequi hoc grave, & sic absurdum, quod si quis unum tantum diem Quadragesimæ frangeret, peccaret mortaliter : Respondens, inquam, huic objectioni sic scribit : *Intentioni Legislatoris obviat, qui ex contemptu, vel sine aliqua rationabili causa ordinationem non servat; in quo probabiliter credi potest, si Legislator adesset, eum obligare non velle, talis non est reputandus præcepti transgressor; & ideo non est necessarium, quod quicunque aliquem diem ab Ecclesia institutum jejunare omittit, quod mortaliter peccet. Potest enim hoc aliquando omnino sine peccato contingere, aliquando sine mortali cum veniali, aliquando etiam cum mortali, & hoc secundum diversas occasiones, quibus homo inducitur ad jejunium frangendum.*

12. Antiquitùs erat opinio, ut si quis frangeret jejunium per unum diem, v. g. ob aliquam passionem, vel ex aliqua pigritia, dicebat Richardus quodl. 1. art. 6. quæst. 1. judicaretur hoc motivum rationabile, quod *contingeret sine mortali cum veniali*. Et hæc Doctrina videretur quadrare objectioni, in qua putabatur grave obligatio jejunii sub mortali, etiam in unico die. Ego tamen nolo attribuire opinionem adeo lassam horum. Antiquorum Divo Thomæ; Asfero tamen pro certo, quod cum hæc Doctrina fundetur in *credulitate probabilis*, non sit nisi probabilis. Efformo ergo sic argumentum. Tunc quis non obligatur servare legem, quando quis *probabiliter credere potest Legislatorem non obligare, si adesset*; Sed habens opinionem probabilem, quod in hoc, vel illo casu non adsit transgressio legis, potest probabiliter credere, quod Legislator non obligaret, si adesset; ergo habens opinionem probabilem in hoc, vel in illo casu &c. non obligatur servare legem. Major propositio est desumpta formaliter ex articulo Divi Thomæ; Minor verò est evidens; nam opinio probabilis reddit intellectum credentem obiectum ita esse probabiliter. Consequentia verò negari nequit, cum sit argumentum in forma.

13. Distinct. 17. quæst. 3. art. 1. quæstion 3 ad 3. primò dicit, quod ex præcepto Ecclesiæ tenetur, qui non habet mortalia, confiteri peccata venialia; subdit postea, quod secundum quosdam nec teneatur confiteri venialia, & sufficit pro impletione præcepti, quod se præsentet Sacerdoti, & dicat se non habere peccata mortalia. Art. 3. ejusdem quæstionis quæstion 5. ad 4. loquens de eo, qui habet solum venialia tempore adimplendi præceptum Confessionis ait: *Talis debet solum venialia confiteri, ut quidam dicunt, vel etiam profiteri se à peccato mortali immunem, & Sacerdos in foro Conscientiæ ei credere tenetur*. Observa Lector; In primo Textu secundum propriam mentem Divus Thomæ asserit, adesse obli-

gationem confitendi venialia, & secundum quosdam sufficere solum præsentationem Sacerdoti, & Confessionem de immunitate à mortali; In secundo verò Textu loquitur vice-versa, quod scilicet secundum quosdam debet hic confiteri venialia; & postea absolute, & sic secundum propriam mentem, dicit sufficere solum confessionem de immunitate à peccato mortali.

14. Si Divus Thomas hic non sequitur utramque partem ut æqualiter probabilem, non video quomodo clarius potuisset se explicare. Et ego pro certo habeo, quod si immunis à mortali: consultum petierit à Divo Thoma de adimplentione præcepti Confessionis, responderit; debes confiteri venialia; vel, si vis sequi opinionem quorundam, sufficit, quod dicas Sacerdoti, te esse immunem à mortali. Qui modus respondendi est opinantium utramque partem, & dicentium modo sic, modo non.

15. Quæstiuncula 4. dicit, esse probabilem eorum opinionem, qui asserunt, peccatorem non teneri statim ad confitendum, & opinionem contrariam vocat *nimis duram*. Hic accipe regulam benignam ex Divo Thoma: Si datur aliqua opinio benigna, quæ tibi videatur probabilis, & contraria nimis dura, sequere opinionem benignam. Hæc porro Regula est una ex illis, quas statuunt Probabilistæ nostri. Ibidem Divus Thomas docet, quod habens superfluum, non quandocumque pauper offeratur, tenetur elemosinam dare, sed ex hoc, quod tempus necessitatem urgentem adducit. Per Divum Thomam ergo ut teneamur, dare elemosinam radice superfluitatis, non sufficit, quod præcisè superfluum habeamus, & pauper offeratur; sed requiritur etiam, quod tempus necessitatem urgentem adducat; sicut ut peccator teneatur ad confitendum, non sufficit, si offeratur Sacerdos, sed requiritur etiam, quod tempus necessitatem inducat. Explicent Adversarii, quid significant hæc verba, *Necessitas urgens*, & illa, *Non quandoque*.



docunque pauper offeritur, tenetur ad elemosynam, & si non erro, tenentur sic illa explicare; pauperi in necessitate communi existenti non tenemur facere elemosynam, sed tunc, quando tempus facit illum habere necessitatem urgentem, idest, gravem; quæ explicatio est valde benigna, & solum probabilis, & Probabiliorista tenebunt, etiam in communi necessitate esse dandum superfluum.

16. Articulo 3. quæstiunc. 4. ad 6. docet, quod Parochus peccat, si non est facilis dandi licentiam suis subditis, ut aliis Confessariis confiteri possint; quia, inquit Sanctus Doctor, sunt multi adeo infirmi, quod potius sine Confessione morerentur, quam tali Sacerdoti confiteri. Mihi narratum est, in quadam Urbe Monialem impenitentem obijisse, eo quia à Superiore non potuit obtinere licentiam confitendi peccata sua alteri Sacerdoti præter Confessorem ordinarium. Hic verò casus tantum scandalum gignit, ut secularis quidam Dei zelo ductus acriter Superiorem illum corripuerit de tanto scandalo. Nescio, an Superior ille doctrinis rigidissimis Adversariorum imbutus fuerit, qui cum penitentibus volunt, ut solis asperitatibus agamus. Hoc unum scio, Superiorem hunc reum illius Monialis fore, & in judicio redditurum rationem de hac tanta severitate; unde dicitur 26. qu. 6. c. si Presbyter. Si Presbyter penitentiam abnegaverit morientibus, reus erit animarum, quia Dominus ait, cum conversus fuerit, tunc salvus erit.

17. In Quæstiuncula 5. ad 4. sustinet, quod confessi peccata sua penitentiarum Episcopi, vel alteri ab Episcopo commisionem habenti, cum sint dimissa peccata, & quoad Deum, & quoad Ecclesiam, non tenentur ea confiteri proprio Sacerdoti, quantumcumque petat. Jam scimus sententiam contrariam Glossatori, Henrico, & aliis placuisse, sed placuit Divo Thomæ probabiliter sequi sententiam benignam.

18. Articulo 4. quæstiunc. 1. docet, quod non contritus potest, se subjec-

re clavibus Ecclesiæ, & peccata innovescere Sacerdoti, & quamvis tunc non percipiat absolutionis fructum, tamen recedente fictione percipere incipiet, sicut etiam est in aliis Sacramentis; Unde non tenetur iterare Confessionem, qui factus accedit, sed tenetur postmodum fictionem suam consistere. In quæstiunc. 2. ad 4. meo judicio sustinet, quod habens peccata reservata, & non reservata teneatur omnia dicere Sacerdoti, qui ipsum absolvet, & de illis, de quibus non potest absolvere, ad Superiorem remittere. Hæc opinio antiquitus erat valde communis, tamen non erat, nisi probabilis; & nunc acriter impugnatur, & opposita rigida defenditur.

19. Distinct. 18. quæst. 1. art. 3. quæstiunc. 3. asserit, quod sicut aliquando Medicus prudens non dat medicinam ita efficacem, quæ ad morbi curationem sufficiat, ita Sacerdos divino instinctu motus non semper totam penam, quæ uni peccato debetur, injungit, ne infirmus ex magnitudine pœnæ desperet, & à penitentia totaliter recedat. Adversarii solos rigores arant; & Vendroevius totus est in demonstrando, quod remissio severitatis antiquæ in ordine ad Sacerdotes fornicarios, quam de facto Ecclesia adhibet, provenierit ex falsificatione Litterarum Pontificum; & insuper quod illæ pœnæ impositæ fuerint etiam pro occulto fornicario. Quæ doctrina quoad occultum fornicarium an desperationem inducat, & à penitentia faciat recedere Sacerdotem illum miserabilem, expendent prudentes.

20. Quæstione 2. art. 4. docet, quod solum communicans cum excommunicato in crimine, vel in divinis, vel in contemptum Ecclesiæ, peccat mortaliter; & hanc opinionem vocat Probabiliorum. Hinc sequitur, quod quis cœnans cum excommunicato, non quidem in contemptum Ecclesiæ, sed v. gr. ob commodum temporale, non peccet mortaliter; quod dictum est valde benignum. Hanc doctrinam confirmat in respon. ad 2. ubi ait: Qui communicat

excommunicato in divinis, facit contra preceptum, & peccat mortaliter; qui autem participat ei in aliis, facit præter præceptum, & peccat venialiter.

21. Distinct. 20. quæst. 1. art. 2. quæstion. 2. ad 3. iterum laudat Confessionem aliquando minorem poenitentiam imponentem, quia plus prodest poenitenti, quam noceat, qui forte magnitudine poenae posset à poenitentia peragenda impediri propter debilitatem virtutis. Et in quæstiuncula 3. dicit, non esse permitendum, ut aliquis pro alio poenitentiam faciat, nisi defectus aliquis appareat in poenitente, vel corporalis, per quem sit impotens ad sustinendum; vel spiritualis, per quem non sit promptus ad portandam poenam. Nota benignitatem Doctoris Angelici! Hinc infero, cum magistri peccatores, & inveterati non sint prompti, immò quasi inepti ad portandam poenam; ideo pro his est permitendum, ut alius faciat pro ipsis poenitentiam. Nescio, an Adversarii tantam benignitatem permetterent; credo bene, quòd ipsi pro illis tantam poenitentiam non subirent, nec charitatem exercerent.

22. Articulo 5. quæstion. 4. ad 3. asserit, Prælatus posse secum dispensare in iis, in quibus potest suos subditos. Contrarium sustinent plures Antiqui apud Sanchez lib. 8. de matrim. disput. 3. num. 9. quæ opinio & strictior est, & probabiliter defendi potest.

23. Distinct. 21. quæst. 3. art. 1. quæstion. 1. ad 3. dicit, quòd Abbas, qui novit ex Confessione Priorem ratione Prioratus ruere in peccata, potest ex aliqua alia occasione absolvere illum à Prioratu, ita tamen, quòd omnis suspicio vitetur de Confessionis revelatione. Nescio, an hac opinione uti possint Regulares; cum Clemens Octavus prohibuerit ipsis, ne ullatenus in exteriore gubernio domus cognitione habitata ex Confessione utantur. Ita habetur in Decreto Casuum Reservatorum pro Regularibus; quod decretum est post Bullam vigesimam octavam Urbani Octavi. Hoc ideo, opinionem Divi Tho-

mæ esse multum benignam Confessariis.

24. Articulo 2. sustinet, Confessarium posse ex licentia poenitentis revelare Confessionem; quæ opinio solum est probabilis, cum Scotus, Durandus, & alii Antiqui probabiliter contrarium asseruerint. Distinct. 23. quæst. 1. art. 2. quæstiunc. 1. docet, Extremam Unctionem de consequenti remittere mortale, vel veniale, si illa invenit, quoad culpam, dummodò non ponatur obex ex parte recipientis. Hæc opinio benigna, licet formaliter sit speculativa, virtualiter tamen est practica. Unde si ægrotus sumpta Extrema Unctione recordaretur alicuius peccati mortalis, non esset necesse ad ineundum Sacramentum Matrimonii, quòd vel se contereret, vel confiteretur, ut aliàs ad hunc effectum esset necessarium.

25. Distinct. 25. quæst. 3. art. 2. quæstion. 2. sic scribit: *Oratio est spiritualis primo, & secundo modo, (& sic est spiritualis ex omni parte, ) quia ex spirituali devotione efficaciam habet, & aliquid spirituale in ea debet peti; Unde nullo modo debet sub pretio poni, nec illi, qui dant pecuniam pauperibus, ut pro eis orent, orationem emunt, (& sic nec peccant) sed animos pauperum alliciunt ad orandum pro se, & eos faciunt sibi debitores.* Supponamus, quòd Ecclesia nullam legem prohibentem Simoniam in collatione Beneficiorum fecerit, tunc inquiri, an Petrus possit, dare pecuniam collatori, ut alliciat ipsum ad dandum Beneficium ipsi Petro. Si Adversarius negat, assignet rationem, cur hoc liceat per Divum Thomam in oratione, quæ est tam spiritualis, quàm Beneficium, non verò in collatione Beneficii. Si verò hoc concedat, dicat, an hoc sit certum, an probabile. Si dicat esse certum, assignet principium certum huius dicti; si dicat esse Probabile, tunc non damnet Probabilitatem.

26. Præterea per Divum Thomam potest quis, dare pecuniam pauperibus, ut pro ipso orent, & eos reddere sibi debito.

bitorēs. Explicetur, quomodo pecunia possit allicere pauperes ad orandum, & quòd pecunia non sit motivum, ut pauperes orent pro nobis. Si autem dicet, esse motivum, tunc debet concedere hanc propositionem, *potest dari temporale pro Spirituali non tanquam pretium, sed tanquam motivum, ut des spirituale.* Quæ Propositio damnatur à Montaltio Epist. 12. pag. 218. in Escobario.

27. Quæstiuicula 3. sic docet: *Abraham non peccavit emens speluncam duplicem; quia spelunca illa non erat consecrata in sepulturam; vel si erat consecrata, transiit possessio ejus in jurisdictionem cum universitate agri. . . . . vel, ut quidam dicunt, Abraham non peccavit redimens jus, quod habebat sepeliendi mortuum, quod quamvis et Helior non denegaret, tamen sciebat Abraham, quòd ille moleste acciperet, nisi pretium daretur; sed primum melius videtur.* Hoc verbum *Primum*, puto, referri ad primam repositionem, quæ est Abraham non peccasse, quia illa spelunca non erat consecrata. Adhuc tamen non rejicit alias repositiones. Hinc credo Sanctum Doctorem tenuisse probabiliter, & quòd illa spelunca fuerit, & non fuerit consecrata. Amplectendo verò tertiam repositionem, sequitur hæc propositio: *Possimus dare pretium ad habendam sepulturam consecratam, si aliter, qui habet illam sepulturam, moleste ferret dandi eandem sepulturam, nisi pretium daretur.* Quæ repositio est in mera linea probabilitatis.

28. In Articulo 3. ad 7. scribit: *quòd qui dat ratione consanguinitatis prabendam alicui principaliter, aut intendit temporale bonum illius, cui datur, & non alterius; & si peccat graviter, sed Simoniam non committit.* Ecce quòd sola intentione Beneficium datur, vel non datur simoniace; multum autem interest, inquit Montaltius Epist. XII. pag. 221. an peccatum sit Simonia, an non; siquidem ex Simonia oritur obligatio restituendi, non sic autem ex

alio peccato. Porrò quòd dare Beneficium principaliter ratione Consanguinitatis sit Simonia, videtur colligi ex Divo Bonaventura in 4. distin. 25. art. 5. ubi docet, quòd nomine pretii, quod ponitur in definitione Simoniz, intelligitur omne temporale, quod est tota, & sola causa donationis; sed in casu presenti tota ratio dandi Beneficium est consanguinitas, quæ est aliquod temporale; ergo in casu nostro presenti adest Simonia; ergo doctrina Divi Thomæ est solum probabilis, & insuper est multum benigna, quia, si non est Simonia, sequitur, quòd non adit obligatio restituendi. Albertus in 4. distin. 24. art. 5. ad 3. in hoc casu dicit adesse Simoniam, & nomine pretii in materia Simoniz explicat illud idem, & iisdem verbis, ut facit Seraphicus.

29. Distinct. 27. quæst. 3. art. 1. quæstiuic. 3. ad 2. ait, fuisse plures opiniones, an esset Irregularis ille, qui ducit in Matrimonium puellam, quæ solum cum eodem carnale commercium atque Matrimonium habuerit; Divus Thomas sequitur partem benignam tanquam quid probabilis. Articulo 3. asserit, quòd Episcopus potest dispensare irregularitatem bigamiz quoad suscipiendos ordines minores, & subdit; *Et quidam dicunt, quòd etiam quantum ad majores in illis, qui volunt Deo in Religione servire.* Utraque opinio est valde benigna, & etiam prima est solum probabilis; quin Fagnanus. c. super eo. de bigam. &c. videtur velle, esse parum probabilem.

30. Distinct. 28. quæst. 1. art. 2. ad 4. loquens de defloratore mulieris, cui promittit matrimonium, ait: *Quod in tali casu Sponsus, antequam aliam ducat, tenetur eam ducere in uxorem, si sint æqualis conditionis, (nota conditionem,) vel si sponsa sit melioris conditionis; sed si aliam duxerit, jam factus est impotens ad solvendum illud, ad quod tenebatur; & ideo sufficit, si ei de nuptiis providerit, & ad hoc etiam non tenetur, ut quidam dicunt, si Sponsus sit multo melioris conditionis, aut aliquod signum evidens fraudis fuerit; quia pra-*  

K 4

sumi

sumi probabiliter potest, quod sponsa non fuerit decepta, sed decipi se sinxerit. Quis poterit dicere in hoc textu non reperiri gloriosam Probabilitatem, & simul benignitatem pro iniquissimo deploratore? Distinct. 29. quæst. 1. art. 3. quæstion. 2. ad 2. docet, si sponsa coacta postea liberè consentiat, quod intelligitur etiam post longum tempus, validatur Matrimonium manente in suo vigore consensu alterius partis. Et in fine illius Articuli tenet, consensum sub conditione de futuro contingenti se habere sicut consensum, qui fit per verba de futuro, & sic neutrum consensum facere Matrimonium. Scimus autem per Canonistas, & plures illustres Theologos primum consensum facere Matrimonium purificata conditione. Hinc Sanctus Doctor tenet probabilem, & benignam opinionem. Articulo 4. sustinet, quod Pater non potest præcipere filio, ut matrimonium ducat. In contrarium sunt multi, inter quos Magnus Canonista Navarrus unus ex Theologis in Antiquorum choro repositus à Vendrochio, ut videre licet apud Joannem Cardenas in Crisi Theologica part. 3. dispnt. 56. cap. 8. art. 4. num. 412. & huic sententiæ multum favet cap. 1. de desponsat. impub. in quo dicitur, quod filius non adultus debet omnino adimplere Matrimonium, cui Pater ipsum prius tradiderat. Nota illa verba, debet omnino, & videbis, melius esse illa interpretari, ut significant obligationem de præcepto, & necessitatis, non verò solius honestatis, ut explicat Glossa. V. Debet.

31. Distinct. 32. quæst. 1. art. 1. ad 2. asserit, quod reddens debitum conjugale sine peccato potest sumere Corpus Christi. Non desunt Doctores strictiorem partem probabiliter loquentes, sicut & plurimi Confessarii; ergo Divus Thomas sequitur partem probabilem, simul & benignam. Articulo 2. quæstion. 3. asseruit, mulierem menstruatam tandem debere reddere debitum conjugale marito poscenti, & nolenti desistere. Contrarium asseruerunt mul-

ti Antiqui tempore Divi Thomæ, & forsan Moderni scrupulosi Probabilioristæ in partem negativam ibunt libentius. Articulo 4. ad 3. scribit, super illa difficultate, an matrimonium junctus possit sine consensu alterius vovere castitatem; Circa hoc est duplex opinio: Quidam dicunt, quod unus absque consensu alterius potest vovere, quod non petat debitum, non autem, quod non reddat, quia in primo uterque est sui juris, sed non in secundo. Sed quia, si alter nunquam peteret debitum, ex hoc alteri Matrimonium onerosum redderetur, dum oporteret unus semper confessionem debiti petendi subire; Ideo alii probabilius dicunt, quod neutrum unus absque consensu alterius potest vovere. Nemo negabit probabilissimum esse, quod tam vir, quam uxor possint vovere non petere debitum, nullo habito consensu alterius; & hoc crederet, si leger cap. quidam intravit. & c. placet. de conversi. conjug. Hinc patet, doctrinam Divi Thomæ esse in linea Probabilitatis; est verò evidens, quod sit benigna.

32. Dist. 33. quæst. 2. art. 2. quæstion. 2. vocat probabilem opinionem asserentium fuisse licitum libellum repudii in lege veteri; sed fatetur opinionem asserentium fuisse illicitum esse communio-rem; idè ad utrasque rationes respondet. Ego quæro, quid operetur, quod opinio sit communior contra opinionem probabilem? Meo iudicio solum operatur, vel quod opinio sit probabilior, vel quod sit probabilis. Si primum dicatur, sequitur, Divum Thomam vocare probabilem opinionem minus probabilem, quæ simul erat benigna; Si secundum, tunc Divus Thomas sequitur utramque opinionem æquè probabilem. Nec valet dicere, hanc materiam esse speculativam; nam si Christus non abstulisset Legem Moysæ, non per hoc daretur novum motivum, per quod Divus Thomas deberet mutare opinionem.

33. In quæstioncula tertia quærit Sanctus Doctor, an scemina repudiata possint nubere alii viro, vivente primo; & dicit:

dicat, juxta primam opinionem tenentem esse illicitum repudium non posse, juxta verò aliam opinionem posse, & adest rationes pro utraque parte. Solvit deinde rationes utriusque; qui modus discurrendi est, cum Doctor teneat probabiliter utramque partem. In hiis duabus questionibus mihi videtur evidens, Sanctum Doctorem sustinere utramque partem probabiliter.

34. In quest. 3. art. 2. adest opinio dicentium, virginatatem esse virtutem; adest pariter aliam dicentem, non esse virtutem, sed importare statum virtutis, & subdit, quod secundum hanc opinionem facile est respondere objectis. Postea ait: *Sustinendo autem primam opinionem respondendum est ad objecta.* Ecce Divus Thomas sustinet opinionem; fatetur tamen, secundum opinionem aliorum facile esse respondere rationibus ejusdem. Scio hanc questionem esse in materia speculativa; Non video tamen, cur probabilis unus partis in speculativo non adeo excludat veritatem ab alia parte, ut reddat indefensibilem, & sic improbabilem aliam, ita verò debeat excludere in moralibus.

35. Distinct. 34. quest. 1. art. 1. ad 4. dicit, personas esse illegitimas ad matrimonium per legem, qua constituitur; ut Sacramentum verò statuitur Lege Divina; In quantum est officium nature, statuitur lege nature; *In quantum verò est in officium communis, statuitur Lege Civili; & ideo ex qualibet dictarum Legum potest aliqua persona effici ad Matrimonium illegitima; Nec est simile de aliis Sacramentis, quis sunt Sacramenta tantum.* Hic luce clarius asserit Divus Thomas, quod Lex Civilis potest reddere illegitimas personas ad Matrimonium; & sic Princeps Laicus poterit statuere impediimenta Matrimonii. Hoc verò est solum probabile, & opinio contraria est probabilissima; quin Fagnanus de constit. c. ne in nuptiis. num. 335. ausus est, vocare illam opinionem temerariam, & scandalosam. Sed parendum est viro Canonico;

nec enim Canoniste possunt bene capere questiones Theologicas.

36. Distinct. 38. quest. 1. art. 3. quaestiuinc. 1. ad 5. dicit: *Qui interpretatum votum fecit, ad tria vota Religionis principalia in omni casu tenetur; ad alias observantias, quarum transgressio ex dissimulatione Praetatorum inducitur, qui, dum videntes non corrigunt, indulgere videntur, non videntur obligari, & praecipue si sint simplices &c.* Quaestiuinc. 2. ad 4. dicit, quod habens votum si nuplit, & consumavit Matrimonium, nequit petere debitum, debet tamen reddere, si mulier exigat vel expressè, vel interpretativè. Mox subdit: *Quidam tamen dicunt, quod potest & petere, & reddere, ne nimis onerosum reddatur Matrimonium uxori semper exigenti; sed si rectè inspicatur, hoc est exigere interpretativè.* Ego credo, quod illa propositio: *Hoc est exigere interpretativè, talem sententiam reddat; Ratio reddendi onerosum Matrimonium erga mulierem est virtualis, & interpretativa exactio debiti, & haec explicatio est juxta mentem Doctoris Angelici, qui supra distinct. 32. quest. 1. art. 4. ad 3. ut probabilius sustinuit, quod junctus Matrimonio nequeat vovere castitatem, ne nimium reddat onerosum Matrimonium faciendo, quod alter semper petat.* Quam verò haec opinio sit benigna, nemo non videt; insuper negari nequit, quod solum sit probabilis, ut supra dixi.

37. Articulo 1. ejusdem quaestiones dicit, quod sicut nec servus, ita nec Religiosus aliquod votum. emitte potest sine consentu sui Superioris. Articulo 4. quaestiuinc. 1. ad 3. ut probabilius sustinet, quod in voto solemnī possit fieri dispensatio. Contrarium tenuit postea 2. 2. quaest. 88. art. 11. quoad votum continentiae solemnizatum per professionem Religiosam, & de voto paupertatis, & obedientiae. Si est verum, quod asserit Cajetanus Opuscul. 5. de Eleem. c. 2. quod Divus Thomas non inuit opinioem, nisi expressè illam retractet; Cum in hac materia de dispensatione votorum

votorum solemnium non se retractaverit expresse, sequitur, quod Divus Thomas per Cajetanum probabiliter asserat in hac materia utramque partem. Sed si daremus, quod se retractaverit, adhuc sequitur, quod Divus Thomas tenuerit opinionem in linea probabilitatis existentem, ac simul benignam, ut hic intendo demonstrare.

38. Artículo 4. quaest. 4. ad 2. dicit, quod ingressus in Religionem non tenetur ad vota, quae fecerat in saeculo, inde subdit: Quiaam dicunt, quod debet Praelato suo exponere, & illa pensatis conditionibus personae, & voti, poterit cum eo dispensare. Sed secundum alios hoc non exigitur, quia ex ipsa vi voti Religionis à prioribus votis est absolutus rationibus dictis.

39. Artículo 5. ad 5. dicit, quod puellae occulte corruptae nullo modo sunt velandae velo virginittatis, ( quae opinio est valde rigorosa, probabilis tamen, ) quia propter vitandum scandalum non debent Ecclesiae Sacramenta, vel Sacramentalia variari. Subdit postea: Sed, sicut quidam dicunt, quod potest aliqua cautella adhiberi ad vitandum scandalum, ut scilicet illa, quae non sunt de substantia vaginalis veli, ut accensio candelarum, & alia huiusmodi fiant, mutatis occulte his, quae sunt de substantia vaginalis veli, puta, quod nomen virginittatis in Castittatem varietur. Si ego non erro, vult dicere Sanctus Doctor, quod consecrator corruptae debeat peragere ea, quae non sunt de substantia veli vaginalis; ea verò, quae sunt de tali substantia, v. g. nomen virginittatis, mutet occulte, & illud nomen mutet in nomen Castittatis. Vellem hic audire Montaltinum, quomodo in praxi uteretur hac doctrina. Vel diceret alitè nomen Castittatis; & sic non obviaretur scandalo, sed inde magis cresceret. Tum quia Doctor Angelicus ait, quod mutetur occulte, ergo nomen Castittatis alitè non debet proferri, quia non occulte, sed palam fieret mutatio. Si vero dicat nomen Castittatis submissa vo-

ce; certè aliae voces dicerentur voce non adeo submissa, quia Divus Thomas non docet, quod tota oratio dicatur submissa voce, sed variatio sola debet esse in voce Castittatis. Igitur pono sub oculos, ut Lectores determinent, ( ego enim nihil hic assero, ) an Divus Thomas doceat, quod Consecrator dicat Orationes pro consecratione virginis; Quando verò pervenerit ad vocem virginittatis, quae est de substantia veli vaginalis, mutet illam in vocem Castittatis; Sed ad obviandum scandalum mutet occulte, idest dicat submissè, ne intelligatur ab astantibus; sic enim velum virginittatis non dabitur puellae corruptae, & astantes non venient in cognitionem de corruptione ejusdem puellae. Si hoc intelligit Divus Thomas, timeo, ne incidat in irrisiones jaetatas à Montaltio Epistol. IX. pag. 155. in Fillucium dicentem, nos posse fugere perjurium dicendo partem assertionis alitè, partem submissè. Iterum moneo me nihil decidere circa intellectum praedicti textus Angelici Doctoris; sicut nec de tali explanatione, quod incidat in irrisiones Montaltii, solum pono utrumque sub oculos Lectorum, ut ipsi judicent, & decident.

40. Distinct. 42. quaest. 1. art. 2. tenet, cognationem spirituales contrahi solum per duo Sacramenta, Baptisma nempe, & Confirmationem. Aderat tunc opinio strictior equidem, sed probabilis, quod contraheretur etiam per Catechismum. Distinct. 45. quaest. 2. art. 2. quaest. 1. ad 5. ita scribit: De saculo Trajani hoc modo potest probabiliter estimari, quod precibus Beati Gregorii ad vitam fuerit revocatus, & ibi gratiam consecutus sit. Ecce quod per Probabilem estimationem possumus credere, dari in lege illa, in Inferno nulla est redemptio, Epichejam. Scio, nos esse in speculativis; at non video, cur per probabilem estimationem non possit quis se eximere à lege practica. Idem enim est Deus, qui dixit in Inferno nulla est redemptio, ac qui tradidit Decalogum.

## CAPUT XIV.

*Referuntur alia Opiniones benignæ ex  
Divo Thomæ.*

1. **A**llatæ Opiniones Probabiles, & Benignæ desumptæ sunt ex Quarto Libro Sententiarum. Libri autem Sententiarum apud Antiquos affectus Sancti Doctoris pluris æstimabantur, quàm ejusdem Summæ; hinc assumebant pro textu explicando illos, non verò hanc. Nunc verò video Thomistas mutasse Sententiam; Hinc expositiones texunt in Summam, & relinquunt prædictos Libros. Et ego audiui aliquos dicere, quòd Angelicus, si absolvisset Summam, mutasset aliquas opiniones, & præcipuè illam de non confitendis circumstantiis aggravantibus, quas tradidit in sententiis. Pace tamen ipsorum dixerim, hoc est purè divinare, non discurrere rationally. Et quamvis sciam in Summa se retractasse, quæ dixerit in sententiis quoad speculationem, non tamen in practico; quin potius in materia de elemosyna clarius est strictior; Unde aliqui voluerunt attribuerè Divo Thomæ per ea, quæ dixit 2. 2. quæst. 32. art. 5. quòd dives solum teneatur dare elemosynam habenti extremam necessitatem, & hic correxerit, quæ scripsit in Quarto Sententiarum, contra quos agit Cajetanus in Opusc. de elem. c. 2. & asserit, nunquam Sanctum Doctorem mutare Sententiam, nisi expressè hoc asserat, & conatur concordare dicta in Summa cum dictis in Sententiis ab Angelico.

2. Igitur revertendo ad propositum nostrum 1. 2. quæst. 97. art. 4. docet, quòd de his potest homo legem facere, de quibus potest judicare. Judicium autem hominis esse non potest de interioribus moribus, qui latent, sed solum de exterioribus actibus, qui apparent; & tamen ad perfectionem virtutis requiritur, quòd in utrisque actibus homo rectus existat, & ideo Lex

humana non potuit colibere, & ordinare sufficienter actus, sed fuit necessarium, quòd ad hoc superveniret Lex Divina. Idem dicit quæst. 103. art. 9. Ecce negat Legislatoribus humanis potestatem sufficientem in actus internos humanos, quòd solum est probabile, & plurimi alii probabiliter oppositum strictius sustinent. Ex opinione autem Doctoris Angelici alia valde benigna, & solum probabilis consequitur, quòd nempe, si Superior jubeat actus merè internos, subditus non teneatur obedire, & hanc doctrinam expressit 2. 2. quæst. 104. art. 5. hisce verbis: *Non tenetur inferior suo Superiori obedire, si ei aliquid precipiat, in quo ei non subdatur; dicit enim Seneca in 3. de beneficiis: Errat, si quis existimat servitutem in totum hominem descendere, pars enim melior excepta est. Corpora obnoxia sunt, & adscripta Dominis, mens quidem est sui juris. Et ideo in his, quæ pertinent ad interiorem motum voluntatis, homo non tenetur homini obedire, sed solum Deo.*

3. Igitur quæst. 96. art. 6. & 2. 2. q. 60. art. 5. ad 2. scribit, quòd nulla ratio juris, aut equitatis benignitas patitur, ut, quæ salubriter pro salute hominum introducuntur, ea nos duriori interpretatione contra ipsorum commodum perducamus ad severitatem. Credo, quòd Probabilioristis placeat, & forsan probabiliter, multoties duriori explanatione interpretari leges contra commodum subditorum, & illos subdere Legi, à qua benigna interpretatione possent eximi.

4. Quæstione 97. art. 3. ad 2. dicit: Si autem adhuc maneat ratio eadem, propter quam prima lex utilis erat, non consuetudo legem, sed lex consuetudinem vincit, nisi forte propter hoc solum inutilis Lex videatur, quia non est possibile secundum legem Patriæ, quæ erat una de conditionibus legis; difficile enim est consuetudinem multitudinis removere. Non deficient Severi Probabilioristæ sustinere probabiliter, etiam in hoc casu legem servandam esse, & consuetudinem abjiciendam tanquam corruptellam.

5. In quæst. 108. art. 2. ad 3. approbat duplicem expositionem oppositam Sanctorum Patrum super illum textum Matth. 10. b. *Nolite possidere aurum, neque argentum &c.* Prima interpretatio Augustini tom. 4. lib. 2. de consensu Evangelistarum c. 30. assererat, in illis verbis *non contineri præcepta, sed concessiones. . . . .* alio modo possunt intelligi secundum aliorum Sanctorum expositionem, ut sint quedam statuta temporalia Apostolis data pro illo tempore, quomittebantur ad prædicandum in Judeam ante Christi passionem. Ecce Divus Thomas sustinet probabiliter, & benignè, quòd Christus in illis verbis: *Nolite possidere aurum &c.* non fecerit mandatum, sed dederit concessiones. Sustinet etiam probabiliter, & rigidè juxta alios Patres illa verba continere statuta, & sic præcepta.

6. In 2. 2. quæst. 1. art. 3. ad 1. dicit, virtutes autem perficientes partem appetitivam non excludunt totaliter falsum: *Potest enim aliquis secundum Justitiam, aut Temperantiam agere habens aliquam falsam opinionem de eo, circa quod agit.* Ecce quòd quis potest cum falsa opinione de eo, quod agit, agere justum, & temperans. Jam scimus, Vendrochium asserere opinionem probabilem falsam non excusare in materia legis naturalis; & sic nec in præceptis Justitiæ, & Temperantiæ. Ergo Divus Thomas hic sequitur opinionem probabilem, & benignam. Quæst. 2. art. 6. ad 2. asserit, quòd simplices non sunt examinandi de subtilitatibus Fidei. . . . *Si in talibus ex simplicitate deficiant, non eis imputatur.* Contrarium strictius, & probabiliter docuerunt Specul. & Alvaro apud Angelum. V. *Fides.* n. 6.

7. In quæst. 10. art. 1. & 6. sustinet benignè, quòd illi, qui non audierunt Fidem Divinam, & moriuntur, damnantur quidem propter alia peccata, non autem propter infidelitatis peccatum. Ergo per Divum Thomam in hoc casu illi infideles non peccant non habendo Fidem; & tamen hæc infidelitas dependet à peccatis propriis, etiam per San-

ctum Doctorem quæst. 14. de verit. art. 1. ad 1. & in 3. distinct. 25. quæst. 2. art. 1. quæstion. 1. ad 1. & 2. & per plures Antiquos, Alen. par. 2. quæst. 112. de ignor. memb. 8. casu 1. Altiſiord. in 2. tract. 29. de pecc. mort. c. 1 q. 4. ad 4. Alber. in 3. dist. 25. art. 2. ad ult. Bonavent. in 2. dist. . . . Divum Bernardinum Tom. 1. ser. 2. post Quinquagesim. ferm. 3. fin. & Summam, quæ *Deſtructionum vntorum* dicitur, par. 4. cap. 36. num. 1. Qui dicunt, si puer nutriatur in sylvis, & rectè juxta naturam vivat, illuminabitur à Deo, vel per se revelando, vel per Angelum, vel per hominem &c. Ergo, qui nihil audit de Fide, si reſtat in Infidelitate, ex culpa sua hoc provenit; & tamen ipsa infidelitas non est peccatum per Divum Thomam. Nescio, an hæc benignitas placeat Vendrochio, qui per orationes credit nos obtenturos cognitionem de rebus obscuris; & propter hoc vult nos obligari ad talem orationem, & reos esse culpæ transgressores præceptorum, quæ poterant per orationem cognoscere; & sic illis parere. Ergo si est certum, quòd infidelis illuminaretur, si benè viveret, si benè non vivit, deficientia talis illuminationis per Vendrochium crit peccatum; & sic propter ipsum damnabitur.

8. Scio Vendrochium Epist. V. not. 1. sect. 3. §. 7. expresse dicere, se abstinere velle ab illa quæstione, an possit dari ignorantia invincibilis Juris Divini post prædicationem universalem Evangelii. Adhuc tamen propendit in partem negativam, & asserit pro ipsa Divum Augustinum, & dicit quamplura Patrum loca pro eadem militare. Hæc scio, inquam, non tamen audeo affirmare ipsum in allata doctrina oppositum Divo Thomæ asserere. Solum dico, quòd si per Vendrochium imputatur culpæ in jure naturali, si illud ignoramus, eo quòd saltem per orationem, & per bona opera possumus ejusdem cognitionem à Patre luminis impetrare, non video, cur non sit culpæ reputandum carentia cognitionis in jure Divino, dum benè agendo possumus obtinere ab eodem



dem Patre Luminum notitiam illius.

9. In quaest. 13. art. 2. ad 3. dicit, quod cum aliquis subito ex aliqua passione in verba imaginata prorumpit, quorum significationem non considerat, & tunc est peccatum veniale, & non habet propriam rationem Blasphemiae. Alio modo quando advertit, hoc esse blasphemiam considerans significata verborum, & tunc non excusatur à peccato mortali, sicut nec ille, qui ex subito motu irae aliquem occidit iuxta se sedentem. Non video, quod contrarium non possit strictius, quidem, sed probabiliter defendi; cum enim teneatur quilibet non dehonore Deum corde, ore, & opere, ita tenetur advertere ad verba, & opera, quae sunt dehonoratoria Dei; ergo si non advertit, facit contra praeceptum *non dehonore Deum*; & sic peccat graviter, & non leviter, ut vult Divus Thomas. Ego, qui admitto ignorantiam invincibilem in iure naturali, in eodem admitto etiam actualem inadvertentiam invincibilem, quae talem non sit peccatum mortale. Hinc adhuc benignitati allate ex Divo Thomae; Vendrochius, qui talem ignorantiam rejicit, videtur, quod debeat rejicere etiam talem inadvertentiam actualem.

10. In quaest. 32. art. 5. ad 2. asserit, quod divitiae sunt quidem ipsius divitis quantum ad proprietatem, sed quantum ad usum non solum debent esse ejus, sed etiam aliorum, qui ex eis sustentari possunt ex eo, quod ei superfluum est panis famelici, quem tu tenes, nutu tunica, quam in conclavi conservas &c. Vide Sancti Doctoris in divitem probabilem benignitatem! Dat Petrus huic nudo vestem, ab hinc duo mentes hic pauper ad pinguiorem fortunam venit, teneturne diviti restituere vestem acceptam? Respondetur affirmative, quia usus quidem illius erat nudi ex Divo Thomae, sed proprietas erat divitis; eum ergo nudus acquisierit propria, ergo propria alterius debet restituere. Hoc idem argumentum facio de paupere

dato in tali necessitate pauperi. Scimus autem Scotum, in 4. distinct. 15. quaest. 2. in solut. argum. vers. *posset dici* probabiliter tenere contrarium, in casu de re usu consumpta; & sic non adeo benignum divite se habere, bene verò cum paupere. Alii idem dicent de re usu non consumpt.

11. In quaest. 33. art. 5. asserit, peccatorem corripientem proximum cum humilitate non peccare. Plures Antiqui contrarium strictius sequebantur. Sed Beato Thomae haec nimium antiqua, & severa opinio non placet. In articulo seq. liberat quoque à praecepto correctionis, qui probabiliter astringat, (benigna doctrinae probabilitas!) quod peccator admonitionem non recipiat, sed ad peiora labatur. Quia autem probabilis aestimatio non facit rem certam; hinc posset hic etiam probabiliter oppositum astringere; & sic obligari ad correctionem; sed Divo Thomae placent probabiles benignitates, quas iterum astruit art. 8. ad 1.

12. In quaest. 59 art. 4. ad 2. docet, si auferat aliquis alicui quidam pomum, vel aliquid tale, de quo probabile est, quod ille non laedatur, nec ei displiceat, non est peccatum mortale. Vide hic benignam opinionem fundari in iudicio probabili. In quaest. 64. art. 7. ad 1. asserit, quod quando Augustinus Epist. 154. & habetur c. de occidendis. 23. quaest. 5. videtur, negare potestatem occidendi alium pro se, & sic nemo possit invalorem occidere, asserit dictum Augustini intelligendum esse in eo casu, quo quis intendit occidere hominem, ut se ipsum à morte liberet. Igitur Augustinus juxta Glossam Angelici dicit, quod si quis occidit invasorem, ut se à morte salvet, peccat. Si autem quis intendit salvare se, inquit Cajetanus, non destitutus à sui defensione, etiam si alterius mortem ex sua defensione oporteat sequi; & sic ille non occidit, nisi per accident. Haec doctrina procul dubio est Divi Thomae. Porro subdit Angelicus eodem loco: In quo etiam casu intelligitur auctoritas in iuncta rom. 1. ex lib. 1. lib. arbitr. cap. 5. prope finem. Haec verba:

In quo etiam casu &c. significant eodem modo intelligendum esse textum Augustini recitatum in secundo obiecto ex libr. de liber. arbitr. ac intellecta est auctoritas allata in prima objectione, in qua Augustinus vicebatur affirmare, non posse impunè occidi invasorem nostræ vitæ.

13. Afferamus nunc Textum Augustini ex Libro liberi arbitrii; quomodo, inquit ipse, à peccato ad divinam providentiam liberi sunt, qui pro his rebus, quas contemni oportet, humana cæde polluti sunt. Ecce Textum Augustini. Addit Divus Thomas: Eas autem res dicit esse contemnendas, quas homines inuiti amittere possunt, ut ex præmissis patet. Hic est textus Angelici. In margine asseritur illa verba, ex præmissis, referri ad ea, quæ dicuntur in divisione questionis. In divisione autem questionis Divus Thomas tria meminit, scilicet *Propriam personam, personam nobis conjunctam, & proprias res.* Hinc sequitur evidenter, quòd quando Augustinus negat posse occidi invasorem rerum amissibilem invitè, sit intelligendus, non licere, ita ut mors intendatur, ut intelligitur in casu, dum occiditur ob defensionem propriæ personæ. Et hac Glossa poterunt limitari alii Patres, qui per Vendrochium asserunt, esse illicitam mortem invasoris rerum nostrarum. Igitur per Sanctum Thomam hæc propositio est vera, Augustinus negat, *posse occidi invasorem rerum mala intentione.* Et ex hoc ego infero eandem propositionem de aliis Patribus, cum nulla disparitas sit assignabilis. Juxta etiam Divum Thomam est vera probabiliter hæc alia: *licet occidere relictâ intentione invasorem rerum.* Quàm verò hæc propositio sit benigna, ex hoc liceat arguere, quòd multi ex Probabilioristis prætendunt contrariam opinionem esse communem Patribus; quin videtur damnata à Clero Gallicano num. 36.

14. In quæst. 67. art. 2. absolvit à peccato judicem condemnantem hominem, quem privata scientia novit esse inno-

centem. Est quidem hæc opinio plurimorum Doctorum. Nequit tamen negari oppositam, & ratione, & auctoritate Doctorum esse satis probabilem; quæ cum faveat reo, deberet potius illam amplecti Judex, quia facilius debet esse Judex ad absolvendum, quàm ad condemnandum, ut ait ipse Divus Thomas quæst. 70. art. 2. ad 2. Adhuc tamen Sanctus Doctor noluit nimia scrupulositate in has angustias deducere Judicem, sed probabili benignitate illum absolvit.

15. In quæst. 73. art. 4. dicit, quòd audiens detractionem, si ei detractio non placeat, sed ex timore, *vel negligentia, vel etiam verecundia quadam* omittat repellere detrahentem, peccat quidem, sed multò minùs, quàm detrahens, & *plerumque venialiter.* Nota hanc benignitatem, & certè solum probabilem excusantem *timidum, negligentem, & verecundum.*

16. In quæst. 76. art. 1. scribit: quandoque verò dicitur aliquod malum sub ratione utilis, putà, cum aliquis optat aliquem peccatorem pati aliquam ægritudinem, aut aliquod impedimentum, vel ut ipse melior efficiatur, *vel ut saltem ab aliorum noxamento cesset.* Nescio, an aliquis rigidus Probabiliorista possit contrarium rigidè probabiliter asserere.

17. In quæst. 77. art. 3. dicit, venditorem non teneri ad manifestandum emptori defectum manifestum rei vendendæ, puta, si equus sit *monoculus*, si tamen subtrahat de pretio, quantum oportet. Oppositum dicunt probabiliter, & rigidè Panorm. in c. *injustum*. de rerum permut. & Conrad. de contract. quæst. 54. In quæst. 78. art. 1. ad 6. asserit, quòd si quis concederet pecuniam signatam ad ostentationem, vel ad ponendum loco pignoris, posset talem usum vendere licitè. Hæc doctrina mihi quidem certa est, sed forsitan rigidioribus poterit apparere oppositum quoque probabile: In articulo 2. tertio loco si bi opposuerat: *licet accipere servitium, vel etiam laudem ab eo, cui quis pecuniam*

*mutavit.* Ergo pari ratione licet quodcumque aliud munus accipere. Ita hoc obiectum diluit. Si quis ex pecunia mutata expectet, vel exigat, quasi per obligationem pacti taciti, vel expressi, recompensationem muneris ab obsequio, vel à lingua, perinde est, ac si expectaret, vel exigeret munus à manu, quia pecunia aestimari potest, ut patet in his, qui locant operas suas, quas manu, vel lingua exercent. Si verò munus ab obsequio, vel lingua non quasi ex obligatione rei exhibetur, sed ex benevolentia, quæ sub æstimatione pecuniae non cadit, licet hoc accipere, & exigere, & expetere. Expende ly *exigere*, & ly *expetere*, nec poteris, negare esse opinionem valde benignam, & intralineam Probabilitatis existere. Igitur ex Doctore Angelico est vera hæc propositio: *Licet in mutuo accipere, & exigere, & expetere munus ab obsequio, vel lingua, quod exhibetur ex benevolentia absque tamen pacto tacito, vel expresso.*

18. Canonistæ strictissimè, & acriter contendunt decimas, etiam quoad quodam, esse de Jure Divino; hinc sequitur, si hæc opinio sit probabilis, Divum Thomam solum probabiliter, & benignè asseruisse contrarium quæst. 87. art. 1. In quæst. 88. art. 8. ad 3. scribit: Nullum votum Religiosi est firmum, nisi sit de consensu Prælati; sicut nec votum puellæ existentis in domo, nisi de consensu Patris, nec Uxoris, nisi sit de consensu viri. Observa hæc ultima verba præcipuè, & nega, si potes, posse sustineri contrarium multum probabiliter. Ex opinione Divi Thomæ sequitur, quòd in voto uxoris intelligitur conditio, si viro placuerit, vel non remittatur; verba Angelici in solut. ad 4. hinc sequitur, maritum posse irritare vota uxoris, quæ potestas multum favet mulieribus. Hoc tamen totum solum est probabile.

19. In quæst. 89. art. 9. ad 3. sicut Patet, ait, potest irritare juramentum puellæ, & viri Uxoris, ut dicitur Num. 30. sicut & supra de voto dictum est, scilicet

in loco ante immediatè à me allegato. Hic nota Divum Thomam existimare illam concessionem factam à Deo allatæ c. 30. Num. perseverare usque modo; ibi autem illa concessio est universalis; unde intelligitur etiam de voto non præjudicante viro. v. gr. de oratione, de jejunio, de abstinentia &c. & textus etiam expressè loquitur de voto *Jejunii, & abstinentie*. Porro opinio, ut dicebam, asserens virum posse irritare votum, & juramentum, quod sibi non præjudicat, est admodum benigna, & solum in linea Probabilitatis, unde opposita sustinetur à multis præclaris Antiquis, & Modernis. Modernos videre poteris apud Castropal. tom. 3. tract. 15. disp. 2. punct. 6. num. 2. Antiquos verò apud Azor. part. 1. Institut. moralium libr. 11. cap. 16. quæst. 10. & cap. 17. quæst. 12. & in hac controversia pro utraque parte sunt fortia argumenta, & Doctores plurimi, ut Castropalaus fateatur utramque esse probabilem, sed negativam probabiliorem. Hic noto Doctores prædictos loqui de voti irritatione, sed eadem est ratio de juramento ex Castropal. tract. 14. disp. 3. punct. 2. cum à fortiori hic licet arguere, quia Divus Thomas art. 8. tenet, votum esse magis obligatorium.

20. In quæst. 100. art. 3. ad 2. scribit: Illi, qui dant eleemosynam pauperibus, ut orationum ab ipsis suffragia impetrent, non eo tenore dant quasi intendentes orationes emere, sed per gratiam beneficentiam pauperum animos provocant ad hoc, quòd pro eis gratis, & ex charitate orant. Aliquis fortan scrupulosus strictius probabiliter diceret, esse illicitum, provocare animos pauperum pecuniis, ut gratis orant, ex eo quòd hoc est parare sibi viam ad rem spirituales obtinendam, quod est simoniacum per Divum Thomam art. 2. ad 5. & propter hoc negat ante jus acquisitionis esse licitum dare pecuniam ad tollenda Adversantium obstacula, quibus quis impeditur à consecutione Præbendæ. Et in nostro casu à fortiori procedit, quia Oratio totaliter est spiritualis,

lis, non sic præbenda; & præterea per obstacula Divus Thomas debet intelligere etiam *malitiosa impedimenta*; de quibus est sermo in objectione. Sic ergo instruitur argumentum: Est illicitum dare pecuniam ante jus acquisitum ad tollenda malitiosa impedimenta, quibus quis impeditur à consequutione Præbendæ, quæ non est totaliter spiritualis; ergo est illicitum dare pecuniam pauperi, antequam quis habeat jus, ut pauper oret pro illo, dare, inquam, pecuniam pauperi ad tollenda malitiosa impedimenta, quibus quis impeditur à consequutione Orationis pauperis, quæ oratio est totaliter spiritualis; & multo magis hæc datio pecuniæ erit illicita, si detur ad provocandum animum pauperis; quia plus est provocare animum pauperum ad orandum, quam tollere impedimenta, quibus pauperes retardantur, ne orent pro me, qui do pecuniam. Hoc argumentum videretur scrupulosus forsan probabilis, & ipsis placeret, si esset Probabiliorista.

21. Similiter forsan scrupulosus videretur solum probabilis illa benigna doctrina, quam tradidit Sanctus Doctor alato art. 3. ad 4. ubi dicit, quod pro ingressu Monasterii non licet aliquid exigere, vel accipere quasi pretium. *Licet tamen*, si Monasterium sit tenue, quod non sufficiat ad tot personas nutriendas, gratis quidem ingressum Monasterii exhibere, sed accipere aliquid pro victu personæ, *quæ in Monasterio fuerit recipienda*, si ad hoc non sufficiant Monasterii opes. Dionysius Carthusianus in 4. distinct. 25. ante quæst. 4. asserit decisionem quandam Facultatis Parisiensis, quæ forsan opponitur huic doctrinæ benignæ, & illi decisioni multum favet c. *periculosus*. §. *sanè*. de stat. regul. in 6 in quo dicitur, ne in Monasterio ordinum non mendicantium aliqua recipiantur de cætero in Sorores, *nisi quot poterunt de ipsorum Monasteriorum bonis, si ve proveniunt absque penuria sustentari*.

22. In Articulo 5. dicit ad 2. quod si aliquis aliquid spirituale alicui conferat gratis propter consanguinitatem, vel

quamcunque carnalem affectionem, est quidem illicita, & carnalis collatio, non tamen simoniaca. Alii, inter quos Divus Bonaventura, recognoscunt probabiliter crimen Simonie, quæ opinio est valde strictior, & forsan causabit invaliditatem collationis illius rei spiritualis, ut dixi supra.

23. In quæst. 105. art. 1. ad 3. dicit: quod ideo Prælati abstinere debent à multitudine præceptorum; quia si tot Prælatus aliquis ingerat, quod subditus ea implere non possit, excusatur à peccato. Et hic per impossibilitatem puto intelligi magnam difficultatem, sicut Sanctus Doctor 1. 2. quæst. 96 art. 6. ad 3. dixit, non debere Legislatorem in sua lege omnes casus comprehendere ad confusionem vitandam. Benignitas optima à probabilitate promanans.

24. In quæst. 147. art. 4. ad 2. ut alibi dixi, asseruit tempus obligationis jejunii incipere in fine tertii septemni. Ante Divum Thomam paucos Doctores habebat hæc opinio, & parum probabilis ab irrephragabili Alensi reputabatur; & Joann. Andr. c. *Consistum*. de observat. jejun. & Abbas in rubr. d. t. referunt, plures opiniones adeo strictas, ut aliqui puellas anno 12. & pueros anno 14. voverint obligare ad jejunium. Solus Divus Thomas hanc verè benignam opinionem poterat elevare ad statum Probabilitatis; unde, si prius fortè peccabant homines non jejunando ante illud tempus, postea per autoritatem Doctoris Angelici, *facta probabilis hæc doctrina*, securè præterimus jejunium usque ad illud tempus. In responsione ad 3. ait: si imminet necessitas statim peregrinandi, & magnas dietas faciendi, vel etiam multum laborandi, vel propter conservationem vitæ corporalis, vel propter aliquod necessarium ad vitam spiritualementem &c. non obligatur homo ad jejunium &c. Videtur tamen in talibus recurrendum esse ad Superioris dispensationem, *nisi fortè ubi est ita consuetum, quia ex hoc ipso, quod Prælati dissimulant, videntur annuere*. Illa particula, *Fortè*, denotat cognitionem incertam,

certainam, & opinativam; ex alia parte est multum benigna, cum tollat obligationem frequenter adeundi Superiorem. Est quoque valde benignum, & probabile, quod potius, licet aliquo modo nutriat, non frangat jejunium, sicut nec electuaria, nec alia medicina, ut dicit Doctor Angelicus art. 6. ad 3. & 3.

25. In quæst. 148. art. 2. querens, an gula sit peccatum mortale, dicit, ordinem rationis concupiscentiam, & sic gulam, ordinantem tolli posse dupliciter; primo in ordine ad finem, unde gula, quæ avertit ab ultimo fine, est peccatum mortale, quod contingit, quando delectationi gulæ inhæret homo tanquam fini, propter quem Deum contemnit, paratus scilicet contra Dei præcepta agere, ut delectationes huiusmodi assequatur. Si verò in vitiogulæ intelligatur inordinatio concupiscentiæ tantum secundum ea, quæ sunt ad finem, utpotè quia nimis concupiscit delectationes ciborum, non tamen ita, quod propter hoc faceret aliquid contra legem Dei, est peccatum veniale. .... Vitium gulæ habet, quod sit peccatum mortale, inquantum avertit a fine ultimo. .... Inquantum avertit a fine ultimo contrariatur gula dilectioni Dei. .... & secundum hoc solum gula est peccatum mortale. Similia habet Sanctus Doctor in quæst. 14. de malo. art. 2. solum addit in respon. ad 4 aliud peccatum, & est, si quis scienter propter immoderatam concupiscentiam cibi grave suo corpori nocumentum inferret nimis comedendo, & nociva sumendo, non excusaretur a peccato mortali. Advertit tamen, quod tale nocumentum non est objectum gulæ, sed est præter rationem gulæ. Fortasse aliquibus videbitur, quod nimietas delectationis gulæ sit peccatum mortale. Ego audiivi de quibusdam voracitatem adeo monstruosam, ut unus plus ederet, quam decem homines; unde videretur dicendum ab his, ut isti helluones lethaliter peccarent tanquam incidentes in illud Apostoli ad Philippens. cap. 3. num. 19. *Quorum Deus venter est: tamen per benignam, & probabilem opi-*

nionem Angelici à tanto scelere sunt excusandi.

26. In quæst. 168. art. 3. ad 3. scribit: Etiam Officium *Histrionum*, quod ordinatur ad solatium hominibus exhibendum, non est secundum se illicitum, nec sunt in statu peccati, dummodo moderate ludo utantur, id est, non utendo aliquibus illicitis verbis, vel factis ad ludum, & non adhibendo ludum negotiis, & temporibus indebitis; & quamvis in rebus humanis non utantur aliquo officio per comparisonem ad alios homines, tamen per seiplos, & ad Deum alias habent seriosas, & virtuosas operationes. .... Unde illi, qui moderate eis subveniunt, non peccant, sed iuste faciunt, mercedem ministerii eorum eis tribuendo. Si qui autem superflue sua in tales consumunt, vel sustentant illos *Histriones*, qui illicitis ludis utuntur, peccant, quasi eos in peccato foventes. Ecce per Doctorem Angelicum status, & officium *Histrionum* per se non est peccatum, & possunt licite pro tali officio suam mercedem moderatam accipere ipsi *Histriones*.

27. Quidem Regularis in lucem dedit libellum in Galliis, in quo probabat auctoritate Sanctorum, & optimis rationibus, comœdias ex genere suo esse licitas; mirum est, quantos strepitus, & clamores liber ille excitaverit, nedum in Gallia, sed etiam in Germania inferiori. Concionatores è suggestibus declamabant in illum, veluti in corruptellæ fontem. Alibi publice crematus fuit. Tandem Author cogitur palinodiam canere. Nunquid Doctor Angelicus, qui *Histriones* tuetur non esse in statu peccati, fallitatis crimine damnabitur? absit. Illi damnabuntur, qui Angelicum criminabuntur. Forlan Prælati Galliæ malè fecerunt in persequendo libellum illum? Minime. Quia benè fecerunt. Qui ergo modus conciliandi litem? Angelicus Doctor veritatem semper sequitur, sed multoties in linea Probabilitatis, & talis est præsens. Quia verò probabile non tollit probabile oppositum; idèò Prælati Galli severitatem sequentes op-

positam opinionem probabilem voluerunt sequi, & subditis hoc præceperunt. Si autem in dubiis debemus obedire Superiori juxta c. *quid culpatur*. 23. quæst. 1. & Isidor. Hispal. Epist. V. etiam in probabilibus id est faciendum.

28. In quæst. 169. art. 2. est valde benignus probabiliter; siquidem scribit, quod mulieres, quæ viros non habent, nec volunt nubere, & sunt in statu non nubendi. . . . se ornent ex quadam levitate, vel etiam ex quadam vanitate propter instantiam quandam, non semper est peccatum mortale, sed quandoque veniale. . . Unde Augustinus Epistol. 73. dicit: Nolo, ut de ornamentis auri, vel vestis propriam habeas in prohibendo sententiam, nisi in eis, qui neque conjugati sunt, neque conjugari cupientes, cogitare debent quomodo placeant Deo. . . . capillos nudare feminas. . . nec maritatum decet. In quo tamen casu possent aliquæ à peccato excusari, quando hoc non fieret ex aliqua vanitate; sed propter contrariam consuetudinem, quamvis talis consuetudo non sit laudabilis.

29. Obiecerat sibi Divus Thomas primo loco: Quod est contra præceptum Divinæ legis, est peccatum mortale; sed ornatus mulierum est contra præceptum Divinæ legis; dicitur enim Petr. cap. 3. quarum sit non extrinsecus capitulatura, aut circumdatio auri, aut indumenti vestimentorum cultus; Ubi dicit Glossa Cypriani in Libr. de habitu virg. incipit disciplina cultus ante med. *Serico, & purpura induta* Christum sincere induere non possunt. *Auro, & margaritis ornata, & monilibus* ornamenta corporis, & mentis perdiderunt; Sed hoc non fit nisi per peccatum mortale; ergo ornatus mulierum non potest esse sine peccato mortali.

30. Obiecerat sibi secundo loco: Cyprianus ibidem post medium dicit: Non virgines tantum, aut viduas, sed nuptas puto etiam omnes omnino feminas admonendas, quod opus Dei, & facturam ejus, & plasma adulterare nullo modo debeant adhibito flavo colore, vel nigro

pulvere, vel rubore; aut quolibet lineamenta nativa corrumpente medicamine. Manus Deo inscrunt, quando illud, quod ille formavit, reformare contendunt. *Impugnatio ista est Divini operis pravificatio, & veritatis*; Deum videre non poteris, quando oculi tui non sunt, quos Deus fecit, sed quos *Diabolus infecit*. De inimico tuo compta cum illo pariter arsuras. Sed hoc non debetur, nisi peccato mortali, ergo &c. Hæc Divus Thomas. Quis quæso potuisset suspicari, Angelicum Doctorem potuisse invenire modum explicandi verba adeo clara Cypriani? & tamen ipse invenit; unde ad primum cum Gloss. textus Divi Petri dicit, quod Apostolus loquitur de mulieribus, quæ contemnebant viros positos in tribulatione, & se ornabant, ut aliis placerent; & eodem modo dicit intelligendum esse Cyprianum. Ad 2. ait, mulierum fucationem spectare ad speciem fictionis, quæ non potest esse sine peccato; *Tamen talis fucatio est cum peccato mortali solum*, quando fit propter lasciviam, vel in Dei contemptum, in quibus casibus loquitur Cyprianus. Ergo ex suo genere fucare faciem cum coloribus est peccatum veniale per Divum Thomam. Sed vis modum uti fucis etiam sine peccato aliquo? Audi Anglicum sic prosequentem: sciendum tamen, quidd aliud est fingere pulchritudinem non habitam, aliud occultare turpitudinem ex aliqua causa provenientem, puta aegritudine, & aliquo hujusmodi; *hoc enim licitum est &c.* Si ergo puella utitur ornamentis, ut videatur pulchra, cum sit deformis, peccat per fictionem; si verò hoc facit, ut occultet deformitatem, *hoc est licitum*. Ut vides, actus est idem, & intentio solum diversa; quid facilius, quam mutare intentionem?

31. Joannes Hieronymus Sopranis Comment. in Davidem, digress. 1. c. 2. §. 1. propter plurima veterum Patrum dicta, quibus videntur damnari de peccato lethali mulieres se fucis exornantes, ait, Theologos in variis abuisse sen-

sententias; Alii enim omnem illorum usum absolute damnarunt, ut labem mortalis criminis continentem. Alii contra per se spectatum nulli lethali noxæ; Alii nulli omnino culpæ conjunctum voluerunt. Subdit postea propter has varias opiniones, aliam fuisse excitatam, an Episcopi possent talem suocationem prohibere tanquam peccatum grave. Et quidem Mediolani tempore Sancti Caroli eius Vicarii volebant, ut Confessarii, & Concionatores rigidam amplecterentur opinionem, quod cum illi abnuerent, edito publicè fucum, & pigmenta damnarunt. Non est harum controversiarum locus. Hæc solum retuli, ut videatur, Divum Thomam benigne, sed probabiliter solum, loquutum fuisse. Obiter tamen dixerim, Vicarios illos contrarios fuisse opinioni, & praxi Divi Antonini Archiepiscopi Florentini, qui ex Augustino part. 2. tit. 4. cap. 5. §. 8. nolebat, Episcopum habere propriam opinionem circa ornamenta mulierum; sed potius inducendos esse exhortationibus. Rectores Civitatum, ut per statuta pœnalia pecuniarum auferrent talia, præcipue superfluitates vestium, auri, argenti, & gemmarum.

32. In quæst. 185. art. 7. dicit, quod si Episcopus habet bona Ecclesiastica, ita ut pars destinata sit in usum Episcopi, alia pars in usum cultus Divini, & alia pars in sublevationem pauperum, non est dubium, *Episcopum peccare mortaliter, & ad restitutionem teneri*, si aliquid sibi retinuerit de his, quæ sunt pauperibus eroganda, vel etiam in usum Ministrorum, aut in cultum Divinum expendenda. Subdit Doctor Angelicus postea: *De his autem, quæ sunt specialiter suo usui deputata, videtur esse eadem ratio, quæ est de propriis, ut scilicet propter immoderatum affectum, & usum peccet quidem, si immoderata sibi retineat, & alius non subveniat, sicut requiritur debitum caritatis.* Ecce quod Episcopus. quoad illam partem bonorum, quæ ratione Episcopatus dantur ipsi pro suo usu, se habeat in ordine ad illa,

*ac ad propria, quæ scilicet habet de sua Familia; sicut ergo in propriis, quis non peccat, nisi propter immoderatum affectum, ita & Episcopus quoad illa bona Ecclesiastica.* Hinc sequitur evidenter, quod, si quis peccet per immoderantiam de suis bonis accipiendo, non tenetur ad restitutionem; & illi, quæ talia immoderate accipiunt v. g. Meretrices, Histriones, parasiti, non tenentur ad restitutionem, sed possunt illa licite retinere; ita debemus dicere de his bonis Ecclesiasticis. De quo vide Cajetanum ibidem. Hæc doctrina & est valde benigna, sed pariter solum est probabilis, & plurimi oppositum strictius conantur sustinere.

33. In quæst. 186. art. 9. ad 3. scribit: Tunc committit aliquis, vel transgreditur ex contemptu, quando voluntas ejus renuit subijci ordinationi Legis, vel regulæ, & ex hoc procedit ad faciendum contra legem, vel regulam. Quando autem est converso propter aliquam causam particularem, puta, concupiscentiam, vel iram inducitur ad aliquid faciendum contra statuta Legis, vel regulæ, *non peccat ex contemptu*; etiam si frequenter ex eadem causa, vel simili peccatum iteret. Alii strictius, & probabiliter opinantur, quod ipsa iteratio transgressionis Legis, vel regulæ sit contemptus ejusdem.

34. In 3. part. quæst. 64. art. 6. ad 3. tenet, quod peccator in necessitate baptizans non peccet, quamvis sit in peccato mortali. Nulli dubium esse debet, oppositum strictius posse probabiliter sustineri; & quidem Durandus in 4. dist. 5. quæst. 2. num. 6. refert fundamenta rigidæ opinionis, nec illa solvit; & subdit, securum esse sic facere, *sed durum esse dicere, quod ad hoc teneatur, id est sequi hanc opinionem rigidam.* Si opinionem benignam. Durandus certam credidisset, non verò solum probabilem, non fuisset propensus in strictam, & pro illa rationes non promovisset; ad quid invenire argumenta pro falso, & illa insoluta relinquere? Quæst. 68. art. 11. ad 4. asserit, quod infans possit baptizari

in qualibet parte periculo imminente. Fortasse alii scrupulosius negabunt, malè tamen, posse fieri tale baptisma. Quæst. 70. art. 4. ad 2. scribit: *Probabile tamen est*, quòd parentes fideles pro parvulis natis, & maxime in periculo existentibus, aliquas preces Deo fundarent. . . . sicut adulti pro seipsis preces, & sacrificia offerebant. Hic loquitur Doctor Angelicus de remedio, quo parvuli ante institutionem circumcisionis salvabantur, quòd remedium probabiliter putat, implicasse preces Deo suscipi. Nemo negabit hanc doctrinam contineri in linea Probabilitatis, cum Sanctus Doctor hoc expresse confiteatur. Dicere solum poterit, esse in materia speculativa, non practica, de quo est difficultas. Sed adhuc saltem sequitur, quòd Probabilitas spectat ad lineam veritatis, etiam in supernaturalibus; quia verò supernaturalia non sunt inferioris ordinis, & perfectionis, ac tunc moralia: ergo etiam in moralibus poterit admitti Probabilitas; atque adeo quando Vendrochius, & Adversarii adeo exaggerant textus illos Scripturæ, in quibus dicitur, Christum esse Veritatem; & veritatem nos salvare. Hæc verba poterunt intelligi etiam de Probabilitate, idest de veritate probabili.

35. In quæst. 72. art. 7. ad 2. scribit: Si aliquis adultus in peccato existens, cuius conscientiam non habet, vel si etiam non perfecte contritus accedat, dummodò non hêtus accedat; per gratiam collatam in hoc Sacramento Confirmationis consequetur remissionem peccatorum. Hæc opinio & benigna valde est, & solum probabilis. Eandem opinionem benignam tenet de Sacramento Eucharistie quæst. 79. art. 3. dicit enim, quòd fortè non sufficiat contritus, sed devotè, & reverenter accedens consequetur per hoc Sacramentum gratiam charitatis, quæ contritionem perficiet, & remissionem peccati. Quæst. 80. art. 4. ad 5. scribit: Si verò ignorat hoc, quòd fecit esse actum peccati propter ignorantiam facti, quæ exultat, putà, si accessit ad non suam, quam credebatur esse

suam, non est dicendus ex hoc peccator; idest non est dicendus, quòd peccet sumendo cum hac ignorantia facti Eucharistiam. Scimus, Guilielmum Parisiensem de leg. cap. 21. litt. D. non excusare operantem malum ex ignorantia facti. Hinc tempore Divi Thomæ sua opinio non erat certa, sed solum probabilis; aliter Parisiensis fuisset cœcus, qui in tanta luce non vidisset veritatem. Quæst. 82. art. 4. ad 3. videtur dicere, quòd si species consecratæ miraculosè apparerent carnes, quòd Sacerdos non teneretur sub peccato ad iterum consecrandum. Si quis oppositum strictius assereret, esset damnandus de errore? Sic etiam art. 9. ad 3. asserit, licitè potuisse fidelem audire Missam concubinarij occulti. Peto, an antiquitus oppositum potuerit probabiliter, sed strictius asseri?

36. In quæst. 83. art. 3. ad 3. scribit: Unde & quidam probabiliter dicunt, quòd per ingressum Ecclesiæ consecratæ homo consequitur remissionem peccatorum venialium. . . . & idè propter virtutem, quæ ex consecratione Ecclesiæ acquiritur, consecratio Ecclesiæ non iteratur. Art. 6. ad 3. dicit, quòd si Sacerdos cognoscit, in Calice consecrato adesse venenum, non debet sumere illum sanguinem, sed aliud vinum consecrare. In 4. dist. 11. in explicat. litt. fin. dicit, quòd si Sacerdos post consecrationem Calicis advertat loco vini positam fuisse aquam, debet incipere consecrationem vini alio vino superinfuso. . . . vel etiam à capite inchoare super alia Hostia, Hostia prius consecrata posita seorsum, ut Innocent. dicit. Hic nota Sanctum Doctorem in Libr. Sententiarum utramque opinionem probabiliter docere, in Summa verò unicam, non quidem tanquam certam, sed solum ut probabilem. In eodem Articulo ad 4. dicit in casu dicto, si defectus vini cognoscatur sumpto jam corpore, tunc utramque materiam esse consecrandam. Oppositum sequitur Scotus in 4. dist. 8. quæst. 3. §. dico quòd. & §. alio modo, & alii Doctores apud Quartum in rubr. Miss. part. 3. tit. 3. sect. 2. dub. 2.



Quæst. 2. & huic opinioni apertè favet cap. 1. & 2. de Sacram. non iter, in quibus traditur regula universalis, in talibus casibus nihil esse iterandum, sed cautè suspensum, quod incautè fuerat prætermisum. Scio has duas opiniones non esse in materia benignæ, cum in utraque sit periculum; adhuc tamen ex hoc sequitur, quòd Probabilitas ex sui natura pertinet ad lineam veritatis. In eodem art. ad 5. dicit: quòd si Sacerdoti probabiliter constet, se aliqua omisso in Missa; siquidem non sunt de necessitate Sacramenti, non debet reassumere immutatum ordinem sacrificii. Alii forsitan strictius obligabunt ad reassumptionem.

37. In quæst. 84. art. 3. asserit, formam Sacramenti penitentiae esse hæc verba: *Ego te absolvo*. Alii probabiliter, & strictius volunt addendum esse illud verbum *à peccatis*.

38. In quæst. 2. de malo. art. 8. ad 3. scribit: dico, quòd multoties inebriari non est circumstantia constituens speciem peccati; & ideo, sicut semel inebriari est peccatum veniale, ita & multoties inebriari, per se loquendo; per accidens autem, & dispositivè multoties inebriari potest esse peccatum mortale; putà si ex consuetudine in tantam complacentiam ebrietatis perduceretur, quòd etiam divinus præcepto contemnitur: inebriari proponeret. Mihi dubium non est, esse valde probabile, licet rigidum, quòd abique contemptu peccetur mortaliter, dum quis se inebriaret. Hic recole, quid sit peccare ex contemptu per Divum Thomam quòd explicat, ut supra retuli.

39. In quæst. 13. de malo. art. 4. ad 13. concedit, mutuantes posse sperare aliquod munus à mutuario, non quasi debitum, sed quasi gratuitum; Forlan aliquis paulò nimis scrupulosus interpretabitur illud Evangelii, *Date mutuum nihil inde sperantes* adeo rigidè, ut nequeamus in illo tempore, quo damus mutuum, habere aliquam spem de lucro. Et quidem Astens. lib. 3. tit. 11. art. 5. ubi 1. dicit, secundum communem

opinionem, & verioreni esse usuram; si quis mutuet tali animo, quòd non mutuetur, nisi speraret lucrum. Sic etiam ad 19. ejusdem articuli scribit: si latro aliquem jugulare vellet, & ad vitandum mortis periculum aliquis latroni thesaurum suum diripiendum detegeret, non peccaret. Scrupulosus pariter, & rigidus dicerent, hunc peccare tanquam suadentem ad furtum, ad quòd faciendum ille latro non erat paratus, quantum apparet ex casu allato à Divo Thomæ.

40. In quæst. 14. de veritate. art. 9. asserit ea, quæ sunt scita, non posse credi; Hinc sequitur, quòd Philosophus, qui demonstrativè cognoscit Deum existere, Deum esse unum &c. nequeat, credere Deum existere, Deum esse unum &c. & sic expressè dicit: *Impossibile est, quòd sint ab eodem scita, & credita*; ergo si Philosophus accedat ad fidem, non erit necesse, quòd credat Deum esse; immò impossibile erit, quòd credat. Ad summum necesse erit, quòd sciat, & si sit Deum esse. Nemo tamen negabit, oppositum strictius sustineri posse, cum Apostolus dicat universaliter: Accedentem ad Deum oportet credere, quia est, & inquirentibus se remunerator sit. Hæb. cap. 11. Ecce, qui accedit, debet credere, quia Deus est. Ergo qui demonstrat Deum esse, si tamen Deo accedat, debet credere, quia Deus est.

41. In quodl. 1. art. 11. docet, quòd peccator differat Confessionem usque ad Quadragesimam, per se loquendo licitum est, sed per accidens potest fieri illicitum, putà, si imminet aliquis articulus, in quo confessio requiratur. Art. 13. dicit, quòd si aliquis sit præbendatus in duplici Ecclesia, ipsi sufficiat dicere unicum officium. Posset forsitan probabiliter sustineri, quòd obligetur ad plura; maxime si utraque præbenda satis sit ad congruam sustentationem; si enim habet fructus duorum Beneficiorum, cur non debet subire onus duorum Beneficiorum?

42. In quodl. 2. art. 9. docet, homi-

nes in locis, in quibus non est consuetudo dandi decimam, non peccare illam non dando, si Ecclesia non petat. Canonistæ, qui docent decimas deberi de jure Divino, docebunt hunc peccare, quia quilibet tenetur servare legem Divinam, nec consuetudo huic præjudicare potest. Vide Asten. lib. 6. titul. de decimis.

43. In quodl. 3. art. 38. dicit, quòd Confessor potest satisfactionem imponere pœnitenti, vel ex proprio arbitrio, *vel ex consilio alieno*; nec debet onerare pœnitentem gravi pondere satisfactionis, quia sicut parvus ignis à multis lignis superimpositis facile extinguitur, ita posset contingere, quòd parvus affectus contritionis in pœnitente nuper excitatus propter grave onus satisfactionis extingueretur peccatore totaliter desperante: credo Probabilioristas nostros tenere oppositum rigidius, probabile tamen.

44. In quodl. 4. art. 14. concedit nos posse communicare cum illis excommunicatis, de quibus Sententiæ Doctorum sunt variz, ante tamen sententiam concordem judicium. Probabilioristæ qui dicunt in diversitate opinionum rem esse dubiam, & in dubiis, tutiorem partem esse tenendam, dicent in hoc casu non esse communicandum cum talibus. Sed tu absque scrupulo sequere opinionem benignam Divi Thomæ, & utere hoc textu ad probandum clarè, nos posse sequi utramque partem æqualiter, vel inequaliter probabilem, quia tunc adiunt variz sententiæ Doctorum, & supponimus, Judicem non decidisse litem.

45. In quodl. 6. art. 12. ad 1. asserit, quòd si necessitas hoc requirit, debet quis præbere alteram maxillam percutienti, & si non faciat, peccat mortaliter; & eadem ratio est de hoc præcepto: *Qui habet duas tunicas, det non habenti, & de omnibus similibus*. Unde non semper peccat mortaliter, quotiescunque non dat pauperi, *qui superfluum habet, sed quando necessitas imminet*. Quando autem sit talis necessitas, quòd obliget ad peccatum mortale, non potest ratione determinari, sed committitur prudentiæ, & fidei

dispensantis. Hic textus clarissimè innuit, nos non teneri ad dandum superfluum in elemosynas in qualibet necessitate, sed solum cum necessitas imminet, quæ necessitas committitur prudentiæ. Ergo in necessitate communis non tenemur ad elemosynas, quia hæc semper imminet, nec ad hanc determinandam prudentia requiritur, cum per se pateat, & oculis videatur. Huic doctrinæ favet etiam quodl. 8. art. 12. porro plures Doctores probabiliter oppositum strictiùstentur.

46. In resp. ad 3. ejusdem articuli hæc scribit: *In secundis vero bonis* (idest quæ principaliter sunt attributa usibus ministrorum Ecclesiæ, sicut sunt præbendæ Clericorum, & alia hujusmodi) non committitur peccatum, nisi per abusum, sicut & de bonis patrimonialibus dictum est. Unde non tenetur quis ad restitutionem, sed solum ad pœnitentiam peragendam. Igitur si Episcopus dabit Paralitis, Histrionibus, consanguineis &c. bona provenientia ex præbenda Episcopali, non committet peccatum, nisi per abusum, sicut de bonis patrimonialibus; Unde non tenebitur ad restitutionem. Si hæc probabilis benignitas Divi Thomæ poterat cavillari in textu desumpto ex ejus Summa, certè huic textui nulla tergiversatio affingi potest.

47. In quodl. 10. art. 10. sustinet Religiosum non teneri ad obediendum Prælati in indifferentibus, contra opinionem strictiorem ibidem à sancto Doctore relata. In quodlib. 11. art. 8. explicat, solum illorum Sacerdotum fornicantium nos non debere audire Missam, *qui per judicium, & sententiam Ecclesiæ vocantur publici*. Mira Doctoris Angelici benignitas, & pro illis temporibus solum probabilis. In Articulo 9. sustinet participantibus cum excommunicato in cibo, in verbo, & in his, quæ sunt simpliciter humane conversationis non peccare mortaliter, sed venialiter. Quam multi omnino probabiliter tenent oppositum rigidius! Articulo 10. scribit: *Notandum est, quòd impossibilitas carnalis copulæ ex aliquo impedimento proveniens*

mens potest dupliciter considerari, quia vel illud impedimentum est superveniens matrimonio jam consummato, vel praecedens. Si est superveniens, tunc matrimonium jam consummatum nunquam solvitur. Si vero impedimentum praecedat, tunc matrimonium nondum consummatum solvitur. Per Divum ergo Thomam impedimentum reddens impotentem carnalem copulam perpetuò si praecedat matrimonium consummatum solvit matrimonium.

48. Crediderim pro certo olim, matrimonium ratum non solvi, nisi per Professionem Religiosam, ut est de Fide, & per dispensationem Papae, ut probabiliter plures Doctores docent; Unde non dubitabam, esse gravem errorem Gratiani, & Glossae opinionem positam 33. q. 1. §. 1. in qua dicitur, antequàm confirmetur carnis officio, impossibilitas officii solvit vinculum conjugii. Nunc verò cum illam hic clarè doceat Angelicus Doctor, probabilem illam iudico, & simul valde benignam iudicabunt omnes.

49. In quodlib. 12. art. 34. dicitur. Suspicio est quod imperfectum in genere iudicii, & ideo est imperfectus motus; Et ideo non est mortale ex genere, quamvis si fiat odio, erit aliquando mortale. Hic quaero, An suspicio de incestu, quam habeo de Sanctissimo aliàs Episcopo, sit in genere suspicionis; & nemo negabit. Quaero insuper, an per Divum Thomam debeat esse solum peccatum veniale, & certè omnes affirmabunt; & tunc ego dicam, hanc opinionem esse valde benignam, & procul dubio oppositum posse probabiliter sustineri.

## CAPUT XV.

*Circumstantia notabiliter aggravans per Divum Thomam non est de necessitate consistenda.*

**P**etuissem plures alias opiniones benignas referre Divi Thomae, alios

eiusdem Libros evolvendo, & allegatos accuratius perpendendo, sed nec tempus vacat, nec est necessarium. Allatè evidenter probant illud, quod promissam cap. 13. num. 2.

Sed unam adhuc opinionem, benignam proflus, referam, & refero extra ordinem, & ultimo loco, ut facilius inveniri possit, & nunquam oblivioni mandari. Est autem in materia de circumstantiis aggravantibus, quas non esse subdendas Confessioni ex necessitate praecepti asseruit Divus Thomas, praeceptum in 4. distin. 16. quaest. 3. art. 2. quaestum. 5. Hac opinio adeo visa est benigna, & adeo intra limites Probabilitatis, ut Soto in 4. dist. 18. quaest. 2. art. 4. dixerit, mirum non esse, si Doctor Angelicus illam docuerit; hoc enim fecit in Libris Sententiarum, quos juvenis composuit. Cano. verò, & alii Thomistae apud Gonettum de poenit. disput. 10. art. 3. §. 2. num. 57. dicunt; Divum Thomam non loquutum fuisse ex propria mente, sed merè retulisse opiniones sui temporis de illa materia.

2. Ipse Gonettus perpendens non posse negari, opinionem benignam esse Angelici Praeceptoris, asserit, esse intelligendum de quibusdam circumstantiis non valde notabiliter aggravantibus, v. g. de circumstantia, quod committens peccatum sit Episcopus, vel Generalis Ordinis, quod peccatum sit factum in die festo &c. non autem esse intelligendum de circumstantiis notabiliter aggravantibus intra eandem speciem v. g. furari mille aurea est valde gravius, quam furari unum aureum. Hic obiter adverte, antiquius circumstantiam peccandi in die festo fuisse apud plures Doctores creditam circumstantiam tanti ponderis, ut mutaret speciem peccati, putantes, quod peccatum specialiter prohiberetur à die festo.

3. Sed videamus mentem claram Divi Thomae. Igitur quaest. 13. de verit. art. 4. dicit, non esse dubium, quod delectatio morosa sit peccatum mortale, si dicatur morosa à mora temporis; certum est enim, quod prolixitas temporis

non potest dare rationem peccati mortalis, nisi aliud interveniat, cum non sit circumstantia in infinitum aggravans. Hoc videtur dubium, utrum delectatio morosa ex consensu rationis superveniente peccatum mortale sit. Resolvit postea dubium his verbis: *Simpliciter concedimus, consensum in delectionem fornicationis, vel alterius mortalis, peccatum esse mortale.* Si ergo juxta Divum Thomam delectatio morosa non est peccatum a mora temporis, sed ratione consensus, sequitur evidenter, per Divum Thomam sufficere dicere in Confessione, *semel delectatus sum de fornicatione. Ter delectatus sum de vindicta, &c.* Nec erit necesse subdere, & hæc delectatio duravit per horam, per tres horas &c. Ratio est, quia mora temporis non dat rationem peccati, nisi aliud interveniat; hoc autem aliud, quod intervenit in delectatione morosa, & dat rationem peccati per Divum Thomam, est consensus in delectionem; ex quo sequitur, ait Divus Thomas, quod quicquid agit ex consensu talis delectionis, ut hujusmodi delectionem nutriat, . . . . . totum est peccatum mortale. Si ergo in delectatione morosa solus consensus dat rationem peccati, si quis faciat consentium delectionis, & numerum consensus, totam rationem peccati hic falsus erit; & sic non erit necesse fateri durationem delectionis morosæ. Eandem doctrinam, quod prolixitas, & diuturnitas temporis non faciat delectionem morosam, esse peccatum mortale, sed consensus, tradit 1.2. quæst. 88. art. 3.

Meo iudicio nequit negari, quod diuturnitas temporis in delectatione morosa notabiliter augeat peccatum intra eandem speciem; longè enim gravius est delectari voluntarie de fornicatione per horam, quàm per tria momenta, & credo, quod prima delectatio excedat secundam, sicut furtum mille aureorum excedit furtum unius auri.

4. Si diuturnitas temporis ratione sui non dat rationem peccati, sed alterius, scilicet ratione consensus; ita accipere multum non dat rationem peccati ra-

tione sui, sed ratione alterius, quia scilicet est alienum. Ita Divus Thomas 1.2. quæst. 18. art. 11. & in 4. distin. 16. quæst. 3. art. 2. quæstion. 3. & alibi sæpe. Unde tota ratio peccati in furto mille aureorum est, quia illa sunt aliena: nam accipere parum, vel multum ex se deformatem aliquando non importat, nisi ex suppositione primi, ait Divus Thomas eadem quæstion. Ego infero, ergo, si dicam, *semel accepitrem alienam*, consensus sum totam rationem peccati; nec est necesse subdere, hæc res erat mille aurea, quia hæc circumstantia ex se deformatem non habet, nisi ex suppositione primi. Hoc autem primum est ly. *Aliena*, quod iam consensus sum.

5. In illo articulo secundo allato ex 4. Sententia, querit, an circumstantia aggravet peccatum, & quinque quæstionculis illud absolvit. In prima decidit circumstantiam aggravare peccatum, & subdit, ad primum, non oportere, quod peccatum addatur peccato ad hoc, quod fiat magis peccatum, quia in illis, in quibus est augmentum per intensionem, non oportet fieri additionem similis in specie, sicut non oportet, quod albedo albedini addatur ad hoc, quod fiat magis albus. In secunda decidit, circumstantiam finis magis aggravare peccatum, quàm aliæ circumstantiæ. In tertia querit, an circumstantia possit trahere in aliam speciem peccati, & dicit, aliquando circumstantiam mutare speciem, aliquando non mutare, aliquando aggravare, aliquando non aggravare, & aliquando diminueret. Postea de omnibus dat exemplum. Si quis furetur manu dextera, vel sinistra, aut de mane, aut de sero, hæc circumstantia nec aggravat, nec dimittit. Si furetur multum, aggravat, sed non mutat peccatum. Si furetur rem sacram, mutat speciem peccati. Si furetur coactus, hæc circumstantia minuit peccatum. In quarta quæstioncula querit, an circumstantia aggravet in infinitum, & dicit, quod circumstantia, quæ mutat speciem, potest aggravare in infinitum, quando nempe illa circumstantia directe opponitur

tur legi; quando verò directè non op-  
nitur legi, non aggravat in infinitum,  
sive addatur peccato veniali, sive mor-  
tali. De hoc nulla est difficultas, ut  
de iis patet.

Dicit etiam, quòd circumstantia, quan-  
do aggravat, & speciem non mutat, ad-  
huc manet in ratione circumstantiæ, &  
non potest in infinitum quantitatem  
peccati augere, ut ex veniali fiat mor-  
tale, quia circumstantia taliter aggra-  
vans ex suppositione præcedentis defor-  
mitatis habet rationem maioris defor-  
mitatis ex ejus virtute. Unde, si etiam  
illa sit infinita, non potest infinitam gra-  
vitatem addere. Tandem ait, quia cir-  
cumstantia, quæ speciem mutat, non est  
jam ut circumstantia computanda; ideo  
dicitur à Magistris, quòd circumstantia non  
aggravat in infinitum.

6. Ex doctrina hujus quæstiunculæ de-  
sumo duplex argumentum ad proban-  
dum evidentè, quòd per Divum Thomam  
circumstantia aggravans notabiliter  
intra eandem speciem, v. g. furari mul-  
tum, non sit de necessitate confitenda.  
Primum sit. Circumstantia remanens  
circumstantia non aggravat in infinitum,  
ut dicit Divus Thomas cum Magistris;  
sed furari multum est circumstantia re-  
manens in ratione circumstantiæ, quia  
circumstantia, quæ speciem non mutat,  
remanet circumstantia; ergo furari mul-  
tum non aggravat in infinitum. Quod  
autem non aggravat in infinitum, non  
est de necessitate fatendum ex Divo  
Thoma. Secundum argumentum. Cir-  
cumstantia, quæ non mutat, sed aggra-  
vat ex suppositione præcedentis, habet  
majorem deformitatem ex ejus virtute;  
id est ex virtute illius præcedentis; ergo  
si præcedens est finitum, non dabit in-  
finitatem; nec etiam, si deformitas præ-  
cedens erit infinita, circumstantia aggra-  
vans aggravabit in infinitum; hæc se-  
cunda pars patet ex illis verbis Divi  
Thomæ, Unde, si etiam illa sit infinita,  
non potest infinitam deformitatem addere.  
Quòd verò furari multum habeat  
deformitatem ex virtute præcedentis,  
patet ex Tex. 1. 2. quæst. 18. art. 11. &

allatæ quæstion. 3. & alibi.

7. Nunc afferamus Doctrinam, quam  
habet in quæstiuncula quinta. Ad quin-  
tam quæstionem dicendum, quòd om-  
nes circumstantiæ confiteri est impossi-  
bile, quædam autem confiteri est ne-  
cessitatis; sed in hoc est differentia opinio-  
nis. Quidam enim dicunt, quòd om-  
nes circumstantiæ, quæ aliquam nota-  
bilem quantitatem peccato addunt, con-  
fiteri necessitatis est, si memoriæ oc-  
currant. Alii verò dicunt, quòd non  
sint de necessitate confitendæ, nisi cir-  
cumstantiæ, quæ ad aliud genus peccati  
trahunt, & hoc probabilius est; sed ad-  
dendum est, quæ ad aliam speciem mor-  
talis trahunt; cuius ratio est, quòd  
venialia non sunt de necessitate confes-  
sionis, sed solum mortalia, quæ quan-  
tatem infinitam quodammodo habent;  
& quia circumstantiæ aggravantes, quæ  
aliam speciem peccato non tribuunt,  
vel quæ tribuunt quidem, sed non mor-  
talis peccati, non sunt de necessitate  
confessionis, tamen eadem confiteri per-  
fectionis est, sicut & de venialibus di-  
ctum est.

8. Hic textus est adeo mihi clarus,  
ut nulla possit tergiversatione eludi.  
Suppono primò, quòd in hoc articulo  
Divus Thomas agit de omnibus cir-  
cumstantiis, de quibus potest esse difficultas  
in ordine ad confessionem. Hoc patet ex  
titulo universali Articuli; patet etiam,  
quia loquitur de omnibus circumstantiis  
in quæstion. 3. etiam de furante multum.  
Suppono secundo, quòd in quæstiuncula  
quinta loquitur etiam de circumstantiis  
aliquam notabilem quantitatem peccati  
tribuuntibus, non tamen mutantibus spe-  
ciem.

9. Suppono tertio, quòd loquitur de  
illis circumstantiis, de quibus est diffe-  
rentia opinionis, an sint confitendæ.  
Porro Antiqui dividebant circumstantias  
in triplex genus circumstantia 3. inquit  
Seraphicus in 4. distinct. 17. par. 3. art. 2.  
quæst. 3. quæ attingunt peccatum, quæ-  
dam sunt alleviantes, quædam in aliud  
genus trahentes, quædam aggravantes.  
Circumstantias in aliud genus trahentes  
con-

confiteri est necessarium, alleviantes confiteri non est bonum, nisi &c. de aggravantibus, si genus peccati non est mutatum, est inter Doctores opinio diversa. Eodem modo loquuntur Richard. in 4. distinct. 17. art. 3. quæst. 5. Albertus dist. 16. art. 24. Palud. quaest. 3. art. 3. Durand. quæst. 4. Capreol. dist. 18. art. 3. Brulfer. dist. 17. quæst. 20. Argentinas dist. 16. quæst. 1. art. 2. Albericus. V. Confessio. 2. Divus Antoninus par. 3. tit. 17. c. 17. §. 5. Joann. de Friburgo lib. 3. tit. 33. quæst. 8. Supplementum. V. Confessio. 2. quæst. 5. Hi ergo Doctores dicunt, has circumstantias non esse de necessitate confitendas; & subdunt, hanc opinionem esse communem; & Albertus ait, hanc opinionem esse secundum antiquos Doctores. D. Antoninus loquitur etiam expressè de furante multum, ita etiam Argentinas, & subdit ita sentire Doctores communes, nempe Doctores, quorum opiniones communiter bonæ reputabantur.

10. Oppositum sustinent Alen. par. 4. quæst. 18. membr. 4. art. 3. §. 2. Alusid. in 4. tract. 6. c. 3. q. 3. Bacon. dist. 16. quæst. 1. art. 2. Aureolus dist. 17. art. 2. Raymund. lib. 3. de poenitent. & remis. §. 25. & ejus Glois. V. Circumstantias.

11. Scotus dist. 17. art. 2. litt. F. ait, circumstantias, quæ speciali prohibitionē prohibentur, v. g. Incestum, & quæ multiplicat numerum peccatorum, esse de necessitate confitendas. Multæ autem sunt circumstantiæ, ex quibus peccatum est aliquo modo gravius, vel ex parte objecti, vel ex parte personæ peccantis, de quibus non est ita certum, quod oporteat illas confiteri, tamen, tutum, & utile est hoc fieri.

12. Assero, primò, communem sententiam sustententem, non esse confitendas circumstantias aggravantes, intelligendam esse etiam de aggravantibus notabiliter, v. g. de furto, centum marcharum: ratio est clara, quia, expressè dicit, esse confitendas circumstantias mutantes speciem, de quibus non, est controversia magna, & expressè negat, esse de necessitate confitendas circumstantias aggravantes. Si circumstantiæ notabiliter

aggravantes non includuntur in conclusione negativa, sequitur Antiquos non tractasse materiam, de qua difficultas erat major. Major erat difficultas, an esset confitendum, v. g. *furtum centum marcharum*, quam dicere: *Ego Episcopus furatus sum*. Si ergo opinio communis, quod circumstantiæ aggravantes non sunt necessario confitendæ, debet intelligi de circumstantiis notabiliter non aggravantibus, sequitur, quod hæc opinio non tractat de circumstantiis notabiliter aggravantibus; Et sic quod agit de eo, quod multum non proderet agere, & de re necessaria, & valdè ambigua, non agebat. Tum quia magnus Albertus dicit: *Non oportet circumstantias confiteri*, nisi quæ trahunt in aliud genus peccati; tamen securum est alias dicere, Tum quia Argentinas, & Divus Antoninus explicantes opinionem communem negativam, & de ipsa dantes exemplum afferunt de Furante multum.

13. Assero, secundò, Divum Thomam specialiter intelligendum esse de circumstantiis notabiliter aggravantibus, nam in quaestiuicula tertia expressè loquitur de *furante multum*, & tradit omnes differentias circumstantiarum, & earum definitiones; ergo debet sanctus Doctor ex hac opinione quid sit, & quomplex sit circumstantia, iuxta methodum Aristotelis, & Doctorum, progredi ad quaestionem, *qualis sit*. Ergo in duabus quaestiuiculis subsequenter, debet loqui de his circumstantiis. Ergo, quando in his determinat has qualitates de circumstantiis, quod scilicet *alia sint sub præcepto confitenda*, alia verò *non sint sub præcepto confitenda*, una ex his qualitatibus debet verificari de circumstantia aggravante notabiliter, & non mutante speciem: sed de hac nequit verificari illa qualitas, quod sit *confitenda sub præcepto*; quia Sanctus Doctor expressè se restringit, ad illam circumstantiam, quæ *ad aliud peccati genus trahit*, ut vult communis opinio; Ergo debet verificari illa alia, quod non sit de necessitate confitenda. Tum quia in quaestiuicula quinta expressè dicit, probabilius esse,

*circumstantias*, quæ aliquam quantitatem notabilem peccato addunt, non esse de necessitate confitendas. Ergo Sanctus Doctor expressè loquitur de circumstantia dante notabilem quantitatem peccato; nec illa vox, *Aliquam*, addita illis, quantitatem notabilem, distrahit, aut diminuit illam vocem, *Notabilem*, quasi quod significet parvam quantitatem; esset enim hic modus loquendi improprius, obscurus, nec dignus Doctore Angelico.

14. Tandem nota illa verba, *Quia circumstantia aggravantes*, quæ aliam speciem peccati non tribuunt, vel quæ tribuunt quidem, sed non mortalis peccati, non sunt de necessitate confitenda, & fac argumentum in forma, & huic doctrinæ addas hanc: sed circumstantiæ notabiliter aggravantes sunt aggravantes, quæ aliam speciem peccati non tribuunt; ergo circumstantiæ notabiliter aggravantes, de quibus loquimur, non sunt de necessitate confitenda. Argumentum est in forma, major est doctrina formalis Divi Thomæ, minor est evidens; ergo consequentia nequit negari.

15. Nunc volumus, evidenter diluere argumenta Gonetti. Probat primò ex Trident. Sess. 14. cap. 5. asserente talem requiri confessionem, ex qua Sacerdos rectè de criminum gravitate judicare possit; constat autem furtum v.g. mille aurorum merari graviolem poenitentiam, quàm furtum unius auri.

16. Confirmatur, quia furtum mille aureorum vel habet plures multities, vel est virtualiter multiplex, quia æquivaleret mille furtis unius auri. Sic etiam odium per integrum diem, vel annum durans æquivaleret pluribus actibus odii.

17. Respondetur ad argumentum, hanc esse antiquam obiectionem, excepta autoritate Tridentini, quam Doctores allati pro nostra conclusione asserunt, & solvunt, & omnes dicunt, illam confessionem requiri, ex qua detur judicium rectum quoad speciem peccati, non verò quoad circumstantias, & hanc solutionem approbat ipse Divus Thomas; unde mirum est, quomodo

Thomista poterit fidere huic argumento, quod fuit solum ab Angelico Præceptore. Audi formalia ejus verba. Sibi obicit illa quæstiuncula 5. secundo loco: *Pœnitens debet peccatum suum Sacerdoti confiteri, ut ab eo modum satisfactionis recipiat*; sed pro graviore peccato major injungitur satisfactio; ergo debet Sacerdoti circumstantias notificare, quibus qualitas peccati consideratur. Si mens mea non me decipit, est idem argumentum cum illo Gonetti. Nunc regamus responsionem Angelici: *Ad secundum dicendum*, quod determinata quantitas peccati non potest Sacerdoti innotescere, quia nec ipse peccator scit; unde sufficit, quod cognoscat quantitatem, quæ ex specie peccati confurgit. Igitur Doctor Angelicus clarè, & expressè fatetur, sufficere, ut Sacerdos in confessione cognoscat illam gravitatem, quæ ex specie peccati confurgit. Ergo evidenter sequitur, quod circumstantia, quæ non dat speciem peccati, non est cognoscenda de necessitate in confessione. Imposteram Thomistæ hoc argumento non utuntur.

18. Ad confirmationem dico, quoddam sententia Divi Thomæ non datur in eodem actu duplex numero accidens; ergo eadem numero actio furtiva nequit habere duplicem malitiam numero. Si odium per integrum diem æquivaleret pluribus actibus odii; ergo circumstantia temporis aggravat in infinitum, sicut multitudo actuum odii importat multiplicem aggravationem in infinitum, & propter hoc est confitenda. Divus autem Thomas expressè fatetur, quod circumstantia temporis non aggravat in infinitum, & per hoc est certum, delectationem morosam non esse peccatum mortale ratione temporis, sed ratione consensu. Institutio ergo argumentum. Per Divum Thomam relatum num. 3. in delectatione morosa mora temporis non dat aggravationem in infinitum; ergo in actu odii mora temporis non dat aggravationem in infinitum; & sic actus odii multum durans non æquivaleret pluribus actibus odii. Tum quia ex D. Th. est certum,

tum, quod delectatio morosa non est peccatum mortale ratione temporis, sed ratione consensus; ergo delectatio in odio non est peccatum mortale ratione temporis, sed ratione consensus; ergo confesso consensu tota ratio malitiæ falsa est Sacerdoti; & sic nihil aliud est dicendum.

19. Præterea accipere mille aurea alterius duas rationes importat, acceptionem mille aureorum, & quod sint alterius. Prima ratio ex se non importat malitiam ex Divo Thoma, sed ex *suppositione primi*, quod *primum* est, quia sunt alterius. Ergo ex Divo Thoma furari mille aurea non æquivaleret quoad malitiam mille furtis unius aurei; probatur consequentia, quia una infinita malitia non æquivaleret mille infinitis malitiis. Æquivaleret quidem in ratione physica furtum mille aureorum mille furtis unius aurei, non tamen in ratione malitiæ; quia plus sunt mille infinitæ malitiæ, quam una infinita malitia.

20. Uterius Divus Thomas in eadem quaestione, 3. ait, quod *semper* in peccatis carnalibus sunt confitendæ circumstantiæ, quæ in aliam speciem peccati carnalis trahunt; si autem circumstantiæ non aggravant in infinitum *novam speciem peccati mortalis conferendo, quandoque laudabiliter reticentur*. Pono casum. Titius habet rem cum fœmina uxorata, & in complemento huius copulæ consumat unam horam, mille amplexus, oscula, tactus, aspectus, verba, & huiusmodi perpetrando. Certum est ex Divo Thoma, quod circumstantia mulieris uxoratæ *semper est confitenda*; unde, si proprius Sacerdos esset pronus ad lasciviam, debet ipsum relinquere, & alteri confiteri; ut dicit Doctor Angelicus. Nunc inquiri, an cæteræ circumstantiæ laudabiliter taceantur, saltem *quandoque*. Et respondetur affirmativè; *quandoque laudabiliter reticentur*, inquit Divus Thomas, nam istæ circumstantiæ *novam speciem peccati mortalis non conferunt*. Porro magis istæ circumstantiæ aggravant Adulterium,

quam *mille aurea Furtum*, & dies odium; ergo si illæ circumstantiæ possunt reticeri ex Divo Thoma, etiam hæc poterunt. Antecedens probatur. Accipere mille aurea ex se non est peccatum mortale, sed ratione alterius, ratione nempe constituyente speciem, quia scilicet *est res aliena* ex Divo Thoma. Odio habere per diem non est peccatum mortale ex Divo Thoma ratione temporis, sed ratione alterius, nempe consensus, qui constituit speciem. E' contra aspicere laicivè; osculari, amplecti, & similia sunt peccata mortalia ex seipsis; unde, si quis ista perageret cum expressa voluntate non adulterandi, adhuc essent peccata mortalia. Igitur concludendum est ex Divo Thoma, si quis per diem absque interruptione odio haberet, delectaretur de fornicatione, semel haberet copulam cum Fœmina, sufficeret dicere, semel odio habui, semelmorose delectatus sum de fornicatione, semel fornicatus sum. Quin addo, si Confessor, vel Pœnitens sunt prout ad lasciviam, laudabiliter sic confitetur ille fornicarius, illos amplexus, oscula, aspectus &c. reticendo.

21. Instat Gonettus num. 49. quod circumstantia notabiliter aggravans v. g. *furtum mille aureorum* maiorem malitiam dicit, quam furtum simpliciter, & num. 50. dicit, quod circumstantia mutans speciem est confitenda, non quia mutet speciem, sed quia dat novam malitiam; ergo, cum circumstantia dat novam notabilem malitiam, est necessariò confitenda.

22. Respondetur ad primum ex Divo Thoma quaestione. 4. quod circumstantia, quæ taliter aggravat ex suppositione præcedentis deformitatis, habet rationem maioris deformitatis ex eius virtute; *Unde si etiam illa sit infinita, non potest infinitam deformitatem addere*. Igitur per Divum Thomam circumstantia taliter aggravans, id est aggravans, & non mutans speciem, licet sit in deformitate infinita, non potest infinitam deformitatem addere. Tum quia aggravans in virtute



virtute præcedentis habet majorem deformitatem *ex ejus virtute*, idest virtute præcedentis, sed furtum mille aureorum ex Divo Thoma aggravat in virtute præcedentis; quia scilicet est res aliena; ergo malitia, quæ habetur in furto mille aureorum, est major, quæ habetur, quia res est aliena, quam illa, quæ habetur, quia aurea sunt mille. Tum quia in illa quæstion. 4. quærit, an circumstantia aggravet in infinitum, & dicit circumstantiam mutantem speciem posse aggravare in infinitum, aggravantem verò, & non mutantem speciem non aggravare in infinitum. Si circumstantia notabiliter aggravans in eodem genere daret vel æqualem, vel majorem gravitatem, quam sit gravitas desumpta à specie peccati, tunc daretur circumstantia non mutans speciem peccati, & gravans in infinitum; & sic Divus Thomas non resolvisset quæstionem adequate, in qua quærebat, *an circumstantia aggravet in infinitum.*

23. Ex hac doctrina patet responsio ad secundum, & dicimus juxta Divum Thomam circumstantiam mutantem speciem esse constitendam, quia dat novam malitiam, *novitate infinita*; cum ergo circumstantia notabiliter aggravans non aggravet in infinitum, quia circumstantia remanens circumstantia juxta Magistros per Divum Thomam non aggravat in infinitum, non est de necessitate constitenda, licet notabiliter aggravet, quia hæc notabilis aggravatio non est infinita. Vide Palud. & Antoninum locis alatis expressè approbantes hanc resolutionem.

24. Urgebis ex eodem num. 48. Ecclesia reservat peccata ob has circumstantias aggravantes; ergo istæ circumstantiæ sunt peccata mortalia; & sic sunt constitendæ; quia venialia nec etiam per Ecclesiam possunt subijci præcepto.

Sed contra retorqueo argumentum. Ecclesia potest reservare fornicationem Episcopi, Generalis, nihil decernendo de aliis Religiosis. Sic etiam pro Religiosis reservantur quædam peccata, quæ non reservantur pro Sæcularibus; &

tamen etiam per Gonettum circumstantia Episcopi, & Generalis non est peccatum mortale. Insuper est certum per omnes, quod peccatum Religiosi, quæ Religiosi, & non differt specie; probabilissimum est, quod hæc circumstantia non sit necessariò constituenda jure divino; ergo non est peccatum mortale; & tamen hæc circumstantia est causa reservationis; ergo potest reservari peccatum mortale ob aliquam circumstantiam, quæ ratione sui non sit peccatum mortale, sed veniale. Sic etiam nulli dubium esse potest, quod Episcopus possit reservare peccatum carnis sub illis circumstantiis, quæ per Divum Thomam aliquando laudabiliter reticentur; ergo reservatio casuum infert quidem peccatum mortale, non tamen ob illas circumstantias, propter quas fit reservatio.

25. Denique ipse Gonettus arguit contra hanc opinionem benignam, quia ex ipsa sequuntur quædam, quæ videntur absurda, quæ, quia habent speciales difficultates; ideo non sunt ad propositum, & sic transeo; quatenus autem prætendit piosare Divum Thomam, & dicere, quod ipse intelligat de circumstantiis non notabiliter aggravantibus; hoc prorsus voluntariè, & absque ulla ratione limitat conclusionem universalem sancti Doctoris; quin apertè ipsi contrariatur, ut ex dictis est manifestum. Præterea omnes Antiqui explicant Divum Thomam pro nostra opinione; ergo hæc est ejus opinio; quia per Adversarios potius est sequenda opinio Antiquorum, quam Modernorum. Certè ille textus, quo Divus Thomas ait, sufficere in Confessione, ut cognoscamus quantitatem peccati, *quæ ex specie consurgit*, non verò, quæ ex circumstantiis provenit, est adeo clarus, ut Thomistæ Moderni, qui severi videri volunt, nequeunt illum obscurare.

26. Nec argumentum, quo idem Doctor limitat conclusionem Divi Thomæ, est firmum. Argumentum est, nam Divus Thomas negat circumstantias esse constitendas, *quia venialia non sunt de necessitate Confessionis*, sed tan-

tum mortalia, quæ infinitam quantitatem habent. Porro circumstantiæ notabiliter aggravantes, etiam per Adversarios, ait Gonettus, habent virtutem augendi in infinitum malitiam intra proprium genus; idest *talis sunt natura, ut de se sufficerent ad constituendum actum in specie malitiæ mortalis*. Ergo juxta doctrinam Divi Thomæ illæ circumstantiæ non sunt confitendæ, quæ æquivalent venialibus; sunt verò confitendæ, quæ infinitam quantitatem addunt.

27. Sed, contra, quia, ut dicebam, ex Divo Thomæ accipere multum non est peccatum, nisi ex *suppositione primi*, idest, ratione illius, quod constituit speciem, & hæc ratio est *Alienitas*. Dicat Gonettus furtum mille aureorum quot rationes importat? utique solum duas, nempe quod sint *aliena*, & quod sint *mille aurea*. Dicimus ergo, quod in sententia Divi Thomæ esse *Alienum* est ratio specifica furti; quod verò sint *mille aurea* est circumstantia. Subdimus, quod si mille aurea fumantur in ratione præcisa circumstantiæ, scilicet ut præcisingunt à ratione specifica, tunc non augent in infinitum quantitatem peccati per Divum Thomam, ut ex dictis patet; si verò mille aurea fumantur enim ratione specifica tunc augent in infinitum quantitatem peccati, sed ex *suppositione primi*, idest ratione illius, quod constituit speciem, & hæc ratio est *Alienitas*. Præterea, ut retuli num. 5 juxta Divum Thomam quaestiu. 1. alata ad 1. expresse dicit, *non oportere, quod peccatum addatur peccato ad hoc, quod fiat magis peccatum, quia in illis, in quibus est augmentum per intensiorem, non oportet fieri additionem similis in specie; sicut non oportet, quod albedo albedini addatur, ad hoc ut fiat magis album*. Ergo, evidenter patet, quod ut furtum in ratione malitiæ intensivè crescat, non est necesse, quod illa circumstantia sit peccatum.

28. Pro dilucidatione hujus doctrinæ audiamus Richardum, qui fuit valde versatus, & maxime promovit doctrinam Divi Thomæ. Ita scribit loco al-

lato: Circumstantiæ mutant aliquando speciem, & tunc sunt confitendæ; aliquando ita aggravant in eadem specie, quod actum reddunt mortalem, qui sine illis mortalis non esset; idem enim actus illicitus potest fieri ex tanta intentione, & deliberatione, quod est peccatum mortale, qui tamen ex surreptione factus mortale non esset, & talis circumstantia confitenda est. Aliquando etiam non aggravant criminaliter, sed venialiter, quia sine illis illa deordinatio mortale peccatum esset, nec per eas fieret peccatum mortale, si aliàs non esset. Nunc addo; si furtum non esset mille aureorum, adhuc esset peccatum mortale illa deordinatio. Circumstantia mille aureorum si reperitur in actione, quæ aliàs non sit peccatum mortale, non constituit peccatum; hinc si accipio mille aurea mea à Petro, hæc acceptio per hanc circumstantiam non est peccatum mortale. Ergo circumstantia mille aureorum in furto juxta discipulum Antiquum Divi Thomæ non augeat criminaliter, sed venialiter; & sic non est de necessitate confitenda. Vide Divum Antoninum part. 3. tit. 14. c. 19. §. 7.

29. Nunc expendamus alios textus. Divi Thomæ, quos habet pro hac materia. Igitur 1. 2. quaest. 18. art. 10. dicit, quod tollere alienum habet speciem ex ratione alieni, ex hoc enim constituitur in ratione furti; & si consideretur super hoc ratio loci, & temporis, sic habebit in ratione circumstantiæ. Quæ circumstantia si dicat specialem ordinem ad rationem, tunc non consideratur ut circumstantia, sed ut principalis conditio objecti repugnans rationi, v. g. tollere alienum de loco sacro. Articulo 11. scribit: tollere aliquid in magna quantitate, vel parva non respicit ordinem rationis in bono, vel in malo, nisi præsupposita alia conditio, per quam actus habeat malitiam, vel bonitatem, puta hoc, quod est esse alienum, quod repugnat rationi; unde tollere alienum in magna, vel parva quantitate non diversificat speciem actus, tamen

tamen potest aggravare, vel minuire peccatum. Ex hoc textu evidenter patet contra Gonetum, quod circumstantia notabiliter aggravans intra idem genus, v.g. *furari multum*, ex se non sufficeret ad constituendum actum in specie malitiae mortalis, quia hæc circumstantia ex se non respicit ordinem rationis in bono, vel in malo, sed solum præsupposita alia conditione, quæ alia conditio est esse alienum.

30. Eandem doctrinam habet Angelicus quæst. 73. art. 7. his verbis: *Tertio modo circumstantia aggravat peccatum ex eo, quod auget deformitatem proveniente ex alia circumstantia, sicut accipere alienum constituit peccatum furti; si autem addatur hæc circumstantia, ut multum accipiat de alieno, erit peccatum gravius, quamvis accipere multum, vel parum de se non dirat rationem boni, vel mali.* Hic textus est adeo clarus, ut Gonetus nequeat illum effugere.

31. In quæst. 88. artic. 3. ad 1. dicit, iram non esse peccatum mortale, quia protelatur, sed quia consentit in malum grave, v.g. homicidium, in furtum &c. talis ira ex subito motu sensualitatis est etiam peccatum veniale ex imperfectione actus: *Si ira sit diuturna, redit ad naturam sui generis per consensum rationis.* Ecce, quod Divus Thomas metitur peccatum mortale iræ ex præcisa ratione consensûs in malum grave, non verò, quod ira multum duret; ergo si quis habeat unicum actum iræ durantem sine interruptione per diem, per Divum Thomam non est necesse dicere in confessione; quia hæc ratio non constituit peccatum mortale.

32. In 2. 2. quæst. 110. art. 4. ad 3. scribit: quidam dicunt, quod perfectis viris omne mendacium est peccatum mortale. Sed hoc irrationabiliter dicitur; *Nulla enim circumstantia aggravat in infinitum, nisi, quæ transfert in aliam speciem;* Circumstantia autem personæ non transfert in aliam speciem, nisi fortè ratione alicujus adjuncti, puta, si sit contra votum ipsius, quod non potest dici de mendacio jocosum, vel of-

ficiosum; & ideo mendacium officiosum, vel jocosum non est peccatum mortale in viris perfectis, nisi fortè per accidens ratione scandali. Hucusque Divus Thomas.

33. Petrus de Bergamo in Concordantiâ dictorum Divi Thomæ num. 993. (ut etiam notatur in margine allati textus) sic scribit: *Quod circumstantiæ non possunt aggravare in infinitum 2. 2. quæst. 110. art. 4. ad 3. & in 3. distinct. 7. art. 2. Oppositum videtur dicere 4. dist. 16. quæst. 3. art. 2. quæstion. 4. ad 3. & de malo quæst. 2. art. 8. opu. c. 12. art. 6. Respondeo dicendum, quod, ut habetur 1. 2. quæst. 18. art. 10. & quæst. 88. artic. 5. eadem conditio actus respectu unius speciei est circumstantia, & respectu alterius speciei est de substantia actus, & differentia constitutiva; & sic potest aggravare in infinitum, non autem ut circumstantia est.* Vides clarè, quod circumstantia remanens circumstantia non aggravat in infinitum. Cum ergo *Multum* in furto remaneat in ratione circumstantiæ, non aggravabit in infinitum. Igitur hæc maxima in doctrina Divi Thomæ est vera: *sola circumstantia mutans speciem aggravat in infinitum*, & sic sola est de necessitate constitutenda.

34. In quæst. 2. de malo art. 7. dicit: quod circumstantia aliquando aggravat peccatum, non tamen constituit speciem peccati, *sicut cum aliquis furetur multum.* Aliquando verò nec aggravat, nec constituit speciem, v.g. percutere hominem indutum veste alba; aliquando verò constituit speciem peccati, sive actus sit indifferens, vel bonus, vel malus ex genere suo, v.g. levare festucam in contemptum alterius, dare elemosynam ob laudem humanam, furari rem sacram. Si circumstantia indifferenter se habeat ad rationem, tunc illa nec auget peccatum, nec dat speciem peccato; si differentiam habeat in ordine ad rationem, tunc dat speciem peccato, v.g. accipere alienum. Si autem primò, & per se non importat aliquid repugnans rationi, sed per com-

parationem ad id, quod primò, & per se rationi repugnat, aliquam repugnantiam habet ad rationem; sicut accipere aliquid in magna quantitate nihil repugnans rationi potest dici: sed accipere alienum in magna quantitate dicit majorem repugnantiam ad rationem; unde ista circumstantia aggravat peccatum, inquantum est determinativa illius circumstantiæ, quæ dabat speciem peccati. .... *Circumstantia, quæ aggravat, & non dat speciem peccato, non continet ex se aliquam malitiam, sed est determinativa alterius circumstantiæ malitiam continentis.* Ita Angelicus Præceptor. Ego subsumo, sed furari multum ex Divo Thoma aggravat, & non dat speciem peccati; ergo furari multum per Divum Thomam *ex se non continet aliquam malitiam*; ergo multò minùs habet ex se malitiam infinitam. Ergo confitens se furatum fuisse fatetur totam malitiam, quæ est in furto mille aureorum. Similia habet Doctor Angelicus in art. seq.

35. Denique in Opusc. 12. art. 6. scribit: sic igitur hujusmodi circumstantias aggravantes, quæ non trahunt in aliud genus peccati, non credo, quòd aliquis teneatur confiteri. .... Quòd autem dixi, circumstantias aggravantes, quæ non trahunt in aliud genus peccati, non esse de necessitate confitendas, non est referendum ad numerum, quem aliquis confiteri tenetur, si potest; quia jam non est unum peccatum, sed multa. Sic Divus Thomas. Certè illa verba: *Circumstantias aggravantes, quæ non trahunt in aliud genus peccati, non esse de necessitate Confessionis*, potiùs possunt denotare, quòd circumstantiæ notabiliter aggravantes in eodem genere non sint confitendæ, quàm significare, quòd numerus peccatorum non sit confitendus; tamen quia aliquialiter hunc sensum preferre poterant; ideo Doctor Angelicus voluit, se explicare, quòd illa verba non haberent hunc sensum; multò magis ergo se explicasset, si non intellexisset dicere, circumstantias aggravantes notabiliter non esse de necessitate Confessionis.

36. Ex his patet clarè, mentem Divi Thomæ fuisse pro benigna opinione, ut pro eadem intellexerunt ipsi Thomistæ, & Doctores Antiqui; unde mirum est, quomodo aliqui Moderni Thomistæ nitantur illum trahere in rigidam opinionem, maxime cum modernis temporibus non habeatur aliquod novum argumentum, quod habitum, & solum non fuerit ab Antiquis. De novo hoc tempore habetur, quòd Tridentinum approbavit illam maximam, quòd confessio sit facienda taliter, ut Confessor valeat rectè judicare, & convenientes satisfactiones imponere. Hæc approbatio Tridentini non ampliat regulam, quam certam habebant Antiqui, sed confirmat solum. Hinc cum Antiqui, & ipsæ etiam Divus Thomas, intelligant illam maximam, ex dictis, de Confessione circumstantiarum mutantium speciem, ita etiam debemus illam intelligere, postquam confirmata fuit à Tridentino.

37. Præcipuè verò Thomistæ, qui ex Familia Divi Dominici sunt, & sunt in Christo Fratres cum Divo Thoma, debent explicare Doctorem Angelicum pro opinione benigna ex duplici capite. Primò, quia ipse Divus Thomas curavit, quantum potuit esse benignus in opinionibus; unde in hoc superavit Scholasticos antecessores. Secundò, quia Joannes Nider Dominicanus in consol. timor. conscient. part. 3. c. 11. vers. *tertio patet. refert*, quòd Humbertus Generalis Ordinis exponendo constitutiones Patrum Prædicatorum constituit: *Quia fructus animarum impediri solet per nimiam austeritatem in consiliis, & opinionibus; terrentur enim ex hoc homines intantum, ut salutem negligant; Idcirco relaxanda est, quantum fieri potest, austeritas, & agendum est benigne cum hominibus, quia sic melius trahuntur ad salutem, cum sententia mitiores tenentur*

Ego subsumo, sed potest sustineri antiqua opinio Thomistarum, quòd Divus Thomas alseruerit, circumstantias notabiliter aggravantes non esse de necessitate

tate confessionis; ergo Thomistæ Dominicanæ juxta interpretationem antiquissimi Humberti debent sustinere hanc benignam opinionem.

## CAPUT XVI.

*Opiniones benignæ Doctoris Subtilis, Divi Antonini, & Divi Raymundi de Peñasfort.*

**I**N rei veritate Subtilium Princeps, Joannes Duns, Scotus universaliter appellatus, non scripsit multa de casibus conscientie, sed plurimus fuit in speculationibus; & in iis, quæ de morali scripsit, potius fuit rigidus; adhuc tamen habuit suas opiniones benignas, quarum aliquas hic referre placet. Hæ autem sunt solum in linea Probabilitatis, nec ad certitudinem pertingunt, cum Doctores gravissimi, & rationes validæ militent ad oppositum, & rationes Scoti non sint evidentes, & claræ.

2. Prima opinio benigna, eaque solum probabilis, quæque est radix universalissima multarum opinionum benignarum, sit illa, quam habet in 2. distinct. 41. vers. secundo modo. Ibi scribit: *Ideo probabile videtur tales actus indifferentes ponere. & vers. sequ. sunt ergo multi actus indifferentes, non tantum secundum esse, quod habent in specie naturæ, sed etiam secundum esse, quod habent in esse morali. .... multi etiam singulares actus elicti sunt indifferentes, qui nec sunt tales, nec tales, & non solum actus non humani. .... sed etiam de actibus liberis.* Nota quæstio illa pulcherrima verba, *Ideo probabile videtur*; & sic patebit, Scotum hanc suam doctrinam credere solum probabilem. Quod verò sit benigna, est evidens; quod sit radix multarum opinionum benignarum, est etiam clarum, quia est principium universalissimum actuum humanorum, & transcendit per plurimas materias.

3. Probabilistæ in laudem Probabilitatis solent dicere, quod tollat scrupulos, & Animas per viam suavem ducat in cælum secundum illud Matth. 11. 30. *Jugum meum suavis est, & onus meum leve.* Mirum est, quantum è contra Probabilioristæ hanc doctrinam execerentur. Fagnanus in c. *ne iniuriar.* de constitut. num. 401. ait, *mirandum esse, quod viri docti, & pii ore, scriptoque talia effusant paradoxa.* Deinde assertit Divum Thomam in 3. distinct. 40. art. 4. quæstiun. 3. explicantem illum textum, quod nempè *jugum Christi secundum se sit laboriosum, & asperum*, esse tamen leve, quia inducit ad observantiam Legis per amorem, qui omnia facit esse levia. Allegat etiam Divum Augustinum exponentem illud Joann. 1. Epist. c. 5. *Mandata ejus gravia non sunt*, quod non sint gravia amanti, sint gravia non amanti. Fogarinus disput. 3. par. 4. sect. 7. num. 79. assertit plures sanctos Patres, & Doctores eandem expositionem amplectentes.

4. Scotus in 4. dist. 3. quæst. 4. litt. A. scribit: quod Sacramentum principale novæ legis, scilicet Baptismus, debuit etiam esse facile, quia *jugum Christi suavis est, & onus ejus leve.* Matth. 11. Nunc relinquo Adversariis, ut considerent, an, si *jugum Christi esset laboriosum, & asperum secundum se*, rectè Scotus deducere possit, quod Sacramentum principale legis Christianæ deberet esse facile. Et Scotus accipit *ly facile*, ut significet facile, & suave secundum se; quia in rei veritate Baptismus est Sacramentum facile secundum se, & longè facilius, quam circumcisio, in ordine ad quam implicite Scotus dicit, hoc Sacramentum esse facile.

In 3. distinct. 39. litt. H. scribit: Si autem fiat perjurium indeliberatè, *quantumcunque frequenter fiat*, cum actus meritorius requirat, quod sit plene humanus, & hoc est esse ex plena deliberatione, & actus demeritorius non minus requirat illud; *non est enim Deus promior ad condemnandum, quam ad parcendum*, potest dici, quod illud per

rium indeliberatum, etiam quotiescunque iteratum, non est peccatum mortale. Hæc doctrina est certò benigna, sed videtur posse probabiliter oppositum defendi, scilicet, quod frequens iteratio perjurandi inadvertenter sit peccatum mortale, & ita videtur tenere Cardenas in Proposit. damn. ab Innocentio Undecimo disert. 37. c. 2. num. 12. ubi scribit: quòd attinet ad consuetudinem jurandi, dupliciter potest se habere. Primo, ita ut cogat, seu inclinet ad juramenta falsa frequentanda sine advertentia falsitatis eorum; & licet juramenta ipsa non sint nova peccata in se, sed in causa previsa, scilicet in ipsa consuetudine; tamen consuetudo ipsa, quatenus inducit periculum incidendi in ea juramenta falsa, est novum peccatum; & ideo necessario confitendum. Et quamvis ipsa juramenta non sint nova peccata, ut dictum est, quia tamen retinent deformitatem objectivam afferendi nomen Dei ad confirmandam falsitatem, quamvis inadvertenter, tenetur homo ad compescendam causam, sive occasione profrendi illa; idest juramenta falsa inadvertenter prolata. Si non erro, Cardenas probabiliter sequitur oppositum opinioni Scotisæ, & patet, hoc oppositum esse rigidius. Nota obiter illa verba, non est enim Deus promisor, ad condemnandum, quam ad parcendum.

5. In distinct. 40 facit quæstionem, an Lex nova sit gravior veteri, & concludit quoad cærimonialia veterem fuisse multo graviores, & quantum ad multitudinem, & quantum ad difficultatem observandi. Quoad moralia dubium est, inquit Scotus, utrum fuerit æqualitas. Subdit postea, quòd si in Legge nova esset aliqua major difficultas, levitas in cærimonialibus longe preponderat illi gravitati. In fine quæstionis dicit, quòd Lex nova est faciliior, quia inducit ad observantiam præceptorum ex amore; amor autem facit omnia opera levia, ut verum sit, quod dixit Salvator Matth. 23. Venite ad me, & ego enim meum suave est, & onus

meum leve. Ecce, quòd etiam hic Scòtus fatetur, Legem Christi in præceptis cærimonialibus esse longè leviorē (lege veteri; ergo debemus curare, ut saltem sequamur benignitatem in interpretatione harum legum, ne, si rigiditatem amplectamur, reddamus jugum Christi grave in illis actionibus, in quibus juxta Scotum est leve, & valdè levius iugo Legis Mosaicæ.

6. Ex hoc forsitan principio Doctor Subtilis postea tractans de Sacramento Pœnitentiæ sequutus est opinionem valdè benignam, quæque juxta Gabriel in 4. distinct. 14. quæst. 2. litt. D princ. est contra communem opinionem Antiquorum. Igitur Scotus in 4. distinct. 14. quæst. 4. art. 3. tenet sufficere ad Sacramentum Pœnitentiæ Attritionem, quæ non habet rationem meriti ad remissionem peccati; & subdit, hanc opinionem esse majoris misericordiæ, ut peccator possit duplici via se justificare. Opposita opinio rigidior, communis juxta Gabriel, volebat, requiri contritionem sufficientem ex se ad delendum peccatum. Sed Scoto placuit Probabilitas benigna, & benignitas probabilis. Et in rei veritate in materia Sacramentorum debemus esse benigni. Si Deus benignus est, ut quid Sacerdos ejus austerus vult apparere? 26 quæst. 7. c. alligant. Scotum graviter impugnant præcipuè Oham in 4. quæst. 8. & 9. litt. Q & Gabrielubi supra.

7. In 4. distinct. 3. quæst. 4. tenet, Legem Christi de Baptismo non obligasse ante solemnem ejus promulgationem in die Pentecostes. Divus Thomas 1. 2. quæst. 103. art. 3. ad 2. & part. 3. quæst. 66. art. 2. rigide tenet obligasse post passionem, & resurrectionem.

8. Distin. 4. quæst. 9. litt. A. concedit, Principes posse licite tollere infantes Hebræorum, & Infidelium, & illos facere baptizari: è contra Divus Thomas, & alii plurimi dicunt probabiliter esse peccatum mortale. Ibidem etiam Scotus concedit, Principes licite cogere infideles minis, & terroribus ad baptismum. Oppositum strictius probabiliter

sustineri potest.

9. Distinct. 3. quæst. 2. art. 1. litt. B. tenet benignè contra rigidam opinionem ibi relata, licere recipere in casu necessitatis baptismum à ministro præciso; & ne quis crederet, quòd obligaret ad talem receptionem, subdit Doctor Subtilis benignè pariter: potest etiam forte non recipere, quia baptismus fluminis sibi sufficeret, si propter reverentiam Ecclesiæ talem; penitatis tamen omnibus melius videtur, quòd à tali recipiat, quàm quòd de vita hac sine baptismo decedat. Illa particula, *forte*, evidenter probat, Scotum hanc suam doctrinam judicare solum esse probabilem. Igitur juxta Scotum potest dici; *probabiliter licet in casu non recipere baptismum, sed melius est, illum recipere*. Expendat Lector, an Scotus crediderit, probabilius esse, non licere recipere baptismum in casu. Si Scotus hoc credidit, sequitur, nos posse sequi opinionem minus probabilem, & minus tutam. In fine illius quæstionis, tenet, posse aliquem emere *actum baptismationis*, non inquantum est actus Sacramentalis, sed quatenus est laboriosus. Doctrina benigna, sed solum probabilis.

10. Distinct. 6. quæst. 8. tenet, Decretum Gratiani non habere vim legis canonice; & ex hoc principio infert benignè, ignorantem probabiliter ignorantia facti, si bis baptizatur, non fieri irregularem, quamvis in *c. qui bis*, distinct. 4. de consecr. expressè dicatur, ignoranter bis baptizatum non posse ordinari. Scimus communiter Canonistas, & plures Theologos oppositum strictius sustinere. Subdit Scotus: *Universaliter pœna canonica non incurritur, nisi à latore canonis inferatur; ubi ego non invenitur ex vi verborum inflicta, tunc simpliciter est dicendum, quòd nulla est; non enim verba constitutionum pœnalia sunt amplianda, sed restringenda juxta illam maximam juris, ubi restringi &c*. Sic Doctor Subtilis. Ex hoc infero, legem pœnalem canonicam non incurri, nisi hoc certò constet; illa enim verba, *ubi ergo non invenitur ex*

vi verborum *inflicta*, planè certitudinem continent. Sic etiam negat Decretum Gratiani habere vim legis, quia *non est manifestum confirmari à Papa*, nec etiam eodem modo, *quo est manifestum* de omnibus capitulis positis in decretalibus. Ecce evidenter, quòd Scotus exigit, ut Decretum Gratiani obliget, quòd sit manifestum esse confirmatum à Papa, & esse manifestum eo modo, quo Decretalia *manifeste* approbantur ab eodem, & relet verba Pontificum, quibus ex vi verborum præcipitur, ut illa recipiantur.

11. Ex his infero ulterius, quia Lex Ecclesiastica est necum pœnalis, sed etiam aliquando est merè constitutiva, infero, inquam, ad legem canonicam juxta Scotum requiri, quòd manifestè à Papa confirmetur. Subinfero, ergo juxta Scotum, licet quis teneat, probabilius esse, aliquam legem esse latam à Pontifice, non per hoc hic tenebitur observare hanc legem, consequentia probatur, quia *Probabilitatis opinionis non importat, rem esse manifestam*, nec illam opinionem haberi *ex vi verborum*; Probabilitas enim, quantacunque sit, ut alibi dixi, potest aliter se habere, nec est certa; unde Divus Thomas in 4. distinct. 33. quæst. 3. art. 2. ut retuli cap. 13. num. 34. sustinet unam opinionem, & tamen fatetur rationes hujus opinionis posse faciliè solvi ab opposita. Subinfero pariter, cum leges de Excommunicatione, Suspensione, Interdicto, Irregularitate, Depositione, & Degradatione sint pœnales, istæ pœnæ *nullæ erunt, ubi non invenitur, ex vi verborum esse inflicta*. Subsumo, sed per æqualem, vel per majorem probabilitatem non invenitur, ex vi verborum esse inflicta hujusmodi pœnas; ergo juxta Scotum in *aquali, vel majori Probabilitate hujusmodi pœna nulla erunt*.

12. Distinct. 7. quæst. 3. refert, Canonistas tenere bis confirmatum fieri irregularem; ipse verò sic scribit: *Universaliter nulla pœna canonica, quæ non est inflicta à Papa condente ejus, non incurritur ipso jure*. Nec propter argu-

menta exponentium canones sive à simili, sive à contrario sensu est aliquis tali poena astrictus, quia possunt exponere ius conditum, non autem condere novum per suas expositiones. .... cum ergo non invenitur in iure canonico expressè poenà irregularitatis infligita pro iteratione confessionis, sequitur, quod non incurrat. Sic Scotus. Possuntne Probabilioristæ per suas expositiones probabiliores facere, ut Irregularitas probabilioriter opinata possit dici, in hoc casu Irregularitas est expressè posita in iure?

13. Distinct. 8. quæst. 3. vers. ad propositum dico. tenet, per potum non solvi jejunium Ecclesiæ, saltem si sumatur post prandium. Antiquitus aderat opinio opposita strictior. Vers. alio modo potest sustinet, Sacerdotem sumpto corpore, & cognoscentem consecrasse aquam, non vinum, posse supplere huius defectum per consecrationem solius sanguinis. Divus Thomas, & alii volunt esse sub præcepto consecrandum iterum utramque materiam. Dist. 13. quæst. 2. litt. K. videtur tenere, cingulum, quo præcingitur Sacerdos in Missa, non esse de præcepto benedicendum. Oppositum omnino probabiliter, & strictè defenditur. In vers. de peccatore autem. & vers. respondeo in nullo. confirmat, irregularitatem non incurri, nisi exprimitur in iure; & primo loco notat, quod licet prohibeatur, ne audiamus Missam Sacerdotis certò fornicarii; tamen ex hoc non inferri, quod ipse Sacerdos fornicarius prohibeatur; quia poenæ non sunt ampliandæ. Sic etiam vers. sed utrumque capitulum. explicat quædam capitula, in quibus secundum unam opinionem Sacerdos incurrebat irregularitatem; unde tenet non incurri in illo casu irregularitatem. Hinc in sententia Scoti poenæ canonice, præcipue Irregularitas, non incurritur, nisi expressè in iure dicatur. Et sic iuxta Scotum nemo se tenere debet irregularem, excommunicatum &c. nisi sit certus, se deliquisse in legem certò imponentem irregularitatem, excommuni-

cationem &c.

14. Distinct. 14. quæst. 2. § de secundo. videtur tenere, ut advertit Mastrius in 4. disput. 5. num. 92. contritionem, ut est actus virtutis penitentiae, quæ continetur sub genere iustitiæ, & sic quatenus non est actus charitatis, nec elicitus ex motivo charitatis, sed elicitus ex motivo iustitiæ, contritionem, inquam, huiusmodi esse ultimam dispositionem ad justificationem. Non dubito, Probabilioristas nostros iudicatuos, esse hanc opinionem nimis benignam, & laxam; sed eorum iudicium non est attendendum, quin omnes venerari debent opinionem tanquam traditam ab Antiquo, & Subtilium Principe Scoto, quam Scotistæ passim sequuntur, ut refert Mastrius. Hic Doctor ibidem plures refert opiniones benignas Scoti circa ipsam contritionem, ait enim iuxta Scotum ad contritionem non requiri intensionem, & certam durationem temporis, nec semper requiri formale propositum de non peccando in posterum, vel in posterum consistendi.

15. Distinct. 15. quæst. 1. art. 5. de secundo principali vers. quia ergo ipse. scribit: Divus, qui lapsus est ad peccatum carnis, si est adeo delicatus, quod non velit jejunare, nec aliam macerationem notabilem subire; vel praesumitur, quod si sibi imponeretur, cito abiceret; & sic peccaret novo peccato, inducens est ad orationem &c. & illud sibi imponendum, quod libentius recipit, & quod creditur perseverantius adimplere. Credo, quod nostri Probabilioristæ horrescent hanc benignitatem cum divite delicato legentes: sed velint, nolint, hæc scripsit antiquissimus Scotus. Subdit: Vel si omnino nullam penitentiam vellet recipere à Sacerdote impositam, dicit tamen, se habere displicentiam de peccato commissio, & firmum propositum non recidendi, absolvendus est, & non est respiciendus, ne cadat in desperationem. Hanc omnino benignam doctrinam postea probat Ila. 42. & Matth. 12.

16. Communiter Doctores, etiam Scotistæ, tribuunt Scoto, quod tenuerit:



rit, pœnitentem simpliciter, & absolute polse respicere pœnitentiam vindicativam, ut videri potest apud Mastrius in 4. disput. 5. num. 596. ipse tamen Mastrius num. 595. nititur probare, Scotum solum esse intelligendum in casu particulari; v. g. inquit num. 602. in scrupulosis, & melancholicis, qui in omnibus se peccare putant, & nunquam rectè pœnitentiam peragere rectè, *quamvis levem*.

17. In tribus locis tradit hanc doctrinam Doctor Subtilis, loco allato, distinct. 17. quæst. 1. art. 2. vers. *intelligo non quod*. & distinct. 19. art. 5. §. *ad questionem motam*. vers. *sed nunquid pœnitentiam*. In primo loco loquitur de divite delicato, qui vel nolit notabilem macerationem subire, vel nullam, & dicit esse absolvendum, ne cadat in desperationem. In secundo loco loquitur de pœnitente quidem in generali, sed se remittit ad primum locum. In tertio loco loquitur de pœnitente in generali, qui vult quidem se subdere manui Dei vel hic, vel in Purgatorio, & ait, hunc potius esse absolvendum, aliter *nunc recederet desperatus*. Similiter loquuntur Antonius Andreas in 4. dist. 15. q. 1. vers. *accipiendo*. Orbel. dist. 15. q. 1. §. 2. Biel dist. 16. quæst. 2. dub. 1. Bartholomæus de Chanmis in suo Confessionali part. 4. de Confess. post Canones pœnit. §. *quamquam hos Canonis*. & alii Antiqui, quos brevitatis gratia omitto. Ego puto pro certo, Scotum non esse intelligendum absolute, & universaliter, quia sic benignitatis iuxta terminos præterisset; non possum tamen credere, quòd loquatur in casu de scrupuloso, & melancholico; est quidem verum, quòd scrupulosus, & melancholicus angitur magnis agitationibus, an rectè orationem fecerit, quamvis brevem; at nunquam angeretur, si ipsi imponeretur, quòd semel, vel bis genuflecteret. Sic etiam nec credo casum Roselli. V. Confessio. 2. §. 9. dicentis, Scotum loqui de eo, qui ex fervore charitatis magis intendit puniri in Purgatorio, ubi intensius punietur, *quam hic*. Nam Scotus aper-

tè loquitur de divite ateo delicato, qui non velit notabilem macerationem subire. Tum quia charitas omnia suffert ex Divo Paulo; quomodo ergo, si hic Dives habet fervorem charitatis, non poterit fuisse vel parvam macerationem in hoc Mundo? Concludo, quomocunque Scotus intelligatur, est temper valdè benignum, & solum probabile, quòd dives delicatus possit absolvi abique aliqua satisfactione exercenda in hoc mundo, cum proposito tamen satisfaciendi in Purgatorio.

18. In eadem quæst. art. 5. vers. *de quarto dicitur*. litt. H. & distinct. 17. art. 2. lin. tenet, satisfactionem impositam à Confessario polse licitè expleri in peccato mortali, nec illam teneri reiterare; unde, si confiteatur postea novum peccatum, debet quidem facere pœnitentiam pro peccato novo, non verò pro illo peccato antiquo, pro quo satisfactionem implevit in mortali. Et nota, quòd vocat opinionem oppositam *nimis duram contra peccatores*. Licet sit nimis dura, tamen traditur ab Ales. Divo Thoma, Divo Bonaventura, Richard. & pluribus aliis, inquit Biel, ubi suprà dub. 2. de qua etiam dixi suprà cum retuli opinionem benignam Divi Thomæ. Si ergo traditur à tot Theologiæ Proceribus, nequit negari esse probabilem. Sed adhuc hæc opinio probabilis non placet Scoto, quia *nimis dura contra peccatores*. Sic etiam in quæst. 2. art. 2. vers. *quando autem* ejusdem distinct. ne incidat in opinionem *duram*, *sustinet ut satis probabile*, quòd homines in contractibus sibi mutuò aliqui donent, dum non servant *justitiam indivisibilem*. Paulo post vers. *tertia conditio* sustinet, esse licitum mutuare cum spe lucri, ita ut quis non mutuaret, nisi haberet hanc spem, dummodo nec verbis, nec signis manifestetur hæc spes. Multi Antiqui, & eodum probabiliter, strictius autumant, solam spem lucri facere contractum usurarium juxta illud Lucæ 6. *Mutuum dare; nihil inde sperantes*. De hoc vide Ales. libr. 3. titul. 11. art. 5. In quæst. 4. ejusdem distinct. art. 1. dicit,

si quis aliis refert, se audivisse crimen de aliquo, hic non peccat mortaliter. Opinio valde benigna, & solum probabilis.

19. Distinct. 17. quæst. 1. art. 3. vers. dico igitur. asserit, præceptum Ecclesiasticum de Confessione non obligare ad fatenda venialia in casu, quo non haberemus mortalia. Doctor Subtilis refert ibi opinionem oppositam rigidam Richardi ibidem art. 2. quæst. 4. ad 1. quam quoque sequuntur Divus Bonaventura distinct. 17. part. 3. art. 2. quæst. 1. Petrus de Tarant. distinct. 17. de confess. art. 4. quæst. 1. Rainerius. V. Confessio. cap. 10. & alii. In fine illius articuli refert duas opiniones, quarum prima dicebat, peccatorem statim commissio peccato teneri ad Confessionem, & præcipue antiquitus, antequam Ecclesia fecisset præceptum de semel confitendo in anno. Secunda benignior negabat talem obligationem. De hac secunda sic scribit Scotus: *Secundum videtur esse mitius*, quia præcepta pœnalia non sunt amplianda, sed restringenda, nec inveniuntur, quando præceptum istud affirmativum liget, vel obliget, nisi ad aliquando. Nota, quod præceptum Confessionis est pœnale, & credo, quod sit pœnale, quia ad aliquod laboriosum nos obligat, in quo sensu alia præcepta Ecclesiæ, & multa naturæ essent pœnalia; & sic essent juxta maximam Scoti restringenda, & quando in aliquo casu adessent duæ opiniones, *mitior esset sequenda*, ut facit Doctor Subtilis. In solut. argum. tenet, præceptum Confessionis non obligare, ut confiteamur per interpretem. Opinio benigna, sed solum probabilis.

20. Distinct. 19. in solut. argum. princ. dicit, *videtur probabilem* opinionem asserentem, quod absolutio aliis, & aliis vicibus iterata super eadem peccata remittat pœnam, quæ opinio est Divi Thomæ, ut vidimus. Tamen oppositam vocat *probabiliorem*. Ex hoc textu clarè colligitur, non bene arguere Adversarios, dum ex Probabilioritate opinionis inferunt falsitatem, & damnatio-

nem oppositæ. Nam Scotus cum Probabilioritate unius componit Probabilitatem oppositæ. Nunquid Scotus credebatur hanc opinionem probabilem esse falsam, vel condemnandam? ad quid asserere rationes pro ipsa? in fine illius distinct. iterum repetit suam benignam doctrinam, quod pœnitentes, *si non habuerint sufficientem attritionem per modum meriti ad justificationem*, & per consequens in peccato existentes, & tamen aliquantulum attriti continentur, *in ultimo instanti recipiunt gratiam virtute Sacramenti*: Nota illa verba, *Aliquantulum attriti continentur*, & lege Mastrium in 4. disp. 1. num. 156. & seqq.

21. Distinct. 21. quæst. 2. in solut. argum. tenet, Confessarium posse non intrare in sylvam, in quam erat intraturus; & hoc, quia scivit per confessionem Latronis, quod alii Latrones volunt ipsum Confessarium interficere; nec est necesse, quod Confessarius dicat coram aliis, se debere alibi proficisci; unde non posse ingredi amplius sylvam; sed absolutè potest non ingredi nullam assignando rationem, cur mutet voluntatem; quia, ut ait Scotus benignè admodum, & probabiliter, hoc factura non ingrediendi sylvam ex sua natura non est manifestativum peccati ab illo Latrone confessi, nec per consequens simpliciter illicitum Confessario. Ibidem etiam tenet, si Abbas scit ex confessione, Monachum extra Claustrum peccare, posse licitè illum Monachum revocare ad Claustrum; si tamen sit consuetudo, quod egressus è Monasterio fiat ex mera voluntate Superioris. In nostro casu supponitur, quod Abbas revocet Monachum ex vi Confessionis. Hæc doctrina est benigna & solum probabilis, & infra oppositum omnino sequar, & est in praxi sequendum omnino, vide ibi.

22. Unicam adhuc subdo benignitatem Scoti, alias omittendo brevitatis gratia, & habetur distinct. 29. fin. ubi dicit, quod Filius impubes promissus in matrimonium à Patre non tenetur illud implere, & referens contra se. Cap. 1. de

de despon. impub. in quo expressè dicitur, hunc Filium *debere omnino* tale matrimonium implere, explicat, hoc esse intelligendum de debito congruitatis, non præcepti. Ego non possem invenire verba, quæ tam clarè explicarent præceptum, quàm illa, *debet omnino hoc fieri*; & in rei veritate, ut advertunt Doctores, verbum, *Debet*, in proprietate sermonis significat præceptum. Hoc tamen non obstante Scoto tam placet benignitas, ut potius voluerit accipere verba in sensu improprio, quàm subdcepto illum Filium. Discant à Scoto Probabilioristæ benignitatem, & desiderant naturalem rigiditatem.

23. Benignus fuit Doctor Subtilis, non tamen adeo, ut fuit Doctor Angelicus, ut dicebam, qui procul dubio inter Scholasticos antiquos benignior est omnibus, quos potui legere. Sic etiam Antiqui Thomistæ sunt benigniores, quàm Antiqui Scotistæ, adherentes in hoc vestigiis suorum Magistrorum. Duas rigiditates habet Scotus, quas vellem, ut Schola ejus aliquantulum demulceret. Prima est in 4. distinct. 15. quæst. 3. art. 2. *verbi. de secundo quid.* ubi docet esse *sanctos* illos Confessarios, qui absolvent homicidas sine restitutione; unde dicit debere facere *restitutionem spirituales equivalentem vitæ*. Ego non nego probabilitatem huic opinioni; sed cum Scotus dixerit, esse *sanctos* sequentes oppositam, quæ est valde communis ex Mastro in moral. disput. 8. num. 40. videatur, quod judicet hanc opinionem esse falsam, nec probabilem; & in hoc judicio Scotum esse valde rigidum. Secundum docet distinct. 32. *verbi. secundus casus.* & ait, *non esse probabile* sit copula cum uxore menstruata sit minùs prohibita in lege Evangelica, quæ est lex castitatis, quàm in lege veteri; cum ergo in lege veteri certò talis copula fuerit prohibita; secundum ipsum Scotum est certò prohibita talis copula in lege Evangelica. Fateor omnino esse probabile, quòd copula hujusmodi, præcipuè ex parte petentis, sit peccatum mortale juxta magis probabilem opinio-

nem Antiquorum; quòd verò sit certò prohibita, mihi videtur valde rigida hæc opinio; hinc vellem edoceri à Scotistis modum mitigandi hanc duritiem.

24. Nunc brevissimè recensio paucas opiniones benignas Divi Antonini. Paucas, & breviter exponam, quia in decursu Operis plures, & diffusè referam. Universaliter autem loquendo, excepto Rodonensi, non inveni Summam Casuum Conscientiæ antiquam adeo benignam, ut est Summa Beati Antonini; unde si Adversarii optant, ut Moderni sequantur doctrinam Antiquorum, credentes illos redigendos ad rigiditatem, Moderni possunt morem gerere huic desiderio, & sequi Divum Antoninum, qui certè talem rigiditatem tradit, ut omnino sit judicanda benigna; hinc part. 1. tit. 3. cap. 10. §. 10. regul. 7. doctrin. 2. dicebat, in lege nova esse illud judicandum impossibile, & sic non obnoxium legi, *quod habet nimiam difficultatem; alias quomodo salvaretur illud Matth. 11. onus meum leve?*

25. Part. 2. tit. 2. c. 4. princ. dicit, in debitis incertis non esse necesse fieri restitutionem per Diocesanum, ut volebat opinio rigida, & tunc satis probabilis, sed posse fieri per ipsum debitorem: hinc confessor non tenetur remittere hunc debitorem ad Episcopum. In c. 5. §. 2. tenet, si quis auferat à furem furatam, & illi restituat, non obligari iterum ad restitutionem domino illarum rerum. In §. 3. asserit, quòd Beneficiati malè utendo, & dando fructus Ecclesiarum suarum, & locorum piorum ad mensam eorum, seu usum specialiter deputatos, malè faciunt, *non tamen tenentur ad restitutionem ipsi, nec illi, qui recipiunt ab eis*. In cap. 6. per extensum facit quæstionem, an usurario sufficiat pro sua conscientia, quòd illi, à quibus extorsit usuras, libere remittant restitutionem absque eo, quòd vel priùs actum restituat, vel saltem offerat restitutionem, aut habeat pecuniam paratam pro restitutione. Afferunt plures Doctores, & rationes pro illis opinionibus scrupulosas; sed ipse opinionem

benignam dicentem sufficere liberam remissionem amplectitur; quia vero Laudanus scripserat, ut tollatur omnis dubitatio, an sit libera conscientia usurarii, & de cetero a talibus abstineat, tantum est predicare, quod non sufficit remissio facta, quamvis se disponat ad satisfaciendum, & cautius oportet, quod pecunia sit restitutioni parata, & cautissime, quod offeratur pecunia, vel, quod plus est, quod ponatur in manu creditoris. Scripserat, inquam, hæc scrupulosa Laudanus, quæ mihi depingunt ad vivum sensa nostrorum Probabilioristarum, & Vendrochii. Quid, quæso, credimus, scripsisse Beatum Antoninum? audiamus. Quod autem dicit Laudanus, esse prædicandum, non sufficere remissionem, nisi fiant ea, quæ dicunt diversi, non videtur tutum, vel cautum; nam ex tali prædicatione potest sequi ita periculum animarum, sicut cautela; sicut enim prædicator debet sibi cavere à prædicando ea, quæ habent homines inducere ad malum, & alleviando mala; ita debet cavere à prædicando scrupulosa, & ardua, quando communis opinio est in contrarium; hoc enim esset injicere laqueum animabus, quod fieri non debet. 27. quæst. 1. c. rudius. . . . Non video etiam, quod cum bona conscientia absque sui magno peccato possit hoc dicere in prædicatione, si sentiat contrarium, quia hoc communiter tenent Doctores, sed & si teneret aliquam aliarum opinionum, cum illæ sint scrupulosæ, non debet velle omnes inducere ad scrupulos suos. Hætenus Antoninus. Legant hæc nostri rigidi Probabilioristæ, & fiant. Eandem doctrinam tradit in Summula dicta De'ecerunt, ut retuli cap. duodecimo num. 52.

26. In cap. 8. §. Quidam circums istam. refert, & amplectitur benignam doctrinam Scoti circa dilationem restitutionis, quam habet in 4. distinct. 15. qu. 2. art. 3. vers. de quinto ubi docet, quod injusti deentor rei non teneatur restituere statim, si ex restitutione maximum sibi incommodum proveniat, &

parvum domino rei; & post medium illius capituli ex doctrina P. Iudani, & Scoti scribit: Tales, qui habent restituere, & si retineant sibi quodammodo necessaria pro sustentatione sui, & familiaræ ad vitandum multa pericula animæ, & corporis, quæ verisimiliter sequi possent pro bonis suis cedendo, & omnibus se spoliando pro restitutione fienda, (quod fortè tutius esset, scilicet restituere, & in Deo confidere, etiam si oporteret mendicare secundum Raymundum,) ad hoc non videntur teneri de necessitate salutis. Tamen non debent tales ita lautè vivere, & pomposè vestire cum familiis suis, & filias suas cum magnis dotibus nuptui tradere, sicut si non essent obligati ad restitutionem, sed parè vivere, & parvas dotes dare. Sic Antonin. Nota, quæso, quod potius pater potest nuptui tradere filias, quàm restituere. Nota etiam, quod oppositum rigidius sequitur Divus Raymundus.

27. Sed videamus benignitates, quas docet de sancto usu matrimonii, in qua materia est omnino benignus, & meo iudicio quilibet Doctor talis debet esse, ne cogamur frigare illos, qui vivunt inter flammæ. Igitur part. 3. tit. 1. c. 20. tractat præsentem materiam, & §. 2. refert opiniones in illa quæstione, an liceat in loco sacro exercere matrimonium, & in fine refert opinionem negativam rigidam Divi Thomæ, & Paludani: tamen subdit, quod non dicunt, an sit sub obligatione mortali, vel veniali; unde implicitè dat licentiam tenendi opinionem benignam. In §. 3. concludit cum Alberto contra plures, & quidem celebres Doctores, variare situm in actu conjugii non esse peccatum mortale. Nequit negari, opinionem asserentem, quod habere rem modo brutali, vel quod sæmina incubat, esse valde probabilem, & fortan Adversarii condemnabunt opinionem Beati Antonini: Sed, inquit ipse, non possunt conjuges argui ex hoc de mortali, ex quo secundum Albertum de se illud mortale non est; Nam de intentione viri exigent-

*exigentis qualitercumque non habet ipsa judicare, ut per hoc possit ei debitum denegare, nec de facili est precipianda sententia de tali modo, quod sit mortale in se. Sequantur Adversarii suas rigidas opiniones, quantum volunt, & rigidiores, non verbis solum, sed factis prosequantur; at obediant magno Archiepiscopo Antonino, non precipient sententias aliorum benignas, quia ad ipsos non spectat iudicium ferre de rebus alienis, nec sunt Iudices, qui possunt cogere subditos ad obedientiam, sed sunt Doctores, quibus solum creditur tantum, quantum important rationes, prætereaque nihil.*

28. In §. 4. tenet, post partum, dum mulier est in puerperio, exigere, vel reddere debitum, neutri esse mortale; unde in tempore immundicie purificationis fœminæ est abstinendum saltem debito congruitatis; & sic benignè est interpretandum illud Gregorii in c. ad ejus. §. distinct. in quo dicitur absolute, quod purificationis tempore conjuges non debent admisceri. Benigna admodum, & probabilis interpretatio, & necessaria pro conjugibus juvenibus, quibus difficillimum omnino esset, multo tempore abstinere. In §. 5. tenet, petentem debitum tempore menstruatorum, quæ veniunt quolibet mense fœminis, non peccare mortaliter, ut volebat opinio trictior probabilis; reddentem verò nullo modo peccare. In hoc §. ait etiam, quod si menstrua sint naturalia, tunc secundum Richard. circa hoc sunt varie opiniones, & contrarie, propter quod dicit Guillelmus, quod Confessor in hujusmodi non debet precipitare sententiam, sed prohibere, quantum potest; nec propter hoc debet negare abolitionem nolenti abstinere.

29. In §. 6. asserit, non esse mortale prævenire delectationem carnalem se provocando tactibus, osculis &c. ad ipsam, non complere copulam inchoatam, ex communi tamen consensu, & sine alterutrius periculo pollutionis; quin in hoc secundo casu non videtur, quod peccet etiam venialiter, quia licet appetere

non plures habere filios, quam possit nutrire. Poterat benigniorem opinionem tueri? Ecce quantum licito Viro placeat illa maxima, quod variantibus Doctorum opinionibus non est precipianda sententia, sed unicuique est danda licentia sequendi, quod vult.

30. In §. 7. dicit, debitum esse reddendum etiam tempore solemnitatum, Quadragesimæ, & communionis; quod si videatur in sacris Canonibus hoc prohiberi, præcipue in cap. omnis bono. de consecr. distinct. 2. in quo dicitur, per tres, quatuor, & septem dies ante communionem sumendam debent conjuges abstinere; hæc omnia intelliguntur de consilio reverentiæ, & utroque consentiente, & non de necessitate obedientiæ; unde non servando exigens debitum non peccat mortaliter, sed veniale potest esse; sed reddens nullo modo peccat. In §. 8. tenet secundum quosdam, quod exigens debitum ante benedictionem nuptialem peccet mortaliter prima vice, sed aliis vicibus non peccabit ulterius.

31. In §. 9. refert opinionem dicentium, si unus conjugum manet in adulterio manifesto, tunc alius certò sciens non potest exigere, (quàm dura opinio!) Nec reddere debitum, dum est incorrigibilis. Subdit postea: Circa hæc materiam humanius loquitur Petrus de Palude in 4. sic dicens, quod sunt quinque casus, in quibus innocens non tenetur dimittere adulterantem conjugem, licet possit. Primò, quando est occultum. Secundò, quando est spes correctionis. Tertio, quando incorrigibilem animo potest cohibere, ne aliquis intret ad eam. Quarto, quando plus cohibetur, si retineatur, quàm si dimittatur. Quintò, quando timet sibi de incontinentia. Auctoritates igitur, quæ dicunt, quod non licet eam retinere, loquuntur, quando non potest sine scandalo, vel quando deterior efficitur, vel quando non propter sui periculum hoc facit. Ita verbatim sanctus Præful, qui certè in hac materia humanius loqui non poterat. Denique in §. 11. & 12. tenet, quod quis potest exigere

gere debitum ob fornicationem vitandam in se, duabus tamen positis conditionibus, una, quod non speretur proles; altera, quod *exerceat talem actum, non quia delectabilior*. Sed quia tunc non potest alio modo *melius* eam vitare, ita quod voluptas non movet eum, sed amor vitandæ fornicationis, quàm pro tunc non potest *melius* vitare; puta, quia habet loqui secretò alii mulieri, de qua expertus est se tentari, & huiusmodi.

32. Dicamus tandem paucas benignitates in materia Confessionis. Ergo in eadem part. 3. tit. 14. c. 19. agit de conditionibus requisitis ad Confessionem. In §. 3. tenet, peccatorem non obligari ad confitendum statim. In §. 4. casu secundo, & §. 19. alserit, secundum Confessarium posse mutare poenitentiam à primo impositam, *etiam sine audientia Confessionis peccatorum illorum, pro quibus erat imposita*. In §. 5. sustinet, dari Sacramentum Poenitentiae validum, & informe, v.g. est Sacramentum validum, si quis dolet dolore insufficienti, quod nec cum Sacramento actu suscepto sufficit ad contritionem, non confiteretur tamen hanc fictionem, quia credit esse sufficienter dispositus. Sic etiam est validum Sacramentum, quando fictio est positiva quantum ad hoc, quod non dolet, nec abstinere proponit; tunc ista fictio non occurrit sibi ut confitenda, nec actu cogitat, quod recitatur eam confiteri. Item cum confitens exprimit fictionem suam, puta dicens non proponere se abstinere in futurum. Sacerdos, quamvis nullo modo debet absolvere, aliàs peccat abutens clavi, nec valet illi tunc illa absolutio; tamen ex quo intendit absolvere, & Sacramentum verum conferre, quod conferat; & si tunc non habet effectum propter illius indispositionem, habebit postea, quando conteritur, vel ex pactione, vel ex dispositione ornatus manente. Hæc nunc Sanctus Doctor. Credo notissimos Probabilistas non loqui adeo benigne.

33. In §. 6. docet, Confessorem infe-

riorem auditis peccatis reservatis, & non reservatis debere poenitentem absolvere, à quibus potest, & à quibus non potest, remittere eum ad Superiorem, sicut Superior potest absolvere à reservatis, & pro non reservatis remittere ad inferiorem; sicut etiam in foro judiciali potest quis absolvi ab uno Iudice, & ab una sententia, & ab alio ab alia. In §. 7. ait dari quasdam circumstantias, quæ important disconvenientiam ex suppositione, *ut furari multum, & istas, quia peccatum aggravant, confiteri est perfectum; nisi, ut patet, propter sui periculum, vel Confessoris, vel tertii; sed quia non mutant speciem, nec aggravant in infinitum*; sed non est necessarium eas confiteri secundum Thomam. *Sed Paludan. dicit, quod quamvis ista sit communis opinio, tamen alia est tutior, scilicet quod confiteatur eas, cum notabiliter aggravant, puta, ut furari centum florenos multo gravius est, quam furari unum. Probabilioris Moderni ex Thomistis ex Textu adeo claro Divi Antonini relinquunt impossibile dicere, Divum Thomam non esse pro parte benigna in materia de circumstantiis aggravantibus non confitendis. Ad quid velle facere rigidum Doctorem Anglicum, cum Divinus Antoninus illum benignum crediderit?*

34. In §. 12. tenet cum Rodon., quod si quis recepit in Confessione deposita, vel credita, si per Episcopum fiat inquisitio de his, Confessarius teneatur revelare veritatem, quia et si recepit in Confessione, de hoc casu non cogitavit. Et hoc est verum, licet Confessarius iurasset non detegendi talia debita, & secreta: Si verò inquisitio fieret à Tyranno, tunc Confessarius subterfugere debet, *vel sophistice respondere, & non revelare*. In §. 14. tenet, habentem solum venialia non teneri præcepto Ecclesiæ de semel confitendo in Pascha. In §. 15. ait, si Confessor dubitaret, utrum illud, de quo non poenitet alius, esset mortale, & ille diceret, quod de consilio peccatorum, et ad taceret,

aceret, de quibus ex vita, & conscientia probabile est, quod non confiterent nisi bene, potest se illorum iudicio confirmare; lecus autem, si esset certus de opposito. Eandem opinionem docet de omni Confessoro tit. 17 c. 10. §. 2. ut retuli cap. undecimo num. 37. Idem docet part. 1. tit. 3. cap. 10. §. 10. vers. revertendo ad quartam. Si Confessor audit duos, & unus dicit se peccasse cum illo alio, ille autem, cum confitetur, non dicit hoc; & si in generali possit Sacerdos interrogare, utrum aliud peccatum commiserit, non tamen debet dicere, quod ille alius confessus est, nisi super hoc habuisset licentiam ab illo; quod si habita licentia hoc dicendo ille negat, non debet magis uni credere, quam alteri; unde propter hoc non debet negare absolutionem; item si plures circumstantias dicit unus, quod alter negat, & necessarias confiteri. Credo nostros Probabilioristas non assensuros hujusmodi benignitatibus.

35. In §. 16. tenet, virum doctum, & fortem in fide posse in casu necessitatis recipere Sacramentum Pœnitentie ab Heretico. Refert ibi oppositum rigidam opinionem tradi à Divo Thoma, Raymundo, & Hostien. In §. 17. docet, in nullo casu nos teneri ad confitendum Laico, licet antiquitus adisset opinio probabilis strictior. Item docet, quod postquam quis semel absolutus, etiam extra casum necessitatis, in casibus reservatis ab eo, qui poterat, etiam si Confessio fuisset ficta, si iterum, & pluries vult confiteri, de iisdem casibus reservatis absolvit à quocunque potest, etiam si non haberet potestatem absolvendi in illis secundum Petrum de Pal. In hoc casu nequit benignius decidi.

36. In §. 18. dicit, quod ignorans suum Parochum esse intrusum per simoniam, si confiteatur eidem, valide absolvatur, nec tenetur iterum ad confessionem, ut dicebat alii opinio rigidior. In fine hujus capituli scribit: Si Sacerdos credit, vel dubitat, quod confitens non aget pœnitentiam, vel istud,

ad quod alias tenetur, ut restituere, & hujusmodi, dicit Guillelmus, quod non debet propter hoc Confessor exigere promissionem, vel votum, vel juramentum, sed sufficit, non dicat, se habere propositum faciendi; & sic debet absolvere simpliciter, & sine conditione, facta tamen protestatione, si suspectus habetur, quod si non faciat illud, evacuet sibi fructum confessionis. Hæc Guillelmus. Hactenus Antoninus ex Guillelmo Rodonensi, qui hæc scripsit in Glossa Raymundi libr. 3. de pœnit. & remiss. §. 49. V. Possit portare. Hæc doctrina Beati Antonini videtur multum benigna, & Probabilioristarum certe illa non uerentur. Legat Lector propositionem. 60. Innocent. Und.

37. In c. 20. §. 1. scribit: si pœnitens est potens facere pœnitentiam, tunc oportet, quod ipse satisfaciat pro seipso; potest tamen juvari per alium; & addit Thomas, quod etiam si sit potens, potest alius satisfacere pro eo, sed non est permittendum, nisi appareat aliquis defectus in pœnitente, vel corporalis, per quem sit impotens ad sustinendum, vel spiritualis, per quem non sit promptus ad portantam pœnam. In §. 2. licet. & tit. 17. c. 21. §. 4. docet, satisfieri præcepto Confessarii, si fiat pœnitentia in peccato mortali; & in c. 20 ante §. 1. tradit, confitentem peccata, & non pœnitentem, & propter hoc non absolutum, satisfacere præcepto Ecclesie de annuali Confessione.

38. Alias benignas opiniones, quas habet Sanctus Doctor, præcipue de Confessione in d. tit. 17. libenter omitto, ut brevitati studeam. Iterum tamen reputo, quod ego, & etiam alii Probabilistæ licet componemus cum Probabilioristis libenter, compromittendo in Beatam Antoninum, ita ut five teneamur sequi probabiliorum, five non teneamur, sequamur illas opiniones, quas in suis operibus docuit hic magnus Archiepiscopus. Tenent Probabilioristæ esse confitendas circumstantias aggravantes. Negant Probabilistæ. Illi, quia hæc opinio est probabilior, & tutior; isti, quia

quia est probabilis. Vos Probabilistæ, & Probabilioristæ in obsequium Magni Antonini captivate intellectum vestrum, & sequimini ejus judicium. Quis detestare audeat? Vos Probabilioristæ præcipue hoc nequitis renuere, cum sit Doctor Probabiliorista. Sed jam vidistis, quoddam sententia sancti viri est pro Probabilistis, clarè enim, ut retuli negat, dari in hoc casu præceptum. Ergo siue teneamur sequi opinionem probabilioris, siue non, si tamen semper possumus omittere circumstantias aggravantes in Confessione, quid juvat alterari, an teneamur sequi probabilioris in Confessione?

39. Hic breviter paucas opiniones benignas Divi Raymundi de Peniafort subdo. Paucas subdo, quia in rei veritate est valde rigidus; unde paucas habet benignas; ejus tamen Glossator, Guillelmus Rodonensis, fuit benignissimus omnium, qui ipsum præcesserunt, & multorum, qui ipsum subsequuti sunt. Igitur Divus Raymundus lib. 2. tit. de rapt. &c. §. 18. scribit: si autem vis inferatur rebus; & illatam, & inferendam licitum est repellere, sed potius, idest, potissimè illatam; dum tamen in continenti, idest, quam citò scit vim illatam, priusquam divertat ad contrarium actum, ut in præall. Decret. olim causam. & significasti. ff. de verbor. obligat. continens in princ. & si fortè, dum ille vult expellere sic hostem de possessione sua, quam injustè, & malè occupaverat, aliqui vulnerentur, vel occidantur; credo, quod teneatur secundum propositum supra in defensione personæ, & per eadem jura; & hoc intellige de imperfectis; perfectis enim non licet repererere. Pono casum, mihi nuntius affertur, fures vim intulisse domui meæ, & rapuisse nummos; accurro statim cum armis, ut recuperem nummos: Non possum repellere à possessione, nisi illos vulnerem, vel occidam; ergo illos vel vulnerando, vel occidendo non excedo modum defensionis; & sic erit licita talis defensio.

40. Lib. 3. tit. de pœnit. & remis. §. 21.

scribit: *Unum tamen consulo, quod non sis nimis pronus judicare mortalia peccata, ubi sibi non constat per certam scripturam esse mortalia, sed potes dicere esse peccata, & inducere homines ad pœnitentiam de talibus; alias enim possent induci homines citò in desperationem.* Hæc doctrina est directè contraria regulis Probabilioristarum. Ipsi nedum tenent, & prædicant esse mortale, quod per certam scripturam constat esse mortale, sed etiam, quando in diversitate opinionum, probabilis ipsis videtur esse peccatum mortale. Hoc autem judicium probabilis non est tanti vigoris, quàm certa scriptura; Ergo Probabilioristæ in hac regula primaria, & capitali opponuntur Beato Raymundo. In §. 46. refert duas opiniones. Prima dicebat, Confessarium non posse recedere ab imponenda pœnitentia præscripta à Sacris Canonibus pœnitentialibus, nisi propter causam. Secunda affirmabat indistinctè omnes pœnitentias esse arbitrarías. Subdit Sanctus Doctor: *Hanc ultimam opinionem videsur amplecti consuetudo; prima tamen est iustior, licet difficilior.* Verum, quamcumque opinionem teneas, nota, quod tria sunt crimina &c. Ecce evidenter, quod permittit utramque opinionem, & secunda est multum benigna, utpotè, quæ à rigidissimis pœnitentiis liberat peccatores, & miuùs tuta, dum alia erat tutior.

41. In §. 49. dicit, si Confessor non potest inducere pœnitentem, qui non vult subire onus pœnitentie dicens se tenerum, valerudinarium, vel malè complexionatum, vel simile; non potest, inquam, hunc inducere ad debitam pœnitentiam suscipiendam, tunc imponat ei talem satisfactionem cum voluntate sua, quam utiliter possit portare, ne fortè postea frangendo, deterius peccet. Nostri Probabilioristæ hunc tenerum, & malè complexionatum acriter objurarent, & si rigidam nollet pœnitentiam peragere, rigidiùs non absolutum dimitterent. Nos sequamur benignam Probabilitatem B. Raymundi.

42. Sic etiam §. 60. tenet, quod, si quis



quis confitetur se incidisse in hæresim, & vult celsare ab alijs peccatis, sed non ab hæresi, debet Confessarius adire Episcopum, & dicere, custodi super oves tuas, quia lupus est in grege. *Vel, si placet, dic, quod possit revelare talibus, qui possunt prodesse, & non obesse.* Ecce dat libertatem, *si placet, dic,* amplectendi opinionem benignam, quæ in rei veritate his temporibus est nimium benigna; & ideo, cum reverentia Divi Raymundi, est dimittenda. Suo loco fulius expendam hos duos textus, nam meo iudicio probant, nos posse sequi utramque opinionem. Infrà in questionibus de Probabilitate, de æquali, & minori Probabilitate alias benignas huus Sancti opiniones referam. Hos textus retulisse sufficiat pro probatione minoris mei argumenti allati cap. 13. num. 2. Existimo enim evidenter ex his constare apud Antiquos datas fuisse opiniones *Benignas* solum Probabiles; atque adeo, quod Probabilitas Modernorum non sit rejicienda ex eo capite, quia ex ipsa sequuntur opiniones lasæ, idest, benignæ.

42. Dices, textus allati non inferunt ad propositum, quia opiniones benignæ Modernorum traduntur ut merè probabiles; opiniones verò benignæ Divi Thomæ, Scoti, Divi Antonini, & Raymundi sustinentur ab ipsis ut probabiles; Opinio autem benigna merè probabilis est rejicienda, ac detestanda, non verò opinio benigna probabilior.

43. Sed contra est, quia Adversarii rejiciunt Probabilitatem ex eo capite, quod ex ipsa sequuntur opiniones, quas ipsi appellant lasas, & nos dicimus benignas, ut admonui cap. 13. num. 2. Instruo ergo argumentum evidenter contra. *Vel Lasitas, seu Benignitas* est aliquod malum, vel bonum. Si malum; Ergo ex quovis capite proveniat, est abijcienda; quia malum semper est fugiendum. Si bonum; Ergo Probabilitas Modernorum est amanda, quia bonum est amandum. Tum quia si est bonum; ergo saltem Probabilitas non est rejicienda ex eo, quod est causa

*opinionis benignæ*, quia bonum ut tale non est reiiciendum. Sic, quamvis fornicatio sit essentialiter mala, non est mala tamen, nec rejicitur, quia ex ipsa sequitur generatio prolis; quin ex hoc capite est bona. Sic etiam donare alienum est intrinsecè malum; tamen donatio rei alienæ ut causativa Amicitie non est mala ex hoc capite, quia laudatur à Domino Luc. 16. Ergo malè faciunt Adversarii, dum rejiciunt Probabilitatem, quia ex ipsa sequuntur opiniones *lasæ*, idest, *benignæ*.

## CAPUT XVII.

*An sit magis deferendum Antiquis, vel Modernis in difficultatibus Moralibus.*

**I**Nvidia plena est questio præsens; & quisque opinionem, quam eligit in hac materia, pugnacissime defendit, & firmissimè adhaeret eidem. Probabilistæ Moderni pro Antiquis, Probabilistæ verò pro Modernis pugnant. Pauci tamen, quos viderim, questionem agitant diffusè, & ex professo. Titulus difficultatis est in materia morali; In speculativa etenim Theologica omnes videntur concedere palmam Antiquis, eò quod Antiqui fuerint viciniore Apostolis, qui principia Fidei tradiderunt, & explicarunt. Si hæc ratio est solida, videtur manifestè probari, hoc idem valere in materia morali Juris Divini, cum hoc etiam Apostoli docuerint, & explanaverint. Hic iterum repeto cum Caramuele, pro Antiquis me non intelligere Ecclesie Patres, quorum explicatio unanimis super aliquem textum Scripturæ ex Tridentino Sess. 4. decret. deedit. & usu sacror. libr. facit propositionem certissimam; & insuper eorundem opera sunt approbata, & laudata ab Ecclesia in cap. *Sancta*. 15. distinct. Intelligo ergo Doctores, qui vixerunt ante nos per annos ducentum juxta

rationem, cur celeberrimi Thomistæ in Summa Divi Thomæ versatissimi, dum Decalogum explicant, non semper pro illis casibus afferunt Summam illam, sed nec alium Textum Operum Divi Thomæ? Tunc Vendrochius, & ejus defensores probantur esse verum dictum allatum, cum dilucidabant Decalogi casus necessarios quotidie, & Sanctum Doctorem allegabant semper; & si hoc facient, iuste poterimus conqueri de Schola Thomistica, & nominatim de doctissimo Patre Natali Alexandri, qui in sua Theologia dogmatica morali professum se doctrinam confirmaturum fore ex Divo Thoma, Divo Reginardo, & Divo Antonino, tamen non tam crebro utitur textibus illorum Patrum.

6. In ordine verò ad extollendos Antiquos Vendrochius ex iisdem Capitulis, quibus videbantur non laudandi, mirum in modum eorum haurit Encomia. Antiquorum laudi videbatur ob stare paucitas Doctorum scribentium de moralitate, & exilitas operum, seu paucitas Casuum, quos in suis voluminibus edocuerunt. Hoc totum vertit in decus magnum, & laudem. Ait enim, Non fortuito contigisse credendum est; sed quia res admodum periculosa, lubrica, ingentis cautionis, & divine cujusdam prudentia est, de conscientia latebris, de gravitate criminum, de distinctione venialium, & mortalium culparum, de modo injungenda poenitentia disputare. Igitur cum operis molem cernerent præsci illi, & pietate, & lumine nobis tanto præstantiores, fere satis esse duxerunt generalia ponere principia. Pauci admodum explicanda universa Theologia moralis onus subire voluerunt.

Ut verò illud idem, quod maximam laudem Modernis conciliat, vertat in dedecus eorumdem, sic subdit: Nunc verò pars illa Ecclesiastica scientia longè gravissima ab auctarissimis, (nota encomia,) & infirmis simul ingenus occupata miserè laceratur. Nemo non se ad illam putat idoneum, Nemo non illam aliquid commentatur. Hinc illa Casuista-

rum nubes, qui tanquam *Aegyptiacæ ranæ* in Ecclesiam incubuerunt, & nihil peno jam in moribus integrum reliquerunt.

7. Si materia moralis solum tractanda fuisset in Scholis, optinè fecissent Antiqui, & consultò sic fecisse crediderim; in rei enim veritate moles maxima est, & solum Atlanticus deferenda. At, at tractanda est in Confessionariis. Quotidie fideles interrogant viros doctos, & petunt doceri modum v. g. quousque matrimonii liceat; regulas, ut benè se gerant in contractu; documentum, ut discernant verba blasphæmia à non blasphæmiis &c. Si ergo antiquitus hi casus particulares non erant tractandi in Scholis, & scribendi in Libris, quomodo vir doctus consultus potuisset respondere? Nunquid debebat statim petere Ecclesiam, & iusta documenta Vendrochii orare Patrem luminum, ut per miraculum, & per specialem illustrationem imbueret ipsum cognitione illorum casuum? Certè naturaliter statim, ut est necesse in Confessionario, non potuisset benè solvere difficultates. Quid? si Antiqui, licet per longum, & quietum studium in propriis cubiculis se agnoscebant non aptos ad solvendo casus illos particulares, quomodo cum mera reflexione, & brevi potuissent tot casus enodare, qui occurrunt quotidie in Confessionibus audiendis? Forsan Vendrochius dicit, quòd propter hoc paucissimi erant Confessores antiquitus. Tunc & necesse erit concedere, quòd propter hoc rarò fideles confiterentur, & semel in anno; & forsàn propter hoc Doctores Antiqui plures volebant, de necessitate fideles debuisse peccata confessi aliàs delegato iterum fateri suo Parocho tanquam Confessori verè idoneo, & docto.

8. Sed hæc Doctrina non vigeat in Parochis tempore Alberti Magni. Scribit enim in 4. distinct. 17. art. 44. quòd per paucos inveniuntur Sacerdotes, qui veri sint Pastores, sed potius Vicarii conducti pretio vili, & quòd abominabilius est, nec sunt perpetui in multis terris, sed conducti ad annum, vel etiam ad dimidium,

dium, vel mensem; & hac omnia scio, quia vult &c. Et ideo satis necessarii sunt Confessarii delegati, qui vira, & scientia populum audiant, & absolvant. Ex hoc Textu colligere liquet ignorantiam Parochi rum illorum temporum; quia erant necessarii delegati, qui vira, & scientia populum audirent, & absolverent.

9. Infra art. 60. dicit, esse sufficienter instructum, seu reputari talem pro temporis hujus necessitate Sacerdotem pro audiendis Confessionibus, si sciat discernere in communi, quæ sint capitalia mortalia communia, & quæ ex genere venialia, & hoc valde est leve. Certò meo judicio Sacerdotes illo tempore poterant parum edificare, si tam parum sufficiebat pro audiendis Confessionibus. His temporibus sunt quidem necessarii Delegati, non equidem ob scientiam, (Parochi enim verè sunt docti, cum faciliter edoceri potuerint ob multitudinem Librorum Theologorum Modernorum) sed ut fideles crebrius confiteri possint. Igitur tenendum est, antiquitus paucos scripsisse tum in speculativis, tum in moralibus, & pauca scripsisse præcipuè ob deficientiam librorum. Facile est inventus addere; at difficillima est inceptio in quacunq; Facultate. Doctrinam deducamus ad praxim. Vellit quis componere totam Moralem Theologiam juxta antiquiora tempora, habebit ex Casuistis Moralibus, quos citat Bellarminus, Summus Raymundi, Rainerii, Astesani, & Pisanelle. Pisanelle est adeò parva, & jejuna, ut ferè nullius utilitatis, & solum nonnullos casus solvit. Astesana in tanta paupertate illorum temporum est abundans, & copiosa, & procedit modo Theologico, & Canonico; unde omnino est laudanda. Raineria procedit per rationes Theologicas, nec Canones allegat, vel rarè, aut sanctos Patres; Assert quidem Divum Thomam, sed tunc non erat nec inter Sanctos ab Ecclesia cultus, nec sua Doctrina approbata erat per Ecclesiam; & tota illa Summa est extracta merè ab aliquibus Modernis il-

lius temporis, Sapientissimis quidem; scilicet Alberto, Alesii, Beato Thoma, Beato Bonaventura, Petro de Tarantasia, & ab aliquo alio. De hac Summa verè potest dici id, quod de Summis Modernorum asseruit Vendrochius, quod redicit merè eadem, quæ alii dixerant. Est tamen satis copiosa. Raymundina verò est pulchra valde, & docta, sed multum inops, & jejuna casuum: Hic ergo studiosus in praxi cognosceat, quantam difficultatem experiri sit opus, qui vult esse multum versatus in morali, & in hac facultate scribere, si solum. Antiquos hodie evoluerit. E' contra studeat quis cursui Theologico Castropalai, operibus Diance, Summæ Bonacina, & Laymani, potest quis negare, quòd hic apprimè discat casus penè omnes hujus materiæ? Sic experior ego. Habuerunt hi errores suos, sed Antiquos illos excusare ab omni errore, certè nec Vendrochius poterit.

10. Adversarii nullum Argumentum asserunt, quo probent hanc præcellentiam Antiquorum; potest tamen dici, cum supponant Modernos falsitate plenos, quin hoc expresse sæpè asserant; ex alia parte videntur etiam supponere in Antiquitate effulsisse veritatem; Ex his præmissis motos fuisse ad talem asserptionem tenendam. Quam veritatem habeat talis ratiocinatio apparebit ex hac, & sequenti questione.

11. Fagnanus equidem in c. ne innitatis, de constitut. num. 349. asserit auctoritates Doctorum, qui præferunt Antiquos Modernis, & Auctoritates Scripturæ, & Sacrorum Canonum. Sic dicitur Job cap. 12. In Antiquis est sapientia, & in multo tempore Prudentia. Ecclesiasti cap. 39. Sapientiam omnium Antiquorum exquiret sapiens; & cap. 8. ibid. Non te prætereant narratio Seniorum, ipsi enim dediderunt à patribus suis. Vide etiam cap. 25. Facillimè tamen respondetur, & ad primum ex Divo Thoma 2. 2. quæst. 47. art. 15. dico, per Antiquos non intelligi eos, qui ante nos vixerunt, & jam mortui sunt, sed intel-

relligi eos, qui multis annis vixerunt, & illos appellamus *Senes*. Ecce verba sancti Doctoris, qui cum retulisset illum textum ad probandum prudentiam esse naturalem, sic scribit: *Prudentia magis est in senibus, non solum propter naturalem dispositionem quietatis motibus passionum sensibilibus, sed etiam propter experientiam longi temporis*. Hac quoque explicatione intelligi potest prior textus ex Eccles. desumptus. Tum quia si debet intelligi de Doctoribus veteribus, adhuc nihil valet, quia non valet, debemus legere Antiquos; ergo Antiqui sunt Sapientiores Modernis; Sequitur enim solum, ergo Antiqui sunt sapientes. Tum quia forsitan est vera illa explicatio Glossæ in cap. *Q. purgabit. V. Antiqui. 30. distinct.* quod scilicet per Antiquos intelligantur sancti Patres, & viri, qui à Deo specialiter sunt illuminati in tradendis Doctrinis. Et huic explanationi quadrat textus sequens: *Et in Prophetis vacabit*. Procul dubio verò de iis, qui multo tempore vixerunt, intelligitur altera Autoritas Ecclesiastici, *Non te prætereas narratio Seniorum*. Nota, Seniorum dixit, idest illorum, qui multam ætatem habent, non verò Antiquorum, idest illorum, qui multo tempore mortui sunt ante nos, ut questio nostra procedit. In primo sensu Suarez, qui vixit septuaginta annos, potest dici Senior, & Antiquus, non verò Divus Thomas, & Scotus, qui sexaginta non attigerunt. E' contra in secundo sensu Doctor Angelicus & Subtilis sunt Antiqui, non verò Suarez. Eandem explicationem patitur caput 25. ut legenti illud patebit.

12. Allegat pro sua opinione Fagnanus Sacros Canones. Sic in c. de quibus. 20. distinct. dicitur: *facilius invenitur, quod à pluribus senioribus queritur*. Et in c. Domino sancto. 30. distinct. Quotiescunque in gestis Conciliorum discors sententia invenitur illius Concilii magis seneatur sententia, cujus antiquior, aut potior extat Autoritas. Poterat allegare potiori iure. c. ita Dominus. 19. dist. in quo vituperatur, qui firmitatem Petri tentat infringere favendo cupiditatibus

suis, & id, quod accepit à veteribus, non sequendo.

13. Cum Fagnanus sit in iure veratissimus, mirum est, quomodo priorem textum citaverit. Ante illum dicitur: *Seniores Provincia congrega, & eos interroga; facilius namque invenitur &c.* Ecce quod Canon loquitur expressè de hominibus viventibus; mortui enim nec interrogari, nec congregari possunt; Ergo textus ille non debet intelligi de Antiquis, ut nos loquimur; omnes siquidem intelligimus pro his homines prædecessores nostros jam mortuos. Glossa verò explicans vocem *Seniores* dicit; idest *Sapientes*. cap. Porro 84. distinct. Canon ergo sic jubet, quod si aliqua causa detur adeò difficilis, quæ nec per Sacras Scripturas &c. valeat dissolvi, tunc congregandi sunt Seniores, idest *Sapientes*, facilius namque invenitur, quod à pluribus Senioribus, idest *Sapientibus* queritur. Hæc procul dubio explicatio colligitur ex c. Porro 84. distinct. allegato à Glossa, in quo Anacletus Papa Epist. 2. ad Episcop. Italix asserit, quod Presbyter, idest Senior, non dicitur talis propter decrepitam senectutem, sed propter sapientiam nominatur.

14. Textus ex c. Domino sancto videtur habere vim, sed nihil urget. Jam scimus per Jus, & legem posteriorem derogari priori cap. 1. de constit. in 6. l. non est novum. ff. de leg. 3. posteriore Institut. quibus mod. testament. infirmetur; & sic lex nova prævalet antiquæ. Hinc in cap. 1. de cognat. spirit. expressè dicitur: *Ut secundum posteriorem Canonem debeat observari, ut scilicet Filis duorum compatrum, per quorum neutrum deventum est ad compaternitatem, licet ineant matrimonium inter se*. Observa, quod hic Canon est Alexandri Tertii, & est positus in Decretalibus, undè certè habet vim legis. E' contra autoritas illius. cap. Domino sancto est Isidori, qui leges Ecclesiasticas condere nequit; & insuper est in Decreto Gratiani, de quo non est certum, an habeat vim legis; quin Scotus in simili rejicit ejus Autoritatem. Insuper cap. Presbyter. 32. distinct. dicitur, quod, licet per Canones Apo-

stolorum Presbyter fornicarius debeat deponi, tamen per Authoritatem Sylvestri Papæ, si illum poeniteat per decem annos, redit ad pristinos honores. Ecce Canon novus prævalet Antiquo, esse edito ab Apostolis.

15. Quia est axioma legale, *Leges debere conciliari, non corrigi, cum expediat* de elec. in 6. Idem Concilio text. *Dñs sanilo* cum à me allatis, & dico cum Glossa. V. *Disceors*. quod quando constitutiones ambæ sunt particulares, & locales, tunc antiquior prævalet; si verò ambæ sunt generales, semper posterior derogat priori, & antiquiori, juxta illud cap. 1. de cognat. spir. *¶ l. non est novum. ff. de leg.* Instantum verò lex particularis antiquior prævalet posteriori, quia per consuetudinem potiores vires acquisivit, quàm posterior. Antiquitas autem in Doctore non video, quid ipsi magis tribuat. Reperiatur de novo liber Doctorem viventis cum Divo Thoma, qui liber non fuerit lectus, aut visus hoc medio tempore ab aliquo, aut approbatus, forsanne huic libro tribues majorem autoritatem, quàm libro de novo edito? Ego certè non tribuam; quin rationabiliter dubitabo, ne contineat aliquam propositionem damnatam recentè à Summis Pontificibus; cum enim hæc materiæ illis temporibus non essent definitæ, & decisæ, hinc erant ambiguar, & obscuræ; & sic suspicari licet, quod in obscuris erraverit, sicut erraverunt ob hanc rationem Glossatores decreti Gratiani teste Gregorio Tertio-decimo in Bulla præfixa eidem Decreto excusso Romæ. E' contra de Modernis, qui scripserunt post tales decisiones, sum certus, quod in hisce non aberaverint.

16. Ad textum ex cap. *ita Dominus*. Respondeo intelligi in determinata materia de firmitate Cathedræ Beati Petri, ut legenti textum patebit. Et ad similitudinem dico, dicta veterum esse sequenda, si sint tanquam de re ab aliis accepta sine controversia; sic enim important traditionem. Non verò esse sequenda, si sint de re controversa, &

in disputationem posita; tunc enim etiam Adversarii fateri debent, & Moderni inveniant rationes probabiliores, ipsos esse sectandos, & Antiquos cum reverentia dimittendos, & hoc observat Geminianus in hoc c. num. 2. Vide etiam Præpos. ibid. num. 9.

17. Allegat quoque Fagnanus per sô l. 1. ff. de offic. quæst. ubi dicitur: *¶ Sane crebrior apud veteres opinio est.* In illa lege quærebatur, quonam tempore officium Quæstoris Romæ inceperit; & lex dicit, quod crebrior apud veteres opinio est, tale officium fuisse tempore Numæ Hostilii. Nemo negat, Historicis Antiquos plus mereri fidem in narrandis factis antiquis, quàm Modernos; quia si vixerunt illo tempore, jam sunt testes de visu; si post parum vixerunt, potuerunt scire illa ab iis, qui præsentibus fuere. Moderni verò in ordine ad facta antiqua ratione propria non merentur æquam fidem, nisi quatenus supponantur legisse Historicis Antiquos. Contrarium accidit in quæstionibus obscuris de jure insurgentibus, ut patebit ex meis probationibus.

18. Deinde plures Doctores Antiquos, & Modernos refert in confirmationem suæ opinionis. Sed aliqui nihil dicunt, & aliqui laudant Antiquitatem æquidem, quod justissimè faciunt, & solus invidus omitteret, non tamen per hoc præponunt Antiquitatem Modernis. Sic Speculator in præmio num. 6. ait: *Tanta nobis Antiquitati habita est reverentia, ut nomina Sapientum taciturnitati tradere nullo patiamur modo.* Jure dixit Speculator. Et utinam Antiqui servassent methodum omninò laudandam, quamvis ab Adversariis vituperatam, quam adhibent Moderni, qui coteraneos Doctores pro suis opinionibus allegant. Sic enim non perit memoria Doctorum apud posteros, & insuper demonstratur opinionem propriam non esse singularem. Antiqui autem, dum non citant pro suis assertionibus Doctores, vel paucos, sinunt perire memoriam suorum Doctorum, & insuper animus nequit multum quiescere, dum non certi-

fica-

ficatur, an sit Doctrina singularis, vel communis &c.

19. Cardinalis in Præm. Clem. num. 4. qui etiam ipse allegatur à Fagnano, nihil dicit ad propositum, sed solum narrat Doctores, qui scripserunt in Clementinas. Ancharanus autem, Doctor & ipse Fagnani, nedum est pro ipso, sed pro me; siquidem in præm. Sexti. primò refert Doctores Legistas, & Canonistas, & sinon erro, erant Doctores Moderni pro suo tempore. Subdit enim: *Ego Petrus Jor. de Ancharano &c. Sexti, & Clementina prædictorum Modernorum scripta, & commenta studui, & discurre, non tanquam transfuga, sed tanquam explorator, ex quorum dictis visum fuit Novellam Sexti, & Gloss. & Clem. posse perfectius declarari. . . . ideo utilissimum mihi visum est, Theoricas, & Doctrinas Modernorum Doctorum, quibus plurimum utitur. Ecce hic Doctor quanti æstimat Modernos! plurimum illis utitur; studet ipsis non velut transfuga, sed ut explorator, & credit per ipsos perfectius declarari Sextum Decretalium, & Clementinas. Si hæc propositiones expressè non præferunt Modernos Antiquis, nescio quibus verbis clarioribus poterat hoc experiri; nolui examinare alios Doctores, quos allegat Fagnanus, an sint pro ipso. Tum quia opponam ipsis alios, & quidem Antiquos.*

20. Conventus Gallicanus Illustrissimus inter propositiones à se damnatas hanc locat num. 117. *Puto omnia esse hodie melius examinata, & hanc ob rem in omni materia, & præcipue in morali, libentius Juniores, quam Antiquiores lego, assequor. . . . Doctrina Fidei à veteribus, doctrina morum magis à Junioribus petenda. Censurat verò hanc doctrinam hisce verbis: Hæc Propositio temeraria est, scandalosa, perniciofa, erronea, sanctis Patribus, & Antiquis Doctoribus contumeliosa; præta in moribus Christianorum componendis necessaria Scripturarum, ac Traditionis Auctoritate, & interpretatione. Moralem Theologiam arbitrariam facit, viamque*

*paras ad humanas traditiones, & Doctrinas, Christo prohibente, stabilendas. Audisti fulmina, & fulgura?*

21. Fateor meam ignorantiam, me nunquam potuisse imaginari, quomodo illa propositio sit contumeliosa sanctis Patribus: Ibi enim sermo est de *Antiquioribus, & Veteribus*. Fateor quoque sub illis nominibus posse Patres intelligi; cum tamen hoc non sit necesse. In concessione generali non veniunt ea, quæ sunt speciali nota digna juxta Canonum statuta. Sicut ergo ob prærogativas speciales Legislator non vult comprehendendi quædam, quæ aliàs viderentur comprehensa, ita possumus discurre, quòd Sancti Patres ob speciales prærogativas non subintelligantur in quibusdam nominibus generalibus, quamquam videntur intelligi. Igitur iterum, atque iterum dico, me sub nomine Doctorum Antiquorum, Veterum, & similium nunquam intelligere Sanctos Patres. Holce voco honorabilioribus nominibus, nec illos cum vulgo hominum, ut loquar cum Caramuele in Theolog. Fundam. Romana lib. 1. Fundam. 8. num. 332. composuo. Si ergo ab illa propositione possunt excludi Patres, jam potest defendi, quòd ipsis non sit contumeliosa.

22. Nescio pariter, qui per illam Doctrinam spernatur Autoritas Scripturæ, & Traditionis quoad mores. Propositio præponit in rebus, quæ examinantur, Modernos Antiquis. Si aliqua doctrina est Traditio, iam non examinatur, & dicitur, cum sit res clara, nec Moderni differunt ab Antiquis; unde ut vera supponitur à Modernis, nec ullo modo examinatur. Et nemo potest negare, quòd nostris temporibus plura credimus de fide fundata in traditione, quæ non credebantur explicitè tempore, v. gr. Divi Thomæ, & plura habentur ut certa, quæ tunc sub opinione vagabantur. Tempore Divi Thomæ nonnè erat sub opinione, quòd Christus non descenderet cum speciebus Eucharistiæ in ventrem nedum Maris, sed etiam Hominis? Tempore Magistri,

& Gratiani nonnè erat sub opinione, quòd Confessio mortalium non esset sub præcepto? Sæpe referam hunc inter lassos lassissimum errorem de Confessione, qui tradebatur à viris Religiosis, & Sapientibus, ut digito demonstrarem ingentem lassitatem, quæ solum Antiquitati attribui potest in materia adeo necessaria, & periculosa.

23. Ut paucis dicam, quod sentio, nisi edocear, nequeo captivare, salva reverentia Illustrissimo Clero, intellectum meum, ut assentiar illi censuræ. An autem sit falsa illa propositio prima: *Puto omnia esse hodie melius examinata*, possum facile doceri; cum enim sit propositio Universalis, ut falsificetur, sufficit secundum Logicos, quòd deficiat in una particulari. Qui ergo Doctores fuerunt præsentis, & Consultores celeberrimi Conventus, poterunt nullo negotio monstrare materiam illam particularem, quam melius Antiqui discusserint, quam Moderni. Si tamen sit materia, quæ vel non sit definita à Conciliis, seu Summo Pontifice, vel communi, & unanimi calculo non sit approbata à Modernis. Sic Gratianus acriter discussit, utrum confessio mortalium sit sub præcepto. Acriter pariter antiquitus contendebant, an præcepta Ecclesiæ sub mortali obligarent. Hisce temporibus parum, aut nihil discutitur, nisi à Controversistis contra Hereticos; unde communiter tanquam de re certa solum insinuat, & idem dico in aliis multis materiis. Loquendo igitur de materiis adhuc obscuris, & sic dignis disputatione, mihi videtur illa propositio, *Puto omnia esse hodie melius examinata*, esse verissima, si conveniamus in explicatione illorum terminorum, *melius examinata*: Illos sic explico, quòd materia sit tractata proponendo argumenta pro conclusione, & dissolvendo contraria. Si ita explicentur, mens mea iudicat omnino veram illam propositionem in materiis à me lectis, & perceptis.

24. Cum hæc conclusio sit de facto, oporteret in omni materia facere com-

parationem referendo Doctores veteres, & Modernos, ut iure probaretur, quòd est impossibile. Defensores Antiquitatis facile possent me convincere, demonstrando scilicet aliquas materias, in quibus Antiqui enucleatius quæstiones elucidassent. Pro probatione mei assumpti peto solum, ut de Antiquis afferatur Cursus Theologicus adeo completus, ut est Theologia Magni Suarii. De Religione afferantur quatuor magni Tomi, ut composuit idem Suarez. De Sacrificio Misor ostendantur duo ingentia volumina, ut fecit Pasqualigus. De Theologia Morali monstretur mihi Summa, quæ tot casus evolvat, ut Castropalaus. Velimus descendere ad aliquam quæstionem particularem? sit de Conceptione Beate Virginis. Baconius in 4. dist. 2. quæst. 4. art. 3. credit, suo tempore eise jam satis discussam materiam. Hinc optabat, ut Apostolica Sedes litem decideret, sicut fieri erat solitum, postquam materia sufficienter est discussa. Sed post etiam trecentum annos Urbanus Octavus noluit determinare, ut refert Joannes à Sancto Thoma disput. 2. art. 2. de approbat. Doct. Sancti Thomæ; quin asserit idem Pontifex, tantum Arcanum nondum Ecclesiæ Spiritum sanctum patefecisse. Scio, Antiquos plures elaborasse pro Immaculata Conceptione Virginis, at cum pleno calamo, ut faciunt Moderni, neminem hoc mihi persuadebit; & puto certum, quòd, quando audiemus decretum adeo expetitur, audiemus iterum repeti formam, qua usus est Clemens V. in Viennensi Concilio relatum in Clement. 1. §. fin. de Summ. Trinit. Sic ergo audiemus: *Opinionem secundam tanquam probabiliorum, & dictis Sanctorum, ac Doctorum Modernorum Theologia magis consonam, & concordem duximus eligendam, & declarandam de Fide*. Sic certè audiemus. Quoad siquidem Antiquos plurimos, & famosiores stare contra, & paucos in favorem scriptissæ narrat Divus Antoninus part. 1. titul. 8. c. 2. & hæc de illa propositione speculati-

23. Ad solvendam aliam propositionem practicam, & hanc ob rem in omni materia, & præcipue in morali, libentius Juniores, quam Antiquiores lego, & assequor, Alsero, salva iterum reverentia Conventui Gallicano Illustrissimo, esse veram cum hac modificatione, quod scilicet, si opinio Antiquorum sit communis, debeat contraria esse communis Modernorum; si etenim solum aliqui Moderni hanc tenerent, sequenda esset prior Antiquorum, non qua Antiquorum, sed qua communem. Ratione probatur, meo iudicio, manifesta. In principio questionum non possunt inveniri omnia spectantia ad illius plenam enodationem; Loquimur enim de questionibus; quæ enim sunt clara, non vocantur ad disputationem, sed supponuntur; sed Antiqui sunt in principio questionis, Moderni verò sunt postea; ergo Moderni soli possunt tractare questionem plenè, & adæquatè. Sed illa sententia est sequenda, quæ plenius, & perfectius agitur; ergo potius est sequenda sententia Modernorum, quam Antiquorum. Major probatur, quia in obscuris non omnia subito percipimus, sed tractu temporis, & longo studio; hinc supra probavi multis exemplis, præcipue de præcepto Confessionis, quod per multum temporis ut probabiles defensæ sunt quadam propositiones à viris doctis, piis, & Religiosis, quæ postea falsæ apparuerunt, & hæreticæ, & multæ ut probabiliores existimabantur, quæ deinde de fide sunt decisæ. Sic tempore Divi Thomæ solum ut probabilius credebatur matrimonium causare gratiam: In baptismo parvulorum infundi gratiam, & virtutes. Porro nunc utraq; est de fide, ut patet ex Tridentino Sess. 5. in Decr. de originali peccato, cum iis, quæ docet Sess. 6. cap. 7. & Sess. 7. de Sacramentis in genere can. 6. & Sess. 24. can. 1. Sic etiam sententia de Immaculata Conceptione Beatæ Virginis teste Divo Thoma 3. par. quæst. 27. art. 2. non erat totaliter improbanda. Post plures annos tempore Baconis multum probabilis teste ipso credebatur.

Tempore etiam posteriori Divi Antonini in linea probabilitatis adhuc continebatur. Nunc verò negari nequit, quod in linea nobilioris veritatis versetur. Ecce evidenter quod questionis in principio non plenè attingatur.

26. Confirmatur ex Divo August. & refertur c. solet. §. fin. de consecrat. dist. 4. Ibi quærit Sanctus Doctor, an, si quis mimice, & ludricè, & joculariter baptizaret, illud baptismus esset validum. Ipse questionem insolutam relinquit, ut liquet ex textu, & Gloss. Verb. Ubi. & dicit; esse implorandum divinum auxilium pro solutione veritatis. Nonne temporibus posterioribus vir etiam mediocriter doctus poterat illam absque speciali auxilio Dei certissime dissolvere?

27. Confirmatur eadem major propositio ex Abulensi in Opuscul. Defensorii part. 2. cap. 18. §. ult. ubi habet: *Præsumas, inquit, conclusiones, & veritates invenit Modernorum ætas, quas nondum invenerat, nec cogitaverat Antiquitas.* Et rectè quidem fit, quia juxta Aristotelem *Æth. 1. tempus est bonus cooperator bonum, & per tempus artem additamenta facta sunt.* Item ex Carthusiano. in 4. dist. 8. quæst. 5. fin. dicitur, quod quidam Antiqui dicebant, formas Eucharistiæ se expectare, nec unam consecrare prius alia. Subdit postea quod modo, & sic Moderni, *Doctores concorditer dicunt contrarium.* Et dist. 11. quæst. 6. in principio refert, quandam opinionem Hugonis, in fine verò dicit: *In his concordant Doctores nunc omnes, aut penè omnes, nec aliquem legi sequentem opinionem illam Hugonis.* Item Thomas Argentinas in 4. dist. 22. q. 1. art. 1. §. sed quamvis. scribit: *Quamvis in ista conclusione concordent Moderni Doctores, tamen contra eam sunt tres opiniones Doctorum Antiquorum.* Dist. 25. qu. 1. art. 3. dicit: *Sed ista opinio Modernis temporibus non tenetur &c.* Item Albertus magnus in 4. distinct. 25. art. 1. scribit: *Magister inducit quatuor opiniones. . . Sed apud Modernos non est dubium de hoc, scilicet quod Sacerdotes, & Episcopi*



heretici, & Schismatici &c. conficiant Sacramenta, excepta penitentia. Item Glos. in præm. Clem. V. Joannes dicit: *Et quia, prout patet hic in exordio, etiam compositores jurium vix possunt tam clarum, certumque statuerre, quin dubia multa relinquunt. Excusabilis ero, quod in hac prima lectione, vel glossatione singula non perfecte rimantur. Nam etiam in rebus experimur, quæ naturaliter generantur, quod in eis paulatim de imperfecto ad perfectum venit. Sic, & qui de veritatis cognitione a principio parum attingunt, postea quasi pedetentim ad quandam plenioris veritatis mensuram perveniunt.*

28. Item Baconius in 2. dist. 40. art. 1. scribit, Antiquitus quosdam dixisse, quod iudex secundum veritatem, quam novit, debet judicare, & non secundum allegata, quæ scit falsò allegari; unde talem accusatum debet absolvere ut innocentem. Sed istud *nunc communiter non tenetur.* Ecce communis opinio temporis præsentis, & sic Modernorum, corrigi opinionem quorundam Antiquorum tanquam fallam.

29. Item Stephanus Brulifer in 4. dist. 21. quæst. 11. sequitur opinionem, quod poenitent nequeat dare licentiam Confessori revelandi Confessionem, nec aliam rationem adducit, nisi quia ita docet Scotus, & eum sequuntur Moderni. Ecce sequitur opinionem Modernorum contra Antiquos. Item Joannes de Friburgo in Prologo suæ Summæ scribit: Quoniam dubiorum nova quotidie difficultas emergit casuum, Doctores Moderni tam Theologi, quam Juristæ plures casus & legendo, & scribendo determinaverunt, qui in Antiquioribus compilationibus non habentur; ea etiam, quæ priores scripta reliquerunt, & posterioribus sunt in pluribus emendata, & perfectius declarata. Ecce clarè Doctores Moderni tempore Joannis plura scripserunt, quàm Antiqui. In pluribus illos correxerunt. Quæ verò non correxerunt, perfectius declararunt. Ergo illi Moderni erant præponendi Antiquis. Pondera bene textum Joannis, & vi-

debis continere propositionem damnam à Clero Gallicano relatum num. 18. Nunc inquiri, si potuit Joannes dicere, nostri Moderni plura scripserunt, &c. cur nos de nostris Doctores hoc dicere non poterimus? si hoc dicere poterimus, manifestum erit, Modernos esse præferendos Antiquis. Et observa, quod hic Doctor citat solos Modernos, scilicet Thomam, Albertum, Bonaventuram, Raymundum, Vilelmum in Glos. Raymund. Goffredum, Osthien, Bernardum &c. sed præcipue utitur Vilelmo, cujus liber procul dubio nullo modo est comparandus cum nostris Summis, qui inter ipsos non sint ultimi. Exemplo Joannis evidenter discas, non esse vituperandos à Probabilioristis nostros Modernos ex eo, quod in suis operibus citant solos Modernos. Si hoc fecit Joannes, qui inter Antiquos Summis est prior tempore, & scientia; cur non poterant facere nostri Moderni?

30. Denique ex Divo Thoma quæst. 15. de veritat. art. 4. ubi habetur, quod quidam dixerunt delectationem morosam non esse peccatum mortale, sed veniale, subditur inde: *Isti opinioni contradicit communis opinio Modernorum.* Et in Opuscul. 22. cap. 2. opponit quibusdam *Antiquis famosis* Regentes Studium Parisiis suo tempore.

Ex hisce Testibus liquet, in principio quæstionis non perveniri ad plenam, & claram cognitionem veritatis; & sic probata manet illa major propositio.

31. Dices, hanc Doctrinam redundare in opprobrium Antiquorum, quoniam & Divi Thomæ, est sed enim grande probrum dicere, quod Albertus, Alen. Henricus, Richard. Scotus, & ipse Divus Thomas plenè non discusserint quæstiones, quas instituerunt. Sed contra, quia (excipio Divum Thomam, & Scotum) nemo potest negare, quod illi Doctores sequuti non fuerint opiniones plures, quæ deinde temporibus modernis evaserunt minùs probabiles, ne dicam falsæ. Tum quia loquendo etiam de Divo Thoma, & Scoto, Tho-

Thomistæ, & Scotistæ addiderunt plurima, & plurima quæstionibus agitatis ab illis. Nunquid solum, & merè explicavit Textus Divi Thomæ Thomistæ, & Scoti Scotistæ? Nunquid Divus Thomas, & Scotus dixerunt omnia, quæ nunc afferuntur pro, & contra puritatem Conceptionis Beatæ Virginis? Vel circa illam quæstionem, an Papa possit dispensare in voto solennium? Igitur Divus Thomas, Scotus, & Doctores Antiqui discussæ plene quæstiones, sed pro illo tempore antiquo, ut evidentissimè patet in quæstione de Conceptione Beatæ Virginis, non verò plene pro temporibus posterioribus. Gratianus distinct. 1. de pœnitent. diffusissimè egit quæstionem, an Confessio sit sub præcepto. Plurima attulit præcepto, sed adhuc plene pro posterioribus temporibus non discussit: & Divus Thomas alias rationes invenit, & addidit Textum ex cap. *omnis utriusque sexus*. de pœnitent. & remis. qui tamen solum ad summum per consequentiam probat intentum, & forsan ipsi posset inveniri responsio. Et in rei veritate Abbas in c. *omnis utriusque sexus*. num. 18. tenet, Confessionem non esse de iure Divino, & multum illi placet hæc opinio. Et tamen ipse Abbas vixit post multum temporis post Beatum Thomam. Nos Moderni addimus Textum adeo clarum, & expressum, ut solum in hæresim incidendo potest subterfugi, & sumitur ex Tridentino Sess. 14. cap. 5. & can. 6. & 7. In quibus dilucidè, & expressè hæc veritas deciditur.

32. Minor verò nostri argumenti, in qua dicebatur, *Antiquos extitisse in principio quæstionum*, mihi videtur per se nota. Nam nostra difficultas procedit de quæstionibus agitatis tum ab Antiquis, tum à Modernis; ergo hæc quæstiones habuerunt suum principium: non tempore Modernorum, ergo Antiquorum. Nec valet, si dicas, tempus antiquum dividi in tres partes, nempe in Principium, in medium, & in finem. Hinc argumentum procedere de Antiquis in principio, non de Antiquis in

medio. Non valet, inquam, quia jam habeo, esse anteponendos Doctores, qui quidem respectu nos sunt Antiqui, sunt tamen Moderni respectu illos, erga quos sunt anteponendi. Tum quia vel hi Doctores medii temporis invenerunt argumenta clara, & demonstrativa, & sic Moderni nostri non opponuntur illis, nec quæstionem agitant, sed supponunt. Tum quia, si agitant quæstionem, inveniant alia argumenta clara, vel clariora, ut accidit discutienti quæstionem, an confessio mortaliū sit sub præcepto; Ultra liquidem argumentum inventum à Divo Thomæ ex cap. *omnis utriusque sexus*. Moderni nostri afferunt argumentum clarius ex Tridentino. Quod si Moderni nil de novo afferunt, jam nullam auctoritatem merentur, cum ut oves sequantur pastores, nec officium Doctoris, sed Historici gerant.

33. Quod si Doctores medii temporis in illa quæstione non invenerunt argumenta clara; unde adhuc est locus quæstioni, tunc jam decursu temporis poterunt inveniri alia, etiam efficaciora, sive pro, sive contra. Sic pro communi opinione Antiquorum asserentium circumstantias aggravantes peccatum mortale non esse sub præcepto confitendas Moderni afferunt validum omnino argumentum ex Tridentino Sess. 14. c. 5. contra verò communem sententiam Antiquorum dicentium Beatam Virginem fuisse conceptam in peccato originali. Moderni invenerunt clarissima argumenta, quæ certè Scotus nec leviter insinuat. Ergo, sicut Antiqui medii temporis, qui erant Moderni respectu Doctorum in principio quæstionis existentium, præferebantur Antiquioribus ex eo capite, quia quæstiones fusiùs, efficacius, & plenissimè agitarunt; ita pariter, quia nostri Moderni plenissimè discutunt difficultates, quas non ita plene enodarunt illi Antiqui. Medii temporis, debent nostri Moderni præferri illis Antiquis medii temporis, & multò magis primi temporis.

34. Probatur secundò ex illo Textu  
N 4 Cle-

Clementinæ de Summ. Trinit. in quo Papa dissolvens illam difficultatem, in qua quærebatur, an in baptismo parvulorum infundantur gratia sanctificans, & virtutes, sic dicit: *Opinionem secundam, quæ dicit tam parvulis, quam adultis conferri in Baptismo informantem gratiam, & virtutes, tanquam probabilior, & dictis Sanctorum, & Doctorum Modernorum Theologiæ magis consonam, & concordem Sacro approbante Concilio duximus eligendam.* Nota ly *Modernorum*, & observa, quod Concilium in stabilendo hoc decreto ad duo respexit, ad dicta Sanctorum, & ad Theologiam Modernorum. Nescio, an in Decretalibus inveniatur decisio sic concepta in laudem Antiquorum. Certè Pontifices ultimi, qui proscripterunt plures opiniones relaxativas, ad Antiquitatem Doctorum non respexerunt, quamvis fatear quod ad Evangelium, & Sanctos Patres respexerint. Et si de Modernis Doctoribus non meminerit expressè, tamen, quia damnaverunt quidam Propositiones, quæ Antiquitus etiam defendebantur, & tunc damnatæ non sunt; debemus hoc dicere, quod Moderni nostri ita clarè veritatem illustrarunt, ut Sedes Apostolica motivum habuerit hisce temporibus determinandi veritatem.

34. Dices ex Fagnano num. 353. ex facto accidisse, quod opinio Modernorum esset probabilior, & magis consona dictis Sanctorum; unde ex hoc non licere arguere, quod pluri sit faciendæ Autoritas Modernorum, quàm Antiquorum; & si Antiqui eandem opinionem amplexi fuissent, illorum etiam meminisset Concilium.

Sed contra, quia in textu etiam dicitur, quod dabatur opinio asserens parvulis quidè culpam remitti, sed gratiam non infundi, cujus opinionis fit etiam mentio cap. *maiores*. de bapt. Quæro, qui tenebant hanc opinionem? non quidè Moderni, quia Concilium dicit, secundam opinionem fuisse magis consonam Modernorum Theologiæ; ergo Theologia Modernorum magis accede-

bat ad opinionem Concilii; ergo opinio opposita accedebat Theologiæ Antiquorum. Et quidè Divus Thomas 3. par. quæst. 69. art. 6. dicit, quod *quidam Antiqui posuerunt, quod pueris in baptismo non dantur gratia, & virtutes, sed imprimatur eis character Christi &c.* Jam nequit negari, quod opinio fuerit Antiquorum, (*quidam Antiqui*) & insuper si fuerunt *quidam*; ergo omnes non tenebant illam opinionem; ergo alii secundam amplectebantur. Hic patet evidenter Modernos illius temporis superiores fuisse Antiquis in duobus. Primò, quod *quidam Antiqui* primam opinionem hereticam sequebantur, nullæ verò ex Modernis. Secundò, quod, licet alii Antiqui sequerentur veram opinionem, tamen Concilium illorum non meminit, sed Modernorum. Ergo Concilium pluri fecit modernos, quàm Antiquos.

36. Nec juvat addere cum eodem Fagnano, inter illos modernos fuisse Magistrum, Alen. Albert. & Divum Thomam, quos quidè proponere Antiquis non est nefas, cum sint viri tantæ Nominis, & Famæ, quibus non sunt comparandi moderni nostri; Non juvat, inquam, & dimittendo Divum Thomam, utpotè Ecclesiæ Doctorem nedum, sed primarium etiam; Assero, nedum allegatos Doctores, sed etiam Richardum de Mediavilla, Henricum, Augustinum Anconitanum, Egidium, Rupertum de Russia, Petrum de Tarrantasia, Bellovacensem, & alios scripsisse de Theologia illis temporibus, quibus etiam respexisse Concilium, non dubito: & quibus modernos nostros esse anteposendos, utpotè tractantes quæstiones fusiore, & pleniori calamo, fuerit. Tum quia Concilium non meminit alias qualitates Doctorum, nisi modernitatem. Quia verò Lex debet esse clara, nec ambigua. cap. *erit autem*. 4. dist. & nihil superfluum habere, ut dicitur in præmio Sexti; ergo illud nomen *Modernorum* non est superflue positum; & sic debet aliquid operari. Non video autem quid aliud operetur, nisi movendo mentem

mentem Concilii ad Constitutionem faciendam.

37. Probatur tertio ex l. 4. ff. de in jus vocando. Ibi quærebatur, quinam intelligerentur sub nomine *Parentum*. Refertur opinio *Veterum* dicentium intelligi majores usque ad Tritavum. Aderat opinio cujusdam Gaii asserens, intelligi omnes majores usque in infinitum. Lex illa deserit Antiquitatem, & Gaii, & sic moderni, opinionem sequitur.

38. Probatur quarto ex Azone, qui in Summ. in rubr. Infort. de reb. dub. n. 3. sequitur opinionem, & subdit, oppositum Antiquos sensisse. Ecce Azo sequitur modernam opinionem, & relinquit antiquam.

39. Dices, Leges, & Doctores sequutos fuisse opiniones modernorum, non propter auctoritatem modernorum, sed quia illæ opiniones habebant rationes probabiliores.

Sed contra; quia Doctor acquirit auctoritatem, quatenus supponitur vera dicere, & esse veritatem in illa quæstione; cum ergo moderni habeant, & vivant in tempore, in quo invenire possunt rationes probabiliores, ut nunc concedunt Adversarii; sequitur modernos esse majoris Auctoritatis; ille enim pluris æstimandus est, qui probabiliora docet. Vide num. 45.

40. Ex dictis patet, pro modernis constare, in pluribus casibus fuisse præpositos Antiquis à Divo Thoma, ab Alberto, ab Argentina, ab Abulensi, & aliis præfatis Proceribus, & à Concilio; quare ergo nos non poterimus sequi horum vestigia? Quando ergo Adversarii asserent tot casus, in quibus discordantibus Antiquis à modernis Antiqui præpositi reperirentur modernis, tunc opinionem meam deseram; si verò non asserent, stabilis permanebo in mea sententia. Et quamvis sciam, exemplis non esse judicandum, quando in illo casu lata est lex juxta l. nemo C. de sentent. & interloc. omn. jud. tamen securus est, quando lex non adest, tunc enim est juxta exempla Sanctorum judicandum cap. de quibus. 20. distinct. &

cap. qui de mensa. 27. dist. & cap. si habes. 24. quæst. 3. ut notat Glossa in cap. allegato de quibus. Verb. *Exempla*. ubi observat, esse judicandum juxta exempla publicæ personæ. Porro in nostro casu habemus exemplum Clementis V. in Concilio Generali.

41. Nostræ conclusioni videtur obstare, quòd in Scholis leguntur Libri Antiquorum, Magistri, Henrici, Durandi, &c. non verò modernorum. Huic praxi oppono praxim universaliorem; Nanque omnes, qui volunt habere cognitionem plenam de quæstione, procul dubio confugiunt ad modernos, & in vanum pro tali assequutione confugerent ad Antiquos. Qui ergo præponit Magistrum magno Suario, legat Magistrum, & ego legam magnum Suarium. Si ille plura, & pleniori calamo accipiet à Magistro, æquum erit præponere Magistrum; si verò pauca, & egeno penit exarata, & sæpe obscurè dicta dilcet, anteponet Suarium, qui plurima, quæ divite disputatione, & clarissimè resolvit.

42. Quòd si Adversarii decantabunt errores in Suario; Respondebo, quando in Suario mille errores reperient, tunc locus erit dubitationi, quis sit præponendus, an Magister, an Suarius. Si tot non invenient, ut certè non invenient, dicimus minùs errasse, quàm Magister, qui in parvo Libro vigintisex errores asseruit. Qui Libellus cum ita se habeat ad magna volumina Theologiæ Suarii, sicut 26. ad mille; ita jure dixi, si reperiantur mille errores in Suario, cum errasset æquè, ac magister, tunc superesse difficultatem, an Magister, an Suarius sit anteponendus.

43. Potest quis dicere, mirum non esse magistrum toties errasse, cum vixerit tempore obscuro; Else verò grande opprobrium modernorum, quòd post tot decisiones claras, decipiant, & decipiantur toties. Et hinc Gregorius XIII. excusat errores Antiquorum Glossatorum ex eo, quòd vixerint tempore obscuro, & ante plurimas declarationes Romanorum Pontificum.

Respondeo; ex hoc summi argumentum ineluctabile pro modernis. Moderni vivunt tempore clariori, & post plures decisiones; ergo Moderni habent rationes clariiores, & plura argumenta. Quod si decipiuntur; decipiuntur non in illis difficultatibus, in quibus differunt, vel conveniunt cum Antiquis; sed in aliis, quæ ex novis decisionibus insurgunt; Una enim decisio est origo novæ quæstionis cap. *maiores*. de bapt. §. *verum*. Sic Moderni temporis Divi Thomæ, qui eliminaverunt turpem illam opinionem Antiquorum alserentium delectationem morosam carnalem non esse lethalem, non erraverunt in hoc, in quo dissidebant ab Antiquis; Sed erraverunt, v. g. dùm dicebant, in die festo relinquere mīsam ex quadam pigritia non esse mortale; ebrietatem solum assiduam esse mortale; jejunium sub præcepto incipere anno 26. Confessionem non esse necessariò pramittendam. Eucharistiæ, si habeat mortalia. Erraverunt, inquam, in hisce, & aliis plurimis, ut retuli supra, quia hæc materiæ tunc erant obicuræ, quas postea à modernis plenissimè ventilatas Sedes Apostolica decedit. Observa hic pro solutione difficultatis, quæ posset fieri, quoddam Propositiones damnatæ à Sede Apostolica non omnes sunt solum modernorum, sed. esse etiam Antiquorum, ut alibi demonstrabo. Et insuper errores modernorum sunt graviore, quàm Antiquorum, ut ex cap. 10. 11. & 12. colligitur.

44. Ex hoc more decidendi controversias Theologicas post longam disputationem, quem adhibet Ecclesia, ego evidens argumentum deduco, modernos esse præponendos Antiquis; cur enim, si Antiqui sunt præponendi venturis Theologis, tunc controversia non deciditur? si tempore antiquo tunc opinio probabilior habetur, cur Ecclesia non decedit quæstionem, cum aliàs sequatur opinionem probabiliorē. Clem. de Trinit. §. *fin.*? Quoddam verò Ecclesia statim non dissolvat quæstionem, sed. post diuturnum tempus à mota difficul-

tate, notavit Baconus in 4. distinct. 2. quæst. 4. art. 3. in quo asserit plures Canones, in quibus post longum temporis spatium à mota quæstione Ecclesia Romana difficultatem determinat; & hinc vidimus supra, Urbanum Octavum noluisse decidere quæstionem de Conceptione Beate Virginis, quia nondum Spiritus sanctus Ecclesia revelaverat veritatem. Et contra decedit quæstiones de necessitate Confessionis, de infusione virtutum in baptismo &c. Ergo Spiritus sanctus solum in fine temporis revelat veritatem, non verò in principio. Et sic revelat modernis, non Antiquis.

45. Adversarii debent fateri, & de facto fatentur, ut dicebam, modernos esse præponendos Antiquis, quando habebunt rationes probabiliores, esse verò postponendos in dubio, & ex præciso capite auctoritatis, nam tempus ipsis auctoritatem conciliavit.

Sed contra, quia jam concedunt, modernos posse corrigere Antiquos. Ergo in aliquo casu moderni sunt doctiores Antiquis. Ergo ab hoc casu licet arguere ad casus dubios; sicut, si semel te vici in pugna, præsumptionem magis habere possum te esse victurum, quàm tu; nēm ex præteritis præsumimus futura cap. *mandata*. cap. *scribam*. de præsumpt. Fateor etiam ego, quoddam temporis longitudine contulit auctoritatem Antiquis, sed non præcisè ex vi longitudinis; nam, ut animadverti, si liber Antiquus delituisse in arca, & nunc de novo inveniretur, procul dubio Author illius non esset magnæ auctoritatis; unde esset benè examinandus; & de facto Inquisitores in prima Editione Typographica alicujus Libri antiqui maximam curam ponunt in examinatione Doctrinæ ejusdem, quod non faciunt in impressione Doctoris Antiqui noti. Ergo non ratio præcisè longi temporis conciliat auctoritatem Antiquis. Ergo aliud hoc præstat. Hoc aliud est ergo, meo judicio, approbatio modernorum, qui ponderantes rationes Libri post maturam discussionem judicant

esse dignum veneratione, & exultatione, quæ viris doctis debetur. Ergo Moderni dant certam auctoritatem Antiquis, qui aliis dubiam solum haberent. Ergo moderni habent hanc certam auctoritatem, juxta illud philosophicum, *nemo dat, quod non habet*; ergo moderni majorem habent auctoritatem, quia certum est majus dubio.

46. Post hæc scripta invenio duos Doctores, Theologum unum, alterum Legistam, præponentes Antiquos modernis. Theologus est Pater Natalis Alexandri. Legista est Antonius Maria Coratius. Hic scripserat anno 1785. Ille verò adhuc vivit, & utinam vivat diu, ut Republicam Litterariam suis locubrationibus rursus condecoret. Hic ergo Tom. 6. Theol. libr. 3. de peccatis, reg. 16. ait, *Doctrinam morum à veteribus, & Sanctis magis, quam à Recentioribus petendam esse*. Pro hoc dicto allegat illos textus, in *Antiquis est Sapientia, Sapientiam Antiquorum &c.* Non te prætereat &c. De quibus egi supra à num. 10. Addit illud Timoth. 2. c. 1. *Bonum depositum custodi*. Et illud Cælestini I. Epist. 1. c. 1. *Desinat infestare novitas vetustatem*. Et illud Hormildæ Epist. 22. *Quid recentia cupitis, & prisca deseritis?* Tandem subdit illas propositiones à Clero Gallicano damnatas, quas retuli supra num. 21.

47. Observo, quòd Pater Alexandri conjungit *veteres* cum *Sanctis Patribus*. Si intendit significare, quòd opinio, quæ simul est & *Veterum* & *Sanctorum*, sit præponenda opinioni modernorum, hoc nemo Catholicorum negare potest, quia tunc est traditio Ecclesiastica, & sic certitudinem importat. Sed si intendit dicere, quòd opinio, quæ certò est veterum, & nondum est exploratum, quòd sit Sanctorum Patrum, sit præponenda opinioni modernorum, tunc respondeo ad ejus argumenta. Ad illud Timothei dico, ex contextu Epistolæ constare, Divum Paulum loqui de veritatibus fidei, ut observat Lirinens. comment. in eum locum cap. 27. quas veritates ipse Timotheus audierat à

Divo Paulo. Hinc dico, quòd, quando opinio veterum certò constabit, esse traditam ab Apostolis, ut certus erat Timotheus, tunc illa opinio erit præferenda, tanquam ipsa veritas divina, opinionibus modernorum, & ipsi moderni, si contra illam scriberent, non essent excusabiles; *qui enim*, inquit Angelicus Præceptor Quodl. 3. art. 10. & Divus Antoninus 3. part. tit. 5. cap. 2. §. 9. *Assensu opinionis alicujus Magistri contra manifestum scripturæ testimonium, vel contra id, quòd publicè tenetur secundum Ecclesiæ auctoritatem, non potest vitio erroris excusari, concor. Monal. Guill. & Host.* Ad nostra difficultas in hoc sensu non procedit, ut dicebam. Ad textus Hormildæ, & Cælestini dico, eodem modo esse intelligendos. Igitur constanter dicimus, & infra diffusissime demonstrabo, opinionem veterum Doctorum non facere rem certam, & hoc debet fateri ipse Pater Alexandri; nam ipsi etiam Antiqui, ut retuli, fatentur, opinionem modernorum esse præponendam Antiquis, si opinio modernorum sit *fulsa validioribus rationibus*. Ergo opinio veterum non facit rem certam, quia contra certitudinem non datur ratio valida, nec probabilis.

48. Est ergo opinio veterum diligenter examinanda, & ejus fundamenta discutienda, ut infra faciam de aliquibus opinionibus communibus Antiquis, & præcipue examinabo illam communissimam omnibus Theologis, & Canonistis per tria sæcula de Baptismo parvulorum in utero matris existentium, & probabo experientia evidenti, Fundamentum præcipuum illius non esse verum in illa universalitate, in qua illud Antiqui accipiebant: Ad illas propositiones damnatas à Clero Gallicano dico, salva reverentia, esse dimittendas. Vide, quæ dixi à num. 19. & vide etiam cap. 9.

49. Legista ille est Antonius Coratius Tom. 1. lib. 1. tit. 5. de comm. opin. qui per extensum tractat quæstionem præsentem, & est, ut dixi, pro Antiquis. Hoc nititur probare, primò, quia tem-

pms

pup omnia vorat, excepta veritate, quæ filia temporis dicitur, ut ex quodam Poeta refert Aul. Gellius lib. 12. Noct. act. cap. 12. in fin. Secundò, quia opinio Antiquorum sæpius ab aliis fuit ruminata, & impugnata; adhuc tamen non prostrernitur, sed stat invicta; si- guum evidens, quòd ut vera, & bona censenda sit, & meritò præferenda. Tertiò, quia in rei veritate Antiqui erant doctissimi; *nam ipsi usi sunt bonis libris, cum solum studeant textibus, & Glossis, vel textibus solis; & sic omnia in fonte viderent. Hodie vero cum sit tanta copia librorum, ut labori parcat, datur opera libris facillimis, in quorum lectura nihil addiscitur.* Hinc Alciatus, ut doctrinam sanam acquireret, per septennium solum Glossam, & Bartolum evoluit.

50. Sed contra, nam primum est pro me. Si veritas est filia temporis; ergo in prima parte temporis non possumus credere, natam fuisse veritatem, sed solum nasci post tempus transactum. Ergo, cum Antiqui vixerint in principio temporis, & Moderni post tempus transactum, quando incepta est quæstio, potiùs, ut supra deducebam ex hoc fundamento, debemus dicere modernos invenire veritatem, non Antiquos. Tum quia in pluribus casibus opiniones Antiquorum correctæ sunt à Modernis, non verò, è contra; ergo veritas potiùs nascitur in fine temporis, non in principio. Ex hoc patet responsio ad secundum; nam, si Moderni impugnant Antiquos, potiùs debemus dicere, modernos dicere veritatem, quàm Antiqui; quia moderni reperiunt fundamenta nova, quæ nec fuerunt cogitata ab Antiquis; quia verò hæc fundamenta nova aliquando sunt evidentia, & sic aliquando totaliter proster- nunt opinionem antiquam; & sic acci- dit in illis duabus quæstionibus de confessione mortalium, an sit sub præcepto, & an necessariò sit præmittenda communioni. Aliquando autem non sunt evidentia, sed tantum probabilia, quæ ex sua natura nequeunt prostrernere

oppositum, tamen debemus potiùs hæc credere vera, quàm opposita, eo quòd Doctores illorum, existentes in tempo- re minùs obscuro, judicant esse proba- biliora.

51. Tertium verò fundamentum est apertè frivolum, & in ultima parte est apertè injuriosum Modernis. Igitur si moderni non haberent textus, & Glos- sas, tunc argumentum curreret, quia in rei veritate, ut conclusio bona deducatur, oportet habere principia cla- ra, qualia sunt textus, & Glossæ. Argumentum etiam curreret, si moder- ni non possent studere, aut non stude- rent hisce principiis. At quis hoc po- terit dicere? posset quis per audaciam dicere, modernos illis non studere; at nemo diceret, quòd nequeant ipsi stude- re. Hoc ergo posito instruo argumen- tum valde efficax. Qui habet princi- pia, quæ alter habet, & etiam alia, hic potest melius scire veritatem; hinc vir, dum est senex, melius scit veri- tatem, quàm dum erat juvenis. Sed mo- derni habent textus, & glossas, quæ Antiqui habebant; & insuper habent alios libros, & alia principia, nempe novas declarationes Ecclesiæ, & textus noviter repertos Patrum &c. Ergo mo- derni possunt melius scire veritatem, quàm Antiqui. Quòd si moderni non studeant hisce principiis, tunc minoris autoritatis quidem erunt, non per se, & necessariò, sed ex incuria, & per accidens. Hoc mihi sufficit, quòd tem- pore modernorum veritas possit magis elucescere; & sic poterimus magis credere modernis, quàm Antiquis.

52. Præterea ipse Coratius num. 41. fatetur; quòd Doctor, qui plura scri- bit, sit maximè autoritatis ex Alciato in tract. præsumpt. reg. 1. præsumpt. 51. fin. & hinc dicit, Accursium tantam autoritatem sibi comparasse, quia to- tum jus interpretatus est. Et hanc ma- ximam credo omninò veram; nam, cum autoritas proveniat ex doctrina, quam quis habet, procul dubio, qui plura scribit erit maximæ autoritatis, quia ab effectu probat se esse veriatum

in

in illa materia. Subdit num. 43. illum dici jure, plura scribere, qui plenè pertractat aliquam materiam particularem. Ex hoc infert, in materia pignorum maximè esse auctoritatis Anton. Negus &c. Ex hac maxima clarè infertur Prærogativa Modernorum supra Antiquos, ut dicebam num. 20. & 21.

53. Quòd verò Coratius dicat, in leatura modernorum nihil profici. Cum ipse scribat in Jure, loquitur de Jureconsultis. De civilibus ego parvam, aut nullam cognitionem habeo; parvam quoque habeo cognitionem de Canonistis. Ex hac tamen procul dubio moveor ad sustinendum, Fagnanum longè meliùs enucleasse Canones Innocentio, Joanne Andrea, & aliis pluribus Antiquis; sed eam materiam, quas tangit, fusillimo calamo explicat, ut nihil ulteriùs videatur desiderandum.

54. Denique vellem, quòd hic Author reflecteret ad ea, quæ ibi dicit de senibus in casu secundo; ait enim, quòd senes sunt majoris auctoritatis, quàm juvenes, eo quòd senex habet ea, quæ juvenis habuit, & insuper ea concoxit, & digessit. Inso ego, nonne post studium Antiquorum advenit studium, & digestio modernorum? ergo quæstio meliùs est ventilata tempore moderno, quàm antiquo. Præterea, nonne moderni legunt ea, quæ scribunt Antiqui, & insuper alia, & alia plurima tradunt? Ergo moderni meliori calamo explanant jura, quàm Antiqui.

Hic subtexo textum Gersonis Cancell. Parisiens. sic scribentis: Spiritus sanctus interdum revelat Ecclesiæ, vel Doctõribus posterioribus aliquas veritates, vel expositiones Sacræ Scripturæ, quas non revelavit eorum prædecessoribus. Sic dicit sanctus Gregorius in 12. Danielis, *pertransibunt plurimi, & multiplex erit scientia Domini.* Ideo Moyles scivit, pluriusquam Abraham, Prophetæ, quàm Moyles, Apostoli quàm Prophetæ, & Doctores addiderunt multas veritates, ultra Apostolos. Quapropter dicere possumus, hanc veritatem, Beatam Mariam non fuisse contemptam in peccato

originali, de illis esse veritatibus, quæ noviter sunt revelatæ, vel declaratæ tam per miracula, quæ leguntur, quàm per majorem partem Ecclesiæ sanctæ, quæ hoc modo tenet. Ita Gerson Tom. 4. serm. de Concept. B. V. confid. 1.

## CAPUT XVIII.

*Textus Antiquorum pro opinione probabiliori. Et an in hac materia praeferendi sint Antiqui, vel Moderni.*

**I**N cap. 11. recensui Doctores sequentes opinionem probabiliorē, quos vocat Vendrochius Antiquos, & illustri Theologorum nomine exornat, & subdit, illos sequutos fuisse Parochos Parisienses. Felix Ecclesiæ Parisiensis, quæ habet Parochos adeo illuminatos, qui sunt in hac difficillima materia oculatiores, quàm magni illi viri Suarez, Vasquez, Valentia, Granado, Medina, Alvarez, Tapia, Joannes à Sancto Thoma, Diana, Pasqualigus &c. Sed si sunt adeo oculati, cur non coguntur à suo Episcopo ad laborandum non pro una Parochia, sed pro tota Ecclesiâ obtenebrata à libris tot Casuistarum? Illis adeo alios, qui procul dubio sunt collocandi inter Antiquos, cum vixerint ante annum millesimum quingentesimum, & sequuti sunt partem probabiliorē. Sunt ergo, Alfisod. Parisiens. Albert. Monaldus, Joannes de Friburgo, Ulrichus, Albericus, Pisanella, & ejus Supplementum, Nider, Bernardinus, Baptista Trovamala, Baptista de Salis, & Biel.

2. Quia verò juxta Glossam in cap. *ego solus*. 9. dist. V. *Quantalibet*. veritas à quocunque dicatur, omnibus est præferenda juxta textum cap. *quaritur*. 2. q. 7. Unde Augustinus in dict. cap. *ego solus*. non respiciebat ad personas dicentes, sed ad dictum, & hoc idem præstabat in cap. *nec quorumlibet*. ead. Ideo videtur



dendum, quæ, & quanta dicant hi Antiqui pro sua opinione, quia sic patebit, quinam sint præferendi in hac materia.

3. Primus Antiquus, qui allegatur à Vendrochio pro opinione probabiliori, est Henricus Gandavensis, dictus Doctor solemnus, & citatur in suis Quodlibetis, dictis *antius*, quodlib. 4. q. 33. in hac quaestione quaerit Henricus, an Doctoribus variantibus circa aliquid agibilem, & agere secundum unam opinionem est periculum, & dubium de peccato mortali; agere autem secundum aliam, est sine periculo, mortalius peccet ille, qui agit illud, de quo est dubium, an sit peccatum mortale, ut emere redditus ad vitam. Procedit verò sic: asserti primò illud Ecclesiast. 3. *Qui amat periculum, peribit in illo*; ergo in dato casu non licet sequi opinionem periculosam. Deinde arguit contra, quia sic multi essent in periculo peccati mortalis, & damnationis. Ponit mox duas condiciones pro Doctore requisitas. Prima pertinet ad statum illius, an v. g. in aliis decisionibus inventus sit verax, dubius, vel mendax secundum magis, & minus; qualiter vivat, si offendat, se esse amatorem veritatis non tam sermone, quam opere &c. Secunda spectat ad rationes; animadvertendum est etenim, an fundamenta sint efficaciora, validiora, & auctoritates expressiores. Ponit consequenter condiciones auditorum, id est illorum, qui agere volunt; Hi siquidem sunt vel Literati, & potentes discernere decisiones, & rationes Doctorum, vel sunt simplices, & impotentes &c.

4. His factis ponit conclusionem, quòd Auditor peritus agens illud, contra quod est Doctor efficacioribus rationibus, & auctoritatibus expressionibus, vel secundum existimationem creditur fide dignior, peccat mortaliter, & gravius, quam imperitus, qui & ipse agens peccat mortaliter; quia hic peritus quod agit, non est ex fide, id est Conscientia. Imperitus quoque peccat mortaliter, quia sic operando facit contra fi-

dei regulam. Et licet veritas in hoc casu sit ipsi occulta, non ei prodest, quia est ignorantia juris, quæ non excusat. Hanc tamen rigidam doctrinam videtur limitare; subdit enim, quòd principia legis naturalis expressa in Decalogo, & hominibus naturaliter inserta omnes debent scire, qui habent liberum arbitrium, & ignorantiam eorum nullum excusare; quæ verò deducuntur ex illis principiis, *foras ignorare licet aliquos simplices, & maxime habentes ignorantiam invincibilem, & debilitatem ingenii ad illa cognoscenda*. Tandem respondet ad Argumentum, *Sed contra*, & dicit, patere solutionem ad primum obiectum, scilicet ad textum Ecclesiastici.

5. Hæc est tota doctrina, quam hic Antiquus dat pro solutione gravissimæ, & difficillimæ quaestionis. Si unquam est verum, quòd Antiqui dissolvunt quaestiones paupere calamo, profectò hæc est. Si Probabilioristæ, ut defenderent opinionem probabiliorē, studerent solum Henrico, procul dubio obruerentur à Probabilistis multiplicibus rationibus, quas Henricus nec leviter insinuat; unde rubore suffusus experientia discerent, an Antiqui plene discutiant difficultates. Et tamen, quis credat inter Doctores allegatos, Henricum esse unum, qui melius agitat quaestionem? Sed nil mirum. Jam dixi in capite antecedenti, in principio quaestionum pauca penetrari à Doctoribus, cum materia sit obscurissima.

6. Secundus Doctor allegatus est Joannes Gerson tract. 36. Ego plurimum laboravi, ut tractatum hunc 36. reperirem; sed, quia meus codex est antiquus, & habet indicem intricatissimum, nescio, an invenerim. Referam, quod lego. Igitur part. 2. tract. 1. qui inscribitur, *Regula Morales*, fol. 128. alias 1. columna 2. fin. hæc pauca dicit: *Exponere se periculo peccati mortalis est peccatum mortale*. Vel sic: Agere incertum, & dimittere certum in materia morali est peccatum mortale, si tale sit incertum, quod sit mortale non solum per

leves conjecturas, aut ex suspitione trepida, & scrupulosa proveniente ex nimio timore cadendi in via Dei. Sed intelligitur, dum tale est vehementer, & probabiliter incertum aequè, sicut oppositum, vel magis, tunc illud, quod agitur, non carebit mortali culpa; aliter non oportet. Hæc Gerson prætereaque nihil. Eadem repetit in tract. de præpar. ad Missam consider. 3. post princ. pag. 211. column. 3.

7. Tertius Doctor est Divus Antoninus, & allegatur 1. part. tit. 3. cap. 10. sed quia in hoc capite sunt plura paragrapha, addendum est §. 10. verbi reverendo ad quartam. Hic verò ita scribit: Pro cuius enodatione difficultatis notandum, quod cum bona conscientia potest quis tenere unam partem alicujus opinionis, & secundum eam operari, exclusum tamen scandalum, quæ scilicet pars habeat pro se notabiles Doctores, dummodo talis opinio non sit contra auctoritatem expressam Sacre Scripturæ, nec contra determinationem Ecclesiæ Catholicæ, & quod etiam ex contrarietate talium opinionum non inducatur ad dubitandum, sed bonam sibi Conscientiam, & credulitatem formet de eo, quod credit tanquam de probabiliori parte, & præcipue quando quis adhibet diligentiam inquirendo, an liceat, nec invenit aliquid, quod eum sufficiens moveat ad hoc, quod sit illicitum. Quod sint contrarie opiniones inter Doctores, &c. Sanctus Doctor postea probat suam conclusionem, quod scilicet possimus sequi opinionem probabiliorē minùs tutam, & solvit aliqua objecta. Advertas, autem oportet, quod suum intentum est probare, quod non teneamur sequi opinionem tutiorem in conflictu opinionum, sed possumus amplecti opinionem saltem probabiliorē, licet minùs tutam. Unde nullum argumentum affert, quod probet, non posse in praxi sequi opinionem minùs probabilem, & minùs tutam; quin meo iudicio efformat argumentum, quod æquivalat pro nobis; dicit ergo: Non plus nocet homini errare in articulo Fidei nondum declarato ab Eccle-

sia, quàm nocere possit alius moralis contra aliquid agibile perpetratus. Sed constat communiter apud Theologos, quod in materia Fidei, dum Doctores sentiunt contraria, licitum est ante determinationem Ecclesiæ tenere unam partem, vel alteram sine periculo peccati, vel Fidei; ergo à simili licet unam opinionem in moralibus tenere, juxta limitata superius, ubi saltem magis Sapientes non sentiunt contrarium, & ubi paratus est obedire Ecclesiæ, si e errorem &c. Hoc est Argumentum Divi Antonini relictis probationibus majoris, & minoris propositionis. Observa illam particulam, juxta limitata superius, & poni in Conclusionē à Sancto Doctore, cum tamen ex vi argumenti non debuisset, quia in præmissis non collocatur, nec exigit, ut collocetur; quandoquidem in materia fidei nondum decisa ab Ecclesiā possumus sequi opinionem, nedum probabiliorē, sed etiam minùs probabilem, & æquè probabilem, de quo vide Major. quest. 2. Prologi, concl. 2. Hinc quotidie in publicis Thesibus Theologiæ audimus, propugnari problematicas conclusiones cum laude. Et supra retuli Divum Thomam, Divum Bonaventuram, & Richardum in his materiis fuisse problematicos. Et in Gerson excusso Parisiis 1521. apud Joannem Parvum part. 1. tract. unum ex quatuor. cap. 30. pag. 8. in margine vocatur utraque opinio Probabilis in materia de quodam facto Christi. Argumentum igitur allatum probat præcisè, quod, sicut in materia Fidei nondum decisa possumus sequi opinionem, licet possit esse falsa, ita in moralibus. Et Sanctus Doctor addit postea illam limitationem, saltem juxta limitata superius, &c. Si bene igitur expendatur Divus Antoninus, probat, in conflictu opinionum nos non teneri ad sequendam illam partem, in qua est certum nullum subesse peccatum; & hoc probat evidenter, & solvit aliqua argumenta, quæ contra hoc militant. Adde, nos posse sequi partem minùs tutam, si formet sibi bonam Conscientiam de eo, quod credit tan-

tanquam de Probabiliore; & hæc pars non est pro Probabilioristis contra Probabilistas, sed contra *Sicuristas*. Probabilistæ enim ultrò fatentur, posse deduci in praxi probabiliorem, & hoc securius esse, & tutius. At negant, adesse obligationem sequendi probabiliorem relicta minùs probabili, & tuta, & dicunt cum Divo Antonino sexta Regul. illud axioma: *In dubiis via tutior est eligenda*, esse intelligendum de *Consilio*, dum tamen dubium accipiat largè pro opinione. Hinc patet, Antoninum non esse contra Probabilistas, sed contra *Sicuristas*; & sic contra Vendrochium.

8. Allegatur Divus Antoninus etiam 3. par. tit. 3. c. 2. §. 7. Ibi facit questionem: *Utrum auditores diversorum Magistrorum sententium diversas opiniones excusentur à peccato, si opiniones suorum tenent, quando non sunt bonæ*. Pro solutione avertit Divus Thomam in quodl. 3. quæst. 4. art. 2. de quo alibi. Postea subdit: quòd aliquando aliqua fuerunt sub varia opinione Doctorum, antequam fieret determinatio Ecclesiæ, & pro illo tempore potuerunt excusari, qui unam, vel contrariam tenuerunt. Secus post determinationem Ecclesiæ; tunc enim nec simplices mulierculæ excusantur. Utramque partem probat exemplo. In quæstione utrùm Christus cùm Apostolis habuerit aliquid in communi mobilium; Utrumque nanque sine peccato poterat sustineri ante decisionem Joannis Papæ XXII. secus verò post talem decisionem. In his nihil habet de probabiliori sequenda. Postea scribit: *Addit Hostiensis, quòd cum sint diversa jura, & opiniones, scilicet non contra Deum, vel bonos mores, humanior sententia est præferenda, scilicet cæteris paribus, de transact. C. fin. aliàs standum est ei, quæ innuitur meliori rationi, distinct. 20. §. 1. c. Capellanus de Fervit. Adde etiam, quòd in his, quæ concernunt solum Conscientia in dubiis tutior via est eligenda de spon. c. juvenis, nec tamen de facili contraria opinio condemnanda. Hæc ultima verba procul dubio Adversarios opprimunt, qui, nedum facili, sed facillimè opi-*

nionem nostram suæ contrariam damnant. Si citant Divum Antoninum, sequantur in omnibus ipsum. Sequantur ergo opinionem probabiliorem, sed non tam faciliè damnant nostram; & sic ad invicem concordabimur.

9. Quartus est Joannes Major in prolog. 4. sentent. quæst. 2. ubi quærit, quid sit faciendum in contrarietate opinionum, potissimum mores tangentium. Primò notat, quòd Doctores sunt varii in opinionibus, nedùm in rebus Animam non tangentibus, v. gr. in Philosophicis, an quantitas sit res quanta, vel distinguatur; sed etiam in moralibus, v. gr. an possit conferri Beneficium Ecclesiasticum bono relicto meliori; an possit innocens probatus reus condemnari, & similia. Inde ponit primam conclusionem, quòd licet nullum, vel parvum sit peccatum opinari quamlibet opinionem in non pertinentibus ad fidem, vel bonos mores, debemus sequi tamen opinionem etiam in his, quæ est rationi conformior, *si sumus liberi*, idest si nulli Scholæ simus addicti, v. gr. si non simus Thomistæ, vel Scotistæ. Si enim simus addicti, sufficit, quòd sit *probabile*, quod defendimus. Liber verò debet sequi partem rationabiliorem, quia *per rationem homo differt à belluis*; ergo cum ratio sit sequenda, ubi plus rationis est, illud potius est sequendum. Duo vellem scire à Maiore, an Scotista addictus Scholæ Scotisticæ, qui potest sequi opinionem *probabilem*, differat à belluis; & si iste differat, cur ego non differam, si non sequor rationabiliorem? Nunquid esse additum alicui Scholæ supplet deficientiam rationis? Secundum, an homo differat à belluis per voluntatem? Si dicet, quòd sic, ut necessariò debet dici, & in sententia Scoti ratio voluntatis est quid perfectius, quàm ratio intellectiva; Ergo ego voluntariè amplectens partem minùs rationabilem adhuc distinguar à belluis. Certè Probabilioristæ à ratione aberrarent, si Probabilistas carperent tanquam sequentes belluas, nam bellua nullo modo sequitur rationem, nec potest sequi.

10. Ponit deinde secundam conclusionem: *Non est peccatum circa materiam Fidei banc partem tenere, vel illam ei contradicloriam, dummodo non constet, utra pars sit de Fide, & vera. Sed Sapientes, & Exercitati in illa parte tenent opposita.* Hoc probat exemplo de Divo Bernardo, Divo Thoma, Divo Bonaventura, Divo Augustino, & Divo Hieronymo, qui in hisce materiis contraria opinati sunt sine peccato.

11. Mox statuit tertiam conclusionem: *In materia morum securior pars est tenenda. Probatur. Tene certum, relinque incertum, inquit Sapient. .... Non ob aliud Francorum Reges Pontem Sancti Clodovaldi super Sequanam non pertransiunt, & Anglorum Reges non ingrediuntur Oxoniæ. Præterea quicumque se exponit periculo peccati, peccat; sed sic est de illo, qui opinione certa relicta opinioni minus apparenti se applicat.* Non est mirum, quod Doctor, aliis insignis, levibus adeo argumentis asseruerit Conclusionem adeo rigidam. Ex hac sequitur, quod, ut possimus sequi opiniones Divi Thomæ, Scoti &c. debeamus credere illas certas, quod puto delirium evidens. Impossibile est enim sine errore judicare certas omnes opiniones D. Thomæ, & Scoti.

12. Determinat quartam Conclusionem: *Quando opiniones opposita circa materiam morum sunt æque certa, potest homo sine peccato banc viam, vel illam oppositam imitari. Patet in casu de damnando innocente, ubi est æqualis apparentia de ipso liberando, & damnando &c.* Adverto, Thomistas non debere magni facere hunc Doctorem, dum ipse existimat §. secundo arguitur, quod Thomista modo nedum peccat, sed etiam scandalizat, & est imprudens multum, asserendo Beatam Virginem esse conceptam in peccato originali. Ego verò puto, quod ita dixerit ex eo, quod in conclus. 2. asseruit, Concilium Basilien- se, & Universitates decidisse contrarium. Si viveret Major hisce temporibus, quibus post Tridentinum, & post plures Pontificum Bullas ampliatus est

valde plus cultus Conceptionis Beatæ Virginis, addiceret profecto Thomistas Orco, & majoribus pœnis, si adescent, sed audacter, & insânè. Si ergo Major erravit in re evidenti, non magni est faciendus in nostra materia obscura; præcipue cum levissima argumenta asserat.

13. Contra tertiam Conclusionem, quæ sola est ad nostrum propositum, unicum solum Argumentum sibi objicit, & levissimum quidem, quod Moderni nec meminerunt. Objicit ergo, quod data sua Conclusionem non possemus emere vitalitia, nec redditus redimibiles, aut irredimibiles, ut tenuit scrupulosè Henricus. Consequens autem est absurdum, & contra praxim. Sequitur etiam ex illa Conclusionem, quod teneremur statim ad confitendum peccatum.

14. Respondet tripliciter ad exemplum de Redditibus. Primò dictum quidem Henrici esse securius, non tamen opinionem esse securiorem, utpotè minus rationabilem. Secundò negat illam viam esse securiorem, cum Sapientes, & rationes flectant se ad oppositum. Tertiò dicit, opinionem Henrici non esse securam, cum sit præter rationem, quin ejus rationes esse frivolas. Nescio, an Adversariis, quibus rigida solum arripit, hæc responsiones placeant. Ad exemplum de Confessione statim peragenda nec verbum respondet; Unde vult, quod applicetur hæc triplex responsio, sed certè non ita benè, cum hæc opinio habeat magnos, & plures Doctores, & rationes efficaciores, quam illa Henrici, quæ & est contra praxim, & destituitur à Doctoribus. Hæc sunt pauca, quæ hic Doctor asserit pro tam laboriosa doctrina.

15. Conradus Summenhart de contrac- quæst. 100. & Adrianus in 4. in quæst. de restitut. §. quia jam dictum est, sustinent, sequendam esse partem probabiliorem, si sit impudens tuta. Agitant quæstionem pleno casu, præcipue Conradus, non quidem tam luculenter, ut faciunt Moderni nostri. Hi Doctores

explicant quendam Textum Divi Thomæ contra Vendrochium, de quo suo loco.

16. Cajetanus in sua Summula paucissima scripsit, & satis confusè, & dicit, quod non licet opinionem cuiusvis assumere, ut regulam operis, quoniam eo ipso, quo operatio regulanda committitur opinioni, committitur regula ambigua, quia opinio omnis ambigua est, nupote cum formidine alterius partis. Subdit postea, quod non propterea aliquod opinione tenetur, quia diversi Doctores contraria sentiunt; quoniam cum huiusmodi contrarietate stat, quod una pars sit ratione sufficienti ad moralem certitudinem fulta, & jam non est opinio &c. Hæc pauca in materia tam ampla?

17. Dominicus Soto lib. 3. de Iustit. & Iure quæst. 6. art. 3. hæc paucissima scribit: *Igitur in primis necessarium est semper, sententiam secundum probabiliorē subscribere, etiamsi altera sit probabilis. In speculabilibus nanque Scholarum Disputationibus nullum inde constituitur periculum, quod quispiam minus probabilis ingenii gratia defendat. In Practicis vero, quæ aliena iura respiciunt, nefas est Iudici infirmiorē opinionem sectari. Sicut & Medico in practica, ex qua salus infirmi dependet, ac multo magis Theologo in his, quæ sunt Fidei. Quin verò Iudex alter faciens restitutioni fieret obnoxius, ex quo fit, &c.* Hic Doctor loquitur de Iudice, de quo his temporibus est certum debere sectari probabiliora, sicut & Medicus. Non attingit ergo difficultatem præsentem, quæ sistit, an possimus sequi minus probabilem, & minus tutam, quando solum agitur de peccato vitando. Vel ad summum difficultatem attingit in illis quatuor verbis: *ac multo magis Theologo in his, quæ sunt Fidei.* Hanc verò paritatem inter Medicum, & Theologum esse prorsus vanam, suo loco monstrabo.

18. Sylvester. Verb. *Opinio*. num. 1. hæc habet ad propositum: Ex Monacho non generatur aliquod præjudicium

veritati, cum inter diversas opiniones à Magistris approbatas, & Scripturis authenticis annotatas illam quis amplectitur, quæ sibi videtur magis consona rationi. Et num. 2. quærens cui opinioni sit adhaerendum, quando est varietas, resolvit quæestionem per plures distinctiones, quæ non multum faciunt ad propositum; Dicit tamen, quod sequenda est opinio communis, quando adest, & illam vocat communem, quando cum opinione Glossæ est aliquis solemnissimus Doctor, & bonæ Conscientiæ; & dicit, quod Iudex potest illum sequi, sicut faciunt Iudices Ecclesiastici. Ego, qui novi tot errores in Glossatore, timeam, ne pariter in casu erraret.

19. Subdit Sylvester: Si autem non apparet, quæ sit opinio communis, sed pro utraque sunt famosissimi Doctores, Iudex sequendo aliquam earum non tenebitur in simili casu, secundum quod voluit Inn. in cap. *ne innitaris*. de constit. quem sequitur Barthol. in l. fin. C. de pœn. jud. qui malè iudic. quod verum dicit secundum Innoc. quantum ad hoc, ut non puniatur in foro sæculari; secus tamen in foro Conscientiæ, quia debuit eligere eam, quæ validioribus rationibus firmatur arg. inst. de empt. & vend. §. *item pretium*. C. de edit. Divi Adrian. toll. l. *editio*; maxime si talis opinio sit subtilior, ut dicit text. in c. *Capellanus*. de Fieriis. Et si una innititur rigori scripto, reliqua verò scripta æquitati, præponitur æquior &c. & dicitur benignior ea, quæ favet iuramento, Testamento, *Libertati*, (nota hunc terminum) Matrimonio, Religioni, & Sacramento Nequit negari, quod hæc ultima verba non faveant Probabilistis sustentibus nos posse sequi quamlibet opinionem ex pluribus æquè probabilibus. Ponit alias distinctiones, quæ non multum ad nos pertinent. Porro hæc omnia verbatim sumpsit ex Angelo. V. *Opinio*. quod etiam fecit Tabiena alter Doctor Vendrochii Verb. *Opinio*. Unde hi duo Doctores in hac quæstione se habent, ut merè Historici, & sequuntur Angelum, velut una Avis sequitur aliam,

aliam, ut utar phrasi Antiquorum volentium denotare, quod Doctor nihil ponit de foro prater Scripturam.

20. Navarrus in Tom. 1. cap. 27. miscell. 6 num. 286. quaerit, quamnam opinio sit sequenda in varietate; & ponit diversas conditiones, quas debet habere opinio eligenda; & sic quod habeat consuetudinem pro se, vel textum, & argumentum, cui satis apte responderi nequeat. Vel si opinio non possit habere has conditiones, sit communis; & si non sit communis, eligatur ea, quae habeat plura fundamenta, *quamvis satis apte dissolvi queant*. His verbis cessantibus sequamur eam, quae est benignior, aut favorabilior, quae scilicet favet Juramento, Matrimonio, Doti, Testamento, Libertati, Religiosis rebus &c. Dicit postea, quod si nullo modo praedictorum una aliam opinionem superat, tunc eligendam esse opinionem, quam affirmant Doctores autoritate, & scientia in materia, de qua agitur, praestantiores. arg. l. *Septimo mense*. ff. de statu hominum. & eorum, quae per eam ait Dec. in cap. *proposuisti*. num. 11. de probat. & ita quam tenent Theologi, si quaestio est Theologica, &c. addit quatuor, ut opinio electa possit deduci in praxi. Primum, quod operans debet expellere dubium. Secundum nihil facit ad praesens. Tertium, quod *quamvis in foro contentioso regulariter praedicta observari debeant; in foro tamen Conscientiae ad effectum non peccandi sufficit eligere pro vera ejus opinionem, quem merito censemus esse verum idoneum ad id scientia, & conscientia praedictum juxta dicta num. 282. adde Gloss. 2. c. Capellanus de Feriis adjuncta Doctrina Panormitani*. Navarrus hic meo judicio, asserit, quod in foro Conscientiae non sit necessarium, ut sequamur praestantiores in illa materia, quae doctrina multum favet Probabilistis.

21. Subdit quartum: *Non videtur una opinio appellanda communis ad effectum praedictum alteri eo solo, quod plures eam sequantur tanquam oves alia alias, quae praecedunt sine judicio sequen-*

*tes, velut oves, quae unam volentem alia omnes sequuntur secundum Decium in Consil. 494. fin. Communiorem enim ad hoc existimarem illam, quam sex, vel septem Auctores Classici ex professo tractantes asserunt, quam probatam a quinquaginta sola fere auctoritate priorum duellis; Opinio enim communis non ex numero opinantium, sed ex pondere auctoritatis sit. ut dicit Alexandr. Consil. 202. lib. 7. num. 6 quin & arbitror utramque ad hoc posse dici communem, quando utraque habet octo, vel decem assertores graves, & cum judicio eam diligentes. Quo fit, ut non sit multum laudanda diligentia quorundam Recentiorum inquirentium, utram teneant plures. Approbo Doctrinam, sed non ejus sequellam, utpote non bene deductam; Nam Recentiores non asserunt plures Doctores, ut probent solum suam opinionem esse communem, sed etiam ut demonstrent pluribus placuisse, quod ad aliquid juvat. Si enim juvat, quod plures iudices dent suum judicium, & ad hoc movetur ex mero auditu fundamentorum causae, cur non juvabit, quod plures Scriptores legant fundamenta alicujus causae, & illa scribendo dent suum judicium circa eandem causam? Non video disparitatem; Assero tamen, esse pluris estimandam illam opinionem, quae habet, v. g. octo Doctores, qui novis rationibus illam confirmant, quam illam, quae habet centum Doctores, quorum nonagintasex, v. gr. solum rescribunt ea, quae alii docuerunt, ut in nostra quaestione fecerunt Sylvester, & Tabiena ex Angelo, qui prius ea omnia docuerat; unde nec illa iterum repeto sub nomine ipsius Angeli.*

22. Vendrochius, ut redderet suam opinionem, quae procul dubio est in materia Theologica, copiosiores Doctoribus, pro illa attulit etiam Panormitanum Canonistam in cap. *Capellanus de Feriis* num. 3. Si volebat alios Canonistas addere, & se veritatem etiam inter Canonistas demonstrare, debuit legere Joannem Bertachinum, & Card. n. l. m. Tulkum Verb. *Opinio* & invenisset plu-

plures; Sed p̄ce ipsius, & Fagnani etiam, qui Canonistas allegat pro hac materia, dixerim, sunt parvæ auctoritatis, quia hæc materia est eruenda ex universalissimis principiis legis naturalis; & ex Sacra Scriptura, quorum consideratio ad Theologum spectat, non Canonistam, qui tractat quæstiones dependentes à jure Pontificio ex Divo Thoma quodl. 9. art. 13.

23. Referamus, quæ habet Panormitanus. *Inter plures opiniones illa, inquit ipse, sequenda est, quæ nititur meliori, & subtiliori ratione*, quod nota bene. Non ergo debet haberi respectus ad qualitatem personæ illam foventis, sed ad illius rationem: quod facit contra illos, qui dicunt, in disceptatione opinionum sequendam esse semper opinionem Glossæ, *quod mihi non placet, &c.* Nota mediam lineam pro Adversariis, & quatuor pro me. Juxta monitum ergo Panormitani persona fovens opinionem non est pensanda, sed ratio illius; Ergo Vendrochius in præsentī quæstione non debet adeo gloriari, & asserere pro illa stare Doctores in veterum Theologorum Choro palentes; pro nostra verò stare phalangem Recentiorum. Quòd illi isti Theologi, hi verò Recentiores ex placito Panormitani nil refert. Eorum rationes sunt æstimandæ. Si hæc sunt vera, cum in hac difficultate Moderni plures rationes habeant, & melius quàm Antiqui, illas examinent; sequitur, in hac materia juxta Panormitani doctrinam potiores esse Modernos.

Legatur idem Panormitanus num. 6. ubi dicit, non peccare illum, qui non servat præcepta, *si in illa materia adsit varietas opinionum.* Quæ doctrina clare favet nobis. Sed de hoc suo loco.

24. Nunc recensenda sunt, quæ habent in hac quæstione Doctores à me allegati. Guillelmus Altsiodorensis edidit Librum in quatuor Libros Sententiarum. Fuit valde scrupulosus, sed paulò minus, quàm suus coetaneus Guillelmus Parisiensis; ipse siquidem admittit ignorantiam facti excusare, ut habet in 3. tract. 29. part. 1. cap. 1. de igno-

rant, quæst. 3. & in 4. de imped. coeundi quæst. 3. ad 1. pag. 52. quod negavit Parisiensis de leg. cap. 21. litt. D. pag. 17. Hic ergo Author in 1. de divin. Notionibus. cap. 5. quæst. 3. ait, *quòd versari magis ad unam partem, quàm ad aliam propter aliquas rationes, hoc sit opinari.* In 2. tract. 29. 1. part. de ignorant. q. 3. dicit, *Ignorantiam facti quidem excusare, non tamen juris.* In tract. 30. cap. 3. de falsis judiciis asserit, suspicionem esse opinionem titubantem in alterutram partem, *magis tamen in alterum vergentem. Et si non magis vergat in alterum, non est suspicio, sed dubitatio.* Unde, ut opinio sit suspicio, duo requiruntur, scilicet ut opinio titubet in alterutrum, & non per firmas conjecturas magis vergat in alterum. Si per hunc Doctorem opinio est, quando per aliquas rationes intellectus versat magis in unam partem, quàm in aliam, cum opinio minùs probabilis non verset magis in unam partem, sed potiùs opinio opposita, sequitur, quòd opinio minùs probabilis non sit verè opinio, sed potiùs *Dubitatio*; & sic erit inepta ad mores. Præterea per hunc Doctorem *Ignorantia juris neminem excusat.* Hoc axioma videtur intelligendum juxta ipsi, etiam de jure obicuro, quia loquitur de ignorantia dispositionis, *qua quis aliter opinatur de re, quàm sit.* Opinari autem contigit solum in obicuris; Ergo opinio minùs probabilis, si sit falsa, & sit juris, non excusat operantem. Sic discutere debemus secundum principia scrupulosa Altsiodorensis.

25. Ex his sequitur, quòd si opinio Divi Thomæ, & Scoti, & reliquorum Procerum, etiam Sanctorum Patrum, sit falsa, & contra jus, operans juxta illam opinionem non excusatur. Hoc quàm sit absurdum, nemo non videt; Ad hoc absurdum infra deducemus Vendrochium ipsum. Joannes Gerson par. 2. tract. de præparat. ad Missam consider. 3. asserit, esse regulam magistralem Altsiodorensis, quòd dubitans taliter, quòd sit vehemens, & magis, aut saltem æquè inducit mentem credere, quòd

quoddam sit licitum, & illicitum.

26. Guillelmus Arvernus Episcopus Parisiensis in tract. de leg. c. 21. pag. 56. hæc breviter scripsit: si quis autem quærat de illo, qui invenit Doctores, vel Prædicatores contrarios, videlicet unum fidelem, & alium infidelem; nec sufficit scire ex proprio sensu, vel ex dictis eorum, vel ex vita, cui magis credere debeat, an requirit Deus ab isto, ut divinæ fidem. Hic procul dubio, quia non habet de humana ratione, quid faciat, implorare debet divinum auxilium, ut dicit Augustinus, & tota instantia deprecari, ut illuminator animarum Deus viam veritatis ei ostendat, & cor ejus applicet ei parti contradictionis, quæ vera est, & eidem accepta.

Idem sentiendum est & in illo alio casu, videlicet si seductor sub prætextu veri, Catholicique Doctoris simplici alicui, & indocto errorem aliquem impietatis prædicet, quia Deus cor ejus avertet, ne illi credat; nisi hoc vel negligentia ejus, vel alia culpa impediatur, custodit enim Dominus diligentibus se.

27. Pagina sequenti consequenter ad supradicta asserit, etiam ignorantiam facti non excusare à toto, sed à tanto; unde subdit, quod si alicui marito noctu introduceretur aliena mulier, nisi aliqua viri culpa hoc impediatur, avertet Deus cor ejus, ne cognoscat mulierem sic juxta eum jacentem. Quia autem hic Doctor nequit negare, Jacob cognovisse Lyam vice Rachelis uxoris, coactus est scribere, Jacob potuisse peccare, sicut Loth inebriari, & Judam fornicari potuerunt. Ex illis verbis cui magis credere debeat, clarè arguitur, hunc Doctorem nos obligare ad sequendum Doctorem, & Prædicatorem, qui sit dignior fide; & sic ejus opinio sit probabilior. Sed forsitan posset dici, hunc Doctorem loqui in materia clara, in qua potest dari certitudo, in qua materia Probabilitas non valet, etiam per nos.

28. Albertus Tom. 19. qui dicitur Summa de Creaturis de Homine tract. 1. quæst. 70. art. 2. quæst. 2. scribit: Quæritur hic de regula quorundam dicentium

quoddam, si aliquis est dubius de aliquo, an sit mortale peccatum, & facit illud peccatum, mortaliter peccat propter contemptum. Ponamus enim, quoddam dubitet, & habet probabiles rationes ad oppositum, sed tamen non sufficientes, tunc enim non videtur contemnere, eo quod sequitur magis Probabile.

29. Huic quæsito respondet magnus Albertus. Duplex est dubitans, scilicet dubitans supponens aliquid magis esse, quàm non esse, & de tali intelligitur regula, & est dubitans nihil supponens, & hoc non est verum. Ecce per Albertum, dubitans per rationes probabiles magis esse peccatum, quàm non esse, si operatur, mortaliter peccat propter contemptum. Nota tamen obiter contra Adversarios, illam regulam de dubitante, & cum dubio operante non fuisse regulam communem Theologorum, sed solum fuisse Quorundam.

30. Villelmus Rodonen. Glofs. Raym. posset allegari lib. 3. tit. de lapsis §. 4. V. Probabilis, ubi dicit: Idem intelligo, quando quis probabiliter dubitans, de sua excommunicatione, maxime cum conscius est de culpa, propter quam iuste potuit excommunicari, celebrans in excommunicatione committit se discrimini. Item tit. de sentent. defin. præcept. & excomm. §. ult. Verb. Presumatur. ait, quoddam si quis non sit certus se esse excommunicatum, sed habeat de hoc probabilem excommunicationem, faciat se absolvi, ad cautelam; arg. c. inquisitione de sentent. excomm. Eadem habet lib. 2. tit. 1. §. 4. V. Sententiam sanguinis. §. 5. V. Ex illa. & §. 9. V. Poterunt promovere. Subscribit Alesius lib. 7. tit. 12. quæst. 18. & tit. 14. q. 2.

31. Sed cum hi textus contineant doctrinam, quæ habetur in d. c. Inquisitioni; Ideo sicut hic canon non est pro Probabilioristis, ita nec textus prædicti. Alibi respondebitur melius. Pro nunc dicere sufficiat, illos esse intelligentes, quando pro parte rigida adest opinio probabilis, non verò pro benigna; tunc enim, cum pars benigna non habeat aliquam rationem, nequit esse regula voluntatis, quæ solam rationem sequi-



ur. Hæc responsio omnino quadrat, præcipue Rodonensi, qui sæpissime, ut videbimus, asserit, esse amplectendam opinionem benignam, rigida dimissa; & hoc, quia illa opinio *benignior est*, quæ doctrina potest esse vera solum, in casu, in quo utraque opinio est æqualis in Probabilitate, & differt una in benignitate, altera in rigiditate. Ergo, ne faciamus Rodonensem sibi contrarium, debemus dicere, in primo loco loqui, quando una solum pars est probabilis; in secundo loco, quando utraque est probabilis.

32. Monaldus in Prologo suæ Summæ scribit: Sed eadem diversa circa unam, & eandem materiam in præfenti Opusculo studiosè conscribens duxi hæc Lectionibus discretis relinquendum, ut illam opinionem accipiant, quæ ipsis videtur esse magis consona rationi, quæ non possit aliquid præjudicium erga veritatis sententiam generare, quicquid accipiat ex eis, cum quolibet sit à Magistris, & approbatus Doctoribus, in scriptis authenticis adnotata studiosius. Non ergo miretur aliquis, si modus &c.

33. Joannes de Friburgo, aliàs Theutonicus, in sua Summa libr. 3. titul. 32. quæst. 18. facit quæstionem, *an Auditores diversorum Magistrorum tenentium diversas opiniones excusentur ab erroris vitio eos sequentes*. Primo offert textum quodl. 3. art. 10. Divi Thomæ, postea subdit: Nota etiam, quod Monaldus in Prologo Summæ suæ dicit, quod non generat aliquid præjudicium erga veritatis sententiam, cum inter diversas opiniones à Magistris approbatas, & Scripturis authenticis annotatas illam opinionem quis amplectitur, *quæ sibi videtur magis consonationi*. Concordat etiam cum his Glossa Vill. & Ulric. Ecce hic Doctor nihil de suo ponit, sed totum ex Divo Thoma, (qui tamen nihil ipsi favet, sed potius opponitur loco citato,) ex Vill. & Ulrico, & Monaldo haurit, quod totum sunt quatuor lineæ. Jam vidimus Villæum nihil favore Probabilioristis,

34. De Ulrico hæc reperio quoad præsentem quæstionem apud Conradum Summenhart de contract. quæst. 100. post tertium Conclus. *vers. contra prædictas opiniones*, & Joannem Nider ubi infra. Ulricus in Summa sua dicit, quod si quis de aliquo agendo dubio magis peritos consulat, *de quo nullam habet expressam auctoritatem*, utrum sit ita, vel non; dummodo formet sibi bonam conscientiam, *etiamsi res aliter se habeat*, quàm id, quod sentit, & quod sibi consultum fuerit, *excusatur*, quia fecit, quod potuit, & *Deus plus non requirit*. Vide quàm pauca dicat in quæstione tam ampla, nec multum ad propositum!

35. Albericus de Rose V. *Opinionem sui Magistri* asserit, esse magis credendum *melius opinanti*; & quod sit tenenda opinio quidem sustinens matrimonium, nisi esset evidenter falsa, vel nisi posset convinci probabilioribus rationibus, ut notatur in c. *ne innitatis*. de constitut. Abbas in c. fin. in princ. de re judic. & in c. *Capellanus* de fer. circa princ. & si Doctores sunt varii in aliquo Article, sequenda est humanior, idest rationabilior, & æquior, ad hoc bonus text. in c. *si vir*. Verb. *Humanus*. de cogn. spirit. & ibi notat Abbas post alios.

36. Bartholomæus de Pisis, & ejus Supplementum. V. *Opinio*. faciunt solitam Antiquorum quæstionem, utrum *Auditores diversorum Magistrorum tenentium diversas opiniones excusentur à peccato, si opiniones suorum Magistrorum teneant*. Pro solutione offertur Articulus decimus quodlib. 3. Divi Thomæ; Ultima verba hujus articuli sunt: qui ergo assentit opinioni alicujus Magistri *contra manifestam Scripturæ testimonium, sive contra id, quod publicè tenetur secundum Ecclesiæ auctoritatem, non potest ab erroris vitio excusari*. Addit Bartholomæus, concordant Monaldus, Vill. & Ulric. Supplementum explicans illa verba Divi Thomæ subdit: *scilicet quando error est contra manifestam sententiam scripturæ, vel Ecclesiæ*. Quis autem doctorem explicite, & expresse sanctus Do-

etor adequatè in illo Quodlibeto non solverat quæstionem illam: *Utrum Auditores diversorum Magistrorum &c.* cum solum expressè loquutus fuisset in materia clarè decisa à Scriptura, & ab Ecclesia, ideo Supplementum voluit litem dirimere in materia obscura, & incerta, in qua major quæstionis difficultas versari videbatur. Prosequitur ergo Supplementum: *In dubiis verò dicat Monaldus, quod non generatur aliquod præjudicium veritati, cum inter diversas opiniones à Magistris approbatas, & Scripturis authenticis annotatas, illam quis amplectitur, quæ sibi magis videtur consona rationi, & concordat Gloss. Raym. & Ulric. ut in Summa Confess. lib. 3. tit. 32. quæst. 18.* Ego noto, quod cum opinio, quæ mihi videtur magis consona rationi, non excedat lineam Probabilitatis, & possit esse falsa; ergo opinio probabilis per hos Antiquos, licet in se esset falsa, adhuc elset bona regula morum, quod est contra Vendrochium asserentem opinionem probabilem, contrariam legi æternæ, non exulare à peccato. Finis Supplementum. Hostiens. addit, quod, quando sunt diversæ iura, & opiniones, scilicet non contra Deum, & bonos mores, humanior sententia sit præferenda cæteris paribus. *C. fin. de transact. facit l. benignior ff. de leg. aliter verò standum esset illi, quæ meliori innitur rationi de Fer. c. Capellanus.* Observa Lector, quomodo istæ Summæ Antiquæ se sequantur, ut aves sequuntur aliam volantem; verbatim enim rescribunt, quæ priores dixerant.

37. Joannes Nider in Consolatorio timoræ Conscientiæ 3. part. c. 11. scripsit: Dico cum Altifiodorensi, quod regula Magistralis, videlicet dubians de aliquo, an sit licitum, & stante dubio illud agens peccat, quia discrimini se committit, intelligenda est de dubio tali, quod est vehemens, & magis, aut æquè inducit mentem credere illicitum, sicut quod est licitum; secus enim est, ubi mens inclinatur, & judicat, quod est licitum, quàm illicitum, quamvis non habeat ulquequaque certitudinem

evidentem, aut fixam, quia neque hoc ipsum requiritur.

38. Pater Gonzalez disert. 13. cap. 2. §. 9. asserit, Joannem Nider ibidem allegare pro hac opinione Monaldum, Humbertum, Ostiensem, Guillelmum Glossatorem Raymundi, Albertum Magnum, Goffridum de Fontibus, Petrum de Palude, Joannem de Gambaco, Joannem de Erdembergh, & Gersonem. Sed legenti hunc Doctorem patebit, omnes illos Doctores evidenter non esse pro tali opinione, audiamus verba præcitæ: Ad idem est Vill. Gloss. Raym. de sententia præcepti, definitionis, & excommunicationis (corrige libr. 2. de homic. §. 11. Verb. talis, vel talis.) dicens in apicibus juris, ubi dubitant etiam Sapientes, excusabilis est ignorantia; ubi si aliquis bona fide partem illam, vel illam elegerit, non debet super hoc conscientiam habere nimis scrupulosam. Idem item Vill. ubi supra in materia de decimis recitans duas opiniones dicit, quod illa prima opinio, scilicet quod antiquas decimas sine peccato in feudis retinere possunt laici, & quod ad hæredes transeant, benignior est, & ideo magis amplectenda. Notent hæc ultima verba Probabilioristæ, & negent, si possunt, stare pro sententia Probabilistarum asserentium inter duas opiniones æquæ probabiles nos posse amplecti partem benigniorem. Sed de hoc fusè suo loco. Vide num. 30. quæ dixi de hoc Villemo.

39. Sed audiamus iterum Joannem Nider, qui eodem loco sic prosequitur scribere: Item reperi in Libris veteribus Nostri Prædicatorum Ordinis responsa plura, quæ data esse videntur à Domino Alberto, eo adhuc vivente, quæ sic sonant. Item dicit idem, quod frater simplex, vel quilibet Homo cum salute potest sequi in Consiliis quæcumque opinionem voluerit, dummodo alicujus Magni Doctoris opinionem sequatur. Sic Nider. Ego quidem puto satis probabiliter, Albertum in hoc suo dicto esse pro nobis; ac credo esse certum in hoc loco non favere opinioni probabiliori. Eadem vero de

Glossatore Raymundi, ut alibi expendendo illum textum demonstrabo

40. Supra idem Doctor retulerat verba ex Ulrico, quæ supra dedi, quæ parum, aut nihil favent Adversariis. Supra quoque scripserat Nider: *Humbertus in expositione Constitutionum Ordinis Prælatum dicit: quia fructus austeritatis impeditur soles per nimiam austeritatem in Consiliis, & opinionibus; terrentur enim homines ex hoc instantium, ut salutem negligant; Idcirco relaxanda est, quantum fieri potest austeritas, & agendum est cum hominibus benignè; quia sic melius trahuntur ad salutem, cum sententiæ mitiores tenentur.* Hæc Humbertus.

41. Vides hominum diversa judicia! Plures Probabilistæ allegant hanc declarationem Constitutionis Dominicane pro sua opinione; Hic verò Probabilista asserit eum Joanne Nider stare pro probabiliori. At ego puto evidenter, Probabilioristis non favere; nisi tamen pro opinione mitiori intelligant Probabiliores, quod esset prorsus ridiculum. Igitur secundum Humbertum debemus, sequi opinionem mitiorem, & relinquere austeritatem in opinionibus, & consiliis. Ergo comparando austeritatem, & benignitatem *austeritas est fugienda, & benignitas amplectenda.* Ex hoc ego infero, si duæ opiniones sint æquè probabiles, & differant, quod una sit austerior, altera benignior, quod benignior sit tradenda. Si enim opinio benignior, ut amplectatur, debet esse probabilior, nihil per Adversarios differret ab austerior, cum per ipsos, si opinio austera est etiam probabilior, de necessitate austera est sequenda. Hanc doctrinam fusiùs prosequar infra cum agam de æquali Probabilitate.

42. Quod attinet ad Goffridum de Fontibus, & Petrum de Palude, non sunt pro Probabilioristis, sed clare pro Probabilistis; quia asserunt, Confessarium debere absolvere poenitentem sequentem opinionem contrariam; ergo per hos Doctores Confessarius probabilis iudicat, hunc poenitentem non esse

absolvendum; adhuc tamen asserunt, esse absolvendum; ergo obligant Confessarium ad absolvendum cum opinione minùs probabili. Hoc erit unum ex Argumentis pro opinione minùs probabili, ut patebit infra; unde illic Lectorem remitto.

43. Item nec Joannes de Erdemberch est pro Adversariis, scribit enim: *Si quis probabiliter credit, se esse in peccato mortali, sed non firmiter, sed tunc statim se retrahit, & dicit, non esse mortale; & tamen non sufficienter potest, se retrahere, quin sibi occurrat; dico, quod in tali casu bene potest accedere ad communionem, tamen semper retrahendo opinionem suam.* Hucusque Erdemberch in 4. dist. 9. apud Nider. Nil credo favore Probabilioristis in hoc textu.

44. Hinc patet, Patrem Gonzales non bene citasse pro sua opinione Humbertum, Guilielmum, Albertum Magnum, Goffridum de Frontibus, Petrum de Palude, & Joannem de Erdemberch. Puto etiam, nec bene allegari Joannem de Gambaco; sed, cum sit Author parum nominatus, parum curo, etiamsi sit pro ipso.

45. Dixi Bernardinus Tom. 2. serm. 42. in Dominica Passionis art. 1. c. 2. fin. rescribit verbatim quaestionem, & doctrinam Henrici supra relatam ex Quodl. 4. quaest. 33. neque aliquid addit; unde nec illam repeto. A nullo Probabiliorista vidi citatum hunc Textum. In Tom. 1. Ser. 2 post Quinquages. serm. 3. art. 3. cap. 1. fin. scribit: Tertiò sunt aliæ Scripturæ ab Ecclesia dubitatæ, vel non approbatæ; videlicet aliquæ opiniones diversorum Doctorum, etiam approbatorum inter se contradicentium in quibusdam, quæ sunt necessaria ad salutem; sicut pater de Salomone, quem Augustinus opinatur esse damnatum, & Ambrosius illum esse salvatum, & sic de multis aliis similibus, de quibus permittit Ecclesia, variè sentiendum tara de Antiquis, quam de Doctoribus novis; secundum enim Scotum, & Hostien, quando sunt diversa jura, & opiniones, quæ tamen non sunt contra Deum,

Deum, & bonos mores, ceteris paribus, humanior preferenda est de transact. c. fin. aliis enim standum est, quæ meliori rationi innititur. c. *Capellanus de Fer.* Forſan etiam huic opinioni fauet, quæ dicit eod. Tom. ſerm. 17. in præm. alſerit enim, Iudicem per ignorantiam juris dantem ſententiam falſam obligari ad reſarciendum damnum. Fa-vent iſſis, quæ habet Tom. 2. ſer. 4. poſt ſecundam Dominicam Quadrageſ. ſerm. 21. art. 2. cap. 6. fin. & ſerm. 41. art. 2. cap. 2. fin. Clarè ergo Divus Bernardinus eſt pro Probabilioriſtis.

46. Baptiſta Trovamaſa in ſua Summa, quæ dicitur *Rofella*. Verb. *Opinio* facit ſolitam quæſtionem; *An auditores diverſarum Magiſtrorum &c.* Pro ſolutione recitat articulum decimum quodl. 3. Divi Thomæ. Poſtea ſubdit ea, quæ addidit huic Quodlibeto Supplementum Piſanellæ, reſiſtiſt paucis. Hic ergo Doctör officium facit Hiſtorici, non Magiſtri.

47. Gabriel Biel in 4. diſt. 15. quæſt. 8. dub. 2. litt. S. reſert Geſonem part. 2. tract. 1. de regul. moral. quem retuli ſupra. In eodem 4. diſtinct. 16. quæſt. 3. litt. DD. hæc alia pauca habet: Si habet moraleſ certitudinem, ſive probabilem conſecluram, ſe habere aliquod impedimentum magis ex hoc credens ſe indignum, quam non indignum accedendo ad Eucharistiã mortaliter peccat, licet etiam impedimentum, quod ſuſpicatur in eo fore, non ſit in eo. Hæc pauca Gabriel.

48. Baptiſta de Salis. Verb. *Opinio*, facit quæſtionem, utrum *Auditores diverſorum Magiſtrorum tenentium diverſas opiniones peccent, eos ſequendo*; & pro ſolutione aſſert Quodlibetum 3. art. 10. Divi Thomæ, poſtea ſubdit dictum Monaldi toties recantatum, & tertio ait, ſequendam eſſe opinionem communem. Ecce hic de ſuo nihil ponit, ſed more Hiſtorico narrat, quæ alii dixerant.

49. Forſan pro hac opinione eſt etiam Guido de Monte Rocherio, qui ſcripſit Summulam dictam, *Manipulus Curatorum*. Hic Doctör eſt valdè ſcrupuloſus, & multoties relatis pluribus opi-

nionibus ſic concludit, quamvis opinio ſit melior, ſit probabilior, arbiſrio Leſſoris remittitur. Ecce quod non audent determinare quæſtionem; niſi ſciat partem probabiliorem.

50. His Doctöribus, qui per me verè inter Antiquos numerari debent, poſſunt addi Pelbartus in Roſario tom. 1. Verb. *Opinio*. num. 6. & 7. Ioannes Altenſtaig. in Lexic. Theol. Verb. *Opinari*. Bartholomæus Fumus in Aurea Armilla Verb. *Opinio*. num. 3. Ioannes Bertachinus in Repertorio Legali plures Legiſtas aſſerens. Verb. *Opinio*. Hi Summiſtæ nihil adducunt de ſuo, ſed omnia ex aliis, & præcipuè ex Angelo deſumunt, quamvis illum non meminerint. Hos ego non reputo inter Antiquos, Pelbartus ſed enim vixit anno 1500. Altenſtaig 1517 ut ex præſationibus ſuorum Operum liquet. Fumus paulò poſt vivebat. Bertachinus verò floruit anno 1533. ex Poſſevino in Apparatu Sacro. Poſſet etiam his Doctöribus addi Antonius Corduba, qui ex profeſſo quæſtionem agitavit, & pro Probabiliſtiſtis reſolvit in ſuo quæſtionario libr. 2. quæſt. 3. Scripſit anno 1577.

51. Ex mea doctrina recitata de reſquiſitis ad Antiquitatem Doctörum patet, Doctores allegatos à Vendrochio non omnes eſſe Antiquos, ſed ſolum quinque, nempe Henricum, Antonium, Panormitanum, Geſonem, & Angelum, quibus additis, quos allego ego, ſcilicet Guilielmum Altiſiodorenſem, Guilielmum Pariſienſem, Monaldum, Albertum, Ioannem de Friburgo, Bartholomæum de Piſis, & ejus Supplementum, Ioannem Nider, Divum Bernardinum, Baptiſtam Trovamaſa, Baptiſtam de Salis, Gabrielem Biel cum *Utrico*, ab his citato, conſtat eſſe decem, & octo Doctores Antiquos, qui ſtant pro ſequenda probabiliori, quibus, ſi placeat, addere unum, aut alterum allatos à Ioanne Nider, videbimus, militare pro eadem viginti Doctores Antiquos, pro qua etiam ſtant alii quinque Doctores. viventes poſt annum 1500. & ante 1600. à me allegati, &c.

& alii quinque relati à Vendrochio. Sunt ergo omnes numero triginta

52. Antiquis Doctoribus oppono has exceptiones. Prima sit, quod nullus agitavit quæstionem ex professo, referenda argumenta pro, & contra. Et Henricus, qui in suis quodlibetis solet esse diffusus, in hac difficultate jejune admodum se habuit; & solum unicum Argumentum sibi opposuit, quod non multum à nobis æstimatur. Hæc exceptio est maximi ponderis, ut per se est notum, qui enim non ponderat argumenta principaliora, quæ possunt obstatæ, iam plene non est doctus illam quæstionem; unde facile potest decipi. Hinc, licet omnes Antiqui Doctores universaliter dixerint, infantem totaliter positum in utero matris non posse baptizari, quia omnes supponebant, puerum in illo statu non posse abluï; tamen plures Moderni profundius tractantes hanc materiam, & Medicos, Chirurgos, & Obstetrices consulentes pro certo cognoverunt, illum infantem sic se habentem posse ab aqua phlycæ aliando lavari, non secus ac alii omnes, & sic non obstantia tota Antiquitate probabiliter intulerunt, posse baptizari.

53. Secunda exceptio validissima est, quod Summistæ hujus opinionis rescribunt verbatim, quæ Monaldus, Angelus, Hostien, & Panormitanus dixerant, & præcipiæ quatuor lineas Monaldi, Hostiensis, & Panormitani; Unde propriè hi Summistæ sunt Aves aliam sequentes, ut dicebat Navarrus.

54. Tertia exceptio, & maxima etiam est, quia intricatissimam hanc obicurißimam, & profundissimam quæstionem, & universalissimam paucis admodum resolvunt.

55. Quarta exceptio est, quia nemo adducit pro ipsa Textum Canonicum, vel ex Sanctis Patribus, qui expressè, & clarè sit pro ipsis. Afferunt solum illa duo: *In dubiis tutior pars est eligenda. Tene certum, & relinque incertum;* quæ procul dubio à Patribus, & Canonibus colliguntur. Hæc autem Adver-

arii intelligunt universalissimè, ut sic pro ipsis militare probent. Sed hanc intelligentiam sic universalem nullo textu, & sic ex propria mente, atque adeo fallibilibus probant. Ex alia parte Probabilitatem intelligentiam ex manifestis absurdis rejiciunt, ut infra patefaciam.

56. Quinta exceptio est, quia quando Monaldus, Ioannes de Friburgo, & alii Summistæ dicunt, non fieri præjudicium veritati, si quis amplectitur opinionem, quæ sibi magis consona rationi viceatur, Quando, inquam hoc dicunt, non sunt nobis contrarii, nec asserunt fieri præjudicium veritati, si quis sequatur opinionem, quæ sibi minus probabitur, & vera videatur; nec hoc poterant dicere rationabiliter; nam falsum opponitur, & præjudicat veritati, non verò minus Probabile; & malè Thomista argueret: Opinio Divi Thomæ est probabilior; ergo opinio contraria Scoti est falsa; & quilibet addictus alicui Scholæ venè facit iudicando probabiliores opiniones sui Magistri; At malè, & protervè se gereret, si oppositas aliorum Magistrorum opiniones vel falsas, vel non probabiles iudicaret. Dea debet, in hoc casu monitum illud Divi Antonini, & aliorum Antiquorum optimum sequi: *Non est præcipianda sententia.* Hinc malè Fagnanus in c. ne immutetur. de constitut. num. 273. dixit, Doctores amplectentes unam opinionem damnare oppositam; nam Probabilitas unius non excludit probabilitatem in opposito; Hoc enim solum præstat certitudo.

57. Majus pondus hujus opinionis est, quod defenditur à duobus Sanctis, nempe à Divo Bernardino clarè, & à Divo Antonino. Sed adhuc dicere possumus: Primo, quod neuter quæstionem ex professo agitavit. Secundò Divus Bernardinus tradidit illam in sermonibus dictis coram multitudine Populorum, qui aliàs proni ad malum, periculum erat, ne malè intelligerent benignitatem opinionis oppositæ; unde melius erat, rigidam proponere. Tum quia in primo

textu nihil ponit de suo, sed merè dictum Henrici narrat; In secundo verò, in quo dicit: aliàs standum est illi, quæ meliori rationi innititur. c. *Capellanus* de Fer. meo iudicio, salva reverentia Sancti Doctoris, non omnino efficaciter probat intentum, nam in illo c. *Capellanus* solum Papa decidit, quænam opinio sit melior, & subtilior, & postea secundum illam decidit. Ex hoc tamen non sequitur, nos cogi ad sic faciendum, quia Papa sequendo suo facto aliquam opinionem non præjudicat oppositæ, ut textus est apertus in c. *litteras*. de restitut. spoliat. Tum quia multoties opinio est melior, non tamen subtilior, & tamen in hoc casu possumus meliorem eligere; ergo, quod Papa suo facto sequatur opinionem meliorem, & subtiliorem, non facit ius; & sic nos non obligat, quia non facta, sed Leges Principum nos ligant. Infra evidenter monstrabo textus, in quo Papa sequitur opinionem meliorem, subtiliorem, & probabiliorem nullo prorsus modo favore Probabilioristis.

58. Quod attinet ad Divum Antonium, non deest Bordonus, qui in suo Propugnaculo Opinionis Probabilis nititur illum explicare, ut & Cardenas, & eripere Adversariis, difficulter tamen me iudice; Nemo tamen poterit negare, immò Adversarii coguntur fateri, quod Divus Antonius apertè favoret Probabilistis, dum expellere tenet in duobus locis, Confessarium debere absolvere pœnitentem sequentem opinionem contrariam; & ubi dicit, quod sequenda est opinio tutior, subdit, non tamen de facili opinio contraria condemnanda par. 3. tit. 4. c. 2. §. 9. fin.

59. Quod spectat ad alios Probabilioristas allatos, qui per me inter Antiquos non numerantur, fateor Conradum Summenhart plenè satisfecisse, sicut & Cordubam quæstioni, & quidem diffuso calamo aggressi sunt materiam, quantum poterant aggredi quæstionem, quæ incipiebat discutiri; & si prius vixissent, nihil ipsis opponi posset.

Joannes Major, ultra quod est

Modernior, quàm Conradus, plenè non agitavit materiam. Adrianus benè, sed non plenè scripsit. Non multùm benè processit Sotus. Caietanus quatuor verba protulit. Sylvester Tabiena, Pelbartus, & reliqui Summistæ rescripserunt ex aliis, unde Historici sunt, non Doctores, ut requirimus pro tanta quæstione.

60. His Doctoribus, qui sunt triginta, pauca scribentibus pro hac difficultate, opponimus plusquamcentum Modernos, quorum multi integros Tomos ediderunt, & plurimi longissimas disputationes confecerunt, & adeo illustrarunt materiam, ut nihil desiderandum videatur præter definitionem Apostolicam. Scio pariter pro Probabilioristis plures Modernos diffusissimè scripsisse; sed ex his plures tanta ira, indignatione, & probris, ut procul dubiò existimandum sit, passionem adumbrasse illorum intellectum, proptereaque non esse magni faciendos. Inter hos ponò Vendrochiũ, Gonetum, Baron, Jacobum à Sancto Dominico, Fagnanum, & Merendam. Lectores illos adeant, & videbunt, an verum dicam. Fateor ingenuè, me non sine nausea eorum libros evoluerè, nec mirari satis possum, quomodo viri Religiosi in Religiosos viros, & in opinionem nondum à Sedè Apostolica proscriptam adeò acriter invehant, & exandescant.

61. Quanto autem stomacho hocæ Probabilioristas lego, tanta voluptate, ut dicebam cap. 1. hn. evolgo Antonium Cordubensem, Philippum Fabri, Cardinalem Brancatium Lauram, & Fogarinum, qui sequuti methodum scribendi sui subtilissimi Præceptoris Probabilioritatem tutantur placide, rationibus, auctoritatibus, & aliis argumentis requisitis ad veritatis indagationem, relictis criminationibus, vociferationibus, & diatribis, quæ ad rem non pertinent, quin scandalum generant quoad pusillos, & risus quoad Doctos.

62. Colligitur, dato etiam, quod alias Antiqui essent præferendi Modernis, in hac tamen materia Modernos esse

esse Antiquis præponendos. Ratio est, quia Moderni pro dignitate materiae trahant difficultatem; Antiqui autem admodum sejunct procedunt, ut nequit negari. Ergo magis est credendum his Modernis; quia, ut supra dicebamus, ille Doctor est anteponendus, qui diligentius discutit disputationem. Præterea nullus ex Modernis passione abripitur, & cum debita morigeratione procedunt omnes, nec illos legendo reperies injurias, probra, & dicteria, sive contra Adversarios, sive contra ipsorum doctrinam jactare.

63. Scio Vendrochium, & alios Probabilioristas dicere, Probabilistas scribere non ex passione iræ, sed ex passione amoris seculi, & ex amore carnis. Ast incumbit illis hoc probare, quia nemo debet præsumi malus ex legibus, sed quilibet, etiam in dubio, ait Divus Thomas 2. 2. quæst. 60. art. 4. cum omnibus Doctoribus, debet judicari bonus. Ergo, nisi evidenter constet; Probabilistas scripsisse amore carnis, non zelo veritatis, hoc non debet asseri. Tum quia si ex passione carnis publicassent Probabilistæ benignam opinionem, quæ per Adversarios est contra Legem Dei, & Naturæ, jam non possent excusari à mortali, ut in simili dicebant Divus Antoninus ubi supra, & Conradus de contract. quæst. 100. de Sanctis in rebus moralibus diversa opinantibus. Non est tamen probabile, Probabilistas peccasse mortaliter in hac opinione, cum fuerint viri Religiosi cujusunque Religionis, etiam strictissimæ.

64. Colligitur evidenter contra Vendrochium, nos posse sequi in praxi opinionem probabilioris, licet sit minus tuta, quia vidimus ad bene operandum, & non errandum, per Antiquos, præcipue Summistas, sufficere, si inter opiniones quis amplectatur illam, quæ sibi magis videtur consona rationi, nec unquam addunt, debere esse tutiorem; immò & impertinenter adderent, quia ut possumus in praxi sequi tutiorem, non est necesse, quod sit probabilior, sed nec quod sit vera; unde in praxi pos-

sumus sequi illam opinionem falsam de Pœnitentiæ Sacramento, quod requiratur contritio charitate perfecta.

## CAPUT XIX.

*Removentur ab Opinione Adversariorum Alensis, Divus Bonaventura, & Durandus. Ubi an Opinio de sequenda Probabiliori, sit traditio, vel Opinio communis.*

1. CUM in Schola Scotistica fuerint Probabilistæ, & Probabilistæ, inter quos eminet celeberrimus Mastrius, qui forsan inter Scotistas Modernos primatum obtinet, hic non puto necessarium Scotum à Probabilioristis eripere, cum ipse Mastrius abundè præstiterit in 2. disput. 5. quæst. 2. Ego puto Doctorem Subtilem neutri favere; quamvis fatear sæpius esse rigidum, quàm benignum. Mihi in animo est, irrefragabilem Alensem, Doctorem Seraphicum, & Durandum ab illis vindicare. De Doctore Angelico infra occasio opportunior se se offeret.

2. Alensis solet allegari à Probabilioristis in Summ. par. 2. quæst. 112. de ignorant. membr. 8. casu 5. ubi sic scribit: Quæritur de illo, qui dubitat de aliquo utrum sit Simonia, vel non, eo quod quidam Jurisperiti dicunt, esse simoniam, & quidam non. Quid ergo faciendum est, cum ignorat? Ad quod respondendum est, quod abstinendum ab hujusmodi contractu, ne committat se discrimini; melius enim est, ut incidat in damnnum temporale, quàm in spirituale, id est in minus malum.

3. Sed hic Textus non suffragatur Probabilioristis, cum Doctor velit in hoc casu amplectendam esse partem tutiorem, quæ tam potest esse probabilior, quàm minus probabilis. Tum quia, si opinio Divi Bonaventuræ esset tutior, opinio verò Divi Thomæ esset minus

minus tuta, hanc Divi Thomæ eligere non possem data explicatione Adversariorum. Hoc autem reputo adeo absurdum, ut ex hoc credam pro certo, illos decipi. Igitur Alensis loquitur de *dubitante*, & *ignorante*; qui quidem tenerent eligere tutiorem; qui si possent cognoscere illos Juristas probabiliter procedere, tunc juxta Probabilioristam partem probabilioris minus tutam, & juxta Probabilistam minus Probabilem sequi possent, tanquam objectum solum gradualiter differens à Probabiliore; & sic capax specificandi actus ejusdem speciei juxta Philosophiæ placita, sicut magis, & minus calidum produciunt effectus ejus naturæ, & qualitatis.

4. Durandus citari solet adversatur pro Probabilioristis in Prologo Libri Sententiarum. Sed meo judicio perperam omnino; sed potius faver. Ibi enim dicit, rationem præponderare cuicunque authoritati humanæ; hinc nullum esse compellendum, ne doceat, vel scribat dissona ab iis, quæ determinatus Doctor scripsit; quia hoc esset præferre talem Doctorem sacris Doctrinibus, Divo Augustino, Divo Ambrosio, Gregorio, & Hieronymo, præcludere viam inquisitioni veritatis, & præstare impedimentum sciendi, & lumen rationis non solum occultare sub modio, sed comprimere violenter. Subdit postea, se velle plus rationi tribuere, quam Authoritati humanæ. Hæc tota doctrina integra custoditur à Probabilistis, qui dicunt *Probabilitatem* opinionum metiendam esse maximè à ratione, non verò ab *authoritate humana*; & non esse *violenter comprimendum intellectum humanum*. Et ex hoc argui licet, cum opinio probabilior non habent vim necessitandi intellectum, cum sola evidentia hoc minus habeat, ideo nos non debemus *violenter comprimere illum*, ut sequatur opinionem probabilioris; sed illi relinquere libertatem, ut etiam ipsi libeat suam vim exercere in tuenda minus probabili, quæ, cum sit ejusdem essentia cum probabiliore, debet etiam ipsa continere veritatem eandem. Præterea

Textus Durandi intendit dampnare illos, qui volunt cogere alios, ut sequantur opiniones alicujus privati Doctoris, quia sic plus honoraremus privatum Doctorem, quam Sanctos Patres. Denique hic Textus evidenter est contra Vendrochium, qui cum opinionem aliquam non audit fulcitam, aut Sacra Scriptura, aut Traditione Ecclesiæ, illam aspernatur, & parvi facit. Et contra Durandus, nedum Scripturam, Ecclesiam, & Patres, sed etiam rationem se declarat velle sequi, & illam authoritati purè humanæ præponere.

5. Aptius potest afferri pro Probabilioristis in 4. dist. 17. quæst. 13. num. 6. ubi hæc scribit: Ideo, qui sic confitetur, & de facto absolvitur, tenetur iterum confiteri eadem, & de eis absolvi. Nec est dubium, quin hæc opinio sit securior, quia confitendo iteratò nullum periculum sequitur, sed maxima securitas. Qui autem omittit iterum confiteri, *committit se dubio*, quod valde est periculosum in his, *qua tangunt salutem, vel damnationem Animæ*. Infra verò num. 7. in fine, postquam Doctor modum docuit, *quo posset colorari opinio opposita* suslinens in calu disputato validam esse Confessionem, subdit: Illud tamen, quod tutius est, semper est tenendum.

6. In rei tamen veritate Durandus nec in hoc textu faver Probabilioristis; nam priorem opinionem benignam non existimat probabilem; siquidem relatis num. 5. suis fundamentis dicit: Hæc aliis Doctoribus non probari. Num. verò 7. subdit: *Veruntamen prima opinio posset colorari, non quidem ponendo &c. sicut ponitur, quod Baptismus habet suum effectum recedente fictione*; Sic potest coloratè dici, quod Confessio facta à non penitente, & absolutio ejus habet effectum recedente impenitentia per veram Contritionem subsequenter. Postea Durandus assignat disparitatem inter Baptismum, & Sacramentum Penitentia. Ecce quòd hic Doctor opinionem benignam solum asserit, posse coloratè defendi: *posset colorari. Potest coloratè duci.* Opi-



imposita primis Parentibus de non comedendo pomum. In hoc casu opinio, quamvis mihi videretur probabilior, non me excusat; quia illa opinio non est *verè probabilis*, sed est error manifestus; Nam opinio per omnes versatur in materia obscura, & contingenti, non in clara, & necessaria. Præceptum autem datum primis parentibus fuit manifestum, & expressum; unde opinio opposita erat erronea; dixerat enim Deus, *In quacunque bora comederis, morte morieris*; Hinc omnes opiniones, quæ sunt oppositæ legi clare, & expressæ, sunt erroneæ, ut dixit Divus Thomas quodlib. 3. art. 10. & consequenter nequeunt excusare. Et ratio est, quia in tali materia, si quis faceret ea, *qua potest, & debet*, veniret in cognitionem veritatis. Si quis inter nos dubitaret, fornicationem esse peccatum, si faciet diligentiam debitam, & inquirat à parentibus, à Senioribus, à Confessariis, nonne statim in cognitionem veritatis veniet?

9. E' contra in materia obscura, & contingenti facta qualibet diligentia non devenit in cognitionem veritatis, sed tantum ad Probabilitatem pertinet. Nemo negabit, Patres, & Antiquos Theologiæ Proceres fecisse diligentiam debitam ad veritatem capeandam; & tamen in obscuris solum Probabilitatem invenerunt; & propter hoc in varias abiire sententias, etiam in materiis gravissimis. Nemo pariter negabit, homines, qui conscientias regularunt juxta illas sententias, bene fecisse; ergo Probabilitas Patrum, & Procerum Antiquorum, & sic opinio *certaine probabilis*, & opinio, quæ est in materia obscura, & contingenti, potest nos salvare. Probabilissimæ autem loquuntur in materia obscura, & contingenti.

10. Eadem Responsione utendum est ad alium Textum, quem habet eodem Opusc. processu 6. cap. 41. & hisce verbis concipitur: cum Deo autem disputare velle, stultum est, & quasi velle convincere eum, ut non debeat judicare, hoc esse peccatum mortale, quod *nostra opinio non vult pro mortali habere.*

Sua existimatio est regula infallibilis Justitiæ, non *nostra angustiosa opinio*, quam nostram conscientiam appellamus. *Solis Radius nunquam facit angulum*, semper directè in opposita sibi ferit, sive in nobis appareat, sive *aliter existimemus*. Eadem, inquam, responsione utendum est, quod puto evidentissimum. Ubi *Solis radius* operatur, tenebræ, & obscura recedunt, sive hoc nobis appareat, sive *stultissimè aliter existimemus*. Et qui existente *Ratio solis* non videret objecta, cæcus procul dubiò esset ille; & si vellet deambulare absque Duce, & in præcipitum impingeret, meritò condemnaretur de infamia. Si autem *Sole* absente, quis deambulare deberet per illas tenebras, meritò excusaretur, si præcipitum aliquando incurreret; quod dico de *Solis radio materiali*, affirmo de *Sole Divino*, qui si lucet, hoc est, si veritatem manifestat, cæcus est, qui illam veritatem non videt; & si errat, culpandus est. Si autem *Sol Divinus* veritatem non ostendit, sed vult relinquere hominibus, ut de illis disputationem instituant, non erimus culpabiles, si veritatem non attingemus aliquando. Cum ergo Divus Bonaventura loquatur in casu, in quo *Solis radius sibi opposita directè ferit*, jam non loquitur in materia obscura Probabilitatis, in qua nostra difficultas versatur.

11. Allegatur etiam Seraphicus Doctor in 2. distinct. 22 art. 2. quæst. 3. ubi dicit cum Magistro Sententiarum, & Augustino ad Valentinum de gratia, & liber. arb. cap. 2. & cap. 3. tom. 7. quod quoties quis per errorem, in quem incidit ex negligentia addiscendi legem, quam tenebatur scire, judicat esse bonum, & juxta legem Dei id, quod re ipsa malum, & contra legem Dei est, peccat, licet operetur juxta Conscientiam, *quia illa ipsa Conscientia erronea est peccatum*. Ex his à fortiori licebit inferre juxta Divum Bonaventuram, peccare illum, qui sequitur opinionem minus tutam, quando judicat, vel prudenter judicare potest, esse falsam ob rationes magis probabiles ad oppositam

opinionem, quia ille operatur contra conscientiam, & simul contra legem, si re ipsa illa opinio sit falsa. Si autem sit vera, adhuc peccat, quia operatur contra conscientiam, cum velit sequi opinionem faventem suæ libertati, quando prudenter judicare nequit, esse veram. Sicut peccat, qui operatur contra conscientiam erroneam, qua sibi persuadet esse malum id, quod re ipsa est bonum, & juxta legem Dei.

12. Sed contra est, quia concedo quidem, errorem culpabilem non excusare à culpa subsequente; cum enim non possumus devenire in cognitionem veritatis; ergo culpa sequens ex illo errore, & ignorantia est voluntaria, & sic peccatum. Et ita intelligitur Augustinus, qui de facto loquitur de errore, quo primi Parentes lapsi sunt in peccatum; Hic enim error fuit voluntarius, & poterant primi Parentes videre veritatem Legis Dei clare ipsis intimatæ. In casu autem de opinione minus probabilis non sumus in errore. Nunquid Scotista, qui judicat opiniones Scoti esse Probabiliores, simul judicat, vel judicare potest prudenter oppositas opiniones Divi Thomæ esse errores? Certè omnes Antiqui, qui quæstionem agitarunt, dixerunt Confessarium ordinarium posse, & debere absolvere pœnitentem sequentem opinionem oppositam. Nunquid isti Antiqui credebant, Confessarium judicare in hoc casu Pœnitentem errare? Certè non; quin dicebant, quòd quando Confessarius est certus de sua opinione, & sic est certus, pœnitentem sequentem oppositam errare, tunc non debere illum absolvere. Ergo stat simul, quòd quis cognoscat unam opinionem esse probabiliorē, & adhuc oppositam non esse errorem. Si ergo opinio minus probabilis non est error, nec conscientia poterit prudenter judicare, esse falsam.

13. Hic decipiuntur Adversarii, qui nequeunt, aut nolunt capere veritatem, quæ importatur à Probabilitate, posse esse in utroque opposito. Quare enim ab ipsis, aut Probabilitas ex sua

specie importat veritatem; & sic cum Probabilitas, & minus Probabilitas sint ejusdem speciei, habebunt eandem veritatem. Si ex sua specie non importat veritatem; ergo hanc habet ex gradu, & ex sua specie erit indifferens, aut falsa. Falsa non erit, quia falsum ex sua natura verum evadere nequit; Sed nec indifferens erit, quia sic opinio minus probabilis vel nec esset vera, vel falsa; quod est impossibile; vel esset falsa, quod ex dictis modò est falsum. Hic addo ad demonstrandam benignitatem opinionum Divi Bonaventuræ, quòd in hac quæstione ad 7. dicit: *Probabilis esse, quòd nec ebrius, nec furiosus, qui usu rationis caret, committere potest novam culpam, sed ex inordinatione sequenti aggravatur culpa prima.* Alii strictius docebant, ebrium, & furiosum posse committere novam culpam.

14. Afferitur pariter dist. 39. art. 1. quæst. 3. ubi docet, Conscientiam erroneam non excusare, & si quis per Conscientiam crederet aliquod, & Lex Divina oppositum diceret, quòd faciendo utrumque peccaret, & si nesciret deponere illam conscientiam, debet sapientiores consulere, vel per orationem se ad Deum convertere; si humanum consilium deest; alioquin si negligens est, verificatur in eo, quòd dicit Apostolus 1. Corinth. 14. *Qui ignorat, ignorabitur.* Ex his sequitur per Divum Bonaventuram, quòd credulitas, & sic multò magis opinio, si sit contra Legem Dei, non excuset à peccato. Ergo opinio minus probabilis, & minus tuta, si sit contra Legem Dei, non excusabit operantem.

15. Sed contra est, quia loquitur de Conscientia erronea, quæ per Sanctum Doctorem est illa, quæ dicit, non esse faciendum illud, ad quòd homo aliàs tenetur. Clarius, si Conscientia dicit, esse fornicandum ad salvandam vitam, & Lex Divina dicit non esse fornicandum, in hoc casu Seraphicus vult, hunc peccare utrumque faciendo; & si nesciret, deponere illam Conscientiam, debet Sapientiores consulere, vel per

orationem se ad Deum converteret, si humanum consilium deest. Hinc patet, loqui in materia clara, & manifesta; & quidem esset valde ridiculum credere, quod in materia obscura, si quis orabit Deum, sit consequuturus veritatem; & sic depositurus conscientiam, si sit contra legem; videmus siquidem omnes Sanctos, & Doctores in his controversiis inter se opponi; & tamen certum est, Sanctos precipue orasse pro veritate invenienda. Ergo si Divus Bonaventura loquitur in casu, quo debet orare, si deest humanum consilium, loquitur in casu legis clare, non obscuræ, ut nos facimus. Igitur opinio erronea, quæ nempe est contra legem clare propositam, non excusat; opinio vero probabilis, sive magis, sive minus, si esset contra legem, cum tamen hoc ignoremus ob obscuritatem, excusat.

16. Solet etiam citari pro probabiliori in 4. dist. 38 art. 3. quæst. 3. ubi primo dicit, quod est positio rationabilior, & securior, quæ docet, Papam non posse dispensare in voto, prout dispensatio est juris relaxatio. Postea vero ponit triplicem opinionem oppositam circa modum, quo Papa potest dispensare in voto, ponendo recompensationem voti relaxati. Subdit postea: quæ istarum trium opinionum sit verior, fateor me nescire, & satis potest qualibet sustineri, idem nullam assero. Si quis tamen velit ultimam acceptare, non occurrat ei inconueniens manifestum &c.

17. Sed contra est, quia etiam Probabilistæ ut plurimum sequuntur suas opiniones tanquam probabiliores, & tamen non propter hoc sibi ipsis opponuntur. Sic Divus Bonaventura sequitur opinionem rationabiliorem; non propter hoc tamen damnat oppositam tanquam errorem, vel ut improbabilem. Alia, quæ subdit Seraphicus, clare sunt pro opinione æqualiter probabili; nonne clare, & expressè dicit, quod satis potest qualibet sustineri? Peto ab Adversariis, an Sanctus Doctor possit nedum sustinere, sed satis sustinere errorem, & falsum? Certè nemo tantam ignoran-

tiam tribuet ipsi. Ergo, si tres illas oppositas opiniones satis sustinet, illæ erant æque probabiles. Dixi æque probabiles, non inæqualiter, quia expressè Bonaventura dicit, se nescire, quæ illarum sit verior. Porro illæ tres oppositæ opiniones erant, quod prima dicebat, Papam posse, pro loco, & tempore omne votum dispensare. Secunda concedebat de omni, excepto voto de Continentia. Tertia concedebat de omni, exceptis tribus votis, Paupertatis, Castitatis, & Obedientia. Ego credo, à nemine negari posse, in hoc textu clare Seraphicum esse pro opinione utraque æqualiter probabili. Nihil autem nos movere debent illa verba Textus Ideo nullam assero, quasi quod nullam opinionem teneat in hoc casu; nam hæc verba confirmant Sanctum Doctorem, tenere illas opiniones, solum tanquam probabiles.

18. Pro quo nota, illum terminum, Ideo, significare connexionem effectus ad causam, ut apud Philosophos, & Theologos est certum, & etiam apud Juristas, ut videre licet apud Barbofam tract. de dict. us frequ. & Bertach. in suo Repertorio Legali. Verb. Ideo. Hinc illa verba, Nullam assero, importat consequens ab antecedenti deductum. Nota ulterius illud verbum, Assero, non significare quamlibet secundam operationem intellectus, sed tantum illam, quæ certitudinem importat; Et hoc patet ex eodem Seraphico in 1. dist. 27. part. 1. quæst. 4. qui cum aliis Antiquis concedit, de Divinis Notionibus licere variè opinari, non tamen asserere, quia hoc esset rationis superbiens. Unde per Antiquos in materia dubia, & obscura Divina est licitum variè opinari, non tamen asserere. Hinc rectè Divus Bernardus, ut retuli cap. 2. num. 2. & 3. dicebat, opinionem esse temerariam, si habeat asserionem.

19. Nunc applicando doctrinam reproduco textum: Satis potest qualibet sustineri, idem nullam assero. Et reduco illum ad modum Argumenti. Potest qualibet ex his opinionibus satis sustine-

ri; ergo nullam asserere possum. Consequentiam probaret ex doctrina illa ex dist. 27. 1. Sent. *In re dubia possumus varie opinari*, sed non asserere. Sed in hoc casu est res dubia; ergo possumus varie opinari, non tamen asserere. Igitur juxta Divum Bonaventuram, quando materia est dubia, obscura, & contingens, tunc nihil, propriè loquendo, possumus asserere; possumus tamen opinari, seu *sustinere opinativè* unam, vel alteram, vel utramque. Et quia ubi adest opinio, ibi assertio esse nequit; hinc Divus Bonaventura, quia videbat in hac materia dari opiniones, intulit; ideo nullam assero; Hæc doctrina est maxime notanda, quia sapius est necessaria ad rectam intelligentiam plurimorum Antiquorum, sed præcipuè Doctoris Seraphici.

Nunc ad secundam partem propositam in titulo præsentis capituli redeamus. Vendrochius credit esse, velut *traditionem*, doctrinam asserentem, nos non posse sequi opinionem *minus probabilem*, & *minus tutam*; & forsan ita sentit Cœtus Gallicanus in §. de *opinionum probabilium usu*, vers. quod ergo in *praxi*. Cum autem hæc Doctrina sit explicatio juris naturalis, & Divini, hinc esset Traditio Divina; Non enim esset Ecclesiastica, quia hæc est solum de rebus, quæ subjacent voluntati Ecclesiæ, cum tales Traditiones obtineant eandem vim, ac Leges Ecclesiasticæ, ut videre est apud Bellarm. in controversiis Fidei Tom. 1. contr. 1. lib. 4. cap. 2. Et ob eandem rationem non esset Apostolica. Si autem esset Traditio Divina, jam tenere oppositum esset hæresis. Mirum autem est, quod magni illi viri Medina, Suarez, Vázquez, alique non viderint hanc hæresim, & Traditionem. Vide Cano de loc. Theol. l. 3. c. 4.

10. Sed negandum prorsus est, habere vel umbram Traditionis Divinæ. Traditio siquidem Divina continet Doctrinam Christi, quam Verbo docuit Apostolos Christus, ut habet Bellarminus ibidem. Porro Traditio Divina, & qualibet alia, licet non sit scripta ab

Authore, tamen litteris mandata est ab aliis; & loquendo de Divina præcipuè scripta est à Sanctis Patribus. Hinc idem Bellarminus, & alii Doctores scribentes contra Hæreticos de his Traditionibus semper utuntur Sanctis Patribus; & quidem esset mirabile, quod primi, qui acceperunt doctrinam, illius non meminerint, sed solum posteriores, & loquendo in nostro casu, Antiquior, qui doctrinam de sequenda probabiliori opinione tradiderit, citatus ab Adversariis, est Henricus, qui vivebat anno 1280. nec Vendrochius, aut alii Probabilioristæ allegarunt Antiquiorem, qui clarè hoc dixerit. Et si concederemus, Divos Thomam, & Bonaventuram stare pro ipsis, paulo ante floruerunt, sicut Albertus, & Guillelmi à me allegati. Conantur asserere Patres Antiquos pro hac sententia, sed frustra; Et si concederemus, aliquos Patres esse pro illa, quod nunquam concedam, non tamen esset dicenda Traditio, maxime Divina. Sicut enim explicatio Scripturæ facta ab aliquibus Patribus, & non à majori parte, non facit rem certam de Fide, ita, & traditio non erit certò Divina illa, cujus mentionem faciunt solum aliqui Patres.

21. Præterea Albertus allatus cap. antecedit. num. 28. dicit, esse regulam *Quorundam* dicentium, quod dubitans esse peccatum, & operans illud, peccet. Ipse Albertus explicat hanc regulam valere, ut ibi dixi, de eo, qui magis supponit esse peccatum; & sic quod judicat probabilius, esse peccatum. Nota illum terminum, *Quorundam*, qui clarè significat, solum apud aliquos viguisse illam regulam de probabiliori parte sequenda. Ergo per Albertum tunc hæc doctrina non erat traditio, & communis opinio.

22. Verum ego contendo, doctrinam Adversariorum nec esse *sententiam communem Doctorem Antiquorum*, illorum nempe qui floruerunt ante annum 1500. & hoc puto evidens ex iis, quæ cap. 3. à num. 88. scripsi. Dicebam ibi duo requiri

quiri ad opinionem communem, in quo Fagnanus concordat. Primum, quod pro ipsa sint plures Doctores, & hunc numerum pro opinione Antiquorum debere esse ad minus septemnarium. Secundum, quod hi Doctores tractent questionem ex professo, idest, considerando rationes principales pro ipsa, & solvendo opposita magis urgentia. Insuper cap. 7. probavi nomine Antiquorum me intelligere Doctores, qui floruerunt ante annum 1500. ut dixi.

23. Datis his duobus suppositis manifeste colligitur, opinionem de sequenda Probabiliori non esse communem apud Antiquos, quia saltem Antiqui non fecerunt questionem ex professo, ut ex cap. antecedenti est manifestum. Puto etiam, quod ab anno 1500. usque ad 1600. hæc opinio non erat communis; nam pro ipsa non invenio in hoc tempore, nisi Conradum, Adrianum, & Cordubam, qui agitarint ex professo difficultatem, & etiam, si vis, adderem Sylvestrum. Ergo in hoc tempore non adsunt illa requisita pro opinione communis. Adsunt equidem plures Summistæ, ut Fumus, Tabiena &c. Sed quatuor verbis se expediunt. Insuper hoc tempore pro opposita ex professo pugnarunt Medina, Salonius, & Magnus Vasquez, qui certè Conrado, & Cordubæ sunt æquales. Pro hac quoque illo tempore alii, sed obiter, decertarunt.

24. Uterius nedum opinio de probabiliori non fuit communis Antiquis, explicando opinionem communem juxta mea principia, Navarri, & Fagnani, sed nec etiam juxta principia dicentium, illam opinionem esse communem, quæ habet pro se Glossam, & alium Doctorem solemnem; nam invenitur quidem Glossa Canonica in cap. *Capellanus*. de feriis in narratione casus, quæ est pro hac opinione, at non Glossa Theologica; cum autem nostra quæstio sit purè Theologica, Glossa Canonica non est hic consideranda; præcipue quia adeo multipliciter turpiter erravit in rebus Theologicis. Tum quia suum dictum non confirmat aliquo textu, sed solum

credit, hoc esse decisum ab illo capite *Capellanus*, quod tamen infra patebit esse falsum evidentem.

25. Denique si concedamus exercitii gratia, opinionem Adversariorum fuisse *Communem Antiquis*, alsero adhuc nihil ob stare, & hoc novum asser tum, & inauditum Antiquis Summistis, & Scholasticis non debere damnari, & rejici, salva reverentia debita Illustrissimo Cœtui Gallicano. Unde hoc argumentum: *Opinio fuit communis Antiquis &c.* Ergo ejus opposita est rejicienda, alsero non esse bonum, & subdo pro constanti *Opiniones horum Antiquorum communes* posse, & debere examinari diligenter à Modernis de ipsarum veritate. Hoc punctum diffusè agitato infra.

## CAPUT XX.

*Statuitur tanquam certum Probabilitatem posse esse Regulam Morum.*

1. **H**ic suppono pro certo hunc terminum, *Probabile*, utpotè qualitatem suscipere magis, & minus, & maximum. Qualitas enim modò est remissa, modò intentà, modò summa. Quin hoc invenio in Sacris decretis. Hinc in Decreto condemnatorio Propositionum Alexandri Octavi num. 3. damnatur hæc Propositio: Non licet sequi opinionem vel inter *probabiles probabilissimas*: Ecce Pontifex supponit opiniones *Probabiles*, & *Probabilissimas*. In c. cum *Martine* de celebr. Miss. §. *quæsiisti*, & in Clemen. de Summ. Trin. §. fin. fit mentio *opinionis probabilioris*. Vide cap. 3. à num. 71.

2. Suppono insuper non in omni materia probabilitatem esse regulam morum. Sic ubi agitur de valore Sacramenti, debemus sequi certitudinem, non Probabilitatem, ut liquet ex Decreto Innocentii Undecimii num. 1. Item

Judex, & Medicus debent sequi opinionem certam, quia effectus Medicinæ non dependet à cognitione humana, sed à veritate ipsius Medicinæ. Unde, si quis sumeret Medicinam credens sumere venenum, hic sanaretur, & accipiens venenum judicaret sumere Medicinam, hic necaretur. Et judex quantumcunque credat, se bene judicare, non per hoc transfert dominium rei illi, pro quo judicavit; unde cognitio errore res est restituenda domino. Vide Gloss. in cap. *inter ceteras* de sent. & re jud. Verb. *manifestum*. Quæstio ergo procedit in illis materiis, in quibus agitur solum de peccato vitando, v. gr. An liceat edere octo uncias pro jentaculo in die jejunii; an circumstantiæ aggravantes sint confitendæ; an liceat defendere res defensione occisiva, & similia.

3. Hic recolo definitionem Probabilitatis, quam latè probavi supracap. 3. & dixi, esse propositionem incertam, quæ scilicet possit aliter se habere, fundata tamen in gravi ratione; quæ definitio est data per intrinsecam. Si velimus verò Probabilitatem extrinsecè definire, ut fecit Aristot. Topic. 1. tex. 6. cujus etiam ibidem mentionem fecimus, dicemus, illa esse probabilis, quæ videtur omnibus, aut plurimis, aut Sapientibus, & his, vel omnibus, vel plurimis, vel maxime familiaribus, & probatis.

4. Suppono autem hic non fieri quætionem, an possimus sequi opinionem vel minùs, vel æquè, vel magis probabilem; de hoc enim infra, sed de Probabilitate simpliciter, & in sua ratione specifica; unde comparamus opinionem probabilem cum tutioritate, v. g. nullum est periculum peccati, si in Confessione dicamus circumstantias aggravantes, periculum verò est illas tacere; cum tamen ad sit sententia gravi ratione fundata, & plurimis Sapientibus probata, quæ dicit non esse necessariò confitendas hæcæ circumstantias, quarimus, an liceat, uti hac opinione, quæ solum est probabilis relinquendo contrariam,

quam sequendo nullum periculum peccati incurrimus. Duplex autem esset difficultas solvenda de dubio juris, & de dubio facti; Exemplum primi illud sit de Confessione circumstantiarum aggravantium. Exemplum secundi sit, v. g. dum dubito, an in die festo laboraverim. Hic solum de dubio juris sermo erit, in quo quæstio est periculiosior, & serventior.

5. Iterum adverto, difficultatem verifari, quando materia est obscura, & per hoc in eadem veritas non est clara, sed adhuc est sub lite. Si enim inventus esset Textus clarus Scripturæ, vel jam lis esset decisa ab Ecclesia, tunc cum simus in decis, lis cessat, & qui contrarium sequeretur erraret ex Divus Thoma quodlib. 3. att. 10. & Divo Antonino 3. part. titul. 5. cap. 2. § 9 ubi dicit, quòd ante determinationem Ecclesiæ poterat sustineri, quòd Christus nihil habuerit mobilium in communi cum Apostolis, facta autem nunc decisione ab Ecclesia, si quis contrarium sustineret, esset hæreticus. Sic Antiqui plurimas opiniones sustinuerunt, nec tunc poterant accusari, quæ tamen opiniones modò sunt hæreticæ, ut est illa, quòd non teneamur confiteri peccata mortalia. Nec simplicitas, inquit Divus Antoninus, potest excusare in his mulieres; alioquin immunes fuissent à peccato, qui sequuti sunt opinionem Arii, & Nestorii, & aliorum Hæresiarum, dicebat Divus Thomas loco ubi supra. Et in his materiis, ut observavi alibi, non datur opinio, sed propositio contraria est error, ut dicunt Divus Thomas, & Antoninus.

6. Dicimus ergo in his casibus, opinionem probabilem esse regulam morum, & hanc conclusionem ut certam statuo, & intelligo in qualibet lege, sive naturali, sive divina, sive Ecclesiastica.

Probatur primò ex c. *Ego solis*. 9. dist. quod est sumptum ex August. Epist. 19. c. 1. ubi habetur: Alios autem ita lego, ut quantalibet simplicitate, doctrinaque pol-

*ita senserunt; Sed quia mihi per alios Auctores, vel Canonicas, vel probabiles rationes, quod à vtro non abhorreat, persuadere potuerunt. In textu Augustini non dicitur, Probabiles rationes, sed Probabili ratione, nec dicitur: Per alios Auctores, vel Canonicas, sed per alios Auctores Canonicos. Gloſa ibidem ait, quòd ratio æquivalet Canon. Hæc explicatio nequit intelligi, quòd ratio probabilis sit adeò fortis, sicut Canon; Eſſet enim hic manifestus error; sed debet intelligi, quoad effectum, ita ut, sicut possumus sequi id, quod decedit Canon, ita possimus sequi, quod ratio probabilis dicat. Et hic intellectus quadrat textui, ut speculanti patebit. Textus ergo Augustini dicit, quòd Auctoritas Sanctorum, & Doctorum non movebat Augustinum ad aliquid asserendum, quod assereretur ab illis. Sed Auctoritas aliorum, vel ratio Canonica, vel ratio probabilis. Hic textus meo iudicio directè opponitur cum illa Doctrina, quam Montaltius habet Litt. V. pag. 71. his verbis: *Semper persuasum habui, mores ad Scripturam, & traditionis Auctoritatem, non ad Conſultarum opinioniones exigi oportere.... probabilia, inquam nihil moror, secura postulo.**

7. Fagnanus in cap. *ne unitatis*. de constitut. num. 46. assert contra se hunc Canonem, cui, & aliis iuribus respondens ait: dum leges, & canones decidunt quæſtiones, & causas ex argumentis probabilibus, non intendunt dicere, ut sufficiat iudicium probabile ad iudicandum, & decidendum, sed tantum, ut ex probabilibus rationibus simul junctis possit Iudex ita illuminatus formare iudicium certum, & infallibile de rei veritate; quia nimirum, & si argumenta huiusmodi seorsim considerata non concludant omnino, nec sint evidentia, sed tantum probabilia; tamen, si simul jungantur, & sint multi ponderis, sunt apta nata generare talem certitudinem, ut virtus apprehensiva cognoscat absque ulla trepidatione, rem ita se habere; atque ita causæ sunt probabiles, sed effectus ex illis resultans est

omnino certus, & infallibilis.

8. Fagnanus assuetus ad iudicanda facta, quorum cognitio plena habetur per plures præſumptiones, & probationes, quæ simul conjungi poſſunt in unam causam adæquatam necessariò concludentem illud factum, vult nos uti eadem regula ad decidenda dubia juris, de quibus est quæſtio præſens. Sed fallitur egregiè vir egregius, & hæc Doctrina est omnino contraria Theologiæ, & Philosophiæ. In his facultatibus scimus ex argumentis mille probabilibus eandem conclusionem probantibus non deduci, nisi conclusionem probabilem; nec illa argumenta uniuntur ad invicem, ita ut hanc unica probatio, & unum per aliud non redditur fortius. Unde, si occurrat casus, quòd Scotistæ pro sua conclusione habeant unicum argumentum, & contra se plura, & plura, adhuc tamen non credunt, tuam doctrinam minus probabilem. Et si Thomistæ dicerent ad normam Fagnani, nostra conclusio habet plurima argumenta, & vestra unicum solum; ergo nostra conclusio est certa; Scotistæ pro responsione illos jure riderent, & irrideret tanquam arguentes extra regulas bonæ argumentationis. Igitur in probatione facti valet illud cæmen legale: *Et quæ non proſunt ſingula, multa juvant* juxta l. 2. §. *etiam*, & Gloſa ibidem V. *Legitimis*. ff. de *excusat. tutor.* & l. *Instrumenta*. cum Gloſ. V. *aliis quoque*. C. de *probat.* & cap. *cum causam de probat.* & Gloſ. V. *adminicula*. Valet etiam in probatione facti, quòd dux ſemiplenæ probationes, etiam diverſi generis, junguntur ad conſtandam unam plenam, & adæquatam probationem, ut casus eſt in cap. *cum dilectus de ſucceſſ. ab inteſtato*, in quo per unicum teſtem de viſu cum aliis de auditu deciditur causa quoad ſucceſſionem ab inteſtato.

9. Hæc omnia allata Fagnano libentiſſimè concedo. At in probatione dubiæ legis, & Canonis abſolutè nega. Ratio eſt, quia factum conſtat ex pluribus accidentibus; unde hæc accidentia ſunt veluti partes illius. Partes au-

ten ad invicem uniri possunt in unam causam adequatam, ex qua clarè factum deduci liceat. In probatione dubii de lege insurgentis proceditur per argumenta, idest per Syllogismos, qui constant ex solis tribus terminis per Philosophos. Ergo impossibile est, quodd, si syllogismus ex suis terminis non probat plenè conclusionem, illam ita probet per unionem aliorum terminorum. Hæc doctrina est aded evidens in Philosophia, ut sit unica regula, in qua fundatur vis syllogismi, qui est instrumentum, quo scientia acquiritur. Aded, in Theologia certius esse aliquando id, per quod conclusio probatur, quàm ipsa conclusio. Hinc multi Doctores asserunt, ex præmissis de Fide deduci Conclusionem non Fidei, sed Theologicam. Insuper apud omnes Philosophos, & Theologos est inconcussum, conclusionem sequi debiliorem partem; unde ex præmissa evidenti, & alia probabili Conclusio est probabilis; & ex præmissa de Fide, & præmissa naturali Conclusio non est Fidei; ergo in dubiis de jure ea, per quæ probamus, sunt efficaciora re probata juxta illud effatum Logicum: *Propter quod unumquodque tale, & illud magis.* E' contra in dubio Facti res probata verior est iis, per quæ probatur, cum sæpè probationes sint semiplenæ, & Factum plenè concluditur. Porro in Textu c. *ego solis* Augustinus non intendebat probare Facta, nec Judicis munus exercere, sed explanare Sacram Scripturam: nam scribebat Hieronymo, cum quo litem de Factis non habebat, sed in illa Epistola præcipuè intendebat dissolvere quæstionem, an aliquando liceat officiosè mentiri.

10. Si liceret ab argumentis sufficienter facta probantibus arguere ad argumenta probantia conclusionem circa dubia legis, evidenter demonstrarem meam Conclusionem: sic ergo dicerem: Facta plenè probantur per Argumenta probabilia, idest, quæ aliter possunt se habere, & esse falsa; ergo etiam & dubia legis possunt per argumenta probabilia

demonstrari. Consequencia tenet; quia conditionatè suppono paritatem; probò verò antecedens evidenter ex d. c. *cum dilectus*, in quo Papa decidit causam, dat tamen licentiam Adversario probandi conditionem, qua probata, causa esset sua; Ergo decisio Papæ in illa causa poterat esse falsa; ergo fundabatur in probationibus, quæ poterant aliter se habere. Idem probatur ex c. *à nobis*. el. 2. de sentent. excomm. in quo dicitur, quodd *Ecclesia aliquando opinionem sequitur, quam, & fallere contigit, & falli.* Item hoc patet ex toto titulo de præsumpt. Nam per violentam præsumptionem decernitur divortium, ut patet ex cap. *litteris*. hoc tit. & c. *dixit Dominus*. 32. quæst. 1. Est autem evidens quodd præsumptio violenta potest aliter se habere. Et valde est notandum, quodd per probationem fallibilem tollitur jus illud divina lege firmatum, quodd junctus in matrimonio habet in compar-tem.

Dicunt etiam ad textum allegatum, quodd Canones per rationem probabilem non accipiunt id, quod nos, scilicet opinabile, sed accipiunt pro approbabili, quodd nempe probari potest.

11. Sed contra est, quia genera rationum, quæ possunt approbari, sunt duo, quæ scilicet se habere aliter non possunt; & quæ possunt aliter se habere; Rationes primi generis in naturalibus causant scientiam ex Arist. 1. poster. cap. ult. Rationes secundi generis causant opinionem, ut ibidem clarè asserit Aristot. In nostro casu Augustinus non petebat rationes solum primi generis, sed etiam alterius, quod patet; nam volebat rationes vel Canonicas, vel probabiles. Per ly Canonicas intelligebat certas; ergo per ly Probabiles intelligebat opinabiles. Tum quia Augustinus debebat esse contentus de illis rationibus, quæ recipiuntur, & approbantur à Sapientibus; sed Probabilia approbantur, & recipiuntur à Sapientibus, ut dicebat Aristot. 1. Topicor. cap. 1. ex dictis; Ergo Augustinus debebat esse contentus de probabilibus rationibus, prout



prout ly Probabile definitur ab Aristotele.

12. Fagnanus num. 254. iterum contra se affert textum illum Augustini & num. 392. respondens illi Argumento nihil dicit ad propositum, & in rei veritate nihil potest responderi; unde existimo esse argumentum ex mente D. Augustini certò concludens.

13. Probatur secundo. Opinio probabilior approbatur à cap. cum Marthea. de celebr. Milsar. & Clement. de Summ. Trinit. Opinio autem probabilior est in linea, & specie Probabilitatis, cum Probabilitas recipiat magis, & minus, ut ceteri habitus, & qualitates ut supra dixi. Et si dicatur illos Canones loqui in materia speculativa, non morali, contra est, quia loquuntur illi Canones explicando Sacram Scripturam dictatam à Spiritu sancto; unde, si non fit injuria Spiritui sancto per explanationem probabilem, nec alteri multo minus fiet injuria.

24. Probatur tertio ex Decreto condemnatorio 31. Propositionum Alexandri Octavi. Tertio loco damnatur hæc propositio, quæ fuit Sicuristæ Sinnichii in Libro, cui titulus *Saul ex rex*. c. 87. §. 364. *Non licet sequi opinionem, vel inter probabiles probabilissimam*; Ergo certum est, quòd Probabilitas sit regula morum; Probabilissimum enim est terminus intrinsecus Probabilitatis, sicut calidissimum est terminus intrinsecus caliditatis.

15. Probatur quarto: Omnis regula, quæ est certò Theologica est optima regula morum; sed opinio probabilis est certò regula Theologica; ergo opinio probabilis est certò regula morum. Major est evidens, Theologia enim est facultas, quæ docet credenda, & facienda. Minor verò probatur ex Divo Thoma 1. part. quæst. 1. art. 8. ad 2. ubi dicit: *Sacra Doctrina hujusmodi Autoritatibus Philosophicis utitur quasi extraneis argumentis, & probabilibus. Autoritatibus autem Canonica Scriptura utitur ex necessitate argumentando. Autoritatibus autem aliorum Doctorem Ecclesia*

*quasi arguendo ex propriis; sed Probabiliter.* Notentur illi termini *Probabilibus, Necessitate, Probabiliter.* Dantur ergo in Theologia duo genera Argumentorum, *Necessariorum* scilicet, & *Probabilium.* Necessaria sunt certa, & immutabilia; ergo probabilia erunt incerta, & mutabilia.

16. Probatur quintò, argumento desumpto ex Nider, Geslone, & ex Divo Antonino part. 1. tit. 3. cap. 10. §. 10. vers. *revertendo ad quartam.* Et Turrecremata cap. *Sancta*. 15. dist. quæst. 4. Sancti in moralibus sunt inter se contrarii, & qui hoc negat, est signum illorum scripta non vidisse. Hoc patet in Sanctis Hieronymo, & Augustino, ut supra retuli. Ita Divus Thomas tenet, non esse peccatum mortale participare cum excommunicato in civilibus. Contrarium sustinuit Divus Raymundus. Tenuit etiam, peccatorem non statim teneri ad Confessionem; Oppositum asseruit Divus Bonaventura præcipue de Religiosis. Divus Laurentius Justinianus de discipl. & perfect. Mon. cap. 17. dixit, *recitantem Horas Canonicas voluntariè distractum provocare contra se Deum vehementer*, & sic peccare mortaliter. Divus Antoninus 3. part. tit. 13. cap. 4. §. 7. docuit cum pluribus Doctoribus famosis, non esse tantum onus imponendum. Et sic exempla innumera possunt poni, inquit Antoninus. Hæc procul dubio opiniones non sunt certæ, quia in certitudine non dantur oppositæ opiniones. Ergo sunt probabiles. Sed ipsi Sancti, & fideles ipsos sequentes non peccabant in his materiis; ergo sequendo doctrinam Probabilem Sanctorum non peccamus.

17. Confirmatur ex doctrina Divi Antonini, qui ibidem hæc scribit: Ex responsis, quæ videntur data ab Alberto Magno habetur, quòd frater simplex, vel quilibet homo cum salute potest sequi in Consiliis, *quancumque opinionem voluerit*, dummodò alicujus Doctoris Magni opinionem sequatur. Hostiens. etiam dicit cap. *si vir.* de cognat. spirit. Ubi sunt diversæ opiniones, & diversa

judicia semper humanior præferenda est, & requiritur; & ad idem facit quod ait Augustinus c. *sancti*. 9. dist. Guillel. etiam in Glos. Raymunt. dicit, quod in apicibus juris ubi dubitant etiam sapientes, *excusabilis est ignorantia*. (Nota hæc verba.) Tamen, si aliquis bona fide partem illam, vel illam elegerit, non debet super hoc habere conicientiam nimis scrupulosam. Item Petrus de Palud. super 4. distinct. 17. dicit, quod si Confessor dubitaret utrum illud, de quo confitens non pœneret, nec confitetur, esse mortale, & ipse confitens dicit, quod Consilio peritorum illud fecit, (Nota verba sequentia) de quibus ex vita, & scientia probabile est, quod non consulerent nisi bene, illi iudicio potest se conformare. Secus autem esset, si esset certus de opposito. Hæc Divus Antoninus ex iudicio Alberti, Hostiens. Guillelm. & Petri Paludani. Prosequitur autem hanc materiam Sanctus Doctor, asserendo Goffredum de Fontibus, & Richard. Claramont. & supra vers. *Septima regula*, docet cum Joanne de Amb. & Guill. quod per virtutem Epichæ inter duram, & benignam circa præcepta sententiam cæteris paribus benigna est potius interpretatio facienda. Hæc doctrina procul dubio fundatur in mera Probabilitate.

18. Probatur sexto, & in hac materia hanc puto esse demonstrationem. Omnes Doctores, qui scripta ediderunt, tum qui sanctitate floruerunt, tum qui solum doctrina claruerunt, sequuti sunt opiniones probabiles in moralibus, & quæ poterant aliter se habere. Ergo vel doctrina probabilis est certa regula morum, vel omnes Doctores erraverunt. Hoc secundum sine ingenti temeritate nequit dici; ergo primum est asserendum. Antecedens patet, quia quilibet habuit opiniones oppositas aliis; hinc diversitates veniunt Scholarum Scotistarum, Thomistarum, Baconistarum, &c. Tum de facto Magister Sententiarum, Gratianus, & Glosæ sequuti sunt opiniones, etiam in materia Legis naturalis, quæ postea

aliter se habuerunt, ut supra retuli. Tum quia non credo, quod Adversarii audeant dicere, omnes opiniones Antiquorum omnium esse certas, & quæ non possint aliter se habere; Tum quia opiniones damnatæ ab Alexandro Septimo, ut refert ipse, partim erant *Antiquatæ*. Ergo partim fuerunt opiniones Antiquorum.

19. Confirmatur ex Divo Thoma evidenter. Ipse sequutus est plurimas opiniones benignas, quæ sunt in linea probabilitatis; Sed omnes opiniones Divi Thomæ sunt securissimæ in praxi; ergo opinio probabilis est securissima in praxi. Antecedens patet discurrendo per opiniones Sancti Doctoris à me supra relatas, quarum aliquas expressè asserit esse probabiles, ut patet in 4. distinct. 17. quæst. 3. art. 1. quæstiunc. 4. ubi dicit, probabilem videri eorum opinionem, qui asserunt peccatorem non teneri statim ad confitendum, & opinionem contrariam vocat *nimis duram*; Hinc ibi inferebam, quod sequendo exemplum Divi Thomæ, possum sequi illam opinionem benignam, quæ mihi videatur probabilis, & contraria *nimis dura*.

Sic etiam dicit, quod habens superflua non tenetur ad eleemosynam, quotiescunque pauper offertur, sed tunc, quando tempus necessitatem urgentem adducit. Hæc doctrina procul dubio non est certa, sed solum probabilis.

20. Insuper expressè dicit: Probabilis esse, quod junctus in Matrimonio nequeat vovere independentem à comparte non petendi debitum matrimoniale. Insuper sustinuit dari Sacramentum validum, & informe; & Principes Sæculares posse ponere impedimenta Matrimonii Christi fidelium. Quæ omnia certè non excedunt limites Probabilitatis. Hoc idem Argumentum potest fieri de omnibus Doctoribus in particulari; & præcipuè de Divo Antonino, de quo in decursu asseremus opiniones, quas damnant Adversarii, ut supra retuli.

22. Dices opiniones benignas Divi Tho-

Thomæ per rationes inventas à Sancto Doctore evehi ad statum certitudinis. Ita Vincentius Baron apud Cardenas 1. part. tract. 1. disp. 15. cap. 6. art. 4. num. 472. suæ Crisis Theologicæ. Ego tanta reverentia veneror Doctorem Angelicum, ut licet aliquando doceam opiniones contrarias, quia mihi videntur probabiliores, in praxi tamen nullo scrupulo utor omnibus ejus opinionibus. Adhuc tamen difficile est dicere, quod omnes debeant opiniones omnes Divi Thomæ credere probabiliores; aliquando siquidem alii Theologi refragantur communiter Sancto Doctore. Et quidem in opinione de Conceptione Beatæ Virginis soli Thomistæ ex Dominicana Familia suam sententiam amplectuntur, ita ut Patres Carmelitani Discalceati, aliàs addictissimi Divo Thomæ, in hoc articulo discedant. Ergo saltem in hoc Sententia Divi Thomæ non pertingit ad certitudinem. Debet ergo Baron demonstrare, quare in aliis materiis Divus Thomas opinionem potuerit elevare ad certitudinem, non verò in hac. Tum quia tantum Divus Thomas dicit, junctum in Matrimonio non posse facere votum de non petendo debito inconsulta parte, *ne Matrimonium onerosum reddatur alteri*. Nunc debet monstrare Baron rationem claram, cur non possit junctus in Matrimonio permittere onerositatem semper petendi debitum, præcipue cum dicatur communiter, petere esse voluntatis, reddere verò necessitatis, ut expressè dicitur cap. *placet*, cap. *quidam iniravit*. de convers. conjug. Vide cap. 13. num. 31. Hinc in cap. *Inquisitioni*. de sentent. excomm. dubius probabiliter de validitate Matrimonii debet abstinere à petitione, & obligatur ad redditionem debiti.

22. Igitur est omnino irrationabile illud dictum Baronis; ex illo nanque sequitur, ceteros omnes Doctores, etiam Sanctos, refragantes Angelico fuisse cæcos, dum in materia certa non viderint veritatem. Fuerunt ergo cæci Divus Raymundus, Divus Bonaventura,

Scotus, Durandus, Baconius, Albertus Magnus, Alens. &c. Quod in re obscura, & quando lux non adest, quis aberraret, nil mirum, quia deficit non ob suam culpam, sed ratione obscuritatis se tenentis ex parte objecti. At quando res in luce certitudinis existit, non videatur ab aliquo, hoc nequit provenire, nisi ex defectu hominis, qui sit vel cæcus, vel clausit oculos. Ergo vel opiniones benignæ Divi Thomæ, in quibus refragantur alii, solum sunt probabiles, vel Doctores refragantes sunt cæci, vel clausit oculos veritati, quam notant, licet Baron facillimè tribuat Modernis, immerito tamen dabit utique illis Antiquis Theologiæ Proceribus.

23. Probatur septimò ad hominem. Regula Antiquorum est bona regula morum; Sed Probabilitas fuit Regula Antiquorum; ergo Probabilitas est bona regula morum. Major patet, quia Adversarii omnes clamant, & exclamant, Modernos relaxasse Conscientias. Minor probatur, Regula, ex qua sequuntur plures opiniones falsæ, relaxativæ est probabilitas; sed antiquitus dabatur regula, ex qua sequebantur plures opiniones falsæ, relaxativæ; Ergo antiquitus Probabilitas fuit regula morum. Major constat ex Adversariis, qui tot probra, disteria jactant in Probabilistas, tanquam docentes Doctrinam moribus perniciosam. Constat ex Conventu Illustrissimo Gallicano, qui altè conqueritur in Præfatione ad Propositiones à se damnatas, quod quisque *se vel maxime Theologum videri velit, quo plura ejusmodi inventa (malorum scilicet incrementa) in Probabilitatis auctoritatem adduxerit*.

24. Minor autem argumenti est adeò evidens, ut negari possit ab illo solum, qui Antiquos non legerit. Sed evolvantur errores Glossæ, quos descripsi cap. 10. & errores aliquorum Antiquorum, quos recensui cap. 11. & 12. Sic Glossa docuit, quod spadonum Matrimonia sint valida, si erigant virgam, nec esse necessarium, quod videretur at

sperma, sicut non est necesse, quod mulier spermatizet. Glossa pariter docuit Confessionem Sacramentalem non esse de Jure Divino, sed de universali quadam traditione, quæ quia ad Græcos non emanavit, ideo Græci non tenentur ad Confessionem Sacramentalem. Alii Antiqui dixerunt, Ecclesiæ Leges non obligare sepósito contemptu. Nunc quæro, hi, & alii multi errores Antiquorum ex quo fonte fluxerunt? si dicatur ex Probabilitate, habeo intentum. Si asserat ex alio quocunque; Ego inferam ex illo provenisse errores, quos redarguunt in Modernis, & non ex Probabilitate, ut volunt Adversarii.

25. Confirmatur evidenter ex eodem Illustrissimo Clero Gallicano, qui num. 124 damnat aliquas propositiones, quarum una erat: *In morte mortaliter non peccas, si cum attritione tantum Sacramentum suscipias, quamvis actum Contritionis tunc omittas libere; licet enim sequi opinionem minus probabilem, reliqua probabiliori.* Has propositiones sic notabiliter censurat. Doctrina his propositionibus contenta est respectivè falsa, absurda, perniciola, erronea, Probabilitatis pessimus fructus. (Nota hæc ultima verba.) Si opinio, quod Attritio sufficiat ad Sacramentum in morte, est pessimus probabilitatis fructus, nulla dabitur ratio, cur opinio illorum Antiquorum eximentium ab obligatione Confessionis non sit pessimus fructus Probabilitatis, quæ opinio procul dubiò est laxior, cum opinio illa Modernorum obligaret ad Confessionem, licet cum sola attritione. E' contra hæc opinio Antiquorum totaliter à Confessione eximit. Præterea opinio Antiquorum est formaliter hæresis, & est hæresis laxior, quàm Lutherana, quæ saltem obligat fideles ad Confessionem peccatorum in genere. Opinio verò Modernorum à nemine de hæresi damnatur.

26. Confirmatur secundò ex eodem Illustrissimo Clero, qui in Præfatione asserit ex Probabilitate derivasse, quòd *usdem in Parochis, usdem in Templis passim cerneremus, ab aliis teneri, &*

*ligari, quæ ab aliis solverentur.* Sed hoc idem habebat Antiquitus, ergo &c. Minor probatur, quia tunc in eodem templo unus Confessarius utebatur opinionibus Divi Thomæ, alter Divi Bonaventuræ, alter Divi Antonini, alter Divi Bernardini, alter Richardi, alter Hostiensis, &c. Hi porò Doctores, & alii Antiqui passim inter se opponuntur, ut legenti patebit &c.

27. Colligitur, sequentes in praxi opiniones benignas Divi Thomæ non peccare mortaliter, etiamsi futuro tempore damnerentur, v.g. si Papa decideret Matrimonio junctum posse vivere de non petendo debito; circumstantias aggravantes esse explicandas in confessione; Tempus incipiendi jejunium esse annum decimumoctavum; Adhuc tamen non peccassent mortaliter, qui usi fuissent opinionibus oppositis benignis Divi Thomæ. Et ratio est, quia in praxi doctrina Divi Thomæ est certa regula morum in his temporibus.

## CAPUT XXI.

*Probabilitas, etiam formaliter sumpta, est optima regula morum.*

1. Dico secundò, ampliando priorem Conclusionem, non solum Probabilitas materialiter sumpta, sed etiam formaliter accepta est bona regula morum. Tunc Probabilitas sumitur materialiter, quando opinio in se potest quidem aliter se habere, intellectus tamen cognoscit, non posse aliter se habere. Sic Glossa in cap. *tribus gradibus* de consecr. distinct. 2. V. *Miscere*. dixit, *ceterum est*, quòd quàm citò species Eucharistiæ dentibus teruntur, tam citò Christi Corpus rapitur in cælum. Tempore Glossatoris acriter contendebar, quando Christus desinere esse sub speciebus facta manducatione. Doctores divisi erant; unde tunc res erat obscura; hinc opinio Glossatoris tunc prob-

babilis poterat videri; Adhuc tamen illam iudicavit certam, *certum est, quod quam cito &c.* Ergo Glossa, quod solum erat intra lineam Probabilitatis, nescio, qua ratione motus credidit, reperiri intra metas certitudinis. Tunc opinio probabilis accipitur formaliter, quando ut talis ab intellectu iudicatur; unde tunc obiectum cognoscitur tanquam possibile aliter se habere.

2. Probatur: Omnes Regule, quas tradidit Divus Thomas, sunt optimæ Regule morum; Sed ex Regulis traditis à Divo Thoma aliquæ sunt certæ, aliquæ sunt Probabiles, quæ scilicet poterant aliter se habere. Ergo regulæ Probabiles, cognite ut Probabiles, sunt optimæ regulæ morum. Hoc idem argumentum potest fieri de aliis sanctis Patribus, & de aliis Doctoribus Antiquis, qui velut oracula Theologiæ venerantur. Major argumenti est evidens; Minor quoad primam partem probata est supra. Probatur verò secunda pars, quod nempe Divus Thomas opiniones Probabiles tradiderit ut probabiles. In 4. dist. 17. quæst. 3. art. 1. quæst. 4. dicit, opinionem asserentium peccatorem non teneri statim ad Confessionem, *videri probabilem*. Ergo illam expressè ut probabilem tradidit. Sic etiam expressè vocat probabilem utramque opinionem in illa quæstione, an repudium apud Hæbræos fuerit licitum. Sic etiam expressè asseruit opinionem dicentium iunctum in Matrimonio non posse vovere castitatem independentem à comparte, illam, inquam, expressè dicit, esse *Probabiliter*. Tum quia ex Divo Thoma 2. 2. quæst. 1. art. 5. ad 4. habetur, *de ratione opinionis est, quod id, quod est opinatum, existimetur possibile aliter se habere*. Ergo, si Divus Thomas tradidit aliquas regulas contentas intra metas Probabilitatis, & opinionis, *existimavit* has regulas *possibile aliter se habere*. Et si aliter existimavit, deceptus esset, quia non cognovisset obiectum, ut est. Item part. 3. quæst. 83. art. 3. ad 3. ait: Aliqui probabiliter dicunt, quod per ingressum Ecclesiæ consecratæ

homo consequitur remissionem peccatorum venialium. Lege cap. 13. & 14. & videbis, Divum Thomam tradidisse plures opiniones expressè vocando illas probabiles.

3. Confirmatur. Vel Divus Thomas cognovit Beatam Virginem esse conceptam in peccato originali ita, & taliter, ut possibile foret, quod aliter se haberet; vel cognovit, quod impossibile esset, quod aliter se haberet. Si primum; infero, quod, si in hac opinione ita se gessit, se gesserit ita in aliis; & sic habeo intentum. Si secundum, ergo Divus Thomas erravit. Consequens probatur, quia certum est, quod opinio Divi Thomæ potest esse falsa, & hisce temporibus, exceptis Dominicis, omnes Theologi refragantur eidem. Item Divus Thomas 2. 2. quæst. 32. art. 8. ad 1. dicit, quod Monachus nequit facere eleemosynam sine licentia Abbatis vel expressè habita, vel *probabiliter præsumpta*. Ecce duæ licentiæ sufficiunt, ut licitè fiat eleemosyna à Monacho, licentia expressa, & in hoc casu tunc certum est posse fieri eleemosynam; & licentia *probabiliter* præsumpta. Hæc utique non est certa, & sic causabit solum, quod eleemosyna probabiliter licitè fiat.

4. Dices quodl. 9. art. 15. ait Sanctus Doctor, quod omnis quæstio, in qua de peccato agitur, periculosè determinatur, nisi veritas expressè habeatur; ergo, quando sequitur aliquam opinionem, in qua agitur de peccato, veritatem expressè habet, quæ verba certè denotant, quod author credat, illam opinionem certam, & quod aliter se habere non possit.

Sed contra est, quia illas certè opiniones, quas vocat expressè probabiles, vel probabiliores, nequit dici, quod sequatur ut certas, cum Sanctus Doctor expressè dixerit de ratione opinionis esse, quod *existimetur possibile aliter se habere*. Tum quia sciebat, Doctores sapientissimos sibi opponi, v. gr. in illa quæstione, quod præceptum jejunii incipiat in fine tertii septemarii, noverat irre-

Irrefragabilem A'lensem illam parum probabilē reputasse. 4. part. quæst. 28. membr. 6. art. 2. §. 3. Unde impossibile est, quod Divus Thomas suam opinionem crediderit, esse in linea certitudinis; sic enim iudicaret, A'lensem certò errasse, quod non est dicendum; Tum quia, quando Sanctus Doctor existimat aliquam opinionem certam, ex modo, quo illam tradit, clarè colligitur. Sic v. gr. refert 3. part. quæst. 75. art. 2. quod quidam asseruerint, in Sacramento Eucharistiæ stare substantias panis, & vini. Ipse Sanctus Doctor subdit: Sed hæc positio stare non potest, quia tollitur veritas Sacramenti. Sic art. 6. narrat, quosdam posuisse remanere in hoc Sacramento formam panis, & vini. Subdit Divus Thomas: Sed hoc stare non potest. Et in citato art. 15. narrat, quosdam dixisse, quod habere plures præbendas ita se haberet, sicut habere duo poma. Subdit autem ipse: Sed hoc non videtur verum, &c. Et alibi pluries simili modo ponit suas conclusiones. Hic quidem modus dicendi denotat firmitatem, & certitudinem. At dicere, quod dum Sanctus Doctor simpliciter ponit suam conclusionem, quæ tractat de materia, quæ illo tempore reputabatur opinabilis, adhuc illam asserat ut certam, nunquam credam.

5. Post verba relata in objectione addit Divus Thomas: *Præcipue autem periculosum est, quando veritas ambigua est, quod in hac questione accidit. .... inveniuntur in ea Theologi Theologis, & Juriste Juristis contrarie sentire.* Igitur aliter, quod verba relata in objecto procedant, quando sumus in materia, in qua certitudo inveniri potest. Et hoc patet ex ratione allata à Divo Thoma, dicit enim, quod error, quo non creditur esse mortale, quod est mortale, conscientiam non excusat à toto, licet fortè à tanto. Ergo Divus Thomas loquitur in materia, in qua non potest dari error invincibilis, & excusans; & sic in materia clara, & certa; aliter Sancti sequentes opiniones benignas, quæ postea detectæ sunt falsæ,

peccassent mortaliter, quod non est dicendum. Tum quia Sanctus Doctor per verba posteriora: *Præcipue autem periculosum est, quando veritas ambigua est*, denotat clarè loqui in alio casu, & hic casus est in materia ambigua. Ergo in casu antecedenti loquitur, quando veritas ambigua non est; & sic quando veritas potest esse certa, & clara. Igitur fateor cum Divo Thoma, quando veritas potest haberi expressè, idest certò, & quis non determinat rem, si cuti est, tunc peccat siue stando pro parte benigna, siue pro parte stricta; quia, si veritas est pro parte benigna, & Doctor sequitur strictam, tunc hæc opinio facit, quod Conscientia peccet, ubi nullum est peccatum; si verò veritas est pro parte stricta, & Doctor sententiat pro benigna, adhuc hic error non excusat à toto, licet fortè à tanto; & hæc Doctrina est conformis illi, quam tradit quodlib. 8. art. 15. ubi ait, quod error Conscientie non habet vim absolvendi, vel excusandi, quando scilicet ipse error peccatum est, ut cum procedit ex ignorantia ejus, quod quis scire teneretur, & potest; sicut si crederet fornicationem simplicem esse peccatum veniale, & tunc, quamvis crederet peccare venialiter, non tamen peccaret venialiter, sed mortaliter. Cum ergo in obscuris, & in ambiguis, nequeamus, & sic non teneamur, scire veritatem, in his rebus error est excusabilis; inclaris verò cum possimus, & sic teneamur scire veritatem, v. g. an fornicatio simplex sit peccatum mortale, tunc error non excusat à toto, licet fortè à tanto.

6. Quando autem Divus Thomas dicit, quod præcipue periculosum est, quando veritas ambigua est, non significat, quod præcipue sit periculosum in ambiguis determinare quæstiones, nisi veritas expressè, idest certò habeatur; quia sic Sancti ad invicem contrarii in his quæstionibus peccassent mortaliter. Significat ergo, quod maximum periculum accidit errandi, idest non dicendi veritatem, in quæstionibus ambiguis. An verò error in hisce casibus sit excusabilis,

fabilis, an verò non, hic non dicit ali-  
quid; unde hoc est querendum ex aliis  
textibus Sancti Doctoris, & credopate-  
re ex textu citato quodl. 8. & certum pu-  
to, quod sit excusabilis, ut infra de-  
monstrabo.

7. Probatur secundò: Impossibile est,  
quod in materia obscura quis possit in-  
venire motiva inducentia ad certitudi-  
nem; ergo in hac materia non debet  
quis, judicare illam opinionem certam;  
quia aliter fingeret ex libito voluntatis.  
Probatur antecedens; quia certum est,  
dari opinionem in rerum natura, nec  
esse Chinaram; unde Aristoteles, &  
Philosophi ponunt illam tanquam habi-  
tum intellectivum, & diximus supra in  
jure reperiri opinionem, opiniones Pro-  
bables, Probabiliores, & Probabilissi-  
mas. In qua ergo materia dabitur opi-  
nio, nisi in obscura? Tum quia in ma-  
teria, quæ non potest aliter se habere,  
datur scientia, & in materia, quæ po-  
test aliter se habere, si à Sapientibus  
probetur, datur opinio ex Arist. 1. To-  
pic. num. 6. & Poster. 1. cap. 24. num. 1.  
Sed materia obscura potest aliter se ha-  
bere, & in hac materia potest approbari  
aliqua propositio; ergo illa propositio so-  
lum ut probabilis attingi potest.

8. Dices: Quamvis, quantum est ex  
parte materiæ, & intellectus nostri, in  
hisc materiis non possumus veritatem  
certò attingere; tamen id poterimus ac-  
cedente ferventi oratione; tunc enim  
unctio desuper nos docebit. 1. Joann.  
cap. 2. Hinc Psalmista sæpius orabat,  
ut veritatem à Deo edoceret. Psal. 24.  
*vias tuas Domine demonstra mihi, & se-  
mitas tuas edoce me. Dirige me in ve-  
ritate tua.* Psalmus 85. *Deduc me in via  
tua, & ingrediar in veritate.* Psal. 118.  
*Doce me justificationes. Vias justificationis  
tuarum instrue me.* Psalmus 142.  
*Notam fac mihi Domine viam, in qua  
ambulem, &c.* Et alibi pluries in Sa-  
cræ Scriptura dicitur: *Orandum esse Pa-  
trem luminum, ut nos instruat de veritate.*  
Hinc Divus Thomas magis oratione,  
quàm studio tantam sibi cognitionem  
comparavit.

9. Si hac Doctrina uteretur solus  
Vendrochius, nil mirum videri debe-  
ret; cum enim ipse de Iansenismo infi-  
muletur, (de quo nihil ego assero) &  
Iansenistæ velint nos obligari ad qua-  
dam, quæ secundum vires, quas habe-  
mus, sunt impossibilia, sequitur, quod,  
si obligamur ad illa, debeamus orare  
Deum, ut vires sufficientes infundat.  
Illud mirum est, quod ista doctrina  
utantur etiam viri doctissimi, & omni-  
nò Catholici. Ut verum fatear, nec  
verisimilitudinem aliquam habet hæc re-  
sponsio. Pro indubitato suppono, Di-  
vum Hieronymum, Augustinum, &  
alios antiquissimos Ecclesiæ Patres De-  
um oravisse. Item pro certo suppono,  
Sanctum Raymundum, Thomam, Bo-  
naventuram, Antonium, & alios San-  
ctos non adeo Antiquos Deum pariter  
deprecatos fuisse. Hoc idem suppono  
de Alensi, Alberto, Richardo, Scoto,  
Durando, & aliis Antiquis Theologiæ  
Proceribus, qui cum fuerint viri Reli-  
giosi, & optimis moribus instituti, non  
possumus dicere, quod in Doctrinis tra-  
dendis voluerint se, & alios in re ne-  
cessaria decipere. Hoc idem de nostris  
Religiosis recentioribus supponerem, qui  
cum fuerint maxima pars ex Regulari-  
bus, & quidem observantibus, debe-  
mus credere, non fuisse transgressos præ-  
cepta, cum Consilia expressa in Regulis  
studiosè observaverint.

10. Ergo illi Sancti, & illi Antiqui  
oraverunt ferventer: nunquid in mate-  
riis obscuris certò attingerunt veritatem?  
Sed cur ita inter se dissidebant? Tum  
quia Scotistæ debent fateri, Divum  
Thomam floruisse Sanctitate, de Scoto  
autem non ita. Hinc videtur, debere  
etiam fateri, plus illum orasse Deum  
pro veritate, quàm Scotus. Non per  
hoc tamen dicent, opiniones Divi Tho-  
mæ esse certas, vel probabiles opinio-  
nibus Scotistarum. Tum quia Proba-  
bilioristæ, qui orant, vel obtinent spe-  
ciale lumen, vel non obtinent. Si se-  
cundum; ergo non est necessaria talis  
oratio, & crans ita se habet, ac non  
orans. Si verò obtinent tale lumen; er-

go ipsi poterunt invenire argumentum demonstrativum, & certum in his materiis: illud ergo ex charitate explicent aliis, & eosdem edoceant. Igitur ferventissime orent, ut clarè solvant difficultatem, an teneamur confiteri statim habito Confessore, an teneamur confiteri circumstantias agerantes, an confessio possit esse valida, & informis; Et si erunt felices adeo, ut cælum peculiari illustratione ipsos illuminet, in his doctiores erunt Ecclesiæ Doctoribus Divo Bonaventura, & Divo Thoma opinantibus diversimodè inter se quoad hos casus, & quilibet doctus summè ipsis tenebitur, dum absque labore certam acquirat veritatem in iis, in quibus primi Theologi adeo infudarunt.

11. Igitur in materiis obiculis, & quæ à Doctoribus controversantur oratio non est necessaria, hoc est præcepto non tenemur, orare Deum, & illam omit- tendo, culpam non committimus, & error ex hoc capite sequens non est culpabilis, quod est evidens, nam in his materiis non tenemur scire veritatem, aliter Sancti variantes opinionem in his casibus peccarent, qui sequerentur scilicet opinionem, quæ ex parte objecti esset falsa. Peccassent pariter viri illi Religiosi, & docti, qui olim asseruerunt confessionem mortalium non esse sub præcepto Divino, & in specie Abbas Panormitanus; qui & ipse sequutus est hanc opinionem. Ut uno verò dicam, exceptis paucissimis, peccassent omnes Antiqui, cum aliquam opinionem amplexi fuerint, quæ postea detecta est falsa. Quin absolutè omnes peccassent, cum omnes, saltem in paucis, ad invicem in opinionibus opponantur. Insuper Oratio in his materiis non est necessaria, idest, non est medium, quo sapè obtineamus intentum; video enim Doctores Sanctos, & Antiquos varios inter se, sicut reliquos Doctores.

12. Tum quia si mihi dices, te ferventissime orasse, & obtinuisse certitudinem de cælo circa illam quæstionem, an teneamur dare superflua existentiæ in gravi necessitate, quomodo pro-

bis me tibi debere credere? quin tu quomodo, & qua ratione debebis credere huic peculiari illustrationi? Cajetanus 1. part. quæst. 14. art. 13. vers. ad has objectiones, se jactavit post quindécim annorum studium sibi illuxisse Divi Thomæ opem, (ut arbitratur,) veritatem in quæstione de præsentia futurorum physica in æternitate; Hæc tamen credulitas, & arbitrium Cajetani tantum abest, quòd apud Adversarios Scotistas aliquam fidem, & aqualiter illos moverit, ut magis firmati sint in opinione Scotistarum, & hoc testimonio Cajetani utuntur, & jure merito, ad demonstrandum Thomistis rationes Scoti in hoc articulo naturaliter esse insolubiles, & interim relinquunt Lectoribus licentiam judicandi, an verè Cajetanus fuerit à Divo Thoma afflatus. De quo vide Mastrium, & Bellurum in 1. Tom. de log. ubi referunt doctrinam Scoti approbatam esse humanitus, & divinitus. Si ergo aliquis post longas preces sibi persuaserit à Cælo illustratum in aliqua difficultate morali, videat, ne decipiatur, uti Cajetanus, & de ipso dicantur verba ibidem recitata à Mastrio: *Libero suo ingenio confiteatur Cajetanus, postquam neminem ex Thomistis rem acutè tetigisse vidisset, post quindécennalem sibi irritam speculationem; tandem opus fuisse à Cælo delapsa responsa Scoti objectionibus opponere; Id, quod an etiam fuerit affectus, judices sint ipsimet Thomista, acque Neoterici Theologi.*

13. Ego fateor in ordine ad scienda media necessaria ad salutem, sine quibus salus acquiri non potest, esse quidem orandum, quia, cum debeamus facere, quantum possumus, ut cælum obtineamus, si nescimus media necessaria ad talem finem, debemus invocare auxilium Divinum ad hoc; si enim Philosophi dicunt naturam non deficere in necessariis, multò minùs deficiet Omnipotens Conditor nature, qui sola sua misericordia voluit nos elevare ad finem supernaturalem. Hinc Divus Thomas dicebat, si quis rectè natura-

liter



ster vixisset, & non haberet, à quo edoceret de rebus supernaturalibus, quòd Deus Angelum de cælo mitteret ad illum instruendum, vel inernè illum illuminaret, vel mitteret Prædicatorem, & ita asseruit in 3. distict. 23. quæst. 2. art. 1. ad 1. & 2. & quæst. 14. de verit. art. 11. ad 1. Idem dicunt Durandus in 3. dist. 23. quæst. 1. Alen. par. 2. quæst. 112. de ignorant. membr. 8. Altiſiod. in 2. tract. 29. cap. 1. de ignorant. quæst. 4. ad 4. Divus Bernardinus tom. 1. ser. 2. post Quinquag. serm. 3. Destructorum Vitiourum part. 4. cap. 36. & Lyranus in c. 14. Act. Apolt.

14. An sit de necessitate orandum, ut sciamus ea, quæ sunt de necessitate præcepti tantum, & sunt jam decisa, & clara, ita ut, si non oremus, & nesciamus hæc, hic error sit peccatum, non est hic locus quæstionis. Vide Cordubam Probabilioristam lib. 2. quæst. Theol. de ignorant. quæst. 2. & 4.

15. Auctoritates Psalmistæ non dicunt, nos teneri ad orationem pro scienda veritate, sed explicant ad sciendam veritatem David orasse. Sed supponamus hoc dicere, tunc assero explicandas esse quoad materias claras, ut patet ex dictis, in quibus tenemur scire veritatem, non verò quoad materias obscuras, & probabiles, in quibus etiam Sancti, & Doctores Antiqui, variaverunt in opinionibus; assero tamen, in his etiam optimum consilium fore orare, quia forsitan Deus illuminabit orantem. Talis verò orans non debet sibi blandiri, nec debet fidere se desuper illuminatum; nisi evidenter hoc ipsi constet, quia sic via aperiretur, ut quilibet se taliter illuminatum vendicaret; unde quisque ex Catholicis sumeret pro regula certum suum iudicium quoad explicationem Scripturæ obscuræ, sicut Hæretici illud sumunt pro regula certa quoad explicationem Scripturæ, quæ ut de fide ab omnibus est credenda. Vide Cordubam q. 4. Lege num. 1.

16. Probatur tertio argumento sumpto ex Divo Antonino part. 1. titul. 3.

cap. 10. §. 10. propè finem, cuius etiam memini supra: Hoc verò Argumentum ipse desumit ex Gersono, & fuit etiam Nider part. 3. c. 13. ita verò se habet: Non plus nocet homini errare in articulo fidei, qui non est declaratus ab Ecclesia, quod sit de necessitate credendus, quam nocere posset actus moralis contra aliquod agibile perpetratus, quia actus dicitur esse certus ex Scriptura, aut determinatione Ecclesiæ, quod sic illicitus. Patet hoc ex eo, quod fides tam est necessaria, sicut virtutes, & si non amplius. Sed constat communiter apud Theologos, quod in materia fidei, dum Doctores sentiunt contraria, licitum est ante determinationem Ecclesiæ tenere unam partem, vel alteram sine periculo peccati, vel fidei, ut patet in Abbate Joachim, qui tenebat contrarium ad id, quod Magister Sent. dixerat in 1. dist. 1. pro quo Magistro Ecclesia determinavit de Summ. Trin. cap. damnamus; nec tamen dictus Joachim incidit in hæresim, aut perditionem propter hoc, quia dicta sua omnia subiecit correctioni Ecclesiæ: Ergo à simili licet unam opinionem in moralibus tenere, juxta limitata superius, saltem ubi magis Sapientes non sentiunt contrarium, & ubi paratus est obedire Ecclesiæ, & Scripturæ, si ei errore explana-verit. Hæc verba conclusionis caracteribus peculiaribus apposita descripta ex vi argumenti non debent poni, quia non sunt in præmissis; adhuc tamen nihil officiunt: Illa enim verba: juxta limitata superius, non possunt referri nisi ad ea, quæ verè revertendo ad quartam in principio dixit, quod scilicet possimus sequi opinionem tanquam de probabiliori parte, & quod operans ex contrarietate opinionum non inducatur in dubitationem. Hæc, inquam, non officiunt, quia opinio probabilior continetur intra lineam Opinionis, & Probabilitatis, sicut quælibet qualitas continetur adhuc in sua linea, quamquam redditur intensior.

17. Quodverò in controversiis quæ-

stio-

tionibus fidei, hoc est, dum agitur de aliqua propositione controversa speculativa dependente à principiis fidei, ante determinationem Ecclesiæ, & ante inventionem textus expressi Sacre Scripturæ liceat tenere quamlibet opinionem, Antoninus probat clarè exemplo Joachim, qui tenuit Patrem, Filium, & Spiritum sanctum esse tres res realiter distinctas in natura Divina, & esse unum, eo modo, quo plures homines sunt una Respublica, & multi fideles una Ecclesia, ut patet ex c. *damnamus*. de Summ. Trin. Et tamen ipse Joachim non fuit damnatus, & sic absque ullo peccato tenuit illam opinionem, ut etiam communiter animadvertunt Antiqui, qui meminerunt huius opinionis. Sic etiam antiquitus absque peccato tenebantur opiniones, quæ postea hæreticæ, erroneæ &c. declaratæ sunt, quas proinde amplius sustineri non possunt, ut expressè de opinione Joachim declaratur in d. c. *damnamus*, & dixerat Antoninus part. 3. tit. 5. cap. 2. §. 9. loquens de opinione Fraticellorum asserentium Christum nihil habuisse commune in bonis cum Apostolis. Vide cap. ant. num. 5.

18. Hic obiter collige Divum Antoninum, & Gerlonem opponi Illustrissimo Cætui Gallicano in §. de opin. prob. usu ubi dicit, quod, si per Concilium Viennense debemus sequi opinionem probabiliorē in materia Sacra speculativa, multo magis debeamus illam sequi in dirigendis moribus, quo magis ex ipsis fidelium Sanctitas, & salus pendet. Illi nullam differentiam faciunt inter Fidem, & mores, quoad necessitatem.

19. Antiquitus habet questio, an contrariæ opiniones de Notionibus Divinis possint esse sine peccato, & omnes qui illam pertractant, affirmativam sententiam sequuntur. Ita Albertus in 1. sentent. distinct. 26. art. 27. Alens. part. 1. quest. 68. membr. 1. art. 2. Divus Thomas in 1. distinct. 32. art. 5. & part. 1. quest. 32. art. 4. Divus Bonaventura in 1. dist. 27. part. 1. quest. 4. Ægidius dist. 33. par. 2. quest. 2. Stephanus Brulher dist. 27. part. 1. quest. 4. Ex Do-

ctoribus verò, qui secundum Venerabilem reputandi sunt Antiqui, eandem opinionem amplectuntur Pelbartus in Rosar. Tom. 1. Verb. *Opinio*. num. 1. Joann. Altenstaig in Lexico Theologico V. *Opinari*. Tabien. V. *Opinio*. quest. 2. Fumus. V. *Opinio*. Albertus dicit, quod propter difficultatem materiæ non ex præsumptione, sed ex ratione hic diversa opinantes excusantur. Alensis scribit, quod cum à Sacra Scriptura non habeamus determinatum de Notionibus; Ideò licet Magistris opinari, sed non licet eis asserere; si enim quis asserat, aliquid dicendo, quod non sit determinatum in Sacra Scriptura, vel quod non sequatur directè ex fide, mortaliter peccat. .... Magistri autem Theologiæ nihil asserunt, sed tantum opinantur. Divus Thomas in textu ex sententiis ita decidit: *Vel est de illis contrarietas opinionum, ad quæ consequitur aliquid inconveniens, & contrarium Fidei, licet in Fide expressum non sit, nec determinatum, & tunc ante pertractationem, per quam scimus, quod aliquid inconveniens Fidei sequitur, potest utrumque sine peccato opinari, & maxime si pertinacia non adjungatur. Sed pertractata veritate, & viso, quod sequitur, idem iudicium est de eis, & de illis, quæ determinata sunt in fide, quia ad unum sequitur alterum: sicut si aliquis simplex, & Scripturam ignorans crederet, Jacob Patrem Isaac fuisse, ad quod sequitur scripturam esse falsam, quod est expressè contra fidem, antequam sequi ostenderetur sibi, posset ejus opinio sine peccato esse. Sed ostenso, quod sequitur &c.*

Omnino eadem habet Divus Bonaventura, & concludit his verbis: *Concedendum est, quod uterque opinans, si asserat, peccat, non propter errorem, sed propter præsumptionem; & sic concedendum, quod licet ibi (idest in materia de Notionibus Divinis) contrarium opinari. Et in 2. dist. 14. par. 1. quest. 1. sic scribit: Hinc autem viam tertiam satis sustinere possumus probabiliter, cum nihil videatur sibi obviare. Hoc autem præcipue attendendum est, ne in incerta*

*Incerta materia aliquid certitudinaliter asseratur*; melius est enim dubitare piè, quam aliquid temerariè definire. Sanctus Doctor resolvit quæstionem, an supra firmamentum sint aquæ; & in distinct. 15. in explanat. litterar. dub. 3. dicit, quòd Catholici Tractatores circa ea, quæ assertivè dicunt, non discordant; circa verò ea, de quibus opinantur, dissentire possunt, & aliquando dissentiunt, quia opinio aliquando venit ex probabili conjectura rationis, in qua homo frequenter decipitur deceptione potius, quæ est pœna, quam culpa.

20. *Ægidius sic concludit: Si ergo talis error (circa divina) non contradicit articulis Fidei expressè, nec est ab Ecclesia determinatum, vel si est determinatum, sic errans nescit esse determinatum, si non enim pertinacia asserat, quod dicit, sine peccato errare potest.*

Stephanus Brulifer a secula, & explanator doctrinæ Divi Bonaventuræ hanc quæstionem clariùs explicat, & pertractat, dicit ergo: *Quòd circa ea, quæ evidentè sequuntur ex fide, & Sacra Scriptura, si quis contraria opinetur ante determinationem Ecclesiæ, est litiçium, sed post determinationem Ecclesiæ non licet. In his verò, quæ sunt annexa Fidei, & Sacra Scriptura, nec sequuntur evidentè syllogisticè, vel aliàs, nec repugnans, quia dubia sunt, licet contraria opinari. Alii Doctores allati sequuntur istos, unde non refero ipsorum verba. Tum quia in mea sententia non sunt Antiqui.*

21. *Ex hisce textibus sequitur, in rebus dubiis Divinis ante determinationem Ecclesiæ, & ante pertractationem difficultatis, qua monstratur scientificè, & evidentè veritas, posse nos opinari, non tamen asserere. Si bene penetrentur Textus, hoc corollarium inficiari nequit. Ratio verò est evidens, quia antequam determinetur ab Ecclesiâ, & ante evidentem, & scientificam percontationem, per quam res scitur, & videtur, ut utar phrasi Divi Thomæ, res est dubia; ergo non possumus*

*aliquid in materia incerta certitudinaliter asserere, ut dicebat Seraphicus Doctor. Licet tamen, & possumus opinari, quia materia incerta admittit opinionem, ut vidimus suo loco. Tum quia melius est, (inquit Bonaventura,) piè dubitare, idest opinari, & probabiliter sustinere, quàm aliquid temerariè definire. Per hæc probata manet evidentè minor nostri secundi Argumenti, quæ erat, quòd in materia Fidei, dum Doctores sentiunt contraria, sit litiçium ante determinationem Ecclesiæ tenere hanc partem, vel illam sine periculo peccati, vel Fidei. Tenere, inquam, opinando, non verò asserendo. Ergo etiam in moralibus, quando materia est incerta, possumus sequi hanc partem, vel illam, opinando tamen, ut volo ego, non asserendo. Cum autem Adversarii velint, nos in hisce materiis moralibus incertis, in quibus Doctores contraria sentiunt, debere certò adherere huic parti, vel illi; jam sequitur Adversarios esse contrarios Alberto, Alensi, Divo Thomæ, Divo Bonaventuræ, &c. contrarios, inquam, supposito, quòd valeat argumentum à materia dubia speculativa Sacra ad materiam moralem dubiam, & incertam, ut valere volunt Divus Antoninus, & Gerson, & Nider.*

Sed si negetur valere Argumentum, & paritas, probatur clarè; quia in Scriptura, & in Fide inveniuntur propositiones, quæ sunt purè speculativæ; unde dicuntur spectare ad Fidem purè, v. gr. Deum esse Omnipotentem. Inveniuntur etiam propositiones morales, & practicæ, v. gr. in Ecclesiâ datur remissio peccatorum; Ex hac enim sequitur, nos debere suscipere Sacramenta, per quæ remittuntur peccata. Utraque porò ex his propositionibus convenit cum alia, quia utraque est de Fide, & revelata à Deo; secunda autem superaddit, quòd dirigit nos ad mores componendos. Primus respectus est nobilior, cum per eum propositio illa participet veritatem Divinam, & constituitur in ordine divinæ veritatis; unde certius est, quòd

per Sacramenta condonentur peccata, quam propositio in primo modo dicendi per se, & essentialis. Alter verò respectus, quem dicit ad homines obligandos ad sic operandum; non est adeo excellens, cum respiciat hominem, non Deum. Tum sic ad propositum nostrum. Propositio secundum primum respectum nobiliorem admittit opinionem, & probabilitatem, quando evidenter non sequitur à Fide, & à determinatione Ecclesiæ, ut patet in propositione speculativa in materia incerta, & obscura; ergo etiam admittit opinionem, & probabilitatem, etiam secundum alterum respectum minus nobilem, scilicet secundum virtutem directivam ad praxim. Si revelatio Divina, quæ est operatio Dei, stat simul aliquando cum opinione, & probabilitate; unde ex principiis Fidei aliquando deducuntur conclusiones opinativæ, & probabiles, ut patet in opinionibus speculativis Theologicis Thomistarum, & Scotistarum, & aliorum Catholicorum ex Divo Bonaventura; ergo etiam operatio humana stabit simul cum opinione, & probabilitate.

22. Confirmatur ex Divo Augustino 1. de Trinitate c. 3. ubi ait: Ubi queritur Unitas Trinitatis Pater, & Filius, & Spiritus sanctus, *nec periculosius alicubi erratur*, nec laboriosius aliquid queritur, nec fructuosius aliquid invenitur. Sic formatur Argumentum: In investigando unitatem Trinitatis, licet sit materia, in qua majus periculum incurri possit, quam in aliis materiis, & sic quam in moralibus; adhuc tamen possumus sequi opiniones probabiles; ergo & in moralibus. Consequentia est clara, quia intantum non possemus sequi opiniones in moralibus ob periculum erroris; sed in Trinitate ex Augustino periculosius erratur; Ergo, si licet in Trinitate invadere opiniones sine periculo erroris, multo magis licebit in moralibus &c. Antecedens probatur, quia Thomistæ, & communiter asserunt unitatem Trinitatis esse talem, ac tantam, ut non admittat distinctionem forma-

lem, sed solum virtualem; quin multo Theologi respuunt etiam distinctionem virtualem intrinsecam; Et contra Scotistæ admittunt distinctionem formalem ex natura rei. Item cum infinita unitate Dei negant Thomistæ actum primum in Intellectu, admittunt Scotistæ; quin vidimus supra, Abbatem Joachim dixisse unitatem Trinitatis esse solum eo modo, quo plures fideles sunt una Ecclesia, & hanc opinionem potuit tenere ante determinationem Ecclesiæ absque errore, & peccato, ut supra notavi: Ergo in investiganda unitate Trinitatis possumus sequi opinionem, & Probabilitatem.

23. Colligitur notabiliter, quod si quis teneret aliquam opinionem contra manifestum textum unius solum Doctoris Ecclesiæ, v.g. Augustinum, hic ex hoc capite non esset damnandus de errore, aut de peccato. Ratio clara est, quia auctoritas solius Augustini non facit certitudinem, & ipse talem opinionem habebat de aliis viris doctis, & voluit, quod taliter de ipso crederemus, ut patet in Epistol. 111. & refertur *Cap. neque quorumlibet*. 9. dist. & colligitur ex *Capo solis* eadem, qui Canon pariter est Augustini ex Epist. XIX. Tum quia Doctores sentientes posse opinari in rebus Divinis, tunc solum negant posse opinari in his rebus, quando aliquid sequitur evidenter contra Fidem, vel post decisionem Ecclesiæ; Sed asserere aliquid contra manifestum textum solius Augustini nihil sequitur contra fidem, nec contra decisionem Ecclesiæ; ergo &c.

Dices in *Cap. Sancta* 15. dist. approbantur opuscula Beati Augustini, & aliorum Sanctorum Ecclesiæ. Ergo non sequendo solum Augustinum facimus contra decisionem Ecclesiæ. Tum quia ibidem dicitur, quod sit Anathema, qui non receperit in omnibus, aut disputaverit de iis, quæ Leo Papa scribit in Epistola ad Flavianum Constantinopolitanum Episcopum.

24. Respondetur primò cum Divo Thoma lib. 4. contra Gentes cap. 24. ex V. Synodo, quæ sic decidit quoad au-

thoritatem Patrum. Sequimur per omnia Sanctos Patres, & Doctores Ecclesie Athanasium, Gregorium, Ambrosium, Augustinum, Joannem Constantinopolitanum, Cyrillum, Leonem, & *suspensimus omnia, quæ de rella Fide & damnatione Hæreticorum scripserunt.* Ad hoc ex Tridentino Sess. 4. de usu & edit. sacr. libr. Sanctos Patres unanimes in explicatione Scripturæ facere rem certam. Ex his clarè elucet, nullum absurdum contineri in nostro Corollario; quin, meo iudicio, validè confirmatur nostra doctrina.

25. Respondetur secundò, in illo Canone recipi quoque opuscula Cypriani, & Joannis Chrysostomi, & tamen certum est, hosce Doctores tenuisse opiniones, quæ postea inventæ sunt falsæ, ut patet in illa gravissima de rebaptizando Baptizatos ab Hæreticis. Igitur Canon ille recipit, & approbat illa opuscula; at non tanquam certa in omnibus suis propositionibus, sed juxta capacitatem materiæ. Hinc in materiis obscuris, & in iis, in quibus inter se contradicunt, non possunt recipi, nisi ut probabilia, ut supra dixi, & ex hoc deduxi, ad praxim sufficere probabilitatem. Adsecundum Epistola Divi Leonis ex modo speciali, quo approbatur, debet judicari certa in omnibus suis propositionibus; unde, si opuscula Sanctorum aliorum ita reciperentur ab Ecclesia, ut sub anathemate omnia usque ad unum iota deberemus defendere, tunc non possemus in ulla propositione alicui Doctori Ecclesie contradicere. Sic etiam Ecclesia ibidem specialiter declarat, se sentire cum Hieronymo in iis, in quibus de libertate arbitrii contradicit Rufino; unde in hoc articulo non possumus nos opponere Hieronymo; quia sensus Hieronymi est sententia Ecclesie. Igitur approbatio facta ab Ecclesia de aliquo Doctore de sua Doctrina in generali solum infert, quod tota illa Doctrina est probabilis, non tamen certa, ut patet ex nostro Corollario, & quia Scotiste absque scrupulo contradicunt Divo Thome, qui est unus ex

primariis Ecclesie Doctoribus. Tum quia Divus Thomas 1. part. quaest. 1. art. 8. asserit, Theologiam arguentem esse autoritate Doctorum Ecclesie procedere ex probabilibus; ergo unus Doctor Ecclesie non facit Autoritatem certam. Vide Turrecrematam in c. *sancti*. 15. quaest. 3. ubi in fine sic scribit: Ad hoc, quod etiam rectè Ecclesia recipiat talium Patrum opuscula ad legendum eo modo, quo diximus, sufficit, quod talia Patrum Opuscula habeant Probabilitatem veritatis.

26. Subcolligitur, quod quando Vendochius intendit damnare de errore Jesuitas, & pro se assert unum, vel alterum Doctorem Ecclesie, tunc non probat juridicè intentum; quia dato etiam, quod Jesuitæ tenerent contrarium alicui Doctori Ecclesie, ex hoc capite non sunt damnandi de errore, quia solus ille errat, qui contradicit certitudini.

Adverto tamen, quod nemo debet contradicere alicui Doctori Ecclesie, nisi cum maxima ponderatione, & cum tribus præcipue conditionibus. Primò, quod sit certus alios Patres non esse ejusdem opinionis. Secundò, quod illa propositio non sit specialiter approbata ab Ecclesia. Tertiò, quod habeat fundamentum solidum deferendi dictum Sancti Patris.

27. Probatur quartò; Alexander Septimus, & Innocentius Undecimus damnant tanquam scandalosas ut minimùm quasdam propositiones, quæ dicebantur Probabiles. Talis est Quadragesima Alexandri: *Est Probabilis opinio*, quæ dicit, esse tantum veniale osculum habitum charitatem sensibilem, & carnalem. Talis est sexta Innocentii: *Probabile est*, ne singulis quidem rigorosè quinquenniis per se obligare præceptum charitatis erga Deum. Ergo, quod opinio sit probabilis, inferuit ad praxim; si enim non interviret, cur illas damnaverent ut scandalosas?

28. Probatur quintò. In discussione novæ difficultatis vel licet opinari, vel non licet. Si licet, ergo Probabilitas ce-

gnita ut talis est bona regula morum. Si non licet : ergo Doctores decedentes in illa materia tenent certas suas opiniones ; & sic in materia morali nulla dabitur opinio , fed fola certitudo . Ex quo fequitur , Doctores variantes in decifionibus effe cœcos , dum non vident certitudinem in oppofita opinione , quin certò falſam illam exiſtiment . Præterea fequitur Scotiſtas judicare opiniones Divi Thomæ effe certò falſas ; & denique fequitur , opinionem in effe opinionis reperiri ſolùm in ſpeculativis , non verò in practicis . Si hæc deglutire poterunt Adverſarii , poterunt etiam ſuſtinere Probabilitatem , hoc eſt opinionem , quæ ita apparet vera , ut poſſit effe falſa , non effe bonam regulam morum .

29. Poſſet probari efficaciter hæc con- cluſio per duas regulas juris in 6. quæ ſunt : *In obſcuris minimum eſt ſequendum . Inſpicimus in obſcuris , quod eſt verifimilius , vel quod plerumque fieri conſuevit .* Deſumuntur autem ex cap. *in obſcuris .* & ex cap. *inſpicimus .* & ex l. *nummis .* de leg. 3. & ex l. *in obſcuris inſpicimus .* ff. de reg. juris . Gloſſa figurat caſum juxta primam regulam ex cap. *ex parte* de cenſibus , & dicit : Petrus voverat dare ſextarium Frumenti Eccleſiæ , & in illa regione dantur duo ſextaria , majus , & minus . Ut fiat ſatis voto , ſufficit dare ſextarium minus ; cum enim ſit obſcurum , & incertum , quodnam ſextarium voverit , æquitas non vult gravare Petrum nimis . Ergo in hac obſcuritate , & incertitudine minimum eſt ſequendum . Det ſextarium minus , & votum implevit . In d. l. *nummis* Legislator decidit , ſi in Teſtamento fiat legatum de ſcutis , & illo tempore expendantur ſcuta majoris , & minoris valoris , & non appareat de voluntate Teſtatoris , quòd ſolvantur ſcuta minoris valoris . Hic evidenter apparet , quòd in voto , & in Legato ſolvendum eſt , quod eſt certum , & hoc eſt evidens naturaliter , cum vota obligent ex naturali jure , & Teſtamenta pariter ligent in Conſcientiâ : cum ergo

votum , & Legatum ſint certa , debent ſolvi quoad minimum : hinc eſt , certum fuiſſe votum ſaltem de minori ſextario , & Legatum de minori ſcutis : Adhuc tamen eſt dubium , an votum ſit de majori ſextario , & Legatum de majori ſcutis . Sed non obſtante tali dubio Canon , & Lex liberant nos ab obligatione ſolvendi majus ſextarium , & majus ſcutum : Ergo Canon , & Lex decidunt ex ratione probabili . Conſequentia eſt evidens , quia non eſt certum , & clarum , votum , & Legatum fuiſſe de minori , relictò majori , ſed ſolùm probabile ; incertum , & dubium , & propter hoc regula expreſſe dicit *in obſcuris* . Hinc Gloſſa in hac regula ait , intelligendum eſſe in dubio , & cum per Adverſarios dubium , & probabile ſint idem , jam Gloſſa dicit illam regulam valere *in re probabili* . Hinc obiter notabis , dubium de voto , quandiu dubium perſeverat , non teneri ad votum , quia in dicta Regula ſolvitur ſolùm votum certum , dubium verò relinquitur . Quæ doctrina ſequitur evidenter ex Canone , meo judicio , & eſt ſolùm probabilis , & immèdiatè contra negantes Probabilitatem .

30. Notabis ulterius , hanc regulam valere etiam in materia Legis naturalis , quia obligatio voti eſt in materia naturalis juris ; Hinc videbis , probabilitatem eſſe regulam ad decidenda dubia Legis naturæ , quod apertè negavit Vendrochius Nota 1. in Epistol. V. ſect. 3. §. 7. & conceſſit quoad dubia Legis Humanæ , & dubitavit , vel etiam negavit de dubiis Legis Divinæ .

31. Secunda regula pariter probat expreſſe Concluſionem , dum aſerit , in obſcuris eſſe inſpicendum , quod eſt verifimilius . Nota , *Verifimilius* dixit : Scimus autem ex Barboſ. in Axiomatibus juris num. 223. cum multis Antiquis , verifimile eſſe , quod proximum , & ſimile eſt vero ; & ſic verifimile diſtingui à vero ; & ſic poſſe eſſe falſum . Ergo , quod eſt proximum vero , quamvis eſſet falſum , in obſcuris eſt regula decidendi quæſtionem . Probabile autem

ita accedit ad verum, ut possit aliter se habere, & esse falsum, & sic *Probabile* erit regula decidendi quæstionem in obscuris.

32. Glossa in figuracione casus refert c. si quis acceperit. 33. quæst. 1. & dicit: Ponamus, quod Titius nupsit cum aliqua muliere corrupta, & fuit longo tempore cum ista muliere; Tractu temporis mulier petit separationem Matrimonii, quia vir non erat potens ad copulam; E' contra vir dicit se esse potens. Quid faciendum in hoc casu? Respondet Glossa, quod, si maritus prima facie apparet potens ad copulam, præsumemus cognovisse uxorem; quia in obscuris præsumitur, quod est verisimilius. Ecce per Glossam in obscuris deciditur validitas Matrimonii, qui est casus in lege Naturali, Divina, & Humana, per verisimilitudinem. Lege eandem Glossam casus figurantem, & decidentem ex sola verisimilitudine; & sic ex sola probabilitate.

33. Denique posset probari Conclusio in materia peculiari Iustitiæ. Si ad recte operandum non sufficit Probabilitas, quomodo Iudices dabant sententiam? Si in Libris videmus Iureconsultos celeberrimos procedere opinabiliter in eodem casu, & eadem lite, nunquid Iudices viventes erunt Sapientiores, ut valeant attingere certitudinem, ubi Proceres Jurisprudentiæ solum Probabilitatem repperunt? Petrus ergo, & Paulus de majoratu certant apud Iudicem; quæro, an possit dare sententiam, si credat probabilius esse unam partem, vel etiam si credat, utramque partem esse æquè probabilem. Si concedatur unum ex his, jam Iudex ex opinione probabili procedit. Si dicatur, tunc Iudicem non posse sententiare; ergo sequitur Litem illam fieri mortalem, cum raro contingat Iudicem ad certitudinem in difficillima materia Iustitiæ pertingere posse; nisi velimus dicere, Iudicem debere opinioni firmiter adherere, & credere certum, & inopinatum, quod tamen est intra latitudinem opinabilem. Hoc autem est illicitum, in-

quit Cajetanus in Summ. Verb. *Opinio* 1 & ego subdo, est stultum, & signum ignorantie, dum non attingitur objectum modo, quo potest, & debet attingi.

34. Dices, dividendas esse res secundum jus, quod quisque habet. Iudices, & Legislatores plures ridebunt, & irridebunt hanc responsionem, qui nunquam, aut rarissimè utuntur divisione, & jure quidem, nam bona divisa nullam familiam conservant cum splendore debito, quod tamen interest Reipublicæ. Præterea fideicommissa, majoratus, & alia plurima sunt indivisibilia. Præterea evidenter contra hanc divisionem instatur. *Opinio* asserens in hoc casu faciendam esse divisionem, vel est certa, vel Probabilis. Si secundum, habetur intentum; si primum, contra, quia ego loquor in casu sæpe occurrenti, in quo vel opinio de integra re danda Petro est probabilior, vel æquè probabilis; ergo opinio de divisione rei non est certa. Consequentia liquet, quia opinio non est probabilis, quæ militat contra certitudinem. Hoc argumentum desumptum ex Cardenas in Crisi Theol. part. 3. disp. 56. c. 15. art. 3. Vide ipsum late illud tractantem.

34. Confirmatur: Accedunt ad Theologum Petrus, & Paulus, & omnibus pensatis quisque habet jus æquale ad totam rem, quid judicabit Theologus ille? Forsan factis Deo precibus desuper illuminabitur de certitudine juris? forsan equidem, sed per miraculum. An se tanquam dubium debet reputare, & sic litem relinquere indecisam, & immortalem? Cogetne illos ad transactionem? Sed quo jure? quisque enim habet jus, & æquale jus ad totam rem. Ergo in hoc casu indicabit rem, cui voluerit: At caveat, ne ab aliquo munera accipiat: Hoc enim declaratum esse illicitum ab Alexandro Septimo scimus proposit. 26. Et forsan, Antiqui Juristæ dicebant, bonum esse habere Iudicem propitium, ut scilicet in casu de jure æquali faveat Amico. Quod si supponamus, Iudicem cognoscere Petrum,

ius habere magis fundatum, tunc Pan-  
lo non poterit dare rem, ut decifum est  
ab Innoc. Und. propofit. 2. Tradet ergo il-  
lam Petro.

## CAPUT XXII.

*Amiquorum Textus pro Probabili-  
tate refertuntur.*

**P**robavimus cap. antecedenti, &  
vigefimo, Probabilitatem efle cer-  
tò regulam morum rationibus defum-  
ptis ex principiis Antiquorum, in præ-  
fenti referemus textus eorundem, in  
quibus vel exprefse, vel faltem virtua-  
liter fequuti funt in moralibus Probabi-  
litem.

2. Textus Doctoris Angelici jam re-  
tuli in duobus capitibus antecedentibus;  
unde non oportet illos repetere. Inci-  
piam ergo ab ejus Coetaneo, & Socio  
dilectiffimo Divo Bonaventura. Do-  
ctor ergo Seraphicus in 3. dift. 39. art. 3.  
quæst. 1. quarit, an juramentum dolo-  
rum fit obligatorium in confcientia. Af-  
fert duas opiniones, primam affirmati-  
vam, fecundam negativam, & de hac  
dicit: *Et iste quidem modus dicendi satis  
probabilis efle videtur.* Si Adversarii ju-  
rarent Sanctum Doctorem per hæc ver-  
ba *satis probabile efle videtur*, fignificare  
velle, fe habere ut certam fuam opinio-  
nem, non illis credam, maxime quòd  
verbum *videtur* extra legem, juxta Car-  
dinalem Tufcum Tom. 2. litt D. con-  
cluf. 394. non importat certitudinem,  
fed vacillationem. Et in 4. dift. 17. part.  
2. art. 2. quæst. 4. dicit, quòd accedens  
ad Sacramentum pœnitentiæ fufficit, fi  
habeat difpofitionem ad gratiam fuffi-  
cientem *fecundum Probabilitatem, qua  
difpofitio efle attritio.* In margine notatur  
hanc Doctrinam efle confonam Trident.  
Sefs. 14. cap. 4.

3. Divo Bonaventuræ jungamus  
Divum Raymundum. Hic lib. 1. titul.  
*de transgreffione voti.* §. 15. facit quæstio-

nem, an vota professionis Religiofæ ex  
natura fua extinguant vota præceden-  
tia, fic concludit: *Licet poffit dici, quòd  
jus Religionis folveat hujusmodi vota, ut  
ait Ius. confulo tamen, quòd difpenfet  
Prelatus, ficut dicunt alii, quia iufius  
efl, & Prelatus poffit difpensare 33.  
quæst. 5. noluit.* Illa verba, *licet poffit  
dici*, utique formidolosam cognitionem  
clare exprimunt. Lib. 2. titul. de rapt.  
pædon. & fugitt. §. 21. docet, fi plures  
fimul, ita tamen quòd unus non hor-  
tetur alium, vadunt, quafi fit unus  
exercitus, & rapiunt aliquid, quilibet  
tenetur in folidum reftituere; & efle ra-  
tio, quia in tali cafu quilibet juvat  
alios, & facit fortiores. Aliàs, fi non  
iverunt fimul, fed quilibet per fe fepa-  
ratim facit damnum, quilibet tenetur  
pro eo, quòd fecit. *Vel forte in utro-  
que cafu poffet tolerari, quòd quilibet fa-  
tisfaceret de his, qua habuit, & indu-  
ceret alios pro poffe ad fatisfaciendam.*  
Nota illa verba, *vel forte in utroque ca-  
fu poffet tolerari*, & nega, fi potes, figni-  
ficare cognitionem formidantem, & fic  
importare Probabilitatem.

4. Lib. 3. de fervis non ordinand. §. 2.  
fcribit: Sed nunquid poffet patronus in  
liberto, quem petit ordinari, retinere  
faltem operas fpirituales, puta, ut in  
fua Capella miniftraret ei divina, vel fi-  
miles? ad hoc dicit Alan. quòd fic de  
confenfus Epifcopi, aliàs non. . . . Ita  
etiam dicit Joannes, & *mibi videtur  
probabile.* Poteft D. Raymundus loqui  
clarifus?

5. Divo Raymundo fuccedat ex ea-  
dem Religione Archiepifcopus celeberrimus  
Divus Antoninus. Igitur 3. part.  
tit. 1. cap. 20. §. 10. afferit, ex ifto princi-  
pio dicunt etiam aliqui *Probabiliter*, quòd  
fi vir efle fur, & incorrigibilis, propter  
quòd uxor cum eo quotidie periclitatur  
ad mortem, quòd poffet fugere, &  
eum relinquere. Ecce quòd dictum *Pro-  
babile* Doctorem efle regula, à qua du-  
cta mulier poffet fe fubtrahere à con-  
fortio illius, cum quo ex magno Dei  
præcepto lato Genefis 1. debebat convi-  
vere. Et cap. 19. paulò post princ. ait;  
quando



quando quis fide contrahit matrimonium cum muliere, si veram vult facere poenitentiam, necesse habet illam sine fictione ducere. ... *Addit tamen Thomas, quod ad hoc tenetur, si vir sit equalis conditionis cum illa; nam si sit multo melioris conditionis, quam illa, vel si aliud signum evidens fraudis apparuit, potest probabiliter presumi, quod sponsa non fuit decepta, sed decipi sinxerit; tunc non tenetur ad prædicta secundum quosdam.* Ecce quod presumptio probabilis facit, quod vir ducatur in uxorem, quam fide matrimonio defloraverat. Hic obiter noto: Presumptio probabilis liberat promissorem fictum à matrimonio cum damno ingenti virginis defloratæ; sicut supra etiam licentia probabiliter præsumpta facit, quod Monachus potest dare elemosinam. Cur probabilis presumptio non faciat, quod uxor possit accipere nummos ad ludum, quo communiter mulieres illius conditionis solent ludere? Et tamen hoc damnatur à quibusdam Probabilioristis.

6. In tit. 14. ejusdem partis cap. 19. §. 6. fin. scribit: *Et dicit Petrus de Palude, quod ratio Thomæ, quare omnia uni sunt dicenda, non est demonstrativa, quia nec materia Sacramentorum est demonstrabilis, sed est ratio probabilis, & sic intendebat Thomas, scilicet persuadere, non demonstrare.* Ecce Divus Antoninus, Divus Thomas, & Petrus Paludanus amplectuntur rationem Probabilem.

7. In tit. 17. cap. 16. §. 1. scribit: Si Confessor iudicat licitum, quod est illicitum, tam Confessor, quam poenitens in foveam cadunt; nisi cum probabilis ignorantia excuset, puta si habet aliquem Doctorem authenticum, & famosum, cujus opinionis innititur. Ecce ignorantia Probabili fundata in auctoritate unius Doctoris, & sic in auctoritate solum probabilis, Confessio Sacramentalis evadit licita.

8. Addamus his Sanctis Patribus alios Doctores Antiquos. Præcat irrefragabilis Aletius. Hic 2. part. quest. 153. me n. 6. fin. sustinet, quod, si quis

poterat probabiliter ignorare publicationem legis, hic non peccat contra legem, licet illam transgrediat. Par. 4. quest. 28. membr. 6. §. 3. art. 2. refert tres opiniones circa tempus, quo incipit obligatio jejunii. Prima erat, quod inciperet in fine tertii septemarii, Secunda anno vigesimo, Tertia anno sexdecimo. De secunda, & tertia ita decidit: neutram reprobo, sed tamen mediam eligendo dico, quod tempus aptum jejuniis est tempus 18. annorum. Si Aletius non reprobavit illas opiniones; ergo illas falsas non reputabat, sed probabiles; ac provide quam sequitur, solum ut probabilem affirmabat.

9. Albertus Magnus in rei veritate non saepe utitur termino probabili; licet saepe facere sequutum fuisse opiniones, quæ in seipsis non sunt plerumque probabiles, & fuit primus ex Theologis, qui scrupulis abjectis, & rigidis sententiis, pluries benignitatem iniecit, præcipue in usu matrimonii, ut videre licet in 4. dist. 31. art. 24. quam benignitatem opinionum magis felici eventu postea ampliavit suus Magnus Discipulus Divus Thomas. Igitur Albertus in 4. dist. 15. art. 24. hæc habet in solutione questionis: sicut dicunt illi, qui jura probabiliter docuerunt, videtur mihi esse distinguendum in illicito acquisito. Ecce Albertus sequitur Canonistas, qui jura probabiliter docuerunt; Ergo per Albertum licet docere jura probabiliter. Docemus autem jura probabiliter explicando jura opinionibus probabilibus. In art. autem 25. in solutione questionis scribit: Si uxor nec res paraphrales, nec lucrosa est laboribus suis, tunc videtur dicendum, quod dare non debet sine consensu viri, nisi forte panem, & vinum, & cætera, quæ in quotidiano usu domus sunt, & hoc moderate. Nota illam particulam: *Nisi forte*, quæ clare denotat concessionem meticulousam; & sic fundatam in cognitione formidolosa, & probabilis.

10. Dist. 17. art. 6. in solut. questionis dicit, quod confessio peccatorum facta sine charitate nihil valet ad justifi-

ficationem &c. quantum ad id, quod est ex parte audientis, *videtur mihi*, (inquit Albertus,) quod simpliciter valet quoad hoc, quod Ecclesiæ præcepta Pœnitens solvit, & deobligat à debito confitendi. Quod Confessio valida, sed informis satisfaciatur præcepto Ecclesiæ, est solum opinio probabilis; quia verò illam asserit illis verbis, *ut mihi videtur*, puto, quod ut probabilem asseruerit, nam verbum, *videtur*, adhibitum quidem à lege denotat certitudinem, aliis verò non importat veritatem, ut notavit cum Surdo, & Seraphino Barbosa in tract. de dict. usu frequ. num. 424. & dixi in cap. antec. ex Tusco.

11. Vidimus alibi ex Nider, & Divo Antonino, Albertum dedisse responsum, quod frater, & quilibet alius possit regulare suam conscientiam ex opinione alicujus viri magni. Porrò Auctoritas viri magni non est nisi Probabilis. Ergo per Albertum probabilitas est regula morum.

12. Glossator Raymundi, Villelmus Rodonensis, sæpe sequutus est Probabilitatem. Hic textus refero, qui clare mihi videntur intentum probare. Igitur lib. 1. tit. de mendac. Verb. *Mentendum esse*. scribit: Id est, potest mentiri aliquis sine peccato, non tamen tenetur. *Posses tamen forte dici*, quod ex quo sine peccato potest mentiri in hoc casu, tenetur illud facere. Pense illa verba, *posses tamen forte dici*, & videbis importare cognitionem formidolosam, & sic opinativam. Dices etiam, per hanc cognitionem aliquem fugere peccatum mendacii. In tit. de sortilegis §. 3. Verb. *Invocatis Demonibus*, narrat, secundum quosdam Sortilegum circa Sacramenta Ecclesiæ, & baptizantem imagines, licet occultum, incurrere in Irregularitatem, secundum verò alios non incurrere. Subdit Doctor: Unde in hoc dubio consulendum est talibus, quod petant dispensationem, non tamen præcisè dicendum est, quod aliter non sit eis salus, & absolvendi sunt de peccatis, si pœniteant. Ego credo, hanc doctrinam

esse ipsam Probabilitatem. Accipe ergo regulam juxta hunc Glossatorem. Quando in aliquo dubio Doctores variant, consulo sibi, ut partem rigidam amplectaris. Tamen, si hoc destrictes, non te condemno, sed absolvo. Si hæc non est Probabilitas, quamnam erit?

13. In tit. de sacrilegis. Verb. *frangit*, scribit: de fure autem prædicto, *licet possit dici*, quod non incidit in hanc pœnam, cum Decret. de sentent. excomm. *Conquesti* non videatur loqui, nisi de illis, qui publice frangunt Ecclesiæ; quia tamen lex distinguens inter diurnos effractores, & nocturnos atrociores dicat nocturnos, ut ff. de effract. l. 1. & ult. *potest dici probabiliter* in favorem Ecclesiæ, quod talis incidit in Canonem, sicut publicus effractor. Illa verba, *licet possit dici*, & illa alia, *potest dici probabiliter*, notant clarè Probabilitatem utriusque partis. In tit. de decimis §. 14. Ver. *bene valet* habet: Videtur quibusdam, & *probabiliter*, quod in hoc casu teneatur venditor in foro pœnitentia ad restituendum emptori, quod solvit Ecclesiæ, cum sit licitum contrahentibus se se invicem decipere, dum tamen absit dolus, & frans, & non ultra dimidium insti pretii fiat deceptio ff. de minor. in causa. §. ult. C. de rescind. vend. l. 2. C. l. si voluntate. C. c. cum dilecti de empt. & vend. Sic Doctor. Si venditor *probabiliter* teneturolvere; ergo emptor *probabiliter* potest recipere solutionem. Si cum opinione probabili possumus recipere debitum, non poterimus in aliis virtutibus per Probabilitatem dirigere mores?

14. Lib. 2. tit. de raptor. §. 16. V. *si scitur*, vel *creditur*. docet: In hoc tamen casu, & similibus, qui tolerantur ab Ecclesiæ, pro eo quod potest esse dubitatio de jure, aut de facto, non credo esse simpliciter denegandam absolutionem, sed facienda est cum quadam dubitatione, & protestatione sic: absolvo te de hoc, in quantum possum, sed timeo, vel credo, quod non sufficit ad salutem, nisi te aliter haberis in hoc casu. Mihi videtur, hanc doctrinam Authorem tradere

ut probabilem; his tamen temporibus videbitur, nedum Probabilioristis, sed etiam Probabilistis nimium benigna. Eodem tit. §. 36. Verb. *restituenda* scribit: Si de hoc constet in foro causarium, si autem in foro penitentiali, *sorte magis est consilium, quam necessitas*. Author loquitur in quodam casu, in quo Divus Raymundus dicebat, Judicem debere restituere pecuniam acceptam; noster verò Glossator per cognitionem formidolosum eundem liberat à tali onere, *sorte magis est consilium &c.*

15. Lib. 4. titul. *Qualiter accusatio fit facienda in Matrimonio*. §. 2. Verb. *Inquisitioni*. habet: Nunquid tenetur credere Injusti viro fide digno, maxime jurato, dicenti se scire veritatem? (scilicet de impedimento Matrimonii.) Respondeo non credo, quòd teneatur, ita quòd mortaliter peccat, si non credat, licet peccet venialiter, & ex humana tentatione, si non credat, ubi probabiliter credendum est. Ecce expressè, ubi probabiliter credendum est, adesse impedimentum matrimonii, v. gr. non teneor credere, ita quòd peccem mortaliter, sed solum venialiter. Ex hoc textu manifestè sequitur, quòd possum absque peccato mortali, licet cum veniali, deferere opinionem rigidam probabilem; & sic possum sequi absque mortali oppositam opinionem probabilem benignam. Hinc patet, quòd hic Author, licet totaliter non sit pro nobis in hoc textu, quia potest per Probabilitatem liberare quidem à mortali, sed non à veniali; sit tamen expressè contra Adversarios volentes nimis rigidè Probabilitatem non liberare à morte spirituali, sed solam veritatem.

16. In eodem loco subdit Author: Nunquid propter quantamcunque probabilem opinionem de impedimento perpetuo, absque tamen certa conscientia, tenetur alteruter conjugum, vel uterque denegare debitum reliquo? Respondeo, non tenetur, nisi illa probabilis opinio surgat ex tali facto, super quo Canon judicat præsumptionem, ut quando uxori constat, quòd vir ejus ante

matrimonium jacuit nudus cum nuda sorore, vel consanguinea ejusdem fororis. Per hunc textum notabis, quantamcunque probabilem opinionem non cogere intellectum, ad credendum rem ita se habere; & sic intellectum posse adhuc non judicare in tali casu adesse peccatum; atque adeo posse sequi opinionem oppositam probabilem, & benignam.

17. Ut alibi dixi, Glossator hic fuit omnium benignissimus, & sæpe sequutus est Probabilitatem, unde possem alios textus per extensum referre; sed brevitatibus gratia, solum loca indicabo, quæ Lector adeundo poterit videre, & scrutari. Igitur videatur lib. 2. tit. *de rapt.* §. 41. V. *Et in ejus*. lib. 3. tit. *de sentent. definit. præcept.* &c. §. 42. Verb. *Intrasse*. §. 43. V. *Si sit Episcopus*. & Verb. *Primo*. tit. *de pœnit.* §. 63. V. *Nescio, nec credo*. Lib. 4. tit. *de Matrimonio*. §. 13. V. *Veniale*. & tandem titul. *de impedim. servitutis*. §. 3. V. *Infringenda est*. In hoc loco sic scribit: In hujusmodi casibus, qui non sunt omnino expressi in jure, non est præcipiendus sententia, nec alterutrum pertinaciter asserendum. Et si post hujusmodi contractus conditionales transeat ad alia vota solemniter, tutius forte est dissimulare, aut Papam consulere, quam Matrimonium cum secunda solemniter contractum dirimere. In hoc textu mihi elucet Probabilitas, & clarè damnantur Adversarii, qui præcipiunt sententiam, & pertinaciter alterutrum asserunt in materiis obscuris; & sic in casibus non omnino expressis in jure.

18. Post Glossatorem Raymundi, Vilelmum Rodonensem, jure subdo textus Joannis de Friburgo, qui immediate postea floruit, quique adeo hanc Glossam sequutus est, ut omnes casus, quos eadem Glossa dissolvit, in sua Summa reposuerit, ut ipse Joannes testatur in Prologo. Ex quo quilibet evidenter poterat colligere, illam Glossam non fuisse compositam à Joanne, sed ab alio Doctore; ne dicamus, quòd Joannes laudans, & allegans illam Glossam, seipsum laudaverit, & in numerum Doctorum se collocaverit. Sed de hoc puncto suo

loco clarè loquuntur sum.

19. Igitur libr. 1. titul 15. de decimis. quæst. 25. concedit, quòd ante Concilium Lateranense ius temporale percipiendi decimas pertuerit concedi Laico sub quibusdam conditionibus, postea subdit: *Vel dic, quòd nullo tempore potuerunt dari in feudum etiam quoad ius temporale, seu civile, ita quòd transiret ad heredes ejus, sicut & feudum.* Ecce utraque opinio probabilis; unde per Joannem & ius temporale decima potest probabiliter concedi Laicis, & probabiliter non potest concedi. Quæst. 27. scribit: *Idem potest concedi probabiliter de decimis illis, quæ à tempore, à quo non extat memoria, tenentur à Laicis, nec eas recognoscunt, se tenere ab Ecclesia, potest scilicet dici, quòd Episcopus possit de eis. Laicos in feudum.* Huic textui expresso nulla potest assignari responsio.

20. Richardus in 4. distin. 5. art. 3. quæst. 4. ad 3. scribit: *Dicunt quidam probabiliter, quòd in illo casu potest pro illa (id est aqua sanctificata) pecunia dari ab illo, qui affert puerum (ut baptizetur) sine vitio Simonie, quia talis redimit vexationem juris pueri &c.*

21. Dist. 9. art. 2. quæst. 3. ait: *Quæ erapula, vel cogitatio, si peccata mortalia fuerunt, vel probabile dubium est utrum fuerunt, tunc pollutio nocturna ex eis proveniens prohibet de necessitate hujus Sacramenti susceptionem;* (Vide hujus Doctoris rigidam sententiam, sed simul lege probabilem benignitatem) *si autem certum est, vel probabile, quòd non fuerunt nisi peccata venialia, tunc illa pollutio non prohibet nisi de congruitate.*

22. Distin. 15. art. 2. quæst. 6. docet, quòd Monachus non potest facere elemosynam sine licentia Abbatis expressa, vel probabiliter presumpta. Art. 5. quæst. 3. vers. tertio modo, asserit, quòd si quis accusatus de vero crimine, quòd tamen probari non poterat, mentiendo neget crimen, non tenetur, *ut quidam dicunt probabiliter, restituere famam alii recognoscendo crimen sibi impositum verum esse.* Refert aliorum sententiam, quam duram vocat. Ecce quòd Richardo pla-

cet benignitas, probabilis tamen.

23. Dist. 17. art. 2. quæst. 4. ad 1. asserit hominem ratione legis Ecclesiasticæ teneri ad confessionem venialium, postea subdit: *Aliqui dicunt, quòd talis non tenetur ad dicendum Sacerdoti aliquod peccatum in speciem, sed tantum ad dicendum, quòd non credit se habere nisi venialia tantum.* Certè exilimat hanc doctrinam probabilem.

24. Distin. 18. art. 10. quæst. 1. dicit, quòd si Excommunicatio lata à Judice injusta, non debet Juxta invitum ab illa absolvi, tamen si absolvit, ille verè absolutus est, *ut quidam dicunt.* Sententia, quæ à quibusdam approbatur, nequit recipi nisi ut probabilis.

25. Dist. 21. art. 4. quæst. 2. ad 4. asserit, quòd Prius potest remove ab officio subditum, cuius indignitatem novit ex Confessione Sacramentali, si nulla suspicio de peccato confessio oriatur, asserit autem hoc quia ita aliqui dicunt, dictum autem aliquorum solum generat probabilitatem, non certitudinem.

26. Dist. 25. art. 6. quæst. 1. ad 1. dicit, quòd Papa potest etiam, (*ut volunt aliqui probabiliter,*) abolere infamiam Laicorum etiam per civilem Judicem irrogatam. Dist. 39. art. 2. quæst. 2. habet: Alii dicunt, & probabiliter, quòd Matrimonium contractum coactione per metum cadentem in constantem virum firmatum per juramentum non tenet, nec in foro exteriori, nec in foro conscientie.

27. Legamus Petrum de Palude. Hic quidem in 4. dist. 15. quæst. 3. art. 5. concl. 2. scribit, quòd ab hujusmodi ergo prohibitionis transgressi nec excusantur recipientes elemosynam, primò, si occulè. Secundò, si ignorantèr probabilis ignorantia de constitut. cap. 2. Nescio, an Adversarii explicabunt ly *probabili*, ut significet idem, quòd approbabile ex eo, quòd Doctor alleget pro se secundam caput de constitut. ubi Pontifex loquitur de ignorantie constitutionem, quæ nondum erat edita. Unde hæc ignorantia non fundatur in opinione

præ-

probabili, cum impossibile sit, quod quis scire possit legem nondum latam.

28. Si possent explicare tali modo hunc textum, certò non poterunt hunc alium sumptum ex dist. 17. quæst. 2. art. 1. ubi sic docet: si Confessor *scit, vel probabiliter credit*, quod pœnitens non recolit, quia sufficienter conscientiam non excussit; vel si recolit, errando non credit illud eise mortale, debet sibi illud ad memoriam reducere, vel conscientiam de illo facere; alioquin scienter indignum absolveret. Sed si Confessor dubitaret, utrum illud, de quo alius non pœniteret, esset mortale, & ille sibi diceret, quod de Consilio peritorum illud faceret, de quibus ex scientia, & vita *probabile est*, quod non consulerent nisi benè, potest se illorum iudicio conformare, *secus si esset certus de opposito*. Ecce quod hic Author, si est certus quod illi periti benè non iudicent, non vult absolvere pœnitentem; si verò *probabile est*, quod benè iudicent, vult illum absolvere. Hic quæro, ly *probabile* non accipitur pro certo, quia sic loqueretur obicure satis; & sicut in secundo loco posuit illum terminum *certus*, posuisset etiam in primo, si certitudinem volebat exprimere, vel posuisset alium terminum æquivalentem. Ergo per ly *Probabile* intelligit cognitionem incertam, ut nos volumus. Doctrina Paludani laudatur ab Antonino part. 1. tit. 3. cap. 10. §. 10. verbi. *Reverendo*.

29. Paulò post allatum Textum habet hæc alia: *Qui autem habet Sacerdotem presentem, sed non habet linguam, qui possit ab eo intelligi potest, quidem per interpretem confiteri, sicut & Matrimonium contrahere, sed forè non tenetur, quia non tenetur bono confiteri, nisi Sacerdoti*. Nota illa verba: *Sed forè non tenetur*, & nega, si potes, explicare cognitionem importantem formidinem; & sic eise *probabilem*.

30. Quæstione 5. art. 2. laudat rationem Divi Thomæ, qua probat debere omnia peccata uni Sacerdoti confiteri, & dicit, quod non sit *demonstrabilis*,

*sed probabilis, & nata ad persuadendum*; Ergo ratio, quæ potest aliter se habere, licet cognoscatur ut potens aliter se habere, est laudabilis, & potest persuadere, & movere intellectum Divi Thomæ, & Petri Paludani. Et sic idem debemus dicere de nobis. Adverte quod Divus Antoninus 3. part. tit. 14. cap. 19. §. 6. fin. laudat hanc Doctrinam Paludani. Similem Doctrinam habet Cajetanus 3. part. quæst. 72. art. 3. Hic Doctor per Vendrochium est antiquus.

31. Dist. 32. quæst. 1. art. 3. concl. 3. dicit: *Quod non videtur esse mortale petere scienter debitum conjugale tempore, quo uxor patitur menstruum naturale*. Illa verba: *Non videtur*, meo iudicio significant, ut patebit infra, cognitionem probabilem; maxime cum ibi asserat contra se Divum Bonaventuram, & Petrum, & etiam Textus ex Divo Hieronymo, & Augustino, qui videntur ipsi contrarii. Infra autem explicans hanc suam Doctrinam dicit: *Quarto sciens non generari, vel probabiliter credens, ut quia est sterilis, vel quia non consuevit tunc concipere...* similiter non peccat (petendo debitum conjugale) *saltem mortaliter*.

32. Durandus in 4. dist. 21. quæst. 4. num. 12. ait, v. gr. Hæreticus impœnitens, & proponens alios corrumpere, nec credens Sacramentum Confessionis seu pœnitentiæ aliquid valere, nec intendens se subijcere Sacerdoti pro absolutione, nec pro consilio, nec facere aliquid, quod fideles Ecclesiæ faciunt, aut quod intendit Ecclesiæ; sed volens provocare, & irritare Sacerdotem dicit ei se esse hæreticum &c. in tali casu nullum est Sacramentum, nec ex virtute Sacramenti peccatum sic dictum Sacerdoti est celandum... & hoc habetur *tanquam probabiliter dictum* absque asserctione alia. Notentur illa verba; *tanquam probabiliter dictum*.

33. Dist. 2. quæst. 3. num. 9. relatis duabus opinionibus circa Baptismum Joannis Baptista, quarum una erat, quod non haberet aliquam determinatam formam verborum, & hanc dicit *posse probabiliter*

*babiliſſe teneri*, concludit illum paragraphum: *tamen quaſtio iſta eſt de facto*, de quo Sacra Scriptura nihil expreſſe determinat: *Ideo utraque opinio poteſt probabiliter teneri ſine aliquo praſudicio fidei*. Nota, quòd de aliqua re, quam meminit Scriptura, poſſumus habere duas oppoſitas opiniones probabiles juxta Durandum, ſi Scriptura nihil de illa quaſtione expreſſe dicat. Et hoc ſine praſudicio fidei. Durandus loquitur expreſſe de quaſtione ſpeculativa, an ſcilicet Baptiſmus Joannis habuerit determinatam formam verborum; Alſi ego hanc doctrinam tranſfero evidenter ad quaſtioneſ moralem, ſi tamen ſit de re, de qua agat Scriptura, & fides doceat. Ratio eſt, quia fidei, & Scripturae authoritas fundatur in revelatione Divina, quae tam eſt de ſpeculativis, quam de moralibus, nec aliquo fundamento poteſt dici, quòd duplex opinio oppoſita non obſtet fidei in materia ſpeculativa, obſtet verò ſi ſit in morali, cum in utraque materia tota ratio alſerendi, & negandi ſit revelatio Divina.

34. Diſt. 18. quaſt. 4. num. 7. fin. dicit: Quamvis aliqui quandoque ſenſerint, quòd proprius Sacerdos poſſit abſolvere Parochianum à ſententia majoris Excommunicationis, cum jus Excommunicationis non retinuit ſibi conditor Canonis; hoc tamen non eſt verum, *nec fulciunt aliquo jure, vel probabili ratione*. Ego infero à contrario ſenſu, quòd eſt validum Argumentum in jure ex Barboſa in tract. de loc. commun. argument. juris frequent. Ergo ſi opinio fulciatur aliquo jure, *vel probabili ratione* eſt amplectenda. Ecce quòd Durandus rationem probabilem comparat cum jure, ut fecit Gloſſator in c. ego ſolus. 9. diſt. V. Probabiles.

35. Diſt. 24. quaſt. 2. num. 6. dicit: Ex quo ergo tota plenitudo Sacramenti eſt in Sacerdotio, in aliis autem eſt ſolum quaedam participatio, patet quòd non ſunt Sacramenta proprie, ſed Sacramentalia quaedam; nec video quare hoc non poſſit teneri probabiliter, imò nec videtur. Si Ordines Minores, Sub-

diaconatus, & Diaconatus non ſunt proprie Sacramenta, ſed Sacramentalia, & cum Sacramentalia non conferant Gratiā juxta principia magni Gloſſatoris, ſine ſimonia poſſemus dare pecuniam pro receptione Minorum, Subdiaconatus, & Diaconatus, ſicut propter hanc rationem Gloſſator pluries dixit in Matrimonio, ut ſuprà notavi recipi pecuniam poſſe. Vides non ſolam doctrinam Modernorum, & Jeſuiſtarum, ut volunt Adverſarii, ſed Antiquorum parere conſequentias abſurdas, & laxas. Hiſce temporibus nequit negari Subdiaconatum, & Diaconatum eſſe Ordines. Vide Tridentinum Seſſ. 23. c. 1. & can. 2.

36. Diſt. 31. quaſt. 4. num. 7. habet doctrinam in rei veritate ſolum probabilem, quam talem forſan Adverſarii nollant, & illam expreſſe ut probabilem amplectitur. Illud audiamus: *Ideo videtur aliis, quòd probabiliter poſſet teneri, quòd actus Matrimonii, quando ſi caſus vitanda fornicationis, in ſeipſa non ſit peccatum*. Ne verò aliquis credat ipſum loqui de reſtitutione debiti ob hunc ſinem, in num. ſequenti ſe explicat, & dicit: *Actus licitus eſt, ſi debitum petatur*. Vult tamen Durandus, quòd, ut petitio debiti propter vitandam fornicationem liceat, tunc non ſperetur proles, v. gr. quando *Uxor eſt ſterilis, vel quando jam concepit*. Procul dubio Adverſarii coguntur fateri in ſententia Durandi propoſitionem probabilem, cognitam ut probabilem eſſe regulam morum.

37. Diſt. 41. quaſt. 2. num. 5. ſcribit: nunquam contrarium publicae bonestatis nullitia, niſi ſint vera, vel praſumpta ſpouſalia. Judicium enim Eccleſiae debet eſſe ſecundum veritatem, vel ſecundum praſumptionem probabilem; *hanc enim frequenter Eccleſia ſequitur, ut habetur, qui filii, ſunt legitimi. c. cum inter Joannem*. Si Eccleſia ſequitur nedum veritatem, ſed etiam praſumptionem probabilem; ergo non ſola certitudo, ut volunt Adverſarii, ſed etiam Probabilitas crii regula noſtrarum operationum.

38. Dist. 33. quæst. 3. clarè sequitur utramque partem in illa quæstione, an in veteri lege mulier à marito repudiata posset cum alio viro contrahere vivente primo. Hæc opinio est quidem nunc speculativa, tamen esset practica, si Christus legem repudii non abstulisset, vel Durandus vixisset in lege veteri.

39. Dist. 33. quæst. 1. num. 8. notat: quidam dicunt, quòd, quamvis non spectetur de correctione uxoris adulteræ, vir potest eam ad Thorum recipere, sed non publicè. . . . *Quod non videtur omnino irrationabiliter dictum.* Hæc ultima verba solam probabilitatem clarè sonant.

40. Scotus in 3. dist. 3. quæst. 1. §. *Tertium est ait: Videtur probabile, quòd excellentius est tribuere Mariæ, scilicet, quòd fuerit concepta sine originali.* Ex hac porò cognitione probabili credendum est adorasse Conceptionem Beatæ Virginis.

In 4. dist. 15. quæst. 2. art. 2. §. *Quando autem.* ita scribit: *Quando autem relinquitur ipsis communitantibus, ut pensata mutua necessitate reputant sibi mutuo dare æquivalentes binc inde, & accipere. . . . satis probabile est, quòd quando sunt mutuo contenti, volunt sibi remittere, si secundum aliquid deficiunt ab illa iustitia requisita.*

41. Aristoteli meo iudicio Probabilitatem maximè prosequutus est. Igitur lib. 2. tit. 45. quæst. 3. refert duas opiniones, quarum una dicebat, virgines occultè corruptas posse sumere velum virginitatis, mutando secretè nomen virginitatis in nomen *Casitatis*. Secunda affirmabat, nullo modo tales posse sumere prædictum velum. De his duabus opinionibus tale iudicium profert Auctor: *Salvo meliori iudicio utraque opinio est satis tolerabilis.* Et ego subdo, quòd, salvo meliori iudicio, hic textus probat clarè utramque opinionem probabilem; & sic clarè etiam Probabilitatem demonstrat.

42. Lib. 4. tit. 18. quæst. 2. dicit ex Paul. in 4. dist. 9. quæst. 2. art. 1. & Scoto ibidem quæst. un. quòd, qui se exami-

nat pro Eucharistia preparatione probabili, conscientiam suam probabiliter examinando, si accipit Eucharistiam in peccato mortali, non peccat mortaliter. Nec hic se committit periculo discerniminis, quia non requiritur certitudo conscientie, sed probabilis conjectura. Ecce clarè, ad fugiendum peccatum non requiritur certitudo conscientie, quæ propriè est certitudo, sed sufficit certitudo fundata in conjectura probabili. Inquiri, Probabilitas conjecturæ est fortan aliquid præter probabilitatem? Eandem doctrinam habet lib. 5. tit. 18. quæst. penult. ait enim, ad recipiendum effectum Sacramenti Pœnitentiæ; & sic ad dignè illud fumendum, non esse necessè se preparare dispositione sufficienti in veritate, sed tantum quoad Probabilitatem; hæc autem dispositio est *Attritio*. Unde sufficit, quòd homo probabiliter se disponat ad gratiam per omnium peccatorum detestationem. In tit. 20. quæst. 2. quæstiunc. 2. refert opinionem dicentium, Confessorem in quodam casu debere intrare in sylvam, ut sigillum Confessionis servet, licèt incurrat vitæ periculum; subdit postea: *Aliud dici potest, quòd non debet reputari revelator Confessionis, nisi faciat aliquod, quòd de natura sua producat peccatum confessum.* Nota illa verba, aliter dici potest, quæ certè opinionem incertam exprimunt.

43. Lib. 6. tit. 14. art. 3. quæst. 8. tenet, Clericum Iureconsultum non incidere in Irregularitatem, respondendo in causa mortis, si erravit in apicibus-juris, in quibus sunt varæ opiniones Doctorum: dum tamen dixerit, in hoc adesse varias opiniones. Ecce textus clarus, quòd varietas opinionum probabilitatem salvat ab Irregularitate. In tit. 22. art. 3. quæst. 4. probat opinionem dicentium, quòd per generalem dispensationem quis illigetur neque eligi in Episcopum. Postea subdit: *Sed est contrarium dicatur, nec displicet.* Existimo ego, Doctorem in hoc loco utramque opinionem tenere ut probabilem. In tit. 27. quæst. 1. scribit: *Potest etiam Papa, ut volunt aliqui, & proba-*

habilitate, abolere Laicorum infamiam, etiam per civilem Iudicem irrogatam. Ecce opinio, quàm expressè vocat probabiliter, quare in rei veritate non est in se, nisi probabilis.

44. Thomas Argentinas in 4. dist. 3. quæst. 1. art. 3. vers. *Nota tamen* scribit: *Nota tamen, quod si substractio Filii, vel Spiritus sancti, prolatò nomine Patris, non esset voluntaria, puta vel quia baptizans moritur, vel baptizans non potest ulterius loqui: Tunc dicunt multi Doctores, quod verus est Baptismus, non obstante prædicta omissione.* Certè hæc doctrina vix probabilitatem attingit, & certè implicitè approbatur ab Argentina, & ex hac sequitur, quod ille puer posset sepeliri in loco Sacro. Ipse Argentinas sequitur, & dicit quod si impedimentum finiendi formam proveniat à baptizante subdit: *Fortè tutius esset*, quod baptizaretur iterum sub conditione. Illa verba: *Fortè tutius esset*, clarè notant pro certo non habere, quod iterum esset baptizandus in hoc casu, & sic probabiliter tenebat quod baptizatus cum omissione Filii, & Spiritus sancti, si hæc omisso proveniat ex impedimento involuntario Ministri, sit validè baptizatus, & sic amplius non teneatur iterum baptizari; quæ doctrina an his temporibus sit probabilis docti iudicent.

45. Joannes Baconius, meo iudicio parùm favet Probabilitati, sed nil mirum, quia in rebus etiam auidissimis, & difficillimis intrepidè resolvit, nil tamen exprimendo an teneat sententiam probabiliter, vel probabilioriter, vel certò: propter hunc forsàn suum morem obtinuit nomen resoluti Doctoris. Invenio tamen, quod in 4. dist. 40. art. 4. quærit, an si non baptizatus leveat filium de Fonte baptismi, contrahat paternitatem; idem quærit de non confirmato tenente filium in confirmatione. Respondet: *Dicitur quidam, quod non contrahitur paternitas, secus si baptizaret.* Certè Authoritas quorundam Doctorum rem solùm probabilem facit, non certam. Idem Doctor paulò post

ait, quod ignorantia probabilis excusat Patrem proprium filium levantem de sacro Fonte.

46. Joannes Gerson part. 1. de aufer. Papæ confid. 16 pag. 36. scribit: *Dicamus ergo concludentes probabiliter, quod sicut humana electio dat jus, & titulum ad papalem dignitatem... sic per humanam destitutionem perdit istam præsidenciam.* In tract. seq. docet: *Si verò est ignorantia probabilis, sicut est in presenti schismate apud multos... non reputantur talibus sententia alligati... potest sine periculo damnationis nunc illi, nunc isti (Papæ scilicet in tempore schismatis) modis istis obedire, & nunc cum istis, nunc cum aliis communionem præstare.* Et hoc totum dicitur propter probabilem ignorantiam juris istius, vel illius partis. Si Doctor ipse proficeretur sequi probabilem opinionem, & probabilem ignorantiam, credo, nullum negaturum fore, Gersonem Probabilitatem loquutum fuisse.

47. Joannes Nider in consolat. timor. conscient. cap. 11. tenet cum Divo Thoma quodl. 4. art. 14. variantibus Doctoribus an aliquis sit excommunicatus, non adesse obligationem vitandì illum, de quo est illa varia opinio. Ergo, quando adest opinio probabilis, quod ille sit excommunicatus, & quod non sit excommunicatus, possum sequi opinionem probabilem benignam, quod ille non sit excommunicatus. Ibidem etiam tenet cum Glossa Raymundi, quod in apicibus iuris, ubi dubitant sapientes, excusabilis est ignorantia, ubi si aliquis bona fide partem illam, vel istam elegerit, non debet super hoc conscientiam habere nimis scrupulosam. Ego video in hac difficultate adesse varios opiniones Thomistarum, & Scotistarum, qui sunt Sapientes. Credere, quod ambre sint certæ, est impossibile. Adhuc tamen possum habere bonam conscientiam, & eligere illam, vel alteram opinionem. Ergo bona conscientia potest fundari in opinione probabilis, quia omnis opinio vel est certa, vel est probabilis.



48. Subdit Nider ex eodem Glossatore, circa retentionem Decimarum à Laicis dari duas opiniones, quod nempe liceat, & non liceat, & quod illa prima opinio benignior est; *& ideo magis amplectenda.* Nota hanc causalem, & videbis benignitatem junctam cum Probabilitate esse causam sequendi hanc partem, & non illam in aliqua questione. Hæc doctrina est ipsa formalis doctrina Probabilitatis.

49. In cap. 18. cum Gersono in tract. de contract. scribit: Probabilis certitudo sufficit in moralibus, ut non exponat se quis periculo, sicut dicunt Doctores de celebrante Missam, & similibus, ubi requiritur status gratiæ, quod sufficit ad hoc probabilis conjectura, quia certitudo alia sine revelatione non habetur, prout in moralibus dicit Arist. sumendum esse certitudinem grossè, *& figuratiter, quæ certitudo non removet in una parte omnem probabilitatem, vel opinionem alterius partis, licet declines ad istam magis, quam ad aliam, quod sufficit.* Est incoactus apud omnes, quod qui est certus de aliqua re, non habet aliquam opinionem, aut probabilitatem de opposito. Ergo, qui habet cognitionem de aliqua re, & simul habet aliquam probabilitatem, & opinionem de opposito, hic non est certus. Ergo solum habet Probabilitatem. Ergo per Nider, & Gersonem clarè habetur, quod Probabilitas sit bona regula morum.

50. Supplementum Pisanelle. V. Confessor. 2. quæst. ult. scribit: Sed quid si Confessori occurrit aliquid, de quo dubitabat, quid agere debeat. Respondetur, quod hæc dubitatio aut procedit ex varietate opinionum Doctorum, aut ex sua imperitia. In primo casu dicit Glossa Raymund. de matrim. §. sed nunquid peccant uxores. Ver. Abstinentium, quod hoc casu non est præcipienda sententia, nec deneganda absolutio, sed via tutior est consulenda, & terror incutiendus ex periculo; quod videtur verum, cum poenitentem ex aliqua probabili ratione adheret alienius Doctoris notabilis

opinionis volens eam tenere. In fine illius questionis docet: quod nisi impositio poenitentiae præcedat absolutionem ipsa absolutio est nulla; sed foris posset excusari, si statim post absolutionem, antequam divertatur ad extraneos actus, imponatur poenitentia. Ecce opinio formidolosa, per quam potest licitè absolvi in casu, in quo illis temporibus probabile erat, non posse impendi absolutionem.

51. Nicolaus de Orbellis est Doctor valde Probabilista; ast illum habui tardè, unde & rarò illo uti potui. Igitur in 4. dist. 17. quæst. 2. §. 18. sic scribit: *Dubatur, an filius accedens ad confessionem teneatur iterare Confessionem.* Dicunt quidam, quod sic, & illius opinionis sunt Bonaventur. & Raymund. Thomas autem tenet oppositum. Cum quo concordant Petrus, Richard. & Gratian. de poenit. dist. 3. c. ult. & Ber. de poenit. & remiss. quod quidam. Licet autem hæc opinio sit probabilis, & habeat plures pro se Doctores, tamen Consilium sanum esset talibus, cum incipiunt veraciter poenitere, generalem facere Confessionem de toto tempore præcedenti. Ecce clarè quod hic Doctor sequitur opinionem Probabilem, quamvis suadeat sequi oppositam, quod etiam ego suadeo, & quilibet suadebit.

52. Stephanus Bruliser in 4. dist. 17. quæst. 12. asserit, quod iusti ex lege Ecclesiæ tenentur confiteri venialia, subdit postea: *Tamen opinio Scotti est quod nullus tenetur confiteri de venialibus.* Cum referat hanc opinionem post illam, quam absolute amplectitur, nec rejiciat, videtur, illam ut probabilem sequi, quæst. 14. scribit: *Ad Sacramentum poenitentia non est necesse accedere cum ebrietate, vel dispositione ad ebrietatem sufficientem secundum veritatem, sed secundum probabilitatem.* Hæc autem dispositio est attritio. Aliquando accidit, quod aliquis ante Confessionem habet tantum de attritione, quod acquirit gratiam, sed non requiritur, quod sit tanta attritio cum veritate, quia sæpè propter Confessionem supradictam, &

& absolutionem Sacerdotis talis attritio formatur per gratiam.

53. Dist. 31. quæst. 5. dicit : Qui cōit cum uxore causa vitandæ fornicationis in se, in hoc semper peccat venialiter. *Alii dicunt, quod est in remedium, & sic non peccat.* Videtur amplecti hoc dictum ut probabile. Quæst. 6. relata opinione dicentium uxoratos peccare mortaliter, si coeant ob finem delectationis, subdit : *Hæc opinio, licet probabilis videatur, tamen nimis dura est, licet enim viris cum uxoribus joculari.* Opinio, quæ opponitur opinioni probabili, non est nisi probabilis; cum ergo hic Doctor sequatur opinionem oppositam opinioni probabili, ejus opinio est probabilis. Hic obiter accipe regulam benignam morum. Si sit aliqua opinio nimis dura, licet tibi videatur probabilis, non cogeris sequi talem rigiditatem. Hæc regula procul dubio est juxta Probabilistarum principia, & contraria Adversariis.

54. Dionysius Carthusianus in 4. dist. 9. quæst. 5. vers. *consequenter ad secundum.* in med. scribit : Utrum sequens pollutio ex peccato acciderit, vel non; & an ex mortali, an veniali : *Satis tamen probabiliter* conjici potest non præcessisse consensum, quando in ipsa somnii imaginatione anima dissentit. Certè hoc argumentum & in se est solum probabilis, & expressè illud vocat Probabile.

55. Dist. 15. quæst. 2. vers. *qui consequenter* respondens ex Bonaventura scribit : Sicut dictum est de aliis Sacramentis, præsertim de Eucharistia, quod non valet nisi charitatem habenti, non tamen tenetur quis verè ex charitate accedere, sed probabiliter se ad eam disponere; ita de satisfactione (de Pœnitentia scilicet à Sacerdote pro peccatis imposita) dicendum, quod opera pro satisfactione tenetur implere, sequè quantum in se est ad charitatem disponere.... Sufficit tamen cum signis probabilibus pœnitentiam fecisse, nec oportet eam iterari, Quæst. 3. vers. *queritur quoque* ex Richardo scribit : Interdum quoque damnificat, qui alium in fama sua injustè indi-

rectè, dum proprium crimen renuit pandere, aut fateri; & talis, quamvis peccet, non tamen tenetur alteri restituere famam recognoscendo propriam culpam, ut quidam probabiliter dicunt, quia, dum alter non servat justitiam &c. aliqui tamen dicunt contrarium, quod nimis durum videtur. Hanc Doctrinam habet Richardus, ut supra retuli, in 4. dist. 15. art. 5. quæst. 3. Hic accipe transseunter regulam ex Richard. & Carthusian. de moribus : Si quidam probabiliter aliquid asserant, & contrarium tibi nimis durum videtur, potes sequi illud benignum quidem, sed probabile dictum. Non credo, quod Probabiliste aliud intendunt cum regulis suis benignis.

56. Dist. 17. quæst. 5. vers. *in oppositum est.* ex Divo Thoma recitat : Si periculum mortis immineat, tenetur homo per se ad confitendum. *Hinc probabilis videtur illa opinio*, quod non tenetur homo statim confiteri, quamvis sit periculosum differre. Alii dicunt, quod contritus tenetur mox confiteri debita opportunitate oblata.... Sed hoc nimis durum videtur &c. etiam hic valet relata regula, quod opinio probabilis, si contraria sit nimis dura, &c.

57. Quæst. 7. vers. *deinde querit.* ex Bonaventura sic decidit : In omnibus autem sanum consilium est, ut privilegiati Confessores remittant sibi confessos ad proprios Sacerdotes, ut si contenti non sint, iterum audiant illos. Verum, ut aliqui Jurisperiti probabiliter dicunt, non tenentur confessa, de quibus absoluti sunt penitentes, iterum confiteri.

58. Dist. 24. quæst. 4. vers. *de his dictum est*, asserit ex Bonaventura, quod, si quis sibi conscius non est se habere peccatum mortale, imo probabiliter confidit se esse in gratia; potest celebrare Missam, & communicare.

59. Dist. 32. quæst. 2. (in meo tamen codice non ponitur numerus) vers. *præterea si queratur.* de illa questione, an fuerit licitum repudium Hebræis, cum Divo Thoma ait : Dictum affirmativum esse probabiliter prolatum, negativum ta-

men

men esse communis. Approbat quoque utramque opinionem Divi Thomæ in illa quaestione, an mulier Hebræa sic repudiata possit alium virum ducere vivente repudiante.

60. Dist. 38. quaest. 3. vers. *porro Bonaventura*. ex Bonaventura recitat oppositas opiniones circa illam quaestionem, an Papa possit omnia vota dispensare, & sic concludit: *Quæ harum opinionum sit verior nescio, ideo nullam assero, potestque unaquaque probabiliter sustineri, præsertim hac ultima.*

61. Dist. 41. quaest. 1. vers. *in his continentur* ex Richardo refert, quod aliqui opinantur, quod, quamvis non valeat præscriptio contra vos solvendi decimas, secundum quod decima sumitur pro parte necessaria ad sustentationem ministrorum... tamen secundum quod decima accipitur pro tali parte determinata, potest præscribi. Notaly, *aliqui opinantur.*

62. Gabriel Biel, me iudice, multum favit Probabilitati, & sapius olim legi meminisse Probabilitatis; quia tamen tunc non decreveram præsens opus conficere, ideo nec Textus signavi. Duos ergo tantum referam, quos memini, primus habetur in 4. dist. 16. quaest. 2. dub. 3. litt. S. Secundus vero habetur dist. 17. q. 1. litt. S.

63. Primo loco scribit: Respondetur Probabiliter, licet consultum sit confidentem obedire in acceptione Pœnitentiae ad discreto Confessore injunctæ... tamen non videtur de necessitate salutis... & si dicis, requiritur satisfactio in voto, idest propositum satisfaciendi, hoc non impedit, sufficit enim propositum satisfaciendi eo modo, quo Dominus illam determinavit. Determinavit autem Dominus duos modos sub disjunctione, hoc est altero duorum, vel in Purgatorio, vel in presenti vita. Certè Adversarii coguntur fateri hunc Doctorem expressè esse pro Probabilitate, & quia expressè dicit esse Doctrinam probabilem, Respondetur Probabiliter, & quia in rei veritate illis temporibus hæc Doctrina non excedebat li-

neam Probabilitatis. Nostis tamen temporibus talis doctrina sic universaliter sumpta videtur improbabilis, ut colligitur manifestè ex Tridentino Sess. 14. c. 8. Interea an hæc opinio possit cum limitatione sustineri videatur Magistris in 4. de pœnitent. in hac quaestione, & nos forsitan dicemus aliqua alibi.

64. Secundus Textus sic se habet, *sed illis dimissis dicitur breviter, & Probabiliter* sequendo opinionem communem dist. 14. recitatam, quæ est Beati Augustini, & communiter Doctorum præter Scotum, & sequaces suos. Pro intelligentia hujus brevis, & Probabilis responsionis sciendum, quod hic Doctor tenet Sententiam, quam supra dixerat esse Divi Thomæ, Divi Bonaventuræ, Scoti, & aliorum communiter, & conformari eum communi rui Ecclesiæ. Tenet, inquam, sententiam, quod inferior Confessor auditis peccatis non reservatis, & reservatis potest absolvere pœnitentem, & illum remittere ad Superiorem, ut iterum de reservato à Superiore obtineatur absolutio. Ut igitur talvet hanc opinionem, asserti nunc brevem, & probabilem responsionem, quæ silit in hoc, quod datur duplex absolutio: una reconcilians peccatorem Deo, & hæc habetur per contritionem habitam à Pœnitente priusquam consecratur Sacerdoti. *Alia est absolutio quoad Ecclesiam, scilicet, quæ removet causam separationis ab Ecclesia; Nam omnis, qui mortaliter peccat, separatus est, & excommunicatus ab Ecclesia, & a communione Sanctorum; & sicut excommunicatus pluribus excommunicationibus potest ab una absolvi manente alia, sic quantum ad Ecclesiam Sacerdos potest ab uno mortali, & non ab alio, sicut potest injungere Satisfactionem pro uno mortali, & non pro alio; unde si junctis attendimus virtutem Confessionis, ipsa (attende quaeso Lector) non est instituta salutem in aîu, tanquam necessaria remissioni peccatorum, sed hanc presupponit. Sed propter tria instituta est; scilicet ut peccator innotescat Ecclesiæ tanquam absolutus, ut dicit Magister; ut certa Satisfactio,*

risfatio, per quam pœna peccati tollitur, à Confessore imponatur; & ut pœna pars virtute Sacramentalis absolutionis remittatur. Sunt & alia causa.... Sed tres prima sunt ad propositum. Et quantum à illa potest fieri separatio absolutionis ita, quod unus Sacerdos absolvat ab uno peccato, pronuncians scilicet peccatorem propter illud peccatum quantum ad iudicium Ecclesia non esse separatum, & alius absolvat quoad aliud, vel alia. Et per hoc patet responsio ad replicam, quia procedit de absolutione reconciliante Deo, (& sic de Absolutione, quæ habetur per Contritionem) qua dividi non potest, secus de absolutione peccatorum quoad Ecclesiam. (& sic de Absolutione, quæ habetur per verba absolutoria Sacerdotis.) Huic solutioni concordat Angelus. Certè cum ipse Doctor expressè vocaverit hanc Doctrinam Probabilem, non debemus nos credere, quòd illam reputaverit ut certam. Vellem tamen scire, an Adversarii possint, asserere nunc esse probabilem, & compossibilem cum Doctrina Tridentini. asserentis Sess. 14. can. 1. Sacramentum Pœnitentia esse institutum à Christo pro reconciliandis fidelibus ipsi Deo lapsis post Baptismum in peccata. Et cap. 3. dicentis, præcipuam vim Sacramenti pœnitentiæ sitam esse in verbis illis: *Absolve te &c.* Si absolutio Sacerdotis solum est in ordine ad Ecclesiam, ut dicit Gabriel, & absolutio in ordine ad Deum habetur à contritione; ergo vis principis Sacramenti Pœnitentiæ sistit in contritione, quia plus est absolvere in ordine ad Deum, quàm absolvere in ordine ad Ecclesiam. Cum ergo hæc doctrina Gabrielis sit falsa, debemus asserere illam tenuisse ut probabilem, quæ quidem ita vera apparet, quòd simul cognoscitur, posse aliter se habere. Unde, si illam credidisset ut certam, fuisset nimis ignorans Gabriel, & cæcus, dum nedium errasset, sed cognovisset se non posse errare. Gabriel tamen est dignus venia, quia, cum tenuerit sententiam scrupulosam, quòd contritio esset necessaria ad Sacramentum, nec sufficeret

attritio, ut volebat Scotus, hinc rectè inferebat, Sacramentum Pœnitentiæ non esse institutum tanquam necessarium pro remissione peccatorum. Adverto me non damnare opinionem, quòd Confessor inferior auditus non reservatis, & reservatis possit absolvere pœnitentem, & illum remittere ad Superiorem pro absolutione reservatorum; Hanc, inquam, opinionem non damno; scio enim fuisse præcipuorum Antiquorum, ne dicam omnium; sed nec illam laudo, & parum approbatur à nostris Modernis, etiam laxis. Hic damno solum doctrinam Gabrielis de absolutione habita per formam Sacramenti Pœnitentiæ.

65. Cum Gabriel allegaverit Angelum, videamus, an Probabilitatem laudaverit ipse quoque. In rei veritate Angelus. V. Confessio. §. num. 9. habet totam doctrinam allatam à Gabriele, & insinuat per num. 9. asserit, quòd Confessor inferior potest absolvere pœnitentem, licet habentem excommunicationem reservatam. Bene tamen verum est, quòd utramque opinionem vocat verior, & illam de absolutione pœnitentis habentis excommunicationem reservatam, vocat etiam benigniorem, quæ ratio forsitan movit Angelum præcipue ad illam sustinendam, quod est valde notandum contra Adversarios, qui sibi tantum complacent de sequendis opinionibus rigidis.

66. Igitur Angelus. Ver. *Arts Balistariorum.* num. 2. scribit, quòd si sint gladii, vel colores, quia possunt esse utilis ad aliqua, scilicet ad defensionem, vel ad colorandum hominem, vel mulierem, in casu licito, & pro bona causa licita est in his negotiatio secundum Innocentium. & hoc credo verum, quando existimat, vel potest existimare probabiliter, quòd talis emens, vel cui talia dat, vel facit, eis uti ad bonum, aliàs tale erit peccatum talia facere. Ecce per Angelum, ut licitè vendam arma, colores &c. non est necesse, quòd certò credam scæptinas, & viros illis rebus bene usuros, sed sufficit, si probabiliter hoc existimem, & si pro-

probabilem existimationem non habeam, pecco. Hoc est totum, quod volunt Probabilistæ.

67. Sic si miles probabiliter credat, quod alii milites eadem damna facturi fuissent sine suo auxilio, tunc non tenetur ad restitutionem illorum damnorum in solidum. Ita in Ver. Bellum. num. 10. tenet Angelus. Ego facerem argumentum à simili, quod validum est in iure, ut sciunt docti, & sic dicerem. Existimo probabilem illam sententiam, quod Testes falsi, qui assumuntur ad plenius probandum delictum non influant simpliciter in sententiam mortis; unde probabiliter credo, quod sine ipsorum testimonio Iudex damnasset innocentes adhuc; ergo à simili hi testes non tenentur ad damna sequenta ex illa sententia injusta, quia iam probabiliter credo, quod Iudex motus ab aliis falsis testibus sententiam tulisset injustam.

68. Verb. Consuetudo. num. 15. asserit, quod ignorantia legis non est peccatum, ubi non esset probabile dubium super consuetudinis validitate.

69. Verb. Debitum conjugale. num. 27. retulerat, quod Petrus de Palude asserbat licere uxori se erigere, & mingere ad ejiciendum semen, ne concipiat plures filios, quos possit pascere. De hac opinione sic decidit: Sed de hac opinione valde dubito propter cap. aliquando 32. quest. 2. quod videtur innuere, quod sit peccatum mortale. Sed potest dici, quod dictum. c. loquitur, quando quis ex sola voluptate hoc facit; vel quando postquam conceptio est facta, querit abortum. Sed Petrus intelligit, quando hoc sit ex rationabili causa, puta quia non potest eos pascere, & huiusmodi, & antequam concipiat in utero matris; & sic posset teneri, licet sit periculosa. Ex modo dicendi patet, hanc opinionem tenere ut possibilem aliter se habere. De hac opinione valde dubito. Posset teneri, licet sit periculosa. Si potest aliter se habere; ergo est solum probabilis. In rei veritate hac opinio est adeo periculosa, ut intellectus vix potuerit illam ut probabilem defendere. Ego certe illam rejicio.

70. Verb. Eucharistia. 3. num. 5. dicit: Quod, si species Eucharistia transcant per stomachum indigesta, & vadant in secessum, non est ibi Corpus Christi. Et subdit, hanc opinionem appellari à Bonaventura Probabilem, & sibi placere. Si Angelo placet opinio probabilis, quare nobis non placebit? Hæc opinio formaliter quidem est speculativa, est tamen virtualiter practica, ut observavi, ubi ex Divo Bonaventura retuli eandem hanc Doctrinam; sequitur siquidem, quod Angelus illas species Eucharisticas indigestas, transactas per secessum, non adorasset adoratione Latrine, cum non contineret iuxta hanc opinionem Corpus Christi.

71. Verb. Excommunicati. 1. num. 10. asserit, quod subditi existentes in territorio, & sciunt statutum, & sic illud transgredientes excommunicantur. Si vero sunt ignorantes, sic non ligantur, nisi ignorantia sit crassa, vel supina. Ego addo, sed ignorantia, quæ fundatur in opinione probabilis, non est crassa, nec supina, ut est evidens; ergo sequentes opinionem probabilem non ligantur excommunicatione, si sequendo illam opinionem transgredierentur statutum.

72. Theologis placet addere aliquos Canonistas, non quia hæc sit ipsorum materia, cum ut tales solum de legibus Ecclesiasticis agere debeant, ut dixi ex Divo Thoma quodl. 9. art. 15.

73. Primus sit Baldus, qui in c. ne innotariis. de constitut. num. 12. scribit: Quando processus est multum dubius, Iudex eligendo unam opinionem non facit litem suam, quia non est peccatum. . . . & si una vice tenuit unam opinionem, alia vice tenuit contrariam, non est increpandus, si ex probabilis ratione emendaverit se.

74. Secundus sit Joannes Andreas. Hic in c. ex publico de convers. conjugat. num. 9. ait: Secundum Hostiensensem probabiliter dici posse, quod, cum circa impedimenta matrimonii resurgenda, & relaxanda potestatem habeat Ecclesia &c. potuit statuere, quod hic dicitur, & de nunc professione; & de alterius contractibus

75. Tertius sit Abbas Panormitanus in explicat. præm. decret. num. 16. ubi sustinet, instrumentum nomine Antipapæ inscriptum esse validum in iis locis, in quibus *probabiliter toleratur*. Et in c. 1. de constitut. num. 15. docet, nos posse communem opinionem relinquere, si opinio communis sit evidenter falsa, vel posset convinci *probabilibus rationibus*. Hic Textus ullo modo nequit calumniari. Et in c. *Prudentiam*. de offic. deleg. num. 4. Et in c. *finem*. de dolo, & contum. num. 26. asserit, sequentem *opinionem probabilem magni viri, quamvis contra communem*, iuste litem possem intentare, & si litem perdat, non subiacere expensis.

76. Pro hac nostra opinione militant illi Doctores Antiqui, quos infra pro opinione aequè probabili, & minùs probabili referam. Clarissimè etiam militant illi Authores Antiqui, quos attuli supra cap. 18. tanquam stantes pro opinione probabiliori. Expende verba Menaldi, à quo alii Summittæ suas lineas Doctrinæ sumpserunt, & videbis, quod Lector potest absque præiudicio veritatis illam inter plures sibi eligere opinionem, *quæ sibi magis consona rationi videtur*. Si mens mea non me decipit, hac ultima verba significant, quod possumus inter plures opiniones seligere illam, *quæ nobis probabilior videtur*. Si nobis probabilior videtur; ergo illam iudicamus probabiliozem; ergo operamur ex opinione probabiliori cognita ut tali; & sic Probabilitas ut talis erit per Antiquos Doctores regula morum. Nec credo Adversarios dicturos, opinionem probabiliozem non contineri intra lineam Probabilitatis, scilicet intra lineam illius habitus, qui quidem tendit in verum, quod tamen possit falsum esse; Non credo, inquam, hoc dicturos fore, namque vidimus, Probabilitatem esse intensivè divisibilem, & opinio evadens probabilior non perdit suam essentiam, sed perfectiorem modum essendi acquirit, sicut calor intensus speciei non differt à calore remisso. Tum quia opiniones plurimæ, quæ videbantur probabiles,

& Antiquis, & Modernis, evaserunt falsæ; ergo opinio, quæ nobis videtur Probabilior, est intra lineam Probabilitatis, cum possit aliter se habere.

77. Pro hac opinione faciunt etiam Adversarii, & ipse quoque Vendrochius, qui, ut aliquam opinionem probent pro ipsa, asserunt unum, vel alterum Sanctum Patrem, vel aliquod Concilium Provinciale. Porro est certum, quod dictum alicuius, vel alterius Doctoris Ecclesiæ non est Argumentum certum, sed probabile, ut fatetur Divus Thomas 1. part. quæst. 1. art. 8. ad 2. Et Concilium Provinciale posse errare, & aliquoties errasse est certo certius, ut supra demonstravi. Ergo, si Adversarii nolunt se decipere, debent dicere in hisce casibus illas opiniones esse solum probabiles; ergo etiam ipsi operantur juxta opinionem ut probabilem. Pro eadem opinione facit apertè Illustrissimus Cætus Gallicanus, qui agens de usu Opinionum Probabilium sic ait: Ad vera Regula, ut circa Probabiles de Christiana Doctrina sententias sequamur id, quod Vienneñse Æcumenicum Concilium circa infusam tam parvulis, quam adultis in Baptismo virtutes decrevit his verbis: *Nos hanc opinionem tanquam Probabiliozem, & dictis Sanctorum, & Doctorum Modernorum Theologia magis consonam, & concordem duximus elegendam*.

78. Colligitur, quod, si opinio, quam sequimur, postea detegeretur falsa, non propter hoc peccavimus, dum juxta illam, antequam sciremus esse falsam, operati fuimus. Hinc certum patet, quod saltem operans juxta probabiliozem, quamvis minùs tutam, si fortè illa opinio coram Deo esset falsa, adhuc non peccaret, & hoc sive sit in materia legis Naturalis, sive Divinæ, sive Ecclesiasticæ. Ratio est evidens, quia omnes Doctores etiam Sancti habent aliquas opiniones minùs tutas, & quæ possunt aliter se habere. Sic Patres Græci asseruerunt simulationem non esse peccatum. Divus Cyprianus cum octuaginta tribus Episcopis rebaptizabat Ba-

pizatos ab Hæreticis. Et Divus Hieronymus noluit esse bigamum maritum duarum, quarum primum ante Baptismum sibi copulaverit. Et vidimus supra, Antiquos penè omnes in multis erravisse; & quamvis fatear, usque modo Doctorem Angelicum non docuisse opinionem, quæ jam sit detecta falsa, tamen opiniones illas benignas ejusdem Sancti Doctoris à me supra relatas posse evadere falsas, negabit ille solus, qui opinionem habebit pro certitudine. Si ergo omnes Doctores, etiam Sancti, docent opiniones, quæ possunt esse falsæ, sequitur, vel quòd omnes Doctores, etiam Sancti, peccaverint tradendo tales Sententias, quod est absurdum, vel quòd nullum sit peccatum operando juxta tales opiniones. Oppositum docuit Vendrochius Not. 1. in Epist. V. sect. 2.

79. Dices Sanctos Patres, & Doctores Antiquos docuisse quidem opiniones, quæ poterant esse falsæ, tamen credebant illas esse certas; Hinc dices, quòd opinio, quæ mihi videatur certa, si tamen sit falsa in se, est bona regula morum, non tamen opinio cognita ut constituta in linea Probabilitatis. Assumptum probatur, quia v. gr. Augustinus, & Firmianus opinabantur, non dari Antipodes; at hoc ut certum habebant, cum vocarent opinionem admittentem Antipodas, *Fabulam*. Ipse quoque Glossator opinabatur, Christum in Eucharistia non descendere in Stomachum, at hoc certò credebatur; unde dicebat in c. *tribus gradibus* de consecr. dist. 2. V. *Miscere*. quòd, quàm citò species dentibus teruntur, tam citò in cælum rapitur Christus.

80. Sed contra est primò, quia sic falsum multoties salvat; & tamen Adversarii, præcipuè Vendrochius, clamant, *solum veritatem nos salvare*; & propter hoc Christum vocari *veritatem*, non *Probabilitatem*. Secundò in illis quidem locis tenuerunt illas opiniones ut certas, & hoc colligitur ex verbis ipsis, quibus illas docuerunt. Si oppositum creditur Fabula; ergo propria opinio

judicatur certa. Cum ergo in aliis opinionibus taliter non sint loquuti, est signum, quòd illas ut certas non docuerint. Et si illas ut certas docuissent, in hoc errassent apertè. Nunquid opiniones Sanctorum oppositæ Divo Augustino, & Firmiano sunt erronee? certè non. Ergo, si Divus Augustinus, & Firmianus judicassent suas illas opiniones certas, erravissent. Hinc in rei veritate in illis opinionibus philosophicis non possumus excusare ab errore Divum Augustinum, & Firmianum. Et Glossator turpissimè erravit in illa Theologica opinione. Illo quidem tempore aliqui Doctores opinabantur, Christum non descendere in Stomachum; talis tamen opinio communiter opinio reputabatur, non certitudo.

## CAPUT XXIII.

*Vendrochii Argumenta contra Probabilitatem ex Divo Thoma desumpta diluuntur.*

**A**Nte solutionem Argumentorum advertendum est, hic nos sermonem habere, ut cap. 20. notavi, de Probabilitate, præcindendo à majori, vel minori; unde conclusio nostra fuit de Probabilitate sumpta secundum suam naturam specificam; & sic diximus, *cognitionem habentem motum*, quibus possumus assentiri, ita esse veram, ut tamen possit aliter se habere, & sic esse falsam, esse regulam bonam voluntatis tum in lege Naturali, tum Divina, tum Humana. Hæc autem conclusio est diversa ab ea, in qua asseritur, *opinionem aequè probabilem, vel minus probabilem, ac oppositam esse regulam Humanarum actionum*. Hæc diversitas est manifestissima, Primò, quia, ut salvetur prima, sufficit dicere, *opinionem probabiliorē sufficere ad bonitatem actionis*, quia Probabilitas adhuc continetur intra ter-

minos *Probabilitatis*, ſicut calor intenfus continetur in ſpecie, & linea caliditatis. Secundò, quia pauciſſimis exceptis, omnes Recentiores conveniunt in prima, & diſcrepant in ſecunda propoſitione. Hinc Gonetus, Fagnanus, Gonzalez, Mercorus, & alii Probabilioriftræ ſubſcribunt primæ, & mordicus negant ſecundam.

2. Vendrochius Not. 1. Epistol. V. ſect. 2. & 4. cognoscere videtur hoc evidens diſcrimen; tamen in eadem ſect. 2. §. 3. videtur etiam, inter hæc nihil diſtinguere, quatenus exiſtimat Parochos Pariſientes, & Epiſcopos Gallicanos excludere Probabilitatem à regula morum; cum tamen hi Epiſcopi, & Parochi damnaverunt quidem ſequentes opinionem æquè probabilem, & minùs probabilem, non autem ſequentem opinionem, etiam Probabilioris; quin expreſſè hoc approbaverunt in Comitibus Generalibus in Palatio Sancti Germani anno 1700, ut vidimus. Opinio autem probabilior eſt intra lineam Probabilitatis; ergo, ſi Vendrochius ex eo, quòd Parochi, & Epiſcopi Gallicani reprobaverunt opinionem minùs, & æquè probabilem, credit proſcriptam eſſe Probabilitatem, ſequitur ipſum credidiſſe, nullam differentiam intercedere inter primam quæſtionem, & ſecundam. Hoc monitum debemus bene memoriæ mandare, quia ex hoc facili negotio diluemus argumenta ipſius Vendrochii, quæ ſi aliquid probant, ad ſummum probant, æqualem, & minorem Probabilitatem eſſe excludendam à regulis morum, non tamèn Probabilitatem ſecundùm ſe, & ſecundùm ſuam Naturam.

3. Dixi ſupra, pauciſſimos eſſe, qui ſaltem Probabilitatem, prout importat Probabilioritatem, reſutant; quamvis enim apud Probabilioriſtas invenias execrationes, & diriſſima probra in glorioſam Probabilitatem; tamen Lectoribus doctis patebit, ipſos non conſutare omnem probabilitatem, ſed ſolùm æqualem, & minorem, cum clarè Probabilioritatem amplectantur. Hinc puto malè ipſos ſic loqui; unde deberent,

non abſolutè, & ſimpliciter damnare Probabilitatem, & dicere, *Probabilitas non eſt bona regula morum*; ſed ſolùm limitatè, & dicere, *non omnis Probabilitas eſt bona regula morum*.

4. Inter illos pauciſſimos Probabilitatem abiicientes eminet Vendrochius, qui taliter illam execrat, ut Tom. 2. append. 2. ſect. 3. art. 2. admitat, ſolùm Probabilitatem, id eſt cognitionem, quæ poteſt eſſe falſa, prodeſſe, quando ſumus in calu, in quo ex duobus malis minus eſt eligendum. Ex exemplum de eo, qui ex præcepto debet Euchariftiam accipere. Hic ex una parte non eſt certus ſe eſſe in gratia, ex altera adigitur à præcepto, ut ſumat Euchariftiam; ſi non ſumit, facit contra præceptum certum. Si ſumit, forſan accipit Euchariftiam in peccato mortali, quia ſolùm probabiliter poteſt noſcere, ſe eſſe dignum. Ex his duobus malis, ait Vendrochius, eligat minus. Sumat Euchariftiam, quia ſumere eſt incertum, an ſit malus; non ſumere eſt certò malum; minus autem malum eſt, eligere malum incertum, quàm eligere malum certum. In hac quæſtione præcipue Vendrochii argumenta reſolvo, quia præcipuus, & ex primis eſt, qui noſtræ opinioni ſe oppoſuerit.

5. Sed jam audiamus Vendrochium illa ſect. 2. §. 1. ſic dicentem: *Quemadmodum in hoc dogmate, ſive potius pernicioſiſſimo errore, reſellendo duces ſequimur Pariſienſes Parochos, qui multis Scriptorum ſuorum locis contrariam ſententiam docuerunt, & validè confirmarunt, Probabili ſcilicet opinione falſa in jure naturali, (nam de poſitivo poſt agemus) neminem à peccato excuſari, nihil ſatius, quàm eorum exemplo ejus authoritatem primùm à Sancto Thoma repetere, illiusque Teſtimoniis luce clarioribus reliquam diſputationem ſuperſtruere.*

6. Hic obſerva auſum hominis vocantis opinionem hominum præſtantiffimorum pernicioſiſſimum errorem. Hoc tamen nihil mirum eſt, cum ipſe Moderuos, qui, velit, nolit, Theologiam illu



illustrissimis commentariis condecorantur, nihili faciat, & minoris, quam Parochos Parisienses, quos, licet velis fuisse doctos, Orbis tamen literarius non credet doctiores Vasquio, Suario, Medina, Mastro, & aliis plurimis. Fateor equidem, si opinionem de æquali probabilitate, vel minori sequenda, tanta nota inuississet, utcunque esset ferendum; at dicere de opinione asserente Probabilitatem esse regulam morum, etiam in iure naturali, tale dicterium, nunquam patiendum venit, dicendumque, esse errorem manifestum, ut ex superioribus liquet. Credo tamen hunc errorem provenire, quia Vendrochius, & alii Adversarii non intelligunt doctrinam de Probabilitate. Ergo recolendum ex dictis, Probabilitatem solum habere locum in materia obscura, & incerta; unde dicebat Philosophus, opinionem esse de objecto contingenti, & in hoc distingui à scientia, quæ est de necessariis, quæ non possunt aliter se habere. Hinc, quia non implicat obscurum illuminari, quod aliquando erat opinabile, evadit scientificum; & sic amplius opinari non poterit. Sic tempore Gratiani erat opinabile, an Confessio esset sub præcepto; unde *viri Religiosi*, & *docti* negativam partem sustinebant; Nunc hac obscuritas est illuminata lumine fidei, & opinio illa evasit hæresis.

7. Hac doctrina patet responsio ad ea, quæ dixerat Vendrochius, unde opinio, quando est opinio, & sic propositio de objecto contingenti, & obscuro, quæ per argumenta gravia ita apparet vera, ut possit esse falsa, excusat etiam in iure naturali, obscuro quidem, & contingenti, licet postea falsa detegatur. Exemplum sit. Matrimonium spadonum, & sic utroque teste carentium, si tamen virga erigatur, erat validum tempore magni Glossatoris, qui volebat distinguere inter seminationem viri, ac mulieris. Item simulatio per Hieronymum, & Patres Græcos coetaneos erat licita. Hæc duo sunt in iure naturali, & illis temporibus, in

quibus res erat obscura, opinio habebat locum, & juxta illam operantes excusabantur, nisi velimus damnare illos Sanctos Patres, & Idolum Canonistarum.

8. Sic etiam excusabantur illi *viri Religiosi*, & *docti* negantes confessionem esse sub præcepto. Nunc de hæresi notarentur, nec excusarentur, inquit Divus Antoninus 3. part. tit. 5. cap. 2. §. 9. quia explicatum est, Legem Divinam habere locum in hac materia. Sic olim licebat opinari, Leges Ecclesiasticas non obligare ad mortale, seposito scandalo, & contemptu; unde relinquens Missam ex pigritia, v. gr. non peccabat mortaliter; nunc verò decisa à Sede Apostolica questione, opinio non habet amplius locum, sed scientia, & certitudo. Ecce evidenter, quod opinio probabilis, licet postea sit detecta falsa, excusat in iure Humano, Divino, & Naturali, quando hoc ius erat incertum, & obscurum.

9. E' contrario, quia adhuc res est obscura, licet opinari cum Divo Thoma, filium non teneri obedire parentibus quoad Matrimonium; non adesse præceptum rescindi Confessionem validam, & informem, & fatendi circumstantias aggravantes; Præceptum de jejunio non incipere, nisi ad hanc tertii septemarii. Quod si Sedes Apostolica decideret has questiones, & cum in c. *in fraternitas*, de desponsat. impuber. dixerit, filium impuberem *debere omnino* contrahere Matrimonium, postquam ad perfectam ætatem devenerit, cum ea, cui Pater prius illam promiserat; nunc declararet, illa verba, *debere omnino*, accipi in propria significatione, & sic importare debium *necessitatis*, non *verò bonestatis*, ut vult Glossa; tunc opinio Divi Thomæ, & Glossatoris non posset amplius sustineri; Adhuc tamen filii, qui sequuti sunt dictam opinionem, non peccavissent contra ius naturale, nisi materialiter eo modo, quo laborantes ignorantia invincibili faciunt solum materialiter contra legem, quod non imputatur ad culpam: Idem dico,

fi eadem Sedes decideret alias duas quaestiones. Fateor me nescire, quomodo huic Doctrinae resistari possit, & quomodo illam Adversarii non videant.

10. Dices, Divum Thomam illas opiniones credidisse certas. Supra solvi objectionem hanc. Sed contra primò, quia non per hoc illæ sunt necessariae, sed possunt aliter se habere; ergo, si filius ductus à persuasione Divi Thomæ non obediisset Patri in illo casu, materialiter posset tacere, & forsitan fecit contra jus naturæ; & adhuc non peccavisset. Contra secundò, quia quo fundamento potes hoc asserere? Tum quia præcipue in secundo, & tertio casu Divus Thomas sciebat, viros præstantissimos ipsi contradicere; ergo Divus Thomas non poterat sine illorum injuria suas opiniones credere certas; maxime cum non afferat argumenta insolubilia. Præterea communiter Doctores asserunt, non omnes opiniones Sancti Doctoris esse certas; ergo saltem illas Divus Thomas ut probabiles agnovit, non ut certas. Tum quia cognoscere objectum, quod potest aliter se habere, per certitudinem, est error, quia non cognoscitur eo modo, quo debet cognosci; & sic, si illas opiniones ut certas Divus Thomas cognovisset, errasset, quod non est dicendum.

11. Vendrochius ex Parochis Parisiensibus ad probandam suam Doctrinam primo loco veluti testimonium clarissimum, & cui nihil possit opponi, assertit quodd. 8. Divi Thomæ art. 13. in quo sic scribit: *Dicendum, quod duobus modis aliquis ad peccatum obligatur. Uno modo faciendo contra legem, ut cum aliquis fornicatur. Alio modo faciendo contra conscientiam, etiam si non sit contra legem; ut si conscientia distat alicui, quod levare festucam de terra sit peccatum mortale. Ex conscientia autem obligatur aliquis ad peccatum, si ve habeat certam fidem de contrario eius, quod agit, si ve etiam habeat opinionem cum aliqua dubitatione. Illud autem, quod agitur contra legem, semper est malum, nec excusatur per hoc,*

*quod est secundum conscientiam.* Et similiter, quod est contra conscientiam, est malum, quamvis non sit contra legem. Quod autem nec contra conscientiam, nec contra legem est, non potest esse peccatum. Dicendum ergo est, quod, quando duæ sunt opiniones contrariæ de eodem, oportet esse alteram veram, alteram falsam. Aut ergo ille, qui facit contra opinionem Magistrorum, utpote habendo plures præbendas, facit contra veram opinionem; & sic, cum faciat contra legem Dei, non excusatur à peccato, quamvis non faciat contra conscientiam, sic enim contra legem Dei facit; aut illa opinio non est vera, sed magis contraria, quam ille sequitur, ita quod licet verè habere plures præbendas; & tunc distinguendum est, quia aut talis habet conscientiam de contrario, & sic iterum peccat contra conscientiam faciens, quamvis non contra legem; aut non habet conscientiam de contrario, sed certitudinem, sed tamen in quâdam dubitationem inducitur contrarietate opinionum; & sic, si manente dubitatione plures præbendas habet, periculo se committit, & sic procul dubio peccat, utpote magis amans beneficium temporale, quam propriam salutem; aut ex contrariis opinionibus in nullam dubitationem adducitur, & sic non committit se discrimini, nec peccat.

12. Relato hoc textu subdit Vendrochius: *Nihil ullo loco planius, nihil evidentius; Loquitur enim de ea sententia, de qua dissidebant inter se Theologi: Inveniuntur enim, inquit, quodlib. 9. art. 13. de ista quaestione Theologi Theologis, & Juristæ Juristis contrariæ sentire; & tamen de hae quaestione sic controversia pronunciat, non utramque opinionem esse securam. Sed contra, cum ex duobus alterutra tantum sit vera, eum, qui contra veram opinionem facit, quia facit contra Legem Dei, certissime peccare. Qui facit, inquit, contra veram opinionem, cum faciat contra Legem Dei, non excusatur à peccato, quamvis non faciat contra conscientiam.*

Poteratne clariùs damnare totam Casuillarum nationem, quorum doctrina contrariò principio tota nititur, nimirum à peccato illum excusari, qui in quaestionibus illis, de quibus inter se Doctores non consentiunt, falsam, ac Legi aeternae contrariam opinionem sequitur, dummodò eam probabilem existimet?

13. Juxta ergo Vendrochium est evidentissimum per Divum Thomam, facientem contra opinionem veram non excusari à peccato. At si sexaginta interpretibus Divi Thomae credimus, quos refert Cardenas in Crisi Theologica disput. 15. à num. 433. inter quos sunt Divus Antoninus 1. part. tit. 3. cap. 10. §. 10. verè revertendo ad quartam. Joannes Nider in consolat. timorat. concilien. 3. part. cap. 11. qui duo Doctores procul dubio sunt Antiqui. Conradus Summenhart, de contract. quest. 100. concl. 3. §. quinto sic arguitur. Sylvester. Ver. Opinio. num. 1. Adrianus in 4. de restitut. §. quia jam dictum est. Navarrus c. si quis autem, de poenitent. dist. 7. num. 57. qui quatuor Doctores ab ipso Vendrochio ponuntur in venerabili Choro Antiquorum Theologorum. His accedunt Tabien. Verb. Opinio. num. 2. Furnus. Ver. Opinio. num. 1. explicantes eodem modo textum similem Doctoris Angelici. Et pariter hi duo à Vendrochio sunt numerandi inter Antiquos. Si, inquam, hos sexaginta Doctores, quorum viginti sunt Dominicani, & ii quidem principales, sequimur, debemus glossare Doctorem Angelicum, quòd hæc non possunt intelligi, nisi de illis, ubi manifestè patet ex Scriptura, vel determinatione Ecclesiae, inquit Nider, & Antoninus, quod sit contra legem Dei; & non de illis, ubi illud non apparet, sicut seipsum, addit Nider, declarare videtur, quodlib. 3. art. 10. alias sibi contradiceret in eodem libro, Antoninus vellet significare quodlib. 3. art. 10. ut clariùs expressit Nider, cujus etiam

alia verba verbatim exciperat.

14. Hæc verò Divi Thomae explicatio multipliciter probatur. Primò ex eodem Textu, in quo asserens exemplum de faciente contra legem, inquit, ut cum aliquis fornicatur. Fornicatio autem est contra legem claram, non obsecram, & controversam. Hinc quando subdit Angelicus: Illud autem, quod agitur contra legem, semper est malum, nec excusatur per hoc, quod est secundum conscientiam, hæc verba debent intelligi de illa lege, de qua loquutus fuerat immediatè prius; (nec enim apparet aliqua verisimilitudo, quòd ad aliam transierit,) loquutus autem fuerat de Legge, pro qua exemplum attulerat de prohibitione fornicationis. Ergo evidenter illa verba: Illud autem, quod agitur contra legem, semper est peccatum, nec excusatur per hoc, quod est secundum conscientiam, intelliguntur de lege, quæ patet manifestè per Scripturam, vel Ecclesiam determinationem, non verò de lege controversa, & obscura. Hinc in quodlib. 3. art. 10. dicebat, quòd sequaces Aarii, Nestorii, & aliorum Hæresiarcharum non excusantur; & ex hoc concludebat, assentientem opinioni aliquius Magistri contra manifestum Scripturæ testimonium, vel contra id, quod publice tenetur secundum Ecclesiam auctoritatem, non excusari ab erroris vitio. Alibi etiam, quando Divus Thomas dat aliquod exemplum, quòd ignorantia non excusat à legis transgressione, semper ponit exemplum vel de fornicatione, vel de alio, quod est manifestè contra legem. Quare ergo, sicut dum Divus Thomas absolute dicit: Faciens contra legem, ponit exemplum, ut cum aliquis fornicatur, & peccantem ex ignorantia non excusari, v. gr. Fornicantem; sic etiam dum dicit, quod agitur contra legem, semper est peccatum, non poterimus nos subdere exemplum, ut cum aliquis fornicatur? Si hoc concedatur, ego inferam, non posse simile concludi, nisi de exemplis similibus, non verò dissimilibus, & hæc concordat cum jure cap. cum secundum, de præbend. & c. per

*venerabilem, qui filii sint legitimi.* In quibus Textibus illud, quod dicebatur de uno, infertur, esse dicendum de alio simili; *Cum secundum Apostolum, inquit Papa, qui Altari servit, de Altari vivere debeat, patet à simili, ut Clerici vivere debeant de Patrimonio Jesu Christi, cujus obsequio deputantur.* At, quod dicitur de uno, dicitur de dissimili, non invenio in jure; Immo tunc valet argumentum à contrario, ita ut, quod dicitur de uno dissimili, & opposito, dicatur totum oppositum de alio. Audiamus cap. *qualis* 25. dist. Si quis in Spiritum sanctum blasphemiam dixerit, neque in hoc seculo remittitur ei, neque in futuro, in qua sententia datur intelligi, quasdam culpas in hoc seculo, quasdam verò in futuro posse laxari; Quod enim de uno negatur, consequens intellectus patet, quia de quibusdam conceditur. Ecce quod Canon ex eo, quod culpe In Spiritum sanctum negatur remissio tum in futuro, tum in presenti seculo, infert, peccato, quod non sit in Spiritum sanctum, deberi remissionem vel in presenti, vel in futuro seculo. Sic etiam in cap. *quamquam*, de censibus in 6. dicitur, Ecclesias & Ecclesiasticas personas non teneri ad exactiones Principum, pro rebus suis propriis, quas non causa negotiandi deserunt. Ex quibus verbis Doctores, præcipue Geminianus num. 6. qui allegat Specul. de Immun. Eccles. fin. cui concordat Gilois. Verb. *Negotiandi*, Inferunt à contrario sensu, Clericos teneri ad exactiones, si deserant causa negotiandi. Vide Barbosa de locis commun. argum. loc. 27. & loc. 101. Et Bordon. de opin. prob. in addit. fundam. 4. num. 38. & num. 50. In nostro ergo casu sequentes jura, & hosc Doctores sic argumentamur: Divus Thomas in claris asserit ignorantiam, & opinionem non excusare; ergo ab opposito licet inferre, in obscuris ignorantia, & opinio excusabunt. Et quidem, ut alibi observavi, si opinio in obscuris non excusaret, hoc debebat dicere, quanto faciebat questionem in quodl. 3. art. 10. *An discipuli diversas*

*opiniones Magistrorum sequentes excusentur à peccato erroris.* Et tamen in hoc articulo loquitur de opinione in claris. Quod opinio contra textum expressum Scripturæ non excuset, parum difficultatis habet; aliter, ut dicebat Angelicus, Sequaces Hæresiarcharum excusarentur. At quod opinio contraria textui obscuro excuset, habet maximam difficultatem; unde si Divus Thomas credidisset, non excusare, hoc debebat dicere, quando inquirebat in generali, quando opinio excusaret.

14. Præterea, ut observat Nider, Divus Thomas quodl. 4. art. 14. dicit, quod in diversa Sententia Doctorum, an aliqui sint excommunicati vitandi, si nondum est declaratum per Judicum consensum, tunc debemus sequi sententiam benigniorem; si autem sit declaratum per Judices, tunc debemus stare sententiæ Judicum, non Doctorum. Ecce Textus clarus Divi Thomæ, quod ante declarationem veritatis licet variare in opinionibus, non verò post declarationem. Per hunc ergo Textum clarum, & specificum debemus, declarare illum obscurum, & genericum, quia lex clara explicat obscuram. arg. cap. fin. de constitut. Et speciale rescriptum derogat Generali. c. sicut. c. pastoralis de rescript. & c. studuisti. de off. leg. Ergo, quando Sanctus Doctor generaliter scripsit, quod agitur contra legem, semper est malum, debet hoc scriptum glossari ante Judicium declarationem. Si enim Sedes Apostolica, quamvis sciat, variè opinari in materia Theologica, & Canonica, hoc permittit, nec damnat. c. litteras. de restit. spol. c. cum Maribæ. de celebr. Missar. cur Divus Thomas debuit damnare variè opinantes in eadem materia?

15. Uterius, si in illo quodl. 8. art. 13. generaliter dixit: *Illud, quod agitur contra legem, semper est malum, nec excusatur per hoc, quod est secundum conscientiam*, per quæ verba videtur velle, quod nullus error in lege excuset. Tamen in eodem quodl. art. 15. admittit, aliquem errorem in lege excusare. Ecce

verba: Error autem conscientie, quandoque habet vim absolvendi, sive excusandi, quando scilicet procedit ex ignorantia ejus, quod quis scire non potest, vel scire non teneatur. Ecce expressè quod error conscientie, & sic error in lege, quia conscientia est de lege, quandoque habet vim absolvendi, seu excusandi. Si in primo Textu Divus Thomas vellet, nullum prorsus errorem legis excusare, procul dubio sibi contradiceret, nam Nullus, & Aliquis sunt termini contradictorii. Ergo, si in art. 12. admittit nullum errorem legis excusare, & in art. 15. admittit aliquem errorem legis excusare, jam Divus Thomas sibi apertè contradiceret. Et forsitan Divus Antoninus respexit ad hunc Textum ex art. 15. quando dixit deberi illum ex art. 12. interpretari de errore legis clarè, ne faciamus Divum Thomam sibi contradicentem in eodem Libro.

16. Præterea etiam omnes Theologi, qui faciunt quæstionem, an liceat variare in opinionibus circa Notiones Divinas, affirmativè tenent ante decisionem Ecclesiæ, & ante Inquisitionem, per quam rei veritas scitur, videtur, & ostenditur, verba Divi Thomæ in 1. dist. 33. art. 3. negativè autem respondent facta decisione Ecclesiæ, & viso, scito, & ostensio falso. Si ergo Divus Thomas admittit errorem excusantem ante scientiam, & sic antè claram, cognitionem veritatis in rebus Divinis, & de Dei Unitate, & Trinitate, quæ est materia magis periculosa per Divum Augustinum, etiam debet, admittere errorem excusantem in moribus ante claram, & scientiam pertractationem; & sic ante legem claram, & expressam.

17. Sanctus Doctor in objectis illius articuli sic dicit: Videtur, quod contrariæ opinionēs in Notionibus Divinis non possint esse sine peccato, sicut enim dicit August. libr. 1. de Trinitat. cap. 3. Tom. 3. Nec periculosius alicubi erratur, quam in materia Trinitatis; sed contrariæ opinionēs non possunt esse sine errore alienius; Ergo, cum iste error sit

circa materiam Trinitatis, videtur, quod sit periculosissimus.

18. In secundo autem objecto sic dicit: Duorum contradictoriorum oportet alterum esse falsum; sed quidam dicunt non esse proprietates Divinas, & quidam esse infinitas &c. quæ contradictoriè opponuntur; ergo videtur, ex altera parte intervenire mendacium. Sed secundum Augustinum de Mendac. cap. 21. Tom. 4. Omnium mendaciorum gravissimum est, quod est circa Divina; Ergo videtur, quod ista contrarietas sine peccato esse non possit. Si dicas, quod excusantur propter hoc, quod de Notionibus nihil in Sacra Scriptura habetur, & ita licet unicuique opinari, quod voluit. Sed contra, quia aut Sacra Scriptura dicitur Canon Biblicæ, aut dicta Sanctorum Patrum. Si Canon Biblicæ, sicut de Notionibus, ita nec etiam de Personis ibi fit mentio; Ergo per eandem rationem licet negare Personas. ... quod tamen Hæreticum judicaretur. Si dicta Sanctorum Patrum; contra expressè inveniuntur facere mentionem de proprietatibus. .... ergo videtur, quod omnino excusari non possit.

19. In fine articuli scribitur: Et per hoc patet responsio ad ea, quæ obijcta sunt. Eadem repetit Doctor Angelicus 1. part. quæst. 32. art. 4. Vellem hinc audire Adversarios respondentes ex doctrina posita in corpore articuli prædictis objectionibus; & certè aliud non poterunt dicere ad primum, nisi quod in materia Trinitatis periculose erratur, postquam scitum, visum, & ostensum est, sequi aliquod inconveniens ad fidem; secus verò ante talem scientiam, visionem, & ostensionem. Ad secundam objectionem respondetur, necesse esse unum ex contradictoriis esse falsum, neutrum tamen esse mendacium, quia per opinionem judicat, esse verum, & sic illi contrariè opinantes contra mentem non eunt; & sic nec mentiuntur. Ad replicam, sive per Sacram Scripturam intelligatur Canon Biblicæ, sive dicta Sanctorum, tunc omnino quis excusari non poterit, qui post

post scientificam, & visivam ostensionem cognosceret, suam opinionem contrariari Scripturæ; secus verò ante talem inquisitionem, & pertractationem; hinc Cajetanus explanans illum articulum ex 1. part. dicebat: Quando deest determinatio Ecclesiæ, non vocatur manifestum consequi aliquid contrarium fidei ex aliqua positione, ex hoc, quod multi Doctores credunt sic, aliis oppositum sentientibus; unde in *hujusmodi falsum opinantes non solum ab hæresi, sed etiam à peccato excusantur*. Clarius loqui non poterat.

20. Denique ex Divo Bonaventura habemus in 2. dist. 15. circa tex. Catholicos tractatores in assertionibus non discordare, quia, quod asserunt, per revelationem Spiritus sancti dicunt, qui non est contrarius. In eo verò, in quo opinantur, dissentire possunt, & aliquando dissentiunt, quia opinio venit aliquando ex probabili conjectura rationis, in qua homo frequenter decipitur, *que deceptio potius est pœna, quam culpa*, à qua vix aliquis tractatorum Catholicus immunis fuit; & ideo talis dissentio reprehensibilis non est; quamvis enim discordent aliquo modo judicia, concordant tamen desideria. Hic nota, Seraphicum Doctorem officium Historici hic obire, unde narrat Catholicos tractatores sine reprehensione dissentire inter se in opinionibus; & *quamvis frequenter decipiantur, hæc tamen deceptio potius est pœna, quam culpa*. Ergo Divus Thomas non potest dicere, quod error in lege naturali obicura non excuset, quia Catholici tractatores, etiam in hac, dissentiunt, & si decipiuntur, hæc deceptio est pœna, non culpa. Nota, *est pœna, non culpa*. Velis, aut nolis, quis in lege naturali potest sine culpa errare juxta doctrinam Antiquorum.

21. Restat ergo demonstratum apertè, Divum Thomam in illo textu ex quodl. 8. art. 13. per Doctores, & per rationem non dicere, errorem contra legem obscuram naturalem non excusare, Nō refert, Parochos Parisienses

explicare illum pro opposita opinione; Nam hi Parochi sunt Moderni, & nostri Doctores plurimi sunt Antiqui. Tum quia quo jure, vel levi ratione, illos Parochos fuisse doctiores probabis nostris Doctoribus, qui in plurimis Academicis per totam vitam interpretati sunt Divum Thomam; vel si non in publicis Academicis, saltem in Scholis suorum Religiosorum hoc munus obierunt? Nunquid Parochi Parisienses majorem partem temporis attendunt studiis, non verò administrationi Sacramentorum, visitationi Infirmorum, & aliis similibus operibus? Parochi ex officio debent quidem studere, sed nunquam audemus referentem, Parochos, præcipuè Parisienses habentes Parochias populosas, plus studere, quàm studuerint, & studeant Regulares.

22. Dices ex Vendrochio §. 5. Viri hierarchici auctoritate præstant non hierarchicis, & Pastores ovibus. Cum ergo Parochi Parisienses sint hierarchici, & Pastores, nostri vero Doctores sint non hierarchici, & oves, illi Parochi præstant nostris Doctoribus. Quis non ridebit hæc legendo? Nunquid Parochiale munus illustrat intellectum? Ego pro certo credo, quod, quando viri illi Magni Petrus de Tarantasia, & Adrianus evaserunt Summi Pontifices, & Durandus factus est Episcopus; sicut & multi alii Doctores Ecclesiasticas dignitates adipiscuntur, non acquisierint; nec acquirant majorem Scientiam; quin puto aliquantisper in ipsa decessisse, & deficere; cum enim debeant plurimis negotiis incumbere, nequeunt studiis, ut prius vacare. Fateor tamen, quod Petrus ille, & Adrianus, & alii Pontifices loquentes ex Cathedra habeant in Scrinio pectoris sui omnia jura, ut est decisum expressè in jure c. 1. de constit. in 6. & nequeant decipere, & decipi.

23. Episcopi autem, licet non sint infallibiles loquentes ut Episcopi, habent tamen majorem auctoritatem, quàm non Episcopi; Nullam tamen talem auctoritatem habent meri Parochi; Ubi enim

eaim jus hanc illis concessit? Ergo Parochi nullam Authoritatem habent interpretandi Leges, & Theologos præter illam, quam habent ceteri Viri docti. Ex eo autem, quòd sint Parochi, & Pastores, possunt, & debent ministrare Sacramenta, & quidem solis suis Parochianis, & illos in rebus Fidei, & moralibus docere. Illi autem, qui ad Doctoratum Sacrum assumuntur, possunt omnes homines docere, & specialiter deputantur ad Principes Theologiæ, & sic etiam Divum Thomam, publicè interpretandos, ad quod munus Parochus utique non addicitur; ergo nostri Doctores majori Authoritate pollent circa interpretationem Divi Thomæ, quàm Parochi Parisienses. Ergo interpretatio nostrorum Doctorum potius est judicanda vera, quàm Parochorum Parisiensium.

24. Joannes Cardenas dederat hanc eandem explicationem Divi Thomæ. Quidam autem Theologus Gallus dixerat, esse depravationem Textus, quæ solo oculorum testimonio convincitur. Revincens hic autem illum Theologum par. 3. disput. 56. cap. 8. art. 10. num. 496. sic scripsit: Lepidum est, quod subjungit Adversarius, nempe solo oculorum testimonio convinci de falsitate explicationem meam, cum eandem explicationem tradiderint plusquàm viginti Thomistæ domestici, & alii quamplures Doctores, qui ferè ad numerum sexagenarium pertingunt, quos citavi ea disp. 15. num. 453. Inter quos est Sanctus Antonius relatus supra in hoc articulo. Nunquid carebant oculis Thomistæ insigniores? Nunquid caligabat Sanctus Antonius? Nunquid Banez, Molina, Alvarez? Nunquid Aragon? Nunquid Tapia? Nunquid Candidus? Nunquid Suarez, Valquiuis, Thomas Sanchez? Nunquid Reliqui? Nunquid Gallicis tantum hominibus, paucissimis illis quidem, aperti oculos Dominus, ut viderent defectum hujus explicationis?

25. Sed audi pejora. Quia Vendrochius non poterat, negare Divum Au-

toninum explicare Divum Thomam, ut intelligatur de lege clara, & non obscura, sic contra Stephanum Decamps eadem explicatione utentem invehitur in Appendice. 1. ad disertat. de prob. §. 7. quæ est post notas omnium Epistol. Antoninus cum assentiretur Divo Thomæ asserenti semper esse malum agere contra conscientiam, non nihil in priori sententia cœcitis; nam, cum ita sentiret, posse, quem excusari, si in rebus obscuris bona fide erroneam alicujus Magistris opinionem, quam probabiliorē crederet, sequeretur, conatus est hac verba Sancti Thomæ, quod agitur contra legem, semper est malum, sic interpretari, quasi de his tantum essent intelligenda, ubi manifestè patet ex Scriptura, vel Ecclesiæ interpretatione, quòd sit contra legem Dei, non de illis, ubi non apparet, in quo Stephanus Decamps illum (Divum scilicet Antoninum) perversè imitatus. Igitur per Vendrochium Divus Antoninus perversè interpretatur Divum Thomam in prædicto Textu. Si hoc possit scribi sine ingenti contemptu Divi Antonini, judicabit Lector. Et quidem, si hæc dicerentur de Patribus, quos Ecclesiæ Romana recipit in c. Sancta. 15. distinct. hoc negari non posset; unde eodem jure judicandum est de Beato Antonino, qui in Officio Breviarii Romani die 10. Mensis Maji laudatur de insigni Doctrina. Nunquid plus est recipi alicujus scripta ab Ecclesiæ Romana, quàm laudari de insigni Doctrina ab eadem?

26. Instat ibidem Vendrochius, quòd si Divus Thomas sic voluisset loqui, id est, quòd solum, quod agitur contra legem Dei clarum, semper est malum, non verò contra legem obscuram, non desuissent tam accurato Doctore idoneæ voces, quibus sensum eandem suam suis limitibus adstringeret.

27. Hæc replica est nullius momenti, quia nullus Doctor in quolibet Textu ponit omnes limitationes, sed ex alibi dictis unus Textus suppletur per alium; aliter qualibet questio in infinitum procederet, & Lectores docti tadio efficerentur, dum sapissimè legerent c. Etiam  
li-

limitationes in pluribus Textibus, quas sufficit ponere in uno. Ipse Princeps Ecclesiæ, qui tamen vult. *c. erit autem.* 4. dist. legem esse claram, & manifestam, aliquando legem dicit taliter, ut una interpretetur, & suppleatur per aliam arg. c. fin. de constit. Ergo idem potest dici de Theologorum Principe, Divo Thoma. Præterea quoties Textus Divi Thomæ debent limitari, & explicari per alios? hoc unum sufficiat ex 2. 2. quæst. 32. art. 8. ad 1. Dixerat ibi in extrema necessitate posse aliquem *furari*, & tamen in quæst. 66. art. 7. dicit, furtum esse intrinsecè malum. Ergo nec in extrema necessitate licet furari. Ecce quòd prior Textus debet explicari per posteriorem, ita ut, *ly furari liceat*, accipiatur improprie pro simplici acceptione rei, quæ reperitur apud alios. Sed hæc est res clarissima; unde Vendrochius querit lumen in micridie. Igitur Divo Thomæ non deerrant voces suum conceptum explicandi, sed non erat hoc necessarium, cum per ea, quæ alibi sæpius dixerat, poterat facile intelligi. Tum quia per exemplum de faciente fornicationem, licet credat non esse peccatum, quod assert in hoc eodem articulo, manifestat se loqui de faciente contra legem claram, qualis est lex prohibens fornicationem. Rege quæ paulò antedico. Addo, nonne de ratione legis est ex d. *c. erit autem.* esse claram, & manifestam? Ergo, quando absolute quis dicit, semper peccari, *quando fit contra legem*, hæc verba debent intelligi, quando fit contra illam regulam, quæ habet omnia requisita ad legem, non. verò quæ non habet talia requisita. Cum ergo Lex obicura non habeat omnia requisita ad Legem, faciens contra talem legem non facit contra legem, quæ absolute dicitur Lex.

28. Urget Vendrochius ibidem. Dixerat Thomas non poterat credere opinionem de non habendo plures præbendas esse secundum legem claram, & manifestam, quia illo tempore in hac questione Theologi Theologi, & Juriste

Juristæ erant contrarii, ut ipse Divus Thomas fatetur quodl. 9. art. 15. & tamen aliserit, quòd, si quis habendo plures præbendas faciat contra veram opinionem, cum faciat contra legem Dei, *non excusatur à peccato*; ergo per Divum Thomam quis peccat, quando facit contra veram opinionem, licet etiam habeatur opinio, quòd non sit peccatum sic operari.

29. Confirmatur. Divus Thomas sic argumentatur. Ex duabus contrariis opinionibus de eodem una est vera, altera falsa; ergo opinio de habendo plures præbendas est vel vera, vel falsa; si vera, nec per opinionem contrariam in aliquam dubitationem quis inducitur, tunc habens plures præbendas non peccat, utpotè nec contra legem, nec contra conscientiam operans; si autem est falsa, tunc cum habendo plures præbendas faciat contra legem Dei, peccat. Nec potest dici, ex duabus opinionibus alteram esse aperte veram, alteram aperte falsam esse oportere; nam hoc est omnino falsum; cum enim adsunt duæ opiniones contrariæ, tunc neutra est aperte vera, aliter opposita non esset opinio, sed certus error diceretur, inquit Vendrochius.

30. Respondetur primò. In fine articuli Divus Thomas ait: *Aut ex contrariis opinionibus in nullam dubitationem adducitur, & sic*, habendo plures præbendas non committit se discrimini, nec peccat. Igitur per Divum Thomam quis habens plures præbendas non peccat, quamvis habeat opinionem contrariam, & quæ remaneat opinio juxta Vendrochium, & non sit certus error. Si tamen ex hac opinione contraria in nullam dubitationem adducatur. Sed opinio remanens opinio potest esse vera secundum Aristotelem, & Divum Thomam, & omnes Doctores; Ergo in nostro casu habens plures præbendas ex sua opinione absque aliqua dubitatione bene operatur, quamvis hæc opinio possit esse falsa, cum hic habeat etiam aliam opinionem, quæ potest esse vera; & sic necessariò reddens oppositam, quam



sequitur, potentem esse falliam. Ergo per Divum Thomam quis potest sequi opinionem, quæ potest esse falsa, & contraria Legi de non habendo plures præbendas.

31. Respondetur secundò. Hoc Argumentum sibi objecisse Divum Thomam, ut supra retuli, in 1. distinct. 33. art. 1. ad 2. & in 1. part. quæst. 32. art. 4. Sanctus Doctor in corpore illorum Articulorum tradit Doctrinam respondendi, quam si legisset Vendrochius, legisset responsum nostrum, quam nunc impugnat. Item, ut etiam retuli, in eodem Quodl. octavo artic. 15. ait: *Error autem Conscientie quandoque habet vim absolvendi, sive excusandi; quando scilicet procedit ex ignorantia ejus, quod quis scire non potest, vel scire non tenetur. . . . quandoque verò error Conscientie non habet vim absolvendi, vel excusandi, quando scilicet ipse error peccatum est, ut cum procedit ex ignorantia ejus, quod quis scire tenetur, & potest, sicut si crederet fornicationem simplicem esse peccatum Veniale; & tunc, quamvis crederet peccare venialiter, non tamen peccaret venialiter, sed mortaliter.* Ecce error Conscientie quandoque excusatur, quandoque non excusatur per Divum Thomam. Error autem conscientie est error de lege, non de speculatione; nam conscientia ex eodem in 2. distinct. 24. quæst. 2. art. 4. *Nominat applicationem quandam legis naturalis ad aliquod faciendum per modum Conclusionis ejusdam; unde ibidem facit hunc Syllogismum: Omne malum est vitandum, Adulterium est malum, ergo Adulterium est vitandum, & dicit primam propositionem spectare ad synderesim, secundam ad rationem superiorem, vel inferiorem, tertiam verò, idest conclusionem, ad conscientiam. Sicut ergo illa veritas, ergo Adulterium est vitandum, spectat ad conscientiam, & quidem rectam, ita error oppositus, ergo Adulterium est amandum, spectabit per Divum Thomam ad conscientiam erroneam. Si ergo hic expressè dicit Angelicus, quòd error conscientie, qui est*

*de iis; quæ quis scire non potest, vel non tenetur, excusatur à peccato, per hanc Glossam, ut dicebam, limitanda est illa propositio generalis, cum faciat contra legem Dei non excusatur. Limitanda est sic, cum faciat contra legem Dei, quam scire potest, & tenetur. Et hæc Doctrina est conformis ad ea, quæ docet 1. 2. quæst. 74. art. 1. ad 2. ubi tenet ignorantiam invisibilem excusare à peccato; & quæst. 76. art. 2. inquit, Unde propter negligentiam ignorantiam eorum, quæ quis scire tenetur, est peccatum. Non autem imputatur homini ad negligentiam, si nesciat ea, quæ scire non potest; unde bonum ignorantia invincibilis dicitur, quia studio superari non potest. Et propter hoc talis ignorantia, cum non sit voluntaria, eo quòd non sit in voluntate nostra eam repellere, non est peccatum.*

32. Et in articulo 3 ejusdem questionis dicit: *Si verò sit talis ignorantia, quæ omnino sit involuntaria, sive quia est invincibilis, sive quia est ejus, quod quis scire non tenetur, talis ignorantia omnino excusatur à peccato.* Si ergo in tot Textibus Divus Thomas asserit, ignorantiam eorum, quæ vel scire non potest, vel scire non tenetur, excusare à peccato, cur hanc limitationem non apponemus, quando absoluit in unico solo Textu dicit, quòd agitur contra legem Dei est semper peccatum?

33. Dices. Divus Thomas in illo art. 15. quodlib. 8. dat exemplum de iis, quæ scire non tenemur, de marito, cui supponitur aliena mulier; unde Sanctus Doctor significat, quòd quidem ignorantia facti excuset, de quo est certum apud Doctores, excepto uno scrupulosissimo Parisiensi; Ex hoc tamen non licet inferre ad ignorantium, & errorem legis; de errore autem legis agit in hoc art. 13.

34. In rei veritate, sicut dum Divus Thomas dat exemplum de eo, qui transgrediens legem non excusatur, quamvis illam ignorat, utitur de fornicante cum credulitate, quòd fornicatio non sit peccatum. Ita dum dat exemplum de eo, qui,

qui, licet faciat contra legem, excusatur tamen, quia non tenebatur scire, adhibet exemplum de marito, cui supponitur mulier aliena, ut patet in texu allato, & in 1. 2. quaest. 19. art. 6. & alibi. Porro ignorare, quod sit mulier aliena, non est ignorantia legis, sed facti, & *circumstantia*, ut dicit Angelicus. Hinc sequitur evidenter, ignorantiam facti, & *circumstantia* per Divum Thomam excusare, non verò ignorantiam juris, etiam obscuri.

35. Sed contra est, quia oportet considerare rationem formalem, in qua exemplum probat intentum. Nunc ignorantia mariti de aliena muliere assertur, quia quis non tenetur adhibere omnia proclis media ad sciendum hanc mulierem esse suam, sed sufficere, si utatur consuetis diligentius, inter quas non numeratur lucerna, per quam certam uxoris veritatem attingeret. Illæ autem diligentia consuetæ possunt admittere falsitatem, quæ tamen non imputatur, quia fecit, quod potuit *ordinarie* loquendo. Hoc totum verificatur in opinante, imò à fortiori; nam opinans facit omnes diligentias, nedum ordinarias, sed possibiles; & quamvis de Modernis Vendochius negaret assumptum, non negabit de Patribus, & de Antiquis Doctoribus. Adhuc tamen positis omnibus hisce diligentibus Patres, & Doctores Antiqui in multis variè opinantur; ergo tunc omnes non assequuntur veritatem legis, & tamen omnes debent excusari. Et quamvis Patres Græci mendacium officiosum protulerint, & Cyprianus, & alii octuaginta tres Episcopi baptizatos ab hæretico rebaptizaverint, & plures confessionem mortalium omiserint, & alii opiniones Glossæ, quæ postea falsæ apparuerunt, sequuti fuerint, omnes adhuc hi sunt excusandi. Ergo verè universaliter dixit Divus Thomas, ignorantiam eorum, quæ quis scire non potest, *vel non tenetur*, excusare à peccato, & per exemplum subiectum versans in *materia de facto* noluit coarctare propositionem *ad materiam solius facti*, quia exempla non restrin-

gunt regulam, ut probat Barbosa de Axiom. jur. usu freq. num. 86. ut patet ex l. penult. §. ult. ff. de jur. & fact. ignor. Sed solum dedit exemplum particulare admissum communiter, ut probaret propositionem universalem. Ex hoc autem exemplo nos deducimus regulam universalem applicandam esse ad opinantem sequentem opinionem, quæ postea apparet falsa, cum hic quoque faciat diligentias consuetas, & plures, quam matius, & alii, qui excusantur ob ignorantiam facti; Nam parum esset adhibere lumen, ut cognoscatur iuxor; adhuc tamen, quia hoc non solet fieri, ignorantia est inculpabilis. Patet ergo ignorantiam facti, & juris obscuri pari passu procedere.

36. Ad confirmationem supra positam patet responsio ex modo dictis; unde repetens asserto, quod opinio sustinens pluralitatem Beneficiorum, vel est aperte vera, vel aperte falsa. Si primum, & per opinionem contrariam, tanquam extrinsecè probabilem, in nullam dubitationem adducitur possidens plura beneficia non peccat. Si secundum, peccat. Ad id, quod subditur, dico ex opinionibus diversis in materia clara unam esse veram, alteram esse opinionem erroneam. Diximus enim alibi, quod opinio contraria certæ veritati sit *opinio erronea*. Hinc Divus Thomas quodl. 3. art. 10. opiniones Arii, Nestorij, & Hæresiarcharum vocat erroneas, & sic dicendæ potius certus error, quam opiniones. Ex opinionibus diversis in materia obscura neutra est erronea, aut error; aliter vel Divus Thomas, vel Scotus erroneas opiniones edocuisse, sicut & omnes Patres, & Theologi Antiqui; sed omnes sunt probabiles iudicandæ, vel æqualiter, vel inæqualiter à nobis. Unde pessimè se gereret Thomista, qui sequens opiniones Divi Thomæ crederet opiniones oppositas Scoti, vel improbables, vel falsas, vel erroneas, & iustissimè de temeritate à Scottis redargueretur. Est tamen verissimum, quod in se, & ex parte rei, etiam in materia obscura, una opinio est ve-

ra; altera falsa; sed hoc non consideratur; nam, quænam illa sit, sciri nequit; & quia aliter omnes Patres, & Doctores peccassent tradendo illas opiniones falsas.

37. Applicando autem hanc Doctrinam in materia de pluralitate Præbendarum assero, Divum Thomam in hoc articulo non decidisse, an hæc materia sit clara, vel obscura; illam autem decidit in quodl. 9. art. 13. ubi dicit, quod habere plures Præbendas sit in numero illarum actionum, quæ absolute consideratæ deformitatem quandam important, quæ tamen aliquibus circumstantiis advenientibus bonæ efficiuntur. Assignans verò deformitates habitationis plurium Præbendarum ait: Sequitur diminutio cultus Divini, dum unus loco plurium instituitur. Sequitur inæqualitas, dum unus pluribus Beneficiis abundat, & alius nec unum habere potest, & multa alia hujusmodi, quæ de facili patent. Ego subdo, si de facili patent multa alia hujusmodi, idest inordinationes; ergo est evidens in his circumstantiis, quod habere plures Præbendas sit peccatum mortale; quod enim patet, & quod facili patet, est clarum, & evidens; obscurum enim nec patet, nec facili patet, quin difficiliter aliquo modo noscitur.

38. Postea subdens circumstantias honestantes pluralitatem Præbendarum inquit: Aliæ circumstantiæ possunt intervenire ita honestantes actum, quod prædictæ inordinationes totaliter evacuantur, ut puta, si sit necessitas in pluribus Ecclesiis ejus obsequii, & possit plus servire Ecclesie, vel tantundem absens, quam alius præsens, & si quæ alia sunt hujusmodi; & tunc istis conditionibus supervenientibus cum recta intentione non erit peccatum, etiam nulla interveniente dispensatione, si consideretur tantum jus naturale.... Si verò aliquis hac intentione plura beneficia habeat, ut lautius vivat, & ut facilius ad Episcopatum perveniat in aliqua Ecclesiæ, ubi est Præbendatus, non tolluntur prædictæ deformitates, sed au-

gentur, quia cum tali intentione & unum Beneficium habere esset illicitum. Et sic quidem esset dicendum secundum jus naturale, etiam nullo jure positivo superveniente. Nunc autem certum est per antiqua jura hoc esse prohibitum..... Si ergo antiqua jura, quæ hoc prohibent, in suo robore maneant, contraria consuetudine non obstante, certum est, non posse aliquem plures Præbendas habere absque dispensatione, etiam illis circumstantiis supervenientibus, quæ secundum considerationem juris naturalis actum poterant honestare. Si autem antiqua jura sunt per consuetudinem abrogata, tunc prædictis circumstantiis supervenientibus, etiam sine dispensatione, licitum est plures Præbendas habere, sine quibus circumstantiis, quantumcunque dispensatio interveniat, non est licitum, eo quod dispensatio humana non aufert ligamen juris naturalis. Ecce evidenter quod ut certum asserit, in quibus casibus liceat, & non liceat, habere plures Præbendas; & sic per Divum Thomam in hac materia datur aliquando, & aliquando non datur lex clara, & manifesta. In aliquo casu tamen Divus Thomas erat dubius, & ambiguus, nec se determinat; & consequenter non opinabatur, & est, an consuetudo habendi plures Præbendas sine dispensatione esset valida. Hinc in hoc casu debemus sequi tutiorem, quia in dubiis tutior est eligenda. Igitur Doctor Angelicus erat certus, quod habens plures Præbendas, si æque poterat inservire illis Ecclesiis, & ipsis ejus servitus erat necessaria, tunc contra jus naturæ non peccabat; Erat pariter certus, quod sine istis circumstantiis, etiam cum dispensatione, esset illicitum habere plures Præbendas. Et sic per Divum Thomam in hoc casu, si quis opinaretur contrarium, & haberet plures præbendas, cum faceret contra legem certam, peccaret. Quia autem est dubius, an vigeant antiqua jura positiva prohibentia pluralitatem Præbendarum, ideo sequendo Divum Thomam de facto quis

non poterat habere plures Præbendas sine dispensatione; quia dubius tenetur sequi partem tutiorem, ut est commune axioma, & quia, ut dicit Divus Thomas, aliter faciens se committit discrimini, & sic peccat. Et sic patet clare, Angelicum in materia, de qua agimus, non admisisse opinionem in sua linea in hoc articulo, sed fuisse in quibusdam certum, & in quibusdam dubium.

39. Sed forte in art. 13. quodl. 8. admittit opinionem in linea opinionis in hac materia; unde dixit: *aut ex contrariis opinionibus in nullam dubitationem adducitur; & sic non committit se discrimini, nec peccat.* Ecce Textus clarus, quo austerit habentem plura Beneficia, eo quia opinatur hoc esse licitum, non peccare; requiritur tamen, quod ob opinionem contrariam in nullam dubitationem trahatur. Et hic nota obiter contra Adversarios, versantem inter oppositas opiniones non semper dubitare, ut Probabilistæ pro certo contendunt. Nunc inquiri, in hoc casu habens plura Beneficia, aut opinatur probabiliter; & sic evidenter habeo Angelicum Doctorem pro me; aut opinatur certo; & sic Divus Thomas in hoc articulo controverso loquitur de opinione certa; & sic de lege clara, & manifesta, quod est contra Vendrochium.

40. Respondebis ex Vendrochio in illa 1. Appen. §. 7. illa verba, *Aut ergo ille, qui facit contra opinionem Magistrorum habendo plures præbendas, facit contra veram opinionem; & sic, cum faciat contra legem Dei, non excusatur:* non possunt intelligi de faciente contra legem manifestam Dei, quis enim de fornicatione, de adulterio, de homicidio ita loquitur, nisi impius, si fornicatio, si adulterium sit contra Legem? videtur enim, hæc verba denotare loquentem dubitare, an detur lex in talibus materiis.

41. Sed contra, quia obiectam, quod erat obscurum, paulatim illuminatur, & ejus claritas prius percipitur à Sapientibus, quam à minus sapientibus, qui ad omnia non solent attendere; Hinc

abunt in diversas sententias, etiam in his. Vir autem sapientior quoad hæc materias, prius scilicet obscuras, & quæ jam illuminatæ sibi certæ videantur, non sic autem aliis apparent, potest optimè dicere, *qui facit contra veram opinionem &c.* & sic, cum faciat contra legem Dei, non excusatur. Et optimè sic facit, quia sic modestiam præferret, nec alios damnat, qui quamvis falsâ docentes non sunt à privatis Doctoribus condemnandi, & hoc modo se gesserunt Antiqui Proceres, quorum doctrinam, sicut profuturum se sequi Vendrochius, multo magis facta imitari debet. Materia ergo de pluralitate Beneficiorum apud Doctores erat opinabilis ipso Divo Thoma Teste: Ipse autem erat certus in quibusdam casibus; de his ergo casibus sibi certis, aliis verò opinabilibus, loquens Divus Thomas protulit illa verba, *aut ergo ille, qui facit contra veram opinionem &c.* Ergo, si quis illuminaretur à Deo, ut certum attingeret, quod alii negant, carentes tali illuminatione, non debet hosce alios damnare tanquam falsâ docentes, sed gratias agat Deo, quem enixe oret, ut reliquos etiam illustret. Propter hoc forsitan Divus Hieronymus Epistola 13. inter Divi Augustini volebat credere, quandam Epistolam esse Divi Augustini, in qua Author suadebat Hieronymo, *ut palinodiam caneret* in quadam opinione, quam ipse Hieronymus sequebatur; Hieronymo enim videbatur non convenire modestiæ Augustini, quod hortaretur *ad palinodiam canendam* in opinione à viris veteribus, & famosis approbatâ.

42. Idem Vendrochius not. 1. in Epistol. V. lect. 2. §. 1. assert pro se duo alia loca ex Divo Thoma, primum ex quodl. 9. art. 15. Secundum ex quodl. 3. art. 10. Demus locum secundo, quem licet alibi demonstraverim apertè favere nobis, Lector patietur, ut iterum examinemus, ut veritas clariùs eluceat. In hoc ergo loco querit Sanctus Doctor, *utrum discipuli sequentes diversas opiniones Magistrorum excusentur à peccato erroris.* Pro solutione ergo sic scribit:

bit: Dicendum, quòd diversæ opiniones Doctorum Sacræ Scripturæ, siquidem non pertineant ad fidem, & bonos mores, abique periculo auditores utramque opinionem sequi possunt. Tunc enim habet locum, quòd Apostolus dicit ad Rom. 14. *Unusquisque in suo sensu abundet.* In his verò, quæ pertinent ad fidem, & bonos mores, nullus excusatur, si sequatur erroneam opinionem alicujus Magistris; In talibus enim ignorantia non excusat. Nihil aliud de hoc quodl. assert Vendrochius, & observo, quòd illa verba, *nullus excusatur, si sequatur erroneam opinionem alicujus Magistris*, imprimi fecit peculiaribus caracteribus, ut demonstret, illa esse consideranda, & credo, quòd existimet decidere clarè suam opinionem.

43. Pro solutione addenda sunt alia ex textu, quæ sic prosequitur: *Alioquin immunitas à peccato fuisset, qui sequuntur sunt opinionem Arii, Nestorii, & aliorum Hæresiarcharum; nec potest excusationem habere propter simplicitatem Auditorum, si in talibus erroneam opinionem sequatur.* Nunc Doctrinam Divi Thomæ reduco ad formam syllogisticam. Si aliquis, qui sequitur opinionem erroneam quoad fidem, & bonos mores excusaretur, excusarentur etiam à peccato sequaces Arii, & Nestorii; sed hi non excusantur; ergo, qui sequitur opinionem erroneam quoad fidem, & bonos mores, non excusatur. Ego vellem scire, an Vendrochius credat, ex opinionibus Catholicorum oppositis semper unam esse erroneam. Divus Bonaventura admittit actionem indifferenter, oppositum docet Divus Thomas. Secundum plures circumstantias aggravantes sunt confitendæ, secundum alios non sunt dicendæ sub precepto. Multi alserunt, si mulier matrimonium incubæ exerceat, peccare mortaliter, Albertus, & alii negant. In his materiis, utique moralibus, daturne propositio erronea? & certè debet dici, quòd non, ne omnes Doctores Catholicos dicamus erroneas opiniones tradidisse, & socios hæresiarcharum faciamus eisdem. Er-

go quoad fidem, & bonos mores dantur opinionibus oppositæ, quæ non sunt erroneæ, & certè ex allatis nulla est erronea. Nunquid est erronea opinio Divi Bonaventuræ? Divi Thomæ? Alberti Magni? Igitur cum Divus Thomas asserit, *nullum excusari sequentem opinionem erroneam quoad fidem, & bonos mores*, verum asserit. At cum dentur opinionibus oppositæ, quarum nulla est erronea, de his non debet pronunciari illud prædicatum, *Nullum excusari*, quòd Sanctus Doctor enunciat de erroneousis. Ergo prædictæ opiniones sunt probabiles, & aliquæ in se sunt falsæ, sed nulla est erronea, quia idem non est esse falsum, & esse erroneum. Hinc illas probabiles opiniones, antequam per Ecclesiam falsæ declarentur, possumus sequi licitè, & excusari, inquit Antoninus 3. par. tit. 5. cap. 2. §. 9. & ibidem dicit, ante decisionem Ecclesie potuisse excusari, qui variè opinabantur in materia paupertatis Christi; post illam verò nec simplices mulieres excusari sequentes opinionem damnatam. Per hæc ergo patet evidenter, Divum Thomam loqui de opinionibus erroneis, & quæ sunt contra manifestum Sacra Scriptura testimonium, vel contra id, quòd publicè tenetur per Ecclesie auctoritatem; & consequenter non loquitur de opinionibus probabilibus, quæ in seipsis sunt falsæ. Ego hortor Vendrochium, & alios utentes hoc textu, ut discant, quid sit opinio erronea apud Theologos, & quando viderint esse toto cælo diversam ab opinione probabili, quamvis hæc postea falsa detegatur, tunc *palmodium canant*, & fateantur, se errasse utendo dicto textu contra Probabilistas, cum potius ipsis favcat aperte, ut alibi dixi, & dicam mox infra.

44. Colligitur, cum nullam opinionem erroneam tradiderit vel Divus Thomas, vel Divus Bonaventura, vel Scotus, aut alii Antiqui Proceres Theologiæ, aut Canonistarum Principes, Gratianus nempe, & Glossator, sed semper probabiliter loquuti fuerint; colligitur, inquam, qui illas sequuntur sunt

sunt, non peccasse peccato erroris, si postea ab Ecclesia deciderentur esse falsæ illæ opiniones; & ratio est, quia tunc non erant erroneæ, nec contra manifestum, &c. Ergo non habebat aliquam labem, propter quam Divus Thomas asserit, non posse excusari à vicio erroris.

45. Confirmatur. In solvenda aliqua quaestione debemus solvere difficiliora spectantia ad illam; faciliora enim sine magisterio Doctorum, & à nobis ipsis enodantur; cum ergo Divus Thomas in solutione quaestionis, *an discipuli sequentes diversas opiniones Magistrorum excusentur à peccato erroris*, asserat solum exemplum de opinione erronea, de sequacibus Arii, Nestorii, & Hæresiarcharum, & de opinione contra manifestum textum Scripturæ, & contra id, quod publicè tenetur per Ecclesiam, debemus dicere, hæc esse difficiliora pertinentia ad quaestionem motam. Sed nulla opinio probabilis, saltem probabilior; est erronea, nec contra manifestum Scripturæ Testimonium, nec contra id, quod publicè tenetur per Ecclesiam; ergo nulla opinio probabilis, saltem probabilior, pertinet ad quaestionem agitam à Doctore Angelico. Quia addo, sed opinio minus probabilis non est erronea, nec contra manifestum Scripturæ testimonium &c. Ergo nec opinio minus probabilis spectat ad quaestionem motam à sancto Doctore. Probatur minor, quia Probabilistæ ad opinionem minus probabilem exigunt, ut ipsa nihil convincens, & certum habeat oppositum, & nemo dicet, illam opinionem contineri intra lineam Probabilitatis, cui opponitur principium certum. Sic tempore Gratiani opinio asserens non dari præceptum de Confessione peccatorum erat probabilis, & *vari Religiosi, & docti illam sequebantur*, & ipse Gratianus dabat licentiam, ut amplecteremur eandem, quia, quamvis ipsi opponerentur plurimi Textus Sanctorum Patrum, & Conciliorum, quos asserit per totam distinctionem primam de poenitentia, tamen illos solvit, quia clarè veritatem

non exprimebant; nunc verò illa opinio nullo modo est probabilis, ea quia datur nunc textus clarus, & apertus dictam opinionem convincens.

46. Igitur, ut meam mentem aperiam circa hunc textum Divi Thomæ, dico primò, ipsum nullo modo opponi cum Probabilitate minori, vel majori, & hanc conclusionem ex dictis puto certissimam absolutè. Dico secundò maximè favere opinioni minus probabili, si tamen supponamus Divum Thomam, vel adæquatè hic solvisse quaestionem, vel attulisse pro ipsa ea, quæ videbantur majoris ponderis; Data enim hac suppositione sequitur, tunc solum nos peccare peccato erroris, dum sequimur opinionem erroneam, & quæ sit contra manifestam Scripturam, vel contra publicam auctoritatem Ecclesiæ; Nulla autem ex his labibus inficitur opinio minus probabilis secundum omnes Probabilistas, quin hoc supponitur ab ipsis, & Adversarij hoc debent confiteri; nam Scotistæ dicunt, opiniones Scoti esse probabiliores, Divi verò Thomæ esse minus probabiles; adhuc tamen Scotistæ debent fateri, opiniones Divi Thomæ posse esse veras, & sic posse determinari ab Ecclesia; ergo Scotistæ non possunt dicere, opiniones Divi Thomæ esse erroneas, & esse contra textum manifestum, & contra id, quod publicè tenetur per Ecclesiam, quia opinio erronea &c. non potest esse vera, & determinari ab Ecclesia. Hoc idem debent dicere Thomistæ de opinionibus Scoti. Et de facto nequit negari nisi à stulto, quòd opinio asserens, Beatam Virginem fuisse conceptam in peccato originali, communiter olim fuerit reputata probabilior; & nunc communiter certè probabilior non reputatur. Ergo opinio probabilior, etiam communis, non habet pro se certitudinem, & textum manifestum Scripturæ, & publicam auctoritatem Ecclesiæ; & sic opinio minus probabilis opposita non est erronea, nec habet contra se textum manifestum &c.

47. Addo, ut alibi notavi, omnes

Doctores Antiqui, qui fecerunt questionem illam, *an discipuli*, sequentes opinioniones diversas magistrorum, excusentur à peccato erroris, afferant totam doctrinam illius articuli Divi Thomæ, ut fecit etiam Astenf. lib. 2. tit. 58. de hæret. art. 1. & Albericus Verb. *Opinio*. ultra alios allatos cap. 3. num. 26. & nihil aliud addunt. Ergo credunt, illam questionem sic esse bene solutam. Ergo, qui sequitur opinionem, quæ non sit contra manifestum Scripturæ testimonium, aut contra decisionem Ecclesiæ, vel contra aliud principium certum, hic excusatur à vicio erroris. Opinans autem vel æquè vel minùs probabiliter non facit contra aut decisionem Ecclesiæ &c. ergo hic excusatur à vicio erroris.

48. Sed audi Nider part. 3. timor. conscient. cap. 11. qui clarè tradit hanc doctrinam. Pater illud per Doctorem sanctum (Divum Thomam) in quodl. 3. art. 10. ubi dicit, quod, quando diversæ opinioniones Doctorum Sacre Scripturæ non pertinent *expresse* ad fidem, & bonos mores, tunc *absque periculo* unam sequi possunt; ibi enim locum habet illud Apost. ad Rom. 14. *Unusquisque in suo sensu abundet*. Et iterum de illo, qui assentit opinioni magistrali, quæ non est *manifeste* contra Scripturæ testimonium, nec contra illud, quod publicè tenetur in Ecclesia, *nequaquam* hunc *condemnat*. Hucusque Doctor. Ecce clarè per Nider, & Divum Thomam, ut quis excusatur à peccato erroris, sufficit, ut teneat opinionem, quæ non sit *expresse* contra Sacram Scripturam, aut Ecclesiam; & hæc doctrina fundatur in communi opinione Antiquorum dicentium, ut alibi notavi, quod in materia Trinitatis licet variè opinari, usque dum non scitur veritas, & ante decisionem Ecclesiæ.

49. Quoad alium Textum ex quodl. 9. art. 15. sic refertur à Vendrochio. Dicendum, quod omnis questio, in qua de peccato mortali quaeritur, *nisi veritas expresse habeatur*, periculosè determinatur; quia error, quo non creditur esse mortale peccatum, quod est peccatum

mortale, conscientiam non excusat à toto, licet fortè à tanto. Error verò, quo creditur esse mortale, quod non est mortale, ex conscientia ligat ad peccatum mortale; *Præcipue autem periculosum est*, ubi veritas ambigua est, quod in hac questione accidit. Hic est Textus Divi Thomæ, cui Vendrochius hæc glossas subdit: Fingamus, quæso, Divum Thomam in vulgari Probabilitarum fuisse sententiam, quid absurdius, quid à sanctitate alienius his illius verbis? *Questio*, inquit, *in qua de peccato mortali agitur, periculosè determinatur, nisi expresse veritas habeatur*. Immo, inquit Casuista, hujusmodi questiones sine periculo determinantur, quia *expresse* veritas non habetur; alterutrum enim sequi licet sine peccato; quod si *expresse* veritas haberetur, non liceret. Addit Sanctus Thomas, error, quo non creditur esse peccatum mortale, quod est peccatum mortale, conscientiam non excusat à toto, licet fortè à tanto. Immo, inquit Casuista, error ille, quo falsum probabile censetur, non modo excusat à toto, & à tanto, sed sufficit ad honestandam actionem, ita ut, qui *erroneam illam opinionem*, quæ probabilis iudicetur, in praxi sequutus sit, sine peccandi periculo, *recta tendat ad superos*. Subdit Sanctus Thomas, præcipue periculosum id esse, ubi veritas ambigua est. Contra opponunt Casuista; *præcipue id vacare periculo, ubi veritas ambigua est, quia tunc certius sua utrique parti probabilitas constat*.

30. Porro observa illa verba textus Divi Thomæ, *nisi veritas expresse habeatur*, esse impressa peculiari caractere; & sic notare in ipsis specialiter textum vim facere; & de facto ipse Vendrochius in prima parte suæ glossæ illa præcipue observat; & revera videntur sonare, quod intendit ipse.

51. Pro solutione duplex datur veritas, necessaria, & contingens. Prima est illa, quæ versatur circa objectum, quod aliter se habere non potest; & hæc est certitudo, & in naturalibus coincidit cum scientia. Secunda est, quæ at-

tingit objectum; quod potest aliter se habere; & sic potest esse falsa. Et hæc coincidit cum opinione. De his vide Aristot. 1. poster. cap. 24. & de hoc alibi dixi. Illa verba Divi Thomæ, *nisi expresse veritas habeatur*, videntur significare veritatem necessariam, & certam. Et quidem Juristæ Bertachinus in suo repertor. Legal. Tuscus, & Barbof. in axiom. jur. Verb. *Expressum*, videntur accipere verbum, *expressum*, quodd significet veritatem certam, quæ nequeat negari. Et ipse Vendrochius absque aliqua probatione supponit, Divum Thomam ita significare in allato textu.

52. Data hac explicatione sequitur absurdum evidentissimum; sed, ut evitetur absurdum, debent etiam verba legum, & sic multo magis Doctorem, impropriari, inquit dicti Legistæ Verb. *Absurdum*, & apud Philosophos, & Theologos est certum, propositionem continentem absurdum esse falsam; ergo illa verba, *nisi veritas expresse habeatur*, non possunt significare certam, & necessariam veritatem, sed opinativam. Major verò probatur, quia vel de omnibus quæstionibus, quæ fiunt apud Theologos de mortali peccato tum veteres, tum Modernos, tum etiam apud Sanctos Patres *expresse*, idest, certa veritas habetur, vel non habetur. Si habetur; ergo in omnibus talibus materiis, in quibus variè opinantur, semper aliqui peccaverunt, qui scilicet contra veritatem expressam decidunt. Si non habetur; ergo omnes Theologi, qui tales quæstiones agitant, periculose determinant, quia per Divum Thomam, ubi veritas *expresse* non habetur, periculose determinatur. Hinc in illa quæstione, quomodo sit supplendum Sacrificium, dum sumpta Hostia Sacerdos moscit, Calicem non esse consecratum, Divus Thomas, & Scotus periculose determinarunt, quia *expresse* veritas non habetur. Idem dico in illa quæstione, an Filius teneatur obedire parentibus in Matrimonio contrahendo, & idem assero in omnibus quæstionibus, in quibus Divus Thomas tenet unam par-

tem, & Divus Bonaventura, vel Scotus, vel alii Doctores Catholici aliam partem defendunt. Hæc autem esse absurda, negabit nemo. Celebris Scottista Mastrius in 2. disp. 3. quæst. 2. art. 3. num. 118. dicit, per veritatem expressam Divum Thomam non intelligere veritatem claram, & evidentem, sed veritatem, quæ reperitur in opinione verè, & propriè probabili. Huic explicationi calculum præbeo, ne absurdum dixisse cogar Divum Thomam.

53. Gonetus Dominicanus, & Probabiliorista tom. 3. dissertat. de opin. probab. §. 4. num. 264. Cardenas Crissi Theol. part. 3. disput. 56. cap. 8. art. 10. num. 502. explicantur doctrinam hujus articuli nihil dicunt, quid Divus Thomas intelligat per illa verba: *Nisi expresse veritas habeatur*, sed respondent solum illis verbis: *Quis error, quo non creditur esse mortale, quod est peccatum mortale, conscientiam non excusat à toto, licet forte à tanto, & dicunt, intelligenda esse de errore vincibili, & culpabili*, inquit Cardenas. De errore crasso, & affectato, non verò de invincibili, & inculpabili, inquit Gonetus. Non loquitur de errore physico, qui subesse potest probabilitati, sed de errore morali, qualis tantum subest temeritati, inquit Mastrius ubi supra. Hanc explicationem puto debere esse oranium Doctorum, qui tali explanatione utuntur, pro textu sumpto ex art. 10. quodl. 3. Igitur data expositio est optima, & juxta mentem Angelici, qui spiritus, ut vidimus, admittit errorem illorum, quæ scire vel non possumus, vel non tenemur, nos excusare. In decisione ergo quæstionis de mortali, si error sit de iis, quæ scire possumus, & tenemur, tunc peccamus mortaliter in tali errore. Si autem error sit de iis, quæ non possumus scire, vel non tenemur, tunc in tali errore non peccamus. Unde expresse dicebat Angelicus, quodd marius, cui supponitur mulier aliena, non peccat illam cognoscendo, quia, licet possit hoc scire, majorem diligentiam habendo, quia tamen ad hoc non tenetur.



tur, idem non peccat. A pari nos dicimus in rebus obscuris ad ius pertinentibus, quod error excusat, quia scire veritatem non possumus, quia scientia est de claris, & quæ non possunt aliter se habere; nec ad talem scientiam tenemur, cum sine miraculo in his illam habere nequeamus, & quam nec sancti, nec Antiqui obtinuerunt.

54. Per hæc patet responsio ad Glossas Vendrochii. Ad primam dicimus, nisi veritas expressè, idest *vel certò, vel probabiliter* habeatur, periculosè determinatur; quia tunc error de iis, quæ scire possumus, & debemus, non excusat à toto, licet fortè à tanto. Si autem certò veritas non habeatur, sed *tantum probabiliter*, tunc periculosè non determinatur, ut patet in omnibus Doctoribus, etiam Sanctis, qui determinarunt quæstiones, antequam veritas certa haberetur, nec peccaverunt, quamvis processu temporis eorum opiniones falsæ detectæ sunt, ut patet in Divo Hieronymo, Cypriano, & aliis octuaginta tribus Episcopis determinantibus ante decisionem Ecclesiæ quæstionem, quæ decisio postea falsa apparuit.

55. Ad secundam Glossam dico, apud Probabilistas nunquam inveniri hanc propositionem, *Erronea opinio est probabilis*; & hic error est Vendrochii, qui credit idem esse falsum, & erroneum, cum tamen apud Theologos diversa sit propositio falsa à propositione hæretica, erronea, scandalosa, piarum aurium offensiva, & temeraria, quorum meminit Concilium Constantiense sess. 8. & de quibus agunt Theologi in tract. de Fide, & possunt videri Suarez disp. 19. sect. 2. Coninch. disp. 18. dub. 8. & Canus de locis Theol. lib. 12. c. 11. Et quidem, qui erit, nisi temerarius, qui audeat dicere, unam ex his propositionibus esse erroneam: *tenemur consieri circumstantias aggravantes, non tenemur tales circumstantias aggravantes fateri; Tenetur Sacerdos sumpta Hostia consecrare utramque materiam, si calix valide non fuerit consecratus, non tenetur consecrare utramque materiam in tali casu?*

56. Sed audiamus Capum ubi supra in princip. Non enim, inquit, ut quidam existimant, Concilium Constantiense propositionem erroneam usurpat in significatione generali, ut erroris hæretici, & cæterorum genus commune sit, quæ videtur esse ejus nominis propria significatio. Et quis enim credat, quicquam aliud esse propositionem erroneam, quàm errorem? Sed Concilium, ut dixi, ab usurpatione hac *longè abest*, id quod statim planum faciam, si verba Patrum adscribam. Compertum est, inquit, ex præfatis articulis *Vuicléff* plures esse notoriè hæreticos, alios non Catholicos, sed erroneos, alios scandalosos, quosdam piarum aurium offensivos, nonnullos temerarios. Quæ forma sermonis esset falsa, & absurda, si propositio erronea pro quocunque errore communiter sumeretur. Jam enim rectè quoque dici posset post multas argumentationes enumeratas, in his quædam esse syllogismos, quasdam inductiones, *quasdam argumentationes*; quod, quàm sit ineptum, nemo est, qui non intelligat. *Sine dubio igitur erronea propositio ab hæretica seceratur, non tanquam genus ab specie, quod esset discrimen rationis*, sed tanquam una erroris species ad altera, *quæ vera rerum, non modo vocabulorum, distinctio est*. Ecce quod est certum, propositionem erroneam esse speciem erroris distinctam ab hæretica. Certum pariter est, propositionem falsam non esse speciem propositionis, sed genus, cum & propositio hæretica, & erronea sint falsæ. Ergo à propositione falsa nequit affirmativè argui ad speciem, sicut ab animalì nequit argui ad hominem affirmativè; unde nequit dici, est animal, ergo est homo. Hinc sequitur evidenter, quod, si propositio probabilis sit falsa in se, nullo modo possit dici, quod sit hæretica, aut erronea. Consulat ergo Vendrochius Theologos, & ab ipsis discat, quid sit *propositio erronea*; hoc unum ab omnibus hauriet, ad propositionem erroneam requiri, quod sit contra certam *veritatem*. Cum autem, quod est certum,

impossibile sit; quòd aliter se habeat, sic erroneum non poterit aliter se habere. E' contra *probabile*, & *opinabile* potest aliter se habere; ergo impossibile est, quòd erroneum sit *probabile*, & *probabile* sit *erroneum*.

57. Dices, nullam videri intercedere diversitatem inter errorem, & falsitatem; cum ergo per Divum Thomam error, quo non creditur esse mortale, quod est mortale, non excuset à toto, nec falsitas probabilis, qua non creditur esse mortale, quod est mortale, excuset à toto.

58. Sed contra, quia si falsitas sumatur pro quacunque disconvenientia propositionis ad objectum, ut hic sumitur, tunc evidenter discriminatur ab errore, quia error est contra certam veritatem, ut dicebamus; falsitas autem sic sumpta potest esse contra veritatem obscuram. Et falsitas sic sumpta potest esse in propositione, quæ à Sapientibus iudicetur vera; unde Arist. 8. top. ut notat Ægidius in 3. distinct. 23. part. 2. quest. 2. dicebat, falsa aliquando videri probabiliora; tum quia probabile iudicatur verum quoad nos, & si falsum est, est falsum in se, non quoad nos, cum nesciamus esse falsum, sed iudicemus verum, licet simul cognoscamus posse esse falsum. Error autem est falsum in se, & si volumus, possumus hoc scire, cum sit contra certam veritatem. Hinc optimè dicit Divus Thomas, quòd error nos non excusat à toto, cum sit voluntarius, & possumus, & teneamur illum depellere; & simul optimè sustinent Probabilistæ, probabile, & si falsum in se, nos excusare à toto, quia illa falsitas non est voluntaria, cum nequeamus scire veritatem; & sic nec teneamur.

59. Ad Terciam Glossam dico. Nemo ex Modernis dicet, in omni ambiguitate inveniri suam probabilitatem; cum enim *ambiguum* idem significet, ac *dubium* ex Calepino, sicut per Modernos non omne *dubium* est probabile, ut patet in dubio, pro quo solvendo nulla ratio effulgeat, & vocant *dubium nega-*

*tivum*; ita non omne ambiguum est probabile per ipsos, sed solum illud, quod habet rationes graves. v. gr. ambiguum est, an grana arenæ sint paria, vel disparia. Ambiguum pariter est, & Theologi Theologis, & Juristæ Juristis opponuntur inter se, an circumstantiæ aggravantes sint confutandæ ex præcepto. In primo dubio nullus dixit, posse intellectum sine periculo erroris se determinare, cum nullam rationem habeat; In secundo ambiguo, & dubio Probabilistæ rationabiliter asserunt, intellectum posse se determinare, quia in ipso invenit rationes, quibus se determinare valet. Et de hoc ambiguo valet illa regula juris: Ambiguis in rebus, quod minimum est, sequimur l. apud Julianum. §. scilicet. ff. de legatis. 1. l. semper in obscuris. ff. de regulis jur. c. in obscuris eod. tit. in 6.

60. Bartholomæus Medina 1. 2. quest. 19. art. 6. dub. 4. §. si quis agat explicat Divum Thomam in quodlib. 8. art. 13. dicere, quòd dubitans de probabilitate opinionis asserentis posse habere plures præbendas, non possit illas retinere, quia sic se committit discrimini; unde hæc doctrina explicaret præsentem Textum. Ego explicarem sic: *præcipuè periculosum est, &c.* non quidem periculo errandi, idest dicendi errorem, qui est falsitas eorum, quæ scire possumus, & debemus, cum sit contra certitudinem; sed *periculo dicendi falsitatem meram, & simplicem*; & sic nec imputabilem; cum non sit eorum, quæ scire possumus, & debemus. Ratio hujus explanationis est, quia nemo potest, negare, magis mihi imputandum esse ad peccatum, si erro in re, cujus scientiam habere possum, quàm si erro in re, in qua ipsi sapientes variant opinionem. Do exemplum. Tempore Magistri, & Gratiani viri Religiosi, & docti erant divisi circa questionem, an teneamur confiteri peccata mortalia, & Gratianus dabat licentiam amplectendi, quæ nobis opinio placeret. His temporibus decisa est pars affirmativa; adhuc tamen adsunt Calvinistæ, qui partem negativam sustinent. Ne-

gabine Vendrochius, illos viros doctos Antiquos sequutos opinionem negativam esse dignos venia? & tamen est eadem opinio cum Calvinistica. Assignet rationem hujus venia, & utique alia non erit, nisi quia tempore antiquo illa questio erat *ambigua*, & Doctores veritatem amantes erant divisi circa ipsam. E' contra his temporibus questio est decisa, & veritas est clara, & Doctores veritatis indagatores sunt concordēs. Ergo evidenter sequitur, quando questio est *ambigua*, tunc maxime periculosum est, ne incidamus in falsitatem; cum enim res sit dubia, & obscura, quid mirum, si veritas non innotescat? Tale autem periculum non intervenit in materia clara, quia, si volumus, certam veritatem cum parva difficultate attingere possumus. Adhuc tamen falsitas non est imputabilis in primo casu, quia veritatem scire non possumus; In secundo casu error est imputabilis, quia possumus scire nedum veritatem, sed etiam facile.

61. Dices: Divus Thomas ait, *Præcipue periculosum est errare, ubi veritas ambigua est*. Illud adverbium, *Præcipue*, habet vim includendi majora, ut notat Barbof. de dict. usu freq. n. 274. Igitur Divus Thomas significat, quod, quando veritas ambigua est, majus est periculum errandi. Data autem nostra explicatione majus periculum esset errandi, quando veritas ambigua non est, quam quando est ambigua; quia error imputabilis ad peccatum major est, quam error non imputabilis.

62. Sed contra, quia Calepinus explicans illud adverbium, *Præcipue*, exponit *Præcipuo modo, Potissime, Maxime*, & in Italico sermone reddit, *Specialmente*, & in Hispano *Senalamente*. Hinc Divus Thomas vult dicere, quod specialiter, & peculiariter, quando veritas ambigua est, periculosum est, id est, adest periculum, ne falsitatem dicamus. Et hoc verum fateor, quia, ut dicebam, quando res est ambigua, reperitur tunc specialis occasio dicendi falsum; quod non invenitur, dum res est

clara. Hinc data explicatio Divi Thomæ non est ad rem, quin contra veritatem; Nam errare in re clara utique est imputabilis talis error, cum possumus, & teneamur scire veritatem. In re verò obscura, cum non possumus scire veritatem, est venia dignus talis error. Igitur, ut concludam, facilius falsum dicimus, dum evidentia non adest, difficilius, dum adest. Sed falsum dicendo in obscuris sumus venia digni; & propter hoc forsitan est regula juris in sexto: *In obscuris minimum est sequendum*, ut alibi notavi; ex qua Regula dicebamus cum c. *ex parte* de censibus sequi, voventem non obligari ad dandam mensuram majorem frumenti, sed sufficere, si daret minorem, & hoc idem, quia erat obscurum, an obligatio se extenderet ad majorem. Dicendo autem falsum in re clara non sumus venia digni, sed pœna, quia oculos claudimus veritati.

63. Pro mea explicatione hujusce textus Divi Thomæ facit Nider in Consolet. timor. Conscien. 3. part. cap. 24. conclus. 3. ubi scribit: *Valde periculosum est definire aliquid esse peccatum mortale, nisi hoc constet multum evidenter. Patet hoc per præfatam Augustini auctoritatem, ubi dicit: Difficillimum est invenire, periculosissimum definire. Unde Sanctus Thomas quodlib. 8. art. 15. dicit, omnis questio, in qua de peccato mortali quaeritur, nisi expresse veritas habeatur, periculose determinatur &c. præcipue verò periculosum est, ubi veritas ambigua est; unde Cancellarius de vita Animæ dicit, doctrina salubris est pro Doctores Theologia, ut non sint faciles asserere actiones aliquas, aut omissiones esse peccata mortalia, præsertim sub verbo universalis, & cum prædicandum erit ad populum... Est præterea quandoque, ut per tales asserciones publicas nimis duras, generales, & strictas, præsertim non certissimas, nequaquam non eruantur homines à tuto peccatorum, sed in illud profundum, quia desperatius, immerguntur... Deum quoque quid prodest, immo quid non obest, coartare plus justo mandatum Dei, quod*

quod est lutum nimis? Quid insuper expedit amarior, graviusque redere illud iugum Christi, quod suave est, & omnis ejus leve? Nam, etsi contemptus ex hac laxatione apud quosdam improbus major oritur, habentes velamen malitiae libertatem; sed apud alios bene institutos gratiarum resonabunt actiones; praestabunt etiam sedulius obsequium Domino, & Patri tanta mansuetudinis, cujus mandata gravis non sunt.

64. Mco iudicio Nider explicat textum Divi Thomae, ut ego feci, & directè contra Vendrochium. Nota bene omnes particulas hujus textus, quia singulae clarè opponuntur doctrinis rigidis, quas adeò inculant, & ut certas tradunt Adversarii, quique in materiis difficillimis praecipitant sententiam, & nos de peccato condemnant contra Divum Augustinum relictum in c. quarto 6. quæst. 1. & contra Antiquos, qui nullum de peccato condemnant, nisi veritas expressè, idest certò habeatur.

65. Hic tandem placet advertere, hosce Textus non esse detectos aut à Parochis Parisiensibus, aut à Vendrochio, sed illis usi sunt ante plures annos Candidus Philaleus, & Antonius Merenda, non quidem contra Probabilitatem simpliciter, cum & ipsi sequantur opinionem probabilem, sed contra opinionem minùs probabilem, contra quam quidem duo primi Textus videntur habere aliquod robur. Unde nescio causam, quare Vendrochius mentionem fecerit de Parochis, & non de Pilaleto, & de Merenda. Nunquid judicavit alios viros, præter Parochos, non habuisse intellectum adeò occultatum, ut videre illos non potuissent? Interea Vendrochiani parent responsionem huic dilemmati: Aut potest decidi questio, cujus expressè, idest certa veritas non habetur; aut non potest decidi. Si primum dicatur: Ergo falsum est, quod Divus Thomas asseruerit in quodlibet 9. artic. 15. periculose determinari quaestionem, ubi certa veritas non habetur. Si secundum, ergo Sancti, Antiqui, & Moderni periculose determinant illas quaestiones, in

quibus variant opiniones, cum varianda opinionem sit signum, non haberi in illa certam, & claram veritatem; tunc enim essent concordēs saltem Sancti, & Antiqui, cum non fuerint cæci.

## CAPUT XXIV.

*Solvuntur Objectiones Vendrochii ex Scripturis, & Patribus desumpta.*

1. PRæcipua objecta soluta sunt à Probabiliorista Goneto in Tom. 3. Clypei Theol. dissertat. de opin. probab. §. 4. & 5. Nos omnia solvemus breviori tamen calamo, quàm fecimus supra solvendo argumenta ex Divo Thoma.

2. Incipit ergo Vendrochius Epist. V. Not. 1. sect. 2. §. 2. solta exclamatione, atque ait: Quid clariùs, quàm illa Christi vox à Parisiensibus Parochis allata, si cæcus cæco ducatum præbet, ambo in foveam cadunt? Quis enim neget, cæcum esse, qui opinionem æternæ veritatis contrariam sequitur, cum verum lumen, idest, veritatem, non cernat?

3. Retorquemus primò argumentum: Est de fide, neminem posse cum aliena muliere se copulare. Qui ergo Divus Thomas, & Theologi, uno Parisiensis scrupulosissimo excepto, excusant maritum, si ignorat: ter in suo lecto aliena mulier introduciatur, habentem copulam carnalem cum illa? Æterna Veritas dicit, neminem se posse inebriare; qui ergo excusatur Noe ebrius? Sed fortius instatur. Divus Thomas, Divus Bonaventura, & Scotus, quin Sancti Patres pluries inter se opponuntur, ergo in illis opinionibus, cum necesse sit unam esse falsam, qui falsam docuerunt, cæci fuerunt, & cæcis ducatum præbuerunt.

4. Respondetur secundò, illum esse cæcum, qui utroque oculo caret, l. 1. tit. de postul. non verò esse cæcum, qui in obsecris non videt. Cæcitas enim est defectus

defectus potentiae, non verò objecti. Qui ergo objectum illuminatum, & à luce circumfufum, non videt, illum cœcum esse necesse est; qui verò objectum ab umbris circumseptum non videt, ille non est cœcus, sed non videns; ergo, qui objectum ab æterna lege *clare illustratum* non cernit, hic cœcus est, & cœco ducatum præbet; sed qui objectum solum obscure ab æterna lege septum non aspiciat, hic cœcus non erit, sed non videns legem ob ipsius legis defectum, quia scilicet claritate non illustratur, ut requiritur ad visionem, quæ cum sint evidentiæ, mirum est, quomodo illi Parochi, & Vendrochius non viderint.

5. Subdit Vendrochius: quid manifestius, quàm item ille locus, quem iidem Parochi Parisienses ex Proverbiis protulere, est *via, qua videtur homini recta, & novissima illius ducunt ad mortem*? Quidenim aliud via, quæ videtur recta, & non est, nisi *falsa Probabilitas*? Omnino enim conscientia illa probabilis ab erronea nihil differt. Errat enim, qui falsum Probabile censet: errat, qui ex falsa regula mores dirigit. Sed sunt errores, qui vulgò intelliguntur, & his nomen erroris relictum est; Alii difficilius deprehenduntur, & à paucioribus, & hi probabilibus opinionibus ab istis aggregantur, non erroribus. Sed quocunque modo erretur... peccat tamen, quisquis falsum sequendo ab æterna Veritate dissidet. Et sic, ego subdo, Hieronymus peccavit, dum in ramentum illicitum, & simulationem licitam fecit, quæ opiniones sunt contra Æternam Veritatem.

6. Illustre, prosequitur Vendrochius, nobis huius rei exemplum suppeditat Evangelium. Nam, si quæ opinio falsa probabilis dici potest, ea certè est, quæ Judæi, quibus minus benè cum uxoribus conveniebat, fas esse sibi censuerunt, eas dato repudii libello abdicare. Nullus apud ipsos doctus vel suspicabatur illicitum, aperte enim id permiserat Moyses. .... & tamen ex Christi verbis. .... *constans Patrum traditio*

*conclusit, nunquam Judæis repudium licitum extitisse.* Idem de lege talionis dici potest, quam Augustinus in Psal. 108. iusticiam in iustorum vocat, & quæ non omnino excusato esse Judæos sentit, cum legis verba, & Doctorum suorum interpretationem in ulciscendis inimicis sequebantur.

7. Non est mirum, si Vendrochius velit nos obligare ad certitudinem, dum ipse in quaestione illa (*an repudium fuerit licitum Judæis*) crediderit, se certitudinem sequi, & audeat dicere, *constantem traditionem Patrum asserere, fuisse semper illicitum*; cum tamen in hac materia nulla sit traditio Patrum, & Scholasticorum tum Antiqui, tum Moderni in diversæ abierint opiniones, ut videre licet apud Hiquum in 4. distinct. 33. quæst. 3. in comment. ad Scotum; quin, ut ad advertit idem, Divus Thomas in hac distinct. quæst. 2. art. 2. Scotus, Richard. artic. 3. quæst. 1. & Durandus quæst. 3. problematicè processerunt, ut infra clarius patebit, & utramque partem agnoscunt probabilem, sicut Gabrielis Supplem. in hac distinct. quæst. 2. litt. B. Immo Scotus, & Durandus vocant probabiliorum opinionem sustententem fuisse licitam, & asserunt pro se Chrysost. seu melius imperfect. Hom. 34. in Matth. Idem tenent Orbellis in 4. distinct. 33. quæst. 2. Rubion. quæst. 2. art. 2. Argentinas quæst. 1. art. 3. fin. Hanc quoque opinionem ut probabilem amplectitur Carchusianus in 4. dist. 33. quæst. 2. Igitur Vendrochius, & Vendrochiani palinodiam canant agnoscendo errorem, & fatendo, non *adesse traditionem constantem Patrum in materia de libello repudii.*

8. Ad alia huius objectionis, jam vidimus supra, & evidenter probavimus, propositionem probabilem, quæ in se est falsa, cujus tamen falsitatem scire non possumus, apud Theologos non esse erroneam, & assertio contraria est error in Theologia; Nam sancti Patres, & Theologi veteres, & Moderni variant in opinionibus, & tamen nulla ex illis opinionibus est erronea, quam-

vis aliqua neceffariò in fe fit falſa. Quin ipſi Iudices, quando proceſſus eſt valdè dubius, eligendo unam opinionem non faciunt litem ſuam, quia non eſt peccatum, inquit Balſus c. ne innitarius, de conſtit. num. 12. Et quando inter Santos adeſt opinio ( adde diverſa ) inquit Anchar. ibidem, ut de Salomone damnaſto c. Salomon 32. queſt. 4. quilibet poteſt dicere, quod vult; concordant Butrio, & Bellamera ibidem, quæ doctrina, ut videntur debemus infra, erat communis apud Antiquos Canoniſtas; nec ab aliquo negari poteſt, ni velimus dicere Patres erroneas opiniones docuiſſe. Hinc colligitur, errare Vendrochium aſſerendo, quemlibet peccare ſequendo falſum oppoſitum Æterna Veritati, quia in re obſcura naturali Sancti variè opinati ſunt; & ſic aliqui falſum dixerunt; nemo tamen peccavit.

9. Ad illud dictum Prov. 14. *Eſt via, quæ videtur homini juſta, noviffima autem ejus deducunt ad mortem.* Reſpondeo cum magno Cornelio à Lapide, hanc viam multipliciter accipi poſſe. Mihi placet illa interpretatio, quam ex Authore Catenæ Græcæ aſſert: *Via*, inquit, hoc loco eſt mens, vel voluntas humana libidine obſcæcata, quæ bonis veris apparentia, ſtabilibus fluxa, temporaria ſempiternis, & immortalibus antepoſit. Certiffimè mens Divi Thomæ, & Divi Bonaventuræ, Scoti, &c. non fuit libidine obſcæcata; & tamen hi Doctores inter ſe variè opinantur; & ſic in una ex his opinionibus falſitas reperitur. Ergo opinio, quæ Divo Thomæ, Bonaventuræ, & Scoto videtur probabilis, & in ſe eſt falſa, non eſt illa via, de qua hic loquitur Salomon. Illa via eſt Cupiditas, Voluptas, Ambiguo, &c. quæ menti obſcæcate rectè videtur, noviffima tamen deducunt ad mortem, quia Cupidi, Voluptuoſi, Ambiguoſi &c. ab his paſſionibus abrepti ruunt in cupiditates &c. mortales; & ſic ad mortem animæ deducunt. *Via probabilis eſt via, in qua Sapientes incedunt*; nam probabilia per Ariſt. ſunt illa, quæ talia Sapientibus apparent, &

aliquando falſa probabiliora videntur; unde antiquitus probabilius viſum fuit, Beatam Virginem fuiſſe conceptam in originali, quæ opinio his temporibus à plurimis falſa indicatur.

10. Hac via, ſubdit idem Cornelius; error eſt vel in fide, vel in moribus. Error in Fide eſt Atheiſmus, Paganismus, Saraceniſmus, Hæreſis... Error in moribus eſt, quo licitum putat, & putat honeſtum, legique conforme, quod diſorme eſt, inhoneſtum, & illicitum. Id autem crebro accedit, cum quis nimis indulget, & credit iudicio ſuo, vel imperitorum, aut pravorum Conſiliariorum, Magiſtrorum, Conſiliariorum &c. Hac verba de errore in moribus debent accipi ad ſimilitudinem de errore in fide. Sicut ergo Cornelius non dixit, error in fide eſt opinio ſpeculativa, v. gr. aut opinio Scoti aſſerentis gratiam habitualement non ſanctificare ex natura ſua, ſed ex ordinatione Divina; aut opinio Divi Thomæ oppoſitum ſuſtinentis; & tamen neceſſe eſt, unam ex hiſce falſam. Sed dixit, error in Fide eſt Atheiſmus, Paganismus &c. Et ſic loquitur de falſitate, quæ eſt contra veritatem certam, & claram. Ita ergo, dum loquitur de errore in moribus, debet intelligi de errore, qui eſt contra veritatem certam, v. gr. nullus Deus eſt adorandus, ut volunt Atheiſtæ, plures Dii ſunt adorandi, ut jubent Pagani. Non autem debet intelligi de illis opinionibus, quæ verſantur inter Catholicos, quæque poſtea inveniuntur falſæ. Unde, ſicut illi viri Religioſi, & docti, qui negabant adeſſe præceptum Confessionis, non damabantur à Gratiano, & à Magiſtro; & ſic nec à Theologiſ, & Canoniſtis illius temporis, quamvis hæc opinio poſtea hæreſis evaſerit; ita debemus dicere de opinionibus aliorum Catholicorum, ſi poſtea damnentur à Sede Apoſtolica.

11. Ad illud de Judæis odientibus inimicos ſuos, qui non excuſabantur, quamvis ſequerentur interpretationem Pharifæorum dicentium poſſe inimicum odio haberi, dico, quòd quidam apud

Abu.

Abulens. in Matth. cap. 5. quæst. 347. asserēbant, *Judeos non peccare odiendo inimicos*. Hinc patet, apud Antiquos non fuisse certum assertum Vendroebii, sed oppositum fuisse quoque probabile; & sic ejus responsio corruebat. Præterea clarè dicebatur Levit. 19. *Non querās ultionem, nec memor eris injuriæ civium suorum*. Et Proverb. 24. jubetur: *Si ceciderit inimicus tuus, ne gaudeas*. Et cap. 25. *Si esurierit inimicus tuus, ciba illius*. Et Exod. 23. injungitur: *Si occurreris bovi, aut asino inimici tui erranti, redue ad eum, & si inveneris bovem, aut asinum odientis te facere sub onere, non pertransibis, sed sublevaris eum*. Qui cæcus non est, nequit negare, dari in lege veteri præceptum de diligendo inimico, & de ei benefaciendo. Unde, si Pharisei contrarium docebant populos, hæc doctrina non erat opinio Probabilis, sed erronea, cum esset contra manifestum Scripturæ testimonium. Et huic responsioni debet acquiescere Vendroebius, cum aliàs quoque scriptum sit Matth. 23. *Super Cathedram Moysi sederunt Pharisei; omnia ergo, quæ dicunt vobis, servate, & facite*. Certè in rebus obscuris Populus Hebræus nequibat cernere veritatem; ergo debebat recurrere ad Pontifices; & sic servando, quæ dicebant, licet erraret, erat excusandus, cum fecisset quod potuit, ut veritatem acquireret. Quid, quæso, poterat amplius facere?

12. Quodsi dicatur ex divo Thoma quodl. 3. art. 10. illa verba, *Super Cathedram Moysi sederunt &c.* intelligi de iis, quæ pertinent ad Cathedram Moysi, ad quam non pertinent ea, quæ sunt contra fidem, & bonos mores; ergo per Divum Thomam Hebræi sequendo responsionem falsam datam à Scribis in materia morum, non excusabantur, cum illa responsio non pertineret ad Cathedram, utpote contra bonos mores.

13. Respondetur, quia, sicut per Divum Thomam in 1. dist. 33. art. 5. potest quis sine amissione fidei ante deci-

sionem Ecclesiæ, & ante investigationem, per quam veritas scitur, videtur, & ostenditur, tenere opinionem, quæ postea appareat falsa, & sic illa opinio falsa non est contra fidem. Sic etiam ante investigationem, per quam veritas in moralibus scitur, videtur, & ostenditur, opinio falsa, sed probabilis, non est contra bonos mores. Igitur, sicut solum opinio falsa in speculativa est contra fidem, quando veritas scitur, videtur, & ostenditur, ita est dicendum de opinione falsa probabilis in moralibus. Hinc Divus Antoninus 3. part. tit. 5. cap. 2. §. 9. Explicans illum articulum Divi Thomæ dicebat, varias opiniones Divi Hieronymi, & Divi Augustini de simulatione Petri, & de observatione Legalium non esse contra bonos mores; & tamen certum est, quod erant opiniones de re morali, & una erat falsa. Ulteriùs Denteron. cap. 17. dicebatur, *Si difficile, & ambiguum apud te judicium esse perspexeris inter causam, & causam, lepram, & non lepram, & Judicium intra portas tuas videris verba variari, venes ad Sacerdotes, & ad iudices, quæresque ab eis, qui judicabunt tibi iudicii veritatem*. Hic observo, quod Hæbræi debebant ire à iudicibus inferioribus ad superiores, si inferiores iudices civitatum variabant iudicium. Ergo, quando erant concordēs, non tenebantur. Ergo sequendo iudicium concors illorum iudicum faciebant, quantum tenebantur facere; porro illud iudicium, quamvis concors, non erat certum, cum illi essent homines, nec in Scriptura invenitur data infallibilitas illis iudicibus, ergo, si iudicium fuisset falsum, adhuc Judæi non peccabant illud exequendo. Vide Abulens. hic quæst. 3. & Cornel. à Lapide.

14. Post Scripturas assert pro se Vendroebius Patres, & primo loco ponit Tertulianum de Spect. cap. 20. ubi sic ait: Erramus: nusquam, & nunquam excusatur, quod Deus damnat. Nusquam, & Nunquam licet, quod semper, & ubique non licet. Hæc est veritatis

ritatis integritas, & quæ ei debetur disciplinæ plenitudo, & æqualitas timoris, & fides obsequii non mutare sententiam, nec variare iudicium. Non potest aliud esse, quod verè quidem est bonum, seu malum. Omnia autem penes veritatem Dei fixa sunt. Ethnici, quos penes nulla est veritatis plenitudo, quia nec Doctor veritatis Deus malum, ac bonum pro arbitrio, ac libidine interpretantur; alibi bonum, quod alibi malum, alibi malum, quod alibi bonum. Sic Tertulianus.

15. Subdit Vendrochius. *Videant Casuista, ne hæc in ipsos non minus belle, quam in Ethnicos cadant.* Si hæc cadunt in novos Casuistas, cadunt etiam in Sanctos Patres, & Scholasticos Antiquos; apud quosdam enim hoc obiectum erat bonum, sicut rebaptizare baptizatos ab hæreticis apud Cyprianum, & octuaginta tres Episcopos, apud alios erat malum. Sicut fricare barbam nec bonum, nec malum est apud Divum Bonaventuram, & Scotum; apud verò Divum Thomam erat vel bonum, vel malum.

16. Respondeo igitur, quod Deus damnat, & hoc certò scire possumus, nusquam, & nunquam excusatur. Potest pro nunc hæc propositio concedi. Dixi potest concedi, non tamen absoluitur, & sine limitatione debet concedi, quia certum est, damnare Deum accessum ad non suam; & tamen Jacob cognoscendo Liam non peccavit. Certum est etiam, quod Deus damnat ebrietatem; & tamen Noe se inebriando non peccavit. Quod autem Deus damnat, & hoc scire non possumus certò, sed solum probabiliter, tunc excusamur, si erramus, uti excusabantur sectatores opinionum falsarum Cypriani, Hieronymi, Glossæ, Magistri, Gratiani, & aliorum Antiquorum. Nec moderni pro arbitrio, & libidine malum bonum interpretantur, sed ex ratione, probabilis quidem, quia in rebus obicuri nisi probabilitas reperiri fas est, ut patet etiam in Patribus, & Antiquis variantibus in opinionibus, &

unum, & idem sentientibus in assertionibus iuxta Seraphicum in 2. distinct. 15. in explicat. Litter. ut alibi dixi.

17. Secundo loco refert Divum Augustinum hom. 12. sic dicentem: Ecce dat tibi securitatem Procurator, quid tibi prodest, si Paterfamilias non accipiet? Procurator sum, servus sum. Vis dicam tibi, vive quomodo vis, Dominus te non perdet. Securitatem tibi Procurator dedit, nihil valet securitas Procuratoris. Utinam Dominus tibi securitatem daret, & ego te sollicitum facerem. Domini enim securitas valet, etiamsi nolum, mea verò nihil valet, si ille noluerit. Quæ est autem securitas, fratres, vel mea, vel vestra, nisi ut Domini iussa intente, diligenterque audiamus, & promissa fideliter expectemus? Et serm. 34. de diversis dispensationes serpentis vocat, quicunque promittunt, quæ non promittit Deus.

17. Hic pariter textus nihil probat, & patitur manifestam instantiam, & Vendrochius debet fateri aliquos Sanctos, & Scholasticos antiquos dedisse securitatem, in quibusdam non reperiri peccatum mortale, in quibus inveniri, alii affirmabant, & tamen certum est, Deum recepisse illam securitatem, licet postea inventum fuerit, in illis mortale peccatum inveniri; & aliter dicere est damnare ad inferos illos Patres, & Scholasticos. Sic pariter, si in dubiis Subditus Parochum, vel Episcopum adeat, & faciat, quod Parochus, vel Episcopus dicit, non peccat eis obediendo. c. quid culpatur. 23. quæst. 1. & tamen Parochus, & Episcopus falsum dicere possunt.

18. Jam scimus Procuratorem non debere excedere terminos mandati. l. diligenter ff. mand. unde solum debet facere, quod ipsi committitur. c. Innotuit de elect. quod si audax Procurator illos transierit, totum invalidum erit, quia quisquis rebus suis modum imponere potest, cui alter quiescere tenetur. l. in tradit. ff. de pactis. Hinc colligitur, quod, si Procurator servat mandatum, Paterfamilias debet rata



habere, quæ ille fecit, quasi ea fecerit; quia, qui per alium facit, per se ipsum facere videtur, de Regul. jur. in sexto. Quæ dicimus ergo de Procuratore hominum, idem debet judicari de procuratoribus Dei; Hi autem sunt Episcopi, Parochi, & Confessarii, qui, si servant mandatum Dei, Deus tenetur rata habere, quæ dicunt. Porro Procurator, de quo loquitur Augustinus, mandatum Dei non custodit, dicit enim, *Vive, quomodo vis*. Hoc autem est evidens, esse contra mandatum Dei, qui non vult, ut vivamus, ut volumus, sed juxta tuam legem. Sic Deus jubet, ut libidinolos vivat secundum Castitatis legem, non juxta libidinem voluntatis. Hinc, quamvis Confessarius diceret contrarium, Deus non acceptaret, quod dicit, quia evidenter transgreditur legem, & mandatum.

19. Dices, Deus non mandat, imo prohibet, quod Parochus, Confessarius, &c. dicant falsitatem; ergo responsio probabilis, si est falsa, est contra mandatum Dei.

20. Sed contra est, quia Deus prohibet quidem, ne falsum dicamus, quando veritatem scire possumus, non autem, quando scire non possumus. Unde, si Ecclesia decideret, Beatam Virginem fuisse conceptam immaculatam, non per hoc peccavisset Angelicus, qui oppositum dixit, & hoc quia suo tempore res erat obscura; unde tunc veritas sciri non poterat. Uterius lego Glossam in c. tempora 26. quest. 7. V. *arbitrio tuo*, ubi ait, quod Procurator ex causa potest mandare contrarium illius, quod mandavit Dominus, *ut ff. mand. l. si hominem*, & jure merito lex decidit ita, quia in casu potest mihi placere oppositum ei, quod mandavi. In mandatis tamen Divinis nolo ego tantam libertatem concedere, quando clare constat de voluntate Dei, quamvis etiam hoc possemus dicere accidere, quando ex causa Pontifex, & alii Prælati relaxant, & dispensant in juramentis, & votis. Concedo ego,

& invitus debet concedere Vendrochius, quod in rebus obscuris Procurator Dei Confessarius, Parochus, &c. potest mandare oppositum, quod Deus jussit, & hoc, ne damnemus Patres, & Scholasticos variè opinantes. Hac responsione satisfiit alteri textui ex Augustino sumpto, quin potest satisfieri omnibus aliis, quæ aliter, & aliter potest.

21. Hinc textui ex Fœlice Tertio Summo Pontifice Epist. 3. dicenti: *scias, quod se decipit ipse, qui fallit, nibique per nostram facilitatem Tribunalis Excel. si Judicio derogari, cui illa sunt rata, quæ pia, quæ vera, quæ iusta sunt*. Ex allata Doctrina patet responsio; siquidem, qui in re obscura falsum dicit, se decipit quidem, non tamen peccat, quia tunc non tenetur scire veritatem; sicut Jacob cognoscens Liam decepit quidem se, quia credebatur cognoscere Rachelem, non tamen peccavit, quia non tenebatur uti omnibus mediis ad sciendum, an esset illa mulier uxor sua. Per hanc porro falsitatem, & per quancumque aliam Excelso Tribunali nulla injuria irrogatur, ut optimè dicit Pontifex, quæ Doctrina nobis nihil obest, nec prodest. Deo autem rata sunt, non solum quæ certò sunt pia, certò vera, & certò iusta, sed etiam, quæ tantum probabiliter, quæ sequaces Divi Thomæ, & Scoti, &c. placent Deo, & tamen aut hi, aut illi falsum sequuntur, quod tamen est probabiliter verum.

22. Eadem Responsione explicatur textus Divi Basilii de abdicat. rerum dicentis: Contendit Adversarius noster, ut nobis persuadeat, ut alicui nos credamus propria vitia simulata quadam lenitatis specie commendanti, ut hoc modo innumeris nos pravis libidinibus irretiat. Si ergo cum corpore tuo mittiis agere volens magistrum tibi quæsieris, tecum se ad vitia tua demittentem, vel, ut verius dicam, secum una in eandem perniciem corruentem, frustra mundanis rebus nuncium remisisti, qui cæcum tibi ducem alicui veris,

veris, cujus ductum fequuto in foveam tibi fit procidentum.

23. Subdit Vendrochius: Ecce Bafilio teste mollis ille, & indulgens Reftor, quem certè difcipuli probabiliter sentire exiftimant, non enim aliter ipfum fequerentur, nihilominus ipfos fecum in foveam abripit qualibet probabilitate deceptos. Sic Vendrochius.

24. Hæc quoque Textui, ut dixi, eadem refponfione fit fatis; nam Bafilius loquitur de Reftore, qui commendat propria vitia fimulata quadam specie lenitatis, ut hoc modo innumeris libidinibus nos irretiat. Dico ergo, quòd hæc de illo folo Reftore dici queunt, qui contra certam veritatem per fimulatam probabilitatem erroneam opinionem edocet. Nec enim de illo ifta canes, qui, quamvis alii Antiquiores partem rigidam amplexi fuerint, tradit partem benignam, & humanæ libertati faventem, tradit, in quam non certò, fed probabiliter in materia obfcura. Exemplum fit de Beato Alberto Magno, qui in 4. diftinct. 31. art. 24. fuftinet, quòd variatio modi Copulæ maritalis, licèt fieret modo Brutorum, non effet peccatum mortale, & hanc conclufionem ponit his terminis, ut mihi videtur, contraria non placet. Porro hæc verba non denotant cognitionem certam, & firmam, fed probabilem, & illam nedum non probat per Scripturas claras, & textus Sanctorum apertos, & authoritatem Ecclefie, quæ funt principia certa Theologiæ, fed folùm ibi dicit, fibi contrariam opinionem alibi non placuisse. Ubi autem illam ex profefso tractaverit, non inveni. Certum eft hic dicere quofdam tenuiffe partem rigidam. Et certum quoque eft, quòd Antoninus par. 3. tit. 1. cap. 20. §. 3. refert, hanc opinionem fuiffe Alberti in 4. & ex eo nullam rationem affert pro ipfa. Ego ex nullo capite poffum judicare, Albertum edocuiffe ut certam fuam opinionem; & in rei veritate certa non eft, & nequit negari naturam valdè abhorre à tali modo coeundi; ergo talis modus poteft effe peccatum mortale. Beatus Antoninus fe-

quitur opinionem Alberti merè ob authoritatem Alberti, & refert pro contraria Petrum de Palude, Henricum Boic, Guil. & Parral. in fum. vitiorum. Certè Authoritas Alberti non facit rem certam, præcipue cum ei opponatur authoritas Paludani, qui fuit magnus Theologus, & Boic, qui fuit magnus Canonifta; Guil. autem, & Parald. Cafuifte non infimi fuerunt. Hinc ratione authoritatis extrinfecæ utraque opinio erat probabilis. Quia verò per Antoninum par. 1. tit. 3. cap. 10. §. 10. inter duas opiniones, cæteris paribus, benignior eft amplectenda, idèd hic interpretationem Alberti benignam fimul, & probabilem fuftinet.

25. Ex his habeo, quòd Albertus, & Antoninus in materia luxuriæ fequuti funt opinionem benignam contra alios rigidam amplectentes, & illam folùm ut probabilem amplexi funt. Adhuc tamen non per hoc Vendrochius audebit dicere, Albertum, & Antoninum fuiffe *Duces cæcos, fuos difcipulos libidinibus deturpaffe, illosque fecum in foveam traxiffe.* Sic ut ergo de Alberto, & Antonino, quia opiniones verè probabiles fequebantur, textus Bafilii non quadrat, ita de aliis benignas opiniones, quamvis folùm probabiles, fequentibus dicendum venit.

26. Refert etiam pro fe Tres Authoritates ex Libris Moralibus Magni Gregorii acceptas.

27. Prima eft ex lib. 1. cap. 2. fic fe habens: Nonnulli ita funt fimples, ut rectum quid fit, ignorent, fed eo verè fimplicitatis innocentiam defcunt, quoad virtutem rectitudinis non affurgunt; quin, dum cauti effe per rectitudinem nesciunt, nequaquam innocentes perfiftere per fimplicitatem poffunt. Vendrochius dicit, hunc textum *apertius fpoliare probabilitatem falſam ſecuritate.* Si per probabilitatem falſam Vendrochius intelligit propofitionem oppofitam veritati clarè, & manifefte, verum dicit, nec eft contra nos, qui dicimus opinionem oppofitam veritati certè non effe probabilem, fed erroneam. Si verò per

per probabilitatem falsam intelligit propositionem nixam rationi gravi, & propter hoc pluribus Sapientibus approbatur, ut vult Aristoteles ad probabilia requiri 1. Topic. cap. 1. num. 6. quæ propositio postea decursu temporis appareat falsa; si, inquam, talem propositionem intelligit, errat prorsus Vendrochius, quia sic vel Divus Thomas, vel Divus Bonaventura, vel Scotus, &c. veræ simplicitatis innocentiam deseruissent in iis, in quibus variè opinantur; cum aliquis ex ipsis falsam propositionem sustinuerit. Igitur eadem responsione fit satis; Unde, qui contraveritatem manifestam eunt, hi simplicitatem innocentem derelinquunt, non qui contraveritatem occultam, & obscuram determinant; Nam, cum scire veritatem nequeant, procul dubio venia digni sunt, ut est venia dignus, qui cognoscit uxorem alienam credens habere rem cum sua.

28. SECUNDA Authoritas sumitur ex lib. 3. cap. 19. Plerumque, inquit, quædam se nobis vitia sub specie virtutum tegunt, quasi blanda ad nos facie veniunt. Sæpe immoderata ira iustitia; sæpe incautus timor humilitas; sæpe effræcta superbia appetit libertas apparere. Ad consolandum ergo amici Job veniant, sed ad increpationis verba dilabuntur; quia nimirum vitia virtutem specie palliata blanda quidem superficie inchoant, sed aspera nos contrarietate perturbant.

29. Ego, si verum, quod sentio, fateri debeo, non video, ad quid inserviat hic Textus, & nullo modo probabilitatem impugnari. Addo, quod ego, ne decipiar à me, consulo Doctores Antiquos, & quia vixerunt in tempore, quo per Adversarios Doctrina Veritatis non erat corrupta, ideo credo vitia pro virtutibus non intrusisse, illos ergo sequor in omnibus. Quia verò in multis variant in opinionibus, cogor credere in illis probabilitatem sequi, & adhuc credo, in vitia, virtutis specie blanda testa, non ruere, cum, ut dixi, vixerint ante talem corruptionem. Quod si Vendrochius

hos etiam Antiquos calumniari voluerit, intrusisse vitia pro virtutibus, illum amando ad Thomistas, Scotistas, &c. ut pœnam debitam pro tanta temeritate recipiat.

30. TERTIA Authoritas ducitur ex lib. 3. cap. 6. Sæpe, inquit Gregorius, opus nostrum causa damnationis est, quod profectus putatur esse virtutis. Sæpe, unde placari iudex creditur, inde ad irascendum placidus instigatur, Salomone attestante, qui ait: Est via, quæ videtur homini recta, & novissima illius ducunt ad mortem; Unde Sancti viri cum mala superant, sua etiam bene gesta formidant, ne cum bona agere appetunt, de actionis imagine fallantur, ne pestifera tabes putredinis sub boni specie lateat coloris. Sciunt enim, quia corruptionis adhuc pondere gravati dijudicare bona subtiliter nesciunt, & cum oculis ante extremi examinis regulam deducant, hæc ipsa in se nonnumquam, & quæ approbant, metuent, & tota quidem mente interna desiderant, sed tamen de incertitudine operum trepidi, quo gradiuntur, ignorant.

31. Subdit Vendrochius, quod hæc pestifera labes putredinis, & vitia testa sub virtutis specie sint illiciti per se actus, qui liciti à nobis falsâ verisimilitudine videntur. Hæc ergo cum nihîlominus certa esse peccata pronunciet Gregorius, & propterea trepidos semper esse iustos iubeat, ne fortè Deo displiceat, quod à nobis rectum existimatur, manifeste totam Probabilitatis doctrinam evertit.

32. Ego pro certo teneo hunc Textum suffragari Probabilitatis doctrinæ. Sic ego formo Argumentum. Qui operatur cum formidine, ille operatur cum Probabilitate; sed Sancti viri, Gregorio teste, operantur cum formidine; ergo operantur cum Probabilitate. Major patet, quia formido solum ponitur in definitione opinionis per Philosophos; & quia formidans non est certus, & certus non formidat. Nunquid formidabo malè facere, si sequar opinionem affirmativam, esse præceptum confitendi circumstantias aggravantes? Minor Ar-

menti est ipsa doctrina Gregorii. . . . . quia Sancti operantur cum incertitudine, de incertitudine operum trepidi, quo gradiuntur, ignorant. Incertitudo autem, & ignorantia itineris non stant simul cum certitudine, & cum scientia, bene quidem cum Probabilitate; ergo, si sancti cum incertitudine, & ignorantia viæ gradiuntur, proculdubio non ambulant cum certitudine, & scientia, ut vult nos cogere Vendrochius, ut credamus, ad ambulandam viam Dei requiri cognitionem certam, & scientiam, nec sufficere Probabilitatem.

33. Cum Divus Gregorius referat textum illum Proverbiorum, jam liquet Sanctum Doctorem explicandum esse, ut fecimus eundem textum; & illa duplex explicatio mihi videtur multum quadrare; Nam proprium Sanctorum est bene quidem agere, sed semper timere, ne aliqua passio ipsos moveat ad illam bonam actionem; & sic ne bonum opus corrumpet. Passio ergo est illa pestifera labes, quæ sæpe sub specie boni operis se inlinuat, & quam valde Sancti metuunt, & formidant, & curant, ne lateat in suis operationibus. Sic sæpe iudex offensus ab aliquo particulari rapitur ab ira sub specie vindicandi violationem legum ad vindictam particularem. Cognitionis autem huius rei est difficillima; & ideo Sancti tam metuunt, & formidant; Nec Probabilitas est illa pestifera labes, de qua sine probatione Vendrochius asserit, Gregorium loqui, aliter, ut centies dicebam, cum Divus Thomas, & Divus Bonaventura sequuti sint oppositas opiniones, & sic probabilitatem, unus ex ipsis hac labe infectus fuisset, quod est absurdum.

34. Tandem Vendrochius refert longum Textum ex Divo Bernardo lib. de præcep. & dispens. cap. 17. & 18. quem dicit decretorie vitiosis accensere actiones ex opinione falsa, quamlibet probabili, profectas. Ait ergo Sanctus Doctor: ut interior oculus verè sit simplex, duo illi arbitror esse necessaria, Charitatem in intentione, & in electionem veritatem; nam si bonum diligit quidem, sed

verum non eligat, habet quidem zelum Dei, sed non secundum Scientiam, & nescio quemadmodum iudicio veritatis vera esse possit cum falsitate simplicitas. Volens denique ad veram discipulos instruere simplicitatem Magistra Veritas; estote, inquit, prudentes, sicut Serpentes, & simplices, sicut columbæ. Præmisit ergo Prudentiam, sine qua neminem satis esse posse simplicem sciret. Quomodo denique vere simplex erit oculus cum ignorantia veritatis? Aut verò vera potest dici simplicitas, quam simplex ignorat veritas? Scriptum est enim, Ignorans ignorabitur. Patet ergo laudabilem illam, & à Domino laudatam Simplicitatem absque his duobus non esse bonis, benevolentiam, atque prudentiam, ut oculus videlicet cordis non solum pius, qui fallere nolit, sed & cautus sit, qui falli non possit.

35. Prosequitur Divus Bernardus cap. 18. sine malo quocunque non erit decepta simplicitas. Cur, inquis? numquid non ex fide? prorsus ex Fide, sed falsa, vel potius non ex fide, quia fides falsa fides non est. Denique de fide vera, non falsa puto dixisse Apostolum, omne, quod non est ex fide, peccatum est. Non autem ex fide vera bonum creditur, quod malum est; est enim falsum; peccatum igitur est. Utrumque proinde complectitur præsens capitulum: omne, quod non est ex fide, peccatum est &c. & cæcam videlicet malitiam, & deceptam innocentiam, quia, quod à nesciente fit, & bonum prorsus condemnat intentio prava, & malum non penitus excusat recta. Si ne itaque malum putes bonum; quod forte agis, siue bonum malum, quod operaris, utrumque peccatum est, quia neutrum ex fide. Subdit Vendrochius, nihil huic loco addere necesse est; videtur enim Bernardus omnia istorum suffugia præcludere studuisse.

36. Verè, Vendrochi, omnia suffugia præcludere studuit Mellissius Doctor, non præclusit tamen, nec potuit, aut voluit, evertere Glossas veras, quæ suæ Doctrinæ necessariae sunt. Dicit ergo

ergo Divus Bernardus in Opusc. divers. Sentent. §. Quatuor fontes litt. E. quod triforme vinum in Scypho Dei est, Rubicundum in longaminitate Sancto-  
rum, quod laticat Isaac in ægritudine; *Album in remuneratione iustorum*, quo ebriatur Noë; Nigrum, & Acidum in damnatione pravorum. Certè Noë non bibit iuxta Sanctum Doctorem in damnatione pravorum: ergo Noë per ipsum non peccavit, dum ebriatur vino *Albo in remuneratione iustorum*. Ergo Noë non credebat, se facere contra temperantiam; & tamen de facto fecit; ergo Noë habuit cognitionem falsam, ergo aliquando cognitio falsa in moralibus per Divum Bernardum stat simul cum actione bona, seu saltem cum actione, quæ non est mala.

37. Præterea lib. 5. de consid. ad Eugenium cap. 3. asserit, quod Deus; & Spiritus Beati tribus modis, velut viis, totidem nostra sunt consideratione vestigandi, *Opinione*, *Fide*, *Intellectu*, quorum intellectus rationi innititur, fides auctoritati, *Opinio* sola verisimilitudine se tuetur.

38. Habent illa duo certam veritatem, sed fides claram, & involutam, Intelligentia audam, & manifestam; Ceterum *Opinio certi nihil habens verum per verisimilitudinem querit potius, quam apprehendit*. Omnino in his cavenda consilio, ne aut incertum opinionis fides figat, aut, quod firmum, fixumque est fidei, opinio revocet in questionem. Et hoc sciendum, quia opinio, si habet assertionem, temeraria est. Fides si habet hæsitacionem, infirma est. Multi suam opinionem intellectum putaverunt, & erraverunt. Et quidem opinio potest putari intellectus, intellectus opinio non potest; Undè hoc accidit? profecto, quia hæc falli potest, ille non potest; aut, si falli potuit, intellectus non fuit, sed opinio. Possumus singula hæc ita definire. Fides est voluntaria quædam certa prælibatio veritatis, nec dum propalata. Intellectus est rei cuspisimæque invisibilis certa, & manifesta noticia. *Opinio est quasi pro vero habere aliquid,*

quod falsum esse nescias; ergo, ut dixi, fides ambiguum non habet, aut si habet, fides non est, sed opinio.

39. Ecce evidenter per Divum Bernardum de ratione opinionis esse, quod nihil habeat certi, quod falli potest, quod habeat ambiguum, & quod verum per verisimilitudinem querit. Hinc optimè definitur opinio, quod per ipsam quasi pro vero habemus aliquid, quod nescimus esse falsum. Si enim sciremus esse falsum, illa cognitio non esset opinio, sed error; utpote contra certam, & manifestam veritatem. Hinc ego colligo, quod in opinione ipsa definita à Divo Bernardo reperiri possit falsitas. Requiritur tamen quod opinans nesciat in ipsa falsitatem reperiri; Unde ulterius infero, D. Bernard. coincidere nobiscum in acceptione opinionis, ut dixit c. 2.

40. Per Divum ergo Bernardum considerare possumus Deum, & Beatos Spiritus tribus modis, & tribus viis, scilicet *Opinione*, *Fide*, & *intellectu*. Per Fidem certò attingimus, quæ revelata sunt, v. gr. quod Deus sit Unus, & Trinus, quod Angeli à Deo sint conditi. Per Intellectum cognoscimus, quæ per demonstrationem de Deo habere possumus, v. gr. quod Deus sit Unus. Per opinionem ea, quæ incerta sunt, v. gr. quod Angeli loquantur prædicando physice actum auditionis in alio, ut tenent Scotistæ. Divus Bernardus c. 4. dixerat, fide nos tenere Beatos Angelos esse in Cælo potentes, gloriosos, perfectos in genere suo, corpore æthereos, immortalitate perpetuos, &c. Subdit tamen Sanctus Doctor, quamquam de corporibus horum, non modo unde sint, sed an aliquatenus sint, hæret sententia aliquorum; Undè, si inter opinabilia magis id ponendum censuerit, non contendo. Nota, lector, Divus Bernardus non contradicit, quod ponamus inter opinabilia, Angelos esse corpore æthereos. Ergo possumus licitè opinari, Angelos Beatos esse corpore æthereos. Quod Angeli consent corpore, nunc communiter à Theologis falsum creditur, ut videre licet apud Suarez lib. 1. de Angelis

lis cap. 6. num. 6 & quidem sic dicunt Patres, quos longa serie Stephanus Bubalus in tom. de Angelis in comment. quæst. 40. Doctoris Angelici art. 1. quæst. 3. diffinit. 1. §. 7. refert; Unde concludit §. 10. hisce temporibus Catholicum non posse opinari, Angelos esse corpore præditos. Ex his habemus per Divum Bernardum, nos posse cognoscere Deum, & Angelos Beatos per cognitionem, quæ ita sit vera nobis, ut possit esse falsa in se, & hæc est cognitio probabilis Modernorum. Si autem licet de Deo opinari, licet bit de ejus Lege, etiam æterna, quia Lex æterna non est objectum nobilius, quam Deus ipse. Juxta ergo principia Divi Bernardi nequit negari, quod *probabilitas*, quamvis in se ei set falsa, sit regula bona operationum humanorum.

41. Nunc directè respondendo ad textus Doctoris Melliflui assero, intelligendos esse in materia clara, non obicura; In hac enim, si quis bonum diligit, sed falsum per accidens eligat, bene facit. Sicut, si quis diligens Christum adorat hostiam à Sacerdote in Missa elevatam, quam tamen non consecravit, hic bene facit, licet falsum eligat. Sic etiam, si ego intendens servare præceptum Christi de Confessione fateor peccata, & relinquo circumstantias aggravantes ob opinionem Divi Thomæ, si postea hæc opinio falsa detegeretur, adhuc illa mea Confessio fuisset bona, & Sancta. Sic etiam, si Confessor Ordinarius auditus reservatis, & non reservatis, sequens Antiquos absoluit penitentem, & jubet, ut pro reservatis ad Superiorem recurrat, & idem absoluit, quia videt, Antiquos excepto Durando, sustinere licitam esse talem absolutionem; si deinde damnetur talis opinio, tamen illa absolutio fuisset licita, nec peccasset Sacerdos. Hinc illa verba: *sive itaque malum putes &c.* sic glossanda veniunt: sive itaque malum in materia clara, & manifesta bonum putes, quod forte agis; sive bonum malum, quod operaris, utrumque peccatum est. Addo hunc textum Divi Bernardi fuisse prolatum à Merenda

ante Parochos, & ei fuisse satisfactum à Mastrio in 2. disput. §. num. 98. qui pariter refert, & explicat textus Patrum, quibus Merenda impugnabat probabilitatem, qua Doctrina optimè explanatur Textus Vendrochii; Unde mirum est, quare asserat textus, & non impugnet Adversariorum explanationes. Nunquid explanationem suorum Parochorum judicat certam? At nobis nec probabilis apparet.

## CAPITULUM XXV.

*Expenduntur Decreta Episcoporum Gallorum, quæ refert Vendrochius, quibus videtur Probabilitatis Doctrina condemnari.*

1 IN meo Codice Vendrochii post notas in epistolas Montaltii reperitur duplex appendix, in quarum Prima rursus Probabilitatem contra Stephanum Decamps infestatur. Nescio ego, an ipse Vendrochius hæc composuerit, an ejus discipulus; Stylus certe Vendrochium refert, eum politior, & acerbior, quam credi queat, existat.

In prima ergo Appendice §. 11. refert censuras factas ab aliquibus Episcopis Gallis.

2. Prima est Archiepiscopi Senonensis, quam, quia loquitur de opinione minus probabili, alibi discutendam relinquo.

3. Secunda est Ecclesiæ Parisiensis; sed quia in ipsa sermo est de Probabilitate generatim, & indefinitè accepta, & sic in omni materia, non est ad propositum; cum certum sit, in materia de validitate Sacramentorum, & aliis aliis Probabilitatem non habere locum.

4. Tertia est Episcopi Bellocensis facta 12. Novembris anno 1658. & in ipsa

Ipsa dicitur; doctrina Probabilitatis omnium corruptellarum scaturigo. Quia Vendrochius non asserit integrum decretum, ideo juvat credere, loqui de Probabilitate generatim, & indefinitè accepta, ut fecit Archiepiscopus Parisiensis.

3. Quarta est quinque Episcoporum Aquitanorum; sed quia damnant Probabilitatem prout ab Apologista explicatur, negotium erit illorum, qui defendunt hunc Apologistam, respondere huic censuræ.

6. Quinta ultima, & longa est Episcopi Venciensis lata anno 1639. 6. Maii, & de hoc Episcopo dicit illud Carmen dictum ab Augustino de Prospero: *Flumina Librorum mundum effluxere per omnes*. Magna Laus! & credo veram. Sed cum Libri inscribantur, & nuncupentur à Nomine, & cognomine Authoris, non verò à Dignitate, ordinariè loquendo, idèò maximè laudi tanti Episcopi consuluisse, si illum proprio nomine, & cognomine appellasset; sic enim, qui illum non noverunt, nec viderunt sua opera, potuissent illum cognoscere, & hæc sibi comparare. Ego ergo volo tot, & tanta opera comparare, qui poterat? Forè reperiantur in Italia, illa tamen Bibliopoli mihi non vendent, nisi nomen Authoris, & cognomen indicabo.

7. Sed Censuram referamus, & respondeamus eidem. Hæc, inquit, Probabilitatis Doctrina à mendacii parente procedit: his postremis temporibus eo Consilio inventa est, ut omnia præcepta Evangelii eluderet, & carnalibus animis Christiana Doctrina, propriaque salutis supremum arbitrium permitteret. Neicio, an Illustrissimis Episcopus hæc scribat per modum decreti Episcopalis, an verò disserat hæc ut Theologus. Ex narratione Vendrochii videtur Episcopus decretum edere, utcumque tamen res se habeat, dicimus, salva reverentia ipsi debita, negamus, & iterum negamus, & tertio negamus, Probabilitatis Doctrinam à mendacii Parente inventam fuisse. Et quærimus, An dum Sancti,

dum Scholastici Antiqui in rebus gravissimis dissentiant, illa Doctrina sit inventa à mendacii parente, an non. Primum sine temeritate dici nequit. Si secundum dicatur, tunc assignetur ratio, quare illa varietas opinionum, quæ necessariò importat falsitatem, non sit inventum Dæmonum, benè verò Probabilitas. Nec pariter Probabilitatis Doctrina inventa est his postremis temporibus; cum Antiquissimus Aristoteles tractaverit de Probabilibus, & de opinione, quam asseruit posse aliter se habere; atque adeo ita esse veram, ut possit esse falsa. Et supra dixi, Divum Bonaventuram referre, quòd Catholici Tractatores in opinionibus differant, contentiant autem in assertionibus. Et Divus Bernardus optimè per opinionem considerabat Deum, & Beatos cives. Per nos autem opinio, & Probabilitas nihil differt. Ergo Probabilitatis Doctrina non est inventum modernum, sed Antiquum.

8. Nec Probabilitas omnia præcepta Evangelii eludit, sed nullum; Explicat solum in obscuris non adesse præceptum probabiliter, in quibus alii probabiliter sustinent vigere. At hoc non est eludere præcepta Evangelii; aliter sic calumniarentur Sancti, & Antiqui, qui in his materiis hoc modo procedebant, & præcipuè calumniaretur Illustrissimus Archiepiscopus Sanctitate, Theologia, & facultate Canonica Beatus Antoninus, qui part. i. tit. 3. cap. 10. §. 10. inter duram, & benignam legum interpretationem volebat benignam esse amplectendam cæteris paribus.

9. Præterea dum Divus Thomas, Bonaventura, Richardus, & alii Antiqui expressè assererent, vel utramque vel unam partem, etiam benignam, esse probabilem, ut præcipuè demonstrabo in difficultate sequenti, non per hoc possumus dicere, illos eludere præcepta Evangelica.

10. Sine autem injuria nostrorum Doctorum nequit dici, quòd probabilitas permittat Carnalibus animis propria salutis, & Christiana Doctrina supremum

arbitrium. Sicut obscuritas Præceptorum permittebat Sanctis, & Scholasticis antiquitus, ut variè opinarentur; ita nunc permittit non animis carnalibus, sed animis doctis, veluti Suario, Valsquio, Medinæ, Salonio, Dianæ, & similibus, ut in varias probabiles sententias abeant, etiam in materia naturali, obscura tamen, in qua re nullum video discrimen inter varietatem opinionum, & plurimum sententiarum probabilem.

11. Prosequitur censura: *Asseris Evangelium sola demum veritate vos liberos effici posse. Veritas liberabit vos. Asseris, nos non ex hominum sermone, sed ex verbo Dei judicandos. Sermo, quem loquutus sum vobis, ille vos judicabit in novissimo die.*

12. Ego pro responsione eruo hanc conclusionem: Ergo vel Divus Thomas, vel Divus Bonaventura, vel Scotus damnati sunt. Consequentia probatur, quia, cum opponantur in Doctrina morum, jam falsum in re gravi docuerunt; & sic liberari non potuerunt; & sic ille sermo non fuit ex verbo Dei.

*Nec fieri posse, sequitur censura, quia, qui cæcum sequitur ducem, videlicet vel propria, & aliena rationis errorem, cum ipso pariter in foream decadat.*

13. Si mea mens non me fallit, per errorem intelligit propositionem quomodolibet falsam, etiam si sit contra veritatem occultam. Quod tamen apud Doctores est falsum, ut vidimus, & ex propositionibus contrariis Divi Thomæ, & Scoti una est falsa, sed nulla est error, & aliter dicens vapulabit à Thomistis, vel à Scotistis.

14. *Asserit Sanctus Thomas, reasumit censuram, & cum eo omnes nomine digni, Legem Dei æternam immotam esse actionum nostrarum Regulam; & quæcunque actio ab ea dissideat, hoc ipso malam esse.*

15. Et ego replico, Jacob noscentem Liam, & maritum quemlibet cognoscentem alienam mulierem secretò subintroductam non peccare mortaliter per omnes Doctores Theologos, excepto, ut

dixi, scrupuloso Parisiensi; & tamen Jacob, & ille maritus dissident à lege æterna, quæ prohibet mixtionem cum non sua. Et sicut Doctores illos excusant, eo quòd Jacob, & ille maritus non tenebantur ad omnia media ponenda, ut veritas haberetur; ita dicimus, quòd in materia obscura impossibilitas sciendi veritatem excusat nos, si erramus; & qui contrarium asserit, debet asserere textum, qui dicat, legem naturalem obligare, etiam obicure propositam; sed hoc adhuc factum non est, nec fiet.

16. *Asserunt Theologi iidem, inquit censura, Conscientiam erroneam, id est, quæ veritati contrariam opinionem sequitur, in naturali jure non omnino excusare. Error, inquit Sanctus Thomas, quodlib. 9. art. 13. quo non creditur esse peccatum mortale, quod est peccatum mortale, conscientiam non excusat à toto, licet forte à tanto.*

17. Episcopo opponamus Episcopos. Episcopus ergo fuit Canus, & quidem doctissimus, & qui juxta principia Vandrochii doctor Antiquus est censendus. Vidimus ergo supra, ipsum pro errore, & propositione erronea intelligere illam, quæ est contra veritatem certam. Episcopus, quin Archiepiscopus, fuit Theologus, & Canonista Beatus Antoninus, & tamen 3. part. tit. 5. cap. 2. §. 9. opiniones diversas Divi Augustini, & Divi Hieronymi de observatione legalium, & de simulatione Divi Petri non vocat erroneas, & asserit contineri intra illas, in quibus per Divum Thomam licet unicuique abundare in proprio sensu. Et ibidem subdit Antoninus, quòd ante determinationem Ecclesiæ potest excusari, si quis hanc vel illam partem defendat; & sic opinionem contrariam veritati amplectitur. Ergo opinio contraria veritati non semper est conscientia erronea, si per conscientiam erroneam intelligatur, quæ obligat ad peccatum.

18. Audiamus Pelagium in Rosarium. ver. opinio, num. 1. Tertiò quædam sunt annexa fidei, vel Scripturæ,

ut



ut illa, quæ faciunt ad fidei, & Scripturæ explicationem. Et in his illa opinio, quæ magis concordat, & sequitur ad fidem, & Scripturam, est tenenda; Illa autem opinio, quæ sequitur oppositum, & sic est falsa in se, si teneatur ante pertractationem, & determinationem tanquam opinio, potest sine peccato teneri. Sed post pertractationem, & determinationem tenere est peccatum, sicut & opinari falsum de his, quæ determinata sunt per fidem, & scripturam, &c. Hæc ex Bonaventura. Similia scribit Joannes Altenstaig in Lexic. Theolog. V. opinari. Ecce juxta Pelbartum ex Divo Bonaventura est licitum, & non peccat, qui sequitur falsum opinando ante pertractationem, & determinationem de iis, quæ sunt annexa fidei, & Scripturæ. Sed scripturæ annectuntur ea, quæ sunt juris naturalis, & Divini. Ergo ante pertractationem, & determinationem, & sic ante certam cognitionem, licet opinari falsum in jure Divino, & naturali.

19. Si Gonetus Probabiliorista, qui fuit unus ex Revisoribus Vendrochii, est Theologi nomine dignus, certè censura errat in explicatione *Conscientiæ erroneæ*; nam ipse in Clyp. Theolog. tom. 3. disert. de opin. probab. art. 7. num. 266. asserit, Vendrochium errare, dum confundit opinionem probabilem falsam cum opinione erronea. Prima enim illa est, quæ, licet veritatem non attingat, probabili tamen rationi, seu verisimilitudini nititur. Secunda verò probabili rationi, vel authoritati non nititur, sed communi Ecclesiæ testimonio, vel Sanctorum Patrum traditioni repugnat; Unde Theologi in tractatu de fide distinguere solent inter propositionem falsam, temerariam, erroneam, & hæreticam. Sic egregiè Gonetus, quæ Doctrina apud me certissima est, & aliter dicens debet asserere, quòd vel Divus Thomas, vel Scotus opiniones erroneas sustinuerit. De hoc fusiùs dixi suprà.

20. Nec censura bene applicat ad propositum Textum ex quodlib. 9. Divi

Thomæ; vidimus enim suprà, & evidenter probavimus, intelligendum esse ex Divo Antonino, & plurimis Theologis tum Antiquis, tum modernis in materia clara, non obscura. At questio nostra procedit in materia obscura, in qua certa veritas haberi nequit.

21. Prosequitur decretum: *At novi illi Doctores prorsus oppositam statuunt Conscientiæ legem, misserunt scilicet, verane sint opiniones, an falsa, modo sine probabiles, idest, ut ipsi se explicant, modo eas probantibus probabiles videantur, & aliqua nitantur ratione, vel saltem nonnullorum auctoritate Doctorum; Alterutra enim ipsis, ut scietur Caramuel Theol. fund. pag. 132. probabilitas sufficit. Addunt quidem illi nonnumquam rationes, quibus nituntur opiniones probabiles, solidas esse debere, nec ullam probabilitate donandam, nisi quæ non repugnet Scripturæ, & traditioni. Verum hæc conditiones nihil aliud sunt, quàm laquei irretiendis, deludendisquæ simplicioribus insiuti; non enim per solidas illas rationes eas intelligunt, quæ veræ sint; nullæ enim veræ rationes inveniri possunt ad stabilendas opiniones falsas, quibus certè accenseri debet magna probabilitum opinionum pars, quæ, cum sibi invicem adversentur, simul veræ esse non possunt. Hæc ergo illi solidas vocant, quæ solidæ probantibus videntur; hoc vero omnibus sine exceptione erroribus convenit; Nec enim quisquam ullum tueretur errorem, qui non solidas in judicando rationes sequi sibi persuadeat. Addit Vendrochius: En illam, quam ac statis rationum falsarum soliditatem exploiam. Mi Vendrochi, si Doctissimus Episcopus esset infallibilis, benè diceret ab ipso exploiam esse soliditatem rationum falsarum; cum verò sit fallibilis, & de facto hic evidenter erret, ideo malè, & falsò dicis exploiam.*

22. Probemus intentum. Igitur assero, quòd in re obscura opinio mixta gravi fundamento, inquit Caramuel in edit. Secunda Roman: anno 1656. Fundam. 11. de opin. probab. quam possit vir doctus defendere, est regula humanarum actio-

actionum, licet in seipsa esset falsa, & falsa posterioribus temporibus apparet. Insuper assero, in eadem materia obscura opinio, quæ à pluribus Sapientibus defenditur, est bona regula humanarum actionum, cum sic juxta Aristotelem sit probabilis, quamvis in se falsa, & postea falsa appareat. Et addo, quod dicere contrarium est damnare Patres, & Antiquos Scholasticos quoad illas materias, in quibus dissident in opinionibus, *quæ cum sibi invicem (ut utar verbis præfati decreti) adversentur, simul vera esse non possunt.* Ergo, si opinio falsa ex hoc non est solida, nec bona regula actionum, & explodenda, debent damnari Patres, & Scholastici Antiqui, qui falsas opiniones postea comperientur docuisse. Si ergo futuris temporibus Ecclesia Romana declarabit Beatam Virginem fuisse immaculatè conceptam, Divus Thomas erit condemnandus, sicut Divus Bonaventura, Divus Antoninus, & alii Sancti, qui contrarium communiter approbaverunt sustinebant. Huic argumento à me centies inculcato opto responsum.

23. Opinio autem, licet in se sit falsa, solidissimas rationes habet, & à viris doctis, & Religiosis approbatas; sic opinio asserens non dari præceptum de Confessione, tales rationes, & à talibus propugnabantur antiquitus, referentibus Mafistro in 4. dist. 17. & Gratiano de penit. dist. 1. fin. Unde ipse Gratianus dabat licentiam Lectori ipsam amplectendi. Et tamen hæc propositio, quæ illo tempore nomen opinionis merebatur ex Divo Thoma in 4. dist. 17. in exposit. litter. *nunc hæresis est*, ex c. *omnis utriusque*, sed clarissimè ex Conciliis Florentino, & Tridentino. Præterea Thomistæ, & Scotistæ habent rationes solidissimas, & dicere oppositum vapulabimus vel à Thomistis, vel à Scotistis; & tamen sustinent oppositas opiniones; & sic simul vera esse non possunt. Ergo opinio, quæ in se est falsa, potest habere rationes solidas.

24. Sic in materia Philosophica Ari-

stoteles tenuit opiniones falsas; Unde lib. 2. Meteor. cap. 5. tom. 2. per Divum Thomam part. 1. quæst. 102. art. 2. ad 4. ut probabilis sustinuit, circulum æquinoctialem esse inhabitabilem, quæ opinio experientia constitit postea esse falsa. Adhuc tamen omnes opiniones Aristoteles suo tempore habebant rationes solidas; Ergo in Philosophia dantur rationes solidæ pro opinionibus falsis, quandiu sunt in materia obscura.

25. Sic etiam vidimus, Divum Bernardum considerare Deum, & Beatos Angelos opinando, & opinione, quæ per ipsum falli potest; & de facto dedit licentiam, ut opinaremur illos spiritus esse Corpore asserere; & tamen hæc opinio est falsa. Nunquid ergo debemus dicere, opiniones Divi Bernardi, si apparerent falsæ, ut apparuit illa de corporibus Angelorum, non habuisse rationes solidas?

26. Error ergo est duplex. Unus, qui est contra certam veritatem, & hic propriè à Theologis vocatur error te-  
ste Goneto. Alter, qui est contra veritatem occultam, & obscuram, & hic propriè vocatur propositio falsa, quæ potest esse probabilis, quin probabilior, ut patet in opinione asserente circulum æquinoctialem esse inhabitabilem, quæ antiquitus probabilior judicabatur, quamvis in se falsa. Secundus error potest habere rationes solidas, & graves, non itidem Primus. Hinc, quia materia de præcepto Confessionis tempore antiquo erat obscura, tunc utraque opinio, & sic negativa falsa, habebat rationes solidas; Unde magnus ille vir propter rationes oppositas non potuit, se determinare ad asserendam existentiam talis præcepti, & utraque opinio pro illo tempore, sicuti supra dixi, merebatur nomen *opinionis*. Tempore verò posteriori, cum hæc materia sit declarata, utraque pars non habet rationes solidas, sed sola affirmativa, & pars negativa amisit nomen opinionis, & hæresis est, inquit Angelicus. Hinc, cum alterius partis certitudo, aut evidentia accedit, omnes cessant probabilitates,

litate, dicebat Caramuel ubi supra.

27. Quod si quis tueretur errorem contra manifestum Scripturæ testimonium, vel contra decisionem Ecclesiæ, & sic contra certitudinem tueretur opinionem, iudicando *suas rationes esse solidas*, dicimus hunc esse cæcum, qui veritatem lumine perfusam non videat; & quia est cæcus voluntarie, idè peccat, & ejus rationes nullo modo sunt solidæ, cum, si vellet, videret illas esse falsas. Non est autem cæcus ex dictis, qui in re obscura non videt veritatem; sine enim lumine, licet quis habeat oculos, nequit videre. Unde venia est dignus, si in talibus falsum dicit; qua venia dignos credimus Glossatorem, Gratianum, Magistrum, qui in multis, & plures Sanctos Patres, qui in aliquibus hisce materiis falsum docuerunt.

28. *Nec volunt etiam Casuista*, sublequitur decretum, *suas Probabilitates recipi Scripturæ, Traditionisque principis non repugnare; sic enim omnes omnino falsas opiniones submoverent. Quid ergo? Id demum, ut qui eas tuerentur, Scripturæ, ac Traditioni contrariis esse non existiment.* Jure hoc dicunt, & habent pro seipsis Beatum Antonium ubi supra, & alios Antiquos sustinentes illum, qui ante decisionem Ecclesiæ hanc partem tueretur, vel illam.

29. *Quid si habeantur contrarie? nec sic probabilitatem amittent.* Bone Deus! nunquid inter Patres, & Scholasticos Antiquos non dantur opiniones contrarie? vel quia certò dantur, ex hoc, quòd sunt contrarie, probabilitatem amiserunt? Nonne per omnes Antiquos licet varie opinari de divinis Notionibus, usque dum inveniatur veritas certa? Sufficit enim, quòd *iam Casuistas sic dicere*; qui tamen agitent questionem ex professo, & sint docti; Vel si non agitent illam questionem, tamen suas summas confecerint stylo scientifico, & more Doctorum, ut sunt Sylvester ex penè Antiquis, Astensis ex Antiquis, Castropalaus, Navarrus, & Azorius ex Modernis. In rebus enim obscuris facere, quòd doctiores nobis di-

xerunt, non est malum; qua enim ratione tu aseres illud esse falsum?

30. Sed audi Pelbartum num. 19. sic dicentem: Secundum Pan. in c. *Capellanus de Fer.* & in Angelica Summa, ac Antonina excusatur homo, qui sequitur opinionem Doctorum, *quæ postmodum apparet falsa*, nec tenetur homo semper in diversitate opinionum eligere tutiorem, *quia opinio est tuta*, (nota hanc propositionem causalem) *cum habet dulcorem pro se satis acceptum*, & hoc sufficit ad salutem cum tali voluntate, quòd non adhereret ei, si non crederet esse veram. Unde in tali non est contemptus, *nec periculo se exponit*; & sic nec est peccatum inobedientiæ. Nam, si Joachim Abbas non fuit hæreticus, licet tenuit falsum contra Fidem, quia talis Articulus non erat ab Ecclesia damnatus, ergo &c. vellem, quòd Adversarii deducerent Conclusionem, quam Author reticuit. Faciebat ipse questionem, an excusetur homo à peccato, qui sequitur opinionem doctorum, quæ postmodum apparet falsa. Cum doctor teneat affirmativè, conclusio debet esse: Ergo *excusatur homo à peccato sequens opinionem Doctorum, licet postmodum appareat falsa*. Et debet addi, *etiamsi deus opposita opinio*; nam in responsione expressè ait, non teneri in diversitate opinionum eligere tutiorem.

31. Nota Primum, nos excusari sequendo opinionem probabilem, quamvis in se *falsam*, quòd dixit etiam ultra predictos Doctores Baptista de falsis in sua summa V. *ignorantia*, quòd est contra Vendrochium, & contra Decretum. Nota Secundum, in diversitate opinionum sufficere, ut eligamus tutam relicta tutiori; & hanc securitatem provenire, quia habet pro se *doctorem satis acceptum*; Unde non provenit ex ipsa materia, quasi ipsa non possit contineri sub precepto, quia ad illam amplectendam tunc non requiritur, quòd pro illa sit ullus doctor. Debet ergo supponi, ut respondeat titulo questionis, ut materia possit contineri

tineri sub præcepto ; ut autem ius iudicemus non contineri, Pelbartus vult, ut habeat pro se Doctorem satis acceptum. Nos autem ipso Decreto teste exigimus ad securitatem, ut opinio habeat pro se quosdam Casuistas ; & quamvis Decretum non referat alias conditiones, debent tamen subintelligi ; quia, si dicta testium, qui sunt homines idioti, debent interpretari, ne sequatur absurdum, multo magis eadem Charitas adhibenda est in dictis Doctorum. Igitur illi Casuiste debent esse docti, vel questionem tractare ex professio, &c. Caramuel ubi supra exigit, ut defendatur à probis, doctisque, & sufficere, si sint quatuor. Subdit tamen, quòd si alterius partis accedat vel certitudo, vel evidentia, omnes cessare probabilitates. Hinc patet, plus requirere ad sequestrationem opinionis Caramuelem, & nos, quàm Pelbartus cum Angelo, Antonino, & Panormitano.

32. Joannes Nider in consolatur timor, conscientie, par. 3. cap. 11. refert, se legisse in libris Veteribus Dominicanorum, Albertum Magnum responsum dedisse, quòd quilibet cum salute potest sequi in Consiliis, quaecumque opinionem voluerit, dummodo alicuius Magni Doctoris sit ; Idem referunt Antoninus par. 1. tit. 3. cap. 10. §. 10. & Altenstaig. Nescio, an faveat nostræ Doctrinæ dictum Beati Alberti ; video enim in ipso non fieri mentionem de diversitate opinionum, ut nunc est controversia ; scio tamen facere contra intentum prælibati decreti condemnantis Probabilitatem præcisè. Nam dictum cuiuscunque Magni Doctoris non reddit rem certam, sed solum Probabilem ; ergo dictum Alberti approbatum ab Antonino, Nider, & Altenstaig opponitur præfato Decreto.

33. Prosequitur decretum. Tunc enim ex Vasquesio, Sanctio, Escobaria debet quis sibi suadere, quòd sibi ineluctabile videtur, revera non esse, & ab alio solutiones quasdam, ac responsiones inventum iri.

34. Mihi displicet, non notari locum, in quo videatur, an verè refe-

rantur ; quia sic Lector sibi ipsi plene satisfaceret. Vasq. 1. 2. quart. 19. art. 6. disput. 62. cap. 4. num. 18. ait, quòd, si quis solum consideravit rationem aliquam peculiarem contra oppositam sententiam, quæ sibi videatur omnino soluta non posse, non propterea ce- sere debet oppositam opinionem improbabilem, ut eam sequi non possit, quia solo suo iudicio non debet aliorum sententiam improbabilem judicare. Hoc puto omnino certum ; nam nobis aliquando argumenta videntur demonstrativa, cum vix probabilia ab aliis iudicentur ; Et ego legi censuratas aliquas opiniones Scoti, & in particulari illam, quòd Christus ablata visione beatifica possit peccare, ob quasdam rationes, quas certas iudicabant, quas tamen Scotista levi negotio solvunt, & ego cum ipsis. Sic etiam Lactantius instit. divin. lib. 3. cap. 24. asserbat quasdam argumenta adeo sibi certa, ut alios in opinione opposita persistentes in stultitia perseverantes affirmaverit. Ibi autem Lactantius negabat Antipodas. Experientia autem compertum est, hanc aliorum stultitiam veritatem evasisse, & argumenta adeo Lactantio certa Sophistica apparuisse ; Ergo evidenter sequitur, quòd quis solo suo iudicio non debet fidere ; Unde, si sibi quædam ratio insolubilis videatur, per quam aliorum opinio improbabilis esset censenda, & sic à se in praxi illa opinio non esset deducenda ; adhuc debet humiliare intellectum suum, & iudicare fortè se decipi, & à Doctoribus oppositis responsionem, & solutionem inventum iri ; & sic adhuc illam opinionem remanere probabilem, & à se deducibilem in praxi. Sic etiam Dominicus Soto in 4. dist. 5. art. 11. iudicavit, opinionem omnium Antiquorum docentium, non posse baptizari infantem in uteris maternis inclusum, esse decissam à Canone, qui in maternis, & à Canone si ad matris de consecr. dist. 4. Unde per hoc inferebat, nemini licere hæsitare de hac opinione. At ego dico, errasse Sotum dicendo illam opinionem esse decissam in iure, quòd infra demon-

demonstrabo. Legamus antiquos, & videamus, an ipsi dicant, quæ scriptis Vasq. Nider in consolat. timor conscient. part. 3. cap. 19. docet: Ad idem est Matthæus de Cracovia lib. de ration. divinor. oper. ubi sic dicit: hoc argumentum non est bonum: nescio solvere dubium, quod circa hanc conclusionem occurrit; igitur debeo de ea dubitare. Ratio est, quia magna dubia occurrunt circa conclusiones Geometricas, & infallibiliter demonstratas. Item similiter circa fidei conclusiones. Item non est materia tam facilis, quin subtiliter investigantibus occurrant in ea, quæ vix aliquando, aut nunquam fortè plene possunt absolvi.

Si mea mens non rœ decipit, iste Matthæus, & Nider dicunt, quæ scribit Vasquez; & tamen nec Nider, nec Matthæus censurati fuerunt, ut nunc accidit Vasquezio.

35. Itaque ex illis Casuistis, verba sequentia Censuræ, ut aliqua opinio plenam habeat in conscientia securitatem, ad demum requiritur, ut qui eam suis consentaneam cupiditatibus iudicat, vel propter aliquam apparentem rationem, vel etiam contra propriam rationem, propter solam nimirum aliorum auctoritatem eam esse probabilem, nec evidenter falsam sibi in animum inducat.

36. Hæc particula continet quædam verba causantia malum sensum apud ignorantes, & devotos, quæ tamen in bonam partem à doctis accipi possunt. Sunt autem illa: suis consentaneam cupiditatibus iudicat. Ignorantes, & devoti putant esse malum suis cupiditatibus satisfacere, quod tamen non est malum, quia malum non est cibus, v. gr. etiam delicatis famis cupiditati satisfacere, &c. Malus ergo sensus tollitur, si reponantur verba; Ut quicquid sibi avertentem iudicat, vel melius, ut qui eam benignam iudicat, quæ est phrasîs Divi Antonini par. 1. tit. 3. cap. 10. §. 10. reg. 7. dum vult explicare opinionem, quæ favet homini, & ipsum liberat à iugo legis.

37. Continet etiam verba non plenè explicantia opinionem nostram, & sunt

illa: apparentem rationem. Scrupulus, Suspicio, Temeritas faciunt apparere aliquid. Nunquid Probabilistis impingemus, quod apparentia facta à Scrupulo, à Suspicionem, à temeritate sit sufficiens ad Probabilitatem? Quænam ergo apparentia sufficiat, ex dictis colligitur, sicut etiam colligitur responsio ad alia hujus particule.

38. Sic humana ratio quamlibet ceca, alia particula ejusdem decreti, & peccato depravata certa nostrorum actuum regula constituitur, cui suum iudicium Deus ipse accommodare debeat, intensesque pronuntiat, quos Divina Lex damnat, & humana Probabilitas absolvit. Lex Divina damnabat simulatores, & Divus Hieronymus cum Patribus Græcis absolbebat. Lex Divina damnabat rebaptizantes baptizatos ab Hæreticis, Cyprianus, & octuaginta tres Episcopi absolbebat. Lex Divina damnabat non Confitentes peccata, Glossa, & alii viri Religiosi, & docti absolbebat. Lex Naturalis damnabat Spadones, quavis vigram erigentes, si matrimonium contrahant, Glossa illos absolbebat. Debeo protequi Concionem? Sicut ergo debemus dicere, quos Lex Divina obscure proposita damnat, potest humana Probabilitas Antiquorum absolvere; ita in casu simili de Probabilitate Modernorum est affirmandum, & de humana ratione, quam cæcæ vocat Decretum; sed pace doctissimi Episcopi, non bene sic vocat; nam, sicut Cæcus non dicitur ille, qui in tenebris ambulans errat viam, ita non debet dici ratio humana cæca, dum in rebus obscuris operans non videt veritatem. nunquid videri potest objectum obscurum?

39. Sic nescio quibus scriptoribus, nunquam ab Ecclesia probatis, genus quoddam infallibilitatis tribuitur ab ea longè diversum, quàm in Catholica Ecclesia Catholici omnes agnoscunt. Alia particula Decreti.

Non tribuimus aliud genus infallibilitatis nostris modernis, quod non sit tributum Antiquis, etiam non probatis ab Ec-

ab Ecclefia. Nunquid Ecclefia probavit Gloffas Canonicas, quæ licet fint parvus liber, continent tot, & tantos errores, ac hærefes? Inveni in libris magnis, & multis Magni Suarii tot errores, ac hærefes, & libens fubfcribam, nec Magnum Suarium efle bonum ducem confeientię dicam.

40. Propterea enim falli nos ab Ecclefia non poffe confidimus, quia promiffi à Chrifto Spiritus munia præfidio nec in fide ipfa, nec in morum regulis falli poteft. Alia propositio decreti.

41. Quæro, an ad bene operandum neceffariò requiratur Regula, quæ habeat infallibilitatem Ecclefie; & fic opiniones oppofitæ Divi Bonaventuræ, Thomæ, Scoti, & Patrum non erunt bonæ regulæ. Vel non eft neceffaria infallibilitas Ecclefie ad bene operandum, & fugiendum à peccato; & fic poffumus tribuere modernis fecuritatem fufficientem in fuis Regulis ad bene operandum, & à peccato fugiendum.

42. At illi contra, cum fe fapius errare, nec ullam fibi veritatem in opinionibus probabilibus certam cognitionem adefe fcieantur; Immo cum alius alii inter fe oppofiti fint, adeoque plures errore teneri neceffe fit; inaudita tamen abfurditate incertos fe ad veritatis viam ducere certos ad veritatis Regnum profitentur, nec minus tuò animas à fe regi contendunt, cum à via decurrant, quam cum rectam infiftunt viam. Poftremo non minus tutum in ore fuo efle mendacium, quam in ore Chrifti, Apoftolorum, & Patrum veritas fuit. Hæc eft poftrema particula decreti quoad illam partem, in qua damnat opinionem Probabilem. Profequitur poftea ad damnationem opinionis minus Probabilis, quam iuo loco confiderabimus.

43. Auguftinus ipfe, & multò minus alii finguli Patres, & adhuc multò minus Scotus, Richardus, & alii Antiqui Scholaftici certam cognitionem in fuis opinionibus, in quibus diverfimodè opinabantur, profitebantur. Unde, quia Auguftinus femel Hieronymo videbatur, quòd iudicaret fuam opinio-

nem certam, animadvertitur, ut teneret quidem, quod fibi placebat, fed non damnaret aliena. Adhuc tamen, & Auguftinus, & finguli Patres, & Scotus, & Ricardus, & alii Antiqui Theologię Proceres, quamvis incertas opiniones tenentes, funt duces certi ad veritatis Regnum perveniendi. Ergo etiam, licet moderni tueantur opiniones incertas, ex hoc non funt arcendi à certo ducatu ad veritatis Regnum. Unde pro certo dicimus, & inculcamus omnibus modis, opinionem incertam, *probabilem tamen*, efle certam regulam in rebus obfcuris noftrarum operationum, & in iifdem rebus obfcuris opinionem in fe fallam, fed nobis probabilem, efle tam tutam, quam opinio vera fit fecura. Et loquendo de opinione probabiliffima eft clarè decifum ab Alexandro Octavo, ut vidimus, num. 3. & loquendo de Probabiliori eft pene omnium Theologorum, qui Theologiam ediderunt.

44. Poftremò quæro. An, fi deciderentur quæftiones, in quibus diverfa opinantur inter fe Sancti Patres, & Scholaftici Antiqui, Scotus, Richardus &c. illi, qui partem damnatam defendiffent, dixerint mendacium? Si decernitur, Beatam Virginem fuiſſe immaculatè conceptam, Beatus Thomas dixitne mendacium? utique non, quia mentiri eft contra mentem ire; Cum ergò ipſe opinatus fit, rem ita fe habere, non eft mentitus c. *Is autem*, 22. quæft. 2. & ita à pari dicam de Modernis. Præterea moderni dicunt, v. gr. Probabile eft, nos non teneri ad confitendas circumftantias aggravantes &c. fi decideretur, dari præceptum de confeſſione talium circumftantiarum, non per hoc moderni illi fallum dixerunt, nam illa propositio eft modalis, in qua modus prædicatur de dicto; Nunc decifio non eſſet de propositio- ne modali, fed de categorica; & fic propositio modernorum non fuiſſet falſa. Divus Thomas part. 1. quæft. 102. art. 4. dicebat, communiter probabilius reputari, lineam æquinoctialem efle inhabita-

bitabilem, quia inventum est esse habitabilem, forsitan Doctor Angelicus mentitus est?

45. Igitur iustificans opinionem probabilem in se falsam, non mentitur, quia opinans fallum ex Divo Bernardo nescit, esse falsum, sed querit verum, atque adeo verba respondent menti; & sic nullum ibi mendacium. Illa verba Decreti: *Postremo non minus tutum in ore suo esse mendacium, quam in ore Christi, Apostolorum, & Patrum veritas fuit*, non sunt ad propositum. Addimus tamen propositionem in se falsam, nobis tamen probabiliter apparentem ut veram, non esse tam tutam, ut veritas in ore Christi &c. quia veritas est tuta; tum in materia clara, tum in materia obscura, tum in necessariis necessitate mediis, ac praeceptis. Non sic autem illa propositio, quae est falsa in se, & nobis probabiliter vera apparet, nam hae solum est tuta in praeceptis, non in mediis, & in praeceptis obscuris, non clavis. Si enim in obscuris praeceptis non possumus scire veritatem; quare venia dignus non ero, si errem?

46. Si digni sunt venia Hieronymus, Cyprianus, plures Patres Graeci, & Africani; Glossator, Gratianus, Magister, & alii famosi Proceres Antiqui, quamvis aliquoties opiniones probabiles antiquitus, detectas verò falsas hisce temporibus docuerint, quare tali venia indigni erunt moderni? Magister ad minus sexdecim errores sequutus est, & pauca scripsit, & tamen dignus est venia. Suarez, Valquez, Medina, Azorius, & alii moderni valde plura scripserunt, & minus errarunt, quod communiter error existimetur, erunt venia indigni?

## CAPUT XXVI.

*Plura objecta Vendrochii à Ratione desumpta evolvuntur.*

1. **E**X parte hae solvit egregie Gonetius tom. 3. disert. de opin. probab. art. 7. §. 5. ideo breviter attingemus, & diluemus, praecipue cum ex doctrina data pro responsione ad auctoritates facillime omnia solvantur.

2. Vendrochius ergo not. 1. epist. 5. sect. 2. §. 3. objicit primò: Certum est, sine gratia nullum opus esse bonum, sicut certum est, per gratiam semper immitti in animum cognitionem veritatis, & Charitatis ardorem. Utrumque habetur ex Tridentino sess. 6. ergo cum opinio probabilis falsa non sit à Spiritu Sancto, illa actio non erit bona; praecipue cum Ecclesia canat, quod sine numine Spiritus Sancti nihil est innoxium.

3. Si Vendrochius legisset Scotum in 1. distinct. 17. quaest. 3. §. quantum ad primum artic. invenisset, quod ex nullo actu, quem experimur, nec ex substantia actus, nec ex delectatione, sive satisfactione in operando, neque ex bonitate, sive rectitudine morali actus possumus concludere, aliquem talem habitum supernaturalem, Charitatis, inesse. .... quia vel actus potest ex sola potentia habere omnia praedicta concurrente ratione reflecta. .... vel si concurreret habitus, posset iste esse aliquis habitus acquisitus. Unde per hunc textum concludunt Scotiste, actum Charitatis in via non esse supernaturalem quoad substantiam, & essentiam actus, sed naturalem, uti & alios actus virtutum Theologicarum, ut videre licet apud Mastrium in 3. disp. 6. quaest. 6. pro qua alios Antiquos refert; hinc suslinent, praecipue Faber in 1. disp. 61. cap. 3. nos sine gratia posse amare Deum super omnia amore amicitiae, etiam efficaciter, pro brevi tempore.

4. Si ipsum quoque legisset in 2. distinct.

finct. 28. quæst. 1. §. *ad quaestione potest dici*, observaret cum ejus Scholiaste, quod Scotus cum communi fere omnium sententia supponit, hominem sine gratia posse cavere ab omni peccato civilium. Quod si legisset Modernos, vidisset, uno excepto Vasq. 1. 2. disp. 190. vel aliquo alio, quod homo sine gratia possit aliquod opus bonum morale ex omni parte bonum facere; & vidisset hanc veritatem probari ex damnatione articulorum Bani facta à Gregorio XIII. & Pio Quinto; Qui Bajus num. 28. dicebat, quod liberum Arbitrium sine gratia; & Dei adjutorio non nisi ad peccandum valet; quæ autoritas est omnino efficax tenendo, quod non dantur actiones indifferentes in individuo. Nec Tridentinum sess. 6. contradicit; nam vel loquitur de operibus supernaturalibus; vel si naturalibus, loquitur de iis collectivè; unde tanquam de fide certum puto, quod homo *sine gratia nequit jussu vivere*, ut dicitur can. 2. Non autem iuste vivit, qui observat hoc, vel illud præceptum, sed qui omnia. Quin subdo cum Mastrio ubi supra, & aliis Scotistis, quod Tridentinum non negat, *posse nos credere, sperare, diligere, aut panitere sine gratia*; sed addit, *sicut oportet, ut justificationis gratia conferatur*. Quæ verba solum de Fide, spe, amore, & penitentia supernaturali intelliguntur; quia Fides, spes, amor, & penitentia naturalis non sunt dispositiones ad justificationem. Ergo dicere, quod homo sine gratia possit credere, sperare, amare, & panitere de peccatis, quamvis sint actus boni, si tamen non sint, *sicut oportet*, non est contra Tridentinum. Nec Vendrochius afferat contra nos Sanctos Patres; namque jam à Vasq. longa serie sunt relati, sed ab aliis plurimis sunt explicati ad bonum sensum; quin Scholiastes assert pro nobis alios.

5. Quod si possumus sine gratia aliquod bonum opus ex omni parte bonum operari, multo magis veritates, etiam practicas, naturales tamen, sine gratia poterimus attingere, & hoc puto ex-

preisè esse sententiam Divi Thomæ dicentis 1. 2. quæst. 109. art. 1. ad 1. in expositione Divi Pauli 1. ad Corinth. 12. Nemo potest dicere Dominus Jesus, nisi in Spiritu Sancto; dicentis, inquam, *omne verum* à quocunque dicatur à Spiritu Sancto, *sicut ab infundente naturale lumen, & movente ad intelligendum, & loquendum veritatem*, non autem sicut ab inhabitante per gratiam gratum facientem, vel sicut largiente aliquod habituale donum naturæ superadditum. Notæ illa verba: *sicut ab infundente naturale lumen*. Et clariùs lect. 1. cap. 15. Joannis exponens illa verba, *sine me nihil potestis facere*, ait: Opera nostra *aut sunt virtute natura, aut ex gratia Divina*. Si virtute naturæ, cum omnes motus naturæ sint ab ipso Verbo Dei, nulla natura ad aliquid faciendum moveri potest sine ipso. Si verò virtute gratiæ, cum ipse sit author gratiæ, manifestum, quod nullum opus meritum sine ipso fieri potest.

6. Sed audiamus Magnum Suarium lib. 1. de neces. gratiæ cap. 2. num. 5. sic concludentem; Vera tamen resolutio hujus quæstionis est ..... unam, vel alteram, atque adeo singulas practicas cogitationes honestas, & sufficientes ad actus bonos de objectis proportionatis naturali lumini, regulariter haberi posse absque speciali gratia. Hac est communis sententia in 2. dist. 28. ubi Bonaventura. art. 2. quæst. 3. Alb. Scot. Richard. Durand. quæst. 1. Gabriel art. 2. concl. 1. Egid. dub. 2. Soto lib. 1. de Nat. & Grat. cap. 10. & lib. 3. cap. 4. Vega in Opul. de Justific. Driedon. de capt. & redemptione. gen. hum. tract. 2. cap. 1. Bellarm. lib. 3. de gratia, & libro 4. cap. 1. & 2. & sine dubio est sententia Divi Thomæ in d. art. 1. quæst. 109. ut ibi docent fere omnes. Ita Magnus Suarius. Unde Vendrochius nequit negare, hanc nostram opinionem esse absolute probabilem; & sic falsum esse, quod certum sit, gratia semper immitti in animum cognitionem veritatis; nam probabile est, imò probabilius, *natura aliquando immitti in animum cognitionem veritatis, etiam practi-*



*practica.* Nec Vendrochius in vanum laboret asserendo in contrarium Patres, & Concilia; nam magnus idem vir plura retulit, & docuit modum omnia rectè explicandi.

7. Apertè autem est falsum illud, dum dicit: *certain est, grâcia s'empere im-  
mettre in animam charitatis ardeur*; hæc enim propositio est error apertus, & damnatus ab Alexandro octavo num. 14. *Timor Gebenna non est supernaturalis.* & num. 15. *Attritio, que Gebenna, & pa-  
marum metu concipitur sine dilectione bene-  
volentia Dei propter se, non est bonus  
metus, ac supernaturalis.* Ecce eviden-  
ter actus bonus sine, nedum *charitatis  
ardore*, sed etiam simpliciter sine dile-  
ctione Charitatis. Legat Lector alia  
ibi damnata, & videbit suum errorem.  
Quero insuper à Vendrochio, an peccator  
in mortali existens possit elicere actus  
bonos supernaturales; Si negat, aper-  
tè est contra Tridentinum sess. 6. cap. 5.  
& 6. ubi admittit in peccatoribus actus  
supernaturales Fidei, & spei ante justi-  
ficationem. Si concedit, jam datur gra-  
tia sine Charitatis ardore, cum ardor,  
& fervor Charitatis nequeat stare cum  
peccatore; Charitas enim operit multi-  
tudinem peccatorum.

8. Respondetur ergo in forma ad Ar-  
gumentum, negando antecedens quoad  
omnia; quia, ut probavi, datur opus  
bonum naturale, & cognitio veritatis,  
etiam practica; sine gratia, & gratia  
sine Charitatis ardore. Nec Tridenti-  
num ipsi favet, inò opponitur, ut pa-  
ret ex modò dictis. At consequentiam  
pro nunc illam concedo; Ad illud, quod  
subinfertur, nego, quod, si actio à  
gratia non est, nequeat esse bona; se-  
quitur enim solum, quod non sit bona  
supernaturaliter, quod ut dogma de fi-  
de concedo. Est tamen bona bonitate  
naturali, quæ actio bona naturaliter  
offert à Spiritu Sancto, *ut infundente na-  
turale lumen*, dicebat D. Thomas; Unde  
sine numine Spiritus Sancti, saltem *ut  
infundente naturale lumen, & movente  
ad intelligendum veritatem, nihil est in ho-  
mine, nihil est innoxium*, ut canit Ecclesia.

9. Objicit secundo: Peccatum defini-  
tur per Augustinum, & Theologos,  
quoddam dictum, concupitum, vel factum  
contra legem Dei æternam; ergo actio facta ex opinione probabili falsa  
est factum contra legem Dei æternam;  
& sic est actio peccaminosa. Hinc  
Divus Thomas 1.2. quest. 19. art. 4. docet,  
*bonitatem voluntatis pendere ex lege  
æterna.*

10. Sciunt, etiam pueri, illud axioma  
Philosophicum, nihil volitum, quin præcognitum; & pariter omnes  
sciunt, peccatum esse voluntarium.  
Hinc certum quoque est, laborantes  
ignorantia invincibili non peccare. Hinc  
iustissime præscripta est ab Alexandro  
Octavo num. 3. hæc propositio: *Tametsi  
detur ignorantia invincibilis juris natura-  
læ, hæc in statu naturæ lapsæ ope-  
rantem ex ipsa non excusat a peccato  
formali.*

11. Apud autem Theologos certum  
pariter est, legem æternam esse regula  
bonitatis humanæ remotam; hu-  
men verò rationis esse regulam proxima-  
m; Cum enim regula proxima de-  
beat esse homogenea cum regulato ex  
Aristot. Metaphys. 10. tox. 4. & Divo  
Thoma 1.2. quest. 19. art. 4. ad 2. & lu-  
men rationis sit homogeneum volunta-  
ti humanæ, non verò lex æterna, ut  
expressè dicit ibidem doctor Angeli-  
cus, sequitur evidenter, lumen ratio-  
nis esse regulam proximam, legem ve-  
rò æternam esse remotam voluntatis  
humanæ. Et quia remota causa, ut  
agat, debet applicari per proximam,  
hinc, ut Lex æterna sit regula, de-  
bet applicari per lumen rationis; Un-  
de Sanctus Doctor ad 3. facetur, le-  
gem æternam applicari nobis vel per *ratio-  
nem naturalem, vel per aliqualem re-  
velationem superadditam.*

12. Ex hac Doctrina patet responsio  
ad objectum. Peccatum formaliter sum-  
ptum, & sic nobis imputabile, est di-  
ctum, concupitum, & factum contra  
legem Dei æternam, quæ tamen sit no-  
bis applicata, vel per *rationem natura-  
lem, vel per aliqualem revelationem su-  
perad-*

*peradditum*; Peccatum *materialiter sumptum*, & sic nobis non imputabile, est dictum &c. contra legem, quæ nullo modo sit nobis applicata, vel per rationem, vel per revelationem. Explico. Dementes, & omnes laborantes ignorantia invincibili faciunt materialiter, & ex parte rei contra legem; non tamen eis imputatur, nec peccant formaliter ex Alexandro Octavo. Hoc autem ideo est, quia illi nullo modo cognoscunt, esse contra legem Dei. Et si Argumentum concluderet, inferret Jacob peccasse cognoscendo Liam, & maritum peccare habendo copulam cum muliere perversè introducta; hi enim ex parte rei faciunt contra Legem Dei æternam. Ad textum Angelici ibidem ipse se explicat, quomodo voluntas humana pendeat à lege æterna, & à lumine rationis; dicit enim pendere à lege velut à regula remota, à lumine vero velut à regula proxima, & homogenea.

Obijcit Tertium Argumentum fundatum in variis Textibus Augustini, in quibus dicitur hominem injustum non posse fieri justum, nisi se convertendo ad quandam Justitiam, idest Deum, à qua si recedis, injustus es, si accedis, justus es. Ita dicit lib. 2. cap. 19. de liber. arb. & serm. 44. de diver. cap. 6. dicebat: *Ille jussu vivit, cum eam, Justitiam, videt, ut secundum eam actus dirigat, quia nisi secundum justitiæ regulam direxerit actus suos, in errorem iniquitatis impingitur.*

13. Respondetur ad primum Textum, hominem ex peccatore non posse fieri justum, nisi ad veram justitiam, idest ad Deum convertatur, ut est de fide ex Tridentino sess. 6. hoc autem fit, vel per Contritionem supernaturalem Charitate perfectam extra Sacramentum, vel per Attritionem cum Sacramento ex Tridentino sess. 14. cap. 4. Et si illi actus, etiam invincibiliter, non essent supernaturales, ille de injusto non fieret justus, quia ad justificationem requiruntur actus ex gratia elicit, ut fides docet. Nemo autem dixit ex Catholicis oppositum, & nostra Doctrina procedit in or-

dine ad cavendum à peccatis, & ad bene operandum, non verò in ordine ad justificationem obtinendam, & ad superlenda media pro consequutione finis.

14. Ad alium Textum evidenter patet, Augustinum loqui de materiis clavis, non obiculis, dicit enim, *Cum eam videt.* Numquid in controversiis, in quibus Catholici Tractatores juxta Seraphicum variè opinantur, illi vident justitiam? Si vident justitiam, cur non conveniunt, sicut faciunt in assertionibus juxta eundem Sanctum Doctorem? vel in rebus visis potest haberi nedum opinio, sed etiam varia? Præterea, nunquid Catholici tractatores variè opinantes possunt dici *impingere in errorem iniquitatis*? Nos autem loquimur, & dicimus opinionem probabilem solum habere locum in *rebus obscuris*, in quibus justitia videri non potest, sed solum illam opinari valemus. Præterea, sicut per ignorantiam invincibilem juris naturæ excusatur à peccato formalis ex Alex. 8. & maritus accedens invincibiliter ad non suam non peccat; & hoc quia, tunc nequit scire veritatem. Sic opinantes in obiculis, cum nequeant scire veritatem, excusabuntur, si veritatem non attingant.

15. Obijcit quartò illud Scripturæ, *Justus ex fide vivit*, & illud aliud ad Romanos 14. *Quod non est ex fide, peccatum est*; quibus significatur, ait Vendrochius, tunc justus, ac vivas actiones hominis, cum lumine fidei diriguntur, malas esse, si non diriguntur. Alia enim vita rationis, alia fidei. Vita rationis præluet Ratio, vita fidei fides. Illam invenit Christus in mundo, hanc intulit Christus in mundum. Ratio rationis Probabilitas, fidei constant, ac certa veritas. Itaque, qui probabiliter errantem, ac falsam sequitur, *ratione fortasse vivit, quæ eras Gentilium vita.* Fide non vivit, quæ Christianorum vita est. Ideò autem fide non vivit, quia fides falsa fides non est, inquit Bernardus. Jam vero ex Apostolo, omne, quod non est ex fide, peccatum est, quod de vera, & Christiana fide di-

dictum, & Bernardus loco citato, & sexcenties Augustinus affirmat; aut si de conscientia accipiat, ut vult Divus Thomas, certè de conscientia intelligendum est, quam dirigit fides, ut idem significat.

16. Ecce quòd Vendrochius concedit Probabilitatem fortasse fuisse rationem, qua vivebant Gentiles. Quia Vendrochius nequit ostendere, quòd Hebræi in omnibus actibus fuerint obligati agere ex fide supernaturali; ergo Probabilitas errans fortasse ratio erat, qua vitam ducebant Hebræi. Quia verò nec potest ostendi ratio, qua Christiani semper obligentur ex fide operari; ergo saltem aliquando Christiani poterunt vitam ducere ex probabilitate, quamvis in se falsa. Antecedens vero est manifestum, quia probabilis est opinio Divi Bonaventuræ, & Scoti, & aliorum asserentium, dari actiones indifferentes in individuo; Actio autem facta ex fide necum est bona, sed bona supernaturaliter.

Illam autem verba, *omne, quod non est ex fide, peccatum est*, probabilius est, quòd intelligantur de conscientia. Audi Magnum Suarium 1. 2. tract. 3. de humani actuum bonitate, & malitia disp. 12. sect. 4. num. 1. explicantem illum textum, *idest, quod non est secundum conscientiam*, ut constat ex ipso contextu, & ex omnibus, seu Græcis, seu Latinis exponentibus, & ex Pontificibus supra relatis; Unde, sicut Hieronymus, & Beda, & Augustinus 4. contra Julianum cap. 3. interdum exponant de fide infusa, tamen non excludunt priorem expositionem. Cui credas? Magno Suario dicenti meliorem explicationem illius textus esse de conscientia, an Vendrochio, cui melius videtur intelligendum esse de fide infusa? Ego proculdubio Suario accedo.

17. Respondetur ad Argumentum, falsum esse semper actiones Christianorum esse malas, si à lumine fidei, hoc est à theologia virtute non dirigantur, quia dantur actus indifferentes in individuo; Et quia ex dictis dantur actus

boni morales naturales. Sed audiamus Divum Thomam explicantem illum textum, *omne quod non est ex fide, peccatum est*, lect. 3. in eod. capite: cum dicitur opus omne, quod non est ex fide peccatum est, sic est intelligendum: *Omne, quod est contra fidem, vel contra conscientiam*, peccatum est, & si ex genere suo bonum videatur, puta si Paganus ad honorem suorum Deorum Virginitatem servet, vel Eleemosinam det, hoc ipso peccat. .... *quia omnis infideliter vivens, vel agens vehementer peccat*. Cum ergo operans ex opinione probabili, *quamvis in se falsa*, non agat contra fidem, cum nullibi fides doceat oppositum; nec pariter agat contra conscientiam, quia tunc nequit scire veritatem; ergo operans juxta probabilem opinionem non facit contra Divum Paulum.

18. Obijcit Quintò: De se dicit in Evangelio Christus: Ego sum via, veritas, & vita, quibus verbis *ex consentiente traditionis sensu ad vitam perveniri non posse demonstrat, nisi per veritatem*; ergo ad vitam non ducit opinio probabilis, quæ licere asserit, quòd revera coram Deo non licet.

Audi consequentiam, quam ego infero, si obiectio valet. Ergo Ecclesia nequit decidere, quòd teneamur præcepto Divino ad explicandas circumstantias aggravantes, & præcipue nequit decidere, quòd sit teneatur dicere, se furatum fuisse centies milles aurea, quia Divus Thomas tennit non dari talem obligationem, & Divus Antoninus expressè dicit, furem non teneri ad explicandam quantitatem furti. Consequentia probatur, quia si declararet falsas tales opiniones, sequeretur, illos Sanctos esse in Inferno; cum enim docere falsum contra legem Dei æternam sit peccatum mortale, unde tenetur, ait Divus Thomas quodlib. 5. art. 25. *cum omnibus modis revocare, & maxime si ex ea sequatur spiritualis damnum*, ut est in casu nostro, cum sit causa infinitorum peccatorum mortalium, & illi Sancti mortui sint cum illa Doctrina, nec unquam retractaverint, aut retractaro

stare mandaverint, sequitur, quod essent mortui in peccato mortali, & in inferno sepulti. Quis autem non horreat hac audire? Imò quis fidelium saltem piè non credat, illos esse in Cælo Beatos, ut vult D. Thom. quod 19 art. 16?

19. Quin subdò, omnes Doctores, qui ab initio Ecclesiæ docuerunt, imò etiam Patres, si paucos excipias, & omnes Episcopus, Parochos, & Confessarios, qui fuerunt, sunt, & erunt, Orco damnandi erant. Cum enim sint homines, & omnis homo mendax, impossibile est, quod aliquod falsum, & legi Dei contrarium non docuerint. Si Cyprianus circa octuaginta tribus Episcopis erravit rebaptizando baptizatos ab Hæreticis, majori pure suspicari non poterimus, singulos alios Episcopos erraturos?

20. Respondetur ad Argumentum, evidenter esse falsum, sensum consentientem Traditionis explicare, solam veritatem, hoc est, solam propositionem, quæ in se sit vera, esse viam ad vitam æternam. Dicimus enim, & experientia videmus, omnes Doctores docuisse aliquam propositionem, quæ in se erat falsa; & tamen non per hoc illi Doctores, quorum aliqui sunt Sancti, damnati sunt. Nec Magister Sententiarum, nec Gratianus, nec Glossator, quamvis pluries falsum dixerint, per hoc Averno addicimus. Hæc tamen Doctrina valebit, ut centies dicebam, in materiis obscuris, & quoad præcepti violationem. Hæc Doctrina solvitur ejusdem Vendrochii argumentum, quod num. 6. habet, in quo refert alias Scripturas, in quibus dicitur, vias Domini esse vias veras &c.

21. Objicit Sextò: Opera bona in Scriptura dicuntur opera lucis, mala opera tenebrarum; Lex autem illa ipsa est veritas ipsæ Christus, qui de se dicit: Ego lux veni in mundum. Quæro igitur, an actio æternæ veritatis contraria sit opus lucis? Hoc si nemo dicere audeat, quid restat, nisi ut sit opus tenebrarum? Cum nemo dicere audeat, Patres inter se oppositos, sicut & Scho-

lasticos antiquos, & celeberrimas Scholas Thomistarum, & Scotistarum facere opera tenebrarum operantes juxta illas opiniones oppositas; idè quilibet debet dicere opera, elicitæ juxta opinionem probabilem in se, licet æternæ veritati contrariam, esse opera lucis, non opera tenebrarum.

22. Quia forsitan Guilielmus Parisiensis, & Guilielmus Alctisiodorensis non poterant capere ex cognitione probabilis, & in se falsæ, sequi actum bonum voluntatis; idè ille tract. de leg. cap. 21. dixit, Prædicatori falsum Concionanti non posse non licitè credere, & martium non posse licitè habere rem cum muliere, quam credit esse uxorem suam; & hinc Jacob peccasse cognoscendo Liam. Ille autem in 3. tract. 8. cap. 4. de latrâ quæst. 5. fin. dixit, peccare subditum credentem suum Prælato, qui falsum prædicat, & ibidem in solut. ad ult. quæst. primæ scripsit, quod fidelis non debet credere simpliciter Corpus Christi esse sub hac forma, idest, sub his speciebus, sed debet credere Corpus Christi esse sub hac forma, si ritè facta est consecratio; potest enim decipi Sacerdos, qui porrigit hostiam; unde fidelis non debet credere sub hac forma esse Corpus Christi, nisi sub conditione prædicta, idest, si est ritè consecrata.

Ego puto pro certo, quod si uxoriati omnes legerent Doctrinam illam Parisiensis, justissimè conquererentur de tanto rigore, & illum dimitterent cum justissima ira. Sed de hoc alibi.

23. Quod attinet ad secundum Casum; Albertus in 3. dist. 9. art. 11. asserit, quod, si Sacerdos, qui dat hostiam adorandam, sit notus, tunc eo ipso conditio probabiliter (nota bene terminum hunc, probabiliter, qui excusat à peccato adorantem hostiam non consecratam) præsupposita est ab adorante, quod scilicet sit hostia consecrata. Si autem Sacerdos sit ignotus, & nota sua negligentia inducunt, tunc vel actualiter, vel habitualiter debet apponi conditio. Hanc doctrinam approbat quoque dist. 23. art. 3. fir.

24. Divus Bonaventura in 3. dist. 24. art. 1. quæst. 1. ad 6. dicit, quod omnis fidelis rectè adorans Hostiam Consecratam, adorat sub conditione, si perfecta sunt circa ipsam ea, quæ ad consecrationem sunt necessaria. Richardus art. 1. quæst. 3. ad 2. ait, non oportere, quod fidelis semper habeat istam conditionem (si perfecta sunt circa &c.) in cogitatione actuali; unde per ipsum oportet, quod illam habeat, vel actualiter, vel habitualiter.

25. Thomas Argent. quæst. 1. art. 2. ad 3. ait, adorandum esse illam hostiam cum illa conditione, si rite facta sit consecratio, vel actualiter, vel habitualiter adjecta. Stephanus Brulifer quæst. 1. idem omnino sustinet, quod Doctor Seraphicus. Dionysius Carthus. in 3. dist. 9. 9. postremò secunda secunda recitat dictum Alberti Magni suprà relati, & cum eo concordat; unde illum non refert. Gabriel lect. 50. can. Missæ dub. 2. ait: non est opus, ut adorans hostiam in Missa actualiter, seu expressè conditionem apponat, sed sufficit si habitualiter, hoc est, tacitè, vel expressè. Eadem habet in fine, & subdit hand dubium, quin fidelis quisque requisitus responderet, nequaquam adorarem, si consecratio non esset debite facta. Alen. ex parte 3. quæst. 68. membr. 7. art. 1. ad 3. videtur dicere, hostiam esse adorandam non simpliciter, sed conditionaliter, scilicet, si facta sunt ea, quæ exiguntur secundum formam traditam à Christo.

26. His Doctoribus videtur adhærere Divus Thomas 2. 2. quæst. 1. art. 3. ad 4. quatenus dicit, quod fides credentis non refertur ad has species panis, vel illas, sed ad hoc, quod verum Corpus Christi sit sub speciebus panis sensibilis, quando rectè fuerit consecratum. Sed clarè ipsis consentit in 3. dist. 9. qu. 1. art. 2. quæst. 6. ad 2. ubi dicit: quod, qui adorat hostiam non consecratam, adorare eam oportet cum conditione, scilicet, si est consecrata; non tamen oportet, quod hæc conditio semper sit actu explicita, sed sufficit si habitu teneat illam.

27. Rubertus Holcot in 3. quæst. 1. litt. MM. art. 5. concedit, quod Joannes potest licitè adorare Diabolum ipsi apparentem sub specie Christi, si fecit, quod potuit, ut cognosceret esse Christum; & hic Doctor non meminit debere adorantem apponere conditionem, ut volunt omnes Doctores allati, vel expresse, vel saltem habitu, sed loquitur absolute, quod ille Joannes potest licitè, & meritorie adorare diabolum apparentem sub specie Christi, si fecit quantum potuit, ut nosceret veritatem. Et in solutione objectorum litt. O.O. dicit, dari duplicem errorem, periculosum, & non periculosum. Error periculosus est, quoties quis errat contra Articulos fidei, vel præcepta divina. Error non periculosus est in aliis, quando deceptus ignorantia invincibili approbat falsa pro veris. In casu autem transfigurationis diaboli in effigiem Christi verum est, quod Joannes errat. .... sed certe error iste, cum sit invincibilis, & non sit contra aliquem articulum, nec contra bonos mores, non est periculosus. Et hoc est, quod expressè dicit Magister in 4. dist. 30. cap. 1. Diabolus enim transfigurans se in Angelum lucis, si credatur bonus, non est error periculosus. Hoc etiam satis declarat Augustinus Enchirid. cap. 59. Et est Glossa communis 2. Cormb. cap. 2. Satanas cum transfiguratur se in Angelum lucis, quando Corporis sensus fallit, mentem verò non movet à vera ratione, vel sententia, nullum est in religione periculum. .... quisque fidelem vitam gerit, vel cum se bonum fingens ea vel facit, vel dicit, quod bonus Angelus, etiam si credatur bonus, non est error periculosus, aut morbidus. .... conscientia erronea secundo modo, id est errore non periculoso, obligat sic, quod, si non fecerit secundum eam, peccat; si fecerit secundum eam, non peccat; sed excusatur à peccato propter ignorantiam invincibilem. Et hic noto, quod hic Doctor litt. V.V. negat, Deum debere illuminare Joannem adorantem aliquem pro Deo, qui Deus non est. Unde Adversarii nequeunt recurrere ad solutum sub.

subterfugium, quòd fi homo per fe, & per alios homines nequit verum attingere, illud attinget illuminatus à Deo, fi illum orabit.

28 Idem Doctòr art.6. litt. XX. aferit, quòd *vetula in multis cafibus audiens suum Prælaturum falſa prædicantem poſſit mereri per fidem falſam.* Et ponit exemplum, fi crederet ob concionem fui Prælati, quòd *Chriſtus ſit lancea percuffus ante mortem.* Hanc verò conſolutionem probat argumentis, & exemplis. Sic Beata Virgo credidit Chriſtum eſſe in comitatu virorum cum Joſeph; & hæc fides fuit falſa, & per ipſam meruit. Sic Magdalena credidit, Chriſtum eſſe hortulanum, & ſic non Deum; & tamen *probabile eſt*, quòd per talem fidem falſam meruerit. Sic hominem occultè malum tenemur credere eſſe bonum, & hæc fides falſa eſt bona, & meritoria. Judex credens teſtibus iudicat ad mortem, & illum damnat; & per hanc falſam fidem, & actum iuſtum ex parte rei meretur. Et Jude Eccleſiaſticus deceptus à falſis teſtibus excommunicat maritum, ut recipiat mulierem, quæ non eſt ſua uxor, & per hanc fidem falſam meretur. Pater putativus credens filium eſſe ſuum, illuminat, & meretur. Quiſſe credens baptizatum, licèt non ſit, alium Baptiſmum non accipit, & ſalvatur. Denique dicit, quòd laicus adorat hoſtiam non conſecratam. Hic obſerva, quòd hic Doctòr velut ſupponit fideles ſuo tempore adorare hoſtiam ſine aliqua conditione.

29. Ex Summiſtis ſequuntur hanc doctrinam Raynerius verb. *Adoratio*, cap. 8. qui verbatim recitat, quæ habet Angelicus in 3. Aſtenſis lib.1. tit.6. fin. dicit, ſufficere in adoratione hoſtiæ, ſi habeatur illa conditio habitualiter. Angelus verb. *Adoratio ſin.* verbatim exciſcit dictum Aſtenſis. Gerſon par.2. in regul. moral. de Euchar. dicit, quòd in omni adoratione Sacramenti Altaris ſubintelligitur conditio iſta, vel ſimilis, *ſi conſecratio fuerit celebrata*; ac perinde adorans eſt alienus ab Idolatria,

quamvis Sacerdos non conſecrando eſſet in culpa.

30. Hiſce Antiquis Summiſtis addo ſequentes, qui multum moderni appellandi non ſunt. Sylveſt. verb. *Adoratio* num.2. ait: Adoranda eſt Euchariftia latría ſub conditione tamen habituali, ſi ſit ritè conſecrata. Thom.3. diſtin.9. quaſt.1. art.2. quaſt.6. ad 2. Tabien. verb. *Adorare* num.13. dicit: Qui adorat hoſtiam non conſecratam, adorare oportet eam cum conditione, non quidem ſempor explicita, ſed ſufficit, quòd *habitu teneat illam.* Joannes Alenſtaig verb. *Adorare* §. de adoratione Euchariftiæ inquit, quòd hoſtia debet adorari ſub conditione habituali, hoc eſt tacita, vel expreſſa. Bartholomæus Fumus verb. *Adoratio* num.9. tenet ex Divo Thoma ubi ſupra, quòd hoſtia ſit adoranda ſub conditione in habitu, quia ſi non crederet eſſe conſecratam, non adoraret.

31. Hic nota obiter, quòd Tabiena ubi ſuprà refert, Scotum tanquàm dicentem in omni caſu hoſtiam eſſe adorandam ſub conditione, quòd tamen eſt falſum; nam, ut notat ipſe Tabiena verb. *Euchariftia* num.26. Scotus in 4. diſt.8. quaſt.2. §. *de iſto ſecundo articulo* ubi tractat de hac adoratione conditionali, loquitur ſolum de ſanguine in caſu, quo Sacerdos mereretur ante prolationem omnium verborum conſecrationis Calicis; & de Corpore in caſu, quo ſacerdos diceret præciſè hæc verba, *Hoc eſt Corpus meum*, relinquens omnia præcedentia. Et revera illa opinio de ſanguine eſt omninò certa; opinio verò de Corpore taliter conſecrato eſt ſub lite ex capite illo ſpeciali, quia ſcilicet eſt dubium, an illa ſola verba ſufficiant. Unde Scotus non poteſt ſullo modo referri, quaſi aſſerat ſimpliciter, hoſtiam eſſe adorandam ſub conditione.

32. Gabriel in 3. diſt.23. quaſt.2. lit E. fin. dicit, quòd fidei nequit ſubeſſe falſum; ſubdit tamen, quòd ipſes, & Charitas poſſunt tendere in ob ecſum, circa quòd invincibiliter erratur. Sic ergo ſcri-

gō scribit: Non enim solus actus fidei sufficit ad opus Charitatis, vel Spei, sed requiruntur alii actus cognoscitivi, qui non sunt actus fidei. Gratia exempli. Ad reddendum debitum uxori propter Divinum præceptum est actus Charitatis; & tamen non sufficit fides, quæ cognoscitur debitum eise reddendum; Sed etiam oportet scire, quodd illa sit uxor; quæ cognitio non est cognitio fidei, ubi contigit error. Hujus rei verò assignat rationem à priori ex eo, quodd scilicet spes, & Charitas sunt virtutes appetitivæ, quæ non tendunt in verum, sed in bonum; ergo ex sua ratione formalis non supponunt verum in objecto. Ergo, licet objectum sit falsum, non per hoc tollitur ratio formalis sui objecti, quæ est bonitas. Cum hic doctor expressè concedat Charitatem, & spem ex eo, quodd sint virtutes appetitivæ, posse tendere in objectum, licet falsum à parte rei, nec meminit illius conditionis ponendæ, nescio, quomodo voluerit in adoratione hostiæ, quæ est actus Religionis, & ipsa quoque virtus appetitiva, apponi conditionem *habitualmente*, hoc est *tacite*, vel *expressè*. Si spes, & Charitas appetunt objectum falsum, cur non Religio? Vel conditio tacite posita, & habitualiter facit actum verè conditionatum, vel non. Si Primum, debet assignare rationem, cur maritus absque aliqua conditione possit, & debeat exercere actum Charitatis reddendi debitum uxori, quæ creditur esse sua, & non est; fidelis verò nequeat, aut non debeat, Hostiæ reddere latriam, quæ creditur consecrata, & non est, absque aliqua conditione: Si secundum, ergo, cum conditio tacite, & habitualiter posita nihil operetur, sed relinquit actum absolutum, jam impertinenter fit mentio de ipsa.

33. Durandus in 3. distin. 23. quæst. 2. videtur quoque, concedere, quodd spes possit tendere in objectum ex falsa imaginatione propositum. Idem quoque videtur concedere de Charitate Alex. ubi supra. ad 2. dicite enim, quodd potest esse Charitas circa bonum, quod non est,

volendū illud. Expressè hoc concedit de Charitate Divus Bonaventura ubi supra. ad 3. dicitenim, *non omne, quodd appetit Charitas, fides credit, quia de pluribus contingit dicere, quodd sunt bona, falsum tamen est dicere, quodd sint vera*... Unde bonum erat Apostolum ire ad Hispanos, *quammvis non esset credibile*. Idem videtur dicere Argentinas ubi supra ad 5.

34. Divus Thomas 2.2. quæst. 1. art. 3. ad 1. scribit, quodd virtutes perficientes partem appetitivam non excludunt totaliter falsum; *potest enim aliquis secundum justitiam, aut temperantiam agere habens aliquam falsam opinionem de eo, circa quod agit*..... Similiter etiam ad Charitatem pertinet diligere Deum, in quocunque fuerit; Unde non refert ad Charitatem, ut non in illo sit Deus, qui propter Deum diligitur. Et in 3. dist. 24. quæst. 1. art. 1. quæst. 3. ad 4. scribit, quodd *hac hostia sit ritè consecrata, hoc est humana assumptionis, &c.* ex hac parte potest accidere error in latria. Major in 3. dist. 23. quæst. 10. ad 1. concedit, vetulam non peccare credendo falsum prædicatum ipsi à suo Prælato. Et ad 2. concedit; quodd ipse, & Charitas possunt esse circa objectum, circa quod contingit error; non quidem per actum fidei, sed per aliquem alium actum cognitivum. Non solus actus fidei sufficit utrobique ad actus spei, & Charitatis, sed prudentiæ, & alii actus apprehensivi, & judicativi requiruntur.

35. Caietanus in comment. ad illum articulum 3. ex 2.2. ad 4. asserit, esse errorem apertum dicere, quodd illa Hostia, quæ adoranda offertur in Ecclesia, adoranda sit sub conditione, *si ritè sit consecrata*; & hanc Doctrinam probat satis efficaciter. Primò, quia, quodd hostia sit ritè consecrata, habetur certitudo moralis, quæ haberi potest. Secundò, quia Ecclesia instituit orationem, in qua Sacerdos sumpturus hanc hostiam fatetur absque conditione, & hunc Calicem continere Corpus, & Sanguinem Christi. Tertiò, adoramus absolutè summum Pontificem, & Epi-

scopos. Quartò, Sacerdos sine conditione absolvit peccatores. Et tamen sicut potest Sacerdos, ritè non consecrare hostiam, ita potest non ritè baptizare hominem, qui adoratur ut Papa, ut Episcopus, & absolvit peccatores, ut Sacerdos.

36. Ego non dubito, quòd Moderni omninò assentiant Cajetano, præscindendo tamen, an opinio Antiquorum asserens, hostiam esse adorandam sub conditione, sit error; Cum enim habeat tot, & insignes Doctores, abstinendum à censuris. Et ratio efficax patet ex exemplis clarissimis à Cajetano. Cur enim absolute adoramus Papam, & Episcopos, & non Hostiam? Cur Sacerdos absolvit absolute, & sine conditione? & hoc exemplum de Confessario est efficacissimum, nam est certum ex Innocent. undec. num. 1. nos non posse licitè conferre sacramenta, quando agitur de eorum valore relicta opinione tutior. In absolutione autem à Sacerdote tutius esset, absolvere sub conditione, sicut in adoratione Hostiæ tutius est, illam adorare sub conditione. Item Homines ad invicem actus iustitiæ commutative exercent, & tamen, quod hi numeri sint mei, dependet ex Petro, à quo illos habui, & asseruit esse suos.

37. Cardinalis de Lugo de fide disp. 4. sect. 6. num. 94. & seqq. asserit, communiter sustineri Doctrinam illam, quòd voluntas possit versari circa falsum; voluntas siquidem non fertur in objectum, ut est à parte rei, sed prout à cognitione proponitur, & aliquandò potest accidere, ut invincibiliter proponatur diverso modo, ac est à parte rei; Quod totum concedit ipse Lugo, sed demonstrat ultimum iudicium, à quo proximè virtutes affectivæ diriguntur, semper esse verum, quam doctrinam accipit ab Hurtado de fide disp. 19 §. 8. & Cominch. disp. 10. num. 80. cui ipse subscribo. Videatur etiam Banes 2.2. quæst. 1. art. 3. dub. 2 ad 2. & Joannes à Sancto Thoma 2.2. disp. 2. art. 3. in solut. quæst. an fides possit subesse falsum num. 4.

38. Ex his colligo, responsionem evidentem Argumento Vendrochii. Dicimus ergo, opus procedens ex cognitione probabili in se falsum esse *opus lucis, non tenebrarum*, esse opus bonum, non malum. Vel enim sequimur in adoratione hostiæ non consecratæ, quæ creditur consecrata, opinionem communiorum Antiquorum; & tunc dicimus, quòd, sicut tunc adorando illam non peccamus, quia *habitualiter, vel tacite, & implicite* subintelligitur conditio, *si est ritè consecrata*; & sic ille actus tendit in objectum bonum. Ita in aliis materiis, in quibus opinando operamur subintelligitur *implicitè, habitualiter, & tacite* conditio, *si res ita se habet*. Et sicut Gabriel excusat fidelem adorantem hostiam non consecratam, quia si interrogaretur, responderet, *si non esset consecrata*, non illam adorarem. Ita & ego dico, non fateor circumstantias aggravantes, quia credo Christum non dedisse tale præceptum, quodsi tale præceptum posuisset, illas faterer, sicut explicò peccata mortalia, quia de his extat huiusmodi lex.

39. Si autem sequimur opinionem Holcot, Cajetani, & Recentiorum, dicimus, nos non peccare operando juxta opinionem probabilem in se falsam, sed bene operari; Sicut actus Charitatis, iustitiæ, & virtutum appetivarum sunt boni, licet versentur circa objectum, quod à parte rei non ita se habet, ut patet ex Doctoribus allegatis iam Antiquis, quàm modernis. Quin addo, illum actum esse in eadem specie bonitatis, in qua esset, si objectum ita se haberet à parte rei, v. gr. si tempore Glossæ Spado sequens opinionem illius, quæ falsa erat, probabilis tamen credebatur à Glossa, matrimonium iniisset, si reddidisset debitum uxori, illa reditio fuisset actus iustitiæ commutativæ, Castitatis, & Charitatis, ut dicebat Gabriel, in quo genere est actus illius, qui verè est maritus. Sicut Magnus Suarius 1.2. tract. 3. disp. 12. sect. 4. num. 8. dicebat, actus procedentes à conscientia;



Scientia erronea invincibili esse ejusdem virtutis cum illis, qui sunt circa objecta, quæ verè sunt materia illius virtutis. Et hæc Doctrina est juxta Antiquos asserentes, virtutes appetitivas totaliter non excludere falsum. Potest enim, inquit Doctor Angelicus, aliquis secundum justitiam, aut temperantiam agere habens aliquam falsam opinionem de eo, circa quod agit.

40. Nota verò pro conciliandis modernis cum Antiquis dicentibus hostiam esse adorandam sub conditione *in habitu, tacite, & implicite*, quod conditio in habitu, tacite, & implicite non reddit actum conditionatum, sed illum relinquit absolutum; quia, ut dicit de Lugo de Incarn. disput. 37. sect. 4. num. 46. Episcopus credens Petrum esse Diaconum, illum ordinat in Sacerdotem absolute, unde, si à parte rei non esset Diaconus, adhuc Petrus non esset iterum reordinandus Sacerdos; & sic illa ordinatio est absoluta; Cum hoc tamen stat, quod Episcopus, si sciret illum non esse Diaconum, non ordinaret; de facto tamen illum ordinat, quia de facto, & absolute judicat esse Diaconum. Do aliud exemplum forsitan non adeo rarum. Titius accipit Bertam in uxorem credens esse Virginem; & si sciret non esse Virginem, illam non acciperet; adhuc tamen illam absolute accipit, & Matrimonium est absolutum, & insolubile. Sic etiam de facto quis adorat absolute hostiam, quia judicat de facto esse consecratam, habitu tamen, implicite, & tacite ita se habet, quod, si non esset consecrata, illam non adoraret. Et hæc Doctrina fundatur in legibus. Canonistæ sed enim ex c. *fin. de presumpt.* inferunt, expressionem illius, quod pure inest, nihil operari, nec reddere actum conditionatum, sed illum relinquere absolutum, de quo vide Tuscum ver. conditio. concl. 390. & V. *expressio ejus*, quod tacite inest concl. 657.

41. Objicit Septimò. In extremo Judicio Christus judicabit actiones per sermonem, quem ipse loquutus est;

cum ergo Christus nunquam loquutus fuerit falsitatem, ut fides docet, nullum falsum, quamvis probabile, erit sermo, juxta quem erimus judicandi.

42. Sed nullam umbram difficultatis facit hoc Argumentum; sicut enim Lex æterna est regula remota nostrarum operationum secundum Divum Thomam, & Theologos; ita dicimus de lege Divina Christi; & sicut illa obligat juxta cognitionem, & propositionem humanam, ita & hæc; imò à fortiori. Sicut ergo illa in rebus obscuris licet à Patribus, & Antiquis variè proponitur, variè opinando, & Christus in die Judicii judicabit juxta legem naturalem variè explicatam à Patribus, & Antiquis, ita de lege Divina, & sermone Christi. Hinc Thomistæ, & Scotistæ variant in assignando tempore, quo inceperit obligare Præceptum de Baptismo; Unde plurimi non judicabuntur per legem Christi juxta Scot. in 4. dist. 3. quæst. 4. de quo vide Mastrium in 4. disput. 2. num. 13. qui essent judicandi juxta Thomistas. Et Principes, qui facerent baptizare pueros suorum infidelium invititis parentibus, essent judicandi per legem Christi in sententia Thomistarum, qui tamen liberabuntur, si operati sunt ex opinione Scoti eos vindicantis à tali judicio. Quæ Doctrina, cum sit clarissima, mirum est, quod potuerit arguere contra Vendrochius.

43. Objicit Octavò. Certum est per Patres, & Theologos ignorantiam juris naturalis non excusare; Si quis, inquit Augustinus, epist. 154. .... *bonum putaveris, quod malum est, hoc putando utique peccas*, & ea sunt omnia peccata ignorantie, quando quique bene fieri putat, quod malè fit; Unde Gratianus 1. quæst. 4. cap. turbatur §. *item ignorantia dicebat: Ignorantia juris naturalis omnibus adultis damnabilis est.* Subdit Vendrochius: hoc constantissimum Theologiz effatum ab antiquis Theologis admissum unanimi consensu, ipso etiam Vasq. teste, rem planè conficere. Nec per ignorantiam invincibilis

bilis cavillos possumus evadere; nam, si probabile existimo hoc licere, probabile quoque est, non licere; ac proinde tunc dubitamus, à qua dubitatione ut nos expediamus, ad præfinitas à Deo invenientes veritatis vias, ac maxime ad orationes, debemus confugere; quòd si hoc facere neglexerit, jam illa ignorantia vincibilis erit; Si verò hoc diligenter perfecit, proculdubio, quod quaerit, inveniet. Sic Vendrochius.

44. Vellem scire à Vendrochio, an obligatio orandi Deum pro consequutione veritatis naturalis, dum non possumus per nos, & hominum ministerio addiscere, sit ex præcepto naturali, & de lege naturæ, an verò sit de jure Divino solum. Si secundum, cum de jure Divino possit dari ignorantia invincibilis, poterit etiam de hoc. Si Primum, certè non continetur explicite in primis principiis, nec expressè in Decalogo; Ergo continetur in conclusionibus ab illis deductis; & sic in conclusionibus remotis à primis principiis claris, & consequenter erunt conclusiones obscuræ; Si sunt obscuræ, quæ ratione potest, nos tanta certitudine obstringere ad tales preces? de hoc alibi. Scio, Parisiensem de leg. cap. 21. lit. C. & alios doctores tenere dari talem obligationem; scio tamen, etiam illam negare Major. in 4. quæst. 2. prologi §. *contra secundam conclusionem*.

45. Etiam hoc Argumentum nullius negotii est. Pro solutione sciendum ex Divo Thoma, & Thologis 1.2. quæst. 94. art. 6. ad legem naturalem pertinere primò quædam præcepta communissima omnibus nota. v. gr. *Malum est fugiendum, bonum est amandum*. Secundò pertinent quædam præcepta, quæ sunt quasi conclusiones propinquæ primis principiis. Et hæc continentur in decalogo. Ultra hæc autem, quorum meminit Divus Thomas, dantur etiam aliæ conclusiones remotæ à primis principiis, & quo magis sunt remotæ, eo obscuriores evadunt; & sic apud omnes non sunt eadem quoad notitiam, sed varie. Quidam enim tenent unam,

alii alteram partem defendunt. Nec hoc tantum accidit *ex passione, seu ex mala consuetudine, seu ex mala habitudine naturæ*, propter quæ capita Divus Thomas art. 4. narravit, Germanos ex Julio Cæsare lib. 6. de bello Gallico post med. existimasse, latrocinium fuisse licitum. Sed hoc accidit etiam absque ulla passione, aut mala consuetudine, sed ex ipsa imperfectione naturæ nostræ, quæ cum cognoscat dependenter à sensibus, veritates à sensibilibus remotas difficulter percipit; & hoc etiam accidit ex isto capite in veritatibus speculativis, quamvis veritates speculativæ sint facilioris cognitionis; unde & in conclusionibus propinquis primis principiis nemo discordat. Tum quia hoc patet experientia; Nam Sancti Patres, & Antiqui Scholastici, quorum vita illibata fuit, & Catholici Tractatores ex Divo Bonaventura variant in opinionibus speculativis, & practicis.

46. Doctores acriter decertant, an possit dari ignorantia invincibilis de lege naturæ, ita ut faciens contra ipsam non peccet. Et omnes conveniunt non dari talem ignorantiam quoad prima principia. Quoad conclusiones propinquas, & sic quoad præcepta Decalogi, plurimi Doctores apud Vasq. 1.2. disp. 120. cap. 1. & disp. 123. cap. 1. negativam partem amplectuntur, & sunt Parisienses, Altiſiſiodori. Alen. Divus Bonaventura, Durandus, Albertus, Gabriel, Gerson, Adrian. Hugo de Sancto Victore, Alphonsus de castro, & Gratianus, & Divus Thomas dicto art. 4. quatenus dicit, Germanos prava consuetudine inductos fuisse ad concedenda latrocinia. Sed clarè tenet hanc doctrinam quodl. 3. art. 10. ubi docet, neminem excusari, qui sequitur opinionem contra manifestum textum Sacre Scripturæ, vel quod publicè tenetur per Ecclesiam. Et quodlib. 8. art. 15. ait, fornicantem ex conscientia credentem fornicationem esse peccatum veniale, peccare mortaliter, quia error eorum, quæ quis scire tenetur, & potest, non excusat. Idem dicit 1. 2. quæst. 19. art. 6. & par. 3. quæst. 80.

art. 4. ad 5. Et in 4. dist. 21. quæst. 2. art. 2. addicit, ignorantiam juris divini non excusare hæreticos, & simplices. Unde puto, in sententia Divi Thomæ esse certum non dari ignorantiam invincibilem, & inculpabilem in habentibus usum rationis de legendum naturali, sed etiam Divina clarè, & manifestè expressa.

47. Rainerius verb. *Ignorantia* cap. 1. expressè asserit, ignorantiam juris divini naturalis non excusare. Idem dicunt Astenf. de verbor. signific. V. *Ignorantia*. Supplem. Piffaenel. V. *Ignorantia* q. 2. Angelus V. *Ignorantia* num. 3. Divus Bernardinus tom. 2. fer. 4. Dominic. secundæ Quadrag. art. 2. cap. 5. Nider in consolatione. timoratz conscientia par. 2. cap. 4. cum Paludano tenet, ignorantem fornicationem non esse peccatum, non excusari. Alios pro hac opinione non refero; quia non est locus hujus questionis, nec refert ad solutionem Argumenti allati; Addo tamen hoc non esse certum, & plures refragantur, vide Valt. d. disp. 122. cap. 2. Medinam r. 2. quæst. 1. art. 6. quin Nider ubi supra tenet cum Ulrico in 2. dist. 22. & in sum. lib. 6. Ray. August. & Ambrosii, quibus addo Supplem. ubi supra, Joannem de Friburg. lib. 3. tit. 32. quæst. 17. D. Antonin. part. 1. tit. 4. cap. 4. §. 3. Angelum V. *ebrietas* num. 3. & forsitan Divum Bernardinum cap. 2. & Rosellam verb. *Ignorantia* num. 1. Ebrium non peccare, si hominem occidat.

48. Quoad verò conclusiones remotas, & obicuras, puto certum, dari ignorantiam invincibilem, & inculpabilem. Nider ubi supra recitans Ulric. Ray. August. Ambrosii. scribit: Si quis de aliquo agendo dubio magis peritos consulit, de quo nullam habet auctoritatem expressam, utrum ita sit, vel non, dummodo formet sibi bonam conscientiam, postquam magis peritos consulverit, etiamsi res aliter se habet, quam ipse sentis, excusatur, quia fecit, quod potuit; Deus enim nihil impossibile requirit ab homine. Eadem verba scribit in Præcept. præcept. 9. cap. 3. litt. B. fin.

Eadem Divus Antoninus par. 1. tit. 3. cap. 10. §. 10. vers. *Revertendo ad quartam*. Eadem & Supplementum Piffaenel. ubi supra; Eadem Joannes de Friburgo, ubi infra, & Rosell. ubi supra; unde in hac opinione isti Antiqui sequuntur Ultricum, ut una avis sequitur alias. Hoc noto, ut scias, non solum modernes sequi se invicem ut aves, sicut illos arguit Vendrobichius, sed etiam Antiquos. Quin puto, hanc sententiam debere esse doctorum dicentium, nos licetè posse sequi in praxi opinionem probabiliorē; nam probabilioritas opinionis, maximè si sit peculiaris, potest stare cum falsitate, ut est evidens; Ergo in casu, in quo esset propositio falsa, si licetè sequimur illam opinionem probabiliorē, ignorantia illius veritatis est licita, & nos excusat. Hi porro Doctores, qui, exceptis duobus, aut tribus, sunt omnes Theologi, asserunt posse sequi opinionem probabiliorē, etiam in materia legis naturæ. Vide Antoninum ubi supra in Regula sexta fin. ubi universaliter dicit, & sic in materia legis naturæ, quod operans juxta probabiliorē, etiamsi opinio, quam tenet, non esset vera, non peccat. Vide omnino textus Antiquorum stantium pro probabiliori, quos supra verbatim retuli cap. 18. qui omnes, ideo asserunt, posse nos sequi opinionem Probabiliorē, quia in materiis obscuris ignorantia est excusabilis, tum in speculativis, tum in moralibus.

49. Idem Antoninus in vers. *revertendo ad quartam* scribit: Guilelm. etiam in Gloisa Ray. dicit, quod in apicibus juris, ubi dubitant etiam Sapientes, excusabilis est ignorantia. Et Angelus V. *Ignorantia* num. 4. ait, quod si quis facit ex ignorantia contra legem Dei, & naturæ, & hoc non sit expressum in ipsa, sed reducibile, maximè cum subtilitate, excusatur, unde esset durum damnare aliquem, qui facit contractum illicitum ob subtilitatem juris.

50. Ad Argumentum ergo concedo, nedum ignorantiam quoad prima principia, sed etiam pro nunc quoad conclusio-

clufiones proximas juris naturæ juxta Patres, & Theologos non excufare; at nego de ignorantia quoad conclufiones remotas, & obfcuras; ſi enim Patres, & Theologi in his materiis variè opinantur, ergo credunt, in his materiis non dari præceptum de ſcienda veritate; aliter ſi daretur tale præceptum, qui tenerent partem falſam, peccarent; ſicut peccarent juxta illos, qui ignorarent Decalogum, & prima principia. Hæc Doctrina eſt juxta principia Divi Thomæ dicentis, illam ignorantiam eſſe ſe damnabilem, *quæ eſt eorum, quæ quis ſcire tenetur, & poteſt*; cum ergo ubi variant ſapientes, ibi ſcire veritatem non poſſimus, ut eſt evidens; ergo &c. Hinc optimè Joannes Nider in conſolat. timorat. conſcient. par. 3. c. 24. concl. 4. aſſerit, nos non teneri, nec poſſe ſcire veritatem, ubi variant Doctores in opinionibus, quod nicitur probare ex Auguſtino. 21. de Civit. Dei cap. ult. & ex Divo Thoma quodlib. 8. art. 15. & inferebat cum Gerlone de vita animæ, doctores monitum ſalubre dando, ne ſimus faciles ad aſſerendum aliquas actiones, & omiſſiones eſſe peccatum mortale, maxime ſub verbo generali, & cum prædicandum eſt ad populum.

51. Dices, Auguſtinus abſolutè, & abſque limitatione dixit, peccare, qui malum putaverit eſſe bonum; & Doctores Antiqui abſolutè dicunt, ignorantiam juris naturalis eſſe damnabilem; ergo gratis nos hanc Doctrinam limitamus, & voluntariè coarctamus, cum nullo textu, & authoritate id faciamus. Hac doctrina utitur Vendrochius contra doctores, qui præceptum de non occidendo reſtringebant, ut non comprehenderet illum, qui ob ſalvandas res ſuas invadentem occideret: Hanc eandem habet in append. 2. art. 3. verſ. poſtremo pag. 381.

52. Sed contra eſt, quia in jure Canonico, & civili nedum eſt validum Argumentum per textus legum, Canonum, & authoritatis, ſed etiam per rationes probabiles, audiamus c. Ego Solis 9. diſt.

Alios autem ita lego, ut quantalibet Sanctitate, doctrinaque polleant, non idèd verum putem, quia ita ipſi ſenſerunt, ſed quia mihi per alios authores, *vel Canonicas, vel probabiles rationes* quod à vero non abhorreat, perſuadere potuerunt. Et in originali Auguſtini, qui eſt Author hujus textus, dicitur: *Mibi, vel per illos auctores Canonicos, aut probabili ratione*, quod à vero non abhorreat, &c. Ecce Magnus Auguſtinus, & Canon dant licentiam nobis probandi intentum vel per Authores, vel per Canones, *vel per probabilem rationem*. Qua ratione Vendrochius nos coget ad probandum ſemper per textus, & Canones? Legamus etiam Gloſſam in l. non omnium ſi. de leg. V. non omnium, quæ dicit, quodd quandoque habet locum ratio, & non lex; ergo quandoque poſſumus reddere rationem noſtræ concluſionis abſque eo, quodd legem aſſeramus. Præterea, nunquid doctores ſemper referunt pro ſuis dictis Textus? ego certè in Antiquis hoc non experior. Auguſtinus in epiſtola allegata ſi. dicit abſque ulla authoritate, aut textu, quodd quis poteſt ob famem veſci illa carne, *quæ ſciunt non eſſe Idolitum, vel ignoratur*. Quomodo Auguſtinus limitat legem Apoſtolicam univerſalem prohibentem, ne Idolitum veſſamus, ut ignorantem non liget? Nullo Textu hoc dicit. Ipſe quoque Vendrochius rarè de ſuis dictis, vel nunquam Canones, & leges allegat, & ſolum aliquando Patres, & Scripturas.

53. Sed pareamus Vendrochio. Legantur Joannes de Friburgo in ſum. lib. 3. tit. 32. quæſt. 17. & aſſert Ulric. in 2. diſt. 22. & in ſum. lib. 6. traſt. 2. cap. 3. & Baptiſta de Salis. Verb. Ignorantia. Legantur etiam alii Doctores allegati ſupra. Hi univerſaliter aſſerunt, ignorantiam legis naturalis non excuſare; Unde de Salis dicebat, puellas ſe impudicè tangentes non excuſari à peccato, & à confeſſione. Adhuc tamen ſubdunt, excuſari illos, qui in dubiis conſulunt peritos, & ſequuntur illorum opiniones, quamvis aliter veritas ſe haberet. Et cum

cum Cardinalis dixisset ex c. *Si quis de-*  
*derit*. 24. quæst. 1. & c. *qui ea*, 25. dist.  
ignorantiam ex negligentia ortam non  
excusare à mortali, si sit circa præcepta  
naturalia, & divina. Sylvester Verb.  
*Ignorantia* num. 10. Gloisat hanc do-  
ctrinam universalem, & Gloisat absque  
textu: Intelligo, quando negligentia est  
lata, ut quia est contra contenta in di-  
ctis legibus expressæ, & non subtiliter red-  
ditæ. Per dictas leges intelligit *naturalem*,  
& *divinam*. De ignorantia enim juris  
positivi loquitur immediate post: Ulte-  
rius Antiqui inquirentes, an excuse-  
mur, si sequamur opinionem non sub-  
tiliter investigatam, & quæ postea ap-  
pareat falsa, & respondent affirmative,  
nisi tamen sit contra ea, quæ sunt exp-  
ressa in ipsa lege, ut videre licet apud  
Angelum Verb. *Opinio*. num. 2. remit-  
tendo se ad ea, quæ dixerat Verb. *Ignor-*  
*antia*. Hæc quoque doctrina est juxta  
illos Doctores, qui expressè asserunt  
*non dari juris naturalis ignorantiam*, nec  
postea faciunt questionem expressam,  
an hoc dictum intelligendum sit etiam,  
quando res est obscura; Illi enim Do-  
ctores semper dant exemplum de eo,  
quod est expressum, & clarum in lege.  
Solent enim asserre exemplum de eo, qui  
nesciret *fornicationem esse peccatum*, quo  
pluries utitur Angelicus, vel de eo, qui  
nesciret, *furtum esse peccatum*, quod af-  
ferunt Joannes de Friburgo, & Baptista  
de Salis. Porro hæc duo exempla sunt  
de ignorantia eorum, quæ sunt exp-  
ressa, & clara in lege. Ego rogo etiam at-  
que etiam Vendrochium, ut referat ali-  
quem Antiquum, qui dicat expressè, &  
clarè ignorantiam non excusare in rebus  
obscuris, etiam loquendo in jure natu-  
rali; & usque dum non referet, & pro-  
cul dubio nunquam referet, sequar do-  
ctrinam Antonini 3. par. tit. 5. cap. 2. § 9.  
dicentis, in varietate opinionum nos  
posse sequi hanc partem, vel illam an-  
te decisionem Ecclesiæ.

54. Adde pulchrum textum Gerso-  
nis, & Joannis Altenstaig verb. *Ignoran-*  
*tia invincibilis*. Hic retulerat duas opi-  
niones, quarum prima dicebat, furio-

sum ex culpa, si totaliter careat ratio-  
ne, excusari totaliter à peccato. Alia affir-  
mabat, non excusari totaliter à peccato.  
Subdit Author. *prima opinio*, inquit  
Gerson, *probabilis videtur*; (& sic potest  
sequi) *propter dubium tamen talibus, si*  
*sanentur, debet secundum canones peni-*  
*tentia injungi* (utique solum ad cautel-  
lam) *vide & eundem lect. 2. de vita spiri-*  
*tuali anima*. Sic Altenstaig. Nostra limi-  
tatio, quod ignorantia in rebus obscuris  
prosit, utique saltem *probabilis videtur*,  
tum ob tot, & tantos Doctores, tum ob  
rationes; ergo possumus illa uti.

55. Colligitur, opinionem asserentem  
posse nos sequi opinionem probabilem,  
quæ scilicet ita nobis vera videatur, ut  
possit aliter se habere, quamvis in se sit  
falsa, & postea detegatur, etiam in ju-  
re naturali; colligitur, inquam, hanc  
opinionem esse certissimam, & esse vo-  
lut traditionem, quia ab initio Ecclesiæ  
usque modo fuerunt Doctores, etiam  
Sancti, qui sequuti sunt tales opiniones,  
& cum talibus opinionibus mortui sunt.  
Et licet velim credere, nullam opinio-  
nem Divi Thomæ esse falsam de facto,  
ita certissimum puto aliquas in jure natu-  
rali posse esse falsas, & has esse assero:  
Prima per Divum Thomam 2. 2. quæst.  
104. art. 5. in his, quæ pertinent ad in-  
teriorem motum voluntatis, homo non  
tenetur obedire homini, sed solum Deo.  
Secunda in 4. dist. 29 quæst. unic. art. 4.  
docet filium non teneri obedire Patri  
quoad Matrimonium contrahendum,  
nisi quantum ipsa justa causa coegerit.  
Tertia ex iis, quæ dicit art. 3. ejusdem  
questionis ad 2. quæstionem: 2. sequitur,  
posse fieri Matrimonium licitè, & vali-  
dè, quamvis detur consensus post mul-  
tum tempus, quo altera pars illum dede-  
rat. Quarta in 4. dist. 31. in expos. litt.  
dicit, quod variare situm in copula Car-  
nali non semper sit peccatum mortale.  
Has, & alias plures docet Angelicus  
Doctor, ut alibi vidimus, quas esse  
probabiles, vel etiam probabiliores, vel  
etiam probabilissimas teneo, certas tamen  
constanter non habeo, sed illas posse etiam  
falsas non dubito,

36. Vendrochius in illa obiectione se refert ad notas, quæ habet ad Epistolam præcedentem; sed nihil habet, meo iudicio, quod nobis officiat. Plura habentur tom. 2. in Appendice secunda art. 2. quibus contenditur probare, juris naturalis ignorantiam nunquam excusare; & Primò refertur Divus Thomas 1. 2. quæst. 76. art. 4. ubi docet Fornicantem ex ignorantia, quod peccet, adhuc committere formaliter fornicationem, quia adhuc habet rem cum femina non sua. Secundò refertur Estius in 2. distinct. 22. artic. 14. eadem docens, & pro se allegans Cajetanum 1. 2. quæst. 76. artic. 4. Tertiò citatur c. per tuas de Simon: ubi damnatur de Simonia ille, qui nesciebat id, quod egerat, Simoniacum esse. Quartò plura loca Augustini cumulantur, in quibus aperte asseritur, ignorantiam legis naturæ non excusare. Instar sit omnium, quem habet lib. 1. retract. cap. 15. *qui nesciens peccavit, quia voluit, fecit, etiam si non quia voluit, peccavit nesciens peccatum esse, quod fecit; ita nec tale peccatum sine voluntate esse potest, sed voluntate facti, non voluntate peccati, quod tamen factum fuit, hoc enim factum est, quod fieri non debuit.* Meo iudicio, credo, hunc textum non posse intelligi universaliter, ut verba sonant; nam sic nec ignorantia facti excusaret; siquidem occidens amicum, quem putavit pro certo esse feram, fecit non voluntate peccati, sed voluntate facti, & hoc factum est, idest, facta est occisio amici, quæ fieri non debuit. Quintò inducitur Textus Aristotelis 3. Ethicor. cap. 1. sic dicentis: *quæ agenda, quæ agendi sunt, nullus improbus non ignorat, & hoc ipso vitio improbi, & iusti fiunt.* Non igitur ideo quisque involuntarie agere dicitur, quia, quid expedit, nescit. Omnino enim illa ignorantia, qua quis eligit certum aliquod malum, non efficit, ut involuntaria sit actio, sed ut sit mala; quod idem de ea dici potest, quia quis præcepta bene vivendi generatim ignorat; talem enim ignorantiam vitio vertimus; quæ vero involuntarias facit actiones, ac venia, & misericordia dignas, circa singula

res rerum circumstantias versatur, & tunc propria venia locus.

37. Ego habeo plures Codices Aristotelis impressos in diversis locis, & nullus habet verba relata à Vendrochio. Primus Codex est impressus Basilee 1542. Secundus est, qui habetur in Divo Thoma impresso Romæ 1593. apud Nicolinum, & ejus socios, & hic Textus est geminatus. Tertius est Patris Manri excusus Romæ 1668. & revera Aristoteles solet esse valde obscurus, & textus Vendrochii est valde clarus, unde non videtur justè referri.

Vasq. d. disp. 122. n. 53. meminit hujusce textus, & dat duas responsiones, quarum secunda erat ex Eustratio, Aristotelem hic agere non de ignorantia, quæ accidit cum fallitate, sed de ignorantia practica, de qua Aristoteles dixerat, *Omnis malus est ignorans*, & sistit in eo, quod ignorat, quod ei magis expedit in operatione, deceptus utilitate, & commoitate præsentis operis. Omnis enim peccans scit, se malè facere, sed deficit in consideratione eorum, quæ à malè operando illum retraherent. Mirum est, quod Vendrochius, qui legerat illam disputationem Vasquez, nihil responderit huic interpretationi. Forsan credidit dictum Aristotelis non posse explicari, & interpretari?

Sextò dicitur hanc veritatem haberi ex Epi. Bernardi ad Hugonem, & ex innumeris textibus Augustini apud Janseñum de statu naturæ lapsæ lib. 2. c. 2. 3. 4. 5. & 6. Subditur quodlib. 8. ar. 13. Divi Thomæ, quem alibi nos quoque expendimus, & quodlib. 3. ar. 10. quo relato addit de suo Author. *nec juvat excipere, hic loqui Sanctum Thomam de illis, quæ manifeste Scriptura adversantur, omnis enim error in moribus manifeste secundum se Scriptura adversatur, licet id errantibus non sit manifestum.* Sic Author hujus Appendicis. *Si omnis error manifeste Scriptura adversatur, cum duo contradictoria semper importent errorem, etiam in materia obscura, sequitur per Vendrochium, quod error in materia obscura manifeste adversetur Sacre Scripture*

pturæ; Sed sequens errorem contra manifestam scripturam non potest ab erroris vitio excusari per Divum Thomam quodl. 3. art. 10. Ergo sequens in materia obscura propositionem falsam non potest ab erroris vitio excusari. Ergo, dum Sancti in materia Sacra variè opinantur, ut & omnes Theologi, illi, qui sequuntur opinionem falsam, non possunt ab erroris vitio excusari; nec poterunt etiam excusari à peccato mortali, si materia Sacra erit moralis, & gravis. Hinc Doctores illi Religiosi, qui docuerunt non adesse præceptum de Confessione, peccaverunt mortaliter; & sic ipsè quoque Gratianus, qui dabat licentiam sequendi hanc opinionem, peccavit mortaliter, & fecit peccare mortaliter; & quia mortali sunt cum tali opinione, sepulti sunt in Inferno. Eadem absurdum est Gloffa, & alijs Antiquis, etiam Sanctis, qui falsas opiniones docuerunt in materia morali gravi. Addictum ergo Vendrochii Respondetur, apertè falsum esse, quòd *omnis error*, id est falsitas in moribus, manifestè adverteatur scripturæ. Numquid omnis sensus Scripturæ est manifestus, nec ullus obscurus? Augustinus epistol. 114. dicebat Publicole: de hac re recole verba Apostoli, quæ si obscura essent pro modulo nostro exponeremus. Quia data explicatione Augustini Scriptura estne clara, ita ut non liceat à neglecti explicationem oppositam aliorum Sanctorum? Si ergo datur sensus Scripturæ obscurus, poterit dari error, qui solum obscurè, & non manifestè ipsi opponatur.

58. Alia denique coacervat illa Appendix eo art. quæ brevitatè studens omitto, & quia eadem responsione diluuntur, & est nostra, quam sæpè dedimus. Augustinus ergo, Aristoteles, Divus Thomas, & alii Patres, & Philosophi asserunt, non dari ignorantiam invincibilem in lege naturæ, v. gr. de *Fornicatione*, de *Furto*, de *Homicidio*; fateor libentissimè pro nunc. Et quia de similibus est faciendum iudicium l. non possunt ff. de leg. idèd hoc idèd dicendum de aliis materijs clarè decis à lege; illa

enim sunt clarè, & manifestè sub lege; & hoc maximè, quia de ratione legis est, quòd sit manifesta c. *erit autem* 4. distin. nec aliquod obscurum debet contineri, ne in captionem adducamur. Gloffa ibidem cum allegatis iuribus. Nego tamen, quòd Patres, & Philosophi intelligendi sint de casibus obscuris, & qui tantum obscurè contineri possunt sub tali lege; à diversis enim non fit illatio juxta proloquin Juristarum. Cum ergo Sancti, & Antiqui explicantes suam regulam ponant exemplum ver. gr. de *Fornicatione*, de *Furto*, de *Homicidio*, & alijs sceleribus, non debet hæc regula transferri ad res obscuras; *qua enim conventio lucis*, dicebat Paulus, *ad tenebras*? Hoc argumentum utique est pessimum. *In luce possumus, & tenemur videre viam rectam. Ergo etiam in tenebris.* Ergo etiam erit pessimum hoc argumentum. In materia de Adulterio tenemur scire veritatem; hoc est, teneor scire veritatem; quòd habere rem cum aliena muliere sit peccatum; ergo etiam teneor scire veritatem, an habere rem cum uxore modo innaturali sit peccatum mortale, nec ne. Sicut ergo non valet argumentum à luce ad tenebras, ita nec valet à materia clara ad materiam obscuram.

59. Nec valet replicare, quòd Viator, si non videt viam rectam, non facit iter, nec ambulat per viam, quam non scit esse rectam; ergo etiam, si non scimus veritatem, non debemus illam operationem facere, sed suspendere. Nam non sic fecerunt Sancti, & Antiqui, qui opinabantur in materijs obscuris, & variabant in opinionibus teste Divo Bonaventura, asserabant autem, & in assertionibus idèd dicebant in rebus claris.

60. Præterea per Patres illa ignorantia legis naturæ non excusat, quæ causat immania flagitia; sed ignorantia in rebus obscurè pertinentibus ad jus naturæ non causat immania flagitia; ergo ignorantia in rebus obscurè pertinentibus ad jus naturæ non est illa, de qua loquuntur Patres. Major est doctrinà Vendrochii, minor verò probatur; si quidem sequens opiniones illas Divi Tho-

Thomæ, quamvis futuro tempore damnantur, non poteft dici flagitioſe vivens, ſed bene, & virtuoſe. Sic, ſi quis centum florenos furatus ob vitæ ſuæ, & filiorum conſervationem illos non reſtitueret ad pinguiorem fortunam elatus, ſequutus opinionem Scoti in 4. diſtin. 15. quæſt. 2. §. *ad argument.* prope med. non per hoc deberet dici fur, ſi opinio Scoti proſcriberetur. Quodd juris obſcuro ignorantia excuſet, mihi videtur ita ſentire Alen. par. 2. quæſt. 155. de pecc. ex ignoran. menb. 3. fin. ubi hæc ſcribit. *Ille authoritas Auguſtini intelligenda eſt de illis, qui habent ignorantiam illorum, qua neceſſe eſt cognosci per diſciplinam. Et tales excuſantur non tantum à pœna, ſed etiam à culpa.* Ecce clarè, quodd per Auguſtinum juxta mentem Alenſis datur ignorantia excuſans in iis rebus, quæ cognoscuntur per *Diſciplinam*. Hæc autem, quæ per diſciplinam addiſcuntur, quam ſunt, niſi conſeſiones remotæ à primis principiis? Ergo juſtè dicebam, ignorantiam juris obſcuro nos excuſare.

61. Hic Vendrochius aſſert exempla ſequentium quaſdam opiniones, quæ videntur probabiles, qui certè malè operari debent judicari; v. gr. calumniam calumnia rependendo, interficiendo judicem ſibi necem molientem, alapam intentantem occidendæ, & alia ſimilia perpetrando. Sed hæc non faciunt ad propoſitum; quia etiam olim parum probabiles hujusmodi propoſitiones videbantur; & quidem Prima clarè vindictam ſonat, & Secunda homicidium, & Tertia homicidium, etiamſi fiat poſt impactam alapam, ut deciditur ab Innocentio Undecimo num. 30. Tum quia olim Doctores illarum opinionum negaviſſent eſſe vindictam &c. qui, ſi poterant probabiliter ſolvere argumenta oppoſita, Vendrochius certè non poterat illos redarguere jure. Si verò non poterant; jam patet illas non potuiſſe ſuſtinere ut probabiles; opinio enim, quæ habet contra ſe argumentum, quod probabiliter nequit ſol-

vi, eſt erronea, non probabilis.

62. Sed Anthon illius Append. ſecundæ ſect. 1. art. 4. prope finem aſſerit, per cordis Caſtimoniam, per amorem Dei, per orationis aſſiduitatem perveniri poſſe ad cognitionem conſeſſariorum abſtruſorum legis naturalis. Per illa verba conſeſſariorum abſtruſorum videtur comprehendere materia obſcuro legis naturalis; & ſic per illam nec dari poterit ignorantia invincibilis juris naturalis in materia obſcuro, & opinabili, quod clarè etiam videtur aſſuere ſuperius verſ. *contendis Caramuel*, in quo laudat Mercorum negantem in aliqua opinione probabili dari poſſe ignorantiam invincibilem.

63. Non juvat hic reponere, noſtros modernos, cum fuerint viri Religioſi, & maxima pars Regulares, vixiſſe cordis Caſtimonia, Amore Dei, & orationis aſſiduitate; & tamen juxta Adverſarium moderni talem cognitionem non attigerunt. Non juvat, inquam, ita reſpondere, ne cogamus illum in viros Religioſos Satyram conſicere, vel ad minus negare, quodd juxta ſui Ordinis inſtituta vitam compoſuerint. Juvat tamen ipſi obijcere Sanctos Patres, & Scholaſticos Antiquos, qui cum cordis Caſtimonia, Amore Dei, & precum aſſiduitate varietatem, & contrarietatem opinionum, etiam in jure naturali, paſſicè conjunxerunt, nam in eo, in quo opinantur, inquit Seraphicus in 2. diſtin. 25. in expoſ. litt. dub. 3. *diffentire poſſunt, & aliquando diffentiant, quia opinio aliquando venit ex probabili conjectura rationis, in qua homo frequenter decipitur deceptione potiùs, quæ eſt pœna, quàm culpa, à qua vix aliquis tractatorum immunis ſuit; & ideo talis diſſenſio reprehenſibilis non eſt; quamvis enim aliquo modo judicia diſcordent, concordant tamen deſideria; omnes enim Catholici tractatores veritatem diſcere volunt.*

64. Quodd ſint contraria opinionones, ait Antoninus, part. 1. tit. 3. cap. 10. §. 10. verſ. revertendo ad quartam inter doctores Sanctitatem, & ſcientia maximos in materia morali, aliquando etiam ad ſolu-



tem necessaria, patet per exempla. Hic ponit exemplum in iure Divino, aliud in iure humano, & subdit: *Et sic exempla innuenera possunt poni.* Nota, quæso, illa verba: ad salutem necessaria, quæ forsan horrorem incutient Vendrochianis, omnia in deterius accipientibus; illa tamen tu benignè interpretare, sunt enim verba viri Sanctitatis, doctrina, & Archiepiscopali dignitate celeberrimi, quique teste Ecclesia Romana in Breviario Romano libros insignes composuit.

65. Conradus Summenhart de contract. quest. 100. vers. quarta suppositio, dat plura exempla, in quibus discordant Antiqui, & ponit inter alia, quod Scotus vult, peccare mortaliter reddentem debitum tempore menstruum; Paulus autem oppositum asserit. Hæc verò materia est in iure naturali; sed ignarus est ille, qui negaret Sanctos, & Antiquos Scholasticos discordare in opinionibus, etiam in iure naturali. Quotidie audimus Thomistas certare cum Scotistis asserentibus invitis parentibus infidelibus posse baptizari ipsorum infantes, & decernentes hoc esse contra ius naturale paternum. At hæc discordia nullum est peccatum.

66. Audiamus Antoninum par. 2. tit. 4. cap. 8. ante §. 1. sic dicentem: Tertio modo contingit discordia inter duos, vel plures sine peccato utriusque, & hoc, quia est de eo, quod non est manifeste bonum, & quia uterque intendit bonum honoris Dei, vel proximi utilitatem; sed uni videtur uno modo agendum aliud, quod, quod tractatur, alteri aliud contrario modo, & rationes probabiles sunt pro utraque parte, & plures etiam, & sapientes pro utraque parte, vel inter duos magnæ Authoritatis, & probitatis; & sic etiam in Sanctis viris invenitur aliquando discordia; Unde Act. 15. facta est dissensio inter Paulum, & Barnabam &c. In hoc casu, inquit Astensis lib. 2. tit. 64. art. 2. discordia non est peccatum, nec repugnat Charitati, nisi sit cum errore circa necessaria ad salutem, vel nisi sit cum indebita pertinencia.

Addit Angelus verb. discordia fin. quia Charitas est voluntas unio, non opinionum. Subdit Supplement. Quia talis discordia est per accidens, & quia Concordia, quæ est Charitatis effectus, est unio voluntatum, ut in Summa Confessor. (Nempe Joannes de Friburgo) lib. 3. tit. 34. quest. 226. Concordat Henricus Herp in primo præcepto serm. 26. prope fin. Tabiena, Sylvester, & Fumus verb. discordia, qui omnes transcripserunt hanc Doctrinam ex D. Thoma 2.2. quest. 37. art. 1. nihil addendo, nisi quod Sylvestr explicat Canones Oblationes dissidentium 90. distinct. & Abus 11. quest. 3. & Ismael 56. distinct. & poterat etiam explicare Canones c. dissidentes 90. distinct. & c. si primas 1. qu. 2. qui faciunt ad idem propositum. Destructorium Vitiolum par. 6. cap. 56. scribit. Secundo modo accidit discordia inter aliquos per accidens, videlicet cum quaritur in consultatione, quid sit magis expediens pro defensione, vel conservatione iustitiæ, & unus dicit unum, & alius dicit aliud, sic tamen, quod uterque intendat honorem Dei, vel bonum proximi. Et hæc discordia est potius dissensio opinionum, quam voluntatum; & sic non est peccatum, vel saltem veniale; nisi talis discordia sit cum errore circa ea, quæ sunt de necessitate salutis, vel nisi indebita pertinacia adhibeatur; quia aliter non repugnat Charitati, quæ est unio voluntatum, non opinionum. Ecce diversitas opinionum in materia iustitiæ, & sic in iure naturali, non est peccatum, vel saltem veniale, nec repugnat Charitati, & sic stat cum Charitate, & sic cum salute Animæ stat diversitas opinionum in iure naturali.

67. Quamvis autem Divus Thomas, & alii Doctores expressè non faciant mentionem de diversitate opinionum in iure naturali, tamen, cum loquantur universaliter de discordia opinionum, quæ accidere potest, & accidit etiam in iure naturali, debent intelligi etiam de discordia in iure naturali. Ex his patet, cum Charitate, & sic cum salute Ani-

Animæ, stare opinionem falsam invincibiliter cognitam ut probabilem; & sic per cordis Castimoniam, &c. non perveniri ad cognitionem confessoriorum abstrusorum legis naturalis, ut dicit Vendrochius num. 62.

69. Inflatur Author illius Appendicis art. 4. vers. *at si satis esse*, per speciale Dei auxilium, & lumen potest tolli ignorantia, qua Gentilis laborat ob suam legem, & exempla majorum, & ob eam absque scrupulo committit horrenda scelera. Et quia hæc ignorantia potest tolli medio illo speciali lumine, idè illa scelera excusari non possunt; sed medio hoc lumine speciali, & *isdem adminiculis cujuslibet etiam remotissima legis Divinae partis ignorantia exui potest*; ergo ignorantia conclusionum remotarum legis Divinae non excusat operantes ex tali ignorantia. Et infra vers. *Nec vero ad pellendam*, ait: Nos scimus esse ignorantes legis naturalis, *ex hoc admonemur* vero, *poscendam à Deo Sapientiam, qui dat omnibus affluenter, & non impropere*. Preces autem illa pro veritatis impetranda cognitione suscipi, si tales sint, quales esse conveniunt, non illorum notitia nullo obtinebunt, quorum nobis inesse ignorantiam confit sumus, sed eorum etiam, qua nescientes ignoramus.

70. Nescio capere, quomodo Author non viderit fallaciam primi, & imbecillitatem secundi argumenti. Ad primum ergo assero, per auxilium, & lumen Divinum, quod Pater luminum sua mera benevolentia decrevit dare facientibus quantum in se est, posse quidem attingi veritates vel in primis principiis, vel in conclusionibus proximis expressæ, non verò, quæ latent in remotis, remotioribus, & remotissimis conclusionibus deductis ex illis principiis; quia ad hanc cognitionem nec Patres, nec Antiqui pervenerunt, cum varent in his materiis. Per lumen autem, & Dei auxilium indebitum, & quod Deus non tenetur dare, nec dat, nisi iis, quibus vult, possumus has veritates abstrusas acquirere, at non tenemur; quia non est in nostra potestate

illud lumen; & quia aliter Sancti, qui falsas opiniones docuissent, peccassent mortaliter.

71. Sed Vendrochius, & ejus sequaces non implent munus suum, dicunt, si preces fundemus tales, quales esse conveniunt, nos consequuntur scientiam rerum obscurarum. Quare nos non instruunt de qualitatibus tantæ, & talis orationis? Sancti suis orationibus talem scientiam non impetrarunt, & ipsi Vendrochius fatetur, Sanctum Antoninum tenuisse, quod discipulus potest bona fide sequi opinionem erroneam Magistri, quam putat probabiliorē, & in hoc Sanctum Doctorem damnat, & dicit errasse. Ergo Divus Antoninus suis orationibus non obtinuit à Deo cognitionem hujus veritatis legis naturæ. Necessè est ergo, quod doceamur quantitates tam admirabilis orationis; Nam ipsi quoque Sapientissimi Scotistæ fatentur nec Divum Thomam illum scivisse, aut fecisse, dum negant opiniones oppositas in jure naturali Scoto, quas docet ipse, esse probabiliores, & veras. Hic obiter adverte, quod Divus Antoninus nullibi docuit, nos posse sequi opinionem erroneam, nec unquam docuit, propositionem erroneam posse esse probabiliorē, cum expressè aliterat par. 3. tit. 5. cap. 2 § 9. cum Divo Thoma, nullum excusari, qui sequitur opinionem erroneam in pertinentibus in talibus ad fidem, & bonos mores. Ipse quidem Sanctus Doctor docet, nos posse sequi opinionem probabiliorē, quamvis in se aliter res se habeat; at apud Divum Antoninum, & Theologos idem non est, esse falsum, ac erroneum, ut vidimus; Hoc quidem Vendrochius credidit, & propter hoc tale absurdum effinxit Divo Antonino, sed ipse culpandus est de sua credulitate, & de tali injuria illata illi Sancto Doctori.

72. Uterius ipse Adversarius negare nequit, quod per speciale auxilium possumus cognitionem factorum attingere; & tamen non per hoc tenemur orare Deum pro tali cognitione habenda.

72. Respondet Vendrochius sect. 4.

Art. 6. vers. nec magis urget, differentiam esse inter juris cognitionem, & factorum, quia factorum cognitio nec homini connaturalis, nec natura debita, nec peccato amissa, nec prorsus ad bene vivendum necessaria. E contra lex natura in ipsis humanæ mentis visceribus impressa, & regendo homini immutabili Divina Sapientia ordine præstituta, nec ex animo hominis nisi peccato deleri potuit. Manet igitur in homine corrupto illius implendi juris obligatio, ejusque in memoria renovandi perpetua necessitas.

73. Adversarius, quando nos respondemus suis argumentis, illa vel negando, vel distinguendo, statim insurgit, nostram responsionem nullo textu inniti; & sic esse abjiciendam; ego jure merito eandem objectionem ipsi facio. Addo, evidenter continere in prima parte nimiam lassitatem. Ait, quod factorum cognitio nec homini est connaturalis, nec natura debita, nec peccato amissa, nec prorsus ad bene vivendum necessaria. Lego quidem in jure l. 2. C. de veter. jur. enucle. §. si quid autem omnium habere memoriam, & in nullo peccare divinitatis est potius, quàm humanitatis; & illud nomen Omnium, explicari solet à Juristis de factis, ut videri potest apud Goffredum Tranch. in Sum. de constit. num. 16. & de rescript. nu. 39. Unde Legislator solet dicere de se, quod habeat quidem in pectore clausa omnia jura, non autem facta. c. 1. de constit. in 6. Omnium ergo factorum cognitio non est debita homini, nec est necessaria; aliquorum tamen est omnino debita; ut notat inter alios Alen. par. 2. quaest. 155 de peccato ex ignorant. memb. 4. Hinc & in jure aliquando facti ignorantia non solet excusare. Gloss. de reg. jur. in c. Ignorantia facti V. eodem in 6. iurum. Azo. in li. 1. de ignor. juris, & facti n. 6. Puto autem omnino certum factorum cognitionem esse peccato originali amissam, & pro certo habeo, quod nullus v. gr. in statu Innocentiz habuisset ex errore copulam cum femina non sua. Igitur credo, quod cognitio illorum factorum, quæ facili haberi potest, est

debita homini, quæ verò difficulter nequaquam; & à simili infero, quod juris clari ignorantia non detur ordinariè loquendo, nec excuset, bene verò juris obscuri; & sicubi discordant Doctores in opinionibus, etiam juris naturalis ignorantia pioderit; quia us tunc est obscurum; & sicut Marius v. gr. tenetur uti mediis solitis, & facilibus ad sciendum, hanc mulierem esse suam uxorem, nec obligatur ad insolita, nec tenetur orare Deum pro hac cognitione, & si orabit Deum, non per hoc Deus in casu, quo mulier non esset sua, infrigidabitur, nec ipsi immittet aliquam cogitationem, aut aliter occupabit, nec terrebit feminam, ut inde abeat, aut aliqua alia via impediet copulam illam non matrimonialem, ut divinando dixit Parisiens. de leg. cap. 21. litter. D. Ita dicimus, quod homines tenentur ad media solita, & facilia ad sciendum jus. Mediis autem solitis, & facilibus possumus solum leges claras percipere, non abstrusas, & quas post etiam longum laborem, & studium ipsi sapientes non percipiunt, & inter se sunt varii. Nec tenemur Deum orare pro hac cognitione habenda; Deus enim in naturalibus nihil per se aliquid facit, ut dicunt Philosophi, nisi quando deficit causa naturalis potens ad illum effectum. Cum ergo natura, & lumen naturale intellectus nequeat suis viribus attingere has veritates abstrusas, Deus non tenetur supplere hunc defectum; & sic nec tenemur Deum orare, ut talem defectum suppleat. Hinc ignorantia invincibilis solet definiri, quod sit illa, quæ studio superari non potest. Ita Summa Destructorum vitiatorum part. 4. cap. 40. Nota illud nomen, studio. Studium ergo est medium solitum, & adhibendum, ut scientiam habeamus, non autem oratio; est enim medium insolitum; sicut lucerna est medium insolitum, ut vir veniat in cognitionem suæ uxoris.

74. Divus etiam Thomas. 1. 2. quaest. 76. art. 2. scribit, illam esse ignorantiam invincibilem, quæ studio superari non potest,

*test*, & propter hoc talis ignorantia, cum non sit voluntaria, eo quod non est in potestate nostra eam repellere, non est peccatum. Ecce clarè, quod nequit ad disci studio, ignorare illud licitè possumus. Ergo oratio non est medium per se ordinatum ad habendam cognitionem rerum; aliter D. Thomas debebat dicere, illam esse ignorantiam invincibilem, & inculpabilem, quæ est de iis, quæ studio, & oratione superari non potest. Sic etiam Gloss. Raym. lib. 1. tit. de Sortil. §. 3. V. scribit in charta, docet simplices excusari per ignorantiam deferendo breviam superstitiosa, si tamen super hoc non fuerint admoniti, & instructi. Ecce cum carentia orationis datur ignorantia excusans in iure naturali, & divino.

75. Præterea non sequitur, si oro Deum, acquirō scientiam juris; ergo teneor orare Deum, ut scientiam iuris acquiram; ergo si non oro, pecco. Nam secundum Doctores, si quis nutritus in Sylvis viveret secundum legem naturæ, Deus vel per Angelum, vel alio miraculoso modo illum illuminaret, ut fidem Christianam caperetur. Adhuc tamen hic non tenetur bene vivere, ut habeat fidem Christianam, & hic malè vivendo non peccat contra præceptum de capessenda fide. Unde Divus Thomas dicebat 2. 2. quæst. 10. art. 1. quod infidelis negativus damnatur quidem ob alia peccata, non autem propter infidelitatis peccatum, quia hæc infidelitas non habet rationem peccati, sed magis pænæ. Licet ergo vita innocua sit medium connexum cum fide, adhuc non teneor vivere innocuè, ut fidem acquiram; Ita, quamvis oratio esset medium connexum, quod tamen nego, & in æternum negabo, cum cognitione juris obicuri, non propter hoc sequitur, quod ego teneor orare Deum pro tali cognitione habenda, & orationem relinquendo non pecco.

76. Ad illud, quod addebat Vendrochius, legem scilicet naturæ esse impressam in mente hominis, & a Deo præstitutam pro ejus regimine, nec ex animo hominis nisi peccato deleri posse, Respondeo; prima quidem principia, & conclusionem

proximas ad summum esse impressas à Deo in mente hominum, & solo peccato deleri, non sic conclusiones remotas, in quibus Sancti, & Innocentes variant opinando diversa. Dixi ad summum conclusiones proximas, &c. Ego enim nullum absurdum existimo dicere, quod infans in tempore immediatè antecedenti ad lumen rationis tangens impudicè se ipsum nequeat invincibiliter prosequi hos tactus in tempore saltem brevi post acquisitum tale lumen. A quo enim edocetur statim de veritate? Quicquid dicas, puto te divinatorum, non discursum.

77. Quodsi Vendrochius velit intelligere, quod Deus impresserat in homine in statu Innocentiæ cognitionem legis naturæ quoad conclusiones remotas, & talem cognitionem solo peccato deleri posse; concedendo pro nunc hoc dictum, alitero deinde, non esse verum, quod postea ibi inferebat, nimirum, manere in homine corrupto illius implendi juris obligationem, ejusque in memoria renovanda perpetuam necessitatem. Siquidem gratis dicitur, nos obligari ad acquirendam scientiam, quæ data fuerat nobis pro statu Innocentiæ; Debet probari, illam scientiam esse debitam naturæ hominis ex vi suæ naturæ, non ex vi Gratiæ, & liberalitatis Divinæ. Nos hic loquimur de præceptis naturæ, quæ radicantur in natura, & dicimus, quod ex natura nostra non obligamur ad sciendas conclusiones remotas, quas in statu puræ naturæ scire non possemus; Unde talis scientia, si dabatur in statu innocentie, erat donum Dei; & sic, si teneremur ad redeundum ad talem cognitionem, teneremur solum ex præcepto superaddito Dei, non verò ex præcepto naturali, de quo est difficultas.

78. Claudio hanc questionem addendo breviter quædam valde notanda pro hac materia. Primum sit Autoritas Alberti in 2. distinct. 23. art. 10. quam etiam alibi retuli; dicit ergo, Quod ignorantia juris universalis, quod omnibus imponitur ad sciendum, est crassa, supina, & non excusans. Ignorantia juris particularis, quod

nōn scitur nisi per studium, excusatur vel à tanto, vel à toto, si casus est multum difficilis. Ego sublimo, casus, in quibus variant Doctores in jure naturali, non discuntur nisi per studium, & sunt multum difficiles, cum & ipsi Doctores fallantur; ergo horum ignorantia per Albertum excusat à toto. Expresse hoc dicit Nider in consolat. Timorat. Conscient. par. 3. cap. 24. Inquit ergo: in multis scire tenemur, ubi committitur peccatum mortale; nullis tamen tenetur, nec scire potest specialiter in omnibus difficultatibus, an ibi sit peccatum mortale. Prima pars patet... Secunda pars patet in multis materiis, ubi Doctores contraria opinantur. Illud etiam videtur sentire Augustinus de Civ. Dei. cap. ult. &c.

79. Secundum, quod addo, est: Vendrochius in sect. 2. ejusdem secundæ Append. art. 13. verè. *Hæc illorum ratio fuit, scribit: Utrum detur ignorantia invincibilis juris naturalis, incertum est. An, talis ignorantia generatim excuset, adhuc incertius est, quicquid contra clamites Caramuel. Hæc incerta Casuista pro certis sumunt, & primum hoc decretum signat: Ignorantiam invincibilem semper excusare. Deinde aliud adjungunt, dari ignorantiam invincibilem juris naturalis, & ex duobus illis incertis simul junctis colligunt adversus Patres, juris naturalis violationem sæpe excusare. Audiamus Alexandrum Octavum in suo Decreto condemnatorio num. 2. damnantem hanc propositionem: Tamest detur ignorantia invincibilis juris naturæ, hæc in statu naturæ lapsæ operantem ex ipsa non excusat à peccato formali. Ecce expresse Pontifex decedit hanc propositionem: Operans ex ignorantia invincibili juris naturæ in statu naturæ lapsæ excusatur à peccato formali; Unde secunda pars, que incertior erat apud Vendrochium, certissima est facta ab Oraculo Pontificio. Prima pars, licet expresse non definiatur à Pontifice, tamen videtur evidenter sequi; Si enim non posset dari ignorantia invincibilis juris naturæ, ad quid valeret decisio Pontificia? Tum quia hæc damnatio est de objecto morali, est aliquod factibile, &*

possibile; Tum quia subjectum illius propositionis decisivum: *Operans ex ignorantia, &c.* est aliquod reale; ergo debet dari aliquis, qui operetur ex tali ignorantia.

80. Tertium, quod addo est. Ipse Vendrochius sect. 1. illius Append. art. 2. verè. *demonstrare nititur* dicit: quod vera, & unica responsio ad Argumentum Caramuelis est, *nec probabilium, nec probabiliorum sententiam à peccato excusare, nisi sit res ipsa Divina, & æterna legi conformis.* Divus Thomas in 4. dist. 32. quæst. 1. art. 4. ad 3. scribit. *Si alter conjugum nunquam peteret debitum, ex hoc aliter Matrimonium onerosum redderetur. .... idèo alii probabilius dicunt, quod neutrum potest unus absque consensu alterius vovere.* Ecce evidenter vel ipse Divus Thomas, vel alii teste D. v. Thomas asseriebant, conjugem non posse facere votum de non petendo debitum, & hoc asseriebant solum ut probabilius. Ergo, si in se hæc opinio esset falsa, Divus Thomas, vel illi alii Doctores peccassent mortaliter contra jus naturæ, quo jubetur vota esse Deo reddenda. Hoc autem est ingens absurdum, ergo &c.

81. Quartum: sect. 3. art. 3. fin. scribit: *tunc tantum peccati damnandi sunt, qui opiniones probabiles sequuntur. Primo, si opiniones illa falso asserant, licetum esse quod re vera non licet. Secundo, si suppetat via prorsus tuta, vel tutior, que imprudenter alicujus commodi temporalis gratia negligatur.*

82. Contra Primum sic insto: Sancti, & Antiqui variantes in opinionibus quoad jus naturale, vel sequebantur suas opiniones ut certas, vel ut probabiles; si ut certas, cum tamen essent oppositæ, una ex illis erat falsa, & sic non sola probabilitas, sed opinio judicata certa, cum esset falsa, esset mala regula. Ergo Vendrochius non solam probabilitatem, sed certitudinem falsam debet damnare; & sic cum pauci, aut nulli sint liberi ab erroribus in jure naturali; sic pauci, aut nulli, etiam Sancti, essent excusandi à damnatione Vendrochii. Si sequebantur illas opiniones ut probabiles, cum

medietas illarum iuxta ipsum esset falsa, Doctores Sancti, & Antiqui sequentes illam medietatem opinionum essent damnandi.

83. Contra Secundum in isto breviter, quòd, si est malum sequi probabilem relictam tñtiori ob commodum temporale, erit bonum illam amplecti ob bonum spirituale; Unde, quia Confessarius videt, quòd Pœnitens non restituet, si sequatur opinionem probabiliorem; & sic peccabit; idèd, ut vitet hoc malum spirituale pœnitentis, poterit Confessarius sequi minùs probabilem, & minis tutam.

84. Quintum: sect. 1. art. 4. vers. *hæc invincibilis* laudat Mercorum negantem contractam *peccato ignorantiam esse involuntariam, & excusabilem*. Vidimus supra, plures Summistas Antiquos sequi ut probabiliorem opinionem oppositam, quibus addo, ni fallor, Altissidor. in 2. tract. 29. de ignorant. cap. 1. quæst. 4. & Gloss. in c. *si quis insanians* 15. quæst. 1. V. *propria*, & c. *sanè*. V. *damnantur*, & c. *in ebriaverunt*. V. *quantum* ead.

85. Sextum: sect. 1. art. 2. vers. *quædam hic Parisiens.* reprobant Mercorum dicentem, fideles securè posse uti qualibet dispensatione Summi Pontificis; & in specie damnat dispensationem, qua Laicus ad Episcopatum assumitur, & dicit, nullum discrimen reperiri inter Laicum, & puerum quinquennem ad obeunda munera Episcopalia; Unde, si carpitur Joannes Decimus à Baronio, quia puerum quinquennem assumpsit, damnandi sunt Pontifices præsentis dispensantes Laicos, ut possint in Episcopos assumi.

86. Ego primùm fateor, illum puerum fuisse valè dispensatum ab iniquo illo Pontifice per Fœminam in Pontificem intrusum; quia nullum motivum æquivalens dabatur pro tali dispensatione. Secundò dico, de facto intervenire posse motivum talis dispensationis. V. g. inter fœderata in Germania inter Catholicos, & Hæreticos est, quòd Episcopus Paderbonensis alternativè sit Catholicus, & Hæreticus. An

hoc pactum sit iustum, nil ad præsens interest. Quæro, si Hæretici convenirent, ut illa vice, qua Episcopus deberet esse Hæreticus, eligeretur puer quinquennis Catholicus, nonne Pontifex deberet potiùs, dispensare cum tali puero, quàm sinere, ut eligatur Hæreticus? Tertio assero, Pontificem posse errare in dispensationibus; subdò tamen, ita esse fidendum, ut potiùs credamus, errare, qui damnant Pontifices, quàm Pontifices dispensantes.

87. Ultimum addo: Eodem articulo, veri. *Hæc regula inquam*: Conqueritur Adversarius, Doctores nostros statuantes aliquam opinionem non allegare Doctores oppositæ opinionis, specialiter in assertione, quòd possumus sequi opinionem minis probabilem, & minis tutam, non meminerunt Antiquorum oppositum sustinentium. Unum ex capitibus, ob quod libenter in moralibus lego Modernos, est, quia solent allegare Doctores ipsis oppositos; sic enim eligo opinionem, quæ mihi placet, non quæ placet illi Doctori. Scholastici quidèd Antiqui oppositos non allegant, & ita etiam se gerunt plures Summæ Antiquæ. Moderni, si non omnes, saltem principales pro utraque parte citant Doctores. In illa speciali quæstione legant alii Vasquez, Medinam, & Azorium, & suis oculis condemnabunt Vendrochium.

## C A P U T XXVII.

*An ex pluribus opinionibus æqualibus possimus licitè quamlibet sequi.*

I N cap. 4. probavi, ad assensum opinionativum requiri imperium voluntatis, & in cap. 5. voluntatem posse physicè slectere intellectum existentem inter motiva æqualiter, vel inæqualiter probabilia ad quamlibet partem; etiam minis probabilem. In præsentibus quæ-

querimus, an voluntas possit flectere licet intellectum ad quamlibet ex æque probabilibus; quia verò meum institutum est ex principiis Antiquorum difficultatem resolvere, ideo dicendum, juxta Antiquos posse licet voluntatem flectere intellectum, ut sequatur quamlibet ex pluribus opinionibus moralibus oppositis æque probabilibus. Ego non dico, quòd possimus utramque sequi, & utrique assentum præbere, hoc enim pro meo instituto non est necessarium, ut dicebam cap.3. num.36. Mihi sufficit, quòd intellectus hanc, vel illam sequi possit; sic enim mihi datur libertas complectendi partem benignam, de qua sola est difficultas: Vide omnino cap.30.

2. Probatur ex D. Hieronymo in epist. quæ est undecima inter D. August. cap.3. & ex parte memini cap.4. num.12. Ita ergo scribit Hieronymus D. Augustino: *Hoc si placet, imo quia placet, ut quicumque credunt ex Judeis, debitorum sint legis facienda, Tu, ut Episcopus toto orbe notissimus, debes hanc promulgare sententiam, & in assensum tuum omnes Coepiscopos trahere. Ego in parvo tugurio cum Monachis, id est cum compeccatoribus meis, de magnis statuere non audeo, nisi hoc ingenuè confiteri, me majorum scripta legere, & in commentariis secundum omnium consuetudinem varias ponere explanationes, ut è multis sequatur unusquisque, quod velit. Quod quidem teputo, & in seculari litteratura, & in Divinis libris legisse, & probasse.*

3. Nota, quòd Hieronymus suadet Augustino, ut cum aliis Episcopis suam unicam opinionem defendat circa obligationem Judæorum Baptizatorum observandi adhuc legem Judaicam. Hoc notant illa verba verba, *Hanc promulgare sententiam.* E contra ipse Hieronymus ingenuè fatetur, se majorum scripta legere, & in commentariis, secundum omnium consuetudinem, varias ponere explanationes, unde de eadem questione plures referebat opiniones. Et nota, quod modus decidendi quæstiones, plures scilicet referendo

opiniones, erat mos omnium. Secundum omnium consuetudinem. Sed quare referebat illas plures opiniones? Audi aurea Sancti viri verba: *Ut è multis sequatur unusquisque, quod velit.* Si, ut sequatur unusquisque, quod velit. Quia verò hic textus Hieronymi loquitur de commentariis, quæ edit super Sacram Scripturam, & Scriptura tractat tum de rebus speculativis, tum practicis; ideo hæc libertas eligendi opinionem è multis nobis concessa est intelligenda tum de speculativis, tum de practicis.

4. Fagnanus in c. ne innitatis de consuet. num.274. dicebat, quòd D. Thomas adductis hinc inde argumentis semper ultimo loco docet, quid tenendum, & respondet objectis; idemque fere observant reliqui graviores Theologi. Sed & Patres ubique docent, quid nos tenere oporteat; nec unquam in spectantibus ad mores mentiri me legisse, eos relinquere libertatem eligendi opinionem, quam maluerimus. Ita Fagnanus.

5. Posthac Fagnanus mutabit sententiam, postquam legerit textum clarum Hieronymi, & alios Antiquorum, quos attuli cap.4. & 5. & quos asseram in præsentia, & sequentibus. Igitur Adversarii mutant sententiam, & credant illum pulcherrimum modum scribendi, quem adhibent moderni, præcipuè Diana, quo in eadem difficultate varias afferunt opiniones, & dant libertatem, ut quilibet seligat ex illis, quæ sibi placet; credant, inquam, non esse inventum novum, sed antiquissimum, & practicum fuisse à Hieronymo, & ab omnibus Patribus illorum temporum: Lego iterum verba Sancti Doctoris: *me legere majorum scripta, & in commentariis secundum omnium consuetudinem varias ponere explanationes; ut unusquisque sequatur è multis, quod velit.*

6. Huic textui Hieronymi unice posset responderi, ipsum scilicet referre varias opiniones super eadem difficultate, non tamen oppositas; non enim varia opinio idem significat, ac opposita; sicut diversum non est idem ac contrarium ex c. cum apostolica ut de his,

que sunt à praelat. & notat Geminianus in §. 1. 20. dist. quæst. 3.

7. Tum quia communiter Theologi cum D. Thoma 1. par. quæst. 1. art. 10. Alber. in 1. dist. 1. art. 5. & Alen. par. 1. quæst. 1. memb. 4. art. 4. dicunt, eundem textum Scripturæ habere plures sensus, & alium esse litteralem, alium anagogicum, alium allegoricum &c. isti tamen plures sensus omnes sunt veri, & intenti à Spiritu Sancto; & sic non sunt oppositi; & adhuc sunt vari, & diversi. Igitur è pluribus, & variis opinionibus possumus liberè eligere unam, quam volumus, non verò è pluribus, si sint oppositæ. Nostra autem difficultas est de oppositis.

8. Sed contra, quia hic D. Hieronymus debet intelligi de oppositis; nam ex textu patet, quod concertationem habebat cum D. Augustino volente esse veram suam solam opinionem; & hinc dicebat Hieronymus eidem, quod hanc suam opinionem cum aliis Coepiscopis teneret; & contra asserbat, legere Scripta majorum, ipsorumque varias explanationes ponere in commentariis, ut è multis uniusquisque sequatur, quod velit. Nunc patet illorum majorum scripta habere oppositas opiniones. Insuper Hieronymus profitetur, se sequi modum oppositum illi, quem sequebatur Augustinus, quemque respuebat; non poterat autem Augustinus respuere plures explanationes secundum illam multiplicem acceptionem sensuum litteralis, anagogici &c. nam de his non habebant concertationem, sed de solo litterali sensu; unde Augustinus tenebat unam partem, & Hieronymus oppositam tuebatur. Tum quia apud Hieronymum accipiebatur pro eodem ly, *Varias*, & *contrarias*; nam in epist. 13. inter August. scribit: absit autem à me, ut quicquam de libris Beatitudinis tuæ attingere audeam; sufficit enim mihi probare mea, & aliena non carpere. Cæterum novit Prudentia tua, *unumquodque in suo sensu abundare*, & puerilis esse jactantiz, quodd olim adolescentuli facere consueverunt, accusando viros illustres suo

nomini famam querere, nec tam stultus sum, ut diversitate explanationum tuarum me ladi putem, quia nec tu lederis, si nos contraria senserimus. Nota illud verbum, *diversitate*, & illud aliud, *contraria*, & videbis accipi pro eodem.

9. Nota illam propositionem: *unumquodque in suo sensu abundare*, & suppone, intelligendam esse in materia morali, quia ibi Hieronymus scribebat Augustino de simulatione Petri, quæ est quid morale, & volebat, quod Augustinus non damneret in hac materia opinionem ejusdem Hieronymi, sed timeret, ut quisque in proprio sensu abundaret; & sic videbis, apud Patres concedi libertatem in moralibus sequendi opinionem, quam volumus, ita enim significare illa verba: *unumquodque in suo sensu abundare*, mihi videtur; & sic concludet, non bene scripsisse Fagnanum, dum dixit: *Patres ubique docent, quid nos tenere oporteat; nec unquam in spectaculis ad mores relinquere libertatem eligendi opinionem, quam maluerimus.*

10. Addo. Fagnanus dicit, *Graviores Theologos ferè semper observare methodum D. Thome, quæ est docendi ultimo loco, quid sit tenendum.* Obervo illam particulam, *Ferè*, non significare omnes casus, ut notant Bertachinus in suo reperit. Legali, Et Barbosa in tract. de dict. usufreq. ex l. in omni ff. de adopt. si ergo non continet omnes casus, in aliquibus casibus graviores illi Theologi sequuntur methodum oppositam. In rei veritate asseram textus clarissimos Antiquorum, in quibus amplectuntur utramque partem. Si graviores Antiqui sequuntur æqualem probabilitatem in aliquibus casibus, sequitur evidenter, quod talis methodus non sit contra legem naturalem, & quod non importet contradictionem, & quod includat veritatem; nam lex naturalis est necessaria, & sic de omnibus valet; nec unquam intellectus potest assentiri duobus contradictoriis, aut propositioni falsæ.

11. Denique nota ultima verba textus D. Hieronymi: *Quod quidem Te punit,* &



to, & in seculari litteratura, & in Divinis libris legisse, & probasse. Illud relativum, Quod, sequitur ad illa verba, in quibus Hieronymus asserit, se legere scripta majorum, & illa referre in suis commentariis, ut unusquisque à multis eligat, quod velit. Igitur illud relativum significat, quod D. Augustinus legerit in libris secularibus, v. gr. in Philosophicis, & Divinis, v. gr. theologicis hanc methodum, nempe referendi plures opiniones, & dandi libertatem electionis in talibus. Ergo D. Hieronymi approbat æqualem probabilitatem.

12. Sed in libris ipsius Augustini hoc patet evidenter; nam, ut retuli cap. 5. num. 32. Sanctus Doctor in epist. 7. refert quatuor opiniones de Animæ Rationalis ortu, quarum duas dicit, maximè esse juxta textum Scripturæ; hinc has duas credebatur probabiliores in ordine ad alias; in ordine verò ad invicem credebatur æqualiter probabiles, quia ambo erant maximè juxta textum Scripturæ. Credebatur etiam alias duas æqualiter probabiles, nam de illis judicabat verificari textum Scripturæ, nec de una dicebat magis verificari. Ergo judicabat æqualiter veras. Mihi videtur evidens, in hoc textu Sanctum Doctorem se sui plures opiniones oppositas æqualiter probabiles. Est quidem materia speculativa, sed adhuc omnino nobis faveat, ut pluries dixi, & dicam.

13. Probari potest ulterius, & hæc probatio erit in materia morali, ex eodem D. Augustino de Doctr. Christian. lib. 2. cap. 8. & refertur in c. 10 Canonis 19. distinct. ubi hæc habet. In eis verò (scripturis,) quæ non accipiuntur ab omnibus, præponat eas, quas plures, gravioresque accipiunt, eis, quas pauciores, minorisque auctoritatis Ecclesia tenent. Si autem alias invenerit à pluribus, alias à gravioribus haberi, (quamquam hoc inveniri vix possit) æqualis tamen auctoritatis eas habendas puto. Glossa in V. Plures, notat, quod dignitas personarum compensatur cum numero. Per

Canonem ergo habetur, & per Glossam, quod dignitas personarum æquatur à multitudine; & insuper habetur, quod Scripturæ Canonice debeant recipi, & recipi cum æquali auctoritate & illæ, quæ approbantur à gravioribus, & quæ à pluribus minoris auctoritatis. Inde infero, quod duæ opiniones oppositæ, quarum una sit approbata à gravioribus Doctores, alia verò à pluribus, debeant, recipi, & recipi cum æquali auctoritate, & approbatione.

Dices disparitatem esse, quia Scripturæ Canonice non habent propositiones oppositas; Hinc possunt recipi duæ propositiones non oppositæ cum æquali approbatione; non sic verò oppositæ, ut quæstio est præsens.

14. Sed contra est, quia, si propositiones oppositæ, & non oppositæ recipiunt eandem formam, oportet, quod recipiant eundem effectum formalem: hinc, licet ignis, & aqua sint oppositæ, tamen, quia ambo recipiunt quantitatem, ambo sunt longa, lata, profunda &c. Ergo, si oppositæ propositiones, & non oppositæ recipiunt illam formam, quod approbentur vel à pluribus, vel à gravioribus, debent recipere effectum formalem, quod recipiantur ab omnibus, ut vult Augustinus, quæ receptio est veluti effectus formalis illius approbationis. Ratio à priori est, quia propositiones, quæ in una ratione opponuntur, in alia possunt esse non oppositæ, sicut patet in aliis rebus, & in exemplo allato de igne, & de aqua est manifestum. Ergo propositiones, quæ sunt oppositæ in affirmatione, & negatione, & sic quoad veritatem obiectivam non conveniunt, possunt convenire in alia ratione, & in Probabilitate, quia hæc non opponitur cum affirmatione, & negatione, cum falsum in se possit esse probabile, quin probabilius, ut alibi ex Aristotele dicebam. Vide alium textum D. Augustini relatum cap. 4. num. 11.

15. Liceat hic auctoritati Sacræ prophanam Aristotelis addere. Hic ergo

definiens Probabilia r. Topic. cap. 1. numer. 6. ait: Probabilia autem sunt, quæ videntur omnibus, aut plurimis, aut Sapientibus, & his, aut omnibus, aut plurimis, vel maximè familiaribus, & probatis. Adverte illam particulam, *Plurimis*, reperiri in quatuor impressionibus Aristotelis, quibus utor. Prima facta est Basileæ anno 1542. Secunda Venetiis anno 1572 apud Juntas. Tertia Lugduni anno 1579. Quarta Romæ apud Angelum Bernabò. Adverte insuper hanc voculam satis stricte accipi à Juristis; Dicebat enim Barbosa in tract. de dict. usufrequ. dic. 266. *Dictio Plurimi, ad minus intribus debet verificari, Gloss. in § & quod sapè in aulben. de tricut. & semis. Doct. in l. Continuus. §. item, qui insulam ff. de verb. obligat. Remittend. Bonon. decis. 43. num. 7. &c.* Sed nos latius valde explicemus. Supponamus ergo ad vocem, *Plurimi*, requiri non Tres, sed Triginta.... & sic arguamus: Video oppositas opiniones amplecti à Thomistis, & Scotistis, qui sunt Sapientes maximè familiares, Probati, & Plurimi; Ergo debeo judicare utramque opinionem esse probabilem; Consequentia est evidens, quia de utraque veritate allata definitio Aristotelis. Antecedens autem in nulla sui parte negari potest sine ingenti injuria celeberrimæ Thomistarum Scholæ, & Scotistarum.

14. Confirmatur, & explicatur argumentum in particulari materia Docet Divus Thomas 3. par. quasi. 83. art. 6. ad 4. Si Sacerdos assumpta Hostia novit, se consecrasse aquam pro vino, debere utramque materiam consecrare. Contra Scotus in 4. dist. 8. quasi. 3. §. dico quod, & §. alio modo potest: asserit, debere consecrare solum vinum. Utraque ergo opinio habet viros doctos, probatos, familiares, & plurimos; Ergo cum utraque habeat definitio nem Probabilium data à Aristotele, utraque debet recipi ut Probabilis.

15. Scio Fagnanum c. ne innitaris de cons. num. 407. in prædicto textu Aristotelis legere, *Piprims*, loco *Plurimis*;

unde videtur posse inferri ad Probabilitatem requiri, quod approbatur à *Pluribus*, quàm ejus opposita propositio.

16. Sed contra, quia iam dixi in quatuor impressionibus reperiri vocem *Plurimis*; Tum legatur *Pluribus*, non *Plurimis*, adhuc non convincor, quia vox, *Plures*, tam est comparativa, quàm positiva. Unde Barbosa ubi supra nu. 265. & Bertachinus in repertor. legali V. *Plures* cum plurimis Juristis docent, vocem, *Plures*, etiam in duobus verificari; & subdunt, si testis diceret Petrum possedisse agrum *per plures*, & *plures annos*, verificari, si per quatuor annos obtinuerit illos agros. Ex hac explanatione patet, opiniones oppositas Thomistarum, & Scotistarum approbari à *pluribus*, & *pluribus sapientibus*. Sed, si etiam Vox *Plures* importaret centum, adhuc hæc opiniones verè debent dici approbari à *pluribus*, & *pluribus*.

17. Probatur ex Lectionis Firmiano lib. 3. de divin. institution. cap. 27. ubi hæc scribit: Nihilne illi Philosophi præcipiunt? Inmò permulta, & ad verum frequenter accedunt, sed nihil ponderis habent illa præcepta, quia sunt humana, & autoritate majori, id est divina, illa carent. Nemo igitur credit, quia tam se hominem putat esse, qui audit, quàm est ille, qui præcipit. Præterea nihil apud eos certum est, nihil, quod a scientia veniat. Sed cum omnia conjecturis agantur, multa etiam diversa, & varia præerantur. Antiquissimi est hominis, præceptis eorum velle parere, quæ utrum vera sint, an falsa, dubitatur; & ideo nemo parat, quia nemo vult ad incertum laborare. Illa verba: utrum vera sint, an falsa, dubitatur, duplicem sensum reddere possunt. Primo, ita ut dubium sit de existentia præcepti. Secundo, ita ut præceptum sit certum; Dubium verò sit, an præceptum sit justum, v. gr. Rex ubet, ut subditi adorantur talem urbem, quia credit sibi deberi jure Sanguinis. Existentia præcepti est evidens; tamen justitia, & veritas, cui innitur præceptum, est dubia, & incerta. In quocunque sensu

Lactantius explicetur, evidenter est pro me; Ex ipso enim habeo, quod, ut non sim stultus, debeo ad certum laborare, idest res precepta debet esse certa iusta. Vel certum debet esse, quod existat preceptum. Ergo, quando solum probabile est, vel quod existat preceptum, vel quod res precepta sit iusta, non teneor precepto, quia, quando sumus in probabilibus, sumus in incertis secundum omnes Doctores, & secundum Adversarios sumus etiam in dubiis; in quibus etiam per Lactantium stultum est, velle parere.

18. Igitur in materia obscura, & incerta vel intellectus potest utramque partem probabiliter sustinere, & licet in praxi deducere. Et sic habeo intentum; vel solum unam, vel nullam. Si nullam, cum tunc incertum sit preceptum, per Lactantium stultum est illi parere. Si solum unam, tunc vel est, quod non sit preceptum, & sic nec teneor precepto. Si verò sit, quod preceptum viget, cum hac cognitio sit incerta, probabilitas namque non infert certitudinem, tunc etiam per Lactantium est stultum vel e parere precepto proposito per cognitionem incertam.

19. Probatur ex Divo Thoma, qui secundum Cajetanum opus. de elem. cap. 2. non mutat opinionem, nisi se retractet expressè. Porro in 4. distin. 38. quæst. 1. art. 4. quæst. 1. ad 3. sustinuit Pontificem posse dispensare in voto solemnii, Sed 2. quæst. 88. art. 11. oppositum docuit: Ergo secundum Cajetanum Divus Thomas docuit probabiliter utramque opinionem oppositam. Et hic noto Cajetanum per Vendrochium esse Theologum repositum in venerabili Antiquorum Choro; unde eius Autoritas est magis facienda ab ipso Vendrochio. Scio Petrum de Berzomocari, ut monstret, Sanctum Doctorem loqui in libro sententiarum de voto secundum rationem consecrationis indelebilem. Vel loquitur in libro sententiarum in sententia aliorum, in Summa verò in sententia propria.

20. Sed contra ad primum, quia in Sententia loquitur de voto continentia, Religionis quantumcunque solemnizato, & aliis votis essentialibus Religionis, & dicit, quod in tali voto ob bonum Ecclesie, & Reipublice potest dispensari. Religionis certe votum omnino solemnizatum importat consecrationem indelebilem, per quam homo consecratur Deo. Tum quia loquitur de voto continentia, & aliis votis essentialibus Religionis. Ad secundum dico asserere quidam illam opinionem esse aliorum; adhuc tamen illam sequitur, quia illam agnoscit ut probabilior. Tum quia in illo loco quam opinionem sequitur non primam, quia sequeretur opinionem minus probabilem. Ergo sequitur opinionem aliorum, quam proinde vocat probabilior. Assumptum patet, quia nequit respondere objectioni, nisi unam ex allatis opinionibus sequendo.

21. Præterea Divus Thomas in 4. distin. 17. quæst. 3. art. 1. quæst. 1. ad 3. dicit, ex Institutione Ecclesie nos obligari ad Confessionem venialium, nisi habeamus mortalia. Subdit postea. Vel potest dici secundum quosdam, ... qui non habet mortalia, non tenetur ad Confessionem venialium, sed sufficit ad preceptum implendum, ut se Sacerdos representet, & se ostendat absque conscientia mortali esse; & hoc est pro Confessione. Ecce ipse asserit expressè debere Confessionem venialium fieri ex Institutione Ecclesie, Ad id postea: Vel potest dici, &c. Certè amplectitur etiam hanc aliam conclusionem; Si enim nullo modo amplecteretur, non scriberet: potest dici. Numquid falsum potest dici? Hac alia porro conclusio est, ad satisfaciendum precepto Ecclesie sufficere, se presentare Sacerdoti, & immunem se facere à mortalibus. Hic patet, nos non obligari in hac sententia ad Confessionem venialium. Meo iudicio negari nequit Sanctum Doctorem hic utramque opinionem probabiliter amplecti. Vide omnino cap. 13. num. 13. & 14.

22. Ut utrumque sequitur etiam in dist. 33. quæst. 2. art. 2. quæst. 1. in illa dist. 33. quæst. 2. art. 2. quæst. 1. in illa dist. 33.

fientitate, an Hebræi licitè repudiarent uxores; nam partem affirmativam vocat probabilem, at, *primam fufineri*, ait, *communius*; & ideo respondendum eſſe ad utraſque rationes. Certè, qui pro utraque parte aſſert rationes, & ſolvit objecta utriuſque partis, & unam dicit eſſe probabilem, aliam verò communius defendi, amplectitur utramque partem. Divus autem Thomas ita hic ſe gerit. Ita etiam ſe gerit in quaſtiuncula ſequenti: An mulier repudiata poſſet licitè iterum nubere; Et ait, quòd ſecundùm unam opinionem poterat, & ſecundùm aliam non poterat, & aſſert pro utraque ſuas rationes, & objecta utriuſque reſolvit. Adverſarii aliud reſpondere non poſſunt, niſi quòd ſunt exempla ſpeculativa; ſed ſi Chriſtus non abſtulitſet repudium, propter hoc Divus Thomas non haberet motivum, per quod mutaret opinionem.

23. Sed clariffimè amplectitur utramque opinionem oppoſitam Sanctorum Patrum in expoſitione textùs Matth. cap. 10. Hic textus habetur 1.2. quaſt. 108. art. 2. ad 3. his verbis: dicendum, quòd illa præcepta Dominus dedit Apoſtoliſ non tanquàm cæremoniales obſervantias, ſed tanquàm moralia inſtituta, & poſſunt intelligi dupliciter, Uno modo ſecundùm Auguſtinum tom. 4. de conſenſ. Evangel. lib. 2. cap. 30. ut non ſint præcepta, ſed conſeſſiones; conſeſſit enim eis, ut poſſent pergere ad prædicationis officium ſine pera, & baculo, & aliis hujusmodi, tanquàm habentes poteſtatem neceſſaria vitæ accipiendi ab illis, quibus prædicabant; Unde ſubdit, dignus eſt enim operarius cibo ſuo; Non autem peccat, ſed ſupererogat, qui ſua portat, ex quibus vivat in Prædicationis officio non accipiens ſumptum ab his, quibus Evangelium prædicat, ſicut Paulus fecit. Alio modo poſſunt intelligi ſecundùm aliorum Sanctorum expoſitionem, ut ſint quadam ſtatuta temporalia Apoſtoliſ data pro illo tempore, quo mittebantur ad prædicandum in Judæam ante Chriſti paſſionem. In art. autem 4. ad 4. ſcri-

bit: Illa autem, quæ ponuntur Matth. 10. & Luc. 9. & 10. fuerunt quadam præcepta diſciplinæ pro tempore illo, vel conſeſſiones quadam, ut ſupra dictum eſt, & ideo non inducuntur tanquàm conſilia. Ecce evidenter Divus Thomas probabiliter judicat illos textus Evangelicos continere, & non continere præceptum; ſeu, ut loquar verbis Angelici, continere quadam præcepta pro illo tempore, vel non eſſe præcepta, ſed conſeſſiones.

24. Clarè etiam ſequitur utramque opinionem in 4. diſtinct. 17. in expoſit. litter. fin. ubi hæc habet: Si autem per errorem contingat, ut aqua loco vini ponatur (in calice) ſi autem vini conſecrationem percipiat, debet aquam effundere, & vinum imponere; ſi autem poſt, debet incipere conſecrationem vini alio vino ſuper inſuſo; contritione de negligentia præhabita, vel etiam à capite Canonem inchoare ſuper aliam Hoſtiam, Hoſtia prius conſecrata poſita ſcorſim, ut Innocentius dicit de Myſter. Miſſæ lib. 4. cap. 22. fin. Ecce Sanctus Doctor aſſerit, & quòd in hoc errore debet ſolum vinum conſecrare, & hæc eſt ejus opinio; ſed adhuc ex Innocentio dat licentiam, ut conſecremus utramque materiam. Eandem doctrinam tradiderat diſt. 8. quaſt. 2. art. 4. quaſtiunc. 2.

25. In 2.2. quaſt. 2. art. 7. ad 2. amplectitur expoſitiones oppoſitas Sanctorum ſuper illum Textum Matth. 17. Tu es, qui venturus es, an alium expectamus? Una enim opinio dicebat, quòd ex ignorantia inſpexit, an Chriſtus eſſet perſonaliter deſcenſurus in Infernum; Altera opinio Chryſoſtomi affirmabat, quòd non inſpexit, quia ipſe ignoraret, ſed ut per Chriſtum ſatiſfaceret ſuis diſcipulis. Ecce opinio affirmans Inquiſitionem ex ignorantia, & opinio negans inquiſitionem ex ignorantia. In quaſt. 95. art. 4. ad 2. expreſſè aſſerit, quòd Samuel verè apparuerit Sauli Reg. 1. cap. 28. ut docet Auguſtinus lib. 2. quaſt. 3. poſt princip. Sed ſubdit: Vel non verè Spiritus Samuelis à requie ſua excitatus

ius est, sed aliquod Phantasma, & illusio imaginaria diaboli machinationibus facta.

26. Denique clarissimè propugnat utramque partem Doctor Angelicus de Potentia Dei quæst. 4. art. 2. circa illam difficultatem, an Mundus creatus fuerit successivè, vel simul. Hunc textum retuli, & expendi cap. 4. num. 21. & illum ab objectis Adversariorum defendo. Adde illis. Ratio cur fieret præjudicium Sanctis Doctoribus, si non de fenderem ipsorum opiniones speculativas, est, quia eorum doctrina approbatur ab Ecclesia in c. *Sancti* is distin. & alibi. In his autem Sacris Canonibus approbatio non limitatur quoad speculativas opiniones, sed absolute, & simpliciter recipiuntur opuscula Sanctorum Cypriani, &c. Ergo eorum opiniones approbatio non limitatur etiam; Ergo, si fieret præjudicium opinionibus oppositis speculativis, nisi sustinerentur ambæ, idem præjudicium sit opinionibus oppositis moralibus, nisi ambæ sustineantur. Divus Thomas in eodem Articulo, & in precedenti, si non erro, sustinet alias opiniones oppositas speculativas Sanctorum, quas necessarium non duco referre; Exempla enim allata clarissima sufficiunt.

27. Divus Bonaventura sequitur etiam utramque opinionem probabiliter, ut retuli alibi: Hic iterum expendo quatuor loca, quorum primus est in 4. distin. 6. par. 2. in exposit. tex. sub. 1. ubi refert duas opiniones circa exultationem Joannis Baptistæ in utero. Prima tenet, quod hæc exultatio non fuerit ex prævia cognitione. Secunda affirmat. Doctor Seraphicus sic concludit: *utraq; posio est probabilis, nec possunt de facili improbi distinet.* 13. art. 2. quæst. 2. in qua dissolvit illam difficultatem, an Corpus Christi descendat in ventrem hominis. Refert quatuor modos oppositos pro solutione, & reprobat primum, & quartum; de aliis duobus sic scribit: *de duobus positionibus mediis, quæ sit verior, non est facile judicare, cum utraq; sit multum probabilis.* Ecce Seraphicus Do-

ctor Secundam, & tertiam positionem vocat expressè medium probabilem, sed multum probabilem. Porro istæ duæ Positiones, seu opiniones erant oppositæ. Legamus textum: *Probabile enim est, quod sumptione completa . . . . . desinit esse Sacramentum, & hoc dicit Hugo de Sancto Victore; dicit enim sic: Postquam manducasti, si corporalem præsentiam quæris, in Cælo quare, ubi est ad dexteram Patris, & hoc videtur satis probabile. Quando enim Christus est sub speciebus illis, est adorandus, sed stultus esset, (nota hæc verba) qui adoraret Christum in ventre manducantis. Sanctus Doctor non ponit conclusionem, quæ sequitur ab his præmissis; & est, Ergo Christus facta manducatione Specierum non moratur in ventre hominis; Et hæc conclusio est tertia opinio. Secundum hanc positionem satis patet responsio ad objecta. . . . . ad secundum. . . . . de Specierum vomitu, & pœna imposita non est, nisi quia species illæ fuerunt contentivæ Domini Corporis; & ideo in magna reverentia sunt habenda. . . . . Sic potest ista opinio satis probabiliter sustineri. Juxta hanc positionem duæ propositiones sunt concedendæ, prima speculativa, Altera practica. Prima: *Corpus Christi facta manducatione non est sub speciebus.* Secunda, quæ necessariò sequitur ex prima: *Si species facta manducatione evomantur, in magna quidem reverentia sunt habenda, quia fuerunt contentivæ Domini Corporis; Cum tamen secundum hanc opinionem actu non contineant Corpus Christi, non sunt maxima veneratione habendæ; & sic nec adorandæ adoratione illa, qua adorabantur, dum actu continebant Dominicum Corpus.* Hæc duæ Propositiones juxta phrasim Seraphici sunt multum probabiles, & satis probabiliter sustineri possunt.*

28. Prosequitur Sanctus Doctor: *Nihilominus tamen alia posio videtur securior, & auctoritatibus magis concordare, quia Corpus Christicum illis speciebus descendit ad Stomachum, & sub illis est, quando illæ sunt sub propria forma, & habent rationem reficiendi, & secundum ordinationem ad refecionem humanam SA-*

CRAMEN

*eramentum erat; Unde concedunt, quod Corpus Domini est in stomacho; ( Ecce propositio contradictoria antecedenti opinioni) quia ibi sunt species ut cibus; & ideo si evomuntur species, evomitur Eucharistia. Et si species possit ab aliis discerni sumenda esse. .... Secundum hanc positionem satis patet responsio ad objectionem. Si secundum hanc positionem Corpus Christi est in stomacho, & dum evomuntur species, evomitur Eucharistia; Ergo illæ species sunt adoranda ea adoratione, qua adoratur Eucharistia. Eucharistia autem adoratur ex Tridentino sess. 13. can. 6. & cap. 5. adoratione Latræ, cum contineat Christum. Igitur Divus Bonaventura satis probabiliter, ut notat etiam suus Marginista, sustinet duas propositiones oppositas, speculativas quidem formaliter, sed virtualiter practicas. Et illis datis necessariò debebat Sanctus Doctor, concedere relatas oppositas morales propositiones ut satis probabiles. Nescio, an Marginista sit ipse Divus Bonaventura, an verò alius; sic etiam nescio, si est alter Doctor, an sit Antiquus, vel Modernus. Si esset Author alter, & Antiquus, haberetur alter Antiquus approbans utramque opinionem probabilem.*

29. Tertius Textus est in distinct. 17. par. 2. art. 1. quæst. 3. ubi dicit, adesse opinionem asserentem, quòd Confessio, seu narratio peccatorum non sit instituta à Christo, sed instituta; unde Hugo dixit lib. 2. par. 4. c. 14. Medicis dixit, ut curarent, sed infirmis non dixit, ut ad Medicos curandi causa venirent. De hac opinione sic subdit Seraphicus Doctor. *Et licet hoc sit satis probabile; potest tamen & aliter dici, quòd Dominus Confessionem per se non instituit, quia est in remedium recidivantium, &c. ideo Confessio fuit à Domino insinuada, ab Apostolis instituta, ab Episcopo Hierosolymitano, idest Jacobo promulgata: Ecce evidenter contra propositionem satis probabilem Seraphicum Doctorem defendere suam opinionem, quæ solum poterit esse vel probabilior, vel æquè probabilis. Si secundum, habetur intentum; si primum,*

*ergo opinio minus probabilis est nedum probabilis, sed etiam satis probabilis; si est satis probabilis; ergo illa uti possumus in praxi. Hic nota ex Tridentino sess. 7. de Sacram. esse de fide, omnia Sacramenta esse instituta à Christo Domino, & specialiter de Sacram. penitentiae hoc facit sess. 14. cap. 1.*

30. Quartus Textus Divi Bonaventuræ est in 4. pariter distinct. 38. art. 2. quæst. 3. ubi quærit, an Summus Pontifex possit dispensare in voto. Tres opiniones refert. Prima dicebat, in omnibus votis Papam posse dispensare. Secunda sustinebat, quòd in omnibus potest, excepto voto continentie. Tertia concedebat de omnibus præter tria vota Religiosum constituenta. Subdit deinde de his tribus opinionibus: *Quæ istarum trium si verior, fateor me nescire, & satis potest quælibet sustineri, ideo nullam assero.* Certè hæ tres opiniones sunt oppositæ, & sunt morales, adhuc tamen satis quælibet sustineri potest. Ergo secundum Divum Bonaventuram ego possum satis sustinere, & defendere has tres opiniones oppositas. Si quælibet autem satis sustineo; ergo erunt æquè probabiles. Quando autem dicit, *ideo nullam assero*, non significat, quòd nullam sequatur, sed quòd nullam pro certa habet. Verbum enim *Assero* Antiquitus significabat cognitionem certam; Undè Antiqui, ut dixi supra, permittebant quidem quoad Notiones Divinas variari posse opiniones, dum tamen nihil assererent, & ipse Divus Bonaventura, ut etiam ibidem retuli, dicebat, quòd Catholici tractatores variabant quidem in opinionibus, non in asseritionibus.

31. Nescio, an magister Sententiarum sit pro nobis. Assero, quod potui invenire. In 4. distinct. 22. cap. 2. ibi quærit, an peccata dimissa redeant per novum peccatum. Prima opinio simpliciter assimabat. Secunda dicebat, solum per ingratitudinem redire. Subdit Magister: *Utrique parti quæstionis probabiliter favent Doctores; ideoque alicui parti non præjudicans studioso lectori judicandum relin-*

resinguo. Nostri probabilistæ, dum vident utramque partem à magnis Doctoribus defendi, cognoscunt cum Magistro ingens præjudicium factum iri, si cogere Lectores ad unam partem; ideo libertatem dant sequendi illam, quam volunt. Secus faciunt Probabilioristæ abicientes æqualem Probabilitatem, & cogunt miserum Lectorem ad partem rigidam.

32. Raymundus lib. 1. tit. De voto §. 17. Primò dicit, quòd Religiosus ignarus juris, si ipsi non sit explanata asperitas Religionis, & si credebatur, Religiosos illos regulariter vivere, & ad illam asperitatem voluit se obligare, & non ad majorem, & hoc expressit, non cogetur ibi remanere, sed transibit ad alium Ordinem, quem valeat sustinere. Subdit Sanctus Doctor: *Vel dic indistinctè, quòd debet remanere.* Ecce clarè utraque opinio: debet remanere ibi. Tit. de mendacio post med. facit quæstionem, quid debeat respondere ille, à quo securus petit, ubi sit Petrus, quem vult occidere. Respondet primò, quòd debet, si potest transferre sermonem ad aliam materiam; secundò, quòd debet eludere sicarium utendo verbo æquivoco. Tercio, *vel dic simpliciter, quòd debet negare, & asserere, cum non esse ibi.* Tit. de decimis §. 2. scribit. Alii dicunt, quòd, si Clerici non recipiunt Sacramenta ab illa Ecclesia, non tenentur dare decimas, aliàs sic. *Vel dic, quòd, si deseruiant illi Ecclesia, non tenentur, aliàs sic.* In §. 7. habet. §. jus non spirituale, nec proprietatis, sed percipiendi fructus temporales fuit concessum ante dictum Concilium militi in feudum, & ipse bene vivat, & defendit Ecclesiam, potest excusari. *Vel dic, quòd nullo tempore possunt, decimæ dari in feudum, etiam quando jus temporale.*

33. Lib. 2. tit. de rapt. §. 5. circa penitentiam cujusdam delicti scribit. In illo c. pessimam, dicitur etiam, quòd detur ei penitentia, ut Hierosolimis, vel in Hispania per annum integrum in servitio Dei permaneat. *Vel dic arbitrarias. Scilicet, quòd Confessor non tenetur*

dare illam penitentiam determinatam, quam præcipit ille canon Pessimam, sed potest dare illam, quæ sibi bene visa fuerit. In §. 15. circa pedagium, & telonea antiqua, & nova, an sint solvenda ita decidit: Mercatores verò, & transeuntes credo indistinctè, quòd debent solvere antiquum, & novum; dummodo recipiens faciat illud, propter quod fuit institutum juxta formam supradictam in utroque, quòd si non faceret, isti, à quibus exigitur, possent negare. *Vel debent adire super hoc Judicem, quod tutius est. Vel dicant, quòd cessante in illo causa cessat in eis obligatio, vel illo non servante fidem eis, nec ipsi tenentur ei.* Ecce clarè per Divum Raymundum in eodem casu Mercatores debent solvere antiquum, & novum pedagium; & sic docet opinionem rigidam. Adhuc tamen amplectitur etiam benignam illis verbis: *Vel dicant &c. nec ipsi tenentur ei.* Ergo per Sanctum Doctorem Mercatores debent, & non tenentur solvere pedagium.

34. Hunc modum decidendi quæstionem, scilicet docere unam opinionem, & postea subdere illa verba: *Vel potest dici, aut alia æquipollentia*, adhibet quoque Sanctus Doctor in §. 21. ejusdem tituli, in lib. 3. tit. de Sacram. iter. §. 10. tit. de diff. offic. §. 7. tit. de pœnit. §. 6. tit. de sentent. defin. præcept. &c. §. 18. & §. 37. & §. 42. & tit. de pœnitent. & remiss. §. 39. Porro hic modus decidendi quæstionem est ipsamet doctrina aequalis probabilitatis; nam Doctor primò docet unam opinionem, postea oppositam asserit posse dici illis verbis, *vel potest dici &c.* Si Probabilioristis displicet modus decidendi quæstionem Modernorum, dum dicunt, utraque opinio potest teneri, defendi &c. Ipsi debet placere modus allegatus Divi Raymundi. Igitur, ut placeat Adversariis, & sequar Sanctum Doctorem, posthac difficultatem resolvam hoc modo, v. gr. Adultera debet restituere pretium Adulterii, quia maritata non est domina usus sui corporis; & sic facit contra Justitiam, dum illud alteri dat; & propter hoc ab

illo aliquid recipit: *vel dicas*, quòd illa maritata male facit, dum dat copiam sui corporis alteri, sed male non facit, dum post adulterium recipit pretium; nam saltem potest recipere illos nummos, si non ut pretium, saltem ut donum Adulteri. Fateor meam ignorantiam, nullum video discrimen inter hos duos modos resolvendi quæstiones. Certè Adversarii modum Beati Raymundi non adhiberent, si resolverent difficultatem in aliqua materia, quæ modo esset decisa. Si Pontifex decideret, decimas non potuisse ante Concilium dari in feudum, etiam quòd jus temporale, utique non possemus dicere, ut fecit Beatus Raymundus: Si *jus non spirituale, sed percipiendi fructus fuit concessum, potest quis excusari*. Vel dic, quòd *nullo tempore potuerunt dari decima in feudum &c.* Sed deberemus solum dicere: Decimæ non potuerunt dari in feudum, etiam quoad jus temporale.

35. Ulterius particula, *Vel*, ex sua natura est alternativa, ut patet apud Bertachinum, V. *vel*, Barbosa de dicti usu frequen: V. *Vel*, & Tuscum V. *dictio* concl. 244. in alternativis autem possumus eligere, quod volumus, de quo vide Tuscum V. *Alternativum*. Tum quia in hoc modo decidendi asseritur prima pars; ergo traditur ut vera; Postea subditur, *vel dic*, nunquid potest dici falsum?

36. Sanctus Doctor habet alium modum clariorem admittentem utramque opinionem æquè probabilem. Ipse namque expressè dat in tribus locis libertatem eligendi opinionem, *quam volumus*. Lib. 3. tit. de *sentent. defin. præcep.* §. 37. quærit, quid debeat facere debitor excommunicati. De hoc refert duas opiniones. Prima est, quòd debitor non teneat persolvere debitum ipsi excommunicato, sed debet deponere illud in æde sacra, usque dum creditor absolvatur ab excommunicatione. Postea dicit, hanc secundam opinionem *esse bonam, & securam*. Mox subdit: *Vel si vis, tenere primam, consulo &c.* In tit. de *pænit. & remis.* §. 53. refert duas opiniones in illa quæstione, an

peccata dimissa redeant per peccatum de novo commissum. Has retuli cap. 4. num. 29. fin. illas ibi vide. Concludit quæstionem: *Elige, quam volueris*. In §. 60. scribit: *dicunt quidam, quòd debet adire Episcopum, & dicere: custodi &c. Vel*, si placet, *dic, quòd possit revelare talibus &c.* Nunc sileant Probabilistæ, nec utantur amplius illa phrasi in decisione quæstionum, *utraque opinio potest sequi: Utraque opinio est probabilis &c.* sequantur methodum traditam à Beato Raymundo, aliàs Doctore admodum rigido. Igitur referant opiniones, quas tradunt Doctores in illa materia, postea concludant: *Elige, quam volueris*. Igitur ego sequor Beatum virum; Relinquo invidiosam, & censuratum æqualitatem Probabilitatis, & ejus loco pro Regula statuo, *Inter plures opiniones oppositas Thomistarum, Scotistarum, Baronistarum, & aliorum famosorum Doctorum elige opinionem, quam vultis*. In eodem tit. sed §. 46. refert duas opiniones in materia morali, & subdit: *Verum quancunque opinionem teneas*. Expendat lector, an hic implicite det licentiam sequendi opinionem, quam volumus.

37. Adversarii dicent, illas opiniones æqualiter probabiles esse speculativas, non morales; & de speculativis concedi, nos posse sequi, non de moralibus. Contra est, quia textus ille ex §. 37. de *sent. defin.* est moralis. Tum quia nequit assignari ratio, cur in materia speculativa Sacra æqualiter probabili possumus eligere opinionem, *quam volumus*, & non in moralibus. Si enim datur, in moralibus, eligendo partem benignam, nos incurrere periculum frangendi legem; contra est, quia in speculativis Sacris, eligendo unam partem, incurrimus periculum dicendi oppositum illi, quod revelavit Spiritus Sanctus, ut alibi dicebam. Debent ergo Adversarii assignare rationem, quare periculum facienda contra legem obicere positam debeat nos retrahere ab electione opinionis benignæ in moralibus, periculum verò dicendi oppositum illi, quòd



quod obscure revelavit spiritus Sanctus non debeat nos retrahere ab electione opinionis in speculativis Sacris; maxime cum D. Augustinus afferat, nulli periculosius errari, quam dum quaeritur unitas Summæ Trinitatis. Nec dicas, in moralibus nos posse cavere periculum, sequendo partem rigidam; nam in speculativis fugiemus periculum nullam partem tuendo, & suspendendo assensum utriusque partium.

38. Confirmatur. Dum in speculativis Sacris ex æquè probabilibus eligimus unum, vel dicimus verum, vel falsum. Secundum nequit dici. Ergo eligimus verum. Ergo etiam eligendo unum ex moralibus æquè probabilibus dicimus verum. Nec potest recurri ad periculum faciendi contra legem, quia tale periculum non reddit opinionem rigidam magis veram, quam benignam; quia supponimus, esse æqualiter probabiles.

39. Confirmatur iterum. Si quis velit operari juxta partem rigidam, potest eligere partem benignam, illam defendendo; sicut ego teneo ut probabilius, non esse confitendas circumstantias aggravantes; & adhuc in praxi sequor oppositum. Assumptum probatur, quia tota ratio, cur in moralibus nequeo eligere opinionem, quam volo, est, quia eligendo benignam, incurro periculum faciendi contra legem. At nunc suppono, quod voluntas nolit operari juxta illam opinionem benignam; unde in hoc casu solum incurreretur periculum dicendi oppositum illi, quod revelavit Spiritus Sanctus, quod tamen periculum. Adversarii nihili faciunt. Si Adversarii concedunt, nos posse eligere opinionem moralem ex æquè probabilibus, si tamen voluntas sit affecta, ut nolit operari juxta illam opinioem benignam; tunc inquiri, an illa opinio sit vera; & sic obiectum erit quoque bonum; & sic voluntas poterit illud amplecti; an verò sit falsa; & sic intellectus nequit illam defendere.

40. Glossator Raymundi habet quotque suas æquales probabilitates, sicut habuit pluries Probabilitatem. Lib. 1. tit.

de voto §. 17. V. non excusat habet de verbo ad verbum illam Doctrinam, quam tradidit D. Bonaventura in 4. dist. 38. art. 2. quæst. 3. quamque ego retuli num. 30. Lege ibi, quia nihil potest addi, nam textus est apertus. Lib. 4. tit. de impedimento voti. §. 4. V. non audiretur tenet, quod, si quis sumat habitum in Monasterio, quidam profitentibus consuevit &c. hic tacitam professionem emisit; unde teneretur remanere in Religione, vel saltem ad mitiorem transire, ut in prædicto decret: notatur. Subdit Doctor. *Vel hoc intelligas de illo, qui in habitu professorum stetit cum regularibus ultra tempus probationis, qui de cætero non potest inde recedere, nisi transeat ad aliorum religionem.* Utique prima opinio erat, quod ipsum assumere illum habitum profitentibus dari solitum esset tacita professio religiosa; secunda verò opinio exigebat ulterius, quod staret inter Religiosos per tempus probationis. Certè illæ opiniones opponuntur. Et certum pariter est, quod Doctor tenet primam rigidam, sed simul dat licentiam sequendi secundam benignam illis verbis: *Vel hoc intelligas de illo &c.* Hic Doctor fuit author illius opinionis valde benignæ, quamque multi Summistæ antiqui sequuntur, quod scilicet in apicibus juris, & ubi dubitant sapientes, sit excusabilis ignorantia, si ipse sit juris peritus, & respondeat secundum suam opinionem, in qua sint alii jurisperiti. Lector-judicabit, an sit hic textus pro equali probabilitate. Hoc est certum, evidenter opponi Vendrochio, qui non vult excusari illos, qui in materia juris naturalis obicuri errorem sequuntur.

41. Irrefragabilis Alensis habet textum meo judicio clarum, in materia quidem speculativa, Sacra tamen. Igitur par. 2. quæst. 161. memb. 7. ad 2. scribit: Aliud est dicere historiam non esse veram, & aliud est exponere historiam sic, vel sic, & opinari circa ejus expositionem. Ille autem, qui diceret historiam non fuisse veram, & pertinaciter, hæreticus judicaretur. Sed sic non faciebant San

Sancti opinantes de sex diebus; ipsi enim non destruebant historiam illam, imò omnes in illa concordabant, *differentiter tamen ipsam exponebant*; quia quidam exponebant eam de diebus materialibus, quidam de spiritualibus; sed hoc non est destruere historiam, sed exponere; unde tales expositiones sunt declarativa Scriptura; quoniam dicunt hoc Sancti rationibus ad hoc inducentibus. Unde Augustinus, & Sancti Patres, qui ista diversa senserunt, à Spiritu Sancto est; concordant enim omnes in historia, quia historiadicunt, tot fuisse dies, seu discordant in expositione dierum. Unde ex Spiritu Sancto moventur Sancti ad istas expositiones ad Scripturam declarationem; & si sit ibi aliquando falsitas, hoc non est ex natura boni primitus instituti, sed ex præna damnati; In natura enim primò instituta non erant opiniones, nec erunt similiter in gloria, sed modò sunt, quia opinio importat penalitatem.

42. Nota primò, quòd Sancti varieverunt circa qualitatem dierum, quibus mundus creatus est; quidam enim dicebant esse dies materiales, quidam spirituales. Nonne hæc varia expositio clare importat in una parte falsitatem? Certè impossibile est, quòd si est vera expositio de diebus spiritualibus, sit vera illa de materialibus; impossibile nanque est, quòd idem dies sit simul spiritualis, & materialis. Nota secundò, hanc varietatem expositionum inservire ad declarationem Scriptura, & esse à Spiritu Sancto, & ad hanc variam opinionem Sanctos habuisse rationes inducentes.

43. Nota tertio, diversitatem opinionum importare quidem penalitatem provenientem à peccato Adæ, non tamen dicere peccatum; quia aliud peccatum non contrahimus ab Adam, nisi Originale, quod deletur per baptismum, & taliter, ut post ipsum, inquit Tridentinum sess. 5. in decr. de orig. pecc. tollatur totum id, quòd verum, & propriam peccati rationem habet, licet remaneat in baptizatis concupiscentia, vel fomes, quæ tamen ad æonem relinquitur, nec nocet non consentientibus,

44. Nota quartò, hæc omnia esse contra Adversarios vociferantes per diversitatem opinionum eludi Scripturam, & ipsam invehere lassitatem morum. Si per ipsam declaratur scriptura, & à Spiritu Sancto est juxta Alensem, quomodo scriptura eluditur, & mores lassantur? Nota ultimò ad propositum nostrum, Alensem laudare has varias, & oppositos opiniones; & sic illas amplecti, & judicare veras, & utique saltem æqualiter probabiliter veras. Nunquid falsum poterit laudari?

45. Idem Doctor ad ult. videtur admittere, quòd Magistri licitè de Divinis Notionibus contrarias opiniones teneant, solum enim vult, quòd contrarias opiniones non potuerint licitè asserere; ergo & jure Doctor negat, posse nos in hac materia licitè asserere contraria, quia, cum assertio per Antiquos importet certam cognitionem, qui opinionem ut certam teneret, & illa esset falsa, implicite, illam teneret, quamvis esset contra determinationem Ecclesiæ; quando enim quis est certus, oppositum omnino rejicit. In hoc etiam textu Doctor videtur laudare æqualem probabilitatem.

46. In par. 4. quaest. 28. membr. 6. art. 2. §. 3. refert de tempore, quo ex præcepto incipiendum est jejunium, fuisse varias opiniones. Prima erat, quòd inciperet in fine tertii Septemnit, Secunda anno vigesimo, Tertia anno sexdecimo. De Secunda, & Tertia ita decidit: Neutram reprobo, sed tamen mediam eligendo dico, quòd tempus aptum jejunio est tempus decem, & octo annorum. Si non reprobatur illas opiniones; ergo illas nos credit falsas, ergo illas judicat probabiles; ergo vel æquè probabiles; & sic habeo intentum; vel ut minus probabiles; Et sic Alensis tenet ut minus probabile, quòd jejunium incipiat anno vigesimo, & ut probabilius, quòd incipiat anno decimo octavo; Et sic Alensis vel est pro hac mea præsentis sententia, vel est pro sententia minus probabilis. Ego in rei veritate credo, quòd sit pro minus probabili; nam sequens quam

opinionem, & oppositam non damnans duo facit: primum, quòd illam non reipuit; & sic aliquo modo amplectitur; Secundum, quòd illam non amplectitur adeò firmiter; ergo illam solum ut minus probabilem sequitur.

47. Albertus magnus tom. 19. qui dicitur *Summa de creaturis tract. 4. de quatuor coëvis quæst. 71. art. 1. diffusè tractat quæstionem, an omnia simul facta sint, & primò ponit rationes pro utraque parte; postea consentit Augustino asserenti in Libro super Genesim ad litteram, quòd Deus formaverit Omnia simul in tempore; unde per sex dies non intelligit distinctionem temporum, sed rerum secunda natura principia. Mox solvit rationes oppositas.*

48. Solutis objectis concludit Albertus ita scribens: *Si quis autem aliam velit tenere opinionem, scilicet quòd non omnia simul tempore facta sunt, sed secundum ordinem illum, quem ponit Genesis, respondet ad objecta in contrarium &c.* Ecce expressè sequitur unam opinionem, & dat licentiam sequendi oppositam. Aliud nequit responderi, nisi quòd sit in materia speculativa; hæc tamen responsio alibi manifestè rejecta est, & evidenter sequitur, intellectum inter opiniones æquales posse se determinare, nec remanere suspensum, nec defensionem utrinque partis importare contradictionem, quæ omnia sunt contra Adversarius. Hæc sequella probatur, quia quoad hæc materia speculativa non habet aliquid magis, ac moralis.

49. Egredius, vidimus alibi, quòd concedit, nos posse variè opinari, usque dum veritas clarè non habetur; & sic dat facultatem in materia obscura, saltem æqualiter probabili, alterutram opinari. In 3. dist. 25. art. 2. ad 3. amplectitur duas explanationes oppositas circa illa verba Christi apud Matt. 15. *non sum missus nisi ad oves, quæ perierunt domus Israel.* Prima interpretatio est, quòd Christus principaliter sit missus ad Hæbræos, minus verò principaliter ad Gentiles. Secunda interpretatio est, quòd Christus in persona sua non fuit

missus, nisi ad Hæbræos; in ministris verò est missus etiam ad Gentiles. Amplectitur utraque explanationem hoc modo. Primò ait, *dicendum, quòd verba Christi intelliguntur &c.* Ecce clarè docet primam opinionem. Secundò subdit: *Vel potest dici &c.* Ecce clarè amplectitur secundam explanationem; nam si illam non crederet veram, non posset asserere: *potest dici*, nunquid falsum potest dici? Jam patet has interpretationes esse oppositas.

## C A P U T XXVIII.

Alii Antiqui pro aequali opinione referuntur.

1. Durandus in 4. distinct. 8. quæst. 3. nu. 10. asserit, quòd, si consecrata Hostia moreretur Sacerdos, deberet alter consecrare Vinum, & perficere sacrificium; *vel Secundum Innocentium Tertium Hostia jam consecrata esset ponenda seorsim, & super aliam non consecratam una cum Vino esset facienda nova Consecratio incipiendo à principio Canonis.* Ecce textus clarus, in quo pro suppleendo defectu Missæ utitur duplici opinione opposita probabili, scilicet, quòd illo casu vel potest fieri consecratio solius vini, vel panis, & vini.

2. Distinct. 15. quæst. 2. num. 13. fin. asserit, quòd oratio injuncta à Confessario, si fiat in peccato mortali, non sit satisfactoria; & ideo necesse esse, quòd iteretur in statu gratiæ. Sed num. 14. Subdit: *Si quis verò vellet tenere*, quòd opera facta extra Charitatem essent satisfactoria pro peccato priùs dimisso, posset respondere ad rationem alterius partis dicendo, &c. Certè in hoc casu sequitur æqualiter utranque opinionem, dum pro utraque asserit rationes, & pro utraque solvit objecta, & ut faciebat Richardus, dabat licentiam amplectendi opinionem, quam volumus.

3. In eadem distinct. quæst. 11. In principio probat in die jejunii toties peccari,

cari, quoties comeditur. Postea nu. 9. sic scribit: *Istud autem, etsi probabiliter dictum, videtur tamen multum durum; & ideo potest aliter dici, & mitius, quod talis non peccat mortaliter in qualibet comessione.* Probabilis ita dum asserunt, posse sequi duas opiniones æque probabiles oppositas, aliud non dicunt, nisi quod Durandus. Vident ergo opinionem stantem pro lege esse quidem probabilem, ut videbat Durandus in hac quaestione, & inde dicunt: *hac quidem opinio est probabilis.* Vident tamen etiam esse multum durum, ut videbat Durandus; inde inferunt cum eodem, *Ideo potest aliter dici, & mitius, quod talis mortaliter non peccet*, Verb. gr. non confitendo Circumstantias aggravantes; non restituendo lucrum acquiritum ex lenocinio, ex Adulterio, & similibus, in laborando per horam in die festo &c.

4. Nec valet, si dicas, quod Durandus asserendo rationes pro sua opinione illam reddiderit sibi probabiliores. Sed gratis omnino dicitur, & legendo integrum textum nihil de hoc suspicari possumus; Tum quia Durandus vocat oppositam opinionem Probabilem, non verò minus Probabilem, ut debuisset, si clarè voluisset loqui. Sic comparando lumen candelæ cum lumine solis dicimus, est minus lumen; Tum quia dando totum, quod volunt Adversarii, sequitur evidenter, quod minus Probabile sit in rigore in linea Probabilitatis, & debeat absolutè dici Probabile; & sic, quod possumus defendere duas opiniones, Unam ut minus probabilem, alteram ut Probabiliores, ut Adversarii credunt hic facere Durandum. Quod si responderent, Durandum quidem sequi simul & probabilem, & minus probabilem ita tamen, quod minus probabilis sit etiam tutior, & stet pro præcepto, in quo omnes concedunt posse sequi.

5. Sed contra est, quia mensura probabilitatis non habetur ex eo, quod opinio sit tutior, quia etiam falsa sunt tutissima. Sic opinio asserens ad Sacramentum penitentiae prærequiri contritionem Charitate perfectam, nec

sufficere Attritionem, est falsa; adhuc tamen est tutissima in praxi. Ergo tutioritas nihil confert ad probabilitatem opinionis; ergo, quod opinio asserens toties peccare, quoties comeditur in die ieiunii, sit tutior, nihil confert, quod sit probabilis. Ergo, si possumus sustinere, & defendere opinionem ut probabilem, & minus probabilem contra oppositam probabiliores, licet opinio minus probabilis sit tutior, illam etiam poterimus defendere ut talem, quamvis ex parte objecti possit aliter se habere, & possit esse peccatum; quia, ut dicebam, tutioritas nihil confert ad probabilitatem. Tum quia multæ opiniones oppositæ Divo Thomæ sunt tutiores, v. gr. opinio asserens confitendas esse circumstantias aggravantes, statim esse confitenda peccata, &c. adhuc tamen non per hoc opiniones Divi Thomæ perdunt aliquid de Probabilitate.

6. Nota, Lector, diligenter causalem præsentis textus, quæ directè opponitur doctrinæ Adversariorum in hac difficultate. Dicunt ipsi: opinio asserens in tali materia legem obligare est tutior; ergo non possumus sequi opinionem oppositam, quamvis probabilem; quia sic operando nos exponimus periculo frangendi legem, si adesset; ergo debemus sequi partem tutiorem, quamvis rigidam, & durum. Durandus totum oppositum dicit: opinio asserens in tali difficultate adesse legem est probabilis, sed quia est multum dura, ideo mitius dici potest, quod lex hic non obliget propter hæc, & illa motiva, ratione quorum mihi videtur legem hic non adesse. Lector legat textum Durandi, & judicet, an ego idem asseram, quod Durandus.

7. Distinct. 30. quaest. 2. num. 8. pro solutione difficultatis, quomodo Beata Virgo potuerit contrahere Matrimonium, cum in corde suo disposuisset, servare se Virginem, Refert duos modos oppositos, Primum, quod Beata Virgo proposuerat quidem Virginitatem custodire, non tamen voverat; & dum nupsit, habebat propositum de Virginitate

tate absolute, sed sub conditione Divini beneplaciti. Secundum, quod quidem ante Matrimonium voverat Virginitatem, sed ante Matrimonium fuit certificata, quod copula maritalis non erat subsequutura. Subdit Durandus, *quod uterque modus discurrendi sufficenter evadit predictam dubitationem.* Ecce aperte Durandus sustinet probabiliter, quod Beata Virgo ante Matrimonium vovisset, & non vovisset Virginitatem. Huic textui aliud responderi nequit, nisi quod est in materia speculativa, quod nihil officit ex dictis, & dicendis.

8. Distinct. 33. quæst. 3. affert rationes pro utraque parte in questione de libello repudii in lege veteri permisso, & solvit rationes militantes contra utramque; unde clare utramque partem sequitur probabiliter. Sequitur quoque utramque in 3. dist. 34. quæst. 1. & 2. in 4. dist. 2. quæst. 3. distinct. 10. quæst. 2. num. 15. dist. 17. quæst. 9. num. 10. dist. 23. quæst. 3. ad 7. & in hoc loco sequitur unam opinionem, & postea ait, *si quis vellet tenere, &c.* dat libertatem sequendi oppositam opinionem. Fateor hosce textus esse omnes speculativos; est tamen practicus sequens. Igitur

9. Distinct. 41. quæst. 1. num. 11. fin. ait: quod quidam dicunt, quod Vir, aut uxor si fraudulenter baptizet filium Communem, potest quidem reddere debitum Conjugale, sed non exigere, *quod, quamvis sit probabiliter dictum, non invenitur tamen in iure expressum, quod non liceat ei debitum petere.* Ego infero, si non est in iure expressum; ergo licet huic fraudulento debitum petere; quia non tamen oppositum probabiliter dicitur, ideo hoc solum potest esse probabile. Ego puto hunc textum esse omnino idem cum allato ex distinct. 15. quæst. 11. num. 9.

10. Dicent forsan Adversarii, quod secunda opinio iudicetur certa à Durando? Contra est, quia contra certitudinem non datur Probabilitas, cum certitudo non possit aliter se habere, bene verò Probabilitas. Ergo, cum Durandus iudicet probabile esse, quod fraudulentus in casu dicto nequeat exi-

gere debitum, non potest recipere ut invariabilem, & certam opinionem oppositam.

11. In Scoto nondum inveni textum pro nostra opinione in materia, quæ nunc sit moralis. In 1. dist. 17. quæst. 2. fin. clare vocat utramque opinionem probabilem, quod habitus habeat virtutem activam, & quod non habeat; & subdit: *Argumenta, quæ sunt contra istas duas vias, quia utraque potest probabiliter sustineri,* postea solvuntur secundum alterutram istarum. Ecce evidenter sequitur duas opiniones æqualiter probabiles; Fateor tamen esse speculativas. In 3. dist. 38. §. *in solut. argut.* primò non excusat à mendacio Jacob, postea subdit: *dicitur tamen, quod tales sermones possunt figurative intelligi, vel sub alio intellectu, quam verba primo expriment.* Ecce quod etiam ipsum excusat à mendacio.

12. In 4. dist. 19. quæst. 1. art. 5. §. *ad argumenta* in solutione ad 4. utitur duplici opinione, ait enim, quod secundum unam opinionem *Clavis de se est tantum potestas remota; secundum autem aliam opinionem Clavis est potestas propinqua.* Ecce Clavis & est potestas remota, & non est potestas remota, cum sit potestas propinqua.

Distinct. 33. quæst. 3. §. *hic dicitur, quod,* & hunc textum retuli etiam cap. 4. num. 33. affert primò opinionem dicentem, Repudium fuisse illicitum cum suis fundamentis. Secundò subdit aliam sustententem ut licitum Repudium. Narrat pariter ejusdem rationes, & docet modum convenientem defendendi illam, & solvit objecta contraria. Tandem subdit: *qui vult tenere primam opinionem, ad argumenta in oppositum potest facilliter respondere.* Ecce Scotus tenet expressè secundam opinionem, sed adhuc dat licentiam sequendi primam oppositam, & docet modum objecta solvendi. Ergo existimat probabilem etiam hanc primam opinionem. Quæro nunc ab Adversariis, si Scotus vixisset in Lege Moysayca, num mutasset opinionem? Si non mutasset; Ergo Scotus sequitur

utramque opinionem moralem. Simulasset; assignent motiva, quæ certè nulla imaginari possunt.

13. Petrus Paludanus in 4. distin. 31. quæst. 3. art. 2. habet: Ratione periculi infectionis tempore menstrui tunc secundum quosdam exigere debitum conjugale scienter est mortale; sed reddere cum dolore, & displicentia non: *Vel dicendum, quod non est mortale etiam scienter exigere, quia, licet videatur esse contra charitatem &c.* Nota illam particulam, *Vel*, quæ certè, ut alibi dixi, supponit aliam opinionem posse probabiliter sustineri. Si tu diceres: *secundum quosdam Antiquos non tenemur ad confessionem. Vel dicendum teneri ad Confessionem.* Si, inquam, sic diceres, certè non bene loquereris. Ergo quia illa particula, *Vel*, supponit aliam partem esse probabilem, quæ in casu de Confessione non est. Lege eundem in dist. 16. qu. 4. art. 2. ad 2. & dist. 33. q. 2. art. 3. nam videtur sequi utramque partem in materia speculativa.

14. Ruinerius de Pisis. V. *confessio*, cap. 10. facit quæstionem, an non habens mortalia teneatur confiteri, & sic resolvit difficultatem: Tertio modo respondeo, & dico, quod ex vi Sacramenti non tenetur aliquis venialia confiteri, *sed ex institutione Ecclesie sic*, quando non habet alia peccata mortalia, quæ confiteatur. *Vel potest dici secundum quosdam, quod ex Decretali prædicta, quæ præcipit omnis utriusque sexus non obligantur nisi illi, qui habent peccata mortalia*, quod patet ex hoc, quod dicit omnia peccata confiteri. Ecce evidenter, quod per hunc Doctorem habens solum venialia tenetur confiteri *ex institutione Ecclesie*. Adhuc tamen potest dici, quod ex illa Decretali non obligatur confiteri. Ergo clarè utramque opinionem sequitur.

15. Alesius, lib. 1. tit. 18. art. 7. quæst. 2. asserit duas opiniones circa illam difficultatem, an juramentum dolosum obliget, & primam vocat probabilem juxta D. Bonaventuram; Hæc verò dicebat, tale juramentum esse obligatorium

in foro fori, non verò in foro poli & apud Deum. Secunda volebat, esse obligatorium in utroque foro. Pro hac opinione respondet objectis. Meo judicio negari nequit, Doctorem existimare probabilem utramque opinionem.

16. Lib. 2. tit. 45. art. 4. quæst. 3. refert quoque duas opiniones in illa quæstione, an Virgo occultè violata debeat consecrari. Prima communis secundum omnes dicit, non licere dicere, vel facere ea, quæ sunt de substantia consecrationis; circa verò ea, quæ sunt de solemnitate consecrationis, vult, quod adhibeatur cautela ad vitandum scandalum, & infamiam secundum aliquos. Alia opinio dicit, quod tales corruptæ nullo modo debent se sociare Sacris Virginibus in consecratione, etiam quantum ad ea, quæ sunt de solemnitate, cum talem Sanctitatem simulare sit hypocrisis maxima. Subdit Astellanus: *salvo meliori judicio, utraque opinio est satis tolerabilis, sed secunda videtur esse tutior.* Ego addo: salvo meliori judicio, negari nequit, quod Doctor judicet, utramque opinionem esse in praxi eligibilem. Si utraque est satis tolerabilis; ergo utraque est satis practicabilis. Et nota, quod Author cognoscit, secundam esse tutiorem. Adhuc tamen utraque est satis tolerabilis. Ergo etiam nos à simili poterimus dicere in difficultatibus, quando pro utraque parte aderunt DD. & rationes, utraque opinio est satis tolerabilis; & sic practicabilis. Nunquid potest tolerari opinio in re morali, quæ in praxi sit prava? si prior textus potest aliquo modo elidi, secundum omnino est insuperabilis, meo judicio.

17. Lib. 3. tit. 11. art. 3. decidit, usuram esse peccaminosam. Contra ipsam asserit rationes, quarum prima est auctoritas Ambrosii, quæ refertur. 14. quæst. 4. ibi dicitur. *Ab illo exige usuram, cui merito nocere desideras. Cui jurare inferuntur arma, sibi legem inferuntur usura.* Doctor huic textui respondens ita scribit: De illo verbo Ambrosii sunt diversæ opiniones, & variz expositiones, quarum duas anticiant ad

præfens gratia brevitatis, quæ videntur rationabiliore, & communiores. Una est, quod debes intelligi, & exponi de Paganis, & hostibus Republicæ, sicut littera sonat planè. Casibus (corrige) Hostibus enim ea, quæ detinent, modis omnibus, quibus possumus, aperte, & insidiosè tanquam ab indignis debemus auferre. Secus est de Judæis, qui sunt nostri servi. Alia opinio, quæ est communior secundum Ray, est, quod à nullo homine Christiano, Pagano, vel alia licet usuram exigere. Meo judicio hic quoque textus est inevitabilis, nam clare dicit, utramque expositionem esse sufficientem, rationabiliorem, & communior. Numquid opinio fallà sufficiet pro salvanda mea conclusione, vel poterit dici rationabilior? In art. 4. quæstion. 2 scribit: quid ergo de Emphyteota obligante Domino Emphyteomata. R. Host. quod forte est idem, quia eadem est ratio. Vel dicendum, quod non est simile, quia Emphyteota &c. Vel dicendum super hoc Papa consentiam. Hic vides, Authorem dare tibi licentiam triplicem opinionem amplectendi. Possunt esse benigniores Moderni?

18. Lib. 5. tit. 20. quæst. 2. quæstion. De casu particulari scribit: quod possis dici, Confessarium, qui scit ex confessione Latronis esse occidendum ab aliis Latronibus, si intret nemus, debere nemus intrare, si nequit ex alia occasione divertere, quin appareat illis aliis, quod propter confessionem diverterit. Subdit Doctor: *Aliter dici potest &c.* Ecce expressè, quod Author tenet, utramque opinionem dici posse, scilicet, quod teneatur intrare, & quod non teneatur intrare. Vide tit. 10. art. 2. quæst. 4. quæstion. illis verbis: *Vel potest dici.*

19. Lib. 6. tit. 14. art. 8. quæst. 5. Supponit, quod in quadam rixa, facta à pluribus ex utraque parte, aliquis fuerit occisus. Nunc querit, an omnes rixantes sint irregulares. Prima opinio affirmat. Secunda opinio Guil. Na. contradicit, & dicit, neminem in dubio repellendum.... Alii dicunt, quod, si constitit de aliquo, quod perculserit, semper in

dubio repellitur, si verò neget, se percussisse, relinquatur conscientie suæ, ut dicitur in c. nullum de cleric. percuss. cap. pe. & ult. Secundum autem Hostien. satis potest dici, quod in utroque casu est relinquendus conscientie suæ.... *Vel etiam secundum eundem in utroque casu relinquatur conscientia sua*, nisi tanta laboret infamia, quod generet grave scandalum; *Tutus tamen faciet*, si in dubio homicidam se reputet. Ecce in dubio orto ex diversitate opinionum, quis potest sequi opinionem, quam voluerit, in materia de irregularitate. Nostri Probabilioristæ hoc grande piaculum crederent. *Tu ne crede illis, sed, quod placeat, ipse sequaris.* Sic te risè geres, sic rite imitaberis Priscos.

20. In tit. 19. quæst. 4. vel 5. querit, an ille, qui juravit alicui ad certum tempus solvere, vel scribere, vel aliud opus honestum facere, possit ordinem sacrum recipere, antequam impleat, quod juravit. Sic solvit quæstionem. *Respondet quod sic....* Unde, si talis prohibente creditore fuerit promotus, non propter hoc deponetur, sed bona sua cedent ei in solutionem, *qua si non sufficiant, Episcopus secundum Ber. tenetur ei dist. 88. fornicari.* *Vel etiam Episcopus non tenetur ei, quia ille non tenetur facere ultra illud, quod potest.* Sic Astensis. Ecce Episcopus juxta ipsum & tenetur creditori, & non tenetur creditori solvere debitum. Promoti ad ordinem sacrum. Nos Probabilistæ per nostram æqualem Probabilitatem aliud nolumus.

21. In tit. 35. art. 4. fin. refert textum Mat. 23. *decimatis mentiam, & anetum hac oportuit facere, & illa non omittere;* quod tamen referri debet ad tempus Legis, in quo Christus loquebatur, ut dicit Chrysosthomus. *Vel potest dici,* quod illud, quod dicit, oportuit, sonat in convenientiam, non in debitum, unde oportuit, id est, convenientia fuit: Ecce secundum Asten illud verbum, oportuit, sonat debitum, vel convenientiam. *Vel potest dici &c.* Hunc modum solvendi quæstionem per particulam, *Vel*, habet tit. 35. art. 8. quæst. 7. art. 9. vers. quarto quarun-

ius quæst. 1. & 5. Habet quoque lib. 7. tit. 6. quæst. 3. tit. 8. art. 3. quæst. 1. tit. 12. quæst. 7.

22. In tit. 9. art. 1. quæst. 123. scribit : *Nunquid ad repellendum altorem sufficit, eum esse denunciatum excommunicatum? videtur, quod non per d. C. licet, ubi denunciatur excommunicatus, qui forte non est excommunicatus. .... Hostien. tamen notavit contrarium, & pro eo facit etiam d. C. licet &c. si quis tamen vult tenere primum dictum, responderetur &c. Hunc modum decidendi quæstionem, ut det libertatem sequendi opinionem, quam quis velit, habet quoque tit. 11. art. 3. quæst. 5. Porro hæc libertas sequendi opinionem, quam volumus, saltem debet valere in æquæ probabilibus, ut patet ex se, & alibi dictis. Art. 1. quæst. 30. dicit, in apicibus juris, & ubi dubitant sapientes, ignorantiam esse excusabilem; unde, si aliquis bona fide parsem istam, vel illam eligeret, non debet super hoc habere conscientiam nimis scrupulosam. Ergo inter duas partes potest quis eligere illam vel istam, & hoc bona fide. Hæc porro electio saltem dabitur, quando illæ partes erunt æqualiter probabiles. Ibidem quæst. 31. cum D. Thoma vult non esse vitandos illos excommunicatos, de quibus datur varia opinio. Igitur formo casum. Utraque opinio est æquæ probabilis, quod Petrus sit vitandus, & non sit vitandus. Quid faciam? si consulam Probabilioristas, debeo illum vitare, quia æqualis probabilitas importat dubium; in dubiis autem tutior pars est eligenda. Si consulam Astenanum, & Probabilistas non debeo illum vitare, quia in hoc casu in mitiorem pariem legem interpretari debemus. Sequere Astenanum.*

23. Lib. 8. tit. 9. art. 2. quæst. 1. refert utramque opinionem ut probabilem in illa materia, an variatio modi in copula matrimoniali, præcipue quoad modum brutalem, sit peccatum mortale. Opinionem affirmativam vocat tutiorem. Subdit: *totum tamen relinquatur saniori iudicio.* In tit. 10. art. 1. quæst. 1. refertur D. Hieronymus dicens, reddentem d.

bitum uxori non posse manducare Agni carnes. Astenfis dupliciter respondet huic textui, primò, quod intelligitur de ministris, non de aliis. Secundò, vel potest dici, inquit ipse, quod a communionem convenit excludi non tantum propter peccatum proprium, sed etiam propter reverentiam Sacramenti. Ecce textus clarus, quo alii non excluduntur à communionem, & quo alii excluduntur. In art. 2. quæst. 7. refert duas opiniones illa quæstione, an conjux dans alteri licentiam vivendi castitatē possit illum postea revocare. Doctor resolvit quæstionem illo modo adeo familiari Richardo: *Qui vult tenere primam opinionem, potest dicere &c. Qui vult tenere secundam opinionem &c.* In art. 4. quæst. 3. forsitan etiam sequitur utranque opinionem in materia de muliere menstruata, an teneatur reddere debitum. Ipsum lege, & pondera. Lege etiam ipsum lib. 6. tit. 22. art. 4. quæst. 5. ubi respondet affirmativè cuidam quæstioni, postea subdit: *si velis opinionem Raym. tenere, dici potest &c.* Mihi videtur, hæc opiniones esse oppositas. Lector doctus judicabit.

24. Thomas Argentinas duos textus pro nobis suppeditat; & PRIMUS habetur in 4. distinct. 12. quæst. 1. art. 1. ubi asserit, posse dici Eucharistiam delere peccata mortalia inculpabiliter oblita, sicut Venialia delet: Postea subdit: etiam posset dici, quod istud Sacramentum dicitur ablutio scelerum, non quantum ad deletionem peccati mortalis, quia hoc necesse est, ut deleatur vel Sacramento Baptismi, vel Sacramento Pœnitentiæ, sed quantum ad reatum, & pœnam. Ecce evidenter, quod hic Doctor concedit Eucharistiam delere, & non delere mortalia. Ergo in hoc casu evidenter sequitur utramque opinionem æqualiter probabilem. Est quidem materia formaliter speculativa, sed virtualiter practica. Si enim Eucharistia delet mortalia inculpabiliter oblita, si deinde illa reminiscitur, si deberet v. g. ministrare Sacramenta Baptismi, Pœnitentiæ, Eucharistiæ, Extremæ Unctionis, non esset necesse, quod vel ætiam

Con-



Contributionis eliceret, vel prius confiteretur ea scelera, cum ad hæc conferenda supponam sufficere statum gratiæ.

25. SECUNDUS habetur distinct. 16. quæst. 1. art. 2. concl. 2. ubi dicit, non esse necesse explicare circumstantias aggravantes v.gr. dicere *furatus sum centum*; subdit deinde: *Oppositum tamen istius tenent quidam alii Doctores dicentes, quod, quando Circumstantia notabiliter aggravat peccatum, tunc necesse est, ut de ea fiat Confessio specialis; quia, si aliquis furatus esset centum marcas auri, non sufficeret, ut isti dicunt, ad salutem, si simpliciter confiteretur, se accepisse rem alienam. .... qua autem istarum opinionum sit verior, ad præsens non determino, quamvis secundam reputem securiorem, & dictis Beati Augustini magis conformem, ut apparet expressè in ista distinct. 16. cap. 2. Nequit negari, quod hic Doctor non sequatur opinionem benignam, cum illam expressè asserat in conclusione secunda. Insuper non determinat, quænam ex duabus opinionibus sit verior. Ergo supponit esse æqualiter veras. Præterea dicit secundam opinionem oppositam, scilicet illi benignæ, quam posuerat prius, esse securiorem, quod est evidens, & dictis Sancti Augustini magis conformem; Ergo hæc quoque secunda est vera, cum Augustinus falsa non asserat; quin erit verior, utpotè conformior Augustino. Hinc patet evidenter, vel Argentinam esse pro utraque opinione æquè probabili, vel pro minùs probabili. Hic etiam Doctor d. dist. 12. quæst. 1. art. 1. §. ad secundam instantiam principalem sustinet, in hærentiam actualem accidentis non distinguui ab accidente; tamen in §. seq. subdit: *Si quis autem voluerit dicere, quod iste modus sit quoddam accidentis difficiens ab accidente inbærente &c.* ecce evidenter sequitur oppositas opiniones in materia quidem speculativa.*

26. Franciscus Mayron Scoti discipulus in 2. dist. 24. fin. scribit: sed cui tenetur plus obedire, vel rationi erranti, vel Prælato? dico, quod Prælato. Ra-

tio enim erronea non potest demonstrare falsum, sed probabiliter tantum arguit, & debet supponere, quod æquè rationem probabilem habet Prælatus. Ecce quod quis iudicat probabiliter ita esse, quod dicit Ratio errans, v.gr. quod contractus sit illicitus; sed adhuc iudicat probabiliter, non esse illicitus, dum Prælatus ipsi præcipit, quod illum faciat, quia debet supponere, quod æquè rationem probabilem habeat Prælatus. Nota obiter contra Episcopum Vencientem, Antiquitas rationem erroneam probabiliter arguisse. Nota quoque hanc Doctrinam, quia directè opponitur Probabilioristis.

27. Petrus Aureolus in 3. distinct. 38. in solut. argum. scribit: concedunt aliqui, quod Patres antiqui peccaverint, (mendacium nempe dicendo) nec est inconveniens majus de antiquis Patribus, quàm de Petro, qui negavit Christum. *Vel dicendum de Abraham, quod veritatem unam taceret, & unam assereret.* Ecce excusat à peccato mendaci Abraham, & tamen videtur amplecti primam opinionem asserentem Abraham mentitum fuisse. Eandem Doctrinam habet Antonius Andreas eadem distinct.

28. Petrus Aquilanus, dictus Scotellus, in 1. dist. 47. quæst. 2. fin. amplectitur clarè utramque opinionem, & dicit, quod, quando dicitur, *Oseam accepisse uxorem fornicariam, ly fornicariam* possit intelligi de fornicatione spiritali, & non carnali, vel de carnali. In 2. dist. 20. art. 2. dat libertatem ex pluribus opinionibus amplectendi, quæ placet. Hanc licentiam dat etiam in 3. dist. 21. & 22. art. 3. Loquitur tamen in materia speculativa.

29. Joannes Gerson par. 1. tit. *Unum ex quatuor* cap. 30. princ. in marg. habet: *Probabile est, quod fuerit idem sermo, quem dicit. & Lucas narrat, sicut hic connectitur; nihilominus probabilis est altera pars, quod fuerint distincti.* Hic textus est clarus, & inevitabilis. Potest tamen dici, quod textus marginalis non sit Gersonis sed parum refert, quia est Doctoris a-

tiqui, juxta Adversarios, cum meus codex sit impressus Parisiis anno 1521. est tamen textus speculativus.

30. Nicolaus de Orbellis in 4. dist. 17. quæst. 2. §. 14. scribit: Si Sacerdos non potest pœnitentem absolvere, mittendus est ad superiorem, & secundum Richardum: *primo debes eum de casibus sibi reservatis absolvere; & si nolit ulterius audire, debes eum ad inferiorem remittere, & facta integra confessione de aliis absolvatur; & sic absolutio superioris, & inferioris unam complement sufficientem absolutionem. Secundum vero Thomam in quodlibetis præcedere debet absolutio inferioris, & remittendus ad Superiorem, ut ab eo absolvatur à casibus sibi reservatis. Uterque modus dicendi videtur mihi sufficiens; dum tamen peccator omnia peccata sua uni confiteatur. Certè hic duplex modus est oppositus; nam secundum Richardum prius debet præcedere absolutio superioris; Secundum vero D. Thomam debet præcedere absolutio inferioris; adhuc tamen per Nicolaum uterque modus est sufficiens, & sic debet, & non debet præcedere absolutio Superioris. Ego à simili dicam, secundum Raymundum, & alios peccator debet fateri circumstantias aggravantes, secundum Thomam non debet. Uterque modus mihi videtur sufficiens. Certè mea positio quod formam est eadem. Certum pariter est, quod mea positio importat æqualitatem Probabilitatis; ergo & illa, quam tenet Orbellis.*

31. Divus Antoninus multum favet nostræ opinioni, plures textus referimus commodius cap. seq. In sum. ergo quæ dicitur *Summa confessionalis*, par. 1. tract. 2. de 2. præcep. cap. 2. ait, quod, quia Doctores sunt contrarii in illa difficultate, an liceat emere jura montis Florentiæ, impræstitorum Venetiis, & Locorum Januæ, non est consulendum, ut quis faciat talem contractum; si verò sit factus, consulendum est, ut re. cindatur: subdit Sanctus Doctor: Si verò non vult adharens opinionis contrariæ. Non facile condemnans, quia in hujusmodi secundum Doctores non est præcipi-

da sententia. Hanc quæstionem diffusissimè agit in alia Summa par. 2. tit. 1. cap. 11. & §. 28. concludit, quod pœnitens relinquendus videtur iudicio suo, nec condemnandus ex hoc, aut deneganda absolutio tanquam perseverans videatur in vitio usuræ.

32. Alii etiam pluries dixit, Doctorem non debere præcipitare sententiam, & confessarium non debere denegare absolutionem pœnitenti sequenti oppositam opinionem, de quo puncto infra diffusè agam. Si ergo confessarius absolvit in hoc casu, oportet, quod credat, opinionem pœnitentis esse probabilem: & cum aliàs iudicet probabilem suam opinionem; jam per D. Antoninum confessarius sequitur utramque opinionem. In dicta quoque Summa confessionali tract. de restis. cap. 7. vers. quinto nota tenet, quod, si esset plures creditores, & pars æqualis concederet dilationem debitori, pars verò altera æqualis negaret, tunc eligenda est clementior sententia, scilicet dilatio danda. C. de cess. bon. l. fin.

33. Dionysius Carthusianus in 4. dist. 18. quæst. 4. prope fin. §. Si autem queratur quærit, an facultas in foro conscientie, quæ dicitur Clavis, & facultas in foro fori, quæ dicitur gladius, sint simul datæ; & concludit posse dici, quod simul datæ sint. Potest etiam probabiliter dici, quod non simul. Hæc æqualitas probabilitatis quoad D. Petrum est speculativa; si tamen Papa uretur iisdem verbis, quibus usus est Christus erga D. Petrum, dum daret facultatem Spiritualem alicui Prælati, tunc posset eandem æqualis probabilitas erga hunc Prælatum evadere practica. Idem Author in 4. distin. 38. quæst. 3. refert Doctrinam D. Bonaventuræ circa illam quæstionem, an Papa possit dispensare in votis solemnibus, & concludit cum Seraphico: *qua istarum sit veritas, scilicet me nescire, & satis potest qualibet sustineri, ideo nullam assero.* relege textum relatum suprâ, cum de D. Bonaventura egi; & sicut D. Bonaventura in hoc seruet clarè æquali probabilitati, ita dicas de Carthusiano.

Uran-

Utrunque pariter opinionem cum D. Thoma sequitur in distin. 33. quæst. 2. §. *Præterea si queratur*, & §. seq. in illis quæstionibus, an Judæis licuerit repudiare uxorem, & an mulier repudiata potuerit alteri nubere, & expressè dicit, secundum unam opinionem licuisse, non licuisse secundum aliam.

34. Angelus à Clavasio proculdubio est pro utraque opinione probabili; Verb. Absolutio 1. num. 2. offert opinionem affirmativam, & negativam cum Doctoribus pro unaquaque in illa quæstione: An proprius Episcopus, vel Curatus possit absolvere ab omni excommunicatione majori lata à jure; ipse postea subdit: *Ego consulo, quod Sacerdos proprius eam opinionem sequatur, quæ sibi videtur, in illo casu magis expedire salutem ipsius patientis, vel communis fidelium, quia utriusque potest tenere, & prima de subtilitate juris mihi videtur verior.* Potest loqui clarius?

35. Verb. Adoratio num. 6. quærit, quam adoratione sit adoranda Crux. Refert duas opiniones oppositas. Ipse concludit, quod *qualibet eorum potest tenere.* Ver. Alienatio num. 8. loquendo de juribus, Actionibus, & nominibus Debitorum, quæ pertinent ad Ecclesiasticas personas ait: Alienari non possunt sine debita solemnitate, & causa, quia servando servari possunt, quamvis Din. ut notat Alber. in d. Auten. hoc jussu, consuluerit posse alienari; quod possit teneri post factum, vel etiam ante ex magna causa. Ego non credo, quod *Factum*, aut magna causa reddant opinionem probabiliorem. Ergo Angelus tenet probabiliter, quod illa jura possint alienari, & non possint alienari. Utergo ad unguem Confessarius sequatur opinionem Angeli in illa opinione, an circumstantiæ aggravantes sint confitendæ, si ipsi videntur istæ opinionibus æqualiter probabiles quoad praxim, ita debet se gerere: Si cognovit post confessionem factam à penitente alteri Confessario, quod tacuerit hæc circumstantias, non ponat ipsi scrupulum, nec cogat illum ad illas confitendas cum

magno onere ejusdem. Item dicere circumstantias aggravantes in materia furti causat magnam difficultatem Viro Nobili; maximam verò ingerit Virgini Confessio harum circumstantiarum in materia libidinis; ergo ex hac magna causa sequatur opinionem benignam æqualiter probabilem; quia sic imitabitur Angelum. Si Adversarii cum hac cautela mecum sentire volunt, libentissime manus dabo; licet enim sequar prædictam opinionem absolute, tamen mihi maxime placet hæc cautela, & ego in meis actionibus maxime utor, & vellem, quod omnes uterentur; sic enim ex una parte salvaremus, ut cupiebat Divus Antoninus, quod onus Christi esset leve, & aliàs tutius in viam graderemur salutis. Illam distinctionem de post factum, & ante factum adhibet Angelus etiam V. Excommunicatio. 7. casu 21. num. 4. & casu 27. num. 1. & in aliis locis, quos nunc non recordor.

36. Ver. Clericus 10. num. 2. quærit, utrum Clericus miles effectus perdit privilegium Clericorum, & refert opinionem, quæ asserit, quod, si non exerceat ullum aſſerit contrarium Clericali, etiam si duxit uxorem virginem, non perdit. Dicit deinde, quod Panormitanus dubitat de hoc, si clericus assumendo militiam juravit illa, de quibus in Gloſs. l. pe. ff. *ex quibus caus. ma.* quia iste actus videtur omnino contrarius Clericali. Subdit Angelus: *Sed primum æquius.* Hic vide, quod Angelus sequitur opinionem faventem Clerico solum, quia est æquior. Jam scimus, quod æquitas est iusticia pensata omnibus circumstantiis particularibus dulcore misericordie temperata. Sic Antonin. par. 1. tit. 3. cap. 10. §. 10. regul. 7. & Gerson par. 2. tit. 1. post princ. Igitur in opinionibus in materia iusticie, si habeas fundamenta, sequere illam, quæ est æquior, & sic minus rigida, & *misericordia dulcore temperata.* Sic obediens Angelo, & adhærebis Probabilistis.

37. Ver. *Legitima portio* num. 17. scribit:

bit: Licet de rigore; & subtilitate juris istud sit verius, tamen mihi magis placet opinio Car. tanquam magis benigna, & eam tenet. Opinio rigida erat, quod propter delictum Patris Filius amittat portionem legitimam; Benigna verò hoc negabat. Posthac imitemur Angelum, & inter plures opiniones illa nobis magis placeat, quæ est benigna, & ita placeat tanquam magis benigna. Ver. Matrimonium 3. impedim. 5. num. 3. refert duas opiniones. Prima tenet, quod habens votum castitatis, si contrahit Matrimonium, peccet mortaliter petens debitum. Secunda affirmat peccare solum mortaliter in prima petitione debiti. Ipse Author distinguit, & postea subdit: *si quis tamen vellet simpliciter tenere, quod post consummatum matrimonium non peccet exigendo, etiam ad satisfaciendum sibi, noli eum condemnare de mortali, quia de jure non videtur minus vera, quam secunda.* Ecce clarè approbat duas opiniones, & utranque dicit esse æqualiter veram, quia una non est minus vera, quam altera. Adversarii ponderent, an Angelus clarè teneat, in hoc casu posse petere debitum, & non posse petere debitum illum voto obnoxium; mihi ipse est adeo clarum, ut sine studio hoc mihi evidenter appareat.

38. Gabriel Biel puto, quod sit pro mea sententia. In 4. distinct. 15. quæst. 13. art. 1. fin. dicit: *Ecce quanta diversitas Doctorum tam leges Divina, quam humana; (in materia, an lucrum acquisitum per aleas justè retineatur) ideo Conclusiones ponuntur probabiliter sub benigna Majorum correctione.* Deinde art. sequenti conclus. 3. dicit, non esse evidens, quod tale lucrum sit restituendum; & probans hanc partem ante litter. K. ait: Secunda pars conclusionis patet, quia sunt proutraque parte probabiles opiniones, ut habitum est in primo articulo. Cum Gabriel non explicet, quod una sit magis, altera minus probabilis, videtur, quod illas credat ut æquè probabiles.

39. Major, qui per Vendrochium est Doctor Antiquus, prima facie videtur

sentire nobiscum, in re tamen veritate in conclusione parum favet, & multum opponitur, Argumenta tamen, quæ affert, & Doctrinam, pro nobis sunt. Agitat difficultatem in. 4. prolog. quæst. 2. concl. 4. & sic inquit: quando opiniones oppositæ circa materiam morum sunt æquè certæ, potest homo sine peccato hanc viam, vel oppositam imitari; Patet in casu de damnando innocente, ubi est æqualis apparentia de ipso liberando, & damnando. Præterea Episcopus datis duobus, vel tribus æqualiter idoneis dat cuilibet Beneficium sine peccato; & Magistri nostri in suis rotulis, & Dominus Cancellarius inter duos putatos æquales sine injuria unum aliter ad nutum præfert. Amplius patet hæc Conclusio, quia dato opposito sequitur, quod homo esset coactus peccare, quod est falsum. Quod sequatur, patet de Judice cognoscente innocentem probatum efficaciter in foro exteriori nocentem. Alexander, & Beatus Thomas dicunt, si eum non damnet, malè agit. Viri tot cum æquali apparentia dicunt oppositum, & oportet unum, vel alterum facere. Dicis, nec oportet nolle, nec velle unum, potest enim nullum actum voluntatis habere. Hoc non solvit. Oportet, occidat, aut non occidat. Et una pars dicit, quod peccat omitendo, dato quod non eliciat nolle, alia pars oppositum. Nec valet dicere, data æquali apparentia Reus est absolvendus. Hoc solum exemplariter dictum, & exemplum est ad propositum. Hæc conclusio sequitur ex secunda, & ejus probationibus; In materia enim Fidei incipit inter Sapientes exercitatissimos potest homo assentiri huic parti, vel illi sine peccato. Ergo in materia morum potest homo conformare se illi viæ, vel illi.

40. Nota, quod hic Doctor, dum dicit, quando opiniones oppositæ circa materiam morum sunt æquè certæ. Hæc verba: sunt æquè certæ, non intelliguntur de certitudine, quæ est cognitio de objecto, quod aliter se habere nequit, quia impossibile est, quod in hoc casu dentur oppositæ opiniones, quia sic ver-

ribica-

rificarentur duo contradictoria de obiecto; Unde v.gr. ex parte obiecti Iudex teneretur, & non teneretur condemnare Innocentem probatum Reum. Igitur intelliguntur de certitudine probabili, & sic explicari debent, quando opiniones oppositæ circa mores sunt *æque certæ probabiles*. Potest etiam dici, quod pro opinionibus æqualiter certis Major intelligat opiniones æqualiter probabiles, & æqualiter habentes periculum peccandi.

41. Secunda Conclusio, quam hic meminit Major est, quod non est peccatum circa materiam Fidei hanc partem tenere, vel illam ei contradictoriam, dummodo non constet, utra pars sit de Fide, & vera, sed Sapientes, & exercitati in illa parte tenent opposita. Probatur, quia dato opposito sequitur, alteram partem peccare tenentem oppositum in materia Prædestinationis &c. prosequitur Probationem dicendo, Divum Thomam, Divum Bernardum, Scotum, Divum Bonaventuram, Divum Hieronymum, & Divum Augustinum peccare, dum in hisce materiis opposita opinantur, si non licet in illis contrariè opinari.

42. In §. *contra secundam Conclusionem* refert, & respondet obiectis contra conclusionem in materia Fidei, & totum hunc Paragraphum rescribere placet, quia efficaciter solvit argumenta adversæ opinionis; Sic ergo dicit: Alter illorum tenet hæresim, cum teneat dogma falsum Fidei Orthodoxæ contrarium, ergo, &c. Concedo, quod alter illorum tenet hæresim, sed non sequitur, quod sit hæreticus; ad hoc enim amplius requiritur, scilicet pertinacia &c. Contra illud arguitur Ecclesiæ 19. qui citò credit, levis est corde. Ergo non est credendum, quoad habeatur veritas secundum consilium Job cap. xxix. Causam, quam nesciebam, diligentissime investigabam. Respondetur, ille non citò credit, nec est levitate ductus, cum sint rationes, & auctoritates pro utraque parte post magnam indaginem.

43. Contra illud arguitur, in iure Di-

vino, sicut dicit Guilielmus Parisiensis, non cadit ignorantia invincibilis; nam homo tenetur rogare, & tunc nullo docebit eum. 1. Joann. 2. & non necesse habetis, ut aliquis doceat vos. . . (hoc argumentum magni fit à Vendrochio, & Probabilioristis, ut vidimus.) Primæ ad Corinth. 14. Si quis ignorat ignorabitur.

44. Respondetur, in Jure Divino, quod quis scire tenetur, pro tempore, quo scire tenetur, non cadit ignorantia invincibilis; aliàs bene cadit ignorantia invincibilis tam ignorantia pravæ dispositionis, quàm puræ negationis; Unde Glossa marginalis Matth. 18. super illo verbo: *si autem manus tua*, sic dicit: Parum distat in vitio fallere, aut falli, Scandalizare, aut Scandalizari, si ex negligentia; si ex ignorantia invincibili, distat. Illud primæ Joannis 2. intelligitur in sua materia, ut quod Iesus est Christus, & Messias unctus, & in lege promissus, quod quilibet ratione utens tenetur scire explicitè. Glossa Interlinearis exponit illud verbum ad Corinth. 1. cap. 14. num 37. fin. de mandatis, quæ quis scire tenetur; & sic intelligantur similes auctoritates. Sic egregie Major. Ego tamen non concedam opposita sentientes in his materiis, quæ dicuntur Fidei, tenere hæresim; ut concedit Author; Concedo quidem, errare. Hæresis enim est error contra manifestum textum Scripturæ, aut contra id, quod publicè docetur ab Ecclesiâ. In nostro autem casu neutrum accidit. Interea nota ultimam particulam, per ipsam enim docemur explanare plures textus, qui videntur nobis oppositi.

45. In §. *Tertio arguitur*; sic scribit & non potest homo assentire, quod una pars est faciendi, cum est inter æqualia motiva; sed quicumque contravenit conscientie suæ, peccat. Igitur &c. Major patet, quia imaginari possumus, cum volumus; opinari autem non possumus, cum volumus.

46. Respondetur teste experientia, licet non possimus assentire propositioni inevidenti sine ratione, tamen cum moti-

tivis

tivis æqualibus, quantum est de se, possumus ex passione animi uni parti assentire. Patet exemplariter. Nunc Parisiis dicitur, quod exercitus Regis est victor in Italia. Duo quæ sunt præsentis, quorum alter Gallos diligens assentit; alter non assentit, sed dissentit. Sic in proposito potest quis assentiri huic; hoc mihi est licitum, & licet nesciat, quæ illarum viarum sit verior, scit, quod secundum unum facere ei licet.

47. Ex his posset quis credere, hunc Doctorem tenere nobiscum per omnia; In rei tamen veritate solum asserit, quod, quando utraque pars est æque probabilis, & utraque pars ex parte objecti habet periculum peccati, tunc possumus eligere illam opinionem, quæ nobis placet. Et hoc probant evidenter exempla de iudice, & de Collatore Beneficii, & de Magistris, & argumenta allata; & in hoc puncto, si quis discordat, puto cum Majore, hunc nos necessitare ad peccatum. Ast in illa difficultate, an possimus sequi utranque opinionem oppositam æque probabilem, si in una sit periculum peccati ex parte objecti, in altera verò nullum subsistit periculum peccati, procul dubio est contra nos, & stat pro Adversariis, ut patet in §. contra quar-  
*tiam conclusionem*, ubi dicit, quod, si quatuor Doctores asserunt contractum A. esse licitum, alii quatuor sustinent, esse illicitum, & omnes conveniunt, quod potest licite relinqui, dicit, inquam, esse tenendam partem certam, & sic relinquendum contractum, & facere oppositum est exponere se periculo ob-  
*ruenti*. Sic verbaliter Major. Infra tamen demonstrabo, omnia penè allata ab ipso favere huic secundæ parti.

48. Pro hac nostra opinione stat clare Franciscus Victoria, qui vivebat anno 1573. unde & per Vendrochium debet dici Doctor Antiquus. Igitur hic in Summa Sacrament. de Matrim. num. 238. dicit, utranque opinionem sibi videri probabilem in illa questione, an Sponsa de presenti vi cognita à Sponso possit eo invito transire ad Religionem; & dicit, utranque partem videri probabilem. Da-

rando, magis tamen pars negativa. Num. 271. sustinet, utrumque esse probabile in illa difficultate, an sit validum iure naturæ Matrimonium contractum ex metu cadente in constantem virum.

49. Nunc transitum faciamus ad Canonistas, quamvis fatear, hanc quoque materiam excedere limites artis Canonice. Præcedat Gratianus famosus ille compilator Decreti. Hic dist. 2. de pœnit. diffusè satis fecerat questionem, an Confessio sit sub præcepto. Pro utraque plura congerit: Tandem sic concludit. *Cui potius adhibendum sit, Lectoris iudicio reservatur. Utraque enim habet fautores sapientes, & religiosos viros.* Ecce dat nobis libertatem in opinionibus.

50. Glosa in 13. dist. §. 1. Verb. *item adversus scribit*: quod obijciat de uxore, non credo, quod talis delectatio sit aliquod peccatum, ut 32. quæst. 2. quicquid. *Si tamen vis tenere, quod sit ibi veniale peccatum dicas cum Hug. &c.* Textus est clarus, ut nequeat oscutari.

51. In 15. quæst. 8. Verb. *De ultima vera fin.* refert duas opiniones oppositas, quarum una dicebat, omne crimen inducere depositionem, nisi specialiter à Canone excipiatur. Altera asserens, nullum crimen inducere depositionem, nisi à Canone excipiatur. Subdit Glosa. *hæc opinio majori aequitati innuitur, quare tenenda est.* Certè secundum hunc textum in interpretatione legis inferentis pœnam Ecclesiasticam debemus sequi, cæteris paribus, opinionem benignam, ut dicit nostra Conclusio universaliter de omnibus legibus. Hæc quarto, Ecclesia habet leges pro iudice in ordine ad pœnam inferendam. Habet leges pro quolibet homine, utraque tamen obligat in conscientia. Quare illa de iudice admittit interpretationem benignam simul cum interpretatione severa, illa verò pro quolibet homine talem interpretationem non admittit? Præterea adest lex, quam aliqui interpretantur importare Excommunicationem majorem, alii minorem; alii excommunicationem latam, alii ferendam; Cur ego non potero sequi opinionem benignam, utpotè  
fua.

fundatam in maiori equitate?

52. In c. *Fidelis* 32. quæst. 7. in narrat: casus hæc habet: Dicitur hic, quòd, si uxor virum relinquat propter fornicationem, & alium ducat, non debet admitti ad Communionem, donec primus vivit. .... vel aliter, donec secundus vivit, quem reliquit. .... Et utrumque probabiliter dici potest. Explico. Moritur ante legitimum maritum alius vir, quem pro marito, sed malè, duxerat; queritur, an tunc hæc fœmina possit recipere communionem. Secundum primam interpretationem nequit recipere, bene verò juxta secundam. Quia autem juxta Glossam *utrumque dici potest probabiliter*, idè in potestate Fœminæ est recipere. Applico ad aliam quæstionem. Dubitatur, an, si quis appositè reliquias cibi antecedentis diei remanentes infra dentes deglutiat, possit licitè communionem accipere; sunt Doctores, & rationes pro utraque parte probabiles, cur in hoc casu non erit in potestate illius recipere communionem, ut erat in arbitrio illius Fœminæ?

53. In c. *Sacerdos* de penit. distin. 6. V. *recitet* querit, an confessarius teneatur revelare peccatum auditum in confessione, cuius revelationem præcipit Episcopus sub excommunicatione, & ita decidit: Dico, quòd in secreto Episcopo dicere potest, utpotè qui prodesse possit, & non obesse. 22. quæst. 5. hoc videtur. *Vel dic, ibi servis ut homo, licet ut Deus*. Ecce clarè sequitur opinionem unam, & postea dat licentiam sequendi oppositam illis verbis: *Vel dic &c.* Hic nota, quòd prima opinio nunc est error manifestus.

54. In c. *Pastoralis* de offic. ordin. V. *præterquam in mortis periculo* in Glossa, antequam corrigeretur, sic legebatur: Cum sunt in Naufragio in periculo mortis, tunc satis potest dici, quòd liceat; vel si intret bellum campestre contra Saracenos. .... *Licet absolvere, etiam laico, ut d. c. Sanctum est*. Quidam dicunt contrarium, quòd nunquam licet laico absolvere à tali excommunicatione. .... & sic prima opinio benignior, & secu-

rior est, & sicut potest laicus in necessitate injungere penitentiam, vel absolvere ab aliis peccatis mortalibus, cum recipit Confessionem illius, quare non eodem modo ab excommunicatione? non videtur ratio, quare potius in uno, quàm in alio. *Vel dic, quòd Laico potest quis confiteri in necessitate, sed laicus non potest illum absolvere, vel ligare, quia non habet claves Ecclesiæ de Sum. Trinit. cap. 1. §. una.*

55. Ecce clarè quòd Laicus potest absolvere, & non potest absolvere à peccatis. Potest asseri aqualis probabilitas clarius? Nota tamen quòd prima opinio est hæresis damnata à Tridentino sess. 13. can. 10. & nota ulterius, quantum Antiquitus placeret benignitas, dum opinionem benignam, quæ in se erat hæresis, tradebant. Nota tertio, quòd hæc glossa correctæ est in posterioribus editionibus. Sed quamvis sit correctæ, non tamen prohiberi potest, quòd utraque pars in ipso tradita non fuerit, & hoc Antiquis temporibus, & quòd facit ad propositum, non est correctæ, quia utraque opinionem docuerit, sed quia hæresim tenuit.

In cap. 1. de treug. & pace. V. *frangere præsumpsit* scribit: potest intelligi de iusto bello, & licet nunquam sit cessandum à tali, minus tamen vacandum est ei in hoc tempore, quàm in alio. .... *Vel potest intelligi de injustis bellis*. Glossa loquitur de treuga Canonica præcepta ibi à Canone, & clarè asserit posse intelligi *vel de bello iusto, vel de bello injusto*. Ergo per Glossam in bello iusto tenemur, & non tenemur, servare treugam Canonica tenemur secundum primam opinionem, non tenemur secundum aliam opinionem.

56. In c. *cum teneamur* de præbend. Ver. *Sustentari*, scribit: Ergo videtur, quòd, si non potest commodè sustentari, non oportet fieri mentionem, (de Beneficio in re scripto Pontificis) quòd satis videtur æquum; sed tutius est, quòd de ipso faciat mentionem, quantumcunque sit modicum, quia videtur tacuisse dolosè, ut citius obtineat litteras,

ras. Ecce primam opinionem benignam vocat æquam; Ergo debet esse probabilis; Secundam strictam vocat securiorem; ergo etiam hæc debet esse probabilis, quia si esset improbabilis, non esset à viro prudente consideranda. Ergo utraque opinio hic est probabilis. Glossæ canonice iunge civilem, cuius textum, mihi satis clarum, retuli cap.3. num.82.

57. Secundum locum habeat Innocentius, quem Canonistæ Patrem juris appellant. Hic in c. *ne imitatoris* de constit. sic scribit: Nota, quod dictis Sanctorum Patrum, vel aliorum ab Ecclesia receptorum stare licet, & qui dicit, quod ipsi dicunt, non potest de temeritate redargui; nisi ea diceret, quæ retractata sunt; sicut Augustinus multa retractavit de dictis suis. Vel nisi sint per Ecclesiam correctæ 26. distinct. cap.1. & 2. & 32. distinct. cap.1. fin. Si verò *Sancti diversas opiniones inter se habeant ut... de Salomone damnato*, licitum est cuique, quod vult, dicere. Scripta Beati Thomæ, & Beati Bonaventuræ sunt recepta ab Ecclesia, cum numerentur inter sex Ecclesiæ primos Doctores, & hi duo Ecclesiæ Lumina diversas opiniones habent in moralibus; ergo ex Innocentio nobis est licitum dicere, quod volumus. Præterea debemus ne credere, quod Antiqui Ecclesiæ Doctores in moralibus nunquam differant? Præterea Hieronymus, & Augustinus in moralibus differunt. V.gr. de mendacio officioso. Ergo ante decisionem Ecclesiæ poteramus hunc sequi, vel illum, prout placebat.

58. Dices, potse nos sequi in diversitate opinionum Sanctorum, quam volumus; si tamen nobis appareat probabilior, ut cuilibet ex illis Sanctis Doctoribus apparebat propria opinio. Secus verò, si solum appareat ut æquè probabilis, ac altera; Et hoc non provenit ex defectu opinionis, v.gr. Divi Augustini, sed ex defectu nostri intellectus, qui non cognoscit illam opinionem cum illo gradu probabilitatis, ut cognoscebat Divus Augustinus. Sicut, si opinionem Divi Augustini cognosceremus so-

lùm ut dubiam, illa in praxi uti nequimus.

59. Sed contra, quia sic nulla adesset diversitas inter opinionem, v.gr. Divi Augustini, ac cujuslibet Casuistæ; quia, si cognosco opinionem v.gr. Bonaciniæ ut probabilior, tunc illa possum uti in praxi iuxta penè omnes doctores. Tum quia Innocentius asserit, quòd in diversitate opinionum inter Sanctos possum dicere, quod volo. Ergo electio opinionis dependet à voluntate, non à probabilitate. Tum quia solum unam opinionem possem eligere, quæ scilicet est probabilior, & sic non daretur electio inter plura, quæ possem eligere, ut imponit Innocentius.

60. Quia verò opinio Divi Augustini non habet eundem gradum Probabilitatis, ac habebat in mente Divi Augustini, non sequitur, quod illam non possum eligere, sed ad summum sequitur, quòd unice illam nequeam eligere, ut faciebat Sanctus Doctor. Igitur, cum per Innocentium sit in mea voluntate electio opinionis inter diversas, quas Sancti amplectuntur, sequitur, quòd non unam, sed hanc, vel illam possum eligere. Non est autem mirum, si cognoscam ut dubiam Sententiam Divi Augustini, quòd illam nequeam sequi in praxi, quia per omnes Conscientia dubia non est regula voluntatis recta. Tum quia in hoc casu intellectus decipitur, dum opinionem Doctorum Ecclesiæ, quæ est certò probabilis, ut dubiam attingit. Si autem intellectus decipitur, & errat, quid mirum, si voluntas non sit recta?

61. Joannes Andreas, dictus *Juris Lucerna*, in c. *Ne imitatoris* de constit. docet: Si inter Sanctos esset diversa opinio, ut de Salomone damnato. .... licet unicuique dicere, quod vult, aliàs nique ad unum sola servetur 15. dist. cap. ult. Textus clarus, & evidens, & idem cum textu Innocentii. Vide num.65. & 66.

62. Idem Doctor in c. *dolentes* de celeb. Missar. n.9. Henricus Boic ibidem nu.2. & Butrio num.9. ita scribunt: Omittens Missam Celebrare, vel audire; vel si in-

terest,



terest, non habet cor ad Deum, sed ad exteriora, peccat mortaliter, ut hic, & 14. quæst. 1. quod præcipitur, & si verbum sit durum, tamen scriptum 6. qu. 3. scriptum. *Vel dic, quod dicere est in præcepto*, sed alia, quæ in devotione consistunt, suadendo dicuntur; unde dicit infra, *quantum Deus dederit; quasi dicat*, quodd durum esset hoc ponere in usu præcepti, *relinquimus ea gratiæ Dei*, & hoc, quia benignum, placet Hostien, quia nec debet Ecclesia alicui laqueum injicere 27. quæst. 1. de viduis 2. nec aliquos oneribus importabilibus alligare 26. quæst. fin. alligant. *Vel dic, quod hæc non obligant ad culpam de novo incurrendam, sed ad pœnam suspensionis, qua potest insigi.* Textus clarus, & apertus meo iudicio, & est textus trium celeberrimorum Canonistarum. Nota illam causalem: *Et hoc, quia benignum, placet Hostien.* Hinc, si dantur plures opiniones, amplectere benignam ex capite, quia benigna est, quia sic sequeris exemplum, & Doctrinam Antiquorum. Post hæc scripta lego Hostien. in c. d. dolentes, qui num. 2. habet prædictam Doctrinam verbatim; hinc posteriores Canonistæ merè referunt, quod scripsit Hostien.

63. Baldus in d. c. ne in iuramentum. 9. & seq: hæc scribit: Caveant Iudices, ne in dissensione opinionis eligant eam; quæ minimum habet rationis; quia ratio naturalis seipsam ostendit, & veritatem occultam non finit; tamen non debet dici ratio, nisi sit bona, ut no: ff. de leg. non omnium. Item Joannes Andreas dat unum prudens consilium, quodd, quando opiniones sunt ita diversæ, quod in utranque partem potest probabiliter inclinari, debet quis conari, ut habeat Iudicem propitium, non dico claudicantem, quia Iudex, & Iudicium non debent claudicare, ut C. de fal. l. tibi. .... Item quando processus est multum dubius, Iudex eligendo unam opinionem non facit litem suam, quia non est peccatum. Nota in hoc textu esse inclusam auctoritatem Joannis Andreæ. Per hos ergo Doctores dantur opiniones ita diversæ, ut intellectus in utramque partem incli-

nari possit probabiliter, & in hoc casu prudentis est habere Iudicem propitium.

64. Quid dicerent Adversarii respuentes æqualitatem probabilitatis? Nec valet dicere, esse bonum Consilium habere Iudicem propitium, quia sic multum studebit ad invenendam veritatem pro Amico; Non valet, inquam, quia hi Doctores supponere debent Iudicem esse idoneum, & aliàs omnia exequuturum, quæ pro decisione litis sunt necessaria. Volunt ergo dicere, quodd bonum sit habere Iudicem propitium, seu Amicum, quia ratione Amicitie in casu, in quo ita sunt diversæ opiniones, ut possimus inclinari in utranque partem probabiliter, debeat aliquid operari pro nobis; Hoc autem, quod ratione amicitie debet facere pro nobis, non potest esse studere pro lite; quia hoc debet facere rationis officii. Erit ergo, quodd, postquam bonus Iudex exercito officio boni Iudicis quoad studium, & viso, quodd utraque pars est probabilis, quod non raro potest accidere in materia difficillima iustitiæ, tunc favebit in decisione illi, cui aliàs erat amicus, & propitius. Nec in hoc casu juxta hos Doctores eligendo unam opinionem faciet litem suam, quia non est peccatum. Et hæc Doctrina est juxta Majorem, qui, ut suprâ retuli, dicit, quodd Episcopus dat Beneficium, cui vult ex duobus æqualiter idoneis. Et Cancellarius Parisiensis præfert ad nutum sine injuria unum ex duobus æqualibus in meritis.

65. Joannes de Imola in d. c. ais, quodd, quando inter Sanctos Patres sunt opiniones, ut est de Salomone, an sit damnatus, tunc secundum Innocentium, & Compostellanum licitum est dicere unicuique, & tenere, quod vult ratio probabilis dubitationis. Facit, quod notatur in simili per Gloss. in §. quibus C. de novo Codice componendo, & in l. dos à patre. C. solui. matrim. Nota primò, quodd hic textus est & Joannis de Imola, & Compostellani. Nota secundò, quodd secundum rationem probabilis dubitationis possumus tenere nostram conclusionem. Cum  
verò

verò ratio dubitationis probabilis saepe sit pro utraque parte; ergo secundum hos duos Canonistas licet tenere utramque opinionem. Nota tertio, quod pro hac Doctrina allegatur Glossa civilis duobus locis; & quidem in *l. dos à patre*. Ver. *Filia familias* refert duas opiniones cum suis fundamentis, postea dicit, quod secunda opinio usu prævalet; ergo ablatousi secundum jura videretur utraque probabilis.

65. Ægidius Bellamera in *c. nolig*. dist. & in *c. ne innitatis* de constit. scribit: quod si Patres inter se contrarias opinionem haberent, liceret cuilibet stare, *cui vellet*, ut de Salomone damnato. Eadem de verbo ad verbum dicunt Petrus Ancharanus in dicto capite *ne Innitatis*, Abbas Antiquus, Compstellanus, Butrio, & Panormitanus in dicto *C. ne innitatis*, & credo, quod omnes Canonistæ aliter dicere nequeant, cum relati sint Proceres eorum, & Antiqui, quod est valde notandum. Vide n. 61.

66. Dominicus à Sancto Geminiano in *c. cujus* 3. quæst. 8. num. 5. in illa quæstione, An Clericus possit reconveniri à Laico, hæc habet: Ego audiivi Dominum Antonium quandoque tenentem, quod possit, & dicebat, quod utraque opinio habet *probabiles rationes*. Nota hunc Canonistam Antonium tenentem opinionem suam, quamvis opposita habeat probabiles rationes; ergo per hunc Doctorem intellectus constitutus inter probabiles rationes oppositas non semper remanet suspensus, & dubius, ut volunt Adversarii, *sed quandoque potest tenere opinionem*, & sic se determinare ad unam partem, etiam ad partem periculosa, ut facit Dominus Antonius, qui tenet Laicum posse reconveniri Clericum, quæ opinio potest esse falsa, & contra Legem Ecclesiasticam de immunitate Clericorum. E contrario opinio opposita nullum periculum peccati continet. Vide etiam ipsum in *c. nulli fas* 19. dist. num. 4. in *c. quantum* 30. dist. num. 2. & in *c. Si qui Episcopus* 3. quæst. 4.

67. Prædictus Abbas Panormitanus dixerat in cap. 1. de constit. num. 13. &

16. quod Judex debet sequi *Communem opinionem, nisi sit evidenter falsa, vel posset convinci probabilibus rationibus*. Si opinio communis est evidenter falsa, certè tunc non est probabilis. Quando autem convincitur solum probabilibus rationibus certè non extrahitur à statu probabilitatis, quam habet opinio communis juxta Doctores; & hoc debent fateri Adversarii, qui tam parvi faciunt Probabilitatem. Ergo per Abbatem opinio communis restat in statu Probabilitatis, & aliàs opinio opposita erit Probabilis, cum probabiliter convincat opinionem communem.

68. Sequitur Panormitanus: Si verò non est dare communem opinionem propter rationes hinc inde, *tunc bonum est habere Judicem propitium, quia potest sequi, quam vult*; (In additione huic textui notatur hanc Doctrinam esse Angeli consil. 65.) dicit tamen Joannes Andreas: Caveat à pœna. *c. cum alter* de rejudic. l. 6. scilicet quod non judicet contra conscientiam: Ecce quod Abbas concedit, in diversitate opinionum esse bonum habere Judicem propitium, & assignans causam quare hoc sit bonum ait: *quia potest sequi, quam vult*. Ecce clarè, quod ratio determinativa litis in casu diversitatis opinionum est sola voluntas. Ergo tunc Judex potest sequi utramque opinionem. Ego subdo, si in illo casu Judex sequi potest opinionem, quam vult, quare homo privatus constitutus in eodem statu, v. gr. an debeat restituere, nec ne centum aurea, non poterit sequi utramque opinionem?

69. In *c. Capellanus* de fer. num. 6. scribit: *Ex hac glossa sic intellecta non peccat non servans jus præcepti, ubi sunt variae opiniones, licet postea appareat, contrariam opinionem fuisse veram, & aliam, quæ tenebatur, non subtiliter investigatam*. Vides, hunc textum esse apertè contra illos Adversarios, qui tenent non dari errorem inculpabilem. Puto legi etiam, hunc textum esse intelligendum, quando illæ variae opiniones sunt æqualiter probabiles.

70. Si Iudex potest sequi incaſu opinionem utranque juxta Abbatem, poſteſt juxta Guilielmum Durandi, dictus *Speculator*, in ſpecul. jur. tom. 1. lib. 1. partic. 4. de Advocat. §. 1. num. 14. Advocatus utranque partem defendere. Audiamus ejus formalia verba: Argum. tamen, quòd idem poſſit eſſe Advocatus utriuſque partis, & tunc allegabit pro iſta, nunc pro illa. 45. diſtinct. *disciplina* in fin. Sed meo judicio hic canon nihil habet ad propoſitum, maximiè equidem favet. C. *infames*. 3. quæſt. 7. ubi hæc habentur: *Item ſi contra patrem pupilli cauſam egiſſi, Tutor, vel Curator datus eandem cauſam defendere non prohiberis.*

71. Hæc opinio, quòd Advocatus poſſit advocare pro utraque parte, adeo eſt inſenſa Probabilioriſtis, ut Fagnanus C. *ne inſtaris* de conſtit. num. 315. illam reponat in numero Scaudaloſarum propoſitionum, & dicit eſſe contra 1. C. de *Advoc. diverſ. judicior.* & l. *Abſeas*. §. penul. ff. de his, qui notantur infamia, & C. fin. 2. quæſt. 3. & C. *disciplina* 45. diſt. Ego ſæpe expertus ſum, Canoniſtas parum ad propoſitum allegare Canones, & textus; nec mirum, dum enim plurimos, & plurimos aſſerre textus toto conatu inſudant, nequeunt pendere, an rectè allegentur; ſi enim vellent unumquemque examinare, tantum temporis expenderent pro una quæſtione tam multiplici numero textuum roborata, ut paucas per totam vitam finire poſſent. Sic accidit Fagnano. In præſentia allegat duos Canones, & meo judicio nihil priorus favent ipli; quin vidimus Speculatorem allegare pro ſe canonem *disciplina*, & in rei veritate, ſi aliquid favet, favet Speculatori; dicitur enim in illo, quòd Moyſes volebat mori pro populo, & adhuc tamen juſſit, ut viginti tria millia hominum occiderentur. Ecce, inquit Canon, qui vitam omnium etiam cum ſua morte petiit, paucorum vitam gladio extinxit. Ecce ego dico, Moyſes volebat, & non volebat mortem Populi. Certè Moyſes aſſimilatur Advocato patrocinianti Aſtorem, & Reum. Ut enim defendit Aſtorem, vult mortem

Rei; ut verò tuetur Reum, vult vitam Reo.

72. Circa alium Canonem fin. 2. qu. 3. fateor me nescire invenire, nec per umbram, favere Fagnano. Hoc unum ſcio, me diebus elapſis conſultum dediſſe utrique parti circa litem quandam, ſecretò tamen. Nunquid male egi, aut dignus ero infamia juxta l. *Abſeas*? hæc lex loquitur de illo Advocato, qui adjuvat diverſam partem prodita cauſa ſua, quæ verba puto intelligenda de eo, qui viſis inſtrumentis, & aliis documentis ſecretis ſui clientis ſe convertit ad Adverſarium, prodita cauſa ſua, hoc eſt, Adverſario dicit rationes illas, & documenta ſecreta, quod nefas eſt, & proprium *Proditoris*. Tum intelligi poſſunt de Advocato, qui ſalarium ductus officium Advocati exercet; ſi enim poſſet quis ob ſalarium patrocinari pro utraque parte, aperiretur via latiffima ad defendendas lites injuſtas, &c. Deſiſſio litis mei clientis pendeat ab intellectu cujuſdam legis, de qua duplex dabatur interpretatio apud Doctores. Dicant Adverſarii, quæ ratio obſtabat, qua non deberem dicere Litigatoribus, pro utroque adſeſſe validas rationes, & plures Doctores, & utranque opinionem exiſtimari probabilem à ſuis Doctoribus? Cur poſtea non poteram, utrique dicere illam propoſitionem celeberrimam Canoniſtarum, *bonum eſt in hac lite habere Judicem propitium*? Si me damnarent Adverſarii, me malè ſeciſſe, debent rationem evidentem damnationis oſtendere. Si talem dabunt, mutabo quidem opinionem, hoc tamen contentus, quòd nihil reſtitue-recogar, dum pro munere ſuſto nulum munus accipi. Interea ſciant, me exemplo Divi Thomæ, Divi Bonaventuræ, Richardi, &c. aſſerentium rationes pro utraque parte, & ſolventium ductum ita ſeciſſe. In hoc factò non inveni legem decidentem, nec alias regulas, ad quas recurrere deberem juxta C. de quibus. 20. diſtinct. idèò, ut ibi dicitur, *Sanctorum exempla recordatus* Conſultum dedi in lite de jure pro utraque parte. Vide Gloſſam ibidem. V.

*Exempla. Vide cap. 4. §. & etiam. 6. nu. 37. & §8. & aliis locis.*

## CAPUT XXIX.

*Opinio benignior, ceteris paribus, est sequenda.*

**P**ER multum temporis legendo antiquos collegeram plurimos ex ipsis, qui expressè dicebant, inter plures opiniones esse amplectendam, ceteris paribus, benigniorem. Sed nescio, quomodo amiserim hosce textus; facta tamen iterum perquisitione, potui colligere iterum hosce paucos.

1. Si dictum in titulo Capituli est verum, sequitur evidenter, inter æquales opiniones nos posse eligere, quam volumus; nam rigida, certum est, quod potest eligi; ergo, si possumus eligere, etiam benignam, possumus eligere in dato casu, quam volumus. Et nota illos duos terminos, *ceteris paribus*, nam significant, quod illæ opiniones sint æquales in omnibus, exceptis *benignitate*, & *austeritate*; & sic illæ opiniones erunt æquales in *probabilitate*. Nunc probandum est illud dictum, quod facili negotio præstabo afferendo textus Antiquorum. Si debeo dicere veritatem, ego legendo illos semper inveni in conclusione ejusdem; unde apud ipsos est veluti commune proloquium; & si Adversarii vellent hunc laborem subire, ut legerent eosdem, viderent, si verum dicam.

3. Igitur D. Thomas 1. 2. quæst. 96. art. 6. refert, & approbat. l. nulla. ff. de leg. in qua dicitur: *nulla ratio juris, aut æquatis benignitas patitur, ut qua salubriter pro salute hominum introducuntur, ea nos duriori interpretatione contra ipsorum commodum perducamus ad severitatem*. In 4. dist. 17. quæst. 3. art. 1. quæstion. 4. ut alibi retuli, dicit, *videri probabilem eorum opinionem, qui dicunt, quod non tenetur homo ad statim confitendum*; vocat deinde opinionem oppositam nimis

*duram*. In quodl. 4. art. 14. in illa quæstione, an sint vitandi illi excommunicati, de quorum excommunicatione est apud peritos diversæ sententia, dicit, ante sententiam Judicium esse sequendam *interpretationem mitiorem*. Certè in hoc textu inter æquæ probabiles opiniones, an isti excommunicati sint vitandi, necne, D. Thomas sequitur *mitiorem opinionem*, & relinquit rigidiorem. Nec potest dici, quod D. Thomas supponat opinionem mitiorem esse quoque probabiliorem; nam in textu nullum vestigium apparet hujus Doctrinæ. Tum quia Sanctus Doct. debuisset potius reminisci Probabilitatis, non *mitioritatis*; quia opinio est sequenda principaliter propter veritatem, non propter aliam rationem. Tum quia dicit, hosce excommunicatos non esse vitandos, *quousque certo judicio terminetur*. Ergo clarè D. Thomas vult, nos sequi inter opiniones benigniorem, quia, quando adsunt inter peritos diversitas opinionum, tunc quæstio non est certo judicio terminata.

4. Primus quoque textus significat, nos debere rejicere interpretationem *durioris* Legis. Ergo D. Thomas magis placet benignitas, quam austeritas. Ergo inter plures opiniones amplectitur benigniorem ratione ipsius *benignitatis*; si enim illam amplecteretur, quia sit probabilior, tunc benignitas nihil operaretur, sed Probabilitas; maxime, cum opinio probabilior est rigida, per Adversarios sit necessariò sequenda; unde per Adversarios D. Thomas tam placeret rigiditas, quam austeritas. In secundo textu debemus dicere, quod Doctor Angelicus crediderit opinionem duram esse probabilem, si enim aliter existimasset, illam deservisset maxime propter improbabilitatem; opinio enim maxime est deserenda propter falsitatem. Interim accipe regulam certò fundatam in D. Thomas: si tibi aliqua opinio videtur *probabilis*, & opposita *nimis dura*, sequere benignam.

5. D. Bonaventura, quamvis Doctor rigidus, tamen etiam rigiditatem rejecit. Sic in 4. dist. 17. par. 2. art. 2. quæst. 1. opinionem

nionem quandam vocat *valde duram*, quæ obligabat indistinctè omnes peccatores ad statim confitendum, & illam deserit ob hanc suam duritiem.

6. Alibi rectuli Humbertum exprimis Generalibus Patrum Dominicanorum, qui in expositione constitutionum Religionis jubet, ut sui Religiosi deferant *nimiam austeritatem* in consiliis, & opinionibus; quia austeritas hujusmodi terret homines, ut negligent propriam salutem; *benignitas vero trahit homines melius ad salutem*. Ergo evidenter, ceteris paribus, per hunc Antiquum opinio benignior est sequenda, utpotè trahens melius homines ad salutem.

7. Beatus Raymundus est Doctor satis rigidus; attamen credo, multum nobis favere. Igitur lib. 2. de usur. §. 17. asserit, Usurarium posse deducere expensas, & fortè operas moderatas quoad restitutionem usuræ, *ut in his etiam agatur cum eo mitius*, quàm cum fure. Lib. 3. de lapsis. §. 1. refert tres opiniones solemnes, quæ Antiquitus vigeabant circa ordinandos, & prima asserbat, illum, qui post Baptismum peccasset mortaliter, non posse ordines accipere sine dispensatione. De hac opinione ita scribit: *Hæc opinio est nimis rigida*, cum secundùm eam nullus posset promoveri; nam res pendè contra naturam est, ut sine peccato aliquis sit dist. 25. nnum orarium. §. nunc autem; & *ideo non est tenenda*. In tit. de penit. §. 21. scribit: *Unum tamen consulo, quòd non sis nimis pronus judicare mortalia peccata*, ubi tibi non constat per certam scripturam esse mortalia; *sed potes dicere esse peccata, & inducere homines ad penitentiam de talibus: aliàs enim possent induci homines cito in desperationem*. Nunc facio argumentum. Quando utraque opinio est probabilis sive minùs, sive æquè, tunc non constat per certam scripturam illud esse peccatum mortale, ut est evidens; ergo tunc tibi consulo, *ne sis pronus ad opinionem rigidam*; & sic sequere juxta Raymundum opinionem benignam.

8. Credo ego, quòd Author hujus axiomatis Antiquorum, quòd scilicet

opinio benignior ceteris paribus, sit sequenda, fuerit Glossator Raym, quia video semper pro ipso allegari ab Antiquis, & frequentius ipse illo utitur, ut nunc patefacio.

Igitur lib. 1. tit. de Simon. §. 19. V. *alias esset daturus* dicit, opinionem asserentem esse Simoniam, si quis daret ali-quod temporale pro Spirituali, ita ut si non daretur spirituale, nec daretur temporale, dicit, inquam, hanc opinionem *videri duram*, propter quod alteri opinioni standum esse. In tit. de juramen. §. fin. V. *non tenor bis* dicit, in quodam casu *benignè esse interpretandum* &c. Tit. de mendacio. §. 3. V. *alii dicunt* vocat *duram* illorum *sententiam*, qui dicebant mendacium officiosum esse semper peccatum mortale viris perfectis. Tit. de decimis. V. *cadere possunt* refert duas opiniones, quarum prima dicebat, Laicos posse transferre in alios jus recipiendæ decimas, quas habent in feudum. Secunda negabat, mox subdit: *prima opinio benignior est*. Ego subdo, ad quid notare expressè, quòd *prima opinio sit benignior*? Ego non video aliam rationem, nisi ut significet, propter hoc esse sequendam, & de facto ibidem. V. *vel dic* scribit: *prima opinio benignior est*, & ideo *magis amplectenda*. Pondera illam particulam causalem, *ideo*, & videbis apertè, clarè, & expressè importare nostram Doctrinam, & importare Doctrinam immediate oppositam Adversariis. Nunquam invenies apud ipsos, Benignitatem opinionum esse considerandam. Dicunt, inter æquales opiniones esse de necessitate sequendam rigidam; inter inæquales verò vel rigidam, vel probabiliorè. Glossator noster inter plures opiniones, quas utique credit vel æqualiter, vel inæqualiter probabiles considerat specialiter *Benignitatem*, & ab hac movetur ad sequendam opinionem: *Prima opinio benignior est*, & ideo, *magis amplectenda*. Expressè ergo hic Doctor sequitur opinionem benignam inter plures vel æqualiter, vel minùs probabilem. Huic textui nulla potest assigni responsio.

9. Si in hoc loco Author ratione benignitatis sequutus est opinionem. *Prima opinio benignior est, & ideo magis amplectenda; in lib. 2. tit. 1. §. 3. V. se, & sua liberando delerit opinionem ob causam suæ rigiditatis. Audiamus verba. Sed hac opinio nimis dura est, & ideo, non tenenda. Potest loqui clarius? Tit. de duello. V. non peccare scribit: Propter hoc credo, quod hac opinio potius tenenda est, cum ratione non careat, & sit benignior, ne videamus damnare omnes illos, qui se defendunt in duellis, vel res suos.* Hunc textum ponderabo, quando infra agam de acceptatione duelli, an sit licita aliquando, ut hic Author clarè docet. Pro nunc pondera rationem formalem, cur amplectatur hanc opinionem, & est, quia *ratione non caret, & est benignior.* Ego subdo, sed inter æquales opiniones opinio benignior ratione non caret, & est benignior; ergo inter opiniones æqualiter probabiles opinio benignior est sequenda. In tit. de sagittar. & balist. V. non habent vult dum dubitatur de intentione parentis censuram, quod integretur in minorem partem, vel mitiorem. De transact. c. ult. In tit. de usur. §. 9. V. censuram scribit: *sed nimis dura est ejus sententia, si indistincte intelligatur.* Ecce sola nimis durities opinionis movet Doctorem ad deserendam opinionem. In §. 17. V. fure docet: Fur, & raptor non deducunt expensas, nec operas suas, quod tamen intelligo, si agatur in forma judicii; in foro autem penitentiæ non credo, hunc rigorem esse servandum; iniquum enim esset, aliquem locupletari cum damno alterius. Adversarii amant benignitatem in foro externo, & rigiditatem in interno; & sic opponuntur nostro Glossatori.

10. Lib. 3. tit. de Bigamiis §. 3. V. vel vi docet: *Prima tamen opinio benignior est, & fragilitati nostri temporis magis accomoda, & similiter sententia Hug. Consona, & ideo fortè potius tenenda est.* Loquitur Doctor de Virgine, quæ per seipsum Virginitatis Sigillum fregerat; & tacit quæstionem, an possit consecrari inter Virgines. Ego formo casum, A

sunt duæ opiniones, an Petrus possit ordines accipere. Prima dicit, quod sic, & hanc tenet magnus Suarius. Secunda dicit, quam non, quam alii sequuntur. Ad normam nostri Glossatoris resolvo quæstionem. *Prima opinio benignior, & fragilitati nostri temporis magis accomoda, & similiter sententia magni Suaris Consona, & ideo fortè potius tenenda est.* Credo neminem huic Doctrinæ retragaturum; & sic quisque fatebitur, inter plures opiniones benigniorem esse sequendam. Adverte insuper, quod Glossator pro opinione benigna assertit solum Hug. E contra pro opinione rigida ait, *alios illam docere*; unde quoddam numerum Doctorum opinio rigida superabat benignam; unde forsitan quoddam probabilitatem extrinsecam rigida erat probabilior.

11. In tit. de lapsis. §. 4. V. celebrat officinando docet, quod Episcopus potest dispensare irregularitatem contractam à Clerico, qui celebravit suspensus à jure ob notorium fornicationem; subdit postea: si qua jura videntur esse contraria, loquuntur de suspensio à Judice, non à jure, & jura benignius solent agere, quam homines. Ego infero: ergo interpretatio benigna est secundum jura. Ergo inter æquales opiniones possumus eligere benignam, quia jura potius volunt benignitatem, quam rigiditatem. In tit. de scandalo §. 9. V. Suspendatur scribit: *Prima opinio benignior est, & communior.* ... De illis autem, qui tenent mulieres in suspectis locis, & cum scandalo, sed tamen non peccant cum eis, nec peccare proponunt, potest dici benigna interpretatione, quod non incidunt in illam sententiam, excommunicationis scilicet.

12. In tit. de sententiæ defin. præcepti. & excom. §. 32. V. ad illam tenet, quod confessor potest absolvere penitentem prius à peccatis, quam absolvetur ab excommunicatione reservata; & hanc opinionem vocat benigniorem. Audiamus textum: melius fieret, si prius absolveretur ab excommunicatione hujusmodi, & postea de cæteris peccatis; cum excom-

excommunicatio sit fortius vinculum, & hoc servant quidam Confessores, licet benignior sit primo dicta sententia; secunda tamen tenenda est, si timeatur &c. Pro rei veritate videtur, quod Doctor hanc opinionem benigniorem credat esse etiam veriore. In § 43. V. primo scribit: potest benignius dici, quod si possum facile probare excommunicationem.... teneor cum vitare; si autem probare non possum, non teneor cum vitare publice, nisi &c. In §. 52. V. intelligunt docet: si distum sit simpliciter, interdiximus terram Regis, vel Principis talis, cum pena sint restringenda, credo interdictum huiusmodi non esse extendendum ad feudum. Juxta hanc Doctrinam credo, in legibus excommunicationis, suspensionis, interdicti, & aliarum penarum Ecclesie inter opiniones equaliter probabiles esse sequendam benigniorem, quia pena sunt restringenda. Ergo solum debemus credere has leges habere locum, quando sumus in claris.

13. Denique lib. 4. tit. de Matrimonio §. 11. V. si vir scribit: Alii dicunt, quod impotentia continendi à copula carnali excusat exigentem in hoc casu, quorum sententia benignior est, licet forte non verior. Penes lectorem erit iudicare, an Author sequatur hanc opinionem benigniorem, licet non veriore.

14. Joannes de Friburgo lib. 1. tit. de Simon. quest. 21. fin. cum Glois. Raym. eod. tit. §. 21. V. non recipit executionem tenet, penas non esse extendendas, & hinc Ordinatorem Simoniacum non esse suspensum quoad ea, quæ sunt jurisdictionis, sed solum quoad ea, quæ sunt Ordinis. Hic applica Doctrinam, quam dico paulo ante in simili de illo Glossatore. Tit. 15. de decimis quest. 25. refert textum illum Glois. Raym. quem supra retuli num. 8. ex tit. de decimis V. vel dic, in quo dicit, primam opinionem esse benigniorem, & ideo esse tenendam; & videtur hanc Doctrinam approbare. Qu. 28. refert pariter Gloisam Raym. Et sequitur, quæ dicebat in quodam casu, esse benigna interpretatione presumendum, Laicum posse retinere decimas,

15. Durandus habet textum adeo clarum, ut nulla possit tergiversatione elidi, & retuli supra cap. antecedenti num. 3... Audi alium valde clarum in 4. dist. 5. q. 2. num. 6. fin. sine dubio, inquit, securum esset, si facere, (scilicet se conterere,) sed durum est, sic ducere, quod ad hoc teneatur.

16. Richardus in 4. dist. 15. art. 5. qu. 3. ut retuli cap. 22. num. 22. sequitur opinionem probabilem, aliorum, rejicit oppositam tanquam nimis duram. Si hanc vel improbabilem, vel non probabilem judicaret, propter hæc capita illam improbaret, quia opinio principaliter, ut dicebam, ratione falsitatis est explodenda. Si ergo illam refutat, quia est nimis dura, ceteris paribus, benignitas est amplectenda per Richardum.

17. Scotus in 4. distin. 13. quest. 4. art. 1. fin. ait, esse durum dicere, quod in quodā casu de destructione peccetur plus quam venialiter. Et dist. 15. quest. 1. art. 5. §. de quarto dicitur tenet peccatorem in mortali existentem posse implere satisfactionem impositam à Confessario, & opinionem oppositam dicit, esse nimis duram contra peccatores. Vide, quantum benignitas Scoti placeat, dum illam, etiam cum peccatoribus, persona indignis, exercet. Dist. 17. quest. 1. art. 3. §. secundum videtur scribit: secundum videtur mitius, quia præcepta penalia non sunt amplianda, sed restringenda. Scotus hic docet, peccatorem non teneri statim ad Confessionem peccato perpetrato. Nota per Scotum præceptum de Confessione esse penale. Certe non est penale, quia ejus transgressio importat aliquam penam, sed quia est præceptum aliquo modo difficile. Accipe ergo regulam fundatam clarè in Doctrina Scoti. Quando in materia præcepti de Confessione aliqui dicunt dari præceptum, aliqui verò dicunt, non dari, Tu sequere id, quod tibi mitius videtur. Sic fecit Scotus propter illam auream maximam, præcepta penalia non sunt extendenda. Quia verò dantur præcepta, difficilia etiam, præter confessionem; ideo quia militat eadem ratio, eandem conclusionem de il-

lis præceptis teneas, nam argumentum à simili est evidens in iure. 1. non possunt ff. de leg. c. cum secundum de præben. &c. C. per venerabilem qui filii sint.

Petrus Paludanus in 4. dist. 17. quæst. 1. art. 3. concl. 2. scribit: *dicunt aliqui, quod quoties recolis de mortali, tenetur dolere, & contreri, quod est durum, & videtur falsum, quia præcepta affirmativa &c. unde potest dici, quod est verum de debito congruitatis, non necessitatis; vel si intelligatur de debito necessitatis, ponderandum est &c. Vel potest dici tertio, quod quodcumque recolit homo se offendisse amicum valde dilectum, dolet; & sic Charitas ad hoc inclinatur; & sic facere contra inclinationem Charitatis est mortale peccatum.* Ecce deserit opinionem duram.

18. Athesanus lib. 5. tit. 11. med. scribit: similiter, quod peccator teneatur semper confiteri, quando se offert oportunitas, *videtur valde durum; ideo videtur rationabiliter sentiendum medium, &c.* Lib. 6. tit. 35. art. 7. quæst. 9. docet cum Rod. quod si ex tempore, ex quo non extat memoria, Laicus huiusmodi, & antecessores ejus quietè, & pacificè tenuerunt eam, (Decimam) recognoscen-tes eam habere ab Ecclesia, & red- dentes debitum obsequium eidem Eccle- sia. .... *presumendum est benigna inter- pretatione, quod sit de Antiquis.* Tit. 43. art. 1. quæst. 6. scribit: Si verò dubi- tatur, quomodo intendebat, (jurare,) debet intelligi, quod ultimo hoc modo intenderit, quia *benigna interpretatio fieri debet, de reg. jur. Eflote, & jurejur. ad nostram.* 3. secundum Hug. Lib. 7. tit. 2. quæst. 1. casu 8. asserit, quod gene- raliter dicere, incurri in excommunicationem, si quis non prohibeat, ne Cle- ricus percipiatur, *si grave.* Tit. 11. art. 1. quæst. 38. cum Rodan *benignius* dicit, nos teneri ad vitandum excommunica- tum in loco, in quo non est denunciatus tunc solum, cum possum probare faciliè ejus excommunicationem. Lib. 8. tit. 10. art. 4. quæst. 5. relinquit opinionem probabiliorem, *valde duram, & sequitur aliam securiorem, & sanio-rem.* Opinio

est in materia de redditione debiti tem- pore menstruum. Vide cap. 12. n. 20.

19. Lyranus lib. 1. Reg. cap. 17. facit quæstionem, an duellum sit licitum. Poni- primam opinionem sustinentium accepta- tionem duelli, etiam ad defensionem vi- tæ, & rerum suarum, esse illicitam. De hac opinione sic dicit: *sed ista senten- tia videtur aliis nimis dura, propter quod dicunt. .... potest licitè se defendere duel- lando, non solum in causa criminali pro vita sua defendenda, sed etiam in causa civili.* Ibidem refert, quod aderat opi- nio condemnans indistinctè Reges, & Judices permittentes duellum, & de hac opinione pariter dicit. *Videtur durum duella condemnare in omni casu ex parte Judicium.* Ecce respuit expressè duri- tiem opinionis; & nota illa verba, pro- pter quod, quæ significant causam, pro- pter quam Author relinquit illam opi- nionem, & hæc causa est *durities.* Ergo nos quoque relinquamus duras opinio- nes, & amplectamur benignas.

20. Joannes Nider est expressè pro no- bis, & primò par. 3. timor. conscient. cap. 11. refert textum illum clarum Glof- satoris Raym. quem habet de decimis, & retuli num. 8. in quo dicit, quandam opinionem esse benignam, & ideo *magis amplectendam.* Huic textui nulla res- ponsio imaginari potest. Secundò cap. 20. scribit: Secundum Epichejam præ- cepta Dei, & Ecclesiæ, ac Prælatorum *benigniter* interpretari possumus. Nec valet, si dicatur, quod ejus est interpre- tari, cuius est condere, esto enim, ut dicit Joannes de Gambaco lib. 14. de con- solat. Theol. quod in foro causarum in- terpretatio non sufficiat, nisi quæ fieret à Principe; bene tamen sufficit virtus Epichejæ in foro conscientie, non so- lum circa præcepta humana, sed etiam circa præcepta divina, & tantò magis circa divina, quantò Deus rationabilior est, magisque benignus, quam quicun- que alius Legislator. Unde &c. prima Doctrina est, quod *inter duram, & benignam* circa præcepta sententiam, *pro benigna* est potius, cæteris paribus, inter- pretatio faciendâ. Ratio est, quia præ- cepta



cepta Dei non sunt ad tollendam omnem spirituale dulcedinem, qualis certè tollitur, quando quis nimis scrupulose præcepta interpretatur, & timidè nimis... Quo circa Christus Matt. 23. dicit *consolando*: Venite ad me omnes, qui onerati estis, & ego reficiam vos. Ubi dicit: Beatus Hilarius: legis difficultatibus laborantes, & peccatis sæculi involutos ad se advocat, & postmodum de iugo Evangelii subdit: *Jugum enim meum suave est, & onus meum leve.*

21. Secunda Doctrina secundum virtutem Epichejæ est, quòd nec Deus, nec Ecclesia intendit per sua præcepta obligare ad vix possibile alicui; Unde Sanctus Thomas in 4. dist. 17. dicit, præcepta iuris positivi non se extendunt ultra intentionem præcipientis, quæ est finis præcepti; hæc autem est Charitas. Et 1. 2. quæst. 15. dicit, nullus obligatur ad impossibile; illud autem impossibile, ad quod nullus obligatur, videtur secundum virtutem Epichejæ in lege nova, quæ est perfectæ libertatis, interpretandum non solum de absolute impossibili, nec (corrigere) sed de eo etiam, prout dicti Doctoris sonant verba, quod vix est possibile, *nipote nimiam habens difficultatem*, aliàs non apparet, quomodo intelligi possit illud Christi consolatorium, *onus meum leve*: quomodo enim leve dicitur, quòd multum, aut nimis difficile dicitur? Hæc omnia refert, & approbat Antoninus par. 1. tit. 3. cap. 10. §. 10. reg. 7. qui dicit esse Doctrinam Joannis de Ambr.

22. Vendrochius not. 1. in epist. 5. sec. 4. §. 11. ait: D. Antoninum, & sic reliquos Doctores, non comparare sententiam minus probabilem cum probabiliori, sed asperiores cum mitiori, quæ longè diversa sunt; benigna enim sententia eadem potest esse probabilior, ac verior.

Sed contra, quia D. Antoninus expressè ait, inter plures opiniones esse complectendam, *ceteris paribus*, benigniorem. Illa verba, *ceteris paribus*, certè significant, quòd illæ opiniones sint æquales in omnibus rationibus, exceptis, be-

nignitate, & rigiditate. Ergo in probabilitate debent esse æquales. Ergo per Nider, & D. Antoninum potest eligi opinio benignior, quæ sit æqualis cum rigida in probabilitate. Præterea, si opinio rigidior sit probabilior, per Adversarios est de necessitate eligenda. Quando ergo erit præferenda benignitas? Certè in aliquo casu benignitas est præferenda per hos Doctores; ergo quando utraque opinio est æqualiter probabilis; si enim eligeretur solum, quando opinio est probabilior, tunc non præligeretur, nec haberet aliquam prærogativam præ rigiditate, quia rigiditas, quando est cum Probabilitate, est eligenda de necessitate per Adversarios. Hinc hæc responsio mihi videtur esse manifestè contra Nider, & Antoninum.

23. Potest responderi apparentius, quòd hi Doctores loquuntur de scrupuloso, pro quo permittuntur quædam regulæ benignæ, quæ pro aliis certè non valent.

Sed contra est, quia, si darent regulas solum pro scrupuloso, tunc ipsi essent valdè scrupulosi; nam scrupulosi possunt etiam in dubiis sequi quamlibet partem, & possunt uti opinione minus probabili; quæ eorum mens adeo à scrupulis obtenebratur, ut penè evidentia falsa non videant; unde regula certa est pro scrupulosis, quòd faciant ea, quæ non sunt evidenter mala. Tum quia arguunt hanc regulam ex illis verbis Christi: *jugum meum suave est &c.* Hæc certè verba non sunt dicta pro solis scrupulosis. Tum quia faciunt hoc argumentum: inter benignam, & duram opinionem benignior est præferenda ceteris paribus; ergo scrupulosi debent temnere scrupulos; & sic opinionem benignam eligere. Ecce antecedens est universale; nec coarctatur ad solos scrupulos; & si coarctaretur, argumentum esset ridiculum, & poneretur in antecedenti minus extremum, quod est contra regulas bonæ argumentationis. Dicas, quæso, inter opinionem rigidam, & benignam, ceteris paribus, scrupulosi debent eligere benignam. Nonne hoc est illud, quod est

probandum? Ergo debes uti alio medio, ut illud probes. Porro hoc medium est illud antecedens universale, quod medium postea probatur à textu Evangelii, *jugum meum &c.*

24. Lector benignus legat iterum textum ab illis verbis: *prima Doctrina est &c.* & clarè videbit, imbecillitatem Doctrinæ Adversariorum. Perpendat etiam illa verba: *In lege nova, qua est perfecta libertatis*, & videbit, in lege Christiana adesse speciale motivum sequendi opiniones benignas. Præcipue verò debemus interpretari benignè præcepta Dei, quanto Deus, inquit allati Doctores, est rationalior, & benignior, quam quicunque alius Legislator. Vides. Adversarii sunt minus severi in interpretatione legis humanæ, & magis rigidi quoad legem divinam. Nider, Joannes Amb. & Beatus Antoninus oppositum docent. Tu sequere hosce Antiquos.

25. Nicolaus de Orbellis in 4. dist. 17. quæst. 1. §. 8. cum Scoto tenet, peccatum non statim teneri ad confessionem, & assignans rationem ait, *quia præcepta penalia non sunt amplianda*. Vide, quæ dixi de hoc textu Scotistico. Dist. 25. q. 2. §. 19. cum Rodon deserit opinionem D. Thomæ dicentis esse præsumptuosum, si quis petat Beneficium Ecclesiasticum habens curam Animarum; deserit autem illam, *quia videtur dura*. Sic etiam quæst. 9. deserit cum Lyrano duas opiniones de duello, quas retuli, cum de Lyrano egi, & illas deserit, *quia videtur nimis dura*. Sic pariter distin. 32. quæst. 1. §. 5. cum D. Bonav. rejicit opinionem dicentem, mulierem mestratam teneri ad reddendum debitum viro instanti petenti; rejicit autem, *quia est valde dura*. Tu ergo ad exemplum Orbellis inter plures opiniones Doctorum famosorum desere opiniones rigidas ob ipsarum nimiam duritiem; & quamvis sic faciendum incurras in censuras Probabilioristarum, tamen illas contemne, & credas magno Scoticæ antiquo de Orbellis. Supplementum Pisanelle. V. Confessor. 1. vers. *quod si confitens fin.* habet illum textum Gloss. Raym. de f. n

ten. defin. &c. §. 32. V. *ad illum*: quem retuli num. 12. & quem expendet Lector, an nobis faveat.

26. Beatus Antoninus ultra textum alatos supra cum Nider habet alios, qui multum favent, & scio alios inveniri, sed illorum oblitus sum. Igitur par. 2. tit. 4. cap. 3. de decimis §. 6. refert duas opiniones in illa questione, *An milites ex consuetudine exigentes decimas peccent*. Prima erat negativa, & secunda affirmativa, postea scribit. *Hæc opinio*, (rigida nempe,) *videtur secundum rigorem juris præferenda*; prima tamen benignior, & efficacior est; & ideo ad vitandum animarum periculum expresse est amplectenda ar. de appell. c. fin. Si ille terminus, efficacior, non significat Probabilioritatem, tunc clarè Antoninus est pro nobis. Tunc tamen diligenter illa verba: & ideo ad vitandum, &c. Et videbis evidenter, quodd ad salutem Animarum proficit electio opinionis benignioris, & efficacioris. Adversarii conclamant Rigiditatem esse maximè utilem ad salutem. Sed illis ne crede. Crede Antonino.

27. In par. 3. tit. 1. c. 20. §. 3. admonet, Confessarium non debere esse facilem ad precipitandam sententiam, dicendo esse peccatum mortale variationem modi habendi copulam cum uxore. In §. 3. narrat in materia habendi copulam conjugalem tempore mestrurorum adesse diversus, & contrarias opiniones Doctorum, addit postea, *propter quod dicit Guil, quod Confessor in hujusmodi non debet precipitare sententiam, nec propter hoc debet negare absolutionem nolentis abstinere ab exaltione, & redditione debiti in tali tempore*. Quod in varietate opinionum per Antoninum non sit præcitanda sententia, habetur etiam in sua Summa, quæ Confessionalis dicitur de septimo præcepto c. 2. & alibi sæpe. Nota illam causalem, *propter quod*, & videbis nos non debere in varietate opinionum adherere nostræ opinioni rigidæ, ut faciunt Probabilioristæ, & negare absolutionem, aut judicare illos male facere, sed debere nos conformare opinioni benignæ aliorum; & sic in hoc casu

caſa inter plures opinionones benignior erit eligenda Eandem hanc Doctrinam de Confefſore habet in aliis locis Beatus Archiepiſcopus, ſed commodius ſuo loco referam. In §. 9. refert opinionem rigidam in materia de conjugio adultero, poſtea ſubdit: circa hanc materiam humanius loquitur Petrus de Palude in 4. ſic dicens &c. Illud verbum, Humanius, debet explicari pro, Benignius; & ſic per Antoninum benignitas erit eligenda, & rigiditas fugienda.

28. Sed clare omnino eſt pro nobis in tit. 13. cap. 4. §. 7. Facit ibi quæſtionem, an attentio in bonis dicendis ſit neceſſaria. Sic reſolvit: Quamvis aliqui dixerint, quod ſic, ita quod in eis non habens cor ad Deum, ſed ad exteriora, peccet mortaliter, propter hoc in fine illius cor dolentes de celebr. miſſar. quod præcipitur, dici totum officium ſtudioſe pariter, & devotè, & ſi verbum ſit durum, tamen ſcriptum. Benignior tamen eſt ſententia ſecundum Hoſtien, qui dicit, quod in præcepto eſt, bonas dicere, ſed alia, quæ in devotione conſiſtunt, ſuadendo dicuntur; & hoc eſt, quod dicit littera ibi, quantum Deus dederit, &c. Quam, quæſo, opinionem credimus complecti Sanctiſſimum Episcopum? audiamus. Hunc intellectum teneas, qui benignior eſt, & quia Eccleſia non debet alicui laqueum injicere 27. quaſt. 1. de viduis, nec homines debet Eccleſia oneribus importabilibus alligare 26. quaſt. 7. c. alligant. Meo iudicio nequit hic textus aliqua reſponſione eludi, eſt enim clarus, & apertus. Igitur, Lector, inter plures interpretationes legis, ſaltem Eccleſiaſticae, illam ſequere, quæ benignior eſt; quia ſic obediens Sancto Archiepiſcopo Antonino, nec audias clamores Probabilioristarum in contrarium exclamantium

29. Neſcio, an Divus Bernardinus favet. Illum audiamus tom. 1. ſerie ſecundæ poſt Quinquageſimam ſerm. 3. art. 3. cap. 1. fin. dicentem: Tertio ſunt alia ſcriptura ab Eccleſia dubitata, vel non approbata, videlicet aliqua opinionones diverſarum Doctorem, etiam approbatarum, inter ſe contradicentium in quibus-

dam, quæ ſunt neceſſaria ad ſalutem, ſicut patet de Salomone, quem Auguſtinus opinatur eſſe damnatum, & Ambroſius illum eſſe ſalvum; & ſic de multis aliis ſimilibus, de quibus permittit Eccleſia variè ſentiendum tam de Antiquis, quam de doctores novis. Secundum enim Scotum, & Hoſtien. quando ſunt diverſa jura, & opinionones, quæ tamen non ſunt contra Deum, & bonos mores, ceteris paribus, humanior eſt præferenda de tranſact. c. fin. alia enim ſtandum eſt, quæ melioribus nitiatur rationibus. c. Capellanus de ſer. Hucusque Sanctus Docteur. Hic vult definire, quænam opinio ſit amplectenda inter varios Doctores, & quæ ſunt neceſſaria ad ſalutem. Et duas conclusiones ponit, quarum Prima eſt, quod ceteris paribus eligenda eſt humanior. Hunc terminum, Humanior, Ego illum accipio, ac benignior. Et ſic apparet, quod iſdem verbis habet propoſitionem noſtram.

30. Quodſi dicas, Divum Bernardinum loqui de variis opinionibus, quæ non ſunt contra Deum, & bonos mores, de quibus noſtra quæſtio procedit. Contra eſt, quia cum expreſſe velit definire de opinionibus, quæ ſunt neceſſaria ad ſalutem, & in quibus variant Doctores, debemus dicere, quod illa verba: quæ non ſunt contra Deum, &c. implicite importent, & ſint ſupplenda per particulam, Expreſſe, ſicut Joannes Nider, ubi ſuprà cap. 11. referens textum Divi Thomæ dicentis quodlib. 3. art. 10. quod ſcilicet, quando diverſæ opinionones Doctorem non pertinent ad Fidem, & bonos mores abſque periculo unam ſequi poſſumus, referens, inquam, hunc textum, illum ſupplet per particulam, Expreſſe.

31. Ita etiam Holcot in 3. quaſt. 1. art. 5. litter. OO. dicit, adorantem Dæmonem ex ignorantia invincibili, quod ſit Chriſtus, non habere errorem periculoſum, quia non eſt contra Articulos Fidei, nec contra bonos mores. Certè implicite hic error eſt contra bonos mores; ergo Holcot, & ſic alii Doctores, quando aſſerunt, opinionem non debere

bere esse contra bonos mores, supple-  
disunt cum ly, *Expresſe*.

Sic ergo supplendo Divum Bernardi-  
num, ſolvit adæquatè difficultatem pro-  
poſitam. Difficultas erat, quænam opi-  
nio ſit amplectenda, quando Doctores  
*variant in rebus neceſſariis ad ſalutem*.  
Adæquatè reſponderetur difficultati pro-  
poſitæ, vel enim illæ opiniones ſunt æquæ  
probabiles; & ſic *humanior eſt præferen-  
da*, & hæc eſt prima Concluſio Sancti  
Doctores. Vel ſunt inæqualiter proba-  
biles; & ſic eſt ſequenda, quæ *meliori  
mititur rationi*, & hæc eſt ſecunda  
concluſio Divi Bernardini. Quocunque  
alio modo explicetur, nunquam ſatis-  
fit adæquatè propoſitæ quaſtioni. Si  
enim dicatur, in prima Concluſione Ser-  
monem eſſe v. gr. in materia pænali, ut  
videtur colligi ex textu *c. final. de tran-  
ſact.* quem refert: Contra eſt, quia ſic  
non ſolvit difficultatem de opinionibus  
tum ſpeculativis Fidei, tum moralibus  
æquæ probabilibus; In ſecunda enim  
Concluſione ſit mentio ſolum de opinio-  
nibus habentibus meliores rationes; &  
ſic de opinionibus inæqualiter probabi-  
libus.

32. Dices, nec etiam Divus Bernar-  
dinus decidit, quid ſit faciendum, quan-  
dò quis eſt dubius inter diverſas opinio-  
nes; ergo in hoc loco adæquatè non ſol-  
vit difficultatem.

Sed contra primò, quia admiſſa hæc  
Doctrina Adverſarii ſua explicatione  
faciunt magis mancum Sanctum Do-  
ctorem, quàm nos; per ipſos enim duos  
caſus non decidiſſet, & per nos unum  
ſolum. Contra ſecundò, quia loquitur de  
ipſis opinionibus, quæ ſcilicet ſit eligen-  
da; unde ſolum debet decidere de ipſis  
opinionibus, & nihil habet de *dubiis*.  
Opiniones autem aut ſunt æqualiter,  
aut inæqualiter probabiles; & ſic plene  
ſatiſfit reſpondendo per duas allatas con-  
cluſiones.

33. Dioniſium Carthuſianum inveni  
bis amplecti opinionem probabilem, &  
oppoſitam deferere tanquam *nimis du-  
ram*. Illum retuli cap. 22. num. 55. & 56.  
Recole citationem, & ſatis erit pro meo

intento. Deſerit quoque opinionem in  
4. diſt. 17. quaſt. 5. §. Porro *de tempore*,  
cum Bonav. quòd peccator non ſtatim  
*ſemper* teneatur ad Confeſſionem, ac of-  
fertur oportunitas; deſerit autem, quia  
*nimis durum videtur*. Relege etiam nu.  
53. & invenies Stephanum Brulifer  
rejicientem opinionem, *quæ probabilis vi-  
detur*, rejicientem, inquam, tanquam,  
*nimis durum*. Credo hunc textum eſſe  
clariffimum. Vide pariter num. 65. ubi  
invenies Angelum. V. *Confeſſio*. 5. num.  
10. amplectentem opinionem, *quæ beni-  
gnior*, & forſan illam amplectitur, quia  
*benignior eſt*; eſt tamen verum, quòd il-  
lam vocat etiam verioſorem; unde vide-  
tur hic textus parum favere. In V.  
*Confeſſio Sacramentalis*. 1. num. 31. vocat  
opinionem Scoti aſſerentis peccatorem  
non teneri ſtatim ad Confeſſionem, vo-  
cat, inquam, *mitiorem*; Subdit tamen,  
eſſe magis tutam opinionem oppoſitam  
Divi Bonaventuræ.

34. V. *Clericus* 10. num. 2. ex du-  
bus opinionibus ſequitur unam, quia  
eſt, *æquior*, ita & V. *Feudum* num. 25.  
& ſic quia eſt mitior. Vide ſupra nu-  
mer. . . V. *debitum conjugale* nu. 1. vocat  
opinionem Rodonenſis *nimis durum*,  
qua. tenet indiſtinctè eſſe peccatum mor-  
tale petere debitum conjugale ante bene-  
dictionem Sacerdotis. Sic etiam num. 25.  
jubet, *ne præcipitemus ſententiam* in con-  
demnando conjugatos, qui variant mò-  
dum naturalem in copula matrimoniali;  
ergo vult, quod non ſequamur ſenten-  
tiam rigidam. V. *detraſſio* num. 3. ait,  
*Scotus vero dicit*, quòd videtur durum  
dicere, quòd exeat genus peccati venialis,  
quando ex inconfideratione talia refert. V.  
*Ignorantia* nu. 4. credit, excuſari à cul-  
pa, & à pænâ illos, qui non ſunt igno-  
rantes ignorantia craſſa, & ſupina; ete-  
nim *durum eſſet* dicere, quòd peccet mor-  
taliter, qui facit ſecundùm ſubtilitatem  
juris contractum illicitum, credens lici-  
tum. V. *Filius* num. 18. ait, quòd no-  
mine, *Fili*, ſi non apparet mens teſta-  
toris, quando agitur de commodo, ve-  
niunt etiam naturales, & hoc ex benigna  
interpretatione potiùs, quàm ex propria ſi-  
gniſi-

gnificatione, &c. Lector, sequere Angelum relinquentem opiniones, quia sunt *dura*, & amplectentem interpretationem, etiam impropiam, & hoc *ex benigna interpretatione*.

35. Gabriel Biel in 4. dist. 15. quaest. 13. litt. R. dub. 6. refert duas opiniones in materia de restitutione lucris habitis per ludum prohibitum. Prima erat affirmans rigida. De secunda sic dicit. Verum alii, quibus consentit Baptif. & Angel. in Sum. *mitius dicunt*, &c. Ergo, Lector, inter plures opiniones amplectere mitiorem sequendo exemplum *profundissimi* Biel. Vide ipsum litt. K.

36. Nicolaus Barriani in suis discursibus praedicabilibus in domin. 2. quadrag. quaest. 27. rejicit opinionem asserentem, peccatorem teneri statim ad Confessionem, *ut nimis duram*. In 3. argumento sic scribit: De sententia & re iudic. in 6. scribitur: *Odia restringi*, favores convenit ampliari, & quod in penis benignior interpretatio est facienda. Illud autem praecceptum de Confessione est maxime odiosum, & penale; non enim modica poena est verecundia confitendi omnia propria peccata alicui homini; Ergo potius restringendum est ipsum praecceptum, quantum patitur virtus, & proprietates sermonis ipsius, quam ex eius proprietate ampliandum; ac per hoc benignior interpretatio eius est facienda, quae non est ipsa opinio, cum sit nimis *dura*; imo videtur importabilis, ut statim patebit; sed ipsius opinionis contradictorium est benignior interpretatio ipsius praeccepti; Ergo juxta benignitatem juris canonici tenendum est contradictorium ipsius opinionis; ac per hoc ipsa est contra juris Canonici benignitatem. Subdit textum Evangelii: Jugum meum suave est, &c. inde infert, praecceptum Confessionis esse suavissimum, & levissimum interpretandum. Haec eadem dico in nostro casu. Nota secundum hunc Doctorem, illud dici praecceptum penale, quod importat magnam difficultatem illud exequendi. Adversarii volunt illud esse praecceptum penale, quod imponit transgredienti aliquam poenam; unde per interpretatio-

nem Adversariorum axioma illud Canonicum: *Odia restringi* &c. nimis restringitur, & in paucis materiis verificatur, sed sequamur dictum Barriani tanquam magis benignum, & ampliativum regulae Canonicae.

37. Panormitanus in cap. 1. de celebr. Missar. num. 8. refert opinionem asserentem, quod omittens dicere officium teneatur restituere fructus Beneficii, postea subdit: *sed hac opinio est nimis rigida, nec eam sequitur Do. Card. dicens, quod jure non probatur* &c. quod dicit Panormitanus in hoc casu, nos dicemus de aliis opinionibus severis; & quia ibi Doctor solvit rationes opinionis rigidae, nos ad ejus imitationem solvemus rationes opinionis rigidae, quas quidem poterimus solvere, nam, si essent insolubiles, tunc opinio benigna non esset probabilis, sed certo falsa; quia ratio insolubilis est necessario vera. Vide caput antecedens num. 60. ubi invenies Hostiensensem, Joannem Andream, Henricum Boic, & Butrium amplectentes illam opinionem benignam, quod non obligemur ad attentionem in horis Canonicis, quia est opinio benigna; deserunt autem oppositam, quia *durum esset hoc ponere in usu praeccepti*. Alibi etiam retuli, & referam textus, in quibus Antiqui amplectuntur suas opiniones, quia sunt benignae.

38. Hoc Antiquorum axioma de benignitate sequenda, & rigiditate abjicienda puto fundari in Doctrina Beati Augustini Epist. 119. cap. 19. relata in c. omnia 12. dist. ubi Sanctus Doctor conqueritur, quod, cum Christus fundaverit Religionem in paucissimis, & manifestissimis celebrationum Sacramentis, alii velint illam humanis praesumptionibus subicere. Ergo multiplicatio praecceptorum est contra institutionem Christi in lege nova secundum Augustinum; praecipue si haec multiplicatio non est manifestissima. Si benignitas Christi, si Misericordia Dei voluit nos subicere manifestissimis celebrationum Sacramentis; Cur nos in casu obscuro, in quo aequaliter possumus negare praecceptum, obscuris interpretationibus subicimus Christi fideles? Nulla

ratio juris, aut equitatis benignitas patitur, inquit Jurisconsultus l. nulla ff. de leg. laudatus à D. Thoma 1.2. quæst. 96. ar. 6. & dixi n. 3. ut quæ salubriter pro utilitate hominum introducuntur, ea nos duriori interpretatione contra ipsorum commodum perducamus ad severitatem. Item eod. l. benignius dicitur: Benignius leges interpretanda sunt, quò voluntas earum conservetur. Glossa exponens illud verbum, Benignius, ita scribit: Duobus modis expone: primò benignius, quàm verba patiuntur. Secundo improprie, idest benignè. Ecce leges ita debemus interpretari benignè, ut etiam hanc benignitatem verba legis non patiantur. Ego subsumo, sed quando utraque opinio est æqualiter probabilis, tunc verba legis illam benignitatem patiuntur, ut esse evidens; ergo tunc debemus sequi illam interpretationem benignam.

39. Nec dicas, hanc legum benignitatem valere in legibus pœnalibus, non vero in legibus non pœnalibus; nam contra est primò, quia sic saltem in legibus de excommunicatione, suspensione &c. deberemus sequi opinionem benignam. Secundo, hæc interpretatio est contra ipsas leges; nam Legislator in illo titulo non agit de legibus pœnalibus, sed de legibus in communi, & vult tradere regulam, quomodo sux leges, quas conditurus erat, essent interpretandæ. Tum quia leges in dubio sunt interpretandæ juxta tenorem tituli l. imperator ff. de in diem adject. Cum ergo titulus sit de legibus in communi; Ergo interpretatio debet esse de lege in communi.

40. Nec valet iterum dicere; hanc benignitatem valere pro foro fori, non vero pro foro conscientie. Sed contra, quia, si Legislator interpretaretur suam legem, tunc certè benignius interpretaretur, & hæc interpretatio benignior valeret pro utroque foro, cum esset ipsa lex, quod siquidem Principi placuit, legis habet vigorem. l. 1. ff. de consus. Principum. ergo etiam interpretatio benigna facta à Prudentibus debet valere pro utroque foro, quia hæc interpretatio est juxta mentem Legislatoris. Tum quia

interpretatio benigna est juxta Canonem per quos jubetur c. erit autem. 4. dist. ut lex sit manifesta, ne aliquid incantum per obscuritatem captionem contineat. Ecce expressè lex Ecclesiæ, & sic lex tangens Animam, debet esse manifesta. Nunquid lex, quæ per æqualem probabilitatem astringitur, erit manifesta? Nonne lex per æqualem probabilitatem asserta per obscuritatem continere potest aliquid incantum? Tum quia Ecclesia vult suas leges esse manifestas; Item potest manifestè explicare suam voluntatem. Item leges non omnes casus continere debent. l. neque leges. l. non possunt. ff. de leg. & observat D. Thomas ubi supra ad 3. Ego ex his eruo duas consequentias; ergo saltem casus obscuri non continentur sub lege. Ergo in casu obscuro interpretatio debet fieri contra Legislatorem, juxta illam regulam jur. in 6. cap. 67. interpretatio est faciendi contra eum, qui poterat apertius loqui.

41. Claudio hoc caput textu Guilelmi Paraldi, Ordinis Patrum Prædicatorum, Episcopi Lugdunensis. Hic ergo celeberrimus Theologus in sua summa Virtutum, ac Virtutum tom. 1. tract. de prudentia cap. 5. §. De duodecim, quæ jurant ad hoc, ut aliquis debet docere num. 12. tradit cum August. lib. 4. de Doctr. Christiana, Doctorem tria debere observare in suis scriptis, scilicet, ut doceat, ut deleat, ut flectat. Ita etiam docet D. Thomas. 2.2. qu. 177. art. 1. Si Doctor debet deletare, nunquid rigida debet docere? Delectatio per D. Thomam 1.2. quæst. 31. art. 1.3. quæst. 35. art. 1. est in appetitu sensitivo, & intellectivo; Fit vero delectatio per conjunctionem ad bonum conveniens ex qu. 32. Nunquid rigida sunt bona, & convenientia? ex ipsa apprehensione Rigidi, statim natura se retrahit, & refugit.

42. In tom. 2. tract. de superbia c. 38. §. de peccato, indiscretè præcipientium ait: Item indiscretè præcipit, qui nimia, vel nimis gravia præcipit Matth. 23. alligant onera gravia, & importabilia, & imponunt in humeros hominum &c. Alii. 15. quid tentatis Deum, jugum imponere si-

per cervices discipulorum, quod nec nos, neque patres nostri portare potuimus? In §. seqq. pluribus argumentis hic benignissimus Episcopus conatur demonstrare Prelatis, ne sint proni ad danda nova præcepta. Si superiores ergo non debent nimia, & nimis gravia præcepta dare, cur Probabilioristæ, quando æqualiter possunt nos liberare à præcepto, nos præcepto rigidissime subijcient? Si Deus benignus est, ut quid Sacerdos ejus austerus vult apparere. 26. quæst. 7. *C. alligant?*

43. Probabilioristæ, & Scuristæ totis viribus nituntur arflare viam salutis, & reddere difficilia mandata Naturæ, Dei, & Ecclesiæ; Hinc asserunt illud Matth. 7. quam arcta via & angusta est, quæ ducit ad vitam, & pauci sunt, qui inveniunt eam. Idem dicit Lucas. c. 13. Quod si nos asserimus contra cum Nider, & aliis Antiquis illud *Consolatorium* Matth. 11. *Jugum meum suave est, &c.* statim Glofant illud cum August. de Nat. & Grat. cap. 69. Legem novam esse quidem levem amanti; sed gravem non amanti. Hanc explicationem approbat Angelicus 1.2. quæst. 107. art. 4. & pro ipsa alios Patres asserit Fogarinus par. 4. disp. 3. sec. 7. num. 79. & seqq.

44. Sed contra, quia, quamvis Lex nova sit gravis non amanti, est tamen levior lege Veteri, quia habet pauciora præcepta, quam vetus; hinc dicebat Augustinus relatus num. 38. Christum in paucissimis, & manifestissimis celebrationibus Sacramentis suam legem constituisse; Ipsa quoque præcepta, quæ dedit sunt faciliora; nam certè Baptismus est Sacramentum facilius, quàm circumcisio. Quod Lex nova sit levior veteri patebit expendenti allatum textum Matth. 11. & interpretationem Hilarii allatam à Nider, & D. Thoma locis citatis. Relege Nider num. 20. & 21. & pondera bene illa verba: *Videtur secundum virtutem Epicæpe in Lege Nova, quæ est perfectæ libertatis, interpretandum non solum de absolute impossibili, sed de eo etiam prout dicti Doctoris (D. Thomæ) sonant verba, quod vix est possibile, ut possit nimiam*

habens difficultatem. Vide cap. 16. à nu. 4. & cap. 11. num. 39.

45. Dices cum eodem Fogarino par. 3. disp. 3. num. 208. Alexander in suo decreto condemnatorio asserit, qui incedebat per illas propositiones damnatas, incesisse per latam & spatiosam viam; & tamen multæ ex illis propositionibus judicabantur probabiles. Ergo, qui procedit per viam benignam, quando illarum opia æqualiter probabilis, procedit per viam latam, & spatiosam.

Quæro à Fogarino, an Antiqui i-verint per viam latam, & spatiosam damnatarum propositionum? Si negat, loquitur contra illud Decretum, in quo dicitur, partem illarum propositionum esse antiquatam. Ergo pars illarum opinionum tradebatur ab Antiquis. Igitur & Antiqui, & Moderni i-verunt per latam, & spatiosam viam. Et sic nego, quòd Probabilitas fuerit causa illius itineris, & hoc Adversarii coguntur dicere, cum Antiquitas non daretur Probabilitas. Igitur causa mali itineris est imbecillitas ingenii humani, quod non bene applicat prima principia materiis particularibus.

## CAPUT XXX.

### Æqualis Probabilitas stabilitur Relationibus.

1. D I V I N U S Thomas quodlib. 4. art. 18. facit quæstionem, an Theologia sit determinanda in suis quæstionibus per Authoritates, an per rationes. In fine sic concludit: *Si nudis autoritatibus Magister quæstionem determinet, certificabitur quidem Auditor, quia ita est, sed nihil scientiæ, vel intellectus acquires, sed vacuus abscedet.* Uique modo meam Conclusionem autoritatibus probavi, & meo iudicio ita efficacibus, ut sperare possim, Lectores meos edoctos fore, quia ita est, Si Antiquis fides est adhibenda. Quia tamen non sum ego ingenii, & genii Adversariorum, qui præcipuum

cipuam curam navant in asserendis Authoritatibus pro suis dictis; & propter hoc forsitan dicebant, nostram opinionem non fundari in scriptura, Traditione, Sacris Canonibus, & Patribus; & ideo reiciendam. Ideo pro mea sententia nunc asseram rationes, ut mei Lectores, si possibile est, *aliquid scientia, vel intellectu acquirant, nec vacui abscedant*, ut dicebat rationabiliter Angelicus Præceptor in suis decisionibus, & ut; meo iudicio, dicent omnes amantes veritatis.

2. Hic notabis, D. Thomam præferre modum solvendi quæstiones Theologicas per rationes modo illas decidendi per Authoritates; hinc Modernos male damnari dices à Probabilioris ex eo, quia in solutione casuum moralium per rationes ut plurimum procedunt. Moderni volunt, acquirere aliquid scientiæ in his materiis, qui finis habetur ex D. Thoma per rationes; cur damnantur ab Adversariis? si hic inodus non placet ipsis, parum refert, sufficit laudari ab Angelico, & ab eodem præferri.

3. Igitur probò, quòd licitè possimus inter plures opiniones æqualiter probabiles in moralibus eligere, *quam volumus*. Primò, quia nulla datur lex, quæ nos obliget ad sequendam opinionem rigidam; ergo licitè possumus sequi, *quam volumus*. Consequentia tenet, quia, ut actio sit peccaminosa, debet esse contra aliquam legem; hinc dicebat Apostolus ad Rom. 3. per legem cognitio peccati, cap. 4. ubi non est lex, nec prævaricatio; cap. 7. peccatum non cognovi, nisi per legem, 1. Cor. cap. 15. virtus verò peccati lex, & D. August. definiebat peccatum, est dictum, factum, aut concupitum contra legem Dei æternam, & liba. cap. 16. de peccatorum meritis, & remissione dicebat: neque peccatum erit, si quid erit, si non divinitus jubeatur, ut non sit, & D. Ambrosius de Paradiso. cap. 8. scribit: quid est aliud peccatum, nisi legis Divinæ prævaricatio, & castellum præceptorum inobedientia? Hac Doctrina est adeo vera, ut à nullo negari possit. Est quidem in quæstione,

an hæc contrarietas ad legem sit de ratione formali constitutiva peccati, ut volunt Scotistæ cum Doctore Subtili in 2. dist. 37. & D. Bonav. dist. 35. dub. 4. de quo vide Mastrum in 2. disp. 6. quæst. 3. art. 1. Difficultas ergo refert in probatione antecedentis, quod tamen facile est. De lege humana est pluriusquam certum, cum in corpore juris Canonici hujusmodi lex non invenitur; maxime cum lex humana debeat esse manifesta, ne aliquid per obscuritatem in captionem contineat 4. dist. c. *erit autem*, c. *fin. de constit.* Item nec datur in Scriptura præceptum Divinum, nec natura hoc nobis dicitur, ergo in hoc casu nulla datur lex, quæ nos obliget ad sequendam opinionem rigidam.

4. Hic modus argumentandi est Antiquorum, quos nunc non recorder, nisi Nicolai Bariani dicitur. *predicab. Domin. 2. concl. 1.* ubi subdit hæc, quæ vellem, Adversarios semper habere in mente: *Sancti Doctores hanc diligenter observant regulam, quòd nunquam audeant asserere aliquid esse de necessitate salutis, nisi probeant illud cadere sub præcepto Dei, aut Ecclesiæ.* Imò talem regulam observat Conditor juris Canonici, qui in talibus semper se refert ad legem Divinam utriusque testamenti, ut in c. *super eo de usur.* & in peris que aliis. Quòd si de Conditor juris Canonici dubium sit &c. Certum, quòd Sancti præfatam regulam diligentissime servant. Unde Hieronymus super Matth. *quod de Sacris*, inquit, *litteris non habet auctoritatem, eadem facilitate contemnitur, quæ probatur, quòd maxime, & solum in pertinentibus ad æternam salutem veritatem habet.* Ecce nostrum argumentum est Sanctorum. . . . Vide cap. 11. num. 39. & Cap. 16. num. 40.

5. Dicunt Adversarii, adesse legem Canonice in pluribus locis, in dubiis tutiorem partem esse eligendam. Adesse pariter legem divinam, *Veritatem solum nos liberare.* Adesse etiam legem naturalem, quòd sit fugiendum periculum peccati.

Sed contra ad primum, quia debent monstrare, in Sacris Canonibus adesse hanc



hanc veritatem, quod nempe intellectus *positus inter duas opiniones aequaliter probabiles sit dubius*, ut male ipsi iudicant. Si afferent Canonem sic decidentem, tunc actum erit de nostra opinione, & meum argumentum evidenter erit falsum. Vide cap. 6. num. 33. & 63. Tum quia hæc responsio tolleret argumentum Barriani, & Sanctorum; diceremus enim, quamvis in illa materia determinata, v. gr. de statim confitendo post factum peccatum, non ad sit præceptum directè hoc præcipiens, addit tamen reflexè mandans; quatenus nempe, cum non detur Decisio quæstionis clarè, hinc materia est obscura; & sic dubia; & sic in dubiis tutior pars est eligenda. Ad secundum alibi sæpe ad satietatem respondi, & clarissimis exemplis Sanctorum, & aliorum Antiquorum demonstravi, ipsos variare in opinionibus, etiam juris naturalis, quæ varietas necessariò importat fallitatem; atque adeo etiam falsitatem (in materia tamen obscura) nos salvat. Ad tertium, periculum peccandi in opinionibus repertum esse materiale, & non formale; & sic non esse ponderandum. Vide cap. 3. num. 63. Adversarii possunt dare alias responsiones nostro argumento, sed solutæ sunt cap. 5. à num. 3. & seqq.

6. Probatur secundò. In materia morali possumus licitè quoad speculationem defendere quamlibet opinionem ex pluribus æquè probabilibus; ergo & in praxi licitè possumus qualibet uti. Consequentia tenet, nam solum Verum possumus defendere, & solum Vero potest intellectus assentiri. Ergo, si possumus in hoc casu verè tueri, quòd nullum detur præceptum, voluntas poterit adhærere bono repræsentato per intellectum. Tum quia, si intellectus verè iudicat, non dari præceptum, si voluntas faciat illum actum, iam non facit actum contrarium legi; & sic actus ille non erit malus. Antecedens probatur, quia possum tueri partem rigidam, quòd detur præceptum; Ergo etiam partem benignam, quia habet motiva æqualia in

virtute movendi. Quòd verò pars rigida non habeat periculum peccati, non facit, quòd sit verior, & efficacior ad movendum, quòd detur præceptum, nam potest dari immunitas, & impossibilitas ad peccatum in materia, in qua sit certum non dari præceptum. Ergo non habere periculum peccati non est motivum trahendi intellectum ad iudicandum in aliqua materia adesse præceptum. Præterea vel rigiditas opinionis reddit illam probabiliorē, vel relinquit illam in æquali probabilitate. Si primum, ergo in materia morali non dantur opiniones æqualiter probabiles contra suppositum. Si secundum; ergo non datur major ratio, cur intellectus assentiat uni, & illam defendat, non verò alteram, nam sola veritas movet intellectum. Hinc Adversarii in materia morali æqualiter probabili ita se gerere deberent, & dicere: *In hac materia nullam partem intellectus potest tenere, & defendere; & hinc voluntas debet se gerere, sicut dum intellectus est dubius, & neutra assentitur*. Si ergo ipsi nedum in praxi in hoc casu sequuntur partem rigidam, sed in speculatione defendunt, defendant quoque in speculatione partem benignam; & quia veritatem in moralibus sequitur bonitas moralis; ideo utantur etiam in praxi opinione benigna.

7. Probatur tertio. Quando utraque pars est periculosa, licitè possumus sequi quamlibet ex pluribus æquè probabilibus, ut est evidens, & colligitur ex c. nervi. 13. dist. & dicebat Major. quæst. 2. prolog. in 4. concl. 4. Ergo etiam; quando una est periculosa, alia verò non. Consequentia probatur, quia, quòd utraque sit periculosa non reddit unam probabiliorem altera, ut est evidens: Ergo quòd utraque sit periculosa, non facit, quòd intellectus possit potius se determinare in hac materia, non verò in materia, in qua utraque non est periculosa; nam sola veritas est objectum intellectus, & hoc præcipue valet apud Adversarios dicentes, *solum veritatem nos salvare*. Præterea per Adversarios quando utraque est equaliter probabilis, intellectus est dubius,

bilius, & indeterminatus. Ergo in hoc casu intellectus ad neutrum determinabitur, quia nihil datur in una parte, quod non detur in alia. Ergo, si in hoc casu licite se determinat, se determinabit etiam licite in alia materia, in qua utraque pars non est periculosa. Hoc exemplum de utraque parte periculosa duo probat evidenter, primum, quod intellectus existens inter duas opiniones æque probabiles non sit dubius. Secundum, quod ex passione Animi, ut dicebat Major. §. tertio arguitur: non potest, intellectus existentes inter motiva aequalia possit determinari ad unum.

8. Dices, quando utraque pars est periculosa, tunc cogimur unam sequi; nemo autem potest cogi ad peccatum; in casu autem, in quo una pars non est periculosa, tunc liberè adhereremus parti benignæ; & sic, si hæc pars esset contra præceptum, liberè faceremus contra præceptum; atque ita peccaremus.

Sed contra est, quia saltem in scholis tunc non cogimur tradere vel unam, vel alteram partem; unde possumus nullam docere; ergo, si unam docemus, liberè docemus; ergo, si illa pars est contra præceptum, liberè docemus contra veritatem; atque adeo peccamus. Quod si dicant non committi peccatum, quia Doctor credit, illam partem esse veram; contra est, quia ratio periculi non reddit illam partem esse probabiliorem, ut dicebam, sed relinquit illam in æquali probabilitate; ergo etiam amplectendo partem benignam æqualiter probabilem Doctor poterit credere, illam esse veram. Præterea si cogimur ad sequendam unam in praxi; ergo nos ponere in periculo peccati in materia probabilis non est periculum formale peccati; sed tantum materiale; atque adeo non est estimandum. Consequentia probatur, quia, quod cogamur à malitia hominum ad aliquod malum, nullum est absurdum, quia malitia hominum dependet à libertate; hinc nullum est absurdum, quod Petrus vi me cogat ad occidendum Paulum. At grande absurdum est, quod natura me cogat ad aliquod, quod aliis in se sit ma-

lum, & si illud liberè ponerem, esset peccatum mortale. Nam natura non deficit in necessariis, ut est commune axioma philosophicum; ergo, cum sit necesse fugere peccatum, in casu de utraque parte periculosa natura debuisset, me docere modum fugiendi partem, in qua esset peccatum. Ergo, si Natura talem modum non me docuit, est signum evidens, quod ponere nos in periculo peccati in materia probabilis sit periculum materiale solam, non formale, nec à prudenti viro considerandum; atque adeo nec erit ponderandum in materia ex una sola parte periculosa. Præterea, si per plures Adversarios, præcipuè Vendrochium, per orationem possumus devenire in cognitionem conclusionum obscurarum, & remotarum à primis principiis; Ergo in materia in utraque parte periculosa non cogimur ad partem, in qua est verè periculum peccati, sed liberè illam eligimus. Ergo cum D. Thomas oraverit ferventissimè pro invenienda veritate, & docuerit plures opiniones in materia ex utraque parte periculosa, si falsum docuit, peccavit mortaliter. Vel si D. Thomas non peccavit mortaliter, peccavit mortaliter Scotus, qui oppositum tradidit. Vide cap. 5. num. 26. ubi tradidi hoc argumentum, & invenies solutam aliam responsionem Adversariorum.

9. Probatur quartò. In questionibus speculativis, theologicis æqualiter probabilibus possumus licet quamlibet ex illis eligere; Ergo etiam in moralibus. Antecedens jam alibi probatum est auctoritate D. Thomæ, Bonaventuræ, Alberti, Alensis, Ægidii, & aliorum Antiquorum dicentium, etiam in materia de Notionibus divinis, posse nos variè opinari ante decisionem Ecclesiæ, & ante investigationem, per quam scimus, & videmus veritatem res; quando autem utraque pars est æque probabilis, nec scimus, nec videmus veritatem. Probatur adhuc antecedens, quia non datur præceptum de scienda veritate in illis materiis, aliter, dicebat Major, concl. 2. Augustinus, & Hieronymus peccassent tenentes

contraria in materia fidei; v. g. an vivi in Iudicio moriantur, & postea resuscitentur; Hieronymus enim partem negativam tenuit, & Augustinus affirmativam. Item Hieronymus ad Oceanum dicit, quod uxorem habens ante baptismum, si ipsa post baptismum moriatur, aliam ducens non est bigamus. Oppositum dicit Augustinus super epistolam ad Titum, & recitat Gratianus. 26. dist. c. unus, & c. acutius. Sic etiam Augustinus tenuit psalmos fuisse à variis compositos. Oppositum docuit Hieronymus. Hactenus Major. Consequentia probatur, quia nec etiam in moralibus aequè probabilibus tenemur scire veritatem; impossibile est enim in obscuris nos posse scire veritatem; si non tenemur autem scire veritatem, falsum dicendo non peccamus, quia ubi nulla obligatio, ibi nullum est peccatum. Hoc argumento, & paritate de cognitione speculativa Sacra ad moralia utitur D. Antoninus cum Gersono, ut alibi dixi.

10. Dices primò: quando in re Sacra speculativa adest dubium, tunc nullum datur praeceptum; atque adeo possumus sequi, quam volumus; at in dubiis moralibus adest praeceptum de tutiore sequenda.

Sed contra. Quando in materia Sacra speculativa datur dubium negativum, ita ut nullum detur fundamentum pro aliqua parte, tunc certè non possumus aliquid determinare, & esse minus temerarii; unde eadem facilitate negaretur, qua diceretur. De hoc vide D. Thom. Opusc. 12. quaest. 1. & 5. Si verò in hac materia datur dubium positivum, id est argumentum probabile pro utraque parte, tunc possumus opinari, quod volumus, & in hoc casu datur licitè varietas in opinionibus. Apari ergo nos dicimus. In re Sacra dubia morali, si dantur argumenta efficacia pro utraque parte, possumus eligere, quod volumus, nec adest praeceptum; quia, ut alibi dicebam, Veracitas Divina non minus obligat, ne dicamus aliquid ipsi contrarium, ac obliget Lex Divina, ne aliquid contrarium faciamus,

11. Dices secundò, nos non peccare contra veritatem, sed contra prudentiam, quia non debemus nos ponere in periculo peccandi, quando possumus illud cavere juxta illud: qui amat periculum, peribit in illo; cum ergo possumus in moralibus sequi partem, in qua nullum est periculum peccati, debemus illud periculum cavere; & aliter faciendo contra prudentiam operamur; Hinc dicit Major, non obaliud Francorum Reges pontem Sancti Clodovaldi super Sequanam non pertransiunt, & Anglorum Reges non ingrediuntur Oxoniā.

Sed contra est, quia periculum peccandi in materia probabili est tantum materiale, non formale, ut dicebam; & Sic nec à prudenti ponderandum; sicut in speculativis Sacris periculum dicendi aliquid contra revelationem Divinam non consideratur, quando sumus in materia probabili, & alias possumus illud periculum cavere nihil determinando in illa materia. Ratio est, quia obiectum intellectus est veritas; cum ergo in nostro casu aequè reperiatur in parte periculosa, & non periculosa, aequè intellectus vel poterit sequi quamlibet ex illis, vel neutram. Ad illa exempla illorum Regum dico, nimis probare; probant enim, quod nec in speculativis Sacris possemus adhaerere uni opinioni, quia adest periculum dicendi contra revelationem Divinam. Igitur non quodlibet periculum vel faciendi contra legem, vel dicendi contra revelationem Divinam obligat nos, ut illud caveamus; nam etiam Major fatetur, quod D. Hieronymus tenuit illum uxorum non esse bigamum; & tamen revera erat bigamus, & hæc opinio erat moralis, & est falsa. Sic etiam fatetur, Hieronymum, & Augustinum in materia fidei obscuræ tenere contrarias opiniones; & sic aliquas esse falsas; quin concedit ipse, illas falsas esse hæreses, ut patet §. contra secundam conclusionem.

12. Ibidem hic Doctor dat responsionem suo argumento. In jure Divino, inquit ipse, quod quis scire tenetur, pro

tempore, quo scire tenetur, non cadit ignorantia invincibilis, alias bene cadit ignorantia invincibilis habendo tam ignorantiam pravam dispositionis, quam pravam negationis. . . . Illud verbum Apostoli (ignorans ignorabitur) 1. Cor. cap. 14. Glossa Interlinearis exponit de mandatis Dei, quæ quis scire tenetur, & sic intelligantur similes auctoritates. Ergo per Majorem aliquando non tenetur scire jus divinum; & sic tunc faciendo contra illud jus, non peccamus; & sic multò minùs peccamus, si nos tunc ponemus in periculo transgrediendi illud. Hinc patet evidenter, Adversarios non bene arguere, dum dicunt: facere hoc est periculum transgrediendi legem; ergo debemus illud periculum cavere; non, inquam, bene arguunt, nam debent probare adesse obligationem vitandi illud periculum, non enim omne periculum est vitandum, nec quæcunque transgressio legis Divinæ est peccatum, sed solum periculum formale, & proximum, non materiale, & remotum est vitandum, & sola transgressio legis clare est peccatum, non verò legis obcuræ, hanc enim adesse, scire non tenemur; nam dantur mandata Dei juxta Majorem, qua scire non tenemur, & hæc dicimus esse, quæ obscurè proponuntur. Hinc alibi dicebamus ex Doctore Angelico, illorum ignorantiam esse invincibilem, & sic inculpabilem, quæ scire vel non possumus, vel non tenemur, ut est lex obscurè proposita, & de qua datur opinio probabilis, quòd non detur. Exempla illorum Regum nimis probant; nam, si judicarent certò in illis itineribus nullum adesse periculum, si tamen ex parte objecti adesset, illi Reges perirent; E contra in moralibus, si certò crederent, nullum fore periculum in illa materia, si tamen ex parte objecti adesset, nullum Animæ periculum subirent; hinc Sancti, & Antiqui, qui falsà in moralibus docuerunt, non per hoc peccarunt, & salvati sunt, ut centies repetebam. Igitur disparitas evidens est, quia salvatio itineris materialis non pendet à cognitione, sed à causis natu-

ralibus, quæ aliquando diverso modo se habent, ac à cognitione iudicantur; salvatio verò itineris spiritalis dependet à cognitione, & conscientia, quæ est proxima regula humanorum actuum, ut cum Angelico præceptore, & Theologis alibi notabam. Ergo, ut iter sit bonum, sufficit, ut conformetur cum cognitione; hinc D. Thomas 1.2. quæst. 19. art. 6. & quodl. 8. art. 15. admittit, errorem conscientiæ aliquando excusare, cum scilicet est eorum, quæ scire vel non possumus, vel non tenemur.

13. Probat quintò. Cap. 5. & alibi pluries probavimus evidenter, voluntatem posse flectere intellectum ad unam partem ex æquè probabilibus, sive speculativis, sive moralibus; quando autem intellectus amplectitur unam partem, est determinatus ad illam; & sic amplius non est dubius, ut patet ex cap. 6. per Antiquos, & per modernos, & est per se notum; ergo tunc non valet illa regula, quam adeo exaggerant Adversarii: *In dubiis tutior pars est eligenda.* Relege caput quintum, & sextum, & videbis, Adversarios huic argumento nihil posse respondere.

14. Dices, modus, per quem intellectus flectitur ad unam partem in casu, est, quatenus priùs solvit rationes unius partis, quibus solutis intellectus adhæret oppositæ; sic procedit D. Thomas, quando in materia de creatione Mundi, & aliis speculativis amplectitur utramque partem. Eodem modo procedit Richardus, dum tam sæpe dat libertatem sequendi inter plures, *quam volumus.* Porro hic modus reddit unicè probabilem illam partem, quam sequitur; nam, quando una pars habet rationes solutas, illæ rationes sunt nullæ; atque adeo amplius illa pars non est probabilis.

15. Vellem scire ab Adversariis, an hic modus amplectendi unam partem ex pluribus æquè probabilibus per solutionem argumentorum partis oppositæ ipsis placeat. Si dicunt, quòd sic; Lis est finita, & pax erit æterna. In hoc convenimus, quòd in speculando, & in scholis, *etiam in moralibus*, possumus se-

qui; *quàm volumus.* Difficultas est quoad usum. Sed ecce pax. Probabilistæ volunt eligere benignam. Jam per hunc modum talis electio conceditur, & semper conceditur, quia rationes probabiliores semper possunt solvi, & ratio insolubilis est evidens, ut pluries dicebam; hinc Paludanus in 4. dist. 15. quæst. 4. art. 5. de secunda opinione, quæ probabilior erat, quàm prima, dicebat, habere *rationes solubiles.* Ergo Probabilistæ habent, quod volunt. Probabilioristæ etiam habent, quod volunt; nam ipsi nequeunt concedere, & nolunt, quod stantibus motivis æquè probabilibus intellectus possit licite sequi partem benignam. Jam Probabilistæ ipsis satisfaciunt; unde prius solvunt rationes partis rigidæ; & sic una sola pars habet rationes probabiles. Ergo Probabilioristæ habent, quod volunt. Ergo jam facta est pax inter Probabilioristas, & Probabilistas quoad æqualitatem Probabilitatis. Sed pax quoque fiet quoad inæqualitatem Probabilitatis; siquidem ratio quoque probabilior potest solvi, ut ahi pluries probabam. Meis Comprobabilistis durus non debet videre hic modus pacem componendi; si enim omnia pacem appetunt, ut dicunt D. Dionysius de Divin. nomin. cap. 9. & D. August. lib. 39. de Civit. Dei cap. 13. & probat evidenter D. Thomas 2.2 quæst. 29. art. 2. Homines, maxime Theologos, pacem appetere; necesse est. Ergo, si in nostro casu possumus ad invicem pacem inire, cur refugiemus? Jam transierunt centum triginta, & plus anni, quibus inter Theologos hæc contentio acerrimè viget, & utrimque totis viribus decertatur; si hæc pugna finire potest, cur non finietur? maxime cum pax sit finis belantium, ut dicit Doctor Angelicus ibidem art. 2. & observat cum Canonistis in rubr. de reg. & pace Bellamera. cap. 1. num. 4. & dicebat Augustinus relatus in cap. *noli existimare* 23. quæst. 1.

16. Scio, diversitatem opinionum stare cum pace, ut ibi asserit D. Thomas art. 3. ad 2. & ego alibi firmavi; hinc vi-

deatur impertinenter hic me hortari ad concordiam in hac opinione. Sed non omnino impertinenter suadeo ad hujusmodi unitatem; nam unitas in opinione arguit pacem perfectiorem, ut dicit Angelicus præceptor ibidem; hinc in Cælo, ubi pax perfecta erit, nulla diversitas in opinando aderit. Tum quia ex diversitate opinionum aliquando oritur, quod Doctores in oppositas coniciant sententias; & sic frangitur pax, & Charitas, ut dicebat Innoc. undec. in Bulla proposit. damna.

17. Nunc respondeo directè objecto; & dico, illas rationes solutas non ita esse nullas, ut evidenter fiat falsæ, quia sumus in materia obscura, non clara. Sunt ergo nullæ probabiliter, quia judicamus actu non esse veras, ita tamen, ut videamus posse esse veras; sicut enim illud est probabiliter verum, quod ita est, ut possit esse falsum; ita ab opposito illud erit nullum probabiliter, & sic falsum, quod ita non est, ut tamen possit esse tale. Hinc Bacon in 3. dist. 24. quæst. 2. art. 2. §. 3. dicebat, objectum opinionis non esse verum possibile, sed possibile, & possibile non esse.

18. Probatur sextò. In materia peculiari iustitiæ. Hoc argumentum attuli etiam cap. 1. num. 17. Si lis sit de aliqua re indivisibili, v. gr. de Majoratu, de Beneficio, de Regno, & nullus sit in possessione, & iudex utranque partem iudicet æquè probabilem; tunc iudex potest, & debet litem dirimere juxta præceptum Legis, & Canonis, quos allegavi ibidem. Potest autem decidere pro qualibet parte tuta conscientia. Ergo iudex in iudicando potest, ex pluribus æqualiter probabilibus quamlibet sequi; hinc dicebam cum Antiquis in hoc casu *bonum esse habere iudicem propitium.* Ego puto hoc argumentum esse demonstrativum, & in materia iustitiæ de re indivisibili convincere omnino intentum. Nec possunt Adversarii, recurrere ad sortes; nam Fortuna non est minus cæca, quàm sit voluntas; imo est magis cæca, quia à nulla cognitione ducitur. Tum quia si

una vice iudex favorem fecit uni, altera vice alteri faciet, & illam compensabit; non sic autem Fortuna faciet. Ergo melius est, quod in æqualitate opinionum voluntas determinet, quam Fortuna.

19. Dices: iudex ex officio suo reducat illos ad concordiam, ut facere debet ex *e. placuit* 90. dist. & notat Abbas in c. *fin.* de major. & obed. notab. 4. & concordat. c. *discordantes* ead.

Sed contra, quia hoc opus, hic labor est. Dic modum huius concordie. Vel ti illos reducat, vel suasionem. Si secundum, hoc non inseruit in casu contumacie. Si primum, dico in re indivisibili, & à nullo possessa, idem est reducere vi ad concordiam, ac uni iudicare rem litigiosam ex suo beneplacito.

Dices secundò. Faciat iudex, ut una pars habeat rem litigiosam, & compenset aliam in alio. Sed contra, quia quam compensationem daret, si res litigiosa esset Monarchia Hispana? Præterea sic fieret divisio rei indivisibilis. Tum quia hæc compensatio semper importaret certam iniustitiam, quia sic semper daretur aliquid illi parti, Cui nihil competit; certum enim est, solum uni parti rem litigiosam esse tribuendam.

20. Dices tertio, neminem negare posse, utramque opinionem esse æqualiter probabilem, cum sit evidens, opiniones oppositas D. Thomæ, Scoti, quin & Sanctorum Patrum esse probabiles, & hoc probare textus Antiquorum; & de hoc nulla est difficultas. Difficultas stat, an intellectus possit uni ex illis assentiri & præcipue difficultas stat, an licitè parti benignè possimus assentiri.

Sed contra, quia D. Bonaventura dicit, illas tres opiniones esse sustinibiles. Nunquid intellectus potest sustinere aliquam opinionem, & illi assensum non præbere? Præterea de facto D. Thomas sustinet utramque in materia de creatione Mundi, & actu in receptione Ordinum. Nunquid sustinebat illas opiniones sine assensu intellectivo? Tum quia illi plurimi Antiqui, qui dicebant; *Qui vult tenere primam opinionem, qui*

*vult tenere secundam opinionem &c.* Nonne expressè dant nobis licentiam sequendi opinionem, quam volumus? Ergo per hos Antiquos ego possum tenere opinionem ex pluribus, quam volo. Forsan possum tenere opinionem, & illi non assentiri? Præterea illi, qui dicunt ex pluribus opinionibus benignam esse sequendam, nonne assensum præbent opinioni benignæ? Sic etiam faciunt illi Doctores, qui in suis decisionibus ita procedunt, ut teneant unam opinionem, & postea subdunt: *Vel potest dici aliter &c.* Hæc rationes probant etiam, quod licitè, &c.

21. Probatur septimò De lege Ecclesiastica, nam Scotus exigit, ut Decretum Gratiani habeat vim legis Ecclesiasticæ, quod ita fit manifestum esse confirmatum à Papa, ut sunt epistole Decretales; Hæc autem sunt expressè, clarè, & evidenter confirmatæ à Pontifice. Ergo, cum opinio probabilis Doctorum non faciat confirmationem claram, & expressam, ipsa non obligabit subditos; & sic poterit adherere alteri opinioni benignæ æqualiter probabili. Hanc consequentiam verbis expressit Scotus in 4. dist. 7. quæst. 5. quam retuli cap. 16. num. 12. Lege ibi à num. 10. & specialiter observa num. 19. ubi invenies præceptum de confessione esse penale; & ideo non esse ampliandum, nec invenitur, quando liget, vel obliget, nisi ad aliquando. Hæc verba significant, Scotum solum agnoscere obligationem consistendi ad aliquando; & sic solum in casu, quem Legislator verbis expressit. Hinc patet manifestè opinionem probabilem de præcepto non ponere obligationem in hoc casu. Vide ibidem num. 4. & 40.

22. In cap. 26. num. 1. dixi, esse omnino legendum caput præfens. Nunc aperio causam huius ellegationis. Dixi ibidem, nos posse eligere licitè quamlibet ex pluribus opinionibus æquè probabilibus, sed addidi juxta Antiquos. Hanc particulam ex proposito apposui, quia præfens tractatus est solum compositus, ut veniat in lucem mens Antiquorum in materia de Probabilitate, & hanc fuisse

Illorum mentem ; ut ipse explicui , & probavi , existimo. Nunc Lector prudens , & Amans veri abique passione iudicabit , an veritas ita se habeat. Ego pro nunc nequeo , aut nolo damnare tot Probabilioritas , quorum aliqui fuerunt valde docti , & abique passione scripserunt , & propter hos ( parum pro nunc curando de iis , qui ex maxima ira potius inactivam fecerunt , quam disputationem , ) supersedeo à meo iudicio , sed præcipue ob reverentiam , quam summam exhibere debemus omnes Illustrissimo , & Sapientissimo Clero Gallicano ; Hic enim , ut alibi insinuavi , in libello propositionum à se damnatarum . §. de Opinionum probabilitum usu clarè decidit : ut in dubiis de salutis negotio , ubi equalia utrimque animo se se offerunt rationum momenta , sequamur id , quod tutius , sive , quod est in eo casu unice tutum , neque id consilii , sed præcepti loco habeamus dicente scriptura , qui amat periculum , in illo peribit. Infra etiam hac docet : Neque ququam in dubio salutis ad actum proficiat , nisi ipso dubio , non ad nutum voluntatis , aut ex cupiditatis instinctu , sed ex recta ratione deposito , dicente scriptura : rationabile obsequium vestrum ; & iterum : Sapientis timet , & declinat à malo , stultus transiit , & confidit.

23. Si ad operandum licitè requiritur , quòd ultimum iudicium sit certum , quomodo potero iudicare , certum esse , me rectè operari sequendo opinionem , quam ultra plures Theologos , Concilium Nationale compositum à tot. Episcopis , & quidem docti ssimis , & piissimis condemnat ? Fateor tamen illas Scripturas ( salva reverentia ) non convincere intentum , & alibi respondi ex Majore Doctore Sorb. nico. Vide cap. 5. num. 30. & 46. In casu tamen illo de iusticia , de quo num. 17. & quando utraque pars est periculosa , certum puto , posse sequi utramque partem , & aliter dicendo in primo casu lites essent immortales , & in secundo cogeremur ad peccatum , quæ sunt manifestè absurda. Pro primo casu adverte , quòd , quamvis Antiqui dixerint , bonum esse habere iudicem propitium ,

unde videatur per ipsos iudicem iudicare posse ob titulum amicitie in casu de æqualitate juris pro Amico , tamen apud Modernos est controversium , an Iudex ob tale motivum possit iudicium exercere , ut videre licet apud Layman lib. i. tract. 1. cap. 5. num. 16. Addo Confessarium , præcipue si sit Ordinarius , debere se accomodare opinioni oppositæ parentis æquè probabili de quo infra suo loco ex professo.

## C A P U T XXXI.

### *Solvuntur objecta contra æqualem Probabilitatem.*

1. **N**onnulla solvimus cap. 4. num. 37 & seqq. cap. 5. num. 27. & seqq. cap. 6. quæst. 2. & 3. & alibi. Alia in præsentia solvemus , quæ habet Vendrochius. Igitur

2. Obijcit PRIMO nota prima Epist. §. sect. 4. §. 2. *In dubiis tutior pars est eligenda*, quod axioma Canonicum ipso lumine naturali clarissimè elucet ; sed , quando adiung plures opiniones , nec de alicuius veritate constet , tunc necesse est , animum dubitare ; ergo , quando adsunt duæ opiniones æquè probabiles , cum de nullius veritate constet , tunc animus dubitat , & sic non quamlibet , sed solum tutiorem opinionem eligere poterit. Subdit ibidem : *Hinc argumentum , qui per mille , & quingentos annos respondere vel conaretur , nullus invenitur est*. Quod autem nullus ex Antiquis attentavit , Causitæ Moderni , inquit Vendrochius , per qualdam distinctiones conati sunt. Harum prima , & ea quidem usitatissima est , quam habet Vasquez 1. 2. disput. 62. cap. 9. & concedit illud axioma , *Valere in dubiis , non in opinionibus*.

3. Hæc eadem verba habentur penes Angelum Verb. *Opinio* num. 2. ubi dicit , quòd in dubiis tutior pars est eligenda *quando propriè dubium est ; sed quando est opinio , secus est , quia nec tunc sumus in dubio ; nec exponit consequenter se quis per-*

*viculo, quod bene nota.* Eadem habet Divus Antoninus part.1. tit.3. cap.10. §.10. regul. 6 fin. & ante omnes Nider in consol. timor. cons. par.3. cap.11. Sed si eadem sunt verba, sensus tamen non est idem, quia Angelus V. *Dubium* dicit, dubium esse aequalitatem rationum contrariarum secundum Philosophum. Ecce per Angelum intellectus dubitat, dum reperitur *inter aequales rationes.* Et Divus Antoninus dicit, quod dubitatio propriè sumpta tunc accidit, videlicet *prout rationes sunt aequae ponderantes ad utramque partem, nec magis quis declinat ad unam, quam ad aliam.* Demonstravi cap.6. num.5. Aristotelem non habere illam definitionem de dubio, quin expressè ut malam excludere. Hoc argumento utuntur omnes Probabilioristae, & ipsi maximè operè fidunt.

4. Respondetur ad Argumentum, quicquid sit, an ad illud nunquam Antiqui conati sint parare responsionem, (non enim de omnibus casibus Conscientiae expressam quaestionem nobis constat fecisse. Nota ly *Constat.*) quod non eo ipso Animus dubitat, quando de veritate sibi non constat; nam in opinione probabiliori veritas rei non constat; & tamen tunc intellectus non dubitat. Igitur tunc dubitat, quando nullam secundam operationem habet, sed solam primam de utraque parte contradictionis. De hoc puncto dictum est cap.6. præcipue num.54. Quod si Adversarius per illam propositionem, *quando de veritate non constat*, intelligat non quidem de certitudine rei, sed de probabilioritate veritatis; tunc petit principium, & supponit, quod est in quaestione. Tum quia opinio non est aliquod indivisibile intensivè, sed divisibile, ut vidimus supra. Ergo, si in gradu intensiori opinio non importat dubitationem, nec importabit in gradu inferiori, quia, quæ differunt gradualiter, habent eadem prædicata, & differunt solum penes magis, & minus. Ergo opinio vel semper erit cum dubitatione, vel nunquam. Et Confirmatur; nam opinio semper est cum formidine, si-  
ne sit opinio probabilissima, sive proba-

bilior, sive minùs probabilis. (Hic præscindo à formidine habituali, vel actuali, de quo Philosophi.) Ergo opinio vel semper erit cum dubitatione, vel nunquam.

5. Instat Vendrochius §.3. Assensus opinativus, si rationem, si sensum communem, imo si Vasquesium consulamus non est, nisi iudicium mentis, quo uni potius, quam alteri parti propterea nos addicimus, quod in ea maiorem verisimilitudinem videmus, sive ut Vasquesii verbis utar, *quod in ea cognoscimus maiorem convenientiam prædicati cum subiecto;* manifestè autem pugnat, ut è duabus opinionibus æquè probabilibus maior in alterutra verisimilitudo appareat, quia ob id ipsum dicuntur æquè probabiles, quod neutra videatur probabilior, ac verisimilior. Neutri igitur assentimur propriè, sed dubius inter utramque pendet Animus, & Libræ lances equalibus hinc pressæ ponderibus neutram in partem deprimuntur. Itaque, si quis ab homine in tali statu constituto quaesierit, quanam illarum sententiarum sit vera, Si verè respondere voluerit, fatebitur, *nescire se, incertum esse, dubitare.* Hæc soluta sunt cap.6. quæst.3. num.40. Sed iterum solvere placet.

6. Respondetur Primò, illum hominem in tali statu constitutum nescire se, *id est scientiam non habere*; incertum esse, *id est non habere cognitionem certam.* Hoc totum concedo; et omnes fateri debent, hæc verificari de ipsa opinione, quæ propter hæc essentialiter distinguitur à scientia, ut dixi pluries cum Arist. Nec ex his sequitur, tunc dari dubitationem, quia cognitio non scientifica, & incerta non est idem formaliter, ac dubitatio; alter opinio, quæ essentialiter est incerta, esset dubitatio, quod à nullo asseritur. Vide dictum locum, in quo etiam reperies disparitatem evidentem intellectus existentis inter duas opiniones æquè probabiles, & Libram habentem æquale pondus in lancibus.

7. Respondetur secundò, non posse negari ex dictis, Divum Bonaventuram, & Carthusianum vocare aliquan-



do utramque opinionem esse satis probabilem, & sustinibilem, Divum Thomam sequi utramque opinionem in materia de creatione Mundi, & de Repudio, & clarissime approbare dictum Alberti, quod ad Sacram Ordinationem non requiratur tactus physicus; adhuc tamen sequitur oppositum; & hoc est adeo evidens, ut Gonetus, ut sæpe notavi, quamvis Probabiliorista, dixerit Anglicum esse Problematicum in hac materia, ita ut unam partem amplectatur ut minus probabilem, aliam verò ut probabiliorem. Sic etiam Durandus sequitur opinionem benignam contra oppositam probabilem, sed duram. Scotus pariter ait, utramque opinionem oppositam sustineri posse. Item Stephanus Brulifer amplectitur opinionem, cujus contraria erat probabilis, sed nimis dura. Item Divus Antoninus, & alii Antiqui Summistæ dicunt, in præceptis Dei, & Ecclesia posse sequi sententiam benignam relicta austerâ, si cætera sint paria. Denique Richardus sæpius tum in materia speculativa, tum morali dat licentiam, ut doceamus opinionem ex duabus oppositis, quam volumus. Idem præstant alii Antiqui allati præcipue cap. 27. & 28.

8. Hæc, si sunt vera, ut procul dubio sunt, sequitur evidenter, intellectum in hoc casu vel posse sustinere utranque opinionem, vel posse eligere benignam; Qui autem sustinet unam opinionem non est dubius, ut patet ex cap. 6. sicut & qui utranque propugnat, ut patet pariter ibidem quæst. 2. numer. 26.

9. Quod si negetur Durandum, & Brulifer, supponere opinionem duram esse æquè probabilem. Contra, quia hoc negatur absque fundamento, imò & contra verisimilitudinem; Si enim credidissent, esse minus probabilem, mentionem fecissent hujus defectus, sicut meminerunt de nimia austeritate; maxime cum per Adversarios Benignitas possit inducere ad offensam Dei, non sic Durities; Unde Durities, & Austeritas per ipsos non est motivum retrahens ab

electione opinionis. Minor quidem probabilitas est motivum retrahens juxta ipsos; Ergo, si illi Doctores credidissent minus probabiles illas opiniones duras, debebant meminisse hujus minoris probabilitatis, non verò Austeritatis. Sed si negetur, de his Doctoribus, nequit proculdubio negari de Antonino, & de aliis. Nam illa verba, si cætera sint paria, ut dicebam, faciunt hunc sensum, quod opiniones illæ differunt solum in Austeritate, & benignitate, & in aliis conveniant, & æquantur; & sic in probabilitate erunt æquales. Ergo in æqualitate opinionum quoad probabilitatem Benignitas erit ratio; qua intellectus determinabitur, nec remanebit suspensus.

10. Igitur datis æqualibus motivis ad objecta opposita intellectus vel promittit judicium circa utramque partem contradictionis, vel etiam ad illam partem, quam volumus, nec actus iste judicii erit suspicio, nam non fundatur in levi signo, ut ad suspicionem requiritur ex Divo Thoma 2.2. quæst. 2. art. 1. & Nider in consolatur timor. conscient. 3. par. cap. 1. cum Alberto. Ita etiam Angelus ver. Præsumptio num 1. de quo puncto vide cap. 6. à num. 70. Sed est opinio probabilis, & habet pro objecto grave motivum, quod movebat Magnum virum Richardum, & alios famulos Antiquos, ex quo etiam motivo Argumenta opposita solvebant.

11. Quod verò Vendrochius dicat in instantia allata num. 5. ad opinionem requiri maiorem convenientiam prædicatam cum subjecto, hoc prorsus nego, & patet ex cap. 2. & 3. in quibus tradidi definitionem opinionis, & Probabilitatis. Hic placet aliqua ex ibi dictis repetere. Certum est in, speculativis nos posse sustinere utramque opinionem æqualiter probabilem; & Divus Thomas evidenter illas propugnavit in quæstione, an Mundus sit factus à Deo successivè, ut supra retuli, & etiam in aliis materiis; Hoc idem alii Antiqui clare præstiterunt. Ergo, ut è duabus æquè probabilibus opinionibus uni assentiamus, non est necesse per Antiquos, quod co-

gnoscamus prædicatum magis convenire subiecto, quàm non convenire. Ergo falsum est, quod dicit Vendrochius, nempe, *si sensum communem consulamus, & rationem*, ideo in opinione assentimus uni parti potius, quàm alteri, quia in ea majorem convenientiam videamus prædicati cum subiecto. Hac consequentia liquet, nam opinio est ejusdem ejusdem sententia, sive sit in re speculativa, sive morali.

12. Ego legens Aristotelem non invenio ad assensum opinativum requiri hanc majorem convenientiam prædicati cum subiecto. Igitur primo Poster. cap. 24. investigans discrimen inter scientiam, & opinionem ait, quòd scientia est existimatio de re, quæ impossibile est aliter se habere. Opinio verò est existimatio, idest assensus de re, quæ potest aliter se habere. Et in 1. magnor. moral. cap. 33. num. 6. ait, quòd opinio est existimatio, qua in omnibus ferimur ancipites, eam ita, an secus. Ergo per Aristotelem tunc opinamur, quando existimamus objectum ita esse, ut tamen formidemus de opposito. Huic Doctrinae se conformat Divus Thomas in explicatione illius textus ex libr. Poster. Concordat etiam Maurus ibidem. Hinc Maffius in Logic. disput. 14. quæst. 1. & in 2. disput. 5. num. 40. dicit, passim solere definiri opinionem, quòd sit cognitio, seu assensus determinatus unius partis contradictionis cum formidine alterius. Ex hoc sequitur, ad opinionem non requiri illam majorem convenientiam prædicati cum subiecto, cuius meminit Vendrochius. Vide c. 2. & 3.

Tum quia ex Divo Bernardo 3. de Consid. ad Eugenium cap. 3. Opinio est quasi habere pro vero aliquid, quod falsum esse nescias. Et ex Divo Thoma par. 1. quæst. 79. art. 9. ad 4. & 2. quæst. 2. art. 1. Opinio est actus intellectus declinantis in unam partem contradictionis cum formidine alterius. Neque in his textibus invenio illam majorem convenientiam prædicati cum subiecto. Ergo sensus Communis, loquendo de Sapientibus, non dicit ad opinionem requiri talem majorem convenientiam. Eandem

definitionem opinionis habet Richardus in 3. distinct. 24. quæst. ult. ex Divo Bonaventura. Quòd si dicas ex D. Thoma quæst. 14. de verit. art. 1. illam esse dispositionem opinantis, quando intellectus inclinatur magis in unum, quàm ad alterum. Ergo per D. Thomam assensus opinativus dicit majorem convenientiam prædicati cum subiecto. Respondetur cum eodem Doctore Angelico 2.2. qu. 1. art. 4. alio modo assensus intellectus alicui, non quia moveatur sufficienter ab objecto proprio, sed per quandam electionem voluntariè declinans in unam partem magis, quàm in aliam; & siquidem hac sit cum formidine alterius partis erit opinio. Nota illa verba: per quandam electionem voluntariè declinans in unam partem magis, quàm in alteram. Igitur hæc major declinatio in unam partem debet esse voluntaria juxta Angelicum in opinionem. Non ergo est necesse, quòd sit major declinatio ratione majoris convenientia prædicati cum subiecto.

13. Sea neque ratio exigit talem majorem convenientiam; quia opinio, quæ habet prædicatum dicens majorem convenientiam, non est simpliciter opinio, sed est opinio probabilior. Vidimus autem cap. 3. num. 71. dari opiniones probabiles, minùs probabiles, probabiles, & probabilissimas; Est enim vera hæc propositio: Licet sequi inter opiniones probabiles probabilissimam, eurs siquidem contradictoria est damnata ab Alexandro Octavo num. 3. Ergo ex hoc Decreto habetur, opinionem probabilissimam versari inter probabiles. Ergo opinio probabilissima non tollit esse opinionis, & probabilitatis à propositione opposita; Ergo propositio opposita probabilissimæ adhuc est opinio probabilis. Opinio autem opposita probabilissimæ certè non dicit prædicatum, quod magis conveniat subiecto; quia sic esset probabilior, quàm probabilissima, quod implicat in terminis.

14. Cum Vendrochius exigit à nobis, ut nostra effata vel Scriptura, vel traditione probemus, hoc idem exigo pro tanto effato, quòd scilicet opinio in iudicium

dicium mentis, quo uni potius nos addicimus, quod in ea majorem verisimilitudinem videamus. Quavis autem Vaquez ita definitur opinionem, nihil nos morari debet, cum nos in verba illius non juraverimus, & nihil afferat pro suo dicto.

Quæ subdit Vendrochius in illo §. 3. ex textu Virgilii, & ex Terentio ad probandum intellectum dubitare, dum amplectitur duas opiniones æque probabiles, alibi solvimus, nec repetimus, dum Autoritas Poetarum parum valere debeat in Theologicis; & mirum est, quod illa utatur Adversarius, cum apud ipsum Probabilitas nihil valeat, & solum sint solida Argumenta, quæ à Scriptura, & Traditione petuntur.

15. Obicit SECUNDO Vendrochius §. 4. an minus æquilibrio remanent Lances in libra, vel si nullum neutri, vel si æquale utrique onus imponas? an magis movebitur, qui æqualiter in omnes partes, quam qui in nullam impellitur?

Jam dixi, me cap. 6 num. 44. attulisse disparitatem de libra æquilibri, & de intellectu existente inter motiva æqualiter probabilia; dixi enim, quod objectum probabile, ut moveat, requirat ex Divo Thoma electionem quandam, per quam voluntarie declinet in unam partem magis, quam in aliam; Unde in tali casu subiacet imperio Voluntatis. Habet ergo intellectus duplicem modum procedendi, per viam evidentiam, seu naturæ, & in hoc assimilatur Libræ, quæ à natura rei gravis movetur; & per viam obscuram, in qua movetur ab objecto proprio equidem; quia tamen non movetur sufficienter, ait Divus Thomas, ut toties dicebamus, requirit electionem quandam, per quam voluntarie declinat in objectum. In hac autem via non assimilatur Libræ, cum ipse intellectus tunc voluntarie declinet, non verò naturaliter, ut solum facere potest Libra.

16. Ad exemplum de illo, qui æqualiter impellitur in omnes partes, fateor quidem illum ad nullum locum esse movendum; sicut neque ille moveretur, qui à nullo impelleretur. Attamen non currit paritas de intellectu inter motiva

obscura æqualiter impellentia. Disparitas est eadem, ac de Libra, cum hac duo exempla differant solum materialiter, non formaliter. Igitur intellectus in obscuris, cum sufficienter non moveatur ab objecto proprio, requirit electionem quandam; Electio autem, cum sit libera, potest vel in alterutram, vel in utranque partem declinare. Corpus autem movetur per impulsum, qui agit naturaliter non liberè; Unde, si habet impulsum oppositum æque potentem, non movebitur, quia causæ naturales æquales se invicem impediunt. Quod si una causa naturalis subiaceret imperio voluntatis, tunc quæ haberet imperium voluntatis, illa produceret, quamvis opposita haberet virtutem æqualem naturalem; nam illa causa naturalis conjuncta cum voluntate plus posset. Vide cap. 5. num. 2.

17. Interea retorqueo argumentum. Divus Thomas, & alii Antiqui sustinent duas speculativas opiniones oppositas, & cum nullam alteri præferant, illas judicant æqualiter probabiles; & tamen, si exempla Vendrochii aliquid probant, etiam non possent sustineri plures opiniones speculativæ æqualiter probabiles, cum in utraque materia motiva æqualiter moveant.

18. Urget ibidem: Si nulla probatio afferatur, cujus sit crumena, Iudex est dubius; Si autem pro utraque parte afferantur duo testes æqualis auctoritatis, adhuc Iudex est æqualiter dubius, & incertus, & adhuc illi magis non constat, an utrius sit. Ergo intellectus tam dubius est, dum habet æqualia motiva pro utraque parte, ac dum nullum motivum habet; sed dum nullum motivum habet, est dubius; ergo &c.

Confirmatur: Si Iudex determinaret questionem de illa Crumena, sive ante testes, sive post testes æquales, semper esset æqualiter imprudens. Unde Salomon ante illam nobilem solertiam, & omnis turba animi pendebat, cujus mulieris esset ille filius; & tamen ante illam solertiam quælibet ex illis duabus mulieribus asserbat filium esse suum; quia ta-

men utraque erat æqualis conditionis, ideo non dabatur ullum motivum, quo Salomon posset determinare causam; & sic dubius erat.

19. Respondetur primò, retorquendo argumentum ex autoritate, & narratione Majoris, qui Author reponitur à Vendrochio in Antiquorum Theologorum Choro. Ipse ergo dicit, ut retuli pluries, in 4. quæst. prolog. concl. 4. quòd Episcopus Parisiensis è duobus æqualiter dignis dat uni Beneficium Ecclesiasticum; & Doctores Sorbonæ è duobus æqualibus eligunt, quem volunt. Et quando opiniones sunt æqualiter probabiles, & utraque habet æquale periculum, Judex eligit, *quam vult*. Et hæc Doctrina fundatur in illo Antiquorum Canonistarum dicto: *Bonum est habere Judicem amicum*. Prætera si lis sit de aliquo indivisibili, v. gr. de Primogenitura, de Regno, & similibus, & rationes sint pares, Judex certe potest, & debet dare sententiam, ut dixi cap. antecedenti num. 17. Ergo potest, & debet de duobus opinionibus æqualiter probabilibus unam eligere; & sic non erit dubius. Nec in hoc casu est recurrendum ad Sortem, quia Sors magis non videt, quàm voluntas; & in praxi apud Judices uti fortibus non videmus, sed quælibet Lis deciditur ab ipsi Judicibus. Nec ad divisionem est confugiendum, quia ultra alia, nos hic loquimur de re indivisibili. Hinc, si Salomon per illam insignem solertiam veritatem non attingebat, utique debebat de cedere litem, & judicare, ejus esset Filius.

20. Hinc Roboratur instantia: dum Lis est de Filio, ejus sit, si probationes sint æqualis ponderis, ita ut datis quibuslibet diligentis nequeat major veritas haberi, tunc Judex potest, & debet unam opinionem eligere. Ergo tunc non est dubius. Consequentia liquet, quia intellectus tunc est dubius, quando in neutram partem inclinat, nec uni adheret. Antecedens probatur, ex iis, que dixi cap. 5. num. 17. & cap. antec. num. 17.

21. Hinc colliges, malè Vendrochium

dicere illum Judicem imprudentem esse, dum post omnibus perpensis, & testibus examinatis ipse videns omnia esse æqualia determinaret quæstionem; quin prudenter faceret, dum obedit legi, quæ jubet, Lites esse intra triennium finiendas.

22. Respondetur secundo. In casu de æqualitate jurium, & probationum in causa Criminali scimus, debere Judicem ad opinionem benignam se determinare; quia *odia sunt restringenda ex regul. Jur. in 6. c. odia*; *Quibus, in quibus jus non invenitur expressum, proceditur æquitate servata, semper in humaniorem partem declinando*, ut expressè statuitur in c. *fin. de transact. de quo puncto vide Gloss. V. in humaniorem*, quæ multa effert; In causa verò Civili, cum Lites non debeant esse immortales, tunc potest, & debet, se determinare, & litem finire; & sic non erit suspensus, & dubius, sed determinatus, & opinans.

23. Addo tamen in quæstione Facti, ut Facti, posse sustineri intellectum esse dubium, quando motiva sunt æquæ probabilia, & cap. 6. n. 51. assignavi disparitatem inter quæstionem Juris, & Facti. Quòd Crumena, Filius, aut alia res sit huius, vel illius, est quæstio facti; hinc possumus concedere, quæ dicebat Vendrochius de illa crumena, & de Filio.

24. Objicit TERTIO in §. 6. ubi, ait, quòd opinio, etiam per nos, assensum involvit; sed inter æquales rationes non datur talis assensus. Ergo tunc non datur opinio. Nec refert, quòd tum utriusque partis opiniones judicat probabiles; propter idipsum enim neutri assentitur, quòd utratque probabiles existimet; sic ut propter idipsum libræ remanent Lances in Libra, quia æquali pondere premerentur. Judicat ergo mens in isto statu utranque opinionem probabilem, neutri tamen assentitur, quia neutri neutram præponit.

25. Cum hoc argumentum fundetur in paritate de Libra, & hæc paritas nullius roboris sit, ideo & hæc objectio est nulla. Tum quia concedo, assensum opinativum esse prælationem unius par-

tis præ aliis; at subdo hanc prælationem inter æqualia motiva dari voluntati, quæ sequendo exemplum Raymundi, Richardi, Durandi, Scoti, Brulifer, Antonini, Nider, Gerlonis, Joannis de Ambr. Joannis de Gambaco, & aliorum, qui vel simpliciter asserunt, nos posse eligere opinionem, *quam volumus*. Vel dicunt, inter duram, & benignam sententiam esse eligendam, cæteris paribus, benigniorem, eligit, quæ sibi placet. Igitur voluntas jubet, esse sequendam opinionem A. æqualiter probabilem eum opinione B. & assignans rationem hujus prælationis dicit, quia opinio A. est *Benigna*, & opinio B. est *nimis dura*. In obiculis autem minimum sequimur, & Benignitas est magnum bonum voluntatis, & Austeritas est malum. Ipsi Adversarii in hoc casu se determinant ad Austeritatem, nos ad Benignitatem. Ipsi placet Austeritas, nobis Benignitas. Illi præferunt Austeritatem, cæteris paribus, nos Benignitatem. Nos habemus clarum exemplum, & expressum Doctorum aliorum, & Regulam expressam Canonicam, & Legalem: *In obscuris minimum sequimur*; Unde ex hac Canonice, & Leges decidunt, quando nescimus, quodnam statum volumus, vel legavimus, esse dandum statum minoris valoris. Judicet ergo Lector, an hæc nostra motiva sint validiora motivorum Adversantium.

26. Quod si dicerent Adversarii: *Intantum in votis, & Legatis damus statum minus, quia verisimilius est, Votentem, & Legantem voluisse se minus gravare*. Hæc autem major verisimilitudo haberi nequit in Legislatoribus humanis.

Contra est, quia si daretur Casus, in quo non esset major verisimilitudo; tunc adhuc res esset obscura; ergo adhuc debet verificari Regula: *In obscuris minimum sequimur*. Præterea falsum est, non dari hanc verisimilitudinem in Legislatoribus, quia Ecclesia in c. *erit autem* 4. distinct. vult suam legem esse manifestam, & ne aliquid per obscuritatem in captionem continetur. Id est ne aliquid, explicat Glossa, laqueus pareatur per eam. 27.

quæst. 1. c. de *Viduis*. Ergo Ecclesia non cognoscit existere suam legem, nisi sit manifesta. Ergo est evidens in obiculis Ecclesiam non habere Legem. Idem dicitur c. *fin* de constit. Vide cap. 29 numer. 36. Est etiam falsum, non dari hanc maiorem verisimilitudinem in Legislatore Divino, quia Legislator Divinus est magis benignus, ut dicebam ex Nider, quam Legislator creatus, & propter hoc cum eodem Nider inferebam, quod inter duram, & benignam circa præcepta sententiam, cæteris paribus, benigna est interpretanda faciendâ in præceptis Ecclesiæ, & Dei.

27. Vendrochius in illo eodem §. 6. alia dicit, quæ ad nihil inferviunt. Dicit, quod si falluntur, qui putant esse opinionem illud iudicium reflexum, quo duas propositiones contradictorias æquæ probabiles esse decernit. Falluntur equidem, si qui sunt, qui hanc ineptiam dicunt, & cæcutiunt in meridie, dum nesciunt discernere propositionem directam à propositione reflexa. Ast non puto, aliquem ex nostris Probabilistis ita cæcutire. Dicunt ipsi, & ego cum ipsis affirmo, quod iudicium illud reflexum, quo judicat æqualiter probabiles duas propositiones esse certum, & invariabile, & esse ita certum, sicut iudicium illud, quo judicamus duos homines esse idem in humanitate. Addimus, ut liquet ex dictis, positis motivis æquæ probabilibus posse intellectum determinari à voluntate ad quamlibet partem.

Hæc dicimus ad sustinendam communem sententiam Probabilistarum asserentium utramque partem contradictionis inter æqualia motiva; Cæterum in nostra opinione, quæ sustinet solum unam partem, quam vult voluntas, dicimus, quod intellectus habet iudicium, & assensum unius partis, quæ placet, ut ex dictis patet. Ad illud de iudicio illo reflexo quæro, an hoc iudicium sit de duabus propositionibus cognoscentibus utramque partem contradictionis; & sic Vendrochius admittit jam intellectum esse determinatum probabiliter ad utramque partem, ut dicebam. An verò hoc iudi-

judicium reflexum sit de motivis, ita ut iudicet in hac materia dari motiva, quæ possunt æqualiter movere intellectum ad utranque partem, & tunc illud quidem iudicium non est opinio probabilis, sed est assensus evidens; & insuper non supponit intellectum determinatum ad aliquam partem contradictionis, sed esse determinabilem æqualiter ad utranque partem. Hæc quidem Doctrina est omnino vera, nec nobis contraria. Ast addo, quoddam inter hæc æqualia motiva ex passione animi, ut utar phrasi Majoris, intellectus se determinat ad partem quamlibet. Si se determinat ad Austeram, hoc facit, ut fugiat periculum materialis peccati; si ad benignam; hoc facit, quia Benignitas cæteris paribus in Lege nova est amplectenda ex Nider, Antonino, & aliis.

28. Obijcit QUARTO in §. 7. Qui iudicat aliquas rationes esse æque probabiles, is iudicat nihil se videre, quo magis ad assentiendum uni, quam alteri parti ducatur, idest, ut hoc aliis efferram verbis, iudicat se dubitare, seu sibi incertum esse, utra pars sit verior, ac probabilior; unde illud iudicium non est nisi cognitio reflexa *dubitationis orta ex æqualibus rationibus*. Vides quantum Vendrochius se complacet de hoc Doctrina, dum toties illam repetit.

Respondetur illa verba: *iudicat se dubitare, seu sibi incertum esse, utra pars sit verior, ac probabilior*, esse evidenter falsa, nam in hoc casu non dubitat, nec incertus est, sed certissimus est, neutram esse probabiliorem, & veriozem. Nonne videt, illa motiva esse æqualia? ergo videt neutram esse maiorem, aut minorem, quia per Divum Thomam in 1. dist. 31. quaest. 1. art. 1. & Arist. 3. metaph. tex. 6. negatio majoritatis, & minoritatis causant æqualitatem. Si videt; Ergo est certissimus, neutram esse maiorem, & minorem; & sic neutram esse probabiliorem. Igitur concedo, nedum, quod intellectus dubitet, seu sit incertus, utra pars sit probabilior in nostro casu; sed assero, de hoc esse certissimum. Insuper concedo nihil reperiri, quod

magis in linea veritatis, seu, ut propriè loquamur, in linea Probabilitatis moveat intellectum. Et in hoc convenimus cum Adversariis, cum sit evidenter verum. Subdo tamen, ut intellectus se determinet in hoc casu, non requiri majoritatem Probabilitatis, & veritatis, nam Divus Thomas 1.2. quaest. 17. artic. 6. dicebat, in rebus apprehensis, quæ plenè non convincunt intellectum, posse ipsum intellectum assentire, vel dissentire, vel saltem assensum, vel dissentium suspendere *propter aliquam causam*. Nota hæc ultima verba: *Propter aliquam causam*; Ergo eidem motivo, seu objecto potest assentire, vel dissentire *propter aliquam causam*, vel saltem suspendere assensum. Hæc autem causa non erit vel probabilioritas, vel minor probabilitas, vel æqualitas probabilitatis; nam, si opinio probabilior sit tutior, tunc ex nulla causa per Adversarios intellectus potest dissentire, vel suspendere assensum. Si Probabilior sit benigna, per eandem potest assentire, & dissentire, At non dissentiet *ob causam majoris probabilitatis*, cum Probabilioritas non moveat ad dissentium, sed ad assensum. Igitur dissentiet Probabiliori benignæ, & adhærebit austeræ minus probabili *ob causam Austeritatis*. Si autem hæc apprehensio sint æqualis virtutis ad trahendum intellectum, tunc ipsos intellectus vel remanebit suspensus, vel austeram sequetur. Et sic ob austeritatem amplectetur opinionem; & Austeritas autem non reddit opinionem probabiliorum. Ergo causa assentiendi opinioni non est Probabilioritas. Ex his patet ex Divo Thoma, ut habeatur assensus, requiri quidem *causam*, sed hæc causa necessario non est Probabilioritas. Ergo in casu nostro, quamvis intellectus nihil videat in linea veritatis; quo magis moveatur ad assentiendum uni, quam alteri, poterit tamen, *ob aliquam causam* se determinare; & sic non erit dubius. Nec hæc causa erit sola austeritas, aliter quomodo salvaretur illud Christi: *Ingenium meum suave est, & vultus meus levis*, inquiebat devotissimus Nider, & alii

& alii Antiqui? Ex dictis patet, in nostro casu voluntatem determinare intellectum.

30. In allato §. 7. alia subdit, quæ nihil probant, cum omnis fundentur in hoc, quod intellectus inter duo motiva æqualia sistit dubius, quod esse falsum jam liquet. In §. 8. affert aliam responsionem Modernorum, quam dant illi axiomati: *In dubiis tutior pars est eligenda.* Responsio sistit in hoc, quod valeat in dubiis practicis, non verò in dubiis speculativis. At verò inter æquales probabilitates ænimum tantum speculativè dubium, eundemque esse practicè certum, quia practicè scit, sibi licere, quamvis opinionem probabilem sequi.

31. Subdit Vendrochius: nihil necesse est in hac responsione disjunctiè diutius immorari; superius enim jam disjecta est eo loco, ubi certitudinem illam, securitatemque practicam merum somnium esse latè probavimus, utpotè incertissimæ, immo falsissimæ sententiæ innixam, qua licere assertur quamvis opinionem probabilem, tamquam falsam, tuta conscientia sequi.

32. Hanc responsionem puto evidentem, & supra latè probavimus Probabilitatem ex natura sua esse bonam Regulam moralem, exceptis quibusdam casibus; quod si illa opinio in se sit falsa, hoc per accidens erit, cum nesciat esse falsam. Recolantur ibi. Hic breviter canôrum illam responsionem. Nemo potest negare opiniones omnes Divi Thomæ esse securas in praxi, & salvandum fore, qui operatur juxta illas. Si aliquis Probabiliorista hoc negaret, vapulabit à Thomistis acriter, sed iure; & si ad salvandam tuam Austeritatem necesse haberet hac negatione, solum propter hoc falsissimam, & absurdissimam reputarem. Igitur quisque debet, credere omnes opiniones Divi Thomæ esse securas in praxi. Inquiri, an quisque debeat, credere opiniones Divi Thomæ esse certas, ut neque autaliter se habere. Si quisquis non debet hoc credere, ecce clare quisquis securus in praxi de opinionibus Divi Thomæ, sed non

quisquis certus de ipsis. Si dicatur, quemlibet debere credere esse certas. Contra evidenter, quia si spectetur Auctoritas mera extrinseca Divi Thomæ, est quidem magna, at nemo dicit, esse infallibilem; Unde Augustinus in c. *noli meis*. c. *negare*. c. *Ego solus*. c. *noli frater* 9. distinct. Soli divinæ Scripturæ asserit non posse errorem obrepere, posse tamen opusculis aliorum quantalibet Sanctitate, & Doctrina pollentium. Si spectentur verò rationes Doctoris Angelici, sunt quidem omnes optimæ, sed omnes non ascendunt ad lineam certitudinis, cum Viri Sanctitate, & Doctrina celeberrimi olim refragati fuerint, & refragentur. Ergo quisquis non tenetur, credere, omnes opiniones Divi Thomæ esse certas. Igitur assero, omnes mortuos sequutos Divum Thomam, si in aliis casibus legem servaverunt, esse salvatos, quamvis fatear pro certo, posse Ecclesiam aliquam opinionem Divi Thomæ declarare esse falsam.

33. Dices, illos credidisse, opinionem Divi Thomæ esse certas. Sed contra, quia stultè crediderunt, cum tenerent pro certo id, quod aliter poterat se habere, quod solum per ipsam Divum Thomam est objectum opinionis, non certitudinis. Tum quia quo fundamento illis attribuis hunc errorem? Tum quia ergo illi salvati sunt, non quia sequuti sunt opinionem Divi Thomæ ex meritis, & ex motivis ejusdem opinionis, quia motiva, rationes, & Auctoritas Divi Thomæ non possunt causare certitudinem, sed quia propriam ignorantiam, & audaciam sequentes adhererunt firmiter objecto, quod poterat aliter se habere; & sic sequitur, opiniones Divi Thomæ secundum se non esse securas; Et sequitur insuper, propriam ignorantiam cum protervia conjunctam nos posse salvare.

34. Quodsi Thomistæ piaculum reputarent, si quis dicat, opiniones Divi Thomæ posse aliter se habere, & posse esse falsas; ponamus casum in aliis magnis viris.

35. Ex responsis, quæ videntur data

ab Alberto, inquit Nider in consolat. timorat. conscient. par. 3. cap. 11. Divus Antoninus par. 1. tit. 3. cap. 10. § 10. vers. *nunc revertendo*. Ex his, inquam, responsis habetur, quod Frater simplex, & quilibet homo potest cum salute sequi in Consiliis, *quancunque opinionem voluerit, dummodo sit alicujus Doctoris Magni*. Ecce quilibet est securus de sua salute sequendo quamlibet opinionem, *quam voluerit, dummodo sit alicujus Doctoris Magni*. Nunc vellem scire, an Albertus, Nider, & Antoninus voluerint, ut homo ille esset securus, quod crederet, illam opinionem esse certam. Hoc certe non potest dici, quia sic homo salvaretur ex errore, nam est error, tenere pro certo opinionem quamlibet, licet habeat illam conditionem, *Doctoris Magni*. Quia excellentia Doctrinæ, etiam magna, non facit auctoritatem infallibilem. Ergo juxta illos Doctores debemus quidem credere, nos bene operari, dum sequimur quamlibet opinionem, quam volumus, *Doctoris Magni*, non tamen debemus, nec possumus credere, esse certam *quamlibet opinionem Doctoris Magni*. Ergo practice sumus certi, licet incerti simus speculative.

Et sic optimè dicunt Moderni, illud axioma valere in dubio practico, non speculative.

36. Vendrochius in appendice 1. §. 6. multa detrahit huic responso Alberti Magni. Dicit primò, quod non constat, hoc responsum esse ipsius Alberti; nec quod sit excerptum ex ejus scriptis, cum possit esse datum voce tenus, & insuper sit suis cautionibus destitutum. Secundo, quid enim tandem dicit? *Posse Fratrem simplicem cum salute in praxi sequi, quancunque opinionem voluerit, modo sit Magni Doctoris*. Fortè hoc secluso jure naturali; Fortè de rebus merè speculativeis, & ad fidem potius, quam mores pertinentibus.

37. Sed contra est, quia dato etiam non constare esse Alberti, constat tamen ex ipso Antonino, jam illud Responsum fuisse datum prateritis temporibus; & fuisse Doctrinam Antiquam. Præ-

rea Nider narrat, illud Responsum reperisse in libris *veteribus* sui Ordinis, idest Prædicatorum, in quibus continebantur Responsa plura, quæ data videbantur à Domino Alberto. Hinc patet, illud responsum fuisse Doctoris, qui erat Antiquis respectu Nider, qui scribebat anno 1430. Unde est certò Responsum Doctoris Antiquissimi; unde semper est venerabile, & valde probabile, & in praxi tutum. Non est quidem certum, esse responsum Magni Alberti, sed solum hoc est probabile, quod non efficit, immo clarè nobis favet, cum, nedum Doctrina, quæ est certò Alberti, sed etiam quæ solum est probabile, esse ipsius, recipitur pro tuta Doctrina à Citatis Doctoribus. Hinc sequitur, securitatem conscientie fundari in Auctoritate, quæ non est certò Alberti, & sic quæ non sit certò Divi Thomæ, &c. Sed solum probabiliter; & sic fundatur in auctoritate, quæ inter auctoritates est solum probabilis; & sic securitas praxis fundatur in probabilitate; atque adeò clarè datur certitudo practica cum dubio, seu incertitudine speculative.

38. Quod autem possit esse datum voce, non Scriptura, hoc magis facit pro nobis, quia sic per illos Doctores confluit securitas practica nedum à propositione data in scriptis, quæ est majoris ponderis, sed à propositione voce prolata, quæ est minoris auctoritatis, & probabilitatis. Ergo stat securitas practica sine certitudine speculative. Idem probat alia responsio, quod *illud dictum sit suis cautionibus destitutum*. Sit verum hoc, tamen adhuc approbatur ab illis Doctoribus, & est Doctrina asservata in libris *veteribus* Patrum Dominicanorum. Ergo ad securitatem conscientie non requiruntur per hos Doctores cautiones requisitæ à Vendrochio. Ergo Vendrochius opponitur his Antiquis Doctoribus, quibus fas est magis credere, quam ipsi.

39. Ipse verò Vendrochius relinquit verbum valde notabile textus allati. Dicitur in ipso, quod Frater simplex, *vel quilibet homo*, potest cum salute quamlibet



bet opinionem sequi Magni Doctoris; Relinquit illa verba, *vel quilibet homo*, quæ sunt generalia, & includunt etiam viros doctos, qui non videbantur significari ab illis, *Frater simplex*. Cum ergo Responsum illud ex parte subiecti sit Universale, & omnes comprehendat, dicit enim *quilibet homo*; Ita etiam ex parte prædicati est Universale, & dicit *quamlibet opinionem*. Est etiam Universale ex parte modi, ait siquidem, in *Consiliis*. Si possumus sequi quamlibet opinionem in Consiliis; Ergo & in materia speculativa, & practica, quia Consilia amplectuntur & speculationem, & praxim, sed maxime praxim; Video enim præcipue Consilia peti, & dari in rebus practicis; Unde plures videmus Libros Consiliorum, qui tractant de rebus moralibus, non speculativis. Ulterius ille terminus, *quamlibet*, est universalis; & sic omnes opiniones tum speculativas, tum practicas amplectitur, tum in materia positiva, tum naturali. Præterea Responsum est de qualibet opinione, *quam volumus*; Voluntas autem vult tum in speculativis, tum practicis, tum positivis, tum naturalibus opinionem acquirere; quin maxime hoc petit in practicis, & in iure naturali, utpotè majoris momenti, & quia dubia in hoc iure occurrunt crebrius.

40. Hinc patet, voluntariè Vendrochiū dicere, illud responsum fortè intelligi *secluso iure naturali*, & fortè de rebus *speculativis Fidei*. Nullum datur fundamentum harum restrictionum; imo ipsum responsum destruit ipsas, cum responsum expressè loquatur de qualibet opinione, *quam volumus*. Alia ergo restrictio non est adhibenda, nisi quæ habetur in ipsomet responso illis verbis; *dummodo sit alicujus Magni Doctoris*. Igitur ad salutem juxta hoc responsum requiritur, quod Doctrina sit opinio; Hinc non debet esse manifestè falsa, quia propositio manifestè falsa, non venit nomine, *Opinio*; Cum opinio per Aristotelem, & Divum Thomam ita tendat in verum, ut possit aliter se habere; Et sic opinio habet pro objecto rem contingentem; propositio autem clarè falsa

non tendit in verum, nec potest aliter se habere; & sic non habet objectum contingens, & proprium opinionis; & sic non est opinio; Unde error dici debet. Non sufficit autem, quod sit opinio juxta hoc responsum, sed requiritur, quod sit *alicujus Magni Doctoris*. Igitur propositio, quæ sit opinio; & sic habeat intrinsecam probabilitatem; & defendatur ab aliquo Magno Doctore; & sic habeat probabilitatem extrinsecam, juxta hoc responsum est regula pro salute nostra.

41. Quodsi velimus aliquid concedere Vendrochio, & admittere illas limitationes, dicamus, quod fortè possunt coherere cum responso, prout fuit datum à suo Authore, non autem prout est scriptum ab Authore illorum Librorum Veterum, quos legerunt Nider, & Antoninus; Cum hi Doctores approbent illud responsum compositum à terminis ita universalibus, ut clarè illas restrictiones rejiciat.

42. Hic venit breviter rejiciendus Fogarinus disp. 3. par. 2. n. 228. qui integrè relato textu Alberti, inter alias responsiones, quas illi dat, est una, quod Albertus Magnus loquitur de Fratre simplici, & idiota, qui non habet cognitionem opinionum probabilium oppositarum, nec est aptus illas examinare. Sed contra, quia textus, prout etiam refertur ab ipso Fogarino, dicit: *Quod Frater simplex, vel quilibet homo*. Nota, clarè, & expressè loquitur de *Fratre simplici, vel de quolibet homine*. Nunquid *quilibet homo* significat solum *Fratrem simplicem*? Si juraveris non credam. Nonne ille terminus, *quilibet*, est universalis? Vide num 39.

43. Nunc ponderemus alia, quæ Vendrochius habet in illo §. 8. in quo rejicit responsum Modernorum, quia fatentur in dubiis quidem practicis esse præceptum sequendi tutiorem, non verò in speculativis. Ait ergo, quod, si est vera talis distinctio, nunquam dandus sit casus, in quo teneamur tutiorem sequi; nam qui practicè dubitat de veritate opinionis, tunc est certus, quod nulla pars Contradictionis est evidenter falsa;

falsa; & sic erit certus, quod utraque pars erit *probabilis*; Opinio enim probabilis ex definitione Caramuelis, & Probabilistarum ea est, quæ non est evidenter falsa. Si autem opinio est Probabilis, est etiam secuta, quia per nos Probabilitas est sufficiens Regula morum. Ergo, qui est dubius practice, est securus practice, quia tunc habet probabilitatem, quæ est regula secuta. Hæc ad summum valent contra Caramuelem, non verò contra nos. Tamen ad uberiorem Doctrinam dico, si ad Probabilitatem sufficit, quod propositio non sit evidenter falsa, Vendrochius habet intentum, quia est evidens, quod dubius, ut dubius, non est certus de aliqua parte Contradictionis. Ergo, si ad Probabilitatem sufficit, quod propositio non sit evidenter falsa, dubius est probabilis.

44. Moderni omni Conatu contendunt probare, *Probabilitatem* distingui à *Dubio*, nec cum ipso posse compati. Hinc, nisi meis oculis videam ex Doctrina Modernorum sequi allatum absurdum, non credam. Videamus ergo, quomodo Caramuel ipse, & aliqui alii Moderni desimant Probabilitatem, sic enim colligimus, an per ipsos ad Probabilitatem sufficiat, quod propositio non sit evidenter falsa.

45. Caramuel ergo in Theolog. fundamentalis Romæ excussa anno 1656. & sic antequam scriberet Vendrochius, fund. 11. num. 438. ait, quod ad *Probabilitatem rationalem*, id est intrinsecam, requiritur, ut non sit evidenter falsa, & nihilominus *signature fundamento suffulta*, quam possit vir doctus defendere, cui oppositum idem possit acriter impugnare. Illam enim, quam video non posse defendi, tamen si centum Auctorum sit, libere vocabo improbabilem. .... cum alterius partis certitudo, aut evidentia accedit, omnes cessant probabilitates, id est probabilitas extrinseca, & intrinseca.

46. Escobarius tract. Exum. 3. de Conscient. cap. 3. scribit: Opinio Probabilis dicitur, quæ rationibus innitur alicujus momenti. Unde aliquando unus tantum

Doctor, gravis admodum, opinionem probabilem potest efficere; quia Vir Doctrinæ specialiter additus haud adhærebit sententiæ cuilibet, nisi præstantis, seu sufficientis rationis vi allectus.

47. Tamburinus in Decalog. Lib. 1. c. 3. §. 3. ait: Opinio Probabilis est assensus intellectus de aliqua re, qui innitur ratione, vel auctoritate alicujus momenti, modo pro opposita nihil appareat convincens. Ita Thomas Sanchez, Portell. Castropal. & passim. Vasquez 1. 2. disput. 63. cap. 4. dicit, Quod opinio levi fundamento innixa sit temeraria. Et ad opinionem etiam minus probabilem requirit, quod ratione non sit diffusata. Hos quatuor retulisse sufficit, quia hos quatuor Vendrochius quoque nominat in suo Opere. Alios non refero, cum apud me certum sit, ita alios sentire; Unde Vendrochius illos adeat, si de hoc dubitat.

48. Porro ex his definitionibus clare, & expressè colligitur ad Probabilitatem requiri, quod habeat *rationem alicujus momenti*; & sic per Modernos ad Probabilitatem non sufficit, quod propositio non sit evidenter falsa; Atque adeo ipsi admittunt, & possunt admittere dubium practicum, & illud distinguere, ut rectè distinguunt, à dubio speculativo.

49. Vendrochius sect. 1. §. 4. ex Caramuele num. 131. & Tamb. ubi supra §. 5. nititur probare eo ipso, quod res sit incerta, sit etiam probabilis; nam Caramuel dicit, requiri ad Probabilitatem, ut non sit evidenter falsa; & ut aliqua propositio non sit probabilis, oportere, quod habeat contra se rationes demonstrativas; & quod rationes ipsam probantes demonstrantur, non esse probabiles. Sic etiam Tamburinus affirmat, Probabilitatem, etiam tenuem, sufficere ad securitatem conscientie.

50. Respondetur, ritè illas condiciones Exigere Caramuelem ad Probabilitatem; Nam rationi probabilis potest fieri responsio; Ergo si habeo rationem probabilem pro mea opinione, nunquam convincer, non esse probabilem, si non monstretur esse falsa. Ex hoc tamen non sequitur

hanc

hanc solam conditionem sufficere, cum ipse Caramuel expressè in textu à me allato requirat aliam conditionem. Et hic noto, meum textum esse ex Theologia excussa Romæ, & hæc est secunda impressio, in cujus prologo apertè fatetur, in priori editione se nihil decidisse, sed solum proposuisse argumenta dubitandi gratia, nec esse citandum pro aliqua Doctrina in illa priori editione habita; sed solum esse asserendum pro iis, quæ habet in impressione Romana.

51. Quod attinet ad Tamburinum, ita ait sufficere tenuem probabilitatem ad securitatem Conscientiæ, ut tamen hæc tenuitas non obscureretur à majori probabilitate alterius partis, ut clarè se infra explicat num. 11. ad quem locum se remittit in textu allato à Vendrochio, quamvis ipse omittat illam remissionem; adhuc tamen Tamburinus in illo textu non admittit ad probabilitatem sufficere, quod res sit incerta, cum expressè in meo textu requirat rationem alicujus momenti. Ipse autem clarè fatetur, dari dubia negativa, in quibus nulla pars habet aliquam rationem; & sic res est incerta; & tamen hæc dubia distinguit à Probabilitate, ut videre licet lib. 9. cap. 1. princ.

52. Sed tempus est, ut solvamus objectionem, cui innititur maximè tota Doctrina Vendrochii. Existimat ergo ipse, in dubiis nos debere implorare Deum, à quo lumen habebimus, ut veritatem inter tenebras expiscari possimus. Igitur in §. 1. illius sect. 4. not. 1. in epist. 5. *Verum*, inquit, *incidunt sæpe tempora, ut utrinque periculum peccandi sit, aliis affirmantibus aliquid sine peccato omitti non posse; aliis contra idem asserentibus sine peccato fieri non posse.* Quid quæso, mi Vendrochi, in talibus circumstantiis faciendum erit? Audiamus. *Dubitabit vir bonus, donec ex duabus illis sententis, utra sit vera, perspexerit.* Si dubitabit vir bonus; ergo nullam defendet, & neutri assentietur, quia dubium, etiam per ipsum, nullum assensum involuit. Hoc tamen non videtur consonum Antiquis Doctoribus, qui dabant licentiam

variè opinandi; & sic solvendi dubium, in materia de Divinis Notionibus, quæ materia, cum pertineat ad Sanctissimam Trinitatem, est periculosissima ex August. & ipsis Antiquis. Si est periculosissima; ergo est periculosior, quàm materia moralis. Dabant, inquam, licentiam opinandi nedum, sed etiam variè ante decisionem Ecclesiæ, & ante percontationem, per quam veritas sciatur, videatur, & ostendatur. Ecce Antiqui dant licentiam opinandi in materia magis periculosa, quàm morali, antequam sciamus, & videamus veritatem. Et Vendrochius vult, quod dubitemus, antequam perspiciamus veritatem rei in materia morali. Certè Vendrochius opponitur illis Antiquis. Ergo juxta ejus Doctrinam Antiquos sequamur, ipsamque deferamus.

53. Sed sequitur: *Implorabis Divinum Lumen, & qua poterit diligentia, veritatem studebit detegere.* Quis negat esse adhibendam diligentiam possibilem, ut veritatem detegamus? Sed si urgeat tempus, urget Vendrochius, si alterutra necessario sequenda sit, utram sequetur? *mimirum eam, quam ad veritatem magis credet accedere, & quam carere peccato probabilius existimabit.* Cum ipse non memoret, quid sit faciendum, dum tempus instat eligendi unam ex duabus periculosis æquè, & æquè probabilibus, est signum, quod credat, post illam orationem, & post diligentiam possibilem tolli talem æqualitatem, & veritas semper probabilius appareat. Alibi pluries nos obligat, ut Deum Oremus pro inventione Veritatis. Sic sect. 2. §. 3. fin. scribit. Ut quis se expediat à dubitatione ad præfinitas à Deo inveniendæ veritatis vias, ac maximè ad orationes debet confugere; hoc si ea, qua par est, diligentia fecerit, procul dubio, quod quaerit, inveniet. Sin autem facere neglexerit, vincibiliter jam potius, quàm invincibiliter, ignorare dicendus est, & nolens potius, quàm in vitis.

54. In sectione verò allata, §. 10. ita confidenter decidit: In iis, in quibus ambiget, & hærebit, habet tamen, qua

ratione componere possit astus suos; In promptu enim debet esse illud Jacobi: *Si quis indiget sapientia, postulet a Deo, qui dat omnibus assuet, & non impropertat.* Convertat se igitur ad Patrem Luminum, lucem illius precibus eliciet, consulet Viros Doctos, & pios Deinde omnibus circumspectis, si veritas ipsi nondum eniteat, quod probabilius, & tutius videbitur, id agat. Hic quæro à Vendrochio, an illa copulativa, ET, qua conjungit ly *Tutius* cum ly *Probabilius* faciat officium particulæ copulativæ, an disjunctivæ, & significet idem, ac particula VEL? quod faciat sensum disjunctivum, non potest dicere Vendrochius, quia per ipsum sola veritas salvat. Non implicat autem, quod Probabilioritas sit falsa, cum ex Aristotel. 1. Ethyco. cap. 3. sæpe contingat falsa esse probabiliora veris. Sensum verò copulativum facere nequit, quia, ut salutem consequamur, non est necesse sequi, quod tutius, & simul probabilius sit; Si quis enim tutius etiam apertè falsum in praxi sequatur, bene facit. Et quavis sit falsum, ad Confessionem præquiri Contritionem, quæ ante absolutionem iustificet, ut multi Antiqui scrupulosè, & falsò decreverunt, tamen bene facit quis confitendo contritione iustificante ante absolutionem.

55. Alibi etiam apertè fatetur, per Orationem deveniri posse in cognitionem veritatis, & præcipuè in Appendice 2. sect. 1. art. 4. vers. *nec verò ad pellendam.* Nec verò ad pellendam, scribit, *Nos scimus esse ignorantes Legis naturalis, ex hoc admonemur poscendam à Deo Sapientiam, qui dat omnibus assuet, & non impropertat; Preces autem illa pro impetranda veritatis cognitione suscepi, si tales sint, quales esse convenit, non illorum notitiam modo obtinebunt, quorum nobis inesse ignorantiam confitii sumus, sed eorum etiam, quæ nescientes ignoramus.* Et sect. 2. art. 1. dicit cum Fagnano c. ne innuatis de constit. num. 112. non esse extra hominis facultatem positam cognitionis inventionem in dubiis. Et probat ex Divo Thoma Opuscul. 73. in Proemio.

Hic obiter noto, valde gaudere, quòd Vendrochius ad probandum dictum adeo difficile utatur textu ex illo opusculo 73. Divi Thomæ, quod est controversum, an sit Sancti Doctoris; & valde probabile est, non esse; Et quidem stylus, & modus procedendi non assimilatur operibus, quæ certò sunt Doctoris Angelici. Hinc patet, placere Vendrochio nedum certitudinem Authoritatis, sed etiam Probabilitatem In cap. 21. & 26. retuli alia loca, in quibus expressè vult ad agnitionem veritatis esse necessariam orationem in materia obscura.

56. Si solus Vendrochius assereret, nos teneri ad orationem in materia obscura, & in dubiis, dixissem hoc provenisse, eoquod videtur sibi provinciam assumpsisse probandi, in omni materia controversa intervenire præceptum sciendi veritatem, quod est apertè contra praxim omnium Doctorum, etiam Sanctorum, qui in materiis obscuris sibi invicem opponuntur. Hanc obligationem orandi in dubiis imponunt etiam multi Probabilioristæ, quorum aliqui allegantur à Cardenas in sua Crisi Theolog. disp. 15. cap. 6. art. 4. num. 466. De Fagnano etiam patet ex Vendrochio hic supra relato. Nec videtur dissentire Pater Tyrius Gonzalez Societatis Jesu in Fundam. Theolog. Moral. dissert. 3. §. fin. quatenus ibi dicit, quòd opinio asserens pro securitate conscientie sufficere quamlibet Probabilitatem tollat *Studium Orandi, & enixe à Deo postulandi notitiam Divinæ Legis, & veritatis cognitionem*, quod adeo inculcatur in Sacra Scriptura.

57. Forfan dux fuit hujus opinionis Guilielmus Parisiensis, qui tract. de leg. cap. 21. Litt. C. scripsit: Illud igitur potius nobis videtur, quòd etiam Divinæ pietati magis consonum, ut ubi invincibilis est ignorantia, quod est, ubi non habet de humana ratione, quid faciat, ibi imploret divinum auxilium, & non temerè se precipites, Totum pertinet facere ad Deum, ubi non habet homo, quid debere faciat. Et Litter. D. dicit: nisi flet culpa viri, quòd, si ipsi supponitur

mulier aliena, avertet Deus cor ejus, ne cognoscat mulierem sic juxta eum jacentem, & hoc vel infrigidandum, vel aliquam cogitationem immittendo, vel aliter ipsum occupando, vel ipsam mulierem terrendo, ita ut inde abeat, vel aliqua alia via. Per hunc ergo Doctorem, quando ignoramus invincibiliter, hoc est, quando humana ratio nescit, quid sibi sit ulterius faciendum, est implorandum Divinum auxilium; & tunc totum pertinet facere ad Deum; unde, si non steterit culpa nostra, etiam in ignorantia factorum illuminabimur à Deo taliter, quod etiam potentie naturales, quamvis applicatae, non exhibunt in actum suum, si hic sit contra Legem Dei; Unde ipsa quoque Luxuria facies suas extinguet, dum urget proximum periculum in ipsam ruendi.

§8. Jam scio, Vendrochium, & Adversarios non admittere scrupulositatem Parisiensis, quæ prorsus in desperationem inducit. Sed difficulter video, posse assignari disparitatem, Cur Deus teneatur dare nobis cognitionem de veritate in dubio juris, quod humano studio superari non potest, si ipsum oremus, & alia culpa ex parte nostra non obstat; non verò teneatur dare nobis cognitionem facti, quod nunc est præstandum, quodque per vias solitas nequit cognosci.

§9. Posset Confirmari ex D. Augusti. & refertur. c. soles de consecr. dist. 4. §. fin. & dixit etiam cap. 17. num. 26. ubi in materia difficili, & obscura, in qua Sanctus Doctor nesciebat invenire veritatem, ait, esse implorandum divinum auxilium *concordi oratione*. Posset etiam confirmari hæc Doctrina; nam Divus Thomas falsus est, oratione ad multorum cognitionem pervenisse. Et quidem, si unquam miratus sum Doctrinam Doctoris Angelici, præcipue fuit, dum legi decisionem de præsentia Christi in Eucharistia; suo enim tempore Doctores variabant, in quæstionibus, An Christus descenderet in stomachum cum speciebus Eucharisticis, & præcipue in stomachum peccatoris. An dum, minus edis Eucharistiam, Christus in ventriculum muris eat cum speciebus. An projecto Sacramento in Clau-

cam Christus remaneret sub speciebus. Ipse tamen Divus Thomas, qui certè sciebat, Doctores Magnos negativam sententiam tenere, sequutus est ita affirmativam opinionem, ut videatur pro certo illam habere; Unde in hac materia credo, fuisse illuminatum supernaturaliter. Ergo per orationem possumus devenire in cognitionem veritatis in materiis dubiis. De hoc puncto, quod oratio non sit sub præcepto, ut veritatem addicamus in rebus obscuris, egi cap. 21. à nu. 9. cap. 26. num. 43. & 44. num. 69. & seqq.

60. Ad illum textum Augusti assero, ipsum non jubere, ut orationem faciamus, sed ait: *Divinum judicium implorandum esse censemus*. Utique verbum censeo, non importat præceptum. Insuper non dicit, hac oratione nos acquiruturos esse veritatem. Si ergo non præcipit orationem, si per ipsam certò non obtinebimus veritatem, quo fundamento deducitur præceptum orationis? Experientia ex Divo Thoma solo, & in illa peculiari materia oppono experientiam plurimum Patrum, & omnium Theologorum ab initio, quando Theologia incipit florere. Omnes Theologi, & Patres variant in opinionibus; & tamen omnes supponimus fecisse, quantum potuerunt, & ad quod tenebantur, ut veritatem assequerentur. Ergo, licet faciamus, quantum possumus, Deus non tenetur dare cognitionem veritatis in dubiis. Consequentia liquet, quia variantes opinionem aliqui errant certè; & tamen illi supponuntur fecisse, quæ requiruntur ad inveniendam veritatem. In cap. 14. verò. *Si hac Doctrina uteretur solus*, & ponitur post secundam probationem solvi evidenter hanc objectionem. In cap. etiam 26. demonstravi, ex Antiquis Doctoribus dari ignorantiam inculpabilem in materia obscura, etiam naturali; atque adeo orationem non esse medium ducens per se in cognitionem veritatis in materiis dubiis, & obscuris; Unde hic possem inperferere à responsione.

61. Adhuc tamen addo juxta Prologium Juristarum: *Una birundo non sa-*

cit ver; & Ea, qua à communi jure exor-  
bitant, in consequentiam non sunt trahenda. De Regul. Jur. in 6. Ergo, licet  
aliqui Sancti in aliqua materia obscura  
per Orationem veritatis cognitionem ob-  
tinuerint, cum hoc sit peculiare, & in  
aliis materiis, & in aliis Sanctis, & Do-  
ctoribus, hoc non successerit, non de-  
bemus statuere Regulam, & legem, ut  
detur obligatio orandi pro acquirenda  
veritate; sed potius oppositum affirma-  
re, cum lex debeat respicere ea, quæ  
sæpè, non quæ rarò eveniunt. I. nam ad  
ea ff. de leg. Hinc retorqueo argumen-  
tum: In illa specialimateria Divus Tho-  
mas obtinuit veritatis cognitionem; &  
hinc posteriores Theologi, etiam ipsi  
Scotistæ sequuntur Divum Thomam. In  
aliis pluribus Scotistæ, & alii Theologi,  
etiam Sancti, ipsi refragantur; Ergo est  
signum, non obtinuisse veritatis cogni-  
tionem; aliter hi alii Theologi fuissent  
cæci non videntes talem certitudinem.

62. Concilium Toletanum Octavum  
relatum in c. duo mala 13. disting. Et  
Divus Gregorius in moral. part. 6. lib. 32.  
cap. 55. & 56. relatus in c. Nervi ead.  
quærun, quomodo se gerere debeat il-  
le, qui constituitur inter duo, quorum  
utrumque operanti videtur malum. Et  
hic est casus, de quo quaerit Vendro-  
chius in primo textu hujus objecti, quod  
incipit: Verum incidunt sæpe tempora; &  
Vendrochius jubet, ut imploremus Di-  
vinum Lumen, & qua poteris diligentia  
veritatem studebis delegere. Audiamus,  
quid Concilium Toletanum præscribat:  
Si periculi necessitas unum ex his perpe-  
trare compulerit, id debemus resolvere,  
quod minori nexu noscitur obligari.  
Quid autem levius, quid gravius ex his sit,  
pura rationis acumine investigemus. Ecce  
Concilium ad acumen puræ rationis nos  
mittit, ut noscamus, quid agere debeamus.  
Sed Vendrochius ulterius nos  
gravat ad preces fundendas. Hic omni-  
no quadrat illud legale: Erubescimus sine  
lege loqui. Et illud effatum: Quod non est  
Sanctorum Patrum decreto Sanctum, non  
est supersticiosus adinventioibus præsumen-  
dum. c. inter de transl. Episcop. c. con-

sulisti. 2. quæst. 4. & illud palmare D.  
Hieronymi super Matt. Quod de sacris  
litteris non habet auctoritatem, eadem sã-  
cilitate contemnitur, qua probatur.

62. Gregorius etiam in allato c. Nervi non jubet, ut perplexus oret ad evi-  
tandum unum ex peccatis, inter quæ  
constituitur per varietatem opinionum,  
sed docet, ut minus malum eligat. Cer-  
tè, si Sancti credidissent dari præceptum  
orandi Deum pro acquisitione veritatis  
in dubiis, nullus locus videbatur magis  
proprius hoc dicere, quàm dum quærun,  
quid debeat facere Fidelis, dum debet  
unum ex duobus eligere, & utrumque  
opinatur esse peccatum, Et tamen di-  
cunt, solum minus malum esse eligen-  
dum; & ut cognoscatur minus malum,  
dicunt, pura rationis acumine esse investi-  
gandum.

63. In cap. 21. num. 21. Explicavi tex-  
tus Scripturæ, in quibus videtur dici, ora-  
tionem esse in præcepto pro veritate ob-  
tinenda. Aliqui enim vel non signifi-  
cant hoc præceptum, vel si significant,  
intelliguntur de materiis, quæ scire tenemur,  
ait Major in 4. quæst. 2. prolog.  
vers. contra Secundam Conclusionem. Et  
illum textum Joannis ex 1. epist. cap. 2.  
in fin. Unus docetis eum, in quo Pari-  
sienfis fundatur, ut adstruat obligatio-  
nem orationis pro veritate in dubiis,  
Idem Major explicat de subiecta mate-  
ria, quæ erat, quòd Christus sit Deus.  
Ad hanc equidem veritatem, & alias,  
quas scire tenemur, & sunt in præcepto,  
debemus orare Deum; & si orabimus  
ipsum, dabit talem notitiam, quia si  
Natura non deficit in necessariis, multò  
minus Omnipotens Conditor, dicebat  
Nider infractandus. Ad dicere, quòd  
Deus dabit nobis veram notitiam illa-  
rum rerum, quas nec Sancti, nec Pro-  
ceres Theologiæ habuerunt, si illum  
oraverimus, est potius divinare, quàm  
rationaliter discurrere; & ut dicebam,  
qui post orationem in his dubiis præsum-  
meret, se assequutum fuisse veritatem,  
esset irridendus, non audiendus. Si  
Scotus, & Scotistæ non credunt, Divum  
Thomam veritatem in hisce materiis  
ade-

adeptum fuisse, quamvis credant Angelicum Doctorem preces fuisse pro veritate inveniendâ, debobimus credere, ad tantam gratiam te pervenisse?

64. Ulterius non cohærenter ad sua principia dicit, post orationes fufas debere nos facere, quod probabilius videtur; nam per ipsum sola veritas salvat; unde opinio falsa juxta ipsum non excusat. Cum autem Probabilioritas possit stare simul cum falsitate; ergo, si illa opinio, quæ videtur probabilior, esset falsa, operans ex illa peccaret. Et confirmatur. Perplexitas sit in materia levi, & gravi, & materia gravis probabilius appareat, quod non sit peccatum, & materia levis magis probabile sit esse peccatum; juxta Vendrochium debemus operari in materia illa gravi. Sidedegatur falsa, per Vendrochium jam peccavit mortaliter; Ergo potius sequenda est Regula Concilii, & operari in materia levi, nam, si vis hunc peccare in casu, quo detegatur materia falsa, solum peccavisse venialiter dices, quod minus est, quàm peccare mortaliter.

Dices. Certum est, per gratiam plura nos cognoscere, quàm per naturam, etiam in veritatibus naturalibus moralibus; Ergo, ne erremus in his veritatibus, debemus orare Deum, ut det nobis hanc gratiam.

65. Sed contra est; quia nos tenemur scire solum veritates illas, quæ continentur sub præcepto. Præcepta supernaturalia continentur in Scriptura, & in Traditione; Præcepta Naturalia continentur in primis principijs, & in Conclusionibus necessariis, & proximis, non remotis, & contingentibus, quæ possunt aliter se habere; Cum enim Leges ferantur pro-Communitate, debent esse manifestæ, ut sic omnes necessariò obligentur; Materia autem contingens, cum possit aliter se habere, hinc nequit, sciri; atque adeo sub præcepto esse non potest. Probabili enim possumus dissentire, cum solum evidens cogat intellectum, ut ex ceteris distis patet, & asserunt Henricus 1. modib. 10. quæst. 11. & Carthus. in 3. distinct. 24. quæst. 1. vers.

Præterea idem Doct. & Nider in consolat. timor. conscient. part. 3. cap. 19. allegans Parisiens: Igitur ad argumentum nego consequentiam, quia, cum non teneamur scire omnem veritatem, sic nec obligamur orare ad habendam gratiam, per quam omnem veritatem acquiramus.

66. Volui Antiquos legere, ut viderem, quid in hoc puncto dicant. Legi Summam, quæ *De structoribus rationum* dicitur, par. 6. cap. 79. num. 7. ibi probat multis autoritatibus ad Doctrinam habendam esse necessariam orationem. Postea sic illud capitulum claudit: *In omni bono studio, & Doctrina omnino est præmittenda (lege præmittenda) Oratio.* Unde Augustinus de Doctrina Christi, Si, inquit, Regina Hester pro gentis sua corporali salute loquutura apud Regem oravit Deum, ut in os ejus congruum præstaret Sermonem, quanto magis orare debes, ut tale minus accipias, qui pro æterna hominum salute in verbo, & Doctrina laboras? Et part. 4. cap. 36. dicit cum Lyrano, cap. 14. Act. quod, si Paganus diligenter oraret Deum, & à peccatis, inquantum sufficit, caveat, Deus revelabit ipsi de Fide Catholica, quantum necessarium est ad salutem; vel mittet Prædicatorem Fidelem ad ipsum informandum.

67. Ex alia parte idem Doct. in eadem par. 4. cap. 4. num. 1. dicit, dari ignorantiam invincibilem, & Operantem ex ipsa excusari, quia Deus non exigit ab homine, nisi quod potest bene facere. Non enim imputatur ad negligentiam, si nesciat ea, quæ scire non potest; Unde bonam ignorantiam invincibilem dicitur, quia cum studio superari non potest. Et propter hoc talis ignorantia, cum non sit voluntaria, non est peccatum. Ecce, ut ignorantia sit invincibilis, sufficit, quod studio superari non possit. Non dicit, quod Oratione superari non possit. Et jure non dicit Oratione, quia sic nulla ignorantia daretur invincibilis, cum oratione omnis veritas sciri possit, si exardiat.

68. Præterea num. 2. cum Augustino relato in c. non omnis 37. dist. ait, Non

omnis ignorans immunis est a pœna. Ille ignorans potest excusari a pœna, qui, à quo disceret, non invenit. Illis autem ignoscitur non potuit hoc, qui habentes à quo discerent, operam non dederunt. Illud Relativum, a quo, quid significat? Utique hominem; si enim significaret etiam Deum, iam semper haberemus, à quo veritatem disceremus. Ergo per Augustinum, quin per Canorem, & per illam Summam, qui non habet Doctorem, & aliquam veritatem ignorat, pœnam non meretur; & sic neque culpam committit.

69. Ad concordantiam horum textuum dico, quod ubi asseritur, esse necessariam Orationem, intelligitur de materiis, quæ sunt necessariae ad salutem, quæ in citato capite 40. num. 1. par. 4. ait, esse Orationem Dominicam, Symbolum Apostolorum, & Decalogum cum mediis jaculantibus ad ipsa. Ad hæc intelligenda est necessaria Oratio. Unde in illo cap. 79. par. 6. cum Parisiensis de vitiis par. 6. tract. de superbia, tit. de appetitu Magisterii dicebat, nos, ut Doctrinam acquiramus, duobus egere, Doctore Forinseco materiam ministrante, & Doctore interiori, ut ad intelligendum sensum cordis aperias. Hæc certo possunt dici solum de necessariis ad salutem, quin & de cognitione supernaturali. Patet enim, quod cognitio principiorum, & Conclusionum immediatarum non exigit aliquem Doctorem, cum ex nobis ipsis illam facilius habere possimus.

70. Læi Athesanum lib. 1. tit. 69. in art. 1. dicit ex Alexand. Anglic. 2. tit. 2. c. de perplexitate art. 1. & triplicem dari Perplexitatem. Prima est intelligentiæ Sacræ Scripturæ. Secunda est cognitionis faciendorum. Tertia est inevitabilitatis peccandi. Prima tollitur per Considerationem Causarum dicendi in diversis locis Sacræ Scripturæ, quia intelligentia dictorum ex causis est assumenda dicendi per Hilarium. Secunda tollitur per Unionem Spiritus Sancti. Itar. 3. dat solutionem in pluribus casibus, in quibus homo reperitur inter duo, quorum utrumque sibi peccatum videtur; nec

mergitur, quod fiat oratio. Et quidem in art. 3. quæst. 4. videbatur necessaria talis ramemoratio. Querit ibi, an possit quis committere veniale, ut alius vitet mortale. Refert ex Alexand. Anglic. art. 2. casu 7. varietatem opinionum. Quidam affirmativè dicebant de hominibus imperfectis; alii etiam volebant de Perfectis. (Vide lassitatem Antiquorum!) Respondet Doctor: Videtur autem, quod nulla sit tentio ad peccatum veniale, sed potest esse tentio ad salvandum alium à peccato mortali, & si non potest aliter, quam per Veniale. Fateor, quod bene non percipio, an Athesis dicat posse fieri Veniale, ut salvemus proximum à mortali. Certè scio, quod ipse non est certus, nullum obligari ad peccandum venialiter pro alio: Vidimus enim alibi, quod verbum, Videtur, extra leges non importet necessitatem. In hoc erat necessaria Oratio, ut Deus illuminaret Antiquos ad certò credendum, neminem teneri, aut posse committere Veniale, ne aliter peccet mortaliter. Unde Augustinus dicebat, relatus in c. faciat. 23. quæst. 2. quod, si veniret casus, quod non posset Infidelis converti sine Veniali, tunc debemus orare Deum, ut det modum conversionis, quæ fieri possit sine peccato. Hic vellem audire Vendrochium, & alios Probabilioristas volentes nos obligari ad orationem pro solutione dubiorum in re obscura, quid dicerent de his Doctoribus, qui non recurrerint ad orationem pro obtinenda veritate in re clarissima, quæ apud me est certum principium: Veniale peccatum nunquam est faciendum.

71. Redeundo ad Athesanum, Non intelligo, quomodo dicat, perplexitatem ortam super intelligentia Sacræ Scripturæ tolli per considerationem, hoc est per nostrum studium; perplexitatem vero circa cognitionem faciendorum tolli per Unionem Spiritus Sancti. Nunquid Scriptura non tractat de faciendis? Nunquid facienda magis dependent à Spiritu Sancto, quam intelligentia Scripturæ Sacræ, quæ est verbum, quod Viri Dñi Spiritu Sancto inspi-



inspirati loquuti sunt?

72. Legi Albericum de Rosate, & Supplementum Pisanelle. V. *Perplexitas*, & ambo eadem verba habent, & illa accipiunt à Ray. lib. 3. tit. de *scandalo* §. 5. Dividunt ergo *Perplexitatem*, ut alia sit juris, alia facti. Juris est, cum aliquis circa aliquod, quod sibi occurrit faciendum, vel non, invenit diversas *Authoritates* sibi invicem oppugnantes. Facti est, quando juxta Gregorium per *Diaboli* suggestionem quis, dum vult peccatum vitare, in aliud impingat. Prima tollitur per peritorum Consilium, & concordiam Contrariorum; Secunda eligendo minus malum. Vides hic remedium *Orationis* non exigi.

73. Angelus V. *Perplexitas* se remittit ad ea, quæ habet V. *Dubium*, in quo solvit dubia absque remedio *Orationis*. Eodem modo procedit Sylvester V. *Dubium*. Reliquæ Summæ, quæ prope *Antiquitatem* accedunt, nempe *Pelbarti*, *Tabienfis*, *Aktenstaig* nihil dicunt ad propositum, sicut nec Summa *Antiquæ Rainerii*.

74. Joannes Gerson par. 2. de natura, & qualitate conscientia, de conscientia Indiscreta pag. 169. column. 3. princ. docet, tres modos deponendi conscientiam erroneam, quorum tertius est humilis recursus ad Deum, ejusque Consilium per *humilem*, & *devotam*, & *frequentem Orationem*, ubi, & quando deest consilium humanum, juxta illud Sacrae Scripturae, cum ignoramus, quid agere debeamus, hoc solum habemus residui, ut oculos nostros dirigamus ad te. Qui autem alio modo conscientiam suam deponit, magna pericula incurrit. Igitur per Gersonem, quando deest humanum consilium, hoc est, quando nec per studium Librorum, nec per consultum Doctorem possumus deponere errorem, si conscientiam erroneam deponamus, antequam humili, devota, & frequenti *Oratione* Deum oraverimus, magna pericula incurrimus; & sic peccamus juxta qualitatem materiam.

75. Infra autem pag. 170. Column. 2.

princ. dicit, dari triplicem ignorantiam, scilicet *Impertinentiam* ad salutem, *Utilem* ad salutem, *necessariam* ad salutem. Subdit, *Ignorantiam Utilem* ad salutem de se non esse peccatum; *Ignorantiam necessariam* esse peccatum, si sit vincibilis. Assignans autem ea, quorum cognitio est necessaria ad salutem ait: *Symbolum Fidei*, *Decem Præcepta Decalogi*, *septem peccata mortalia*, & hujusmodi. Nota hunc terminum, *hujusmodi*, qui per ea, quæ norant *Barbosa* in tract. de dict. usufructum num. 138. *Tuscanus* tom. 2. litter. D. num. 287. & *Bertachinus* V. *Hujusmodi* cum *Glossa* in c. nemo de elect. in 6. V. *Hujusmodi*, & aliis pluribus, quos assert *Barbosa*, est vox *Relativa* præcedentium cum omnibus suis qualitatibus; unde ostendit ad oculum proximè præcedentia juxta *Menochium* consil. 86. num. 2. Hinc sequitur evidenter, cum in textu *Gersonis* præcedentia sint clara, & evidentiæ, quod ille *Terminus*, *Hujusmodi*, significet alia, quæ habeant etiam hanc qualitatem evidentiæ. Ergo per *Gersonem* scientia necessariorum ad salutem, est illorum, quæ sunt clara; Ergo obscurarum rerum cognitio non est necessaria ad salutem; & sic hæc ignorare non erit peccatum; Et sic nec tenebimur orare Deum pro illorum cognitione, quia *Oratio* solum est sub præcepto quoad ea, quæ sunt necessaria ad salutem.

76. Joannes Nider in consolat. Timor. Conscient. par. 2. cap. 3. ante dub. 2. scribit, quod *Perplexus*, si nesciat per se judicare, debet peritiores consulere, vel ubi deest humanum consilium, debet, se per orationem ad Deum convertere. In cap. 6. dub. 3. ait expressè, quod *Perplexitas* intellectiva faciendorum tollitur uno modo; scilicet, per *Spiritus Sanctum*. Et in cap. 8. docens ea, quæ quis debet facere, ut ignorantia de aliquo non imputetur, ponit quarto loco invocationem Dei per orationem Dei, & Sanctorum. Ex quibus videtur sequi per hunc Doctorem in dubiis esse orandum.

77. Ex alia parte cap. 4. dans exemplum de ignorantia juris vincibilis ait;

Bb 4

Cum

Cum Ul. in 2. distinct. 22. & in Summ. lib. 6. v. gr. *Si aliquis nesciret, furtum esse peccatum, vel aliquid huiusmodi.* Hinc ignorantia rei obscuræ non erit vincibilis; & sic nec culpabilis; Et sic in rebus obscuris non tenemur orare Deum. Præterea cap. 6. dub. 3. cum Lyrano 1. Joan. cap. 2. in tex. *Unctionem, quam accepistis à Deo, maneat in vobis,* ait, illam Unctionem Spiritus Sancti, per quam noscimus omnia, esse in nostra potestate. Hic quæro, an Nider velit significare, quod per orationem sit in nostra potestate cognitio rei obscuræ, in qua variant Sancti, & Doctores; Et hoc non, quia ipsa experientia Sanctorum, & Doctorum in his diversè opinantium evidenter oppositum demonstrat. Tum. 3. par. cap. 24. conclus. 4. clarè dicit, quod nemo tenetur scire, an facere talem rem sit peccatum mortale, ubi Doctores contraria opinantur. Tum quia illo cap. 6. part. 2. dub. 3. ubi dicit, perplexitatem faciendorum uno modo solvi, scilicet per Spiritum Sanctum, qui ex Joann. cap. 2. docebit nos omnia, glossat hunc textum cum Lyrano in eo loco, ut *ly omnia intelligatur de iis, quæ sunt ad salutem necessaria; Si enim natura non deficit in necessariis, multo minus Auctor natura.* Et subdit, quod frequenter reperiuntur aliqui simplices nutriti in campis clariùs videntes in iis, quæ sunt ad salutem necessaria, quàm illi, quibz quasi quotidie audiunt Sermones in Civitatibus Magnis. Certè hæc cognitio de necessariis ad salutem, quæ reperitur in his rusticis sapientibus, utique est de Fide, & de Præceptis in iis, in quibus adest clara explicatio; In rebus enim obscuris non cernitur hæc cognitio in ullo rustico, hedum in multis. Hinc patet, per Nider esse orandum pro cognitione rerum, quæ clarè sunt explicatæ, non verò pro cognitione rerum, in quibus Doctores variè opinantur.

78. Divus Antoninus, qui par. 1. tit. 3. cap. 10. §. 10. in compendium redegit, quæ fusiùs scribit Nider in suo Consolatorio Timorata Conscientiæ, juxta Vendrochium not. 1. in epist. 5. sect. 4. §.

11. vult, ad vitandos errores esse necessarium, quod quis se ad gratiam præparet, quantum potest; ut *sapientiam invocet per orationem*, ut Scripturas diligenter investiget. Ego Credo tamen, quod nobis contrarius non sit Sanctus Doctor; siquidem in eodem loco in princ. Exigit illas conditiones pro depositione conscientiæ *Scrupsulose, seu erroneæ.* Hic nota, quod accipit pro eodem *Scrupsulose, & erroneum*; Vel etiam, si accipiat pro diverso, adhuc non obstat nobis. Unde assero, pro depositione conscientiæ vel *Scrupsulose, vel Erroneæ*, esse Deum orandum, non tamen esse sub præcepto orandum in dubiis, idest in rebus obscuris, in quibus Doctores variè opinantur, ut nostra quæstio procedit. Lege ipsum Divum Antoninum 3. par. tit. 5. cap. 2. §. 9. ubi cum Divo Thoma asserit, nullum excusari, qui sequitur *erroneam* opinionem in pertinentibus ad Fidem, & bonos mores. Adhuc tamen excusat Augustinum, & Hieronymum opposita opinantes de observatione Legalium ante divulgationem Evangelii, & de simulatione Petri. Pariter excusat Doctores variè opinantes in materia paupertatis Christi ante decisionem Ecclesiæ. Non excusat verò illos post talem decisionem. Sic etiam non excusaret, qui his temporibus variè opinaretur de illa observatione Legalium, & simulatione. Aliam rationem hujus diversitatis assignari nequit, nisi quia illa opinio ante decisionem Ecclesiæ non erat erronea, postea verò est erronea. Igitur per Divum Antoninum, quando conscientia habet erroneam opinionem, idest opinionem, quæ est contra textum expressum Scripturæ, & Ecclesiæ, si non habet auxilium humanum, quærat Divinum media oratione. Huic propositioni libentissimè accedo, quæ tamen non est contraria nobis, ut patet.

79. Per Scrupsulosam etiam conscientiam Divus Antoninus non intelligit conscientiam opinantem; Nemo enim dicit, quod tenens opinionem rigidam de constitutis circumstantiis aggravantibus habeat conscientiam scrupsulosam; Nec enim

enim est scrupulus opinio validis argumentis vallata. Sed scrupulus per Divum Antoninum §. 9. ubi supra par. 1. est, *dum quis moveatur ex levibus conjecturis, seu mediis multum debilibus*. Hinc patet, scrupulum esse motum Animi ex levibus argumentis ortum; & quomvis ex sui natura possit esse tam pro materia rigida, quam pro benigna, hic tamen accipitur pro rigida. Et quia scrupulus est contemnendus, ideo debemus dicere, quod scrupulus sit contra veritatem clarum. Ex his omnibus ergo patet, Divum Antoninum velle esse orandum in dubiis, quæ insurgunt contra certam veritatem, quod concedo, non verò in iis, in quibus Doctores variè opinantur; Tractatores enim Catholici per D. Bonaventuram habent varias opiniones in multis materiis, sed in eodem conveniunt in assertionibus.

Nunc videmus, quid in hac materia dixerint Scholastici Antiqui. Non refero Parisiensem, nec volui legere, qui, si tenuit, ut retuli, nos debere orare ad habendam cognitionem factorum, multò magis hoc asseret de cognitione dubiorum Juris, cum Juris Ignorantia minùs excuset per Doctores. Legatur in tract. de leg. cap. 21.

80. Transivimus ergo ad Altisiodorensem. Hic in 3. tract. ult. cap. 1. agit de perplexitate, & ponit illam triplicem perplexitatem, quam habet Athesanus verbatim, scilicet perplexitatem Sacre Scripturæ, intelligentiæ faciendorum, & inevitabilitatis peccandi. Et ait, quod Prima solvitur per distinctionem multiplicis sive Amphibologiæ, & æquivocationis, vel per distinctionem temporis. Hic obiter nota contra Adversarios, in Sacra Scriptura dari sensum amphibologicum, & verba æquivoca. Secunda solvitur uno modo, scilicet per Spiritum Sanctum. Tertia dissolvitur per depositionem Erroneæ Conscientiæ.

81. In cap. 2. fin. proponit casum hominis perplexi in huncmodum. Sit aliquis iustus natus in Charitate dubitet, utrum voverit se intrare Claustrum. Itè dubitet, an peccet, si parentes suos di-

mittat in saculo pauperes, & multum indigentes: Videtur, quod sit perplexus, quia si intrat, dimittit parentes, sicut dictum est, de quo dubitat, an esset peccatum mortale. Ergo peccat mortaliter. Si non intrat, & dubitat se vovisse. Ergo peccat mortaliter. Solutio. Dicendum, quod casus iste impossibilis est in homine habente Charitatem; Si enim Charitatem habet, dubitare non potest de talibus, *quia in his unctio docet eum; unde dubitare non potest*. Hic Doctor recurrit ad Unionem Spiritus Sancti in casu, in quo naturaliter veritas est evidens. Nonne est certum, quod Filii tenentur alere patres pauperes, & multum indigentes? Ergo est evidens, quod Filius nequit vovere contra hanc obligationem naturalem. Ergo quamvis habens Charitatem certò fecerit votum intrandi Religionem, hic non debet adimplere tale irritum Votum; & multò magis non debet implere tale votum, quando dubitat illud fecisse. Pro certo habeo; quod nulla Familia Religiosa in hoc casu talem Filium reciperet. Ergo est signum, quod illud votum sit contra pietatem, quam Filius naturaliter Patri debet.

82. Ex his nescio, an hic Doctor velit, nos obligare ad orandum Spiritum Sanctum in dubiis ortis, quando nescimus, quid facere debeamus, dum Doctores variè opinantur. Hoc est certum, quod in illo capitulo secundo plures perplexitates solvit absque recurso ad orationem. Est certum pariter, quod in hac materia est multum scrupulosus; nam in fine cap. tertii quaerit, quid sit faciendum à Monacho, qui ex præcepto Abbatis deferens victualia in Abbatiam obvium habet aliquem in extremitate vite constitutum, qui ab ipso petit intuitu pietatis aliquid ad reservandum sibi. Si Monachus dat aliquid, videtur facere contra obedientiam, & contra Dominum, cuius sunt. Si non dat, ille moritur. Audi scrupulosam sententiam: *Non debet ei dare, sed exponere coram illo, & dicere, quod accipiat, quod sibi placet, quia non sunt sua*. Nihil refert

fert ad Dominum; quòd ego vel accipiam suos nummos, & alteri dem. Vel quòd exponam suos nummos coram altero, & illi dicam: *Accipe, quos vis, quia non sunt mei.* Posteriores Theologi non sunt adeo scrupulosi. Hinc Divus Thomas 2.2. quæst. 32. art. 8. ad 1. dicit, quòd in hoc casu *forte Monachus potest jurari*, ut Eleemosinam tribuat. Cum ergo in hac materia perplexitatis sit valde scrupulosus Altisiodorensis, ideo non est Magnæ Authoritatis in nostro puncto.

83. Irrefragabilis Alensis par. 2. quæst. 120. membr. 4. agit de perplexitate concientiar, & statim refert illam multiplicatam, quam habent Altisiodorensis, Aftianus, & alii relati, & secundam, quæ est *cognitionis faciendorum*, dicit, solvi necessario *Unctione Spiritus Sancti, quæ docet de omnibus.* In art. 1. docet, nullum debere esse perplexum perplexitatis juris, cum possit emoveri dubietas juris; Perplexitate verò facti aliquem posse esse perplexum ex proprio vitio. Si secundum Alensem quis potest à se omnem perplexitatem, seu dubietatem juris expellere, jam hoc fieri nequit sine oratione, quæ auxilium à Deo impetremus, cum sæpe occurrat, per vires nostras nos non posse tollere hanc dubietatem juris. Addit ibidem, quòd, si homo instanter peteret, prout deberet, non caderet in necessitatem inevitabiliter peccandi. Videtur ergo per Alensem, Deum esse orandum, dum sumus in dubiis, & perplexitatibus.

84. Sed contra, quia art. 3. casu 7. querit, an quis possit committere veniale, ut alter evitet mortale, & respondet: dicendum est secundum quosdam, quòd perfectus non debet venialia committere, ut alter evitet mortale, sed penam potest sustinere temporalem; *Imperfectus autem potest*; (id est potest venialia committere) Alii verò dicunt, quòd potest aliquis committere veniale, *etiam per se*, ut alius evitet mortale... videtur autem, quòd nulla tentio sit ad veniale peccatum, sed

potest esse tentio ad salvandum illum à mortali peccato, & si aliter non potest, per veniale. Et est aliud de salute spirituali, & de salute corporali ipsius proximi; Veniali enim non debetur, nisi pena Corporalis, (corrigere Temporalis) dum homo existit in Charitate. Ego credo pro certo, quòd Alensis concedat, etiam Virum perfectum, posse peccatum veniale committere, ne alter mortaliter peccet. Dubius autem sum, an teneat, ad hoc obligari, quòd ad præsens nihil refert. Ecce Alensis potius per veniale vult succurrere proximi salutem, quàm per orationes venire in cognitionem illius dubii, an liceat veniale committere pro salute spirituali proximi. Credebatur ergo, hæc dubia orationibus superari non debere.

85. Sic etiam in illo Articulo, & in præcedenti ponit plures casus, in quibus homo potest esse dubius, & perplexus, & illos solvit absque recursum ad orationes; In articulo tamen antecedenti in solutione casus quarti ait, quòd Beatus Hilarion motus fuerit ad inviscendam ejusdem matronæ filiam infirmam ex *unctione Spiritus Sancti*, cum tamen esset dubius, an posset ire, cum haberet votum manendi in Eremito. Sed non facit pro Adversario, quia B. Hilarion non erat dubius, an posset invisere &c. ex diversitate opinionum, ut quæstio procedit, sed erat certus non posse invisere; & propter hoc nolebat invisere; Non enim erat sufficiens motivum probabiliter judicandi, votum non obligare in casu de infirmitate illius Filie. Illa ergo Unctio Spiritus Sancti, quæ movit Beatum Eremitam, fuit specialis illustratio, & Privilegium, ut posset invisere infirmam, quam secundum regulas non poterat. Si autem est Privilegium non est trahendum in consequentiam juxta regulam Canonicam in 6. cap. 28 & 74.

86. Fateor, me non posse capere, quid Alensis, & alii Antiqui intelligant per *perplexitatem faciendorum*, quæ tollitur uno modo, scilicet *Unctione S. spiritus*



Spiritus Sancti docet de omnibus, quæ sunt necessaria ad salutem. Hæc autem non sunt illa, in quibus Sancti, & Doctores variè opinantur, sed quæ fides docet, & præcepta clarè jubent. Hinc nobis non opponitur.

92. Ex his colligitur, per Doctores Antiquos esse quidem orandum pro cognitione illorum, quæ sunt necessaria ad salutem; & sic ad Symbolum, Præcepta Decalogi, & alia præcepta Divina scienda; Quia autem dubia in materia obscura non sunt necessaria ad salutem, aliter enim Doctores, & Sancti, qui opinionem falsam docerent, essent in statu damnationis; Idèd pro solutione horum dubiorum non est de necessitate orandum. Hinc sequendo Regulas Antiquorum, si asserantur Scripturæ, in quibus asseritur esse orandum, vel explicandæ erunt, non loqui *præceptorie*, sed *consultorie*; Vel si *præceptorie*, loqui in subiecta materia, ut dicebat Major, non v. r. o universaliter pro omni dubio. Hinc constat Vendrochium loqui in hoc puncto desitutum Auctoritate Doctorum Antiquorum.

## C A P U T XXXII.

*Alia objecta contra æqualem Probabilitatem solvuntur.*

1. Scripserunt contra Probabilitatem his postremis temporibus Pater Tyrus Gonzalez Generalis Societatis Jesu, P. Natalis Alexandri ex Dominicana Familia, P. Franc Antonius Fogarinus ex Minor Conventualib, & Pater Cajetanus Verani ex Clericis Regularibus, vulgò Theatinis. Aliqua fundamenta horum præcipuè solvam, quia illos libenter lego, eo quòd argumentis utantur solum, non vociferationibus, & contumeliis.

2. Igitur Pater Gonzalez dissert. 7 diffusè probat, nos non posse licitè sequi opinionem benignam æquè probabilem cum altera opposita rigida. In pri-

mis septem. §. 6. probat hanc conclusionem, quia intellectus physicè nequit asseferri alterutræ parti; dum ad sunt motiva equaliter moventia ad utranque partem. De hoc puncto satis diffusè egit cap. 4. §. 6 & alibi. Interim peto à Patre Gonzalez, ut salvet illam regulam Antiquorum. *Opinionem benigniorem, cæteris paribus, esse amplectendam in præceptis Dei, & Ecclesiæ.* Peto etiam, ut salvet, quomodo Divus Thomas potnerit, sustinere utranque partem in pluribus difficultatibus speculativis, & præcipuè de creatione Mundi. Volo etià, ut salvet alios Antiquos, qui clarè, saltem in speculativis, sustinent, ut vidimus, utranque partem. Nunquid utraque pars sustineri potest, ut dicebam, sine assensu intellectivo? Vel in speculativis plus potest physicè voluntas determinare intellectum, quàm in practicis? Si ego non erro, iudico certum, juxta Antiquos voluntatem posse flectere physicè intellectum existentem inter motiva æqualia, & hoc saltem probant textus clari, & expressi Richardi, & aliorum dicentium: *Qui vult tenere primam opinionem &c. Qui vult tenere secundam opinionem &c.*

3. In §. 8. num 34. dicit, opinionem humanam esse solum regulam secundariam nostrarum operationem ex D. Thom. 1.2. quæst. 19. art. 4. unde solum est bona regula, inquantum conformatur cum prima, quæ est lex æterna; quando autem utraque opinio apparet æquè probabilis, tunc opinio favens libertati tam apparet conformis, quàm difformis, quia apparet ut indifferens ad veritatem, ac falsitatem; sicut enim horologium, quod est indifferens, ut conformetur, vel contrarietur horologio solari, & respectu cuius est merè casuale, quòd conformetur, non est bonum horologium; ita opinio, quæ in conceptu Operantis est indifferens ad conformitatem, & contrarietatem cum prima regula, & cui est merè casuale in conceptu Operantis, quòd conformetur, non est bona regula respectu Operantis. Quare, usque dum operans libi

persuadeat illam opinionem esse veram, nequit respectu ipsius esse bona; vel saltem usque dum cognoscat, magis se habere ad verum, quam ad falsum; modo nimirum proportionato, ut ei possit prudenter assentire. Confirmat num. 56. Opinio humana est bona, inquantum est derivata à lumine Divino; sed opinio falsa, & erronea non derivatur à lumine Divino; ergo opinio, quæ respectu operanti est indifferens ad verum, & ad falsum utpotè erronea, & falsa, non est bona regula. Ergo, ut opinio sit bona regula, debet saltem in æstimatione operantis apparere vera.

4. Si exemplum horologii est bonum, probat, nec etiam opinionem probabilior, in se falsam, esse bonam regulam, quod est contra Patrem Gonzalez. Sequella probatur, quia horologium artificiale nunquam est bonum, licet per opinionem bonum appareat, nisi à parte rei actu conformetur cum Solari. Hoc exemplum est ejusdem rationis cum exemplo de Libra habente æquale pondus in lancibus, de homine æqualiter impulsio in utranque partem, & similiter, quæ alibi soluta sunt evidenter. Præterea hoc argumentum probat, nos non posse defendere partem rigidam in nostro casu; si enim opinio æquè probabilis est falsa, erronea, indifferens ad verum, & falsum; ergo nec etiam rigidam possumus defendere, quia intellectus nequit assentire nisi vero. Tum quia videtur, non posse negari, saltem in scholis, posse nostri quamlibet partem in hoc casu. Tum quia quo fundamento dicitur, opinionem, quæ est indifferens ad verum, & ad falsum, esse erroneam? Nunquid erroneum potest esse verum? Hoc certè est contra omnes, qui per *erroneam* intelligunt propositionem contrariam certæ veritati; & D. Thomas quodl. 3. art. 10. dicebat, neminem posse excusari, qui sequitur *erroneam opinionem Magistrorum*.

5. Respondetur igitur, ad bonam regulam secundariam non esse necesse, quod ex parte objecti detur conformitas cum prima; aliter ignorantia invincibi-

lis, & opinio Divi Thomæ, Scoti, & aliorum Antiquorum non excusarent, si ex parte objecti talis conformitas non daretur. Nego verò, quod opinio æqualiter probabilis sit indifferens ad conformitatem, & contrarietatem ad legem æternam; est enim formaliter conformis, licet possit aliter se habere, & forsitan ex parte objecti actu sit disconformis. Hæc Doctrina est omnino concedenda ab Adversariis, ne cogantur asserere, Antiquos falsum sustinuisse dum dabant licentiam, ex pluribus opinionibus sequi *quam voluissimus*, præcipue verò est concedenda, ne dicamus, Angelicum Præceptorem falsum defendisse, dum utranque opinionem in speculativis propugnavit. Pater Gonzalez est versatissimus in D. Thoma, quem toties allegat; unde impossibile est, quod non viderit textus in quibus utranque opinionem docet; Si verò vidit, quomodo potuit dicere, æqualem opinionem esse erroneam, falsam, indifferentem ad verum, & falsum? Nunquid D. Thomas defendit opinionem erroneam, falsam, indifferentem ad verum, & falsum? Nec juvat dicere, D. Thomam loqui in materia speculativa; nam etiam est absurdum dicere, quod Sanctus Doctor tales opiniones defenderit. Ad exemplum de horologio jam dixi supra. Ex his patet responsio ad confirmationem.

6. In §. 9. Afferit illam famosam regulam, de qua sæpius egi, *in dubiis tutior pars est eligenda*, & subdit, in nostro casu necessario intellectum suspendere assensum, & neutri parti adherere; certum est autem, tunc propriè intellectum dubitare. Sed ibi nihil afferit, quo probet, intellectum neutri parti assentire, de quo puncto est difficultas; probat autem efficaciter, quod dato tali dubio, idest dato, quod intellectus nullum habeat assensum, voluntas peccet faciendo rem, quam docet opinio benigna. De hoc nulla est difficultas, & est certum principium, & est formaliter ipsa regula: *In dubiis tutior pars est eligenda*. In fine illius §. refert textum D. Augustini, dicentis: *In causa salutis hoc ipso quis pec-*

peccat, quod certis incerta proponat: Efficere id, quod incertum est, an sit peccatum, certum peccatum est. Alibi aliquid dixi circa hosce textus, sed diffusius respondebimus, cum de opinione minus probabilis agemus.

7. In §. 10. Probat, dubium speculative non distingui à dubio practico; unde, qui dubius est in universali, an liceat pingere in die festo, dubius etiam est, an in hoc die liceat pingere, nisi aliqua ratio, inquit num. 61. fin. Specialis iudicium practicum ab speculativo variare cogat, iudicando hic, & nunc licitum, quod in communi iudicatur illicitum, aut de eo dubitatur. Ego quoque non dubito, si in speculatione omnia sint cognita, & intellectus dubitet, quod dubitabit etiam in practicis, hoc est in particulari, ut patet in illo exemplo de pictura facienda in die festo. Sed hæc Doctrina nihil est contra n.e. Subdo tamen intellectum non esse dubium, dum est inter opiniones probabiles, si accedat imperium voluntatis. Qui vult tenere primam opinionem: qui vult tenere secundam opinionem. Elige quam volueris. Verba expressa Richardi, & aliorum Antiquorum. Vide caput antecedens num. 32. 35 & seqq. & num. 43. & seqq.

8. In §. 11. Probat contra Moyam, non dari ignorantiam invincibilem, dum sumus inter opiniones æqualiter probabiles. Dicebat Moya. Dubium, quod facta diligentia sufficienti vincere non potest, ignorantiam invincibilem constituit. Ergo, qui post sufficientem diligentiam ad inquirendam veritatem de existentia præcepti naturalis, vel divini, vel humani dubius adhuc manet, nequit operando delinquere, quia ignorantiam invincibilem excusare à peccato, fide Sanctum est. Gonzalez instat, quod, si hoc esset verum, non peccaret ille, qui facta diligentia ad inquirendam veritatem de præcepto non pingendi in die festo dubius adhuc manet propter occursum opinionum contrariarum æque sibi probabiliū; non peccaret, inquam, quamvis immediate post illam dubitationem non interposito dictamine reflexivo, prodiret in actionem. Sequellam pro-

bat, quis operari immediate post ignorantiam invincibilem de malitia operantis est operari sine peccato.

9. Vidimus supra, illam esse ignorantiam invincibilem juxta Antiquos, quæ studio superari non potest. Vendrochius addebatur huic definitioni illam particulam, & oratione. Hæc additio pro nunc nihil prodest, aut obest; nam loquimur de eo, qui facta sufficienti diligentia dubium vincere nequit. Ergo juxta Antiquos, qui posito studio sibi possibili ignorantiam tollere nequit, hic habet ignorantiam invincibilem. Ego fateor, me nescire definire aliter ignorantiam invincibilem. Est omnino certum, quod, si dubitans operetur cum dubio, peccet, quia se exponit periculo proximo transgrediendi legem, dum operatur ex cognitione, quæ formaliter importat utranque partem contradictionis, sicut est dubium, ut vidimus cap. 6. & sic importat cognitionem dicentem præceptum; ergo operatio facta ex hac cognitione, si non sit conformis præcepto, erit mala. Subdo, habens motiva gravia æqualiter moventia ad utranque partem potest se determinare ad partem benignam ex voluntate juxta Richardum, & alios Antiquos. Vel ex benignitate juxta D. Antoninum, Nider & alios Antiquos allegatos cap. 31. Vide cap. 6. num. 41. 42. 46. & 47. Concedo equidem, quod opinio æque probabilis sit incerta; at incertitudo in cognitione directa non obstat, ut operemur rectè; quia etiam opinio probabilior est incerta; & tamen per Gonzalez opinio probabilior est bona regula morum.

10. In §. 12. Probat illud axioma: In dubius melior est conditio possidentis, valere solum in materia iustitiæ; hinc In §. 13. infert, dubitantem de voto subiacere voto, nec ex titulo suæ libertatis habitæ ante tale dubium posse eximi à voto. Probat suam sententiam num. 69. quia aliter dicendo sequitur, dubium de homicidio non debere se gerere ut irregularem, quia melior est conditio libertatis. Hoc autem est apertè contra. c. ad audientiam de homicid. & alia jura. Nec juvat



juvat dicere, ideo esse irregularem, quia ita Pontifex statuerit; nam Pontifex in illis textibus non præcipit noviter, ut tutior pars eligatur, sed potius supponens regulam illam tanquam veram, colligit ex ea, in eo casu censendum esse irregularem eum, qui dubitat, an occiderit.

11. Hanc doctrinam, quatenus dicit universaliter, dubium de irregularitate debere censi irregularem, puto esse contra Scotum, quem attuli cap. 16. num. 10. ubi ait ex 4. dist. 6. quæst. 8. *Universaliter pena canonica non incurritur, nisi a laïco canonis infirmitas*; ubi ergo non invenitur ex vi verborum infirmitas, tunc simpliciter est dicendum, quod nulla est; non enim verba constitutionum penalem sunt amplianda, sed restringenda juxta illam maximam juris, *odia restringi*, &c. Certè illa verba: ubi ergo non invenitur ex vi verborum infirmitas, significant certitudinem rei; quod enim significatur ex vi verborum, est clarum, & manifestum; & sic est certum. Tum quia, quod significatur ex vi verborum, non est dubium; verba enim sunt instituta ad significandum clarè, & expressè conceptus rerum.

12. Confirmatur. Ibidem Scotus negat, bis baptizatum ignoranter ignorantia facti esse irregularem, quamvis in C. qui bis de consecr. dist. 4. expressè dicatur; talem non posse ordinari. Respondens autem huic textui dicit, esse Theodori Episcopi Cantuariensis, qui non poterat infligere irregularitatem; & licet ponatur in Decreto Gratiani, nihil obstat, quia debuisset, ut tale Decretum obligaret, esse confirmatum à Papa, quod non est manifestum; nec etiam eo modo, quo est manifestum de omnibus capitulis positus in Decretalibus. Ecce, ut aliqua regula evadat lex Ecclesiastica, Scotus requirit, ut manifestè confirmetur à Papa, ut est manifestum de omnibus capitulis positus in Decretalibus. Ergo juxta Scotum ad incurrendam irregularitatem requiritur, ut fiat actio, quæ sit contra textum manifestè approbatum à Papa. Ergo quoties est dubium,

an in hoc casu detur lex, tunc debemus, juxta maximam Scoti negare existentiam Legis. Lege cap. 16. num. 19. & cap. 30. num. 21. Quia dixi de irregularitate, dices de Confessione, & de aliis præceptis Ecclesiæ.

13. Hinc colliges, juxta Scotum in dubio facti homicidii hominem censei irregularem, quia ita statuit Pontifex de novo, non verò ex vi legis antiquæ de irregularitate incurrendæ propter homicidium perpetratum. Ratio est, quia ut dicebat ipse, *Odia sunt restringenda*; unde constitutiones penales specialiter sunt restringendæ. Ergo debet assignari casus, in quo specialiter Lex penalis non habeat locum, in quo aliàs lex non penalis haberet locum; Ego autem non video posse assignari hunc specialem casum, nisi in dubio. Hinc in 4. dist. 7. quæst. 9. ut retuli cap. 16. num. 12. dixit Scotus: *Universaliter nulla pena canonica, quæ non est infirmitas à Papa condente ejus, non incurritur ipso jure*. Nec propter argumenta exponentium canones sive à simili, sive à contrario sensu est aliquis talis casus aliter, quia possunt exponere jus conditum, non autem condere novum per suas expositiones.... cum ergo non invenitur in jure canonico expressè pena irregularitatis infirmitas pro iteratione confirmationis, sequitur, quod non incurritur. Ita Doctor Subtilis verbatim. Ego subsumo: sed quando est dubium, an hic casus subiaceat irregularitati, tunc non est expressè pena irregularitatis infirmitas: ergo tunc pena irregularitatis non incurritur. Ergo, nisi Pontifex expressè statueret, dubium facti homicidii incurere in irregularitatem, hic dubius non incurreret irregularitatem. Hæc quoque Doctrina est juxta D. Thomam, qui dixit non esse vitandum illum excommunicationem, de quo Doctores variant in opinionibus, nisi accedat sententia Judicis. De hac Doctrina alibi dixi.

14. In eodem §. 12. num. 71. & 72. dicit, possessionem in materia justitiæ augere jus, quia, nisi ita dicamus, nemo esset securus de pacifica possessione rerum. Libertas nostra è contra nequit esse

esse titulus ad censendum non esse legem latam à Deo, quia, cum homine ratione suæ libertatis essentialiter sit subditus Deo, nequit titulus libertatis quicquam conducere ad iudicandum, non existere legem prohibentem illam actionem. Quare titulus libertatis non deservit ad resolvendum dubium, an res sit, vel non sit prohibita; titulus autem possessionis rei facit ad resolvendum dubium illud, cuius sit, vel ad quem pertineat majoratus, &c. Hinc Author nu. 13. subdit, quodd, si tam jus ad rem, quam ipsa possessio sint dubia, tunc nequit res integra uni iudicari, & hoc probat autoritate Lessii, Lugo, & aliorum Recentiorum, sed debet dari unicuique sua pars.

15. Sed contra, quia Doctor non bene probat, Libertatem non esse titulum deponendi dubium ex eo, quia Libertas sit essentialiter subdita Deo; nam ex hac ratione sequitur solum, quodd possit subijci legi Divinæ, & data Legge Divina, quodd teneatur ipsa obedire. Titulus ergo libertatis, quam quis certe habebat ante dubium faciendi hanc rem, prout sibi libebat, debet esse sufficiens ad deponendum dubium superveniens. Ad illud, quodd additur de possessione dubia, patet, si res sit indivisibilis, ut majoratus, Regnum, & similia, non posse fieri divisionem. Vide cap. 30. num. 18. Tum quia, si res dividatur, certum est, ex parte objecti fieri contra jus tertiarum Personarum; E contra, si tota integrè uni tribuatur, non est certum fieri contra tale jus; minus autem malum est facere illud, quodd dubie est contra jus, quàm facere illud, quodd est contra jus certum.

16. Dicebam, titulum certum, quem quis habet ante dubium, faciendi rem, prout libet, esse sufficientem ad tollendum dubium superveniens, & hoc explico in dubio voti, & similibus casibus. Dico ergo, dubitantem, an emisserit votum, non teneri ad votum. Ratio est, quia in c. ex parte de cens. deciditur, quodd, si non constet de voto alienius mensuræ, & habitatores Re-

gionis modo solverunt majorem mensuram, modo minorem, tunc solventes minorem, non sunt cogendi ad majorem solvendam, quoniam, cum huiusmodi vota gratuita fuerint ab initio, benignius sunt à viris Ecclesiasticis exigenda. Ecce dubius de voto quoad majorem quantitatem non cogitur ad ipsam solvendam. Glossa infiguratione casus dicit: in dubiis liberum est sequi, quodd magis placuerit magnum, vel parvum. Vide cap. 21. num. 29. ubi assero casum similem in Legato dubio. Confirmatur. Per Adversarios dubitantes de voto debet tutiorem partem eligere; nec libertas est sufficiens deponendi dubium; sed in illo casu deciso ille erat dubius, an emisserit votum de mensura majori; ergo ille debebatolvere mensuram majorem, nec sufficiebat libertas ad illum exonerandum; ergo si per libertatem liberatus est; jam libertas est sufficiens ad dubium tollendum.

17. Dices, tolli dubium non ratione libertatis, sed quia præsumitur, non se voluisse magis se gravare. Sed contra evidenter. Ergo ex libertate voluntatis sumitur obligatio. Ergo, si non adest præsumptio se obligandi, Libertas non obligatur; sed in dubio de voto non est talis præsumptio, ut patet; ergo, &c. Probatur minor, quia sic in casu deciso à canone ad fuisse præsumptio de majori quantitate.

18. Dices iterum. In illo capite absolvitur à dubio quoad quantitatem, non verò quoad substantiam voti; imò hæc præcipitur, ut solvatur; nos autem loquimur de dubio ipsius voti quoad substantiam.

Sed contra, quia præcipitur solutio voti quoad substantiam, quia erat votum certum; & non præcipitur solutio quoad quantitatem, quia erat dubium. Quodd verò dubium sit quoad substantiam actus, vel quoad quantitatem, impertinenter se habet quoad rationem formalem dubii, quodd sistit in suspensione intellectus quoad iudicium utriusque partis; & in rei veritate nequit negari, dari dubium propriè sumptum

quoad quantitatem operis, licet detur certitudo quoad substantiam, & hoc dubium puto intervenire in allato capite.

19. Dices tertio. Illud capitulum sumatur in rubro, & apud Doctores sic, ut patet per Joannem Andream, Ancharanum, Butrio, & Abbatem: *Si ad unicam mensuram solvi solet, quod debetur ex voto, ad illam imposterum solvi debebit; si vero ad varias, liberabitur voluens etiam ad minores.* In hac summa nihil dicitur de dubio. Ergo capitulum non est ad propositum.

Sed contra, quia habitatores illius Regionis solvebant modo majorem modo minorem mensuram, & ipsis non constabat, quam mensuram Antiqui voto promiserunt; ipsis vero non constabat, quia longis temporibus celsarunt à solutione. Ecce clarè dubium de quantitate rei promissæ per votum; & ecce clarè, quod solvitur certum, & incertum relinquitur insolutum. Ergo dubium de voto non tenetur voto. Vide citatos Doctores in hoc capitulum, & præcipue Abbatem, qui num 5. sic scribit: *Isti voverunt dare, puta unum sextarium frumenti, sed non apparebat de quo sextario fuisset intellectum, unde dandum medium, (nempe modicum frumentum) non contigeret liberari, quia saltem valebat oblatio secundum sextarium minorem.*

20. In fine illius §. 13. Pater Gonzalez scribit: Quamvis autem quis ob rationem nuper allatam posset tueri *in dubio voti, & præcepti* humani non dari obligationem observandi præceptum, & adimplendi votum, non posset similis ratio ad dubium juris naturalis, & præcepti Divini transferri; nunquam enim habuit homo indubitatam libertatem ad exercendam impune, & sine peccato actionem illam, de qua prudenter dubitatur, an sit intrinsecè mala, & jure naturali prohibita.

21. Sed contra, quia dicebamus ex Nider, Deum esse magis benigniorem Legislatorem, quam homines; unde ex hoc inferebamus cum ipso in præ-

ceptis Dei esse sequendas opiniones benigniores, quàm in præceptis humanis. Tum quia falsum est, nos non habuisse hanc libertatem quoad præcepta Divina; quia Lex Divina superadditur naturæ, & natura potest esse sine ipsa. Ad summum valeret de dubio in jure naturali. Vide cap. 21. num.

22. In §. 14. Impugnat Probabilistas illos dicentes, in dubio nos non teneri ad legem, quia non est sufficienter promulgata; impugnat verò num 81. quia, si hoc est verum, sequitur, non peccaturum illum, qui supposito hoc dubio, & non formato judicio reflexo, quo judicetur hic, & tunc sibi licere operationem, operaretur. Sequella probatur, quia juxta hanc responsum nulla datur lex; & sic nulla obligatio; ergo operans cum tali dubio non peccat.

23. Sed contra evidenter. Si quis habet dubium, an in hoc die martis adsit Lex de jejunio, si aliàs supponeremus, talem legem non adesse, adhuc peccaret non jejunans; & tamen supponimus; à parte rei non dari legem de jejunio. Præterea per Patrem Gonzalez licet se, qui in praxi opinionem probabiliorum; unde per ipsum in illo casu nulla datur lex sequendi opinionem rigidam. Quæro, si non haberet operans aliud iudicium reflexum, quo judicaret certò, sibi licere uti in re obscura opinione probabilis, non ne operaretur ex cognitione formaliter periculosa, & incerta; & sic peccaret? Certè hoc negari nequit; & tamen habens opinionem probabiliorum non habet præceptum operandi juxta opinionem rigidam.

24. Respondetur igitur ad argumentum, ut operatio sit bona, non sufficit, quod à parte non adsit lex; sed oportet, quod appareat voluntati, non adesse talem legem: quia regula proxima humanorum actuum est cognitio, ut dicebamus alibi cum D. Thoma, & cæteris Theologis. Habens dubium de existentia legis non habet legem ex parte objecti, ut tamen operatio sit bona, oportet, quod intellectus reflectat, & faciat iudicium, in tali dubio non adesse legem;

gem; sicut habens opinionem probabiliorē nullam habet legem sequendi partem rigidam. Adhuc tamen, ut bene operetur, debet formare iudicium certum, quod liceat nunc operari.

25. In §. 15. ait num. 80. quod dato etiam, quod voluntas posset flectere intellectum existentem inter motiva æqualiter probabilia, adhuc tale imperium non elset prudens, quia voluntariē se exponeret periculo agendi contra legem Dei, cum videret partem rigidam esse æquē probabilem, ac pars benigna; unde prudentia nullum haberet motivum præferendi unam alteri. Ergo nullam præferre potest; atque adeo intellectus remanebit dubius.

Sed contra, retorqueo argumentum. Potest saltem in scholis defendere partem benignam, & ad ipsam se determinare. Inquiri, an illa iudicetur vera, vel falsa; non utique falsa, quia falsum nequit approbari, & defendi. Ergo erit vera. Si erit vera; ergo erit etiam bona regula; cum veritas in re morali sit bona regula morum.

26. Respondetur ad argumentum ex dictis cap. 6. num. 48. nullum esse peccatum; quod voluntas inperet intellectui, ut solvat rationes opiniones rigide, & hunc modum procedendi Antiqui passim usurparunt, præcipuē magnus Richardus. Solutis rationibus tunc intellectus est liber adhærendi opinioni benignæ; nec tunc adest periculum proximum, & formale faciendi contra legem, sed tantum materiale, & remotum; nam pars rigida non iudicatur actū vera, cum fixæ rationes sint solutæ; hinc Durandus etiam videns quandam opinionem esse *multum duram*, licet probabilem, illam relinquit amplectendo benignam, & solvendo rationes opinionis probabilis *multum dure*.

27. Subdit num. 91. licet ex imperio voluntatis in nostro casu intellectus flecteretur ad unam partem, hic assensus elset nimium debilis, & parum firmus, & magis suspicio quædam, quàm verum, & determinatum iudicium, quale requiritur ad securitatem conscientie.

Sed contra, quia suspicio tenetur *seu signo*, in suo loco dicebam cum D. Thoma; in nostro autem casu non *seu signo*, sed gravi impellor ad assensum, & est adeo grave, ut magnus Richardus, & alii Antiqui dicerent: *Qui vult tenere primam opinionem. Qui vult tenere secundam opinionem, &c.*

28. In §. 16. assert ex Sylvestro definitionem dubii, quod sit *contrariarum rationum æqualitas*, & ait, hanc definitionem esse juxta mentem Philosophi, & D. Thomæ. Sed alibi vidimus, Aristotelem rejicere illam definitionem ut malam. Divum verò Thomam, videbimus mox, recognoscere, dari dubium absque æqualitate contrariarum rationum.

29. In §. 17. rejicit divisionem dubii, quam communiter amplectuntur moderni; in dubium scilicet positivum, & negativum. Dicit, non posse appellari dubium negativum illud, quod pro neutra parte habet rationes, sed potius esse appellandam nescientiam, & ignorantiam; *Ego enim modo non dubito, an astra sint paria, nec, an Turca saltet, vel dormiat, quia pro neutra parte occurrit miratio, sed penitus nescio, & ignoro.* Et interrogatus, sintne Astra paria? Respondere debeo: *Nescio*, & inceptē responderem: *Dubito*, quia, si ita responderem, statim posset aliquis interrogare: *Quam rationem habes dubitandi?* De hoc diffusè egi contra Vendrochium cap. 6. num. 8. & seqq.

30. Hæc Doctrina est apertè contra D. Thomam de Verit. quest. 14. art. 1. & attuli cap. 6. num. 4. & mox referam. Ad illam interrogationem, possum respondere per verbum, *Nescio*, quia hoc significat & carentiam cognitionis certæ, & cognitionis compositæ, scilicet Judicii; & in hoc casu verè careo cognitione certa, & cognitione composita, quia nullum actum Judicii habeo. Potest etiam aptè respondere illi interrogationi per verbum, *Dubito*, nam D. Thomas loco allegato dicebat: *Quandoque intellectus non inclinatur magis ad unum, quàm ad aliud, vel propter defectum moven-*  
tium

tium, sicut in illis problematicis, de quibus rationes non habemus, vel propter apparentem aequalitatem eorum, quæ movent ad utramque partem, & ista est dubitantis dispositio. Textus clarus, apertus, & ineluctabilis. Ad illam instantiam respondetur rectè: *Nulam habeo*, quia ex duplici capite ex D. Thoma potest quis dubitare. Primum caput est defectus moventium. Ergo in nostro casu de Astris per D. Thomam dubitamus.

31. Quando Pater Gonzalez subdit, quod, si dubium positivum tale diceretur a rationibus probabilibus, quæ occurrunt pro utraque parte, sic enim omne dubium negativum erit simul positivum, & coincident in unum utrumque divisionis extremum.

32. Respondetur, illam divisionem dubii in positivum, & negativum, non esse essentialem, sed accidentalem; unde est divisio penes diversa connotata, & est similis illi divisioni de deficientia formæ; si enim sit in subiecto apto, vocatur *Carentia*; si sit in subiecto incapaci, dicitur pura *Negatio*; Utraque deficientia formaliter est eadem, & est diversa penes connotata. Sic accidit de illa divisione Dubii. Hinc Probabilistæ dicunt, dubium positivum non esse propriè dubium. In rei veritate, ut dixi cap.6 num.62. Dubium propriè, & formaliter consistit in suspensione iudicii ad utramque partem. Hinc formaliter est quid negativum.

33. Tandem in §. 18. totus est in probando, *utramque partem contradictionis non posse esse simul probabilem eidem intellectui*. Num.102. asserit paritatem de testibus; Si tres testes jurent, se vidisse Petrum Romæ, & alii tres testes jurent, Petrum illo tempore fuisse Parisiis; tunc res est dubia. Ergo etiam, si tres Doctores affirmant, contractum A. esse licitum, & alii tres asserant, esse illicitum, res erit dubia, & nulla pars mihi probabilis debet esse Respondetur, disparitatem esse, ut alibi dixi, quia in testibus non potest solvi eorum auctoritas in ordine ad unam partem, & non

solvi in ordine ad aliam. Vide cap.6 num.51. E contra in Authoribus potest solvi una pars, alia remanente in suo robore. Hinc Richardus, & alii Antiqui in ordine ad plures opiniones dicebant: *Qui vult tenere primam opinionem &c. Qui vult tenere secundam opinionem &c.*

34. Num.104. scribit: Sicut mihi evidens est, alterum è duobus contradictoria narrantibus ut à se visa, mentiri; ita mihi evidens est, alterum è duobus Doctoribus contraria asserentibus decipi; autoritas autem non minùs tollitur per deceptionem, quàm per mendacium; *sicut enim dignus fide non est apud me ille, quem scio mentiri in eo, quod affirmat; Ita dignus fide non est apud me ille, quem scio decipi in eo, quod asserit.*

35. Si paritas inter Doctores, & Testes currit, sequitur, quod ille, qui credit esse æquales in auctoritate D. Thomam, & D. Bonaventuram, non posset tenere conclusionem speculativam, quam docet D. Thomas motus ex sola ejus auctoritate; sic enim mendacium diceret, cum intellectus non haberet pro vera illam opinionem. Per allatam disparitatem eruitur responsio ad argumentum; assignatur enim eadem disparitas. Si ergo auctoritas Doctorum contraria asserentibus fundaretur in unica eadem ratione, sicut fundatur auctoritas Testium contraria narrantium, tunc paritas Doctorum, & Testium curreret; at res ita non se habet; cum enim, ut dicebam, auctoritas Doctorum fundetur in suis rationibus, & rationes sint diversæ; hinc alia est auctoritas D. Thomæ, alia D. Bonaventuræ; sic solutis rationibus D. Thomæ solvitur quoque ejus auctoritas, cum fundetur in illis; E contra non solvitur auctoritas D. Bonaventuræ, imo magis roboratur, cum roborentur ejus rationes, quæ impetebantur à rationibus D. Thomæ. Hinc Richardus, & alii volentes ex pluribus aequalibus opinionibus alterutram iustinare, alterutris rationes solvebant: *Qui vult tenere primam opinionem, potest respondere ad argumenta opposita, &c. Qui vult tenere secundam opinionem, potest*

potest respondere ad objecta, &c.

36. Ego peto à Patre Gonzalez, si respectu eidem intellectui utraque pars simul probabilis apparere nequit, quomodo D. Thomas potuerit sustinere utranque opinionem in materia de creatione Mundi, D. Bonaventura dicere, opinionem utranque esse satis sustinibilem, & Assensum affirmare, utranque sententiam esse tolerabilem.

Hic Author in prædictis locis plurima alia assertit contra nostram conclusionem, quæ tamen brevitate gratia, omitto, & ex his posunt faciliè solvi.

37. Nunc transiamus ad Patrem Natalem Alexandri, Doctorem famosum, & celebrem ob notitiam tum Historiæ Ecclesiasticæ, tum Theologiæ Dogmaticæ, & Moralis, celebriorem futurum apud Italos, si sententiam de superioritate Concilii supra Papam non propugnasset.

38. Igitur hic Doctor in tract. de peccatis reg. 19. tenet, æqualem probabilitatem non esse bonam regulam morum. Probat ex D. Bernardo lib. 5. de consid. cap. 3. quem expendi cap. 2. num. 5. ibi illud lege. Relato textu subdit Author. Cum igitur homo, qui dubius est in questione mores tangente, in qua salutis periculum vertitur, tutiorem sequi teneatur ex præcepto, rectè colligitur in ea hypotbesi, quæ utraque opinio iudicatur æque probabilis, tutiorem necessario esse eligendam.

39. Fateor ignorantiam meam, salva reverentia, textum Beati Bernardi nihil probare. Nihil officit, quod opinio mihi certi habeat. Opiniones quoque Scoti, & D. Thomæ oppositæ nihil certi habent, ne dicamus alterutrum fuisse Cæcum; & tamen non per hoc illæ opiniones sunt reiiciendæ. Opinio probabilior pariter nullo modo est certa; & tamen illam sequitur Author. Tum quia D. Bernardus loquitur de opinione, non de duabus æqualibus opinionibus; Ergo, si textus probat aliquid, probat etiam de qualibet opinione; & sic nulla opinio esset bona regula.

40. Igitur cognitio de objecto, in quod operandum est, non debet necesse-

sario esse certa; aliter in paucis possemus operari, & aliter opinio D. Thomæ non eliet apta ad praxim. Conscientia quidem debet esse certa, ne, si formidet, periculo peccandi se exponat. Quod cognitio de objecto, in quod operandum est, non debeat esse certa, patet ex c. 2. nobis el. 2. de senten. excomm. in quod dicitur: *Judicium Ecclesiæ nonnunquam opinionem sequitur, quam & fallere sæpe contingit, & falli.*

41. Hunc textum D. Bernardi retulerat Fagnanus in c. ne Imitaris de consil. num. 66. cui inter alios responderat Cardenas in sua Crisi Theologica disp. 6. cap. 19. art. 1. num. 89. dicendo, opinionem non esse formaliter ipsam regulam morum, sed iudicium fundatum in ipsa opinione, quo certò iudicatur, in rebus obcuris posse nos uti opinione probabili. Mirum est, quomodo Pater Alexandri usus fuerit textu, clarè experto ab Adversariis, & nihil ipsis responderit. Ego tamen non puto verum, quod idem Cardenas num. 99. dicit, scilicet Doctorem Mellissimum in illo textu loqui de opinione abstrahendo à probabili, & improbabili. Ego puto, loqui de vera opinione; nam loquitur de opinione, per quam cap. 4. ait, nos posse considerare cælestem Hierusalem, & Angelicos Spiritus. Nunquid opinione non probabilis est attingere cælestia? Quod verò dicat Cardenas, opiniones D. Thomæ habere assertionem, & non esse temerarias, nihil probat; est enim (salva reverentia) falsum, opiniones Doctoris Angelici habere assertionem, sumendo assertionem in sensu, quo accipiebant Antiqui, qui dicebant, de Notionibus divinis, & in aliis rebus obcuris, posse nos variè opinari, non verò asserere; & D. Bonaventura scripsit, Doctores Catholicos in assertionibus convenire, non vero in opinionibus. Certè Catholici tractatores etiam in opinionibus probabilibus non conveniunt inter se, & opinionibus probabilibus variant tractando de Notionibus divinis. Ergo juxta Antiquos opinio probabilis non habet assertionem. Igitur, si in assertionibus Catho-

tholi-

tholici conveniunt, debemus dicere per *assertionem* intelligere assensum certum: nam solum in re certa omnes conveniunt, & in re opinabili differunt. Vide cap. 1. num. 19. & cap. 23. ad num. 16. ad 21. & audi Altissiod. in 3. tract. 8. cap. 4. quæst. 5. de via quarta dicentem: *Qui per naturales rationes aliquid asserit de Deo, quod non est ei certum nec per Simbrevitatem, nec per Fidem, nec per Sacram. Scripturam, peccat mortaliter, quia presumit.* Ne verò de hoc deinceps dubitemus, legamus D. Tho. Opusc. 11. art. 27. dicentem: *Nullum periculum hic video, quin opinari possit, si assertio desit, quæ posset ad presumptionem immutari.* Hinc sequitur, quòd, si opinio habet *assertionem*, idest assensum firmum, *temeraria est*, ut dicit B. Bernardus, quia ille est temerarius, qui se certum credit, dum de re contingenti iudicium certum profert; contingens enim est objectum opinionis, non certitudinis, ut cum Arist. Divo Thoma, & aliis dicebamus suo loco.

42. Author deinde totus est in probando, quòd intellectus inter duas opiniones æqualiter probabiles existens sit dubius, anceps, & fluctuans. Probat ex c. *Nervi* 13. dist. in quo refertur, hominem constitutum inter varias opiniones esse perplexum. Ex c. *fraternitatis* de frigid. & malefic. illis verbis: *Sententiam de vortu per errorem probabilem novimus esse prolatam.* Et tamen Papa ait, *rem tunc temporis fuisse dubiam, quando articulus dubitabilis erat.* Ex c. *illud* de præsump. illis verbis: *in huiusmodi dubitatione.* Ex c. *veniens* de præsbyt. baptiz. in quo utraque pars probabilis assertur, & tamen Papa ait: *in hoc dubitabili casu.*

43. Hosce textus, & alios pro se olim attulerat Fagnanus num. 148. & solvebat Cardenas art. 3. num. 1062. unde iterum mirum est, quòd Patet Natalis conatus non fuerit impugnare has solutiones. Igitur universaliter dicimus hîc textibus, inter rationes æquæ probabiles posse dubium intervenire, at dubium posse solvi ex imperio voluntatis

imperantis intellectui, ut satisfaciatur rationibus alterius, ut dicebant Richardus, & alii Antiqui: *Qui vult tenere primam opinionem, potest respondere objectionibus, &c.* Potest etiam solvi dubium respiciendo ad benignitatem unius partis, nam ut vidimus cap. 29. juxta plures, & plures Antiquos inter plures opiniones, cæteris paribus, benignior est amplectenda.

44. Peculiariter verò respondetur ad Canonem, *Nervi*. Hic certè nihil prodest Adversariis. Tres casus in ipso ponuntur perplexitatis. Primus erat de quodam, qui jurat, se celare omnia secreta sui loci, quem scit velle interficere maritum suæ Adulteræ, unde timet manifestare hoc secretum ob juramentum. Secundus est de eo, qui prælato promittit obedientiam, & perplexus est ei obedire, præcipienti aliquid malum. Tertius est de illo, qui acquisivit Beneficium Ecclesiasticum per Simoniam, & timet peccare, si gregem sibi commissum deferat. Ita Glossa infiguratione casus.

45. Probabilistæ dicunt, inter opiniones æquæ Probabiles Thomistarum, Scotistarum, Baconifilarum, & similitum nos posse eligere, *quam volumus.* Addunt nullam ex illis opinionibus esse fatuam. Contra in illis casibus dicunt cum Glossa in c. *duo mala* V. *eodem* & d. c. *Nervi* V. *particeps* in illis opinionibus unam fuisse fatuam. Vide cap. 31. num. 87. Nonne est fatuum dubitare, an liceat celare secretum de homicidio perpetrando, de obediendo in malis, de retinendo Beneficio Simoniacè acquisito? Nonne istæ sunt materiæ clarissimæ? Si quis est inexcusabilis ex D. Thoma quodl. 3. art. 10. qui sequitur opinionem erroneam, quamvis tradatur à Magistris, erit excusabilis, qui sequitur errorem apertum, assertum à sua fatua opinione? Dicimus ergo, intellectum existentem inter opiniones, quæ sint contra manifestum scripturæ testimonium, vel contra id, quod publice tenetur per Ecclesiam, non excusari ab erroris vitio, si sequatur erroneam opinionem Magistrorum. Ita verbatim D. Thomas ibidem. Ex hoc

nos ponimus regulam à contrario sensu deductam Si intellectus existat inter opiniones æquè probabiles, quæ non sint contra manifestum scripturæ testimonium, vel contra id, quod publicè tenetur per Ecclesiam, & sequatur quamlibet ex illis, ab erroris vitio excusatur. Ratio est, quia tunc non tene-mur scire veritatem, cum hoc sit impos-sibile in materia obscura; ergo, si opi-nio est falsa, nobis non est imputanda.

46. Dices, tam est dubius, qui est inter varias opiniones, quorum una sit fa-tua, quàm ille, qui est inter opiniones verè probabiles. Ergo eadem regulæ est adhibenda.

Sed contra nego antecedens, nam pri-mus stultè dubitat, dum debet esse certus. Si quis dubitaret in meridie, an Petrus esset in Platea, nonne esset fatuus, dum clarè potest vi lere verita-tem? Secundus dubitans est in materia obscura; unde ipsi licet dubitare, quia nequit videre veritatem. Insuper habet rationes fortes pro utraque parte, & sic alterutri potest adhaerere ex imperio voluntatis ex dictis toties; licet enim, inquit Major in 4. quest. 2. prolog. §. ter-tio arguitur, non possumus assentire sine ratione propositioni inevidenti; tamen cum motivis æqualibus, quantum est de se, possumus ex passione animi uni parti assentire. Patet exemplariter. Nunc Parisiis dicitur, quòd exercitus Regis est victor in Italia. Duo æquè præsentès sunt, quorum alter Gallus diligens assen-tit, alter dissensit. Ecce passio Animi fle-ctit intellectum existentem inter motiva æqualia.

47. Pater Caietanus Verani tom. 5. scilicet Theologie Dogmaticæ disp. 31. sect. 21. resolvit, non posse nos sequi opinio-nem, quam volumus, inter plures æquè probabiles, si illa subit periculo frangendi legem.

48. Probat suam conclusionem ex illo axiomatico: In dubio tutior pars est eligen-da, & ex D. Augustino dicente, certum esse præponendum incerto. De quo alibi. Addit textum ex c. juvenis de sponsal. ibi: In his, quæ dubia sunt, quod certius

existamus, tenere debemus. Huic tex-tui respondet Cardenas art. 4. num. 1089. cum Sanchez lib. 2. de Matrim. disp. 41. nu. 9. ibi agi de dubio practico, in quo uti-que tutior pars est eligenda.

49. Prosequitur Author, & dicit in tali casu intellectum esse dubium, nec esse audiendos illos, qui dicunt non esse dubium ex eo, quia est certus de proba-bilitate utriusque partis; nam aliud est, intellectum esse certum de probabilitate utriusque partis, & aliud, intellectum esse certum, unam potius, quàm alte-ram ex illis esse veram. Primum con-ceditur, & secundum negatur; quia eo ipso, quòd intellectus judicat utranque opinionem esse probabilem, cognoscit in utraque quandam apparentiam veritatis; siquidem Probabilitas sita est in huius-modi apparentia; eo autem, quòd judi-cat, utranque continere apparentiam veritatis, non potest esse certus, quoniam ex istis sit vera; alioquin, si cognosceret unam esse veram, necessariò cognosce-ret oppositam falsam; unde, si non est certus, quoniam ex illis sit vera, sequi-tur, quòd, tametsi sit certus de proba-bilitate utriusque, adhuc habeat anceps, & dubius, quoniam sit vera.

50. Turrecremata in c. Sancta 15. dist. quest. 3. fin. ut retuli cap. 21. num. 25. fin. scribit: Ad hoc, quòd etiam rectè Ec-clesia recipiat talium Patrum Opuscula ad legendum modo, quo diximus, suf-ficit, quòd talium Patrum Opuscula ha-beant Probabilitatem veritatis. Si, ut Ecclesia rectè recipiat Patrum Opuscula, juxta Turrecrematam Antiquum suffi-cit, quòd illa Opuscula habeant solum Probabilitatem veritatis, cur Modernus Verrani exigit ad rectè operandum certi-tudinem veritatis? Procul dubio est ni-mis scrupulosus. Præterea vellem scire, quomodo ex eo, quòd intellectus non potest esse certus, quoniam ex duabus opinionibus æquè probabilibus sit vera, deduci possit, quòd intellectus adhuc ha-beat anceps, & dubius, quoniam sit vera. Qui opinatur aliquod esse verum, certè hic non potest esse certus de veritate, il-lius; & tamen est evidens, quod opi-nans



mans non hæret anceps, nec dubius est de veritate rei; Opinio enim, & dubium juxta omnium consensum, & præcipue Doctorem Angelicum, sunt essentialiter diversa. Præterea Probabiliorista non est certus de veritate rei, quia Probabilioritas potest esse falsa; Ergo si ille, qui non est certus de veritate rei, hæret anceps, & dubius, etiam Probabiliorista non poterit operari recte. Quomodo ergo Pater Verani dicit, Probabilioritatem esse bonam regulam morum? Igitur concludendo dico, qui est certus de Probabilitate opinionis, hic indicat probabiliter potius esse veram illam partem, & aliam falsam; unde non est anceps, & dubius. Qui versatur inter duas opiniones æqualiter probabiles potest vel ex voluntate, vel ex Benignitate opinionis se determinare ad opinionem mitiorem, ut toties ex Antiquis dicebam; Unde, etiam concederem, ratione æqualitatis intellectum esse accipitem, & dubium in nostro casu, non tamen ratione *Voluntatis*, & *Benignitatis*. Interca sciat Pater Verani, apud Probabilistas hæc argumenta esse inconcussa. Hic actus est fidei Divina; ergo ejus objectum ita est verum, ut impossibile sit aliter se habere. Hic actus est scientificus; Ergo ejus objectum ita est verum, ut impossibile sit, aliter se habere. Hic actus est opinio probabilis; Ergo ejus objectum ita est, sed contingenter; hinc ita est verum, ut possit aliter se habere. Hæc consequentia est evidens, quia tale objectum est objectum opinionis. Ex hoc ego deduco: Ergo, qui judicat utranque partem probabilem, oportet, quod ipsarum objectum ita sit verum, ut possit aliter se habere. Vide Bordonum In Propugnaculo Probabilitatis in Addit. à num. 137.

51. Author rejicit postea quasdam resolutiones, quæ dantur illi axiomati à Probabilistis, quas impugnationes ego solvi in Patre Gonzalez. Sed instat num. 8. contra eos, qui dicunt, illud valere in dubio Facti, non in dubio Juris, Instat, inquam, nam in Clement. *Exivi*

9. item quia de verb. signific. ubi in questione puri Juris, an Fratres Minores teneantur sub mortali ad coram observantiam, quæ in regula continentur sub verbo imperativo, Pontifex utitur eadem regula dicens: *Nos itaque attendentes, quod in his, quæ Anima salutem respiciunt, ad vitandos graves remorsus conscientie, pars securior tenenda est.* Ecce clarè in questione juris in decidendo Pontifex utitur præfata regula. Ego fateor illam regulam valere in dubio juris, non verò de opinionibus variis super jure traditis à Doctoribus.

52. Respondet Cardenas huic Clementin in Crisi Theol. par. 1. disp. 15. cap. 4. art. 11. num. 325. & par. 3. disp. 56. cap. 19. art. 4. num. 1092. & dicit, intelligendam esse de dubio practico, non speculativo; est enim certum, dum practice dubito, esse præceptum sequendi tutiorem partem.

53. Probat iterum num. 9. suam conclusionem, eo quia prudentia dicat, ut, quando quis potest tutè incedere, præsertim si imminet periculum incurrendi gravissimum damnum, ut est in casu nostro, omittat viam minus tutam, & seleget tutiorem, tametsi utraque via ad eundem ducaginem. Tum quia, qui assentitur opinioni æquè probabili minus tutè, temerè, & sine ratione id facit; adeo ut solum pro suo libito, & sine ullo alio motivo rationabili assentiat minus tutæ potius, quam tutiori. Ergo non potest excusari à peccato. Tum quia in hoc casu voluntarie se exponit periculo peccandi: consequenter ita operando peccat juxta Ecclesi. 3. *qui amat periculum, peribit in illo.*

54. Respondetur ex dictis ad primum, in nostro casu adesse solum periculum remotum, & materiale peccandi, quod non tenemur vitare; hinc Richardus, & alii voluntarie in nostro casu eligant opinionem minus tutam, nec propter hoc peccabant contra prudentiam, aut aliam virtutem. Fateor tamen in materia, quæ est necessaria necessitate mediæ, tunc prudentiam dicere, nos debere eligere viam, in qua nec periculum remo-

tum adfit, nam medium salutis non pendet à nostra cognitione; unde in hac materia nec Probabilioritas est bona regula, sed sola certitudo, quando adest. Per hæc patet responsio ad tertium. Ad secundum cum eodem Richardo, & aliis Antiquis in hoc casu voluntariè assentimur opinioni benignæ minùs tutæ, & hoc non est temerè procedere sequendo Duces tales, ac tantos.

55. Instat Author num. 12. Ex duobus malis minus est eligendum, ut habetur C. duo mala, & C. Nervi 13. dist. & regula quoties ff. de reg. jur. Ergo, quando in una parte adest malum, in alia nullum, debemus eligere tutiorem; maxime, quia, si eligeretur minùs tuta, hæc electio videretur fieri ex amore periculi offendendi Deum.

56. Respondetur, illud axioma valere, quando nulla adest ratio probabilis iudicandi alterum non esse malum, secus verò, si adest talis ratio, ut accidit in casu nostro, in quo intellectus ex imperio voluntatis solvit rationes partis rigidæ, quibus solutis adhæret rationibus probabilibus partis benignæ, & hanc partem benignam amplectimur, quia *inter plures opiniones, ceteris paribus, benignior est amplectenda, & dura abicienda*, ut ex Antiquis latè probavi cap. 29. Hinc non amplectimur *benignam*, quia habeat periculum offendendi Deum, sed ob suam *benignitatem*, & rejicimus opinionem duram ob suam *duritatem*. Hinc dicebat Durandus: Hoc dictum, etsi probabile, est multum *durum*; ideo *mitius dicendo*, &c.

57. Num. 14. valde miratur, quomodo Probabilistæ obligent Medicum sequi opiniones certas, si adsint dimissis minùs certis, ac probabilibus; E contra, quando agitur de salute Animæ doceant, posse nos eligere minùs tutam aequè probabilem. *Itaque plurius faciendum est Corpus, quam Anima?*

Ego è contra valde miror, quomodo Pater Verani, & alii Probabilioristæ utantur hac paritate Medici. Scio quidem, aliquam paritatem adesse inter Medicum, & Confessarium ex C. omnis

utriusque de pœnit. & remiss. tamen asseveranter dico, hanc paritatem non currere in omnibus, & quatuor pedibus. Confessarius tibi dicit, hanc regulam esse bonam; si ex parte objecti talis non sit, adhuc pœnitens salvabitur; unde, qui tempore Antiquo sequuti sunt illas opiniones, quæ postea evaserunt falsæ, erroneæ, & hæreticæ, salvati sunt, & potuerunt excusari ex D. Antonino 3. par. tit. 5. §. 9. E contra, si centum Medici dicant, hoc remedium esse bonum pro morbo, si tamen ex parte objecti tale non sit, infirmus non salvabitur, sed peribit: Ergo adest disparitas evidens inter regulas Prudentiæ, & Medicinæ. Item Antiqui dicebant, ut infra referam, Confessarium posse, & aliquando debere dimittere propriam opinionem, & sequi oppositam pœnitentis. E contra Medicus non debet, sequi opinionem Aegri, quia æger nequit sibi mederi. Igitur disparitas est, quia salus Corporis non dependet à cognitione nostra, sed à virtute reali objecti; hinc, ut Corpus sanetur, oportet sequi opiniones certas, quæ sunt, quæ se conformant cum objecto. Salus Animæ quoad illas materias, de quibus modò agimus, pendet à cognitione nostra; hinc ut salvemur, sufficit, ut nostram cognitionem sequamur. Hinc etiam, si per ignorantiam invincibilem sequimur regulam falsam, adhuc salvamur, quod non accidit in corporalibus.

58. Denique refert duas opiniones laxas, unam, quòd licitum sit, quærere directè occasionem peccandi pro bono spirituali, aut temporali nostro, vel proximi. Alteram, quòd concubinari non teneatur expellere domo concubinam, quando ea relicta vitam transigeret tristius. Dicit autem, quosdam Casuistas docentes posse aliquem sequi opinionem probabilem minùs tutam relicta tutiori auctos fuisse illas opiniones lassas tradere.

59. Ut Pater Verani non miretur amplius auctos nostrorum Casuistarum, & ut relinquat lachrymas, & questus, quos ibi spargit super lassitates modernas, ipsum

ipsum precor etiam atque etiam, ut legat horribiles lassitates, & plurimas, quas docuerunt Antiqui, quasque ego retuli cap. 10. cap. 11. & cap. 12. Illis erroribus addat hosce paucos, quos tunc nondum legeram. Unus Doctor apud Aureolum in 4. dist. 18. art. 2. vers. *secundo videndum* tenet, solum Papam posse excommunicare. Quidam apud Raym. lib. 3. tit. de scandalo §. 6. dicunt, quod, si malus sacerdos, dum in altari celebrat, & recordatur, se esse in peccato mortali, non potest se conferre, vel non vult, debet simpliciter hostiam sumere. Tit. de panis. & remiss. volunt alii, solos bonos ministros posse absolvere à peccatis. Alii apud Durandum in 4. dist. 3. q. 3. n. 9. absolvent, & baptizant nutibus Alii apud Rainerium V. absolutio cap. 9. absolvent his verbis: *Quacunque petieris esse solvenda, erunt soluta.* Alii his: *Benedictio Dei Patris, &c.* Alii illis: *Sanctus te Dominus noster Jesus Christus.* Alii volebant, esse de necessitate formæ manûs impositionem. Poterant pejus loqui in rem necessariam? quot, quoz, damnati fuerunt propter hos errores, si actum perfectæ contritionis non habuerunt? Secundum Glossam Raym. lib. 1. tit. de juram. §. 3. *V. licium, & bonum*, dicere verbum otiosum, aut inebriare se, vel alium esse veniale in se. Joannes de Friburgo in summa lib. 3. tit. 34. quæst. 74. scribit: Si inferior absolvat eum à toto, (id est à non reservatis, & reservatis) nunquid est absolutus? Respondetur secundum Thomam in questione de quodlibetis, quod non, quamvis quidam aliud senserint aliquando; non tamen credo, quod ipse sit absolutus. Postquam Pater Verani legerit tot, tantos, ac plurimos errores, spero quod, aut non mirabitur ausus modernos, aut mirabitur etiam Antiquos: Interim peto. Vel multitudo errorum provenit à sola Probabilitate, vel etiam à Probabilitate, vel etiam à Certitudine. Si primum. Ergo Probabilitas est antiqua. Cur ergo ipse damnat solos modernos Casuistas? Si secundum; Cur ipse sequitur Probabilitatem; & si tertium,

cur ipsam non condemnat, sed solam Probabilitatem?

60. Num. 17. Conqueritur cum Guigone Carthusianorum Generali, quod, si liceret per opiniones lassas ire in Cælum, fuissent tempora Apostolorum infelicitissima, in quibus oportebat custodire vias tam duras, ut daretur ingressus in Cælum. Hic textus refertur ab aliis Probabilioristis. Sed nihil ipsis suffragatur, quin aperte refragatur; nam probat evidenter, tempore Antiquo fuisse lassitatem morum, lassitatem opinionum, & brevier omnia mala tunc viguisse, quæ prætendunt provenire à Probabilitate, & hoc non possunt negare; nam Guigoni nequeunt negare fidem. Ergo illi questus de tempore Antiquo sunt veri; Nos autem, salva reverentia, in hoc puncto possumus jure fidem non habere Probabilioristis. Si asserere textus, in quibus Authores conqueruntur de lassitate morum suorum temporum, est modus aptus probandi intentum, Legant Probabilioristæ Annales Cardinalis Baronii ab anno 900. in quo sæculo fuerunt Pontifices intrusi per Scortos, (horresco referens) & per vias alias omnino impias, & inveniet iustissimos, & altissimos questus; unde poterant probare quantum voluit de illis præfatis temporibus.

61. In fine illius sectionis offert sequentem textum ex Lactantio: *Ne irabamur auctoritate cujusquam, sed veritati potius serveamus, & accedamus. Nullus hic temeritatis locus est: in æternum sustinetur pena subeunda est, si aut persona inanis, aut opinio falsa deceperit.* Hic textus habetur lib. 3. divin. instit. cap. 13. Audiamus ipsum integrum: Restat ut in sola Ethica totius Philosophiæ vis contineatur, ad quam se abiecit omnibus Socrates contulisse dicitur. In qua etiam parte, quoniam Philosophos errasse docui, qui summum Bonum. . . . non comprehenderunt, apparet falsam, & inanem esse omnem Philosophiam, quia nec instruit ad justitiæ munera, nec officium hominis, rationemque confirmat. Sciatis igitur errare, qui Philosophiam putant

putant esse sapientiam. Non trahantur aut auctoritate cuiusquam, sed veritati potius & faveant, & accedant. Nullus hic temeritati locus est. In æternum &c. Ecce quod textus allatus à Patre Verani loquitur de Philosophia, & veluti certum supponit, non esse sapientiam, idest Duce[m] vitæ, virtutum parentem, &c. Cum ergo loquatur de re certa, nobis non opponitur. Interea doceat me Pater Verani, cum certum sit ex opinionibus oppositis Patrum, Scotistarum, Thomistarum &c. unam esse veram, alteram falsam, quomodo sequentes illas opiniones non subiaceant textui Laetantii; & tunc etiam ego inveniam modum, quo Probabilistæ ab eodem non damnentur. Idem Author facit eandem questionem sec. 28. Hic non respondeo iis, quæ contra nos assert, nam ex dictis cap. 4. §. 6. & alibi omnibus fit satis. Adverto solum, quod, quando num. 13. probat, voluntatem non posse eligere aliquod bonum ex duobus æqualiter bonis, oppositum sustineatur à Scotistis; Hinc Adversarii poterunt animadvertere, quantum roboris habeat nostra opinio, dum opinio Scotistarum nobis præbet fundamentum defendendi nostram Doctrinam.

62. Transeamus ad Patrem Franciscum Antonium Fogarinum, qui, meo iudicio, optimè scripsit contra Probabilitatem; sed, pace ipsius, nimis omnino scrupulosè, & rigidè. Hic solvam solum aliqua peculiaria ipsius; cætera enim cum aliis communia ex dictis contra alios diluuntur. Igitur par. 1. disp. 3. sec. 1. subsec. 3. num. 15. tenet, non posse dari iudicium prudens, quando obiectum probabiliter apparet honestum, & apparet æque probabiliter inhonestum; quin num. 17. tenet, non posse dari tale iudicium, si probabilius apparet honestum, & minùs probabiliter inhonestum. Idem tenet par. 6. sec. 2. Ex hac conclusione sequitur, ad prudens iudicium requiri, ut obiectum cognoscatur per cognitionem saltem certam moraliter. In dicta par. 6. sec. 2. subsec. 2. habet hanc conclusionem: *Non licet sequi opinionem*

*minùs tutam, & si perceptibiliter, vel notabiliter probabilior in concursu iustioris minùs probabilis gravibus innixa motibus ab operante cognitis, & non solutis, & consequenter relate ad illum certò probabilis, ut si v. gr. pro minùs tuta starent decem Doctores, pro iustiori septem, aut sex, quorum rationes examinata ab operante non possent quietative solvi. Conclusio est contra, &c.* Universaliter Author, quando docet, etiam opinionem probabilior non esse regulam morum, intelligit, quando obiecta partis oppositæ non sint soluta. Part. 9. sec. 14. subsec. 1. num. 76. docet, in quibusdam exemplis allatis ex D. Thoma ipsum Angelicum præceptorem non sequi partem minùs tutam in concursu iustioris stantis pro lege, non solvendo rationes oppositas, si quæ sint, quomodo nos dicimus, tunc non licere sequi minùs tutam; sed suam sententiam valide probat, & rationes oppositas solvit. In sec. 15. subsec. 1. obicitur Probabilioristis, quod Patres tenuerunt varias opiniones in moribus; ergo Patres sequuti sunt Probabilitatem. Respondet num. 90. quod Patres non sunt sequuti partem benignam innoxii soli principio Probabilistarum: *Quod probabiliter sit, prudenter sit, & non solvendo rationes graves in oppositum, si quas agnoverunt; sed illam sequuti sunt innixi rationibus directis, vel auctoritatibus, & exemplis Sacra Scriptura*, quibus suam sententiam certò veram iudicarunt, & respondendo rationibus oppositis. Huic Doctrinæ directè opponitur Turricremata allatus supra num. 50.

63. Incipiendo ab hoc ultimo. Ergo Patres oppositas opiniones sectantes iudicabant certò veras suas opiniones. Ergo datur certitudo, & quidem prudens, idè duabus opinionibus oppositis. Ergo Antiquitus alii certò iudicabant non dari præceptum Confessionis, alii iudicabant certò dari præceptum. Alii certò iudicabant non dari præceptum de Eleemosina, de Confessione venialium, de circumstantiis aggravantibus &c. Alii verò oppositum certò affirmabant. Hæc iudicia opposita certa videntur impossibi-

lia in hominibus doctis. Vide cap. 22. num. 79. & 80. Tum quia ex his sequitur, cum de ratione opinionis formaliter sit, quod cognoscatur, objectum posse aliter se habere, sequitur, inquam, non posse dari opinionem licite in moralibus, nisi in Scholis. Hoc quoque videtur absurdum; sic enim inutilis esset labor Moralistarum quoad opiniones. Ad quid enim docere opiniones morales, si praxi non interviant?

64. Præterea opiniones benignæ D. Thomæ sunt aptæ ad praxim, quia *valide probantur ab Angelico, & objecta solvuntur*, ut dicit Pater Fogarinus. Nunc inquiri, an illa valida probatio sit certa, vel sit probabilis. Si secundum habeo intentum. Si primum, contra, quia viri doctissimi illam probationem rejiciunt; ergo vel D. Thomas, vel alii fuerunt cæci non videntes talem certitudinem. Ulterius illa probatio, & illa opinio potest aliter se habere, & nulla est implicatio, quod Ecclesia oppositum decidat. Ergo illa probatio non est certa, sed solum probabilis. Pater Fogarinus dicit, esse moraliter certam, non logicè.

65. Sed contra. Opinio, præcipue probabilior, *valide probat suam conclusionem, & solvit opposita*, ut fecit D. Thomas suas conclusiones juxta Fogarinum. Ergo opinio probabilior est moraliter certa. Præterea opinio æquè probabilis, & minùs probabilis *valide probant suas conclusiones*, quia etiam opinio minùs, & æquè probabilis habent rationes graves juxta Adversarium, & insuper solvunt rationes oppositas probabiliores; ratio enim insolubilis est certa, & evidens. Si est insolubilis; ergo nequit solvi; ergo nequit aliter se habere; atque adeo est certa. Ergo ratio probabilior est solubilis. Vide cap. 3. num. 13. cap. 13. num. 34. ubi videbis, D. Thomam sustinere unam opinionem, & simul fateri, rationes hujus opinionis posse facile solvi ab opposita. Vide etiam cap. 16. num. 20. Tum quia etiam per Adversarium Probabilioritas stat simul cum alia parte probabilis; ergo hæc

alia pars potest esse vera; ergo pars probabilior potest esse falsa, & sic potest aliter se habere; & sic potest solvi. Hic facit apertè textus Parisien. de Fide cap. 1. post initium, & Nider de consol. timor. conscient. par. 3. cap. 19. Ipsum vide cap. 4. num. 28.

66. Dices ex c. *Inquisitioni* de sentent. excomm. habetur, credulitatem probabilem non esse contemnibilem; dicitur enim, quod, si quis dubitat de Matrimonio conscientia *levi*, tunc debet deponere tale dubium ad consilium sui Pastoris; Cum verò conscientia *pulsas animas* ex credulitate probabilis, *quamvis non evidenti, & manifesta, debitum quidem reddere potest, sed postulare non debet*. Ecce habens credulitatem probabilem non potest deponere, & contemnere dubitatem, & scrupulum ortum ex ipsa.

67. Sed contra, quia in illo capite dicitur quidem, illum habuisse rationem probabilem de invaliditate Matrimonii; non verò dicitur, quod habuerit rationem etiam probabilem de validitate. Hinc respondetur, nos non posse contemnere rationem probabilem sine fundamento saltem probabilis; bene verò cum fundamento probabilis. Hic quadrat textus Majoris allatus num. 46. Confirmatur. Ex Alexandro octavo num. 3. *Licet sequi opinionem probabilissimam inter probabiles*. Ergo potest contemni opinio probabilis ab illo, qui habet opinionem probabilissimam.

68. Inhibitis. Illa solutio est solum probabilis; ergo adhuc datur formido; & sic animas non quietatur, nec est certus; atque adeo nequit dari judicium Prudentiæ, quod debet esse certum.

Sed contra, quia materia est obscura; ergo nequit inveniri alia responsio, nisi probabilis. Nunquid imitari debemus illos, quorum meminit Arist. 7. Ethic. cap. 3. num. 5. qui ita firmiter adherebant opinioni, sicut alii scientiæ? Tum quia responsio probabilis aliquando solvit objecta contra Fidem. Sic articulum fidei, quod Gratia non tollat libertatem, salvamus ab objectionibus per Doctrinam probabilem vel Thomistarum admittentium

tium prædeterminationem physicam, vel Scotistarum per Decretum concomitans, &c. Sic etiam articulum de unitate essentiae Divinae, & Trinitatem Personarum salvamus vel per distinctionem formalem, vel virtualem essentiae à Personis, quæ solutiones solum sunt probabiles. Ergo solutio probabilis debet esse sufficiens in rebus obscuris. Hinc Richardus, & alii Antiqui sustinentes modò unam, modò aliam opinionem, prout volebant, quiescebant; & tamen non certis, sed probabilibus solutionibus diluebant opposita, cum aliam oppositam sustinere potuissent.

69. Quando dicitur, iudicium prudens debere esse certum; Notandum est, ut innui ex Cardenas num. 41. in qualibet actione duo iudicia intervenire. V. gr. ego non fateor circumstantias aggravantes. Iudicium, quo iudico non dari tale præceptum, non est certum, etiam moraliter, quia dantur Doctores sapientissimi oppositum opinantes, de quibus non est probabile, quòd levibus argumentis moti fuerint ad sustinendam suam opinionem. Est ergo solum probabile. Tum quia hoc iudicium est actus formaliter Theologiae. Ergo formaliter non est actus prudentiae. Est igitur obiectum Prudentiae. Intellectus modò reflectens supra hunc actum iudicat, illum esse rectum, & bonam regulam morum sequendo in hoc, ut toties dixi, exemplum Antiquorum inter plures opiniones securè iudicantium posse nos amplecti, quamlibet illorum. Hoc iudicium reflexum formaliter est actus Prudentiae, qui habet pro obiecto primum iudicium ut probabile, quod, cum sit certò probabile, ideo iudicium reflexum Prudentiae est certum. Nec requiritur, quòd actus cognoscens obiectum, in quod operandum est, sit mortaliter certus sumendo pro morali certitudine, quòd aliquo modo cognoscatur, non posse aliter se habere. Nam certitudo moralis, inquit Nider in consolat. timor. concilien. par. 3. cap. 14. Cui subscribit Antonin. par. 1. tit. 3. cap. 10. fin. *Conspicitur* ex probabilibus conjecturis grossis, &

*figuralibus magis ad unam partem, quàm ad aliam.*

70. Nota illas particulas, *probabilibus conjecturis grossis*, quæ certè non tibi ingerent speciem, quòd illud obiectum non possit aliter se habere, etiam moraliter; unde de illo non eris certus eo modo, quo certus es, v. gr. fuisse dimicatum inter Germanos, & Gallos, quòd obiectum reputatur certum moraliter. Nota etiam illas alias particulas: *figuralibus magis ad unam partem, quàm ad alteram.* Si accipiantur in sensu omnino riguroso; & sic comparative, sequitur, quòd alia pars habeat quoque probabiles, & grossas conjecturas, & istæ probabiles, & grossæ conjecturæ debent esse ejusdem naturæ cum conjecturis probabilioribus figurantibus ad alteram partem, quia hæc est natura termini comparativi, quòd idem quoad naturam, & essentiam reperiatur in utroque extremo. Hinc istæ probabiles, & grossæ conjecturæ partis minùs probabilis non debent esse leves, ut diceret Pater Fogarinus, sed graves, minùs tamen graves alterius partis. Idem à fortiori debemus dicere de opinione æqualiter probabili. Hinc idem Nider in consolat. cap. 13. fin. dicit, quòd hæc certitudo moralis causata à conjecturis probabilibus, & grossis non removet omnem improbabilitatem, (corrigere Probabilitatem) vel opinionem alterius partis, licet magis declinet ad istam, quàm ad aliam, quod sufficit. Verba sunt pene per totum Cancellarii in tractatu de contrariis. Sic Nider. Igitur conjecturæ probabiles, & grossæ causantes certitudinem moralem non remonent omnem probabilitatem, vel opinionem ab alia parte. Certò credo ego, quòd illi termini *Probabilibus*, & *Probabilitatem* sint univoci, & significant obiecta ejusdem naturæ. Ergo juxta hos Antiquos consurgit moralis certitudo ex Probabilibus, quamvis in oppositum sint argumenta probabilia; & sic quamvis obiectum non sit moraliter certum, sed solum probabile.

71. Remanet solum hic probandum, quòd Antiqui sequuti fuerint opiniones ut pro-

ut probabiles, nec illas tenuerint ut certas moraliter, ut de D. Thoma, Scoto, & aliis dicit Pater Fogarinus: Legantur cap. 13. & 14. in quibus refero opiniones benignas Angelici Præceptoris, quas dicere traditas fuisse ab ipso ut certas moraliter, cum alii præclarissimi Doctores oppositum sustinuerint, est loqui sine fundamento. Si in illa materia Sapientes variè opinantur, & hæc varietas non est vituperabilis; ergo est materia obscura, & opinabilis, non certa moraliter. Præterea Angelicus Doctor aliquando sequitur opinionem, quam expressè vocat *Probabilem*, ut fecit de opinione dicente non dari præceptum de confitendo peccatum statim, ac offertur occasio opportuna; quo fundamento dices, illam sustinuisse ut certam moraliter? Certè terminus Probabilis ex se non significat certitudinem.

72. Sic etiam vocat expressè *probabiliorem* illorum opinionem, qui dicebant, Matrimonio junctum non posse vovere castitatem sine consensu alterius partis; quo fundamento dices, illam tenuisse ut certam moraliter? Ergo constantè assero, quòd, si Divus Thomas tenuit ipsam ut certam, deceptus sit; nam est omnino incertum, quòd Matrimonio junctus non possit vovere castitatem, & rationem, quam ibi asserit, non est certa moraliter, nec solvit rationes oppositas certitudinaliter. Igitur Pater Fogarinus asserit opiniones D. Thomæ fuisse traditas ab ipso ut certas moraliter. Hoc idem fatetur de Scoto. Ego hæc omnia nego. Jam scimus facta non præsumi, sed esse probanda. Debet ergo ipse probare hanc suam opinionem, quæ fortan aliis, pace ipsius dixerim, videbitur grande paradoxum. Concedo tamen & D. Thomam, & Scotum valde probare proprias opiniones, & objecta solvisse; at subito illas probationes, & solutiones fuisse solum probabiles, nec fuisse certas, etiam moraliter, quia ego capere non possum certitudinem in illa materia, in qua Sapientes variant in opinionibus. Vide cap. 21. à numero 2.

73. Legatur etiam cap. 16. in quo refero opiniones benignas Scoti, D. Antonini, & Raymundi, quas illos Doctores non tenuisse ut certas moraliter, certum videtur. Afferat Pater Fogarinus argumentum moraliter certum, quo probetur, Decretum Gratiani non habere vim legis, ut plures Antiqui Theologi, & Canonistæ docent, & tunc poterimus credere, quæ dicit. Afferat argumentum moraliter certum, quo probetur quòd, si *divos sit adeo delicatus, quod non velit jejunare, nec aliam notabilem macerationem subire &c.* Illud sibi imponendum, quod libentius recipit, & quid credatur perseverantius adimplere. Vel si omnino nullam penitentiam velit recipere à Sacerdote impositam, dicit tamen se habere displicentiam de peccato commisso, & firmum propositum non recidivandi, absolvendus est, & non respuendus, ne cadat in desperationem. Si dicas, tractu temporis in his materiis inventa fuisse argumenta gravia contra opiniones Scoti; unde nunc non posse illas opiniones teneri ut certas moraliter, bene verò tempore Antiquo. Contra est. Ergo Scotus in his materiis erravit, dum tenuit ut certas opiniones, quæ talem certitudinem amiserunt.

74. Præterea Scotus expressè dicit: *Ideo probabile videtur, tales actus indifferentes ponere.* Si Author expressè vocat probabilem suam opinionem, gratis alii judicabunt, illam tenuisse ut certam moraliter. Tum quia, ut pluries dixi, verbum, *Videtur*, extra legem non importat certitudinem; ergo multo minus, si conjugatur cum illa particula, *Probabile*, quæ de sua natura incertitudinem significat. Sic etiam decidendo questionem de conceptione Beatæ Virginis in 3. dist. 3. quæst. 1. vers. *Tertium est manifestum* ait: *Si Authoritatem Ecclesiæ, vel Authoritatem Scripturæ non repugnet, videtur probabile, quod excellentius est tribuere Mariæ.* Capetanus tom. 2. opuscul. 1. in fine vocat Scotum pavidum in hac opinione; & in rei veritate hoc videtur non posse negari; Adhuc tamen

valde

valde pium est credere, Scotum super hac opinione probabili fundatum adoravisse Immaculatam Conceptionem Beatæ Virginis, ut dixi cap. 21. num. 40. Legatur cap. 21. 27. 28. & 29. & speculo, non posse negari juxta Antiquos, nos posse sequi in praxi opinionem solum probabiliter veram, nec moraliter certam.

75. Finio hanc quæstionem de æquali Probabilitate textu Zabarellæ in c. super specula ne Cleric. vel Mon. num. 1. sic dicentis: *secundo nolo, quod propter varietatem opinionum excusatur male intelligens jus. De hoc de postulat. c. unico in 6.* Ergo si utraque opinio est æquè probabilis sequens unam. ex ipsis, si illa elset falsa, excusatur.

Sed jam faciamus transitum ad quæstionem difficiliorem hujus tractatus, scilicet an possimus sequi opinionem minùs probabilem, & minùs tutam juxta principia Antiquorum. Sit igitur.

### CAPUT XXXIII.

*Statuitur, nos posse sequi in praxi in quæstione Juris Opinionem minùs probabilem, & minùs tutam juxta Antiquos.*

1. Quæstio difficilior in hac materia de probabilitate, est præsens; & licet opinio de festanda minori Probabilitate sit communissima omnibus Theologis Modernis ex quacunque Religione, & ex quacunque Academia, etiam Sorbonica, & insuper habet plures Episcopos patronos, de quo puncto videri potest Opusculum, cui titulus, *Quæstio Fæsti*, à Patre Veramps compositum; adhuc tamen multi Probabilioristæ non desinunt, vocare hanc opinionem falsam, temerariam, Scandalosam, & omnium corruptelarum fontem. Ego de hisce Censuris nihil curans, ut potè qui verba non timeo, sed Argumenta; non morabor, in his confuta-

dis; maximè cum velim sequi morem Antiquorum, quos, quamvis lacesitos, in Scriptis ipsorum non inveni respondisse, censuras effutiendo, sed asserendo solida Fundamenta ad se protegendum ab hostibus. De hoc puncto latius egi cap. 1.

2. Illustrissimus Clerus Gallicanus congregatus ad Comitiam Generalia in Palatio Sancti Germani Parisiis 1700. Sicut damnaverat aequalem Probabilitatem, sic à fortiori proscripsit minorem Probabilitatem; hinc §. *De opinionum probabilitum usu* decidit: Ut circa probabiles de Christiana Doctrina sententias, sequamur id, quòd Viennense Æcumenicum Concilium circa infusos tam parvulis, quàm adultis in Baptismo virtutes decrevit his verbis: *Nos hanc opinionem tanquam probabiliorem, & dictis Sanctorum, ac Doctorum Modernorum Theologiae magis consonam, & concordem duximus eligendam.* Quod Concilii judicium eò magis ad regendos mores pertinere constat, quò magis ex ipsis fidelium sanctitas, ac salus pendet; Et infra ait, quòd sententia asserens esse licitum sequi opinionem minùs probabilem, & minùs tutam sit nova, & inaudita, & postremo sæculo prolata, sitque etiam initium malorum, & omnium dictarum (idest damnatarum) propositionum ab ipso Cætu corruptelarum caput.

3. Ego ob reverentiam, quam summam Illustrissimo Cætui Gallicano profiteor, non audeo definire opinionem nostram in praxi licere, ut dixi etiam de æquali probabilitate cap. 30. num. 22. nec enim concipere possum, Congregationem tantorum & numero, & Dignitate, & Doctrina Prælatorum potuisse errare ita, ut certò verum judicaverit certò falsum. Mea igitur conclusio est, juxta Antiquos hoc licere; quia tamen Autoritas Antiquorum mihi non facit rem certam; ideo in praxi ob reverentiam Illustrissimi Cleri opinione probabiliori utemur. Non existimo tamen firmum argumentum illud: *Concilium Viennense sequutum est in materia sacra speculativa opinionem Probabiliorem*; Er-



go & nos debemus uti opinione Probabiliori, maxime quoad mores. Non credo, inquam, firmum hoc argumentum, nam lata est disparitas inter Concilium Æcumenicum, & nos. Concilium Æcumenicum est infallibile, nec potest errare in Doctrina; ergo, si docet aliquid, debet docere verum. E contra nos aliquando possumus errare absque peccato, ut patet in Doctoribus Antiquis pene omnibus, & etiam in pluribus Sanctis; & expressè dicebat D. Bonaventura in 2. dist. 15. in explic. litter. dub. 3. Ergo, si nos licitè errare possumus aliquando, quando errare nobis licebit, licebit etiam sequi regulam, quæ possit esse falsa. Tum quia in nobis datur ignorantia invincibilis juris naturæ, & operantes ex ipsa excusantur à peccato ex propos. 2. damnata ab Alexandro Octavo; E contra in Concilio non datur ignorantia invincibilis juris; nec ipsum operatur ex tali ignorantia. Ergo regula Concilii debet esse certa, & infallibilis, non sic regula hominum privatorum. Præterea in materia factorum, cum Ecclesia possit errare, potest tunc sequi regulam nonnunquam, quæ sepe fallat, & fallatur, ut clarè dicitur in c. a nobis el. 2. de senten. excomm. Ergo etiam in materiis, in quibus licitè errare nos possumus, licitè sequemur regulam, quæ fallat, & fallatur, & sic opinionem minus probabilem. Tum quia, ut Ecclesia licitè recipiat Sanctos Doctores ad legendum opera eorum, & ad expositionem Scripturæ, sufficit juxta Turrecrematam in c. Sancta 15. dist. quæst. 3. fin. quod talia opuscula habeant Probabilitatem veritatis. Si isti expositores habent solum Probabilitatem veritatis, utique istæ expositiones possunt esse falsæ; adhuc tamen, si in praxi utamur illis expositionibus fallibilibus, nemo nos jure damnare poterit.

4. Nullo autem modo possum concordare Illustrissimum Clerum, dum dicit Probabilitatem esse inventum postremi hujus sæculi, & initium, & caput propositionum damnatarum ab eodem. Infra demonstrabo, plures ex his propositioni-

bus tradi ab Antiquis; & Alexander septimus in Bulla condemnante quasdam propositiones asserit, partim Antiquatas iterum suscitari; porro propositiones damnatæ à Pontifice sunt omnes damnatæ à Clero Gallicano; ergo propositiones damnatæ à Clero Gallicano juxta Pontificem partim sunt Antiquatæ, & sic partim tradebantur ab Antiquis. Ex hoc sequitur evidenter, vel quoddam Probabilitas sit Antiqua, vel non sit initium, & caput damnatarum propositionum, quod utrumque est contra Illustrissimum Cœtum. Sed jam ad rem accedamus, suppono autem conclusionem non intelligi de Judice, & Ministro Sacramentorum, quando agitur de valore Sacramenti, quia in his materiis res est decisa à Sede Apostolica. Ex illo capite de Judice deduco, idem esse dicendum de Rege bellum inferente.

5. In cap. 5. num. 52. attulimus textum Augustini ex Epist. 7. in quo approbat quatuor opiniones oppositas de exortu Animæ rationalis, quarum duas dicebat esse magis conformes Sacræ Scripturæ; hinc istæ hæc erant probabiliores. Ait etiam de aliis duabus verificari Scripturam; & sic etiam illæ erant probabiles, sed minus, utpotè oppositæ Probabilioribus. Quamvis autem sit textus speculativus, facit multum ad propositum; nam ostendit opinionem minus probabilem posse defendi, & de ipsa verificari Scripturam. Ergo etiam opinio moralis minus probabilis poterit defendi, & de ipsa verificabitur Scriptura, & sic ipsa quoque erit vera; atque adeo ea poterimus uti in praxi. Prima consequentia est clara, quia omnia, quæ poterunt contra ipsam obijci, omnia retorquentur contra antecedens. Dicunt, veritatem non posse reperiri in uno solo? Vel probabilitatem unius inferre falsitatem alterius? Vel intellectum determinari à parte probabiliori? Sed hæc evidenter valent etiam in materia speculativa. Vide cap. 27. num. 37.

6. Possunt dicere, absurdum non esse defendere opinionem minus probabilem moralem in Scholis; nefas tamen esse, illa

illa uti in praxi ob periculum faciendi contra legem.

Sed contra est. Si in Scholis potest defendi; ergo est vera; si est vera, erit absurdum uti in praxi eo, quod iudicatur verè non esse contra legem? Præterea debent, ut toties dixi, Adversarii assignare rationem, cur in hoc casu periculum dicendi aliquid contra revelationem divinam non prohibeat, ut teneamus illam opinionem minus probabilem, periculum verò faciendi contra Legem Divinam debeat prohibere praxim; si enim est malum facere contra Legem Divinam, est malum dicere contrarium revelationi Divinæ.

7. In eadem epist. in princ. scribit: *Recolui tamen, te in ea epistola quæsiisse, quomodo Magi Pharaonis, conversa in Sanguinem tota aqua Ægypti, unde simile aliquis facerent. Quæ duobus modis solvi quæstio solet. Sive quod marina aqua potuerit offerri, sive, quod est credibilis, quia in ea regione, in qua erant filii Israel, ista plaga non fiebat. Ecce tempore Augustini quæstio speculativa sacra duobus modis solvi solebat. Si solebat; ergo pluries pro utraque parte aderant Doctores. Ex his duobus modis unus erat credibilior. Alter certè non erat æquè credibilis. Incredibilis pariter non erat, quia quæstio solet solvi credibiliter. Ergo erat credibilis, sed minus. Isti modi erant oppositi, quia primus minus credibilis erat, quòd aqua tota, etiam ubi erant Hæbræi, fuisset conversa in Sanguinem; & propter hoc erat necesse asserere aquam marinam, ut similia facerent Magi Pharaonis. Secundus modus credibilior erat, quòd non tota aqua, quæ scilicet erat in regione Judæorum, esset conversa in sanguinem.*

8. In epist. 19. cap. 2. tenet utramque partem in illa quæstione, an D. Petrus Iudaizare fecerit Gentiles conversos ante Concilium Hierosolymis celebratum Act. cap. 15, an verò post. Sed primam partem credit esse credibiliorem; aitenim: *Si autem hoc, quod magis arbitror, ante illud Concilium Hierosolymitanum Petrus fecit.*

9. Sed proferamus textum ex eodem Augustino in materia morali, qui certè aquam Probabilitatem demonstrabit, & multum favebit minori. In eadem epist. 19. cap. 5. ita scribit: *Librum quoque tuum, cuius mentionem fecisti, de optimo genere interpretandi, cupio legere, & adhuc nosse, quomodo conquirenda sit in interprete peritia Linguarum conjecturis eorum, qui Scripturas differendo pertractant, quas necesse est, etiam si recta, atque unius Fidei fuerint, varias parere in multorum locorum obscuritate sententias, quamquam nequaquam ipsa varietas ab eisdem Fidei Unitate discordes; Sicut etiam unus tractator secundum eandem fidem aliter, atque aliter eundem locum potest exponere, quia hoc epus obscuritas patitur. Hic textus multum facit pro iis, quæ dico cap. 26. num. 57. fin.*

10. Ecce obscuritas multorum locorum Sacre Scripturæ necessario parit varias sententias, & hoc salva Fide. Ecce idem Doctor explicando Scripturas propter ipsarum obscuritatem salva Fide aliter, atque aliter eundem textum exponit. Hæc Doctrina verificatur etiam in materia morali, quia in Scriptura dantur textus obscuri morales. Quia verò Augustinus non dixit, eundem Doctorem varias æquales expositiones facere; ideo nec nos debemus dicere. Ergo idem Doctor potest de eodem textu habere opinionem unam magis, aliam minus probabilem. Et istæ opiniones erunt varix, & aliter, atque aliter eandem Scripturam exponunt. Ego hanc varietatem accipio, ut significantur opiniones oppositæ; si enim varietas accipiat secundum varios sensus, scilicet Anagogicum, Tropologicum &c. tunc nedum Scriptura obscura, ut ait Augustinus, sed etiam clara posset variè exponi: unde idem Doctor potest exponere illud nomen, *Hierusalem*, quod clarè denotat Civitatem quandam, ut significet etiam Patriam Cælestem in sensu anagogico.

11. Quia verò nedum Scriptura, sed etiam Natura habet propositiones obscuras;

furas; Ergo etiam in lege naturalida-  
bitur alia, atque alia explicatio de ead-  
dem propositione naturali. Hoc idem  
dico à fortiori de lege Ecclesiastica.

12. Supra in cap. 4. num. 12. & cap. 27.  
num. 2. recensui D. Hieronymum dicen-  
tem, referre in suis commentariis se-  
cundum omnium consuetudinem varias  
explicationes Scripturæ, ut è multis  
sequatur unusquisque, quod velit. Ego  
non decido, an D. Hieronymus de li-  
bertate sequendi opinionem minus  
probabilem è variis, quod volumus. Le-  
ctor prudens iudicabit.

13. Lactantius Firmianus, quem et-  
iam retuli pro equali Probabilitate  
cap. 27. num. 27. lib. 3. de Divin. Insti-  
tutione cap. 27. scribit, quod præcep-  
ta Philosophorum nihil ponderis ha-  
bent, quia sunt humana, & autho-  
ritate majori, idest Divina, illa Ca-  
rent. Nemo igitur credit, quia tam se  
hominem esse putat, qui audit, quam  
est ille, qui præcipit. Præterea nihil  
apud eos certi est, nihil, quod à scientia  
veniat; Sed cum omnia conjecturis  
agantur, multa etiam diversa, & varia  
proferantur, flustissimus est hominis præ-  
ceptis eorum velle parere, quæ utrum ve-  
ra sint, an falsa, dubitatur; & ideo ne-  
mo parit, quia nemo vult ad incertum la-  
borare.

14. Lactantius propter duo capita di-  
cit, non esse parendum præceptis Phi-  
losophorum, Primum, quia carent illa  
præcepta auctoritate Divina, Secundum,  
quia apud Philosophos nihil certi est, &  
nihil à scientia venit; & ex hoc secundo  
capite inferebat; & ideo nemo parit,  
quia nemo vult in incertum laborare. Hæc  
Doctrina evidentissimè probat nostram  
conclusionem, quia opinio, quamvis  
probabilior, semper est incerta, & es-  
sentialiter differt à scientia, ut vidimus.  
Hinc non venit à scientia; & sic debet  
deduci consequentia Firmiani: Ideo ne-  
mo parit probabiliori, quia nemo vult  
in incertum laborare.

15. Divus Raymundus lib. 1. de ju-  
ram. & perjur. §. quid si audiat aliquis fa-  
cit questionem, An iudex possit con-

demnare illum, quem certò scit per  
scientiam privatam esse innocentem,  
sed per allegata probatur Reus. Refert  
opinionem, postea subdit: consulo ergo,  
ut deleget alteri, si fieri potest; sin au-  
tem remittat ad superiorem, ut si ille  
ferat, siue præcipiat isti, alletetur ex  
hoc conscientia sua. Posito etiam, quod  
secundum opinionem primam aliquis judi-  
caret, cum dolore tamen animi, non au-  
derem eum condemnare. Ecce consult  
opinionem, ne ipse talem condemnet;  
postea non audet condemnare oppositum,  
quod utique judicabatur à Divo Ray-  
mundo posse esse peccaminosum. Ego  
credo, opinionem primam tenuisse ut  
probabiliorem ex eo, quia illam consu-  
lit, secundam verò ut minus probabi-  
lem, quia illam positivè non approbat,  
sed tantum non audet condemnare.

16. Lib. 2. tit. de raptor. §. 21. ut re-  
tuli cap. 22. num. 3. Docet quòd, si plu-  
res simul irent, & rapiunt aliquid, tunc  
quilibet tenetur restituere in solidum;  
si verò, simul non vadant, nec unus  
hortatur alium, quilibet non tenetur  
restituere in solidum. Subdit Doctor:  
Vel forte in utroque casu posset tolerari,  
quòd quilibet satisfaceret de his, quæ ha-  
buit, & induceret pro posse ad satisfaciend-  
um. Ecce absolutè tenet quemlibet  
raptorem in casu teneri ad restitutionem  
in solidum. Ergo hanc opinionem rigi-  
dam tenet ut probabiliorem. Subdit ta-  
men, quòd, forte posset tolerari oppositum.  
Certe huic opinioni benignè non ita fir-  
miter adhæret, ut ostendunt illa verba  
formidantia: forte posset tolerari. Ergo  
sequitur hanc benignam ut minus pro-  
babilem.

17. Lib. 3. tit. de differ. offic. §. 4. scri-  
bit: nota, quòd Metropolitanus potest  
celebrare Concilium Provinciale irre-  
quesito, & absente Primate 92. distin.  
Si quis Episcopus vacans in fi. & 9. quæst.  
3. cap. 2. possent tamen illa intelligi de Pro-  
vinciis, quæ non habent Primate; sed  
primum credo verius. Ecce textus, qui  
potest intelligi de Provinciis habentibus  
Primate, & de Provinciis non habent-  
ibus Primatem. Si primum est verius,  
D d      secun-

secundum erit utique verum, sed minus. Ecce veritas stat in parte *minus probabili*. Si pars minus probabilis est vera; ergo intellectus potest illam sequi. Vide cap. 5. num. 40.

18. In cap. 4. num. 28. retuli Parisien. de Fide cap. 1. post init. quem sequitur Nider in consolat. timor. conscient. par. 3. cap. 19. dicentem esse voluntarium credere Probabilitati, *quantiacunque sit, Quoniam nihil adeo Probabile, quod non habeat dissuasionem, qua possit videri falsum, aut saltem qua possit videri, non esse credendum, & hoc propter periculum erroris*. Ego infero; Ergo opinioni Probabiliori possum contraire, & oppositum defendere, quod utique erit minus probabile. Vide cap. 31. num. 65.

19. Alensis 2. par. Sum. qu. 112. membr. 8. princ. dicit: Quanto enim plus tenetur homo ad cognitionem juris, tanto minus excusatur; *Quia vero unusquisque tenetur ad scientiam juris naturalis*, ideo nullus adultus excusatur; nulli enim adulto licet legem naturalem ignorare; *quoniam ipsa scribitur in corde humano naturaliter*. (Nota diligenter causalem hanc, quare Adulto non liceat legem naturalem ignorare) *quoniam ipsa scribitur in corde humano naturaliter*. Et nota illa verba, *Unusquisque tenetur ad scientiam juris naturalis*. Fac ergo argumentum: Impossibile est habere scientiam de rebus obscuris, & opinabilibus; Ergo in his materiis non tenemur habere scientiam, quia impossibile nulli est obligatio juxta Canones, & Leges. Antecedens patet, quia scientia est de rebus Claris, & certis, obscurum autem non est clarum, & opinabile non est certum; & hoc apud Angelicum est adeo verum, ut ipse 2. 2. quæst. 1. art. 5. ad 4. velit, impossibile esse, quod idem sit opinatum, & scitum. Si autem in his materiis non tenemur habere scientiam; ergo sequendo opinionem minus probabilem non facio contra præceptum legis naturalis; atque adeo in opinione minus probabilis dabitur ignorantia me excusans.

20. Præterea per Alensem ratio, &

causa, qua non excusamur ab ignorantia juris naturalis est, *quoniam ipsa Lex scribitur in corde humano*, & hoc non per studium, non per illustrationem Divinam, sed *naturaliter*. Sed in rebus controversis, obscuris, & opinabilibus non scribitur hæc Lex; imo studium humanum facit, quod in uno scribitur quidem, sed in alio aboletur; Unde si prius v. gr. in Theologis erat impressum accipientem rem proximi in extrema necessitate teneri ad restitutionem, quando venerit ad pinguiorem fortunam, Postea Scotus studio didicit contrarium; Ergo in his materiis secundum Alensem ignorantia debet nos excusare.

21. Dices: Secundum Doctorem in primo casu Inclusus in carcere Saracenorum, si non habet hominem instructorem, & faciat, quod in se est, Dominus illuminabit eum per occultam inspirationem; ergo etiam in secundo casu, id est, quando materia est obscura, si homo faciat, quantum in se est, Dominus illuminabit eum.

Respondetur, Doctrinam hanc valere in materia Fidei, ut loquitur Alensis, sine qua impossibile est placere Deo; & sic valere in omnibus necessariis necessitate mediis, vel etiam in necessariis necessitate præcepti clarè explicati, non verò in obscuris, quæ Deus permittit nos ignorare. Numquid Proceres Antiqui Doctrina, & Sanctitate Celebrissimi non fecerunt omnia, quæ in ipsis erant, ut veritatem attingerent? Et tamen omnes non sunt illuminati in iis, in quibus opponuntur; Ergo in ipsis ignorantia veritatis erat excusabilis. De hoc puncto egi alibi, unde nihil aliud dicendum puto.

22. Ulterius in eadem quæst. membr. 1. ait: Ignorantia multipliciter dicitur; Aliquando enim dicitur defectus veræ cognitionis; aliquando defectus scientia debita, *sive ad quam tenetur homo*; aliquando vitium, vel peccatum ex voluntate nesciendi ea, quæ sunt ad salutem necessaria. *Necessaria autem ad salutem sunt Fides, & Mores*. Voluntas ergo nesciendi in iis, vel non apponendi cu-

ram,

ram, ut sciatur, est peccatum. Psal. 35. Noliut intelligere ut bene ageret; super quo dicitur in Glossa, Potuit intelligere, ut bene ageret, sed noluit; & ita veniam non habet. *Imprudentia enim, & ignorantia venia datur aliquando, voluntati autem mala semper pœna.* Ex hoc textu habetur, ignorantiam esse vitium, & peccatum, si sit de iis, quæ sunt ad salutem necessaria, quæ sunt *Fides, & mores.* Ego subsumo: Sed in rebus revelatis obiculis, & quæ sunt sub opinione Doctorum Fides non est necessaria, etiam per ipsum Alensem, qui dicebat, propter hoc in materia Notionum Divinarum licere sequi varietatem opinionum; Ergo etiam mores in materiis obiculis, & controversis non erunt necessarij ad salutem.

23. In 4. par. quæst. 28. membr. 6. art. 2. §. 3. dicit, quod etiam pro utraque opinione æquè probabilis attuli, præceptum Jejunij incipere anno decimo octavo; de aliis verò duabus opinionibus sustentibus incipere anno vigesimo, vel anno sexdecimo, expresse a. t. *Neutram reprobo;* Ergo neutra est falsa; si non est falsa; ergo est vera. Accedit ergo Juvenis annorum decem, & novem; & querit ab Alensi, antequam ad jejunium; ipse certè respondebit: secundum meam opinionem teneris, non tamen te reprobo, si non jejuas. Accesse alius ad contendendum sua peccata eidem Alensi, & fatetur se non jejunare, & querit ab ipso, an peccet. Si dicat affirmativè absolute, Ergo reprobo opinionem; Ergo debet dicere, secundum me peccas; ita tamen sequaris aliorum opinionem, non te reprobo. Hic modus est ipsissimus Probabilissimus, & mei.

24. Vidimus alibi, Guilielmum Altissiod: esse pro Probabilitate, tamen forsan favet etiam Probabilitati. Igitur in 1. tract. de Notionibus Divinis cap. 5. quæst. 3. scribit, quod neutra opinio de Divinis Notionibus est hæretica. Cum enim in Sacra Scriptura non habeamus determinatum de Notionibus; ideo licet

Magistris opinari, sed non licet eis asserere; Si enim quis asserat aliquid de Deo, quod non sit determinatum in Sacra Scriptura, vel quod non sequatur directè ex fide, mortaliter peccat, quia se constituit supra Deum. Judex enim est supra id, de quo habet judicare. . . . . Magistris autem Theologiæ nihil asserunt, sed tantum opinantur inquirentes de talibus ad defensionem Fidei contra Hæreticos; & ideo, quia nihil asserunt, non peccant, licet propter aliquas rationes versetur animus eorum ad unam partem magis, quam ad aliam, quod est opinari. Per hunc Doctorem causa, qua posuimus aliquid de Divinis Notionibus, & consequenter de rebus dependentibus à Divina revelatione, opinari, est, quia non est determinatum in Sacra Scriptura, nec sequitur directè ex fide. Sed, quod est Probabilius, non est determinatum in Sacra Scriptura, nec sequitur directè ex Fide, cum possit aliter se habere; ergo possumus opinari contra opinionem probabiliorum. Facio Argumentum brevius. Carentia determinationis in Sacra Scriptura de Divinis Notionibus, & sequellæ directæ ex fide est causa, qua licet contrariè opinari per Altissiodorensin; Sed in Probabilitate adest Carentia determinationis in Sacra Scriptura, & sequellæ, &c. Ergo in Probabilitate licet contrariè opinari. Minor patet, quia determinatum in Sacra Scriptura, & quod sequitur directè ex Fide, est certum, & invariabile. Probabilitas autem est incerta, & potest aliter se habere. Major verò est clara in textu Altissiodorensis in illis verbis: *Cum enim in Sacra Scriptura non habeamus determinatum de Notionibus, ideo licet Magistris opinari.* Et infra in solutione ad primum implicitè fatetur, nos posse dubitare de Notionibus Divinis, quia nihil est determinatum in Sacra Scriptura. Si licet de Divinis Notionibus juxta Doctorem minus probabiliter opinari, idem debemus fateri de objecto practico dependente à revelatione Divina, & hoc à fortiori est sustinendum in sententia Doctoris, quia ipse scribit cum Augustino: & ideo dicit Beatus Au-

stinus, quòd nunquam periculosus erratur; error enim in aliis, quæ scilicet non sunt Notiones Divinæ, non est peccatum, vel tantum peccatum.

Sed objectum practicum est aliud à Notionibus Divinis; ergo error in ipso non est peccatum, vel tantum peccatum. Et sic opinio minus probabilis, si postea inventiatur falsa, non erit peccaminosa, vel tantum peccaminosa.

25. Dices, licere quidem in objecto practico opinari, etiam in sententia Altisiodorensis; at opinari per ipsum est, cum animus propter aliquas rationes magis versatur in unam partem, quam in aliam; Cum ergo in opinione minus probabilis non versetur propter rationes, sed potius propter voluntatem mens trahatur in hanc potius, quam in aliam partem, ideo non licet minus probabiliter opinari in objecto practico.

26. Sed contra, fateor equidem in sententia Doctoris opinari importare Probabilitatem; at nego per ipsum non licere adhærere objecto etiam practico, quod probabiliter verum apparet; Namque tota, & unica ratio, qua motus est Altisiodorensis ad dicendum nos posse de Divinis Notionibus contrarie opinari, non verò asserere, est quia nihil est determinatum de Notionibus in Sacra Scriptura. Ex hoc ego infero, quòd intellectus in his materiis poterit etiam minus probabiliter adhærere, & affirmare, & negare, & idem à fortiori in aliis materiis minus dignis, ut sunt materie practice. Si negatur consequentia, assignetur disparitas, cur indeterminatio Scripturæ reddat licitam opinionem, non verò minus Probabilitatem. Interea peto ab Altisiodorensi, an opinio sit indivisibilis intensivè, vel divisibilis. Si divisibilis; ergo opinio modò est magis, modò minus opinio. Deinde explicet, quando opinio minus talis erit. Et certè nil aliud assignari poterit, nisi quia objectum minus movet ad hanc partem. Si dicatur opinionem esse indivisibilem intensivè; Contra, quia omnis cognitio intellectiva intenditur, & remittitur, & huius intellectuales fuit-

piunt magis, & minus per Philosophos.

27. Hic notabis, secundum Altisiodorensis in quaestionibus revelatis non licere aliquid asserere, quando non est determinatum in Scriptura, vel ex fide directè non sequitur; Per assertionem autem Antiqui intelligebant cognitionem firmam, & certam. Hinc in 3. tract. 8. cap. 4. quest. 5. §. ad evidentiam solutionis, pag. 188. column. 4. dicebat: Qui per naturales rationes aliquid asserit de Deo, quod non est ei certum, neque per synthetisim, nec per Fidem, nec per Sacram Scripturam, peccat mortaliter. Humano enim ingenio asserere aliquid de Deo præsumptio est. Nescio, an hæc Doctrina sit contra Adversarios volentes in quaestionibus supernaturalibus indecisus, & in quibus Doctores variant, nos cogere ad certitudinem.

28. Idem Author in 4. tract. 6. cap. 7. de penit. veniendum quest. 3. in solutione quaestionis ita scribit: Illi dicuntur edificare super fundamentum Christi lignum, solum, stipulam, qui super Doctrinam Apostolicam edificant vanam, & frivolum Doctrinam. Et frivola Doctrina dicitur Doctrina falsi, cui admiscetur aliquod peccatum. Detere enim falsum non est peccatum secundum se, gna & illi, qui dicunt tantum quinque esse Notiones, meritorie hoc possunt dicere; & illi, qui dicunt non tantum esse quinque Notiones, meritorie hoc possunt dicere; & tamen alteri dicunt falsum. Unde Doctrina falsi secundum se non est vana, & frivola, sed cum admiscetur peccatum. Potest tamen admisceri quadruplex peccatum. Aliquis autem Magister appetit excellere alios, & postea credit, se excellere alios, & postmodum vult apparere excellens, & propter hoc habet curiositatem, quæ est libido sciendi maximè ea, quæ non est necesse scire, & cum ex his quatuor, vel ex aliquibus istorum, quæ sunt peccata venialia, doceat falsum, tunc salvo fundamento adificat lignum, solum, stipulam; peccat enim tunc venialiter.

29. Per hunc Textum illi peccant venialia.

nialiter in tradendis Doctrinis, qui salva Doctrina Apostolica docent falsa cum admixtione alicujus peccati venialis ex quatuor assignatis; Sed opinio minus probabilis, quamvis in se esset falsa, nullum habet peccatum veniale ex quatuor assignatis, ut patet; ergo opinio minus probabilis, quamvis in se esset falsa, nullum peccatum importat.

30. Dices: In scripturis habetur *Veritatem nos salvare*, & Christum dici *Veritatem*. Ergo Probabilitas, si in se sit falsa, non salvat Doctrinam Apostolicam; atque adeo importat peccatum mortale.

Sed contra, quia sic falsitas in se esset mala; & sic nulla falsitas esset bona, & meritoria, quod est expresse contra Doctorem, qui dicit opinantes contrariè in materia de Notionibus meritorie posse se habere. Præterea per Doctorem dicitur *falsum* præcisè non est Doctrina *vana*, & *frivola*; ergo Probabilitas, si in se sit falsa, si nihil aliud deterius habeat, non destruit Doctrinam Apostolicam; quin nec est vana, & frivola juxta principia hujus Magistri. Hinc aperte Vendrochius, & alii, qui allato argumento contra nos uruntur, contrariantur Altissiodorensi. Objecto satisfactum est alibi; unde hic superfluo ab ulteriori responsione; unde solum

31. Confirmatur hæc Responsio. Doctrina Apostolica est Doctrina Fidei, ut videtur supponere Doctorem in principio questionis, & etiam à nullo negari posse videtur; Opinio autem minus probabilis non est contra Fidem; nam, quamvis Thomistæ judicent probabiliores opiniones Divi Thomæ, non propter hoc poterunt dicere, opiniones contrarias Scoti, & aliorum Doctorum esse contra Fidem; nec vice versa Scotistæ audebunt affirmare, opiniones Divi Thomæ opponi principiis Fidei; Et quando Gratianus in questione de necessitate Confessionis de prenit. dist. 1. fin. dedit licentiam Lectori sequendi opinionem, quæ sibi placeret, non propter hoc existimavit, sequentem opinionem affirmativam debere credere opinionem contrariam repugnare Fidei; licet postea ut hæretica

declarata fuerit. Ergo opinio minus probabilis stat cum Doctrina Fidei; atque adeo non erit juxta Doctorem improbanda sub gravi. Et cum ex alia parte non habeat admixtum aliquod ex quatuor peccatis venialibus, jam etiam non est Doctrina *vana*, & *frivola*, sed solida, & gravis; & sic absque scrupulo sectanda, & tradi poterit meritorie.

32. Albertus Magnus apud Nider in Consolat. timor. Conficient. 3. par. cap. 11. & Divum Antoninum 1. par. tit. 3. cap. 10. §. 10. vers. *revertendo ad quartam* dicit: quod Frater Simplex, & quilibet Homo cum salute potest sequi in Consiliis quamcumque opinionem voluerit, dummodo alicujus Magni Doctoris opinionem sequatur. Nequit negari, quod Alensis, Albertus, Divus Bonaventura, Divus Thomas, Scotus, & alii Proceres Theologi Antiqui sint Magni Doctores. Insuper est certum, quod Albertus noluerit nos cogere, ut credamus esse omnes ejusdem Authoritatis; ergo relinquit nobis arbitrium tenendi esse majoris, & minoris authoritatis; adhuc tamen, cum omnes sint Magni; ergo per Albertum possumus illorum opiniones sequi, & quia necesse est, illos judicare majoris, & minoris Authoritatis, sic illorum opiniones erunt aliquæ Probabiliores, aliz minus probabiles; & tamen omnes possumus sequi tanquam opiniones *Magnorum Doctorum*.

33. In 2. dist. 23. art. 9. dixerat, ignorantiam juris esse peccatum, & neminem excusare; Unde ex hoc videtur, esse nobis contrarius; adhuc tamen multum favet in articulo sequenti, ubi hæc scribit: Ignorantia juris est duplex, quia quoddam jus est Universale, quod omnibus imponitur ad sciendum, & quoddam est particulare, quod non scitur nisi per studium. Et puto, quod Prima est crassa, & supina, non excusans: secunda autem excusat vel à toto, vel à tanto, si est casus multum difficilis: ita verbatim Magnus Albertus.

34. Nunc quæro ad Adversarios, an in materiis obscuris supernaturalibus, naturalibus, & Ecclesiasticis omnes te-

neantur scire veritatem. Et secundum Albertum debemus respondere negativè, quia Theologi ipsi post longum, & improbum studium vix opinari possunt in his materiis; tantum abest, ut hæc scire queant. Ergo hæc materiæ non spectant ad *jus Universale*, quod omnibus imponitur ad sciendum. Ergo pertinent ad *jus particulare*. Ergo, si in his materiis casus est multum difficilis, ejus ignorantia excusabit à toto. Tum sic: Ergo opinio minus probabilis sustinens non dari præceptum in materia multum difficili habebit ignorantiam excusantem à toto, quia non est contra *jus*, quod omnibus imponitur ad sciendum.

35. Dices. Per *jus Universale* intelligitur *jus Naturale*, & Divinum, quæ jura omnes scire debent; per *jus* verò particulare intelligitur *jus Civile*, & Ecclesiasticum, quorum notitiam omnes habere non debent, arg. c. *Jus Naturale*, & c. *Jus Civile*. 1. dist.

Sed contra. Ergo saltem in *jure Civili*, & Ecclesiastico opinio minus probabilis, si casus sit multum difficilis, habebit ignorantiam excusantem à toto.

36. Præterea Albertus distinguit *Jus Universale* à particulari, quia *Primum omnibus imponitur ad sciendum; Secundum* verò non scitur nisi per studium. Igitur, si *Jus Naturale* imponitur omnibus ad sciendum, hoc ideo est, quia scitur sine studio, & ubique instinctu naturæ habetur, & dicitur allato c. *jus naturale*; Hinc & instinctu naturæ scitur. Cum ergo materiæ obscuræ Naturales, Supernaturales, & Ecclesiasticæ solo naturæ instinctu non sciuntur, istæ materiæ non spectant ad *jus Universale* juxta explicationem Alberti. Ex alia parte, cum per Albertum *jus particulare* sit, quod non nisi scitur per studium, & prædictæ materiæ solo studio sciuntur, quin multoties post improbum studium vix de illis opinari liceat; ergo hæc materiæ pertinent ad *jus particulare*; & si casus erit multum difficilis, ignorantia ejus à toto excusabit. Et propter hoc Legislatores, ut excusationem à transgressionibus tollerent, voluerunt suas le-

ges esse manifestas. C. *erit autem* 4. dist.

37. Exemplo Magni Alberti possumus explicare Doctores Antiquos asserentes tanquam Axioma: *Ignorantiam Juris neminem excusare*. Sic ergo explicandi sunt, quod ignorantia Juris Universalis, quod scilicet scitur sine studio, & sic omnibus imponitur ad sciendum, neminem excuset; Ignorantia autem Juris Particularis, quod nempe non scitur nisi studio, excusat, si casus sit multum difficilis. Hæc explicatio est juxta exempla, quæ afferunt in exemplis de ignorantis juris, v. gr. Ignorantia de Fornicatione, Homicidio, & hujusmodi, quæ sunt exempla ipsius Alberti in articulo septimo. Certum est autem, quod hæc veritates sine studio saltem magno ab omnibus addiscuntur. Nunquam autem invenies afferre exempla in ignorantia de jure in materia multum obscura. V. grat. nunquam dicunt ignorantiam de constituendis circumstantiis aggravantibus, de restitutione rei ablata in extrema necessitate, de certa quantitate requisita ad mortale, & aliorum similium non excusare. Ergo per Doctores Antiquos Ignorantia Juris Universalis, quod debet sciri ab omnibus, & sic sine studio, & sic jurisclari, & certi, neminem excusat; Bene verò ignorantia juris particularis, quod non nisi studio scitur, si sit casus multum difficilis; & sic ignorantia juris in materia multum obscura, & opinabili à toto excusabit.

38. Circa Divum Bonaventuram expendo Doctrinam, quam habet in 2. distin. 22. dub. 1. Ibi querit, an si Adam non peccasset, humanum genus peccatis corruptum periret. Respondet negativè, & solvendo rationem oppositam ait: Quod homo tunc ex parte mulieris contraheret corruptionem pœnalitatis, non corruptionem fecditatis. Vel certe, quod probabilius videtur, vir mulieri commixtus amplius non esset, sic enim Deus aliam novam formasset. Ecce per primam responsum Adam innocens commixtus fuisset cum Eva peccatrice; per secundam verò probabiliorum responsum non fuisset commixtus.



39. In 4. dist. 13. art. 2. qu. 2. ( retuli etiam cap. 27. nu. 27. & 28. ) amplectitur duas opiniones in illa difficultate, *An Corpus Christi descendat in ventrem hominis*. Prima opinio asserit, non descendere, quia stultus esses, qui adorares Christum in ventre hominis. De hac opinione sic iudicat: *Sic potest ista opinio satis probabiliter sustineri*. Secunda opinio concedit, quod *Corpus Christi est in stomacho*, & secundum hanc positionem satis patet responsio ad objecta. De hac opinione tale iudicium profert: *Alia positio videtur securior, & auctoritatibus magis concordare*. Si hæc opinio magis concordat cum auctoritatibus; ergo est amplectenda tanquam probabilior, ut fecit Concilium Viennense relatum in Clement. de Summ. Trinit. §. fin. propter hanc rationem in alia opinione Theologica. Uterius Divus Thomas quodlib. 4. art. 18. asserit, auctoritates probare, quod res ita est. Ergo, quod magis conformatur auctoritatibus, est probabilius. Per Divum ergo Bonaventuram, quamvis hæc secunda sit securior, & probabilior, adhuc opposita opinio est & probabilis, & satis probabilis, & satis sustineri potest. Quia verò opinio opposita probabiliori est minus probabilis. Ergo opinio minus probabilis potest esse probabilis, & satis probabilis, & satis sustinibilis. Hinc Adversarii dicentes opinionem minus probabilem esse tenuerit probabilem opponuntur Doctori Seraphico; quod si detur aliquando opinio minus probabilis, quæ sit tenuerit probabilis in se, tunc illa opinio erit rejicienda, tanquam indigna, quam vir prudens amplectatur. Hinc Innocentius undecimus num. 3. talen propositionem eliminat à praxi. Deduco ulterius, intellectum posse determinari ab objecto, quod graviter moveat, licet minus, quam oppositum; quia autem intellectus, dum est determinatus, non est amplius dubius; ergo de tali intellectu non valet illud axioma: *In dubiis tutior pars est eligenda*. Ex hoc colliges, intellectum unice non determinari ab objecto probabiliori, sed posse determina-

ri ab objecto, quod quidem minus moveat, sed tamen graviter moveat. Colliges etiam, hæc valere in materia morali, quia Scriptura, & Patres non habent maiorem auctoritatem in morali, ac in re speculativa Sacra; & sic dicesse posse dari propositionem moralem satis probabilem, & satis sustinibilem oppositam opinioni magis conformi Sacre Scripturæ, & Patribus. Observa hunc textum esse virtualiter moralem, ut notavi etiam cap. 27. num. 28.

40. Insuper dist. 32. art. 3. quæst. 1. in corp. & ad 3. dicit, *probabilis* esse, quod Uxor tempore menstrui naturalis non teneatur ad redditionem debiti; sed adhuc ibidem subdit, securius, & sanius esse dicere, quod teneatur reddere. Nunc quæro, an Probabilioritas tollat ab alia parte probabilitatem, vel non. Si secundum; ergo opinio minus probabilis est verè probabilis; & sic potest defendi. Si Primum; ergo in casu Divi Bonaventuræ non est probabile, quod mulier hæc teneatur ad debitum reddendum. Si non est probabile; ergo quomodo Divus Bonaventuræ potest dicere, *securius, & sanius* esse asserere, quod teneatur? Nunquid propositio nullam habens veritatem potest esse secura, sana, & obligativa? Si potest dici propositio nullam Probabilitatem importans, poterit etiam dici propositio minus probabilis, quæ aliquam importat probabilitatem.

41. Durandus in 4. distin. 15. quæst. 2. asserit duas opiniones. Harum Prima assererat, pœnitentiam impositam à Confessario, & factam in peccato mortali à pœnitente liberare à pœna; & sic nec teneri iterum ad illam peragendam. Secunda assererat, non liberare à pœna. De hac opinione sic loquitur num. 8. *Et iste modus, licet sit durior, est tamen securior, quam primus; & ideo est magis consulendus; Primus tamen non est totaliter condemnandus*. Hic nequit negari, quod Durandus credat secundam opinionem nedum securiorem, quod est evidens ipsis titulis, sed etiam probabiliorem, cum oppositam dicat *non esse totaliter condemnandam*, quæ verba eviden-

denter notant hanc opinionem esse minus probabilem. Nec dicas, hæc verba denotare, quod credat illam nec probabilem, nec improbabilem; Nam pro illa solvit Argumenta contraria, ut patet num. 10. & num. 14.

42. Dist. 19. quæst. 2. num. 13. refert pariter duas opiniones. Una dicebat, quod idem quilibet non potest absolvi à quolibet sacerdote, quia Ecclesia hoc prohibuit; & sic solo jure Ecclesiastico; & secundum hanc opinionem quilibet recipit *verum Sacramentum* à quolibet Sacerdote: quia tamen tunc non recipitur absolutio; idem penitens Confessus Sacerdoti prohibito ab Ecclesia, debet iterum Sacramentum recipere à non prohibito pro absolutione peccatorum. De hac opinione sic judicat Durandus. Hic est primus modus *satis probabilis*, ad cujus rationes difficile est respondere, *ut mihi quandoque visum fuit.*

43. Referens Secundam opinionem sic prosequitur: secundus modus est, quod non quilibet potest absolvi à quolibet, non solum propter Ordinationem Ecclesie, sed propter Ordinationem Christi, & *hic modus pro nunc apparet mihi verior*, quia Christus soli Petro tantum Pastro, &c. Ecce evidentur in intellectu Durandi componebantur simul Primus modus *satis probabilis*, & secundus modus verior; & sic probabilior; Isti autem modierant inter se oppositi, ut patet. Nota, quod, licet modus secundus sit verior, & sic necessario primus modus sit minus probabilis; adhuc tamen per Durandum primus modus est *satis probabilis*. Ergo minor probabilitas, nedum est in linea Probabilitatis; sed etiam cum addito illius adverbii, *satis*, quod notat aliquid plus. Quoad primum modum vide omnino Tridentinum sess. 14. cap. 6. & 7.

44. Distin. 20. quæst. 4. num. 8. dicit, quod aderat Tertia opinio sustinens Indulgentias valere tantum, quantum causa illas concedendi exigit, & non ultra. Subdit postea: *Hæc opinio bene est probabilis; tamen non est totaliter concors Consuetudini Communis Ecclesie, quæ non ob-*

*servat hanc proportionem.* Certè hæc opinio est probabilis juxta Durandum, cum expressè talem illam appellet; adhuc tamen, quia non est totaliter conformis Consuetudini Ecclesie, & propter alias rationes potius sequitur quartam opinionem, quæ asserit Indulgentias tantum valere, quantum sonant, licet causa Indulgentie non sit proportionata. Ex hac opinione sequitur, ut asserit num. 9. & 10. quod, si Papa dicat, quod in visitatione Ecclesie, & recitatione quinque Pater, & Ave remittantur quatuor anni de penitentibus injunctis verè penitentibus, & Confessis, facientes hæc opera non teneantur amplius ad illos quatuor annos de penitentibus injunctis, ad quos tamen teneantur juxta tertiam opinionem, quam tenet Durandus ut probabilem. In hoc textu jam video opinionem minus probabilem esse rigorosam, & probabiliorera benignam. Verum adhuc multum mihi favet, quia jam sequitur evidenter, non implicare dari simul in intellectu opinionem minus, & magis probabilem oppositas; nec, quod minus probabilis sit rigorosa, non benigna, tollit oppositionem; quia oppositio in propositionibus habetur ratione forme, non ratione materie: Tum quia, ut sæpe dixi, Probabilitas nihil dependet à rigorositate materie, aut benignitate. Ergo, si secundum Durandum possumus, tueri duas propositiones, quarum una sit minus probabilis, & rigorosa, Altera probabilior, & benigna, poterimus etiam defendere duas propositiones, quarum minus probabilis sit benigna, & probabilior sit rigorosa.

45. Præter hæc secundum quartam opinionem possum relinquere omnem penitentiam injunctam à Confessario, acquirendo Indulgentiam Plenariam, quamvis causa non sit proportionata; & tamen secundum Durandum in mea mente resideat opinio opposita ut probabilis. Doceant nunc me Adversarii, quomodo, nedum cum scrupulo, sed cum opinione, quod non possim relinquere totam penitentiam in hoc casu, possum  
licito

licite relinquere totam penitentiam, & ego eadem regula utar, ut possim licite sequi opinionem minus probabilem, & minus tutam. Ipsi nequeunt dicere, nisi quod tunc, tametsi physice sit in mea mente opinio rigorosa, tamen non datur præceptum in hoc casu, quo teneat sequi opinionem rigorosam. Et ego assero, quod in materia obicura non datur præceptum sequendi veritatem, cum impossibile sit, quod tunc detur; Ideò possum sequi Probabilitatem, quæ nunc reperitur in utraque opinione.

46. Distinct. 23. quæst. 3. num. 7. asserit, communem opinionem sustinere formam Extremæ Uctionis esse deprecativam; & proculdubio huic opinioni adhaerere videtur. Adhuc tamen dicit, quod, si quis vellet tenere esse Indicativam, non deprecativam, posset respondere argumentis oppositis. Postea respondet objectis. Hinc proculdubio hanc quoque reputat probabilem opinionem, minus tamen, quam primam, cum pro prima supponat omnes Ecclesias uti formam deprecativam. Hic notabis, opinionem oppositam illi, quam sequor, posse solvere argumenta inter opinionis; & sic opinio minus probabilis solvit argumenta probabiliora; atque adeo impossibilem Adversariis non dicant, opinionem probabiliorē esse veram, & minus probabilem falsam.

Distinct. 33. quæst. 3. narrat duas opiniones. Prima dicebat, Repudium in lege Veteri fuisse illicitum. Assert rationes pro eadem, & num. 10. & 11. solvit Argumenta opposita. Secunda sustinebat, tale Repudium fore licitum. Num. 7. ponit rationes pro eadem, & dicit: *Hæc autem opinio videtur probabilior, licet præcedens sit communior.* Numer. 12. & 13. respondet Argumentis contrariis huic secundæ opinioni. Certe primam opinionem Durandus reputat probabilem, cum asserat fundamenta pro eadem, & solvat objecta; Quia verò secundam opinionem vocat expressè *probabiliorē*; ideo prima reputabatur ab ipso probabilis quidem, sed minus,

Et observa, quod hæc opinio minus probabilis habet Virtutem solvendi Argumenta opinionis probabilioris; Ergo etiam aliæ opiniones minus probabiles habebunt Virtutem solvendi Argumenta opposita; Solutis autem Argumentis oppositis opinionis probabilioris, quare non potero assentiri opinioni minus probabili?

47. Scio, opinionem minus probabilem huius textus esse pro lege; & sic Adversarii concedent, nos posse sequi opinionem minus probabilem, Legi tamen faventem. Sed contra, quia quod faveat legi non evadit fortior ad solvenda Argumenta opposita, nec per hoc evadit aut æquè probabilis, aut probabilior opposita opinione. Ergo opinio minus probabilis, licet non faveat legi, habebit Virtutem solvendi Argumenta opinionis probabilioris faventis legi. Possent alia opponi huic Textui, sed alibi sunt soluta.

48. Distinct. 35. quæst. 1. num. 8. dicit, quod Vir teneatur, dimittere Uxorem fornicantem manifestè, si non sequatur correctio. Subdit tamen: Quidam etiam dicunt, quod, quævis non speretur de correctione Uxoris, vir potest eam secretè ad thorum recipere, sed non publicè cohabitare propter scandalum, *quod non videtur omnino irrationabiliter dictum.* Hæc verba puto, clarè indicare, Durandum hanc opinionem tenere solum ut minus probabilem, præcipuè cum antecederet absolutè teneat, Virum obligari ad ejiciendam Uxorem manifestè fornicantem. Hæc autem opinio minus probabilis est etiam benigna.

49. Sicut Richardus de Media Villa multum faveat Probabilitati, & utrique parti æquè probabili, ut vidimus, ita minus Probabilitati plus cæteris adhaerit. Igitur in 3. distinct. 23. art. 8. quæst. 1. refert duas opiniones. Prima dicebat, Prophetiam esse nobiliorem quoad naturam Fidei, ignobiliorem quoad usum. Secunda asserbat, Fidem simpliciter esse nobiliorem Prophetia. Pro utraque asserit rationes; deinde consuetum modum

modum sequens dicit: *Qui vult tenere secundam opinionem, potest dicere ad Argumenta. Solvit Argumenta opposita. In margine dicitur: Doctor videtur favere secundæ opinioni.* Postea prosequitur: *Qui vult tenere primam opinionem, quæ multum est probabilis, debet considerare ad solutionem Argumentorum, &c.* In margine dicitur: *Doctor adhæret primæ opinioni. Certè opinio, quæ multum est probabilis, est magis probabilis, quàm ea, quæ solum est probabilis.*

30. Distinct. 34. artic. 1. quæst. 3. dicit, probabilius esse, quod dona sint habitus realiter distincti ab habitibus perfectarum Virtutum. Adhuc tamen dat licentiam, ut possimus sequi oppositam, & pro ea solvit objecta. Hi duo Textus sunt speculativi quidem, adhuc tamen evidenter probant, opinionem magis, & minùs probabilem oppositas non opponi contradicitoriè; ut volunt quidam ex Adversariis; nam contradictio implicat tum in prædictis, tum in speculativis. Tum quia opinio speculativa probabilior habet moviva, quæ solvuntur à minùs probabili juxta Richardum. Ergo idem dicendum in moralibus, vel assignetur disparitas.

31. Distinct. 39. art. 2. quæst. 1. assert quoque duas opiniones. Prima negabat, juramentum dolosum obligare in foro Conscientiæ. Secunda affirmabat, & dicit hanc juxta aliquos esse magis consonam rationi. Postea dat libertatem sequendi primam, & secundam. Expressè Neutram vocat probabiliorē, implicite tamen videtur magis favere opinioni strictæ, dum narrat, secundum aliquos plus consonare rationi; & sic juxta eisdem esse probabiliorē. Tandem solvit rationes pro utraque.

32. In 4. distinct. 6. art. 4. quæst. 2. sustinet ut magis consonum textui Canonico, & sic ut probabilius, quod Baptizatus bis, sed ignoranter, sit irregularis. Et hæc opinio est strictior. Dat tamen licentiam sustinendi oppositum, & solvit objecta. Hic textus est de opinione moralis, ut patet, unde evidenter est pro nobis.

33. Dist. 15. art. 5. quæst. 8. dicit, communem, & securiorem opinionem asserere, acquisita per ludos taxillorum, & alearum esse ipso jure restituenda, & hoc jure etiam Canonico probabiliter præcipi. Aliquibus tamen videtur probabiliter, quod talis restitutio non præcipiatur à lege Civili. Solvit autem objecta utriusque opinionis. Richardus videtur credere probabiliorē primam opinionem strictam, dum illam vocat communem opinionem; aliam verò esse aliquorum. Tum quia pro prima plura fundamenta refert. Fateor tamen hunc Textum esse satis obcurum.

34. Dist. 18. art. 6. quæst. 3. recitat duas Opiniones. Prima suslinebat, quod participans scienter in Divinis cum excommunicato à Papa ncmiatim incurrit excommunicationem majorem, & hanc vocat probabiliorē, quia magis concordat textui Canonico. Subdens postea aliam opinionem sic scribit: *Alii dicunt contrarium, & bene, in Glossa dicentes, hoc debere intelligi, &c.* Huic textui nulla potest dari responsio; nam prima opinio est probabilior per Richardum, & insuper est evidenter strictior: Secunda autem opinio ei opposita non potest esse nisi minùs probabilis, ut patet; Sed adhuc per Richardum hæc opinio bene dicit; & insuper evidenter est benignior; ergo per Richardum opinio benignior, & minùs probabilis est bona. Quid clarius pro mea opinione?

35. Artic. 7. quæst. 4. dicit, secundum aliquorum opinionem posse fieri Collationem Beneficii Clerico excommunicato minori Excommunicatione, & talem Clericum licet retinere Beneficium; Et hanc opinionem concedit, nos posse amplecti: *qui vult tenere opinionem primam, &c.* Solvit Argumenta opposita. Subdit aliorum opinionem sibi magis placere; (atque adeo sibi videtur probabilior) asserentem talem collationem non esse quidem irritam, sed irritandam; atque adeo esse illicitam. Ecce sibi opinio strictior est probabilior; & sic opposita minùs probabilis, & benignior,

grior; adhuc tamen per Richardum est eligibilis.

56. Distinct. 25. art. 1. quæst. 3. asserit, probabilius esse, Episcopos degradatos retinere Ordinem Episcopalem, & posse validè Ordines conferre, quamvis non licitè. Concedit tamen, posse sustineri, quòd Episcopus degradatus non retineat Ordinem Episcopalem; & sic nec possit validè Ordines conferre.

57. Distinct. 29. fin. magis adhæret opinioni asserenti, jurantem alicui puellæ Matrimonium posse ingredi Religionem, Matrimonio non contracto. Sed adhuc dat licentiam sustinendi oppositam opinionem dicentem, Si jurans existat in loco tuto, ubi non possit cogi ad consummandum Matrimonium, teneri ad contrahendum Matrimonium, & adhuc posse ingredi Religionem. Si primæ magis adhæret; ergo minus adhæret secundæ; & sic prima erit probabilior, altera minus probabilis.

58. Distinct. 31. art. 3. quæst. 1. dicit: opinionem communiorē, & consonā verbis Augustini, & Magistrī asserere, concubitum conjugalem habitum ob incontinentiam vitandam esse peccatum veniale; Adhuc tamen asserit sententiam oppositam cum suis fundamentis, & solvit objecta. Ergo illam reputat probabilem. Cum verò prima sit communior, & consona Augustino, & Magistro; ergo illam credit probabiliorē; & sic opposita erit minus probabilis, quæ pariter est benignior.

59. Distinct. 33. art. 3. quæst. 1. dicit, communiorē, & securiorē opinionem sustinere Repudium in Lege Hebraica fuisse illicitum. Refert pro ipsa sua fundamenta, & solvit opposita. Sed adhuc dat licentiam sustinendi contrarium. Qui vult tenere secundam opinionem, &c. Refert suas rationes, & respondet objectis. Si prima opinio erat communior, erat quoque probabilior, & insuper erat securior; ergo opposita opinio erat minus probabilis, & minus secura.

60. Nescio, an Scotus nobis favet. In 4. distinct. 33. quæst. 3. legenti ipsum

patebit tenere absolutè Repudium in lege Antiqua licitum. Adhuc tamen in fine scribit: Qui vult tenere primam opinionem, ad Argumenta in oppositum potest faciliter respondere. Ad illas Authoritates Deuteronomii, & Malachie, &c. Videatur Hiquerus in comment. Hujus quæstionis.

Hic notabis, Argumenta opinionis probabilioris posse solvi nedum ab opinione minus probabili, sed etiam facilliter solvi, potest faciliter respondere. Nec dicas, hanc opinionem minus probabilem esse tutiorem, de quo non est quæstio; nec dicas, inquam, quia, licet sit tutior; non tamen, ut dicebā, propter hoc habet majores vires respondendi ad Argumenta, quam habet opinio minus probabilis, & minus tuta. Solutis autem Argumentis oppositis jam intellectus potest assentiri opinioni minus probabili. Vide cap. 16. num. 20. ubi leges Scotum dicere, videri probabilem quandam opinionem, oppositam tamen esse probabiliorē. Hinc videbis clarè, non dicere implicatoriæ Probabilitatis, cum dicunt, posse defendi utramque opinione, licet una sit minus Probabilis.

61. Guillelmus de Ocham in 4. quæst. 3. litt. R. sic scribit: Ad tertium dico, quòd nec potest probari per rationem, nec per Authoritatem Ecclesiæ, quòd Virtutes Theologicæ infundantur sufficienter in Baptismo; quia, licet Ecclesiā illam reputet probabiliorē, quæ tenet, quòd illæ Virtutes infunduntur, tamen contrariam opinionem non damnat. Quia tamen Authoritates Sanctorum videntur hic sonare, maxime Augustini, &c. Igitur teneo cum eis, quòd istæ Virtutes infunduntur in Baptismo. Ecce quòd hic Doctor clarè indicat, quòd opinio, quæ etiam judicatur probabilior per Ecclesiā, non reddat indefensibilem opinionem oppositam; Ergo opinio minus probabilis potest defendi, præcipue contra opinionem mihi probabiliorē, quia opinio mihi probabilior non est tanti ponderis, quanti est opinio, quæ probabilior apparet Ecclesiæ. Nota ex Trident.

dentino sess. 6. cap. 7. in iustificacione infundi cum Gratia Fidem, Spem, & Charitatem; unde his temporibus oppositum nequit amplius defendi.

62. In quæst. 8. & 9. Litter. Z. sic scribit: Neutra pars potest probari; tamen videtur magis consonum dictis Sanctorum, quod peccata non redeant, & ad hoc est congruentia, quod Deus bis non iudicabit in idipsum. Sed tamen possunt dici, redire, quia possunt imputari ad tantam penam, ad quantam prius imputabantur. Hac secunda propositio est opposita primæ, quæ est magis consona Sanctis; & sic probabilior. Ergo per Ocham non repugnat defendere propositiones oppositas, Unam ut probabilior, aliam ut minus probabilem.

63. Thomas Argentinas in 4. dist. 6. quæst. 1. art. 2. conclus. 2. dicit, non esse necesse simpliciter consistere circumstantias aggravantes peccatum, v. gr. *Furari multum*, sed sufficere secundum Communes Doctores exprimere in Confessione peccatum secundum proprium genus suum. Postea ponit oppositam conclusionem. Deinde subdit: Quæ autem istarum opinionum sit verior, ad præsens non determino, quamvis secundam opinionem reputem securiorem, & dictis Beati Augustini magis conformem, ut apparet expresse distinct. 16. cap. 2. Hic nota, hunc Doctorem sequi opinionem oppositam strictiori, & dictis Beati Augustini magis conformem, & hanc opinionem non esse veriore. Ego existimo, ne faciamus Doctorem in eodem textu sibi contrarium, quod reputet utramque æquè probabilem ab intrinseco, cum neutram veriore determinet. At quia cognoscit, strictiorem esse magis consonam dictis Augustini, ideo ab extrinseco credit esse probabilior. Hinc patet, Doctorem sequi opinionem minus tutam, æquè probabilem ab intrinseco, & minus probabilem ab extrinseco; Unde aliquo modo est pro præsentis opinionem.

64. Quod si dicant Adversarii, non esse secundam opinionem probabilior

ab extrinseco, quamquam magis conformem Divo Augustino, eò quod pro prima opinione adest Authoritas Divi Thomæ, & aliorum Celebrium Antiquorum, quos sub nomine *Communium Doctorum* Argentinas memorat; Unde hi Doctores æquant Authoritatem Augustini: Si dicant, inquam, hoc Adversarii, cum de hoc dicto nolim disputationem peragere, Respondeo, jam concedere, Argentinam esse pro utraque opinione æqualiter probabili; & ideo etiam textum hunc retuli pro illa.

65. Joannes Baccónis aliquo modo favet huic opinioni, namque in 1. dist. 39. art. 2. §. 3. ponitur hic titulus: *Licet probabiliter iustineri posset distinctio ex natura rei inter ideas, verius tamen dici istas hoc modo non distinguui, ut ipse probat.* Certè Doctor, qui quæstionibus Baccóni apposuit Summaria, clarè facit Baccónem utramque partem magis, & minus probabiliter sequentem in materia speculativa. Videamus, an ipse Baccónus revera ita scripserit: Licet ista distinctio ex natura rei possit salvari, inquit ipse, fore possibilis intantum saltem, quod non sequerentur duo difficulta, scilicet nec compositio, nec relatio realis ad creaturam; (hoc habetur distinct. 2. quæst. 2.) tamen eam non teneo, quia ideo solum distinguuntur in ipso actu intelligendi Divino. Ex hoc nota rationem, quare non possunt distinguui ex natura rei, &c.

66. In 2. distinct. 17. quæst. 1. art. 3. §. 4. scribit: Sed licet isti tres Articuli possint sic communiter teneri; tamen aliter probabiliter posset teneri quantum ad duos ultimos Articulos. In sequenti §. sic subdit: *de formis substantialibus* posset idem probabiliter teneri, quod qualibet pars illarum, &c. Expendat Lector, an hic Doctor his textibus favere opinioni minus probabili, & ipse decidat.

67. Apud eundem Baccónem in 3. dist. 24. quæst. 2. art. 1. §. 4. princ. scribitur: Ad primum de Paulo, dico quod probabiliter potest teneri, quod, in illo raptu discessit fides & post sibi reddebatur, quod

quod probatur à simili, vel à maiori, quia potest probabiliter teneri, quòd anima sua pro nunc fuit separata, & postea reunita, quòd patet, quia ipse, dubitat, utrùm tunc fuerit in corpore, vel extra corpus; per consequens utraque pars, postquam sibi dubitabilis erat, potest probabiliter teneri. A simili, vel à maiori est probabile, quòd ad tempus fuit extra statum accidentalem, cuiusmodi est status fidei, & viatoris, & post rediit ad pristinum statum, quia magis apparet probabile, quòd per aliquod tempus fuit extra statum accidentalem, quàm quòd fuit extra statum naturalem. Ecce probabile est, quòd Paulus in raptu fuerit mortuus; sed adhuc magis apparet probabile, quòd non fuerit mortuus. In fine illius §. asseritur, illam Doctrinam recitative poni; unde, videtur, Doctorem non tradere illam de sua mente. Adhuc tamen, si textus non valet ut textus Baconii, valet ut Doctrina Antiquorum, & probat nullam esse implicantiā per Antiquos opinari utramque partem magis, & minus probabiliter.

68. Petrus Aquilanus in 2. distin. 22. art. 3. scribit: Potest dici per viam Richardi, quòd triplex est ignorantia. Prima est ignorantia invincibilis simpliciter, & hæc totaliter excusat a peccato pro eo, quòd talis ignorantia tollit rationem voluntarii; & peccatum non est, nisi sit Voluntarium. Secunda dicitur Ignorantia Affeclata, ut cum aliquis sua voluntate vult ignorare propter minorem remorsum conscientie; & hæc non excusat, immò aggravat. Tertia est ignorantia crassa, quæ partim est voluntaria, & partim involuntaria, ut cum aliquis propter negligentiam non vult laborare, ut sciat, quòd sentitur scire, quamvis illud scire vellet sine labore. Hæc æqualiter alleviat à peccato, quamvis non totaliter tollat. Nunc instruit argumentum: Ignorantia inclina in opinione minus probabili non est nec affeclata, nec crassa; ergo est invincibilis, & sic excusat. Antecedens probatur: Non est affeclata, quia hic nullum statet, & ponderat argumen-

ta pro utraque parte; nec est crassa, quia adhibet summam diligentiam expendendo rationes utriusque partis ad sciendam veritatem; Sed videns impossibile esse pervenire ad scientiam veritatis iudicat, se non teneri ad illam sciendam; atque amplectitur hanc, vel illam opinionem, ut sibi libet; Nec hoc est contra mentem Aquilani, qui, ut vidimus ca. 8. n. 28. dedit licentiam amplectendi in duobus casibus opinionem, quæ plus placeret. Et ipse quoque amplexus est oppositas opiniones in explicatione Scripturæ.

69. Dices. Voluntariè amplectitur opinionem minus probabilem; cum possit amplecti probabiliorē; ergo hæc ignorantia iuxta Aquilanum non est invincibilis.

Sed contra est, quia sic nec ignorantia facti, quæ in multis casibus admittitur à Doctoribus excusare, non excusaret. Casus est in Jacob, qui cognovit Liam credens esse suam uxorem. Certè poterat tunc vel illam non cognoscere, vel lumen accendere, quibus positis copulam illam materialiter malam omisisset. Igitur, ut ignorantia sit invincibilis, debet tollere rationem voluntarii peccati, quæ peccatum est formaliter sumptum, ut patet exemplo Jacob, & in omnibus Doctoribus Antiquis, & Modernis sequentibus epiaiones benignas, quæ possunt esse factæ.

70. Joannes Gerlon par. 3. de *Vua spirituali*. lect. 4. litter. O. Corollar. 11. pagin 327. inquit: Ne sint faciles Theologi asserere actiones aliquas, aut omissiones esse peccata mortalia, præsertim sub verbo universali, & cum prædicandum erit ad populum. . . . Itaque debet quilibet, nunquam oblivisci, quàm incerta est scientia nostra, ita ut idem scire homo brevi momento temporis nunc in hæc, nunc in oppositam feratur sententiam. Fit præterea quandoque, ut per tales asseriones, nimis duras generales, & strictas, præsertim in non certissimis, nequaquam eruantur homines à luto peccatorum, sed in illud profundius, quia desperatius, immergantur. . . . Denique generantur

ex hinc Scrupuli inquietativi Conscientiarum simplicium, ut in eis sit solum nihil. Nam, etsi Beatus vir, qui semper est pavidus, & qui veretur omnia opera sua; observandum est tamen summo opere illud Terentianum, *Ne quid nimis*, & ut idem loquitur, ne in scirponodum quant, ne quoque eis impropere illud ejusdem: quid, si cœlum ruat? Demum quid prodest, immo quid non obest, coarctare plus iusto mandatum Dei, quod est latum nimis? Quid insuper expedit amari, graviusque illud reddere iugum Christi, quod suave est, & onus ejus leve? Nam, etsi contemptus ex hac laxatione, & dulcedine apud quosdam improbos major oriatu habentes velamen malitiæ libertatem; ast apud alios bene institutos actiones gratiarum resonabunt. Præstabitur etiam sedulus obsequium Domino, & Patri tanta mansuetudinis, cujus mandata gravia non sunt, & Qui vult, nos non tentari, & non gravari supra id, quod possumus. Hucusque Gerson.

71. Hunc Textum puto esse evidenter pro probabilitate, & pro aquali probabilitate; An verò multum etiam leveat presenti conclusioni, expendet Lector Doctus, nec partium studio addictus, sed veritati. Hic textus est omnino similis illi, quem Humbertus habet in explicatione constitutionum Patrum Dominicanorum, & quem retuli cap. 9. nu. Tria præcipue notentur ex hoc textu: Primum, quod Opinionēs strictæ, & rigorosæ non eruant homines à luto peccatorum, ut adeo confidenter prædicant Probabilioristæ; sed magis in illa profundius, quia magis desperatius, immerguntur. Secundum notabile est, quod Opinionēs austeræ sint oppositæ Veritati Divinæ assentienti, mandata Dei esse lata nimis, suavia & dulcia. Probabilioristæ legant hunc aureum textum Gersonis; nec amplius carpant Probabilistarum Benignitatem. Tertium notabile est, quod Gerson explicat textum illum Evangelicum, *Iugum meum suave est*, eo modo, quo faciunt Probabilistæ, ut scilicet debeamus ex-

plicare præcepta Christiana interpretatione benigna, non rigida. Quartum notabile est, quod quidem benignitas Opinionum apud quosdam improbos causabit majorem lassitatem; tamen apud bene institutos ex ipsa resonabunt gratiarum actiones. Ego pluris æstimo bonas operationes bene Institutorum, quàm lassitates improborum; & sic benignitates docebo, interea relinquendo Probabilioristis rigi ditates, & austeritates.

72. Joannes Nider in Decalog. præcept 9. c. 1. de Ignorant. dicit, Ignorantiam esse peccatum, si est privatio scientiæ eorum, quæ scire possumus, & debemus. Et dicitur, debemus, quia si non cadit sub debito, non est peccatum. Subdit postea, Septem cadere sub præcepto hujus Scientiæ, Fidem nempe, Legem naturalem, Divinam, & positivam, Ea, quæ spectant ad proprium Statum, Statum gratiæ in susceptione Eucharistiæ, & Beneficia manifesta à Benefactore accepta.

Infra autem liter. C. expressè ait: Quando verò talium ignorantia, quæ est causa peccati, non est directè voluntaria, seu affectata, sed indirectè, vel per consequens, quæ dicitur simplex ignorantia, puta cum quis propter laborem, vel propter alias occupationes negligit illud addiscere, per quod à peccato retrahatur; talis enim negligentia facit ipsam ignorantiam esse voluntariam, & peccatum, dummodo sit eorum, quæ quis scire tenetur, & potest. Talis ignorantia non totaliter excusat à peccato. Hucusque Doctor.

Sequitur ex his evidenter, ignorantiam eorum, quæ scire non possumus, nec debemus, non esse peccatum. Maxime notandus est ille terminus, Scire, in quo facio magnam vim. Scire ergo per Summistas Antiquos est assensus, quo aliquid credimus sine aliqua bastatione alterius partis. Sicut opinari est assensus ad aliquam rem cum aliquali tamen formidine alterius partis. Ita ipse Nider de consol. timor. conscient. par. 3. cap. 1. Baptista de Salis Verb. Confessio quæst 8. Angelus Verb. Opinio princ. Unde dicebat

Divus



Divus Bernardinus tom. 1. serm. 2. art. 1. cap. 2. litter. D. quòd scire propter firmitatem bellum non habet. Quam Doctrinam verbatim habet Parisiensis de leg. cap. 1. Non dissimilia dicunt alii Summistæ viventes tempore prope Antiquo, & sunt Sylvester Ver. *Opinio* princ. Tabiena Ver. *Dubitatio* princ. Quin Henricus in Summ. par. 1. art. 6. quæst. 1. num. 7. advertit, etiam scientiam largè sumptam significare cognitionem certam veritatis; unde Augustinus epist. 112. cap. 3. dicebat, meritò nos scire dicimus non solum illud, quod videmus, verum etiam illud, quod certissimum credimus. Et hæc Doctrina fundatur in Aristotele, & Philosophis distinguentibus scientiam ab opinione, quòd scientia est de objecto necessario, *Opinio* verò de eo, quod aliter se habere potest, ut etiam dicebamus c. p. 3.

73. Nunc instruitur argumentum: *Opinio* minus probabilis importat ignorantiam sine peccato; ergo operans secundum ipsam non peccat; nam, si cognitio non est mala, voluntas nequit esse mala. Antecedens probatur, quia per Doctorem tunc ignorantia est peccatum, si sit ignorantia eorum, quæ scire possumus, & debemus; sed opinabilia scire non possumus, ut patet; ergo Ignorantia eorum est inculpabilis.

74. Dices, quando Antiqui definiunt ignorantiam culpabilem esse privationem scientiæ de illis, quæ scire possumus; Per Verbum, *scire*, non intelligunt cognitionem certam, sed cognitionem ingeneralem, ita ut idem sit, ac cognoscere; Unde volunt dicere, quòd carentia cognitionis eorum, quorum noticiam habere possumus, & debemus, sit ignorantia culpabilis.

Sed contra, quia in definitionibus termini debent accipi in propria significatione, cum definitio sit cognitio quidditativa, & propria rerum. Tum quia Leges natæ sunt esse æternæ, & invariabiles, nec dependent ob opinione hominum; Ergo debent posse generare cognitionem certam, & invariabilem. Sed opinabile est variabile; ergo opinabile non debet ef-

se sub lege. Hinc Legislatores humani rectè statuerunt c. *erit autem* 4. dist. legem debere esse manifestam, ne scilicet ab ullo negari queat. Vel, ut inquit Gloſſa V. *captione, ne aliquis captiosè possit eam interpretari. Vel etiam ne alicui laqueus pareatur per eam* 27. quæst. 1. de viduis. Et in c. fin. de constit. dicitur, Legem nihil debere obscurum, vel ambiguum continere, & Gloſſa V. *ambiguum* scribit: Lex, siue constitutio nullam obſcuritatem continere debet, ne per obscuram constitutionem in laqueum incidamus, nec debet nos inducere per legem, obscuram, vel dubiam ad id, à quo nos cohibere debet.

75. Instabis. Altiſiodorensis in 2. tract. 29. cap. 1. de Ignorant. quæst. 3. pag. 102. column. 4. asserit, quòd homo ratione pœnæ inflictæ ob peccatum Originale non potest intelligere quoddam laqueos usuræ, & Simonæ; Unde non quilibet teneatur scire de quolibet peccato mortali, quòd sit mortale, sed teneatur scire, vel dubitare, & propter hoc vitare; est enim regula, quòd si aliquis dubitat de aliquo, an sit mortale, & facit illud, peccat mortaliter; Ergo, dum alii Doctores dicunt Ignorantiam culpabilem accidere de iis, quæ tenemur scire, Hæc verba debent suppleri, & addi illis, quæ addit Altiſiodorensis, scilicet, vel dubitare.

Sed contra, quin immò Altiſiodorensis debet corrigi per definitionem allatam ex Nider, quia hæc coincidet cum definitione dictæ ignorantie tradita à Divo Thoma, & aliis celeberrimis Antiquis; Minus enim est dicere, Altiſiodorensi fuisse superfluum in allata definitione, quàm fuisse Mancum Angelicum Doctorem cum aliis. Tum quia concedo, quòd homo teneatur scire, vel dubitare etiam de laqueis Usuræ, & Simonæ, & quòd vel scit, vel dubitat, an sint lethales, teneatur illos vitare; at quando opinatur, etiam minus probabiliter, non esse mortiferos, non asserit, adesse talem obligationem; & qui nixi ipsi forsan iudicaverit, opinionem minus probabilem coincidere cum dubitatione, in hæc ei adherere non cogimur.

76. Beatus Antoninus, ut retuli cap. 29. num. 26. docet par. 2. tit. 4. cap. 3. *Decimus* §. 6. dari duas opiniones in illa questione, an milites exigentes decimam ex consuetudine excusentur: Opinio rigida ex rigore juris erat præferenda. De alia sic discurret: *Prima tamen benignior, & efficacior est, & ideo ad vitandum periculum animarum expressè est amplectenda.* Arg. de appell. cap. fin. Ecce eligitur opinio benignior opposita illi, quæ de rigore juris est præferenda; & sic quæ de jure probabilior est. Ergo opinio benignior est minus probabilis; adhuc tamen ipsa eligitur, & eligitur ad vitandum periculum Animarum, & eligitur expressè. Hic textus est clarè contra Adversarios dicentes, & exclamantes, opiniones benignas relaxare conscientias, & trahere in infernum Animas. Nec ille terminus, efficacior, qui est in textu, significat opinionem benignam esse probabiliorē, sed esse magis potentem ad præstandum effectum, qui esse nequit nisi salvare Animas; hinc ex illo antecedenti tanquam à causa deducit: *Id ideo ad vitandum periculum, &c.* Mihi videtur hunc esse discursum Probabilistarum.

77. In eodem tit. cap. §. 8. ut retuli cap. 11. num. 39. dicit, Confessarium debere absolvere penitentem, de quo clarè nequit percipere, esse in statu peccati mortalis. Assignans rationes hujus Doctrinæ ait: *Cum promptiora sint jura ad absolvendum, quam ligandum dist. 50. poneret, & melius sit reddere rationem de nimia misericordia, quam de nimia severitate, ut dicit Christus 26. quest. 7. alligant.* Ecce clarè D. Antoninus absolvit, & judicat aliquem, de quo non est certus esse in peccato mortali, non habere peccatum mortale, quia *Jura promptiora sunt ad absolvendum, quam ligandum.* Ergo jura ligantia juxta Antoninum solum intelliguntur ligare in casu claro. Ergo, si probabiliter judico aliquod non esse peccatum mortale, tunc nulla datur lex ligans, & obligans ad peccatum mortale juxta Antoninum.

78. Idem Sanctus Doctor in 4. part.

tit. 1. cap. 11. fin. asserit, non esse consultandum, sed omnino prohibendum, procurare dispensationem, etiam à Papa, contrahendum cum tali, cujus scilicet Matrem, vel germanam carnaliter cognovit; sed si post contractum, & multò magis consummatum Matrimonium, talis obtinuit dispensationem remanendi cum illa, dimittendum est negotium judicio Dei, nec condemnandum. In cap. 14. verò in fine asserit; probabilius esse, quòd Papa non possit dispensare in Matrimonio prohibito in Lege Moysæ: Porro in cap. 18. Levitici prohibebatur Matrimonium cum filia suæ Uxoris. Insuper Divus Antoninus in d. cap. 11. asserit, quòd Affinitas contrahitur ita per Fornicationem, sicut per conjugalem actum. Et sicut non potest contrahere Matrimonium cum filia Uxoris suæ, ita nec cum filia, cujus Matrem fornicariè cognovit; & secundum Palud. Papa in hoc dispensare non potest. Ego puto ex his concludi, quòd in Sententia Antonini probabilius sit, Papam non posse dispensare in Matrimonium cum filia, cujus matrem fornicariè cognoverat; adhuc tamen obtenta tali dispensatione ait, non esse condemnandum tale Matrimonium. Ergo Antoninus sustinet Matrimonium, quod probabilius est, esse invalidum.

79. In altera Summa, quæ dicitur Confessionalis aliàs *Defecerunt* In tract. 2. par. 1. de VII. Precept. cap. 2. scribit, quòd Confessor non consulat, ut quis faciat contractum, de quo est questio inter Doctores, an liceat; Si verò non vult adhærere opinioni contrariæ, non facile condemnens, quia in hujusmodi *secundum Doctores* non est præcipienda sententia. Eadem habet tract. 1. par. 2. cap. 3. & eadem dixerat in 3. par. Summæ magnæ tract. 17. cap. 16 §. 2. Eodem tractatu part. 3. de conjugatis cap. 1. §. *Sed nota quòd* scribit: In secundo tamen secundum Theologos dispensare non potest; (loquitur in quodam casu de Matrimonio contrahendo) Sed quia difficile est disputare de Potestate Papæ, si sine surreptione obtenta est, forsitan transire

potest. Hæc ultima verba notant Sanctum Doctorem magna formidine tenere in hoc casu Matrimonium valere, utpote contractum contra opinionem Theologorum; & ego facile judico, quod Divus Antoninus hanc formidolosam opinionem tenuerit ut minus probabilem, tantam meo judicio ingerunt formidinem illa verba: *Forſitan transiri poteſt.*

80. Angelus à Clavasio. V. *absolutio*. 1. num. 2. meo judicio clarè est pro mea opinione. Retuli hunc textum cap. 28. num. 34. Lector adeat locum, & videbit veritatem. Verb. *Confessio* 1. n. 23. scribit, quod circumstantia quoties est necessaria (ut scilicet dicatur Confessori) saltem secundum eam computationem, quam quis facere potest; puta quia bis, vel ter fecit communiter, & perseveravit per annum, & hujusmodi, & sufficit, & hoc est tutius; *quamvis opinio Archidiaconi prædicta non sit improbanda.* Porro Archidiaconi opinio erat hujusmodi: *Dicit, Archidiaconus, ut refert Directorium, quod sufficit dicere se multoties peccasse, & de similibus idem judicium habeatur.* Ecce Angelus sequitur opinionem, quam etiam vocat tutiorem, & asserit aliam opinionem, quæ certè est laxior, non esse improbandam. Hæc verba, non esse improbandam, juncta cum eo, quod Author aliam oppositam sequitur, puto evidenter demonstrare, quod amplectatur hanc etiam aliam opinionem benignam, sed ut minus probabilem.

81. Eodem V. *Confessio* 4. num. 3. scribit: Adverte, quod, si dubium versetur circa aliquod faciendum, vel dandum, vel pœnam subeundam, tunc benignior opinio est eligenda ff. de eo, quod cer. lo. l. quod si Epheſi in fi. unde in c. fin. de transact. dicitur, in his, super quibus jus non invenitur expressum, procedas æquitate servata, semper in humaniorem partem declinando, secundum quod personas, causas, loca, & tempora videris postulare. hæc ibi. Hoc idem tenet Bar. in l. omnes populi ff. de iust. & jur. nisi fortè esset aliquod faciendum, quod faciliter posset expediri; Si

verò dubium esset, ut abſtineat, tunc securior pars est eligenda, scilicet abſtinere. Si tamen diverſitas esset inter Doctores, & pœnitens ex aliqua rationabili causa vult adhærere uni opinioni, non est sibi deneganda Absolutio, sed suæ conscientię relinquendum. Quid autem sit dubium, quid opinio, & quid faciendum in his, vide infra V. Dubium, & Opinio. Similiter Sacerdos non debet asserere mortale id, de quo non est certus, ne mittat laqueos alteri.... Caveat igitur Confessor, ne sit præceptus in dando sententiam de mortali, ubi sunt varia opiniones Doctorum, sicut de decimis, ubi non est consuetudo, sed consulas semper, quod sibi videtur tutius.

82. Verb. *Debitum conjugale* num. 24. scribit: Utrum cognoscere Uxorem causa sanitatis sit licitum. Ref. Richard. in 4. dist. 31. art. 3. quæſta. quod sic secundum quosdam; vel fortè poteſt dici, quod sit veniale peccatum, & hoc verius. Author sequitur ut veriore opinionem strictam, sed ex modo sequendi non reprobatur primam benignam; ergo illam supponit saltem minus probabilem. Num. autem sequenti asserit, quod Doctor non debet præcipitare sententiam in illa quæſtione, An liceat sine mortali variare modum in copula conjugali, & hoc, quia Doctores sunt varii; ergo nemo debet me condemnare, quia sequar opinionem minus probabilem, quia etiam in hoc Doctores variant in opinionibus. Num. 27. refert opinionem Paludani sustinentis, Uxorem posse mingere ad ejiciendum semen; ne concipiat; si tamen hoc faciat ex rationabili causa, puta, quia non potest pascere tot filios. De hac opinione sic decidit Angelus: de hac opinione valde dubito propter c. aliquando 32. quæſt. 1. quod videtur innuere, quod sit peccatum mortale; Sed poteſt dici, quod dictum c. loquitur quando quis ex sola voluptate hoc facit, vel quando postquam conceptio est facta, querit abortum. Sed Pet. intelligit, quando hoc fit ex rationabili causa.... & sic posset teneri; licet sit periculosa. Ecce tenet opinionem periculosa, quam cum

amplectatur illis verbis: *Possent dici*, quæ denotant valde trepidantem; existimo illam sequi ut minùs probabilem.

83. Verb. *Excommunicatio* 5. casu 1. num. 10. scribit: Si Paterfamilias verberaret existentem in Sacris causa correctionis, non erit excommunicatus, *placet post factum*, licet ante factum teneam cum Pan. in dicto c. cum voluntate, quod accidat. Eandem distinctionem de ante factum, & post factum adhibet ibidem num. 17. & casu 11. num. 4.

84. Ver. *Excommunicatio* 7. casu 5. num. 3. in quodam casu Doctores communiter tenebant, incurri Excommunicationem; Ipse tamen Angelus sic scribit: Pan. tamen in dicto c. *Adversus* dicit, quod hæc opinio est valde rigorosa, & quod fortè posset teneri contrarium, quod ego credo post factum, licet ante factum tenerem primam. Quod ad hoc sit facta, vel sit facienda non mutat casum essentialiter. Vel ergo probabilius est, quod habeat annexam Excommunicationem, vel quod non habeat. Si Primum, ergo probabilius est, quod etiam re facta ille sit Excommunicatus; & sic probabilius erit, quod nequeat audire Missam, recipere Sacramenta &c. Si secundum; ergo etiam ante factam hoc erit probabilius; ergo cum aliis per Angelum possumus sequi opinionem probabiliorem, poterimus etiam in hoc casu. Ego in rei veritate credo, quod Author existimet, probabilius esse, quod casus habeat annexam Excommunicationem; hinc sequitur evidenter, quod Angelus faveat Adversariis ante factum, nobis verò post factum, quod nobis sufficiet. Hanc distinctionem ante factum, & Post factum habet etiam casu 27. num. 1.

85. Ver. *Hora Canonica* num. 9. refert opinionem Henrici dicentis, omitteutes horas Canonicas ex negligentia peccare mortaliter, & opinionem Richardi Anglici oppositum insistentis, nisi hoc fiat ex consuetudine. Subdit Angelus: *Hæc opinio est humanior, sed opinio Henrici videtur tutior.* Adversarii dicent, quod, quia opinio Henrici sit tutior, sit etiam amplectenda; sed in sententia Angeli hoc

non sequitur, quia ipsi Ver. *Immunitas* num. 36. placet opinio, quod Ecclesia in quodam casu non teneatur de suis agris solvere collectas, & hanc vocat absolutè tutiorem, nec tantum ipsi videtur tutior, ut erat illa Henrici; adhuc tamen opinionem oppositam suæ opinioni tutiori dicit expressè, *non esse condemnandam.* Ecce Angelus sequitur unam opinionem; & sic ipsi est probabilior, & insuper est tutior; ergo opinio opposita est minùs probabilis, & minùs tuta; Unde sumus in casu præsentis questionis De hac ergo opinione *minùs probabilis, & minùs tuta* Angelus decidit, non esse condemnandam. Ergo quando Angelus Ver. *Opinio* dicit esse sequendam opinionem magis consonam rationi, debemus illum explicare, esse ita sequendam probabiliorem, ut non condemnemus minùs probabilem. Ergo Adversarii, qui minùs probabilem condemnant, expressè opponuntur Angelo.

86. Ver. *Inobedientia* ante num. 1. quaerit, utrum Inobedientia circa præcepta humana sit peccatum mortale. Refert plures opiniones, quarum una erat multis cum Richard. de Media Villa in quodlib. 1. quaest. 19. dicente tunc esse peccatum mortale, quando est ex consuetudine; alia erat Divi Thomæ in 4. distinct. 15. quaest. 4. art. 3. quaest. 4. ad 3. scribentis, non esse mortale, si probabiliter credi potest, quod, si Legislator adesset, nollet obligare. Subdit Angelus: *Et hæc opinio videtur coincidere cum opinione Richardi*, quæ magis mihi videtur æqua, & ideo sequenda, (nota hanc causalem) quam etiam sequitur Archid. 86. distinct. in c. Utinam, & Cemin. in c. generali de elect. in 6. Facit probac opinione Glossi. &c. Nam durum valdè videtur, quod Prælati intendat semper injicere laqueum peccati mortalis in suis præceptis, & ideo solius Credo, sit in contemptoribus, & illis, qui prævaricationem, & inobedientiam ducunt in consuetudinem. Hanc lassitatem nullum Probabilistam scio tenere, & est damnata ab Alexandro septimo num. 23. & ab Innocentio 11. num. 52. Interim noto, quod qui minùs probabiliter credit,

dit, credit adhuc probabiliter, nam Probabilitas, ut dicebam, non est aliquod indivisibile; ergo Angelus nos salvabit ab inobedientia mortali circa præcepta humana.

87. Ver. *Irregularitas* i. num. 24. cum Scoto dicit, quoddam Capitulum infer-tum in Decreto Gratiani non habere au-thoritatem infligendi Irregularitatem, quia est desumptum à Pénitentiali Theo-dori Episcopi Cantuariensis, qui tan-tam auctoritatem non habuit. Et si di-catur, Decretum Gratiani esse confir-matum à Papa, contra est, inquit cum Scoto Angelus, *Hoc non est manifestum*. Ecce per Scotum, & Angelum, ut ali-quæ regula sit Lex Ecclesiastica, oportet, quòd manifestè prodeat à Papa; Et quidem hoc est omnino verum, & si non erro, est decisum in c. *erit autem* 4. dist. ubi dicitur, quòd Lex debeat esse *mani-festa*. Ego Subdo; Sed opinio probabi-lior non reddit legem manifestam, ut est certum; ergo per Scotum, & Angelum, regula, quæ solum probabilioriter probatur, quòd sit facta lex à Papa, non est Lex Ecclesiastica; atque adeo per hos Doctores non obligabimur, ab illa; Et sic opinio minus probabilis erit bona regula saltem in lege Ecclesiastica.

88. Ver. *Legatum* 2. nu. 5. refert duas opiniones. Prima dicebat, ex Legatis piis non detrahi Falcidiam juxta commu-nem opinionem, nec Trebellianicam, etiam per plures Doctores. Secunda af-firmabat oppositum. De his opinionibus Angelus subdit: Licet prima opinio sit magis Pia, *tamen secunda non est con-demnanda*. Clare patet, Angelum ma-gis propendere in primam tamquam ma-gis piam, præcipue cum quoad Falci-diam sit communis. Ipsi ergo est proba-bilior hæc opinio, sed adhuc alia minus communis, & minus pia non est *condem-nanda*. Si prima est probabilior, secun-da erit minus probabilis. Hæc nota, quòd utraque opinio est periculo exposita, quia utraque potest esse contra legem; Ad-huc tamen Angelus non hortatur se-quentes alterutram opinionem, ut ora-tioni vacent ad delinandum periculum,

ut volebat Vendrochius; sed dicit, unam esse magis piam; ac proinde illam sequi-tur; sed adhuc oppositum sequentes non *condemnat*. Confessarius ergo, si est primæ opinionis, non condemnet peni-tentem, qui Falcidiam, & Trebellia-nicam detraxit à Legato pio: Sic enim uterque tutus erit; & ipse pro se erit Probabiliorista, & Probabilista pro aliis; sic morem geremus Angelo. Et si debeo fateri meum morem, sic ego facio. Pro-babiliorista, & Rigidus in opinionibus quoad mea facta, Probabilista pro aliis.

89. Ver. *Legitima Portio* num. 17. af-fert duas opiniones. Prima dicebat, quòd Filius per delictum Lesæ Majestatis à Patre commissum non amittat legiti-mam portionem. Secunda affirmabat. Postea sic concludit: *Licet de rigore, & subtilitate juris istud sit verius*, nempe se-cunda opinio, *tamen mihi magis placet opinio Car.* (idest prima) *tamquam magis benigna, & eam teneo*. Inde affert rationes pro hac sua benigna opinione, & solvit objecta. Hic modus proceden-di est ille, quem Probabilistæ sequun-tur. Vident de rigore juris, & per sub-tilitatem Doctorum opinionem rigidam esse veriorē; tamen sequuntur opposi-tam, *tamquam magis benignam*. Affe-runt rationes pro ipsa, & solvunt obje-cta. Ergo Probabilistæ sequuntur ada-mussum regulam Angeli. Si Probabilistæ nequeunt, aut nolent sequi opinionem minus probabilem, ut minus probabi-lem, quia secundum hanc rationem vi-detur esse mala; sicut minus bonum, ut tale, est malum; illam sequuntur tan-quam *magis benignam*; sic enim imita-buntur Angelum, non opponentur Pro-babilistis, & non sequuntur opinionem prout malam, sed prout bonam.

90. Ver. *Matrimonium* 3. Impedim-3. num. 3. tenet, esse validum Matrimo-nium contractum contra opinionem ve-riorem dicentem esse invalidum. Nota bene hunc casum. Ego contraho cum Berta Matrimonium hoc pacto. *Contra-bo tecum, si Patri meo placuerit*. Pater audito contractu nec *dissentit*, nec *assen-tit expressè*. Quid juris? Respondet An-gelus,

gelus, est validum Matrimonium, ubi ad secunda vota non est perventum; Ergo Angelus videns meum Patrem nec dissentire, nec assentire, tunc dicit, esse validum Matrimonium, quia nondum transivi ad alia vota. Sed quid? me pœnitit talis Matrimonii; unde ante consumationem transeo ad secunda vota. Dicit Angelus, quoddam verius est hoc secundum Matrimonium esse validum. Ego infero; ergo primum Matrimonium probabilius erat, invalidum esse; & sic probabilius erat, quoddam exignem copulam peccaret mortaliter. Decisionem similem habet Angelus num. sequenti.

91. Verb. Ornatus num. 4. querit ibi, *An mulier peccet mortaliter iucans se, & addibens alienos crimes ad fingendam maiorem pulchritudinem.* Sic scribit: Ego in occultantibus defectum tenerem opinionem Sancti Thomæ, idest negativam; In aliis autem, quæ talibus utuntur ad fingendam maiorem pulchritudinem, recitarem eis opiniones prædictas, & inducerem pro posse ad dimittendum, ostendens periculum; si tamen *vellent* tenere opinionem Sancti Thomæ, non negarem eis *absolutionem*, sed me *exonerarem*, & super ipsos, vel super ipsas, *relinquerem*. Hæc verba ingerunt mihi speciem Doctoris multum formidantis, atque adeo minus probabiliter sentientis. Unde non dubito, hic Angelum esse pro nostra opinione.

92. Denique Ver. *Opinio* num. 1. asserit, sequendam esse opinionem communem, quando adest; Huic tamen regulæ ponit limitationem his verbis: Licet iudicatur contra communem opinionem Doctorum, & etiam Glossæ, quando *iure non probatur, vel per rationem, cui non possit responderi.* Ita etiam notat Dom. Anton. in dicto cap. Tua nos. Ego credo, quod illa verba: quando iure non probatur, loquantur de iure expresso, quia secundum Angelum Ver. *Jejunium* num. 9. Ideo quis in die Jejunii potest ova comedere, quia non habemus textum Expressum, nisi solum in Quadragesima. Ego infero, cum pro opinione probabiliori non detur textus expressus; quia ali-

ter non esset opinio, sed certitudo, ideo licet possumus iudicare contra opinionem probabiliorē. Nota etiam illa verba: *Vel per rationem, cui non possit responderi, & supple propositionem sic: Vel quando non probatur per rationem, cui responderi non possit, & hinc inferes evidenter, cum opinio probabilior non probetur per rationem, cui responderi non possit, quia tunc non esset opinio, sed certitudo; ergo contra opinionem probabiliorē juxta Angelum possumus iudicare.*

93. Subdit Angelus: In aliis autem *Opinio benignior* debet observari. *Benignus* ff. de legibus. . . & benignior dicitur illa, quæ favet juramento Testamento, Libertati. . . similiter illa, quæ solvit, quàm quæ ligat. Formo duos casus. Primus sit: est æqualis opinio, quoddam ad sit Lex, & quoddam non ad sit. Secundus sit: ad sunt duæ opiniones prima probabilior, & strictior, secunda minus probabilis, & favens libertati humana. Quomodo possumus me gerere secundum principia Angeli? In Primo casu puto certum, me posse eligere partem benigniorem. Ratio est evidens, quia benignitas est obiectum movens Angelum ad ponendam regulam: *Opinio benignior est observanda*; Ergo saltem, quando cætera sunt paria, & solum differunt, quia una opinio est stricta, alia benigna, tunc est observanda, ut est in casu primo. Idem assero in secundo casu, quia in aliis opinio benignior est observanda; & loquitur Author generaliter. Ergo, quando sunt diversæ opiniones, *opinio benignior est observanda*; in secundo autem casu opinio minus probabilis est vera opinio, & insuper est benignior; ergo est observanda. Omnino autem esset contra mentem Doctoris, si diceretur, posse quidem nos sequi opinionem benigniorem, quia hæc potest esse etiam probabilior, non verò quia benignior sit; Nam, si benignitas non est motivum amplectendi opinionem unam præ alia, ad quid memorare benignitatem? Si opinio benignior est amplectenda, quia potest esse probabilior, cum etiam opinio strictior possit esse probabili-

ior;

bilior; ergo Angelus debebat remitti-  
nedum *benignitatis*, sed etiam *severita-*  
*tis*. Tum quia ante illa verba: *In aliis*  
*autem opinio benignior debet observari*, Au-  
thor mentionem facit eorum, in quibus  
severitas est præferenda, & est, dum  
agitur de Judæis; ergo, dum agitur de  
Christianis, *benignior debet præferenda*, non  
quia probabilior, sed quia *benignior*.  
Tum quia subdit Angelus, quod inter  
plures opiniones est præferenda, *quæ sol-*  
*vit, non quæ ligat*. Ecce quod opinio  
eximens à lege, & sic, quæ solvit, debet  
anteponi opinioni, quæ ligat; & sic quæ  
est pro lege. Præterea Angelus expressè  
vult favere juramento, Testamento,  
*Libertati*, Matrimonio, Religioni, &  
Sacramento. Tum sic. Vel per Ad-  
versarios semper est sequenda opinio pro-  
babilior, vel solum aliquando. Si Pri-  
mum; ergo evidenter sequitur, quod  
juramentum, Testamentum, *Libertas*,  
&c. nihil habent de speciali, præter  
alias materias, quod est contra Ange-  
lum expressè. Si Secundum; ergo ali-  
quando possemus sequi opinionem v. gr.  
pro *Libertate*, quæ non sit probabilior. Igi-  
tur debet assignari casus, in quo intuitu  
*libertatis humanae*, &c. possumus  
aliquid facere, quod non liceat in aliis  
materiis; & certè ad minus debemus re-  
spondere, quod hoc valeat, quando  
utraque opinio est æqualiter probabilis.  
Sed ego puto, hoc idem asserendum esse  
etiam, quando opinio est minus proba-  
bilis, quia Angelus dicit universaliter,  
inter plures opiniones esse sequendam,  
*quæ est benignior, & quæ solvit*.

94. Jam scio Angelum in hoc Ver. *Opinio*  
asserere, ut supra notavi, inter plu-  
res opiniones illam esse sequendam, quæ  
validioribus rationibus innititur, maxime  
si sit subtilior; unde non nego, quod sit  
pro Adversariis; tamen nec Adversarii  
inficiari possunt, multum favere nobis  
in allegatis textibus. Tum quia num. 2.  
dicit, certitudinem moralem confurge-  
re ex probabilibus *conjecturis grossis*, &  
figurantibus magis ad unam partem,  
quam ad aliam, quæ verba desumpta  
sunt ex Divo Antonino 1. par. tit. 3. cap.

10. fin. & ex Joanne Nider consolati-  
morat. conscient. par. 3. cap. 14. & cap. 18.  
qui illa habet à Gersono, & Aristot. Qui  
omnes dicunt, illud esse probabile, quod  
pluribus maxime Sapientibus apparet ver-  
um. Nota illud verbum: (*conjecturis*  
*grossis*) certè nequeunt negare, opinio-  
nem minus probabilem habere *conjectu-  
ras grossas*. (Hic Angelus obliviscitur  
opinionis subtilioris, cujus ante memi-  
nerat) Insuper hæ conjecturæ *grossæ* ma-  
gis figurant, imò unice figurant ad unam  
partem, & non ad aliam; nam Argu-  
menta pro hac opinione militant magis,  
quin unice pro ipsa. Tædem opinio minus  
probabilis habet plures, & maxime Sa-  
pientes Viros; sic se habet opinio Scoti-  
starum v. gr. A. quæ mihi videtur mi-  
nus probabilis; Ergo opinio minus proba-  
bilis habet certitudinem requisitam  
per Angelum. Præterea Angelus relatus  
num. sequitur opinionem tutiorem,  
& tamen ait, oppositam non esse dam-  
nandam; ergo, quando hic sequitur pro-  
babilior, debet addi, oppositum ta-  
men non est damnandum.

95. Glossator Raymundi lib. 1. tit. de  
voto §. 12. V. quidam intravit scribit.  
Sed si contrahat, quid erit? Tunc, di-  
xit, quod tenet Matrimonium, quia  
votum non fuit. Alii dicunt, quod non  
tenet Matrimonium, sed debet separari  
de conversi conjug. ex parte, & consul-  
vit, & hoc verius videtur. Vel si vis di-  
cere, quod Matrimonium teneat, ipse ta-  
men ab uxore exigere non debet, quamvis  
reddere debeat ex alius. Arg. de restit. Spolia.  
litteras, & desentent. excomm. inquisitio-  
ni. Hunc textum habet etiam Glossa  
canonica in c. quidam intravit de con-  
versi conjug. V. non exigere, quæ re-  
tuli cap. 6. num. 58. Ecce evidenter est in  
libertate nostra sequi opinionem opposi-  
tam veriori: Si vis dicere; & ex hac opi-  
nionem, quam voluntarie amplecteris, po-  
tes habere rem cum femina, quæ pro-  
babilis est, non esse tuam; & sic potes  
incurrere in periculum frangendi casti-  
tatem.

96. Dices, in hoc casu teneri ad red-  
dicionem debiti ad fugiendum majus ma-

lum, quod est periculum violandi iustitiam; certum est autem, nos posse sequi opinionem minus probabilem, si simus inter duo mala; ex duobus enim malis minus est eligendum.

Sed contra, quia illud axioma valet, quando liberè non es inter illa duo mala, unde tibi necessariò unum ex illis est eligendum, ut patet ex c. *duo mala*, & c. *nervi* 13. dist. Si enim utrumque vitare posses, deberes. In nostro casu casus est de eo, qui liberè est inter illa duo, ait enim: *Vel si vis dicere, quòd Matrimonium tenet &c.* Ergo est, in potestate se subtrahendi ab obligatione reddendi debitum, & à periculo frangendi castitatem.

97. Rainerius V. *Confessio* §. 10. habet textum valde faventem, quem retuli cap. 18. num. 14. proæquali probabilitate. Nota, quòd Author dicit: Hominem teneri confiteri venialia ex præcepto Ecclesiæ. Postea subdit: *Vel potest dici secundum quosdam per præceptum Ecclesiæ obligari solum habentes peccata mortalia.* Mihi videtur, hanc secundam opinionem benignam amplecti cum majori formidine, quàm primam rigidam, ob illa verba: *vel potest dici.* Et sic sequitur secundam ut minus probabilem. Tum quia propria opinio est illa rigida; ergo illam tenet ut probabilior. Opinio benigna est aliorum; & sic non ita illam amplectitur: illam tamen amplectitur, quia ait: *Vel potest dici &c.*

98. Astensis lib. 6. tit. 14. art. 3. quæst. 8. movet difficultatem, an clericus sit irregularis, si errat in consulto, quod iudicidedit, & propter illud iudex damnavit aliquem ad mortem? Respondet: Si clericus ille reputetur iuriconsultus, & errat in apicibus juris, & ubi sunt variae opiniones, non est ex hoc irregularis, dum tamen responderis, super hoc esse varias opiniones. Si autem ignoraverit ignorantiæ crassa, & supina, ubi nullus jurisperitus probabiliter dubitaret... irregularis erit, cum fuerit in culpa lata. Ex hoc textu sequitur evidenter, legem irregularitatis non habere locum in hoc Clerico, si adsint variae opiniones, ut ad-

sunt, quando una est minus probabilis, & quam doceat aliquis jurisperitus; Alia verò est probabilior, & plures illam tuentur. Tit. 22. art. 3. quæst. 4. dicit, quòd natus ex copula damnata nequeat promoveri in Episcopum, quamvis inter parentes sit Matrimonium contractum; postea subdit: *sed si contrarium dicatur, nec displicet, ne favor Matrimonii restringatur.* Illa verba: *Nec displicet*, certè significant, quòd Doctor amplectitur quidem illam opinionem, sed minus tamen, quàm præcedentem; ergo amplectitur illam ut minus probabilem.

99. Lib. 8. tit. 10. art. 3. quæst. 7. ut retuli cap. 18. num. 23. refert duas opiniones oppositas in illa quæstione, an conjugatus licentiam alteri vovendi castitatem possit illum revocare. Postea subdit. Qui volunt tenere secundam opinionem, possunt dicere ad Decretum allegatum contra eam, quòd illud verbum: *similiter convertatur*, intelligendum est sic: scilicet nisi malit suum conjugem revocare. Et sic solvunt quidam, & Glossa solvit ibidem. *Vel potest dici, & melius, quòd ideo dicitur similiter convertatur, quia revocando peccat, licet ad petitionem ejus alius debeat per iudicem revocari.* Ecce prima opinio dicit, quòd, si unus conjugum est conversus ex licentia alterius, debet hic alter *similiter converti*, nisi malit suum conjugem revocare. In hac opinione expressè non dicitur, an peccet, necne, dum revocat conjugem suum; sed meo iudicio debet subintelligi, quòd non peccet, ut prima opinio differat à secunda, quæ dicebat, in tali revocatione intervenire peccatum, revocando peccat. Porro secunda opinio est melior; & sic est probabilior, & insuper est rigidior. Prima quoque opinio est bona, quia Author dat licentiam illam sequendi. Qui volunt tenere secundam opinionem &c. Hic adverte, me vocare illam opinionem, quam Doctor appellat secundam, vocare, inquam, primam, quia ego omitto illam, quam ipse primam nominat.

100. Quod attinet ad Canonistas; Glossa in §. 1. distin. 13. vers. item ad ver-



sus scribit : si uxor petit debitum à viro... non credo, quod talis delectatio sit peccatum, ut 33. q. 2. quicquid. Si tamen vis tenere, quod sit ibi peccatum veniale, dicas cum Hug. quod vir debet mulierem petentē prudenter eludere, promittendo se postea facturum, donec ipsa efferveat. Hic Glossa tenet ut probabilius, quod petitio debiti conjugalis ob vitandam fornicationem nullum sit peccatum: Hanc enim opinionem absolute tenet; adhuc tamen dat licentiam tenendi opinionem oppositam. Ecce per Glossam opinio opposita Probabiliori potest defendi; ergo opinio Probabilior non tollit Probabilitatem in opposita opinione. Si opinio minus probabilis potest defendi; ergo possumus assentiri ipsi, ergo falsum est, quod asserunt Probabilioristæ, & ipse Vendrochius not. 1. in epist. 3. sect. 4. §. 9. quod inter motiva inæqualia animus assentiat Probabiliori, dissentiat minus Probabili; non enim potest teneri, & defendi opinio, nisi ipsi assentiamur.

101. Neque dicas, Glossam dare licentiam tenendi opinionem austeram contra probabiliorem benignam, in quo nullū absurdum; immo hoc omnes concedūt. Difficultas stat, an possumus sequi opinionem minus tutā, & minus probabilem.

Sed contra, quia austeritas non augeat veritatem; Unde opinio minus probabilis austera non est magis vera, ac sit opinio minus probabilis benigna. Et si minus probabilis benigna nequit resolvere motiva sibi opposita, nec minus probabilis austera hoc poterit; ergo vel neutra poterit sustineri, vel utraque. De hoc pluries in hoc capite.

102. Urgebis, nos posse sequi in praxi opinionem falsam, si sit austera, non tamē, si sit benigna; ergo etiam poterimus sequi opinionem minus probabilem austeram, non verò minus probabilem benignā.

103. Sed contra, quia possum sequi austerum falsum, si non sit contra jus alterius, non autem, si sit contra proximum. Numquid possum sequi illam opinionem hæreticam, quod copula Matrimonialis sit peccatum mortale; & sic negare debitum coniugi petenti? Contrā

secundō; possum quidem facere rem austeram, quam docet opinio falsa, non tamen possum illam rem facere tenendo opinionem falsam, ut veram. Possum elicere in Confessione actum Contritionis perfectæ; non ex opinione falsa, quod illa contritio sit necessaria, sed ex opinione, seu ex scientia, quod melius est, contriteri cum contritione perfecta. In nostro autem casu Glossa dat licentiam tenendi opinionem oppositam probabiliori, si vis tenere, quod ibi sit peccatum veniale. Intellectus autem nequit tenere, & sustinere falsum; ergo, si in nostro casu intellectus potest sustinere juxta Glossam opinionem oppositam probabiliori. Hæc opinio opposita probabiliori non est falsa, sed vera, probabiliter tamen, Confirmatur; est certa hæc Propositio: *Ad confessionem non requiritur contritio charitate perfecta.* Potestne quis, dare licentiam, ut teneamus oppositam opinionem, & dicere: *Ad confessionem requiritur contritio charitate perfecta?* Certè non. Quare? Non ob aliam rationem, nisi quia hæc secunda propositio est falsa; & tamen hæc secunda propositio est austera. Ergo etiam, si opinio opposita Probabiliori esset falsa, quamvis austera, non posset quis dare licentiam, ut illam sustineamus; Ergo, si Glossa dat talem licentiam, oportet dicere, quod opinio opposita probabiliori non sit falsa, sed probabiliter vera. Nec austeritas aliquid conferet, sicut non confert in illa Propositione de contritione Charitate perfecta requisita ad Confessionem.

104. In c. bi, qui 32. quæst. 7. V. ex se-  
At sunt clarè dicit, meliorem sententiam tenere, quod castratus, scilicet spado, nequeat contrahere Matrimonium, cum cognoscere uxorem non possit. Vel dicas, quod, si habet virgam erectam, siue resoluat spermā, siue non, quod sit ibi Matrimonium. Prima sententia erat melior; & sic probabilior. Erat pariter rigidior, ut patet. Adhuc tamen Glossa dat licentiam docendi oppositam, quæ tunc erat bona, sed minus; & sic erat minus probabilis. Erat pariter

ter benignior. Ergo Glossa clarè est pro me. De hac Glossa vide cap. 10. num. 21. Vide alià glossà pro hac opinione c. 6. n. 58.

105. Panormitanus in c. *Prudentiam* num. 4. de offic. Judic. delegat. & in c. *finem* num. 26. de dolo, & contum. asserit, sequentem opinionem probabilem Magni Viri, quamvis contra Communiem, justè litom posse intentare, & si litem perdat, non suojacere expensis. Certè Vir Magnus non est majoris autoritatis, quàm sit Autoritas Communis Doctorum. Et insuper Panormitanus supponit, opinionem Communiem esse ab intrinseco Probabilem. Si enim supponeretur improbabilis, tunc nedùm opinio Probabilis Magni Viri, sed nullius Viri sufficeret. Certum namque est improbabilitatem esse spernendam; Hinc juxta Panormitanum opinio probabilis ab intrinseco, & minùs probabilis extrinsecè est Regula bona intentantis litem contra opinionem probabilem ab intrinseco, & Probabiliorè ab extrinseco.

106. Pro nostra conclusione faciunt Canonistæ relati pro æquali Probabilitate cap. 28. à num. 62. ubi illi tenent opinionem rigidam, & postea dant licentiam sequendi opinionem benignam. Hanc certè non æquè, sed minùs probabilem credunt; nam absolūtè sequuntur rigidam, & postea solum dant licentiam sequendi benignam. Attuli etiam alibi Theologos, & Summistas sequentes opinionem rigidam, & postea dant licentiam benignam amplectendi; unde etià isti stant pro nostra opinione. Vide cap. 36.

## C A P U T XXXIV.

*Textus D. Thomæ faventes opinioni minùs Probabili.*

1. **N**unc videndum est, an D. Thomas favet nostræ opinioni. Alii retuli aliquos textus; sed libeat illos observare hic tanquam in proprio loco, & alios addere.

Primus, quem cap. 17. num. 21. retuli sit ex 4. distin. 17. quæst. 3. art. 1. quæstiunc. 3. ad 3. ubi asserit, quòd nemo ex vi Sacramenti tenetur confiteri venialia, sed ex institutione Ecclesiæ, quando non habet alia. Vel potest dici secundum quosdam, quòd ex Decretali prædicta non obligantur nisi illi, quibabent peccata mortalia. In hoc textu ex propria Sententia expressè asserit, dari præceptum Ecclesiasticum confitendi venialia in non habentibus mortalia. Subdit tamen, posse dici secundum quosdam non adesse tale præceptum. Vel potest dici secundum quosdam &c. Certè prima opinio ut propria admittitur à Doctore Angelico; & sic erit probabilior, quæ pariter est strictior. Adhuc tamen sustinet dictum aliorum oppositum. Quòd illud sustineat, patet nam clarè scribit: *vel potest dici, &c.* Numquid falsum potest dici? Non tamen illud defendit ut æquè probabile; namque primam absolūtè amplectitur; secundam verò amplectitur verbis non adeo expressivis adhesionem intellectus. *Vel potest dici secundum quosdam* Hæc autem secunda opinio est etiam benignior.

2. Dist. 24. quæst. 1. art. 1. quæstiunc. 5. ad 3. sustinet dictum Alberti nolentis requiri contactum physicum ad Sacram Ordinationem; sed tamen contrariam opinionem sequitur. Hic porro textus est adeo clarus, ut ipse quoque Probabiliorista Gonetius Thomistæ coactus sit fateri, ut notavi cap. 5. num. 39. Sanctum Doctorem primam opinionem tenere ut probabilem, secundam ut probabiliorè.

3. In dist. 33. quæst. 2. artic. 2. quæstiunc. 2. scribit, quòd quamvis probabiliter dicatur, Repudium fuisse licitum in lege Veteri, Communitis tamen sustinetur oppositum; & ideo respondendum est ad utrasque rationes. Si secunda pars est communior, & responderet objectis illi oppositæ, videtur, quòd reputaverit illam probabiliorè. Primam partem expressè vocat probabilem; Si secunda erat probabilior, prima erit minùs probabilis. Ulterius 1.2. quæst. 107. art. 4. asserit ex Augustino epist. CXIX. c. 19. in Patrum institutionibus esse modera-  
tio.

tionem attendendam, *ne conversatio fidelium onerosa reddatur.* Ergo multiplicatio præceptorum non est introducenda ab Ecclesia sine necessitate; & sic multò minus à Doctõribus, quibus non competit ejus condenda legis. Sed opinio probabilior non facit necessitatem, cum possint ejus argumenta solvi à minus probabili, ex toties dictis; ergo in hoc casu Doctores non debent nos cogere ad sequendam probabiliorẽ, *ne reddant conversationem fidelium onerosam.*

4. In Quolibeto 8. artic. 13. quærit, an, qui habet plures Præbendas, peccet. Concludit Quæstionem cum hac distinctione: si manente tali dubitatione plures præbendas habet, periculo se committit, & peccat, ut potè magis amans Beneficium temporale, quàm propriam salutem. *Aus ex contrariis opinionibus in nullam dubitationem adducitur; & sic non committit se discrimini, nec peccat.* Contrariæ opiniones in hac materia erant, quòd liceat habere plures præbendas, & quòd non liceat. Quando autem dicit, aut ex contrariis opinionibus in nullam dubitationem adducitur, debet intelligi de dubitatione strictè, & in rigore sumpta, prout scilicet intellectus in neutram partem inclinat, quæ est definitio dubitantis ex eodẽ Doctore Angelico 2.2. quæst. 2. art. 1. in hoc enim sensu opiniones possunt, ibi debent esse sine tali dubitatione; Ibi enim clarè distinguit Divus Thomas dubitantem in tali sensu ab opinante. Si autem accipiat dubitatio largè sumpta, & prout est idem cum formidine, tunc impossibile est, quòd opinio per Divum Thomam sit sine tali dubitatione, nam clarè alserit. 2.2. quæst. 1. art. 4. quòd assensus, si sit *cum dubitatione*, & formidine alterius partis, est opinio. Et art. 5. ad 4. scripsit, de ratione opinionis esse, quòd id, quod est opinatum, *existimetur possibile aliter se habere.* Ex his sequitur in sententia Doctõris Angelici, intellectum existentem inter contrarias opiniones semper formidare, & nunquam dubitare sumpta dubitatione strictè; ergo etiam, quando adhæret opinioni minus probabili, cum

adhæreat propositioni, quæ est in linea opinionis, tunc non dubitat; si non dubitat, non le ponit in discrimine, & sic *nec peccat juxta Sanctum Doctorem.*

5. Diffusius expendamus doctrinam, quam habet quodlib. 3. artic. x. quærit ergo, *Utrum Discipuli sequentes diversas opinionẽs Magistrorum, excusentur à peccato erroris.* Sic autem quæstionem resolvit: Dicendum, quòd diversæ opiniones Sacræ Scripturæ, siquidem non pertineant ad Fidem, & bonos mores, abique periculo Auditores utramque opinionem sequi possunt. Tunc enim habet locum, quod Apostolus dicit ad Romanos cap. 14. *unusquisque abundet in suo sensu.* In his autem, quæ pertinent ad fidem, & bonos mores nullus excusatur, si sequatur *Erroneam opinionem* alicujus Magistri. Alioquin immaunes à peccato fuissent, qui sequuti sunt opinionem Arii, Nestorii, & aliorum Hæresiarcharum; Nec potest excusationem habere propter simplicitatem auditorum, si in talibus erroneam opinionem sequatur. In rebus enim dubiis non est de facili præstandus assensus; Quinimo, ut Augustinus dicit in lib. 3. de Doctrina Christi, Consulere debet quis regulam Fidei, quam de Scripturarum planioribus locis, & Ecclesiæ autoritate percepit. *Qui ergo assentit opinioni alicujus Magistri contra manifestum Scripturæ Testimonium, siue contra id, quod publicè tenetur secundum Ecclesiæ auctoritatem, non potest ab erroris vitio excusari.* Hactenus D. Thomas.

6. Observandum est maxime, hic quæstionem institui, an sequens diversas opiniones Magistrorum excusetur à peccato erroris; & resolvens dicit Primò, posse nos sequi diversas opiniones, si illæ non pertineant ad Fidem, & bonos mores. Dicit Secundò, nos non posse sequi *opinionem erroneam* Magistri in pertinentibus ad Fidem, & bonos mores. Tandem Concludendo, & veluti directè respondendo quæsitò, & conclusionem ex allatis deducendo dicit Tertiò: *Qui ergo assentit opinioni alicujus Magistri contra Manifestum scripturæ testimonium,* si

*sive contra id, quod publicè tenetur secundum Ecclesie Auctoritatem, non potest ab erroris vitio excusari*

7. Observandum est ulterius, quæstionem esse Universalem; Nec enim querit v. gr. An sequens diversas opiniones de lege naturali, &c. peccet. Igitur præscindit ab omni materia, etiam speculativa, & querit præcisè, an ipsum amplecti opiniones diversas sit peccatum, nec ne. Quòd sciam, Divus Thomas alibi quæstionem hanc universalem non instituit. Alibi equidem tractavit quæstiones similes, sed in particulari materia. Sic Quodlib. 4. art. 14. querit: Utrum debeant vitari illi Excommunicati, de quorum Excommunicatione est apud *peritos diversa Sententia*. Quodlib. 8. art. 13. disputat, utrum, quando sunt diversæ opiniones *de aliquo facto*, ille, qui sequitur minus tutam, peccet, sicut de pluralitate præbendarum. Hic titulus habetur in hoc Quodlibet sub titulis positus in quæstione sexta ejusdem Quodlibeti: *Ipsi autem articulo 13. assignatur talis titulus: Utrum, qui habet plures præbendas, peccet*. Quodlib. 9. art. 15. *scilicet* *utrum habens plures præbendas sine cura animarum absque dispensatione sit peccatum mortale*. Patet evidenter has quæstiones esse in particulari materia *de Excommunicatione, & de Præbendis*. Et titulus ille ex quæst. 6. Quodlib. 8. licet videatur universalis, tamen est particularis, nec querit de jure, sed *de aliquo facto*, & in ipsa quæstione se restringit *ad factum de pluralitate præbendarum*.

8. Ex hac observatione sequitur, quòd, ut Sanctus Doctor resolvat quæstionem, debet illam resolvere universaliter; *& sic de omni*. Hinc evidenter deducitur juxta doctrinam Angelici, ut quis non peccet *peccato erroris* in sequella alicujus opinionis, debeat, ponderare, ne illa sit erronea, nec sit contra manifestum Scripturæ testimonium, vel contra id, quod publicè tenetur secundum Ecclesie auctoritatem. Ego nequeo videre, quam aliam conditionem requirit Angelicus, ne quis peccato erroris peccet.

9. Dices, Divum Thomam in hoc

textu non enumerare omnes condiciones requisitas, ut licet amplectamur aliquam opinionem; & hinc non resolvit quæstionem affirmative, sed negativè; Respondet enim, qui sustinet opinionem erroneam, & contra manifestum textum Scripturæ, &c. *non potest ab erroris vitio excusari*. Quòd non enumeret omnes condiciones ad licitam sequellam opinionis, ex hac una patet, quòd non meminit conscientie, contra quam non licet facere, quamvis opinio haberet assignatas condiciones à D. Thoma.

Sed contra, quia mirum est, quomodo alii Doctores Antiqui, qui eandem quæstionem agitarunt, referant illum Articulum Divi Thomæ, & cum ipso transeunt, nec aliam conditionem addunt; de quo vide Albericum. V. opinio, Asten. lib. 2. tit. 38. de hæret. art. 1. quæst. 2. Divum Antonium 3. par. tit. 5. c. 2. §. 9. Joannem de Friburg. in Sum. Confess. lib. 3. tit. 3. quæst. 13. Pisanet. & ejus Supplem. Ver. Opinio Baptista de Salis. Ver. Opinio; & præcipue Henricum Herp. præcept. 1. term. 8. quæst. 4. His Doctoribus Concordant ex Antonino Monald. Guil. & Hostiens. quia, ut alibi notavi, alie condiciones requirunt non ad excusandam opinionem ab errore, sed ad excusandum Operantem, ne peccet. Iterum repeto, quòd, si Divus Thomas, & illi alii doctores non requirunt omnes condiciones requisitas ad cavendum errorem in opinione, non satisfecerunt quæstioni propositæ in titulo, cum faciliora dixissent, & reliquissent difficiliora. Facile est cognoscere, illum errare, qui sequitur erroneum; Non est adeo facile credere, quòd erret, qui minus probabilis sequitur.

10. Applico nunc doctrinam ad nostram Conclusionem. Opinio minus probabilis, & minus tuta, vel universaliter sumpta, vel in particulari. V. Gr. in lege jejunii, in lege de Matrimonio, in lege de Simonia &c., non est erronea, nec est contra manifestum Scripturæ testimonium, nec contra id, quod publicè tenetur secundum Ecclesie Auctoritatem; ergo opinio minus probabilis non importat pec-

peccatum erroris. Consequentialiquet, quia opinio minus probabilis nullam habet conditionem illarum, quæ possunt constituere opinionem habentem peccatum erroris. Assumptum verò habet tres partes, scilicet Primam, quod opinio non sit contra manifestum Scripturæ testimonium; Secundam, quod non sit contra auctoritatem publicam Ecclesiæ; Tertiam, quod non sit erronea. Quoad Primam, & Secundam est evidens; aliter opinio Probabilior esset certitudo, nec posset aliter se habere, nec esse falsa, quæ omnia sunt evidenter falsa; siquidem Probabilioritas essentialiter differt à certitudine. Et supra vidimus, innumeras opiniones Antiquorum, quæ apud suos Doctores probabiliores reputabantur, evasisse falsas, erroneas, & hæreticas. Quin aliquæ opiniones, quæ communiter probabiliores creditæ sunt, deperderunt talem probabilioritatem, ut specialiter patet, in quæstionibus de Immaculata Conceptione Beatæ Virginis; de tempore inceptions jejunii; & de recitatione Matutini ante Celebrationem Missæ.

11. Nec dicas, quamvis in rei veritate non requiratur, ut opinio mihi videatur probabilior, quod sit ex parte objecti juxta manifestum scripturæ testimonium, vel secundum id, quod publicè tenetur per Ecclesiam; requiri tamen, quod ita existimetur ab opinante; non dicas, inquam, hoc, Etenim sic opinio probabilior esset evidenter falsa. Nam illa cognitio est falsa; quæ aliter se habet in mente, ac est à parte rei juxta Philosophos. Sed opinio probabilior cognosceret, rem se habere juxta manifestum Scripturæ, &c. Cum tamen res ita non se habeat; ergo &c.

12. Vvandrochius Appendic. 1. §. 1. scribit: *Minor propositio*, (scilicet minus probabilem, & minus tutam sententiam Scripturæ, & Patribus adversam non inveniri,) *aperte falsa est*. Nam eo ipso, quo judicatur minus probabilis, & minus tuta, hoc ipso *ferè semper* Patribus invenitur adversa. Sed contra, quia ego judico probabiliores opiniones

Divi Thomæ; Adhuc tamen non judico opiniones Scoti esse adversas Scripturæ, & Patribus; & si ipse asserat Scripturas, & Patres oppositos Scoti; Ego per doctrinam Scoti, quæ quidem in hac propositione est mihi minus probabilis, illis respondebo. Addo, implicitorium esse dicere, opinionem esse minus probabilem, & habere adversus se Patres. Nam quod opponitur Patribus, (utique pene omnibus) non est probabile, sed falsum; Unde, si supponimus, opinionem. D. Thomæ de novo detegi contrariam Patribus, tunc opinio D. Thomæ non erit minus probabilis. Præterea quid significant illa verba: *ferè semper*? utique excludunt aliquam vicem. Ergo in illa vice opinio minus probabilis, & minus tuta non erit falsa, & erronea.

13. Patet ergo difficultatem sistere in probatione, quod opinio minus probabilis non sit erronea, quod facillimum erit, si investigemus, quid sit propositio erronea, quæ profecto non est illa, quæ in se sit falsa; aliter Doctores Ecclesiæ, quin Concilium 83. Episcoporum cum Cypriano docuissent opinionem erroneam. Illud etenim Concilium decrevit rebaptizandos esse baptizatos ab Hæreticis. Et omnes Catholici Doctores contrarii inter se in rebus Theologicis erroneas opiniones assererent, quod est prorsus falsum, & iniquum; quin, ut dicebat Divus Bonaventura in 2. distinct. 13. dub. 3. & talibi retulimus, Catholici Tractatores in iis, in quibus opinantur, possunt dissentire, quia opinio venit aliquando ex probabili Conjectura rationis, in qua homo frequenter decipitur *deceptione potius, quæ est spæra, quam culpa*. Et ideo talis dissensus non est. Propositio autem erronea & est reprehensibilis, & culpabilis ex textu Divi Thomæ, & per Henricum quodlib. 12. quæst. 26. quem legas, quia multum faver; Ergo esse falsum non est idem cum esse erroneo.

14. Canus de loc. Theolog. lib. 12. c. xi. Litter. B. illas vocat erroneas, quæ opponuntur veritatibus Catholicis, & Uni-

Universalibus; nempe quas Univerſa Eccleſia tenet, quibus licet everſis fides quatur, non evertitur tamen. Affig-  
nans autem exempla de veritatibus, quibus propositio erronea opponitur, ait: *Speciales orationes applicatas alicui personæ per Prælatos, vel Religiosos plus prodesse eidem, quam generales. Fratres non temerari labore manuum vicium querere, sed licere eis esse mendicos.* Suarez de Virtut. Theolog. disput. 19. sect. 2. num. 14. Cardinalis de Lugo de Fide, disput. 20. sect. 3. num. 78. asserunt, propositionem erroneam esse illam, quæ opponitur Conclusioni certæ Theologicæ; unde mediata opponitur cum Fide. Ipse de Lugo ex Bannez 2.2. quest. 11. art. 2. dicit, hanc esse Communem Doctorum Sententiam.

15. Certè nemo negat ad propositionem erroneam requiri, ut sit opposita propositioni certæ apud Theologos, adeo ut per Antoninum 2. par. tit. 12. c. 5. Erroneum, & hæreticum differant, quòd Hæreticum addit falsitatem notoriam, & quòd tali falsitati adhæreamus pertinaciter. Turrecremata autem lib. 4. in Summa de Eccles. par. 2. c. 8. non distinguit inter hæresim, & Errorrem; & sic nec inter hæreticum, & erroneum. Hanc Explicationem puto esse de mente Divi Thomæ hic; Namque afferens exemplam opinionis, quam sequendo nequeat quis excusari à peccato erroris, meminit de sequentibus doctrinam Arii, & Nestorii, & in fine dicit, illum à peccato erroris non excusari, qui sequitur opinionem contra manifestum Scripturæ Testimonium, vel contra id, quod publicè tenetur per auctoritatem Ecclesiæ. Ergo, ut quis nequeat excusari à peccato erroris, debet sequi opinionem contra Doctrinam certam.

16. Ex his colligitur, adhærentem opinioni minus probabili non sequi opinionem erroneam, cum opinio probabilior opposita non sit certa, & possit esse falsa. Et hæc possibilitas aliter se habendi debet relucere in ipsa cognitione, ut ipsa cognitio sit de genere opinionis siquid ex Angelico, ut dixi n. 4. 2. q. 1. art. 5. ad. 4. de ratione opinionis est, quòd id,

quod est opinatum, existimetur possibile aliter se habere. Et propter hanc rationem ibi asserit, idem non posse esse opinatum, & scitum, quia opponuntur in his rationibus, quòd de ratione scientiæ est, quòd id, quod scitur, existimetur impossibile esse aliter se habere; & de ratione opinionis est, quòd opinatum existimetur possibile esse aliter se habere. Ergo, cum opinio probabilior sit opinio, sequitur, &c. Cum ergo, qui adhæret opinioni minus probabili, observet omnes conditiones, quas Divus Thomas, & alii Doctores retulerunt, dum solvunt quæstionem, quando discipuli peccent sequendo opiniones suorum Magistrorum; sequitur, quòd hic non peccet peccato erroris; quòd si tunc intellectus non errat, nec voluntas faciendo peccabit.

17. Præterea Divus Antoninus 3. par. tit. 5. c. 2. §. 9. explicans quænam sint opiniones, quæ secundum Divum Thomam pertinent ad Fidem, aut ad bonos mores, & sic absque periculo auditores miramurque opinionem sequi possunt, aut non possunt, ait: *Sicut varia fuit opinio inter Augustinum, & Hieronymum de observatione legalium ante divulgationem Evangelii, & de simulatione Petri circa illa legalia, & huiusmodi habet locum, quod ait Apostolus ad Rom. xiv. Unusquisque in suo sensu abundet. In illis vero, quæ pertinent ad Fidem, vel bonos mores nullus excusatur, si sequatur erroneam opinionem Magistris; In talibus enim ignorantia non excusatur; alioquin immunes à peccato fuissent, qui sequuti sunt opinionem Arii, Nestori &c.*

18. Jam scimus Augustinum, & Hieronymum asseruisse opiniones oppositas, quæ certè dependebant à Sacra Scriptura; sicut propositiones oppositæ Catholicorum, & Arii, & Nestorii. Quæ ergo, cur opinio falsa Hieronymi dicentis, Divum Petrum non peccasse in simulatione legalium, non fuit error; & sic nec Hieronymus peccavit peccato erroris; Opinio verò falsa Arii asserentis, Verbum Divinum non esse Deum, sit error, & Arius peccavit peccato erro-

ris? Quare ignorantia Hieronymum excusavit, non verò Arium? Aliud respondere non possunt, nisi quia Hieronymus opinatus est falsum in materia obscura, in qua aut non possumus, aut non tenemur scire veritatem; & sic in talibus ignorantia excusat. E contra Arius, Nestorius, & ceteri Hæresiarchæ falsum dixerunt in materia clara, & contra id, quod publicè per Auctoritatem Ecclesiæ tenetur. In tali autem materia possumus (quis enim, nisi sit cæcus, videre non potest lucem?) & tenemur scire veritatem; & sic in talibus ignorantia non excusat.

19. Dices, Divum Hieronymum tenuisse suam opinionem ut probabiliorē; & sic poterat excusari; ex hoc tamen nequit argui, esse excusandos, qui sequuntur opinionem minùs probabilem. Sed contra, quia Arius, & alii Hæresiarchæ tenent suas opiniones, nedum ut probabiliores, sed ut certas; & tamen adhuc Arius peccavit peccato erroris, non verò Hieronymus; ergo Probabilioritas non excusat, quando sumus in materia, in qua tenemur scire veritatem; ergo divus Hieronymus excusatur ob aliud caput, & erit, quia in materia obscura non tenebatur scire veritatem.

20. Instabis: In materia quidem obscura non tenemur scire veritatem; tenemur tamen sequi probabilioritatem, quia magis accedit Veritati. Sed contra primò, quia cum in materia obscura per Adversarios non tenemur scire veritatem; unde in hac materia ignorantia excusat, nulla datur ratio, quæ nos obliget ad sequellam probabilioritatis. Secundò, nedum accedit veritati Probabilior, sed etiam minùs probabilis, licet minùs; ergo debet posse amplecti utramque partem intellectus noster, quia in utraque potest esse veritas; Antecedens probatur, quia, si utraque non accederet veritati, jam valeret argui: Hæc est probabilior; ergo opposita est falsa; quod Argumentum est prorsus falsum, cum sola certitudo inferat falsitatem in parte opposita ex traditis.

21. Dices iterum, Divum Thomam per opinionem non pertinentem ad Fidem, & bonos mores intelligere illam, quæ est in materia philosophica, V. Gr. quòd detur materia prima, quòd dentur formæ partiales, & similes, in quibus quidem decisionibus valet celebre dictum Augustini in *Eachir. c. 21.* relatum. 22. quæst. 2. c. in quibus: In quibus rebus nihil interest ad capeſcendum Regnum Dei, Utrum credatur, an non, & utrum vera sive sint, sive putentur, an falsa, In his errare, id est aliud pro alio putare, non arbitrandum est esse peccatum; aut, si est, minimum esse. Unde Glossa *Ver. Rebus*, exemplificat, an *Planeta moveantur contra Firmamentum, vel cum ipso; An homo, & non homo eandem speciem significent.* In quæstionibus autem dependentibus à principiis Fidei, scilicet à Sacra Scriptura &c. vel dependentibus à principiis morum, non potest dici, quòd illarum decisio, & opinio non pertineat ad Fidem, & bonos mores. Illud porro exemplum de Legalibus, & simulatione Divi Petri est exemplum inductum à Divo Antonino, non Divo Thoma.

22. Sed contra primò, quia D. Hieronymus epist. 13. inter D. August. & reulic. 27. num. 8. scribit Augustino, ut sinat, unumquemque abundare in suo sensu; & Sanctus Doctor loquitur de sua opinione morali, in qua discrepabat ab Augustino.

23. Sed contra secundò, quia vidimus supra Divum Thomam in 1. dist. 33. art. 5. & alios antiquos Doctores dixisse, quòd circa ea, quæ expressè in articulis Fidei continentur, quos scire omnes tenentur, contradiclio non est sine peccato, vel erroris simplicis, vel hæresis, si pertinacia adsit. Circa verò illa, ad quæ consequuntur aliquod inconueniens, & contrarium Fidei, licet in Fide expressum non sit, nec determinatum, circa, inquam, ista, ante pertraktionem, per quam sciunt, quòd aliquod inconueniens Fidei sequitur, potest utramque sine peccato opinari, & maxime si pertinacia non adjungatur. Sed pertractata veritate, & rursò, quòd sequitur, idem iudicium est de eis, & de illis, quæ

qua determinata sunt de Fide. Sicut si aliquis simplex, & scripturas ignorans, crederet, Jacob patrem Isaac fuisse, ad quod sequitur Scripturam esse falsam, quod est expressè contra Fidem, antequam sequi sibi ostenderetur, posset ejus opinio sine peccato esse; sed offenso, quod sequitur Scripturam esse falsam, & adhuc in opinione pertinaciter persisteres, hæreticus judicandus esset. Ita est etiam de Notionibus (Divinis,) de quibus nihil est expressè in Fide determinatum, tamen ex errore circa Notiones sequitur error circa Personas, & circa Fidem. Sicut si ponantur relationes esse assistentes tantum, sequitur vel compositio in Deo, vel distinctio non secundum rem, sed secundum rationem, quod est Sabelliana impietatis; Et ideo Porretanus, qui primò hoc posuerat, post viſo, quòd hic sequitur, retractavit.

24. Igitur ex Divo Thoma sequitur evidenter, in quaestionibus de Divinitate, & supernaturalibus posse licitè contrariè opinari ante pertractationem, per quam scitur, & videtur, quòd inconueniens Fidei sequitur. Sed opinio probabilior non facit scire, nec videre inconueniens sequi ad Fidem, ut etiam Adversarii fateri debent; ergo per Divum Thomam, etiam in materiis dependentibus à Sacra Scriptura; & in materiis dependentibus à legibus licet contrariè opinari sine peccato, quia ex Augustino tom. 4. de mendacio cap. 14. relato in c. primum 22. quest. 2. & cap. 21. maximum est mendacium, quod fit in Doctrina Religionis, & Pietatis. Doctrina autem Religionis, & Pietatis amplectitur dependentia à Sacra Scriptura, & à legibus. Et licebit etiam opinari minùs probabiliter ex Divo Thoma, quia opposita probabilior non facit scire, & videre; & intantum Porretanus à sua opinione discessit, post vísio ait Divus Thomas, quòd ex sua opinione sequebatur inconueniens à Fide.

25. Confirmatur. Si ignorans Scripturas credat, Jacob esse Patrem Isaac, hæc opinio ex Divo Thoma potest esse sine peccato, antequam ostendatur, ex ipsa sequi falsum in Scriptura Sacra; ergo multo magis in materia obscura opinio

minùs probabilis potest esse sine peccato per Divum Thomam, antequam ostendatur ex ipsa sequi falsum in Scriptura, & in lege. Consequentia patet à fortiori, quia antecedens procedit in materia clara, in qua potest quis scire, & videre veritatem; consequens autem est in materia obscura, in qua impossibilis est scientia, & evidèntia.

26. Confirmatur ex Divo Antonino ubi supra, qui recitatio illo articulo decimo quodlib. 3. subdit: Aliqua sunt, quæ aliquando fuerunt in varia opinione Doctorum, antequam per Ecclesiam fieret determinatio, & pro illo tempore posuerunt excusari, qui unam, vel contrariam tenebant; Sed postquam determinatum est per Ecclesiam, & firmata alicuius earum, Hæreticum esse contrarium sentire. Hanc Generalem Doctrinam exemplificat in quaestione, An Christus cum Apostolis habuerit aliquid in communi mobilium, Ante decisionem Joannis 22. fuit varia opinio de hoc; Sed facta determinatione de affirmativa per Pontificem, nec mulieres simplices excusantur credentes contrarium ex Doctrina hæreticorum Fratricellorum per Divum Antoninum. Ecce evidenter juxta Divum Thomam, prout intelligitur à Divo Antonino, ante Pontificiam decisionem, licet diversimodè opinari in materia dependente à principiis Fidei; ergo idem erit dicendum in materia morum, cum per Divum Thomam hæc pari passu gradientur. Subsumo; Sed opinio probabilior nec importat Pontificiam decisionem, nec aliquod æquivalens; ergo licitè possumus sequi opinionem oppositam opinioni probabiliori; Hæc autem certè non erit opinio æquè probabilis; ergo erit minùs probabilis. Nec dicas opinionem probabiliorum importare decisionem Pontificiam, quæ verisimilius est pro ipsa, licet non importet Pontificiam decisionem, quæ expressè sit pro eadem, non dicas, inquam, hoc, quia Antoninus loquitur de Pontificia decisione expressè determinante, cum ante illam decisionem Joannis 22. darentur textus, qui vel æqualiter, vel probabilioriter erant pro parte



vera; adhuc tamen juxta Antoninum tunc licebat variè opinari in illa questione.

27. Quòd Divus Thomas assernerit Beatam Virginem fuisse conceptam in peccato Originali est adeo clarum, ut Salmaticenses.... quamvis aliàs jurati discipuli Angelici Doctoris, potius voverint in hoc articulo discedere ab opinione ejusdem, quàm ipsum per extortas expositiones malè explicare, ut multi faciunt. Et quidem, si legantur Textus 1.3. quæst. 81. art. 4. 3. par. quæst. 14. art. 3. ad 1. quæst. 27. art. 1. ad 3. art. 2. ad 2. & 4. quæst. 31. art. 1. ad 3. art. 6. ad 2. art. 7. ad 2. art. 8. ad 2. In 2. distin. 31. quæst. 1. art. 2. In 3. distin. 3. quæst. 1. art. 1. In 4. distin. 43. art. 4. quæst. 1. & alibi pluries evidenter constabit, Sanctum Doctorem esse pro hac opinione. Adhuc tamen in 1. distin. 44. art. 3. ad 3. scribit: Puritas intenditur per recessum à contrario, & ideo potest aliquod creatum inveniri, quo nihil purius esse potest in rebus creatis, si nulla contagione peccati inquinatum sit. Et talis fuit puritas Beatæ Virginis, qua peccato Originali, & actuali immunis fuit. Fuit tamen sub Deo, inquantum erat in ea potentia ad peccandum: sed bonitas intenditur per accessum ad terminum, qui in infinitum distat, scilicet summum bonum; Unde quolibet finito bono potest aliquod melius fieri.

28. Hic Divus Thomas expressè asserit, & quòd res creata possit esse purissima, quia potest carere omni contrario, à cuius recessu puritas intenditur. Nulla tamen Creatura potest esse summè bona, & optima, quia bonitas intenditur per accessum ad terminum. Cum autem terminus bonitatis in infinitum distet, cum sit summum, sequitur, quòd nulla creatura sit summè bona; & sic quolibet finito bono potest aliquod melius fieri.

29. Præterea, nihil in rebus creatis purius esse potest, si nulla contagione peccati inquinatum sit. Sed potest dari creatura, quæ nullo peccato sive Originali, sive actuali peccato inquinetur, ergo potest dari creatura, quæ purior esse nequeat. Hæc asseri in allato textu à Sancto

Doctore nemo negabit.

30. Nunc quæro, dum dicit Sanctus Thomas, quòd Beata Virgo talis fuit, qua Originali, & actuali immunis fuit. Quæro, inquam, ad quid referatur illud Verbum Talis? Certè ad illa verba immediate antecedentia: Nihil purius potest esse in rebus creatis, si nulla contagione peccati inquinatum sit. Ergo illud Verbum, Talis, significat, quòd Beata Virgine nihil purius creatum sit, & nulla contagione peccati inquinata est. Et hinc rectè subditur: Qua peccato Originali, & actuali immunis fuit. Ulteriùs hinc Divus Thomas significat speciale privilegium Beatæ Virginis quoad peccatum originale. Non est autem speciale, quòd abluta fuerit in Utero ab originali, siquidem hoc Sanctus Doctor fatetur etiam expressè de Jeremia, & de Joanne Baptista 3. par. quæst. 27. art. 1.

Tertiò Divus Thomas intendit dare exemplum de creatura, qua purior esse nequit; hæc autem talis est, qua nulla contagione peccati Originalis, & actualis maculatur. Ergo Beata Virgo nunquam originale contraxit; quia sic aliqua contagione maculata fuisset. Quartò assignans rationem Doctor Angelicus, quia Beata Virgo, licet purissima, sit sub Deo, recurrit ad potentiam peccandi. Si autem habuisset aliquando originale, debebat recurrere ad ipsum peccatum; per quod maxime sit sub Deo, & est proprietas Creaturæ Viatricis; E contra potentia ad peccandum, videtur differre propria Beatorum, qui quamvis purissimi, adhuc in sua puritate sunt sub Deo, quatenus saltem habent potentiam Logicam ad peccatum.

31. Præterea in 1. distin. 17. quæst. 2. art. 4. ad 3. scribit: Differt puritatis augmentum, & Charitatis; augmentum enim puritatis est secundum recessum à contrario, & quia in Beata Virgine fuit depuratio ab omni peccato; ideo pervenit ad summum puritatis, sub Deo tamen, in quo non est aliqua potentia deficiendi, quæ est in qualibet creatura, quantum est in se. Institutio argumentum: habens aliquod peccatum non pervenit ad summum.

summum puritatis; sed *Beata Virgo peruenit ad summum puritatis*; ergo nullum peccatum habuit; & sic nec originale. Minor est expressa D. Thomæ major est evidens, nam ex D. Thoma puritas intenditur per recessum à contrario; ergo habens aliquod peccatum, non peruenit ad summum puritatis.

Author Concordantiarum Divi Thomæ, Petrus de Bergomo, num. 370. totus est in ostendendo Sanctum Doctorem in citato textu ex 1. Sent. non asserere Beatam Virginem in sui Cōceptione fuisse Sanctam. Credit enim ex hoc apertè sequi contradictionem in dictis Angelici Magistri. Ad hoc dat quinque responsiones. Duas hic referam, & refellam, remittendo iudicio Lectoris, ut ipse per se aliis respondeat.

32. Dicit Primò, quòd Divus Thomas asseruit quidem, Beatam Virginem fuisse immunem à peccato Originali, non tamen dicit fuisse semper immunem. Sicut etiam dicit de aliis hominibus, quòd aliquando fuit sine peccato, etiam Veniali in hac vita, sed non semper, nec diu, ut patet 3. par. quæst. 79. art. 4. ad 2.

Sed Contra ex dictis, quia illud verbum, *Talis*, refertur, ut significet nihil purius fuisse in Creatis, quòd nulla contagione peccati fuerit inquinatum. Ly autem Nihil, & ly Nulla procul dubio sunt signa Universalia. Tum quia ibi ponit discrimen inter purissimum, & inter optimum, & concedit dari posse purissimum, quia tale est per remotionem à Contrario. Cum ergo creatum possit esse sine omni contagione peccati, potest dari purissimum, & talis est *Beata Virgo*. Non potest dari optimum tamen, quia bonitas intenditur per accessum ad terminum, qui, cum in infinitum distet, quolibet finito bono potest aliquod melius fieri. Si autem *Beata Virgo* aliquando fuisset inquinata peccato Originali, posset dari purius Creatum, ut liquet. Tum quia illa propositio: *Immunis fuit à peccato originali, & actuali*, quamvis non includat expressè terminos Universales, tamen implicite illos includit, nam, licet Hieremias, & Joannes Baptista fuerint

Sanctificati in utero, & fuerint aliquando sine peccato actuali, quis audebit asserere indefinitè: Hieremias fuit immunis à peccato Originali, & actuali? Tum quia, si ponatur propositioni asserere à Divo Thoma predicta Glossa, facit sententiam ridiculam, nec ad propositum. Recitemus illam cum Glossa assignata: *Puritas intenditur per recessum à Contrario; & ideo potest aliquod creatum inveniri, quòd nihil purius esse potest in rebus creatis, si nulla contagione peccati inquinatum sit. Et talis fuit puritas Beata Virginis, quæ aliquando peccato Originali, & actuali immunis fuit*. Perpendat Lector illam propositionem: *Qua aliquando peccato Originali, &c.* Et videat, an quadret antecedentibus. Si verò dicatur: *Qua semper à peccato Originali, & actuali immunis fuit*, clarè liquet coherere cum allatis supra.

33. Dicit Secundò iste Author, quòd, cum Divus Thomas illam Doctrinam tradiderit pro explicatione textus Divi Anselmi, qui tenuit Beatam Virginem fuisse Conceptam in peccato Originali, nequit dici contrarium asseruisse.

Sed contra, quia si Divus Anselmus alibi asseruit Beatam Virginem fuisse Conceptam in peccato originali, non implicat, quòd hic oppositum pro veneratione Matris Dei docuerit. Nec in hoc aliquod inconveniens reperitur, loquendo in materia contingenti, topica, & probabili; Cum enim opinio per Divum Thomam 2.2. quæst. 1. art. 4. & sæpius notavi, sit assensus habitus, non quia sufficienter moveatur ab objecto proprio, sed per quandam electionem voluntariè declinans in unam partem magis, quam in aliam, Ipse Divus Anselmus potuit absque vitio per quandam voluntariam electionem modò declinare in unam partem magis, modò magis in aliam. Non quidem absolute, & totaliter, scilicet per certitudinem; sed modaliter probabiliter, quod non implicat, ut supra ostendimus, & Gonetus Probabiliorista, ut supra retuli, fatetur Divum Thomam in quæstione de tactu requisito ad Sacram Ordinationem sustinere unam partem

tem minus probabiliter, aliam probabilioriter.

34. Negari ergo nequit, D. Thomam opinatum fuisse Beatam Virginem non contraxisse peccatum originale. Quia verò negari pariter non potest, tenuisse, quòd fuerit in originali Concepta, & hoc in pluribus locis; ideo debemus dicere, utramque partem placuisse Angelico Doctori; ita tamen, ut pia minus, altera magis arriserit, utpote sepius inculcata. Nec dicas, retractasse in Summa opinionem piam; non dicas, inquam, hoc, nam juxta Cajetanum, ut alibi dicebam, Divus Thomas non mutat sententiam, nisi hoc expresse protestetur.

35. In 4. Dist. 45. qu. 2. art. 2. quæst. innc. 1. ad. 5. asserit, polse probabiliter estimari, quòd Anima Trajani precibus Beati Gregorii ad vitam fuerit revocata, & gratiam consequuta sit, per quam remissionem peccatorum habuit. Vel dicendum secundum quosdam, quòd Anima Trajani non fuit simpliciter a reatu pena aeterna absoluta, sed ejus pena fuit suspensa ad tempus, scilicet usque ad diem Judicii; nec tamen oportet, &c. Ecce sustinet probabiliter, quòd Trajanus remissionem peccatorum habuerit. Hanc opinionem tenet ut propriam, & sic ut probabiliorem. Adhuc laudat, & sic probat, opinionem quorundam, quòd Trajanus non fuerit simpliciter absolutus a reatu pena aeterna; & consequenter non habuerit remissionem peccatorum; Ergo evidenter in hoc textu Divus Thomas asserit, Trajanum habuisse, & non habuisse remissionem peccatorum; & primam partem tenuit ut probabilior, secundam partem ut minus probabilem.

36. In 2.2. quæst. 42. art. 2. ad. 2. ait, quòd discordia ab eo, quod non est manifestè bonum, potest esse sine peccato. Sed discordia ab eo, quod est manifestè bonum, non potest esse sine peccato. Sublimio; Quid probabilius est esse bonum, non est manifestè bonum; ergo potest dari discordia, & dissensio ab opinione probabiliori de bono, & hoc abque peccato.

37. Præterea Divus Thomas qu. 110. art. 3. ad. 3. scribit: Quidam commen-

dantur in Scriptura non propter perfectam virtutem, sed propter quandam virtutis indolem, scilicet, quia apparebat in eis aliquis laudabilis affectus, ex quo movebantur ad quædam indebita faciendâ; & hoc modo Judith laudatur, non quia mentita est Holoferni, sed propter affectum, quem habebat ad salutem Populi, pro qua periculis se exposuit. Quamvis etiam dici possit, quòd verba ejus veritatem habent secundum aliquem mysticum intellectum. Profectò hic Divus Thomas asserit probabiliter, & quòd Judith mentita fuerit, & quòd non fuerit mentita; & illa verba, quæ mendacia apparere possunt, fuisse vera per aliquem mysticum intellectum. Ego puto, quòd primam partem asseruerit probabilioriter, nam illam absolute supponit; Secundam verò astruit illis verbis, quamvis etiam dici possit, quæ verba clarè notant, Doctorem quidem placere Doctrinam, non tamen aequè, ac prima, quam per modum temporis præsentis enunciat.

38. Denique juxta Ferrariensem super lib. 4. contra Gentiles cap. 66. §. Sed licet hanc viam: clarè Docteur Angelicus sequitur utramque partem, unam minus, aliam magis probabilem. Audiamus hunc Doctorem: Sed licet hanc viam dicat D. Thomas in locis præallegatis esse probabilem; aliam tamen viam dicit 3. par. esse probabilior, & hanc videtur etiam hoc loco tenere, scilicet, quòd ipsa dimensio Sacramentalis (in Eucharistia) sit subiectum formæ substantialis, quæ ex ipsa generatur. Via, quam dicit Ferrariensis, docere D. Thomam ut probabilem, est, quòd, dum Eucharistia generatur nova substantia v. gr. vermis, tunc dimensiones Eucharisticæ convertuntur Divina virtute in materiam quantitativam, quæ est subiectum talis formæ, & pars compositi noviter generati. Ecce clarè D. Thomas sustinet ut minus probabile, quòd, dum Eucharistia corrumpitur, nova materia producatur; & sustinet ut probabilius, quòd non producatur nova materia, sed dimensiones Eucharisticæ sint primum subiectum for-

ma, quæ de novo generatur.

39. Ex textibus, quos D. Thomas habet de facto Trajani, Judith, & de Eucharistia, Ego colligo modum clarum, & dignum D. Thoma, quo concilientur textus, quos edidit de Cœceptione Beatæ Virginis. Modus est, quod Doctor Angelicus utramque partem tenuerit, unam ut minus probabilem, aliam ut magis probabilem. Hic modus est clarus; nam explicat textus ut verba sonant expressè absque ulla improprietas. Est etiam dignus D. Thoma, quia si illotus est in aliis locis, nulla ratio prohibet, cur non potuerit uti eodem in hoc loco. Tum quia debemus procurare omnem modum, ut ostendamus Doctorem Angelicum favere Immaculatæ Conceptioni, quæ sententia his temporibus adeo placet sedi Apostolicæ, & quam sedem adeo D. Thomas conatus est extollere, & celebrare.

40. Ex dictis in hoc capite negari negari omnino, Angelicum Doctorem sequutum fuisse partem minus probabilem in re speculativa dependente à revelatione Divina. Infrascriptum probabo rationibus nostram opinionem, ostendam ex hoc deduci, nos idem posse præstare in moralibus.

## CAPUT XXXV.

*Referuntur pro opinione minus Probabili, & minus tuta Doctores, qui juxta Vvendrochium in Veterum Choro reponi debent.*

1. CUM Vvendrochius, ut vidimus, ponat in Veterum Theologorum Choro Navarrum, qui diem suum obiit anno 1586. juxta Bellarm. de Scrip- toribus Eccles. sequitur, omnes Doctores, qui usque ad prædictum annum floruerunt, esse per Vvendrochium veteres nominandos, quamquam per me solum illi, qui ante annum 1500. vixerint,

tanto nomine decerandi sunt. De hoc puncto egic. 7. ex professo.

2. Igitur in hoc annorum spatio vixit Bartholomæus Medina, qui scribebat anno 1577. ut patet ex Concessione imprimendi suos Libros ipsi data à Generali posita in principio ad Comment. in 1. 2. & excussa Venetiis anno 1590. Hic Author quæst. 19. art. 6. clarissimè, & expressè asserit, nos posse sequi licitè opinionem probabilem relicta probabiliori in praxi, sicut ita sequimur in Scholis. Et in responsione ad ultimum objectum ita illam ampliat, ut procedere asserat etiam in Judice, si tamen lis sit de opinione juris, ut præiens quæstio inquirat. Et nota, quod, licet hic Doctor in Conclusionem non dicat expressè, nos posse sequi opinionem minus probabilem, & minus tutam relicta probabiliori, & tutiori; adhuc tamen ex his, quæ docet, hoc manifestè colligitur. Dicit enim Probabilitatem esse bonam Regulam contra Probabilitatem. Si autem requireretur ad bonitatem hujus regulæ, quod esset tutior, vel æquè tuta, tacuisset rationem essentiali requisitam ad bonitatem regulæ; unde formaliter, & præcisè loquendo non esset vera Conclusio. Tum quia fecisset quæstionem, de quo nullus dubitat, quin minus dixisset; siquidem, nedum opinio minus Probabilis, sed etiam certò falsa, si est tutior, vel æquè tuta, est bona Regula in praxi; Unde, licet certò sit falsa opinio asserens esse confutanda Venialia ex vi Sacramenti, adhuc illa in praxi uti possumus. Tum quia docet, opinionem probabilem esse conformem rectæ rationi, & illam nos posse docere in Scholis; Quæ rationes sunt in opinione minus probabili, & minus tuta. Tum quia se fatetur docere opinionem contrariam Conrado de contract. q. ult. qui certè tenet, nos non posse sequi opinionem minus probabilem, & minus tutam. Præterea in solut. ad secundum objectum asserit, quod, licet opinio Probabilior sit tutior, opinio Probabilis est secunda, & tuta, & non habet periculum. Ecce Doctor expressè fatetur nos posse sequi

opinionem probabilem contrariam opinionem tutiori.

3. Mercorus in Basi totius Theolog. part. 2. art. 1. fin. asserit, quòd Medina doceat hypotheticè, licitum esse sequi minùs probabilem relicta probabiliiori; *Si minùs probabilis in concursu probabiliioris est probabilis, qua conditionalis*, inquit Mercorus, *posset admitti ut vera, sicuti admittitur*, si lapis haberet oculos, videret, *ibi tamen auctor iste nullum habet verbum de principali difficultate hujus materia*, an scilicet minùs probabilis in concursu probabiliioris verè sit probabilis; *Et hoc est, quod affirmant Auctores Probabilitatum.*

4. Sed contra, quia ex contextu claro illarum quæstionum colligitur apertè, hunc celeberrimum Thomistam loqui de quæstione morali, & practica, & qua Fideles instruantur, quam opinionem possint sequi quoad mores. Tum quia dicit, quòd *opinio probabilis est conformis rectæ rationi, & si ita non esset, esset error manifestus*, & ibi fatetur opinionem probabiliorem esse magis conformem rectæ rationi. Ecce expressè fatetur, opinionem probabilem, & probabiliorem esse conformes rectæ rationi; ergo fatetur, opinionem esse probabilem in concursu probabiliioris. *Item non potest Confessarius cogere pœnitentem, ut sequatur opinionem probabiliorem, ut ex prædictis manifestum est.* Ultimo opposita sententia (quòd scilicet teneamur sequi probabiliorem) cruciat animos timoratos; nam semper oporteret inquirere, *quamnam sit opinio probabiliior, quod timorati Viri nunquam faciunt.* Ecce quòd loquitur de praxi, & loquitur etiam de Confessario, qui in Confessione nequit cogere pœnitentem ad sequendam probabiliorem. Tum quia per suam Conclusionem intendit docere opinionem, *qua non cruciat animos timoratos, ut facit opinio opposita.* Tum quia ad ult. dicit expressè, *Judicem posse sequi opinionem minùs probabilem, si quæstio sit juris, & negat, si quæstio sit facti.* Ergo quia conofcit in primo casu opinionem remanere probabilem, non in secundo, ideo in primo concedit ju-

dici posse sequi opinionem minùs probabilem, non verò in secundo.

5. Tum quia dicit: *licitum est, opinionem probabilem in scholis docere, & proponere, ut etiam Adversariis nobis concedunt; ergo licitum est eam consulere.* Ecce probat nos posse consulere in praxi opinionem minùs probabilem; ergo probat opinionem manere probabilem in concursu probabiliioris, quia opinio non probabilis non potest praxi intervenire, nec illam potest consuli pro praxi. Tum quia dixerat priùs, nos posse utramque opinionem, æquè probabilem sequi; hinc posse judicem modò secundum unum opinionem pronunciare sententiam, modò secundam aliam oppositam, Medicum posse inderi modò secundum hanc, modò secundum illam. Expedita hac difficultate subdit: *Sed ex hoc nascitur magna quæstio, utrum teneamur sequi opinionem probabiliorem relicta probabili, an satis est sequi opinionem probabilem?* Soto dicit, quòd licet in speculativis & in gymnasio licitum sit aliquando sequi opinionem probabilem relicta probabiliiori, *Ceterum in moralibus...* non est licitum sequi opinionem probabilem relicta probabiliiori, sentiunt idem Sylvest. Conrad. & Cajet. Ecce expressè tractat quæstionem, quæ intervrat extra gymnasium. Ergo resolvit quæstionem practicam, & non speculativam, quæ solum pro gymnasio interviret; de hac enim nulla erat difficultas juxta Medinam.

6. Quia nondum inveni Doctorem Antiquiorem Bartholomæo Medina, qui expressè, & universaliter tradiderit nos posse sequi opinionem minùs probabilem relicta probabiliiori; ideo ego assero, Principem hujus opinionis esse hunc Doctorem.

7. Secundus Doctor, qui clarè sequitur nostram opinionem, est Dominicus Bannez 2.2. quæst. 10. art. 1. dub. 3. Conclus. 4. ubi hæc habet: quòd, si quis respondeat, licitum esse homini sequi opinionem probabilem, *etiamsi sit minùs probabilis*; Ergo non tenetur homo ex duobus &c. dicimus ad hoc, opiniones esse in duplici differentia; quædam enim

versantur circa actionem exercendam, ut an aliquis contractus sit licitus, vel illicitus; quedam verò versantur circa res, an scilicet aliquid ita sit; An hæc domus sit propria, vel aliena. Dicimus ergo, *et de opinionibus prioris generis verum est, posse hominem sequi probabilem opinionem relicta probabiliori*. Cæterum de opinionibus secundi generis non est universaliter verum, &c. Ecce expressè concedit, *esse verum*, quòd possumus in praxi sequi opinionem minùs probabilem, quando questio est de licito, vel illicito exercitio alicujus actionis. Hic Doctor scribebat anno 1584. ut patet in præfat. ad Lector. . . Excus. Venetiis 1602 apud Juntas.

8. Mercorus ubi supra conatur à nobis illum eripere, & dicit, Bannez non docere ex propria sententia usum opinionis minùs probabilis relicta probabiliori, sed *potius eum gratis admittere*; Cum enim vis illius Argumenti fundaretur in sententia de minùs probabili opinione sequenda, *maluit admittere usum probabilis opiniois, quàm absolute negare*, ne videretur viam Argumenti declinare. Cum ergo ille locus non sit proprius agendi de illa materia, non debet Author illam ex propria docere sententia.

9. Sed contra, quia, quando aliquid admittimus, licet credamus falsum, non dicimus de illo: *est verum*, ut facit in nostro Casu Bannez, sed vel loquimur hypotheticè, *si est verum &c.* vel dicimus, *dato quòd esset verum &c.* vel aliis verbis loquimur, quibus absolute non enunciamus illud, sed cum limitatione. Nec conjectura sumpta à Mercoro ex eo, quòd ille non sit locus proprius illius materiæ, aliquid valet; nam sic possemus eludere plures textus Divi Thomæ, & aliorum, qui sumuntur ex responsionibus datis ad objecta. Hic observa, quòd Bannez ita refert sententiam de usu minùs probabili, ut videatur esse sententiam plurium Doctorum; Si enim fuisset opinio singularis, non retulisset illam verbis universalibus: *Si quis respondeat, licitum esse*

*homini sequi opinionem probabilem, etiam si sit minus probabilis*. Retulisset ergo illam verbis denotantibus levitatem Argumenti, & paucitatem sequentium illam Doctrinam.

10. Petrus Aragon. in 2.2. de just. & jur. quæst. 63. art. 4. asserit Doctrinam integram Bartholomæi Medinæ, & paucula addit, illamque sequitur. Scribebat hic Doctor annos 1590. 4. idus Februarii, ut patet in præfat. ad Lectorem.

11. Michael Bartholomæus Salonijs in Comment. quæ habet in 2.2. Divi Thomæ de just. & jur. quæst. 63. art. 4. Controv. 2. Concl. 4. Clarissimè, & expressè tenet Judicem in judicando, & quemlibet fidelem in suis privatis actionibus posse sequi opinionem probabilem, *quam judicat etiam veram*, dimissa probabiliori, nec est necesse, ut illam credat veriore, *ut bene docet Armilla*. Conclusio procedit in questione juris. Liber hujus Doctoris, quo utor, est excusius Venetiis apud Fœlicem Valgriffum anno 1592. Nescio, an hæc editio fuerit prima; sic nescio, an Vendrochius clamabit, hunc Doctorem, & antecedentem non esse repenendos inter Antiquos. Hoc tamen scio, Salonium post princ. controv. dicere, hanc opinionem innui à Divo Thoma quodl. 8. art. 13. asserente, discipulum posse sequi opinionem probabilem sui Magistri relicta probabiliori aliorum. pro eadem opinione asserit Divum Antoninum 1. par. tit. 9. (corriget tit. 3.) c. x. § x. trahentem in hoc sententiam Albertum Magnum, Armillam Verb. *Opinio*. Subdit quoque, eandem docuisse Salutan-ticæ Fr. Petrum a Soto, Mancium, & alios Recentiores. Ecce quòd opinio nostra jam invaluerat tempore, quod Antiquum juxta placitum Vendrochii erat. Adverte hic iterum in his temporibus non posse sustineri opinionem de minùs probabili in Judice juxta Decretum Innoc. Undec. nu. 2.

12. Gregorius de Valentia scribebat anno 1595. hic clarè amplectitur opinionem minùs probabilem tom. 3. disp. 5. quæst. 7. punct. 4. vers. *Respondeo an-*  
f

placiter. Hic fuit primus ex Jesuitis, qui huic opinioni calculum præbuit. Petrus Navarra suum opus de Restit. vulgavit Matriti 1597. lib. 3. c. 1. num. 237. Scripsit: juxta Communioem Sententiam Theologorum sufficit ad securitatem Conscientiæ probabilis opinioni se conformare, *etiamsi sit minus probabilis*. Ita sensisse Navarram narrat Pater Gonzalez in Introduct. sui operis num. 4. In meo Codice reperire non potui dictum Textum. Interea notabis, ante Navarram opinionem benignam invaluisse in Scholis.

13. Nunc referendi sunt Doctores, qui in prædicto tempore floruerunt, & implicite favent nostræ assertioni, &

PRIMUS sit Pelbartus in suo Aureo Rosario tom. 1. Verb. *Opinio* num. 1. In responsione ad objecta ad Tertium sic scribit: Concedendum est, quòd, qui asserit dubium, mentitur, *si assertivè loquitur*. Vel si defendit tale dubium, quod propria auctoritate de Deo affirmat, quod nec scriptura dicit, nec fides, *nec ad illas sequitur per certitudinem*; ideo peccat, & tanquam præsumptuosus est judicandus, etiamsi verum sit, quod dicat. Et si dubitet corde, & affirmat ore, mendax est. Si utroque modo asserit, superbus est; sed si tantummodo opinetur, nec asserit, *seque opinionem tenet in talibus*, non peccat. Hæc Pelbartus ex Divo Bonaventura.

14. Vidimus alibi per assertionem Antiquos intelligere adhaerentiam certam intellectus ad objectum. Per *Dubium* puto hic intelligi, quando res non est clara; unde potest aliter se habere. Ex Textu Pelbarti ego elicio; quod in dubiis tangentibus Deum licet opinari sine peccato Superbiæ, Præsumptionis, & Mendacii. Sed opinio minus Probabilis est verè opinio; ergo in dubiis tangentibus Deum licet sine peccato Superbiæ, Præsumptionis, & quod magis est, sine peccato mendacii opinari minus probabiliter. Si opinio minus probabilis non est mendax; ergo est vera. Si est vera; ergo illam possumus amplecti. Minor Argumenti patet, quia opinio minus

probabilis non est falsa; aliter opinio probabilior esset certitudo. Nec potest dici, opinionem minus probabilem non esse probabilem; & sic non esse opinionem; nam Probabilioritas unius partis non aufert Probabilitatem ab opposito; & Comparativum non tollit Positivum. Si autem in dubiis de Deo possumus sequi opinionem minus probabilem, poterimus etiam in dubiis de moribus, quia per Augustinum Lib. 1. de Trinit. nunquam periculosius erratur, quàm circa Divina.

15. Idem Pelbartus num. 15. ut retuli cap. 25. num. 18. scribit: quòd secundum Panor. C. *Capellanus* de Feriis, & Summ. Angel. & Antonin. excusatur, qui sequitur opinionem Doctorum, quæ postmodum apparet falsa, nec tenetur semper in diversitate opinionum eligere tutiorem, *quia opinio est tuta, cum habet pro se Doctorem satis acceptum*, & hoc sufficit ad salutem cum tali voluntate, quòd non adhereret ei, si non crederet esse veram. Unde in tali non est contemptus, nec periculo se exponit; & sic nec committit peccatum inobedientiæ; nam si Joachim Abbas non fuit hæreticus, licet tenuerit falsum contra Fidem, ut patuit supra §. 3. quia talis Articulus nondum erat ab Ecclesia damnatus; ergo &c. Hic Doctor tacet consequentiam, quæ meo iudicio est hæc: *Ergo quis excusatur, etiam a peccato, qui sequitur opinionem Doctorum, quæ postmodum apparet falsa*. Hæc est consequentia Doctoris, quia est Conclusio responsiva quæstioni. Hic vide, secundum Pelbartum valere paritatem, & argumentum à Conclusionem de speculativa de Deo ad Conclusionem de moribus. Ex quo inferes contra Vendrochium, opinionem probabilem, quæ in se sit falsa, sive sit de Deo, sive de moribus excusare, apud Deum. Observa etiam, Pelbartum accipere suam Doctrinam à Panor. ab Ant. & ab Angelo, qui sunt Doctores antiqui.

16. Ad nostrum propositum nota, quòd Doctor *satis acceptus* reddit opinionem tutam; & propter hoc in diversitate opinionum non teneor eligere tu-

tioem. Nunc pono Argumentum: Divius Thomas, & Scotus sunt Doctores satis accepti, quis hoc negabit? Insuper habent diversas opiniones; ergo in hac diversitate possum eligere vel opinionem Scoti, vel Divi Thomæ. Nec refert, quod una sit tutior, quia cum opposita habeat pro se Doctorem satis acceptum, jam sequor opinionem tutam, & in tali diversitate non teneor eligere tutiorem. Et hic per tutam opinionem non intelligitur opinio, quæ non possit esse contra legem, quia si sic intelligeretur, possem sequi opinionem nedum Doctoris satis accepti, ut exigit Pelbartus, sed opinionem nullius Doctoris; si enim non possumus offendere legem, jam intrat Regula Theologica Divi Pauli: *quilibet abundet in proprio sensu*. Igitur per tutam opinionem intelligit Doctor opinionem veram, & hoc colligitur etiam ex verbis sequentibus: *Cum tali voluntate, quod non adbareret ei, si non crederet illam esse veram*; quia autem in diversitate opinionum possum sequi tutam, idest veram, & relinquere tutiorem; ergo possum relinquere veriolem; sed ubi datur Verum, & Verius, & hæc sunt diversa, idest opposita, necessariò ibi datur Probabilitas; ergo in diversitate opinionum possum sequi verum Probabile relicto vero Probabiliore.

17. Præterea Pelbartus facit questionem Universalem, *an excusetur a peccato is, qui sequitur opinionem Doctorum, quæ postmodum apparet falsa*; ergo non debet dari responsio solum in diversitate opinionum, quando utraque opinio nullum habet periculum peccati, præcipuè cum in hoc nulla sit difficultas; nam etiam ignorantes sciunt nos posse facere omnia, quæ non sunt offensa Dei, faciendo etiam contra Consilia Evangelica.

18. Confirmatur: Ego sequutus opinionem Divi Antonini, qui est Doctor satis acceptus, dicebam Officium Divinum cum distractione voluntaria. Supponamus, quod in posterum hæc opinio damnetur à Sede Apostolica, nunc quæ-

ro, an peccaverim mortaliter? Respondéo iuxta Doctrinam Pelbarti, me non peccasse mortaliter, nam homo in diversitate opinionum non semper tentatur eligere tutiorem, sed sufficit eligere tutam. Nunc autem elegi opinionem tutam, quia opinio est tuta, cum habet pro se Doctorem satis acceptum, & hoc sufficit ad salutem cum tali voluntate, quod non adbareret ei, si non crederet illam esse probabiliter veram. Si verum fateri debeo, Credo, Pelbartum in hoc loco aperte favere nobis; unde iure pro nostra sententia affertur à Bordonio in Pro-pugnac. Probabilitatis cap. 6. num. 14. Fateor tamen favere etiam Adversariis.

19. Dices: Contradictio in Doctore est valde turpis juxta Bar. in l. . . . ergò nos irrogamus injuriam Pelbarto, dum illum etiam nobis faventem inducimus; sic enim sibi contradicentem facimus.

Respondetur, secundum Vendrochium not. 1. sect. 5. §. 3. opinionem asserentem Confessarium debere sub mortali absolvere sequente opinionem probabilem contrariam ipsi Confessori fundari, & radicari in Probabilitate Doctrina. Ex alia parte ipse Vendrochius affert contra Probabilitatis Doctrinam Divum Antoninum, & Conradum, qui duo Doctores expressè tenent, Confessarium Ordinarium debere absolvere poenitentem amplectentem opinionem oppositam ipsi Confessario; ergo, si nos Pelbartum sibi contradicentem facimus, ipse Divum Antoninum, & Conradum tali nota inurit.

20. Respondetur secundò, forsan Pelbartum tenuisse utramque partem probabiliter, quod nullum est absurdum. Tum quia facile est excusandus Pelbartus, si in contradictionem lapsus fuisset. Cum enim questionem ex professo non agiter, hinc non expendit expendenda in hac materia; & sic implicitè contradictionem potuit admittre. Hæc eadem responsio fieri debet si eandem objectionem facerent Adversarii de aliis Antiquis.

21. SECUNDUS Doctor, qui implicitè favet



favet nostræ Sententiæ, est Joannes de Thabia in sua Summa, quæ dicitur *Summa Summarum, seu Tabiena*. Hic Ver. Dubitatio distinguit Dubitationem à Suspicionem, & Opinione. Igitur Dubitatio per ipsum propriè dicta est, quando intellectus non se determinat ad unam partem Contradictionis, sed stat indifferens. Suspicio verò est, quando intellectus ex levibus conjecturis, & multum debilibus moveatur ad unam partem. Opinio autem est assensus intellectus alicujus rei; non quia sufficienter moveatur ab objecto proprio, sed declinat magis in unam partem, quam in aliam cum formidine alterius juxta Sanctum Thomam 2.2. quæst. 1. art. 4. Hic obiter nota, hunc Doctorem omisisse quædam verba posita à Divo Thoma in definitione opinionis loco citato; Hæc Verba sunt: *per electionem quandam, per quam voluntarie*. Hæc Verba sunt omnino necessaria illi definitioni, quia per ipsa explicatur causa movens intellectum, ut assentiatur magis huic parti, quam illi. Si enim ab objecto proprio intellectus sufficienter non moveatur; ergo, ut moveatur sufficienter, requiritur electio quædam, per quam voluntarie magis declinat in unum, quam in aliud.

22. Ad propositum dico: Opinio minùs probabilis non est dubitatio, quia jam intellectus est determinatus ad unam partem. Item non est Suspicio, quia non moveatur ex levibus Conjecturis, & multum debilibus, sed moveatur à rationibus adeo fortibus, ut possit omnia Argumenta partis Probabilioris probabiliter solvere; si enim illa non posset solvere, jam Probabilior esset certitudo, & scientia, quæ aliter non possunt se habere: Ergo opinio minùs Probabilis erit juxta Tabienam verè Opinio. Si est verè opinio, quare illam non poterimus sequi?

23. Præterea in Verb. Opinio num. 1. quærit: *An Auditores Diversorum Magistrorum tenentium diversas opiniones excusentur à peccato erroris, si Magistrorum suorum opiniones sequantur*. Jam vides, hic institui questionem Universalem; ut ergo adquatè solvatur, debent dari

Regulæ, quibus cognoscatur, quando accedit error in intellectu. Igitur avertit integrum Articulum Decimum ex Quodlibet 3. Divi Thomæ. Concedit, posse Auditores illos sequi utramque opinionem, si opinio non spectet ad Fidem, & bonos mores. Si vero opinio spectet ad Fidem, & bonos mores, & sit erronea, ut erant opiniones Arii, Nestorii, & Hæresiarcarum, non excusantur, etiamsi Auditor sit simplex. Igitur nemo excusatur ab erroris vitio, si assentiatur opinioni alicujus Magistri contra manifestum Scripturæ testimonium, sive contra id, quod publicè tenetur secundum Ecclesiæ Autoritatem. Igitur audio Magistrum Scotistam, & Thomistam. Opinio Scotistica mihi videtur minùs probabilis, Thomistica verò Probabilior; Est autem illa celebris difficultas, an Pueri Hebræorum invitis parentibus possent baptizari. Ecce sum Auditor diversorum Magistrorum, unde sumus in subjecto quæstionis agitata à Tabiena. Assentior opinioni minùs probabilis Scotistarum, quæro, an possim excusari ab erroris vitio? Ecce prædicatum, quod quærebatur de subjecto disputationis Tabienensis. Respondeant ergo Adversarii juxta Doctrinam Tabienæ. Vel excusor, vel non excusor ab erroris vitio? Si excusor; ergo opinio minùs probabilis non est error; Si non est error, quare illam defendere nequeo? Si non excusor ab erroris vitio; Contra, quia illa opinio nec in se, nec apud me est Erronea, quia non est similis opinioni Nestorii, & Arii, nec talis mihi videtur, quia contra opinionem Scotisticam non militant argumenta insolubilia, & illa possum solvere; aliter opinio probabilior Thomistarum esset certitudo, & Scientia, quod nunquam concedam, & in hac suppositione talis mihi non apparet. Item opinio Scotistica non est contra manifestum Scripturæ testimonium, nec contra id, quod publicè tenetur per Autoritatem Ecclesiæ; ergo opinio illa minùs probabilis Scotistica juxta regulas datas à Tabiena est excusabilis ab errore.

24. Dices: juxta Principia Vendrochii Doctorem non resolvere questionem positivè, sed tantum negativè. Dicit ergo, quòd sequens opinionem erroneam, vel contra manifestum Scripturæ Testimonium, vel contra id, quòd publicè tenetur per Ecclesiam, non excusatur ab erroris vitio; Sed non dicit, quòd amplectens opinionem non erroneam, nec contrarium manifesto Scripturæ Testimonio, aut Autoritati Ecclesiæ sit tutus, & illa opinio sit vera, & defensible, ut questio nunc inquirat.

25. Sed contra est, quia ita resolvit questionem, ut adequatè questio respondeat, & aliter dicere est judicare, Doctorem fuisse ridiculum, & ignorantem, nec satisfecisse difficultati propositæ. Cum ergo dubium esset, an auditor sequens diversas opiniones Magistrorum excusatur à peccato erroris, Doctor resolvens hanc questionem, ut suo muneri satisfaciat, debet assignare omnes causas inductivas in errorem, & si unam relinquit est negligens in officio; Si autem omnes assignet, sequitur, quòd Auditor diversarum opinionum, si vitet omnes assignatas, necessariò secundum Doctrinam illius Doctoris debeat excusari à erroris vitio. Vidimus præterea, Doctores Antiques quotquot fecerunt hanc questionem, omnes iisdem verbis illam dissolvere; Impossibile est autem dicere, quòd nemo plene negotium discussit: Sed profectò illam adequatè solverunt, nam dicendo, quòd opinio non sit erronea, volunt dicere, quòd non sit opinio contra principium certum, non tamen de fide. Subdendo verò, quòd non sit contra manifestum Scripturæ Testimonium, & contra auctoritatem Ecclesiæ innuunt, quòd non debet esse contra fidem, quæ ex illis duobus capitibus emergit. Assignatis his causis nequit ulterius inveniri causa, contra quam opinando hæc opinio opposita debeat dici error. Ut enim sit error debet esse propositio contraria principio certo, cum propositio opposita principio opinabili, & probabili procul dubio non sit error; aliter opiniones v. gr. Scoti

oppositæ Divo Thomæ essent errores. Hæc Doctrina est juxta illum, quam habet ipse Tabiena Ver. Error. ubi definiens quid sit error, ait: *Error verò dicitur ignorantiam eorum, quæ debet scire cum defensione contrarii, scilicet cum adhesionem intellectus ad falsum, quod est contrarium scientiæ.* Cum ergo scientia dicat principia certa, error debet esse contra principia certa.

26. Præterea idem Doctor nu. 3. quærens, quænam opinio sit sequenda secundum Canonicas, Primò quidem notat, secundum Panor. inter plures opiniones illam esse sequendam, quæ innuitur meliori, & subtiliori rationi. Unde videtur, non posse negari hunc Doctorem esse in opinione Adversariorum; Achuc tamen infra subdit, quòd Judex in foro conscientie inter plures opiniones debet eligere æquiorē. Et quando una opinio sequitur rigorem juris scripti, & alia æquitatem scriptam, ista debet præponi. Fallit in odium Judæorum. contra quos rigor præfertur æquitati. Similiter magis est sequenda opinio, quæ solvit, quam quæ ligat. Jam scimus æquitatem juxta Antoninum 1. par. tit. 3. cap. 10. §. 10. regul. 7. esse justitiam omnibus circumstantiis pensatis dulcore misericordie temperatam. Igitur per Tabienam Judex in foro conscientie debet sequi opinionem justam, sed dulcore misericordie magis temperatam. Item potius debet sequi opinionem, solventem, & æquam, quàm ligantem, & rigorosam. Hæc Doctrina meo judicio evidenter favet opinioni æqualiter probabili, & benigne; Si enim aequitas præfertur rigori, & solvens liganti; ergo saltem hæc Doctrina debet verificari, quando cætera sunt paria. Forsan etiam favet nostræ conclusioni præsentī, pro qua etiam assertur à Bordonò num. 39.

27. Citatur etiam ab eodem num. 40. pro hac sententia Sylvester V. *Opinio* qui quidem num. 2. assert eadem, quæ ex Tabiena retuli de æquitate præponenda rigori; & subdit, illam esse benigniorem, quæ favet juramento, testamento, libertati, Matrimonio, religioni, & Sacramento; & similiter illam esse beni-

gniore, quæ solvit, ea, quæ ligat.

28. Similiter num. 1. approbat Doctrinam Divi Thomæ quodl. 3. art. 10. sapius allatam, & dicit, intelligendam esse in rebus clariis. Unde fatetur ignorantiam veri in rebus clariis non excusare, excusare tamen ignorantiam veri in rebus obscuris. Hinc dicit, in rebus obscuris cum Panormitano excusari Discipulum sequentem opinionem alicujus Doctoris non subtiliter investigatam, quæ postmodum apparet falsa, & pro hac Doctrina affert Gloissam, & Canones. Posita hac Doctrina Sylvester subdit infra: Et est verum. .... dicente Monal. quod non generatur aliquid præjudicium veritati, cum inter diversas opiniones à Magistris approbatas, & Scripturis authenticis annotatas illam quis amplectitur, quæ sibi videtur magis consona rationi. Et hoc intellige non solum, quando quis facit, quod in se est, ut intelligat veritatem, quia talis etiam in manifeste determinatis excusaretur, cum laboret ignorantia pro tunc invincibili. Sed etiam, cum quis in affectione ad suum Doctorem judicat probabiliter, & sibi videtur verum, quod est saluum. Nec obstat, quod in dubiis tutior opinio est eligenda de sponte juvenis, quia non est in dubio, qui probabilibus rationibus flectitur ad unam partem.

29. Sicut hic Doctor ex Doctrina Panormitani infert, nos posse eligere opinionem, quæ nobis videatur magis consona rationi; ita ego infero, nos posse eligere opinionem, quæ quidem sit consona rationi, sed minus, quam opposita; Ratio est, quia in obscuris ignorantia veri excusat; sed quando adest opinio magis probabilis, adhuc sumus in obscuris; ergo tunc ignorantia veri excusat. Ergo sequendo opinionem minus probabilem habeo ignorantiam excusantem. Minor Argumenti probatur, quia probabilioritas non facit evidentiam, & claritatem, cum possit aliter se habere. Præterea secundum Sylvestrum in dubiis quidem tenemur sequi tutiorem, sed non in probabilibus. Sed opinio minus probabilis non est dubia, quia habet rationes, quibus flectitur ad unam partem; ergo

non tenemur tunc, sequi partem tutiorem. Minor probatur, quia solum Evidentia, & certitudo sunt insolubiles, & invariabiles. Ergo opinio minus probabilis, quæ non est contra certitudinem, & evidentiam, potest solvere probabiliorum, & se flectere in contrariam partem.

30. Petrus Tataretus in 4. distinct. 15. quæst. 4. art. 3. scribit: Quæritur, utrum fideat Judex venias, & dicas mihi veritatem, quid est faciendum? Respondet Gerlon de vita spiritali, quod non tenetur sibi dicere veritatem, ex quo sequitur, quod accusatus de Crimine occulto potest tacere veritatem. Sed an liceat negare veritatem, problema est, quia aliqui dicunt, quod non, aliqui dicunt, quod sic. Paulo ante habet: Quinto dico, quod in nullo casu est licitum alicui Reo negare veritatem, quia in nullo casu licitum est facere contra Deum. Sexto dico, quod de mente Scoti est, quod Reus potest negare veritatem, sed propter hoc non mentitur, quia non negat veritatem simpliciter, sed eo modo, quo sibi proponitur, scilicet in publico. Ideo eligas, quod tibi magis placeat, & ista opinio est magis misericors, quia si diceret veritatem, suspenderetur. Certè Doctor tenet, Reum non posse negare veritatem occultam in judicio, ut patet in illis verbis: Quinto dico, quod in nullo casu &c. Ergo credit, hanc suam opinionem valde rigidam esse probabiliorum. Sed adhuc dat licentiam sequendi oppositam Scoti illis verbis: Eligas, quod tibi magis placeat. Nota illa: ista opinio est magis misericors, & nega, si potes, opponi Rigiditati Probabilioristarum.

31. Joannes Alesia in Lexico Theolog. Ver. Opinari ex Divo Bonaventura in 2. distinct. 15. circa Text. scribit, quod opinio venit aliquando ex probabili conjectura rationis, in qua homo frequenter decipitur, deceptio potius est pœna, quam culpa, à qua vix aliquis Tractatorum Catholicus immunis fuit: & ideo talis dissensio reprehensibilis non est; Quamvis enim discordent aliquo modo Judicia, concordant tamen desideria. In V. Opini-

nio Hæretica recitat ex Alberto, quod Frater simplex, & quilibet Homo potest cum salute sequi in Consiliis quamcumque opinionem voluerit, dummodo alicujus Magni Doctoris opinionem sequatur.

32. Deceptio ergo per hunc Theologum, quæ est in opinione veniente ex probabili Conjectura, est potius poena, quam culpa. Ergo, cum opinio minus probabilis veniat ex conjectura probabili, ejus deceptio, quando est falsa, erit potius poena, quam culpa. Ergo si nulla est culpa in tali opinione, non pecco illam sequendo. Præterea dantur plures Viri Magni in Theologia, sicut dantur plures Doctores Ecclesiæ Magni. Licet autem omnes sint Magni; adhuc tamen unus est major alio; Sicut una Stella est lucida; adhuc tamen, ut dicebat Divus Paulus 1. Corinth. cap. 15. Stella differt à Stella in Claritate. Hinc Glossa in c. ut Veterum Ver. Græci, communiter approbata scripsit, quod Augustinus prævaleat in Disputationibus, Hieronymus in Historiis, & Translationibus, Gregorius in Moralibus. Cum per hunc Doctorem quilibet homo possit sequi cum salute Animæ quamlibet opinionem, si tamen habeat hanc conditionem, seu modum, scilicet quod sit alicujus Magni Doctoris, sequitur, quod Thomista possit amplecti cum salute Animæ opinionem quamlibet Scoti, quem debet profecto judicare Doctorem Magnum, quamquam judicat majorem illo esse Divum Thomam; Et vice versa idem dico de Scotista. Igitur Thomista judicando Scotum esse Magnum Doctorem cognoscit illius opiniones posse iuxta conscientiam poni in praxi. Quia tamen simul judicat, Scotum esse minoris Authoritatis; idèd judicat, opiniones Scoti esse minus probabiles quoad principium extrinsecum. Nec quia judicat Scotum esse Minorem Divo Thoma, per hoc relinquit prius Judicium, quo credit Scotum esse Magnum Doctorem, quia, ut dicebam, inter Magnos datur Unus Major alio. Et terminus Comparativus supponit in alio terminum Commune, in quo ad invicem comparan-

tur, & Unum dicitur Majus alio.

33. Progreditur allegatus Doctor, & ait: Quæ autem opinio est magis sequenda, quando discordant Doctores? Dicendum secundum Ambrosium, & Doctores, quod in jure Canonico, & Civili super his, quæ spectant ad Articulos Fidei, & ad Salutem Animæ, quando Doctorem Approbatorum est diversitas, decisio spectat ad Papam, cui standum est: *In aliis autem licet cuilibet eam, qua sibi placet opinionem sequi* &c. puta de Salomone, utrum sit salvatus, vel damnatus. Simile fuit olim de Mariæ Virginis Assumpt. . . in corpore Glorificato; sed jam secundum quod dicit Hostiens. de Feriis, c. con-questus, approbata, & Communis opinio est, quod sit Glorioso Corpore Assumpta. Illa Verba: *In aliis autem*, quid significant juxta mentem hujus Doctoris, mihi valde incertum est. Hoc est certum significare quidem alia ab Antecedentibus, significare tamen res contentas in jure Canonico, & Civili. Antecedentia ergo erant, quæ spectant ad Articulos Fidei, & ad salutem Animæ. Articuli Fidei sunt illæ Veritates revelatæ, quæ sunt necessariæ saltem necessitate præcepti, ut fide credantur. Illa verò spectant ad salutem Animæ, quæ vel sunt media ad salutem, vel sunt sub præcepto, ut fiant. Ea, quæ sub opinione sunt, antenesmur ad illa sub præcepto, credo non spectare ad salutem Animæ; aliter, si quis erraret in his, hic non salvaretur; unde Thomista non Consistens Circumstantias aggravantes; Non iterum faciens priorem Confessionem validam, sed informem; Jejunans solum in fine Tertii septemarii; & alias opiniones Divi Thomæ amplectens, si à parte rei hæc falsæ forent, non salvaretur.

34. Hac doctrina posita sic discurre: Ea, quæ sunt sub opinione Doctorum, nec sunt Articuli Fidei, nec spectant ad salutem Animæ; sed in his per Doctorem possumus sequi opinionem, quæ nobis placet; ergo in his possumus eligere opinionem minus probabilem; si enim teneremur eligere Probabiliorem, jam

non daretur electio, & placencia in opinionibus, sed necessitas.

35. In Ver. Probabile sic discurret: Dicit Arist. nihil refert, quædam falsa esse probabiliora quibusdam veris; ita nihil refert quædam falsa piè credi, non quòd ea ratione, qua falsa sunt, vel sciuntur esse falsa, credi possunt; Procul hoc à pietate fidelium, ut scribit Gerson par. 1. *declaras: Veritatum, qua credenda sunt de necessitate salutis.* Sed cadit existimatio non super veritate, vel falsitate, sed tantummodo super apparentia, vel Probabilitate, & bucinquit Gerson, *non est periculosum, vel falsum, quia constat de apparentia, & Probabilitate, dum falsitas, & veritas ignota est.* Propterea sapientissimè dixit Hieronymus, quòd de talibus eligibilis est piè dubitare, quàm temerè definire. Sicut stat de quolibet contradictorio esse probabile, & unum stat cum altero non in veritate, sed in Probabilitate, sic diversis respectibus, inquit Gerson, utrumque contradictorium credi potest cum Fidei pietate, dum tamen sit animus ab assertione pertinaci alienus, &c. Hucusque Altenstaig, & quidem egregiè. Nota Primò, hanc Doctrinam esse verbatim Joannis Gersonis Doctoris certò Antiqui, & in meo Codice reperitur in illo tractatu pag. 82. Litter. G. Nota secundò, juxta hosce duos Doctores utrumque contradictorium posse piè credi, sicut utrumque stat cum altero non in veritate, sed in Probabilitate.

36. Ecce evidenter unum Contradictorium convenire cum altero non in veritate, sed in Probabilitate. Ergo intellectus Ver Gr. judicabit & esse probabile dari præceptum de fatendis circumstantiis aggravantibus, & esse probabile non dari tale præceptum, & consequenter poterit utrumque piè credere. Inde infero; Ergo piè poterit voluntas modò fateri hæc circumstantias, modò illas omittere. Textum hunc manifestè favere conclusioni de æquali probabilitate utriusque partis certum puto; sed etiam credo multum prodesse præsentì Conclusioni, quia, si qualitas potest esse in utroque

extremo in gradu æquali, nulla potest assignari ratio, cur in utroque nequeat esse inæqualiter. Si Probabilitas esse potest in utroque contradictoriorum in gradu æquali, poterit in utroque reperiri inæqualiter, & in uno Magis, & in altero Minus.

37. Vidimus alibi, Joannem Majorem clarè esse pro opposita opinione; adhuc tamen puto etiam clarè nobis favere in 4. dist. 4. quæst. 1. Concl. 2. ubi ad probandum probabilius esse in Baptismo infundi virtutes Morales sic scribit: Romanus Pontifex vocat illam Probabiliorè, quamvis non præcipiat illam opinionem insequi; ergo, si non sit fortis ratio in oppositum, debemus illam imitari. Consequentia est plana, & loquitur indistinctè de Virtutibus Theologicis, & Cardinalibus. . . . Insuper sicut definitio Pontificis Maximi, ubi non constat de opposito, est inconculsè tenenda, ita Sententia, quam probabiliorè existimat, debet censi Probabilior, Cum quo tamen stat, quod licet cupiam tali determinationi contraire. Hic Doctor clarè dicit, nos posse contraire opinioni Probabiliori Pontificis in Concilio Generali approbatæ. Possemus autem, si contra illam habeamus rationem fortem. Sed contra Probabiliorè possumus rationem fortem habere, ut patet ex illis verbis: *si non sit ratio fortis in oppositum.* Ratio autem opposita Probabiliori est minùs Probabilis; ergo possumus sequi opinionem oppositam Probabiliori.

38. Dices: quandò adest ratio Fortis in oppositum ad Probabiliorè, tunc opinio Probabilior non restat Probabilior, sed evadit vel æquè Probabilis, vel minùs Probabilis.

39. Sed contra, quia nullum Vestigium apparet hujus distinctionis in Doctore. Tum quia; ergo per Majorem intellectus alicujus hominis privati potest esse perspicacior, quàm Concilium Generale approbatum à Summo Pontifice, & hoc non in quæstione alicujus facti particularis, in quo Ecclesia potest decipi, & decipere. c. à nobis. cl. 2. de Excomm

comm. Sed in decisione, & declaratione propositionis revelatur, in quo Ecclesia est inobliquabilis. Igitur puto, in sententia Majoris nos debere judicare opinionem Ecclesie tanquam Probabiliorum, ut illam expresse tenet Ecclesia, cum quo tamen fiat, quod possumus contraire *forti ratione*, quæ tamen erit minus fortis, & minus probabilis, quàm illa, à qua Ecclesia mota fuit ad suam decisionem.

40. Pro nostra opinione refertur Bartholomæus Fumus in sua Aurea Armilla Verb. *Opinio*, & refertur à Salonio 2.2. tom.1. quæst.63. art.4. controver.2. post princ. his verbis: Eandem Sententiam licere sequi opinionem minus probabilem, ut cognitam minus probabilem, sed judicatam veram, & si non veriorē, habent multi Summissa maxime Armilla Ver. *Opinio*, ubi ait: Sicut non tenetur semper agere homo, quod melius est, sed sufficit agere, quod bonum est; ita non tenetur iudex, vel alius privatus sequi semper opinionem meliorem, & Probabiliorē, sed sufficit, sequatur Probabilem, & quam aliqui Doctores periti judicant veram.

41. In meo Codice Armilla impresso Anno 1582. Venetiis apud Joannem Bertanum Textus non sic habet, sed ita: num.2. Item licet aliquando una opinio sit melior altera, tamen non tenetur quis semper meliorem sequi, quia non tenetur facere, quod melius est, sed quod bonum est; ideo, quando dicitur, quod tenetur amplecti tutiorem, intelligitur, quando effectum formidine alterius partis; sed, quando se firmat in upa opinione alicujus Doctoris, quam veram credit, licet credat illam opinionem esse meliorem, non propter hoc exponit se mortali, quia non sequitur aliquod, de quo dubitet esse falsum, licet credat minus. Huic textui concordat ille, quo utitur Bordonus, ut refert nu.43. Sicut prior Textus Salonii aperte nobis favet, posterior noster Textus non multum video prodesse; expende tamen illa verba: *licet credat minus*. Hic etiam Doctor pro nobis assertur ab eodem Bordonio ibidem.

Et pro nobis videtur facere, dum dicit num.4. & 5. Opinionem sequentem æquitatem præferri rigori, & esse potius sequendam *opinionem solventem*, quàm *ligantem*. In rei tamen veritate potius favet Adversariis; dicit enim clare num.3. esse sequendam opinionem innixam *meliori rationi*.

42. Verb. *accusatio* numer.21. asserat duas opiniones. Prima dicebat, damnatum ad mortem, ut fame pereat, posse comedere panem oblatum; non tamen teneri ad comedendum. Secunda Cajetani affirmabat, teneri ad comedendum. Subdit Doctor: *Prima opinio videtur magis consona, quia legimus, Sanctos condemnatos ad mortem potuisse fugere, & non fugisse. Sed opinio Cajet. est verior, & conformior dictis Sancti Thomæ*. In Ver. Carcer num.4. scribit: *Incarceratus iuste, ut fame moriatur, si sibi occulte ministretur cibis, potest comedere: potest etiam, si vult, non comedere sine peccato, secundum unam opinionem, & patienter mori. . . . Cajet. tamen 2.2. quæst.69. art. ult. dicit, quod tenetur comedere, & bene dicit. Certe Doctor expresse fatetur, opinionem rigidam de præcepto esse veriorē, & bene dicere Tamen incarceratus, si vult, secundum unam opinionem potest non comedere sine peccato. Ecce expresse dat libertatem, si vult, sequendi opinionem benignam oppositam veriori.*

43. Bannez 2.2. quæst.69. art.4. litt D. refert Navarrum in Manual. cap.25. nu. 38. dicentem opinionem asserentem, posse nos dare instrumenta carcerato, ut frangat carcerem, & fugiat, esse *tolerabilem*, sed *veriorē esse oppositam*. Ecce Navarrus tolerat opinionem benignam oppositam veriori; cur Probabilioristæ illam nolunt tolerare, sed acriter rejiciunt?

# CAPUT XXXVI.

*An Confessarius in Confessione uti possit opinione minus probabili, & minus tuta.*

1. POnamus Casum quotidie occurrentem. Pœnitens, Ver. Gr. Scotista, constituitur cum Confessario Thomista, & in aliquo casu variant in opinionibus; Confessarius enim tenebit hoc facere esse peccatum mortale, quod negabit Pœnitens, & particularizando Casum Thomista tenet Pœnitentem debere facere pœnitentiam non relinquentem post se effectum in statu Gratiæ. Contra pœnitens Scotista dicit, hoc non esse necessarium cum Scoto in 4. dist. 17. quæst. 1. art. 2. §. fin. Quid Juris? Thomista poteritne absolvere hunc Scotistam sequentem opinionem, quam ipse Confessor judicat minus probabilem?

2. Fagnanus in c. *ne minus* de Constitum. 305. reputat absurdum, iudicem in foro Animæ debere sequi iudicium rei, & Confessarium debere se conformare cum opinione pœnitentis. P. Natalis Alexandri tom 6. lib 3. de peccatis cap. 4. regula 29. dicit, Confessarium graviter peccaturum, si absolveret pœnitentem sequentem opinionem minus probabilem, & minus tutam. Pater Verani tom. 5. disp. 31. lect. 30. num. 21. docet, Confessarium debere iudicium exercere juxta propriam opinionem, nisi ipse non sit multum doctus, & pœnitens sit doctissimus; tunc enim debet facere suam illam opinionem pœnitentis; & nisi opinio propria sit ab ipso excogitata, & opinio pœnitentis sit plurimum gravium Doctorum.

Legamus Antiquos. D. Raym. lib. 3. tit. de pœnit & remis. §. 21. ut retuli cap. 16. nu. 40. scribit: *non tamen confuso, quod non sis nimis prorsus judicare mortalia peccata, ubi tibi non constet per certam scripturam esse mortalia, sed potes dicere esse peccata, & inducere h. mines ad pœnitentiam.* Subia-

mo: Confessarius probabilioriter credens esse peccatum mortale non habet certam scripturam judicandi illud esse peccatum mortale; ergo non debet illud judicare esse peccatum mortale; atque adeo poterit absolvere pœnitentem; solum enim voluntas peccati mortalis impedit absolutionem. Probatur minor, quia ratio probabilior non est certa scriptura, cum possitaliter se habere. Illud consilium D. Raym. expressè præcipitur à Consilio Vaurense de anno 1368. apud Patrem Alexandri ubi supra reg. 36. his verbis: *Non enim Confessor debet esse promptus ad faciliè judicandum de aliquo, quod sit mortale peccatum, nisi sit in di-ctis sacra Scriptura, vel Sanctorum expressum.* Nota illa vox, *expressum*, & videbis damnari Probabilioristas, qui Probabilioritate contenti volunt damnare de mortali alienam opinionem, & propter hoc non absolvere pœnitentes, qui nolunt ipsis acquiescere.

3. Glossator Raymundi clarè, & expressè est pro hac opinione in lib. 1. tit. de sortilegis §. 5. V. *invocatis demonibus*, ut retuli cap. 22. num. 12. & lib. 2. tit. de raptor. §. 16 V. *si scitur, vel creditur*, ut retuli ibidem num. 14. His textibus addo alium clarum pariter, & expressum. lib. 4. de matrim. §. 10. V. *abstinendum* fin. refert primam opinionem dicentem, quod erigens debitum matrimoniale tempore menstruum peccet mortaliter; postea subdit: *Alii dicunt, quod exigere in menstruo debitum scienter non est peccatum mortale inter conjugatos, sed tantum veniale.* Prima tamen opinio videtur verior, & magis consonat auctoritatibus Sanctorum, in talibus autem in foro pœnitentiali non est præcipitanda sententia, nec deneganda absolutio, si noit conjugatus tempore menstruum continere, sed via tutior est consulenda, & terror ex periculo incutendus.

4. Observa, quod pœnitens in nostro casu non supponitur, quod sit doctus, ut possit tenere suam opinionem ut probabilior; & sic Sacerdos absolvat pœnitentem sequentem opinionem probabilior, non verò minus probabilem,

ut est difficultas. Igitur Author ponit casum communiter occurrentem, & est, quod pœnitens evidenter non cognoscit illum actum esse malum, & oppositum videtur durum, & difficile, hinc non vult convincere. In hoc casu prudens Confessarius videns utrumque opinionem probabilem, quamvis rigida sit probabilior, non debet precipitare sententiam, nec propter hoc denegare absolutionem, sed via tutior est consulenda, & terror ex periculo inveniendus. Hæc omnino est doctrina Probabilistarum. Joannes de Friburgo lib. 4. de matrim. quæst. 46. allegat hunc textum, & transit nihil addens.

3. Paludanus in 4. dist. 17. quæst. 2. art. 1. ita scribit. Si Confessor scit, vel probabiliter credit, quod ille, id est pœnitens, non recolit, quia non sufficienter conscientiam discussit; vel si recolit, errando non credit, illud esse mortale, debet sibi illud ad memoriam reducere, vel conscientiam ei de illo facere. Alioquin scienter indignum solveret; Sed si Confessor dubitaret, utrum illud, de quo alius non pœniteret, esset mortale, & ille sibi diceret, quod de Consilio Peritorum illud faceret, de quibus ex vita, & scientia probabile est, quod non consulerent, nisi bene, potest se illorum iudicio conformare. Secus autem, si esset certus de opposito. Ecce Paludanus duas Conclusiones habet. Si Confessor est certus, aliquod esse mortale, & pœnitens contrarium opinatur, non potest ipsum absolvi; Si autem Confessor dubitat, an sit mortale, tunc potest illum absolvere, si pœnitens fecit ex opinione Peritorum, quos probabiliter iudicat bene consulere. Ego credo, quod Paludanus illud verbum, dubitat, accipiat pro eodem, ac incertus est; Illud enim opponit illis verbis, si esset certus. Tum quia, si acciperet, illud strictè, ut significet suspensionem intellectus circa utramque partem; tunc Authormancus fuisset, cum non solvisset difficultatem, quæ sapius occurrit, & sistit in casu à me proposito in principio quæstionis. Igitur per Paludanum so-

lùm, dum Confessor est certus de aliquo, quod sit peccatum, non debet absolvere pœnitentem secus opinantem; Et sic poterit illum absolvere, quando non est certus; sed, qui tenet unam opinionem ut probabiliorem, non est certus de re, ut est evidens; ergo in hoc casu potest pœnitentem absolvere secus opinantem.

6. Joannes Nider in Consolat. timorati conscient. par. 3. cap. 12. ita scribit: Goffridus de Fontibus quodlib. 9. qu. 16. quærit, an Confessor teneatur facere conscientiam de peccato, si quo confitens non videtur habere conscientiam, & dicit, quod, si quis confitens non habet conscientiam de aliquo actu, quem Confessor opinatur esse peccatum, puta de Vitalitatis, de multitudine Beneficiorum, & similibus, quando talis opinio Confitentis non procedit ex prætervia, sed ex probabili ratione, debet cum Confessor generaliter in forma Ecclesiæ absolvere, maxime Confessor Ordinarius, nisi esset peccatum tale, quod certum, & manifestum esset Communiter illud peccatum esse, nec de hoc sint opiniones contrariæ, quæ ab Ecclesiâ tolerantur. Sed, si non sit manifestum, & quando circa hoc sunt opiniones Sapientum contrariæ, tunc proponere debet confitenti, quod bene studeat de hoc seipsum per prudentes informare, quia talia contra hoc dicuntur; Maxime tamen debet hoc facere, si ipse Confessor sit illius opinionis, quod hoc sit peccatum. Concordat etiam in principali Bernard. Claramontensis in replica contra Goffridum eadem quæstione dicens: Si sunt opiniones inter Magnos Doctores dicentes, quod sit peccatum; Alii verò dicant, quod non tunc debet in tali casu consulere aliquos, de quorum iudicio confidit, & secundum iudicium discretorum facere, & peccatum reputare, vel non reputare; Ex quo enim opiniones sunt inter Magnos Doctores, & Ecclesiâ non determinavit alteram partem, teneat, quam voluerit, dummodo iudicium in hoc residet propter dicta eorum, saltem quos reputas perversos. Ibidem tamen addit contra Goffridum.



fridum, quòd non refert, an Confessor sit Ordinarius, an non, dummodò habeat auctoritatem audiendi talem. Pari modo respondet Petrus de Palude in 4. dist. 17. ad similem quæstionem, &c. Ita Nider. Hic refert textum Paludani, quem ego supra verbatim descripsi. Nota obiter Claramontensem, & Nider dare licentiam sequendi opinionem, *quam volumus*, quando adest varietas opinandi inter Sapientes. Adversarii, si opiniones sint æqualiter probabiles, vel rigida sit probabilior, cogunt nos sequi rigidam. Non sic Nider, & Claramontensis.

7. Hic patet evidenter, quòd Nider, Bernardus Claramontensis, & Goffridus asserunt Confessarium, maxime Ordinarium, debere absolvere pœnitentem sequentem opinionem oppositam; dummodò hæc opinio teneatur à *Viris peritis*. Addo insuper, malè Claramontensem credere, quòd Goffridus hoc concedat de Confessario Ordinario, & neget de delegato. Nam Goffridus hoc concedit & de Ordinario, & de Delegato; quia, quando dicit, quod *maximè Ordinarius debet talem pœnitentem absolvere*, ille terminus *Maximè*, non excludit alium; Imò implicitè includit illum, ut videri licet per Doctores Antiquos, quos allegat, & sequitur Barbosa in tract. de dist. usu frequ. dic. 197. & significat specialem rationem ultra aliud; Et observat, quòd quidem aliquando particula, *Maximè*, stat taxativè, & significat idem, ac *Tantum*, ut patet per Gloss. in Cap. cum contingat de foro competens. At hæc significatio est impropria juxta eundem Barbosa; atque adeo in textu Goffridi sic non debet sumi.

8. De Beato Antonino retuli cap. 29. num. 27. ex 3. par. tit. 1. cap. 20. §. 5. textum clarum pro hac nostra opinione. Ipsum ibi lege, & videbis loqui de quolibet Confessario. In ead. par. tit. 17. c. 2. §. 20. asserit textum Goffridi, cujus dimidium referam, quod ita se habet: Si pœnitens noster cognoscere, illud esse peccatum, nihilominus, ex quo est Ordinarius, tenetur eum absolvere, nec reputare eum inhabilem

ad absolutionem, quia ex ratione, non ex iurisdictione hac opinio est. Ordinarius autem in absolvendo debet sequi commune iudicium Ecclesie, non suum. Si autem sit Confessor Delegatus, qui in nullo tenetur Contenti, nisi velit, si credit illud esse mortale, non debet eum absolvere, quia ex mera voluntate dependet, ut absolvat, vel dimittat; debet enim sequi in absolvendo proprium iudicium, & peccaret absolvendo. Hæc ex Goffrido Beatus Antoninus.

9. Nota per Divum Antoninum Confessarium Ordinarium debere sequi iudicium Ecclesie, non suum, in absolvendo pœnitentem. E contra Confessor delegatus in absolvendo debet sequi proprium iudicium. Hic vellem, ut Vandrochius explicaret, quòdnam est hoc iudicium Ecclesie, quòd debet sequi Confessor Ordinarius in absolvendo. Ego Credo, quòd significet, Ecclesiam absolvere suum subditum sequentem quamlibet opinionem, quam ipsa tolerat sustineri à Peritis. Si hæc explicatio est legitima, sequitur evidenter, Confessarium Ordinarium debere absolvere pœnitentem sequentem opinionem oppositam; quæ tamen tradatur à peritis; quia Confessarius Ordinarius debet se conformare cum Ecclesia.

10. Nota secundò in hac quæstione Divum Antoninum se habere, & ut Doctorem, quatenus decidit quæstionem Theologicam, & se habere ut Historicum, quatenus refert, quòd faciebat Ecclesia suo tempore circa hunc Casum; Unde, nisi Adversarii asserant alium Historicum oppositum narrantem, ne fidem negemus Divo Antonino, & illum credamus Historicum Mendacem, debemus credere, Ecclesiam tempore Divi Antonini absolvisse pœnitentem sequentem quamlibet opinionem Peritorum, quam ipsa tolerabat.

11. Fateor, quòd, dum Divus Antoninus ait, Ordinarium debere sequi iudicium Ecclesie, possint intelligi hæc verba non de ipsa absolutione, sed de iudi-

judicio opinionis, unde significant, quod Confessor Ordinarius debet judicare, an factum penitentis sit bonum, vel malum juxta iudicium Ecclesiæ, quæ cum diversitatem opinionem in hoc casu permittat, hinc etiam permittit opinionem penitentis, & ita debet ipse Ordinarius permittere; & sic absolvere. Unde Historica narratio secundum hanc explicationem opinionum Divi Antonini esset, quod Ecclesia consentiat dari diversas opiniones in aliquo Casu, non verò quod Ecclesia absolvat, quando &c.

12. In 1. par. tit. 3. c. x. §. x. Verf. *Reversendo ad quartam* refert succintè textum Goffridi tanquam concedentem de Confessario Ordinario, & negantem de Delegato, postea subdit. *Idem sentit Ricbard. Claramont. non distinguendo, utrum Confessor ejus sit Ordinarius, vel non ordinarius.* Ecce Divus Antoninus in hoc loco cum Claramontano tenet & Ordinarium, & Delegatum posse absolvere penitentem sequentem opinionem oppositam.

13. In 3. par. tit. 17. cap. 16. §. 2. dicit, quod Confessor in materia, ubi variant doctores, consulat, quod tutius est, scilicet, quod à talibus ablineat, non tamen condemnet contrarium facientes, seu contrariam opinionem tenentes, nec propter hoc denegat absolutionem. Hic non distinguit de Confessario Ordinario, & clarè ipsum obligat ad absolvendum penitentem contrariam opinionem sequentem.

Aliibi retuli, Sanctum Doctorem dicentem in materiis, in quibus variè Authores opinantur, non debere Confessarium præcipitare Sententiam, nec propter hoc denegare absolutionem. Hæc Doctrina procul dubio clarè ostendit, Confessarium debere absolvere penitentem etiam sequentem opinionem oppositam illi, in qua est Confessarius. Vide cap. 11. num. 39. cap. 28. num. 31.

14. Supplementum Pisanelle Verbi Confessor 2. quæst. Ult. scribit, quod Confessor dubius in aliquo casu ob varietate

juxta tem opinionum Glossam Ray int. de Matrimonio §. *Sed numquid peccans Uxore super Ver. Abstinentium* non debet in hoc casu præcipitare Sententiam, nec denegare Absolutionem, sed Viam tutiorem Consulendam, & terrorem incutiendum ex periculo; Quod videtur verum, si penitens ex aliqua probabili ratione adhæret alicujus Doctoris notabilis opinioni, volens eam tenere; nam hoc casu propter varietatem Prudentium Doctorum Confessor consulendo sibi viam tutiorem, & quod sibi verius videtur secundum Deum, si acquiescere nolit penitens nullum super sua Consuetudinem relinquat. Ecce secundum hunc Doctorem Confessor non distinguendo de Ordinario, vel Delegato, non debet denegare absolutionem; & sic debet absolvere penitentem sequentem opinionem ex probabili ratione, licet ipse penitens nolit acquiescere Confessori, qui adhæret opinioni, quæ sibi videtur verior secundum Deum; & sic penitens sequitur opinionem ex probabili quidem ratione, sed hæc opinio est opposita opinioni, quæ verior appareret Confessori, cujus opinio supponitur etiam tutior, quia aliter nulla esset difficultas, quod Confessor absolvetet hujusmodi penitentem.

19. Secundum verò Glossatorem Raymundi Confessor debet absolvere penitentem quolibet opinionem sequentem inter varias diversorum Doctorum; & sic Confessor non debet scire, ut volebat Supplementum, quod penitens habeat probabilem rationem, ob quam sequatur suam opinionem, non verò illem, quam amplectitur Confessarius.

16. Nicolaus de Orbellis in 4. dist. 17. quæst. 2. §. 12. scribit. *Dicit etiam Joannes (de Friburgo) in Summa Confessorum agendo de debito matrimoniali, quod ubi Doctores variè opinantur, licet via tutior sit consulenda, non est tamen præcipitanda sententia, nec absoluto neganda sequenti unam illarum.* Vide item 3. ubi retuli textum Glossæ Raymundi, qui est textus citatus à Nicolao, sub nomi-

ne Joannis de Friburgo ; & observa quomodo etiam Antiqui se sequuntur verbatim.

17. Angelus V. Confessor 4. num. 3. ut retuli cap. 33. num. 81. scribit : Si verò dubium esset , ut abstinere ; tunc securior pars est eligenda ; Si tamen diversitas esset inter Doctores , & penitens ex rationabili causa vult adherere uni opinioni , non est sibi deneganda Absolutio , sed sua conscientia relinquendum . Hic Doctor clare obligat Confessarium , nullam faciens distinctionem de Ordinario , & Delegato , ad absolvendum penitentem sequentem opinionem oppositam illi , quam sequitur Confessarius . Et hic supponitur , quod penitens sequatur opinionem minus tutam ; si enim sequatur tutiorem , est evidens , Confessarium non posse ex hoc capite negare Absolutionem ipsi , cum sic operetur id , quod perfectius , & melius est .

18. Ego legi plures , & plures Antiquos , ut viderem casum praesentem , sed in vanum laboravi , nec alios , praeter relatos vidi de illo mentionem facientes , quod est valde mirum , cum sit casus , qui quotidie accidat , cum quotidie Confessarii fateantur peccata sua ; & tamen differunt inter se in opinionibus de rebus gravissimis . Ex dictis horum Doctorum Colligo , Confessarium Ordinarium posse absolvere penitentem sequentem opinionem oppositam minus tutam , & in hoc conveniunt omnes , nec aliquis discrepat . Secundo , Confessor Ordinarius debet absolvere , &c. In hoc Paludanus non habemus consentientem ; ipse enim solum dicit , quod Confessarius potest absolvere , nec utitur verbo importante obligationem . Et huius forsitan opinionis est Claromontanus .

19. Circa Delegatum per Divum Antoninum in 3. par. c. 20. nequit absolvere talem penitentem ; & Sanctus Doctor credit hoc tenere Goffridum , quod tamen totaliter non credo ; Per Divum tamen Antoninum in tex. 3. par. & forsitan in 3. par. cap. 16. etiam Delegatus po-

test absolvere , nec aliquem video repugnare , etiam Goffridum , ex mea opinione tamen . Circa debitum , Tres Doctores clare dicunt etiam Delegatum debere Absolvere , & sunt Supplementum Pisanelles , Glossator Raymundi , & Angelus , quibus forsitan adharet S. Raym. & Antoninus 3. par. ex tex. c. 16. tit. 17. Nullus tamen ex his Doctoribus dicit , an hoc debitum sit sub peccato mortali ; Cum aliis Verbum , Debet , juxta Doctores importet obligationem ; & praeceptum , ut videre licet apud Tuscum , & apud Barbosam in tractat. de dist. usus frequent. num. 77. afferentem Antiquos Doctores , & Leges . Et expressè notat Glossa c. proposuit de appellat. Ver. Non debet . Ergo , si materia est gravis , Verbum , Debet , praeceptum sub mortali importabit . In nostro autem Casu mihi videtur esse materiam gravissimam , adeo ut plures Antiqui dixerint , non posse Ecclesiam condere legem de iterata Confessione ejusdem peccati , ut videri potest apud Paludanum , & Antoninum 3. par. tit. 14. cap. 19. §. 4. , quod Theologi communiter asserunt , Si Christus non praecepisset Confessionem de Mortali , Ecclesia nullo modo potuisset nos obligare ad talem Confessionem . Ergo Confessor , quando debet absolvere penitentem , ne iterum ponatur onus adeo grave , debet sub mortali absolvere .

20. Vendrochius in epistol. v. not. 1. sect. 5. §. 3. damnat ut errorem hanc propositionem Baunii : Quando Penitentis opinio est probabilis , absolvi a Sacerdote debet , & si secus opinante , & huic negare absolutionem culpa est ex genere suo mortalis . Et subdit hanc propositionem esse absurdissimum dogma , & Commentum , nec aliud esse nisi Probabilitatis doctrinam , qua omnes sententia probabiles secure dicuntur , etiamsi coram Deo falsa , & erronea sint .

21. Si hoc est verum , jam patet Doctrinam Probabilitatis habuisse suam radicem in illis Antiquis , qui dixerunt Confessorem Ordinarium debere absolvere penitentem sequentem opinionem

peritorum contrariam, & in illis aliis, qui hoc idem fatentur de quolibet Confessario.

22. Nec juvat respondere, illos Antiquos loqui simpliciter de debito, Vendrochium verò loqui de debito sub mortali; nam ex dictis illi Antiqui debent intelligi de debito sub mortali. Tum quia Vendrochius confutat illam opinionem ex eo capite, quòd Sacerdos instructior panitente cognoscens falsum esse opinionem panitentis nequeat obligari ad solvendum in terris, quem ligatum in Cælis agnoscat. Hoc porro motivum tam valet de obligatione gravi, quàm levi. Quin valet de simplici potestate; patet enim Sacerdotem nedum non posse obligari, sed nec posse absolvere, quem ligatum in Cælo noverit, in quo puncto habet omnes illos Antiquos sibi contrarios, nec pro se forsitan ullum habebit. Nec juvat iterum instare, Vendrochium loqui de panitente sequente opinionem probabilem, quam sequuntur Moderni Casuistæ; illi verò Antiqui loquuntur de panitente sequente opinionem probabilem Antiquorum.

23. Sed contra, quæro, an minùs opponantur duæ oppositæ opiniones probabiles Antiquorum, quàm duæ oppositæ opiniones Probabiles Modernorum. Ver. Gr. tempore Gratiani dabantur duæ oppositæ opiniones Probabiles Doctorum Religiosorum, quarum una dicebat, *Confessionem non esse sub præcepto*; alia affirmabat, *esse sub præcepto*. Nostis temporibus probabiliter defenditur utraque pars in ista questione, an pro brevi tempore homo habere possit ignorantiam inculpabilem de pollutione. Si æqualiter opponuntur ut certò fatendum est, sicut una ex his Modernorum, quamvis probabilis ipsis Modernis, est falsa, & erronea respectu Dei, idem erit dicendum de una ex illis Antiquorum; Unde, sicut per Vendrochium Sacerdos nequit absolvere sequentem opinionem probabilem falsam Modernorum, idem sateri debet de opinione probabili falsa Antiquorum.

24. Inquiri iterum, dum Vendrochius dicit, quòd Sacerdos instructior cognoscat, esse falsam opinionem panitentis, de quam cognitione loquatur, de probabili, an de certa. Si de Probabili, assignet rationem, cur panitens debeat relinquere suam opinionem probabilem, quem videt tradi à viris, quos reputat doctiores illo confessario? Si loquitur de cognitione certa, tunc equidem secundum Antiquos nequit absolvere panitentem sequentem contrarium. At debet iste Confessarius valde esse cautus in hac sua certitudine; non est enim præcipienda sententia in materiâ difficili, & obscura juxta textum Augustini relatum in c. *Quæro ergo* 6. quæst. 1. & præcipuè, quando scit, alios Confessarios, & Doctores oppositum sustinere. Aliter ipsi poterimus exprobrare illud lepidum, de quo infra, quòd talis scientia sit peritura cum ipso.

25. Instat Vendrochius: Potest Deus sic illustrare mentem Confessarii, ut spectatis omnibus Circumstantiis noxium esse Divino lumine pernoscat, quod boni viri, & docti, *ad quos aliquis panitentis regendi cura non pertinet*, innoxium probabiliter opinentur. Hoc autem casu, quis dubitet, non teneri Confessarium panitentem fallere, & veritatem sibi liquidò cognitam abjicere, ut aliorum errantem opinionem sequatur? Ergo, aut illi assentietur panitens, aut jure ad alium remittetur. Sic Vendrochius more suo recurrit ad illustrationem Divinam, quam si Deus daret, quando Vendrochius credit, procul dubio Doctores, saltem Antiqui, nunquam errassent, aut ad minus non adeo crebrò, ut fecisse ex dictis constat.

26. Jam patet, hæc posse obici contra opinionem relatum ex Antiquis. Ex Doctrina ergo illorum Respondeo, quòd, quando Confessarius *est certus* de malitia opinionis, tunc nedum non debet absolvere, sed nec potest, cum sit certus, panitentem non esse rite dispositum; Quod si hoc est verum, præcipuè debet esse, quando illa certitudo venit ab illustratione Divina, quæ longè ma-

jor est quocumque lumine creato. Igitur, si ille Confessarius, sive Ordinarius, sive Delegatus (tamenam illustratio Divina potest tangere Ordinarium, quam Delegatum, nam Spiritus ubi vult, spirat; & si delegatus sit Regularis, facilius illum illuminabit, cum supponatur melior, quam Presbyter Parochialis) sit à Deo illustratus de falsitate opinionis penitentis, certo non potest, illum absolvere; nec hoc est contra nos, nec contra illam opinionem ex Baunio astatam; nam ipse loquitur secundum cursum ordinarium rerum, & nulla posita speciali revelatione. Ego omnes opiniones Divi Thomae probabiles judico, & securas in praxi. Idem dico de opinionibus Scoti. Ajo tamen, quodd, si Deus me illustraret circa hasce opiniones, certo judicarem vel illas Divi Thomae, vel illas Scoti non esse securas, sed falsas. Quis negabit, probabilitatem utrique opinionis Divi Thomae, & Scoti in illa materia de penitentia faciendam in statu Gratiæ, cujus memini in principio hujus questionis? & tamen, si Ecclesia decideret questionem, tunc contraria decisione esset falsa, & erronea.

27. Igitur Antiqui Doctores, & ego cum ipsis, dicunt, & dico, Confessarium omnem posse, & saltem Ordinarium debere absolvere penitentem, qui sequutus est, & sequitur opinionem Peritorum; & sic Probabilem, quamvis ipse Confessarius oppositum sequatur. Et utraque pars nequit negari esse secuta in praxi, & aliter dicere, est damnare illos Antiquo sine evidenti ratione. Hac tamen opinio loquitur de Confessario docto juxta cursum ordinarium, & seclusa speciali revelatione de veritate. Sicut Scotistæ, dum *indubitanter* affirmant, opiniones omnes Scoti esse securas in praxi, hoc intelligunt seclusa speciali revelatione; hac enim data parati sunt oppositum credere. Sicut Thomistæ secundum præsentem cursum tenent; Beatam Virginem esse Conceptam cum originali, parati tamē sunt credere oppositū posita illustratione Ecclesiæ.

28. Prosequitur Vendrochius, & dicit, quodd si esset absolvendus ille, qui sequitur opinionem, quæ sit probabilis Casuistis modernis, *esset absolvendus, qui paratus animo est Duelli conditionem accipere cum Laymani cautionibus, cui propositum est illatam alapam cum nec inimici propulsare. Testes, ac Judicem perniciem sibi molientes occidere, &c.* Sic Vendrochius. Cum ergo Confessarius nequeat absolvere penitentem habentem tale propositum, & aliàs illæ opinionēs videantur probabiles Casuistis Modernis; ergo Confessarius nequit absolvere penitentem sequentem opinionem oppositam Confessario, quamvis approbatur à Casuistis Modernis.

29. Sed contra evidenter, quia hæc obiectio fieri potest, & forsan à fortiori sequentibus opiniones, quæ peritis Antiquis probabantur. Legantur errores plurimi turpes, & horribiles, quos supra retuli, & visi sunt probabiles, probabiliore, vel etiam certi Viris Antiquis Magnis. Et obiectio allata vel non damnabit Modernos, vel damnabit etiam Antiquos. Opinio illa Laymani de duello est falsa. Concedo. Numquid erat stricta illa opinio Antiquorum alserentium, Duellum licere quidem Laicis per l. *qua actione* §. si quis in collocatione ff. ad Leg. Aquil. non verò Clericis? Erat forsan tolerabilior illa alia, quodd duellum licebat, ubi duellandi consuetudo vigeat, quia quando *mor erat, crimen non erat* 33. *quest. 4. C. obijciuntur*? Vel etiam poterat absolvi, qui acceptabat duellum quidem, non tamen, qui offerebat; Vel qui acceptabat ex jussu Judicis, non sponte, & Vel qui acceptabat ex jussu Judicis, sed solum pro defensione personæ, non pro defensione rerum juxta diversas opiniones in hac materia duelli, quas Antiqui apud Raymundum, Goffridum Traneisem, & Divum Antonium, & alios sequebantur?

30. Respondetur igitur argumento, quodd, sicut Antiqui Confessarii absoluebant suos præcipientes sequentes illas opiniones adeo falsas, & quæ postea

horribiles errores evaserunt, & ideo hoc faciebant, quia illis antiquis temporibus *Viris peritis probabiles* apparebant; Sic Moderni Confessarii poterunt absolvere penitentes amplectentes opinioniones, quæ suis temporibus à *Viris peritis probabiles* judicantur. Nec obstabit, quod postea decursu temporis, & materia melius examinata, hæ opinioniones errores reputentur ab aliis, vel etiam à Sede Apostolica tales decendantur; sicut non obstabat Antiquis, quod suæ opinioniones damnatæ fuerint posterioribus temporibus. Sequitur quidem evidenter, ut supra notavi, ex hac posteriori damnatione, quod opinioniones Modernorum in his materiis sint præponendæ opinionibus Antiquorum, utpotè opinioniones Virorum viventium in tempore, quo veritas longiori disputatione est discussa; & sic sint visa omnia argumenta, quæ vel contra veritatem, vel pro veritate militabant.

31. Nunc referam Doctores, qui floruerunt ab anno 1500. usque ad annum 1590. & sic per Vendrochium sunt Antiqui dicendi, & mentionem fecerunt de nostro Casu.

32. Primus sit Conradus Summenhart de Contract. quæst. 100. concl. 3. Hic quamvis Probabiliorista, sustinet, Confessorem Ordinarium posse, & debere absolvere penitentem in nostro Casu, secus autumat de Confessore Delegato. Eandem conclusionem cum eadem limitatione sequitur Sylvester Verb. *Confessor*. 3. num. xi. quæst. 7. & ibi dicit, quod Confessor Ordinarium in absolvendo debet sequi commune Judicium Ecclesiæ, & non suum; Delegatus vero debet sequi judicium suum.

33. Sotus in 4. dist. 18. quæst. 2. art. 5. ad 5. refert, Conradum, Adrianum, Goffridum, & Sylvestrum tenere, Confessarium Ordinarium posse, & debere absolvere penitentem in tali casu, & hanc opinionem fuisse Canonistarum; Delegatum vero non posse talem penitentem absolvere. Hanc tamen opinionem, & distinctionem Confessarii optimè rejicit, & absolute pro-

bat, omnem Confessarium debere absolvere talem penitentem. Et dat exemplum de Confessario Thomista tenente cum Divo Thoma Judicem debere damnare Innocentem, sed juridicè Reum convictum, & Penitente sequente opinionem Scoti negantis posse Judicem damnare talem Innocentem. Dicit ergo Sotus, quod talis Confessarius Thomista debet absolvere Judicem sequentem opinionem Scoti.

34. Victoria in Sum. Sacrament. de Confess. num. 178. tenet, tam Confessorem Ordinarium, quam Delegatum posse, & debere absolvere penitentem in talicasu, & dicit, hanc esse opinionem Paludani in 4. dist. 17. quæst. 2. art. 1. & Goffr. Quodl. 9. & illam videtur sequi ut certam, dum ait, *aperte probari*.

35. Joannes Medina Cod. de Confess. quæst. 19. circa hoc dubium admittit distinctionem de Ordinario, & Delegato; & de Delegato negat absolute posse talem penitentem absolvere; de Ordinario verò concedit, quod possit, & debeat absolvere, si penitens sequitur opinionem, quam accepit à *Viris Fide dignis*. Quinimò hic Doctor videtur plus concedere, quam alii; videtur enim concedere, quod in aliquo casu possit absolvere penitentem, qui sequitur invincibili ignorantia opinionem erroream.

36. Navarrus in c. *si quis autem* de penit. dist. 6. num. 54. dicit cum Paludano, & Antonino Confessarium dubitantem de aliquo casu posse acquiescere opinionem penitentis, qui dicit, ex consilio Peritorum illam sequi; & num. 66. facit questionem, an Confessarius possit absolvere confitentem, qui non vult parere Confessario, sed quod ipse Confitens sequitur alios Doctores contrarium ejus, quod Confessarius tenet, opinantes, & credentes. Puta Confessarius est in ea opinione, quod non licet alicui habere plura Beneficia; qui verò confitetur est in contraria opinione. Ibi dem ponit motiva pro parte negativa. Postea num. 67. respondet, quod his non obstan-

obstantibus contrarium videtur respondendum. Cum autem Navarrus de Confessario non distinguat, ideo juxta ipsum quilibet Confessor potest absolvere confitentem sequentem opinionem Doctorum contrariam opinioni Confessoris. Eandem opinionem sequitur in Manuali cap. 16. num. 4.

37. Ludovicus Lopez in suo Instituto Confitent. par. 1. cap. 120. sustinet, Confessarium, etiam Delegatum, non posse negare absolutionem penitenti sequenti probabilem opinionem contra probabiliorem ipsius Confessarii.

38. Vendrochius ubi supra ex Eicobario refert Adrianum tanquam negantem posse Confessarium absolvere penitentem in tali casu; Sed pace utriusque dixerim, omnino bene non refertur. Ipsius verba fideliter referamus; Igitur hic Doctor in 4. quæst. 5. de Confess. dub. 7. scribit: *Sacerdos ex Confessione vel aliis novis Confitentem in vincibili ignorantia divini, vel probabili juris humani, vel facti excusari à peccato in opere, seu facto aliis culpabili, an teneatur ipsum de veritate informare, an possit sine informatione ipsum à peccatis absolvere.* Postea resolvit quæsitum variis distinctionibus, ut profecto consilium satis relinquat Lectorem. Tandem §. ad rationes ante oppositum vers. ad Confirmationem dicit: Quod, quando Confessor opinatur, quia opinionem, vel credulitatem sequitur, quæ non nos solum, sed Ecclesiam fallit, & fallitur, c. à nobis desistent. Excomm. el. 2. si à pluribus, vel gravius, seu æqualis auctoritatis Doctoribus contrarium teneatur, non adeo de se presumere debet Confessor, ut totum velis in suam opinionem (quæ forsitan erronea est) concludere, seu coarctare, quasi ipse solus videat, & scientia obitura sit cum eo. Si tamen à paucioribus, & minoris auctoritatis, vel debili admodum fuscitis ratione, ut non possit ea in parte invincibiliter errare, tenetur Contententem erudire, & partem, quam ipse tenet, suadere. Si pro una parte plures fuerint, & pro alia ponderosi magis, & gravius Authori-

tatis, quia tunc juxta Augustini sententiam Auctoritatis est paritas c. in Canonis. 19. dist. Idem censeo, quod in casu sequenti, scilicet dubii. Si dubius est, & inter partes ambiguus fluctuat, quia hoc casu ipsimet Confessori (ubi ipsum casus dubii tangeret) optio maneret, non debet Contententi adimere libertatem. Si altera pars contradictionis est in dubio, ut in casu argumenti, iterum subdistinguo, vel scit, opinatur; vel credit, seu dubitat. Cum scit, tenetur; alias non, ex quo non tenetur, si fidem habere Consistens contra aliorum opinionem, vel ejus sententiam, quæ fortè capitanea, est, stare; nisi fortè tam debili ratione fulciantur ratione, qui partem contrariam fovet, ut eorum fortè sequutus errorem, nequeat invincibiliter dici errare. Ex hac postrema clausula vides, clarè Adrianum sustinere, quod, si Confessor opinatur esse illicitam aliquam partem Problematis, Ver. Gr. habere plura Beneficia competentia suo statui, ut dicebatur in casu Argumenti, non teneatur edocere penitentem suam opinionem; & Adrianus assignat rationem, quia Consistens non tenetur fidem habere Confessori contra aliorum opinionem. Et quidem esset omnino irrationabile, & ridiculum, quod Penitens Scotista v. gr. teneatur, dum confitetur, deponere suam opinionem, & assentiri Confessori Thomistæ. Ex his clarè liquet, Adrianum in aliquo casu sustinere, posse Confessarium absolvere penitentem sequentem opinionem oppositam illi; quam ipse Confessarius amplectitur.

39. Hic obiter notes, secundum Adrianum Doctorem non debere de se adeo presumere, ut totum velis in suam opinionem, quæ forsitan erronea, est concludere, seu coarctare, quasi ipse solus videat, & scientia obitura sit cum eo; si tamen à pluribus, vel gravius, seu etiam æqualis auctoritatis Doctoribus contrarium teneatur.

40. Vendrochius, allegaverat pro opinione de sectanda probabiliore decem Doctores, quorum solum quatuor

ex professio quaestione agitaverant, & ex his duo, qui pleno stylo rem pertraherant; reliqui vero paucis lineis difficultatem pertransiverant. Ex alia parte Vendrochius sciebat, vel scire debebat, opinionem oppositam, nedum à pluribus, ut volebat Adrianus, sed longè à pluribus Docturibus, Modernis quidem, & ab aliquibus Antiquis egregiè, & per extensum defendi; ergo Vendrochius non debebat, adeo sese praeiudicare, ut totum velit in suam opinionem, quæ fortè erronea est, concludere, quasi ipse solus videat, & scientia obtura sit cum eo. Vellem, ut hanc Doctrinam etiam alii Adversarii semper recordarentur, nam, pace ipsorum dixerim, minùs adherent propriis opinionibus, & nimis rejiciunt alienas; & sic videntur credere, quòd scientia sit pertinere cum ipsis.

41. Goditurascalcus Rosemondo in suo Confessionali excusso Antuerpiæ 1559. c. 7. §. de insufficienti discussione Conscientiæ fin. pag. 170. scribit: Si Confessor dubitaret, utrum illud, de quo non pœnitet, nec confitetur peccator, esset mortale, & ille diceret, quòd de consilio Peritorum illud faceret, de quibus ex vita, & conscientia probabile est, quòd nisi rectè consulereat, potest se ipsorum iudicio conformare, secus autem, si elset certus de opposito.

42. Hi sunt Doctores florentes ab anno 1500. usque ad annum 1590. qui de nostro casu mentionem fecisse inveni, relictis Medina, Salonio, & aliis illius temporis, quos nolui recensere, quia illos attuli cap. antec. universaliter docentes, nos posse sequi opinionem minùs probabilem, & minùs tutam. Hinc superfluum erat, hic pro hac quaestione particulari asserre; hæc enim quaestio, etiam per Vendrochium, est necessarium consequens illius opinionis. Legi Pelbartum, Armillam, Tabienam, & Altenstaig Doctores illius sæculi, sed nihil ad propositum reperi, nec contrarium aliquem Doctorem inveni docentem. Solum invenio apud Sylvestrum, ubi su-

pra, quòd Archidiaconus videtur sentire indistinctè, quòd contra conscientiam absolvere non debet confessor sive Ordinarius, sive delegatus. Cum non citetur locus, ubi hæc Archidiaconus dicat, nequeo de ipso aliquid affirmare; Hoc scio, quòd nemo dicit, neque dicere potest, quòd Confessarius possit absolvere pœnitentem contra propriam conscientiam, cum hoc sit intrinsecè malum, & ædificare ad Gehennam, ut dicitur c. litteras de restit. spoliat. Dicunt ergo Doctores Antiqui illi, quòd Confessor potest contra propriam opinionem, & saltem aliquis debet absolvere pœnitentem sequentem opinionem contrariam. Quis autem ignorat opinionem, & conscientiam toto Cœlo distinguui?

43. Igitur confessor Thomista tenens opinionem oppositam Scotistis potest cum hac opinione opposita habere conscientiam de licita absolutione pœnitentis Scotistæ; quia debet absolvere motus non à sua opinione, sed à iudicio communi Ecclesiæ, inquit Antoninus, & Sylvester, & alii; Cum autem Iudicium Ecclesiæ sit, quòd licetè dentur diversæ opiniones in rebus obscuris, debet ipse confessor sequi hoc Iudicium, & permittere pœnitenti, ut amplectatur opinionem, quæ sibi placet, & non coartare ad suam, dicebat Adrianus, quia forsitan erronea est; Nec debet credere confessarius, quòd scientia huius casus sit peritura cum ipso.

44. In summa colligendo dicta horum novem Doctorum patet, Tres esse, qui docent ordinarium confessorem posse, & debere absolvere in casu; Delegatum vero nec debere, nec posse. Hi porro sunt Conradus, Sylvester, & Ioannes Medina. Tres alii, nempe Sorus, Viçtoria, & Lopez affirmant etiam Delegatum posse, & debere absolvere pœnitentem in casu. Duo autem sunt, qui tenent etiam Delegatum posse absolvere pœnitentem in casu, nihil decidendo de debito. Sunt autem Adrianus, & Navarrus. Fortassis etiam hi duo sunt cum iis, qui tenent, quolibet confessorium debere absolvere pœnitentem in casu.



Godſcalcus idem aſerit, ac Paludanus, quem ipſe refert. Unde vide, quæ de Paludani ſententia dixi.

45. Nunc ex omnibus Doctõribus attingentibus noſtram quæſtionem, tres propoſitiones elicio. PRIMÆ eſt *Confefſarius, etiam delegatus poteſt abſolvere penitentem in noſtro caſu.* Ita Raym. Rodon. Joannes de Friburgo, Paludanus, Claramontenſis, Orbellus, Antoninus, Adrianus, Navarrus, & Nider, & forſan Godſcalcus. SECUNDA eſt. *Confefſarius, etiam Delegatus poteſt, & debet abſolvere penitentem in noſtro caſu.* Ita Goſſridus, Nider, Supplementum Piſanellæ, Gloſator Ray, Joannes de Friburgo, Orbellus, Angelus, Victoria, Sotus, & Lopez. TERTIA eſt. *Confefſarius Ordinarius poteſt, & debet abſolvere, Delegatus autem nequit abſolvere penitentem in caſu.* Ita Conradus, Sylveſter, Joannes Medina, Antoninus in quodam textu, & forſan Goſſridus, & Joannes Nider.

46. Colligitur, Adverſarios nullum Doctõrem, qui floruerit tempore antiquo, habere pro ſua opinione, quæ erat peccare *Confefſarium abſolventem* penitentem ſequentem opinionem oppoſitam illi, quam ſequitur confefſarius. Nec Archidiaconus ſupra allatus, eſt pro ipliſ, quia videtur intelligi, quod confefſarius nequeat abſolvere, quando conſcientia Confefſoris dictaret ipli, quod mortaliter peccaret ſic abſolvendo, inquit Sylveſter. In quocauſa nemo negat, confefſarium non poſſe, &c. Noſtra quæſtio eſt, quando confefſor, & penitens habent diverſam opinionem, non verò diverſam conſcientiam, ut ſuprà dixi.

47. Colligitur notabiliter, auxilium in iſdem templis, iſdem in parochiis paſſim inoleviſſe ab aliis teneri, & ligari, quæ ab aliis ſolverentur, quod corollarium notatum fuit à Clero Illuſtriſſimo Gallicano in ſua præſatione ex Doctrina Probabilitatis conſequi, & iudicatum ingens abſurdum. Hoc corollarium evidenter probatur: Antiquitus iſdem in templis, iſdem in parochiis dabatur *Confefſor Ordinarius, & Confefſores delegati;*

ergo idem penitens accedens Ordinario, abſolvebatur ab ipſo, accedens verò delegatis non abſolvebatur juxta Goſſredum, Antoninum, Sylveſtrum, Conradum, & Joannem Medinam. Et hic caſus paſſim occurrebat, quia iſdem in templis, & Parochiis dabantur penitentes Scotiſtæ, & confefſarii Thomiſtæ; & penitentes ſequentes opiniones oppoſitas illis, quæ à confefſariis tenebantur. Corollarium ergo hoc eſt evidens; Salva tamen reverentia Illuſtriſſimo Clero, credo non eiſe abſurdum evidens; & ſic opinionem illorum Doctõrum, & Doctores ipſos propter hoc jure non poſſe damnari. Credo equidem illam diſtinctionem Ordinarii, & Delegati non eiſe ad rem, & in Abſolutione danda ſolum reſpiciendum eiſe, ut optimè notavit Sotus, ad opinionem penitentis, an ſcilicet verè ſit probabilis. Nam penitens Scotiſta habens dolorem, ac propoſitum de futuro juxta opiniones Scoti regulatum, vel eſt diſpoſitus ad Sacramentum, vel non eſt diſpoſitus. Si non eſt diſpoſitus; ergo nec Ordinarius poteſt illum abſolvere, quia nemo poteſt conferre Sacramenta indiſpoſitis. Si eſt diſpoſitus; ergo etiam delegatus poterit illum abſolvere, & ad ſummum non tenebitur, eò quia ubique obligatione miniſtrat Sacramenta; Ordinarius autem tenebitur, utpote obligatus ſuis ſubditis præbere Sacramenta.

48. Nec juvat dicere cum Conrado, Ordinario poſſe, & debere abſolvere, quia, ſi negaret abſolutionem, incurreret periculum violandi Juſtitiam, cum teneatur dare Sacramenta; Hoc autem non valet de Delegato. Sed contra, quia obligatio conferendi Sacramenta, quæ reſidet in Ordinario, non mutat diſpoſitionem in penitente, ut eſt evidens; ergo vel penitens eſt bene diſpoſitus, vel non eſt bene diſpoſitus; & ſic recurrit noſtrum argumentum. Præterea obligatio miniſtrandi Sacramentum ſupponit capacitatem ſubjecti; Unde in Legibus deciditur, *impoſſibilem nullam eiſe obligationem*; Ergo prius ſubjectum debet eiſe capax, & ſic diſpoſitum, ut

inde postea enascatur obligatio in Parocho conferendi.

49. Imbecillima verò est alia disparitas, quam assignat Conradus; quia scilicet Ordinarius debet sequi commune Judicium Ecclesiæ; cum autem Ecclesia non damnaverit illam opinionem, seu illum actum, hinc nec Ordinarius debet illum damnare, & propter hoc negare absolutionem; Delegatus autem, ex quo ex mera libertate audit, & absolvit; ideo contra proprium judicium non licet ei agere.

50. Hic inquiri, an Delegatus juxta Consuetudinem liberè absolvat supposito, quoddam sit certum, pœnitentem habere dispositionem debitam. Affirmativè nequid respondere, quia sic pœnitentes eluderentur, & gravarentur, & nemo Fidelium certè confiteretur Delegato, si facta confessione, & posito quicquid requiritur ex parte ipsius, posset rejici sine absolutione. Ergo debemus dicere, quoddam Delegatus quidem liberè se exponat ad audiendum peccata; at ipsis auditis nequeat negare absolutionem ex sua libertate. Debet ergo dari motivum ex parte pœnitentis.

51. Nunc vellem scire iterum ab eodem, quare ex eo, quoddam Ecclesia non condemnet illam opinionem, & illum actum pœnitentis, sequitur, quoddam Ordinarius possit, & debeat se conformare judicio Ecclesiæ, delegatus verò non possit se conformare eidem judicio. Vel enim judicium Ecclesiæ est bonum, vel malum; Si malum nec Ordinarius poterit, &c. Si bonum; ergo etiam Delegatus poterit, se illi conformare; obligatio enim audiendi confessionem non variat judicium; ad summum obligabit ad talem conformitatem. Ergo delegatus poterit quidem, se conformare huic judicio Ecclesiæ, non tamen tenebitur. Sicut potest conferre Sacramenta, sed non tenetur; E contra Ordinarius obligatur.

52. Restat ergo probatum, per Antiquos Doctores confessarium posse, & aliquem debere absolvere pœnitentem sequentem opinionem probabilem, etiam

oppositam opinioni confessarii. Hæc autem opinio est communis apud nostros Modernos, ut videre licet apud Dianam par. 2. tract. 13. resolut. 11: & in Coord. tom. 8. tract. 1. resolut. 6. ipsos autem non refert allegare, quia res est cum Probabilioristis, apud quos, præcipuè Vendrochium, Autoritas Modernorum flocci habetur.

53. His præhabitis, pro resolutione questionis propositæ assero, *Confessorem posse in absolvendo sequi opinionem minus probabilem, & minus tutam, quando non agitur de valore Sacramenti.* Nota bene hanc ultimam particulam. Quamvis autem aliàs dixerim, opinionem quidem minus probabilem solum in speculatione esse sequendam, ut dixi c. 33 n. 17. hanc tamen ut securam in praxi teneo, quia video Antiquos in hoc concordare, & nihil in contrarium asserri potest alicujus roboris.

54. Probatur: Sacerdos Absolvens pœnitentem sequentem opinionem probabilem, & minus tutam, oppositam opinioni Confessarii sequitur opinionem minus tutam, & minus probabilem; Sed juxta Antiquos licet Sacerdoti absolvere pœnitentem sequentem opinionem probabilem, & minus tutam oppositam opinioni Confessarii, ut vidimus; ergo Sacerdoti juxta Antiquos licet absolvere sequendo opinionem minus probabilem, & minus tutam. Minor habenti cognitionem linguæ Latinæ, & legenti allatos textus est evidens.

Probatur ergo Major ponendo casum in terminis de illo pœnitente, cuius memini n. 1. & qui nō vult iterare pœnitentiam factam in peccato mortali contra opinionem rigidam, quam probabiliorum iudicat Confessarius. Sic autem absolventes, cum teneant suas opiniones ut probabiliores, non possunt judicare opinionem Pœnitentis veluti æquè probabilem, vel ut Probabiliorum, cum impossibile sit, quoddam idem iudicet unam opinionem esse probabiliorum, & oppositam esse æquè probabilem, & multò minus probabiliorum.

Remanet igitur, ut illam iudicet minus probabilem, quæ cum sit minus tuta, ut evidens est; ergo Confessarius juxta Antiquos absolvens penitentem sequentem opinionem probabilem, sed minus tutam, oppositam suæ opinioni sequitur opinionem minus probabilem, & minus tutam.

55. Fateor ignorantiam meam, Non video, quid huic Argumento Vendrochius respondere possit. Ipse siquidem fatetur, illa sect. 5. §. 3. *Si enim opiniones probabiles*, inquit ipse, *secura dicuntur, etiamsi coram Deo falsa, & erroneæ sint, consequens est, eum, qui secutus est opinionem probabilem, non peccasse*; adeoque absolutionis beneficio dignum esse. Ecce Vendrochius aperte, & expressè fatetur, quod Confessarius absolvens penitentem sequutum opinionem probabilem minus tutam, & magis periculosam sequitur *Doctrinam Probabilium*. Ego subsumo: sed hæc opinio de tali Confessario est plurium Antiquorum; ergo Doctrina Probabilitatis est Doctrina plurium Antiquorum. Huic quoque Corollario Vendrochius nequit respondere.

56. Pater Tyrus Gonzalez in suo erudito opere de Fundamento Theologie disert. 14. cap. 9. objicit contra suam sententiam de illicito usu opinionis minus probabilis; & minus tutæ factum hoc de Confessario, qui potest absolvere penitentem sequentem opinionem minus tutam, & oppositam illi, quam sequitur ipse Confessarius. Facta objectione §. 2. videtur, concedere assumptum, & negare consequentiam; Tunc enim paritas, inquit num. 126. solum teneret, si ipsi penitenti sua opinio videretur minus verisimilis, & probabilis; Cum autem videatur sua opinio sibi probabilior; ergo Confessarius absolvens penitentem, absolvit non sequentem opinionem minus probabilem, ut est difficultas; sed probabiliorum. Paritas ergo solum teneret, si Confessor absolveret penitentem sequentem opinionem minus probabilem.

57. Sed contra, quia Sacramentum

Pœnitentia perficitur interventu penitentis, & Confessoris, ut patet ex Tridentino sess. xiv. cap. 2. Penitente tanquam Reo, Sacerdote tanquam Judice. Sed principalis requiritur Sacerdos; hoc est, Sacerdos exercet munus principale, cum se habeat ut Iudex, & effectus Sacramenti principaliter tribuitur Sacerdoti. Cum Sacerdos proferat formam, *in qua præcipue ex Tridentino c. 3. vis Sacramenti sita est* Scio antiquitus fuisse communem opinionem Doctorum apud Biel in 4. dist. 7. quæst. 1. art. 3. litter. S. per contritionem fieri absolutionem peccatorum apud Deum, *per absolutionem vero Sacerdotis fieri absolutionem quoad Ecclesiam*; Quia verò plus est absolvi apud Deum, quam apud Ecclesiam; ideo juxta illam communem opinionem *Antiquam* penitens in hoc Sacramento munus principale exercebat. Scio, inquam hoc; Tamen Tridentinum clare loquitur; atque adeo, si vis Sacramenti principaliter sita est in forma, sequitur, quod Sacerdos in hoc Sacramento principaliter requiritur. Hoc posito sic arguo contra Patrem Gonzalez: Penitens probabilius iudicat, se non teneri ad circumstantias aggravantes considerandas; Sacerdos iudicat probabilius, dari obligationem confitendi tales circumstantias; ergo penitens suscipiendo cum sua opinione Sacramentum illud suscipit sequendo opinionem probabiliorum; Sacerdos verò illud ministrans cum sua opinione illud ministrat contra opinionem, quam reputat probabiliorum, quæ aliàs est tutior; Sed aliàs Sacerdos non peccat, ut hic supponit Pater Gonzalez; Ergo quia opinio minus probabilis, quamvis minus tuta, illum regulat, & salvat à peccato. Ergo Sacerdos in nostro casu absolvit sequendo opinionem minus probabilem, & minus tutam, & non peccat.

58. Dixi, videtur Pater Gonzalez concedere assumptum, quod scilicet Confessor possit absolvere penitentem contra suam opinionem tutiorem, & quam reputat probabiliorum. In rei ta-

men veritate in §. 4. clarè num. 126. ait, quòd, quando opinio Confessarii est in se probabilior, seu communior inter classici Authores, & ipse Confessor contra passionem iudicat, *fundamentis illius opinionis, seu urgentiora manifeste omnibus rationibus, quibus nititur* Pœnitentis opinio, tunc non possit absolvere Pœnitentem, quamvis ille bona fide amplexis fuerit sententiam contrariam. Ex his autem, quæ aſſert pro fundamento huius doctrinæ num. 130. & 131. manifestè elucet, hunc Authorem credere, quòd, si Confessarius contra propriam opinionem sibi manifestè probabiliorè, absolveret pœnitentem, sequeretur opinionem minùs probabilem, quæ aliàs supponitur etiam minùs tuta.

59. Sed, si hoc est verum, etiam ipse Pater Gonzalez tenetur, fateri, opinionem aſſerentem posse in praxi deduci minùs probabilem, & minùs tutam fateantur, Confessarium posse, & aliquando debere absolvere pœnitentem sequentem opinionem oppositam opinioni Confessoris. Nec potest dicere, illos Antiquos intelligendos esse, quando Confessario non apparet sua opinio manifestè probabilior, sed solum quando apparet quidem probabilior, sed non manifestè.

60. Nam facilè rejicitur, & primò sic concedit, quòd Confessarius saltem in æquè Probabilibus per Antiquos possit absolvere pœnitentem sequentem opinionem oppositam minùs tutam, & sic opinio de sequenda aequali probabilitate erit doctrina antiqua, quod negat ipse Gonzalez, & negant communiter Probabilioristæ. Secundò, quia Antiqui solum negant, Confessorem posse absolvere, &c. quòd est certus de sua opinione; Sed Confessor iudicans manifestè suam opinionem esse probabiliorè, adhuc non est certus, ut liquet; ergo adhuc tunc potest absolvere pœnitentem, &c. Tum quia ut plurimùm quilibet sequitur suam opinionem non manifestè probabiliorè. Interroga Thomistas, & Scotistas, & tamen illi Antiqui absolute sua doctrinam traſunt, & solum duas

distinctiones adhibent. Primam, & concedunt de Ordinario, & negant de Delegato; Secundam negant, si Confessor est certus de sua opinione, & concedunt, si non est certus; & hanc secundam distinctionem adhibent omnes Antiqui. Et sic patet, Patrem Gonzalez opponi illis Antiquis, & nostram Doctrinam de minùs Probabilitate sequenda à Confessario esse Doctrinam Antiquam, nec posse ab ipso negari.

61. Hic non est locus solvendi ea, quæ contra aſſert; namque solventur per ea, quibus respondimus ad objecta, quæ aſſeruntur universaliter contra Doctrinam de Probabilitate.

62. Pater Fogarinus in suo tractatu de certitudine Hœnestatis par. 4. disput. 3. sect. 5. num. 37. sibi objicit casum hunc de Confessario, qui potest absolvere pœnitentem sequentem opinionem probabilem, & faventem libertati, & oppositam opinioni Confessoris, &

63. Respondet Primò cum Scoto, quòd, ut quis bene operetur, non sufficit, quòd agat illud, quod aliis videtur rectum, sed debet agere illud, quod sibi rectum videtur; ergo Confessarius, inquit Author, non potest rectè sequi opinionem pœnitentis sibi contrariam.

64. Sed contra, quia non per hoc evanescunt, illos Antiquos contrarium docuisse; & sic restat hæc Veritas, quòd Doctrina Nostra sit Antiqua, quod pro nunc nobis sufficit. Tum quia nunquam videmus, Scotistas rejicere pœnitentes Thomistas; & tamen Confessor Scotista scit, pœnitentes Thomistas facturos opera, quæ per ipsum sunt peccata moralia. Nec obligabit illum, ut Circumstantias aggravantes fateatur, quamvis iudicet ipse, esse sub præcepto confitendas.

65. Respondet Secundò; & in summa dicit, quòd si pœnitens iudicat suam opinionem moraliter certam, & secundum illam operatus fuerit, tunc illa operatio non est mala. Verbi Gratia, quis iudicat esse moraliter certam opinionem dicentem, jejunium sub obligatione incipere anno vigesimo primò; hic

hic solum tali anno incepit jejunare, & hic non peccavit excusatus ab ignorantia invincibili; & hunc non peccasse debet quoque judicare Confessarius; licet aliàs sequeretur opinionem Alenis doctentis jejunium incipere anno decimo octavo; Nam pœnitens operatur non ex cognitione Confessarii, sed sua; sed credit suam operationem esse bonam; ergo operando bene operatur; & taliter debet judicari à Confessario, & à quolibet alio, ut est evidens. Si autem pœnitens, subdit Fogarinus, non sit moraliter certus de sua opinione, sed habeat vel formidinem de opposita, vel probabilitatem, tunc Confessor non potest, se accommodare pœnitenti; sed illum rejicere, si non vult mutare opinionem.

66. Sed contra, & concedo Primam partem, tanquam evidentem, quæ tamen non est contra me. Et pro nunc transeat etiam secunda pars, quamvis sit falsissima, præcipue quoad id, quod dicit de formidine; At non solvit casum, quem posui de eo, qui non vult reiterare pœnitentiam in peccato mortali factam. Pœnitens judicat non teneri, si ve certò, si ve probabiliter, parùm pro me refert, ad reiterandam pœnitentiam. Confessor verò est in opposita opinione juxta Antiquos, si Confessor judicat certam suam opinionem; nequit absolvere hunc pœnitentem, nisi reiteret pœnitentiam; si verò suam opinionem teneat, sed non ut certam, tunc potest secundum omnes, & secundum aliquos debet, absolvere hunc pœnitentem, quamvis illam nolit iterum facere. In hoc casu utique pœnitentes opinionem sequitur, vel certam, vel probabiliorem; At Confessor absolvens, quam opinionem amplectitur? Certè non quam judicat probabiliorem; quia sic illum non absolveret; ergo amplectitur illam, quam minus probabilem judicat. Hæc porro est etiam minus tuta.

67. Confirmatur juxta Doctrinam illorum Antiquorum, qui concedunt Ordinarium posse, & debere absolvere

in hoc casu, & negant de Delegato. Si hi Antiqui crederent, Confessarium in hoc casu sequi opinionem probabiliorē, nullam haberent rationem, cur hoc concederent de Ordinario, & negarent de Delegato, cum ipsi universaliter concedant, nos posse sequi opinionem probabiliorē. Ergo hi Antiqui credunt, Confessarium sequi in hoc casu opinionem minus probabilem, quæ aliàs est minus tuta, ut suppono.

68. Hic obiter colliges contra dictum Patrem Fogarinum, non teneri pœnitentem ad sequendam opinionem moraliter certam; nam per hos Antiquos potest Confessarius in absolvendo sequi opinionem incertam; non enim est moraliter certus, quòd non reiterare pœnitentia in peccato mortali factam nullum sit peccatum, cum ipse ut probabilius oppositum teneat; ergo nec pœnitens tenetur sequi opinionem moraliter certam. Præterea si quisquam habet fundamentum credendi suas opiniones moraliter certas, sunt Thomistæ, & Scotistæ. Si concedatur hoc; ergo Thomistæ Confessarius numquam absolvet Scotistam pœnitentem, si sequatur opinionem benignam, & vice versa idem dico de Confessore Scotista. Consequentia probatur, quia per omnes Antiquos, quando Confessor certus est, utique etiam moraliter, quòd aliqua opinio sit falsa, & favens libertati, nequit absolvere pœnitentem sequentem opinionem hanc faventem libertati.

69. Sed audiamus Patrem Fogarinum sic loquentem num. 44. Quod si Pœnitens dicat, se non peccavisse tali actione, quia communiter Theologi docent eam esse licitam, & ipse bona fide illam elicit, nec illam eliciendo ullo modo dubitavit, se peccare; ideoque petere, ut absolvatur ab aliis peccatis. Respondetur, interrogandum esse pœnitentem, an audiverit, & noverit dari alios Theologos, qui dicerent, illam actionem esse illicitam, & illos consuluerit, & an quaesiverit consilium à pluribus; si quaesiverit alios, & non invenerit ullos, qui

qui oppositum ei dicerent, sed omnes illum certificaverint, quod non peccaret, absolvi potest, quia fecit, quod potuit. Si audierit dari, qui oppositum doceant, & eos noluerit, licet potuerit, consulere, peccavit, & non potest absolvi, nisi doleat, & promittat, de futuro se non operaturum similiter, & si sit actio circa usuram, nisi promittat se restitutionem facturum. Hucusque Fogarinus. Quæ professio mihi satis scrupulosa videtur, & contraria Antiquis allatis, qui abolvebant penitentes, si tamen sequuti fuerint opinionem toleratam ab Ecclesia; & Angelus dicebat Ver. Confessio 4. num. 3. Si diversitas esset inter Doctores, an scilicet talis actio esset peccatum, & penitens ex aliqua rationabili causa vult adbare nuni opinionis, non est sibi deneganda absolutio, sed sua Conscientia relinquendum.

70. Hic observa, Angelus, quia est diversitas inter Doctores, relinquit penitentem suæ conscientie, & ipsum absolvit. Fogarinus verò, quia penitens non consuluit oppositum sentientes, ipsum non vult abolvere, nisi mutet opinionem, unde non relinquit ipsum suæ conscientie. Pono casum in terminis: Quidam tempore necessitatis extreme accipit victum à Paulo; devenit ad pinguiorem Fortunam, querit à Scotistis, an teneatur restituere, Hi certificant, illum, non teneri; Audit tamen adesse alios Doctores oppositum asserentes, & illos non consulit. Juxta Fogarinum peccat, & debet promittere restitutionem; At si accedit ad me, qui oppositum teneo contra Scotum debeo juxta Angelum judicare non peccare, & suæ Conscientie ipsum relinquere; si habeat tamen causam rationabilem adbarendi suæ opinioni, ut loquitur Angelus. Hæc tamen causa rationabilis non potest intelligi, ut habeat rationem, per quam moveatur ad credendum suam opinionem esse certam, quia Angelus satis obicure loquutus fuit. Tum quia, si penitens habet motivum, per quod judicat suam opinionem probabilior, hoc motivum est

causa rationabilis adherendi suæ opinioni; ergo Confessor juxta Angelum debet relinquere penitentem suæ Conscientie; Præcipue cum Confessor non teneat suam opinionem rigidam ut certam, sed ut solum probabilior, & juxta Angelum ibidem non debet Confessor asserere esse mortale, de quo non est certus. Ergo Confessor sequens opinionem rigidam ut probabilior non debet dicere penitenti, sic facere esse peccatum mortale, sed ipsum suæ Conscientie relinquere.

71. Dices ex eodem disput. 3. par. 2. sect. x. num. 233. quando Antiqui concedunt, Confessarium posse Abolvere sequendo opinionem penitentis, quam ipse Confessor putat minus probabilem hoc non concedunt, quia judicent Confessarium tunc sequi opinionem minus probabilem, & minus tutam, sed ex alio capite, & hoc patet in Conrado, qui solum concedit de Ordinario, non de Delegato; & ideo concedit Ordinario, quia aliter faciendo se exponeret periculo violandi Justitiam, qua tenetur dare Sacramenta suis subditis. Hæc autem ratio non habet locum in Delegato, quia non Ordinarius, ex quo mera libertate audit, & absolvit, ideo contra proprium judicium non licet ei agere. Ita ex Conrado Fogarinus, qui ita subdit ibidem: ex quibus clarè deducitur, & confirmatur nostra sententia; Si enim liceret sequi minus probabilem libertati faventem, Confessario etiam non Ordinario liceret abolvere talem penitentem, quod negat Conradus. Ita Fogarinus.

72. Si ita res se habet, quod Doctor concedens Confessori non Ordinario ut absolvat penitentem in casu allato, hoc concedit sequendo opinionem minus probabilem faventem libertati, & sic minus tutam; Sequitur evidenter, cum plures Antiqui hoc concedant, ut vidimus, quod Doctrina Probabilitatis juxta Patrem Fogarinum sit Antiqua.

73. Præterea quando Conradus dicit, Ordinarium posse abolvere penitentem in casu, vel facit contra proprium Judicium, vel non facit. Si non facit; ergo

nec etiam non Ordinarius facit; Quod enim ego sum Parochus, vel Delegatus non facit mihi mutare opinionem; Ver. Gr. antequam essem Parochus tenebam dari præceptum de Circumstantiis aggravantibus. Evado deinde Parochus, non proinde muto opinionem. Ergo si absolvo pœnitentem sequentem opinionem oppositam, sive sum Parochus, sive non sum Parochus, semper vel faciam contra proprium iudicium, vel numquam. Præterea per ly *proprium iudicium* vel intelligitur Conscientia, & hoc non, quia sic nec Parochus posset absolvere, quia facere contra propriam conscientiam est intrinsece malum, ut dicunt Theologi, & ædificat ad Gehennam ex d. c. *pœnitentia* dērestit. spoliat. Vel intelligitur *propria opinio*; & tunc Conradus debet monstrare caput, per quod agere *contrariam opinionem*, sit malum. Et etiam dato, quod hoc in se sit malum, posset fieri bonum, quia Parochus obligatur ad ministranda Sacramenta; nec enim iustitia obligat ad faciendum, quod aliàs est malum in se.

74. Ulteriùs. Si Iustitia, qua tenetur Parochus ministrare Sacramenta, reddit licitum agere *contra proprium iudicium*, cur Charitas, qua tenemur amare proximum, non reddet licitum agere contra proprium iudicium? Ergo saltem, quando Delegatus ex charitate tenetur audire Confessiones, tunc poterit, & debet agere contra proprium iudicium, & pœnitentem in casu absolvere. Tum quia dato, quod Delegatus audiverit Confessiones, videtur non posse negare absolutionem, ex charitate saltem. Denique vel pœnitens cum illa sua opinione est rite dispositus, vel non est rite dispositus. Si est rite dispositus, ergo quilibet Confessarius poterit ipsum absolvere. Si non est rite dispositus; ergo nec Parochus poterit ipsum absolvere. Nec potest dici, non tot requiri dispositiones ad recipiendum Sacramentum à Parocho, quam à Delegato; Nam hoc est prorsus voluntarium, & contra Tridentinum, qui necessaria

tradens sess. 24. pro Sacramenti Suspensione nihil distinguit inter Parochum, & Delegatum.

75. Sic etiam voluntariè ibidem dicit Conradus, quod *Ordinarius debet sequi iudicium Ecclesiæ*. Modò *Ecclesiæ non dūm damnavit illum actum, igitur nec ipse debet ita damnare, ut denegat absolutionem. Sed non Ordinarius ex quo ex mera libertate audit, & absolvit; idē contra proprium iudicium non licet ei agere.*

76. Vellem hic, quod Conradus assignaret rationem, cur Parochus debeat sequi iudicium Ecclesiæ, non verò Delegatus. Tum quia, si Parochus non debet damnare illum actum denegando absolutionem, cur debet illum damnare Delegatus? Ad summum, si Delegatus ex libertate audit, & absolvit, sequitur, quod possit non absolvere, non verò quod non debeat absolvere. Si Ecclesiæ non damnat, cur debet ipsum damnare? Et hoc puto esse Argumentum satis validum pro Probabilitate: Ecclesiæ non damnat opiniones minus probabiles libertati faventes; ergo nec nos damnare debemus; Antecedens constat, quia nullibi reperitur tale Decretum.

77. Ut meum sensum aperiam, quid Conradus teneat in hoc casu, puto, quod asserat Confessarium Ordinarium debere opinionem minus probabilem sequi, quia expressè dicit Ordinarium debere absolvere pœnitentem sequentem opinionem, cuius oppositam iudicat Probabiliorem ipse Ordinarius. Insuper hæc opinio est etiam periculosa, cum possit esse contra legem. Suppono enim pœnitentem sequi opinionem benignam. Ergo Confessarius Ordinarius juxta Conradam sequitur opinionem minus probabilem, & quæ potest esse contra legem; Intantum autem hoc concedit, quia credit simul intervenire periculum faciendi contra legem in sequendo partem oppositam; Credit enim, quod Ordinarius in hoc casu, habeat præceptum ex iustitia emanans ministrandi Sacramentum. Igitur Ordinarius juxta Conradam.

fadum, si non ministrat Sacramentum, racit contra Justitiam, si ministrat, facit contra Virtutem Religionis præcipientis, ut Sacramenta debitis requisitis ministrantur. Cum ergo utraque pars sit periculosa per Conradum, intrat regula illa, de duobus malis minus est eligendum; Cum verò non ministrare Sacramenta sit contra Justitiam, quæ strictius obligat, quàm reliquæ Virtutes, ideo Ordinarius debet eligere potius agere contra alias virtutes, quàm contra Justitiam. Tum quia Conradus judicabat ut certum, non ministrare Sacramentum in hoc casu esse contra Justitiam. Erat verò dubius, an ministrare esset contra præceptum. Patet autem esse potius fugiendum periculum certum, quàm incertum. Ita sensisse Conradum mihi videtur certum; Unde in rei veritate explicitè in hoc loco non favet nobis.

78. Attamen admittit hic duo principia, quæ maximè Probabilitati patrocinantur. PRIMUM est, quòd Ordinarius in ministracione Sacramenti non debet sequi suum Judicium, sed Judicium Ecclesiæ, quæ cum non damnet illum actum, sed permittat, ita debet facere Ordinarius. Ast ego assero, ut dixi, quòd si Ordinarius debet sequi in ministracione Sacramenti judicium Ecclesiæ, ita debet, vel potest sequi judicium Ecclesiæ Delegatus; nec potest assignari disparitas. SECUNDUM est, quòd per Conradum Ordinarius licet probabilius credat, Ver. Gr. contractum hunc esse usurarium, dari obligationem confitendi circumstantias aggravantes; debere iterari confessionem informem, &c. adhuc tamen debet absolvere subditum Thomistam non consistentem circumstantias aggravantes, & non iterantem illam Confessionem informem. Ex hoc ego infero; ergo potest quis tenere unam opinionem ut probabiliorem, & tamen in praxi oppositum operari, & facere oppositum non esse contra conscientiam; Si enim tale facere oppositum esset contra Conscientiam, nunquam liceret, quia facere contra Conscientiam est evi-

denter malum, & contra primum principium practicum. Si autem concedatur, quòd liceat facere contra opinionem probabiliorem, quæ aliàs potest esse contra legem, & hoc non sit facere contra Conscientiam, jam Adversarii recedunt à principali, imò unico fundamento propriæ opinionis de sequenda probabiliori.

79. Dices, licere facere contra propriam opinionem in hoc casu ad fugiendum majus malum; si enim non faceret contra, incideret contra Justitiam.

80. Sed contra est, quia facere contra Conscientiam est evidenter, & intrinsecè malum, & contra prima principia, & per se nota; Ergo nunquam licet potest fieri. Ergo, si operari contra propriam opinionem est operari contra Conscientiam, ut volunt Adversarii, nunquam hoc licebit; Ergo, si licet operari contra propriam opinionem, debemus dicere, quòd operari contra propriam opinionem non sit operari contra conscientiam.

81. Pater Natalis Alexandri objicit contra nostram opinionem: Judex tenetur sequi opinionem probabiliorem; sed Confessor est Judex ex Trident. sess. 14. cap. 6. ergo nequit se accommodare opinioni penitentis, quam judicat minus probabilem, & minus tutam; sic enim Judex non errans sequeretur judicium errantis Rei, & illum absolveret, quem ligatum in cælo novit.

82. Respondetur, majorem esse veram in foro externo, non verò in foro penitentiali. Disparitas est, quia Judex in foro externo debet judicare juxta juralitigantium; ergo, qui est potior in jure, Judex proprio debet ferre sententiam. In foro penitentiali Judex, inquit Antiqui, debet sequi Judicium Ecclesiæ, quæ cum non damnet illum actum, nec ipse illum debet damnare. Præterea Confessor assimilatur Judici in criminalibus, non autem in civilibus, quia in civilibus nullus damnatur ad penam, sicut fit in foro penitentiali. Cum ergo Judex in criminali non possit damnare reum, nisi probetur Reus



apertissimis documentis, & indicis luce clarioribus ex c. *Sciatis cum*. 2. quæst. 8. ergo etiam Confessor non poterit condemnare poenitentem, nisi sit certus, quodd sua opinio sit mala, ut dicebant Antiqui. Nec opinio minus probabilis est errans, ut dicit Pater Alexandri, quia, ut toties dixi, ex Probabilioritate unius opinionis non infertur falsitas alterius; cum sæpe falli sint veris Probabiliora ex Arist. *Æthic.* cap. 3. Absolveret quidem illum, quem probabilis ligatum in cælo novit; At hoc per Antiquos non est absurdum. Solim hoc fieri nequit, si certo cognoscat, Poenitentem esse ligatum in cælo.

83. Obijcit iterum: Medicus tenetur dare remedia probabiliora; porro ex D. Napanzeno Confessor est minister divinae medicinae. Ergo tenetur sequi opinionem probabiliozem. Minor poterat efficacius probari ex c. *omnis utriusque* de poenit. & remis.

84. Respondetur ex toties dictis, Medicum spirituale sanare ægrotum, si det remedia, quæ ex parte objecti sunt falsa, & ab ipso esse tuta invincibiliter ignorentur. Non sic verò accidit de Medico Corporali. Ergo in ordine ad habendum intentum, strictius debet procedere Medicus Corporalis, ac Medicus Spiritualis. Hinc Confessarius Thomista medens Animam juxta regulas D. Thomæ sanat ipsam certissimè, quamvis possint esse falsæ. Medicus verò medens corpora juxta regulas Hippocratis, ipsa forsitan non sanabit, non alia ratione, nisi quia possunt esse falsæ. Videbatur, Patrem Alexandri debere nobiscum sentire in hac materia, cum nostra opinio clarescit D. Antonini, & deducatur ex principis D. Raymundi, quos Doctores ipse profitetur velle sequi in præfatione suæ Theologiæ contra lassos Modernos.

85. Peculiarem objectionem, quæ forsitan prima facie videtur militare contra Doctrinam hanc Antiquorum, quodd Confessarius possit absolvere poenitentem sequentem opinionem probabilem

suæ libertati faventem oppositam opinioni strictiori, quam ipse Confessarius sequitur; Peculiarem, inquam, objectionem hinc solvere puto necessarium, & sumitur ex prima propositione damnata ab Innocentio Undecimo, quæ sic habet: *Non est illicitum in conferendis Sacramentis sequi opinionem probabilem de valore Sacramenti relicta tutiore*, ergo, quando Confessarius confert Sacramentum poenitentiae, non debet sequi opinionem probabilem relicta tutiore; ergo, quamvis illi Antiqui oppositum docuerint, non possumus illos sequi.

86. Ante solutionem, audi Historiam, quæ mihi successit cum quodam Patre Sacræ Theologiæ Regente, aliàs Doctissimo in Theologia speculativa; qui tamen valde à Scrupulis agitatus vivebat. Exposuerat pro publicis Thesis Canonice quidam Amicus meus sub titulo de *Temp. ordin.* & *qualit. ordin.* hanc propositionem: *Ad validam ordinationem probabilius putamus, non requiri materia physicum contactum.* Me invitens Pater Regens peramicè mecum egit prius de prædicta propositione tanquam proscripta ab Innocentio XI. Ego illum amicè pariter admonui, Pontificem non damnare propositiones speculativas in materia Sacramentorum, sed practicas; loquitur enim de *Conferendis Sacramentis*. Amicus autem meus in sua Thesi non loquebatur de præxi, sed de speculatione; querebat enim, quænam essent de validitate, hoc est de essentia Sacræ Ordinationis; Subjungebam autem ego, qui tenet hoc non requiri ad validitatem, non per hoc concedere, statim posse uti illa opinione in *Conferendis Sacramentis*. Sic est certissimam, posse validè consecrari panem ante consecrationem Vini, quamvis in hoc aliqui Antiquiores oppositum tenuerint; & tamen non per hoc sequitur, posse licitè consecrari panem sine Vino; & quia Pater Regens sequebatur adamussim doctrinam Scoti addebam, esse probabiliozem doctrinam Scoti dicentis ad validam consecratio-

nem Calicis non exigi omnia Verba formæ; & adhuc nemo Scotistarum dicit, nec dicit, in *conferendo Sacramento Eucharistia* posse uti illa opinione Scotistica. Audienti Pater Regens exemplum hoc clarum, & forsan videns se convictum, altius prorumpens ait, *se negaturum Auctoritatem Scoti, & aliorum doctorum*, si animadverteret, propositionem aliquam Scoti damnatam esse à Pontifice. Bene, & rite loqueris, reposui tunc; nam etiam ubi inveneris quis doctrinam in *Augustino* clarè fundatam, illam absolutè non potest tenere respiciendo ad aliquam Pontificis Bullam, utique oppositum clarè decidit, inquit Alexander Octavus num. 30. & Magnus Hieronymus relatus in c. hac est 24. qu. 1. . . dicebat, quòd si sua Confessio comprobaretur à Sede Petri, quisquis oppositum dixerit, *se impium, vel malevolum, vel etiam non Catholicum, sed hereticum comprobabit*. Bene ergo, Pater Regens, ais, nihil valere auctoritatem Scoti contra firmitatem Sedis Apostolicæ; At debes ponderare, opiniones Scoti defensas fuisse, & esse à viris acutissimis, quos errare non est probabile. Ergo potius debes credere, te decipi, & Scotum non esse damnatum, & consequenter nec Amicum illum meum, & posse adhuc, nedum ut probabilem, sed ut probabiliorem sustineri, quod ad validitatem Sacre Ordinationis non requiratur contactus physicus; quam opinionem ut probabilem sustinet Doctor Angelicus alibi relatus.

87. Si ergo inficiatur Propositio damnata ab Innocentio Undecimo, evidenter patet, loqui de illis opinionibus, quæ tangunt valorem Sacramenti, & insuper tendunt ad praxim: In *Conferendis Sacramentis*, inquit Pontifex. Ergo propositiones probabiles, quæ non tendunt ad collationem Sacramenti, non continentur sub hac damnatione: De *Valore Sacramenti*, subdit Pontifex; ergo, quæ non tangunt validitatem Sacramenti, non subduntur huic Decreto. Et jure merito non damnantur propositiones probabiles, quæ solum agunt

de licito usu Sacramenti; Aliter damnarentur propositiones Divi Thomæ, & Scoti. Divi quidem Thomæ, qui sustinet, dari Sacramentum Penitentia validum, & informe; & non esse necesse confiteri circumstantias aggravantes; & Confessarium posse absolvere penitentem à peccatis non reservatis, & pro reservatis remittere ad Superiorem. Scoti autem, qui benigne quidem, & forsan contra communiorum, docuit satisfactionem impositam à Confessario factam in peccato mortali non esse de necessitate iterandam, uti dicebam num. 1.

88. Ne ergo dicamus, damnatas fuisse opiniones tantorum Doctorum, debemus fateri propositionem damnatam non includere propositiones, quæ ad Valorem Sacramentorum non pertinent. De quo puncto videatur Pater Joannes Cardenas in opere posthumo, quod super propositione damnatas ab Innocentio XI. fecit, Dissert. 2. per totam, & præcipue cap. 1. num. 4. ubi tanquam certam asserit nostram Doctrinam.

89. Ex his patet responsio Clara, & certa ad prædictam novam objectionem; nam constat, quòd nostra Doctrina ponens in praxi opinionem illam Antiquorum non versatur circa valorem Sacramenti; siquidem qui non vult v. g. confiteri circumstantias aggravantes ex opinione probabili, quòd non adsit præceptum de illis confitendis, habet confessionem, & dolorem de peccatis confessis, & Sacerdos habet jurisdictionem, & voluntatem absolvendi; ergo tunc Sacramentum est certò validum. Tum quia dicere omnia peccata non est requisitum ad validitatem Sacramenti, sed ad licitum usum. Hinc in necessitate possumus recipere validè, & licitè Sacramentum absque integra materialiter Confessione; ergo multò minùs Confessio circumstantiarum spectat ad validitatem Sacramenti; Pertinebit ergo ad solum licitum usum; ergo opiniones, quæ versantur circa circumstantias, non versantur circa valorem Sacramenti, sed tantum ad licitè usum.

90. Interea amice hortor Patrem Regentem, ut Palinodiam canat inspecta tam clarè veritate, & imposterum adeo sibi non fidat, nec aliorum opiniones damnet; memor, neminem esse dammandum juxta leges, & Canones nisi probationes sint luce clariores. l. fin. C. de probat. c. sciant cuncti. 2. quæst. 8. ut sæpius notavi Et Innocentius Undecimus in Decreto condemnatorio 65. propositionum severè prohibuit, ne quis damnet illas opiniones, quæ adhuc inter Catholicos controversantur. Meminerit etiam illius moniti aurei Antiquorum approbati etiam ab Astensi lib. 3. tit. 3. art. 2. quæst. 9. *In his casibus, quia non sunt omnino expressi à jure, non est precipitanda sententia, nec alterum est pertinaciter asserendum.* Nota illa verba omnino expressi, & videbis, tunc uni esse adhaerendum omnino, & aliud dammandum, quando casus est clarè expressus in jure. Non obliviscantur umquam Adversarii Doctrinæ antiquæ, & tam necessariæ.

## CAPITULUM XXXVII.

*An Subditus possit obedire Superiori sequendo opinionem minus Probabilem, & minus tutam.*

1. Doctor subtilis tenet, posse baptizari infantes Infidelium invitis parentibus Divus Thomas oppositam docet. Si Superior Scotista precipiat, ut baptizentur hi pueri invitis parentibus, poterit subditus Thomista obedire? Hic observa, quod opinio Scoti est periculosa, quia potest esse contra præceptum naturale de non subtrahendo Filio à suo Patre.

2. Divus Thomas 3. part. quæst. 83 art. 6. ad 4. asserit, iterum consecrandam esse utramque materiam à Sacerdote, qui sumpto corpore advertit consecrasse aquam; Scotus autem tenet in 4. dist. 8. quæst. 3. §. *Alio modo* esse solum consecran-

dum vinum. Utraque opinio est periculosa, quia utraque potest esse contra præceptum divinum de persiciendo Sacramentum. Si ergo Superior precipiat juxta suam opinionem, poterit subditus sequens opinionem oppositam obedire Superiori? Sic etiam subditus probabilius judicat, bellum illatum à Rege esse injustum, poterit, vel debet nihilominus obedire? Si subditus in his casibus probabiliorum reputet opinionem strictiorem, vel a quæ periculosam; ergo oppositum faciendo operatur juxta opinionem, quam ipse reputat minus probabilem, quæ aliàs est minus tuta, vel a quæ periculosa.

3. Quæstio est decidenda juxta principia, & dicta Antiquorum, quia provinciam assumpsi tractatum huic componere ex his principiis.

4. Igitur lego Divum Augustinum lib. 12. contra Faustum cap. 84. relatum in c. *quid culpatur* 23. quæst. 1. §. fin. sic dicentem: Ergo Vir iustus, si fortè etiam sub Rege, & homine Sacrilego militet, rectè potest illo jubente bellare, si vice pacis ordinem servans, quod sibi jubetur, *vel non esse contra Dei præceptum*, certum est, *vel vitium sit*, certum non est, Ita ut fortasse reum faciat Regem iniquitas imperandi, innocentem autem militem offendat ordo servandi. Glossa Verb. Iniquitas notat, quod, si superior peccet in precipiendo, non peccat subditus in obediendo, & quod in dubiis semper est obediendum; eadem habet c. ad aures de tempor. ordin. V. *obedientiam*, & c. *dilecta* de major. & obed. & addit, quod propter bonum obedientiæ subditus obediens excusatur, licet faciat aliquod, quod in se sit malum.

5. Efformo nunc Argumentum: qui incertus est, rem iussum esse contra præceptum Dei, debet obedire per Divum Augustinum; sed Probabilius judicans rem esse illicitam est incertus, an sit contra præceptum Dei; ergo probabilius judicans rem esse illicitam debet obedire. Argumentum est in forma, unde consequentia est inevitabilis. Major est expressè Divi Augustini in illis

Hh ver.

verbis : *Vel utrum sit*, ( scilicet contra Dei præceptum ) *certum non est*. Minor Argumenti, quæ sola videtur probatione indigere, probatur. Nam Probabilioritas non importat certitudinem rei ex toties dictis. Vide num. 38.

6. Audiebam ego quosdam, qui se pro Probabilioris venditabant, ut saltem severi in Doctrina apparerent, cum in moribus tales esse vel non possent, vel nolent; Audiebam, inquam, hosce dicentes, Probabilioritatem quidem physicè esse incertam, esse tamen certam moraliter.

7. Scio per Aristotelem in princip. Ethicor. ut observat præcipuè Antoninus 1. par. tit. 3. cap. 10. fin. quòd disciplinatus est in unaquaque re quærere certitudinem iuxta exigentiam materiæ; æquè enim vitiosum est, persuadentem quærere Mathematicum, & Moralem demonstrantem. Hanc Doctrinam scio, & illam Colligoetiam ex eodem Aristotele 2. Metaphis. cap. 3. tex. 15. & 16. & fateor, dari propositiones, quæ moraliter sunt certæ, & physicè incertæ. Hinc hæc Propositio, *Roma est*, tametsi potest esse falsa absolute loquendo, & physicè; adhuc moraliter certa judicatur, & moraliter nequit aliter se habere. Ast ego non possum judicare, Probabilioritatem alicujus Doctoris, quamvis Magni, esse moraliter certam; Nam, quod est moraliter certum, non potest judicari à sapientibus ejus oppositum esse verum; Certitudo enim in sua linea importat falsitatem in opposito; Cum ergo, quòd probabilius videtur uni, oppositum videatur alteri probabilius, sequitur, quod Probabilioritas unius non debeat esse ipsi moraliter certa. Tum quia quomodo Scotista potest judicare moraliter certam opinionem, cujus oppositum docent Thomistæ? Idem dico de opinionibus Thomistarum oppositis opinioni Scotistarum. Tum quia videmus in quot erraverit Glossator, qui fuit Maximus Vir. Ergo Probabilioritas Glossatoris non est moraliter certa; & sic multò minus Probabilioritas alterius Doctoris non adeo Famosi. Tum quia Probabi-

lioritas est de genere opinionis, quæ ex c. à nobis el. 2. de senten. excomm. sæpe fallit, & fallitur.

8. Adverte hic, quando dico opinionem probabiliorem non esse moraliter certam, me intelligere de ipsa propositione directa, non de reflexa, quæ supra ipsam directam fundari potest. Hinc dico, quòd hæc propositio : *Circumstantia non sunt Consistenda sub præcepto*, est probabilior, & incerta, & adhuc affirmo esse certam moraliter, hoc est, esse bonam regulam morum, quia in Moralibus, quando res est obscura, non tenemur sequi id, quod est verum in se, sed quod nobis apparet verum; Et ita intelligo, quod subdebat Divus Antoninus ibidem, nempe certitudinem moralem confluere ex probabilibus conjecturis grossis, & figuratibus magis ad unam partem, quam ad aliam se habentibus.

9. Igitur credo, dictum Divi Augustini esse intelligendum de incertitudine fundata in eo, quòd non sit contra principia certa; unde, sicut Antiqui ex eo dicebant, nos posse variè opinari de Trinitate ante percontationem, per quam rem videmus, & scimus; ita possumus, & tenemur obedire in rebus incertis, hoc est in rebus, de quibus nec videmus, nec scimus Veritatem. Et sicut docendo opinionem oppositam probabiliori, non possumus dici, quòd erremus, & opinionem erroneam teneamus, ut alibi docui ex Doctrina Antiquorum, ita in praxi obediendo Superiori præcipienti aliquid, quòd mihi probabilius apparet malum, non errabo, id est malum non faciam. Ita ut, inquit Augustinus, *fortasse reum facias Regem iniquitas imperandi, Innocentem autem militem ostendas ordo serviendi*.

10. Hic obiter notabis, ignorantiam excusare subditum, si propter obedientiam faciat aliquid, quod non est certum esse malum, & tamen in veritate est malum, inquit Glossa. Et hanc doctrinam puto valere etiam in jure naturali, quia Glossa loquitur universaliter; Et hinc patebit Vendrochium loqu-

tum fuisse contra Glossam, dum non admittit ignorantiam in jure naturali excusare.

11. Nec dicas, Glossam loqui in casu de præcepto dubio, accipiendo ly *dubio*, in sensu rigoroso, prout distinguitur ab opinione. Nam, si legantur illæ Glossæ, illa vox, *dubio*, opponitur ly *Certo*; utque adeo idem significat, ac vox *incertum*.

12. Beatus Isidorus Hispalensis Episcopus in Epist. epist. 5. ad Claudium Ducem num. 1. scribit: in dubiis etiam in præceptis pravis Prælati obediendum est, quando eos Ecclesia toleraverit. . . In præceptis manifestè malis nullatenus est obediendum, etiam bonis Prælati: Cum Sanctus Doctor dubio opponat *manifeste bonum*, sequitur, quòd pro dubio malo intelligat idem, ac incertum, & sic etiam probabilioriter judicans aliquod, et sic malum tenebitur obedire.

13. Eandem Doctrinam habet Beatus Bernardus de præcept. & obedient. cap. 12. Lector illum adeat. Ego solum hanc lineam assero: Quem pro Deo habemus, tanquam Deum in his, *quæ non sunt aperte contra Deum, audire debemus*. Ergo, Probabiliorista, quia tua opinio non tibi facit apparere rem esse aperte contra Deum; proinde sequere monitum Bernardi, nec tuos Probabilioristas audias; obedi Superiori, & benedic Probabilitati. Eadem habet Beatus Bernard. de modo bene vivendi serm. 19. de obedientia fin.

14. Nunc videndum est, an Doctores Antiqui docuerint idem, ac Divus Augustinus, & Doctor mellifluus Divus Bernardus.

Circa Scholasticos quidem, agitant ipsi quæstiones de obedientia in 2. distin. Ult. sed pauca attingunt, & dicunt cum Augustino de natur. boni relato à Magistro cap. ult. Potestati ergo hominis, vel Diaboli tunc resistamus, cum aliquid contra Deum suggererit; In quo Dei ordinationi non resistimus, sed obtemperamus; sic enim præcipit Deus, ut in malis nulli potestati obediamus. Be-

tus Albertus art. 4. dicit, quòd in peccatis non debemus obedire; & Divus Thomas art. ult. dicit, quòd quilibet teneatur non obedire in illis, *quæ Divina Legis regula contrariantur, quam debet inviolabiliter observare*. Et Divus Bonaventura art. 3. quæst. ult. ait, quod Sanctorum consilium est, ut Religiosi obediant in omnibus, *quæ non sunt contra Deum*. Hi textus, meo judicio, sunt intelligendi, quando res præcepta est clare contra legem; Facere enim illud, quod est sub opinione Doctorum, non potest absolute dici, quòd in peccatis, quòd in malis obediamus, & quòd contrariemur divinæ regulæ, quam debemus inviolabiliter observare. Numquid est peccatum, reticere in confessione circumstantias aggravantes? Numquid inviolabiliter observanda est Confessio de circumstantiis? Si hoc esset verum, vah opinioni Divi Thomæ. Igitur solium in rebus, quæ clare sunt mala, non debemus obedire; Et sic in incertis debemus parere, & in dubiis, quia perfecta obedientia, inquit Divus Bernardus de præcept. & disp. cap. 9. *legem nescit, terminis non arctatur*. Et juxta Divum Benedictum laudatum à Divo Thoma art. citato ad 2. Si Abbas, etiam impossibile præcipiat, *et mandum impossibile est*.

15. Aletius par. 3. quæst. 47. memb. 3. art. 2. §. 1. refert textum D. Augustini ex can. *quid culpatur*, unde jure est prome. Vide Henricum quodlib. 8. qu. 16.

16. Transseamus ad Summistas, & primus sit D. Raymundus Lib. 1. de juram. & perjur. §. *de officialibus*, dicit, quòd officialis, si *certain* condemnatum esse innocentem, non potest obedire Superiori præcipienti executionem, posset verò obedire, si *dubitatur*; ly *dubitatur* accipitur, ut oppositum ly *certain* scit; ergo dubium accipitur pro incertitudine. Lib. 3. tit. de sentent. præcept. &c. §. 2. sic scribit: *Si tamen dubitatur subditus*, utrum sit contra Deum, vel non, illud, quod præcipitur, debet, obedire; nisi esset tale quid, in quo nullo modo esset excusabilis ignorantia, pu-

ta contra articulum fidei, præcepti, vel prohibitionis, vel generate statutum Ecclesie. Ecce solum subditus non debet obedire, quando præcipitur contra legem.

17. Sit secundus ejus Glossator. Hic lib. 4. de matrim. § 11. V. debet ait: Prælatus non habet jus imperandi subdito aliquod illicitum, etiam de quo dubium est, an sit illicitum; subditus tamen debet ei obedire in dubio illicito. Et hoc jus habet Prælatus in eo, licet non habeat jus imperandi; sed peccat imperando in hoc casu 23. quæst. 1. quid culpatur, qui clare loquitur de præcepto, quod est incertum, an sit malum, debemus dicere; quod ipse quoque pro dubio intelligat incertitudinem; & sic clare pro me erit.

18. Tertius sit Joannes de Friburgo in Summ. Confess. lib. 3. tit. 33. quæst. 3. qui scribit: dicit Glossa, quod Inferior non solum obedire non debet, cum præceptum Superioris est injustum, sed etiam cum est inhonestum. Concordat etiam Raym. § 2. Virum; & addit, si tamen dubitat Subditus, utrum id, quod præcipitur, sit contra Deum, vel non, debet obedire, nisi esset tale quid, in quo nullo modo esset excusabilis ignorantia, puta contra Articulum Fidei, Præcepta, vel Prohibitiones, vel Generale statutum Ecclesie, quale est illud 17. quæst. 4. Si quis invidens &c. multa alia. Alias bonum, sine quo potest esse salus, debet dimittere interdum propter bonum obedientie, ut expressè dicitur x. q. 3. quid ergo: Idem Thomas, & Gofredus. Hic ergo Textus continet doctrinam nedum Joannis, sed D. Raymundi, & Divi Thomæ, & Gofredi, quod bene nota.

19. Quartus sit Summa, quæ Destructivum Vitarum dicitur. Hic par. 6. c. 69. fin. ita docet: Modus obedientie sic tenendus est, ut bonis in malo non consentias, nec malis in bono contradicas, hæc B. August. Unde, sicut dicitur in Florario Bartho. tit. de Obedientia: Mo-

dus obedientie sic tenendus est, ut Bonis in malo scienter non obedias, nec malis in bono contradicas. Et licet subditus dubitet, an sit bonum, & licitum, quod à Superiore mandatur, vel non; nihilominus obedire debet. Nam, etsi forte aliter reum faciat Superioris iniquitas imperandi, innocentem tamen inferiorem ostendit ordo serviendi. Sed quod dixi, in dubio esse obediendum intellige, nisi dubitatio sit Crassa, & Supina, quæ non excusat, ut si Superior præcipiat aliquod, quod sit contra Articulos Fidei, aut contra præcepta, vel prohibitiones Legis Divinæ, sive contra Generale Statutum Ecclesie, quis in talibus non excusaretur dubitatio, nec ignorantia. Et si non pertineat ad officium Prælati, quod præcipit, non est in hoc obediendum; Si verò pertineat ad officium suum, obediendum est, si illud, quod est malum, non facias Subditus contra conscientiam suam, licet iustum videatur Prælato hoc, quod præcipit. Hæc Hugo de duodecim abusionibus, & ponitur in Florario Bartho. tit. ubi prius. Hucusque hic Doctor; ubi vides hanc Doctrinam esse etiam Bartho. & Hugonis.

20. Observa Regulas obediendi traditas ab hac Summa, ab Hugone, & à Bartho. in malo scienter non obedias; in dubiis, an res præcepta sit bona, vel mala, obedias; Si tamen dubium sit crassum, & supinum, non obedias. Hinc, v. g. si Superior jubeat, quod non credas, Christum descendisse ad inferos, quod non honores parentes, vel fornicationem facias; Si, inquam, talia jubeat, licet Superior credat, talia non esse peccata, non obedias, quia si dubitares, propter imperium Superioris talia non esse mala, esset dubitatio Crassa, & Supina; & sic quam potes, & teneris depellere, & si Articulos Fidei, & Præcepta, & Prohibitiones aspiceres, veritatem scires. Hinc, si obedias, in malo scienter obedis; & sic non excusaris, sicut nec excusareris, si talia ex ignorantia faceres. Hic obiter observa, ut ignorantia non excuset, debere esse con-

traveritatem claram. v. g. contra *Articulos Fidei*, contra *Præcepta*, vel *Prohibitiones Legis Divine*.

21. Dices, etiam illud, quod probabilius judicatur esse contra *Articulos Fidei*, vel contra *præcepta*, est contra *Articulos Fidei*, & contra *præcepta*; ergo talis dubitatio est *Crasa*, & *Supina*; ergo, si obedit, non excusatur.

22. Sed contra, quia dubitatio *Crasa*, & *Supina* potest depelli, sicut ignorantia *Crasa*, & *Supina*; Dicitur enim *Crasa*, & *Supina* sumpta derivatione ab homine *Craso*, & *jacente*, qui nihil agit; Unde hæc dubitatio, & ignorantia est indirectè volita, quatenus scilicet non ponit diligentiam debitam, de qua agit *Divus Thomas* 1. 2. quæst. 6. art. 3. quæst. 19. art. 6. Unde, si poneret diligentiam debitam, dubitationem, & ignorantiam depelleret. At in casu, in quo quis dubitat (sumo hic dubitationem pro formidine) ob opinionem probabilioris, tunc impossibile est, quòd hujusmodi dubitationem depellat, quia *Probabilioritas* cum sit in linea opinionis, impossibile est, quòd possit omnem dubitationem, seu formidinem deponere; hoc enim munus est scientiæ. Hinc si quis dubitet, hoc est, incertus est, an teneatur dicere circumstantias mutantes specie, & aggravantes, dico primam dubitationem esse *crasam*, & *supinam*; quia ponat diligentiam, & legat *Tridentinum*, & certam *Fidei* veritatem attinget; & dico etiam, secundam dubitationem non esse *Crasam*, & *Supinam*, sed esse pro nunc invincibilem, & insuperabilem; quia adhuc non est inventum principium certum determinandi hujusmodi dubitationem.

23. Quintus sit *Astensis*. Hic in *Sum.* lib. 6. tit. 52. art. 4. quæst. 1. Si præcipiat, inquit, Superior aliquid contra Deum, non est ei obediendum, quia tunc Deo magis, quàm homini est obediendum. . . . si etiam præcipiat aliquid, quod non pertinet ad ejus officium, non est ei obediendum 7. quæst. 1. quia *Episcopus* secundum *Hostien.* Sed quid, si subditus dubitet, an sit licitum,

vel non, quod à Superiore mandatur? *In dubio obedit.* Nam, etsi fortasse reum faciat Superiorem iniquitas imperandi, innocentem inferiorem offendit ordo serviendi, ut dicitur 23. quæst. 1. *quid culpatur in fine.* Et quod dixi in dubio obediendum, intelligit *Goffred.* nisi dubitatio esse *crasa*, & *supina*, quæ non excusaret, ut si Superior mander aliquid, quod sit contra *Articulos Fidei*, contra *Præcepta*, & *Prohibitiones*, vel contra *Generale Statutum Ecclesie*, in talibus non excusaret dubitatio, quia nec ignorantia, ut 16. quæst. 1. Si cupis, *quoniam Dominum nesciunt à Domino nesciuntur.* Unde, si quis ignorat, ignorabitur, ut dicitur 38. quæst. 1. Ita *Astensis.* Concordant *Rainerius*. V. *Beilum.* cap. 2. fin. & *Monaldus*. V. *obediencia.* Nota hic, quomodo isti Summi se sequantur, & unus verbatim transcribat aliū.

24. Sextus sit *Joannes Nider*, qui in suo *Præcept. præcepto* 1. cap. 22. ante litteram B. sic scribit: Ergo si aliud Imperator, aliud Deus jubeat, illo contempto obtemperandum est Deo. Ray addit: si tamen dubitat subditus, utrum id, quod præcipitur, sit contra Deum, vel non, *debet obedire*, nisi esset tale, quod in quo nullo modo esset excusabilis ignorantia, puta contra *Articulum Fidei*, *Præcepta*, vel *prohibitiones*, vel *Generale Statutum Ecclesie*. . . . Infra litter. E: ita docet: Alia sunt contra Regulam, ut quorum opposita ibi præcipiuntur, vel prohibentur. De his distinguendum est, quia quedam sunt, in quibus *Praëlatus* potest dispensare, quedam, in quibus non potest dispensare, eo quòd *Regula*, vel *Constitutio* prohibet. Aut ergo certum est Religioso, quòd *Praëlatus* non potest dispensare, & tunc non debet obedire; aut dubium est, an possit, & tunc ratione dubii dico simpliciter, quòd tenetur obedire. Hæc *Petrus de Tharantasia* in quodl. Huiusque *Nider.* Hic nota, quòd *Dottor iste* cum *Petro de Tharantasia* distinguit solum duos casus, & dicit: Aut Subditus certus est, *Praëlatus* non posse dispensare in eo, quòd jubet; & sic

certus est, rem præceptam esse malam; aut subditus dubius est, an possit dispensare; & sic an res præcepta sit illicita. In primo casu nequit obedire, in secundo debet obedire. Hos solum duos casus distinguunt alii Summistæ relati, ut supra.

25. Prosequitur Nider litter. E: In dubiis etiam obediendo alteri, præsertim Superiori, quis multipliciter excusatur. Primum secundum Ray in Summa: Subditus, qui movet bellum, Domino suo sibi mandante; quando enim subditus dubitat probabiliter, an Dominus habeat justum Bellum, excusatur ibi subditus propter bonum obedientiæ, licet fortè peccet Dominus contra Deum mala præcipiendo. Unde Augustin. contra Manicheum: Vir justus, si fortè sub Rege Sacrilego militet, rectè potest illo jubente militare, vel bellare; Si quod jubetur, vel non esse contra præceptum Dei, certum est; vel utrum sit, certum non est, ita ut fortasse reum faciat iniquitas imperandi, Innocentem autem militem offendant ordo serviendi. Sed intellige secundum Guil. quando dubitat miles, an adsint Conditiones requisitæ ad bellum justum, videlicet Persona, Res, Causa, Animus, & Autoritas. Item secundum Hostien. intellige probabiliter dubitantem, quando inquisivit, quantum potuit, & peritiores Consuluit, & semper dubius remansit, ne in Conscientia sit affectator ignorantie. Unde in rebus dubiis homo pro illuminatione sui laborare debet, ut docet Augustinus lib. 83. questionum, & habetur dist. 27. §. fin. dicens: Non omnis ignorantia immunis est à pœna; Ille enim ignorans potest excusari à pœna, qui, quod disceret, non invenit; Illis autem ignosci hoc non poterit, qui habentes, à quo discerent, operam non dederunt. Huc quoque Nider.

26. Hic notabis, hunc Doctorem accipere dubium pro incertitudine; & hoc debent fateri Adversarii, qui credunt, apud Antiquos terminum, Probabiliter, accipi pro eodem, ac. Probabilioriter.

Nider autem loquitur expressè de dubitante probabiliter, & de eo, qui inquisivit, quantum potuit; & sic habuit cognitionem, quanta haberi potest. Adhuc tamen ille probabiliter, id est probabilioriter dubitans debet obedire; & sic licet ex parte objecti faceret, tamen excusatur, quia, quod disceret, non invenit.

27. Septimus sit Beatus Bernardinus, qui tom. 1. Dominicæ 14. Quadrag. serm. 33. art. 2 cap. 1. litter. E. sic scribit: In secundo verò casu cum scit, vel probabiliter credit, quia rationem credendi habet, bellum esse injustum, restituere obligatur, quia tenetur plus obedire Deo, quàm hominibus. In tertio autem casu (dum scilicet dubitat, bellum esse injustum) non tenetur restituere, excusatur enim propter obedientiam bonum, licet fortè peccet Dominus contra Deum 23. quest. 1. quid culpatur. Ita Beatus Bernardinus, qui suam Doctrinam confirmat autoritate R. . . & Hostien. cujus Doctrinam retulit ex Nider. In rei veritate Sanctus Doctor tenet, quòd qui vel scit, vel qui probabiliter credit, bellum esse injustum, nequeat obedire, sed solum, dum dubitat; unde sumit hic dubium strictè, prout distinguitur à cognitione probabili; Unde per ipsum probabilius iudicans bellum esse injustum, non debet obedire. Quia tamen per Adversarios iudicans utramque partem esse æquè probabilem est propriè, & in rigore dubius, immo & principaliter, ideo juxta ipsos talis debet obedire.

28. Idem Beatus Bernardinus tom. 3. in fine in dialogo de obedientia, ubi loquitur ipse B. Bernardinus. §. Tres inquam. Sic scribit: Tres sunt limites Evangelicæ obedientiæ, & non plures, nec pauciores. Primus est manifestum Peccatum; Secundus est manifestum Periculum; Tertius est manifestum Contingium. Certè, quod probabilius est illicitum, non est manifestè peccatum; nec est manifestum periculum; Nam in §. secundus autem limes assignavi exemplum de manifesto periculo ait: Si Fra-



ter inclinaretur sic, quod dubitaret, necaderet in peccatum carnis, & ob hoc nollet audire Confessiones Fœminarum, secundum quatuor Magistros Prælatus non potest ipsum cogere audire tales Confessiones. Ex hoc exemplo liquet, quod periculum manifestum Divus Bernardinus intelligit periculum de manifesto peccato; Peccatum enim Carnis est manifeste peccatum.

29. In §. *Primus limes est*, litter. B. docet cum Bernardo, in rebus per se malis, & purè malis non esse obediendum; Mox sic scribit: Sciendum tamen, quod ubi subditus rationabiliter dubitat, an, quod præcipitur, sit peccatum, an non; tunc profectò obedire debet; Unde 23. quæst. 1. in c. *quid culpatur* in fine Augustinus contra Manicheos ait: Vir justus, &c. Hic asserit verba Augustini illius Canonis à nobis supra relata. Tum subdit: Dubium autem rationabile voco, *aut ratione perplexitatis materia*, quæ facilius in Venialibus, quàm in mortalibus contingit; aut ratione Sanctitatis Prælati præcipientis; aut ratione simplicitatis ipsius subditi. . . . Si autem hoc dubium irrationabile esset, *nepotè si dubietur de eo*, quod apud omnes constat esse mortale, vel veniale peccatum, *huiusmodi dubietas, cum ex ignorantia juris proveniat*, non excusat ad minus à toto. . . . nec dico à subditis mandata Superiorum judicanda, ubi nihil deprehenditur juberi divinis contrarium institutis; Sed necessarium assero & prudentiam, quæ advertatur, si quid adversetur, & libertatem, *quæ ingennè contemnatur*.

30. Sicut dixi, Textum ex primò Tomo solum loqui de eo, qui propriè dubitat; & sic non loqui de Probabilioriter judicante, ita hunc Textum putò clarè loqui de Probabilioriter judicante. Primò, quia loquitur cum Divo Augustino de dubio, quod est idem cum incertitudine; Incertitudo autem stat simul cum Probabilioritate. Secundo, quia loquitur de dubio proveniente ex perplexitatis materia; licet

autem quis reputet unam opinionem esse probabiliorē, adhuc materies est perplexa, & intricata, & sola certitudo reddit intellectum firmum. & extricat materiam; & quamvis Scotista judicat suam opinionem probabiliorē, debet tamen fateri verari in materia perplexa, & satis intricata, ne dicamus Thomistas esse ridiculos non agnoscētes huiusmodi firmitatem, & certitudinem, & intricantes materiam extricatam. TERTIO, Sanctus Doctor tunc dubium esse irrationabile dicit, & sic non esse parendum, si dubitetur de eo, *quod apud omnes constat esse mortale, vel veniale peccatum*; ergo, quando materia est sub diversitate opinionum dubium ex tali diversitate proveniens est rationabile, & sic est parendum; Sed Probabilioritas non tollit diversitatem opinionum; ergo habens Probabilioritatem habet dubium rationabile. QUARTO, ut non pareamus, debemus habere prudentiam, quæ advertamus, quod adversetur Divinis Institutis, ut illud ingennè contemnamus. Ego autem non video, quomodò subditus Scotista probabiliorē judicans opinionem Scoti possit prudenter contemnere præceptum fundatum in opinione Doctoris Angelici.

31. Octavus sit Supplementum Pisanelle. Hic Doctor Verb. *Obedientia*, 1. quæst. 3. sic discurret: quid si dubitat subditus, utrū, quod præcipitur, sit contra Deum, vel non. Respondeo, secundum Ray debet obedire, nisi esset tale, in quo nullo modo excusaretur ignorantia, putè contra Articulum Fidei, Præcepta, vel Prohibitiones Dei, vel contra Generale Statutum Ecclesiæ, aliter enim in dubiis obediendum est de tempor. ordinat. ad aures. . . . Concordat Thomas, & Goffredus: *Dicitur*, quod generaliter quotiescunque subditus non potest per convenientem inquisitionem certificari, debet obedire; & obediendo excusatur, etiamsi dubitet circa præcepta Dei, id est utrū, quod sibi mandatur, sit contra Dei præcepta 23. quæst. 1. *quid culpatur*. Hic adver-

hunc textum usque ad illa verba inclinsivè : Concordant Thomas, & Goffredus, esse Bartholomæi Pisani, qui est, Summa Pisanelæ. Hinc patet, illius Doctrinam esse Ray, Divi Thomæ, Goffredi, Pisanelæ, & Supplementi. Ibi ergo expressè dicitur, quod in omni dubio subditus debet obedire, *nisi esset tale, in quo nullomodo excusaretur ignorantia*. Nunc inquiri, si damnaretur aliqua opinio Scoti, v.g. illa de Redintegratione Sacrificii, an Scotus, & Scotistæ usque modo excusarentur ob ignorantiam, & procul dubio affirmativè est dicendum; ergo sequitur, quod dubitans in tali materia per illos Doctores debet obedire. Et sic patet dubium hic accipi pro incertitudine.

32. Hinc colligo, bene Supplementum de suo addidisse explicando Doctrinam antedictam, quod subditus quotiescunque arguitur per inquisitionem certificari, quamvis dubitet, quod illud, quod præcipitur, sit contra præcepta Dei, debet obedire; & hanc Doctrinam esse iuxta Canonem quid culpatur. Ego sublimo: Sed probabilius iudicans rem esse illicitam non certificatur de re, ut est evidens, ergo hic debet obedire.

33. Nonus est Beatus Antoninus, qui quamvis non in uno loco tractet de obedientia, tamen ad propositum duas lineas habet in 3. par. tit. 9. cap. 12. ante §. vers. *Obedientia autem*, & dicit, quod in dubiis debet obedire. Et tit. 16. c. 1. §. 9. vers. *Secundo modo* scribit, quod, si Superior præcipiat aliquid contra ordinationes suæ Regulæ, vel contra constitutiones, non debet obedire, *In huiusmodi tamen dubio debet obedire*; arg. 23. quæst. 1. c. quid culpatur. Cum autem sciamus juxta hunc Sanctum Doctorem par. 1. tit. 3. cap. x. §. 9. quod dubitatio est motus in utramque partem contradictionis per æqualia media, sequitur, quod sequens utramque partem æquè probabiliter debet obedire juxta Divum Antoninum.

34. Decimus est Angelus de Clavasio. Hic Ver. *Obedientia* num. 6. scribit: Subditus dubitans an id, quod præcipi-

tur, sit contra Deum, vel non, tenetur obedire, immo excusatur, ut in c. quid culpatur 23. quæst. 1. . . . *debet tamen subditus, quantum potest, in talis inquirere*. Cum hic Doctor alleget pro se Canonem quid culpatur, sequitur, quod pro dubio intelligat idem, ac incertitudo; & sic tenet, etiam probabilius iudicantem aliquid esse illicitum debere obedire. Quod si velimus intelligere de dubio strictè accepto, ipse Ver. *dubium*, definit dubium, quod sit æqualitas rationum contrariarum; hinc iudicans utramque partem æqualiter probabilem debet obedire.

35. Ludolphus Carthusius in Vita Christi par. 2. cap. 37. post princ. dicebat, quod Prelatis, & Doctoribus bona docentibus est obediendum, *nisi in his, quæ manifeste sunt contra Deum*. Similia habet Toftatus in lib. 1. Judic. cap. 9. quæst. 56. in lib. 2. Reg. cap. 24. quæst. 11. & in lib. 1. Paralip. cap. 21. quæst. 9. ubi dicit, quod, *licet magis credatur esse peccatum, quod præcipitur, non peccabis, si quis obediat*. Hi duo Doctores sunt clarè pro nobis. Concordat Rosella. V. *obedientia* n. 10.

36. Plerique hic referre paucos Canonistas, & primus erit Hostiensis, qui in Sum. rit. de major. & obed. num. 6. dicit, quod propter obedientiam nunquam malum est committendum . . . alius in dubio obediendum est. 23. quæst. 1. quid culpatur . . . quid si dubitetur? Obediat, nam, etsi fortè reum faciat Superioriorem iniquitatis imperandi, tamen inferiorem innocentem ostendit ordo serviendi. 23. quid culpatur in fine. Sic potest peccare Superior præcipiendo, & subditus mereri in eodem facto obediendo. Sic 33. quæst. 5. *Manifestum*, Quid si mandet contra Fidem? Non obediet, quia nec in talibus ignorantia excusat. 16. quæst. 1. Si cupis. Imo in talibus ignorans ignorabitur. 38. dist. qui ea: Hucusque Hostiensis.

37. Goffredus Tranensis est secundus, qui tit. de major. & obed. num. 4. ita docet: Si subditus dubitet, an sit illicitum, vel non, quod à Superiore mandatur, obediat; & si fortaliter reum faciat Superi-

riorem iniquitas imperandi, innocentem ostendit ordo *servandi*, ut 23. qu. 1. *quid culpatur.*

38. Albericus de Rosate est tertius Summista Canonici. Hic in Dictionario Juris Ver. *Obedientia* num. 1. scribit: Quid si dubitet subditus, an præceptum illud sit contra Deum, an ne? Dicit Ray, quòd debet obedire, nisi esset tale præceptum, in quo nullo modo excusaret ignorantia, puta contra Articulum Fidei, vel Prohibitionis Dei, vel generalem scientiam Ecclesie; Alias enim in dubiis obediendum est de tempor. ordin. *ad aures*. Immo etiam bonum, sine quo potest esse salus, debet dimitti propter obedientiam, xi. qu. 2. Quid ergo. Concord. Thomas, & Goffred. & vide de hac materia per omnes Summistas, & maxime Hostien. de major. & obed. Si Episcopus mandet Sacerdoti, quòd Excommunicet aliquem, & *notorium sit* eum esse innocentem, non tenetur obedire, Alias in dubio obedire tenetur, 23. quæst. 1. *quid culpatur.* Vide Summ. Confessor. de Senten. præcept. & excomm. quæst. 6. Ita Albericus. Et tu subsiste, sed licet subditus probabilius judicet, aliquem esse innocentem, non est notorium esse innocentem, ut est evidens; Ergo subditus judicans taliter est dubius; & sic debet obedire. Concordat Archidiaconus in c. qui iustus 13. quæst. 3. num. 2. Bellamora in c. *nervus* 13. Dist. num. 3. & 6. Turremata in c. quòd culpatur. 23. quæst. 1. Et Joannes Imola c. Capellanus de ser. fin. scribit: Nota bene ex glossa 3. quòd non peccat faciens contra legem præcepti, si *super illa sint opiniones*, & sequatur alteram earum. Facit, quod notatur in cap. de postul. pralat. in 6. Ex hoc infero, quòd subditus obediens juxta minus probabilem non peccet, quia verificatur, quòd in illa materia sunt opiniones. Addo, evidenter hunc textum facere pro opinione aqualiter probabili, quia tunc proprie dantur opiniones. Nota bene. Adversarii dicunt, solum nos excusari facientes contra legem, si sequamur opinionem probabiliorē, Jo-

annes verò de Imola, ut excusemur, solum requirit, quòd in illa materia sint opiniones; ergo opponuntur huic Antiquo. Tu sequere ipsum, & lege Glossam ab eodem allegatam, quæ clare favet.

39. Addere juvat tres Summistas, qui juxta Vendrochium antiqui censi sunt.

40. Tabiena Ver. *Obedientia* num. 11. Sic scribit: Quid, quando subditus dubitat, utrum teneatur obedire? Respondetur secundum Ray, quòd debet obedire, nisi esset tale, in quo nullo modo excusaret ignorantia, puta contra Articulum Fidei, contra Præcepta, vel Prohibitiones Dei, vel contra universale Statutum Ecclesie; *aliter enim in dubiis obediendum est.* c. ad aures de tempor. ordin. quin etiam bonum, sine quo potest esse salus, debet dimitti propter obedientiam xi. quæst. 3. quid ergo: & generaliter, quandocumque subditus non potest per convenientem inquisitionem certificari, debet obedire, & obediendo excusatur, etiam si dubitat circa præceptum, id est utrum, quod sibi præcipitur, sit contra præceptum Dei, 23. quæst. 1. *Quid culpatur.* Similiter, si dubitat, utrum Prælati possit dispensare, debet obedire, quia, quando potest dispensare, tenetur obedire. Sic Tabiena in Opere, quod intitulatur *Summa Summarum*. Et in hoc puncto verè omnia summavit, quæ alii ante scripserunt.

41. Sylvester Ver. *Obedientia* num. 2. Scribit: dicit Ray, quòd generaliter in dubiis subditus tenetur obedire. c. *ad aures* de tempor. ordinat. & excusatur à peccato 23. quæst. 1. *quid culpatur*, nisi sit in iis, in quibus ignorantia non excusatur, puta contra Articulos Fidei, Præcepta Dei, vel generale Statutum Ecclesie juxta ea, quæ dicta sunt supra Ver. *Ignorantia*. §. 7. & Concordant Sanctus Thomas, & Goffred. habentes regulam, quòd quoties subditus convenienti inquisitione certificari non potest, obedire debet, & obediendo excusatur, etiam si dubitet, an agat contra præceptum Dei, nec ne. Nota maxime Divum Thom-

nam habere regulam, quod subditus debet obedire, *quoties certificari non potest*, quod præceptum sit illicitum.

43. Bartholomæus Fumus Verb. *Obedientia* num. 4. breviter dicit: quod, si Prælati præcipiat contra Constitutio- nes suæ Ecclesiæ sine rationabili Causa, quia tunc non potest dispensare, non debet subditus obedire; Si autem est dubium, obediat, arg. in c. *quid culpatur* 23. quæst. 1.

44. Nunc efformo iterum Argumentum. In dubiis per Antiquos est obediendum; sed tenens utramque partem æquè probabiliter per Antiquos, & per Adversarios est dubius; ergo tenens utramque partem æquè probabiliter per Antiquos debet obedire. Adversarii, nisi negent auctoritatem Antiquorum, nequeunt huic Argumento aliquod respondere.

45. Conficio aliud Argumentum: Qui remanet incertus de veritate post inquisitionem convenientem, debet obedire; Sed tenens probabilis rem præceptam esse illicitam remanet incertus de veritate; ergo tenens probabilis rem præceptam esse illicitam debet obedire. Ego puto maiorem erui ex omnibus Antiquis relatis, excepto primo textu Divi Bernardini, & præcipue ex illis, qui expressè dicunt, quod subditus debet obedire, *quoties convenienti inquisitione certificari non potest*. Relege Textus. Minor autem Argumenti ex dictis est manifesta.

46. Subdo tertium Argumentum. Subdito licet operari ob præceptum contra propriam opinionem probabiliorē, & tutiorem; ergo operari contra propriam opinionem probabiliorē, & tutiorem non est operari contra propriam conscientiam. Consequentia probatur, quia operari contra Conscientiam est peccatum juxta illud Apostoli; *quod non est ex Fide, peccatum est*; quod est adeo verum, ut credens levare festucam esse peccatum mortale, si levet festucam, peccet mortaliter, ut colligitur ex Divo Thoma 1. 2. quæst. 19. art. 3. & nemo negare potest. Et tamen ex parte

objecti est evidenter falsum; Ergo, si facere contra propriam opinionem probabiliorē, & tutiorem est facere contra Conscientiam, erit majus peccatum, quàm levare festucam; Consequentia probatur, quia in utroque casu per Adversarios fit contra conscientiam, & in secundo Casu potest etiam esse contra legem Dei, quod in primo casu esse nequit. Tum quia dictamen Conscientiæ, etiam erroneæ, plus obligat, quàm præceptum Prælati, ut colligitur clarè ex Divo Thoma in 2. dist. 39. quæst. 3. art. 3. ad 3. Ergo, si facere contra propriam opinionem esset facere contra Conscientiam, Prælati oppositum præcipienti non tenemur obedire; ergo, si tenemur obedire, facere contra propriam opinionem formaliter non est facere contra Conscientiam. Et sic corrumpit præcipuum fundamentum Adversariorum, quod ideo non possumus operari juxta minùs probabilem, & minùs tutam, quia non operamur ex fide, idest *ex Conscientia*.

47. Nostrum hoc Argumentum vidit Arianus, unde, ut refert Vasq. 1. 2. disp. 62. cap. 6. num. 28. negavit quodl. 2. punct. 3. Subditum posse obedire Superiori contra propriam opinionem probabiliorē, & tutiorem; & ideo hoc negavit, quia universaliter asseruit, non posse aliquem agere contra propriam opinionem probabiliorē, & tutiorem. Tum quodl. 2. punct. 2. ad 2. Argumentum, ut refert idem Vasquez num. 33. dixit, dubium non posse obedire Superiori. In quo puto manifestè decipi, & opponi Canon *Quid Culpatur*.

48. Hoc Argumentum Magnum negotium facessit Probabilioristis; & in rei veritate est validissimum. Adhuc tamen conantur respondere; Unde Pater Tyrus Gonzalez dissert. 14. num. 91. dicit, quod subditus debet obedire in rebus omnibus, in quibus non cernitur manifestè peccatum, quales sunt illæ omnes actiones, de quibus est controversia inter Doctores Catholicos, an sint licitæ, vel illicitæ; Et hanc Regulam vocat certam ex Scripturis, &

**Patribus.** Subdit tamen, quòd **Au-**  
**thoritas**, & ratio Superioris obligat  
subditum, ut deponat illud iudicium  
probabile, quo iudicabat rem illam esse  
malam, quia illi hæc pars representata  
fuerat tanquam probabilior, quàm pars  
opposita, quam Superior sequitur; Ne-  
que enim potest obligare subditum ad  
executionem illius rei, dum retinet iu-  
diciū opinativum prudens, quo sibi  
persuadet rem esse malam.

49. Sed contra: Impossibile est, quòd  
**Autoritas Superioris** reddat mihi opi-  
nionem illius probabiliorē; Unde, si  
centum Superiores jubeant, ut ego  
perficiam Sacramentum Consecrando  
utramque materiam in casu, in quo  
cum Scoto teneo, esse unam tantum con-  
servandam, nunquam mutabunt in  
mea mente vim, quam habent intrinse-  
cè argumenta meæ opinionis oppositæ.  
Nam exerior, me æquè moveri post il-  
la præcepta, ac antea. Tum quia illa  
præcepta non magis illuminant meum  
intellectum; ergo ita se habet, ac an-  
tea. Ergo, si intellectus manet eodem  
modo post præcepta, non mutat opi-  
nionem.

50. Quodsi dicatur, objectum qui-  
dem non illuminari, & sic ratione prin-  
cipiorum intrinsicorum intellectum ita  
se habere post præceptum, ac ante erat;  
illuminari tamen intellectum extrinsecè;  
Unde ob auctoritatem extrinsecam Su-  
perioris debet judicare rem præceptam  
esse licitam, si prius iudicabat esse il-  
licitam.

51. Contra, quia objectum intrinsecè  
non debilitatur; ergo ita movet, si-  
cut ante. Ergo ex una parte objectum  
ob suam Virtutem intrinsecam memo-  
ret ad judicandum rem esse illicitam;  
ob Virtutem verò extrinsecam præce-  
pti me movet ad judicandum rem esse li-  
citam. Quæ ergo Virtus superabit  
aliā? Utraque in suo ordine movet  
probabilioriter. Tum quia si **Au-  
thoritas Divi Thomæ**, & Thomistarum  
non me movet ad tenendam, & censē-  
dam veram opinionem Divi Thomæ,  
me movebit ad illam auctoritas Supe-

rioris minus valde docti? Tum quia,  
quòd opinio sit mihi probabilior, non  
est in mea potestate; aliter quilibet pos-  
set facere, quòd opinio benigna esset si-  
bi probabilior: atque adeo quilibet pos-  
set sequi omnem opinionem benignam  
probabilem. Tum quia præceptum ha-  
bet quidem vim obligandi ad faciendum  
aliquid, non verò ad constituendum  
aliquid in linea veritatis.

52. Fateor equidem, juxta principis  
supra posita voluntatem posse movere  
intellectum quoad exercitium in rebus  
obscuris, & opinativis, non tamen  
quoad specificationem. Hinc voluntas  
quidem potest imperare intellectui, ut  
assentiat partem minus probabili, &  
suspendat assensum probabiliori; At ne-  
quit imperare, quòd judicet partem mi-  
nus probabilem esse probabiliorē, hoc  
etenim dependet ab objecto, non vo-  
luntate. Tum quia, quamvis Supe-  
rior jubeat, quòd ego operer juxta  
talem opinionem, non prohibet ta-  
men, quòd in Scholis doceam opposi-  
tum. Ergo eodem tempore doceo unam  
opinionem, & operor juxta aliam; &  
sic eodem tempore utrique parti assen-  
tior. Ergo non implicat habere assen-  
sum probabilem utrique parti eodem  
tempore, quod negant Adversarii.

53. Instat Gonzalez num. 105. fieri  
non posse, ut subditus quærat rationes,  
& non inveniat sufficientissimas, ut  
Sententia Superioris appareat sibi veri-  
similior, quàm propria, quam ante  
præceptum Superioris sequebatur. Nam,  
ut inquit Divus Ignatius in epist. de  
Virtut. obedientiæ num. 9. *vis intellectu-  
va animi, tamen si non ea, qua voluntas  
pollet, libertate pradita est, atque ipsa  
natura fertur ejus assensus in id, quod sibi  
veri speciem præbet, tamen multis in re-  
bus, in quibus videlicet cognita veritatis  
evidentia cum illi non inserit, potest volun-  
tatis pendere in banc potius, quàm in il-  
lam partem inclinari; qua res cum inci-  
dunt, debet, quisquis obedientiam profi-  
tetur, inclinare se se sententiam Superioris:*  
ita Pater Gonzalez ex Sanctissimo suo  
Parente Divo Ignatio,

54. Sed contra. Vel voluntas semper potest cogere in rebus obscuris intellectum ad inveniendas has rationes probabiliores, vel voluntas non semper potest. Si PRIMUM, sic dabimus Probabilistis id, quod finaliter prætendunt, quod est dare libertatem hominibus, ut in rebus obscuris possint sequi opinionem benignam, & quam volunt; & solum erit hæc differentia, quod per Patrem Gonzalez debet prius voluntas cogere intellectum ad inveniendas has rationes probabiliores, quas tamen semper inveniet juxta hanc responsionem; Per Probabilistas autem non est necesse, quod voluntas cogat intellectum ad inveniendas hujusmodi rationes. Si Pater Gonzalez vellet talem Doctrinam amplecti, credo, quod Probabilistæ facillime mutabunt opinionem, & ego Primus ero ex illis. Si SECUNDUM; ergo tunc in illo casu non poterimus obedire Superiori; & tamen Divus Ignatius expressè universaliter dicit: quod, *quando incidunt hæc res, (in quibus videlicet cognitæ veritatis evidentia vim illi non infert) debet, quisquis obedientiam proficitur, inclinare se se in Sententiam Superioris.* Ecce Doctrinam Universalem: qui non cogitur ab evidentia, proficiens obedientiam debet se inclinare in sententiam Superioris. Ergo si deponat opinionem propriam probabiliores, si non deponat, debet inclinare in sententiam Superioris, quia adhuc retenta opinione propria probabiliori non cogitur ab evidentia, quæ sola cogit intellectum, ne flectatur in oppositum à voluntate juxta Divum Ignatium.

55. Tum quia, si est necesse, ut obediamus Superiori, sequi ejus opinionem ut probabiliores, & nostram deponere, hoc non valebit in hominibus doctis, qui per plures annos insudarunt in ponderandis motivis pro utraque parte, & omnibus justè pensatis judicarunt, partem strictiorem esse probabiliores; Et si omnia, saltem principaliora, non perpenderunt, malè se determinarunt ad illam partem.

56. Igitur vel Scotista ante præceptum

Superioris Thomistæ per tot annos rectè expendit omnia expendenda, vel non. Si PRIMUM; ergo præceptum Superioris nequit illum obligare ad operandum juxta partem oppositam, quia juxta cursum naturæ non dantur motiva, quæ possint trahere Scotistam in opinionem Divi Thomæ. Si SECUNDUM; ergo Scotus, & Scotistæ usque modo plene non satisfecerunt questioni, dum præceptum Superioris Thomistæ facit invenire rationes probabiliores pro opinione Divi Thomæ, quas ante præceptum non perpenderant. Tum quia si præceptum habet tantam efficaciam, sequitur, quod si Generalis Scotistarum esset Thomamita, destrueret Scholam Scotisticam quoad opiniones oppositas Divi Thomæ; posset enim jubere, ut omnes sui subditi operarentur juxta opiniones Divi Thomæ, si essent morales, vel illas docerent, si essent speculativæ. Et sic videres Thomistas, & Scotistas consentientes virtute unius præcepti; cum per plurà secula nunquam potuerint convenire. Rursus, quia posset oppositum jubere, videres Scholam Scoti resurgere, & intetire Scholam Thomisticam.

57. Igitur apparet evidenter, præceptum Superioris non habere virtutem faciendi invenire rationes probabiliores pro opinione ejusdem Superioris, quia supponitur, quod subditus doctus adhibuerit inquisitionem debitam, ut certificaretur de re, ut loquuntur expressè Antiqui; post hanc autem debitam inquisitionem intellectus se determinaverat pro parte A; ergo Præceptum Superioris non habet virtutem faciendi invenire rationes probabiliores pro parte B. & hinc homo doctus post talem inquisitionem non teneretur obedire Superiori præcipienti oppositum, si ad talem obedientiam requiritur depositio propriæ opinionis; & hinc solum homines indocti, & ignorantés in tali casu tenerentur obedire, cum ipsi vel nesciant judicare bene motiva opinionum, vel si sciant, non bene indicarunt ante præceptum.

58. Hic tamen non nego, imo concedo, quod aliquando præceptum Superioris tollat aliquam circumstantiam moralem, v. g. otiositatem à verbo; & sic potero ex imperio Superioris dicere verbum, quod aliàs ei set otiosum, ut supponit Bernardinus in dicto Dialogo de obedient: §. *primus limes est*. Et si imperium non tollat otiositatem, tunc nec potero obedire, ut patet ex dictis, & ibidem Bernardinus expressè affirmat.

59. Urget idem Pater Gonzalez num. 105. Unusquisque prout est affectus, iudicat; ergo, si subditus concipiat desiderium conformandi se iudicio Superioris, occurrent motiva, quæ illam partem reddent ipsi verisimiliorem.

60. Sed contra, quia si ex affectu sequitur inventio probabilioritatis; ergo variando affectum variabitur opinio; ergo ex affectu favendi mæ libertati inveniam Probabilitatem in opinione benigna; & sic sequar partem benignam, quando affectu ad illam me convertam. Igitur si quis præcisè iudicet ex affectu, illud iudicium erit malum, quia intellectus non debet regulari à voluntate, sed è contrario. Tum quia nos loquimur in casu, quo vir doctus posuit diligentiam debitam ex affectu invenendi veritatem; ergo expendit omnia motiva; atque adeo, quamvis velit se conformare cum Superiori, non inveniet motiva mutandi opinionem; & si post præceptum invenit motivum iudicandi opinionem Superioris ut verisimiliorem; ergo antea illud motivum non expenderat; & sic exactè difficultatem non agitaverat. Nos autem hic loquimur cum Antiquis de subdito, qui post diligentem inquisitionem certificari non potest; Et sic loquimur de subdito, qui expenderit omnia expendenda; ergo frustra hic aliam diligentiam apponet. Præterea si præceptum Superioris habet vim invenienti rationes probabiliores; ergo Prælati faciant præceptum suis subditis de attingenda veritate, & postquam diligentiam debitam apposuerint pro investigatione veritatis, tunc vel omnes

subditi concordant, vel discordant. Si discordant, quomodo idem præceptum faciet invenire media probabiliora pro utraque parte? Si concordant, & illa pars sit strictior, Superior non poterit deinde oppositum imperare, quia imperium non habebit virtutem faciendi invenire motiva probabiliora pro illa parte; Si enim præceptum primum non habuit talem Virtutem, cur secundum illam habebit?

61. Subdit deinde Pater Gonzalez: Motivum conformandi se iudicio Superioris non esse sumendum ex ejus sapientia, sed ex munere superioris, ut dicebat Divus Ignatius in sua epist. nu. 3. *Cum enim Deus jussisset, ut pareamus Superiori, etsi absolute falli possit Superior, tamen id non est nunquam in particulari præsumendum, nisi de eo constet, eo quod singulari modo à Deo dirigatur, ut potè ab ipso ad alios in via salutis dirigendos constituitur*. Hæc autem ratio non militat in quolibet alio Theologo privato ex opinione sua probabili fundente ut licitum, quod tamen ex aliorum opinione probabilis iudicatur esse illicitum; unde nullibi reperitur dictum à Patribus, quod sine disquisitione credatur rectum, quod ut tale traditur ab aliquibus, quando alii Sapientia pares, vel majores dicunt esse malum. Contra Patres universim asserunt, subditum debere credere licitum, quod præcipitur à Superiore, quamvis ipse subditus non videat, quomodo id bonum, & expediens sit. Evidens ergo est præceptum Superioris habere magnam vim, ut probabilis appareat subdito, quod antea minus probabile apparebat; quia, ut notat Suarez de Instit. Societatis lib. 4. cap. 55. num. 21. ipsa autoritas Superioris probabilitatem alterius partis multum auget. Unde deceptus est Terrillus, dum in Tomo de Regula morum 1. par. quaest. 2. num. 124. pag. 38. palam dicit: *Præceptum Superioris minus docti non posse efficere, ut probabilius appareat subdito id, quod antea minus probabile*. Illucique Pater Gonzalez.

63. Sed contra, quia, si ideo debemus iudicare rem præceptam esse licitam, quamvis proveniat ab homine potente fallere, eo quia singulari modo a Deo Superior dirigatur. Sequitur, quod nolumus à subdito, sed etiam à non subdito posset illa opinio probabilior iudicari, quin, ut possemus secundum illam operari, sufficeret, quod sciremus rem illam esse præceptam, & esse in materia obicura; Sequella probatur, quia intantum subditus iudicat rem præceptam esse licitam, quia præsumitur Superiorem dirigi à Deo. Si autem in instanti A. præsumitur Superiorem dirigi à Deo, in instanti B. & aliis posterioribus valebit dici, Præsumitur Superiorem directum fuisse à Deo. Si autem est licitum, quod præsumitur dirigi à Deo, erit etiam licitum, quod præsumitur fuisse directum à Deo; & sicut in tempore præsentis præsumitur rem præceptam esse licitam, si Superior iubeat, & res manifestè non sit mala, sic in tempore futuro præsumitur, rem nunc præceptam fore licitam, si res præcepta fuerit, & manifestè non erit mala. Præterea vel est verum, quod Deus dirigat Superiores, vel non est verum. Si secundum, Auctoritas præcipientis nihil de speciali habet ad rem præceptam. Si Primum, quilibet debet sic iudicare, & non solus subditus; Quilibet enim debet res iudicare, uti sunt ex Divo Thoma 2.2. quæst. 60. art. 4. ad. 2. licet enim auctoritas sit in ordine solum ad subditum, veritas tamen auctoritatis est in ordine ad omnes. Et inde sequitur, quod etiam non subditus poterit deponere suam opinionem strictiorem ex imperio facto subdito; Et sic semper sequi opinionem benignam, si aliquando factum fuerit præceptum de ipsa.

63. Ulteriùs fateor equidem, de ratione Superioritatis esse obligare ad faciendam rem præceptam; Si enim definiatur, quid sit Superior, ponetur in definitione talis virtus obligativa. Videtur D. Raym. lib. 3. de sentent. præcept. §. 2. At, quod Superior habeat virtutem augendi Probabilitatem, ut dicebat

Pater Suarez, non video, quomodo probari possit hoc dictum. Ino ex absurdis supra relatis, quæ sequerentur, si hoc esset verum, debemus tenere pro certo, Superiorem ut talem non augere probabilitatem rei præceptæ. Hinc malè Pater Gonzalez arguit Terillum docentem præceptum Superioris non augere Probabilitatem.

64. Pater Fogarinus disput. 3. par. 4. sect. 6. num. 46. sibi objicit hanc rationem de subdito, qui tenetur obedire contra propriam opinionem probabiliozem, & tutiorem; ergo saltem subditus potest sequi opinionem minus probabilem, & minus tutam. Objicit, inquam, hanc rationem, & ante solutionem ponit decem distinctiones, & Prima est de Superiore præcipiente aliquid in lege Divina, vel etiam humana facta à Superiore; unde ipse præcipiens nequit in illa dispensare.

65. Inde num. 55. dicit, quod subditus habens opinionem verè probabilem, quod aliquid sit contra jus naturale, vel legem alicujus Superioris majoris, si illud sibi præcipiatur à Superiore indocto, vel habente solum opinionem probabilem oppositam, non tenetur obedire, sed durante tali iudicio probabiliori, aut æquè probabili peccat obediendo. Hic inquiri à Patre Fogarino, quomodo subditus cognoscet Superiorem habere solum opinionem æquè probabilem? Cur non debet credere Superiorem habere opinionem probabiliozem, vel moraliter certam? Debetne Superior ante præceptum disputationem instituere, & subditum illuminare?

66. Sed contra, quia Antiqui allati dicunt, nos debere obedire Superiori, si per inquisitionem certificari non possumus, rem præceptam esse illicitam; Sed qui habet opinionem verè probabilem rem esse illicitam, etiam durante hac opinione, non est certus rem esse illicitam, quia Probabilitas non est certitudo, ut est evidens; ergo, qui habet opinionem verè probabilem rem esse illicitam, durante hac opinione per



per Antiquos allatos debet obedire. Hinc patet, Patrem Fogarinum hac sua doctrina opponi directè Antiquis.

67. Denique num. 70. dicit, quòd subditus dubitans, an Superior possit dispensare, si cognoscat Prælatus etiam dubitare, an possit dispensare, tunc ipse non potest uti tali dispensatione. Si verò ignoret, an Prælatus dubitet, tunc potest ex ejus Authoritate dubium deponere, & uti tali dispensatione. Loquortamen, inquit Author, de subdito non docto, sive non habente rationes graves persuadentes Prælatus non posse dispensare.

68. Sed contra, quia vidimus ex Nider, & Petro de Tharautasia, quòd subditus debet simpliciter obedire, *quando dubium est*, an Prælatus possit dispensare, & hoc ratione dubii. Per Antiquos autem intellectus est dubius, quando etiam habet rationes æquè probabiles pro utraque parte. Tum quia Antiqui solum ponunt duos Casus, Unum, in quo subditus est certus de illicito præcepto, & Alium, in quo est incertus, seu est dubius. In Primodiciunt, non posse obedire; In secundo asserunt debere obedire; Si autem dictum Patris Fogarini esset verum, vel Antiqui regulam adæquatam non dedissent in re adeo necessaria, vel falsam tradidissent.

69. Corduba in suo Questionario lib. 3. quæst. 9. tenet quidem, subditum contra propriam opinionem posse, & debere obedire Superiori, & hanc dicit esse communem opinionem contra Adrianum in Quodlib. 2., & Fratrem Barnabam de Rosalibus in tract. de *varietat. opinion.* fol. 94. Subdit tamen, quòd subditus debet sibi formare bonam Conscientiam, quòd licitè operetur in talicasu. Formatur autem sibi hanc bonam Conscientiam ob aliquam rationabilem causam. Assignans verò vers. *probatur quare* has rationabiles causas dicit, quòd Judex contra suam propriam opinionem singularem potest sibi bonam Conscientiam formare juxta

aliorum opinionem judicando, & hoc propter *Cavendam temeritatem suam, vel aliud certius malum justitia, vel inobedientia, vel disentionis, vel ut suo satisfaciatur officio*, vel ut aliis se conformet, *vel tandem ut securius agat*. Subdit etiam exemplum de Confessore, qui potest absolvere poenitentem, & de Medico, qui potest mederi contra proprias opiniones conformando se opinionibus aliorum. Sic etiam idem dicendum est de subdito.

70. Sed contra evidenter, nam sequitur, quòd agere contra propriam opinionem per Cordubam non est agere contra Conscientiam, quia cum opinione, quòd res sit illicita, stat simul bona Conscientia. Ergo Adversarii male arguunt: Vos Probabilistæ facitis contra opinionem, quam dicitis esse probabiliorē; ergo facitis contra Conscientiam; & sic peccatis. Male, inquam, arguunt, nam totum Argumentum potest retorqueri juxta hanc Doctrinam Cordubæ, qui aliàs est Probabiliorista. Et Nota diligenter causas, ob quas secundum Cordubam Judex potest condemnare innocentem, sed reum juxta allegata, & ipse Judex tenet non posse licitè condemnare talem innocentem. Nota illas duas propter *cavendam temeritatem suam*; vel ut *alius se conformet*. Prima Causa est, quia sapit *temeritatem* nolle operari juxta opinionem aliorum, quasi quòd sit falsa. Secunda est, quia licitè quis potest se aliis conformare, seu imitari exempla aliorum. Ita ego explico illa verba Cordubæ: *propter cavendam temeritatem suam. Vel ut alius se conformet*.

71. Nunc instruo Argumentum: Juxta Cordubam Judex tenens opinionem, quòd damnare innocentem, sed reum juxta allegata, sit illicitum, *Potest*, hac propria opinione non obstante, *formare sibi bonam Conscientiam*, & talem innocentem condemnare; formabit autem bonam Conscientiam propter *cavendam temeritatem*, id est, ne, si operetur juxta propriam opinionem, videatur temerarius damnando de falsitate opinionem

nationem oppositam, quam præstantissimi Viri sequuntur. Vel formabit sibi bonam conscientiam volendo *se conformare exemplis aliorum oppositum facientium*. Ex hoc ego infero; Ergo etiam, quamvis ego teneam ut probabiliorē opinionem, v. gr. quod hic contractus sit illicitus, tamen mihi formabo bonam conscientiam *propter temeritatem vitandam*, id est ne videar damnare opinionem Virorum sustinentium, illum contractum esse licitum; & illum contractum celebrabo, *ut me conformem aliis*. Si negetur consequentia, vellem scire, cur Causæ cavenda temeritatis, & sequendi alios possint ingerere bonam Conscientiam iudici damandi aliquem ad mortem contra propriam opinionem, quamvis in hoc facto possit esse periculum auferendi iniuste vitam, non possint autem ingerere mihi bonam conscientiam faciendi aliquem contractum contra meam opinionem, licet in hoc facto possit esse periculum auferendi iniuste rem Proximo. Numquid ad conservanda bona Proximi debemus strictiori iure procedere, quam ad conservandam vitam?

72. Dices, in antecedenti incurri periculum de faciendo contra leges; est enim probabilis Sententia asserens, quod Iudex in illo casu teneatur ad talem damnationem, in consequenti autem nullum est periculum faciendi contra Legem.

73. Sed contra, quia dictum est verum, sed non est ad propositum Cordubæ, quia ipse quidem admittit hanc causam ad formandam sibi bonam conscientiam, ut legenti suum textum supra allatum apparebit; at admittit etiam alias in Iudice, & sunt illæ dux, *Ad cavendam temeritatem*, vel *ut alius se conformet*; Quæ secunda Causa clare elucet in Consequenti. Igitur per Cordubam nedum periculum incurrendi in peccatum est causa rationalis, ut possimus sequi opinionem minus probabilem, & in particulari etiam Iudex, quod difficilius videtur, & his temporibus videtur non esse verum ob proportionem

damnatam ab Innocentio XI. num. 2. Sed etiam per ipsum dantur aliæ causæ rationabiles supra allatæ, quarum una continetur illis Verbis: *Vel ut alius se conformet*, & illa particula, *Vel*, habet virtutem disiungendi ex sua natura, ut patet ex Barbof. in tract. de dict. Usufreq. V. *Vel* num. 3. Hinc ut præstat suum effectum non est necesse, ut aliæ concurrat; hinc ob motivum solum *se cum aliis conformandi* possumus sequi opinionem nostram oppositam; & sic opinionem minus probabilem, aliis minus tutam.

74. Hic Doctor solvit omnes objectiones contrarias, & si me mens mea non fallit, ejus Doctrina clarissimè salvat nedum subditum, sed quemlibet posse sequi opinionem minus probabilem, & minus tutam. Illum audiamus.

75. Obicit ergo sibi secundo: Impossibile est, quod quis opinetur tale quid esse illicitum speculative, vel absolute secundum suam opinionem, & quod simul opinetur id esse prædictè sibi licitum secundum aliorum opinionem . . . quia, si ipse de facto hoc, vel illo modo secundum suam opinionem judicat esse in se, vel sibi illicitum; ergo de facto hoc sibi videtur probabilius, quam oppositum; alioquin non sic judicaret, nec opinaretur. Nullus enim opinatur, nisi quod sibi verum, vel probabilius apparet, sed potius dubitaret. Si autem credit, vel judicat, id esse in se, vel sibi licitum secundum aliorum opinionem, quam iudicat esse verum, & ex consequenti se decipi in sua opinione, jam ergo credit, at opinatur, quod aliorum opinio sit probabilior.

76. Hæc est objectio secunda, quam Corduba opponit suæ opinioni, qua vult, quod subditus possit, & debeat obedire contra suam opinionem probabiliorē, & tutiore. Et hæc objectio meo iudicio est majus fundamentum Probabilioristarum contra Probabilitatem. Audiamus responsum Cordubæ, quæ est unum ex primariis fundamentis, à quibus Probabilitas fulcitur.

77. Igitur in hæc verba respondet, negando esse impossibile, & ad primam probationem conceditur, quòd, ut ibi dicitur, non stat, quòd quis de facto, vel actualiter credat, vel opinetur, suam opinionem esse veram simul, & oppositam, & se decipi, ut ibi probatur; neque quòd iudicet speculative, aliquid esse illicitum, & licitum, neque practice sibi simul illicitum, & licitum secundum hanc, vel illam opinionem aliorum; bene tamen stat, quòd iudicet aliquid opinando esse speculative illicitum, & ex consequenti iudicet oppositam opinionem esse falsam; simul & iudicet idem esse sibi practice licitum, ut ait illa opinio, *quam credit esse falsam, quam ex causa rationabili licitè vult sequi*; videlicet *ut caveat periculum temeritatis, dissensionis, vel inobedientiae, & huiusmodi, ut supra dictum est.*

78. Hoc verbum, *huiusmodi*, dicit relationem ad alias causas ab ipso supra assignatas, quarum una erat *Vel ut aliis se conformet*, pro quorum maiori declaratione, subdit Corduba: nota, ibi tria esse iudicia. Primum est, quo iudicat, illud esse absolute illicitum, & suam opinionem hanc esse veram. Secundum est, *quo iudicat, oppositam opinionem esse falsam*, vel minùs probabilem. Tertium est, quo iudicat, se licitè facere sequendo illam opinionem, *quam opinatur esse falsam*, idque ex causa rationabili iupradicta. Prima duo iudicia sunt formaliter speculative; Tertium est formaliter practicum, neque ullo modo repugnant, sed compossibilia sunt.

79. Eandem doctrinam habet infra *ad tertiam respondeo*, dicit enim, quòd tunc non utor mea opinione speculative tanquam regula agendi, sed potius alia aliorum opinione, vel iudicio, sive præcepto; neque facio contra conscientiam, sed secundum eam, ex quo facio secundum iudicium, *quo practice iudico, id mihi licitum esse, etiam contra meam speculativam opinionem facere.*

80. Ecce clarè, per hunc Authorem,

aliàs Probabilioristam, posse aliquem tenere unam opinionem, & oppositam facere, nec hoc esse contra *Conscientiam, sed secundum eam, ex quo facio secundum iudicium, quo practice iudico, id mihi licitum esse, etiam contra meam speculativam opinionem facere.* Nota insuper illud Tertium iudicium, quo mens iudicat, se licitè facere sequendo illam opinionem, *quam opinatur esse falsam.* Discant Adversarii, per hunc Antiquum Doctorem Probabilioristam fundari veritatem practicam in opinione speculative falsa. Ex hac Doctrina corrumpunt illa, per quæ Pater Gonzalez non admittit illam distinctionem intellectus dubii in speculatione, & certi in praxi.

81. Nostri Moderni Probabilistæ admittunt hoc tertium iudicium, & super ipsum fundant molem *Probabilitatis*, ut dixi. Differunt solum, & omnino rationabiliter, quòd per ipsos hoc iudicium est fundatum non in opinione falsa, sed *minus probabili.* Siquidem opinio opposita Probabiliori non est falsa. Nec enim bene arguitur: Probabiliores sunt opiniones Divi Thomæ; ergò oppositæ Scoti sunt falsæ; esset enim irridendus talis Argumentator. Legitima ergo consequentia est; ergo opiniones Scoti sunt Probabiles, *sed minus*; Tota enim Philosophia clamat, quòd comparatio supponit formam Comparationis in utroque extremo.

82. Colligitur, ut alibi dicebam, ut quis possit sequi opinionem minùs tutam contra propriam opinionem tutiorem, requiri aliquam causam rationabilem, v. gr. *ut caveat temeritatem, vel ut aliis se conformet.* Hinc Thomista vivens cum Scotistis, ut se conformet illis, poterit uti opinione Scoti opposita suæ. Et hæc Doctrina est iuxta illud effatum Poeticum quidem, sed verum.

*Dum fueris Romæ, Romano vivito more;*  
*Siquè alibi fueris, vivito sicut ibi.*

## CAPUT XXXVIII.

*Probatur Argumentis Theologicis,  
Nos posse sequi opinionem minus  
Probabilem, & minus tutam,  
relieta Probabiliore, & tutio-  
ri.*

1. **E**X duobus præcedentibus capitibus eruuntur, ut ibi notavi, duo efficacissima Argumenta pro hac conclusione; & sicut in hoc, quod Confessor potest absolvere poenitentem sequentem opinionem oppositam illi, quam amplectitur Confessarius, nec hic Confessarius facit contra conscientiam, nec peccat. Sic etiam Subditus obedit Superiori licet contra propriam opinionem probabiliorem, & tutiorem; & tamen non facit contra conscientiam, nec peccat; sic sequitur, quod facere contra propriam opinionem formaliter non est facere contra Conscientiam, nec perire. Ego puto, quod omnia Argumenta, quæ afferunt Adversarii contra Nos, infringantur clarè hæc exemplis de Confessario, & de Subdito; ut notavi cap. anteced. num. 80.

2. Probatur ulteriùs PRIMò. Probabilioritas unius partis non tollit Probabilitatem in opposita opinione; ergo opinio minus probabilis est verè probabilis. Sed Probabilitas est bona regula morum ex dictis; ergo opinio minus probabilis est bona regula morum. Antecedens primi argumenti, licet apud me sit evidentissima, adhuc tamen probatur PRIMò ex Divo Thoma Quodlib. 12. art. 20 ubi dicit, quod *Vinum, Rex, Mulier, & Veritas* non sunt comparabilia, *quia non sunt unus generis*; tamen si considerentur per comparationem ad aliquem effectum, concurrunt in unum; & *sic possunt comparari*. Hic patet evidenter, ut plura possint comparari, oportet, quod illa habeant *Unum*, in quo fiat Comparatio. Ergo, ut duæ opinionones comparentur in Probabilia-

te, oportet, quod ambæ habeant Probabilitatem. Ergo, si de una dicitur, quod sit Probabilior altera, oportet, quod hæc alia habeat Probabilitatem, ut in ordine ad hoc unum opino prima dicitur Probabilior. Tum quia cur illa quatuor *Vinum, Rex, Mulier, & Veritas* in esse non sunt comparabilia, bene verò in effectu secundum Angelicum? *quia non sunt unus generis*; & sic non habent aliquam unitatem in esse; ideo in esse non sunt comparabilia. Quia verò illa in effectu possunt convenire, unde possunt mutare cor hominis; hinc ab Angelico Præceptore, Divo Thoma, ibidem iure quæritur, quodnam illorum sit fortius.

3. Confirmatur ex Durando in 3. dist. 30. quæst. 2. num. 4. qui dicit, quod dilectio Amici excludens dilectionem inimici non potest dici magis meritoria dilectione Inimici; & assignans rationem huius doctrinæ ait: quia comparatio secundum Magis, & minus supponit utrumque esse tale. Ergo comparatio secundum Magis, & minus meritorium inter aliqua supponit utrumque esse meritorium; sed dilectio Amici excludens dilectionem Inimici non est meritoria; ergo nulla potest esse comparatio inter ipsam, & dilectionem Inimici, quæ sit magis meritoria, quia altera nullo modo est meritoria.

4. Sed omnino illud Antecedens convincitur ex Arist. 7. physicor. tex. 24. & seqq. ubi Trium requiritur ad Comparationem, quorum primum est, quod comparabilia non sint æquivoca; & propter hanc rationem dicit, quod, quamvis Syllus, Virum, & Corda Citharæ dicuntur acuta; tamen unum non est acutius alio, eo quod ly *Autum* æquivocè dicitur de illis tribus. Secundum requisitum ad comparationem est, quod eadem natura, nedum sit in rebus comparatis, sed quod recipiatur in primo subiecto susceptivo eisdem. Hinc in textu 27. dicit, Equum, & Cavem esse comparabiles inter se in Albedine, & unum esse *Albiorem* altero, quia in illis primum, & immediatum suscepti-

vum albedinis est superficies ; e contra quamvis magnitudo eadem sit in voce , ac in aqua , tamen aqua nequit dici major Voce , quia magnitudo in aqua immediate recipitur in substantia , in voce verò recipitur primò , & per se in sono , qui est qualitas . Videantur Divus Thomas ibidem lect. 7. & Maurus ibidem , qui præcipuè clarè demonstrat , comparabilia debere convenire univocè inter se in forma , in qua fit comparatio .

5. Confirmatur evidenter . Potestne dici , quòd Divus Thomas sit doctior rustico ? Scotus subtilior Grammatico , Nix candidior igne , & Ignis rubicundior Platano ? Certè , si quis loqueretur ita , nedum irrideretur à Philosophis , sed etiam à Grammaticis , & Rhetoricis , quamvis ipsi non adeo rigorosè procedant in suis propositionibus .

6. Ex his sequitur evidenter , quòd una opinio nequeat dici probabilior alia , nisi hæc alia sit pariter probabilis . Dicat quis , Probabilius est dari præceptum de Confessione , & potius adhaerendum est huic opinioni . Nonne argueretur de errore , & veluti supponens , quòd opposita opinio esset probabilis , & defensionibilis ? Sic poterant loqui Viri sapientes , & Religiosi viventes tempore Gratiani , ut ipse narrat de penit. dist. 1. fin. quia tunc utraque opinio probabilis iudicabatur . Ast nunc , post Tridentinum præcipuè , malè loquens iudicaretur , qui diceret minus probabile esse , non dari præceptum de Confessione .

7. Respondet Gonetius tom 3. dissert. de opinion. probab. art. 2. num. 43 licet opinio minus probabilis secundum se , & dum non appareret alia probabilior , sit probabilis , tamen comparatione facta ad probabiliorem non manet probabilis , sed falsa , & improbabilis censetur , sicut quodlibet bonum verè bonum est amabile secundum se sumptum ; tamen comparatione ad majus bonum non est amabile , nec bonum ; Unde voluntas nequit amplecti minus bonum in comparatione ad majus bonum . Hinc Divus

Thomas , ait Gonetius , par. 1. quæst. 50 art. 1. ad 1. ex Arist. dicebat , medium comparatū cum uno alterum extremum videri , v. gr. Tepidum comparatum calido videtur frigidum , comparatum frigido videtur calidum ; ex qua Doctrina infert Angelicus , Angelos quantum ad nos dici immateriales , & incorporeos , quantum verò ad Deum dici corporeos , & materiales . Cum ergo opinio minus probabilis mediet inter improbabilem , & probabiliorem , si comparetur cum probabiliore , erit improbabilis , si cum improbabili confertur , erit probabilis .

8. Miror , quomodo Theologus utitur hoc argumento , quod responsum multiplicem , & evidentem patitur . Igitur dato , quòd Angelicus suam doctrinam hauriat ex Aristotele , quod certè in allegato textu non facit , dico , quòd Angeli dicuntur corporei respectu Dei , non quasi quòd habeant aliquam rationem formalem corporis , sed quatenus carcat majori spiritualitate ; unde in proprietate sermonis non debent dici corporei , cum excludant rationem formalem , & constitutivam corporis . Sed debent dici , *sunt minus immateriales Deo* . Sic etiam calidum ut quatuor comparatum cum igne debet dici , *est minus calidum* . In rei tamen veritate nequit dici *frigidum* , cum supponam nullum gradum frigoris habere . Illud exemplum de tepido , dato , quòd in rei veritate dicatur frigidum respectu calido , dico hoc ideo esse , quia Tepidum constat ex frigido , & calido . Hinc respectu diversorum potest sumere denominationem & calidi , & frigidi , quia , utramque formam habet ; At si supponeremus à corpore tepido separari omnem gradum frigoris , & remanere gradus remissos caloris , certè illud Corpus comparatum cum calido non diceretur frigidum , cum nullum gradum frigoris habeat , sed diceretur minus calidum .

9. Applicando Doctrinam dico , opinionem minus probabilem comparatam cum probabiliore non dici improbabilem , sed minus probabilem ; Nec enim

minor Probabilitas est quoddam mixtum ex Probabilitate, & Improbabilitate, sicut tepidum est mixtum ex calore, & frigore, sed est simplex qualitas, & impermixta. Ergo nequit subire denominationem ab improbabilitate. Sic hæc Veritas: *Homo est animal rationale*, est minùs certa, quàm ista: *Deus est Trinus*, & tamen non per hoc prima debet dici incerta ex eo, quòd certitudo metaphysica est simplex qualitas, nec constat ex incertitudine. Igitur Medium constans qualitatibus extremorum diversimodè comparatum subit diversas denominationes positivas, quæ veniunt ab illis qualitatibus; Medium verò, quod non participat qualitates extremorum, non potest habere diversas denominationes, quæ habentur à qualitatibus extremorum, quia denominatio provenit à forma juxta Philosophos. Cum ergo minor Probabilitas non participet qualitatem improbabilitatis, quia est solum Probabilitas in gradu remissa carens ulteriori gradu Probabilitatis, sicut minor calor est calor in gradu remisso carens ulteriori gradu caloris, sequitur, quòd minùs probabile nequeat dici improbabile, quia nullum gradum improbabilitatis habet.

10. Hæc Doctrina confirmatur ex Divo Thoma 3. par. in Suppl. quæst. 34. art. 5. qui, fatente ipso Gonetio in tract. de Ordine disp. 2. art. 2. num. 43. sustinet ut probabilius, & tutius requiri ad Sacram Ordinationem tactum physicum; adhuc tamen oppositum ut probabile admittit. Ecce evidenter Gonetus fateatur, Divum Thomam *admittere opinionem ut probabilem* contra oppositam *probabiliorem*, & tutiorem. Ergo per Gonetum secundum Divum Thomam opinio comparata cum probabiliori remanet probabilis, nec debet dici improbabilis. Nec dicas, Divum Thomam loqui in materia speculativa, nos verò in materia morali; nam divisio probabilitatis in speculativam, & Moralem non est divisio generis in species; & sic alia requiri ad unam, alia ad alteram; sed est divisio formæ in subiecta-

Tum quia nequit assignari ratio, cur Probabilioritas moralis tollat probabilitatem ab opposito, non verò Probabilioritas speculativa.

11. Præterea quomodo Gonetus probat, minùs Probabilitatem esse medium inter Probabilitatem, & Improbabilitatem? utique nullum affert argumentum; & sic voluntariè loquitur; Atque adeo negandum est.

12. Præterea minor Probabilitas vel est in linea, & genere Probabilitatis; & sic implicat in terminis dicere, quòd admittat Improbabilitatem. Vel est in linea Improbabilitatis; & sic nunquam erit Probabilis; Vel est mixtum ex Probabilitate, & Improbabilitate, ut est Tepidum; & hoc non, quia solum, & verum nequeunt coalescere in unum. Tum quia linea Probabilitatis est simplex qualitas, & solum constat ex gradibus, non verò ex oppositis rebus. Tum quia medium ex Aristot. 10. Metaphys. cap. 8. num. 11. propriissimè dicitur, quòd æquè distat ab utroque extremo; Sed minùs Probabile magis distat ab Improbabili, quàm probabili; ergo propriissimè non est medium inter ipsa. Minor probatur ex ipso Gonetio, qui fatetur minùs probabile extra comparisonem cum Probabiliore esse Probabile, & solum dici Improbabile in ordine ad Probabilius. Ergo minùs Probabile per ordinem ad sua intrinseca, & in seipso consideratum est in linea Probabilitatis, & solum per comparisonem ad aliud est Improbabile, & sic juxta Gonetum intrinsecè est in eadem linea cum Probabiliore, & extrinsecè in linea cum improbabili; atque adeo minùs Probabile magis distat ab Improbabili, quàm à Probabiliore.

13. Quando verò Gonetus ex paritate de minùs bono, quod est malum respectu majori bono, conatur probare intentum, nihil facit; nam assumit rem omnino incertam; etenim Maffrius cum de Anima disput. 7. num. 129 ait, oppositum communiter sustineri, & esse opinionem Henrici, Richardi, Scotti, Rubion, Bailol, Gabrielis, & aliorum

rum Antiquorum, quam sententiam puto evidenter Probabiliorem. Legantur Mastrius ibidem, & alii Recentiores communiter asserentes, Voluntatem seipsam determinare, ut potè dominam suorum actuum, ad differentiam aliarum potentiarum; nec determinari à iudicio rationis, ut prætendit Gonetius. Adde, ejus argumenta ad summum probare, quòd minus bonum reduplicativè, & prout præcisè importat carentiam majoris boni, dicat rationem mali; & sic nec posse appeti; non verò, quòd minus bonum specificativè, & prout importat suum esse absolutum. Sic enim importat propriam bonitatem; & sic propriam appetibilitatem.

14. Pater Tyrinus Gonzalez dissert. 3. cap. 3. § 3. respondens allato argumento asserti Textum Augustini, & vocat *infignum*, quem habet lib. 3. contra Cresconium cap. 73. & sic se habet: *tamquam victor exultas, quod non possem dicere traditionem probabilis nos vobis objicere, nisi vos nobis eam probabiliter objiceretis; Si enim vos, inquis, probabilis; nos ergo Probabiliter, quia gradus iste, quod ante positum est, augeat, non, quod dictum est, improbat.* Divus Augustinus cap. 74. respondens huic objecto sic scribit: Considera tamen diligentius, ne fortè invenias in Latine locutionis Authoribus, quibus Grammaticorum artificialia serviunt, non semper istum, quod ante positum est, augere, sed aliquando contrariò superferri; Cujus interim locutionis exemplum mihi ex Apostoli Epistola occurrit ad Hebræos: *Confidimus*, inquit, *de vobis, Fratres Carissimi, meliora &c.* Attendis certè, quomodo hic *meliora* dixerit, non quia bona erant, quæ supra dixerat, &c. Quid si & ego dixerim *Probabilis*, Comparativum ponens pro Positivo, non quia vos probabiliter, i. e. magis, quia *Improbabiliter*; sicut illa meliora, non quia bona, sed magis, quia mala?

15. Prosequitur eiden Augustinus cap. 75. Quamquam nec secundum Grammaticos in verbo me errasse reprehende-

res, si saltem verborum ipsorum auctoritas vel attendere, vel memoriter recollere voluisses. Pueriles habent litteras, sed non à puero imperito dictum.

*Dii meliora piis, erroremque hostibus illum &c.*

quomodo ergo meliora piis, quasi bona essent istis, & non potiùs magna mala, qui *discissos nudis laniabant dentibus artus*? Sic & ego potui dicere, traditionem probabilis vobis objicimus, quamvis eam vos nobis non probabiliter objiceretis. Haftenus Augustinus.

16. Confirmat Gonzalez ex Fagnano in c. *ne iniuriar* de constit. num. 273. ubi dicit: Vix reperies Classicos Canonistas in moralibus, & spectantibus ad salutem Animæ unam sententiam sequutos fuisse, & asseruisse oppositam esse probabilem, & ad praxim deduci posse. Et quamvis sæpe affirmant aliquid esse probabilis, seu verum, non tamen licet inde inferre, ut senserint, contrarium esse probabile, aut verum, quemadmodum perperam deducunt aliqui ex Recentioribus; quinimò per ea verba consentur approbare opinionem, quam dicunt Probabiliorem, & contrariam refellere, ut per Joann. Andream in c. litteras columna. in ver. *Melius*, & in Gloss. eod. ver. *de rescriptis. Spolias*, & probatur in Clement. . . . fin. de Summa. Trinit. ubi Glossa ver. *dirigendam*, (corrigere *Eligendam*) & Doctores communiter dicunt, illam Sententiam, quam ut probabilior Canon amplectitur, esse ab omnibus tenendam, & contrariam rejectam censeri. Huciniq. Pagnanus.

17. Sed contra evidenter, nam textus Divi Augustini non probat aliquid. Nemo negat, quòd verbum Comparativum aliquando, ut dicit Sanctus Doctor, non supponat Positivum in alio. Qui Grammaticæ, & Rhetoricæ studuerit, hoc scire potest; *Uimur*, inquit Quintilianus lib. 9. institut. orat. cap. 3. litter. I *Uimur* vulgo & Comparativum pro Absolutis, ut cum se quis inferiori esse dixerit; quod notarunt Faelaursus linguae Latine, & Calepi-

nus Oſtolinguis Ver. *Comparativus*, & conſentit Priſcianus lib. 3. poſt med. Aſt nunc nomen Comparativum non accipitur pro comparativo, nec ſtat comparativè, ſed accipitur pro Abſoluto, ut dicit Quintilianus, ſeu pro Poſitivo, ut inquit Priſcianus, Theſaurus Lingue Latine, & Calepinus locis allatis. Unde tunc non accipitur in propria ſignificatione, ſed aliena, & loquimur figuratè, & modo Rhetorico, ut dicit Quintilianus. Ergo, ſi comparativum accipitur in propria, & naturali ſignificatione, ſemper debet ſupponere poſitivum in utroque extremo, ut in ipſo utrumque extremum comparari poſſit, quod in ſententia Ariſtotelis negarique, ut ex dictis patet; Quin apud ipſos Rhetoricos hoc eſt omnino compertum, Unde Pater Pajot Jeſuita in ſuo Tyrocinio eloquentiæ definiens locum Rhetoricum à Comparatione ſit: Comparatio eſt oratio, quæ duæ, plureſque res in aliquo tertio, quæ ſit utriusque Commune, conſeruntur.

18. Patet ergo, quòd Comparativum, ut Comparativum ſupponit Poſitivum in utroque extremo. Cum ergo Philoſophi, & Theologi loquantur in proprietate ſermonis, & Figuras, & loquutiones improprias Rhetoricis, & Poeticis relinquunt, ſequitur, quòd Philoſophi, & Theologi, dum unam opinionem dicunt eſſe Probabiliorem altera, debeant fateri, hanc alteram eſſe Probabilem; Et ſic Divus Auguſtinus, ut ſe defenderet à Creſconio, debebat fateri, ſe in illo loco figuratè loquutum fuiſſe, & accepſiſſe Comparativum pro poſitivo. De reliquo non credo, quòd Divus Auguſtinus diceret: Probabilior eſt Fides Chriſtica Fide Paganorum, ſi intenderet propriè loqui, & comparativè. Et hoc tandem falſus eſt ipſe Sanctus Doctòr illis verbis: Quid ſi ego dixerim probabilius, comparativum ponens pro poſitivo, non quia vos probabiliter, ſed magis quia improbabilius? Ecce Auguſtinus quòd ponit Comparativum pro poſitivo; & propter hoc negat in propoſitione Cre-

ſconii reperiri Probabilitatem. Ergo, ſi quis accipiat comparativum, ut comparativum, & ſic accipiat terminos ſecundum propriam, & naturalem ſignificationem, debet ſupponere in utroque extremo poſitivum. Cum ergo Philoſophi, & Theologi loquantur in proprietate rei, ut dicebam, ſi dicunt unam propoſitionem eſſe alia Probabiliorem, debent ſupponere hanc aliam eſſe quoque Probabilem.

19. Ad Confirmationem ex Fagnano Reſpondeo, Nil miſum, ſi Canonice Antiqui nihil attigerint de præſenti controverſia; Cum enim hæc ſit decidendæ ex principiis primis Scientiæ moraliſ, & Theologicis, ſuperat ſphæram Canonistarum, ad quos ex Divo Thoma Quodlib. 9. artic. 13. ſpectat ſolum de iure poſitivo Eccleſiaſtico tractare; Hinc meritò celeberrimi illi Canonistarum Cophæi voluerunt, in meſſem alienam ſalcem mittere. Tum quia aliqui nobis favent, ut ex dictis patet; Tum quia Theologi ipſi Antiqui pauciſſima tradiderunt in hac materia, & pauci deinde meminerunt.

20. Quòd verò Canonice, dum unam opinionem ut Probabiliorem ſequuntur, ceſſantur reprobare aliam oppoſitam, dico eſſe hanc exiſtimationem ipſius Fagnani; Et ſi iſti Canonice credant, dum Canones dicunt unam opinionem eſſe Probabiliorem, ex hoc inferri, damnatam eſſe oppoſitam, & oppoſitam iure ut falſam reprobandam eſſe, falluntur, & hic eſt error manifeſtus, nam in C. Litteras de reſtit. ſpoliat. Pontifex ſequitur unam opinionem, adhuc tamen expreſſè Canon dicit: Nos autem ad præſens nullam de prædictis ſententiis reprobamus, nec cuiquam earum aliquod præiudicium ex noſtra reſponſione volumus generari. Ergo manifeſtè inferitur, quòd ſequella unius opinionis non inferi neceſſariò reprobationem alterius. Fagnanus dicit, quòd ideo in allato C. Litteras, non reprobatum oppoſita, dum unam amplectitur, quia hoc expreſſè declaratur. Ergo oppoſitum eſt dicendum, cum Canon expreſſè non declarat, ſe non damnare ſenten-



tiam contrariam; sed simpliciter eligi unam tanquam probabiliorem juxta terminos Clementina de summo. Trinitat.

Sed contra, Nam ex dicto capite, Litteras, evidenter patet, quod sequella unius opinionis formaliter, & ratione sui non infert damnationem oppositam. Ergo, ut sequella unius opinionis inferat præjudicium oppositam, requiritur aliquid aliud; Ergo, si Pontifex sequitur unam opinionem ut Probabiliorem, & nihil aliud facit, non damnat per hoc oppositam.

20. Confirmatur. Stat simul sequella unius opinionis ut probabilioris cum expressa declaratione Pontificis non intendit damnare oppositam. Ergo sequella unius Opinionis ut probabilioris necessarii non infert falsitatem in opposita; si autem inferret falsitatem, tunc Pontifex sibi contradiceret, & se haberet sicut ille, qui ignem applicaret domui Petri, & diceret, se nolle illam comburere. Ergo, si necessario non infert falsitatem in opposita, ut opposita falsa iudicetur, debet expressè hoc declarari.

21. Nec suffragatur Fagnano dicere, quod Glossa, & Doctores communiter consent, quod, quando Canon amplectitur unam opinionem ut Probabiliorem, existimetur oppositam esse rejectam; Non suffragatur, inquam, quia, si Fagnanus intelligit de communi opinione Theologorum, ad quos unice hæc materia attinet, verum non dicit, nam Ocham in 4. quæst. 3. litter. R. observat, quod, licet Ecclesia reputet illam opinionem Probabiliorem,.... tamen contrariam opinionem non damnat. Et Major in 4. distin. 4. quæst. 1. concl. 2. ait: *Sicut definitio Pontificis Maximi, ubi non constat de opposito, est inconcusse tenenda, ita sententia, quam Probabiliorem existimat, debet centeri Probabilior.* Cum quo tamen stat, quod licet cuiuspiam tali determinationi contraire. *Multa autem Ausburusates oppositum &c.* Certè Fagnanus nequit negare, quod hi Theologi ipsi opponantur. Immo Major est pro nobis, quia expressè asserit, quod itante adhuc opinione probabiliore Pontificis

Maximi possumus, oppositum sustinere. Opinio autem opposita probabiliore utique erit minus probabilis.

22. Nec Glossa, & Joannes Andreas à Fagnano allegati debent attendi, quia suum dictum nullo Canone probant; utque adeo gratis loquuntur; & sic gratis negantur. Glossa in Ver. *Eligendum* hæc habet: *Ergo illam sequi tenemur, de hoc eodem titulo c. unic. in 6. in sexta Glossa.* Hæc duo Verba habet, prætereaque nihil. Huic consequentiæ illata à Glossa ex eo, quod Canon dicit esse eligendam hanc opinionem tanquam Probabiliorem, dico, quod, nisi Glossa asserat textum præ hac consequentia, Adversarii dicent, Canonistas nihil probare, si sine lege loquantur. Igitur juxta Ocham, Major, & alios Antiquos non sufficit pro damnatione oppositam opinionis, & necessaria sequella unius, quod Ecclesia unam opinionem ut Probabiliorem amplectatur, sed aliud requiritur. Legi Glossam allegatam Ver. *Docuit* in c. un. de summo. Trinit. in 6. & ibi dicit, quod nos debemus sequi id, quod sequitur, & docet Ecclesia Romana, quod fateor. Quod ergo Ecclesia Romana facit, & docet, nos debemus sequi juxta c. *molite* 1. dist. At si faciat, & non præcipiat esse servandam hanc consuetudinem, tunc sumus liberi, ut notat Glossa in dicto c. *molite* Ver. *& docere.* Sic etiam fateor cum eadem Glossa Sexti, quod in his, quæ sunt de Fide Catholica, & ejus Articulis, necessario debemus tenere, quod tenet, & sequitur Ecclesia Romana; sed in aliis non habemus necessario sequi, & tenere, quod sequitur. Ita illa Glossa. Cum ergo, quod Ecclesia tradit ut probabilium, nondum declarat ut Fidei Articulum; juxta Doctrinam Glossæ non cogimur illud sequi. Hinc, quia Ecclesia Romana in d. tex. ex lib. 6. volebat dare Doctrinam tenendam ab omnibus, damnat expressè oppositum.

23. Quantum attinet ad Joannem Andream, qui Verbum, *Melius*, explicat pro *Bono*, & subdit, quod aliud sentire est malum; dico ipsum non posse asserere esse malum, quod Ecclesia expressè

dicit, *se nolle reprobare.*

25. Fagnanus num. 274. dicebat, quod Divi Thomas adductis hinc inde Argumentis semper ultimo loco docet, quid tenendum, & respondet objectis, idemque fere observant reliqui Graviore Theologi. Sed & Patres ubique docent, quid nos tenere oporteat, nec unquam in spectantibus ad mores memini, me legisse eos relinquere libertatem eligendi opinionem, quam maluerimus. Ita Fagnanus.

26. Attuli hunc textum Fagnani cap. 27. num. 4. Lege illud caput à num. 2. usque ad num. 13. & videbis Fagnanum opponi D. Hieronymo, & Augustino. Lege etiam caput 4. num. 12. & caput 33. à num. 3. Quod spectat ad Theologos, ex dictis toties adeo patet, ipsos opponi Fagnano, ut quisque de hoc posthac dubitare non poterit.

27. Dices iterum; Quamvis ceteræ qualitates possint esse in pluribus extremis; hoc tamen nequit dici de veritate; quia sic possent verificari duo contraria, vel etiam duo Contradictoria, quod est absurdum. Minor patet, quia Probabilitas posset esse in propositionibus oppositis.

Sed contra, quia hoc dictum nimis probat; nam repugnat tam in speculativis, quam practicis, quod duo contraria, vel duo contradictoria verificentur. Si ergo Probabilitas utriusque partis infert in moralibus veritatem duorum contrariorum, vel contradictoriorum, infert etiam in speculativis. Sed nemo potest negare Probabilitatem utriusque partis in speculativis; ergo nemo posset negare in speculativis verificari duo contradictoria, vel duo contraria. Igitur ex dictis patet, veritatem objectivam, seu speculativam, quæ sistit in conformitate propositionis cum re ipsa, ut est in se, non posse esse in oppositis, quia duo contradictoria nequeunt esse vera, vel duo contraria. Veritatem autem, quæ sistit in conformitate intellectus cum re, non quidem prout est in se, sed prout apprehenditur secundum motiva rationabilia, posse esse in oppositis pro-

positionibus. Unde opiniones oppositæ Sanctorum Patrum, & Scholasticorum Divi Thomæ, Scoti, &c habent hanc veritatem. De hoc satis ægi cap. 3. num. 49. 52. & 53. Vide etiam cap. 5. num. 44.

28. Probatur secundò conclusio. Opinio probabilior est eligibilis à prudentia pro moribus, quamvis sit minus tuta; ergo etiam & minus probabilis; Consequentia probatur, quia objecta, quæ specie non differunt nequeunt causare actum specie diversum; ergo si probabilior specificat actum bonum, etiam minus probabilis talem actum specificabit, quia magis, & minus non variat speciem; ergo prudentia debet judicare, utrumque esse bonum, & eligibile, sed unum melius, & eligibilius.

29. Confirmatur, quia Probabilitas non est recta regula ratione graduum, sed ex sua natura specifica; unde multiplicitas graduum auget virtutem specificam, non verò dat novam specie virtutem; Hinc calidum ut septem non habet virtutem specie diversam à calido ut quatuor, sed eandem prorsus, quamvis magis intensam. Ergo probabilitas nequit nisi augere virtutem sue speciei. Ergo probabilitas faciet quidem magis rectam Regulam, non verò simpliciter constituet regulam rectam, sed hanc habebit à sua natura. Sed minus probabile est probabile ex toties dictis; ergo minus probabile est bona regula morum. Tum quia si recta regula in probabilitate dependeret à gradibus, difficiliter quis posset esse securus de sua regula, quia difficiliter possumus noscere multipliciter graduum alicujus cognitionis.

30. Dices, Probabilitas debet aliquid operari; ergo in præsentia minus probabilis ipsa movebit intellectum; Tum quia fortius vincit minus forte; Sed probabilitas est fortior; ergo vincet minus forte, ut est minus probabile; Tum quia majus bonum est eligendum, non verò minus bonum; Sed probabilitas est melior; ergo est eligenda.

31. Respondetur ad Primum, ex dictis Probabilitatem actu non movere intel-

tellectum ante actum voluntatis; Unde quantum est ex se, allicit intellectum, & hoc efficacius, quam minor probabilitas. Cum hoc tamen fiat, quod voluntas potest imperare, ut intellectus assentiatur minus probabili; Sic vidimus, quodd Divus Thomas voluntariè sustinuit dictum Alberti quoad illam questionem, An requiratur tactus physicus ad Sacram Ordinationem, & illud dictum Alberti iudicat minus probabile.

32. Ad secundum, valet illud dictum in contrariis physicis, quæ ad invicem agunt, & reagent; fortius enim destruet minus forte; Non verò valet in objectis; cum siquidem unum objectum nequeat impedire, quin aliud proponatur intellectui; hinc nequit impedire, ne alliciat ipsum; & si objectum est obscurum, tunc requiritur Imperium voluntatis, ut actu intellectus feratur in idem objectum, & cum hoc imperium nequeat impediri ab objecto, sequitur, quod in objectis obscuris intellectus possit assentiri, & minus probabili, & probabiliori. Vide cap. 5. num. 35.

33. Ad tertium. Scio quidem, Vasquez par. 2. tom. 1. disp. 44. voluisse, nos teneri sub peccato mortali amplecti magis bonum, relicto minori bono, ceteris paribus, quem sequutus est Gonetus, ut supra retuli. Sed hanc scrupulosam sententiam ipsis relinquimus libentissimè cum Mastro, & communi sententia, ut etiam ibidem notavi, & dicimus physicè, & licitè nos posse sequi minus bonum relicto maiori bono; Unde homo potest non fieri Religiosus, & Matrimonium inire, &c. absque peccato aliquo. Et Argumenta contraria ad summum probant, non posse, nos sequi minus bonum, ut minus est, & ut importat negationem maioris boni; Sic enim habet rationem nisi, Nullam autem vim habent ad probandum, quod non possimus sequi minus bonum, ut simpliciter bonum est; sic enim est in linea objecti formalis voluntatis; ut supra etiam dixi, & sic ex hac paritate sequitur, quod possimus sequi opinionem minus probabilem, non quia minus est, sed quate-

nus ipsa quoque est probabilis. Hæc Doctrina de re minus bona est Henrici quodlib. 1. quæst. 16. vers. ultim.

34. Probatur tertio, quod argumentum attuli etiam pro æquali probabilitate num. 9. Possumus sequi in materia speculativa Sacra, & dependente à scriptura opinionem minus probabilem, vel, ut cum Antiquis loquar, in materia Fidei ante decisionem Ecclesiæ, & ante pertractationem scientificam possum sequi quæcumque opinionem ex pluribus; ergo etiam in materia morali. Consequentia probatur, quia per Augustinum 1. de Trinit. cap. 3. error periculosior est, qui accidit in materia de Sanctissima Trinitate, quàm in qualibet alia materia; ergo, si in materia de Sanctissima Trinitate licet opinionem minus probabilem sequi, licebit etiam in materia morali. Et per Textum Augustini infringitur Responsio Adversariorum conantium assignare disparitatem inter materiam speculativam, & moralem, quia, inquirunt, in morali incurritur periculum frangendi legem, quod non incurritur in speculativa. Infringitur, inquam, siquidem ad summum valet de materia speculativa philosophica, non verò Theologica, præcipue quando agitur de Sanctissima Trinitate, in qua materia Augustinus expressè, & explicitè dicit, errorem esse periculosiorem aliis, & hoc dicit omnino rationabiliter, quia Trinitas est objectum infinitum, & noscitur sola revelatione Divina; ergo error in hac materia est turpissimus, utpotè oppositus veritati infinitæ.

35. Quodsi dicant, in rebus speculativis, etiam Sacris, nos non obligari ad veritatem noscendam, nisi quando veritas est manifesta; In moralibus autem obligamur, etiam in dubiis; unde in dubiis tutior pars est eligenda.

36. Contra est, quia do exemplum: Divus Petrus epist. 2. cap. 1. dixit, Nos fieri Divinæ Naturæ Confortes per justificationem. Dicitur pariter Luc. cap. 1. quod superest, datus elemosynam. Quoad Primum speculativum quaritur, an illud Confortium Divinæ Naturæ sit physicum,

sicū, vel morale; Qu ad Secundum Practicum quæritur, an, quod superest, sit dandum in communibus necessitatibus in eleemosynam Utrumque dubium est in materia revelata. In Primo dubio possumus sequi utramq; e partem, licet unam eoz. oīceremus esse minūs probabilem, nec tenemur sequi veritatem, ita ut, si deinde hæc opinio degeretur falsa, adhuc hisce temporibus nulla injuria fit revelationi Divinæ, si illam sequamur, quia nunc est probabilis, & nulla culpa incurritur; Ergo etiam in Secundo dubio possumus sequi utramque partem, licet unam cognosceremus esse minūs probabilem; quod si deinde hæc opinio degeretur falsa, adhuc hisce temporibus nulla injuria fit revelationi Divinæ, si illam sequamur, quia nunc est probabilis, & nulla culpa incurritur. Consequentia sequitur, quia revelatio est eadem sive in materia speculativa, sive practica. Et hinc Fides est unus specie atomæ habitus. Ergo in materia revelata, sive speculativa, sive morali non tenemur scire veritatem, quando res est obscura, & dubia.

37. Illud Axioma: *In dubiis tutior pars est eligenda*, non probat, nos obligari ad sciendam veritatem in dubiis moralibus; Nam tutioritas stare potest simul tam cum veritate, quàm cum falsitate. Hinc dicebat Gabriel in 4. distia. 15. quæst. 13. art. 2. litter. K. licet securius sit, lucra alearum ludo acquisita restituere, vel pauperibus erogare, *non tamen securior est opinio tenens restitutionem, vel erogationem lucris esse necessariam ad salutem.* Ecce evidens distinctio inter tutioritatem, & veritatem opinionis, & unum stare sine aliō. Tutius enim est restituere illa lucra, non tamen propter hoc verius est, nos teneri ad talem restitutionem; Ergo tutioritas in tali casu potest stare cum falsitate, quod teneamur ad talem obligationem. Igitur in dubiis, sive sint speculativa, sive practica, non tenemur scire veritatem, immo impossibile est, quod sciamus tunc veritatem.

38. Probatur modò ratione Antecedens nostri Tertii Argumenti, quod sci-

licet in rebus Sacris speculativis sicut se- qui opinionem minūs probabilem. Nam opinio opposita probabiliori non est error, ut est evidens; Non est temeraria, quia contra probabiliorē dantur fundamenta gravia; unde Major dicebat, aliquem posse per rationes *Fortes* sustinere opinionem oppositam illi, quam Concilium ut probabiliorē sequebatur; Et supra probavimus, opinionem minūs probabilem habere fundamenta probabilia. Qui autem redarguit dicta Doctorum probabilis ratione fretus non debet tici temerarius juxta Geminianum in c. *negare* num. 2. & Præpositum num. 4. 9. distin. Tum quia Argumenta Probabiliora non convincunt, nec cogunt intellectum; sola enim certitudo tantam efficaciam habet, ut pluries supra demonstravimus. Tum quia possunt esse falsa; ergo contra probabiliorē possunt dari Argumenta gravia, quæ probent eus falsitatem. Item illa opinio non est improbabilis, vel non probabilis, quia malè, & pessimè argueret Scotista: Opinio Scoti est probabilior; ergo opinio opposita Divi Thomæ est improbabilis, vel non probabilis. Pariter illa opinio non est tenuiter, & leviter probabilis; Nec est de genere suspicionis, ut videtur dicere Altfiodor. in 2. tract. 30. cap. 3. quia, licet Divus Thomas sit majoris Authoritatis, quàm sit Scotus, non inde sequitur, Scotum esse tenuis, & levis Authoritatis, etiam comparatus cum Divo Thomæ; Unde uterque est Magnus, sed major Doctor Angelicus. Item Albedo Nivis est major Albedine Mulieris; tamen Albedo Mulieris non est tenuis, & levis, sed magna. Et universaliter intensum ut Octo est magis intensum, quàm ut sex, & tamen intensum ut sex non est leviter intensum. Restat ergo dicere, quod opinio minūs probabilis speculativa non habeat conditiones, quibus aliqua opinio nequit defendi; ac proinde erit defensibilis. Hinc vidimus supra, Divum Thomam expressè sustinuisse opinionem speculativam in materia de Sacra Ordinatione ut minūs probabilem, quod nec potuit negare Conc-

Gonetus, & hoc idem præstiterunt Divus Bonaventura, D. Augustinus, & plures ex Scholasticis Antiquis, ut supra retulimus cap. 33.

39. Pater Gonzalez disert. 14. cap. 4. num. 27. refert fundamenta Bartholomæi Medinæ, quorum primum erat: *Opinio probabilis in speculativa ea est, quam possumus sequi sine periculo erroris; ergo opinio probabilis in practica ea est, quam possumus sequi sine periculo peccandi.* Hoc Argumentum est idem cum hoc nostro.

40. Respondens eidem num. 29. ait, quod, sicut ad opinionem speculativam non requiritur, ut omnes Sapientes illam possint sequi, quia potest apparere falsa multis sapientibus, qui illam proinde nequeunt defendere, *ut pater in sententiis, in quibus Thomista, & Scotista opponuntur.* Ita in practicis ad opinionem probabilem non requiritur, ut omnes illam possint sequi sine periculo peccandi in omni eventu, *sed satis est ad opinionem probabilem, quod cum aliquando possimus sequi sine periculo peccari, nimirum quando nobis proponitur eo modo, quo proposita sunt suis Auditoribus, quibus apparuit verisimilior; Cuiusque autem sic apparet, is illi prudenter assentitur.*

41. Sed contra primò, quia (ut dixi cap. 37. num. . . . ipse Pater Gonzalez potest præcipere Lectori sibi subdito secundum propriam opinionem, & hic tenetur statim obedire; Nec hic Lector potest in illa brevi morula sibi persuadere, opinionem Patris Generalis esse probabiliorem, cum ipse Lector multis annis contrariæ adhæreret exquisito Studio; Unde divinare est, & gratis loqui, quod præceptum Superioris habeat vim adeo magnam, quod plus illuminet mentem, quam studium intentum v. g. Vingt annorum; Et si hoc est verum, Superiores levi negotio possent reddere doctissimos suos subditos, iubendo scilicet, ut operentur secundum illam opinionem, de qua est difficultas urgentior. Tum quia ille Lector factus, quod iussu illi fuerat à Patre Gonzalez, statim petit Scholam, & legit eadem Scripta, & do-

cet suos discipulos eandem opinionem, quam tenebat ante præceptum. Et si Pater Gonzalez hæc mihi negaret, & hoc esset necessarium pro defensione suæ opinionis; ego ex hoc solo capite, utpotè opinio innixa fundamento opposito experientie, illam ut evidenter falsam rejicerem. Nunquid replicabit, durante præcepto durare illuminationem pro illa opinione, & illo ablato evanescere illustrationem huiusmodi?

42. Contra tertio. Peto, An Pater Gonzalez velit dicere, quod Scotistæ nequeant defendere Sententias Divi Thomæ oppositas Scoto? Si sic est; ergo Scotistæ judicant indefensibiles opiniones Divi Thomæ. Ergo illas judicant improbables, vel saltem non probabiles. Ergo Confessarius Scotista non absolvet penitentes Thomistas, cum ipse Confessarius non possit prudenter judicare Thomistas vituros omnia mortalia, cum sciat illos esse imposteros operaturos juxta opiniones Thomisticas, quas non probabiles, vel improbables ipse Confessarius judicat. Quis autem hoc credere poterit? Quia Confessarius Scotista ausus est, monere penitentes Thomistas, ut operentur imposteros juxta Scoti opiniones? Si Scotista nequit defendere opiniones Divi Thomæ; unde illas judicat indefensibiles? ergo judicat suas opiniones Certas; quia solum opinioni oppositæ certæ veritati non possumus assentiri, ut tenet Henricus quodl. 10. quæst. 11. Opinioni autem, & probabilibus rationibus possumus dissentiri, ut ex eodem notavit Carthusianus in 3. distin. 24. quæst. 1. §. Præterea idem Doctor. Et Probabilitati, quantacunque sit, possumus negare assensum per Parisien. tract. de Fide, cap. 1. cui subscribit Nider in consolat. timor. conscient. par. 3. cap. 19. ut sæpius notavi.

43. Præterea cap. 5. probavimus, in rebus obscuris posse voluntatem flectere intellectum ad hanc potius opinionem, quam illam. Hæc dicebamus cum Divo Ignatio ex eodem Patre Gonzalez eadem disserterat num. 105. quod, licet intel-

intellectus non possent eadem libertate, ac voluntas, *tamen multo in rebus*, in quibus videlicet cognitæ veritatis evidentia vim illi non infert, *potest voluntatis pondere in hanc potius, quam in illam partem inclinari*. Ecce per Divum Ignatium sola evidentia veritatis vim infert intellectui.

44. Igitur dicimus, quod Opinio probabilis reduplicativè ut talis potest esse in oppositis; & sic intellectus opinans, ut opinans potest defendere utramque partem; Nam opinio potest aliter se habere; ergo probabilitas unius partis non tollit potentiam ab opposita; ergo opposita potest esse vera, & sic oppositam potest intellectus defendere; Quod si aliquando intellectus opinans nequit defendere oppositum, non proveniet ex vi ipsius opinionis, sed defectu intellectus non bene advertentis utriusque rationes, vel etiam proveniet ex temeritate, ratione cuius iudicabit rem certam, quæ in rei veritate est solum incerta, & probabilis. Igitur contra Patrem Gonzalez sequitur, quod opinio ex sua ratione formali debeat posse defendi ab omnibus Sapientibus, & solus ille Sapiens non defendet aliquam materiam, quæ aliàs erat opinabilis, qui inveniet rationem certam. Hinc Divus Augustinus relatus, cap. 5. num. 52. ut aliquis ex quatuor Opinionibus de Anima unam solum amplecteretur, exigebat, ut ille inveniret vel textum, vel rationem certam.

45. Probatur quartò. In rebus obscuris non tenemur aliqua lege scire veritatem; ergo, si aliqua opinio esset falsa, sustinens illam non peccat. Consequentia est evidens, quia peccatum est transgressio Legis; ergo ubi nulla est Lex, ibi nullum est peccatum. Probatur Antecedens: In rebus obscuris aliqua lege non tenemur habere opinionem, quæ sit conformis cum objecto prout est à parte rei; Nam, si hoc dicatur, sequitur, quod Sancti, & Scholastici Doctores Antiqui, qui sequuti sunt opiniones taliter non conformes, peccaverint; Et si materia erat gravis, peccaverint mortaliter. Peccavit ergo mortaliter Divus Hieronymus

relatus in c. *Unius* 26. dist. quæ tenet non esse Irregularem Viduum accipientem post baptismum aliam Uxorem. Peccaverunt mortaliter Divus Cyprianus, & Octuaginta tres Episcopi Ambrosiani Rebatizantes Baptizatos ab Hæreticis. Peccavit mortaliter vel Divus Thomas, vel Divus Bonaventura, vel Scotus, qui in multis gravibus sibi opponuntur; atque adeo aliquis illorum opinioniones difformes objecto à parte rei docuit. Igitur contra Vendrochium tenendum est pro certo, in rebus obscuris, si opinio sit in se falsa, nos excusari, & illam ignorantiam esse invincibilem, juxta illam Maximam Divi Thomæ, Illam Ignorantiam esse invincibilem, *cujus veritatem scire non possumus, vel non tenemur*.

46. Restat ergo difficultas, an teneat sequi in casu obscuro id, quod est mihi probabilis, ita ut, si sequar opinionem minus probabilem, & hæc opinio sit falsa, mihi imputetur ille error, & illa ignorantia sit vincibilis; Et prima facie videtur, esse errorem vincibilem, & ignorantiam culpabilem, cum dicatur in c. *Inspiciamus* de Regul. Jur. in 6. *Inspiciamus in obscuris*, quod est verisimilius, *vel quod plerumque fieri consuevit*. Ex alia parte dicitur ibidem c. *In obscuris*: In obscuris *minimum* est sequendum; Unde Glossa, ut notavi alibi, dicebat ex jure esse decusum, quod vovens flarium frumenti, & legans quendam nummum tenetur dare itarium minus, & nummum inferioris valoris. Et cum opinio probabilior adhuc relinquat rem obscuram; ergo etiam tunc minimum est sequendum.

47. Igitur dicendum, in rebus in jure obscuris nos non teneri ad sequendum id, quod probabilius videtur. Ratio est, quia probabilis, & minus probabile sunt ejusdem rationis, & differunt penes Magis, & minus; Unde omnia prædicta, quæ de uno dicuntur, debent de alio affirmari cum sola differentia *Magis, & Minus*. Si ergo opinio probabilior involvit ignorantiam invincibilem, involvet quoque opinio minus probabilis, & solum

solum erit cum differentia, quod opinio Probabilior dicit Ignorantiam Magis Invincibilem; & minus probabilis minus invincibilem; Dicere enim, quod probabilior habeat Ignorantiam Invincibilem, & opinio minus probabilis habeat Ignorantiam Vincibilem, est dare illis prædicta specie differentia, quod est absurdum; cum Probabilis, & minus Probabile specie non differant, sed tantum gradibus.

48. Quoad illam Regulam Canonica, & Legalem: *Inspicimus in obscuris, quod verisimilius est, vel quod plerumque fieri consuevit*, aliter valere in dubio facti, ut colligitur ex illis Verbis, *vel quod plerumque fieri consuevit*. Tum quia in Glossa afferuntur exempla illorum Canonum, ex quibus desumitur prædicta Regula, & omnia sunt exempla de factis. Tum quia, si perpendantur illa exempla, constabit illud Verbum, *Verisimilius*, non sumi Comparativè, ut nostra questio procedit, sed Positivè. In primo dicitur, quod mulier corrupta post longum tempus à contracto Matrimonio petit dissolutionem Matrimonii dicendo, quod Vir est impotens ad copulam; Vir autem asserit se potentem; Inspecto autem Corpore Viri apparet prima facie, quod sit potens; Quid præsumemus? Respondet Glossa: *Præsumemus, illum cognovisse uxorem, quia in obscuris præsumitur, quod est verisimilius*. Et ego corrigo Glossam, & dico, præsumemus illum cognovisse uxorem, quia in tali obscuritate *unicè verisimile est*, quod illam cognoverit. Quo enim fundamento potest dici oppositum? Si inspecto Corpore Viri apparet potentia Copulæ, qui poterit negari factum? Expressis verbis assero, quod, qui tali modo verisimilior cognoscit opiniones Scoti, hinc nequeat ullo modo defendere, & amplecti ut verisimiles, & probabiles opiniones oppositas Divi Thomæ. At quando hoc erit? Nos ergo loquimur de probabilioribus eo modo, quo Divus Thomas ut probabilius iudicabat requiri ad Sacram Ordinationem

nem tactum physicum; cum qua tamen Probabilitate sustinebat oppositum ut probabile, ipso fatente Probabiliorista Goneto, ut dixi num. 10.

49. Dices Primò: In rebus obscuris, & quando res nequit per Scientiam cognosci, nos teneri ad amplectendum id, quod tutius est. Christus enim ait, se esse veritatem, & solam veritatem salvare.

50. Ex hac nostra ratione quarta, & ex alibi dictis manifestè constat, hanc doctrinam non esse veram; ut dicebam enim, sequitur Doctores omnes, etiam Sanctos, qui falsas opiniones contra præceptum sequuti sunt, peccavisse mortaliter. Christus quidem est veritas, & ipse semper dicit veritatem, ut est de fide, sive loquitur moralis, sive speculativa, At ejus sermo obscurus licet potest glossari probabiliter per varias interpretationes, quia ita ejus obscuritas patitur, ut dicebat Augustinus ad me cap. 33. allatus. Hinc non sola veritas objectiva, & realis salvat quoad ea, quæ obscura sunt, & spectant ad merè præcepta, sed etiam veritas formalis, & sic Probabilitas; quia tam Thomistæ, quàm Scotistæ ibunt in Cœlum; & tamen vel illi, vel isti in multis falsitatem realem, & objectivam habent, cum in multis, etiam moralibus, in materia gravi opponantur.

51. Dices secundò. Qui sequitur Probabiliorum, & errat, excusatur quidem, quia fortiora motiva, ad iudicandum opinionem esse magis veram, quàm falsam, habet; At nequit excusari, qui sequitur opinionem minus probabilem, cum habeat motiva, quibus potest judicare, esse potius falsam, quàm veram.

52. Sed contra, quia simul habet motiva, quibus potest respondere hisce motivis fortioribus, & illa motiva non sunt levia, sed gravia, & quæ continentur intra eandem lineam ex dictis, hinc Richardus, & alii voluntarie amplectebantur opiniones minus probabiles.

53. Probatur quintò, seu potius referun-

feruntur conditiones, quæ requiruntur, ut opinionem minus probabilem licet in praxi sequamur; illas autem refero ex Joanne Nider in Consolat. timorat Conficient. par. 3. cap. 13. fin. qui ita scribit: Secundum Philotophum, falsum sapere est apparenter probabilius, quàm verum. Quid est ergo, quod aliqui, &c. Ex premisis duobus sequitur Capitulis, quòd inter contrarietatem opinionum eligens unam partem, tunc securus esse videtur in Conscientia. Primo si opinio, quam sequitur, non est evidenter contra Sacram Scripturam, vel determinationem Ecclesiæ. Secundò, si sciat per se, vel per alium, cui credit, probabiliter rationes contrarias solvere, quas videt, aut sciat eas alius prudentes contemnere, aut abjicere, ut latius docebitur infra cap. 18. Tertiò, si contentatur in certitudine Civili, vel Morali, ut infra tangeatur. Quartò, si mentem habeat, quòd determinationi Ecclesiæ in casu, quo declaratur per eam, velit acquiescere, & in materia, quæ est præjudicialis, tunc restituere, vel satisfacere. Quintò, sibi pro tali opinione format pro posse bonam Conscientiam. Hactenus Nider.

54. Pro majori intelligentia notandum quoad secundam, tertiam, & quintam conditionem; (Prima enim, & quarta per se patent, & ex dictis sunt manifestæ) notandum, inquam, ut quis possit sequi in praxi aliquam opinionem, non esse necesse, quòd sciat per se solvere rationes contrarias, sed sufficit, si sciat per alium, cui credit; hoc est, quòd sciat illas solvi ab alio, cui credit, Nam hoc Argumentum non est bonum, dicit idem Nider cap. 19. ex Mathæo de Cracovia in lib. de ration. divin. oper. Nescio solvere dubium, quòd circa banc Conclusionem occurrit; igitur debeo de ea dubitare; ratio est, quia magna dubia occurrunt circa conclusiones Geometricas, & infallibiliter demonstratas; item similiter circa Fidei conclusiones.

55. Notandum secundò cum eodem Nider cap. 18. ex Gerlone tractat. de contract. quòd probabilis certitudo sufficit

in moralibus, ut non exponat se quis periculo, sicut dicunt Doctores de celebrante Minam, & similibus, ubi requiritur Status Gratix, quòd sufficit ad hoc probabilis conjectura, quia certitudo alia sine revelatione non habetur; prout in morali. as dicit Arist. sumendum esse certitudinem grossè, & figuratè, quæ certitudo non remouet in una parte omnem probabilitatem, vel opinionem alterius partis, licet declinet magis ad istam, quàm ad aliam, quòd sufficit; Ita verbatim Nider ex Gerlone, quibus adhæret Divus Antoninus par. 1. tit. 3. cap. 10. fin. Eandem Doctrinam habet Nider in Præcept. 1. præcept. cap. 3. litt. F. Hic obviat, per Aristotelem juxta Nider, & Gerlonem utramque propositionem esse probabilis, & contineri in linea Probabilitatis, & opinionis; si enim certitudo moralis unius partis non remouet ab alia omnem probabilitatem, vel opinionem; ergo in alia adest aliqua probabilitas, vel opinio; ergo per hos Doctores Probabilitas stat in utraque parte; Si autem fiat in utraque parte, modò stabit equaliter, modò inaequaliter; ergo etiam opinio minus probabilis erit verè, & propriè probabilis. Quia verò in moralibus per eosdem Doctores sufficit certitudo probabilis, sequitur, quòd certitudo habita in opinione probabili, licet minus probabili, sufficit in moralibus.

56. Confirmatur: Certitudo Moralis, licet declinet magis ad istam, quam ad aliam partem, non tamen remouet in una parte omnem probabilitatem, vel opinionem alterius partis; Ergo opinio minus probabilis est verè, & propriè probabilis. Si enim nullam propriam Probabilitatis rationem haberet, jam certitudo, quæ magis declinaret ad hanc partem, tolleret omnem probabilitatem ab alia, quod est manifestè, & expresse contra textum Nider, & Gerlonis.

57. Notandum cum eodem Nider cap. 19. cum Parisiensi in tract. de Fid. cap. 1. & retuli cap. 33. num. 18. quòd Probabilitas, quantumcumque sit, non ingerit credulitatem, seu fidem ex necessitate bo-



hominibus intelligentibus, & exercitatis.) Hinc qui in re probabili certò assentiuntur, se demonstrat non esse intelligentem, & exercitatum.) Cum ipsi certi sint, non omne, quod videtur verum, esse verum. Unde *Voluntarium simpliciter est, & liberum de omni probabili, ut ei quis credat, vel non credat.* Ex his ego infero; ergo Probabilior, quantumcumque sit Probabile, mihi voluntarium, & liberum est credere; ergo potero minus Probabili liberè, & voluntariè credere; atque adeo pro tali opinione formabo bonam Conscientiam pro posse, ut dicebam ex eodem Nider.

## CAPIT XXXIX.

Ex eo, quòd opinio de opinione minus Probabilis, & minus tuta, sit Nova, probatur, esse sequendam.

I. EX Tribus Capitibus solent Adversarii exagitare Probabilitatem.

Primum ex eo, quòd sit Doctrina Nova, & quæ solùm incepit tempore Bartholomæi Medina, qui primus fuit, & Author gloriosus Probabilitatis, scilicet qui agitans questionem expressè, Probabilitati expressè, & formaliter adhesit.

Secundum, quia ex Probabilitate videntur sequi opiniones, quæ in rei veritate sunt absurde.

Tertium, quòd ex ipsa sequuntur in rei veritate opiniones, quas Probabiliorista iudicant ingentia absurda. Nos prius de Novitate; postea de aliis agemus.

2. Fagnanus ergo in c. ne innitaris de constit. num. 23 ait, quòd ex hoc solo resultat valde suspecta doctrina Probabilis itatis, quòd sit Nova, & à consuetudine Ecclesiæ exordians. Et num. 119. dicebat, Doctrinam hanc de libera Ele-

ctione opinionis probabilis esse Novam in Ecclesia; quocirca non possumus Doctrinam Recentiorum approbare. Hinc num. 43. fin. vocat Authores Probabilitatis Novatores Probabilitatum.

3. Gonetius tom. 3. differt. de Probabilitate frequenter vocat Probabilitatem Novorum Caluistarum dogma; & num. 58. contra Caramaelem cum Hieronymo epist. 65. exclamat: *Cur post quadringentos annos, dicamus nos mille sexcentos, inquit Gonetius, docere nos niteris, quod ante nescivimus? Cur profers in medium, quod Petrus, & Paulus credere noluerunt? Usque ad hunc diem sine ista Doctrina mundus Christianus fuit. Illam senex tenebo fidem, in qua puer natus sum.* Ecce quantum abhorret Probabilitatis Novitatem, dum illam comparat cum Novitate Hæreticorum contra Fidem Catholicam blaterantium.

4. Xantes Mariales in sua Bibliotheca Theologica tom. 1. contrav. prolegom. cap. 3. adeo acriter invehitur contra Doctrinam Novas, ut, cum nequeat negare, posse tradi opiniones Novas, & Antiquitati inauditas, asserit in fine illius capituli, non esse expediens Novitatibus attendere, quia talis attentio causat lapsum in hæresim, ut accidit Origini.

5. Hic obiter hunc Doctorem interrogo, an in sua illa Bibliotheca asserat pro Doctrina Sancti Thomæ solùm ea, quæ dicta sunt à celeberrimis suæ Scholæ Proceribus, vel dicat alia non prius allata ab illis? Si hoc secundum dicatur; ergo ipse de facto sequitur Novitatem, & in sua schola conatur illam introducere. Quare ergo illam vituperat in aliis? Si primum respondeat, credo, quòd poterat iure labori parere, nec prælium torquere; etenim Schola Thomistica opus non habet ut eandem Crambem sui Doctores recoquant. Indiget aliis, & aliis Authoribus, ut novis argumentis, & novis responsionibus novos hostes impugnet.

6. Pater Tyrinus Gonzalez differt. 13. cap. 2. §. 1. num. 9. fin. mutuatus verba

Fagnani dixit : Unde illa sua Novitate suspecta est, (Doctrina Probabilitatis) & ejus falsitas hinc valide ostenditur. Et num. 11. scripsit : quare ex eo, quod nulla mentio hujus doctrinæ de licito usu opinionis minis tuta in concursu tutoris, & operanti ipsi Probabilioris apud Patres reperiatur, nec à Sanctis Doctoribus Scholasticis, qui à Patribus suam Doctrinam acceperunt, neque à Theologo ullo ante præteritum sæculum scripserit, sit tradita, consentitur manifeste, illam esse Novam, & ignotam in Ecclesia ulque ad finem decemsexti sæculi. Hinc autem elicitur illam esse falsam, quia incredibile est, Deum per tot sæcula occultasse Antiquis Theologis Doctrinam Veram adeo proficuum ad facilitandam Cœli Viam, &c.

7. Novissimè Illustrissimus Clerus Gallicanus in libello, in quo damnat aliquas propositiones, in §. de usu opinionum probabilium invehitur in Probabilitatem, ut retuli cap. 33. num. 2. tanquam in rem novam, inauditam, & postremo saculo proditam.

8. Reducendo hæc ad formam Syllogisticam sic conficitur Argumentum : Sententia Nova in Theologicis est valde suspecta ; & sic rejicienda ; sed Doctrina Probabilitatis est Sententia Nova ; ergo est valde suspecta ; & sic rejicienda. Minorem Adversarii veluti certam supponunt, & dicunt nullum Doctorem ante Medinam expressè Probabilitatem sequutum fuisse ; Major verò probatur ex Fagnano num. 23. quia Apostolus ad Hebræos 13. dicebat : *Doctrinis variis, & peregrinis nolite abduci.* Ad hoc facit Textus ex Hieronymi 65. Epistola, supra allatus, sicut & c. *quis nescias* 11. dist. c. *quod dilectio in fin. de consangu.* & Affinit. c. *cum consuetudine de consuet.*

9. An Probabilitas sit in rei veritate res Nova, ut Adversarii tam confidenter exaggerant, an verò sit Antiqua, & ex principiis Antiquorum deducta, ut in toto hoc opere nitor ostendere, Lector prudens, nec partium favore victus, poterit judicare. Sed exercitii

gratia concedamus, esse rem Novam, & præcisè sæculis inauditam.

10. Nunc utendo eodem hoc Argumento ad hominem evidenter probò Conclusionem meam : Sententia Nova in Theologicis est valde suspecta, & sic rejicienda per Adversarios ; Sed Doctrina Doctoris Angelici importat Sententias Novas in Theologicis ; ergo Doctrina Doctoris Angelici est valde suspecta ; & sic rejicienda. Nunc sublimo : Sed hoc consequens est evidenter falsum, & contra ipsum tota Schola Thomistica clamat ; ergo etiam est falsa Doctrina antecedens Adversariorum, ex qua hoc absurdum evidenter sequitur. Tota ergo difficultas reducitur in probatione minoris Argumenti, quæ tamen sic evidenter probatur.

11. Divus Antoninus Canonista ; Theologus, Archiepiscopus, & Historicus 3. par. Hist. tit. 18. cap. 10. ante §. 1. scribit : Ipse, scilicet D. Thomas, de Thesaurò sui cordis effudit Nova, & vetera. Abcondita enim in lucem produxit Mystèria Novi, & veteris Testamenti, insuper, & vetera doctrinarum philosophicarum gentilia, Nova documenta Theologica Sanctorum Doctorum mirabiliter elucidavit.

12. In §. 2. ejusdem tit. sic habet : Idem Doctor fecit super quatuor Libros Sententiarum scripta quatuor . . . opus horum stylo disertum, intellectu profundum, intelligentia clarum, & novis articulis dilatatum . . . Scripsit & Librum, qui intitulatur Summa contra Gentiles . . . & autem hoc opus stylo disertum, & rationum novitate ; & subtilitate profundum. In quo opere, dum scriberet, frequenter inventus est, sic ab exterioribus sensibus abstractus, ut videre totaliter in divinis abortus . . . Scripsit super Job ad litteram, quod nullus Doctor prius attentaverat. Nam Gregorius Magnus in Moralibus expositionem fecerat Moralem potius, quam litteralem, pulcherrimam. Nicolaus de Lyra post eum exposuit ab ipso multa furatus, & aliter contra eum impingens sine ratione.

13. In tit. 23. cap. 7. §. 5. prosequitur Divus Antoninus : Tantam ei Deus gratiam in labiis ejus effudit in Doctrina, ut Scholares in stuporem adduceret, & ad studium inflammaret; Erat enim in legendo *Novos* Articulos adinventiens, *novumque* modum determinandi inveniens, & *Novas* producens in determinationibus rationes, ut nemo ipsum audiens dubitaret, quin ipsum Deus *Novi* luminis radiis illustrasset. Ibi itaque claruit splendor diutius in ejus animo occultatus, & mirati sunt universi de iis, quæ gloriore, & limpide proferebat. Expleto igitur cursu bacalaureatus in legendo Sententias Parisiis gloriore, advenit tempus, quo erat Magister in Theologia Nomen, & rem, Magistralemque Cathedram accepturus, ut ejus doctrina tamquam lucerna super candelabrum exaltata fulgeret . . . Doctrina siquidem Sancti Thomæ, quam penè totus Oriens, & Occidens amplectitur, & miratur, quasi lux splendens procedit, & crescit usque ad perfectum diem. Quos enim Studiosos non docuit, quos protervos non corripuit, quos devios non direxit? Sic enim divina docuit, humana decentissime, quantum fuit expediens ad salutem hominum, pertractavit.

14. In §. 10. tandem de *Novitatibus* gloriose Divi Thomæ sic concludit Antoninus: Cujus ingenii subtilitatem, & acumen intelligentiæ, ac rectitudinem judicii evidenter ostendunt multitudo librorum, quos edidit, & Sententiarum *Novitas*, quas invenit, sensusque Scripturarum absconditi, quos produxit in lucem.

15. Observa Lector, quot, & quantas *Novitates* invenit Sæctus Thomas pro sua Doctrina. *Novos* confecit Articulos, *Novum* excogitavit modum determinandi, *Novas* in determinandis questionibus invenit rationes, sita ut Deus ad *Novam* dogmata *Novi* luminis radiis ipsum illustraverit, ut ipse limpide tot *Novitates* proferret. Hoc reservatum erat Angelico Doctori, ut sua Sententiarum *Novitate* patefaceret in Ecclesia *Novos* Articulos, *Novas* Sententias, *Novas*

Veritates Sacræ Scripturæ, & *omnibus Antiquioribus Doctores occultatum.*

16. Ex his patet evidenter probata minor propositio nostri Argumenti, quæ erat: *Sed Doctrina Doctoris Angelici importat Sententias Novas.* Hinc liceat efformare duo Argumenta evidentiæ pro nostra opinione: Omnis qualitas Doctrinæ Sancti Thomæ est laudabilis; sed *Novitas* est qualitas Doctrinæ Divi Thomæ; ergo *Novitas* est laudabilis. Hoc idem Argumentum efferamus per negationem. Nulla qualitas Doctrinæ Divi Thomæ est vituperabilis, sed *Novitas* est qualitas doctrinæ Divi Thomæ; ergo *Novitas* non est vituperabilis. Quare ergo Probabilioristæ non laudant, sed vituperant *Novitatem Doctrinæ*? Majorem propositionem horum Argumentorum nequeunt negare sine ingenti injuria Doctoris Angelici, Minorem vero sine Contumelia Divi Antonini, quin, & contra evidentiæ; In rei enim veritate *Novitas* sola est apta, ut adducat discipulos in stuporem, ut adduxit Doctrina Angelica; Vetera autem non admiramur. Et quisque experitur, se ad stuporem rapi, quoties aliquid *Novam* videt, aut legit; Hinc illud triviale: *Omnia nova placent.*

17. Illa Verba Divi Antonini: *Ipsæ de Thesauris Cordis sui effudit novæ, & veteræ*, mihi suggerunt illa Christi Matth. 13. Omnis Scriba doctus in Regno Cælorum similis est homini Patrifamilias, qui profert de Thesauris suis *Novæ, & Veteræ*. Scimus ex Divo Hieronymo in cap. 23. Matth. per Scribas hic intelligi Sapientes in lege. Et per Divum Gregorium Homil. 12. in Evangelio per Regnum Cælorum sæpe intelligi præsentem Ecclesiam. Thesaurus autem Sapientis est ipsa Sapientia, & Scientia. Igitur Divus Thomas de sua Sapientia Veritates absconditas Novi, & Veteris Testamenti protulit in lucem, & patefecit; ergo ante Divum Thomam multæ Veritates Novi, & Veteris Testamenti erant incognitæ, & absconditæ.

18. Divus Augustinus in quaestionibus Evang. apud Tostatum Matth. cap. 13. quaest. 65. explicat haec verba Matthaei, & dicit: Nomine Thesauri Sacram Scripturam intelligi; Ille autem profert de Thesauris suo Nova, & Vetera, qui scripturas veteris Testamenti sub parabolis, & ænigmatibus contentas intelligere, & explicare novit. Ego tamen non video, inhærens vestigiis Divi Antonini, quod textus Matthaei non possit intelligi, quod omnis scriba doctus profert de Sacra Scriptura *Veritates Novas*, quas scilicet ipse invenit; & *Veteres*, quas nempe alii ante ipsum protulerunt. Sicut enim Thesaurus Materialis importat *Monetam novam*, & *veterem*, ut observat Tostatus quaest. 76. ita thesaurus Scientiæ debet importare *Veritates Novas*, & *Veteres*. Sed plures *Novas*, quia *Novas abundanti magis*, quam *vetera*, inquit Tostatus. Confirmatur, quia v.g. loquendo de Apocalypsi juxta Hieronymum lib. 1. contra Jovinianum continet infinita Mysteria; ergo semper remanent aliae, & aliae veritates explicandæ. Quod dixit Hieronymus de Apocalypsi, potest etiam dici de aliis Libris Sacris. Atque adeo nullum erit absurdum dicere, quod Moderni novas veritates inveniunt, & quod idem præstiterit Divus Thomas, & postea alii Doctores usque ad ultimum sæculum. Addo, sponso cœlesti fructus placere. Nunc fructus Doctorum sunt Libri, quos in lucem proferunt. Qui autem fructus placent? Veteres? Veteres equidem, sed simul cum *Novis*. Hinc Sponsa Cantic. 7. probè nolsens genium, & ingenium Sponsi dicebat: Omnia Poma *Novas*, & *Vetera*, dilecte mi, servavi tibi.

19. Præterea ex Præfatione Divi Hieronymi posita ante Libros Salomonis habetur, quod Ecclesia quidem legit Libros *Judub*, *Tobia*, *Macchabeorum*, *Sapientia*, & *Ecclesiastici*, non tamen computat inter Canonicos. Hinc nullum erat absurdum, si Antiqui Doctores aliquod contrarium illis Libris tenuerint; sicut secundum Antiquos nul-

lum erat Absurdum variè opinari in materia Trinitatis ante determinationem Ecclesiæ, & ante percontationem, per quam sciremus, & videremus veritatem. Nos autem post Concilium Tridentinum, eò quod sess. 4. decret. de Canonicis Script. illos Libros ut Canonicos recepit, debemus usque ad sanguinis effusionem defendere, quicquid in illis dicitur usque ad unum Jota; & illis Antiquis opinionibus rejectis *Novas* invenire.

20. Nullum est ergo absurdum, novas opiniones invenire in Theologiam; quin maxime laudabile fuit in Divo Thoma; Nec objectio Mariales de Origene in hæreses per opiniones novas lapsio aliquid valet, quia exemplum Divi Thomæ manifestissimum opponimus, sicut & Scoti, & aliorum Antiquorum Procerum. Numquid hi solum antiqua scripserunt? Hinc nescio, qua ratione Laurentius Brancati de Lauræ in Præfat. ad Epitomen Canonum scripserit: *Novas enim vitando doctrinas hæreses vitabis*. Tu huic propositioni adde illam de Divo Thoma ex Beato Antonino, & videbis consequentiam pessimam; & sic colliges, hunc Doctorem non bene hic scripsisse.

21. Sed ut altius Adversariis occurramus, & veritatem manifestè patefaciamus, suppono in qualibet facultate, si Mathematicas excipias, duo genera principiorum inveniri. Primum est evidens, seu certum; Secundum Invidens, seu incertum, & Probabile. Ex Primo Argumenta demonstrativa conficimus, ex secundo topica, & opinativa. Hoc accedit etiam in facultate Theologica; Hinc Divus Thomas 1. par. quaest. 1. articulo 2. ad 2. scripsit; Sacra Doctrina utitur Authoritatibus (*Philosophorum, Poetarum &c.*) quasi extraneis argumentis, & *Probabilibus*. Authoritatibus autem Canonicæ Scripturæ utitur propriè ex necessitate argumentando. Authoritatibus autem aliorum Doctorum Ecclesiæ, quasi arguendo ex propriis, sed *Probabiliter*. Ecce in Theologia Argumenta necessaria; & sic cer-

ta; & Argumenta Probabilia; & sic opinativa, & incerta. Quia autem necessarium impossibile est, quod aliter se habere possit; ergo Conclusiones Theologicae deductae ex principiis necessariis non possunt aliter se habere; atque adeo oppositum ipsis erit certò falsum. Cum autem è contra Probabile possit aliter se habere, ut sapius ex Aristot. & Theologis Antiquis demonstravimus, sequitur manifestè, quòd Conclusio Theologica deducta ex principiis probabilibus possit aliter se habere; atque adeo opposita possit esse vera.

22. Ex his duobus Principiis evidenter sequitur, quòd Opinio Nova, quantum est ex propriis terminis, non sit falsa; atque ideo non sit damnabilis. Sequella probatur, quia Conclusio formaliter non importat aliquod oppositum cum necessario; quia Opinio Nova potest esse necessaria. Hinc hæc propositio: *Sanguis in Animalis circulo perpetuo, est opinio nova in Medicina contra Medicos Antiquos*, & tamen est necessaria, quia cessante motu Sanguinis moritur Animal. Si ergo Novitas fiat cum necessario, non est ipsi opposita; proinde potest esse vera; solum enim, quod opponitur necessario, est ita falsum, ut nequeat esse verum. Si ergo opinio Nova potest esse vera; quantum est ex propriis terminis. Erigo opinio damnabilis ob alias rationes. Ergo à primo ad ultimum inferitur, quòd Opinio Nova possit esse Probabile. Atque adeo, si sit in materia Sacra, illa opinio Probabilis Nova erit ex propriis Theologiae, sed Probabiliter.

23. Quænam ergo Opinio Nova in Theologia erit damnabilis? illa sola, quæ opponitur principiis necessariis Theologiae. Quod demonstratur: solum falsum est damnabile, sed solum, quod opponitur necessario, est falsum; ergo solum, quod opponitur necessario, est damnabile. Major est evidens, nam verum est appetibile. Minor verò probatur, quia, quod opponitur Probabili, potest esse Probabile; atque adeo

Verum; quia Probabile non implicat esse verum; nam si implicaret esse verum, necessario esset falsum, & sic quod opponitur Probabili opponeretur necessario.

24. Confirmatur ex principiis Antiquorum: Hi tractantes quæstiones, an liceat variè opinari in materia de Notionibus Divinis, & an Discipuli sequentes diversas opiniones Magistrorum excusentur à peccato erroris. Omnes primum resolvunt, quòd liceat variè opinari ante decisionem Ecclesiae, & ante percontationem scientificam. Secundam autem cum Divo Thoma quodl. 3. art. 10. solvunt dicendo, non excusari ab erroris vitio, si quis sequitur opinionem contra manifestum Scripturæ testimonium; sive contra id, quod publicè tenetur secundum Ecclesiae Autoritatem.

25. Ex solutione primæ quæstionis sequitur evidenter, quòd opinio Nova sit licita; quandiu est ante decisionem Ecclesiae, & ante pertractationem scientificam; ergo opinio Nova est licita; quandiu est ante principia necessaria; Quando enim non dantur principia necessaria, non datur Conclusio; & pertractatio scientifica.

26. Quoad solutionem secundæ quæstionis decisio quidem formaliter est negativa; & in hoc verum dicit Vendrochius; tamen, uti alibi dixi si nolumus facere Mancum Doctorem Angelicum, & alios Antiquos huiusmodi quæstionem ventilantes, debemus dicere, quòd virtualiter sit affirmativa. Nam, ut hi Doctores satisfaciant quæstioni propositæ, debent assignare Conditiones, & principia saltem abstrusiora, & cognitu difficiliora, quæ requiruntur, ut opinio non sit error. Ergo assignando, quòd talis opinio non debeat esse contra manifestam Scripturam, & contra id, quod publicè tenetur ab Ecclesia, debemus credere, quòd assignaverint principia sufficientia ad quæstionis dissolutionem; & ex ipsis desumitur hoc principium, ut ille excusetur ab erroris vitio, qui tenet opinionem, quæ non est contra principium

pium certum. Et jure merito delinquitur hoc principium, nam frustra non posuerunt illa verba *Manifestum*, & *Publicè*; Unde, si hi Doctores credidissent, non posse excusari ab erroris vitio, qui tenet opinionem quomodocunque contrariam, vel Scripturæ, vel Ecclesiæ, non posuissent illa verba, *Manifestum*, & *Publicè*, sed dixissent absolute: qui tenet opinionem contra Scripturam, vel contra Ecclesiam non potest ab erroris vitio excusari. Apposuerunt autem illam limitationem de necessitate, ut excusarent ab erroris vitio omnes Doctores, qui in rebus dependentibus à Sacra Scriptura, & Ecclesia variè opinantur. Hinc Divus Antoninus par. 3. tit. 5. §. 9. cap. 2. dicit: Aliqua sunt, quæ aliquandò fuerunt in varia opinione Doctorum, antequam per Ecclesiam fieret determinatio; & pro illo tempore poterunt excusari, qui unam, vel contrariam tenebant. Igitur evidenter patet, quòd opinio Nova erit inexcusabilis solum, quando est contra decisionem Ecclesiæ, vel contra Manifestum Scripturæ testimonium; & sic contra alia principia similia; de similibus enim idem debet esse iudicium. c. Cum secundum de præben. & aliis iuribus. Hæc autem alia principia similia sunt principia certa.

27. Dices: Si quis non habeat rationes pro aliqua re, & de illa opinionem eliceret, hic procul dubio esset damnabilis, quia sine ratione procederet; & tamen non haberet opinionem contra principia certa. Item potest dari Casus, quòd una opinio habeat rationem Probabilem, & ejus opposita nullam rationem habeat. Si quis autem hanc oppositam teneret, hic malè opinaretur; & tamen non haberet opinionem contra principia certa; ergo potest dari opinio damnabilis, quæ tamen solum sit contra principium opinativum.

28. Dicebam alibi cum Geminiano in c. negare 9. dist. num. 2. & Præpos. ibidem num. 4. quòd non debet adscribi ad temeritatem, si quis probabili ratione contradicat opinioni alterius; Hinc è

contrario sensu esset temerarium, si quis contraret opinioni alterius, si sine probabili saltem ratione contraret; & ratio est, quia ita se habet opinio in materia topica, sicut scientia in materia necessaria. Sicut ergo Scientia est Conclusio deducta à principiis necessariis, ita opinio est Conclusio deducta à principiis Probabilibus. Igitur propositio, quæ à nulla ratione procedit, non est opinio, sed temeritas sicut Conclusio deducta à principiis non necessariis non est Scientia, sed oppositum Scientiæ vide cap. 3. num. 34.

29. Igitur Propositio, quæ à nulla ratione procedit, nec est principium, est damnabilis, non quia sit nova; si enim esset antiqua, adhuc esset damnabilis; sed quia à nulla ratione procedit, nec ipsa est principium, seu ratio prima movens intellectum. Si autem illa propositio sit Conclusio deducta à ratione, seu à principiis, tunc illa Conclusio est solum damnabilis, si opponatur principiis necessariis, & certis. Hinc Divus August. alibi relatus li. 2. de Bapt. contra Donat. c. 8. scripsit: sed quia non extiterant, nisi qui ei consuetudinem opponerent; defensiones autem ipsius Consuetudinis non tales afferrent, quibus illa talis Anima (Divi Cypriani scilicet) moveretur, noluit Vir gravissimus (Divus Cyprianus) rationes suas, & si non veras, quod eum latebat, sed tamen non viles, veraci quidem, sed tamen nondum asserta Consuetudini cedere. Ecce quòd Divus Cyprianus volebat à sua opinione discedere, quia consuetudo, quæ opponebatur ipsi, nondum erat asserta. Quid significat quæso illud verbum, *Asserta*? Vidimus alibi Assertionem apud Antiquos fuisse pro cognitione certa; unde, & dicebant, quòd de Divinis Notionibus licebat variè opinari, non tamen *asserere*. Ergo quia Divo Cypriano non constabat certò consuetudinem Ecclesiæ opponi suæ opinioni, ideo volebat hanc relinquere. Et nota, quòd obiecebantur quidem Consuetudinis defensiones, tamen non is defensionibus (utique probabilibus) quin,

*et* veris, quamvis hoc Cyprianum lateret, Vir ille Magnus non movebatur, & quare non movebatur? quia consuetudo nondum erat asserta.

30. Sequamur ergo hanc regulam fundatam in exemplo Cypriani, nec reprobata ab Augustino. Si habemus aliquam opinionem in Jure Divino, quæ habeat magna fundamenta; Si objiciantur tamen multa, quæ quidem non sint asserta, hoc est, non sint certa, potes nolle discedere à tua opinione. Et licet postea tua opinio sit Hæresis declarata, non per hoc malè fecisti, operando juxta illam tuam opinionem; loquendo tamen semper ante talem damnationem; & hoc patet exemplo Cypriani manifeste. Requiritur tamen, ut sequamur Caute- lam ejusdem Sancti Doctoris, qui apud Augustinum lib. 5. cap. 3. ubi supra dicebat: Non tamen quia aliquando erratum est, ideo semper errandum est, cum magis Sapientibus, & Deum timentibus congruat, patefacta, & perspecta veritate libenter, atque incunctanter obsequi, quam pertinaciter, atque obstinatè contra Fratres, & Consecratos pro Hæreticis reluctari. Ita ergo debemus adhærere nostræ opinioni, ut quando patefacta, & perspecta Veritas fuerit, relinquamus talem opinionem, ne, si aliter faciamus, contra Fratres pro Hæreticis reluctemur.

31. Hic duo notata digna contra Adversarios memoriæ mandabis. Primum, nos posse voluntariè permanere in nostra opinione, usque tamen tunc permanebimus voluntariè, quando certa veritas non habebitur; Hinc Divus Cyprianus noluit, & sic voluntariè permansit, & noluit à sua opinione discedere, quia veritas nondum erat asserta. Vide cap. 4. & 5. Secundum, quando res est obscura, dari in materia juris divini ignorantiam invincibilem, ut exemplum Cypriani, & suorum Coepiscoporum, li- quidò demonstrat.

32. Igitur ego per omnia sequens exemplum Magni Cypriani meam opinionem defendo, quæ quamvis non habeat Authoritatem Concilii Provincia-

lis, ut illa Cypriani, nil tamen obest, quia habet Authoritatem, & Episcoporum plurium doctissimorum, & plurimorum Theologorum, & quidem præstantiorum sui temporis; & Authoritas Concilii Provincialis non est necessaria, sed tantum Probabilis. Quia verò Cyprianus erat in ea dispositione, ut demonstrat Divus Augustinus, ut sequeretur oppositum, si hoc à plenario Concilio, & sic cui præset Summus Pontifex, & ipsum approbaret, decideretur. Sic ego iterum, iterumque repeto, & repetam, sum paratissimus oppositum meæ opinioni firmissimè ad hæturus, si Pontifex nedom in Concilio plenario, sed etiam extra, & solus per Bullam hoc deciderit; Per me enim certissimè est infallibilis, etiam extra Concilium. Sicut ergo Cyprianus fuit talis, licet postea ejus opinio ut hæretica explosa fuerit; sic etiam talis ero, quamvis contrarium, quod non credo, decilum fuerit. Et cum de facto à Sede Apostolica hæc nova opinio non sit explosa, sequitur evidenter, quòd hæc opinio, quamvis Nova, non sit vituperabilis, sed laudabilis.

33. Nec textus à Fagnano allati aliquid roboris habent, intelliguntur enim de illis novis opinionibus, quæ militant contra manifestum Scripturæ testimonium, vel contra id, quod publicè tenetur ab Ecclesia, ut Textus Hieronymi expresse loquitur, & in hoc sensu accipitur à Tridentino Sessione XIV. cap. 3. fin. hic terminus, Novitates; Hæreticis nostri temporis attributus, non verò intelliguntur illi textus de illis novis opinionibus, quæ non apparent esse manifeste contra Scripturam, & Ecclesie decisionem, ut in simili loquar cum Divo Antonino par. 1. tit. 3. cap. 10. §. 10. Veri. Revertendo ad quartam. Et quidem legenti Canones allatos ex Decreto, & Decretalibus hæc mea distinctio clarissimè patebit; Unde suspicor, Fagnanum illos non legisse, sed ab aliis allegatos bona fide recepisse. In illis Canonibus deciditur, quod non debemus sequi Novitates, quæ sunt contra

tra Consuetudinem, quia sic Populi facienda nascerentur.

34. Hinc Pontifex in allegato c. cum dilectio de Consanguin. interpretatus est, Indulgentiam ineundi Matrimonium in Sexto Gradu intelligendam esse, ut uterque distet in sexto, non verò unus in sexto, alter verò in Tertio; & assignans rationem huius decisionis dicit: Unde in hac parte Consultius duximus multitudini, & observatæ consuetudini deferendum, quam aliud in dissentionem, & scandalum Populi statendum, quod adhibita novitate. Ecce manifesta consuetudo; Ecce Novitas contra manifestam consuetudinem, & hæc Novitas erat talis, & tanta, ut dissentionem, & scandalum Populi induxisset. Quando ergo Fagnanus probaverit, Novitatem nostræ opinionis esse talem, ac tantam, tunc palmam feret, ac Victoriæ.

35. Hic subdo, quodd, si in d. c. Pontifici non placuit illa Novitas; unde voluit potius favere antiquæ severitati; posita in c. vir, qui eod. huiusmodi novitatem approbavit. Hinc, si in primo loco voluit, ut matrimonium esset validum, quodd uterque contrahentium æquali gradu distaret à stipite; in secundo deinde loco decrevit, hoc non esse necessarium: Vir qui, inquit Pontifex, a stipite quarto gradu, & mulier, quæ ex alio latere distat quinto, secundum regulam approbatam, quæ dicitur, quinto gradu remotiori distet à stipite, & à quolibet per aliam lineam descendentium ex eodem, licet possunt matrimonialiter copulari.  
( : : )

## CAPUT XL.

*Probatur Opinione Novam contra Communem Antiquorum non esse ex hoc improbandam. Examinantur opiniones Antiquæ de Conceptione Beata Virginis, de Absolutione à Reservatis, de Sigillo Confessionis; & obiter de Iteratione Confessionis ex oblivione Penitentia, & recitatione Matutini ante Missam.*

1. Dixi in cap. antecedenti, Conclusionem deductam à principiis, quæ alicui videntur saltem probabilia, non posse redargui de Novitate, nisi Argumenta afferantur certa in oppositum. Nunc ergo videndum est, an contra opinionem Novam nostram huiusmodi probationes afferantur.

2. Notatur ergo de Novitate, quia supponitur esse contra communem Antiquorum opinionem. Dixi, supponitur, sed in re veritate non est, si pro opinione Comuni intelligatur illa, quæ debet à Doctoribus ex professo tractari, perpendendo rationes pro utraque parte militantes, quod usque ad Conradum Summenhart, qui vivebat anno 1500. iuxta Bellarminum, non est factum de præsentis difficultate, ut demonstravi cap. 18. ubi retuli Doctores Antiquos militantes pro opinione probabiliori, & hæc occasione attuli, quæ, & quanta dicunt in hac questione. Ibidem etiam demonstravi multas exceptiones, quas patitur illa opinio Antiquorum. Lege etiam cap. 3. num. 88. & seqq. & certò cognosces, illam omnino non esse opinionem communem.

3. Sed disputationis gratia supponamus Communem opinionem Antiquorum fuisse, ut teneamur sequi opinionem probabilioram, si quoque est magis certa. In-



Inquiri ergo, an Communis opinio Antiquorum faciat certam Fidem; an verò solum probabilem; ac proinde esse examinandam, & in dubium revocandam; Et quaestio est in materia Sacra, nam in materia profana est omnino-certum, esse revocandam ad regulam veritatis. Hinc, etiam si Doctores Communiter teste Durando in 4. dist. 44. quaest. 9. num. 7. & 8. tenerent, partem Mundi nobis oppositam esse aquis circumfusa, undique; cui tamen iustissime maximus ille Navarchus, & longè laudabilior omnibus Antiquis Naucleris, iudicavit huiusmodi Antiquam, & Communem opinionem esse falsam; Unde ausus est, Oceanum navibus lustrare, & Antipodas incredulis demonstrare, & novum Mundum veteri adungere. Tum quia in hisce materiis dicebat Divus Thomas quodlib. 3. art. 10. valere illud Apostoli, *Quilibet abundet in proprio sensu*. Et Augustinus in Enchiridion relatus in c. *in quibus* 22. quaest. 2. scripsit: In quibus rebus nihil interest ad Capescendum Regnum Dei, utrum credatur, an non; & utrum verè putentur, aut falsa, in his errare, & aliud pro alio putare non est arbitrandum esse peccatum; aut si est, minimum esse, atque levissimum.

4. Igitur difficultas reducit in Materia Sacra, quæque propria est Theologi, & à principiis Theologicis pendet. Respondeo ergo Sententiam Communem Theologorum non facere rem certam; ac proinde, quæ Communiter dicuntur à Theologis, esse examinanda, & debito fundamento posse impugnari. Hinc dato, quòd opinio de sequenda Probabiliore esset Communis, debet examinari, & debito fundamento possumus oppositum sequi, ut de factò Moderni communiter faciunt. Veritatem hanc puto clarè deduci ex Doctrina Augustini, qui lib. 2. ad Vincentium Victorem, & refertur c. *negare* 9. dist. dicebat: Negare non possum, nec debeo, sicut in *ipsis Majoribus*, ita multa esse in tam multis opusculis meis, quæ possunt iusto iudicio, nulla temeritate culpari. Glossa in casu scribit: Non est mirum,

dicat Augustinus, si sua opuscula culpanda sunt, cum *Majorum opuscula reprehendantur*.

5. Sed clariùs Augustinus se explicat epist. 19. cap. 1. & refertur c. *ego solus*. ead. ego solus eis Scriptorum, qui jam Canonici appellatur, didici, hunc timorem, honoremque referre, ut nullum eorum scribendo errasse audeam credere. . . . Alios autem ita lego, ut quantalibet Sanctitatem, quantave doctrinam polleant, non ideo verum putem, quia *ipsi ita senserunt*, sed quia per alios Auctores, vel Canonicas, vel probabiles rationes, quòd à vero non abhorreat, persuadere potuerunt. Et idem Augustinus relatus in c. *neque quorumlibet* ead. fatetur in quolibet Catholico Scriptore, salva honorificentia, se velle respicere, si aliquid à veritate devium viderit.

6. Ex his clarè elucet, Doctores Antiquos, & nostros Antecessores non habere privilegium dicendi certam veritatem; atque adeo poterimus; salva ipsorum honorificentia, ad rationis trutinam, quæ dixerunt, revocare. Adverto tamen cum Glossa in c. *noli* ead. nos debere tenere, quæ Sancti Patres in suis scriptis docuerint, cum post Augustinum sint ab Ecclesia approbata in c. *sancta* 15. dist. & omnino est tenendum, si sint unanimis in explicatione textus Scripturæ, ut patet ex Tridentino sess. 4. in Decreto de edit. & usu Sacror. Libror.

7. Probatur iterum nostra Conclusio exemplo trium opinionum Communium tempore Antiquo. Prima erit de Conceptione Beatæ Virginis. Secunda de Absolutione poenitentis habentis reservata. Tertia de Sigillo Confessionis.

8. Quo d PRIMAM, Communis erat opinio tempore Scoti, quòd Beata Virgo fuerit Concepta in peccato Originali, & erat ita Communis, ut Marginalia Scoti in 3. dist. 2. quaest. 1. post allegationem Divi Thomæ in pluribus locis, & Divi Bonaventura, admoneat Lectorem, ut alios Antiquos videat; Signum Clarum; quòd crediderit antecessores Scoti fuisse in hac opinione.

Et quidem Divus Antoninus 1. par. tit. 8. cap. 2. allegat pro ipsa omnes Doctores Scotum antecedentes; & pro opposita Antiquior, qui allegatur ab eodem, est Scotus ipse. Scio, à nostris Modernis totis viribus tentari, ut opinio opposita Pia habuerit Scholasticos Antiquos; sed nescio, an veraciter hoc exequantur. Scio etiam, Divum Thomam 3. par. quaest. 27. art. 2. ad 3. narrare aliquos Ecclesias celebrare Festum Conceptionis Beatæ Virginis; sed etiam scio, Doctorem Angelicum dicere, talem celebrationem non esse de Sanctitate Conceptionis, sed de Sanctificatione ejusdem Virginis.

9. Hoc est certum, & evidens, quod Scotus fatetur, *Communem opinionem* sustinere, quod Beata Virgo contraxerit peccatum Originale. Et hæc Communis opinio invaluerat à tempore Divi Bernardi, quando capta est talis controversia usque ad Scotum, quod tempus complectitur quasi duo integra sæcula. Et hæc Communis opinio tenebatur à Scholasticis, Divo Thoma, Divo Bonaventura, Alensi, Richardo, Durando, Henrico, Ægidio; Joanne Neap: & aliis, non merè quatuor lineis suam opinionem dicentibus, ut faciunt Doctores Antiqui in materia de Probabilioritate sequenda, sed tractantibus quæstionem ex professo, ponderando Argumenta pro utraque parte, & solventibus rationes in oppositum. Unde absolute loquendo non potest inveniri opinio Communis Antiquorum, quæ in genere Authoritatis Antiquorum aliquid majus desiderari potuisset.

10. His tamen minimè obstantibus Scotus §. tertium est manifestum, sic concludit: Quod autem horum trium, quæ ostensa sunt, esse possibilia, factum sit, Deus novit; *Si Authoritati Ecclesie, vel Authoritati Scriptura non repugnet*, videtur probabile, quod excellentius est, attribuire Maria, hoc est, ut dicit dist. 18. §. aliter dicitur ponendo: quod actualiter Beata Virgo non fuit inimica Deo ratione peccati actualis, nec ratione Originalis, fuisse tamen, nisi fuisse pra-

servata. Sic Scotus.

11. Ecce evidenter in materia gravissima spectante ad Virtutem Religionis, in qua dicere mendacium est maximum mendacium, & longè fugiendum juxta Augustinum in c. primum. 22. quaest. 2. Scotus deserit opinionem adeo Communi, & solemni, & illam deserit non motus à principiis necessariis, sed probabilibus; unde oppositum probabiliter sequitur. *Videtur Probabile*. Hæc duo verba, *Videtur*, & *Probabile*, simul juncta evidentiissimè significant, Doctorem esse valde formidantem; unde evidenter Scotus sequitur hanc opinionem solum ut merè probabilem. *Videtur Probabile*.

12. Nota etiam sub quibus Conditionibus amplectatur suam opinionem; *Si Authoritati Ecclesie, vel Authoritati Scriptura non repugnet*. Et hic modus amplectendi opiniones erat Communis præcis temporibus; Unde Divus Thomas, & ex eo Summistæ dicebant discipulum excusari ab errore, si opinio Magistri non esset contra Manifestum textum Scripturae, & vel contra id, quod publice tenet Ecclesia. Et communiter Scholastici Antiqui variè opinabantur de Notionibus Divinis ante percontationem scientificam, & ante decisionem Ecclesie.

13. Nos ergo ad normam Scoti sic ad propositum decidamus. *Dicitur Communiter*, quod teneamur sequi opinionem probabiliorē, & tutiorem propter Authoritates, & propter rationes adductas; tamen *si Authoritati Ecclesie, vel Authoritati Scriptura non repugnet*, videtur Probabile, quod magis favet libertati, esse sequendum; & hoc à fortiori, quia Doctores Antiqui sequentes opinionem rigidam, nec sunt tanti nominis, ut sunt illi, qui opinionem Communem de peccato Originali Beatæ Virginis amplectuntur, nec illam tractant ex professo, ut faciunt isti de Conceptione.

14. Sed volumus concedere Adversariis, quod aliquis Sanctus Pater sit pro ipsis contra nos? Etiam si volumus hoc  
con;

concedere, quod non est verum, adhuc sequendo normam Scoti non cogimur à nostra opinione discedere. Attulerat pro opinione Communi textus ex Scriptura, & ex Patribus, hosce textus solvit quadam distinctione. Retulerat etiam pro opinione Communi Divum Bernardum hisce verbis: *Item hoc idem vult Bernardus in quadam Epistola, & probat, quia non fuit Sanctificata ante Conceptionem; patet; nec in Conceptione, quia ibi fuit libido.* De hac Doctrina sic discurrit Scotus in fine questionis. Ad Argumentum Bernardi potest responderi, quod in instanti Conceptionis naturæ fuisset Sanctificata non à culpa, quæ tunc non inluit, quia nulla fuit, sed à culpa, quæ tunc in fuisset, nisi tunc gratia illi Animæ fuisset infusa. Et si arguatur, quod ibi fuit libido, falsum est de Conceptione naturarum, licet posset concedi fuisse in Conceptione, & commixtione seminum. Ecce Scotus supponit, Divum Bernardum esse in contraria opinione, & solum curat respondere rationi illius; Nec Autoritati Bernardi conatur opponere aliam alterius Sancti Patris. Quot clamores Adversarii in nos vibrarent, si opinionem oppositam alicui Patri sustineremus nulla suffulti autoritate alterius Patris? Nec potest dici, quod Scotus in Argumento sed contra asserat pro sua opinione Augustinum, & Anselmum; Nam scimus Argumenta in tali loco allata non afferri à Doctoribus tanquam Concludentibus, nisi in corpore questionis iterum asserantur, & probentur. Unde constat evidenter, Scotum deseruisse opinionem Communem tractatam ex professo à Scholasticis, & quam sciebat defendi à Divo Bernardo, & hoc nulla autoritate suffultus, sed probabilibus rationibus contentus. Ergo eodem modo poterimus in nostra difficultate procedere.

15. Occasione allegationis Divi Bernardi validissime possum instaurare argumentum nostrum à Novitate assumptum. In Epistola ad Canonicos Lug-

dunenses, quæ est 174. tractat de Conceptione Beatæ Virginis, quam ut Immaculatam Nova Festivitate institutam Ecclesia Lugdunensis celebrabat. Hoc audiens Mellissius Doctor ipsius Canonici scripsit, & eos laudat Summis Encomiis, & dicit: *Præsertim in officiis Ecclesiasticis band facile unquam repentinis visa est Novitatibus acquiescere, nec se aliquando juvenili passa est decolorari levitate Ecclesia plena iudicii.* Unde miramur satis, quod visum fuerit, hoc tempore quibusdam vestrum voluisse mutare colorem optimum, novam inducendo celebritatem, (scilicet cet colendo immaculatam Conceptionem Mariæ Virginis) quam ritus Ecclesiæ nescit, non probat ratio, non commendat antiqua traditio. Numquid Patribus doctiores, aut devotiores sumus? Periculose præsumimus, quicquid ipsorum in talibus prudentia præterivit. Nec verò id tale est, quod, nisi prætereundum fuerit, Patrum qui verum omnino diligentiam præterisse.

16. Hæc omnia Adversarii præcipue Vendrochius præstant in nostra sententiam. Dicunt, esse rem novam, incognitam Patribus; Unde nos periculose præsumere, dum dicimus id, quod Patrum prudentia præterivit; nec verò id tale est, quod, nisi prætereundum fuerit, Patrum qui verum omnino diligentiam præterisse. Hæc Scotus certè legerat in Bernardo; adhuc tamen nec curavit referre, nec refellere; Sed retulit aliud Argumentum Divi Bernardi, & eidem satis fecit. Ergo debemus supponere, quod Scotus illa crediderit non multum urgere; & ideo præterivit. Numquid nobis imputabitur ad piaculum, si vestigia sequendo Scoti in nostra materia transibimus eadem, quamvis ab Adversariis reputentur demonstrationes?

17. Prosequitur Sanctus Doctor, & dicit celebrandam esse Nativitatem, & Assumptionem Beatæ Virginis, & esse honorandam, quia in vita nunquam peccavit. Postea subdit: *Quid adhuc addendum his putamus, honoribus?* Po-

Postea solvit quoddam objectum, & confirmat aliis rationibus, Beatam Virginem fuisse Conceptam in Originali. Tandem concludit: Cum hac ita se habeant, quænam erit *Festiva ratio Conceptionis*? Quo pacto, inquam, aut assereretur conceptus, qui de Spiritu Sancto non est, ne dicam, de peccato est, aut Festus habebitur, qui minime *Sanctus est*? Libenter Gloriosa hoc honore carebit, quo vel peccatum honorari, vel falsâ induci videtur Sanctitas. Alioquin nulla ei ratione placebit contra Ecclesiæ ritum præsumpta novitas *mater temeritatis, soror superstitionis, filia levitatis*. Nam si sic videbatur, consulenda erat prius Apostolicæ Sedis Auctoritas, & non ita præcipitanda, atque inconsultè paucorum sequenda simplicitas *imperatorum*. Et antequidem apud aliquos errorem compereram, sed dissimulabam parcens devotioni, quæ de simplici corde, & amore Virginis veniebat. Verum apud Sapientes, atque in famosa, nobilique Ecclesia, & cuius specialiter filius sum, *superstitione deprehenso*, nescio an sine gravi offensa, etiam vestri omnium dissimulare poterim.

18. Divus Bernardus hic clarè dissimulavit errorem, dum solum pauci imperiti illum sequebantur. Non vult verò illum dissimulare, dum apud Sapientes, & in famosa Ecclesia eundem deprehendit. Qui erat ergo hic error? erat proculdubio, quia colebatur ut Sancta Conceptio Beatæ Virginis. Ergo clarè Doctör Mellissus est contra Immaculatam Virginis Conceptionem. Hinc nescio, quomodo aliqui Doctores apud Franciscum Macedo de ineff. Incarn. Myster. collat 6. di. 3. conati sint, illum glossare pro parte opposita.

19. Sed hic non est punctus difficultatis. Nota solum, quod Sanctus Doctör exprobat iterum *Novitatem Sententia*, & hanc vocat *Materem temeritatis, filiam levitatis, & sororem superstitionis*. Exprobat quoque, hanc *novitatem* fuisse paucorum *imperatorum*.

Hanc autem *Novitatem* ausi sunt sequi Sapientes Ecclesiæ famose, & Nobiles. Hoc accidit in nostra difficultate. Patres tacentibus ipsis Adversariis silentio illam præterierunt, ut præterierant, teste Bernardus, Mysterium Conceptionis. Cæpta est quæstio postea de Conceptione, & ex silentio Patrum Divus Bernardus, & fortasse Doctores alii sui temporis arguebant, Beatam Virginem fuisse Conceptam in Originali. Successu temporis Doctores omnes agitata quæstione sequuti sunt opinionem Bernardi, maxime quia detesti sunt quidam textus Patrum, qui pro hac opinione stare videbantur.

20. Tempore Bernardi Ecclesiæ Lugdunensis oppositam *Novam* opinionem amplexa est, quamvis illam pauci, & imperiti sequerentur. Eandem Scholasticis destitutam instauravit Subtilissimus Scotus. Cæptum est agitari, quænam opinio in re obscura esset sequenda; & Alberto visum est breviter, & obiter resolvere pro probabiliore, si esset minus tuta; Eandem non ita jejune sequutus est opinionem Henricus. Monaldus in prologo suæ Summæ narrat, se collegisse in eodem puncto plures opiniones, ut Lector illam amplecteretur, quæ sibi videretur *magis consona rationi*. Hoc dictum nulla suffultum ratione à Monaldo amplexi sunt bona fide alij Summistæ. Similia dixerat Hostiensis, cum sequuti sunt alij addentes Textum ex c. *Capellanus* de fer. Ita Processum est in tanta re usque ad annum 1500. quo Conradus Summenhart quæstionem diffusè discussit, & Antiquam Sententiam tenuit. Ab illo tempore alij eandem opinionem Scholasticè agitatam docuerunt. Cum ecce ab anno 1570. Bartholomæus Medina in Salamanticum Lyceû Primarius Lector oppositâ *Novam* opinionem firmiter invexit, quam postea innumeri sequuti sunt, etiam ex illis, qui suis temporibus prædicantur celeberrimi sive in Scholastica, sive in Morali; Et illam longis disputationibus, etiam integris Libris, illustrarunt.

21. Opinionem illam *Novam* de Con-

ceptione silentio a Patribus prætermiffa, & qua principium habuit à paucis imperitis, nostris temporibus omnes amplectuntur exceptis folis Patribus Dominicis. Opinionem Novam inventam à Medina, qui non fuit Imperitus, & quam docuerunt per integrum sæculum Ducentum Famofi Doctores, cur non poterimus fequi? Maxime cum contra hanc non proferantur textus Clari Sanctorum Patrum? Hic notabis hoc fingulare in opinione Scoti de B. V. brevi tempore adeo brevi dilatata eft, ut Baconius, qui poft aliquot annos vixit, in 4. dift. 2. quæft. 4. art. 3. dixerit, debere Ecclefiam Romanam decidere quæftionem determinando pro parte pia, quia ubique determinatur, *fanctum effe celebrare Conceptionem Beata Virginis*. Sic etiam opinio benigna de Probabilitate fequenda adeo brevi ampliata eft, ut Salonius, qui paulo poft vixit poft Medinam, dixerit 22. contr. de iufit. & jur. contr. 2. concl. 4. art. 4. quæft. 63. multos, *ac graviffimos Theologos ita fentire, ac maxime ex difcipulis Sancti Thoma*. Si hæc opinio inciperat in Schola Doctoris Angelici, mirum non erat, quòd ab eadem tunc certò tantum incrementum acceperit.

22. Nunc facio Transitus breviter ad ALIAM Opinionem Communem, quæ credebatur fundata in Stylo Curia Romanæ.

Eft ergo quæftio: Petrus habet Refervata peccata, & non refervata; Accedit ad Inferiorem Sacerdotem, Confitetur Refervata, & non refervata. Poteftne hic Inferior abfolvere Petrum, ita tamen, ut illum mittat poftea ad Superiorem pro Refervatis? Vel fi Petrus fateatur Superiori Refervata, poteftne Superior abfolvere illum à refervatis, & pro aliis illum remittere ad Inferiorem?

23. Paludanus in 4. diftinct. 17. quæft. 3. artic. 1. refert quinque modos circa hunc cafum, quorum Primus erat, quòd pœnitens debet dicere omnia peccata Inferiori, qui remittere debet illum ad Superiorem, cui iterum debet

omnia fateri; & Superior debet iftum abfolvere, vel remittere ad Inferiorem pro abfolutione. Tres alii modi conveniunt, quòd Inferior poteft abfolvere pœnitentem, & poftea illum remittere ad Superiorem pro Refervatis. Quintus modus fatis confufe refertur, & fatis confufe tenetur à Paludano; Prima enim facie videtur dicere, quòd & Superior poteft abfolvere à fuis cafibus, & pro aliis remittere pœnitentem ad Inferiorem; & Inferior poteft abfolvere à fuis, & pro aliis remittere ad Superiorem; Poftea verò videtur hoc negare. Lector illum adeat, & iudicet, quid teneat.

24. Durandus in 4. dift. 17. quæft. 15. num. 8. & feqq. refert quatuor modos Primos à Paludano relatos, & refellit. Num. 8. dicit, Ecclefiam habere confuetudinem, quòd Inferior auditis omnibus peccatis abfolvit pœnitentem, & pro Refervatis remittit ad Superiorem, qui folis Refervatis auditis ab illis abfolvit pœnitentem. Num. 13. dicit, multas Ecclefias credere imitari Ecclefiam Romanam, quæ quia abfolvit pœnitentem à fuis cafibus, & pro aliis ad Inferiorem remittit, ipfa ex hoc fumit exemplum abfolvendi à Cafibus Refervatis, & pro aliis remittere pœnitentem ad Inferiorem.

25. Subdit autem Durandus, quòd iftæ Ecclefia non bene imitantur Romanam quoad hoc, & iure merito, quia Abfolutio Ecclefia Romanæ eft quoad Excommunicationes, Irregularitates, vota, & fimilia, quorum quidem Abfolutio poteft fieri dimiffiòne, quia non eft Sacramentalis; unde poteft fieri extra Sacramentum, & à fimplici Clerico, & poteft fieri per litteras. Abfolutio verò Cafuum Refervatorum aliarum Ecclefiarum eft Sacramentalis, & eft de peccatis. Ergo, ficut nequit fieri Confeflio unius fine alio, fed debet efle de omnibus, ita & Abfolutio, quia Confeflio eft propter Abfolutionem. Concludit ibidem Durandus, non poffe haberi circa hanc difficultatem plenam certitudinem fine decifione Sedis

Sedis Apostolicæ; Tamen nullum ex hoc subditis imminet periculum, qui obedienter faciunt, quicquid Superiores statuunt.

26. Per hæc Verba mihi videtur, Durandum probabiles amplecti opiniones oppositas; approbatenim quicquid in hoc Pralati statuunt; ergo iudicat probabiles illos quatuor modos oppositos ab eodem relatos; si enim improbabiles illos crederet, non posset approbare, quicquid statuerent hic Episcopi.

27. Baconius in 4. dist. 16. quæst. 1. artic. 5. refert quatuor modos dicendi, qui coincidunt cum allatis, & ipse docet, quod Inferior auditis peccatis potest absolvere, & pro Reservatis remittere ad Superiorem; Quin addit, hoc esse verum, etiamsi Reservata haberent Excommunicationem; & profe allegat Divum Thomam in Quodlibet Summam Confessor. lib. 3. de pœnit. quæst. 71. & 73.

28. Richardus in 4. distinct. 17. art. 2. quæst. 8. ad 2. dicit: quod Pœnitens tenetur, omnia peccata Inferiori dicere, & postea Superiori tenetur solum dicere iterum peccata Reservata. Tunc Superior prius absolvit, & postea Inferior.

29. Divus Bonaventura dist. 1. par. 2. artic. 1. quæst. 1. fin. meo iudicio non satis clarè se explicat. Mihi videtur, quod ita doceat: Nam videtur supponere, quod reservatio magis sit facta propter taxationem pœnæ, quam tali peccato debet Superior sapienter inspicere, quam pro alio, scilicet pro absolutione a tali peccato, seu culpa; & ideo, si talem culpam Confessus est, & pœnam pro ea à Superiore suscepit, potest illam cum aliis Inferiori integrè confiteri, & ille absolvere eum ab omni culpa. Ex hoc principio videtur necessarii sequi, quod pœnitens possit omnia etiam reservata dicere Inferiori, & Inferior poterit ipsum absolvere, cum onere tamen, ut adeat Superiorem, non quidem ad recipiendam Absolutionem à culpa, sed ad recipiendam

pœnitentiam pro Reservatis, quia in hac opinione Reservatio peccatorum magis facta est propter taxationem pœnæ, quam propter absolutionem à culpa. Certum est autem, quod taxatio pœnæ potest fieri à diversis Confessariis, & iudicibus. Et nullum esset absurdum, quod Superior sic reservaret, ut Authoritas absolvendi à culpa esset penes Inferiorem, quoad verò taxationem pœnitentiæ alicujus peccati enormis esset penes solum Superiorem.

30. Hoc mihi videtur sequi ex illo principio; adhuc tamen subdit Sanctus Doctor, quod qui dicit unum, vel duo peccata Superiori, non est hypocrita, & sic non peccat, quia ostendit se specialiter pro illis advenisse, & alium Confessorem pro minoribus habere, & hoc acceptat Superior; Hinc nulla est ibi deceptio.

Per illa Verba: & hoc acceptat Superior, videtur innuere, quod, si Superior non acceptaret, seu non esset contentus, tunc non esset licita illa dimidiata Absolutio à pœnâ. Hinc ego puto, Sanctum Doctorem non attigisse punctum nostræ difficultatis, quod est, an possit dimidiari Absolutio Sacramentalis, quæ sistit in Absolutione à culpa; cum enim effectus Sacramenti . . . sit reconciliatio cum Deo ex Tridentino Session. 14. cap. 3. & hic effectus præcipuè dependeat à forma Absolutionis ex Tridentino ibidem; Hinc videtur, non posse dimidiari Absolutio Sacramentalis, quia nequit dimidiari Reconciliatio cum Deo; nam impius nequit sperare dimidiam veniam peccatorum, dicebat Augustinus in c. Considerat. 9. fin. in princ. de pœnit. dist. 5. Tenendo ergo cum Divo Bonaventura, quod Reservatio peccatorum non sit restrictio Potestatis quoad absolutionem Sacramentalem quoad effectum ejus præcipuum, sed potius sit Reservatio taxandi pœnitentiam pro aliquibus peccatis, jam sequitur, quod pœnitens poterit omnia peccata fateri Inferiori, & ab illis absolvi, & mitti postea ad Superiorem, ut pro Reservatis pœnitentiam

recipiat, ut bene ex illo principio arguebat Gabriel loco allegato.

31. Volui referre hosce Doctores, ut in medium afferrem omnia, quæ in hoc puncto dicta sunt. De reliquo omnes Antiquos, quos potui videre, video Concordes in concedendo, quod inferior auditis omnibus peccatis potest absolvere poenitentem, & pro Reservatis semittere illum ad Superiorem. Ita videtur sentire Alenſis 4. par. quæſtion. 18. membr. 4. artic. 5. §. 2. ad ult. Divus Thomas in 4. distin. 17. quæſt. 3. artic. 4. quæſt. 2. ad 4. Allegatur etiam ab Antiquis in quadam quæſtione quodlibet. sed huic textum invenire nequivi. Capreol. dist. 18. quæſt. 1. art. 1. Henric. quodlibet. 1. quæſt. 29. & 30. Orbellus in 4. distin. 17. quæſt. 2. §. 14. Carthus. distin. 22. quæſt. 2. §. *quæſt. 1. quæſt. 1. litter. S.* Divus Antoninus 3. par. tit. 14. cap. 19. §. 6. Joannes de Friburgo lib. 3. tit. 34. quæſt. 73. Aſten. lib. 5. tit. 18. §. *de recurſu ad ſuperiorem.* Rainerius. V. *Confessio*. cap. 33. & allegat Petrum de Tharantasia in 4. dist. 17. de *Confessio*. artic. 6. quæſt. 1. Piſanella, & ejus Supplement. Ver. *Confessor*. 1. §. 2. & 3. ubi allegatur pro hac opinione Glossa Raymundi lib. 3. de ſenten. Defin. Excom. & c. §. 32. V. *ad illam*, & tit. de poenit. §. 54. Ver. *ad primum quaſitum*. & forſan ipſe Beatus Raymundus. Ita etiam ſentiunt Angelus Ver. *Confessio* 5. num. 9. Baptiſta de Salis Ver. *Confessor*. 1. §. *quid agendum cum quis*. Henricus Herp. in Speculo Aureo præcept. 4. ſerm. 11. quæſt. 3. Gerſon par. 2. Alfab. 33. de poteſtate abſolvendi ſin. & clarius Alfab. 41. litt. G. ſerm. in Coena Domini apud Suar. 3. par. tom. 4. diſp. 31. ſect. 2. Allegantur etiam alii non multum Antiqui, nempe Major, Almain, Sylveſt. Medina, Navar. Viguerius, Uterque Soto; Quibus addo Tabienam Ver. *Absolutio* 1. num. 9. Caietanum in Summa Ver. *Confessio* Conſider. 10. Fumum Verbo *Absolutio* num. 8.

32. Conſtat ergo fuiſſe communem, quin Communiffimam Opinionem inquit Vaſquez 3. par. quæſt. 91. art. 3. dub. 9. n. 3.

tom. 4. quod Abſolutio Sacramentalis poſſit dividi licite, & abſque peccato. Et ego aſſero pro certo, hanc opinionem communem Antiquorum non eſſe certam, ſed eſſe revocandam in dubium, & ad lancem Veritatis examinandam.

33. Igitur duo principalia Fundamenta aſſerebantur pro ipſa. Primum, cui Henricus, Angelus, & Alii plures fidebant, quia hæc eſt praxis Curie Romanæ, quæ abſolvit pro ſuis Caſibus, & pro aliis remittit ad Inferiorem, & videtur colligi ex c. *Latore* 33. quæſt. 2. & c. *Significaveris* de poenitent. & remiſſ. Hinc, cum ita practiceſt Curia Pontificis, non debemus ſapere, inquit Caietanus, pluſquam oporteat ſapere. Tum quia iidem Doctores referunt, ita ſervare communem conſuetudinem Eccleſiæ.

34. Secundum Fundamentum erat, quia Abſolutio Sacramentalis non tollit peccatum in ratione offenſæ: quia hic eſt effectus contritionis, unde ſupponitur ante Abſolutionem. Abſolutio ergo Sacramentalis tollit obligationem ſubſcindi ulterius peccata clavibus Eccleſiæ, & dat Satisfactionem pro peccatis, & tollit partem poenæ temporalis. Sicut ergo poteſt quis abſolvi ab una excommunicatione, inquit Gabriel, alia remanente, ita poteſt abſolvi Sacramentaliter ab aliquibus peccatis, ab aliis verò non abſolvi.

35. Ecce in re tanta fundamenta, quæ proculdubio non ſunt inſolubilia, ſed facilis ſolutionis. Et quidem, Quod attinet ad Primum, eſt omnino debile; non quia credam eſſe verum, quod dicunt Sylveſter, & Suarez, his temporibus Curiam Romanam alium Stylum tenere. Caietanus enim, qui fuit Cardinalis; unde debebat ſcire praxim illius, dicit, ita ſervare Curiam; & nullum eſt abſurdum, quod ita ſervet adhuc; Cum enim caſus Reſervati Pontifici habeant annexam Excommunicationem, hinc bene, inquit Durandus, poteſt abſolvere tantum à ſuis; nam abſolvit tantum ab Excommunicatione, quod fieri poſſe eſt certum; Sed propter hanc rationem, quia nempe caſus Papales reſervantur ratione

tione Excommunicationis, non verò ratione culpæ; atque adeo, cum una Excommunicatio tolli possit, alia non ablata, possunt tolli casus Pontificii, aliis casibus remanentibus. Igitur Absolutio excommunicationis Reservata potest dividi, & non esse integra. Nec ex hoc arguitur bene ad absolutionem à culpa, quia, si paritas curreret in hoc, sicut Confessio potest dividi quoad excommunicationes, ita posset quoad peccata, quia Confessio est in ordine ad absolutionem; Si ergo Absolutio, quæ est finis, & perfectio Sacramenti, potest dividi, quare non Confessio?

36. Secundum Fundamentum est facilioris solutionis, quia, ut patet ex dictis, effectus, & res Sacramenti est reconciliatio cum Deo, qui effectus præcipue dependet ab Absolutione; cum ergo nequeat dividi Reconciliatio cum Deo, nequit quoque dividi Absolutio. Tum quia nequit negari, quod in hoc Sacramento sufficiat dolor, qui ante Sacramentum non iustificet, ut colligitur ex Trident. Sess. xiv. c. 4. Ergo tunc iustificatio fit per absolutionem; & sic corrui illud fundamentum, quod habebat vim, inquantum Absolutio Sacramentalis supponebat, reconciliationem cum Deo haberi ante Absolutionem. Ad exemplum de divisione absolutionis excommunicationum liquet disparitas ex dictis. Vide apud Alen. par. 4. quaest. 18. memb. 4. art. 5. § 6. aliam disparitatem.

37. Ex his patet, hanc opinionem, Communissimam inter Antiquos, non esse certam ex suis fundamentis. Ergo opinio Nova Contraria non erit damnable; de qua vide Vasquez, & Suar. locis citatis; nec defersa legere Dianam par. 3. tract. 4. resolut. 74. & in Coordin. tom. 1. tract. 5. resolut. 27. Cui magis placeat nostra opinio, licet fateatur contrariam esse Probabilem. Aliis quoque Probabilistis magis placet, & parum videntur probare contrariam, existimantes habere fundamenta falsis suppositis nixa.

38. Dices, in hac materia posse nos sequi opinionem novam, quia est rigida; In casu autem de Probabilitate non pos-

se, quia est benigna.

Sed contra evidenter, quia, ut pharics dixi, possum quidem operari oppositam certæ opinioni benignæ; Sic ver. gr. possum fateri peccata venialia, licet sit certum, nos non obligari ad talium confessionem. Potest maritus quidem non petere debitum, licet sit certum posse licite illud petere; Non tamen possum tenere opinionem rigidam oppositam opinioni benignæ, quæ est certa. Hinc nequeo sustinere has duas opiniones: *Teneo ex vi Sacramenti fateri peccata venialia. Maritus nequit licite petere debitum.* Ergo etiam, si opinio benigna communis Antiquorum esset certa, quis non posset tenere opinionem oppositam, quamvis rigidam. Et ratio est manifesta, quia opinio opposita certitudini est manifestus error.

39. Dices iterum: Licet opinio benigna esset communis Antiquis, tamen aliqui oppositum tenebant, ut patet ex Paludano, & clarius ex Baconio; è contra in casu de Probabilitate nullus ex Antiquis oppositum docuit. Sed contra primum, quia ex dictis dantur textus clari Antiquorum pro nostra opinione.

Contra secundum, quia fateor ita esse; sed ego non potui unquam legere unum Doctorem, qui ita tenuerit clarè. Præterea ipsorum opinio communiter reputabatur dura, & contra consuetudinem Sacerdotum; Unde Judicium illorum Doctorum parum aestimabatur. Præterea cum ipsorum opera sint incognita, non possumus illa magni facere. Tum quia forsitan illi non docuerunt suam opinionem publicè, sed privatim. Tum quia, si ex hoc capite Probabilitas minus habet, habet magis in hoc, quod non habet expressè, & clarè contra se Divum Thomam, Richardum, & Baconium, qui sunt Proceres Antiqui Theologiæ; Et insuper non habet contra se tot Doctores, qui ex professo questionem instituerint. Tum quia, sicut illa materia de Absolutione dimidiata, quando capta est agitari ex professo, habuit communem opinionem pro benigna, & paucos, & obscuros pro rigida. Ita quandiu materia Probabilitatis non fuit agitata ex professo.



fesso habuit communem opinionem pro parte rigida; At agitata ex professo tunc contra res se habuit, & communis opinio est pro parte benigna. Unde penalis omnibus hincinde potior debet haberi opinio, quæ fundatur in discussione fundamentorum, quàm quæ bona fide accipitur non ponderatis, quæ ponderanda erant.

40. Nunc breviter discuto TERTIAM opinionem communem Antiquorum; & est in materia Sigilli Confessionis. Fit ergo Quæstio: Superior ratione Confessionis scit, subditum domo egredientem ire in lupanar; Vel esse indignum aliqua dignitate, quam habet, vel præterit habere. Potestne negare licentiam egrediendi; amovere ab officio; vel negare suffragium ex indignitate solum cognita in Confessione?

41. Circa quod Affirmativè respondet Alens par. 4. quæst. 19. membr. 2. artic. 1. ad ult. Divus Thomas in 4. distinct. 21. quæst. 3. artic. 1. quæst. 1. ad 3. & 4. & quodlib. 5. artic. 13. Divus Bonaventura distinct. 21. par. 2. artic. 3. quæst. 1. ad 4. Richardus distinct. 21. artic. 4. quæst. 2. ad 4. Paludanus distinct. 21. quæst. 3. artic. 3. conclus. 3. Thomas Argentinas distinct. 21. quæst. 1. artic. 1. ad 2. contra 1. conclus. Scotus distinct. 21. quæst. 2. ad 3. conclus. 4. Gabriel distinct. 21. quæst. uni. ante litter. K. Divus Antoninus 3. par. tit. 17. cap. 22. §. 1. Astensis lib. 5. tit. 20. §. Quidsi aliquis Abbas. & Ita videtur sentire Raynerius de Confessione cap. 30. casu 6. Angelus Ver. Confessio ult. num. 12. cum Baptista de Salis Verbo Confessionis celsatio §. 1. Ita etiam videntur sentire Pisanello, & ejus Supplementum Ver. Confessionis celsatio §. Quid si Abbas, Summa Confessor. libr. 3. tit. 34. quæst. 94. Albericus de Rolate Ver. Confessio 3. §. Quidsi Abbas. Et ante hosce omnes Alphodorus, in 4. tract. 6. cap. 3. quæst. 4. Ita etiam sentiunt Alii non adeo Antiqui, Sylvest. Verb. Confessio 3. quæst. 14. Taxiana Ver. Confessionis Celsatio. Dominicus Soto in 4. dist. 18. quæst. 4. artic. 5. ad 3. Alios referre non juvat, nec vacat, ne frustra tempus insumam. Hoc

scio; quot legi; vidi in hoc concordare. Et scio Suarium 3. par. tom. 4. distinct. 33. sect. 7. num. 4. hanc vocare communem opinionem. Scio pariter tradi à Magnis Theologis Modernis, qui videri possunt apud Dianam par. 3. tract. 4. resol. 76. & par. 5. tract. 11. resol. 3. & 4. & in Coord. tom. 1. tract. 8. resol. 15. 16. & 17.

42. Non obstante tamen hac communis Antiquorum opinione, quæ clarè, & expressè est Divi Bonaventuræ, & Divi Thomæ, quamque ex professo tractavit Angelicus Doctor, quas duas Conditiones habere communem opinionem de Probabiliiori sequenda nequeunt gloriari Adversarii; Non obstante, inquam, hac communi opinione possumus oppositum docere. Hinc Clemens Octavus anno 1594. 16. Maii prohibuit, ne Superiores Religionum utantur illa opinione in exteriori gubernatione. Et Claudius Aquaviva Jesuitarum Generalis anno 1590. jussit, ne sui Subditi illa uterentur in praxi, neve illam publice, vel privatim doceant. Vido Dianam locis allegatis, in quibus hæc decreta reperies, sicut & Modernos hanc strenuè, & mordicus sustinentes. Nec omittas Averfam de Pœnitent. quæst. 18. sect. 2. nostram opinionem egredientem. Certè ego nolem mea peccata fateri doctoribus Antiquam Opinionem sequentibus; & forsitan multi Probabilioristæ, quos audio rigidos Doctores, sed non strennos exequutores, refugerent talibus Confessoribus Confiteri.

43. Lego apud Scotum loco allato, quod aliquis dixerit, quod Confessor nullo modo potest se habere aliter ad Confesum ratione Confessionis quantum ad quemcunque actum extra forum illum, quàm si penitus nihil audisset. Et in margine citatur Henricus quodlib. 8. quæst. 18. Sed ibi Henricus non agit de Sigillo Confessionis, sed de merito Satisfactionis Sacramentalis. In quæst. quidem 29. ejusdem Quodlibeti tractat nostram difficultatem, & meo judicio clarè non se explicat; Sicut nec quæst. 31. ubi similem difficultatem agit. Hicquæ in 4.

in 4. distinct. 21. in fine num. 44. refert pro opinione Scoti, quam vocat verior-  
rem, & esse Antiquorum, Henricum  
quodlib. 8. quæst. 29.

44. Ecce demonstratum, ut promissa-  
ram, hisce Tribus opinionibus Commu-  
nibus Antiquorum, quod opinio com-  
munis Antiquorum non faciat certam  
Fidem, sed tantam, quantam meren-  
tur rationes, quibus innititur. Subdo-  
obiter alias duas communes Antiquorum,  
& primam Cajetanum, & Fumus in sua  
Aurea Armilla Verb. *Confessio Sacramen-  
talis* num. 10. rejiciunt: Ecce Textum  
Fumi.

45. Tertius Casus est, quando non  
implevit Pœnitentiam taxatam à Con-  
fessore pro mortalibus ex contemptu, vel  
notabili negligentia, & illius est oblitus.  
Tunc tenetur reiterare Confessionem se-  
cundum opinionem communem Doctorum.  
Cajetanus autem in Summa ibi dicit: Ex  
satisfactionis defectu nullum scio casum,  
quo rite Confessus, & absolutus teneat-  
ur reiterare Confessionem. . . . Si sit  
oblitus pœnitentiae non propterea teneat-  
ur iterare. . . . *Hæc opinio verior vi-  
detur, alia autem securior.* Ecce expres-  
se patet, quod Fumus, nedum non no-  
cat de Novitate novam opinionem Caje-  
tani, quin illam sequitur ut verio-  
rem, licet dicat, oppositam esse securiorem.  
Ergo etiam nos in casu de Probabilitate  
possumus dicere, opinionem Antiquam  
esse securiorem, opinionem verò Novam  
esse verio-rem, nec illam de Novitate ar-  
guere.

46. Et hic notabis, quod Cajetanus  
vivebat tempore Fumi, unde erat Au-  
thor nedum Modernus respectu Fumi,  
sed Modernissimus. Adhuc tamen vo-  
luit sequi Novam, Benignam, & Pro-  
babilem opinionem hujus Modernissimi  
Doctoris contra Antiquam, rigidam, &  
adeo communem tempore Divi Bona-  
venturæ, ut ipse in 4. distinct. 17. par. 3.  
in expositis. Litter. dub. 4. dicat: *In hoc  
casu omnes concordare iterandam esse Con-  
fessionem.* Ergo etiam nos, quamvis  
omnes Antiqui concordarent (de quo  
tamen puncto non habemus Historicum

referentem, ut adest in puncto de itera-  
tione Confessionis) quod teneamus sequi  
Probabiliorem; tamen possumus sequi  
opinionem Doctoris æquæ, ac Caje-  
tani, Celeberrimi Bartholomæi Medi-  
næ, qui est quidem Modernus, sed mi-  
nus, quam erat Cajetanus respectu Fu-  
mi, & tenere, quod nulla sit obligatio  
sequendi partem Probabiliorem.

47. Circa obligationem recitandi ma-  
tutinum ante Missam pars affirmativa  
erat adeo communis apud Antiquos, ut  
nullum invenerim repugnantem. Inve-  
ni hujusmodi opinionis Gloss. Raym.  
lib. 3. de Sacram. non iter. §. 13. V. *pro  
defunctis*. Hostien. in Sum. dist. 3. §.  
& qualiter num. 14. Joan. de Friber. lib.  
3. tit. 24. quæst. 130. Durand. de Ritib.  
Eccles. lib. 3. cap. 24. num. 13. Asten. lib. 4.  
tit. 14. ar. 3. quæst. 2. Albericum de Ro-  
fate V. *Missæ* §. *Missæ quæ bona*. Guidon.  
de Monte Rocherio in manipulo Curat. de  
Euchar. cap. 6. fin. Palud. in 4. dist. 13.  
quæst. 2. art. 2. concl. 2. Pisanelam, &  
ejus Supplem. V. *Missæ* quæst. 4. D. Anto-  
nin. par. 3. tit. 13. cap. 6. §. 4. Angel V.  
*Missæ* num. 42. Biel. lect. 13. super Canon.  
Baptis. de Salis Verb. *Missæ* quæst. 14.  
Joan. Burchard. in Ordine Missæ princ.  
Tenent etiam hanc opinionem Armilla  
V. *Missæ* num. 31. Tabien. num. 7. Pel-  
bar. §. 4. Apud Sylvestrum V. *Missæ* 1.  
quæst. 6. §. 4. dicitur, ita tenere Ver-  
et communiter omnes Summistas. Hi  
Doctores narrant, hanc opinionem esse  
juxta consuetudinem Generalem Eccle-  
siæ.

48. Lego, Sylvestrum allegari & pro  
communi illa opinione, & pro opposita.  
Certè ipse refert, se audivisse Viros Do-  
ctissimos negantes illam generalem consue-  
tudinem, & clare dicit, non esse verissi-  
mum, Legislatorem voluisse ad hoc sub præ-  
cepto ligare istum privatum, ubi repente  
occurreret aliqua necessitas, cui non posset  
obviari; puta quia monasterio imminet  
scandalum grave, aut aliquid tale.

49. Dominicus Soto de Justit. & jur.  
lib. 10. quæst. 5. art. 4. concl. 2. quamvis vi-  
derit, apud Sylvestrum Summistas omnes  
sic tenere, & talem esse consuetudinem;  
non

non tamen propter hoc iit in huiusmodi communem sententiam Antiquam, sed expressè scriptis: *Hoc absque ullo iure, & rationis fulcumento dictum est; nec consuetudo censenda ullo pacto est, tale preceptum involvere.*

30. Nos exemplum Soti, qui est unus ex Probabilioristis Vendrochii, sequamur, & opinionem illam de Probabilioritate, dato etiam quòd esset Antiquis communis, deferamus absque scrupulo, utpotè nullo iure, & rationis fulcumento innixam. Si enim Soto Probabiliorista deferuit opinionem omnium Antiquorum Summistarum, quamvis consuetudine munitam; Probabiliste non poterunt derelinquere opinionem Antiquam, quæ non est omnium Summistarum?

## CAPUT XLI.

### *Refellitur Opinio Antiquorum circa Baptismum Puerorum in Utero.*

*Hinc probatur, nostram Opinionem de Probabilitate non esse rejiciendam, quia est Nova.*

**I**N cap. antecedenti probavi clarissimis exemplis opinionem nostram de Minori Probabilitate sectanda non esse improbandam ex eo, quòd sit contra communem opinionem Antiquorum. In præsentì hoc idem demonstrabo alio exemplo adeo claro, ut spero, Adversarios cogendos fore deferendi impostero illud fundamentum tanquam oppositum experientie.

1. Non credo inveniri posse opinionem in Theologia, quæ vel ob multitudinem Doctorum, vel ob exactam discussionem, vel ob longitudinem temporis possit iure dici communior inter Antiquos, quàm illa de Baptismo Puerorum in uteris maternis existentium. A tempore Magistri Sententiarum usque ad Gabrielem Biel, quod Spatium am-

plectitur tria Sacula cum dimidio, nunquam dubitatum est de parte negativa.

2. Gabriel Primus fuit, qui dubitavit; sed suum dubium adeo parùm invaluit, & neglectum est, ut Sylvester, qui post plures annos vixit Ver. Baptismus 4. quæst. 1. dicat, *ita omnes sentire.* Sic etiam Victoria, qui quasi per integrum Sæculum vixit post Biel in Summ. de Sacramen. de Baptism. num. 31. dicit, Omnes Doctores affirmare esse expectandam Nativitatem ex utero pro Baptismo, ut habetur de Consecr. dist. 4. c. *qui in maternis.* Verùm, si timeatur de ejus morte, & manu obfetricis posset realiter mitti aqua, & verba dici, esset verus Baptismus. Etiam hic Doctor solum dubitativè loquitur, & fatetur omnes stare pro negativa. Denique Dominicus Soto in 4. dist. 5. art. 21. ait: de conclusione hac *nemini bastare licet*; sanè cum Sacris Canonibus sit definita, ut de consecr. dist. 4. c. *si ad Matris*, & c. *qui in maternis*, & ratio est manifestissima, quia aqua Baptismi ad illum puerum pertingere non valet plusquam, si Baptizaretur conclusus in Arca, cujus latera aqua penetrare nequiret.

3. Nunc ergo recenséo Doctores Antiquos, quos omnes ipse legi, excepto Petro de Tarantasia, quem, quamvis summa diligentia conquistum, nunquam potui habere. Qui omnes partem negativam docuerunt, & sunt Magister in 4. dist. 6. cap. 2. Albertus art. 9. Divus Thomas quæst. 1. art. 1. & dist. 23. quæst. 2. art. 2. quæst. 1. ad 1. & 2. & ad Anibal dist. 6. art. 1. & par. 3. quæst. 68. art. 21. Alensis par. 4. quæst. 8. membr. 7. art. 1. §. 2. Divus Bonaventura dist. 6. par. 2. art. 1. quæst. 1. apud quem Petrus de Tarantasia dist. 6. quæst. 5. & 6. Richardus art. 2. quæst. 1. Paludanus quæst. 1. Harveus quæst. 1. Durandus quæst. 1. Scot. dist. 4. quæst. 3. Bacon. dist. 5. quæst. 2. Antonius Andreas dist. 4. quæst. 3. Rubion. quæst. 1. art. 2. Petrus de Aquila quæst. 1. §. dico igitur. Aureolus [dist. 5. quæst. 1. conclus. 4. Thomas Argentinas quæst. 1. art. 4. Mayron dist. 4. & 5. quæst. 1. Stephanus Bru-

lifer dist. 6. quæst. 7. Dionysius Carthusianus dist. 6. quæst. 1. Marfilius Inguen. in 4. quæst. 4. art. 4. dub. 4. Holchor quæst. 1. art. 4. Nicolaus de Orbellis distinct. 4. quæst. 1. Henricus Gorichen dist. 6. qu. 2. & forsitan etiam Nicolaus Gorichen, seu Gorram. Hi sunt Scholastici Antiqui, idest qui usque ad annum 1494. floruerunt, & hanc opinionem sequuti sunt.

Ex Summistis eandem amplexi sunt Joannes de Friburgo lib. 3. tit. 24. quæst. 31. Rainerius de Baptismo cap. 5. casu primo Aftenus lib. 4. tit. 6. §. circa secundum quæst. 5. Guido de Monte Rocherio Manip. Curat. de Bapt. cap. 5. Pisanella, & ejus Supplementum Verb. *Baptismus* 4. quæst. 1. Albericus de Rosate in Diction. Verb. *Baptismus* 4. Gerlon Sum. Theolog. lib. 4. quæst. 6. Antoninus 3. par. tit. 14. cap. 13. §. 1. vers. *Immersio in Aqua*. Angelus Verb. *Baptismus* 6. num. 1. Baptista de Salis Verb. *Baptismus* 4. quæst. 2. Henricus Herp in Specul. Aureo præcep. 1. serm. 13. quæst. ult. Hanc videtur supponere Nider in Præcep. præcep. 3. cap. 3. litter. E. quatenus dicit, quod in periculo, etiam si solum manus, aut pes nascitur, baptizandus sit puer.

4. Ex Canonistis eandem sequuntur Gratianus c. qui in maternis de consecr. dist. 4. Glossa in c. si ad Matris de Consecr. distinct. 4. Ver. si ad Matris. Joannes Andreas in c. debitum de baptis. Boic. c. majores eod. Archidiaconus c. Baptizari 5. dist. & c. qui in maternis de consecr. dist. 4. Bellamera ibidem, Zabarella in Clement. Fidei §. ad hoc. Geminianus c. Baptizari 5. dist. num. 2. Præpositus ibid. num. 1. Turrecremata; c. qui in Maternis de Consecr. dist. 4.

5. Legi plures alios Scholasticos, Summistas, & Canonistas, sed hanc difficultatem non enodarunt. Pro illa verò opinione negativa non refero Scholasticos, Summistas, & Canonistas, qui floruerunt ab anno 1500. usque ad 1590. qui possent dici Antiqui per Adversarios. Non refero, inquam, quia tot Doctoribus, & tantis, & ex professo questionem agitantibus superfluum est alios addere; maximè cum Sylvester, & Soto

asserant, ita omnes sentire. Ita autem hi Doctores tenebant suam opinionem, ut viderentur illam certam habere; unde Divus Bonaventura supponendo illam ut veram, solum quærit rationem suæ Veritatis.

6. Gabriel in 4. distinct. 4. quæst. 2. art. 3. dub. 2. litter. N. Primò dicit, quod *Puer in utero Matris non potest Baptizari, licet possit in eo Sanctificari*; adhuc tamen infra ait: *Sic etiam si ablui posset in utero Matris sua debita forma verborum, reciperet verum baptismum*. Adhuc paulo post subjungit: Si verò, ut aliquibus placet, *puer adhuc latens in utero Matris, quantumvis Matri conjunctus aqua corpus ejus contingente ablueretur, vel aspergeretur cum debita intentione, & forma, verè puer baptizatur, & Salvaretur, ut innuit Beatus Thomas reddens rationem quare Mater scindi non debet. Si tamen mortua Mater præsumeretur puer vivere, aperienda esset Mater, & puer baptizandus*.

7. Hic patet, quod Gabriel crediderit, secundum mentem Divi Thomæ baptismum fore validum, si in utero puer posset ablui, ita etiam sentit Valentia tom. 4. disput. 4. quæst. 1. punct. 2. Versus, *Tertio sequitur*.

8. Circa hoc ego pro certo puto, Divum Thomam nullo modo suspicatum fuisse, quod puer existens in uteris maternis posset per artem ablui; nam in textu ex par. 3. dicit: de necessitate baptismi est, quod corpus baptizandi aliquo modo aqua abluatur; cum baptismus sit quadam ablutio; corpus autem infantis antequam nascatur ex utero, non potest aliquo modo ablui aqua, nisi forte dicatur, quod ablutio baptismalis, qua corpus Matris lavatur, ad filium in ventre existentem perveniat. Ecce infans in utero aliquo modo neguit ablui. Huic propositioni negativæ opponit solum unicum abluionis modum, & est: *nisi forte dicatur, quod ablutio Matris ad filium in ventre existentem perveniat*. Certè, si Doctor Angelicus suspicatus fuisset, quod infans posset ablui in utero per artem, hoc sibi objecisset, cum hæc obje-

Etio immediatè falsificaret suam propositionem negativam universalem. Tum quia, si Divus Thomas suspicabatur, infantem in utero posse abluì per artem, quomodo sine mendacio dicere poterat, nullo modo posse abluì? Certè habuisset duplex cor; atque adeo mentitus fuisset. Arg. c. *ne quis* 22. quæst. 12.

9. Concedo quidem, quòd Divus Thomas in respons. ad 3. dicat: Si tamen mater mortua fuerit vivente prole in utero, *debet aperiri, ut puer baptizetur.* Unde clarè cognoscit, posse abluì puerum in utero. At hic non est casus noster. Difficultas est, an Divus Thomas cognoverit infantem posse abluì, dum matris uterus est integer, nec per artem ceditur in duas partes. Et dico, quòd Angelicus nullo modo suspicatus est, posse per artem abluì, quia expressè dicit: quòd *Corpus infantis antequam nascatur ex utero, non potest aliquo modo abluì aqua.* Et, quòd magis est, apponit unicam, & quæ nihil urgebat, limitationem, nisi forte dicatur, quòd *ablutio matris pertingat ad puerum.* Sic etiam in aliis textibus ex libris Sententiarum dicit: *Puer quandiu est in utero matris existens, non potest subijci operationi ministrorum.* Ergo secundum Divum Thomam nunquam puer existens in utero Matris integro potest abluì, seu subijci operationi ministrorum. Tum in respons. ad 1. in quæst. 68. artic. 11. 3. par. ait: quòd Pueri in matris uteris existentes nondum prodierunt in lucem, ut cum aliis hominibus vitam ducant; unde non possunt subijci actioni humanæ, ut per eorum ministerium Sacramenta recipiant ad salutem; *possunt tamen subijci operationi Dei, apud quem vivunt, ut quodam privilegio gratia Sanctificationem consequantur, sicut patet de Sanctificatione in utero.* Ecce negat Divus Thomas, quòd pueri in utero possint justificari per Sacramenta, quia nequeunt subijci operationi humanæ, nec cum aliis vivunt. Concedit, posse Sanctificari à Deo, quia apud ipsum vivunt, & ipsius operationi subijciuntur; & concedit posse Sanctificari, sed quodam privilegio. Cer-

tè hic Divus Thomas docet clarè, magis subijci hos pueros Dei operationi, quàm operationi hominum; Si autem suspicatus fuisset, quòd possent per artem abluì, tunc aequaliter operationi humanæ fuissent subiecti. Immo magis hominibus fuissent subiecti, quia non quodam privilegio, seu extraordinariè, & per miraculum, & præter legem communem, sed ordinario modo, & secundum artem naturalem; Unde his temporibus, in quibus Medici, Chirurgi, & Obstetrices nos certificarunt, quòd aliquando hi pueri naturaliter possunt abluì, debemus dicere, quòd plus subijciuntur operationi humanæ, quàm Divinæ, quia subijciuntur hominibus naturaliter, Deo verò quodam privilegio, & præter legem communem.

10. Tum quia in 3. obiecto Angelicus sibi opposuerat, quòd, si puer in utero Matris viventis nequit baptizari, cum minus malum sit mors corporalis, quàm æterna, in hoc casu melius eisset, quòd Mater aperiretur, & puer *vi eductus baptizaretur*, quàm quòd puer æternaliter damnaretur absque Baptismo decedens. Respondet huic obiecto, quòd, cum occidere Matrem sit malum, ideo quis non debet occidere Matrem, ut baptizet puerum; quia non sunt facienda mala, ut veniant bona. Si tamen Mater mortua fuerit vivente prole in utero, debet aperiri, ut puer baptizetur. Eandem Doctrinam habet in textu distinct. 6. ex 4. sentent. Ecce evidenter, quòd Divus Thomas viva Matre non agnoscit casum, in quo puer existens in utero possit baptizari, quia viva Matre agnoscit solum posse baptizari, si aperiat uterum, idest exadatur in partes à Chirurgo.

Tum quia in respon. ad 4. concedit, quòd, si caput ex utero egrediatur, potest baptizari, sicut si qualibet alia pars. Hinc patet, quòd Divus Thomas requirit, ut possit baptizari existens in utero Matris viventis, quòd saltem aliqua pars egrediatur. Igitur puto evidenter demonstratum, quòd Divus Thomas nesciverit, nec suspicatus fuerit, quòd

posset abluī puer existens quoad omnes suas partes intra uterum Matris viventis.

11. Difficultas est, an, si Divus Thomas scivisset à Medicis, quod puer existens totaliter in utero Matris viventis possit physicè abluī, sicut nos scimus, concessisset, illam ablutionem esse baptismum. Illi Doctores, qui tenent Angelicum approbare Argumentum, quod ponere solet in §. *Sed contra*, quando illi non respondet, dicere debent, quod illa ablutio non sit Baptismus, quia in Argumento, *Sed contra*, Doctor Angelicus assert Augustinum epistol. 57. ad Dardanum dicentem, *nemo renascitur, nisi primò nascatur*; Ergo non debet aliquis baptizari, *primquam ex utero nascatur*.

Ex alia parte videtur, quod concederet esse baptismum, quia, dum negat puerum posse baptizari, hoc ideo negat, quia nequit subici operationi humana, ut patet ex omnibus ejus textibus. Ergo à contrario, si concederet, quod subiceretur operationi humane, concederet etiam, posse baptizari. Præterea in Resp. ad 3. dicebat: Si tamen Mater mortua fuerit vivente prole in utero, *debet aperiri, ut puer baptizetur*. Ecce ut baptizetur infans, exigit, ut aperiatur uterus, non tamen dicit, quod puer extrahatur ex utero.

12. In Contrarium est, quod in textu ex Sententia ad Anibaldum expressè asserit, quod puer in utero Solùm divina operatione per privilegium gratia potest renasci. Nota illam particulam, Solùm, quæ est exclusiva; unde facit sensum, quod puer in utero potest renasci per privilegium media operatione Divina, non verò media operatione humana. Ergo si posset abluī ab homine, adhuc puer non renasceret per illam ablutionem. Tum quia Doctor Angelicus semper sequitur Augustinum; Cum ergo Augustinus clarè exigat ad Baptismum Nativitatem ex utero, ut patet in textu allato à Divo Thoma, & in aliis, Divus Thomas non concederet puerum in utero totaliter existentem, quamvis aqua ablutum, baptizari.

13. Tum quia in 4. dist. 6. quæst. 1. art. 1. quæstiunc. 2. ad primum dicit, quod generatio spiritalis præsupponit naturalem sibi correspondentem; & ideo generatio spiritalis, quæ fit per ministerium hominum in baptismo præsupponit nativitatem ex utero, quia homo in notitiam, & Societatem hominum prodire; Sed regeneratio, quæ fit divinitus, non præsupponit de necessitate, nisi nativitatem in utero. Ecce regeneratio Spiritalis humana differt à regeneratione Spiritali Divina, quia præsupponit nativitatem ex utero. Regeneratio verò Spiritalis habita à Deo necessariò non supponit nativitatem ex utero. Ergo Secundùm Divum Thomam nequit dari regeneratio spiritalis per hominem, nisi supponat nativitatem ex utero. Per hunc textum præcipuè existimo, quod Divus Thomas non concederet, puerum existentem totaliter in utero matris viventis, quamvis aqua ablutam, posse baptizari.

Nec Argumenta in Contrarium probant aliquid. Non quidem PRIMUM, quia in materia Legis Divinæ non semper valet Argumentum à Contrario sensu. Sic non valet In Sententia Divi Thomæ: Infans infidelis nequit ordinari Episcopus; ergo Infans Fidelis potest ordinari Episcopus; Nam Secundùm Divum Thomam etiam Infans Fidelis nequit validè suscipere Episcopatum. Sicut ergo ultra Fidelitatem per Angelicum requiritur in homine lumen rationis; Sic etiam, ut quis Baptizetur per Divum Thomam, requiritur nativitas ex utero; nam regeneratio Spiritalis habita per hominem supponit, ad differentiam regenerationis Spiritalis habitæ per Deum, supponit, inquam, nativitatem ex utero.

14. Nec valet SECUNDUM; Primò, quia si Concederemus in illo casu de incisione uteri, quod Puer posset baptizari absque eo, quod extraheretur ex utero, non per hoc idem deberet dici in casu nostro; nam in primo tangitur ab homine; Et cum lucem videat, potest dici

diei aliquo modo prodiiſſe in lucem; unde aliquo modo vivit cum aliis hominibus, quæ ſunt conditiones requiſitæ ad actionem humanam, per quam homo debet baptizari ex Divo Thoma ad. 1. in art. ex 3. par. In noſtro autem Caſu nec videtur, nec tangitur ab homine, & adhuc poteſt ablui ab homine; ergo ablutio in hoc caſu non eſſet baptiſmus.

15. Secundò non valet Argumentum. Nam, licet expreſſe non dicat, quòd aperiatur uterus, & Extrahatur, & poſtea baptizetur, ſubintelligitur illa conditio, Extrahatur, quia in illo articulo agens de Baptiſmo factò in capite, & in aliis partibus, loquitur de partibus, quæ ſunt egreſſæ ex utero. Tum quia regeneratio Spiritualis facta per homines juxta Doctorem Angelicum ſupponit nativitatem ex utero.

16. Plures ſunt Moderni, qui ſequuntur opinionem oppoſitam, ſed etiam Plures ſequuntur opinionem Antiquam. Unde opinio nova Modernorum nec numero, nec qualitate Doctòrum æquat Antiquam; quin longè Superatur, & quòd magiſeſt, Moderni Antiquiores Viſtoria, Valentia, Toletus, Leſſius, Bonacina. quos vidi, non illam ſequuntur abſolutè, ſed conditionatè, nempe quòd infans baptizaretur, ſi poſſet ablui.

17. Non poſſum, non ahtè conqueri de his Doctòribus, quòd in re tam facili, & tam obvia plenam, & certam cognitionem non attigerint de illa Experientia, an Scilicet Infans in utero materno poſſit ablui. Nonne hæc experientia pendet à Medicis, à Chirurgis, ab obſetricibus, à ſceminis gravidis? Cur ergo illos, & illas non interrogare? Nunquam audiverunt à Gravidis, ab obſetricibus, quòd ante partum egreditur ab utero humor aqueus in magna copia? Si egreditur; ergo & ingredi poterit, quia eadem eſt via Thebis Athenas, & Athenis Thebas, dicebat Ariſtoteles 3. phyſic. tex. Si humor ingreditur in uterum ergo infans ablue-  
tur.

18. Præterea Theologi, Canoniſtæ, & Legiſtæ nonne ſciunt ex 1. temporibus ff. de inſip. Ventr. quod, quandò dubitatur, An mulier ſit gravis, tunc ſunt adhibendæ obſetrices, quæ ventrem inſpiciant, & referant veritatem? Cur ergo non adhiberentiam in noſtro caſu obſetrices ad probandum, an poſſit ablui? Nunquid major ſollicitudo adhiberi debet de vita temporali, quàm de Spiritualis? Præterea nonne in celeberrimo c. Fraternitati de Frigidis, & Maleficiat: & c. propoſuiſti de probat: legunt ad ſciendum, an mulier ſit cognita à Viro, & ſic an Matrimonium ſit validum, quòd adhibentur honeſtæ mulieres ad inſpiciendum ventrem? Cur ergo ad ſciendum, an uterus gravidæ poſſit ablui, & ſic an baptizari poſſit infans, non adhibentur honeſtæ mulieres ad inſpiciendum ventrem? Nunquid major cura debet haberi pro determinatione Matrimonii, quàm Baptiſmi? aut majus eſt negotium, ut generentur filii Mundo, quàm Cælo?

19. Sed quid dicendum de iis Doctòribus, qui nec dubitaverunt de hac experientia, & tamen vixerunt in tempore, quo jam invaluerat hæc dubitatio? & quid de illis, qui ſcripſerunt, poſtquam alii Moderni non dubitando, ſed affirmando ut certum, poſſe infantem aliquando ablui exiſtentem totaliter in utero materno, & tamen de hac experientia non meminerunt?

20. Nunquam deſinam mirari, quòd Pater Natalis Alexandri agitans hanc difficultatem tom. 1. lib. 2. c. 7. de Baptiſmo prop. 2. ſequutus opinionem antiquam, ut Parochos inflammaret ad ſalutem horum miſerabilium puerorum reſert ibidem Regul. 2. Ordinationem Sanctiſſimam Divi Caroli, qua juſſit ut ſi mulier gravis obierit, aperiatur uterus, & Fœtus eductus, ſi vivit, quamprimum baptizetur. Id verò magna cautione fiat, ne & is vivens ex utero extrahatur; & tunc in primis cùm mater verè mortua eſt, ne pro ſalute Filii Mater occidatur. Subdit poſtea, quòd

Synodus Lingonienſis anno 1404. conceſſit 40. dies Indulgentiæ illis, qui præſtant auxilium incidendi, ac extrahendi puerum ex utero mortuæ. Ita etiam ſtauiſſe Synodum Senonenſem anno 1524. & Pariſienſem anno 1557. narrat ibidem.

21. Nunquam, iterum dico, deſinam mirari, quòd Pater Natalis fecerit mentionem de talibus Ordinationibus, & non fecerit mentionem huius experienciæ; & tamen illæ ordinationes ſolum interviunt pro Urbibus, & Caſtellis, in quibus morantur Chirurghi, & & quidem peritiores, qui ſint apti ad incidendam matrem mortuam; non verò pro Villis, in quibus non adiunt Chirurghi, & difficiliter ob paupertatem, & ob diſtantiam poſſunt vocari ab Urbe. E contra noſtra experientia poteſt inferre pro pueris in Villis morientibus. Sed ideo puto illam omiſſiſſe, quia in Præſatione operis declarat, ſe regulas morales conſtituere non ſecundum opinionem Modernorum, ſed juxta Divinas Litteras, Sanctos Patres, Concilia, Decreta Pontificia, & Sanctos Thomam, Raymundum, & Antonium.

22. Ego laudo Doctiſſimi Viri zelum, & Religioſitatem; at ſubdo pro præſenti caſu, & pro aliis dependentibus ab experientia, & à Facultatibus naturalibus hæc principia non ſufficere. Noſter præſens caſus inquiri, An pueri exiſtentes in utero materni poſſint baptizari. Certè, cum cognitio propoſitionis dependeat à cognitione terminorum, nequit bene reſolvi, niſi priùs cognoscantur ipſius termini. Inter autem terminos præſentis difficultatis adest ille, *in utero*. Ergo debet bene cognosci hic terminus, *uterus*; Huius autem cognitio non dependet à prædictis principis, ſed à principis *Medicine*. Ergo, ut plenè reſolvatur prædicta quaſtio, debemus recurrere ultra ad *Sacram Scripturam, Sanctos Patres, Concilia, Pontifices, Divum Thomam, Divum Raymundum, & Divum Antonium*, etiam ad Medicos, Chirurgos, & Obſtretrices.

Hinc, quia Antiqui, & cum ipſis Pater Natalis, tales non conſuluerunt, non adequatè, ſalva ipſorum reverentia, potuerunt præſentem diſputationem diſſolvere; Et hinc dixerunt univerſaliter, & abſolutè, puer in utero materni nequit baptizari, *quanequit abluï, neque ſubjici operationi humana*. Et tamen evidenter conſtat, quòd talis puer *aliquando ſubeſt operationi humana, & poteſt abluï*, quin ita poteſt abluï, ut poſſit etiam ſubmergi in utero ab aqua, ut mox pateſciam.

23. Nos ergo, ut plenè, quantum fieri poteſt, enodemus negotium, & conſulamus ſaluti horum puerorum magis miſerabilem cæterorum hominum, legamus Chirurgos, & Medicos. Igitur ſciendum ex Thoma Bartholino in ſua Anatomia Reformata lib. 1. cap. 28. Uterum ſic dici ab Utre, & ſolere etiam vocari Matricem, Utriculum, & Loca muliebria.

24. Collocatur autem Uterus in hypogaſtro, hoc eſt in infima parte imi ventris, quæ in cavitate, quæ pelvis dicitur, conſtituitur ab Olſe Sacro, & oſſibus Ilei. Ejus figura ab aliis ſtatuitur Rotunda, ab aliis Pyriſormis. Hoc eſt certum, quòd uterus eſt talis figuræ, quòd una pars habet cavitatem majorem, alia minorem; Unde uterus, ut idem Author ſcribit cap. 29. conſtat ex duplici parte diſſimilari, una dicitur *Fundus*, Alia verò *Collum*, ſeu *Cervix*. Fundus habet ampliorem cavitatem, minorem Collum. Quælibet ex his in alias partes ſubdividitur, quæ diviſio ad rem non pertinet.

25. Collum communiter habet longitudinè octo, vel ſeptè digitorum per tranſverſum, ut digitus longiorem æquet. Officium Fundi eſt continere fœtum; in ipſo enim à virtute generativa fit Conceptio hominis; Unde ab Ariſtotele ſolet vocari naturæ *campus*. Facta Conceptione clauditur Fundus, & ibi clauditur ubi incipit collum, ſeu cervix. Illa pars, in qua fit hæc clauſura, appellatur Orificium uteri interius ad diſſerentiam vulvæ, quæ Orificium exterius dicitur.

Hoc



c autem Orificium tam arctè claudijuxta Hipocr. de natura puer. nu. 37. 9. & ita vulgò creditur, ait Bartholus, ut ne specilli aciem, aut acum romittat. Aperitur autem in superatione, & in partu sive naturali, si praternaturali.

26. Collum uteri potest dividi in tres partes, In Orificium exterius, quod solet vocari Vulva, seu Valva, inquit artholinus cap. 32. In Orificium luteus, & in partem, quæ est inter Orificia. Orificium interius est illa pars, quæ conjungitur cum fundo uteri, & clauditur in formatione fœtus. Orificium Exterius est illa pars colli exterius appaens, & oculis obvia. Pars Intermedia est illa longitudo, septem, aut octo digitorum, quæ incipit ab Orificio externo, & desinit in Orificio interno.

27. Fœtus Humanus efformatus statim involvitur à duabus membranis, quæ ita junctæ, & mutuo connatæ sunt, ut unum videantur constituere, & hoc unum dici solet Secundina, vel Secunda.

Prima Membrana *Ammios* dicitur, in qua multus, & copiosus reperitur humor, inquit Bartholinus cap. 36. cui fœtus innatæ, qui humor oritur ex sudore, & ex urina pueruli. Ad nostrum propositum multum refert reminisci, quòd ille humor contineatur ab *Ammios*. Secunda Membrana dicitur *Chorion*, eò quòd instar circuli fœtum ambiat. Hæc secunda membrana immediatè ciungit, & ambit Primam, Unde fœtus immediatè circumdatur à membrana *Ammios*, & hæc mediante à *Chorion*. Usus, & cognitionem ulteriorem harum membranarum non est opus describere, utpotè ad quæstionem impertinentia.

28. Partus dicitur Naturalis à tempore, cum scilicet sit à septimo mense completo, & deinceps, & à modo egrediendi, & hic modus est unicus, cum scilicet caput prius ab utero egreditur. Quocunque alio modo egrediatur, vel fiat, dicitur Partus Praternaturalis. Ego habeo Librum Italico Sermone compositum à Scipione Mercurio, qui vivebat anno 1571. ut testatur ipse lib. 2. cap. 28.

Hic porro Liber inscribitur Italicè *La Commare*, ò *Raccogliatrice*, Latine, *Obstetrix*. Et principio Secundi Libri describuntur diligentissimè, & figuris delineantur plures Partus Praternaturales. Describuntur quoque, & Figuris delineantur à Daniele Sennerto tom. 2. Operum 3. libr. 4. par. 2. sect. 6. c. 5.

29. Instante tempore Partus tunc ruptis membranis, inquit Sennertus cap. 3. aqua, ut vulgò appellantur ab obstetricibus, ex urina, & sudoribus infantis collecta effluunt; primo pauca, hinc copiosa, demum Sanguis aquosus effluunt; atque uteri orificium (utique interius) ad fœtum excludendum aperiri incipit.

30. Multis autem causis etiam partus Naturalis difficilis evadere potest, quas idem Sennertus cap. 4. enumerat; Unde dicebat Hippocrates v. Aphorism. 56. Quæcumque utero gerentes à febris corripuntur, & fortiter calefiant sine occasione manifesta, difficulter pariunt, & cum periculo.

31. Causæ difficultatis sunt, vel quia Uterus est debilis, & ad expellendum non insurgit, ac dolores illi, qui ex uteri conatu expellendi fœtum excitantur, gravidam non apprehendunt. Item quia Spiritus, & Sanguis, quæ sunt Instrumenta expellendi partum, non adsunt in sufficienti copia; Item si in utero Gemelli, vel Plures adsint, & eodem tempore exitum quarunt; Aut si fœtus molam coherentem habeat; Aut si fœtus est magnus, vel secundum totum corpus, vel secundum caput; Vel si vasa Umbilicalia aliquot gyris collo infantis circumvoluta sunt.

32. Sed multò difficilior Partus evadit, si sit Praternaturalis, ex eo quòd fœtus modo Naturali, scilicet capite prius egrediente, non accidat. Hi autem modi plurimi enumerantur à prædictis Doctoribus, quamvis plures, qui tamen rarius fiunt, omittantur. Et Sennertus cap. 5. narrat ex Joanne Schenchio, quòd Infans sursum abreptus usque ad Umbilicum, natus sit ex eo, quòd peritissima fœmina immitrens in uterum manum singulari dexteritate retraxerit

Infantem ad locellos, & filius vivus, & vitalis ederetur.

33. Edocendo autem modum, quo Partus Præternaturales faciliter fiant, præscribunt, ut obsteritrix curet, quod infans acquirat figuram, & modum naturalem. *Sisæus*, inquit Sennertus ibidem, *non recto sicut prodeat obsteritrix manu oleo inuncta, unguitibus præcisissimè partim retropellendo, partim in rectum agendo, prout opus fatum dirigere, & in meliorem, ac naturalem situm conformare debes, & omnis labor eo dirigendus, ut fœtus in cavitatem uteri reducatur.*

Ex hoc textu habetur, quod obsteritrix potest in mittere manum in Uterum, quod est maximè pro nostro casu notandum. Hoc idem apertè idem Author cap. 3. in fine asseruerat dicens: *danda quoque opera, ut una cum in ante Secundina exeant; qua, si in utero resisterunt, manu, calido oleo illita, in uterum immissa extrahendæ sunt, qua si utero cohereant, paulatim vincinde circum agenda, & tandem validius attrahenda, atque extrahenda sunt.*

34. Inter Partus difficiliore Præternaturales tres sunt, qui apud Sennertum cap. 5. Decima, Duodecima, & Terziadecima Figura representantur. Sunt autem cum Infans Natus, vel Dorso, vel Ventre, & Pectore, Orificio Interiori obversis, exire conatur.

35. Ex his omnibus, quæ apud Medicos, Chirurgos, & obsteritrices sunt inconcussa, colligitur, quod datur sæpe casus, in quo uterus, seu cavitatem uteri, sit apertus, & tamen Infans secundum omnes suas partes sit intra cavitatem uteri, & nulla sit extra, quod præcipuè accidit, si Caput sit Magnum, vel Infans pectore, & ventre, vel dorso egredi conetur. Potest etiam dari casus, quod Infans secundum aliquam partem sit extra cavitatem uteri, & illa pars sit in media parte colli uteri, nec pertingat ad Orificium exterius, unde adhuc extra nihil appareat, quod præcipuè accidit, si uterus, & Infans sint debitis virtutis, & defatigati ob longam lætiam in egrediendo. In his ergo duo-

bus Calibus potestne Infans Baptizari?

36. Secundum ergo opinionem Antiquorum, de qua per plusquam Tria Sæcula nihil dubitatum fuit, Respondendum est negativè. Pro hac Conclusionem asserunt Textus, & rationes, & prior Textus desumitur ex Divo Augustino epist. 59. ad Dardanum, cujus mentionem facit Magister in 4. dist. 6. cap. 2. ubi sic scribit. *Nec renusci quisquam potest, antequam natus sit.* . . . Hoc ergo excepto lapide Angulari, non video, quomodo ædificentur homines in Domum Dei ad habendum in se inhabitantem Deum; *nisi cum fuerint renati, quod non possunt esse, antequam nati.* . . . illa Sanctificatio, qua efficiuntur & singuli Tempia Dei, & in unum omnes Templum Dei, non est nisi renatorum, *quod nisi homines nati esse non possunt.* Nullus autem vitam, in qua natus est, bene finiet, nisi renatus antequam finiat. Quod si quisquam dicit, jam esse natum hominem, etiam cum adhuc est in utero Matris, testimoniumque adhibet ex Evangelio Luc. 1. quia, dictum est ad Joseph de prægnante Virgine Domini Matre, *Quod enim in ea natum est, de Spiritu Sancto est; Nunquid nam huic Nativitati accedit Secunda Nativitas? Alioquin non erit jam Secunda, sed Tertia.* Dominus autem cum sic loqueretur, nisi quis, inquit, renatus fuerit denovo, *eam scilicet computans Nativitatem, qua sit Matre pariente, non concipiente, atque prægnante, qua sit ex ea, non qua sit in ea.* Neque enim renatum dicimus hominem, quem Mater peperit, tanquam iterum natus sit, qui jam semel natus fuerat in utero; *Sed illa nativitate non computata, qua gravidam facit, natus dicitur homo partu, ut possit renasci ex Aqua, & Spiritu.* Secundum quam ex Matre nativitatem etiam ipse Dominus in Bethlehem Judæ dicitur natus. Si igitur homo regenerari per Gratiam Spiritus in utero potest, quoniam resistit illi adhuc nasci, renascitur ergo, antequam nascitur, quod nullo modo fieri potest.

37. In hoc Textu Sanctus Doctor nedum

suam opinionem explicat, sed simul bat illa ratione, quia impossibile est, ut quis renasci per Baptismum possit, prius sit natus. Nec dicas, sufficere civitatem in utero, nam sic, dum is ex utero nasceretur, deberemus il-  
lum vocare *renatum*, cum antea natus  
et in utero. Tum quia si in utero per  
stiam Spiritus regeneratur; Ergo *rena-*  
*tur*, antequam nascitur, quod nullo  
modo fieri potest. Ecce quod Divus Au-  
gustinus refellit Argumentum opposi-  
tum; unde pertractat hanc difficultatem  
& profecto asserendo rationem pro sua  
opinione, & refellendo opposita.

38. Secundus Textus desumitur quo-  
que ex Divo Augustino lib. 6. contra Ju-  
lianum cap. 5. ubi scribit: Si ad Matris  
corpus id, quod in ea concipitur, per-  
tinet, ita ut eius pars deputetur, non  
baptizaretur Infans, cuius Mater baptiza-  
ta est aliquo mortis urgente periculo,  
cum eum gestaret in utero. Nunc verò,  
cum etiam ipse baptizetur, non utique  
bis baptizatus habetur, non utique ad  
maternum corpus, cum esset in utero;  
pertinebat. His duobus Textibus uti-  
tur Pater Natalis Alexandri, qui pote-  
rat addere, Secundum Textum Canonizari in c. *si ad Matris* de consecr. di-  
stinct. 4.

39. Tertius Textus desumitur quo-  
que ex Divo Augustino de Baptis. par-  
vul. & refertur c. *si baptizata* ead. Sa-  
cramentū Baptismi est *Sacramentum rege-*  
*nerationis*; Quare, sicut, qui non vixe-  
rit, non potest mori, ita, qui natus non  
fuerit, non potest renasci; Ex quo con-  
spicitur, neminem in suo parente potuisse  
renasci, cum nondum sit natus.

40. Quartus Textus est Divi Isidori  
lib. 1. sentent. cap. 22. & refertur in c. *qui*  
*in Maternis* de consecr. distinct. 4. ubi di-  
citur: qui in maternis sunt uteris, ideo  
cum Matre baptizari non possunt, quia,  
qui natus secundum Adam non est, se-  
cundum Christum regenerari non po-  
test; neque enim dici in eum regene-  
ratio potest, quem generatio non præ-  
cessit.

41. Ratio verò, quam Soto *manife-*

*stissimam* appellat, pro hac conclusione  
est, quia Infans in tali statu positus ne-  
quit abluī; Cum autem Baptismus sit  
quidam ablutio, ut omnes fatentur;  
Ergo, si infans in tali statu nequit ab-  
luī, nec etiam baptizari poterit, nisi  
forte dicatur, Infantem abluī, quate-  
nus Mater abluītur, quod non sufficit,  
ut patet ex Divo Thoma, & Augusti-  
no; quin clarè colligitur ex Tridentino  
sess. 3. in Decr. de Originali peccato. In  
hac ratione præcipue fundat Angelicus,  
& plures Theologi. Præterea hi  
pueri cum aliis vitam non ducunt, nec  
sunt noti Ecclesiæ; ergo nec sunt capa-  
ces Sacramentorum cæterorum homi-  
num, & Ecclesiæ. Probatur ab aliis  
hæc Conclusio aliis Argumentis, sed re-  
cte impugnatur à Divo Thoma, &  
Scoto; atque ideo illa omitto.

42. His tamen minime obstantibus,  
sed salva honorificentia, quæ tot, tan-  
tisque Theologiæ Proceribus, præcipue  
tamen Divo Thomæ, & Bonaventuræ  
debetur, oppositam opinionem tan-  
quam Probabiliorem, & magis piam,  
& magis faventem extrema, ac ultima  
necessitati harum miserabilium Personarum,  
& adeo miserabilium, ut nullo mo-  
do possint per proprios actus sibi prodesse,  
debemus omnino sustinere. Si Cha-  
ritatem, pietatem, & misericordiam  
his parvulis non impendimus, quibus  
impendimus? Sed pro clariori solutio-  
ne.

43. Dico PRIMò, debere esse certum,  
quod hi Pueri, antequam secundum ali-  
quam partem exeant à Collo Uteri,  
vel à cavitate Uteri, & sic antequam  
secundum aliquam partem nascantur ali-  
quo modo, sed sint totaliter in cavitate  
uteri, & in utero, possunt physice  
abluī. Hoc autem accidit instante tem-  
pore partus, quo tempore aperitur Ute-  
rus, & quia partus sit in tempore, &  
sic successive, ideo in omni partu datur  
tempus, in quo est apertus Uterus, &  
infans secundum omnes partes est in ca-  
vitate Uteri; & hoc tempus est longius,  
ut duret per plures dies, & præcipue in  
partu Præternaturali. Hoc est evidens  
ex

ex dictis supra, & quilibet pro certo haberit, si Medicos, Chirurgos, & Obstretices interrogabit, quibus personis tanquam peritis in propria arte ex Legibus, & Sacris canonibus est credendum. Præterea si quilibet interrogabit gravidas, hæc respondebunt, quod ante partum à suis Uteris egrediatur aqua: ergo & in Uterum poterit ingredi aqua, quia eadem est via, dicebat Aristoteles, quæ Thebis Athenas it, & Athenis Thebas.

De hac ergo conclusione non est dubitandum, nec revocandum in dubium, sicut nunc non est amplius dubitandum, an dentur Antipodæ, & Oceanus sit navigabilis, quamvis Antiqui plurimi de hoc dubitaverint, & plurimi hæc negaverint.

44. Remanet ergo sola difficultas in assignando modum, quo talis ablutio debeat fieri. Hanc porro describo ex Patre Georgio Gobat de Sacrament. tract. 2. n. 57. ubi ex Scildere sic docet: Ordinariè facile est aquam usque ad Infantem, aut secundas digito madefacto immittere, aut potius per infusionem factam tubo aliquo, aut instrumento, quo Chirurghi solent ad sanandam Matricem affectam aquas medicas expurgationi inservientes in eam infundere. Quo Instrumento etiam, quando infans digito attingi non potest, immiti possunt aquæ baptizando fetui inservientes; nam etiam tunc spes est (corrigere. *certum*.) quod ad infantem, vel ad Secundas eum circumdantes perventuræ sint. .... Semper autem cavendum est, ne aqua adhibeatur alia, quàm calida, eò quod Immisio Frigidæ sit mors matris. Adhibendus etiam tum ratione honestatis, tum ob peritiam Chirurgus, vel obstetrix, si fieri possit. Ita Gobat: Ego addidi, quod si pertubum, vel per clysterem, seu per aliud instrumentum iniciatur aqua in Uterum, *cervix* Infans abluatur; Ratio est, quia infans occupat totum Uterum, & propter hoc crescente Infante dilatatur uterus; ergo injecta aqua in uterum debet omnino infans madefieri.

45. Ego, dum fit ablutio mediis digitis, & manu, adhiberem parvam spongiam bene madefactam; quia sic certior fieret ablutio. Si Collum Uteri esset amplum, facerem ablationem per manum, quia sic certius fieret in parte certò apta baptismo, Ver. grat. in capite, in pectore, &c. Si verò collum esset angustum, ut accidit in primò parientibus, in junioribus, in pinguibus, &c. tunc uterer Instrumento. Quod verò per Instrumentum possit certò inici humor in Uterum, non debent de hoc dubitare Theologi; Sufficit, ut consulamus Medicos, Chirurgos, & Obstretices de hac experientia. Hinc Sennertus lib. 4. par. 1. sect. 2. c. xi. fin. hydropon Uteri curat per Clysteris injectionem in uterum. Sed de hoc, ut dicebam, ambigendum non est. Decet autem omnino ob modestiam, & honestatem in hac ablutione, quod adhibeatur obstetrix, & postea Chirurgus; & hæc praxis est juxta Leges, & Canones supra allatos. Sed reminiscendum, quod agitur de re, quæ forsan potest evehere ad Regnum Cœleste Infantem, qui aliàs certissimè pœnam damni subiret.

46. Quod Pater Gobat dicat, quod aqua saltem perventura sit ad Secundinam circumdantem puerum, videtur supponere, quod aperto utero remaneat ordinariè loquendo puer sic amictus, quod non est verum. vidimus enim supra oppositum contingere. Infans siquidem se soluit ab illis membranis, & hinc ipse prior egreditur ex utero; aliquando tamen Infans non se soluit, sed ab illis coopertus egreditur, & ille partus nuncupari solet *Galeatus*.

47. Dico SECUNDO, quando Uterus non est apertus, quod accidit in toto tempore, quo mulier gerit in utero, & præcedit tempus pariendi; (quando enim aperitur in superfatatione, quod accidit ob delectationem in copula carnali, non inservit pro nostro casu, cum finita copula iterum claudatur) tunc physicè nequit infans abluì, quia uterus est clausus, ut patet ex dictis jux-

principia medica. Si autem Infans uit ablui, certissimè nequit baptizari quia Baptismus est ablutio quedam; et definitum in c. si ad matris, quòd tizata matre non baptizatur infans, colligitur, ut supra dixi, ex Tridentino sess. v.

18. Dico TERTIO, salva iterum tota antiquitati debita reverentia, probabilius est, illam physicam abluitionem, et infans in tempore assignato abluere in utero totaliter existente, esse sacramentum Baptismi, & Infanti prodesse, & si moreretur, Cælum peteret, ut Fides docet, Baptismus Januam cæli aperit.

49. Probatur 1. quia, quamvis dicatur sæpe per Baptismus parvulos renasci iuxta illud Joannis 3. *Nisi quis renatus fuerit*, &c. tamen simul, actionem dicitur regenerari. Hinc Paulus ad Titum cap. 3 dicebat: Secundum misericordiam suam salvos nos fecit per lavacrum Regenerationis; & forsitan ad hoc respexit Divus Petrus in 1. Epist. cap. 1. dum dixit: *Regeneravit nos in spem vivam.* Hinc Divus Dionysius de Ecclesiastica Hierarch. c. 2. definit Baptismum, quòd sit principium Sanctissimorum Mandatorum Sacræ actionis ad aliorum divino eloquiorum, & Sacrarum Actionum susceptivam opportunitatem formans animales nostros habitus ad super-cælestis quietis anagogem nostrum iter faciens, & Sacra, ac divinisima nostra regenerationis traditio. Et Divus Damascenus lib. 4. cap. 1. ait: Baptisma est, per quod primitias spiritus Sancti accipimus, & principium alterius vitæ sit nobis regeneratio, & Sigillum. Et Beda lib. 1. in Luc. c. x. dicebat, Aquas ablutas per carnem Christi peccati nesci in Baptismi jus induisse, & vim Regenerationis concepisse Sanctificationis.

50. Eodem modo loquuntur Origenes in Joan. tom. 8. in explic. illius textus. Ego quidem baptizo vos in aqua. Joan. Gryssostomus homil. 23. in Joan. Cirillus Alexandrinus in Joan. c. 3. vers. 3. 4. & 5. Theophilus in Joan. c. 3. §. dicit ad eum Nicodemus Rupertus Abbas in Joan. lib. 3.

in explic. textus, *nisi quis renatus fuerit* &c. Beda iterum in Joan. cap. 3. De Divo Augustino est plusquam manifestum legentis ejus indicem V. *Generatio, Regeneratio.* Quin in primo ejus textu relato ab Adversariis pro sua opinione clarè Sanctus Doctor dicit, in Baptismo hominem *Regenerari.* Idem patet de Isidoro ex textu allato.

51. Hoc idem pluribus in locis asserit Divus Thomas, ut superfluum sit omnes textus referre; sufficiat illum ex 3. par. quæst. 62. art. 2. ubi ait: Baptismus ordinatur ad quandam *spirituales regenerationem*; & Alium ex quæst. 65. art. 2. ubi sic scribit: *Manifestum est*, quòd Baptismus, *qui est spiritualis regeneratio*, est prius. Lege cap. 59. lib. 4. contra Gentiles. Mihi est certum apud Sanctum Doctorem sæpius tribui Baptismo nomina *Regenerari, & Regeneratio*, quàm *Renasci, & Renativitas.*

52. Hæc etiam veritas est manifesta ex c. qui in maternis, & c. si baptizatus de consecr. distinct. 4. ut patet ex verbis horum Textuum allatis supra. Et in c. debitum de Baptis. Sicut ergo in Carnali generatione, qua proles nascitur ex viro, & foemina, aliusest, qui carnaliter gignit, & alius, qui carnaliter gignitur, sic & in Sacramentali generatione, qua Soboles ex Spiritu Sancto, & Aqua renascitur, alius debet esse, qui spiritualiter generat, & alius, qui spiritualiter generatur.

53. In c. quoque. cum Matribus. §. quævis illi Baptismus appellatur Sacramentum Regenerationis. Et in Trident. sess. 5. dicitur, quòd Regenerationis lavacro necesse sit expiari. .... ut in eis regeneratione mundetur, quod generatione contraxerunt. Et sess. 6. cap. 4. quæ quidem translatio in statum gratiæ post Evangelium promulgatum sine lavacro regenerationis, aut ejus voto fieri non potest. Ex his rectè Catechismus Romanus potuit definire Baptismum, quòd sit Sacramentum Regenerationis per lavacrum aquæ in verbo vitæ; Primus textus Tridentini importat formalia verba Innocentii primi decernentis contra Pelagium

lagium, *parvulos ex muliere baptizata natos esse baptizandos.* Vide Breviarium Romanum die. 28. Julii.

54. Supposito ergo, quod proprium sit Baptismi regenerare spiritualiter, sic Argumentum intrinsecus: Genitus naturaliter potest regenerari spiritualiter, & sic baptizari; Sicuti natus naturaliter potest renasci spiritualiter; sed infans totaliter existens in utero Matris est genitus naturaliter; ergo infans totaliter existens in utero Matris potest regenerari spiritualiter; & sic baptizari. Minor probatur, cuius veritas dependet præcisè à principiis Philosophicis, & ejus cognitio ad solos Philosophos spectat.

Igitur ex Aristot. 5. physicoz. cap. 2. tex. 7. datur duplex generatio, simpliciter, & secundum quid. Prima est, per quam ex non ente fit ens simpliciter, idest substantia. Secunda est, per quam fit ens ut tale, vel tantum, &c. idest per quam producitur accidens.

55. Sed adhuc generatio, seu productio substantialis pressius sumi potest, idest pro generatione viventium; & sic generatio significat, inquit Divus Thomas 1. par. quæst. 27. art. 2. *Originem alius viventis à principio vivente conjuncto, & hac proprie dicitur nativitas.* Hinc, quando Equus producit mulum, proprie dicitur illa actio, Generatio, & Nativitas. Denique Generatio propriissime sumi potest, & est, quando terminus vivens productus potest dici genitus; & sic Divus Thomas addit illi definitioni hæc alia: *Secundum rationem similitudinis in natura ejusdem speciei.* Hinc Thomistæ hanc propriissimam generationem definiunt: *est origo viventis à vivente principio vita conjuncto in similitudinem nature.* Eandem Doctrinam habet Scotus in 3. distinct. 8. quæst. unic. §. ad quæstionem. Et in 1. distinct. 13. quæst. unic. ad 1. princ. unde Scotistæ hanc generationem definiunt, ut videre licet apud Mastrium de Generatione dispnt. 8. qu. 1. num. 1. *quod sit productio naturalis viventis à vivente similis producenti in natura.* Et in hac definitione rectè ponitur ille terminus Naturalis, quia dicebat Ari-

stoteles de Anima lib. 2. cap. 5. num. 2. *esse naturalissimum viventibus, generare sibi simile ad conservandam speciem.* Ex quibus verbis videtur, Divum Thomam, & Scotum Theologos desumpsisse suas definitiones de Generatione Viventium.

56. Ex his evidenter probata manet Minor nostri Argumenti; nam hic per genitum intelligimus hominem per generationem substantialem productum. Patet autem, quod Infans in utero totaliter existens est productus per generationem substantialem quacunque ex tribus definitionibus allatis de generatione. Et quando ex utero egreditur, tunc non habetur aliquid de generatione, sed persona, quæ aliàs erat genita, & erat homo, egreditur ab uno ad alium locum, & per illam nativitatem ex non ente non fit ens simpliciter, nulla enim de novo substantia habetur, quæ antea non erat; sed ex non ente fit *tale ens*, scilicet fit ens extra uterum, quæ est generatio accidentalis ex Aristot. & sic non potest dici tunc, *homo generatur.*

57. Major nostri Argumenti, scilicet *quod genitus naturaliter potest regenerari spiritualiter*, videtur per le nota, & vera ex terminis. Quid enim aliud requiri potest ad regenerationem spiritualem, quam generatio Naturalis? Post Primam generationem utique sequi potest secunda, & post generationem naturalem potest sequi spiritualis, cum spiritualis fundetur in naturali, gratia enim fundatur in natura. Tum quia natus potest renasci; ergo genitus potest regenerari. Tum quia ex c. *qui in matris* dicitur, non posse aliquem regenerari secundum Christum, qui nondum est genitus; ergo, qui est genitus, potest regenerari secundum Christum.

58. Confirmatur: Si Mater nequeat effundere ex utero infantem; unde necesse sit, ut incisionem patiatur, & puer exeat partu Cæsareo, tunc ille puer est in rigore Filius, sicut ceteri, scilicet Matris, & sui Patris; & Physica illum recenset tanquam productum per generationem naturalem; ergo est propriissime

mè genitus. Consequentia liquet, quia Ratio Filii essentialiter importat rationem Geniti, ut fatentur etiam Theologi par. 1. quæst. 27. art. 2. Et in 1. dist. 13. ubi tractant illam questionem, quare Spiritus Sanctus non sit genitus, bene verò Filius. Ergo generatio naturalis datur sine nativitate ex utero.

59. Probatur secundò. Ad Baptismum non requiritur necessariò *Nativitas ex utero*, sed sufficit *Nativitas in utero*. Duplex etenim datur Nativitas, In utero, & ex utero juxta Albertum in 4. distinct. 6 art. 9. & Angelicum Doctorum in 3. distinct. 3. quæst. 1. art. 1. fin. Sed Infans in utero existens totaliter est natus in utero, ut est evidens; Unde de Jesu noviter Concepto dicit Scriptura Matth. cap. 1. d. num. 20. *Quod enim in ea natum est, de Spiritu Sancto est; Ergo Infans in utero totaliter existens potest baptizari.*

60. Sola Major indiget probatione. Probatur tamen multipliciter, quia Nativitas in utero est propriè Nativitas, nam est *origo vivens à principio vivente conjuncto*, quæ ratio propriè est *Nativitas*, inquit Divus Thomas par. 1. qu. 27. art. 2. Tum quia, qui exit ab utero partu Cæsareo, propriè non est natus. Hinc Ecclesia die 31. Augusti celebrans festum Beati Raymundi, illum vocat *Nonnatum*, quia præter communem naturæ legem è *mortua Matris disseclo latere* in lucem eductus fuit. Et quidem omnino rationabiliter talis infans nequit dici *Natus*, nam Nativitas est actio naturalis partum virtute uteri, partum virtute ipsius pueri prodiens. E contra partus Cæsareus fit per actionem violentam; quia cæditur venter infimus, & uterus. Unde illa actio est tota ab extrinseco, & passum nihil confert, quin repugnat; & sic est actio violenta. Violentum autem, & naturale nedum sunt unum, & idem, sed maximè opponuntur. Ergo *Partus Cæsareus non est natus*. Adhuc tamen Partus Cæsareus est baptizandus, ut factum fuit de Beato Raymundo, & fatentur Divus Thomas 3. par. quæst. 68. art. 1. ad 3. & Concilia illa Provincialia

Gallica supra relata, quæ Indulgentias concesserunt iis, qui curam ponerent ad extrahendum puerum ex utero Matris mortuæ, ut baptizetur.

61. Confirmatur: Nativitas ex utero requiritur ad Baptismum non per se, & ratione sui, quia nullum habet motum speciale, propter quod Christus voluerit alligare virtutem regenerativam spiritualiter tali Nativitati. Requiritur ratio: e alterius, quia scilicet subjicit puerum operationi humanæ, per quam solam conferuntur Sacramenta. Hinc, quia extractio violenta Pueri ex utero habet etiam hunc effectum; ideo puer sic violenter extractus potest baptizari. Cum ergo etiam in utero existens per artem possit subjici operationi humanæ, etiam in utero existens poterit baptizari.

62. Dices: per illam extractionem violentam ab utero puer ponitur in statu, in quo cum aliis hominibus vivit, & est notus Ecclesiæ: & sic Ecclesia potest illi sua Sacramenta conferre; quæ rationes non verificantur de puero existente totaliter in utero.

Sed contra est, quia ille puer potest tangi ab obstetrice, ut patet ex dictis; ergo est notus Ecclesiæ. Tum quia nullo jure exigitur ad Baptismum requiri, quod puer immediatè per aliquem sensum ab Ecclesia cognoscatur; sufficit enim, quod cognoscatur mediatè, quæ cognitio haberi potest de illo puero, ut est evidens. Sufficit ergo, quod Ecclesia certò sciat, subjectum esse hominem habentem peccatum originale. In nostro autem casu certi sumus, illam Fœminam gerere in utero animal, cum se moveat, nec esse animal irrationale, quia homo nequit generare brutum per se loquendo, & ordinariè, & insuper ille homo habet peccatum originale, ut Fides docet; Nam in peccatis conceptus me Mater mea, dicebat David. Ergo in hoc casu Ecclesia habet notitiam sufficientem ad Sacramenti administrationem.

63. Confirmatur. Quando Christus Joann. 3. dixit, Nisi quis renatus fuerit

ex aqua, & spiritu Sancto non potest introire in Regnum Dei, illud Verbum, *Renatus*, non dicit relationem ad Nativitatem ex utero, ut supponunt Adversarii; ergo nullo ex capite ad Baptismum exigitur nativitas ex Utero. Consequentia liquet, quia ex unico hoc textu fundant Doctrinam illam, quod ad Baptismum requiratur Nativitas ex Utero. Probatur Antecedens, quia, si quis legat Evangelium, cognoscet quidem, quod Nicodemus intelligebat illum Textum in sensu Adversariorum, unde dicebat: quomodo potest homo nasci, cum sit senex? Nunquid potest in ventrem matris lux iterato introire, & renasci? At ex verbis Christi hoc nequit argui. Subdit Christus: dico tibi, nisi quis renatus fuerit ex aqua, & spiritu Sancto, non potest introire in Regnum Dei. Quod natum est ex carne, caro est, & quod natum est ex spiritu, Spiritus est. Ecce quod ille, qui dicitur renasci ex spiritu, dicitur etiam nasci. Quod natum est ex spiritu. Certum est autem, quod Nativitas ex spiritu non supponit nativitatem ex Utero, ut patet in Sanctificatione in utero.

64. Confirmatur ulterius, quia ubi nostra lectio vulgata dicit: *Nisi quis renatus fuerit ex aqua, & spiritu Sancto, non potest introire in Regnum Dei*; Aliæ Versiones variant; Nam Tertullianus lib. de Baptismo. cap. xi. legit: *Nisi natus ex aqua quis erit, non habet vitam*. Syriacus, Divus Nyssenus orat. de Baptismo & Eutimius legunt: *Nisi quis genus fuerit ex aqua, & spiritu Sancto*. Divus Anastasius Sinaita lib. v. Hexamer. Giosfredi Abbas serm. de Resurrect. verunt: *Nisi quis fuerit generatus ex aqua, & spiritu*.

65. Ecce secundum hos Patres quod hic textus non habet vim in *ly Renasci*, ut necessario debeat significare, & dicere ordinem ad Nativitatem ex utero; sed significat generationem, & nativitatem spirituales simpliciter; quæ spiritualis generatio definitur à Tridentino dist. i. c. vi. cap. 4. quod sit translatio ab eo statu, in quo homo nascitur filius primi

Adæ in statum Gratiae, & adoptionis Filiorum Dei per secundum Adam Jesum Christum. Et hæc definitio loquitur de illo statu iniustitiæ, quam homines, dum propagati per Adam concipiuntur, contrahunt, ut dicit Tridentinum cap. 3. Unde *ly Nascitur* debet sumi per *Nascitur in Utero, non ex Utero*. Tum quia in utero Sanctificatus dicitur generari spiritualiter, & tamen non est natus ex utero; ergo Generatio spiritualis non dicit ordinem necessarium ad Nativitatem ex utero.

66. Confirmatur tandem, quia in Baptismo idem est renasci, ac regenerari ex dictis; ergo idem debet esse nasci, ac generari; Sed Nativitas ex utero non est generatio ex dictis; ergo Nativitas ex utero non est illa Nativitas, quam renascentia in Baptismo de necessitate supponit.

67. Probatur III. Valet Argumentum à Definitione ad definitum, quod verum est nedum apud Metaphysicos, & Physicos, sed etiam Legistas, quia bona definitio debet converti cum suo definito l. i. ff. de dolo malo. Bertachinus, & Tuschus, Ver. definitio alios Legistas asserentes. Sed Puer in utero totaliter existens potest recipere definitionem Baptismi; ergo & ipsum Baptismum. Minor Probatur. Definatur Baptismus à Magistro in 4. dist. 3. cap. 1. quod *Sit Ablutio Corporis exterior facta sub præscripta forma Verborum*. Et hæc definitio coincidit cum illa Augustini in Joan & cap. 4. ex tract. 15. Est intuitio in aqua verbo vitæ Sanctificata. Hanc definitionem Theologi amplectuntur in 4. d. dist. 3. ubi Divus Thomas Herveus, Divus Bonaventura, Paludanus, & alii Theologi, quibus accedunt Summistæ Albericus de Rosate, Hostiensis in Summa, Pisanella, & ejus Supplementum Ver. Baptismus 1. Rosella Ver. Baptismus num. 1. allegans Directorium Juris, & alii, quos superfluum duco singillatim recensere. Sed Infans in utero totaliter existens potest suscipere hanc definitionem; quia ex prima conclusione liquet, quod possit aqua



aqua physice ablui, & dum abluitor, possunt dici Verba formæ baptismi; ergo etiam potest suscipere definitum, scilicet baptismum.

68. Scotus in 4. dist. 3. quæst. 1. dat duplicem definitionem baptismatis. Prima est: Baptismus est Ablutio hominis aqualiter consentientis facta ab alio in aqua simul, verba certa cum intentione debita proferente, significans efficaciter ex Institutione Divina abluitionem animæ à peccato. Secunda est: Baptismus est Sacramentum abluitionis animæ à peccato consentientis in abluitione hominis aqualiter consentientis facta in aqua ab alio ablutente, & in verbis certis simul ab eodem ablutente cum debita intentione prolatis. His definitionibus accedit Rubion dist. 3. quæst. 1. art. 1. fin. licet alia ratione ductus.

69. Si istæ definitiones verificantur de Infantibus extra uterum, verificantur etiam de Infantibus in utero. Et si dicatur de Infantibus in utero non verificari, quod efficaciter significet *abluitionem Animæ*, debent Adversarii assignare rationem, cur Ablutio, & prolatio verborum facta ab alio cum debita intentione sit in uno efficax signum gratiæ, non verò in alio.

70. Divus Bonaventura d. dist. 3. par. 1. art. 1. quæst. 1. ponit duas baptismi definitiones. Prima est Hugonis lib. 2. par. 6. c. 2. *Baptismus est aqua ablucendis criminibus Sanctificata*. Secunda verò est illa allata ex Magistro.

Primum verificari de nostro Infante patet; aqua siquidem Sanctificatur pro *ablucendis criminibus*; Cum ergo noster infans habeat crimen Originale; ergo etiam pro nostro Infante *aqua est sanctificata*.

71. De secunda definitione dictum est supra. Sanctus Doctor ibidem offert duas alias definitiones; sed quia non sunt de Baptismo, sed de ejus effectu, ideo illas pertransio. Easdem quatuor definitiones referunt Alensis par. 4. quæst. xi. .... Divus Thomas ubi supra, & 3. par. quæst. 66. art. 1. & Richardus distinct. 3. artic. 1. quæst. 3.

72. Cæteras definitiones aliorum Doctorum omitto referre, quia ut advertit Gabriel dist. 3. quæst. unic. princ. Differunt solum in verbis, non verò quoad rem significatam.

Unicam aliam referam, quam ponit ipse Gabriel: est autem hujusmodi: Baptismus est lotio hominis viatoris non dissentientis facta in aqua elementari fluida ab alio simul formam debitam cum intentione debita proferente. Brulser definitionem non dissimilem habet dist. 3. quæst. 1. Hæc quoque definitio tota, quanta est, verificatur de nostro Infante, ut consideranti patebit. Idem Gabriel subdit, quod huic definitioni possent addi hæc alia verba: *Ex institutione efficaciter significans abluitionem à peccatis*. Adversarii negabunt hæc particulas de nostro Infante; at ipsi, ut dicebam, debent reddere rationem, cur verificatis aliis particulis definitionis de infante extra uterum verificantur hæc quoque, non verò verificantur de Nostro. Instamus ergo: Priores particulae causant in infante extra uterum signum efficax abluitionis Animæ; ergo etiam debent causare hoc signum in nostro Infante; ubi enim est causa, ibi quoque est effectus. Tum quia, si assignabunt aliquam discrepantiam, tunc hæc dedebat poni in definitione, quia in definitione debet poni causa immediata effectus, & proprietatis primariæ rei definitæ; Et in nostro casu debet poni in definitione fundamentum proximum, in quo Deus decrevit collocare virtutem significandi effectum Sacramenti, ut sic sciamus, quando nam faciamus Sacramentum.

73. Probat. IIII. Psalm. 129. dicitur: *Copiosa apud eum Redemptio*. Et Divus Paulus ad Rom. v. scripsit: *Non sicut delictum, ita & donum. Si enim unius delicto multi mortui sunt, multo magis Gratia Dei, & donum in gratia unius hominis Jesu Christi in plures abundavit. Si Gratia Christi in plures abundavit, quam delictum; ergo Infantes in utero existentes sunt capaces alicujus gratiæ; sed alterius Gratia non sunt*

sunt capaces, nisi regenerationis ad statum Gratiæ, quæ regeneratio habetur per baptismum. Ergo &c. Nec effugies Argumentum, si dicas, posse Sanctificari in utero, ut accidit Divo Joanni Baptistæ, & Hieremiz; Nam Divus Paulus loquitur de Lege communi, & de gratia, quæ datur juxta providentiam Ordinariam, non verò Extraordinariam, & per Gratiæ specialem. Unde, sicut valet dici, quòd Primus Adam omnes suo delicto infecit, ita Secundus Adam pro omnibus remedium instituit; & sicut Primus Adam suo peccato infecit Infantem in instanti, in quo existit, ita Remedium Secundi Adæ est validum semper, quotiescumque applicetur. Hinc magis redundat in Gloriam Christi, si dicamus Baptismum posse Sanctificare Infantem nondum extra Uterum positum, quàm si hoc negemus.

74. Confirmatur. Baptismus Ordinatur principaliter ad delendum peccatum Originale, quamvis etiam de Fide sit in Baptismo omnia peccata ante facta deleri ex Tridentino less. 5. Ergo Infans eo ipso, quòd habet peccatum Originale, habet morbum curandum à Baptismate. Quare ergo, si applicentur omnia præscripta à Christo, debemus dicere, quòd ille morbus non expellatur? Dicebat Innocentius in c. *Majores* de Baptis. *Assit, ut Universi Parvuli pereant, quorum quotidie tanta multitudo moritur, quin & ipsis misericors Deus, qui neminem vult perire, aliquod remedium procuraverit ad salutem.* Quid, quæso, dicturus esset Pontifex illi, qui assereret, quòd Christus pro illis pueris, qui in utero moriuntur, nec sunt pauci, nullum procuraverit remedium ad salutem, & tamen est ille idem Christus, qui neminem, & sic nec illos miseros parvulos vult perire? Quid si adderet, quòd, licet fierent omnia circa illos pueros, quæ fiunt circa pueros extra Uterum, tamen illa actio esset profutura his, non vero illis? Nunquid alii sunt magis digni, aut alii minùs miseri, & magis indigni?

75. Tenemus ergo tanquam Christo

magis honorificam, & miserrimis personis magis faventem opinionem benignam, paucorum quidem Modernorum, relinquendo illam rigidam Antiquitatis. Quia tamen est durum dicere, quòd tanta Antiquitas *cetò erraveris*; ideo fatendum est, opinionem Antiquam esse Probabilem, sed minùs. Quia autem in conferendis Sacramentis debemus sequi opinionem tutiorem, ubi agitur de valore Sacramentorum juxta Decretum Innocentii Undec. num. 1. Ideo conferemus Baptismum his parvulis sub conditione: *Sis in capax.* Sic enim injuriæ Sacramento non faciemus, si elset invalidum, & succurremus necessitati illorum parvulorum, quantum possumus. Tum quia, cum Baptismus est dubius, debet dari sub conditione ex c. *de quibus* de Baptism.

76. Multò autem magis debet dari Baptismus sub conditione, si fiat medio aliquo instrumento, quia tunc non possumus esse certi, an ablatur pars principalis v. gr. caput; Sed forsan abluetur pes, digitus &c. de quibus est dubium ex Divo Thoma 3. par. quæst. 68. art. 11. fin. an sufficiant ad Baptismum. Et adhuc à fortiori Baptismus est dandus sub conditione, si infans à membranis non se solverit, quod potest cognosci, si nihil de aqua ex utero fluxerit; est enim multum dubitabile, an infans possit validè baptizari involutus in secundinis, ut videre licet apud Layman lib. 5. tract. 2. cap. 3. num. 3. quamvis plures Moderni affirmativam sententiam tueantur apud Dianam par. 5. tract. 3. resolut. 4. Et in Coord. tom. 1. tract. 1. resolut. 79. quibus ex Antiquis præceperunt Aureol. in 4. distinct. 5. quæst. 1. Angel. Ver. *Baptismus* 6. num. 4. Rosella Ver. *Baptismus* num. .... Et ex non multum Antiquis Sylvester Ver. *Baptismus* 4. qu. 1. Fumus Ver. *Baptismus* num. 27. Hic obiter nota contra Dianam par. 10. tract. 16 resolut. 19. & in Coord. tom. 1. tract. 1. resolut. 76. non esse verum, quòd puer soleat nasci in secundina loquendo de Nativitate extra uterum, quia, ut vidimus ex Medicis, rarò accidit partus Galeatus.

77. Sed magis juvat, notare contra Theologos Antiquos, qui dicunt non esse sciendam matrem vivam, ut puer extrahatur, & baptizetur. Juvat, inquam, notare, & supponere, quod incisio matris vivæ in partu Cæsareo non sit mortalis, nec per se mortem afferat, ut sustinet Scipio Mercurius in illo suo libro Italicè dicto, *La Commare*, lib. 2. cap. 28 qui narrat hanc experientiam didicisse in Gallia anno 1571. & vidisse mulieres expertas hanc incisorem; & idem docuisse testatur Franciscum Roussel natione Gallum; Et hanc opinionem efficacissimè probat, quia venter ille in parte dextera, aut sinistra nullam partem habet, quæ cæsa mortem afferat. Lege ipsium. Lege etiam Sennertum ubi supra num. Nec omittas videre Patrem Gobat in sua Theolog. Exposit. de Sacram. tract. 2. casu 8. num. 259. in Appen. qui prius credebatur, hanc incisorem matris vivæ esse omnino peccatum mortale; tamen post Lectionem Theophili Raynaudi tom. 14 tract. de ortu infan. per part. Cæsar. Mutavit opinionem convictus à rationibus, & Authoritatibus Medicorum, quibus in hoc est credendum. Et ipse Gobat affert duo exempla de Fæminis viventibus post talem incisorem. Et mihi hæc scribenti mulier fide omnino digna narrat, se cognoscere fæminam vivam, & bene se habentem expertam hujusmodi incisorem.

78. Si Theologi legent Medicos, quibus est omnino standum, statuunt pro certo contra Antiquos, esse licitam hujusmodi incisorem, uti ego pro certo judico. Difficultas solum est, quod reperitur Chirurgus idoneus, & doctus, quia in rei veritate est experientia admodum difficilis, & quæ supponit magnam peritiam Anatomicæ artis. Si illæ Synodi Gallicanæ largitæ sunt Indulgentias pro iis, qui adjuvant incisorem matris mortuæ, ut baptizetur Infans, nunc edocet novam hanc Modernorum veritatem, alias Indulgentias concedant pro iis, qui cedent matrem vivam, Hæc enim incisio est utilior, quàm incisio

mortuæ; nam certius Infans vivus extrahetur; & mater plusquam probabilissimè vivet, quæ certissimè elset mortua sine tali incisione; dicimus sed enim incisorem matris vivæ licere solum, quando nulla spes affulget, quod Filium possit parere. Et hic universaliter moneo omnes Theologos, & precipue Probabilioristas, quod, quando agitur de aliquo casu Conscientiæ, qui dependet à principiis alterius facultatis, ut legant Doctores illius facultatis, quia sic melius definiunt; & si Doctores Antiqui Medicos consulissent in nostro casu de Baptismo pueri existentis in utero matris, forsan sic unanimiter in partem negativam non convenissent. Et certissimè adeo confiderent non dixissent indefinite, quod talis puer non subjacet operationi humanæ. Vel si Probabilioristæ resugunt legere extraneos Doctores, non dedignantur legere Modernos Theologos, apud quos inveniunt veram Doctrinam de principiis hujus extraneis. Unde, si Pater Natalis Alexandri legitisset Raynaudum, Scildere, Gobat, & alios Modernos, ipse quoque cum Antiquis indefinite non scripsisset: *bolce puer non subjacet operationi humanæ*, & forsan mutasset sententiam, & pro hac cum reverentia debita deservisset opinionem Divi Thomæ, & Divi Antonini, quos se velle sequi universaliter professus est in Præfatione suorum operum contra Modernos.

79. Restat nunc respondere rationibus Contrariæ Opinionis, quas tamen facile ex dictis solvemus.

Ad PRIMUM Textum dicimus, ex Scripturis, & Theologis Antiquis idem esse *regenerari*, & *renasci* in Baptismate; & sic idem debere esse Nativitatem, & Generationem Naturalem, quæ supponitur ante Spiritualem regenerationem, ac nativitatem. Generatio autem naturalis est nativitas in utero, non ex utero ex dictis. Tum quia secundum diversitatem versionum Sacræ Scripturæ non possumus facere vim in *ly Renasci*, ut dicamus supponere propriam nativitatem ex utero, tunc partus Cæsareus

reus non posset baptizari, quod est falsum. Igitur renasci, & generari spiritualiter significat primam productionem Gratiae Sanctificantis, quae, cum constituit hominem in statu spirituali, & sic, si liceat sic loqui, sit natura spiritualis; hinc prima productio illius dicitur generatio spiritualis, sicut productio entis simpliciter in naturalibus dicitur generatio naturalis. Patet autem, quod Gratia Sanctificans ex se non exigit nativitatem ex utero, sed nativitatem in utero, hoc est exigit, quod subjectum sit rationale. Nativitas autem in utero dat esse rationale, non verò Nativitas ex utero, quae solum novum ubi largitur.

80. Quando verò Divus Augustinus dicit, quod non dicimus, *Renatum hominem, quem mater peperit*; & quod Nativitas spiritualis non est Tertia Nativitas, sed Secunda, quia Dominus dixit: *Nisi quis renatus fuerit, &c.* Respondeo, salva reverentia, Nativitatem ex utero non dici Renativitatem, quia actio, qua produciatur homo in utero, & qua egreditur ex utero, differunt simpliciter, & in nullo conveniunt. Prima enim est productio entis simpliciter, & accipit esse de novo homo, & est propriè generatio. Secunda est productio entis talis, nam homo accipit solummodo aliquod accidens; unde hæc Nativitas non est generatio. Cum ergo hæc duæ Nativitates simpliciter differant; hinc Nativitas ex utero non debet dici *Renativitas*. Sic enim sonaret eandem Nativitatem iteratò hominem subijisse, quod est aperte falsum. Denique verissimè Regeneratio spiritualis non est tertia Nativitas, sed secunda, quia Nativitas ex utero per accidens, & ratione alterius requiritur, & aliquando, non verò semper, ut patet in partu Caesareo. Unde per se, & necessariò præsupponit solum nativitatem in utero, quia gratia Sanctificans, quæ est natura, per quam homo regeneratur medio Baptismate ex Tridentino sess. 6. cap. 4. prærequirit solum, quod subjectum sit rationale; & ratione Baptisimatis requiri-

tur, quod sit sensibile, cui applicari possint Aqua, & verba. Hæc autem omnia habentur præcisè per nativitatem in utero. Quin ego dicerem, quod, cum Regeneratio spiritualis exigeret nativitatem ex utero, & hæc haberi nequeat, nisi supponatur etiam nativitas in utero, jam regeneratio spiritualis esset Tertia Nativitas. Præterea Regeneratio spiritualis magis assimilatur nativitati in utero, quàm ex utero. Utraque enim producit primum esse, & esse simpliciter in suo genere. Non sic Nativitas ex utero, quæ proculdubio nequit dici Generatio; Ergo Regeneratio debet dici Iterata Generatio in ordine ad Nativitatem in utero, quæ est verè Generatio.

81. Ad SECUNDUM Textum ex c. si ad Matris dico, ibi decidi, quod Infans in utero existens nequit baptizari per Baptismum, quo sua mater baptizaretur, ut legenti Textum patebit, & dicitur etiam in Rubro; & cum hoc adeo sit clarum, est valde mirum, quod Adversarii pro nostro casu, qui est valde diversus, illum afferant.

82. Ad TERTIUM Textum ex c. si baptizata dicimus, probare idem, idest quod Baptismus Matris non prosit Proli existenti in matris utero; Nam ex Tridentino sess. 5. in parvulis per regenerationis lavacrum debet mundari, quod generatione contraxerunt. Ad paritatem autem ibidem assumptam dicimus, quod, sicut, qui non vixerit, non potest mori, ita, qui saltem non fuerit natus in utero, nequit renasci; non verò hæc paritas valet de nativitate ex utero, siquidem Divus Augustinus in Enchiridion... & refertur c. ut offenderet de consecr. distinct. 4. dicit, quod parvuli renascendo moriuntur illi peccato, quod nascendo contraxerunt. Patet autem, quod per Nativitatem ex utero non contrahitur peccatum Originale, sed per nativitatem in utero ex Tridentino sess. 6. c. 3. & aliter dicendo Divus Joannes Baptista, & Jeremias nati fuissent ex utero cum peccato Originali. Igitur, si per Baptismi regenerationem debet deleri peccatum, quod nativitate contrahimus, & hoc

hoc non contrahimus per nativitatem ex utero, sed in utero, sequitur per Divum Augustinum, & per Canonem, baptismum solum supponere nativitatem in utero de necessitate, & indispensabiliter, non verò nativitatem ex utero.

83. Ad QUARTUM Textum ex Divo Isidoro, & ex c. qui in matris, dico, decisionem illius Canonis esse, sicut & præcedentium Canonum, *puerum non posse in utero matris cum matre baptizari, id est cum baptismo matris*, & hoc fide credimus; rationem autem Canonis, quæ est, idè non posse baptizari, quia *secundum Adam natus non est*, dicimus, non esse certò veram, sed solum probabiliter, & posse aliter se habere; Nec mirum esse debet, quòd Canones habeant decisionem certam, & rationem probabilem, quia certitudo Canonum non dependet à rationibus humanis, sed ab assistentia Spiritus Sancti; Unde solum, quòd principaliter in ipso Canone queritur, & deceditur, est certum, non verò cetera. Hinc in c. cum contingat de ætat. & qual. Ordin. dicitur, quòd per Primam Tonsuram juxta formam Ecclesiæ datam ab Abbatibus Clericalis ordo confertur; Per quæ verba Glossa, & Canonistæ... communiter asserunt, Primam Tonsuram esse propriè, & verè Ordinem; Adhuc tamen Theologi, & Canonistæ Theologi communi omnium Calculo dicunt, *Tonsuram non esse verè Ordinem*. Et ad prædictum Canonem respondent, quòd principalis questio ibi erat, an Abbates possent dare Primam Tonsuram, & hæc questio solvitur à Canone affirmativè, & hæc certissimam esse fatentur. Quòd autem ibi Tonsura appelleretur Ordo, dicunt per accidens sic appellari, nec hoc decidi à Canone, cum de hoc non esset questio. Juxta autem hanc doctrinam significant, vel quòd Pontifex appellat Ordinem Primam Tonsuram sequendo opinionem probabilem Canonistarum, vel quòd Nomen, Ordo, accipit improprie, & lato modo. Et hæc Doctrina est ad normam Glossæ in c. Majores de Baptis. sed adhuc Ver. Originale, ubi hæc scribit:

*Potest dici, quòd hæc ratio superficialis est, & prima verior est. Ibi autem Glossa loquitur de quadam ratione, qua utebatur Pontifex in Canone pro decisione. Sic etiam in c. cum Matribus de celebrat. Missæ. questuisti approbatur opinio, quòd aqua mixta vino transeat in Sanguinem Christi per consecrationem. Non per hoc tamen certò approbatur; & Canonizatur ratio illius conclusionis, quæ erat, quia aqua mixta vino transit in vinum. Patet ergo clarè, quòd multoties Canon unum decedit, & reddit illud certum, non tamen reddit certas rationes, quæ in canone asseruntur.*

84. Præterea observandum est, quòd illi canones ponuntur in Decreto Gratiani, non in Decretalibus, & sunt compositi à Divo Augustino, & à Divo Isidoro, quibus us non erat alios obligandi ad sic tenendum. Hoc posito sic discurro: Divus Thomas 3. par. quest. 80. art. 6. ad. 3. referens c. Sape Contingit, & c. Si Episcopo 2. quest. 4. in quibus deceditur, quòd Monachi, Episcopi, & Presbyteri per sumpcionem Eucharistiæ, & Missæ celebrationem se purgant à suspitione criminis. Hi porro canones sunt cujusdam concilii Provincialis. Beatus, inquam, Thomas referens hos canones dicit, esse abrogatos per contraria documenta Romanorum Pontificum, & subdit: *In omnibus enim talibus esse videtur Dei Tentatio.*

85. Scotus in 4. dist. 6. quest. 8. dicit, canonem quibus de consecr. dist. 4. non posse infligere Irregularitatem toti Ecclesiæ, quia est canon Theodori Episcopi Cantuariensis, & solus Pontifex Romanus potest obligare totam Ecclesiam. Huic doctrinæ concordat Angelus Ver. Irregularitas 1. quest. 24.

86. Ex divo ergo Thoma patet evidenter, in Decreto Gratiani contineri falsam, & quæ videntur sonare tentationem Dei; & sic per Divum Thomam Decretum Gratiani non habet auctoritatem certam. Ad huius Doctrinæ normam dicimus, cum illi canones sint inserti in Decreto Gratiani, non habent auctoritatem certam; atque adeo mi-

dum non erit, si nos à rationibus valerrimis moti partem oppositam, tanquam probabilem, sequemur.

87. Ex Scoto etiam patet, & Angelo, quòd Decretum Gratiani non habet vim obligandi totam Ecclesiam, nisi canones sint Romani Pontificis. Cum ergo canones illi, *Si baptizata, si ad matris, Qui in matris* non sint conditi à Summo Pontifice; hinc ex Scoto, & Angelo non habent virtutem obligandi totam Ecclesiam, sed solum subditos illorum Episcopatum. Atque in his temporibus acriter decertatur, an d. Decretum Gratiani habeat vim legis; & adhuc utraque opinio habet Doctores; de quo vide Suarium lib. 4. de leg. cap. 5. num. 6. Ergo utraque opinio est probabilis. Ego negativam sequor præcipue, quia Doctores Angelicus, & Subtilis huic aperte favent. Hinc ex hac negativa opinione sequitur manifestè, nos non obligari à prædictis canonibus.

88. Dices: Est certum, quòd Divus Augustinus, & Divus Isidorus conditores illorum Textuum negant, Infantes, antequam nascantur, posse baptizari; & cum doctores per Tria Secula cum dimidio de hac veritate non dubitaverint, possumus dicere, esse traditionem Ecclesie; & sic facere certitudinem. Tum quia juxta Glossam in c. *noti* 9. dist. Ver. in *istis*, jubetur hodie, ut teneamus omnia usque ad ultimum Jota, quæ docent Sancti Patres approbati ab Ecclesia in c. *sancta* 15. dist. in hoc autem cap. approbatus Divus Augustinus; unde Divus Thomas l. b. IV. contra Gentil cap. 24. num. 5. dicebat: Habeatur in determinationibus Quinti Concilii c. 16. sequimur per omnia Sanctos Patres, & Doctores Ecclesie Athanasium, Hilarium, &c. Ambrosium, Augustinum, &c. & suscipimus omnia, quæ de recta Fide, & damnatione Hæreticorum exposerunt.

89. In rei veritate nequit negari, quòd prædicti Duo Patres ita sentiant; Tamen cum Patre Petro de Comitibus in suis disputat: Metaphys. Theolog. c.

exagitatis (Augustinianæ familiæ doctore) lib. 2. art. 5. per totum, & præcipue concl. 4. dicimus, licere privatis doctores aliquando recedere, ab auctoritate alicujus Ecclesiæ Doctoris; quando illi suppetit urgens ratio in contrarium, & non sit sermo de rebus supra exceptis. Hic porro doctor excipit ante primam conclusionem, & dicit, Sermonem non esse de iis rebus, quas Sancti Patres scripserunt de Fide Catholica, & damnatione Hæreticorum. In his ergo rebus à Patribus nunquam licet recedere. In aliis aliquando ab aliquo Ecclesiæ Doctore fas est recedere cum urgenti ratione. Et hoc colligitur ex Divo Thoma par. 1. quaest. 1. art. 8. ad. 2. qui dicebat, Auctoritates Doctorum Ecclesiæ præbere argumenta Theologiæ ex propriis, sed Probabiliter. Nota dicit Probabiliter, non verò Certo. Vide etiam Abulen. in Opus Defensor. par. 2. cap. 18.

Lector solve illam disputationem, quam auctoritate. & rationibus plurimis confirmat. In hoc ergo puncto de Baptismo parvulorum propter urgentes rationes adductas ad majorem Christi decorem, & salutem miserarum Personarum discedimus ab opinione Divi Augustini, & Isidori, salva semper tamen in omnibus reverentia illis omnino debita.

90. Est iterum aperte falsum dictum illius Glossæ, quòd c. *sancta* 15. dist. jubeat, ut omnia usque ad ultimum Jota teneamus, quæ scripserunt illi Patres, Legatur Textus. Ecce verba ipsius: Nunc subjiciendum est de opusculis Sanctorum Patrum, quæ in Ecclesia Catholica recipiuntur. Opuscula Beati Cypriani martyris, & Carthaginensis Episcopi. .... Item Opuscula Beati Hilarii Pictaviensis Episcopi. Item Opuscula Beati Augustini Hippoensis Episcopi. Item opuscula Beati Ambrosii Mediolani Episcopi. .... Item Epistola Beati Leonis Papa ad Flavianum Episcopum Constantinopolitanum destinata, cujus textum, aut Jota nunc si quisquam Idiota disputaverit, & non eam in omnibus venerabiliter acceperit, Anathema sit.

Ecce

Ecce evidenter, quòd jubemur recipere usque ad unum Jota, & in omnibus Epistolam Beati Leonis Papa ad Flavianum destinatam. Nonne Textus loquitur de solo Leone Papa? quin loquitur de sola Epistola illius Pontificis missa ad Flavianum Episcopum. Qua ergo ratione tu ad alios Patres, vel ad alia scripta, etiam ejusdem Leonis, tantum præceptum vis extendere? Textus aperte solum dicit de Beato Augustino, quòd ejus opuscula recipiuntur ab Ecclesia. Et de Epistola Leonis præcipitur, ut ad ultimum Jota recipiatur sub Anathemate; cur, cum Ecclesia clarè diversimodè recipiat hæc opuscula, tu vis eodem modo recipere? Hinc rectè Suarez ubi supra intulit, *per vim exceptionis satis significari, approbationem aliorum operum non esse in eo sensu faciam, sed solum ut de gravissima humana auctoritate illorum Patrum constaret.*

91. Igitur Concludo cum Divo Thoma ubi supra, sequimur per omnia Sanctos Patres, & Doctores Ecclesiæ Athanasium..... Augustinum, *qua de fide recta, & damnatione hæreticorum Exposuerunt.* Hanc veritatem pro certo tenemus usque ad sanguinis effusionem. Et huic veritati consonat Tridentinum sess. 3. decret. de usu, & edit. Sac. Lib. in quo decernitur, quòd non liceat interpretari Sacram Scripturam contra unanimem consensum Patrum. Quando ergo constabit ceteros Patres, aut majorem partem consentire interpretationi Divi Augustini, quòd illa verba Joannis, *Nisi quis renatus fuerit ex aqua, &c.* intelligantur de *nativitate ex Utero*, nunc pro tunc protestor coram Deo, & jure jurando affirmo, me retractare sententiam meam, & firmiter adhærere illi interpretationi, & credere pro Parvulis ex stentibus in uteris matris Ordinarium remedium Christum non providisse, sed solum extraordinarium de Martyrio, & de extraordinarissimo, & omnino miraculoso, quod Beato Joanni Baptiste, & Jeremie concessit, de sanctificatione.

92. Sed pro certo teneo, nunquam

inventum iri Patres concordare in hac explicatione. Bellarminus in catalogo Scriptorum refert, explanasse Evangelium Divi Joannis ex Patribus Theophilum Antiochenum, Origenem, Joannem Chrysostomum, Cyrillum Alexandrinum, Theophilactum, Eutimium, Rupertum, & Ugonem Victorinum. Ipsos legi, excepto Theophilo Antiocheno, in locis supra allatis, & nullum inveni, qui faciat vim in ly *renasci*, quasi quòd supponat nativitatem ex utero, & conveniat cum Divo Augustino. Quin reperio, illos accipere verbum, *Renasci*, pro *Regenerari*, & verbum, *Nasci*, pro *Generari*; ex dictis autem patet, nativitatem ex utero non esse propriè generationem, bene verò Nativitatem in utero; quia sola *nativitas in utero producit ens simpliciter*. Quin puto Theophilactum, & Rupertum mihi favere. Theophilactus loco allato ait: quòd si rogas, quomodo aqua potest generare? interrogabo & ego, quomodo semen, & ipsum aquorum existens, potest in hominem transformari? Igitur sicut in corporali semine totum est gratiæ divinx, ita est in Baptismate. Aqua subdita est, & *Spiritus omnia operatur*. Ecce evidenter quòd actio baptismatis comparatur actioni seminis, qua semen transformatur in hominem; hoc autem fit per nativitatem in utero, ut est evidens, non ex utero, Eandem comparisonem facit Rupertus lib. 3. in med. Ver. *Quod cum agunt* pag. 246. colum. 1.

93. Ad id, quod additur, opinionem Augustini receptam à Doctores per Tria Sæcula posse dici *traditionem Ecclesiæ*, nego omnino dictum. Hæc enim esset Traditio Apostolica, si qua esset traditio, cum sit de materia Sacramentorum. Patet autem, quòd non sit hujusmodi Traditio. Audi Augustinum ipsum tom. 7. lib. 4. de Baptismo contra Donat. cap. 24. & discas caracterem Apostolicæ Traditionis: Quod universa, inquit Augustinus, tenet Ecclesia, nec Concilii institutum, sed semper retentum est, non nisi *Auctoritate Apostolica*

*traditum rectissime creditur.* Monstra ergo mihi, quod opinio hæc teneatur ab *Universa Ecclesia, & semper retenta sit.* Et tunc Apostolicam esse Traditionem fatebor.

Certè, si Augustinus credidisset, opinionem suam esse Traditionem, hoc non tacuisset, sicut non hoc reticuit, dum contra Donatistas negavit, esse rebaptizandos Baptizatos ab Hæreticis. Augustino concinit Lirinensis cap. 4. *Commonitorii*, ubi dicit, tunc censeri aliquam Doctrinam ab Apostolis fluxisse, si Ecclesiæ Doctores, atque Magistri uno, eodemque consensu *aperiè*, frequenter, *perse veranter* tenuerunt, scripserunt, docuerunt. Præterea quomodo, constat Ecclesiam sic tenuisse à tempore illorum Patrum usque ad tempus Magistri, qui incipit tractare de huiusmodi difficultate?

94. Denique ex hucusque dictis patet responsio Argumento ex ratione petito pro opinione contraria: *Constat enim experientia, non esse indefinitè verum, quod Infans in utero materno totaliter existens non subiaceat operationi humana; Unde Soto, qui hoc Argumentum manifestissimam rationem appellat, necessariò debet illud limitare; & quia hic Author est mortuus, debet Pater Natalis Alexandri, qui est ejusdem Illustrissimæ Religionis Dominicanæ Alumnus, hoc officium præstare, & addere suæ rationi, ( si tamen potius ipsi non placeat mutare opinionem, & nostram amplecti ) quòd quidem infans in utero materno existens non subiaceat operationi humane in tempore antecedenti ad partum, in quo uterus est clausus; Subiacet tamen operationi humane in tempore proximo ad Partum, quando scilicet ab utero egreditur aqua; Et hanc limitationem suæ rationi necessariò debet apponere, ne, si legantur egregia sua opera à Medicis, & Chirurgis, in hoc puncto irrideantur tanquam loquentia contra Manifestissimam experientiam.*

95. Paulus Comitulus in Respons. Moral. quæst. 13. acriter tuetur opinio-

nem antiquam propter duo Fundamenta.

Primum erat textus Divi Joannis: *Nisi quis renatus, &c.* quem textum dicit, *Patres, & Theologos Doctrina Gloria, & Antiquitate insignes* ita fuisse interpretatos, ut illum intelligant de *nativitate ex utero.* Concedo ego, quòd Divus Augustinus, & Isidorus explicent illum textum talimodo; at nego de aliis Patribus, & tot Antiqui, qui hanc quæstionem agitarunt, nullum alium Patrem pro sua opinione referunt. Quin ipse Divus Thomas par. 3. quæst. 68. artic. xi. ubi tractat quæstionem ex professo, firmat suam opinionem in unico fundamento, *quia Baptismus est quædam Ablutio; Corpus autem infantis antequàm nascatur ex utero, non potest aliquo modo abluì.*

Meminit quidem Canonis, *Si ad matris;* At Sanctus Doctor illum affert, prout potest rectè afferri, & est ad probandum, quòd ablutio matris non potest pertinere ad infantem; Et vult dicere, quòd Baptismus Matris non prodest proli in utero existenti, quia proles non est pars Matris. Non verò illum affert, ut faciunt multi Antiqui, sed male, ad probandum, quòd infans in utero nequeat proprio baptismo baptizari, ut est differentia præsens.

Meminit etiam illius textus Augustini: *Nemo renascitur &c.* at meminit in argumento, *Sed Contra*, in quo loco non semper ponuntur Argumenta efficacia. Item in 4. Sententiarum fundat unicè suam conclusionem in eodem fundamento, *quia scilicet infans in utero non subijcitur operationi humane.* Ecce quòd non meminit illius textus Evangelii. Et impossibile est, quòd si Doctor Angelicus credidisset illum efficacem, non meminisset illius, quando probat suam opinionem.

Quòd verò ita explicent illum Textum Theologi *Doctrina, & Antiquitatis gloria insignes*, solum probat, quòd *ipsorum opinio sit probabilis*, Non verò, quòd ita necessariò sit dicendum; Non enim, quia ipsi ita senserunt, nos debemus



mus illis credere, dicit c. *Ego solis*. 9. dist. Quando ergo hi Doctores afferant alia loca Scripturæ, quæ ita nos explicare hunc textum cogent, tunc dabimus libentissimè manus. Aliàs puto hic valere illud dictum Glossæ in c. *ad audientiam* de consuetud. Ver. *Inspicientibus: quandoque revelatur minori, quod major nescit. C. de offic. rectoris: provin. l. potioris, & 95. dist. esto subiectus in sim. 24. quæst. 3. si habes.* Hucusque Glossator. Ego obsequutus monitum c. *ego solis*, conatus sum ex aliis scripturis demonstrare, quod Verbum Rea-fici sit idem, ac regenerari, generari, & nasci, quæ verba exigunt quidem nativitatem in utero, non verò ex utero.

96. Secundum Fundamentum Comitoli est, quia Ecclesia non dispensat Sacramenta nisi hominibus, qui communem vitam ingrediuntur, atque in ejus foro, notitiaque versantur. At puer in uteri tenebris circumfusus non potest esse notus Ecclesiæ, sed soli Deo; Nam, licet aperiat uterum, quando paritura est mater, & manibus tangi possit, *cerni tamen oculis nequit*, ut mihi, inquit Comitolus, certò narravit antiqua, & experientissima obstetrix, quod illud item affirmavit, sæpe tum parienti, tum obstetrici ignoratum esse, vivatne proles, ut ob id ipsum valde periculosa sit ratio in utero baptizandi.

97. Divus Thomas negaverat principaliter hunc puerum posse baptizari, *quia nequit abluï, & quia non subijci operationi humanæ*. Iple Comitolus experientia doctus posse aliquando abluï, & subijci operationi humanæ, coactus est dicere, ad Baptismum requiri, *ut infans cerni oculis possit*. Et quidem, si ad hoc effugium non confugebat, non poterat negare, posse infantem in utero existentem baptizari. At quæso quo fundamento dicit, ad baptismum requiri de necessitate, *quod infans possit oculis cerni*? Antiqui equidem exigebant, ut posset operationi humanæ subijci, & hoc jure exigebant, quia Sacramentum confertur sola operatione humana. At ex hoc non sequitur, quod subiectum debeat,

*posse oculis cerni*, quia, quod oculis cerni nequit, potest subijci illi operationi humanæ, per quam confertur Sacramentum.

98. Si infans extra uterum nullum colorem haberet; & sic ab interinseco esset invisibilis, nonne adhuc posset tangi, & abluï ab aqua, & supra ipsum proferri verba cum debita intentione? Ergo subijceretur operationi humanæ, quæ necessariò requiritur ad collationem Baptismi. Ita etiam dico, quamvis infans in utero *nequeat oculis cerni*; tamen cum possit subijci operationi humanæ, per quam immediatè confertur Baptismus; Si enim Sacerdos esset cæcus, & infans cæcus, & nullus videns existeret, adhuc Sacerdos ablueret infantem, & verba cum debita intentione proferret; ergo infans, *quamvis nequeat oculis cerni*, potest baptizari.

99. Confirmatur. Actio humana, per quam confertur Baptismus, sistit in effusione aquæ facta per manus, ordinariè loquendo, supra infantem, & in prolatione verborum facta per linguam; & in intentione, quæ est actus elicitus à voluntate. Ergo infans, *licet nequeat oculis cerni*, potest subijci operationi humanæ, per quam necessariò confertur baptismus. Ergo non est necesse, quod possit subijci operationi humanæ factæ per oculos; quia oculi non concurrunt ad collationem Baptismi, sed solum simultaneè se habent; Unde, si hoc sufficeret, etiam posset alius dicere, quod requiratur, ut possit olferri, & audiri, quod est ridiculum.

100. Confirmatur etiam. Ad summum requiritur ad Baptismum, quod infans habeat colores, unde in se sit objectum visibile, quod tamen nullo fundamento dicitur. Non tamen requiritur, quod sit in aliqua luce; Unde, si nihil in nocte lucis existeret, posset abluï infans, & sic baptizari; Ergo, quamvis in utero nihil lucis habeatur, non propter hoc debet dici, non posse baptizari. Hinc Scotus in 4. distinct. 4. quæst. 3. dixit, quod, si parvulus involveretur corio, & poneretur in aqua, *ita quod*

*aqua non tangeret corpus, non eiset baptizatus; sed si tangeretur aqua, bene.* Ecce Scotus unice affirmat, & negat baptismum, quia tangitur, aut non tangitur corpus; nec meminit, quod possit oculis cerni, aut non cerni; Ergo etiam in nostro casu debemus unice observare, an infans tangatur ab aqua, aut non tangatur; Nec debemus recurrere ad posse cerni oculis, aut non posse cerni; Et de facto nunquam memini me legisse in Antiquis Doctoribus, quod negent Baptismum infantibus in utero, quos nequeant *videre oculis*. Ipso quoque Scotus negat precise baptismum his parvulis, quia nequeunt lavari, & immediate tangi ab aqua. Unde Pater Comitulus nulla Auctoritate, & nulla ratione exigit hanc visibilitatem ocularem.

101. Urgetur Auctoritas Scoti. Potest dari casus, quod hic infans in corio involutus nequeat oculis *videri*, adhuc possit ablui, & tunc per Scotum ille puer est baptizatus; inquit enim, *Sed, si tangetur aqua, bene*; id est bene baptizaretur; ergo ad baptismum per Scotum non exigitur, quod infans possit *videri*. Antecedens probatur, quia potest dari foramen, aut rima adeo parva, ut possit ingredi aqua, & nequeat infans oculis cerni; Aut potest dari Foramen tortuosum in Corio, ut collum uteri est tortuosum, unde nequeat *videri*, quia solum fit visio linea recta, & adhuc tamen per illud foramen tortuosum ingrederetur aqua, & immediate infans tangeretur ab aqua; & sic per Scotum baptizaretur infans in statu, in quo est invisibilis; Ergo Infans in utero, licet sit in statu, in quo est invisibilis, est tamen baptizabilis juxta Doctrinam Scoti.

102. Sed concedamus Patri Comitolo, arguendi gratia, requiri ad Baptismum, quod infans possit *videri*; assero, quod infans in utero totaliter existens potest *videri*. Ad testimonium illius perantiqua, & experientissima obstetricis asserentis non posse *videri*, dico, non fuisse satis expertam, nec Patrem Comitolum consuluisse omnes peritos in arte.

Nunquid sola obstetrix debet facere experientiam in hoc casu? Adhibentur quidem à d. l. temporibus solæ obstetrices; at hoc honestatis causa, non verò, quia aliz personæ nequeant experiri. Quando in illis partibus adsunt tumores, Scirrhi, & similes morbi, obstetrices absunt, & vocantur Chirurgi. Quando infans est mortuus in utero, & obstetrix nequit illum extrahere, vocantur Chirurgi, qui adhibito instrumento, quod vocant *Speculum Matricis*, & ipso adhibito sine morte Fœminæ speculantur uterum, & oculis totum collustrant. Potestne plura desiderare Pater Comitulus, cum etiam infans in utero potest oculis cerni?

103. At Pater Comitulus dicit, Infantem debere esse de foro Ecclesiæ, & ipsi notum. Quis hoc negabit? Dicat mihi, quæ Ecclesia exerceat circa Infantem extra uterum, & hæc omnia monstrabo, posse facere circa infantem in utero. Sed ego addo, Ecclesiam solum debere habere illam cognitionem, quæ necessariò requiritur, ut ponat omnia requisita ad Sacramenta. Ad quid enim exigitur ulterior cognitio? Si Ecclesia voluntariè; & sic per actum directum à cognitione, ponit ablutionem, quæ est materia proxima Sacramenti, profert verba, quæ sunt forma Sacramenti, habet intentionem faciendi, quod Christus instituit, & hæc omnia facit in infante in utero, ac extra uterum, quare in uno erit baptismus, & non in alio? Tridentinum sess. 7. can. 12. de Sacrament. in gen. Anathema dicit tenentibus, malum ministrum non conficere Sacramenta, quamvis omnia essentialia Sacramenti servet. Nunc autem ex Florent in Decreto Eugenii habetur, quod Sacramenta tribus perficiantur, rebus tanquam materia, verbis tanquam forma, & Persona ministri Conferentis Sacramentum cum intentione faciendi, quod facit Ecclesia. Ergo, cum hæc tria habeantur in nostro casu, habetur validum Sacramentum. Igitur Ecclesia habet cognitionem certam de ipso infante existente in utero, (nescit quidem, an

sit Masculus, vel Fœmina, sed hoc nihil officit, (quicquid videatur dubitare Hostiensis de Bap. ultimo num. 10.) potest exercere omnia, quæ dicuntur esse de substantia baptismi, & quibus factis in infante extra uterum habetur baptismus, cur non habebitur in infante intra uterum?

104. Dices, hoc esse discendum à Deo, inquit Comitulus.

Sed contra, quia hæc responsio valet quidem, quando quaerimus rem, quæ clarè sit revelata, v. gr. si quis quaerat, cur Deus tardaverit Incarnationem. At quando res est dubia, & sub lite, & pressi Argumento respondemus, ira Deum voluisse, non est responsio digna Theologo; & implicite est dicere, nos nescire solvere argumentum.

105. Quòd verò dicat Idem Author, Ecclesiam dispensare Sacramenta solum iis, qui communem vitam ingrediuntur, videtur habere fundamentum in Divo Thoma ad 1. ex art. 11. 3. par. quæst. 68. tamen non est usquequaque verum, quia Sanctus Doctor non negat, posse hosce pueros baptizari, *quia non prodierunt in lucem*, ut cum aliis hominibus vitam ducant; Sed ex eo, quòd non prodierunt in lucem, credit, quòd non possint subijci actioni humanæ, ut per eorum ministerium Sacramenta recipiant ad salutem. Unde Divus Thomas negat quidem, non ducentes vitam cum aliis hominibus posse baptizari, non quidem, quia non ducunt vitam cum aliis hominibus, sed præcisè, *quia non possunt subijci operationi humane*, & ut dicebat in corpore questionis, *quia nequeunt abluì*. Cum ergo nunc Theologi consulentes peritos in arte cognoverint, hosce infantes subijci operationi humanæ, per quam homines solent præbere baptismum; sequitur clarè, quòd, licet infantes in utero vitam non ducant cum aliis hominibus, adhuc poterunt baptizari.

Addo, immo mihi videtur hosce infantes propriissimè ducere vitam, si non cum ceteris, saltem cum sua matre, quæ est homo, nam vita infantum est simul unita cum vita matris; Unde mo-

riente matre, si citò non extrahitur, moritur infans.

106. Denique respondens Comitulus ad Argumenta ait: faciliè evertuntur contraria, si dicamus inter ea, quæ necessitate absoluta expolcit Baptismus, hoc item esse, *ut proles sit nata*, hoc est materna alio egressa. Egrediat autem sive adnate, & protrudente matre, sive ex alio educentibus, vel extrahentibus aliis, nihil interest. Namque in vitam venire, introire, ingredi, in lucem edi, aut suscipi, & nasci synonyma sunt, etiam apud Grammaticos.

Sed contra, quia licet apud Grammaticos sint Synonyma, non tamen apud Ecclesiam, quæ Beatum Raymundum asserit, *eductum quidem fuisse in lucem*; tamen illum vocat *Nonnatum*. Ergo per Ecclesiam idem non est nasci, ac educi in lucem. Nec etiam est idem per Philosophos, & Medicos, qui distinguunt inter actionem naturalem, & violentam, & nasci est actio naturalis, ad quam concurrit natura per se. Illa verò actio, per quam partus Cæsareus venit in lucem, est violenta, & passum nihil operatur, sed solum agens extrinsecum; hinc venire in lucem per *Nativitatem*, & per partum Cæsareum sunt actiones oppositæ, tantum abest, quòd sint omnino idem, ut nomina illas significantia debeant dici Synonyma, ut vult Pater Comitulus.

107. Hæc dicta sint pro mea opinione, quam tunc libenter mutabo, si unum ex his tribus Adversarii demonstrabunt. Primum, si inveniant Patres concorditer dicentes, ad Baptismum requiri Nativitatem ex utero. Secundum, si demonstrabunt, talem puerum nunquam posse abluì. Tertium, si Pontifex decideret questionem. Extra hos tres casus, cum argumenta in oppositum non sint certa; hinc potero illa solvere; & sic persistere in mea opinione. Ceterum Adversarii non dicant amplius universaliter: *Infans in utero nequit abluì*, nam hoc est contra experientiam. Ego anno 1705. die 26. Decembris hora 22, assiste-

bam

bam cuidam gravidæ, quæ non poterat parere; unde animam agebat. Obstetrix ex tactu cognovit, infantis caput in Orificio interiori partim esse. Tunc iussit, ut madefacta tela conaretur abluere infantem, quod fecit. Insuperatâ postea natus est, & iterum sub conditione baptizatus fuit ob dubium, ne opinio opposita sit vera.

108. Ex dictis in toto hoc capite patebit argumentum evidens contra Adversarios, qui dicunt opinionem de Probabilitate esse rejiciendam, quia *est contra communem opinionem Antiquorum*. Argumentum igitur clarum est. Licet desiderere opinionem plusquam communem Antiquorum, sive spectes quoad numerum, quia sunt adeo multi. Sive quoad Doctrinam, quia primi, quin omnes Proceres Theologiæ illam docent; sive quoad modum illâ tradendi, quia ex professio agitant difficultatem. Ergo licet desiderere opinionem Antiquam de Probabilitate, dato etiam quod esset communis, & hoc à fortiori, quia opinio Antiqua de Probabilitate non habet tot, ac tantos Patronos, & quod magis est, non agitant illam ex professio, ut faciunt hanc de Baptismo.

109. Quæres hic obiter, quænam opinio sit adhibenda in praxi in nostro casu, Adversariorum, an nostram? Respondetur, nostram omnino esse ponendam in praxi. Nam per Doctores opinio, etiam singularis, est præponenda communis, si sit pia. Ergo cum nostra opinio sit pia, quin omnium piissima, cum agatur de eripiendis à damnatione æternæ tot miserabilibus personis impotentibus ad sibi ipsis succurrendum, & evadendis ad Regnum Cælorum; nostra opinio, quæ nec est singularis, erit ponenda in praxi, etiam ab ipsis Adversariis. Qui desiderat videre Doctores Antiquos præponentes opinionem faventem causæ piæ legat Sanchez de Matr. lib. 1. disp. 16. m. 2. & Bertac. V. *pia causa*: legat etiam Cardenas par. 3. disp. 79. num. 19. Ego enim, ne longius progrediatur hoc caput, illos milios faciam.

## CAPUT XLII.

*Probatur nostra Conclusio ex eo; quod Adversarii dicunt, ex eadem sequi ingentia absurda.*

1. **I**N cap. 10. retuli Probabilioristas insectantes Probabilitatem ex eo, quia ex ipsa sequuntur opiniones absurdæ, erroneæ &c. Ego ad hominem argumentabar contra ipsos ibidem, & cap. 11. & cap. 12. asserendo plurimos, & plurimos perniciosos errores, quos plures Antiqui, etiam famosi, docuerunt. In præsentī capite idem argumentum efformabo cum hac differentia, quod ibi attuli errores Antiquorum, qui olim ut tales detecti sunt, nunc asseram errores, quos beneficio sedis Apostolicæ didicimus his temporibus; Agitatis enim plenissime his materiis à *Modernis*, Pontifex morem Prædecessorum liquens illas definitiv.

2. Instruo ergo argumentum. Propositiones nunc damnatæ à sede Apostolica sunt doctrina Probabilitatis. Sed antiquitus tradebantur illæ propositiones; ergo antiquitus tradebatur doctrina Probabilitatis. Ulterius propredior: ergo si Doctrina Probabilitatis est antiqua, erit sectanda, & tradenda. Efformaliter argumentum. Propositiones damnatæ à Pontificibus traditæ sunt etiam ab Antiquis; ergo vel sunt damnandæ etiam Antiqui, vel, si non sunt damnandæ, nec erunt damnandi Moderni; & quidem si misericordia est exhibenda, est potius discipulo, quam Magistro. Damnatur discipulus errans, & Magister errans absolvitur? Quæ acceptio personarum est hæc?

3. Si bene perpendatur argumentum, est adeo clarum, & evidens, ut meo iudicio, Probabilioriste convincerentur omnino, & cœcierunt judicandi, si eodem imposterum utantur contra Probabilitatem. Major primi argumenti est Doctrina

doctrina ipsa Adversariorum, & in ipsa fundant præcipuum argumentum contra Probabilitatem. Minor probabit in præfenti capite, postquam solvero quasdam responsiones Adversariorum. Probando autem minorem simul probabo antecedens secundi argumentum.

4. Dices, quamvis Antiqui docuerint easdem propositiones erroneas, ac Moderni; tamen Antiqui non tenuerunt illas ut probabiles, ut faciunt Moderni. Sed contra. Errores Antiquorum vel erant Probabiliter, vel Probabilioriter, vel Certò Veri. Si Primum; ergo antiquitus dabatur Probabilitas. Si Secundum, & Tertium; ergo Probabilioritas, & Certitudo Antiquorum causabat ingentia Absurda, sicut Probabilitas. Ergo, si Probabilitas Modernorum est eliminanda ex capite Absurdorum, eliminanda quoque erit Probabilioritas, & Certitudo Antiquorum; Vel, quod est verum, tum Probabilitas Modernorum, tum Probabilioritas, & certitudo Antiquorum erit laudanda; Et excusandi erunt tum Moderni, tum Antiqui, qui non bene omnia ponderantes crediderunt, sub veste aurea Probabilitatis, Probabilioritatis, & Certitudinis tegi veritatem; cum tamen vestis illa esset tantum apparenter aurea; Unde nil mirum, si sub ipsa latebat error.

5. Dices iterum: Propositiones erroneæ, quæ sequuntur à Probabilitate, non sunt illæ erroneæ, quæ docuerunt Antiqui. Hinc propositiones erroneæ Antiquæ non inferunt Probabilitatem viguisse tempore antiquo.

Sed contra Primò. Concedo, nullam propositionem erroneam Modernorum viguisse tempore Antiquo; Unde, si meum Argumentum non valebit inferre Antiquitatem Probabilitatis, valebit inferre, regulas etiam Antiquorum esse abjiciendas tanquam causantes, ut Probabilitas, ingentia absurda.

Sed contra Secundò, & nego, quod saltem partem propositionum damnatarum, quas docent aliqui Moderni, non docuerint aliqui Antiqui. Hoc assum-

ptum probo primò in generali; Secundò verò in particulari; & sic probabo minorem primi, & antecedens secundi argumenti.

6. In generali quidem est certum; Nam Alexander Septimus, in suo Decreto de anno 1665. 24. Septembris habet hæc præcisè verba: Sanctissimus D. N. audivit..... complures opiniones Christianæ disciplinæ relaxativas, & Animarum perniciem inferentes partim Antiquas iterum suscitari, partim noviter prodire. Ergo per Alexandrum Propositiones hæc temporibus damnatæ partim sunt Antiquorum, partim Antiquas; Partim Modernorum, partim noviter prodire.

7. Sic etiam Innocentius Undecimus in suo Decreto anno 1679. 2. Martii dicit: Plurimas Propositiones partim ex diversis vel Libris, vel Thesibus, seu scriptis excerptas, & partim noviter adinventas, &c. Si hæc propositiones damnatæ sunt partim noviter adinventæ; ergo alia pars non erat noviter adinventæ; & sic restat, ut antiquitus viguisset.

Nunc remanet probandum In Particulari, quòd aliqua Propositio damnata his temporibus à Sede Apostolica, & quam Adversarii dicunt provenire à Probabilitate, fuerit tradita Antiquitas. Et hoc est facillimum.

8. Clemens Octavus damnavit hanc propositionem, *Licere per litteras confiteri Confessario absenti, & ab eodem absente absolutionem obtinere.* Porro hanc opinionem fuisse traditam ab Antiquis patebit legenti cap. 12. num. 10. ubi invenies sic fuisse decretum à pluribus notabilibus Doctoribus, inter quos in Concilio Basiliensi orta erat hujusmodi quaestio. Credo duccem hujus opiniois fuisse Paludanum in 4. dist. 17. quaest. 2. art. 1. in 3. defin. ubi clarè scribit, quòd, si pœnitens nequit ire ad sacerdotem, nec sacerdos ad pœnitentem, tunc pœnitentii, si vult, licet scribere, & mandare peccata, & sacerdos potest rescribere, & remandare absolutionem, & valet absolutio, quando uterq. est infirmus, & clausus, plusquam, si fieret Laico.

9. Decretum Alexandri sept. num. 10. damnat hanc Propositionem. Non est contra iustitiam pro pluribus sacrificiis stipendium accipere, & Sacrificium unum offerre; Neque etiam est contra Fidelitatem, etiamsi promittam promissione, etiam jurata, danti stipendium, quodd, pro nullo alio offeram.

Angelus Ver. *Missæ*, num. 52. nescio, an habeat aliquid simile; dicit ergo, quodd Valor particularis unius *Missæ*; & sic Valor, quem Sacerdos potest dispensare, tam valet tribus, quorum Singulis Sacerdos promiserat Sacrificium, quam si singulo eorum singulariter eam (*Missam*) dixisset. . . . . Et sic quantum ad hoc talis sacerdos satisfacit; quia quilibet prædictorum Trium non minus habebit de merito, quam si pro quolibet illorum singulariter unam (*Missam*) dixisset. Et sic intelligo opinionem illorum, qui dicunt non minus valere unam *Missam* pro omnibus, quam si singulariter pro quolibet diceretur. Ecce per Angelum, si Sacerdos promisit uni *Missam de Dominica*; & alteri separatim aliam pro anima Patris, & Matris ejus; & tertiam pro salute sua, & similibus, unica *Missæ* Celebratione satisfacit; & sic non facio contra fidelitatem promissam trinæ promissioni factæ tribus personis. Idem Author in sequentibus videtur modificare hanc doctrinam; sed satis obscurè loquitur. Lector decidet veritatem; Non enim volo imponere errorem Authori, maxime cum ejus Doctrina videatur fundata in c. non mediocriter de consecr. dist. 5. & ibi Glossa.

10. In eodem Decreto num. xi. damnatur hæc propositio: Peccata in Confessione omissa, seu obliata ob inflans periculum vita, aut ob aliam causam non tenentur in sequenti Confessione exprimere. Franciscus Mayron in 4. dist. 17. quæst. 1. fin. refert, Unum Doctorem tenuisse Confessionem de peccatis obliatis esse quidem sub præcepto ecclesiastico, non divino. Et mox referam fuisse antiquitus opinionem, non adesse præceptum de Confessione peccatorum inenitorum. Et sæpe retuli Viros Religiosos, & doctos asser-

nisse apud Gratianum Confessionem non esse sub præcepto.

11. In eodem Decreto num. 14. prescribitur hæc propositio: Qui facit Confessionem voluntariè nullam satisfacit præcepto Ecclesiæ. Legamus Paludanum in 4. dist. 17. quæst. 7. Facit quæstionem, utrum Confitens, & non penitens impleat præceptum de semel confitendo in anno. Refert adesse circa hanc difficultatem quinque modos dicendi. Primuserat, quodd talis implet præceptum quia Ecclesia nihil habet præcipere, circa Sacramenta, nisi ea tantum, quæ pertinent ad exteriorem ritum, quia solum potest præcipere actum, cuius transgressorem potest punire. Quintus modus erat, quodd liberatur à præcepto Ecclesiæ, ita quodd ante annum illum non teneatur confiteri, sive dicat fictionem illam, sive non; cum tamen dicat omnia peccata sua alia; quia Ecclesia non potest præcipere, nisi actum exteriorem, nec potest præcipere aliquam satisfactionem, nec penam imponere pro actu interiori; Unde, quando dicitur, quodd peccata sua omnia confiteatur, quoad peccata Cordis est consilium, sed quoad exteriora est præceptum.

12. Ecce per utrumque modum horum Antiquorum quis satisfaciat præcepto Ecclesiæ de Confessione, qui non penitens, & sic fictus confitetur. Ego subsumo. Sed qui voluntariè omittit actum doloris in Confessione facit voluntariè Confessionem nullam, & adhuc per illos satisfacit præcepto Ecclesiæ; ergo per Antiquos illos, qui facit voluntariè Confessionem nullam satisfacit præcepto Ecclesiæ; quæ est ipsa Propositio damnata. Tum quia per quintum modum Antiquorum satisfiebat præcepto; & tamen peccata cordis tacebant voluntariè. Porro per Confessionem voluntariè nullam; per quam satisfiebat præcepto, intelligebant Doctores, Confessionem, in qua voluntariè relinquebatur aliquod peccatum, vel dolor, vel absolutio, ut videri potest apud Facun. de Præcep. Eccl. 2. lib. 1. cap. 4. num. 4. Ecce propositio damnata.

nata intelligitur etiam, quando relinquatur voluntariè aliquid peccatum.

13. Dices; In casu, de quo loquuntur Antiqui, esse quidem Sacramentum Penitentiae voluntariè nullum, non tamen ipsam Confessionem, quæ est pars huius Sacramenti. Præceptum autem Ecclesiæ est de Confessione, non de Sacramento penitentiae; Propositio verò damnata est de Confessione invalida.

Sed contra. In rei quidem veritate juxta Florentinum, & Tridentinum Confessio est pars Sacramenti, non verò est totum Sacramentum. At puto evidens in c. omnis utriusque sexus imperari nedum Confessionem, sed Sacramentum Penitentiae. Nam imperat Confessionem omnium peccatorum fidelem, & quòd injectam penitentiam confitens fideles implere. Jubeat insuper, quòd hæc Confessio sit facienda proprio Sacerdote; Vel, si non vult confiteri proprio Sacerdote, obtineat licentiam à proprio Sacerdote alteri confitendi, Cum aliter illum non possis absolvere, vel ligare. Ecce supponitur hic, quòd confessio præcepta sit talis, ut Sacerdos debeat absolvere penitentem. Sed confessio peccatorum sine dolore non est apta ad Absolutionem; ergo confessio sine dolore non est confessio illa, quæ præcipitur à Canone; ergo, qui facit Confessionem sine dolore, voluntarie facit nullam Confessionem, quam imponit præceptum. Præterea confessio præcepta est de omnibus peccatis. Quæro, an confitens, & non dolens peccet mortaliter? Si peccat mortaliter; ergo debet fateri illud peccatum, & si non fatetur, ut supponitur in hac sententia, jam voluntariè confessio est nulla. Quòd peccet mortaliter hæc sententia non negat, quia dicit sufficere confiteri alia peccata; ergo supponitur, quòd illa fictio sit peccatum mortale. Non tenetur tamen illud fateri, quia est peccatum interius.

14. Præterea Doctores propositionis damnatæ non loquuntur de Confessione, quatenus est pars Sacramenti; sed supponentes præceptum esse de Penitentiae Sacramento, quod apud Theolo-

gos nunc invaluit, ut vocetur Confessio, dicebant; Confessionem, id est Sacramentum penitentiae voluntariè nullum, vel quia penitens tacet aliquod peccatum, vel quia non habet dolorem convenientem, vel quia negat occasionem proximam, ut videri potest apud Facund. de præcept. Eccl. præcept. 2. libr. 1. cap. 4. num. 4. satisfacere præcepto; Unde procul dubio tenendum est, quòd, qui suscipit voluntariè Sacramentum Penitentiae invalidè, contineatur sub damnata propositione, sive hæc invaliditas proveniat ex defectu doloris, vel ex defectu confessionis, vel ex defectu Sacramentis.

15. Pro præfati propositione damnata Bordonus in Propugnac. Probabilitatis in Addit. fund. 6. nu. 27. refert Alens. par. 3. quæst. 7. num. 3. art. 7. Ego puto hanc citationem esse errorem Typographi; Nec enim Alensis Summa habet quinque Partes. Igitur Alensis par. 4. quæst. 18. agit de confessione, & memb. 4. art. 5. §. 7. habet hæc verba: Ad hoc, quòd confessio sit satisfactoria, tenetur fieri in Charitate; Non autem simpliciter. Immo, (ut dicunt,) si aliquis confiteatur in mortali, absolutus est a retentione, qua fuit obligatus ex statuto Ecclesiæ. Per confessionem verò satisfactoriam intelligit confessionem non ponentem effectum gratiæ; Unde per ipsum datur Sacramentum penitentiae validum, & informe; nam loquitur de eo, qui constituitur non ex charitate, nec in charitate, sed ex timore. An hæc Doctrina contineatur sub propositione damnata, judicent alii. Mihi difficile est, credere tantum Doctorem in hac materia errasse.

16. Nicolaus de Orbellis in 4. distin. 17. quæst. 2. §. 16. facit quæstionem de eo, qui accedit ad confessionem non attritus, etiam cum proposito mortaliter peccandi. Ponit opinionem dicentem, hunc peccare lethaliter. In §. 17. subdit opinionem negativam. In §. 18. dicit: quavis confessio in mortali facta non valeat ad remedium, nisi dispositivè; tamen valet ad hoc, quòd talis non est præcepti transgressor. Pro hac opinione allegat Richar. in 4. distin. 17. art. 2. quæst. 8. ad 5.

Hu-

Huius opinionis est Asten. lib. 3. tit. 18., qui pro ipsa citat Palud. & D. Thomam in 4. distinct. 17. quæst. 3. art. 4. quæst. iiii. r. Ita etiam tenet Gabriel in 4. distinct. 17. quæst. 1. art. 3. dub. ult. Adverte Richar. Asten. Orbellis, & Gabriel, dicere in hac opinione non haberi absolutionem. Unde per hos DD. per solam narrationem peccatorum absque dolore, & absolutione satisfiebat præcepto.

17. Hæc opinio Antiquorum, si non continetur sub damnatione, est tamen adeo indulgens, ut nihil magis concedat propositio damnata, & detinet peccatorem in peccatis æquæ, & damnata.

18. In eodem Decreto num. 16. describitur hæc propositio: *Qui Beneficium curatum habet, possunt sibi eligere in confessarium simplicem Sacerdotem non approbatum ab Ordinario.* Guido de Monte Rocherio, licet Summista scrupulosus valde, in suo Manipulo Curat: de sacram. pœnit. de confess. cap. 4. Sustinet, posse Parochos confiteri peccata simplici Sacerdoti. Gabriel in 4. distinct. 18. qu. 1. art. 3. litt. P. narrat, illo tempore viguisse communem consuetudinem, ut *simplices Sacerdotes se mutuò absolverent.* Eandem consuetudinem refert lest. 3. in canon. litt. C. & dicit, Doctores variare opinionem circa hanc consuetudinem, quidam enim tenent, ut valeat, requiri expressum consensum Episcopi, vel alterius Superioris. Aliis videtur, quòd sufficiat licentia tacita, ita quòd, si Episcopus scit talia fieri communiter à Sacerdotibus, & non reclamatur, sed sustinet, eo ipso præsumendum est, eam eacitè approbare. Pro hac opinione affert Hostien. Guillel. Asten. lib. 5. tit. 20. corrige 15. quæst. 14. Guilelmum de monte Laudano, Raynæ in sum. lib. 3. & Gersonem tract. de contract. propos. 16.

19. De his duabus opinionibus sic concludit Biel litt. D. *Qui vult tenere opinionem istam, secundam scilicet benignam, posset dicere, &c.* Respondet cuidam textui, qui videbatur obstat. Subdit author. *Opinio secunda (idest benigna) est magis pia pro excusatione Sacerdotum sic sine expresso favore se absolventium mutuo.*

*Sed prima est magis tuta; maxime quia rationes, & causa &c.* Lector perpendet, an consuetudo antiqua, & illi Doctores invenerint Doctrinam magis benignam, quàm opinio Modernorum damnata. Obiter verò notabis, Gabrielem dare licentiam sequendi opinionem, quam volumus illis verbis: *Qui vult tenere opinionem istam, &c.* Et sic clarè hic Doctor erit pro æquali Probabilitate.

20. Observa hic notabiliter contra Adversarios, quantum hic Doctor ipsis opponatur. Opiniones faventes libertati, si ipsis non placeant, vocant *Lassas*, è contra Biel illas appellat *pias*. Audi iterum ejus verba: *Opinio secunda est magis pia pro excusatione Sacerdotum sic sine expresso favore se absolventium mutuo.*

21. In eodem Decreto num. 23. damnatur hæc propositio: *Frangens Jejunium Ecclesia, ad quod tenetur, non peccat mortaliter, nisi ex contemptu, vel inobedientia hoc faciat. Puta quia non vult, se subicere præcepto.* Et Gonetus tom. 3. dissent. de Probabil. num. 135. refert eandem opinionem circa observandos dies festos, quæ quoque damnatur ab Innoc. xi. num. 52.

22. Panormitanus in rubr. de observatione Jejunii num. 11. hæc scribit: *Ultimò hic quæro, Nunquid transgrediens Jejunium solemne obliget ad peccatum mortale?* Glof. 25. distinct. in c. *unum oratorium* §. *alias ea demum* videtur sentire, quòd sic. Sed d. Card. infra cap. 2. dicit, hoc procedere quando *Jejunium omittitur ex contemptu, vel inobedientia, ut quia non vult se subicere præcepto superioris, secus si sine contemptu, quia tunc transgressio solum obligat ad veniale, & dicit hoc tenere Arch. in d. §. alias ea demum.* Sed Arch. ibi solum refert opinionem Joannis de Fontana, & transit. .... Sed pro primo dicto facit notabile dictum Cal. in t. c. de constit. ubi dicit, quòd transgressio canonis obligat ad mortale, quando fit ex contemptu, seu inobedientia, & contemptus propriè est, quando ex sola voluntate non vult se subicere statuto Superioris. Unde dicit, quòd *hic contemptus clarè apparere non potest, nisi*

nisi



nisi post monitionem. Sed si quis transgreditur ex Concupiscentia, vel negligentia, tunc solum obligat ad veniale. Ecce propositio damnata approbata iisdem verbis à Card. à Io de Fontana, & universaliter de omnibus Legibus Ecclesiasticis à Cal. quibus adde Angelum Ver. Inobedientia ante §. 1. & Gerlonem 3. par. de vita spirituali. Animæ lect. 4. corol. 4. dicentem: Omisio horarum canonicarum, Transgressio Jejuniorum Ecclesiasticorum, & generaliter omnium Statutorum, & regularum, & Canonum nunquam est mortale peccatum, nisi pro quanto Divinæ Legi præceptivæ dissonans invenitur.

23. Richardus quodl. 1. art. 6. quæst. 1. si non eandem, similem docuit, ait enim: tunc est Sæculari peccatum veniale non auditivæ Misi die Dominico, cum hoc omiserit non ex aliqua legitima causa, sed ex aliqua infirmitate mentis, sicut ex aliqua passione, vel ex aliqua pigritia, si tamen ad hoc consuetus non fuit. Eadem verba habet Henricus Herp in Specul. aureo præcept. 3. serm. 2. ante litt. C. & pro se asserti Affen. lib. 4. & Boic in c. dolentes.

24. In eodem Decreto nu. 29. damnatur hæc propositio: In die jejunii, qui sepius modicum quid comedit, est notabilem quantitatem in sine comederit, non frangit jejunium. Quid, quæso, dicent Probabilioristæ nostri, si apud Antiquos opinionem laxiorem inveniam? Zabarella in c. consilium de observ. jejun. §. cum autem num. 2. ita scribit: Quæro. si quis in Quadragesima, vel alius jejunii, cessante necessitate, solvit jejunium comedendo plusquam semel in die, videtur quod venialiter tantum peccat. 25. distincl. §. aliis ea demum vers. quoties cum sit. Sed Glossa intelligit ibi de jejunii voluntariis, ex quo arguitur secus de necessariis, in quibus videtur, esse mortale. Archiep. tamen dicit ibi, durum esse sic aliter. Concludit tamen, quod, cum ex contemptu, mortale est, aliis secus, quod placet; & sic respondi à pluribus Scholasticis interrogatus, & de hoc etiam dixi de baro. Clemen. 3. §. secundo num. 4.

Si ergo ex facultate quis omittit, veniale tantum est d. §. qui sic debet intelligi. Sed si ex causa omittitur, nullum est peccatum, ut hic, & in seq. questione; & sic jejunium quoad comedendum semel non est in præcepto.

25. In quæst. seq. dicit, abstinentioniam à carnibus in die jejunii esse sub præcepto. Addit, quod forsitan antiquitus in diebus Dominicis quadragesimæ carnes comedebantur. Lector, hoc bene memorie manda, ut, si Probabilioristæ exagerent laxitates Modernorum in materia jejunii, possis illis objicere, fuisse multum benignos Antiquos, qui manducabant carnes in diebus Dominicis quadragesimæ. Denique in fin. illius quæstionis sic scribit. Usus jejunantium approbatus est quod solum semel comedatur; & sic non est ex institutione, sed solum ex usu. Durum autem esset dicere, quod si quis violat hunc usum ex facilitate, & comedit plusquam semel, peccet mortaliter.

26. Certè laxior est opinio, quæ concedit plures comestiones; quia sic possum comedere, quantum volo, quàm concedere plures quidem comestiones, sed modica quantitatis. Nota hic Archidiacono, & Zabarellæ non placere opiniones duras. Hinc hi addendi sunt illis, quos cap. 19. allegavi pro opinione benigna. Ego legi Archidiaconum loco allego, sed meo iudicio non bene refertur, quia ibi facit quæstionem, an hora comedendi in die jejunii sit in præcepto, & ait, quod esset durum sic dicere. Nota secundò, hanc suam Doctrinam lassam Zabarellam non merè scripsisse, sed viva voce tradidisse pluribus Scholaribus; hinc nihil omisit, ut à multis in praxi poneretur.

27. In Decreto Innoc. XI. nu. 36. prescribitur hæc propositio: Permissum est jurari non solum in extrema necessitate, sed etiam in gravi. Audiamus Angelum Ver. Furtum num. 36. Si verò, inquit ipse, non est necessitas extrema, sed magna, excusatur à tanto, sed non à toto. . . . posset etiam excusari à toto, quando ille, à quo accepit, abundat, ut dicam in seq. §. In hoc loco sic scribit: posset

posset etiam dici, quod licet aliquis non sit in extrema necessitate, quod sine peccato, & obligatione ad restituendum potest occulte, & bono modo accipere rem alterius, quando scilicet ille ita abundat, & iste taliter necessitatur, quod de precepto sibi tenetur subvenire. Vide supra V. Eleemosinam §. 1. Ibi Angelus clarè, & expressè agnoscit obligationem in divite dandi Eleemosinam in extrema necessitate, & etiamsi non invenirentur tales, qui essent in necessitate prædicta. Negari ergo nequit, per Angelum licere furari nedum in extrema necessitate, sed etiam in magna, credo autem ego, magnam necessitatem, & gravem esse unum, & idem.

28. Doctores Lovanienses apud Fagnanum in c. ne innoxius de constit. num. 339. censurant prædictam opinionem his verbis: *Furari nunquam est permissum, quia intrinsecè malum*; surripere autem alienum permissum quidem in extrema necessitate, quando aliter haberi non potest; sed illud extendere indefinitè ad necessitatem gravem, *Adare autem pauperibus ad passim furandum.*

29. Fateor equidem, furtum esse intrinsecè malum; unde D. Thomas dicebat 2. 2. quæst. 66. art. 5. *omne furtum esse peccatum*; adhuc tamen ipse Angelicus Doctor quæst. 32. art. 8. ad 1. in 4. dist. 15. quæst. 2. art. 1. quæst. 4. ad 2. clarè dicit: *in articulo extremae necessitatis esse licitum furari.* Hanc quoque propositionem concedunt D. Bonaventura in 3. distinct. 39. art. 1. quæst. 2. ad ult. D. Raymundus lib. 2. tit. de furtis §. 10. & D. Antoninus par. 2. tit. 1. cap. 15. §. 1. *Verfurans ex necessitate.* Quin addo, me legendo Antiquos, invenisse concordem in hac propositione. Ex hoc tamen ego non intendo probare, quod Antiqui tenuerint, licere furari, sumendo furtum in suo rigore, & prout prohibetur in Decalogo. Hoc patet præcipue ex D. Thomas, qui quæst. 66. art. 7. expressè dicit, hanc acceptionem rei alienæ non habere propriè rationem furti; & ex D. Raymundo, qui in eo loco affirmat, illam acceptionem non esse furtum. Mea intentio

solum est, ut defendam Modernos quoad modum loquendi exemplo claro Antiquorum. Si illi Sancti, & Antiqui, ut expriment in extrema necessitate licere ex re, quæ est apud alios, providere tantæ necessitati, & hoc significant illo verbo, *Furari*, cur eodem uti non poterunt Moderni? A tempore D. Raymundi usque ad annum 1650. illa propositio non fuit sugillata quoad illum modum loquendi; qua ratione quæso Moderni Doctores Lovanienses illam carpunt? Nunquid Moderni non poterunt accipere in sensu improprio verbum, *Furor*, ut fecerunt Antiqui?

30. Addo, quod si Theologi volunt se carpere quoad modum loquendi, Alii possunt sugillare illam sugillationem Lovaniensium, dum dicunt, licere in extrema necessitate *surripere rem alienam*; nam Calepinus explicans verbum, *Surripio*, ait: *latenter rapio, seu furor*, & hoc probat autoritate Antiquorum. Ecce Lovanienses incidunt in illud, quod ipsi corrigunt. Tum quia si ipsi acciperent verbum, *Surripio*, pro *Accipio*, D. Thomas quæst. 62. art. 8. dicit: *quod sicut accipere rem alienam est peccatum contra iustitiam, ita etiam detinere eam.* Ergo etiam in hoc sensu Lovanienses malè loquuntur. Probabilioritè carpunt Novitates in Probabilistis, sed ipsi faciunt novitates; est enim planè novum, quod Theologi se intricant in quæstionibus Grammaticalibus, cum aliàs sunt certi de re. An Furtum, & omnia præcepta Decalogi sint intrinsecè mala, ita ut Deus nequeat illa dispensare, peculiariè quærunt Doctores; unde ex illa quæstione Lovanienses debebant videre, an Doctores propositionis damnatæ teneant aliquando licere Furtum, in ratione furti, non verò quærere occasionem suspicandi in hoc loco, an asserant, furtum aliquando licere. In hoc loco Doctores propositionis damnatæ aliud volunt, nisi quod Pauperi concedatur illud in gravi necessitate, quod in extrema permittitur.

31. Gonetus ubi supra num. 152. refert, quod Vasquez in Opuse, de Eleemosol.

mos. & plures alii RR. teneant hanc damnatam ab Innocentio XI. Propositionem num. 12. *Vix unquam tenetur aliquis ad Eleemosinam præcisè ex superfluo status, cum vix unquam huiusmodi superfluum in secularibus, etiam in Regibus, inveniat.*

Legamus Abulensem in cap. 6. Matth. quest. 34. ubi inquit, An Eleemosina cadat sub præcepto, & sic incipit questionem. Dicunt quidam, quòd Non, quia Luc. 3. in Glos. super illo verbo: *Interrogaverunt turba Joannem dicitur: ex verbis Joannis terrore percussi consilium querunt, sed Joannes respondit, quòd intendenter eleemosinis; Ergo dare eleemosinam ad consilium pertinet, & non est sub præcepto.* Item cuilibet licet uti re sua, &c. Prolequitur narrationem Argumentorum, quibus probatur hæc crudelissima opinio. Probabilioristæ desinant damnare Modernos, quia vident aliquos defecisse in aliquibus opinionibus, vel etiam damnent Antiquos, quia vident, quosdam ex illis horribilius errasse.

32. Fagnanus in c. *ne innitatis* de constit. num. 335. asserit, ex libera electione cuiusque opinionis Probabilis prædire tanquam ex Equo Trojano ferè opinionum innumeras falsas, temerarias, Scandalosas, &c. prope finem illius numeri recitat juxta Joannem Sanc. in Select. disput. 33. num. 6. & Ludovic. de Sancto Joanne in Summ. tom. 1. quest. 7. de Euchar. art. 8. differ. 3. licere Sacerdoti ministrare hostiam non Consecratam pro Consecrata mulieri, quam cogit maritus ad Communicandum, quæ sine jactura famæ non potest Communionem omittere.

33. Ego teneo cum Cardenas in propol. damnat. ab Innoc. Undec. differ. 20. cap. 3. quòd opinio asserens posse ministrari hostiam non consecratam pro consecrata, contineatur sub propol. 29. damnata ab eodem Pontifice, in qua deciditur, non licere *simulare ministrationem Sacramentorum*, dato etiam *metu gravi*. Sed legamus antiquum Altitiod. aliàs scrupulosum, in 4. tract. 5. cap. 5. quest. 4.

fin. ubi hæc habet: licet dictum sit, quòd in Sacramento Eucharistiæ nulla debeat esse simulatio; tamen in casu aliquo *necesse est fieri simulationem*. Sicut enim Sacerdos per negligentiam suam non habet hostiam consecratam, & aliquis petit Eucharistiam, & si non det ei, valde scandalizabitur, tunc ad vitandum Scandalum *debet dare Sacerdos simplicem hostiam*, sed non debet dicere huiusmodi verba: *Credis hoc esse Corpus Christi? & huiusmodi simulatio non est peccatum*. Ecce in casu Altitiodorensis, ne petens Eucharistiam à Parocho valde scandalizetur, Sacerdos nedum potest, ut vult Sanctius, sed etiam *tenetur*, dare hostiam non consecratam pro consecrata. Quodnam quæst Scandalum hic potest intervenire? Mihi aliud non videtur, nisi quòd petens Eucharistiam judicaret, vel Parochum esse negligentem in suo officio, vel quòd illo die Missam non celebraverit; unde suspicio vehementer oritur de fornicatione Parochi, vel aliud simile, &c.

34. In casu Sanctii Maritus cogit Uxorem sumere Eucharistiam; Uxor sine jactura famæ nequit abstinere à Communionem. Hinc juxta Sanctium licet Sacerdoti hostiam non consecratam pro consecrata porrigere. Quæro, quæ Scandala orientur, si uxor non Communicaretur in hoc casu, dum maritus judicaret uxorem male famæ? Ego pro certo habeo, majora Scandala ortum iri in casu Sanctii, quàm in casu Altitiodorensis; & tamen adhuc Sanctius non ait, *debere* Sacerdotem, ut vult Altitiodorensis Antiquus, sed solum posse licitè dare hostiam non consecratam &c.

35. Hic obiter noto, Aliquos Modernos non bene referre Altitiodorensi in hoc casu, dum illum solum asserunt, quasi quòd dicat, solum in morte posse Sacerdotem hostiam non consecratam pro consecrata ministrare; nam ex verbis ipsius Doctoris à me de verbo ad verbum allatis constat, quòd Sacerdos hoc possit, quando petens Eucharistiam *Scandalizaretur*, si ipsi non daretur.

Hinc evidenter colligitur, Fagnanum

N n non

non legisse Doctores Antiquos; Si enim legisset, non notasset in hac materia Sancium, nec dixisset, hanc laxitatem oriri à Modernitate; Cum hæc lassitas jam ante quatuor sæcula vigeret. Sed nec legit Modernos Probabilistas, quia, si illos legisset, vidisset hunc errorem Altifiodorensis in ipsis; Unde vel tacuisset de Sancio, vel notasset etiam Altifiodorensium; imo magis Altifiodorensium, tanquam Authorem adeo ingentis lassitatis injuriæ tanto Sacramento.

36. Sed nec legit ipsum Sancium; Nam, si illum legisset, vidisset in illa disputatione num. 2. ab ipso afferri pro illa opinione, quod liceat dari hostiam non consecratam pro consecrata ad vitandum scandalum petentis, ipsum Altifiodorensium loco citato; & insuper referri ex Suarez pro eadem opinione Albertum Magnum in 4. distin. 13 art. 20. & Divum Bonaventuram in 4. distin. 9. art. 2. quæst. ult. ad ult. Albertus loquitur de peccatore occulto existente in peccato mortali, & petente Eucharistiam, & dicit hoc posse fieri, sed sæpe non debere fieri. Divus verò Bonaventura hæc scribit: Non debet dare Hostiam non consecratam peccatori occulto petenti in publico Eucharistiam; nam, si daret, peccaret ille, & ipse simulando; nisi fortassis ipse peccator hostiam peteret ob vitandam infamiam, & in Dominici Corporis reverentiam. Hinc non debebat Sancius allegare absolute pro hac opinione Divum Bonaventuram, sed sub formidine; dicit enim Sanctus Doctor: *Fortassis, &c.*

37. Sed gravius imponit Fagnanus ipsi Sancio. Nam Sancius num. 3. expressè asserit hæc verba: *absque gravi peccato sacrilegii non potest ministrari hostia non consecrata veluti consecrata peccatori occulto, quantuncunque infest ad vitandam sui infamiam.* Et hanc opinionem probat rationibus, & plurimis Antiquis, & Modernis Authoribus. Qua veritatis ergo specie potuit Fagnanus oppositam opinionem Sancio per summam injuriam aspergere? Lector ergo benignus legendo Fagnanum in illum Canonem non fidat

multum suis allegationibus; sed adeat textus allegatos, quia sæpe inveniet male citari, ut notavit etiam Cardenas in 3. par. disp. 57. cap. 3. qui iussit, & alitè de ipso conqueritur, quod pluries falsò citaverit Thomam Sanchez.

38. Sancius quidem disp. alleta num. 9. quærit, cum non possit dari Hostia non consecrata pro consecrata, an saltem liceat simulare, se Eucharistiam in os peccatoris prædicti immittere; Et cum distinctione procedit. Negat sine legitima cautela, Concedit cum legitima causa: Ut si maritus, inquit Author, minatus esset mortem uxori, nisi Communicaret, quod videns illam communionis participem suspensionem adversus illam abjiceret. Aut si uxori esset notum, maritum in Ecclesia illam observare, an communice, vel minùs, ad confirmandum contra suspensionem conceptam.

Ecce quòd Sancius in loco allegato à Fagnano non loquitur de ministracione hostiæ non consecratæ pro consecrata, sed de simulatione dandi Eucharistiam, cum tamen revera ipsam non det. Legat Fagnanus, & legant Probabilioristæ Doctores, & falsò in retanta illos non asserant, nec Gonetius amplius in disert. de Probabil. num. 64. dicat, In Prospero Fagnano reperiri Catalogum Propositionum Absurdarum fideliter Excerptarum ex Libris Casuistarum.

39. Has propositiones damnatas à Pontificibus, & traditas olim ab Antiquis aliquatenus examinavi; nunc alias subicio, sed obiter. Ab Alexandro Septimo num. 11. damnatur hæc propositio: *Peccata in confessione omissa, seu obliata ob instans periculum vite, aut ob aliam causam non tenemur in sequenti confessione exprimere.* Num. 25. damnatur aliam in materia de confessione. Sed illa opinio Religiosorum, & Doctorum Antiquorum negantium dari præceptum Divinum de confessione erat minùs damnabilis, quàm istæ Modernorum? Vide cap. 10. num. 48. & cap. 12. num. 15. In eodem Decreto num. 40. damnatur hæc propositio: *Est probabilis opinio, quæ dicit esse tantum veniale osculum habitum ob delectationem carnalem,*

namque,

*malum, & sensibilem, qua ex osculo oritur, secus in periculo consensus ultionis, & pollutionis. Antiquitus uderat opinio, quoddam delectatio morosa non esset peccatum mortale. Vide cap. 12. num. 22.*

40. Vocare Deum in testem mendacii levis non est tanta irreverentia, propter quam velit, aut possit damnare hominem. Sic Moderni in propof. 24. damnata ab Innoc. Undec. Quid dixerunt circa hoc Antiqui? *Ex aliqua necessitate pejerare est peccatum veniale*, dicebat Glossa Raym. lib. 3. tit. de pœnit. §. 21. Ver. unum Coniului Calepinum, & legi, quoddam verbum, *Pejero*, significat, *falso*, & *animo fallendi Jurare*. Vide cap. d. 12. num. 35. Itidem leges ex Scoto, communem sententiam tenere, quoddam unicum perjurium *leve* non sit peccatum mortale. Sed adhuc hæc communis sententia non tenet illam propositionem damnatam, quia loquitur, si illud perjurium leve sit ex indeliberatione, quod bene nota.

41. Angelus V. *Confessio* 4. num. 6. scribit: Confessor debet habere pietatem in compatiendo peccatori benigne eum consolando, infundendo vinum, & oleum cap. omnis, ut potius velit saluum in Purgatorio, quam nimiam pœnitentiam imponendo desperatum in Inferno; nec exigat iuramentum, aut promissionem à pœnitente, nisi ita ius vult; *etiamsi videat, quod non implebit, qua sibi imponet*. Vide quædò propositionem damnatam. 60. ab Innoc. Undec. & compara illud verbum Angeli, *videat*, cum illis ejusdem damnatæ propositionis, *esse emendationis spes nulla appareat*. Probabilistæ concesserunt restrictionem mentalem damnatam ab Innoc. num. 26. 27. & 28. Concessit Glossa Raym. lib. 1. tit. de mendacio §. 3. V. *mantendum esse nos posse licite aliquando mentiri*. Vide etiam Glossam in cap. quod ait V. *periculosissime*, 13. dist.

Moderni voluere esse licitum abortum factis inanimati, ne puella gravida occidatur, quod proscríbatur ab Innoc. Undec. num. 34. Paludanus, & Angelus permiserunt, posse semen ejici, ne fiat conce-

ptio, si tamen nequeat Pater alere tot filios. Vide cap. 12. num. 19. Petrus de Bella Pertica apud Bellameram in cap. *olim causam* de restit. spoliat, num. 35. excusat famulum, qui occidit uxorem domini adulteram, ne ipse occidatur à domino. Potest intelligi horribilius?

42. Qui alium movet, dicunt aliqui Probabilistæ, ad inferendum grave damnum Tertio, non tenetur ad restitutionem ex propositione 39. damnata ab eodem Innoc. Antiquus Tancredus apud Panor. de *Custod. Euchar.* cap. statutus num. 3. tenet, in foro Animæ saluum testem puniri de testimonio falso, non verò de damno sequuto. Vide cap. 12. num. 43.

43. Non potest negari aliquos Probabilitas excessisse, dum dixerunt licitum esse contractum Mohatra, etiam respectu ejusdem Personæ. Vide propof. 40. Innoc. Undec. Sed negari etiam nequit, magis excessisse Antiquos famosos, dum tenuerunt, esse licitam venditionem, & emptionem ultra, & citra dimidium. Vide cap. 12. num. 23.

44. Usura non est, dum ultra sortem aliquid exigitur *tamquam ex benevolentia, & gratitudine debiturum*, Sed solum, si exigitur tamquam ex Justitia debitum. Ita propositio 42. damnata ab Innoc. Undec. Vide cap. 12. num. 24. & leges forsitan verbatim eandem propositionem tradidisse Hostiensem. Lege etiam num. 47. & videbis, Antiquos aliquos non cognovisse usuram, si non intercederet aliquod pactum; alios verò illam expressè concessisse Habræis cum Christianis.

45. Audi, quosdam dicere, fuisse damnatas aliquas propositiones D. storis Angelici: Et quidem ipse legi in fine Libri Senten. Henrici Gorrichen, & Nicolai de Orbellis plures tales propositiones. Joannes à Sancto Thoma Tom. 1. princ. disp. 2. explicat, & defendit D. Thomam à talibus imposturis, & clarè resolvit objecta. Voluissim ego, quoddam explicasset hanc, quam habet 2. 2. quæst. 78. art. 2. ad 3. Ibi dicit, quoddam rationem usuræ idem est exigere in mu-

tuo munus à manu, ac ab obsequio, & à lingua. Subdit postea: Si verò munus ab obsequio, vel lingua non quasi ex obligatione rei exhibetur, sed ex *benevolentia*, quæ sub estimatione pecuniæ non cadit, licet, hoc accipere, & exigere, & expetere. Certè D. Thomas loquitur expresse non de munere pecuniæ, sed de munere linguae, & obsequii; Sed non per hoc difficultas evacuatur, quia juxta ipsum eadem ratio habetur in usura tam de munere pecuniæ, quàm obsequii, & linguae. Tum quia propositio damnata decidit, non esse licitum exigere aliquid ultra sortem. Nota, dicit *Aliquid*; & sic comprehendit omne munus, quod pecunia potest aestimari.

46. Moderni aliqui concesserunt occisionem infaustoris pro conservatione unius aurei, & pro conservatione propria famæ, ut patet ex Innoc. num. 30. & 31. Sed aliqui Antiqui concesserunt occisionem sui ipsius pro conservatione castitatis, & fidei. Vide cap. 12. num. 28. Ibidem videbis, Angelum asserere, esse solum peccatum veniale, si Fœmina erodat, *Trinitatem esse Fœminam*. Lector perpendet, an ex hoc sequatur esse veram propositionem damnatam ab Innoc. num. 64.

Dices, me incidere in Decreta Pontificia, dum per Antiquos defendo opiniones damnatas; vetatur autem ab Alexandro Septimo, & Innoc. Undec. de sensu propositionum damnatarum.

Contra est, & nego prorsus assumptum: Probo equidem primò, & evidenter, quòd Probabilitas sit antiqua. Secundò probo evidenter, quòd propositiones damnatae traditæ sint à pluribus Antiquis. Ex his postea ad hominem contra Adversarios probo, Probabilitatem esse bonam regulam morum. Probo etiam, Probabilitas non esse damnanda ex illo capite, quia docuerint propositiones damnatas, quia illas docuerunt ante Pontificia Decreta, sicut ob hoc Antiqui non notantur. Hæc omnia probo, sed assero, nullum ex his esse contra Pontificia Constitutiones, quas esse servandas ad unguem, etiam usque sine

Concilio Generali editas, patet ex cap. 8. Poterant alias propositiones damnatas demonstrare traditas fuisse ab Antiquis. Sed brevitati studens libenter omitto.

## CAPUT XLIII.

*Duellum in Plurimis Casibus fuisse licitum Antiquitus; Nunc verò posse saltem admitti pro salvanda vita.*

1. Fogarinus disp. 3. par. 3. sect. 2. n. 42. Simul cū Brancato de Laurea dicit: Per probabiles rationes ferè omnia vitia Capitalia video jam excusata; & tantum excusabuntur cætera. Notum est, multos cum quibusdam excogitatis circumstantiis excusare gulam, ebrietates, luxuriam, Furum, Homicidium, &c.

Hi Doctores non explicant, in quibus casibus excusent Probabilistæ Homicidium, quòd nequeat excusari. Suppono ergo, quòd teneant excusari in illis casibus, in quibus certò non liceat. Unde per hosce Probabilioristas valet hæc Propositio. *Probabilistæ multi excusant homicidium, quòd non est excusabile*. Consonat huic estimationi Fagnanus num. 336. vers. *quibusdam casibus*, ubi refert tanquam evidens absurdum, quòd aliqui Probabilistæ permittant *acceptationem Duelli*.

2. Alexander Septimus num. 2. damnat hanc propositionem: Vir equestris ad duellum provocatus potest illud acceptare, ne timiditatis notam apud alios incurrat. Innocentius Undec. num. 38. prescribit hanc aliam: *Regulariter occidere possum suum pro conservatione unius aurei*. Damnant quoque alias non minus lasas, & scandalosas, quas videri possunt in Decreto Alexan. num. 17. 18. 19. Innocentii verò num. 30. 32. 33. & 35.

3. In hoc capite Demonstro antiquitus fuisse ut licitum admissum Duellum in plurimis casibus, in quibus jam

non licet illud approbare; quoq; ut licitum approbatum in aliquo casu, in quo etiam admitti debet his temporibus. Sive autem Duellum sit licitum, sive illicitum, semper evidenter arguimus pro Probabilitate contra Adversarios.

4. Efformo primum argumentum. Doctrina, ex qua sequitur Duellum, aliàs illicitum, esse licitum, est Probabilitas; Sed antiquitas dabatur Doctrina, ex qua Duellum, aliàs illicitum, erat licitum; Ergo antiquitas dabatur Probabilitas.

5. Efformo secundum argumentum. Probabilitas est eliminanda, quia ex ipsa sequuntur absurba, v. gr. Duellum esse licitum, cum sit semper illicitum; Sed Duellum non est semper illicitum. Ergo Probabilitas non est eliminanda. Maior est doctrina Adversariorum. Unde difficultas stat in probatione Minoris utriusque argumenti. Nunc de primo erit sermo, de secundo num. 29.

6. In cap. 2. n. 5. retuli historiam horribilem de duello, cuius licitus usus erat adeo frequens apud Antiquos, ut mirum fuerit, quod à DD. Catholicis fuerit ita permixtus. Juvat hic eandem summa narrationem realsumere, & illam enucleatè examinare.

7. Igitur Divus Raymundus lib. 2. tit. 3. de Duello §. 2. scribit: Consuetudo tamen generalis contra ista invaluit serè ubique Terrarum, Unde solet queri, an hujusmodi consuetudines generales excusent à peccato mortali; & dicunt quidam, quod sic, inducentes pro se verbum Ambr. 32. quæst. 4. obijciuntur Jacob quatuor uxores, quando mos erat, crimen non erat. Alii distinguunt, utrum quis offerat, an suscipiat Duellum, & cum suscipit, utrum sponte an delatum à Judice; Dicunt enim, eum, qui offert, & eum, qui spontè suscipit, peccare mortaliter; eum verò, qui suscipit Judice compellente, non peccare, quia non sponte id facit, sed invitus, cum aliter non possit evadere periculum Corporis, vel rerum; Quod enim quis facit ob defensionem Animæ, vel suarum rerum, licitum, judicatur, Si sit estans

Sacerdos de homic. c. interfecisti. Ego autem salvo meliori iudicio primam opinionem non admitto. Scilicet quòd sine exceptione talis consuetudo sit licita. Secunda tolerabilior est, nempe, quæ distinguit inter Offerentem, & acceptantem, & inter acceptantem sponte, vel Judicis Imperio, & inter acceptantem pro se, vel pro suis rebus. Sed nec illam admitto, subdit Sanctus Doctor. Nota quæso, Lætor benigne, corruptelam Antiquorum in genere Duellorum, quòd serè ubique Terrarum invaluerit consuetudo Duellandi; Et, quod magis est, invaluerat etiam apud Indices, & quod magis est, & refertur à Glossatore tex. ver. deponi deberet, & ab aliis Doctoribus ibi alatis. Episcopi, Capellani, & Abbates in Curia Regis subire duellum cogebantur, aut res Ecclesiasticas amittere. Episcopi autem, & Abbates offerebant, vel suscipiebant duellum, vel per se, vel per alios de speciali mandato eorum. Potest audiri horribilius, quòd Abbates, Capellani, & Episcopi offerant, aut suscipiant duellum vel per se, vel per alios? Et hoc de mandato Regis? Audiant Probabilioris atrocitatem Antiquam. Reges, Principes, Capellani, Abbates, & Episcopi, offerunt, & suscipiunt duellum.

Hic quæro, debemus ne dicere, quòd Reges isti, Capellani, Abbates, & Episcopi non judicarent Duellum esse licitum pro defensione rerum Ecclesiasticarum? Quid? Debemus credere, quòd potiùs vellent certò ire in Infernum, quàm perdere res Ecclesiasticas?

8. Quodsi Adversarii volunt dicere, quòd hi Reges, Capellani, Abbates, & Episcopi certò credebant, esse peccatum mortale, & morientes certò ire in Infernum, effugient per hoc dictum Doctrinam laxam, sed non effugient mores laxos Antiquorum; Atque adeo poterant dari mores laxi, quin laxissimi sine laxitate Doctrinæ. Ergo, licet videamus mores laxos Modernorum, ex hoc non possemus inferre laxitatem Doctrinæ Modernæ.

9. Nota insuper, quòd Sanctus Doctor refert, quòd in Duellis Sacerdotes

dabant Benedictionem Duellantibus, & Glossator Ver. *dant Benedictionem* addit, quod Clerici deferabant Reliquias Duellantibus ad jurandum. Ecce benedicitur Duellum, & juratur, ne aliqua fraus, aut dolus fiat. Saltem nostri duellantes Moderni, qui sciunt se peccare mortaliter, non advocant Sacerdotes pro Benedictione, nec Reliquias pro iuramento; Sciunt enim, non esse miscenda Sacra prophanis; Et forsitan ex hoc possemus coniecere, Antiquos pugiles tenuisse pro probabili, hæc duella fuisse licita; & ideo esse benedicenda, & iuramento sancienda leges, ut rite, & rectè fierent.

10. Sed, si Adversarii sustineant, hosce Capellanos, Abbates, Episcopos duellantes, Sacerdotes benedicentes, & deferentes Reliquias, necnon Reges cogentes ad duella tenuisse, esse peccatum mortale Duellare; tamen negare non poterunt, *quosdam* tenuisse antiquitus indistinctè Duellum non esse peccatum; alios distinxisse de offerente, & de suscipiente; alios distinxisse de acceptante vel iponte, vel Judicis Imperio; alios denique de acceptante pro defensione sui, vel suarum rerum. Hoc, inquam, non poterunt negare, cum expressè Divus Raymundus hanc funestam Historiam narret.

11. Eandem funestissimam Historiam ultra allatos cap. 12. num. 5. referunt Doctores pariter alii, nempe Joannes de Friburgolib. 2. tit. 3. de Duello. Albericus Ver. *Duellum*, Abulensis tom. 2. in 1. Regum. cap. 17. quæst. 45. Pisanello, & ejus Supplementum. V. *Duellum*, Angelus Ver. *Duellum* num. 2. Vide etiam Glossam in cap. *Monomachiam*. Ver. *Monomachia* 2. quæst. 4.

12. Constat ergo evidenter juxta historiam horum Doctorum, quod Antiquitus dabatur opinio multorum Doctorum asserentium, esse licitum Duellum; etiam ex parte offerentis, etiam in Capellanis, Abbatibus, & Episcopis.

Nicolaus Lyranus in 1. Reg. cap. 17. & Nider in Præcept. 1. cap. 19. litter. F. & G. dicunt; dari duo genera

Duelli, Propriè, & Impropriè. Primo modo est singularis pugna duorum, ut per Victoriam unus appareat tandem ejus justitia per Judicium Divinum, & alterius Injustitia. Secundo modo est bellum singulare unius cum uno absque expectatione Divini Judicii, scilicet ut per Virtutem, artem, vel fortunam, vel omnibus istis, vel aliquibus eorum concurrentibus aliqua Controversia inter eos *Criminalis, vel Civilis terminetur*.

De primo genere Duelli dicunt, secundum omnes Doctores esse illicitum, & hoc damnare jura can. *Monomachiam* 2. quæst. 4. cap. *cum suscepisti de purg. vulg.*

De secundo verò genere asserunt, dari discordiam, & varietatem opinionum tam inter Theologos, quam inter Canonistas.

13. Habes ergo, quod tempore antiquo Nider, Lyranus, & Joannis Theologi, & Canonistæ sustinuerunt ut licitum duellum impropiè sumptum, nempe pugnam ex-condicto inter plures tam *pro Causa Criminali, quam Civili*, ut tamen non expectetur Divinum Judicium; sed ut per Virtutem, per artem, vel per Fortunam decisio habeatur. Ego credo, quod nostri temporis duellantes hoc secundum Duellum ineant, & nostri doctores loquantur.

14. Aliqui citant pro defensore Duelli ipsum Lyranum ubi supra. Et prima facie in rei veritate ita videtur sentire. Sed legenti totam questionem apparet, quod solum concedit, quod Judices aliquando possint permittere Duellum. De reliquo in fine expressè dicit, quod nullus Duellantium prædicto modo est immunis à culpa. Ulteriùs defensor Lyranus contra Burgensem expressè dicit, Lyranum solum concedere, quod Judex licitè permittat Duellum; Et pro ejus opinione refert, Karolum Magnum & Sanctum Regem Ludovicum permisisse hujusmodi Duellum.

15. Aptius potest asserri Zabarella de Cleric. pugnat. in Duel. cap. *porro* num. 5. ubi scribit. Quid, si periculum rerum, vel persone Clericus non potest



evadere, nisi suscipiat Duellum? . . . .  
Quid de Laico? . . . . Alii distinguunt,  
an offerat, an suscipiat, & secundo ca-  
su aut suscipit sponte, aut coactus à Ju-  
dice, & hoc ultimo casu non peccat secun-  
dum Vincent. & sic alius casibus peccat.  
Ita Zabarella. Juxta communem opinio-  
nem Doctor referens plures opiniones  
censetur transire cum ultima. Et præ-  
cipue noster ita est censendus ob illa, ver-  
ba, & sic alius vicibus peccat; affirmando  
enim peccatum in hoc casu, negat in  
alio. Vide num. 34.

16. Sed videamus, an Duellum per  
leges Civiles liceat. Igitur lib. 2. Feud.  
tit. 27. de pace tenenda §. i. vers. Si quis  
hominem hæc habentur: Si quis homi-  
nem intra pacem constitutum occiderit,  
capitalem tibeat Sententiam, nisi per  
Duellum hoc probare possit, quod vitam  
suam defendendo illum occidit. Et infra.  
Si quis alium intra pacis edictum vulne-  
raverit, nisi in Duello vitam suam defen-  
dendo, hoc secuisse probaverit, manus ei  
amputetur. Hic clare patet, legem in  
his casibus approbare Duellum. Lege  
Gloss. Ver. per Duellum, quæ refert plu-  
res casus, in quibus Leges approbant  
Duellum, præcipue Leges Longobar-  
dorum.

17. Si quis tamen vellet dicere, quod  
hæc Lex non approbat positive, sed  
permissivè Duellum, assero Leges Lon-  
gobardas, quæ clare præcipiunt Duel-  
lum in quibusdam casibus. Igitur aliis  
pluribus omisiss observo, quidam Le-  
ges in lib. 2. tit. 55. qui est: Qualiter quis-  
que se defendere debet. Sunt autem factæ  
ab Ottone Imperatore, & ponuntur in  
fine illius tituli. De verbo ad Verbum  
illas referro. Et factæ sunt istæ ad tol-  
lendum abusum perjurii, qui in tota I-  
talia inoleverat in falsificandis scripturis;  
Et factæ sunt Veronæ convenientibus ibi  
Conrado Rege. Italicæ cum omnibus Italia  
Proceribus, qui omnes istis legibus con-  
tenserunt. Nota, quod in illa lege iste  
Otto dicitur Sanctus. Credo ego fuisse il-  
lum Ottobem, qui à Luitprando lib. 6.  
cap. 6. ut narrat Baronius Anno 960.  
Sanctissimus appellatur.

Eccæ Leges iisdem verbis Fideliter relatæ.

18. De prædiis si contentio emerlerit,  
& utraque pars sine altera cum chartis,  
seu descriptionibus prædium sibi vindic-  
care voluerit, si ille, qui falsam char-  
tam appellaverit, per pugnam declarare  
voluerit, ut veritas ita decernatur; sin  
autem, secundum priora Capitula deter-  
minetur, edicimus.

De Ecclesiarum rebus, ut per Advo-  
catos fiat, similiter jubemus. Subintelli-  
ge, ut Duellum fiat. Hinc Advocati  
debent defendere res Ecclesiasticas  
non Legibus, sed armis; non Voce, sed  
pugna.

De Investitura Prædii, si contentio  
fuit, ut per pugnam decernatur, edicimus.

19. Si quis per seipsum aut per suum  
Nuncium quicumque alicui deposuerit,  
& depositum cupiditate victus negave-  
rit, si viginti sol. prædium fuerit, ut per  
pugnam decernatur, edicimus.

Si quis dixerit, quod per vim de præ-  
dio Chartam alicui fecerit, per pugnam  
decernatur, edicimus.

De Furto, aut Scalcho, si ultra sex  
Solidos fuerit, similiter, ut per pugnam ve-  
ritas inveniat, præcipimus. Nota hoc  
verbum, Præcipimus.

20. Quacunque Lege, sive etiam Ro-  
mana, in omni Regno Italico homo vixe-  
rit, hæc omnia, ut in his Capitulis per  
pugnam decernimus, observare, præcipi-  
mus; ita tamen, ut, si eorum juvenilis,  
aut decrepita ætas, seu infirmitas pugna-  
re prohibuerit, liceat ei pro se pugnatorem  
ponere, & alter similiter facias.

Si servus propter appetitum libertatis  
Liberum se vocaverit, liceat domino,  
si sibi melius visum fuerit propter diffi-  
cultatem approbationis insidiosæ, aut  
per se, aut per suum Campionem dare, si  
morbis, aut ætas eum pugnare prohibue-  
rit.

Ut Ecclesiarum, seu Comitum, & Vidue  
lites suas de his, quæ in superscriptis  
capitulis continentur, per consimiles  
Advocatos per pugnam dirimant.

Cæteri vero natura liberi secundum  
Legem pristinam per semetipsos respon-  
deant, & decernant.

21. Dices, has pugnas factas fuisse non Armis, sed *sustibus*, & *scutis*, & sic non currere paritatem de Duellis approbatis à Doctoribus Modernis. Nostra enim duella fiunt Armis; unde sæpe hominidia accidunt. Assumptum probatur, quia in eod. titulo Leg. 28. facta sub Imper: Rothari dicitur: Quibuscunque per legem propter aliquam contentionem pugna fuerit iudicata, præter de Infidelitate, cum *sustibus*, & *Scutis* pugnent, sicut in Capitulare Dominico prius constitutum est.

22. Vidimus Glossam Civilem referre Leges Longobardas tamquam admittentes Duellum indistinctè; & sic debet intelligi de Duello, quod armis initur. Præterea in Decreto Gratiani edito iussu Gregorii XIII. post cap. *Monomachiam* 2. quæst. 4. aut. 5. notatur, quod Duellum, subintellige cum Armis, sit legitima probatio per Constitutiones Longobardicas, & Capitulares. Tum quia Lex allata Rothari Regis, si declarat pugnam esse faciendam *sustibus*, & *Scutis*, expressè excipit de *Infidelitate*; Ergo ex ipsa Lege constat, saltem ad probandum me, non esse *Infidelem* meo Principi, posse cum Armis Duellum fieri. Tum quia duellum factum *sustibus* potest causare mortem, aut saltem grave malum; Nam Isidorus lib. 5. Etymol. cap. 27. *sustes* interpretatur, quibus Juvenes pro Criminibus feriuntur, dictos ab eo, quod *præfixi in fossis* *sunt*, quos *palos rustici* vocant. Certè ligna, quæ palos rustici vocant, sunt apta ad inferendum grave damnum. Tum quia utebantur *Scutis*, utique ad tuendum se à gravi malo.

23. Tum quia *sustes* inter arma computantur, nam l. *idem est*. ff. de vi, & vi arm. dicitur: Arma sunt omnia tela, hoc est, & *sustes*, & *lapides*. Planè & si Unus, vel Alter *sustem*, vel gladiū tenuit, armis possessor videtur dejectus. Plus dicitur, & si inermes venerant, si in ipsa concertatione, qui inermes venerant, eo processerunt, ut *sustes*, aut *lapides sustinent*, vis erit armata. Et l. si pigrore ff. de Furt. ha. dicitur: Teli autem ap-

pellatione, & ferrum, & *Fustis*, & *lapis*, & denique omne, quod nocendi causa habetur, significatur. Et l. *Armorum* ff. de Verbor. significat. dicitur: *Armorum* Appellatio non utique *Scuta*, & *Gladios*, & *Galeas* significat, sed & *Fustes*, & *lapides*. Et Cicero pro Cecina dixit, quid igitur si glebis, aut *Saxis*, aut *sustibus* aliquem de fundo præcipitem egeris? Et Cæsar lib. 5. de bello Civili: *Lapidibusque sustibusque equos reperiunt*. Et Plinius lib. 7. cap. 56. *Prælium Africi contra Egyptios primi fecere sustibus*, quos vocant *Phalangas*. Et Juvenalis lib. 3. Satyr. 9. vers. 98. *Sumere ferrum, suste aperire caput*.

24. Patet ex his Textibus, quod *sustis* potest inferre malum grave, cum possit *aperire caput*, id est *scindere*, ait Theophrastus Linguae Latine, & cum Antiquiis pro Armis uterentur in bello, & cum iisdem inferatur *vis armata*.

25. Replicabis lib. 1. titul. de *Monomachiis* l. *recolimus* (aliàs hæc Lex continetur sub titul. de *homic. homic. lib. 1.*) dicit Luitprandus Rex, se non probare duella, sed propter consuetudinem gentis Longobardorum *Legem impiam vetare non posse*. Ergo per Leges Longobardas non admittuntur duella tanquam licita, sed permittuntur, quia nequeant impediri, sicut Leges Civiles admittunt *Meretricia*, quia nequeant impediri.

Sed contra, quia, si Rex Luitprandus solum permittit duella, quia non poterat *vetare legem impiam Duellorum*, Otho Imperator, qui certè non erat morum Impiorum, cum vocaretur illis temporibus Rex Sanctus, de novo præcipit *Legem Duellorum*, & illam ponit loco Legis de juramento. Et nota Lex illa de juramento præstando, ut aliqua Charta probaretur verax, utique erat bona, & Sancta Quia tamen ipsius occasione Itali perjurabant, ponit loco ejusdem *Legem Duellorum*; Ergo Otho judicabat, hanc Legem esse per se justam; Si enim judicasset esse legem injustam, fuisset valde imprudens, & ridiculus, dum tolleret Legem injustam solum per accidens, & poneret Legem injustam per se.

26. Liqueat ergo evidenter per Leges, saltem Longobardas, approbati duellum tum quoad acceptationem, tum quoad oblationem. Repeto ergo Argumentum contra Adversarios: Probabilitas est abicienda, quia per ipsam excusatur Homicidium, v. gr. *acceptatio Duelli*; Ergo Regulæ Antiquorum sunt abiciendæ, quia per ipsas excusati fuere Otho, & Proceres Italiæ statuendo legem de homicidio v. g. *Oblatione, & acceptatione Duelli*. Facio Argumentum alio modo: Excusatio homicidii v. gr. Acceptationis duelli est doctrina Probabilitatis per Adversarios, sed antiquitas, etiam per Legislatores, excusabatur homicidium v. gr. *Acceptatio, & oblatio Duelli*, Ergo antiquitas dabatur *Doctrina probabilitatis*; Quomodo ergo dicitur, Probabilitatem esse novum inventum enatum in fine sæculi decimiseptimi?

27. Dices, Leges Longobardas non esse magni ponderis, cum vocentur à Maranta *Astinæ*, ut liquet apud Tullium Ver. Longobardi.

Sed contra, quia, si his temporibus Leges Longobardæ sunt æstimandæ *Astinæ*; Ergo Moderni Doctores melius cognoscunt veritatem, quam Antiqui, etiam Legislatores. Vides ergo in quot quæstionibus Moderni sunt Antiquis præferendi!

28. Præterea meus Codex Legum Longobardorum est excusis in Gallia cum privilegio Regis, & hac impressio est prima, quæ de his Legibus post inventam admirabilem Artem Typographi facta est; Et istæ Leges sunt Glossatæ per Nicolaum Boerium Jureconsultum Famosum. Nunquid Galli non viderunt Afinitatem harum Legum? Fateor equidem, Leges hæc approbantes Duellum esse *Iniquas, & perversas*, præcipue cum tam sæpe, & causibus levibus illud approbent; non tamen propter hoc possumus dicere, Legislatores illarum fuisse ignorantes, & indoctos. Debemus ergo dicere, quod tempore antiquo materia de Duello fuerit obicura; unde tunc potuit probabiliter sustineri Duellum ut licitum in quibuscumque casibus, in quibus

postea per studium Doctorum subsequendum re melius declarata Ecclesia determinavit Veritatem.

29. Sed hæc missa faciamus, & referamus Antiquos, qui probabiliter loquuti sunt de Duello, & probemus per ipsorum auctoritatem licere adhuc Duellum, saltem *prosalvanda vita*. Verum hoc faciendo iterum convincam, Probabilitatem esse antiquam, nec ex ipsa ullum absurdum provenire, ut proposui probare num. 5.

30. Dari varietatem opinionum inter Theologos, & Canonistas de puello improprio referunt Lyran., & Nider, ut dixi n. 12. Vidimus etiam supra n. 7. D. Raymundum, & plures alios Antiquos narrare hanc varietatem opinionum de ipso puello in genere. Certum est, cursum temporis Modernos tam amplam varietatem opinionum de puello cohibuisse, & correxisse Antiquos. Ergo in illis casibus, in quibus Moderni non corrigunt Antiquos, nos non debemus illos damnare. Ergo saltem in casu pro tuitione vite puelum erit licitum, cum nihil habeatur de novo, propter quod debeamus hanc opinionem deferere. De novo quidem Tridentinum sess. 25. cap. 19. de refor. prohibet sub anathemate puellorum abusum, sicut & Julius Secundus, Leo Decimus, Clemens Septimus, Pius Quartus hoc præstiterunt ante hoc Concilium, & post ipsum Gregorius Decimus tertius, & Clemens Octavus. Hæc Constitutiones vide apud Gregorium Carafam de puello tract. 2. sec. 2. At in his prohibitionibus nihil de novo continetur præter excommunicationem, quod non contineretur in antiquis allatis Decretis. Ergo, si antiquitus poterant explicare illas Constitutiones, ut non continerent casum extrenæ necessitatis; ita possumus explicare nova Decreta.

31. Vidimus num. 16. Federicum Imperatorem legem sanxisse, si quis accusetur, occidisse hominem extra casum defensionis, hunc debere subire mortem, nisi puello se defendat. Asten lib. 1. tit. 27. art. 1. refert, Legem municip.

capalem admittere duellum in pluribus casibus; Et Alciatus tom. 4. de singul. certamine cap. 4. ex Guido Papa quest. 617. dicit, Philippum Pulchrum Gallic Regem statuisse, ut, si quis occulte criminis, capitalisque reus sit, atque ita de eo constet, ut questioni subijci possit, condemnari non possit, *is arbitratu Accusatoris Duello experietur*. Gregorius Carafa tract. 1. sect. 1. quest. 3. assert. historias plures, quibus demonstratur, apud alios Legislatores probatum fuisse duellum.

32. Supponamus ergo, alicubi has leges vigere, quæso, innocens debet finire occidi, & cum vita honorem amittere? *Durum enim*, ait Glos. Raym. lib. 2. de duello. V. non peccare, *videtur dicere, quod innocens teneatur potius sustinere se suspendi, quam se defendere in Duello*. . . . Propter hoc credo, quod hæc opinio potius tenenda est, cum ratione non careat, & sit benignior, ne videamur damnare omnes illos, qui se defendunt in Duellis, velles. Textus clarus, & inevitabilis. Nota obiter, esse sequendam illam opinionem, quæ excusat multitudinem à peccato: *Ne videamur damnare omnes illos, qui se defendunt in Duello*. Hanc maximam, quæ est etiam Modernorum, credo esse invictam Probabilioristis; sed illam venerari debent utpotè antiquam.

33. Glosa in d. cap. *Monomachiam*. V. eod. dicit, monomachiam prohiberi à jure, cap. de gladiis. Lun. lib. 11. Subdit tamen: *dicunt quidam, quod defendens potest sumere, quia oculis licitum, est se defendere*.

34. Joannes Andreas in cap. 1. de cleric. pugna. in duello num. 1. glossans illud adverbium, *sponte*, ait: *hoc dicit propter inevitabilem necessitatem, qua ultimum excusaret*. De hoc de homic. sicut dignum secundum Hostien. Hæc verba saltem significant juncta cum textu, quod Clericus in necessitate duellans excusatur à pena depositionis. In fine illius capituli primò refert opinionem dicentem duellum semper esse peccatum. Inde subdit: Alii distinguunt, an occidat, an

suscipiat. Et secundo casu aut suscipiat iponte, aut coactus à Judice; *Et hoc ultimo casu non peccat, sicut nec minister 23. quasi 3. miles: in aliis peccet mortaliter Vinc.* Si est vera communis sententia, quod Doctor referens plures opiniones, & nihil determinans censeatur sequi ultimam, patet Joannem Andream esse pro nobis. Eodem modo procedit Petrus Ancharanus ibidem; unde etiam ipse est pro nostra opinione. Vide etiam Geminianum in d. cap. *Monomachiam* ibi: nisi per inevitabilem necessitatem, *qua bene excusaret*. Vide num. 15.

35. Antonius de Butrio de Cleric. pugna. in duello cap. 1. not. 1. scribit. Nota, quod coactè licitum est Clerico inire duellum, quando hoc facit ad defensionem inevitabilem personæ de homic. cap. *significasti*, & cap. *sicut dignum*.

36. Panormitanus in cap. 1. de Cleric. pugna. in duello not. 2. videtur tenere, quod Duellum sit licitum in necessitate inevitabili personæ, sicut in eadem necessitate licet suum aggressorem interficere; tamen postea expressè fatetur, duellantem in hac necessitate peccare.

37. Prepositus in d. cap. *Monomachiam* scribit num. 3. Tu dic, quod aut hoc sit propter inevitabilem necessitatem defensionis personæ . . . . *Et licitum est Duellum*. Per hæc ultima verba videtur clarè hunc Doctorem esse pro nobis tamen postea videtur reprobare omne duellum.

38. Cajetanus 2. 2. quest. 95. art. 8. post med. scribit: In uno tamen casu licitum mihi videtur, acceptare duellum; quando scilicet accusator evidenter calumniatur, & pravalet contra me innocentem ad mortem, vel mutilationem; tunc enim, ex quo accusator impetit me Judiciis gladio injustissimè, sine dubio occidit, vel mutilabit me, ego non habens aliud refugium, habeo justum bellum defensivum contra eum. Hæc clarissimè Cajetanus. Subdit etiam post pauca: Fateor tamen, quod in casu, quo pars habens justum bellum cognoscit vires suas, & quod oportet, aut configere, & succurrere, aut acceptare duellum, quod licitè

licitè acceptat duellum; *transfert enim quasi certum casum in dubium, & in spem victoriae utendo omnibus suis viribus; nec solum licitum est tali parti in prædicto necessitatis articulo constitutæ acceptare, sed etiam provocare tale Duellum, resolvendo bellum in Duellum, quoniam ex parte sui nititur omnibus viribus suis melius in Duello, quam in bello; & propterea non peccat.*

39. Fateor, Cajetanum in hoc secundo textu non loqui de Duello privatarum Personarum, de quo est difficultas, sed duarum Civitatum habentium ius bellum indicendi. Sed subdo, hanc doctrinam probare, duellum privatarum personarum esse licitum ex parte innocentis. Est licitum Patriæ innocenti transferre casum suum quasi certum in dubium, & in spem victoriae. Ergo est licitum innocenti casum certissimum suæ vitæ, qui ex iudicis iniqua sententia v. gr. ipsi certissime imminet, transferre in dubium, qui reperitur in duello. Declaratur. Si non accepto duellum certissime, ut supponitur, laqueo suspendor. Si accepto duellum, forsan non moriar, ut est evidens; nam si adversarius est æqualis in fortitudine; victoria est dubia ex utraque parte. Si est fortior; adhuc victoria est dubia ex utraque parte; quia licet, agens naturale fortius certò superet minus forte, non sic accidit in artificialibus; quin aliquando debilius vincit fortius. Absolutè loquendo nonne magis subiaceo periculo mortis, si nullo modo me defendo, quàm si aliquo modo me defendo? Hic procul dubio valet illud poeticum: *accidit in puncto, quod non contingit in anno.* Confirmatur: Petrus traditur carnifici ligatus manibus. Religiosus condemnatur, ut gladio dimicet cum Viro peritissimo artis gladiatoriae. Ego procul dubio assero, deterioris conditionis Petrum esse, quàm Religiosum, & ego potius eligerem condemnationem Religiosi, quam Petri. Ergo damnatus ad mortem eligens duellum transfert periculum certum in dubium; atque adeo, si Princeps potest per Cajetanum eligere

duellum, ut transferat periculum certum in dubium; ita dicendum in casu nostro.

40. Ex his clarè patet, ut defendam meam vitam, ab injusto invasore, licere acceptare duellum; duellum, inquam, non ut probem aliis meam innocentiam; quia hoc medium per se non ordinatur ad talem finem, sed ut defendam meam vitam; usus autem gladii per se ordinatur ad defensionem, & offensionem; sed in nostro casu à me ordinatur præcisè, ut me defendam. Contra hanc doctrinam textus cap. *Monomachiam*, & alii non militant, quia loquuntur de duello, quod sit tentatio pei; tale autem non est nostrum, quia non sumimus experimentum de Deo, ut de ratione tentationis est ex D. Thom. 2. 2. quæst. 97. art. 1. Sed illam pugnam inimus, ut vel viribus, vel fortuna, vel utroque simul defendamus vitam nostram, quæ aliàs injustè ei set perdenda.

41. Præterea Doctor Angelicus ibidem art. 2. scribit: si quis ad hoc sumat experimentum eorum, quæ ad divinam perfectionem pertinent, non ut ipte cognoscat, sed ut aliis demonstret, hoc non est tentare Deum, cum subit justa necessitas, seu pia utilitas, & alia, quæ ad hoc concurrere debent; sic enim Apostoli petiverunt à Domino, ut in nomine Jesu fierent signa, ut dicitur Act. 4. ad hoc scilicet, quod virtus Christi infidelibus manifestaretur. Sic D. Thomas. In nostro casu, in quo quis est in necessitate extrema, utique erit *iusta necessitas*, ut possit sumere experimentum de perfectione Divina, non ut ipte eam cognoscat, quia sibi conscius est de sua innocentia, sed ut aliis eam demonstret.

42. Præterea cap. *quaritur* 22 quæst. 2. dicitur. In hoc ostenditur, quod nemo debet Deum suum tentare, dum habet, quod rationabilis consilio jaciatur. *Fecit, quod potuit, quod non potuit, Deo commisit, in quem speravit.* Canon loquitur de facto Abraham, qui dixit, illam seminam esse Sororem suam, & tacuit esse suam Uxorem. Agebatur hic de vita Abraham,

hæ,

hæ, & de pudicitia Saræ. Abraham habebat virtutem salvandi suam vitam, non verò pudicitiam Saræ. Ipse ergo fecit, quod potuit; & sic salus est illam esse Sororem suam. Quod non potuit, Deo commisit; In nostro ergo casu agitur de mea vita. Ego habeo virtutem, qua forsan me salvabo, susceptio scilicet duelli. Ergo debeo imitari Abraham. Faciam, quod potero, & in reliquo me committam divinæ Justitiæ, ut me protegat. Sic etiam in cap. si nulla 23. quæst. 8. dicitur, quòd omni tempore est bellandum pro defensione Patriæ, tum sui, ne videlicet Deum videatur homo tentare, si habet, quod faciat. Hic textus expressè dicit, quòd ille Deum tentat, qui expectat à Deo effectum, quem ipse potest ex propria virtute præstare. Porro in nostro casu ille innocens expectat à Deo liberationem à morte imminenti; tamen ut habeat hunc effectum, facit, quod potest; exerit gladium, & vibrat; quia verò est valde dubium, nescia virtus sufficiat; ideo expectat à Justitia Divinæ, ut ipsum auxilietur ad habendam intentum. Plane, inquit Turrescreinata in hunc Canonem fin. tentaret quis Deum, si quis imminente tali necessitate à bello velis abstinere, dimittendo Deo vindictam, dum tamen habeat, quod faciat, scilicet potentiam habet, unde possit pugnare, vel consilium, quo possit sibi, & alius consulere.

43. Confirmatur ex D. Thoma art. 1. Ibi scribit. Quasi interpretativè Deum tentat, qui, & si non intendit experimentum de Deo sumere, aliquid tamen petit, vel facit, quod ad nihil aliud est utile, nisi ad probandam Dei potestatem, vel bonitatem, vel cognitionem; sicut cum quis equum currere facit, ut evadat hostes, hoc non est experimentum de equo sumere; sed si equum currere faciat absque aliqua utilitate, hoc nihil aliud esse videtur, quam experimentum sumere de equi velocitate; & idem est de omnibus aliis rebus. Quando ergo propter aliquam necessitatem, seu utilitatem committit se aliquis Divino auxilio in suis petitionibus, vel scilicet, hoc non est tentare Deum;

Dicitur enim 2. Paralip. cap. 20. cum ignoramus, quid agere debeamus, hoc solum habemus residui, ut oculos nostros dirigamus ad te. Verbatim rescripserunt hanc doctrinam Rainerius. V. tentatio. cap. 2. Angelus. V. tentatio, Asten lib. 1. tit. 18. Ex hoc textu manifestè patet, nostrum duellum non esse tentationem Dei; nam non duellatur absque aliqua utilitate, aut necessitate, sed cum magna necessitate, & utilitate, quia per ipsum duellum transfertur periculum certum vitæ innocentis in periculum dubium ex dictis; & insuper nullam habet aliam viam ad habendum talem effectum.

44. Alios Doctores antiquos pro nostra opinione invenire non potui; unde in rei veritate communis opinio Antiquorum est in oppositum, pro qua militat Abulensis, Raymundus, Joannes de Friburgo, Goffredus Traneusis, Astenus, Albericus, Supplementum Pisanelle, Antoninus, Angelus, Herp, Rosella, Boic, Panormitanus, & alii Canonistæ, quos vidi, & quorum loca non juvat allegare.

45. Sed quamvis communis opinio Antiquorum sit in oppositum; adhuc tamen apud Antiquos nostra opinio existimabatur probabilis; unde ipsi in hac difficultate sic procedebant; referebant utramque opinionem tanquam traditam à viris doctis, & postea sequebantur rigidam. Pro evidèntia hujus rei, reserretur solum Alensem Irrefragabilem sufficiat. Agit de duello 4. par. quæst. 11. membr. 2. art. 2. §. 4. quæst. 4. Dixerat, plerisque; tenere omne duellum esse illicitum; mox subdit: Sed durum videtur aliis definire, quòd quando innocens accusatur de crimine ad mortem, quòd si duellum recitaverit, statim suspendetur, quòd potius tenetur, te sustinere suspendi, quam te defendere in duello. Propter hoc dicunt quidam, quòd duellum oblatum in Causa criminali licet suscipere, si alio modo vitæ dispendium non possit vitari. Similiter dicunt in causa Civilis de rebus temporalibus ponentes, quòd, sicut Laico licet res suas defendere ar-

mis, & raptorem occidere, si aliter defendere non possit, similiter licet in duello, non quod ipse offert, sed quod à iudice offertur, vel potius infertur. Prima opinio securior est, & illi consentio, quòd nullo casu licet Duellum offerre, nec illatum, vel oblatum suscipere, cum Monomachia sit in lege Civili prohibita, & ejus prohibitio sit approbata à Canone. Sed sustinebitne innocens, in causa criminali se suspendi in confusione propriam, & generis sui, & Patrie scandalum? Credo, quòd sic in casu isto, cum confessione innocentie suae, & reputatione humiliter se illa alias meruisse. Omnino ergo videtur mihi, quòd existens in voluntate, vel proposito aliqua causa committendi Duellum, eò quòd prohibitum est, & eò quòd committere causam suam forti Duelli est Deum tentare, intendit facere, quod illicitum est &c. Hucusque Alen.

46. Sed contra evidenter, nam princeps, & Ecclesia nequeunt obligare per suas leges cum periculo certo vitae. Quia praecepta Christi non obligant adeo dure. Unde non teneor Baptizari, si nequeo Baptismum suscipere sine vitae discrimine. Si Christus non posuisset sub praecepto Confessionis peccatorum, communiter dicitur cum Scoto in 4. dist. 17. quæst. un. art. 1. verbi si tertium membrum, quòd Ecclesia non attentasset tam arduum praeceptum imponere omnibus Christianis. Nunquid praecepta de auditione Missae de jejunio obligant cum periculo vitae? Nonne valde probabilis est illa sententia, quòd Reus in Conscientia non teneatur fateri crimen semiplene probatum, qua confesso condemnaretur ad mortem? Ergo quamvis Jus Canonicum, & Civile prohibeant Duellum, hæc leges sunt glossandæ benigne, quando non agitur de periculo Vitæ.

47. Lex humana ex cap. erit autem. 4. dist. debet esse possibilis secundum naturam, & secundum consuetudinem Patrie, deo, temporique convenienti, necessaria, & utilis. Concipit huius Doctrinæ An-

gelicus Doctor. 1. 2. quæst. 95. art. 3. Certè hæc verba: *possibilis secundum naturam*, indicant clarè, legem humanam non destruere naturam. Ergo observantia legis humanæ non importat certum periculum Vitæ. Præterea ex D. Thom. 2. 2. quæst. 120. art. 1. habetur, legem in aiquo casu deficere; dans autem exemplum ait: legem quidem jubere, ut depositum reddatur Domino ipsam polcenti; si tamen Dominus repetat gladium in furia, non est tunc reddendum. Subdit Angelicus: In his ergo, & similibus casibus malum est sequi legem positam; bonum autem est *prætermisissis verbis legis sequi id, quod poscit iustitia ratio, & communis utilitas*. Ecce lex deficit, quando agitur de periculo vitæ alterius. Ergo multò magis deficiet, quando agitur de meo periculo. Poscit iustitiæ ratio, ut acculator nocens impunitus, & cum honore vivat, & innocens punitus, & infamatus moriatur? Nec juvat dicere admodum dure cum Alensi, quòd Innocens profiteatur innocentiam suam. Ad quid valet, quæso, illa professio? Nec juvat pro salvanda vita, nec pro honore; Judex enim ipsi non credit, nec Astantes. Absit ergo credere, quòd Ecclesia, quòd Princeps adeo dure velint obligare subditos, ut debeant amittere vitam, honorem, bona, & quicquid habent in hoc mundo. Desinant ergo Adversarii cum illis Antiquis objicere Canones Ecclesiæ, & Leges humanas; quin ipsos pudeat uti argumento adeo debili; & potius in oppositum arguant. Sætem aliqua praecepta Christi, alia praecepta Ecclesiæ, & Principum non obligant cum certo periculo vitæ. Ergo etiam Lex Ecclesiæ, & Principum prohibitiva Duelli non obligat cum certo periculo vitæ.

48. Addo, aperte falsum esse leges Civiles prohibere Duellum pro defensione vitæ, vel bonorum. Duplex lex assertur l. qua actione §. si quis in colluctatione ff. ad leg. Aquil. & l. un. C. de gladiatore lib. 11. Si attentè legatur prima lex, potius approbat duellum, etiam absque

alia

ulla necessitate, quàm reprober. Audi legem: Si quis in colluctatione, vel in pancratio, vel pugiles, dum inter se exercentur, alius alium occiderit, cessat Aquilia, quia gloria causa, & virtutis, non injuria gratia videtur damnum datum. Notaly se exercentur, & ly quia gloria causa; hæc enim verba intelliguntur de iis, qui puella committunt sponte, absque aliqua necessitate; adhuc tamen, quia duellum initur non injuriæ causa, sed gloria; ideo Lex Aquilia non habet locum in duello facto gloria causa. Quomodo Adversarii possunt inferre, duellum factum salvandæ vitæ causa teneri lege Aquilia? Nunquid lex pluris æstimabit gloriam, quàm vitam? Vide glossam V. aut si non incertamine, sicut etiam V. nisi domino committente, & hoc loco reperies, quosdam tenere per hanc legem duella esse licita.

49. Quantum autem ad illam legem Codicis, per quam prohibentur spectacula gladiatoria, prorsus est evidens nihil nobis officere; & mirum valde est, quod Viri in jure versatissimi illa utantur ad probandum in nullo casu duellum licere. Nunquid nulla est differentia inter gladiatorē, qui ut recreationem populo Romano præberet, & illum assuesceret ad non pavendū, dū in præliis sanguinem effundi videret, digladiabatur, & inter nostrum duellantem, qui solum intendit defendere propriam vitam, quam sine duello certò amitteret? Vide Calepinum. V. Gladiatōr. Scio fuisse etiam Gladiatores ē servorum, & captivorum numero, qui deputabantur inviti ad officium illud cruentum digladiandi in arēna, ut ex Antiquis refert Carafa quæst. 7. Sed adhuc magnum discrimen est inter illos, & nostrum duellantem; quia semper illæ pœnæ non acceptabantur, nec fiebant ob salvandam vitam, sed ad ostendenda spectacula populo illo crudeli.

## CAPUT XLIV.

*Probatur nostra Conclusio ex eo Capite, quia ex Probabilitate sequuntur quadam Opiniones, quæ videntur Absurde Adversariis. Expenditur, an sit mortale, Voluntariè distrabi in officio Canonico, Damnum ad mortem respicere cibum oblatum, & Furare sine animo Furandi.*

Nunc devenimus ad tertium Caput, propter quod Probabilioristæ exagitant Probabilitatem, & est, quia ex ipsa sequuntur in rei veritate quædam opiniones, quas ipsi judicant ingentia absurda.

1. Juxta hoc Caput retorqueo Argumentum duplici modo. Opiniones A. B. C. &c. indispensabiliter per Adversarios connectuntur cum Probabilitate: Sed Antiquitas docebat illas opiniones A. B. C. &c. Ergo antiquitas dabatur opiniones indispensabiliter connexæ cum Probabilitate; & sic antiquitas dabatur Probabilitatis Doctrina. Hæc secunda Consequentia sequitur, quia dato uno connexorum datur etiam aliud, ut habetur in rubro cap. *translato* de Constitut. de quo vide Abbatem Antiquum ibidem, & alios Canonistas. Et Aristoteles dicebat, relativa esse simul natura, quæ veritas est nota ex terminis, si bene penetrentur.

2. Aliomodo efformo Argumentum. Unum ex Argumentis, propter quod per Adversarios est rejicienda Probabilitas, est, quia ex ipsa sequuntur opiniones A. B. C. &c. quæ sunt absurde. Sed istæ opiniones non sunt absurde; Ergo ex hoc capite non est rejicienda Probabilitas. Difficultas stat in probatione



tione minoris utriusque Argumenti, quod tamen evidenter demonstrabo, & hinc patebit, impossibile debere Adversarios relinquere hoc Argumentum, utpotè fundatum in falso supposito.

3. Illustrissimus Clerus Gallicanus in suo Decreto de anno 1700. num. 74. damnat hanc Propositionem: Eidem præcepto (audiendi Missam) satisfic per reverentiam exteriori tantum, animo, licet voluntariè in aliena, incho & prava cogitatione, defixo. Et hanc Propositionem damnat ut *semerariam, scandalosam, erroneam, impietatis faventem, & illudentem præceptis Ecclesiasticis*.

4. Num. 99. autem damnat hanc aliam Propositionem ut *absorptam, & Verbo Dei Contrariam, & Hypocrisim inducentem*: Præcepto satisfic, qui voluntariè labijs tantum, non autem mente orat &c. Hic referuntur verba Caramuelis, quibus asserbat, nec esse peccatum Veniale voluntarium distractionem in recitandis horis Canonicis.

5. Fagnanus in cap. ne innitaris de Constit. num. 325. damnat easdem Propositiones tanquam relaxativas Conscientiæ. Audiamus ejus verba: Alii consueverunt cum interna attentione Missam audire, atque Officium Divinum recitare: Fassi sunt omnem scrupulum deposuisse, posteaquam intellexerunt, satisfieri præcepto Ecclesiæ Missam audiendo, & Officium recitando, etiam cum distractione voluntaria, eò quòd Ecclesia non possit præcipere, ut assistant, & recitent cum attentione, seu devotione interna, quod affirmarunt Egidius Coninch de Sacrament. quæst. 83. art. 6. num. 291. & 297. Paulus Layman tract. 7. cap. num. 2. Henriq. in Sum. lib. IX. cap. 23. num. 3. In Gloss. litter. P. Quorum tamen opinionem nec veram, nec probabilem esse latissimè ostendi in cap. *dolentes* à num. 17. usque ad 67. de *Celebr. Miss.*

6. Eisdem Propositiones tanquam *improbabiles, & praxi valde periculosas* proscribit Gonetius in disert. de Proba-

bilitate num. 78. & 79. & reprobatur ponderando Famofum cap. *dolentes* de celebrat. Missarum, & pro his opinionibus refert Caramuelem in Epist. prælimin. ad Dianam. Fateor Caramuelem exorbitare in hoc puncto, etiam in editione Romana Theolog. Fundam. num. 442. dum tenet, Attentionem internam non requiri, etiam *sub Veniali*. At omnes, ait Tamburinus lib. 2. in Decalog. cap. 4. §. 2. num. 9. de Orat. esse saltem veniale supponunt. Idem repetit in Opuscul. Miss. cap. 3. num. 6. & 7. Ita etiam ego ut certum suppono.

7. Verum enimverò in venerationem Antiquitatis, & præcipuè Divi Antonini, propugnabo ut probabile, satisfieri præcepto de horis Canonicis, & Auditionis Missæ cum voluntaria distractione usque peccato mortali. Legamus Antoninum 3. par. tit. 13. cap. 4. §. 7. Quæritur, ait ipse, septimò, utrum Attentionis in horis dicendis sit necessaria? Respondeo, *quamvis aliqui dixerint, quòd sic*, ita quòd in eis non habens Cor ad Deum, sed ad exteriora mortaliter peccet. Propter hoc in fine illius cap. *dolentes* de Celebrat. Missarum, quòd præcipitur, dici totum Officium studiosè pariter, & devotè. *Esse verbum sit durum, tamen scriptum*. Benignior tamen est Sententia secundum Hostiensem, qui dicit, quòd in præcepto est horas dicere, *Sed aha, qua in devotione consistunt, suadendo dicuntur*. Et hoc est, quòd Littera dicit ibi, *quantum Deus dederit, &c.* Per quæ Verba apposuit consilium fragilitati humanæ compatiendo, quasi dicat: Præcipimus, ut unusquisque de die, & de nocte dicat horas suas: *Intentionem* (corrigere Attentionem) *autem, & Devotionem in præcepto non ponimus*, Sed gratiæ Dei, secundum quod ipse dare voluerit, duximus relinquendum. *Et hunc Intellectum tenes, qui benignior est, & quia non debet Ecclesia oneribus importabilibus alligare*. 26. quæst. 7. alligant; Hostien. & Henricus. Assignat Umber. aliam rationem ad hoc, quia scilicet cum hoc sit præceptum de jure positivo,

tivo, non refertur, nisi ad ea, quæ sub iudicio humano cadere possunt; Et ista sunt, quæ exercentur per actus exteriores, non autem per interiores. Facit etiam ad hoc Glossa super cap. gravi de celebratione Missar. in Clement. Ver. *fructum laborum*, ubi dicit Archid. ex hoc, quod *satis est labiis servire in Divinis horis*, licet cor divertat ad alia.

8. Hic notabis, Sanctum Doctorem clarè docere hanc opinionem. Notabis etiam quantum benignitas eidem ardeat, & dura displiceant. Insuper vides, suo tempore opinionem rigidam fuisse solum *quorundam*; Ergo opinio benigna erat *Caterorum*.

9. Idem Sanctus Doctor sequenti §. facit quæstionem, an requiratur attentio ad Orationem, & videtur ibi confundere attentionem cum intentione, & sustinere requiri attentionem Virtutalem. Tamen adhuc clarè in fine stat pro opinione benigna. Ipsum audiamus: Evagatio verò, quæ est præter Intentionem, & propter occupationem præcedentem licitam, peccatum non est, secus, si propter illicitam. *Sed si Evagatio est advertenter, & solum secundum actum interiorem*, (licet temeraria, & gravis foret) *non tamen mortale*, nisi propter contemptum, quia Ecclesia non habet iudicare de actibus interioribus merè, propter quod minister Ecclesie, licet dicendo Orationem cogitet aliud, non videtur transgressor præcepti ex natura facti. Si autem Evagatio mentis sit ex hoc, quòd aliquis scienter se occupat in actu exteriori, qui non secum patiat attentionem, videtur esse Culpa mortalis, & directè contra præceptum Ecclesie de celebr. Missar. cap. dolentes, ubi præcipitur, quòd officium celebrent *studiose pariter, & devotè*. Hucusque Divus Antoninus. Ecce iterum clarè affirmat, *Evagationem advertenter factam*, si tamen sit solum secundum actum interiorem, quamvis temeraria, & gravis, non esse peccatum mortale, nisi propter contemptum. Potest loqui Clarius? Præterea assignans rationem huius Conclusionis affert illud

dictum, quia Ecclesia non iudicat de *merè internis actibus*. Certè, si Divus Antoninus sciebat regulas bonæ Argumentationis, ex illo dicto non poterat inferre, nisi quòd Ecclesia in præcepto Divini Officii non præcipit actum internum Attentionis.

10. Igitur non possumus negare, Divum Antonium amplecti clarè, & expressè opinionem benignam, & ad hanc amplectendam motus fuit, quia est benigna, quia Ecclesia non debet alicui laqueum iniungere, & quia Ecclesia non iudicat de internis. Vellem hic audire Adversarios, quid dicerent hæc legendo adeo contraria suæ doctrinæ. Pater Natalis Alexandri quamvis proposuerit sequi opiniones D. Antonini, adhuc tamen tom. 2. lib. 2. cap. 8. art. 1. reg. 8. sententiam rigidam oppositam D. Antonino docuit. Si ipse sequitur opiniones severas Sancti Doctoris, æquum erat; ut benignas amplecteretur. Ego totum oppositum faciam. Omnes Viri Dei opiniones tradam, nisi oppositum à Sede Apostolica decisum fuerit, vel aliud principium certum de novo Moderni detegerint.

11. Nunc Allego alios Antiquos opinionem benignam docentes, & sunt Durandus in 4. dist. 15. quæst. 12. num. 6. his verbis: Requiritur tamen, quòd orans scienter non distrahat mentem ab Attentione, hoc enim non potest esse sine culpa veniali, vel mortali; Si enim Evagatio sit solum secundum actum interiorem, licet sit temeraria, & gravis, ex quo est à proposito; fortè tamen non est peccatum mortale, nisi esset contemptus; quia Ecclesia non habet iudicare de actibus merè interioribus; & ideo non potest eam ponere sub præcepto. Propter quod minister Ecclesie, si dicendo horas scienter cogitat aliud, non videtur transgressor Præcepti Ecclesie, quantum est ex natura Facti. Si autem Evagatio mentis sit ex hoc, quòd quis scienter occupat se in actu exteriori, qui non compatitur secum attentionem Orationis, tunc videtur, esse culpa mortalis, & directè contra Præceptum Ec-

Ecclesiz. cap. dolentes de Celebrat. Missarum.

12. Igitur per Durandum Evagatio in Oratione Voluntaria est vel Veniale peccatum, vel mortale. Sed quando nam est veniale? Ipsum audiamus: Si enim Evagatio sit solum secundum actum interiorem, licet sit temeraria, & sit gravis ex eo, quod est à proposito, *forte tamen non est mortale, quia Ecclesia non habet judicare de actibus merè interioribus; (Audi hanc aliam Consequentiam.) Et ideo non potest eam ponere sub præcepto.* Ecce clarè Durandum pro opinione benigna.

13. Paludanus in 4. dist. 35. quæst. 3. art. 2. Concl. 4. refert. eadem Verba Durandi, sed subdit. Item, sicut dicitur, quod dare aliquid ministris Ecclesiz est de jure Divino, & morale, sed determinare quantum erat judiciale, & nunc per Ecclesiam determinatum est illud idem, scilicet Decima, & ideo nunc Decima est de Jure Divino; Ita & cum homo sit obligatus ad orandum aliquando, & aliquo modo istud tempus, & modus videntur determinata per Ecclesiam in Ordinatis, & Beneficiatis, & Religiosis; *Unde ad horas Canonicas tenentur jure Divino, & humano.* Et propter hoc tenentur attendere corde præcepto Divino, & si non humano, quia hoc importat Oratio, quæ est acensus mentis ad Deum.

Juxta ergo opinionem Paludani per Præceptum humanum non possumus obligari ad Attentionem in Oratione, quia Ecclesia non habet judicare de actibus interioribus merè; & propter hoc non potest eos prohibere ex præcepto. Quia tamen Oratio horarum Canonicarum est ex præcepto Divino, sicut est solutio Decimarum; ideo per Paludanum Clerici tenentur ad Attentionem in horis Canonicis ex præcepto Divino.

14. Cum hic Author comparat præceptum horarum Canonicarum cum præcepto Decimarum, ego subdam: Cum per omnes Theologos contra Canonistas præceptum Decimarum sit Divinum quoad substantiam, non verò

quoad quantitatem; Unde per Theologos, si Populi sustentent cum minori expensa, quam sit pars decima, ministros Ecclesiz, tunc Populi satisfecerunt Præcepto Divino, non humano. Et hanc opinionem tenuisse Paludanum tanquam Theologum, est satis verisimile. Ita à pari debemus explicare Paludanum de præcepto horarum Canonicarum, quod scilicet talis recitatio sit de jure Divino quoad substantiam, non verò quo ad quantitatem Officii; & hinc, si voluntariè quis per totum Officium distraheretur, peccaret mortaliter contra præceptum Divinum de Orando. Sicut si quis nihil daret pro ministris Ecclesiz peccaret mortaliter contra Divinum Præceptum de Decimis. Et contra, si quis daret requisitum pro ministris Ecclesiz, licet non esset Decima, non peccaret contra Divinum Præceptum de Decimis, sed contra Præceptum Ecclesiasticum. Ita etiam, si quis diceret tantum de Officio, quod possit sustineri, fecisse Orationem jure Divino præceptam, hic non peccabit contra Divinum Præceptum, sed Ecclesiasticum. Et quia Ecclesia nequit præcipere Attentionem Internam juxta Paludanum: Ergo juxta Paludanum, si quis in toto Officio Divino voluntariè distraheretur, peccaret mortaliter contra præceptum Divinum, non tamen peccabit mortaliter, si distraheretur voluntariè in parte Officii, quia hæc pars solum præcipitur Jure humano, quod per Paludanum nequit præcipere Attentionem Internam.

15. Astensis lib. 6. tit. 2. art. 6. quæst. 3. hæc scribit: Utrum Clerici debeant dicere horas attentè. Respondetur, quod sic, quod ut melius possint facere, debent eas dicendo ab omnibus aliis vacare, nisi aliqua necessitas cogat. Licet dicens verba sine attentione ex sua desidia per negligentiam peccet, non tamen peccat mortaliter, quia iste modus orandi est tantum ex jure positivo, scilicet Ecclesiz, quod non obligat nisi ad ea, quæ sub humano judicio cadere possunt; & hæc sunt alius Exterioriores, non interior.

res. Ad hæc valent supradicta in 5. lib. tit. de Oration. art. 4. Utrum de necessitate Orationis sit, quod sit attentat. Si non erro, clarè, & expressè. Astenfis amplectitur opinionem benignam; sœnim Ecclesia non obligat ad ea, nisi quæ sub humano iudicio cadere possunt, *Quæ hæc sunt actus exteriores, non interiores*; Ergo, cum attentio sit actus interior, non exterior, Ecclesia non obligat ad attentionem internam, cum sit actus internus. Adhuc tamen in articulo allegato ex lib. 5. de Orat. quæst. 3. videtur satis confusè loqui, & videtur favere opinioni rigida. Sed Astenfis est allegandus pro opinione benigna, quia clarè illam docet in hoc lib. 6. loco allegato.

16. Scrupulosus Altisiodorensis in 2. tract. 29. par. 1. cap. 3. quod est de negligentia in solut. q. explicando illa verba Jeremix: *Maledictus qui opus Dei facit negligenter*, habet hæc verba: Dicendum, quod autoritas intelligitur in pluribus, Vel quando ex toto aliquis omittit opus Dei, vel quando opus Dei facit cum Accidia, sive cum murmuratione, vel quando dicit horas Canonicas sine devotione ex consuetudine.

Ecce per Doctorem non incurritur maledictio, & sic peccatum mortale, in dicendis horis Canonicis sine devotione, nisi hoc faciat ex consuetudine. Ergo saltem dicere horas Canonicas indevoid semel, vel bis non erit peccatum mortale per Doctorem.

17. In fine illius capituli hæc scribit: Item queritur, Utrum ille, qui dicit horas Canonicas sine devotione, teneatur eas repetere, vel reiterare. Ad quod dicimus, quodsi dubitat, utrum dixerit eas, an non, tenetur reiterare; Sed non est ibi negligentia, nisi sit *omissio temporis*; ut si dicat ultra tempus debitum, sicut illi, qui dicunt Matutinum in hora meridiana; vel nisi sit *omissio finis*, ut quando tenetur referre ad Deum, & non refert, quod aliquando contingit, licet sit difficillimum determinare, quando hoc non contingat. Qui dicit horas Matutinas v. gr. tempo-

re matutino sine devotione, hic procul dubio non habet negligentiam temporis. Ergo non peccat hic indevotus per negligentiam temporis. Item hic idem indevotus in illo tempore Matutini non semper tenetur referre illas horas ad Deum, quia solum aliquando hoc contingit, & quando hoc contingat, difficillimum est determinare. Ergo hic indevotus non peccat ratione negligentiae omitendi finem; Ergo hic indevotus non peccat mortaliter juxta Regulas scrupulosi Altisiodorensis.

18. Joannes de Friburgo in Sum. lib. 1. tit. 7. quæst. 18. hæc scribit: Quamvis autem dicens verba sine attentione ex sua desidia peccet per negligentiam, non tamen peccat mortaliter, quia iste modus orandi ex præcepto Ecclesiae solum statutus est. *Præcepta autem Juris postivum non referuntur nisi ad ea, quæ sub iudicio humano cadere possunt, & hæc sunt actus exteriores, non interiores; ideo patet propositum.* Iste textus est adeo clarus, ut nequeat ullo modo negari.

19. Pisanella ver. Hora Canonica hæc pauca habet: Similiter non peccat mortaliter, qui verba quidem dicit, sed illa non attendit, quia cum de dicendo horas sit de jure positivo, non refertur nisi ad ea, quæ sub humano iudicio cadere possunt, & ista sunt, quæ exercentur per actus exteriores, non autem interiores. Textus clarus, & inevitabilis.

20. Legamus Albericum de Rosate in suo Dictionario Juris. Ver. Hora Canonica. Hæc pauca, sed clarissima scribit: Similiter non peccat mortaliter, qui verba dicit, nec ad ea attendit, quia, cum præceptum sit de horis Canonicis de jure positivo, non refertur nisi ad ea, quæ sub humano iudicio cadere possunt: Illa sunt, quæ exercentur per actus exteriores; Hæc Albericus ex Joann. Friburg lib. 1. tit. 7. q. 18. Vide Albert. & Pisan. verbatim rescribere Friburgum.

21. Gerson par. 3. tract. de Vita Spiritualis Animæ Lect. 4. Coroll. 2. ita scribit: Si fiant actus exteriores suorum iustorum, (Superiorum scilicet) etiam cum perverissimis intentionibus, & finibus

nibus occultis, non erit ibi transgressio humane legis, ut humana est, sed Divina; & ita si dicam horas Canonicas cum quacunque mentis evagatione, & nulla attentione. Si jejunem in quadragesima tantummodo, ut sanior sim, vel ut postmodum voracius comedam . . . ago quidem male apud Deum peccans in Legem suam, me tamen pro transgressione humanorum præceptorum nullus accusabit. Et hic accipiunt fundamentum dicentes, quod in casibus præmissis non teneretur aliquis horas iterare, nec aliam Missam audire. Sed sufficit de peccato in Deum commissio conteri, confiteri, & satisfacere ad arbitrium Confessoris. Hac autem sententia mihi est pro scrupulosis circa humanorum præceptorum observationem. Corollar. 3. sic scribit: Stat simul aliquem observare præceptum humanum, & tamen peccare mortaliter. Sicut aliquis merendo apud Deum poterit humani præcepti violator accusari. Patet primum in casibus prioribus, ubi fit actus præcepti humani ad finem perversum.

22. Nota, quod per Gersonem dicere horas cum quacunque evagatione, & nulla Attentione non est peccare in Legem Ecclesiasticam. Nota etiam, quod audire Missam v. gr. ad finem perversum, & perversissimis intentionibus est satisfacere præcepto Ecclesiæ. Et hic accipiunt fundamentum, qui dicunt, in his casibus non teneri ad iteratam recitationem Officii, & auditionem Missæ, & quidem rationabiliter; Si enim totum sit, quod præcipitur, quid restat faciendum? Conteri, & confiteri peccatum commissum in Deum, inquit Gerson, & sic conteri, & confiteri perversum finem, & perversissimam intentionem. Cum autem evagatio mentis non sit peccatum mortale contra Legem Dei, ut patet, nec contra præceptum Ecclesiæ per Gersonem; ergo hanc evagationem in Officio non teneretur confiteri per Gersonem. Juxta meam opinionem puto evidens, Gersonem esse pro opinione benigna, & ita quidem allegatur à multis.

23. Sed adhuc Suarez illum allegat pro opposita. 3. par. de Orat. par. 3. litter. E. & F. & quidem videtur bene allegari. Nunquid utramque partem probabiliter docuit, & tenuit?

24. Angelus Ver. Hora Canonica num. 27. refert Glossam in Clement. 1. de celebr. Missarum. V. *Fractum* dicentem sufficere dicere horas ore, licet non corde, & subdit, ita etiam tenere multos Canonistas. Fatetur tamen, alios oppositum sustinere; deinde refert per extensum Doctrinam Paludani à nobis supra allatam, quæ inter alia continet hæc verba: Vagatio, quæ est advertentis, & solum secundum actum interiorem, licet sit temeraria, & gravis forte, non tamen est mortale, nisi propter contemptum, quia Ecclesia non habet judicare de interioribus actibus merè. Propter quod minister Ecclesiæ, licet dicendo Officium aliud cogitet, non videtur transgressor præcepti ex natura facti. Si autem evagatio mentis sit ex hoc, quod aliquis scienter se occupat in actu exteriori, qui non secum patitur attentionem, sic videtur esse peccatum mortale, & directè contra præceptum. cap. dolentes de Celebrat. Missarum.

Per hæc Verba clarè videtur, hunc Doctorem stare pro opinione benigna, ut observat etiam Suarius tom. 2. de Relig. lib. 4. de Horis Canonicis cap. 26. num. 2. Aliqui tamen prætereundè possunt, Angelum stare pro opinione rigida. Nequit tamen negari, quod Angelus credat ita tenere Glossam, & multos alios Canonistas.

25. Baptista de Salis Ver. Hora Canonica quæst. 4. sic scribit: Hostien. etiam dicit, ut notat Archiep. Florent. quod in præcepto est horas dicere, sed alia, quæ in devotione consistunt *suadendo dicuntur*; & hoc est, quod dicitur in cap. dolentes de celebrat. Missarum. . . & hunc intellectum tenet, quia benignior est, & quia non debet Ecclesia injicere &c. Hac Archiep. & Henricus Boic. Idem Petrus de Palude. Nomine Archiepiscopi Florent. intelligit D. Antoninum, citans illum

sub nomine dignitatis Archiepiscopalis Florentinæ, quam habuit Beatus Vir. Nota quæso illam causalem, qua hic Author jubet, ut teneamus opinionem lassam juxta Adversarios: *Hunc intellectum teneas, quia benignior est*. Certè hæc ratio est ex diametro contraria Adversariis, qui pro indubitato supponunt, inter duas opiniones æquè probabiles esse sequendam rigidam, & extollunt rigiditatem. Benignitatem verò invidiosis nominibus appellant, V. Gr. *Lassitatem, Corruptelam, &c.* Quos, Lector, Sequeris, hosce Modernos rigidos, an Antiquos, Hostiensis, Antoninum, Ho . . . Archidiaconum, Henricum, Salis, & alios clamantes, *hunc intellectum teneas, quia benignior est, & quia Ecclesia, non debet injicere alicui laqueum?*

26. Sed recensamus quatuor Canonistas; cum enim quæstio præsens sit de jure Canonico; ideo est propria ipsorum materia juxta Divum Thomam quodl. 9. art. 13.

Præcedat Glossa tanquam Doctor inter Canonistas primus. Igitur Clement. I. de celebr. Missæ V. *Fructum laborum* ait: Ex hoc arguitur, quod satis est labiis servire in Divinis Horis, licet cor divertat ad alia, & de hoc scripsi post Innocent. & Hostiens. eodem titulo c. *dolentes*, & facit, quod de oratione dicam infra de reliqu. c. un. in gloss. de orat. in septim. membr. Joannes Andreas in c. *dolentes*, num. 9. hæc scribit: Omittens Missam celebrare, vel audire, vel, si interest, non habet cor ad Deum, sed ad exteriora, mortaliter peccat, ut hic, & 14. q. 1. c. quod præcipitur. Et si verbum sit durum, tamen scriptum 6. q. 1. *scriptum*. cum similibus. *Vel dic*, quod dicere est in præcepto, sed alia, quæ in devotione consistunt, suadendo dicuntur; Unde dicit infra, *quantum Deus dederit*; quasi dicat, quod *durum esset hoc ponere in usu præcepti*, relinquimus ea Gratiz Dei, & hoc, *quia benignum*, placet Hostiens. quia nec debet Ecclesia laqueum alicui injicere 27. q. 1. de Vi-

duis . . . . Nec aliquos oneribus importabilibus alligare 26. q. fin. c. alligant.

*Vel dic*, quod hæc non obligant ad culpam de novo incurrendam, sed ad poenam suspensionis, quæ potest infligi.

Ecce expressè dicit, quod præceptum est dicere horas, at illas dicere cum devotione est consilium, non præceptum, quia esset durum, & poneret laqueum, quod Ecclesia non facit. Nota, quod huic Doctori placet benignitas, & displicet severitas. Nota, quod hanc doctrinam Joannes Andreas accipit ab Hostiens. ut dixi etiam cap. 28. num. 62.

27. Henricus Boic in c. *dolentes* in fin. de Verbo ad Verbum recitat textum allatum Joannis Andreæ, quamvis illius non faciat mentionem. Unde etiam hic Doctor amplectitur clarè benignam opinionem. Ipsum retuli c. 28. num. 62. ubi dixi esse doctrinam etiam Antonii de Butrio.

28. Ancharanus in eodem c. *dolentes* num. 7. ita scribit: Septimò nota, quod Clerici studiosi, & devoti dicere debent officium, quantum eis dederit; An vero peccet mortaliter, qui hoc non facit, dicit Joannes Andreas, quod dicere est in præcepto, sed alia, quæ in devotione consistunt, suadendo dicuntur, quod patet ibi, quantum eis dederit, &c. *Durum enim esset ponere in vi præcepti*, & mitteret Ecclesia laqueum, & alligaret onus importabile contra can. de Viduis 27. quæst. 1. Quid amplius desideramus ab Anchara-  
no?

29. Cardinalis Zabarella in Clement. I. de celebrat. Missarum num. 5. scribit: Quæro in eo, quod dixi . . . . quod satis est, servire labiis in divinis, an hoc sit verum. Glo: sumptum remittit ad no. eod. titulo c. *dolentes*, & ibi dicitur, quod non peccat mortaliter, maxime si cogitat de aliquo bono spirituali. Dic, ut ibi dixi quæst. 7. Laud. autem arguit, quod nullo modo peccent secundum quosdam. Sic etiam infra talia scribit. Dicit Lau. quod licet in præcepto sit, quod quisque dicat de nocte, vel de die, *vel quod ex devotione, aut intentione, non est in præcepto*;

Sed

Sed hoc est gratia Dei, prout illam voluerit. Mihi videtur non posse negari quoddam Lau. sit clarè pro opinione benigna.

30. Turrecremata in c. *Cantantes* 92. dist. quæst. 3. & 4. variè loquitur, ut observat Suarez. Nam quæst. 3. Conclus. 2. refert dictum Ulrici scribentis in sua Summa ista: *Omnia autem dicens Verba sine attentione actuali mente evagata ex sua desidia, licet peccet per negligentiam, non tamen peccat mortaliter*, quia iste modus orandi ex præcepto Ecclesiæ solum statutus est. *Præcepta autem juris positivi non referuntur, nisi ad ea, quæ sub iudicio humano cadere possunt, & hæc sunt actus exteriores, non interiores*; & sic patet propositum. Hæc illi, maxime cum est negligentia levis, non est dicendum, quoddam sit peccatum mortale. Ita Turrecremata.

Ego subdo. Si Turrecremata cum Ulrico fateatur præcepta juris positivi non referri, nisi ad ea, quæ sub iudicio humano cadere possunt, & hæc sunt actus exteriores, non interiores; certè evidenter sequitur, quoddam attentio intellectus, cum sit actus interior, non præcipiatur à præcepto Ecclesiæ. Ergo voluntariè omittens attentionem non facit contra præceptum Ecclesiæ. Adhuc tamen hic Doctor in quæst. 4. Concl. 4. expressè scribit, *Quod voluntariè distractus nihil facit, & tenetur revertere*. Certè expressè dicit, requiri ad officium divinum attentionem. Observet Lector, an possimus dicere, quoddam Turrecremata utramque opinionem probabilem iudicaverit. Si Turrecremata non est pro nobis, certè antiquus Ulricus est.

31. Panormitanus in dicto c. *dolentes* quæst. ult. quærit, Nunquid Confabulantes in divinis officiis, vel non dicentes officium studiosè, ac devotè peccent mortaliter. Et quæsitio sic respondet: Joannes Andreas ponit tres opiniones. Prima quoddam sic . . . . . Secunda opinio, quoddam non peccant mortaliter, sed venialiter, quia dicere est in præcepto, alia verò suaentur. Tertia opinio, quoddam ex indevotione

obligantur ad pœnam, sed non ad culpam; nam hic textus præcipit sub pœna suspensionis, quoddam confabulantes & indevotè celebrantes debeant suspendi ab Officio. Satis crederem quantitatem reatus considerandam ex qualitate, & quantitate contemptius, & negligentia. Iudicabit Lector pro qua opinione stet Abbas. Hoc est certum, illis temporibus viguisse tres opiniones, quarum una solum erat rigida.

Et quidem Georgius Gobat Modernissimus Doctor in Theolog. experiri tract. 5. disp. 2. num. 795. assertit, plebique Antiquorum stetit pro benigna parte, pro qua inultos ex illis assertit. Assertit etiam pro eadem multos modernos, sed multo plures pro rigida. Suarez pro opinione rigida allegat Gersonem, de quo nos supra dicebamus, & Gabrielem lection. 62. in Canone Missæ.

32. Ego pro Rigida expressè invenio Supplementum Pisanellæ Verb. *Hora Canonica* quæst. 2. dicit enim, quoddam jus positivum se extendit ad interiora etiam ex c. *dolentes* de celebrat. Missarum. Pro hac etiam videntur esse Innocentius in c. *dolentes*. Raynerius in Summa. Verb. *Oratio* cap. 6. Alios invenire nequivi. Legi Richardum, Bacon, Scotum, Bonaventuræ: & alios Antiquos, sed difficultatem non attigerunt.

33. Quod attinet ad Doctores viuentes tempore quasi antiquo, tres lego pro benigna.

Primus est Sylvestre Verb. *Hora*, quæst. 11. num. 13. qui ex professio, & diffusè agitat quæstionem, & melius omnibus antecedentibus Doctoribus illam resolvit. Inter multa autem, quæ dicit, hæc rescribo: *Dico ex mente dñi Thoma, & Petri de Palude*, ut patebit particula sequenti, quoddam ibi (scilicet in c. *dolentes*) præcipitur devotio quantum ad actum exteriorum, ut non dicantur Horæ operando manualiter opera impertinentia, sicut confabulando, aut notabiliter Syncopizando, & faciendo huiusmodi, quæ hic reprehenduntur, & similiter quan-

tum ad actum interiorem, sine quo iste exterior haberi non potest, cuiusmodi est *velle satisfacere precepto Ecclesie*, & psallendo velle abstinere à prædictis; Non autem *Attenio*, sine qua prædicta esse possunt. . . . *Evagatio autem adveniens secundum actum interiorem solum*, licet sit temeraria, & gravis fortè, non tamen est mortale nisi propter contemptum, quia Ecclesia non habet iudicare de actibus merè interioribus. Si verò sit ex hoc, quòd aliquis scienter se occupat in actu exteriori, qui non secum patitur attentionem, sic videtur esse mortale peccatum.

34. Notetur quæso, quòd hic famosus Summistæ Thomistæ credit, esse Doctrinam Doctoris Angelici, quòd præceptum Ecclesie solum obliget ad actum exteriorem, & ad illum actum interiorem, sine quo actus exterior præceptus haberi non potest; assignans autem actum interiorem requisitum ad exteriorem ait: cuiusmodi est *velle satisfacere precepto Ecclesie*, & psallendo velle abstinere à prædictis. Postea expressè negat, attentionem esse huiusmodi; ait enim: *Non autem attentio, sine qua prædicta esse possunt*. Igitur cum quis nequeat satisfacere præcepto Ecclesie, nisi habeat actum internum voluntatis, & nequeat abstinere à Confabulatione, à Syncopa, &c. nisi habeat actum internum volentem hæc facere; Ideo per Sylvestrum iuxta Divum Thomam præceptum Ecclesie obligat ad hos actus internos. Quia verò prædicta, idest dicere officium sine Syncopa, sine Confabulatione, & similibus, esse possunt sine attentione, ut est evidens; ideo per Sylvestrum iuxta Divum Thomam hæc attentio non est necessaria ad officium Canonicum.

35. Secundus Doctor huius temporis, qui militat pro opinione benigna, est Joannes Altestaig in suo Lexico Theologico Verb. *Oratio* vers. *Oratio quadam* post medium. Refert Doctrinam Paludani, quam supra attuli, in qua inter alia hæc habentur: Requi-

ritur tamen, quòd orans non scienter distrahat mentem ab attentione; hoc enim non potest esse sine culpa mortali, vel veniali. Si enim *evagatio sit solum secundum actum interiorem*, licet sit temeraria, & gravis, ex quo est à proposito, fortè tamen non est peccatum saltem grave, nisi ei set contemptus, quia Ecclesia non habet iudicare de actibus interioribus merè. Propter hoc enim non potest ea prohibere ex præcepto. . . . Si autem *Evagatio mentis sit ex hoc*, quòd aliquis scienter se occupet in actu exteriori, qui non secum patitur attentionem orationis, tunc videtur esse culpa mortalis.

36. Tertius Doctor est Joannes Medina Cod. de orat. quæst. 15. qui probabiliter prius sustinet Ecclesiam non præcipere, ut horas dicamus ex devotione, & attentione mentis; Sed devotionem, & attentionem mentis suadet, & attentionem, & devotionem exteriorem jubet. Postea verò probabiliter sustinet oppositum. Hoc item prætare videtur in quæst. 16. Hic obiter notabis hunc doctorem, qui inter morales multum excellit, viventem in tempore quasi antiquo, apertè sequi utramque partem contradictionis.

37. Non juvat, alios huius temporis pro hac opinione benigna doctores referre; Addo tamen in nostro moderno tempore militare pro eadem multos, & quidem celebres Authores. Pro opposita opinione rigida plures videntur militare Doctores huius temporis, quos apud Suarez videre, quisque poterit, quibus addo Fumum. V. *Hora Canonica* num. 19. & 20. Quòd attinet verò ad nostros Doctores modernos, procudubio plures sunt pro rigida, & pauciores pro benigna, ut videbis apud Gobatum, ut supra dicebam.

38. Colligitur evidenter, opinionem benignam debere dici opinionem Antiquorum, non Modernorum, quia ex Antiquis plures stant pro ipsa, quàm contra ipsam. Et contra ex Modernis plures sunt pro rigida, pauciores pro beni-



benigna. Unde oportet dicere, quod Gonetius, & alii Probabilioristæ dicentes opinionem benignam esse fructum probabilitatis *noviter inventa* non legantur Antiquos.

39. Colligitur secundò, hanc opinionem benignam non posse damnari, quia contra ipsam non datur textus clarus, nec ratio manifesta. Non datur talis textus, quia non allegatur nisi c. *dolentes* de celebr. Missar. At hic fuit expensus ab omnibus Antiquis; dicere verò, quod claritatem non viderint, non est probabile; ergo ille textus clarè non est pro rigida opinione. Insuper non datur aliqua ratio manifesta, & insolubilis; nam, quamvis Suárez habeat pro moraliter certa opinionem rigidam, ejus tamen ratio talis non est; Nam quando dicit, quod Ecclesia jubet illam actionem externam recitandi horas, ut est oratio, & Cultus Dei, & quod nequeat esse oratio, & Cultus Dei, nisi habeat saltem attentionem virtualem; Responderi potest, recitationem externam rerum sacrarum factam in honorem Dei absque attentione, sed cum voluntaria distractione esse orationem, & Cultum Dei. Si etenim Sacerdos eum voluntaria distractione proferat formam Extremæ Unionis, si tamen habeat intentionem faciendi, quod facit Ecclesia, proculdubio Sacramentum est validum, & sic illa verba sunt oratio; Nam forma Extremæ Unionis essentialiter est deprecatio, & oratio.

40. Præterea si quis cum Hæreticis in Sinagogis caneret psalmos David absque ulla attentione, si tamen hoc voluntarie faciat, hic proculdubio habet Cultum Dei more Mosaico. Ergo Cultus Dei necessario non requirit attentionem, sed stat simul cum voluntaria distractione. Igitur ad orationem requiritur, quod verba ex significatione referantur in Laudem Dei, & quod quis illa dicat ob hunc finem. Totum autem hoc pericitur, si ab initio quis habeat cognitionem de verbis dicendis, & illa sic incipiat dicere, quamvis postea

voluntariè de hoc nihil cogitet. Illa enim continuatio verborum est actus humanus, ut constat; est ordinata in honorem Dei virtualiter; ex vi enim prioris intentionis continuantur illa verba; Sicut si quis voluntariè intendens facere, quod facit Ecclesia, dicat Missam, licet voluntariè distrahatur, prosequutio Missæ fit in honorem Dei virtualiter. Si ergo illa continuatio verborum voluntariè distracta fit in honorem Dei virtualiter, est proculdubio oratio.

41. Idem, quamvis opinio benigna sit damnata à Clero Gallicano, non per hoc est certò falsa; quoniam, ut alibi evidenter probavi, Concilia Provincialia, & Nationalia non habent certam veritatem, sed solum probabilem; nec ad ipsa juridicè spectat talia dubia decidere ex c. *Majores* de Baptismo; Sed ad solam Cathedralam Petri ex Clement. de Summ. Trinit. §. 1.

42. Idem Suárez nu. 18. dicit, recitantem horas Canonicas *absque ulla attentione*, nique interna, peccare mortaliter ex genere suo; & pro hac conclusione allegat Divum Antoninum d. c. 4. §. 8. Sed, salva honorificentiam, legitime non refertur Divus Antoninus, ut patet ex suo textu à nobis verbatim supra allato num. 7. & 8. Dicit enim expresse: *si evagatio est advertenter*, & solum secundum actum interiorem, (licet temeraria, & gravis foret) non tamen mortale, nisi propter contemptum; quia Ecclesia non habet judicare de actibus interioribus.

... Ecce evagatio advertenter facta, & sic voluntaria, evagatio tamen secundum actum interiorem, licet temeraria, & gravis foret, non est mortale, nisi propter contemptum. Potest loqui clarius, & expressius? Postea subdit Sanctus Doctor, quod evagatio in opere externo, quod non admittit secum attentionem, videtur esse mortale, & contra c. *dolentes* de celebrat. Missarum. Constat ergo evidenter, quod evagatio interior voluntaria in horis Canonicis, etiam gravis, & te-

meraria; si nihil aliud addatur, per Divum Antoninum non fit peccatum mortale.

43. Colligitur tertio, opinionem benignam quoad auctoritatem esse probabiliorē opinionē rigida juxta principia Adversariorum; quia opinio benigna habet plures Antiquos pro se, & pauciores rigida, ut liquet ex dictis. Et insuper opinio benigna habet pro se Divum Antoninum Sanctitatem, Theologiam, & facultatem Canonicam celeberrimam, & quod magis est, tractat questionem ex professo. Opinio autem rigida non habet Doctorem tot qualitatibus insignem.

44. Beatus Laurentius Justinianus de disciplina, & perfect. Monast. c. 17. videtur, esse pro rigida opinione; dicit enim: O quoties mens tædio prægravata ab omni gustu celestium Canticum jejuna pertransit. Loquitur, & ignorat, cui; Clamat voce, nec se ipsam intelligit, nec percipit, quid dicat; nam totaliter extra se eversa, atque velut amens effecta *adversum se Deum provocat vehementer*. Si mens eversa totaliter extra se provocat adversum se Deum vehementer; ergo peccat mortaliter. Ita arguit Simeonius in Saule Exreg. cap. 107 apud quemdam libellum in Italo idiomate scriptum. Ergo pro opinione rigida militat Doctor adeo insignis, ut est Beatus Laurentius.

45. Concedo pro nunc, Divum Laurentium esse nobis contrarium. At Divus Laurentius, sicut dignitate Ecclesiastica, & Sanctitate est cum Divo Antonino comparandus, ita illum doctrina Theologica minore esse non dubito, quod omnibus notissimum erit, si utriusque opera legantur. Præterea D. Antoninus questionem ex professo agit, & Ecclesie Canonem expendit; & sic theologicè se gerit in nostra difficultate. E' contra D. Laurentius merè suam opinionem dicit, & insuper illam dicit in sermonibus factis Religiosis Viris, apud quos etiam peccata levissima æstimantur, & ut dicit Divus Gregorius, & refertur cap. su. 3. ult. bo-

*narum mentium est ibi culpas suas agnoscere, ubi culpa non est.*

46. Hæc dicta sunt in honorem Antiquitatis, cui magis placuit hæc benigna sententia, & ad demonstrandum, Adversarios jure non procedere, dum illam damnant. De reliquo longè probabiliorē judico opinionem rigidam, quæquæ magis placet Modernitati. Juxta ergo meum sensum debemus sequi in hac materia opinionem rigidam, sed non debemus præcipitare sententiam damnando benignam sequentes; sic enim obediemus Canonis, & Antiquitati.

Duas alias opiniones damnatas à Gonetio hic defendam tanquam verè probabiles, & omnia securas in praxi.

47. Igitur Gonetius num. 109. in sua disert. de Probab. tanquam unam de laxioribus Tamburini proferibit hanc propositionem: *Iustus damnatus, ut fame pereat, potest oblatum panem respicere*: ita Tamburinus lib. 6. cap. 2. §. 2. num. 6.

48. Audiamus rationes damnationis: Oppositum, inquit Gonetius, docet Divus Thomas 2. 2. q. 69. art. 4. ad 2. ubi sic ait: Nullus ita condemnatur, quod ipse sibi inferat mortem, sed quod ipse mortem patiatur; & ideo non tenetur facere id, unde mors sequatur. Tenetur tamen non resistere agenti, quin patiatur, quod iustum est, cum pati. Sicut etiam, si aliquis sit condemnatus, ut fame moriatur, non peccat, si cibum sibi occultè ministratum sumat, quia non *sumere esset seipsum occidere*. Quæ ultima verba probant, taliter condemnatum non modo posse, sed & teneri cibum sibi oblatum sumere, quia citra specialem Dei impulsu nulli fas est seipsum occidere; Unde, cum per Divum Thomam non *sumere sit seipsum occidere*, planum est, talem teneri cibum oblatum sumere.

49. Confirmatur: Homo tenetur, præcepto naturali, conservare suam vitam, quoties licet potest; sed in dicto casu licet potest; ergo tenetur. Minor probatur, quia si quid obstarat maxime sententia Judicis; Sed hæc non ob-

stat,

stat, quia illa non precipit, quod ille non comedat, *sed ignotus nemo si cibos offerat*; ergo in tali casu, licite potest conservare vitam. Sequuntur verbatim D. Thomam Joan. de Friburgo lib. 2. tit. 5. quæst. 196. fin. & Supplementum Pisanellæ. V. *accusatus* quæst. 5. Bartholomæus Fumus. Auctor Armillæ. V. *accusatio* §. 21. & V. *carcer* §. 4. ait ex Cajet. 2. 2. quæst. 69. art. 4. ad septimum dubium, quod hic condemnatus tenetur comedere, & *aliis a custodibus cibum ministrantes non peccant*. Ecce Gonetus dicit, sententiam iudicis obligare, quod *nemo cibos offerat damnato, ut fame pereat*; Fumus, & Cajetanus concedunt hoc de custodibus, & negant de aliis. Cui credes magis? crede Fumo, & Cajetano tanquam antiquioribus. In primis pro nunc concedam, quod opinio hæc sit aperte contra Divum Thomam; non per hoc tamen est damnanda, & qui hoc infert, vapulabit à Scotistis, qui aperte testantur, se sequi oppositam Angelico Doctori, salva tamen ejus reverentia. Vapulabit etiam à Divo Thoma, qui par. 1. quæst. 1. art. 8. aperte fatetur, Auctoritatem Doctorum Ecclesiæ esse probabilem, non verò necessariam; Scimus autem per Parisiensem, & alios Antiquos Probabilitati quantumque posse nos contraire; & juxta principia Divi Thomæ solum possumus damnari, si sequamur opinionem contra principia certa. Ergo juxta D. Thomam, & Antiquos, qui sequitur opinionem oppositam D. Thomæ, non est damnandus.

30. Sed nego, Divum Thomam esse pro Gonet. Legatur Cardinalis Capizucchi, & ipse Dominicanæ Familie Doctor, in Controver. Theolog. Select. de Martyrio §. 10. qui Author est pro nostra opinione, & dicit, Divum Thomam esse intelligendum, quando nullo iusto motivo interveniente absterget a sumptione cibi, cum possit; tunc enim teneatur cum sumere, & proinde esset illi huiusmodi obsequio voluntaria, & *utro se ipsam occideret*. Apud hunc invicem Doctores pro utraque opinio-

ne, & pro rigida ex Antiquis asserit Heauricum, addit Victoriam, Bannez, Fabrum, Covarruviam, Castrum, Cordubam, Arragon, & Comitolum. Et poterat referre Cajetanum in d. art. Divi Thomæ. Pro opinione verò benigna refert Major, Petrum Ledesimam, Franciscum Sylvium, Malderum, Azor. Lessium, & Soto; Et hanc fuisse communem opinionem inter Thomistas sui temporis refert Salonijs 2. 2. quæst. 69. art. 4. Controversi. 4. ante Conclus. 1. his verbis: Oppositum docet Soto, & *est communis* modo opinio inter Thomistas, *licere non sumere cibum*, & sic pati mortem, qui novit pulsè propter sua crimina tali pœna esse damnatum. Ita Salonijs, qui respondens Argumento, quod facit in sua confirmatione Gonetus, ait: *negò antecedens*; (& ego nego majorem) potest enim aliquando ex justa causa, (ut ex dictis constat) dimittere homo media necessaria ad tuendam vitam. Supra autem dixerat, quod damnatus ad mortem, qui fugerat, potest redire ex zelo iustitiæ in carcerem, ut ejus sententia executioni mandetur. Cum ergo Argumentum Gonetii fuerit solutum tanto tempore ante à Sectatore Divi Thomæ, mirum est, quod Gonetus in illo tantum fideret. Credo verificari illud dictum cuiusdam Recentioris connerentis, aliquos damnare opiniones aliorum ob *inopiam Librorum*.

31. Angelus V. fugere fin. refert. d. textum D. Thomæ, & ait, quod *videtur* sustinere, quod ille condemnatus teneatur sumere cibum, vel fugere, si possit. Ecce quod antiquitus non erat certum, Angelicum Præceptorem esse pro opinione Gonetii, dicit enim Angelus: *Videtur tenere* &c. Verbum, *Videtur*, extra legem non importat certitudinem. Prosequitur Angelus: *Sed quod teneatur, non credo, neque comedere ultra condemnationem, vel fugere, si possit* patenter ferre pro peccato sui satisfatione. Clarius Angelus loqui nequit.

32. Legi plures alias Summas Antiquorum, Sed non potui reperire casum

nostrum agitatum. Invenio tamen tres Doctores viventes tempore quasi Antiquo meam opinionem sectantes, & sunt Tabiena Ver. *Accusatio* 10. Sylvesler V. *Fugere* num. 2. qui asserunt exemplum de Sanctis Martyribus, qui poterant aliquando fugere & Carcere, & tamen hoc non fecerunt ob motivum Martyrium obtinendi. Ita etiam sentit Fumus Ver. *Fugere*. Et hi Tres Doctores sunt ex Dominicana Familia; Unde iterum mirum est, quod Gonetius damnaverit opinionem adeo familiarem suis Religiosis. Certè ego non video, cur ex zelo justitiæ, vel pro satisfactione peccati, ut dicit Angelus, malefactor nequeat respicere panem oblatum. Meo iudicio Gonetius poterat, quin debebat, non condemnare talem opinionem; maxime cum vignerit tanto tempore in sua Religione.

53. Damnatur quoque à Goneto num. 110. Tamburinus lib. 3. cap. 3. §. 2. num. 2. eò quod dixerit: Certum est, jurare sine animo jurandi, sive res sit levis, sive gravis, non esse licitum sine causa, esse licitum cum causa. Etiam ego fateor cum eodem Goneto esse illicitum, & certò malum jurare sine animo jurandi, quacunque causa existente, quia hoc est apertè mendacium. Unde damnata est hæc Propositio ab Innocentio XI. num. 23.

54. Sed malè damnatur hæc Propositio à Goneto, quatenus asserit, esse semper peccatum mortale jurare sine animo jurandi. Hinc dico cum Cardenas in explicat. hujus Propositionis damnata differt. 18. num. 6. non esse peccatum mortale, si quis juret extra Judicium, & extra contractus sine animo jurandi, & verum juret. Audiamus Suarium Tom. 2. de Religione lib. 3. de juram. cap. 17. num. 6. scribentem: Res verò dubia est, quando juramentum injustè exigitur, vel quoties voluntariè, & sine obligatione, & sine alio nocumento, vel injuria Tertii; Nam Cajet d. art. 7. dñb. penult. censet nihilominus, illud esse in individuo peccatum mortale, quia est quædam illusio Divini Nominis,

& contraria primario fini Juramenti. Et hoc sequitur Covarruvias supra num. 3. *Est probabile, sed nimis rigorosum, & ideo Soto contrarium tenet, & multi sequuntur, & mihi etiam videtur probabilis, &c.*

55. Suarez, qui est diligentissimus in lectione Antiquorum, ut legenti suos libros patebit, sequitur in decernendis opinionibus modum Antiquorum, qui, ut supra pluries vidimus, referunt primò opinionem rigidam probabilem, & postea dicunt, *sed quia hoc est durum, ideo benignius dicimus &c.* Ita facit Suarez; Probabilem judicat opinionem rigidam, *sed quia est nimis rigorosa, ideo cum Soto probabilis judicat oppositum.*

56. Sed audiamus rationes, quibus Gonetius damnat. hanc opinionem. Primò probat esse peccatum jurare sine animo jurandi, de quo non dubito. Postea probat, quia dicere verba Blasphemiz sine animo Blasphemandi est peccatum mortale, quia de se illa verba tendunt in dedecus Divinum; Ergo similiter adducere Deum exterius ad testificandum falsum est de se malum, & peccatum mortale.

57. Sed Gonetius, & nescio causam, probat, quod non debet probare. In Propositione damnata non dicitur, quod jurare falsum sine animo jurandi non sit peccatum mortale, sed præciñdatur, & dicitur simpliciter, quod jurare sine animo iurandi non sit peccatum. Igitur concedo totum Argumentum, sed non probat intentum.

58. Probat iterum Gonetius, quia cultus exterior sine animo colendi Idola est peccatum mortale, ut patet in Marcelino Pontifice, quia applicatur, cui non debetur. Ita & illud Testimonium: *Deus est mihi Testis*, quod est actus Religiosis, applicare mendacio est mortalis irreverentia, ut discurret Cajetanus apud Sotum de Justitia, & Jure lib. 8. quæst. 1. art. 7.

59. Mirum est, quod Gonetius legerit doctissimum Soto, & non didicerit distinctionem necessariam in hac materia. Ipse siquidem Soto concedit, esse peccatum

catum mortale jurare falsum sine animo jurandi, & negat, esse mortale, si verum sit, quod juratur. Hoc enim ait, esse fortè veniale peccatum, quia est mendacium officiosum. Si ergo Soto ita clarè distinguit, & assert illud argumentum Cajetani pro sola parte distinctionis, cur Gonetus illud assert pro utraque parte? Si Gonetus legit Suarium, cur illum non legit in loco à me allegato, ubi legisset solutionem dicti Argumenti? Advertit Soto, quod quidem in casu nostro intervenit fictio; At Juramentum non applicatur ad confirmandam hanc fictionem, sed veritatem. Et sicut, qui orat sine attentione voluntariè, inquit Suarez, in vanum Nomen Dei assumit, & non peccat mortaliter, ita dices in casu nostro. Vide solum hoc etiam argumentum à Cardenas num. 12.

60. Denique Gonetus adducit Auctoritatem, & argumentum Suarii lib. 3. de Juram. cap. 19. (corrigere 17.) num. 2. sic discurrunt: Talis modus jurandi est valde contrarius principali fini Juramenti, qui est firmare fœdera, & verba; Nam ex defectu hujus internæ intentionis jurandi multum videtur enervari efficacia Juramenti; unde nisi teaneant homines gravi obligatione ad habendam talem intentionem, cum jurant, prorsus evertitur juramenti fructus, & securitas. Est ergo hæc gravis obligatio nata ex intrinseca ratione juramenti, & reverentia Deo debita; & ideo ejus transgressio est ex genere suo grave peccatum.

61. Si Gonetus legisset antecedentia, & consequentia, quæ ibi habet Suarius, cognovisset ipsum loqui in casu, in quo fictè iurans jurat ad decipiendum proximum, & falsum testificandum, in quo casu fatemur esse mortale. Difficultas autem non est de hoc, sed quæstio est, an universaliter jurare sine animo jurandi, & sic tali modo jurando verum, sit peccatum mortale, quod nos negamus, & negat ipse Suarez infra num. 6. cujus verba formalia supra verbatim retuli.

62. Legi plures Summistas, & aliquot Scholasticos Antiquos, sed nullum vidi agitantem nostram quæstionem. Attigerunt quidem difficultatem de eo, qui jurat, & non habet animum se obligandi, vel implendi; non tamen fecerunt quæstionem de eo, qui jurat exterius, non tamen interius; Quod mihi va de est mirum, quia difficultas est magis intricata, & ardua, quàm aliarum.

63. Doctorem Antiquiorem, quem vidi tangere præsentem difficultatem, est Cajetanus 2. 2. quæst. 89. art. 7. prope finem. Et licet Suarii differat Divum Bonaventuram in 3. dist. 39. art. 3. quæst. 1. & Richar art. 2. quæst. 2. tamen, salva ipsius reverentia, hi Doctores non agitant hanc quæstionem, sed illas alias duas.

64. Angelus Ver. *Juramentum* v. num. 9. ait, quod Juramentum metu extortum non sit obligatorium, si animum non habuit se obligandi; bene verò, si habuit animum, se obligandi, & facit pro hoc Glossa in cap. *auctoritatem* 15. quæst. 6. An autem peccavit sic jurando cum tali animo, dicit Panorm. in cap. *si verò* de jurejur. num. 10. quod, si est homo perfectus, peccavit venialiter, aliàs non. Sed ego dico, quod nec perfectus, nec imperfectus peccaverit, etiam venialiter. Et pro hoc facit, quod in simili dicitur in cap. *ne quis* 22. quæst. 2. Intellige, ut colligitur ex dicto cap. *ne quis*, quando jurando habuit animum solum inducendi juramentum ad reverentiam Dei, non ad obligationem suam, & in mente habuit aliquam circumstantiam debitam, qua verum jurabat, Putà promitto, quod dabo tibi centum, cum ista subauditione, scilicet si sum tibi obligatus ex debito, & non aliter, licet hoc non exprimat, & hujusmodi, quia sic utitur simulatione licita, quæ licet, ut in cap. *utilem* 22. quæst. 2. Secus esset, si jurando credebatur se obligatum ex juramento; & tamen non intencebat observare, quia sic esset peccatum mortale.

65. Rosella Ver. *Jurare* num. 19. refert

fert opinionem dicentem, juramentum metu gravi extortum non obligare, si tamen jurans non habuit animum se obligandi; & in hoc casu perfectum peccare venialiter, imperfectum verò fortè nec peccare venialiter excusatum ob metum, ut in simili 22. quæst. 2. *requis.* In confirmationem affert dictam Doctrinam Panormitani. Postea subdit: Quoad primum, quando non habuit animum se obligandi, quòd taliter metum passus peccaret mortaliter perjurando, & tenent Theologi, & videtur tutius, & rationabilius. Ecce opinio admittens licitum juramentum cum animo non se obligandi.

Consideret Lector, an hæc opinio Antiqua sit magis ardua, quàm nostra, qua admittimus, esse quidem illicitum jurare sine animo jurandi, non tamen esse peccatum mortale. Sanè mihi videtur valde difficile credere, quòd sine peccato mortali possit quis jurare sine animo se obligandi, cum hic animus opponatur directè juramento, quod de sua natura exigit hujusmodi obligationem.

66. Glossator Raym. lib. 3. de Pœnit. & remisit §. 17. V. quos potest scribit, quòd Superior in illo casu, in quo ob instantiam partis debet innovare excommunicationem contra alium, contra quem in rei veritate non est innovanda; in illo, inquam, casu, ait Author, *utatur verbo Sophistico, vel aquivoco modo; dum videtur innovare sententiam, & nullo modo intendat illum ligare, quæcunque verba proferat.* Ecce possumus juxta hunc Antiquissimum Doctorem ex justa causa lingua profere verba ligantia, & animo possumus intendere non ligare. Et hæc Doctrina valet in Judice, dum judicialiter profert Sententiam. Lector judicet, an inserviat pro Doctrina damnata à Goneto.

## CAPUT XLV.

*An res possint defendi cum occisione Invasoris.*

1. **M**ontaltius Epist. 14. clarè damnat Jesuitas sustinentes in nostro casu opinionem affirmativam, & in Iessum hoc docentem, etiam respectu Clericorum, & Religiosorum, ita invehitur. *O procellam hominis audaciam! Intersectores surum, qui vita non insidiantur, plebsi lex Moyses, eosdem absolvet Evangelium? Ergone legem destruit Christus, non adimplet?*

Fagnanus in cap. *ne imitaris* de constit. num. 335. inter scandalosas, & non tolerandas opiniones hanc reponit: Clericus, si res ei subreptæ excedant valorem, trium, quatuor, aut quinque Ducatorum, potest sine peccato, & incurso irregularitatis occidere furum cum dictis rebus fugientem, & infra hanc aliam damnat: *Possit occidi, qui bona nostra eripit, etiam fugientem, dummodo pretiosum quid auferat.*

2. Vendrochius in Epist. 14. Sect. 2. §. 1. affert plures Patres tanquam sustinentes, nos non posse defendere nostram vitam cum morte invasoris; hinc juxta ipsum opinio nostra erit à fortiori contraria Patribus.

3. Illustrissimus Cæsar Gallicanus num. 36. damnat hanc propositionem. Non solum vitam, sed etiam bona temporalia, quorum jactura esset damnum gravissimum, licitum est defensione occisiva defendere... Fatemur rariùs licitum esse Ecclesiasticis... si tamen aliquando futurum contingat tale malum, (idest gravissimum damnum) etiam ipsis licitum erit cum occisione juris defendere.

Pater Natalis Alexandri in Paralipomenis altè conqueritur de quodam Anonymo, qui promulgavit, ipsum sustinere illam propositionem damnatam. Hinc

Hinc clarè fatetur, illam opinionem eſſe merito à Clero Gallicano proſcriptam *tanquam Legi Dei, & Ordini Charitatis Divinitus inſtituto contrariam*. Poſtea ſubdit ſuam opinionem, quæ talis eſt: Homicidii reus non eſt, qui ſervato moderamine inculpatæ tutelæ interficit aggreſſorem illum mutilare volentem; *aut magni momenti bona temporalia, quæ aliter defendi, vel recuperari non poſſunt*; Et ex quibus vitæ, ſtatûſve conſervatio, & ſuſtentatio pendet, *illata viſipientem*. Addit deinde hanc propoſitionem tradi à D. Antonino 3. par. tit. 4. cap. 3. Sylveſtro. V. Homicidium. Dominico Soto libr. 5. quaſt. 1. art. 8. Cajetano, Bannez, Navarro cap. 17. num. 4. Silvio 2. 2. quaſt. 64. art. 7. quaſt. 8.

4. In propoſitione damnata à Clero Gallicano non adſunt illa verba: *ſervato moderamine inculpatæ tutelæ*. Sed nullo Catholicum his temporibus docere, quodd liceat deſenſio occiſiva, etiam pro vita, *ſine moderamine inculpatæ tutelæ*, pro certo habeo. Quotquot legere potui, omnes hanc conditionem ponunt. In propoſitione damnata adſunt illa: *Licetum eſſe Eccleſiaſticis*, quæ non ponuntur à Patre Alexandri. Puto tamen, quodd hæc ſubintelligantur, nam propoſitio Patris Natalis eſt univerſalis. Diſcrimen ergo evidens inter propoſitionem damnatam, & illam Patris Natalis eſt in illis verbis: *Et ex quibus vitæ, ſtatûſve conſervatio, & ſuſtentatio pendet*. Nota illam particulam, *&*, quæ eſt copulativa. Vult ergo Doctor, ut liceat defendere bona temporalia cum occiſione invaſoris, debere iſta bona eſſe neceſſaria ad *Vitæ conſervationem*. At ſi particula, *&*, eſt copulativa, eſt etiam copulativa illa porticula, *Ve*; unde videretur per Patrem Alexandri, ut talis occiſio non ſit peccaminosa, exigi, quodd illa bona & ſint neceſſaria ad conſervationem vitæ, & ſtatûs, quod videtur valdè rigidum; nam, ſi Petrus haberet in Hiſpania decem mille ſcuta, & hic in Italia haberet ſolum panem, quo nunq vitam ſuſtenteret, utique poſ-

ſet defendere illum panem occidendo invaſorem illius Panis; & tamen panis non eſt neceſſarius pro conſervatione ſtatûs, ſed ſolius vitæ. An Pater Alexandri legitime referat Doctores, videbimus mox reſcribendo formalia verba ipſorum.

5. Ex his Probabilioriſtæ faciunt argumentum contra probabilitatem: Doctrina, quæ aſſerit, licere deſenſionem occiſivam pro conſervandis rebus eſt abſurda; ſed Probabilitas admittit hanc deſenſionem; ergo Probabilitas admittit doctrinam abſurdam. Ego in contrarium arguo. Doctrina Antiquorum non eſt abſurda; ſed deſenſio occiſiva pro rebus eſt doctrina Antiquorum; ergo deſenſio occiſiva pro rebus non eſt abſurda. Hic ſuppono majorem; nam Adverſarii inculcant, Modernos relaxaſſe conſcientias; ergo ante Modernos non dabatur doctrina laſſa &c. Suppono etiam, res illas eſſe magni momenti; ſed non me reſtringo vel ad quatuor, vel ad centum, vel ad mille aurea. Excludo pro certo unum aureum, quem *regulariter* non poſſe defendi occidendo invaſorem determinat Innocentius undec. num. 31. Suppono pariter, hic me non facere difficultatem, an poſſim ita defendere res, ut occiſio invaſoris ſit medium per ſe volitum. Igitur dico, eo modo, quo poſſum occidere invaſorem meæ vitæ, eodem modo poſſum occidere invaſorem rerum magni valoris, quamvis iſte res non ſint neceſſaria vel ad vitam, vel ad ſtatum conſervandum. Suppono ultimo, quodd iſte res nequeant ſalvari ſine occiſione, & nequeant recuperari per Judicis officium V. Gr. in calu, quo nullus teſtis adeſſet huius furti; ſic enim explicio illa verba requiſita ad juſtam deſenſionem: *cum moderamine inculpatæ tutelæ*.

6. His ſuppoſitis probatur conſuſio: ex. c. dilecto de ſenten. excom. in 6. ibi Pontifex dicit loquens de Decano quoniam adverſus ejus nimiam potentiam ſufficientes temporalis deſenſio ſibi fortè non aderat, potuit ſe etiam ſpiritualiter, gladio videlicet utendo Eccleſiaſt.

saistico, defendere . . . . *Licet pro e-*  
*lo ipsi Decano proprio sibi met subveni-*  
*re subsidio, & suamet temporalem in-*  
*juriam sua propria spiritali defensione*  
*tueri; sicque utrumque quodammodo*  
*gladium, & temporalem, & Ecclesia-*  
*saisticum, alterum videlicet altero ad-*  
*juvare; maximè quia hic duo gladii con-*  
*sueverunt, exigente necessitate, sibi*  
*ad invicem suffragari, & in juvamen*  
*alterius subventionem mutua frequentius*  
*exerceri. Haftenus sacer textus. Glos-*  
*sa infiguratione casus not. fin. & V.*  
*suffragari observat, Ecclesiam non posse*  
*uti gladio temporali in modum iustitiae,*  
*bene verò in modum defensionis, quo*  
*gladio cuilibet privato licet uti. Nota*  
*etiam, injuriam hanc, contra quam*  
*Ecclesia uti poterat gladio temporali,*  
*fuisse realem, nam quidam Balivus,*  
*ait textus, bonis suis mandans injurio-*  
*so Decanum spoliare, vel ea violenter*  
*occupare praesumpserit. Nunc dico, si*  
*Ecclesia potest uti gladio pro defensione*  
*rerum, ille usus nonne potest causare*  
*mortem invadens? Per Glossam potest*  
*uti gladio Ecclesia ad defensionem, non*  
*ad iustitiam. Ergo debes assignare, ad*  
*quid inserviat in defensione, ad quod*  
*uti nequeat ad iustitiam. Gladius potest*  
*perforare, cadere, & mutilare. Ergo,*  
*si Ecclesia potest uti gladio, potest per-*  
*forare, cadere, & mutilare Adver-*  
*sarium, ex quibus deinde sequi poterit*  
*mors.*

7. Dices, gladium posse etiam percu-  
 tere, & ictus Adversarii reparare. Sed  
 contra, quia Vir quidem nobilis edoctus  
 artem gladiatoriam ictus poterit gladio  
 reparare, non tamen Vir Ecclesiasticus.  
 Præterea gladio quidem percutere pos-  
 sumus, aut hic usus non est proprius Gla-  
 dii, sed fustis. Ergo, si aliquis dicat al-  
 teri, *adhibe gladium*, procul dubio in-  
 telligitur, quod perferret, cædat, &  
 mutilet. Ergo, si Ecclesiae permittitur  
 ex d. c. *dilecto*, quod adhibeat gladium  
 pro defensione *Bonorum Temporalium*,  
 permittuntur actus, quorum gladius est  
 proprium instrumentum.

8. D. Thomas 2. 2. quæst. 64. dicit,

se tractaturum primò de peccatis, quæ  
 committuntur circa involuntarias com-  
 mutationes; committuntur autem pec-  
 cata circa involuntarias commutationes  
 per hoc, quod aliquod nocumentum  
 proximo inferitur contra ejus volunta-  
 tem, quod quidem potest fieri dupliciter,  
 scilicet facto, & verbo. Facto quidem,  
 cum proximus læditur *vel in persona*  
*propria, vel in persona conjuncta, vel in*  
*propriis rebus.* De his ergo considera-  
 dum est, & primò de homicidio, per  
 quod maximè nocetur proximo. Hæ-  
 tus Sanctus Doctor in Præambulo illius  
 quæstionis. In articulo postea septimo  
 quærit, utrum liceat alicui occidere ali-  
 quem *se defendendo.* In corpore quæstio-  
 nis dicit juxta Cajetanum, quod Perso-  
 na privata non potest intendere occide-  
 re, ut seipsum salvet, sed potest inten-  
 dere salvare seipsum, non destitutus à  
 sui defensione, etiamsi alterius mortem  
 ex sua defensione oporteat sequi; *& sic*  
*iste non occidit, nisi per accidens.* Sic Ca-  
 jetanus explicans rectè mentem Angelici  
 Præceptoris.

9. Objicit sibi D. Thomas primo loco  
 auctoritatem D. Augustini epist. 134.  
 ad Publicolam post medium, & re-  
 fertur c. *de occidendis* 23. quæst. 5. Ne  
 ab eis quisquam occidatur, *non mihi pla-*  
*cet consilium,* nisi fortè sit miles, aut  
 publica functione teneatur, ut non pro  
 se hoc faciat, sed pro aliis accepta  
 legitima potestate.

10. Objicit sibi secundo textum ejus-  
 dem August. tom. 1. de Libero arbitrio  
 lib. 1. c. 5. prope finem, ubi dicitur:  
 quomodo apud Divinam Providentiam  
 à peccato liberi sunt, *qui pro bis rebus,* quos  
 contemni oportet, humana cæde pol-  
 luti sunt? subdit Angelicus, eas autem  
 res dicit esse contemnendas, quas homi-  
 nes inviti amittere possunt, ut ex præ-  
 missis patet. Horum autem est vita cor-  
 poralis. Ergo pro conservanda vita cor-  
 porali nulli est licitum hominem occidere.

11. Respondet Angelicus Præceptor  
 his verbis: Ad primum dicendum, quod  
 Auctoritas D. Augustini intelligenda est  
 in eo casu, quo quis intendit occidere  
 homi-



hominem, ut ſeipſum à morte liberet, in quo etiam caſu intelligitur auctoritas inducta ex Libero Arbitrio; unde ſignanter dicitur *pro his rebus*, in quo designatur intentio, & per hoc patet reſponſio ad ſecundum. Certè Angelicus Doct̃or clare dicit, quòd Auguſtinus, quando videtur negare, nos poſſe occidere hominem pro defenſione *Vitæ*, vel *harum rerum*, quas contemni oportet, & ſunt illæ juxta D. Thomam, quas *inviti amittere poſſumus*, debeat intelligi non abſolutè, ſed limitatè, & ſolum in caſu, in quo quis intendit occidere hominem, ut ſe à morte liberet, vel illas res contemnibiles tueatur. Hanc porro reſponſionem colligit ex illis verbis Auguſtini, *Pro his rebus*. Nota, quòd nedum pro vitæ defenſione licet debito modo occidere invaſorem, ſed etiam pro defenſione harum rerum, quas contemni oportet. Nunc peto, quænam ſint juxta D. Thomam hæc res contemnibiles? In ſecundo objecto ait, eſſe illas, quas *inviti amittere poſſumus*; ut patet ex *præmiſſis*. Hæc verba, ut ex *præmiſſis* patet, in margine dicitur, referri ad ea, quæ habentur in diſpoſitione quæſtionis. In diſpoſitione verò quæſtionis, ut patet num. 3. fit mentio de perſona propria, de perſona conjuncta, & de rebus propriis. Caietanus refert illa verba non ad textum D. Thomæ, ſed D. Auguſtini, & ait, quòd Auguſtinus loquitur ibi & de *vita hominis*, de *puſticia*, & de *libertate*, & de aliis, quæ *inviti perdere poſſumus*. Certè Auguſtinus in eo loco loquitur de vita hominis, de puſticia, de libertate, & de aliis, quæ *inviti perdere poſſumus*.

12. Ex his ergo liquet, per D. Thom. liberè occidi poſſe invaſorem Perſonæ propriæ, Perſonæ conjunctæ, & *Propriarum rerum*, cum bona tamen intentione, ita ut intendamus defendere res proprias, non occidere invaſorem. Nec Auguſtinus eſt contrarius, quia ſolum negat, nos poſſe occidere hominem, *intendentes ipſum occidere*, non verò abſolutè, & cum quacumque intentione.

13. Vendrochiuſ, ut dixi num. 2. affert plures Patres, negantes nos poſſe

occidere invaſorem noſtræ vitæ. Inter hos enumerat D. Auguſtinum, & ipſum tribus locis aſſert, duos à D. Thomæ allegatos, & alium lib. 22. contra Fauſtum c. 70. ſed non debebat, ſi abſolutè referre D. Auguſtinum, ſed cum limitatione D. Thomæ. Juxta dictam imitationem explicabitur textus ex lib. contra Fauſtum; & ſic etiam poterunt explicari alii Patres, quæ explicatio omnino accomodari poteſt pro defenſione rerum, ut facit Caietanus de textu Doct̃oris Angelici, & D. Auguſtini.

14. Pater Natalis Alexandri, ut vidimus num. 3. allegat pro ſua opinione Caietanum; ſed ſalva reverentia, credo eſſe pro mea, nam. §. *ad hoc dubium* tenet, nos poſſe occidere invaſorem *ſuarum rerum*, & alligans rationem ait, quia plus tenetur quis curam habere ſuarum rerum, quæ ſunt adminicula vitæ ſuæ, & *virtutis*, atque *ſalutatis*, quàm alienæ vitæ. Quod probatur. Cuilibet imminet curam rerum ſuarum in ordine præcipue ad virtutem, non autem *cura alienæ vitæ*, niſi in caſu neceſſitatis; conſtat autem, quòd plus tenetur quis, providentiam habere eorum, quorum cura ſibi imminet ſimpliciter, & abſolutè, quàm eorum, quorum cura non ſibi imminet, niſi in caſu. Et manifeſtatur hoc amplius ex ſupra dictis art. 8. quæſt. 35. quòd ſcilicet non tenetur homo in ſpeciali ſingulos proximos diligere ex charitate, neque ſecundum actum interiorem, neque ſecundum actus exteriores. Si igitur non teneor diligere in particulari invaſorem, nulla mihi cura eſt de illius vita commiſſa; de adminiculis autem vitæ propriæ, & *virtutis*, conſtat, oportere, me curam habere. Quòd ſimul extra caſum neceſſitatis ex eo patet, quòd invaſor ſeipſum ſponte in tali caſu ponit inferendo talem injuriam proximo, quam ille non poteſt evadere, niſi occidendo.

15. Caietanus ergo præponit ſuas res Vitæ proximi, quia de ſuis rebus debet habere curam ſimpliciter, & de vita Proximi ſolum in caſu; ſed ego debeo habere curam ſimpliciter nedum de meis re-

bus,

bus, quæ sunt necessariæ ad vitam, & ad meum statum, sed etiam, quæ sunt superflue; præcipue cum sint instrumenta *virtutis* elemosinæ, & liberalitatis; ergo juxta Cajetanum possumus præponere has res Vitæ proximi, qui non est in casu *necessitatis*, in quo solum debet habere curam de Vita proximi juxta Doctorem; sed *est in articulo iniquæ voluntatis*.

16. Confirmatur, quia Cajetanus dicit, quod textus Augustini, in quo asserit esse culpabiles, qui pro his rebus, quas contemni oportet, & inviti perdere possumus, occidunt invasorem; dicit, inquam, intelligendum esse de illis, qui intendunt occidere pro salvandis rebus, & c. sua verò doctrina intelligenda sit de his, qui non intendunt occidere, sed salvare res, & occiso se habes consequenter, & per accidens. Ecce Auctor loquitur de illis rebus, quas contemni oportet, & quas inviti perdere possumus, & ibi vocat *divitias*. Ergo loquitur etiam de rebus nostris quidem, sed superfluis; quæ propriissime constituunt hominem *divitem*. Loquitur de rebus in universali, & solum limitat, & glossat quoad modum occidendi, ut scilicet *non intendatur*, sed consequenter, & per accidens eveniat.

17. Beatus Raimundus l. 2. de raptor. §. 18. assert opinionem sustinentem; quod si quis se defendendo moderamen excedit, & non ex proposito, non tenetur. Scilicet ad aliquem satisfactionem. si ex proposito, tenetur. Subdit Sanctus Doctor: Hanc opinionem approbo, & fere ab omnibus tenetur; in hoc tamen ultimo verbo, quantum ad sententiam excommunicationis concordo cum eis, ut, si aliquis defendendo se contra Clericum excedit modum, inicit in excommunicationem, si illud fecit ex proposito, aliàs non; sed quantum ad satisfactionem de excessu, vel etiam quantum ad penitentiam, & irregularitatem, si forte propter illam repercutio nem mors secuta est, tutius credo, quod teneatur, *habita tamen consideratione ad propositum, & non propositum*. Patet,

quod Beatus Raymundus concedit cum tertia opinione quod tam Laicus, quam Clericus potest occidere invasorem suæ vitæ. Tenet etiam, quod, si absque proposito excedit modum defensionis, & percussus sit Clericus, percussus non incidat in excommunicationem; teneatur tamen ad penitentiam de illo excessu ad satisfactionem, & ad irregularitatem, si forte mors sequuta est. Incidet etiam in excommunicationem, si hæc fecit ex proposito. Deveniens postea ad decisionem nostræ questionis sic scribit. Si *vis in cratur rebus, & illatam, & inferendam licitum est repellere, sed potius, id est potissime illatam: dum tamen incontinens, id est quam cito scit vim illatam, proutquam divergat ad contrarium actum, ut c. olim causam, & c. significasti de restit. spoliat. & l. continens. ff. de verb. obligat: in princ. & si forte, dum ille vult expellere sic hostem de possessione sua, quam injuste, & male occupaverat, aliqui vulnerentur, vel occidantur, credo, quod teneatur secundum modum propositum supra in defensione personæ, & per eadem jura, & hoc intellige de imperfectis; perfectis enim non licet ripercutere. Glossator explicans illa verba, in defensione personæ, ait: ubi distinguendum est, utrum defendens se excedat modum, vel non ex proposito, vel ex proposito. Ecce clarè, quod permittitur eadem defensio pro rebus, ac personis. Ecce, quod quis potest recuperare incontinens res ablatas, & in tali recuperatione si aliqui occidantur, vel vulnerentur, tunc considerandum est, an excedat, vel non excedat, & si excedat, an ex proposito, an ex non proposito. Si ergo conceditur defensio cum occasione pro defensione personæ, idem est dicendum pro defensione rerum. Explico doctrinam fingendo casum. Petrus abstulit res meas, & illas reposuit in sua domo. Postea ego scio factum; habita tali scientia pergo statim cum armis ad recuperandas res meas. Hæc sunt clara in textu. Dum conor autem recuperare illas res, occiduntur, vel vulnerantur aliqui. Hæc pariter sunt clara;*

ra. Quid juris? Teneor ne ob talem occiſionem? Si ſum perfectus, teneor; ſi imperfectus, teneor, ſi excedo; non teneor, ſi non excedo. Eandem Doctrinam verbatim habet Joannes de Friburgo lib. 2. de belliſ tit. 5. quaſt. 52. addit tamen, ita etiam ſentire Ulricum.

18. Gloſator Raymundi clariffimè eſt prome. Igitur lib. 2. tit. de Duello. §. 1. V. non peccare ita ſcribit: Cum Laicos ſuas liceat armis defendere, & eas defendendo raptorem occidere, ſi aliter defendere non poſſit; quare eas defendere non poſſit in Duello, non quod ipſe offert, ſed quod à Iudice eſt offerunt, vel potius inferunt? Propter hoc credo, quòd hæc opinio potiùs tenenda eſt, cum ratione non careat, & ſit benignior, ne videamur damnare omnes illos, qui ſe defendunt in Duello, vel reſ ſuas. Textus clarus, & ineluctabilis, & probans clarè nedom licere defenſionem cum occiſione pro rebus, ſed etiam acceptionem Duelli pro defenſione rerum, quod plus eſt. Videatur etiam in eodem lib. tit. 1. §. 3. V. ſe, & ſua. §. 4. V. pertinebat, & §. 5. V. ſed H. dicit.

19. Durandus in 3. diſt. 29. quaſt. 2. num. 16. ſcribit: Videamus, quòd homo exponit ſe licitè contra rapientes injuſtè bona ſua temporalia, qua tamen non diligit pluſquam ſe, imo minus; quare etiam, quando exponit ſe pro defenſione Reipublicæ, non eſt argumentum ſufficiens, quòd diligit eam, pluſquam ſe. Ecce quis, ut ſervet bona ſua temporalia contra injuſtè rapientes, exponit ſe licitè, id eſt licitè ponit in periculo ſuam vitam, ut defendat bona temporalia inſaſa ab alio injuſtè; ponit autem ſe in tali periculo armis defendendo illa; nam propter hoc inſaſor armis intentat contra defendentem; ſi enim defendens armis non uteretur, nulla ratio ad eſſet, quare inſaſor invaderet vitam defendentis. Illa verba: Homo exponit ſe licitè contra rapientes &c. Coincidunt cum illis Gloſæ Raym. cum Laico reſ ſuas liceat armis defendere &c.

20. Aſtenſis lib. 1. tit. 25. art. 4. quaſt. 2. §. ſol. quid de Clericis reſert tres opi-

niones. Prima tenet; nemini licere, occidere inſaſorem Vitæ; Secunda ſimpliciter affirmat. Tertia diſtinguit. Concedit Laicis, ſed non Clericis, & dicit, quòd Laicus poteſt Patriam, & Reſ ſuas defendere, & boſtem etiam prævenire. C. unde vi. l. 1. & 23. quaſt. 2. Dominus Deus. Subdit poſtea, ſecundùm Alexandrum Anglum per naturam non dari hanc diſtinctionem Clerici, & Laici, & illud præceptum eſſe ex lege naturæ; ideo ſi prohibeantur Clerici, in caſu Laicis conceſſo, occidere, hoc non erit ex prohibitione præcepti, ſed ex inſtitutione Eccleſiæ. Ecce per tertiam opinionem licet Laicis defendere Patriam, & Reſ ſuas cum occiſione inſaſoris. Nec poteſt dici, hanc opinionem intelligi de defenſione Rerum ſimul cum defenſione Patriæ, quali quòd illa particula, &, faciat ſenſum copulatum; nam ſic poſſet intelligi, quòd non liceret defendere Patriam ſine defenſione rerum. Igitur illa particula ſignificat, quòd & licet defendere Patriam cum morte inſaſoris, & licet defendere reſ ſuas cum morte inſaſoris. Vide num 30.

21. Addit Aſtenſis, quòd ſecundùm legem ſa eſt occidere furem nocturnum, ſecus eſt de diurno, quia de diurno diſcerni poteſt, quòd ad furandum, non ad occidendum venit. Idem tamen intelligitur de nocturno, & diurno, ſi ſe cum armis defendat, & pro periculo perſonæ. Ratio etiam eſt, quia, ſi nocturnus cum rebus recedat, cum poſtea non cognosciam. Secus eſt de diurno; unde cum poſtea accuſare poterò; ideo non tam ſacile occidi poteſt. Hæc verba: Ratio etiam eſt, quia, ſi nocturnus &c. Important aliam rationem, propter quam licet occidere furem nocturnum, non verò diurnum, & eſt, quia fur nocturnus nequit cognoscì; & ſic neque illum accuſare apud iudicem, ut ipſius miniſterio accipiam rem meam; hinc fur nocturnus occidi poteſt, ſecus eſt de diurno, quia illum poſſum cognoscere; unde cum poſtea accuſare poterò; & ſic per iudicem recuperabo reſ meas; ideo fur

diurnus non tam facile occidi potest. Nota hæc ultima verba. Astenſis non negat abſolurè, ut faciunt Adverſarii, nos poſſe occidere inſaſorem rerum, ſed cum illo addito, *Facile*. Ergo juxta Aſten: *non facile*, ſed difficulter occidi poſteſ Fur diurnus, quia difficulter in die auferri poſſunt res meæ, ſicut ego nequeam cognoſcere furem.

22. Confirmatur: Per Aſten: ex duplici ratione fur nocturnus poſteſ occidi. Primò, quia diſcerni nequit, an veniat ſolum ad furandum, an verò etiam ad occidendum. Secundò, *quia ſi fur nocturnus recedat cum rebus, eum poſtea non cognoſcam; & ſic per Fulicem non poterò recuperare res meæ*. Ego ſubdo, licet prima ratio non valeat in fure diurno, valet tamen ſecunda, non quidem facile, & ſepe, ſed difficile, & raro. Ideo non tam facile occidi poſteſ.

23. Infra tit. 29. artic. 2. quæſtiun. 1. ſcribit *quid ſi forte ille, cui vis inferitur (in rebus,) vult hoſtem expellere de ſua poſſeſſione, quam acquiſiverat in juſtè, & malè, aliqui occidantur, vel vulneretur?* Reſpondeo. Credit Rayn quòd tenetur ſecundum modum poſitum in deſenſione perſonæ, ubi ſcilicet diſtinctum eſt, utrum deſendens ſe excedat à propoſito, & per eadem jura. Ecce clarè Aſten: concedit eandem deſenſionem pro rebus, quam concedit pro deſenſione *Perſonæ*. Sed Author pro deſenſione perſonæ concedit occiſionem inſaſoris in eodem art. ante illam quæſtiunculam ita & taliter, *ut per legem liceat occidere inſidiantem, & occidere volentem*. Ergo juxta hunc Doctorem licet occidere inſaſorem mearum rerum. Doctòr aſſert Doctrinam Raymundi, quam reſero num. 17. & dicit, ita etiam ſentire Tranſienſem. Subdit pariter: *Si quis tamen deſendendo ſe moderamen excedat, non tamen à propoſito, non tenetur ad aliquam ſatiſfactionem, niſi ad cautelam ff. ad leg. Aquil. ſi ex plagis §. tabernarius*.

24. Goſſredus Tranſienſis, qui forſan eſt ille, qui allegatur ab Aſten, in Summa de homic. num. 7. ſic docet: *Si in inju-*

ria inferatur rebus, licitum eſt illatam repellere, & propulſare inferendam. Quòd ergo dicitur vim vi repellere licet, ſic intelligendum eſt, ut ſcilicet tria, in hoc requirantur, ut hoc fiat deſendendo, non *uſciſcendo*, ar. 23. quæſt. 1. quid culpatur, ff. ad leg. aquil. l. ſcientiam, & cum moderamine fiat deſenſio de reſtit. ſpoliat. olim cauſam fin. ſi quis tamen moderamen excedat, & non ex propoſito, videtur non teneri, ut ff. ad leg. aquil. l. ſi ex plagis §. tabernarius. Sed contrarium velle videtur Decretalis illa *Olim cauſam*, infra eodem. cap. ſignificasti nobis fin. Item incontinenti debet quis vim repellere de appellat: ſignificaverunt. Hæc tria membra intelliguntur ex l. una. Cod. unde vs. l. 1. Hactenus Author. Si hæc deſenſio non intelligitur etiam cum occiſione inſaſoris, non video ad quid exigatur illa conditio, quòd non fiat *uſciſcendo*. Vel poſſum lædere perſonam in hac deſenſione; & ſic poterò etiam occidere. Vel non poſſum lædere perſonam; & ſic nulla dabitur vindicta, ideſt malum pro malo, ſed mera conſervatio rerum mearum, quæ certè nullum malum aſſert alijs.

25. Author Summæ Piſanellæ, & ejus Supplementum. V. Bellum. 1. §. 1. ſcribunt: Utrum ſine Principis auctoritate per aliquod particulare bellum liceat injuriam repellere. Reſpondetur, de jure naturæ poſteſ quilibet vim vi repellere, dum tamen incontinenti, & cum moderamine inculpate tutelæ, nec ſit ad ſumendam vindictam. . . . Et ſi quidem vis, ſeu injuria ſit in perſonam, tunc poſteſ vis repelli, antequam ſit illata, nam licitum eſt occidere inſidiantem, & eum, qui vult occidere, ſi aliter non poſteſ ejus manuſ evadere. ff. ad leg. Aquil. l. 4. & 3. . . . Si autem vis inferatur in rebus, tunc & illatam, & inferendam licet repellere; ſed potiùs illatam, dum tamen incontinenti, ideſt quàm citò ſit illata vis, priuſquam diverſat ad aliam actum. Nota, quòd concedunt eandem deſenſionem pro rebus, quam concedant pro vita; nam in utroque caſu ajunt, vim vi poſſe repelli, &

& explicando quid intelligant pro hac repulſione in primo caſu, loquuntur de occiſione inſaſoria. Ergo, ſi conceditur, ut pro defenſione rerum repellamus vim, debet intelligi de repulſione occiſiva. In ſ. ſequenti concedunt, cum Innocentio, & Hoſienſi, ut per bellum, vel violentiam propria auctoritate liceat rem jam ablatam, vel inſaſam recuperare, incontinenti tamen; non verò ex intervallo, nam tunc debet adiri iudex raptoris, & ejus auctoritate recuperare. Eadem verbatim habet Albericus de Roſate. V. bellum princ. Unde in hac quaſtione Summiſta antiqui ſe ad invicem ſequuntur, ut avis aliam ſequitur.

26. Divus Antoninus par. 3. tit. 4. cap. 3. princ. ſcribit: Nota primò regulam juris naturalis, & poſitivi. ſ. de juſt. & juſ. l. ut vim, ſcilicet, quòd cum vi repellere licet cum moderamine inculpata tutela, & incontinenti. Pro cuius declaratione communiter dicunt Doctores, quòd moderamen inculpatae tutelae eſt illud, quòd æquivaleret illarum violentiarum in qualitate armorum, in concuſſu temporis, & in ipſo actu violento. Sed utrùm, cum ille, qui eſt fortis, vult me percutere cum pugno, qui ſum vilis, id eſt debilis, & non poſſum reſiſtere, & liceat mihi, defendere me cum enſe, dubitatur, & Jacobus de Aret. diſtinguit, quia aut quis vult propulſare violentiam illatam perſonae, aut illatam rebus. *Primò caſu licet cum armis*, & qualitercunque, ſi res aliter reparari non poteſt. c. de appella. l. ſi quis. Nam ſi poſſum occidere furem, ubi non cognoſco, & non poteſt in rebus furatis provideri per iudicem, ut ſi. ad l. Cornel. de Siccar. l. furem, multò magis licet occidere, ubi perſona aliter ſalva eſſe non poteſt. Nota illa verba: Nam ſi poſſum occidere furem, ubi non cognoſco, & non poteſt in rebus furatis provideri per iudicem, & videbiſe clare D. Antoninum aſſerere licitam occiſionem furis in caſu, quo res aliter ſalva eſſe nequit. Nota etiam, quòd loquitur abſolute de rebus, nec exigit illam conditionem, quòd ſint neceſſariae ad ſtatim, & vi-

conſervationem, ut dicebat Pater Alexandri. Obſerva ulterius, in hac Doctrina fundari illam diſtinctionem Modernorum aſſerentium, poſſe occidi furem diurnum pro rebus, ſi ſur non noſcitur; negativè verò, ſi noſcitur. Pondera illa verba: *Ubi non cognoſco*. Denique vide, has Doctrinas habere fundamentum in l. furem. ſ. ad l. Cornel. de Siccar. Adde hæc omnia tradi: nedum à D. Antonino, ſed etiam à Jacobo Aretino.

27. Sanctus Doctor proſequitur, & textum reſtuli cap. 11. num. 34. Ipſum lege, & certè negare nequibus hanc propoſitionem per D. Antoninum eſſe veram: *Quando aliter res ſalva eſſe non poteſt*, nec poteſt per iudicem reparari, poſſumus illam defendere, etiam perſonam occidendo. Paulo poſt dicit, illud verbum, *incontinenti*, quòd requiritur, ut deſenſio ſit licita, ita explicari quoad deſenſionem rerum, ut valeat etiam poſt fragrantiam facti, dummodo non diverſet ad actus contrarios. . . . & ſic non facta diverſione ad actus extraneos, *etiam ſi amicos querat*, & redeat, ut recuperet rem ablatam, dicitur incontinenti, & ſic intellige moderamen in concuſſu temporis. Joan. de Lygnao. Hanc Doctrinam dicit etiam eſſe Jacobi Aretini, & Petri. Et ego addo eſſe communem Summiſtarum Antiquorum. Recole textum D. Raym. Vide etiam alios Antiquos locis allatis. Obſerva etiam, quòd Raymundus dicit, non committi peccatum, ſi, dum redeo ad recuperandam rem ablatam, aliqui occidantur, & violerentur.

28. Aſſero alium textum D. Antonini diſte cap. 11. num. 35. ipſum ibi lege. Addo alium ex par. 2. tit. 3. cap. 6. ſ. ubi dicit, Etenim poſſe ſe defendere, ne violentur; & ſi ſe defendendo caſu occideret, non ob vindictam, nec homicidium intendens, puta *vibrat gladium contra eum*, non peccaret, quia vim vi repellere eſt de jure naturae diſt. 1. cap. 3. naturale. Et ſcilicet non ſolum ſe, ſed & bona ſua defendere, ne capiantur à latronibus, quare etiam, ne pudicitia,

& honorem suum amittat, & ne maxima tentationi exponatur? Sic Antoninus. Observa, quod, ut Antoninus probet, licitam esse defensionem pudicitie, etiam *cum casuali occisione*, assumit pro probatione, quod licet defendere *bona sua*. Ergo antiquitus, ut saltem probabile concedebatur, esse licitam defensionem rerum; & intelligitur de defensione occisiva, casuali quidem, & præter intentionem; Si enim non intelligeret de defensione occisiva, male inferretur defensio occisiva pro defensione pudicitie.

29. Nota, quod D. Antoninus in §. 2. concedit defensionem nedum pro rebus suis, sed etiam pro rebus depositis, & commodatis; & quamvis ibi non dicat expressè, hanc defensionem posse esse occisivam; tamen ita debet intelligi; nam in fine agens de defensione rerum, de qua prius loquutus fuerat, dicit, quod, si in tali defensione accidat occisio, vel mutilatio, incurritur quidem irregularitas, sed non excommunicatio, si occisus sit Clericus. Ecce quod loquitur universaliter de defensione rerum; & sic complectitur etiam defensionem rerum depositarum; atque adeo juxta Antoninum est licita occisio pro meis rebus superfluis, quia has debet potius defendere, quam alias.

30. Angelus. V. *defensio* num. 4. scribit, quod quis non debet pati, quod damnificetur in aliquo, si damnum est irrecuperabile, aliàs secus, ut in l. *furrem*. ff. ad l. Cornel. de Sicar. ex quo infert Baldus, quod etiam, si non possum effugere, quin me percussus, nisi te interficiam, quod licitè te interficio, quia cum injuria personalis sit major, quam realis, ut in l. *servorum fin.* ff. de penis, & propter realem irrecuperabilem possum te interficere, ut in d. l. *furtem*; Ergo fortius pro personali. Facit Glossa de restit. spoliat. c. 1. fin. & Glossa in cap. significasti el. 2. de homicid. & istud tenet Flo in d. §. *qua cum aliter*. Ecce clarè secundum Angelum, Baldum, & Flo. possum te interficere pro defensione rerum, si illas alia via non possum

recuperare. Nota bene, quod hi Doctores supponunt ut verum, quod liceat occidere invasorem rerum, dum ex hoc arguunt, licere occidere, ut quis se defendat à percussione personali. Quid dicerent hi Antiqui, silegerent nostros Modernos Probabilioris damnantibus hanc Suppositionem? Audiamus Antiquos benignos, & deferamus, cum ipsorum reverentia, hos scrupulosos Modernos. Eandem Doctrinam habet Angelus cum Bar. V. *Excommunicatio*. §. num. 13. & pro ipsa assert jure merito. cap. *dilecto* de Senten. Excomm. in 6. ut etiam ego feci.

31. Henricus Herg præcep. §. *serm. 2.* quæst. 2. scribit. Secundò quæri potest, utrum liceat alicui alium occidere pro defensione rerum suarum, sicut pro defensione corporum. Ad hoc dicendum secundum Doctores, & etiam gloss. in cap. significasti el. 2. de homicid. quod omnes leges, & omnia jura, quæ loquuntur de hac materia, concedunt, vim vi repellere posse, *sam in defensione rerum*, quàm personarum; dummodo moderatè inculpate tutelæ non excedat, quia defensio tunc redderetur illicita. Quantum tamen ad defensionem hoc intelligendum est, quod scilicet injuriam illatam rebus quis statim potest, & debet propulsare, *si vult*. Quomodo autem istud statim intelligitur, dicunt, quod debet attendi *defendendi commoditas*, quia non debet te quis statim exponere hinc Sociis contra multitudinem sua bona auferentem; Sed in hoc inspicitur *commoditas*, ut socios, & amicos possit convocare, Domum intrare, arma capere, & quātocius fieri potest; aliàs enim esset guerra, quæ non esset autoritate propria movenda; ut patet cap. sicut de *jurejur.* . . . Quia autem injuria facta rebus incontinenti propelli debet, intelligitur, quod citius fieri poterit arbitrio boni viri; nam ibi debet attendi qualitas deicientis, & dejecti, & rei, ex qua dejectus est. Si enim privatus deiecit alium, tunc requiritur modicus apparatus ad recuperandam possessionem, scilicet *biduo*, &c.

*Iduo:* Quod ſi Nobilis expellit aliquem de Caſtro, tunc ad recuperandum requiritur magnus apparatus; qui forte heri non poteſt ſex menſibus; & ſic incontinenti diceretur fieri; quando commodè fieri poteſt. Volunt tamen aliqui, quod quamvis pro conſervatione vite propriæ liceat imperfectis in inevitabili neceſſitate alium occidere; minimè tamen hoc licitum eſt pro conſervatione rerum temporalium, quia proximi vitæ fortunæ rebus eſt preferenda; niſi forte quis ex tali ablatione ſimul & vitæ neceſſaria auferret, ut ſi quis in deſerto tantum unum panem haberet, tunc videtur, quod illum pro neceſſitate ſui vitæ, ſicut & perſonam propriam defendere, & conſervare poſſet. Haſtenus Herp. Nota, quod tempore huius Antiqui duplex aderat opinio quoad quæſtionem; an liceat occiſio inſulſoris pro conſervatione rerum, quæ non erant neceſſariæ pro conſervatione vitæ. Prima ſecundum Doctores erat affirmativa, Secunda, quam *Aliqui tenebant*, erat negativa. Ex hac hiſtoria ego infero, quod illo tempore opinio communis Doctorum erat pro nobis; ſi enim pro ipſa erant Doctores, & ſolum *Aliqui* opponebantur; ergo maxima pars, & ſic communis, pro eadem militabat. Faſtor tamen, non eſſe certum hunc Doctorem eſſe pro tali communi opinione.

32. His temporibus hanc *commodam* deſenſionem huiusmodi opinionis concedere non debemus, quam etiam concedebat Gloſſator Raymundi, nam videtur nimis laſſa. Ergo adverbium, *incontinenti*, ſtrictius interpretemur, ita ut valeat pro fragrantia facti, & ad ſummum antequam ſur in domum ſe recipiat, adeo ut adhuc ſit in fuga; ita credo, ita explicare noſtros Modernos.

33. Baptiſta de Salis. V. *Bellum* q. 6. tenet cum Innoc. & Ho. licere privata auctoritate rem ablatam incontinenti recuperare; nam de lege naturali licet vim vi repellere cum moderamine inculpatæ tutelæ; & dicitur moderata tutela, ſi illud tantum fiat, quo omiſſo violentiæ repellere non poſſet. Ergo, ſi ſine occiſio re

nequeo defendere rem meam; illa occiſio pro meis rebus erit cum moderamine inculpatæ tutelæ.

34. Pro hac noſtra opinione militat Sylveſter. V. *Excommunicatio*. 6. n. 8. caſu. 9. Poſt multa allata pro utraque parte ſic ſcribit; ſi autem non me invadit, & tamen rem meam tenere nequeo, niſi occidam, puta quia fugit in equo meo, quem aliter habere nequeo, niſi illum ſagitta occulta, forte non licet occidere mihi in conſcientia, niſi ut dicam limitando dicta Panor. *quævis etiam dici poſſit, hoc caſu non eſſe contra legem Dei, aut naturæ occidere, quia quotidie de licentia Principis morientur arma pro temporalibus, quod fieri non poſſet, ſi eſſet contra legem Dei, vel naturæ.* Ad motivum in contrarium dici poſſet, quod rebus noſtris vitæ proximi eſt præferenda, quantum in nobis eſt; unde talia pro vitæ proximi deberemus exponere in neceſſitate; ſi tamen ipſi ſint in cauſa vitæ ſuæ perdendæ injuſtè invadendo, imputetur eis. Unde dico, quod eo caſu pro rebus licet occidere, & mutilare, & quod occidens, aut mutilans Clericum hac ratione non incidit in excommunicationem, eſi in irregularitatem; ut ſupra *Bellum* 2. §. 7. fin. quia ubi non eſt mortale peccatum, non eſt excommunicatio juris.

35. Certè Auctor loquitur de rebus, quæ non ſunt neceſſariæ ad meam vitam, vel ad meum ſtatum; nam loquitur de *meo equo*. Inſuper dat doctrinam reſpondendi argumento Adverſariorum, & dicit omnino rationabiliter, quod res mea ſunt poſtponendæ ſolum Vitæ Proximi, quando Proximus eſt in neceſſitate; non vero quando ipſe eſt in cauſa perdendæ vitæ, injuſtè me invadendo.

36. Subdit Sylveſter: *Eſſo autem quod verum diceret Panor. & ſic velis indiſtinctè tenere* (quod non liceat occidere pro deſenſione rerum) *limita tamen prædicta dupliciter*.

37. Ex his verbis colliges, Sylveſtrum in hac materia ſequi utramque partem. Sequitur partem benignam, quia clare dicit: Unde dico, quod eo caſu licet occidere, & mutilare pro rebus. Sequitur

rigidam, quia clarè dat licentiam illam amplectendi illis verbis; *est velis indistincte, &c.* Nec sequitur hanc solam, quia dicit, *si velis, &c.* quod autem dependet à nostra voluntate, possumus facere oppositum. Lector expendat, an Sylvester sit prome, an pro Patre Alexandri. Vide etiam Sylvestrum. V. *Bellum* 2. num. 1. & 2. In V. *Homicidium* 1. num. 8. qui est locus allegatus à Patre Alexandri, Auditor loquitur satis confusè; clarè tamen ibi explicat Canonem, qui nobis videtur contrarius; & iterum dicit, nos non obligari cum alterius damno aliquem eripere à morte, quam voluntariè vult subire.

38. Armilla. V. *defensio* num. 2. tenet nobiscum, & assert pro se Sylvestrum, Iacobum de Aretio, & Innocentium, & tenet hanc opinionem, etiam pro salvandis rebus alienis. Si res sunt alienæ; ergo non sunt res necessariae pro conservatione personæ, & status; unde clarè est pro nobis contra Patre Alexandri.

39. Soto quoque clarè est pro nobis de iustis. & iur. lib. 5. quæst. 1. art. 8. licet Pater Alexandri dicat esse pro sua. Ipse ergo clarè dicit; Respondetur, circa dubium licere suum etiam ducatum, in defensionem bonorum temporalium interficere, si aliter illa eripi ab ipso nequeunt. Nota, quod tradit doctrinam suam, ut certam. Probat. verò conclusionem, quia hæc bona sunt necessaria ad vitam sustentationem, & status. & bonorum. Hæc verba videntur esse pro Patre Alexandri, sed ex sequentibus patet esse pro nobis; infra siquidem dicit, quod pro valore duorum, vel trium ducatorum nequeat occidi invasor. Certè si loquitur de re necessaria Vitæ, & status, impertinenter se habet, quod sit parva, vel magna in seipso; si aliàs sit necessaria vitæ, & status. Hinc, si non habeam nisi unicum panem, ego possum occidere invasorem illius panis; quia ablatio panis est ablatio vitæ. Propter hanc forsitan rationem Innoc. Undec. nu. 37. damnat hanc propositionem. Regulariter occidere possum suum pro

conservatione unius auri. Nota regulariter damnat. Ergo in casu extraordinario, quando nempe est necessarius vita, tunc possum occidere, &c.

40. Quoad Canonistas, hos paucos subd. Glossa in c. *suscipimus* de homic. placet. V. *ligaverunt* scribit: Clericus sua defendendo non debet armis resistere, nec aliquem propter res interficere, Ar. 23. quæst. 8. c. 1. & c. Ar. contra. 5. eod. cap. 2. *Laicus vero potest res suas, & patriam armis tueri, & prævenire hostem convenientior.* C. *Unde vi.* l. 1. & 23. q. 2. Dominus. Ecce laicus potest uti tali defensione, qua uti nequit Clericus; quænam autem erit hæc? Vide num. 33. Vidimus allegari pro hac opinione Innocentium in c. *olim* de restit. spoliat. sed nihil in hoc loco reperio ad propositum invenio quidem in c. *si vero* de sentent. excomm. num. 2. quod refert opinionem tenentem, aliquem pro salvandis rebus non incurrere in excommunicationem, si Clericum invasorem occideret: Refert etiam oppositam opinionem. Hic notabis, in quæstione præsentis antiquitus varias fuisse sententias; unde non video rationem, cur nostri scrupulosi Probabilioristæ velint nos coartare ad unicam solam, & illam rigidam.

41. Henricus Boic in c. *interfici* de homicid. num. 22. scribit: item credo, quod pro rebus propriis salvandis, quas aliàs non potest salvare, potest quis mutillare, vel occidere invasorem, & infra. cap. prox. ubi dicitur, quod occiso furis nocturni, non reputatur homicidium, quod, verum, secundum Hostien. sibi quoddam peccatum, vel quoddam peccatum legis, ubi capi, vel deprahendi non potest, porca, quæ notat in c. *suscipimus* eo glossa ibi; laicus verò &c. & Lau. & Vinc. & Hostien. Item quis res suas, quibus sustentari, & alimentari debet, quis sibi auferat, vitam sibi auferre videtur, quod posset intelligi verum cum tali modificatione, quam ponit Frater Joannes in Summo. Confess. hoc tit. quæst. 12. (vide num. 17.) scilicet, quod si aliquis pro rebus temporalibus conservandis præter intensionem



vulnerat, vel occidit, non est peccatum; quia casus fortuiti præcaveri non possunt. Sed hoc ex proposito facere non licet, quia vita proximi præferenda est rebus fortune, nisi ex talium ablatione quis poveretur in extrema necessitate.

In c. si perfodiens eod. scribit, quod secundum legem divinam Exo. 22. si nocturnus potest occidi; non sic diurnus. Secundum vero rigorem duodecim Tabularum fur nocturnus potest occidi cum clamore, sive se defendat, sive non defendat, quia præsumitur, quod venerit ad occidendum; fur vero diurnus tunc demum potest interfici, si telum se defendat. Secundum æquitatem vero fur nocturnus, si non possit capi sine læsione, & periculo, tunc potest occidi; aliis non potest occidi, sicut nec latro diurnus; & ita de æquitate, quæ prævalet. G. de jud. l. placuit. nulla est inter furem diurnum, & nocturnum differentia secundum Joan. de Faven. & Gloss. & Archid. 23. quæst. 5. cum homo ab homine, & in hoc satis concordat Bernard. eod. Suscepimus. V. detinere, & Jacobi. Petr. de Sampsona, & Cyn. G. ad legem Cornel. de sicar. l. si, ut allegas, ubi dicunt, quod distinctio nocturni, & diurni respicit magis frequentiam, quam juris ministerium; frequentius enim contingit, quod de die quis cognoscitur, quam de nocte; sed ubi cognitus est de nocte, eadem est ratio, nam totum hoc statuitur, ut occurratur periculo rerum, & si hoc curri potest per cognitionem, non est habenda distinctio temporis, cum ubi est eadem ratio, ibi idem jus. Unde si diurnum video recedere, ita quod non posset consuli contra eum, licitum est mihi, eum interficere. Pro hoc satis, quod notatur ff. de verb. oblig. l. si servum §. 1. Lector. si perpende bene hanc doctrinam, quia & est eadem ac nostra, & tradite eadem fundamenta, quibus nos utimur ad ipsam defendendum. Lege etiam ipsam in c. suscepimus num. 3. ubi videtur concedere, quod Clerici possint bona sua armis defendere, quamvis hoc neget Monachis.

42. Agidius Bellamera in c. de Episcopis. 23. q. 8. n. 1. scribit: Unde dic, quod violentiam rerum, sive injuriam repellere possunt Clerici, & Laici illatam, & inferendam. Laici enim occidendo de homicid. c. 2. C. de sicar. l. 3. sed Clerici non, ut de homicid. suscepimus. Nequit loqui clarius. Nota bene contra Probabilioristas hæc explicationem capituli suscepimus, quo loco gloriantur, & quasiæant triumphum de nobis. Videtur ergo, quod textus intelligitur solum de Clericis, non verò de Laicis. Lege sequentia, quæ habet ibidem Bellamera, nam refert alias opiniones benigniores, quarum prima explicat illud caput, quod valeat solum pro Monachis, non pro aliis; secunda subdit, quod illi Monachi damnantur à Canone, quia excesserint fines licite defensionis, cum res suas salvas haberent. Obiter perpendes, quod hic Doctor amplectitur illas plures opiniones probabiliter; & sic erit pro æquali probabilitate. In c. de treuga & pace num. 26. scribit: quod debilis contra robustum percutientem cum pugno potest armis se defendere in violentia illata personæ, & etiam rebus, quando non potest ad judicem recursus haberi, alias non, ut notat Jacobus de Aret. in l. 1. C. unde vi. Intelligitur autem hoc incontinenti, id est antequam divertat ad actus extraneos, ut ff. de adult. l. quod aus in fine. In c. olim causam de restit. spoliat. num. 21. ante §. si suppositus docet: si ergo dat ius licentiam possessionem defendendi, vel recuperandi, utique & omnia faciendi, sine quibus &c. si ergo non potest sine armis, faciat cum armis, & si non potest, nisi interimis, occidere possit. Ideo possum occidere furem nocturnum mihi ignotum, quia aliter res salvare non possum, secus de diurno, contra quem aliter jurari possum, ut prædicta. l. furem. Hic doctor verbatim habet doctrinam nostram, quidicimus, ex concessione defensionis pro rebus sequi, nos posse occidere in valorem, si aliter res salva esse nequeat. Hinc infert, posse occidi furem nocturnum, quia cum ip-

sum non cognoscam, nequeo salvare rem, nisi occidendo furem; è contra nequeo occidere furem diurnum, quia possum aliter iuvare. Ergo à contrario, si nolum furem nocturnum, non verò diurnum, potero occidere diurnum, non verò nocturnum.

43. Nota bene, quòd Author dicit, nos posse occidere furem nocturnum, quia aliter res salvare non possum. Hinc Adversarii nequeunt dicere, quòd ideo Doctor concedat occisionem nocturni, quia est dubium, an ad furandum, vel occidendum venerit; Nequeunt, inquam, hoc dicere, quia Doctor expressè dicit: Ideo possum occidere furem nocturnum mihi ignotum, quia aliter res salvare non possum. Perpende causalem, & videbis veritatem. In illo §. *It. supposito* post princ. tenet, quòd quis non punitur, si interimit illum, qui dat ipsi masselam; (idest alapam) nam si hoc licet propter res defendendas, ut dixi supra (in textu allegato à me) fortius propter personam, quæ est dignior. ff. de pœnis. l. in servorum. §. fin.

In num. 24. §. princ. tenet cum Petro de Bella Pertica, & Baldo, quòd, si vis infertur rebus, non tenetur fugere, sed potest expectare, resistere, & percutere. In num. 35. §. *Quinto*, num. quid, &c. tenet, quòd iura permittentia, ut possimus vim vi repellere, valeant etiam in foro pœnitentiarum contra opinionem oppositam rigidam, & scrupulosam.

44. Antonius de Butrio in cap. olim causam de reilit. spoliat. num. 35. & 36. scribit: Si personæ sunt impares, quia aggreditur quis à robusto, qui plus posset cum pugno, quam alter cum fuste; tunc dicit Petrus, & Cynus in d. l. 1. quòd si injuriam interat corpori, possum sibi armis resistere, si aliter non potest defenso parari; nam & in rebus, ubi non est remedium, possum interficere furem, ut nocturnum, quem non cognosco. ff. ad legem Cornel. de Sicar. l. furem. Si mihi injuriatur circa rem; & tunc non debeo resistere armis, si aliter res potest per Judicem recuperari;

ut quia cognoscit furem, & non est fugitivus, vel res est immobilis. Si non potest aliter recuperari, tunc licet qualitercumque meri, ut d. l. furem, & l. 4. §. cum igitur. ff. unde vi. Fallit in depopulatore agrorum, quem licet interficere. l. 1. c. quando. si sine iud. se vind. Si enim aliter non valendo defendere res, se potest interi quomodo cumque; multò fortius licitum est defendere injuriam, quia minima injuria personalis major est, quam injuria rerum. ff. de pœnis. l. in servorum. fin.

45. Nota illa verba, quem non cognosco, in quibus assignatur ratio, cur liceat occidere furem nocturnum, & est, quia fur non cognoscitur. Ergo, si fur diurnus non cognoscitur, potest occidi pro defensione rerum. Hoc idem videtur clarè colligi ex illis verbis: si non potest aliter recuperari, tunc licet qualitercumque meri. Illud adverbium, qualitercumque, est generale, unde includit omnem defensionem, & præcipuè importat defensionem cum armis, ut hæc pars opponatur cum prima, in qua dicebatur, non licere defendere res cum armis. Eadem Doctrina habetur in illis verbis: Si enim aliter non valendo &c.

46. Baldus de treug. & pace. cap. 1. num. 2. docet, quòd pro recuperatione mea terræ invasæ possum facere bellum, nam in bello iusto, & licito nulla sunt feræ secundum Gos. & Bar. Tenet hic Jo: quòd dicitur, quòd non possum; recuperare mea autoritate, nisi intra triduum, quia invasor per triduum videtur esse in fragranti crimine, quod verum est, si copiam habeo Superioris Judicis, sed si non valet mihi foris, suppletensis quandocumque, dicit Bartolus. ff. de cap. l. hostes, & gloss. C. de iud. l. nullus, & glossa in Summ., & Bar. in gloss. Ecce deficiente Judice à quo possum recuperare meam terram invasam, tunc ensis supplet, & supplet nedium in triduo, sed quandocumque, inquit cum Bartolo Baldus.

47. Petrus de Ancharano in cap. si perodiens de homic. scribit: Occiditur fur nocturnus sine culpa, sed non diurnus

nus, & eſt iſta lex Moſayca Exodi 22. Quartò nota rationem differentie, quare magis non licet interficere furem de die, quàm de nocte, quia ſi de die ipſum non poſſum cognoscere, ita licet ipſum interficere, ſicut de nocte. Ita notat Cynus. C. de Sicar. l. ſi, ut allegas, & Bart. in l. hunc furem ff. de Sicar. Vides, clarè hunc Doctorem eſſe pro nobis, qui etiam pro ſe allegat Cynum, & Bartolum. Idem Doctòr in cap. dilecto de ſenten. excom. in 6. num. 6. quæſt. 4. expreſſè dicit, eſſe licitum defendere res mobiles, ne auferantur, & quandoque licet interficere inuaforem, & pro hac Doctrina aſſert ſeipſum in alato textu ex cap. ſi perſodiens. Hinc patet, hunc Doctorem in duplici loco pugnare pro nobis.

Tur recremata in cap. de his Clericis. 8. diſt. quæſt. 1. num. 7. cum Ulrico in Sum. lib. 6. tract. 3. cap. 8. ſcribit: Pro rebus autem temporalibus conſervandis, ſi aliquis præter intentionem vulneretur, vel occidatur, non eſt peccatum, quia caſus fortuiti præcaveri non poſſunt; Sed hoc ex propoſito facere non licet, quia vita proximi præferenda eſt rebus fortunæ. In cap. Monomachiam. num. 9. fin. ait: Reſpondetur, quòd magna ſit differentia inter ſuſcipere Duellum cruentum oblatum, & inter reſiſtere invadenti volenti occidere, vel ſpotiare aliquem, quoniam hoc in caſu inevitabilis neceſſitatis eſt licitum, ut diſputavimus diſt. 50. cap. de his Clericis.

Quòd meum inſtitutum non eſſet nec eſſe ſolvere argumenta, quibus impugnant Adverſarii noſtram opinionem; adhuc tamen placet illis reſpondere, ut demonſtrem non eſſe inſolubilia; & ſic omnino irrationabiliter damnare noſtram Sententiam.

48. Obijciunt ergo textum in cap. ſi perſodiens de homic. in quo dicitur: ſi perſodiens inventus fuerit fuſ, & percuſus mortuus fuerit, non eſt illi imputandum homicidium; ſi autem oriatur Sol ſuper eum, reus erit. . . . quia poterat diſcernere, quòd ad furandum, non occidendum veniſſet.

Reſpondetur cum Boic, ubi ſupra, differentiam furis nocturni, & diurni reſpicere magis frequentiam, quàm juris miniſterium; frequentius enim contingit, quòd de die quis cognoscitur, quàm de nocte; Sed ubi cognitus eſt de nocte, eadem eſt ratio. Item ubi incognitus eſt de die, eadem eſt ratio; nam totum hoc ſtatuitur, ut occurratur periculo rerum.

Unde ſi diurnum video recedere, ita quòd non poteſt conſuli contra eum, licitum eſt mihi eum interficere. Pro hoc facie, quòd notatur. ff. de verb. oblig. l. ſi ſervum. §. 1. Ita verbatim Boic. Eandem Doctrinam, ſed brevius, tradunt Butrio, & Ancharanus, & Baldus dicebat ore rotundo, quòd in hoc caſu deficienti Foro, ſupplet caſus.

49. Sed urget Fagnanus in cap. interficiſti. num. 21. Si quia noſcitur fur diurnus, non poteſt occidi; Ergo, ſi ſuo telo ſe defendens noſcatur, non poterit occidi; & tamen oppoſitum expreſſè dicitur in cap. ſi perſodiens. Sed facile reſpondetur, diſparitatem eſſe evidentem; nam periculum perſonæ non impeditur per noticiam inuaforis, ſicut impeditur periculum rerum, quæ poterit recuperari ex vi noticiæ, quæ habetur de fure.

50. Obijciunt iterum textum ex cap. interficiſti: eod. in quo dicitur, te non eſſe reum homicidii, ſi te, tuæque liberando interfeciſti hominem. Notant Probabilioriſtæ cum Fagnano, quòd textus dicit Te, Tuæque; certum eſt autem, quòd particula, &, eſt copulativa; unde, ſi liceret occidere pro defenſione rerum, diceret Te, vel Tua.

Reſpondetur cum Bart. l. ut vim. ff. de juſt. num. 5. quòd in diſpoſitionibus legalibus illa talis copulativa (particula nempe &) ponitur propuſculo orationis ſeparata, ut l. 1. ff. de his, qui no. injam. Ita dico eſſe in propoſito, quòd & vim repellere licet, & injuriam. Reſpondet hic Bartolus legi, in qua dicitur: Ut vim, atque injuriam propuſſemus. Dicit ergo, quòd illa lex facit hunc ſenſum: quòd vim repellere licet, & licet repellere injuriam, Ego quoque dico, quòd

quod ille Canon facit hunc sensum, interfecisti furem te liberando; non peccasti. Interfecisti furem liberando tua; non peccasti. Certè si *ly*, & coniungit *ly Te* cum *ly Tua*, sequitur, quod ob solam defensionem sui quis non posset occidere inuasorem. Sed audiamus Petrum Navarra de restit. lib. 2. cap. 3. num. 406. Hac expositio mihi non placet, nec Cajet. in d. art. 7. aliud enim est copulativè accipere, aliud copulativè. Copulativè accipitur nomen, cum non unumquodque per se, sed simul cum alio verificatur, ut cum dico: omnes Apostoli sunt duodecim; non enim isti sunt duodecim, & isti sunt duodecim, sed omnes simul. At cum copulativè accipitur, de singulis verificatur, cum conjunctione tamen, ut cum dico: *omnis homo est animal*, sensus est, quod hic est animal, & hic est animal; sic ergo illa conjunctio copulativè est accipienda, ita ut, cum dicit: *Te, & Tua liberando*, sensus sit, si interfecisti *Te* liberando non peccasti, & si interfecisti *Tua* liberando, non peccasti.

31. Sed urget Fagnanus in d. cap. *interfici* de homic. num. 10. fin. melius esse amplecti interpretationem Canonistarum dicentium illa verba esse conjunctivè accipienda, non verò disjunctivè, quicquid dicant Theologi, quia hac est propria mens Canonistarum.

Sed contra evidenter, quia in hoc decipitur; nam hic agitur de jure naturali; Utrum enim aliqua actio sit homicidium, est materia legis naturalis; certum est autem, Theologi muneris esse explicare legem naturalem; Canonistæ verò legem Ecclesiasticam ex D. Thom. Quodl. 9. art. 13.

32. Obijciunt tertio textum ex cap. *suscipimus eodem*, in quo dicitur, quod duo Monachi ligaverunt duos fures nocturnos, qui cum niterentur se solvere ab illis vinculis; Monachus, qui relictus fuerat ad illorum custodiam, timens ne occideretur ab eis, eosdem prævenit, & occidit. Pontifex subdit: *Verum, quoniam expediebat potius post*

*tunicam relinquere pallium, & verum sustinere iacintum, quam pro conservandis vilibus rebus, & transitoris tam activer in alios exardescere.*

Respondet Glossa. V. *ligaverunt*, quod isti Monachi exceßerunt ligando illos fures. Glossæ consentiunt alii DD. apud Boic, & Butrio. Idem Boic refert opinionem Alen. Goff. Vincen. & Hoslien. qui dicunt Monachos, cum iter perfectionis arripuerint, non potuisse defendere res. Utraque solutio sufficit. Certè isti Monachi exceßerunt; nam, si potuerunt ligare fures, poterant etiam illos expellere è Monasterio; & sic res poterant esse salvæ, absque occisione furum; ergo illa detentio fuit excessiva.

33. Denique obijciunt rationes, nam causa, quæ sufficiens est ad occidendum proximum, sufficiens est etiam ad illum licite non conservandum; Sed conservatio bonorum pretiosorum non est causa sufficiens ad deobligandum à conservatione proximi; hinc, si quis voluntariè venenum sumpsisset, teneretur emere medicamentum pretiosum, ut à veneno illum liberemus. Ergo &c. Tum quia pluris æstimanda est vita proximi, quam res nostræ.

Respondetur ad primum cum Cajetano, & aliis, minorem valere, quando proximus est in necessitate, non verò quando est in *prava voluntate*; nec enim teneor dare rem meam, quia illam vult proximus, sed quia indiget illa; & dicere oppositum est dare fomentum ad furandum impunè; cum enim loquamur nos in casu, in quo fur nequeat per Judicem coerceri; sequitur evidenter, quod fur in hoc casu, impunè furabitur; unde in Villis, in quibus Domus dispersæ reperiuntur, passim fierent furta. Ad secundum nimis probat, probatenim, quod non possemus occidere inuasorem pro defensione rerum, quæ sunt necessaræ pro conservatione nostri status, quia Vita proximi est magis æstimanda, quam status noster. Igitur eadem responsione fit satis; unde dicimus, quod in necessitate pluris est æsti-

æſtimanda vita proximi, quàm res noſtra, non verò quando proximus eſt in prava voluntate. Duobus verbis: Vita proximi eſt pluris facienda, non voluntas prava. Ceſſet proximus ab iniquitate, & tunc ejus vita ſalva erit.

34. Inſtabis cum Montalcio. Occidentis furem diurnum plectuntur à Lege Molayca; ergo non ſunt abſolvendi ab Evangelio.

Reſpondetur ex diſtis, antecedens intelligendum eſſe, ſi fur noſci poterat, & capi; non verò, ſi fur erat ignotus, & capi nequiverat, quia illa diviſio temporis nocturni, & diurni magis frequentiam, quàm juris miniſterium ſignificat ex Boic. Fagnanus ubi ſupra num. 9. dicit, quòd ad moderamen inculpatæ tutelæ requiſitum ad juſtam deſenſionem præcipue ſpectandus eſt modus, ut ſcilicet ſi armis inferatur violentia, armis repellatur, ſi ſine armis ſimili modo repelli debet, ut l. 1. §. vim vi. & l. 3. ff. de vi, & vi arm. Unde pugnum, vel alapam non liceret gladio propullare, niſi in caſu de quo per gloſſ. &c.

35. Eadem ſcribit Beatus Raymundus, ſed ipſe ſubdit Doctrinam benignam valde, & neceſſariam: Ait ergo: Circa hoc conſidero qualitatē perſonarum, ut interdum parvus, & debilis poſſint ſe defendere armis contra magnum, & fortem pugno elevato venientem. Arg. 3. quæſt. 7. §. arcetur, verſi. Si verò in uno adjutorio. Ita Beatus Vir, in quo concordant alii Antiqui, quos non juvat referre. Ratio eſt, quia ut dicit Bart. in l. ut vim. ff. de juſt. num. 8. cum Bald. num. 32. veritas eſt iſta, quòd poteſt eſſe pugillus tuus pejor, quàm pugio, & pejor ducere, quàm alius cum eſſe. Subdit Bartolus: Et ideo dico, quòd veritas eſt iſta, quia tunc dicitur moderata deſenſio, quando eliter non poteſt evadi, quia tu recipias offenſionem. Eodem modo explicat moderatam deſenſionem Aſten. ubi ſupra cum Gloſſa, & Richar. in 3. diſt. 37. art. 2. quæſt. 3. Vide etiam Angelum, & Baptiſtam de Salis. ubi ſupra. Vide pariter Gloſſ. Inſtitut. de j. natur. §.

ius autem gentium. V. bella in addit.

36. Ex hucusque diſtis patet, noſtræ opinionem fundari in plurimis Antiquis; ex alia parte, cum Pontifex Romanus quæſtionem non deciderit, nec Adverſarii invenerint rationem evidentem, ſequitur clarè, hanc opinionem damnari abſque ratione, cum etiam communior opinio Modernorum ſit pro iſta. Vide Cardenas in Criſi Theol. diſp. 57. cap. 3. art. 5.

## CAPUT XLVI.

*An turpe lucrum in conſcientia retineri poſſit, unde ex hoc inferatur Probabilitas.*

1. **N**on poſſumus ſatis explicare; quantum exagitent Probabilioris opinionem illum Modernorum, quòd licet retinetur pretium ob turpem actionem habitum, (excipiunt Simoniacum) etiam ob injuſtam ſententiam, ob aſſaſſinatum, ob adulterium, ob ſodomiam, &c. Legatur Montalcus litt. 8. in qua riſibus, maledictionibus, & probris pleniffimo calamo illam excipit. Quia verò Leſſius dixerat, Judicem debere reſtituere pretium ſententiæ juſtæ, non verò injuſtæ, quaſi hæc diſta eſſent contra principia lumine naturali nota, ſubdit: Stupidum me, ac multum reddidit tanta bujus reſponſionis abſurditas. Referens poſtea Opinionem Sanchez dicentis in Summa lib. 2. cap. 38. Magum poſſe retinere pretium, ſi appoſuit diligentiam; ut per artem Dæmonis ſciret, quòd promiſerat; non poſſe verò retinere, ſi nullam operam impendit, aut diabolica artiſ ignarus erat. Referens, inquam, hanc ſententiam, dicaciter ſubdit: Cordati hominis hoc reſponſum! hac enumeratione, vel maxime Magi, & Harlots adducuntur, ut arti ſua non ſegniter deſcende operam dent, quo vobis aſſibus juſtum ex ea quaſtum faciant, ſup.

populo cum fide infervientes.

2. Hic amice peto doceri; si nequit accipi licite pretium ob divinationem *Dæmonicam*; quia ex hoc sequitur, quod *Magi, & Hariosi adducuntur, ut arti sue non signiter edificande operam dent.* Quomodo accipi poterit licite pretium à meretrice, si ex hoc sequitur, quod *meretrix adducitur, ut arti sue non signiter edificande operam det?* Nunquid dare pretium Mago adducet ipsam ad edificandam illam artem, dare verò pretium meretrici non adducet ipsam ad exercendum opus illud turpissimum? Vel erit peccatum adducere ad divinationem *Dæmonicam*, non verò ad opus meretricium?

3. Dicit etiam, apud Judices non accipi pro titulo iusto acquirendi res *Assassinium, Injustitiam, & Adulterium.* Tandem ait esse horribile, nec audiendum, quod *Virgo, Conjugata, Monialis* sit capax accipiendi pretium pro usu sui corporis.

4. Fagnanus in cap. *ne ininitaris* de constit. num. 336, constituit inter opinionibus periculosas, & damnandas hanc: *Divinatorem temeri ad restituendam rem acceptam pro Divinatione, si solum consultis Astra, si Dæmonem, non item.* Item illam: *Neminem temeri, aut iura natura, aut legibus restituere acceptum pro ferenda sententia injusta, aut assassinium committendo, vel adulterio.*

5. Si solum Doctores privati has propositiones damnavissent, parvum negotii facerent; sicut Scotiæ multum non curant, dum legunt censuratas opiniones. Scoti à Thomistis. Negotium magnum jure facessit, quia Illustrissimus Clerus Gallicanus easdem damnavit. Num. 51. proferibit, ut *falsam temerariam, & juvenis fallacis, etiam Dæbolicis, idoneam, hanc propositionem: Incantatores, alique ejusmodi deceptores, Magi, Astrologi Judicarii Profectores, Hariosi, Conjectures ex pessimis quibusque artibus aspirantes lucrum, licite servare possunt bonis his mediis acquisita.* Num. 53. tanquam falsam, verbo Dei contrariam, & Judicium corruptelis inducere.

tem sugillat sequentem: *Possunt Judices accipere munera à litigantibus, nec tenentur restituere, quæ acceperint ad pronuntiandam sententiam injustam.* In margine hujus propositionis notatur, eandem pius fuisse condemnatam à Vicario Generali Parisiensi, & Senonensi. Si in Gallia permittitur, quod, nedum singuli Episcopi, sed etiam Vicarii Generales ipsorum possint censurare opiniones Doctorum, nec mos introducitur apud etiam Abbates, & Parochos; unde in Gallia procul dubio excitabitur bellum civile Theologicum, quod pejus devastabit illud Regnum, quam bellum Civile bellicum fecerit.

6. Ex damnatione harum propositionum inferunt absurditatem *Probabilitatis* tanquam principium ipsarum. Nos probando illas textibus clarissimis Antiquorum probabimus efficaciter. Probabilitatem. Dicimus ergo sic. Illæ propositiones defensæ sunt à plurimis Antiquis, & adhuc defenduntur à plurimis Modernis. Insuper Sedes Apostolica illas non damnavit, nec inventum est principium certum contra ipsas; Ergo possumus illas tueri. Consequencia est evidens juxta Doctrinam Antiquorum asserentium, ulque tunc posse variari in opinionibus in materia *Divinarum Notionum*, quando non est facta decisio Ecclesiæ, & ante percontationem scientificam.

7. Ante solutionem sciendum, difficultatem esse, loquendo in *jure nature, & jure communi*, id est, lege Canonica, & Civili Cæsareo; cum enim Doctores nequeant scire leges particulares Provinciarum, & multo minus Civitatum, hinc nequeunt difficultatem movere in hoc jure; aliter in aere bellarent. Item ut plurimum Theologi agunt de *jure nature*, de quo unice ad ipsos spectat, & de jure Canonico, non verò de jure Civili Cæsareo. Insuper difficultas est facto jam opere turpi, nam juxta Lels. lib. 2. de Justit. & jur. cap. 18. num. 17. omnis promissio ante patrationem operis pravi est invalida, quia nemo potest obligari ad peccatum.

8. In hac difficultate videtur certum, meretricem jure accipere, & retinere pretium habitum ob meretricium, quia, ut inquit lex 4. ff. de condict. ob turp. causam, *meretrix turpē agit, sed turpē non recipit.* Idem habetur expressē apud D. Thom. 2. a. quæst. 32. art. 7. & aliis locis, quos non vacat referre. Difficultas ergo restat de aliis peccatis carnalibus, & aliis in alio genere, maxime de peccatis, quæ sunt contra justitiam. v. gr. de lucro habito ex Sententia Judicis injusta, de Assassinato, & hujusmodi.

9. Sed rem jam aggredimur. Dicitur in d. l. & in antecedenti eod. quod, quando turpitudine versatur ex parte tum dantis, tum accipientis, melior sit conditio possidentis. Hæc Doctrina exemplificatur in stupro, & in Judice accipiente pecuniam, ut malè judicet. Ex hoc subdit lex, quod dans nequit repetere turpe datum. Illa lex Canonizatur in cap. in pari de reg. jur. in 6. his verbis: *In pari delicto potior est conditio possidentis.* Glossa in V. in pari scribit: pone calum in delicto per can. 14. quæst. 3. non sanè in eo scilicet, qui repetit pecuniam, quam dedit pro iniquo judicio &c. Item per ff. de condict. ob turp. cau. l. ubi autem, & seq. ubi habes, quod non repetitur, quod propter stuprum, vel, ut malè judicetur, datum est.

10. Dices, hanc Doctrinam nihil nobis prodesse, sed obesse, nam Glossa Canonica dicit, quod illa pecunia non debet remanere apud Judicem, sed Fiscus debet illam habere, ita etiam tenet Glossa Civilis in d. l. ubi autem: *Sed apud accipientem non remanet, sed datur Fisco, vel alteri parti, ut supra de calumn. in bared. princ.*

Sed contra primò; quia ad summum probatur ex lege humana, in his delictis non posse retineri turpa acceptum, non verò ex lege naturali. Natura enim non docet, ut est evidens, quod pecunia accepta ab iniquo Judice sit lauda, vel Fisco, vel alteri parti. Si enim Dns amittit pecuniam ob illam turpem actionem, & Accipiens illam non acquirit,

potius debemus dicere, existimandam esse pro derelicta; & sic erit primi occupantis. Ergo, si debetur Fisco, vel alteri Parti, erit ex lege humana, non naturali.

11. Contra secundò, nam in d. l. in baredem. ff. de calumn. dicitur: nam est constitutum, *turpia lucra baredibus quoque extorqueri, licet crimina extinguantur.* Notandum est illud verbum, *extorqueri*, significat enim, quod *re accipiatur pecunia.* Si pecunia *re accipitur.* Ergo est pœna, quæ non debetur ante Judicis Sententiam. Ergo quis potest retinere licitè illà pecunià usque, dum lata est Sententia; sicut pœna pecuniaria statuta à lege, & à Canone contra defraudantes gabellas non debetur in conscientia ante latam Sententiam juxta communem opinionem Doctorum ex Baptista de Salis. V. pœna, §. 2.

12. Ex alia lege probatur intentum; nam l. nihil tam naturale. ff. de reg. jur. expressè dicitur: *Nihil tam naturale, ut acquisitio fiat secundum voluntatem Domini tradentis.* Idem dicitur Instic. de rerum divis. §. per traditionem. Igitur naturalissimè acquiritur res alterius secundum voluntatem Domini tradentis. Ergo, si Dominus pecuniam vult, quod fiat *Uxorata, Judicis*, &c. si fecerint illas actiones turpes, debemus dicere, quod illæ personæ acquirant illam pecuniam secundum voluntatem Domini tradentis.

13. Dices, illas turpes actiones esse peccatum; sic esse nihil, atque adeo invendibiles. Sed prorsus vana est hæc oblectio, quia meretricium est etiam ipsum peccatum mortale; & sic est nihil; adhuc tamen, est vendibile. Ex hoc retorqueo argumentum. Ratio voluptatis, quæ est in meretricio, est ratio, quæ emens illud emit, & vendens vendit; Sed eadem voluptas reperitur in Adulterio, in stupro, in Sacrilegio, in Incastu, in Sodomia; Ergo etiam istæ actiones sunt vendibiles. Ex hoc sequitur, quod, si daretur peccatum quoad solam rationem formalem absq; enti-

entitate Physica, non esset tunc vendibile, quia tamen ego possem donare res ex mera mea libertate absque ullo motivo se tenente ex parte donatarii; Ergo etiam in casu illo ficto de peccato sine entitate Physica possem dare meas res illi, & in ipsum transferre Dominium, si poneret *Nihilum peccati*; unde recipiens videret licite illas res ex solo titulo Donationis cum præsuppositione *Nihil peccati*.

14. Nunc asseramus Doctores. Albertus in 4. dist. 15. art. 24. vers. *solutio* scribit, quod si in illicite acquisito transferretur Dominium, nec competit repetitio ei, à quo accipit, potest de ipso fieri elemosina. Cum ergo in stupro, & in pecunia recepta ab iniquo Iudice transferretur Dominium ut patet, & insuper ex d. l. *abi autem* non competat repetitio, illi à quo accepta est, unde in d. cap. *in pari* potior est conditio possidentis; Ergo de lucro stupri, & sententiae iniustae potest fieri elemosina. Porro elemosina fit de suo, non de alieno; si autem est suum, jure naturae retineri potest.

15. Divus Thomas 2. 2. quaest. 87. art. 2. ad 2. expressè concedit, quod acquisita ex *bisrionatu*, & aliis *buiusmodi* non tenemur restituere; unde de talibus tenemur dare decimas secundum modum aliarum personalium Decimarum. In 4. dist. 15. quaest. 2. art. 4. quaest. 2. scribit: Si autem lex prohibuit actum, ex quo quis lucratur, sed non lucrum supposito actu, tunc, quamvis acquirendo tali actu contra legem fecerit, tamen tenendo non facit contra legem, sicut cum quis de lenocinio, vel meretricio lucratur; & ideo hac retineri possunt, & de eis elemosina fieri potest.

16. Videamus, quid sit lenocinium ex Asten. lib. 2. tit. 47. de adul. & lenoc. art. 3. Leno, inquit, est, qui adulterum, vel adulteram subijcit, vel pro comperto stupro pecuniam accipit, vel quassum ex adulterio uxoris facit. Angelus. V. leno ait, illum dici lenonem, qui recipit pecuniam pro adulterio, ff. de adul. l. 2. §. lenocinii; com-

mittere etiam lenocinium illi, qui quassumaria mancipia habet. Et quidem, quod lenocinium committat Vir, qui uxorem adulterare facit, expressè habetur ex l. cum mulier. ff. soluto matrimonio &c. ait enim, cum mulier viri lenocinio adulterata fuerit, nihil ex dote retinetur. Idem dicitur in l. ex lege §. lenocinii. ff. ad l. Jul. de adult. Hac lex est illa, quae allegatur ab Angelo. Vide Sylv. V. leno.

17. Si ergo per Doctorem Angelicum possunt jure retineri acquisita per lenocinium; sequitur acquisita per stuprum, per adulterium, per subjectionem mancipiorum ad fornicationem licite retineri posse; & sic stuprum, adulterium, &c. esse titulos legitimos juxta D. Thomam acquirendi Dominium rerum. Si Montaltius dubitat, an adulterium sit titulus legitimus apud Judices, certificetur, esse titulum legitimum per Angelicum, & hoc ipsi sufficiat pro quiete conscientiae. Officium indignissimum lenocinii est adeo mihi peccatum inexcusabile, ut nihil magis inveniri possit; Isti enim Lenones veluti vendunt offensam Dei, ut offensam Dei, & nulla passione adducti hoc faciunt. Certè sunt damnosissimi Animabus, & familiis. Hinc infero, quod, si non possumus negare, hos Lenones ex ipsorum officio posse licite retinere acquisita, non possemus hoc negare de quibuscumque aliis malefactoribus, quantum est ex jure naturae.

18. Irrefragabilis Alensis per 3. quaest. 40. memb. 6. art. 3. §. 2. tenet, Judicem debere pecuniam acceptam pro sententia iniusta restituere, non quidem danti, quia turpiter dedit, sed parti laesae, sicut parti laesae debet rescindere damnum acceptum ob sententiam iniustam. Ex hoc textu ego arguo, Alensem tenuisse, quod ex jure naturae Juxdex non teneatur, restituere pecuniam hujusmodi. Pecunia illa fuerat dantis, & ipse transtulit jus illius in recipientem, quis ergo transfert jus illius rei in partem laesam? Juxdex, & Dans damnificant illam partem auferendo. v. gr. agros, qui sub lite erant. Ex hoc sequitur, quod illi agri sint reddendi illi parti,



11. De hoc nulli est dubium, & omnes tenent. Quod verò sit dandum pretium datum Judici in damnum illius, ex vi damni illati certè hoc non sequitur, quia solum debet restitui, quantum fuit damnum ex D. Thom. 2. 2. quæst. 62. art. 3. & solum per Judicem potest quis compelli ad plus reddendum, ut dicit art. 2. D. Angelicus. Hoc est adeo verum, ut D. Thomas d. art. 3. asserat, quod, qui damnificat aliquem in eo, quod erat in via ad acquirendum, v. gr. qui effodit Semina proximi, debet resarcire hoc damnum, non quantum importarent fructus, quos sperare potest Dominus; sed solum juxta conditionem negotii, hoc est juxta prudentem existimationem. Ergo in nostro casu restitutis illis agris ad equalitatem læsus satisfactus est. Ergo ad nihil amplius tenetur. Ergo pretium iniquum non est de necessitate juris naturæ dandum parti læsæ. Si ergo est ipsi dandum, vel pauperibus, hoc provenit ex mero jure humano.

19. In par. 4. quæst. 24. memb. 3. art. 3. §. 6. tenet primò, quod quamvis jura prohibeant ludum alearium, & lucrum ex tali ludo provenientem jubeant restitui, & competentibus actionibus sic amissa repeti; tamen nobis videtur, inquit Doctor, magis esse quasi civilis satisfactio pro peccato, quam obligatio ad restitutionem. Igitur per Alensem Aleatores de stricto jure non tenentur ad restitutionem; pactum enim intervenit inter partes, quod utrique parti placeat, & obligatio conditi. Unde secundum pactum illud, & obligationem conditi, nec ille, qui amisit, de jure potest repetere; nec ille, qui lucratus est, tenetur restituere. Subdit Doctor, quod sicut in foro poenitentiali injungitur sæpe satisfactio pecuniaria, non solum eis, qui lucrantur, sed etiam, qui amiserunt, ut reprimatur inhonesta occupatio; sic ad cobitionem mali subsequenter data est ista lex de aleatoribus. Ecce per Authorem lex facta contra Aleatorum lucra se habet, sicut satisfactio pecuniaria, quæ Confessor sæpe injungit in poenitentiam

peccatorum. Sicut ergo præcisa impositione Confessarii poenitens non tenetur ad illam satisfactionem pecuniariam; ita Aleator præcisa illa lege Civili. Præterea sicut illa satisfactio pecuniaria injuncta à Confessore est poena, ita poena erit illa injuncta à Lege. Quia verò nemo sponte debet subire poenam; nisi iudex actu exigat illud lucrum, Aleator non tenebitur illud dare.

20. Infero, quod, si in aliis delictis Lex humana jubeat, ut acquisita restituantur, & competentibus actionibus sic amissa repotantur, hæc lex debet intelligi, ut facit Alensis de illa lege Aleatorum.

21. Prosequitur Doctor, & tenet, quod acquisita in torneamentis non est necesse restituere, eo quod illorum transferunt Dominium ratione legis institutæ inter torneatores. Nec valet hoc argumentum: hæc sunt acquisita contra prohibitionem Ecclesiæ; Ergo restituenda, quia etsi sunt acquisita contra prohibitionem Ecclesiæ, nihilominus illorum transfertur Dominium; si autem non esse transferunt Dominium, necesse esset, illa restituere &c. Quæ dicit Doctor de acquisitis in torneamentis contra prohibitionem Ecclesiæ, ego dico de quibuslibet aliis acquisitis in aliis actionibus turpibus, quia verificatur evidenter in aliis eadem ratio, scilicet quia illorum transfertur Dominium ratione legis institutæ inter partes.

22. Claudic illam questionem Irrefragabilis, & definit acquisita per meretricium, & per histronatum non esse restituenda, quia in hujusmodi actionibus transfertur Dominium rerum, & hæc est disparitas de lucro usuræ, quia in usura non transfertur Dominium acquisitum. In quæst. 33. memb. 2. art. 3. tenet, acquisitum per meretricium posse dari in elemosinam, & justè in meretricio acquiri pecuniam. Assignans justitiam hujus acquisitionis scribit: Justitia acquisitionis est ex hoc, quod corpus unius personæ in ipso opere exponitur voluntati, & beneplacito alterius; corpus, inquam, illius, cujus est proprium, & a quo

à quo liberè possessum, scilicet *quantum ad potestatem mancipandi se tali operi* . . . & intra : In actu coitis fornicarii, quia corpus, quod est libera potestatis, alicujus servitio, & voluntati alterius exponitur, ut accidit in expositione equi, vel domus alicujus servitio alterius, quod accipitur pro hujusmodi opere, vel actu, transfertur in Dominium accipientis, & *justè possidetur*; unde, quod per meretricium acquiritur, licet inhonestius acquiratur, quàm quod acquiritur usura, *justè possidetur*, & ex hujusmodi acquisito potest fieri elemosina, non ex acquisito per usuram, quia hujusmodi acquisitum non transfertur in Dominium acquirentis.

23. Observa rationem formalem, quæ movetur Doctor, ut asserat, meretricem justè possidere pecuniam acquisitam per meretricium. Hæc ratio est, quia in meretricio *transfertur Dominium pecunie*, & supra dixerat etiam, *nec competet repetitio illi, à quo datur pecunia pro hujusmodi flagitio*. Sed quare in meretricio transfertur Dominium? Audi. Quia Corpus unius personæ in ipso opere exponitur voluntati, & beneplacito alterius. Corpus, inquam, illius, cujus est proprium. Ex hoc inferitur in malefactis non esse considerandam offensam Dei, & rationem peccati quoad obligandum ad restitutionem, ut faciunt nostri Probabilioristæ scrupulosi, qui exclamant, vociferantur, & in furias aguntur, dum audiunt in Divinatione, *Benigna sententia* &c. dari iustum titulum acquirendi. Sed velis, nolint, debent acquiescere huic veritati. Igitur debent considerare cum Alensi, an transferatur Dominium, & competat repetitio. Nos dicimus in illis sceleribus transferri Dominium, nec competere repetitionem, quia in pari delicto potior est conditio possidentis. Ergo &c. Quia verò Vidua honeste famæ, etiamsi habeat rem cum Fratre habet corpus proprium, & in ipso opere exponitur voluntati, & beneplacito Fratris, ut est evidens; Ergo juxta Alensem Soror vidua potest justè acquirere pecuniam

habendo incestum cum Fratre. Idem dico in Sodomia. Nec in his delictis potest recurri ad repetitionem ab eo, qui dedit, quia in pari delicto potior est conditio possidentis. Ex textu aliato puto concedi licitum lucrum habitum ob actum quemcumque luxuriosum, excepto adulterio, quia, excepta uxore, quilibet habet corpus, quod est proprium, & exponitur voluntati, & beneplacito alterius. In art. 4 iterum teret, ex acquisito per *infortunium* potest fieri elemosinam. Ergo res sic acquisita est ipsius Histrionis; & sic potest illam retinere. Hic repetit argumentum factum contra Adversarios nam. 2.

24. Glossa Raymundi est clarissimè pro me. Lib. 3. de torneam V. *subsecutus* dicit, in foro pœnitentia inducendum esse pœnitentem ad erogandam in pauperes pecuniam acquisitam in torneamentis; si tamen nollit hujusmodi pœnitentiam suscipere, non per hoc est incapax absolutionis, nec est in peccato mortali. In tit. de raptor. §. 9. *V tenentur restituere* scribit: quædam sunt, (loquitur de rebus prohibitis, quia mala) quæ puniuntur à jure per Corporalem poenam, vel per extorcionem turpium lucrorum; & taliter acquisita retineri non debent ad usum acquirentis . . . Sed debent in usos pios erogari . . . & hujusmodi restitutio in foro pœnitentia indicenda est pro parte satisfactionis; & ideo ibi late patet officium pœnitentiaris; & ibi fortè potest dispensare, sicut in limitando tempore pœnitentia, & mensura jejuniorum. Ego subdo. Certè Confessarius rem alienam alteri dare nequit. Ergo, si potest pœnitenti dispensare quoad mensuram restitutionis, est signum, quòd illa res turpius acquisita sint ipsius pœnitentis. Præterea si illa restitutio est indicenda pro parte satisfactionis Sacramentalis; Ergo Confessarius potest illam non dare, & aliam substituere, quia per Doctorem lib. 3. de pœnit. §. 146. V. *Consuetudo* revera hodie pœnitentie sunt arbitrarie 26. quæst. 7. *tempora pœnitentia*.

25. Subdit Author: quæ sunt malæ, quia

quia prohibita, sicut torneamenta, negotiatione Clericis, facere secta de floribus &c. ex his acquisita retineri possunt. Licet autem hæc distinctio videatur probabilis; (Nota, quod etiam æqualis probabilitas placeat Antiquis) quia tamen pœna restringenda sunt, & qui nimis emungit, elicit sanguinem; & verius credo, quod licet in prædictis casibus bonum sit, & salubre, quod pœnitens inducatur in foro pœnitentia ad erogandum in pios usus taliter acquisita, non est tamen compellendus, nisi velit; nec iudicandus est, non esse in statu salvandorum, si non velit huiusmodi pœnitentiam recipere, nisi in casibus à iure expressis, ut in Simonia, de qua expressum est, quod pecunia Simoniaci est restituenda Ecclesiæ, in cuius ignominiam est recepta; licet hoc possit intelligi, quando recepta est de bonis ejusdem Ecclesiæ; vel quando agitur de hoc in foro causarum. Similiter, cum quis aliquid acceperit, ut faciat damnum, vel injuriam, vel calumniam alii; quia tunc non ille, qui dedit, repetit, sed ille, contra quem datum est, ut il. de calumn. & generaliter. §. illud, quod tamen intelligitur, quando agitur in forma iudicii, quam severitatem non oportet observari in foro pœnitentia.

26 Nota diligenter, opinionem rigidam asserentem non posse retineri pecuniam acquiritam ex malefactis, in quibus per extorsionem iudices illam tollunt ab accipientibus, vocari à Doctore legem pœnalem, & eide adeo rigidam, ut nimis emungat, & sanguinem eliciat. Nota insuper, quod pretium simoniacè acceptum solum sit restituendum, quando agitur in foro fori, vel si in foro pœnitentia, quando pretium est de bonis ejusdem Ecclesiæ. Hanc tamen Doctrinam ego non recipio. Nota tertio, Damnicatorem, Injuriatorem, Calumniatorem in foro quidè externò debere restituere pretiū acquisitū per Damnicationem, Injuriam, & Calumniam; tamen in foro pœnitentiæ non est necesse sequi huiusmodi severitatem. Hæc Doctrina ex diametro opponitur Ad-

versariis, qui in foro fori dicunt, benignitatem esse sequendam cæteris paribus, secus in foro pœnitentia, quando agitur de periculo Animæ. Tu sequere Antiquissimum Vilelmum Rodonensem Glossatorem Raymundi.

27. In eodem §. V. videbatur scribit: Quid de muliere, quæ recepit pecuniam pro opere carnali? Respondetur, si recipi ab aliquo de rebus propriis, non Ecclesiasticis, non teneatur restituere, etiam si sit monialis, cui datum est; Sed acquirit monasterio, quod accepit; honestius tamen est, quod monasterium non retineat, sed erogat in pios usus. Si monialis, quæ est virgo, & tradidit corpus suum Deo, potest acquirere pecuniam ex sua prostitutione, non quidem sibi, quia ratione voti paupertatis est incapax Domini, sed monasterio. Ergo Virgo secularis, quæ est capax Domini, nec tradidit corpus suum alteri, poterit ex stupro acquirere sibi pecuniam; idem dico ex incestu, ex Sodomia &c. Quia verò Uxorata dedit corpus suum marito, acquirit quidem Dominum rerum ex adulterio, non quidem sibi, sed marito. Infra, quoad dixit Doct. de Moniali, alterit de Viro Claustrali. Teneat ergo, quod, si Religiosus ex peccato carnis recipit pecuniam à muliere, quæ habet Dominium illius, licet bonastum sit, illud expendere in pias causas, non tamen credo, quod teneatur, nisi velit. Poterit namque restituere ei, qui dedit, quod melius videtur, si pœnitet, velegat. Si Vir Religiosus potest ex opere carnali acquirere pecuniam, nec teneatur illam in pias causas expendere; à fortiori quilibet alius Vir tale tempore lucrum acquirere potest, & retinere.

28. In eodem tit. §. 13. V. teneantur doce: si quis furtim asportaverit pecuniam, vel inciderit t alienam, vel commiserit furtum, vel sacrilegium, & similia, super quibus statuta est pœna corporalis, vel pecuniaria per legem, vel canonem, non est injungendum pœnitentiam in foro pœnitentia, quod solvat huiusmodi pœnas, nisi tunc demum fuerit

fuerit condemnatus ad illas; sed sufficit, quod solvat interesse, vel satisfaciatur ad arbitrium boni viri, si injuriam intulit; hoc etiam dici potest foris de pecunia habita per Simoniam, de qua solet dici quod est restituenda illi Ecclesiae, in cuius ignominiam data est, vel recepta per illum Capitulum de Simon. De hoc autem; illud enim capitulum intelligi potest, quando de bonis Ecclesiae erat data pecunia, vel quando agebatur in forma iudicii contra recipientem; & idem potest intelligi de omnibus similibus casibus, in quibus iura dicunt, esse extorquendam pecuniam turpiter acceptam, cuius tamen repetitio non competit ei, qui turpiter dedit. . . . Contra id, quod dictum est de Simonia acquisita est argumentum contra de Simon. mandato, argumento sumpto à contrario sensu; quia videtur ibi innui, quod pecuniam per pactum Simoniacum acquisitam resignare teneretur, qui eam accepit, licet iocus sit, si absque pacto fuerit recepta; & ideo tutius est dicere, quod pecunia ex pacto Simoniaci acquisita retineri non potest, etiam secundum iudicium fori penitentialis.

29. Nota, pecuniam simoniace receptam absque pacto posse retineri, etiam secundum iudicia fori penitentialis. Nota insuper, tutius esse, quod pecunia ex pacto Simoniaci recepta nequeat retineri. Hoc tamen non obstante dici potest forte oppositum; & illud capitulum intelligi potest, quando de bonis Ecclesiae erat data pecunia, vel quando agebatur in forma iudicii: Hae juxta Glossatorem. Sed vide num. 26.

30. Sed maxime nota illa verba: Idem potest intelligi de omnibus similibus casibus, in quibus iura dicunt esse extorquendam pecuniam turpiter acceptam, cuius tamen repetitio non competit ei, qui turpiter dedit. Ex his colligitur, ex quoque cum scelere, & flagitio in foro penitentiali posse acquiri pretium, nisi tamen competat repetitio ei, qui illud dedit; Quia verò iuxta leges, & Canones in pari delicto potior sit conditio possidentis; sequitur, quod v. gr. pecunia

recepta à Sicario, à Iudice &c. retineatur iuste ab istis, cum danti non competat repetitio. Ipse Doctor lib. 1. de Simon. §. 9. V. turpiter dedit tenet expressè, turpiter danti non competere repetitionem rei.

31. In tit. de praescript. §. 36. quid si accepit Iudex. V. restituenda dixerat D. Raymundus, quod, si quis dat pecuniam Iudici, ut ipsius animum sibi sub specie recti inclinaret, & ita indirectè, ac tacitè intendebat ipsum corrumpere, illa pecunia restituenda est pauperibus, & illi in cuius injuria data fuit iuxta arbitrium Ecclesiae. Hunc textum ita glossat Doctor noster: restituenda est pecunia, si de hoc conflet in foro causarum; si autem in foro penitentiali, foris magis est consilium, quam necessitas.

32. In tit. de usuris. §. 4. V. in faciendo quaerit, cur in mentali Simonia non est restitutio facienda, bene verò in mentali usura. Respondet: In Simonia est turpitudinis utriusque partis dantis, & accipientis; sed in usura non est turpitudinis dantis; & ideo iure Divino, & naturali aequitate facienda est restitutio: nec posset in hoc Papa etiam dispensare; Sed ex solo iure humani pecunia Simoniaci accepta restituenda est, non illi, qui turpiter dedit, sed Ecclesiae; unde nec Eliseus praecepit Jezi restituere alicui pecuniam, quam accepit à Naaman; Et Papa, qui, quod vult, potest statuere, in hoc casu posset etiam dispensare, quod non solum in mentali Simonia, sed etiam in illa, quae pacto esset expressa, retineri posset, quod esset Simoniaci acquisitum. Ex hoc textu evidenter concluditur, ex quolibet scelere, flagitio, facinore, quantumvis atroci, posselicitè retineri pretium acquisitum, spectato solo iure naturali; unde, si Adversarii dicunt, in aliquo crimine retineri non posse pecuniam acquisitam, debent asserere textum clarum, & expressum, in quo precipiatur restitutio; aliter ipsis dicemus illud rotundum: *crubescant sine lege loqui.*

33. In tit. de negotiis saecularibus &c.

§. 7. V. *competat repetitio* tenet, quod in iis turpibus actionibus, in quibus Dominium transfertur, v. gr. in receptione pecuniae ob movendam calumniam, possunt talia turpiter acquisita dari pauperibus; talia enim, quae extorquentur à turpiter accipientibus per fiscum, vel per alias personas privatas in poenam taliter accipientium, non debentur illis, nec illi qui acceperunt, tenentur solvere, nisi cum agitur contra eos in forma iudicii. . . . Illi facienda eis restitutio in foro poenitentiali, quando expressum est, quod in foro poenitentiali facienda est restitutio certae personae, vel Ecclesiae, ut cautum est de pecunia Simoniacè accepta, quod restituenda est Ecclesiae de Simon c. de hoc autem: licet illa Decretalis intelligi possit de pecunia, quae erat de bonis Ecclesiae, & Simoniacè fuit recepta.

34. Lib. 3. de poenit. §. 47. V. *nisi restituat*: scribit in iis turpibus actionibus, in quibus transfertur Dominium, & non competit repetitio & tamen mortaliter peccat, qui accipit; credo, quod, quamvis congruum sit, & honestum, quod puniatur quis, in quo deliquit, & quod hu usmodi turpiter acquisitum non remaneat apud acquirentem, sed pauperibus erogetur, potest tamen circa receptionem taliter acquisita poenitentiaris dispensare cum poenitente, si videat expedire. Certè iure naturæ hæc turpia lucra non debentur aliis; quia sic poenitentiaris non possit dispensare. Ergo illa sunt ipsius poenitentis, cui pro satisfactione Sacramentali congruum, & honestum est, quod poenitens puniatur, in quo deliquit. Quia verò hodie poenitentiae sunt arbitrarie; ideo Poenitentiaris potest dispensare poenitentem à tali poenitentia, & aliam imponere, ut dicebam num. 24.

35. Joannes de Friburgo lib. 2. tit. 8. de illucis acquisitis. quæst. 22. expressè, & verbatim refert, & approbat Doctrinam Gloſſæ Raymundi, quam supra retuli num. 33. ex lib. 2. de negotiis secularibus. §. 7. V. *competat repetitio*. In eodem libro. tit. 3. de rapina Clerici, &c.

quæst. 19. refert pariter, & approbat Doctrinam ejusdem Gloſſæ Raymundi, quam retuli num. 24. ex lib. 2. de raptoribus §. 9. V. *tenentur*. Circa pretium receptum ex Simonia ipse quoque ponit limitationem ejusdem Gloſſæ, quam ex §. 13. V. *tenerentur* retuli num. 28. In quæst. 20. tenet eandem Doctrinam illius Gloſſæ, quam habet de Moniali, & Viro Claustrali tit. de rapt. §. 9. V. *videtur*, & quam retuli num. 27. In quæst. 140. . . . de Judicibus, & Aſſessoribus videtur approbare ex Ulrico doctrinam ejusdem Gloſſæ, quam retuli num. 31. ex tit. de præscript. §. 36. V. *restituenda*. Lib. 3. tit. 34 quæst. 126 fin. approbat pariter Doctrinam ejusdem Gloſſæ ex lib. 3. tit. de poenit. §. 47. V. *nisi restituat*, quam retuli num. anteced.

36. Richardus in 4. dist. 15. art. 5. quæst. 8. ad 1. dicit, lucrum ex meretricio, & torneamenti licitè retineri, quia, quanvis meretricium, & torneamentum sint prohibita; tamen nullo jure Canonico præceptum est debere restitui, quæ lucrantur per illa; Sed jure Civili præceptum est, restituere illud, quod lucratur homo per ludum alearum, & taxillorum Meretricium est prohibitum jure naturali, sicut sodomia, incestus, stuprum, sacrilegium &c. & tamen jure naturali per Richardum Meretrix non tenetur restituere turpe lucrum; ergo nec sodomita, incestuosus, &c. Eandem Doctrinam habet Quodl. 2. quæst. 29.

37. Aſſensis lib. 1. tit. 28. de torneamenti fin. concedit, si poenitens nequeat expendere in usus pios pecuniam acquisitam per torneamentum, quod possit illam retinere cum Rodon. cujus textum retuli num. 25. Lib. 5. tit. 26. de elem. art. 4. quæst. 2. scribit: tertio est aliquid illicitè acquisitum, non quidem quia ipsa acquisitio sit illicita, sed quia id, ex quo acquiritur, est illicitum, sicut patet de eo, quod acquiritur per meretricium, vel Lenocinium; In eo enim, quod mulier meretricium exercet, turpiter agit, & contra legem

Dei; sed in eo, quod accipit, non agit contra legem; unde, *quod sic illicitè acquisitum est, retineri potest.* Hic habes lucrum ex detestando, etiam ab ini- quis, exercitio *Lenocini*, posse licitè retineri. Unde *quod sic illicitè acquisitum est, retineri potest.* In tit. 31. *de mensura satulac.* quæst. 2. in quaestiu. approbat doctrinam Glossæ Raymundi, quam retuli num. 34. in qua dicit, quod in turpibus actibus, in quibus transfertur *dominium*, & non competit repetitio, licet mortaliter peccet accipiens, congruum sit, & honestum, quod illud non remaneat apud accipientem, sed puerperibus detur; potest tamen circa rei receptionem taliter acquirere, *Pœnitentiarius* dispensare cum penitente, si viderit expedire.

38. Sed legamus Beatum Antoninum, qui, sicut in pluribus est benignus, in hac etiam materia lalis fuit. Par. 2. tit. 1. cap. 23. §. 10 tenet, *acquisitum ex meretricio* posse licitè retineri, & idem dicendum de *acquisito per Concubina- tum*, & *Sodomiam*, & *adulterium* eadem ratione; tamen, quia summè omnia iura detestantur *sodomiam*; ideo magis inducendum ad dandum illud pauperibus. Quidam tamen dicunt, quod *acquisitum per Adulterium* est dandum ei, in cujus injuriam est factum, scilicet viro, cum ipse est innocens. . . vel nisi etiam *contra uxoris fidem pregerit*; tunc enim est pauperibus erogandum; sed videtur idem dicendum, quod de aliis turpibus lucris, scilicet meretricio, & huiusmodi.

39. In §. 14. dicit, qui dant histrio- nibus turpia exercentibus, committere *magnum peccatum, quia seveantur in scelere suo*, & pertinet hoc ad turpe lu- crum; unde, & pauperibus erogan- dum, de *Consilio* tamen, sicut etiam *acquisitum per artem Mathematicam*, idest *Divinatoriam*, ut. 14. quæst. 5. cap. *quibabets.* Ecce expressè conceditur li- cita retentio lucri ex *Divinatione* & *histrionatu* acquisiti, & licet per illud lucrum *hifoveantur* in scelere suo, non per hoc sequitur, ut volunt *Adversa-*

*rii*, illicitè retineri tale lucrum juxta Beatum Virum.

40. In tit. 2. c. 1. agit de restitutioni- bus, per longum referens omnes, qui ad restitutionem tenentur; refert au- tem illos sub figura *Manuum*, & di- cit, *Dæmonem* habere viginti manus, quibus utitur ad rapiendam rem alienam. In §. 19. tractat de manu turpiter *lucratioria*, & dicit, hanc manum ha- bere quinque digitos, quorum primus est lucrum ex opere carnali, ut *mercurio*, *Lenocinio*, concubinato, *Adulterio*, & huiusmodi. Secundus est ex arte, vel actu prohibito lucrari, ut ex arte *mutuandi*, vel faciendo *taxillos*, *chartas*, *fucos*, *tornamenta*, vel ex *histrionatu turpi*, *serviendo usurario* in numerando pecuniam ad usuram, & scribendo huiusmodi, in faciendo *Divinationes*, *Incantationes*, & huiusmodi &c. Quintus est intentione meræ *cupiditatis* vacare negotiationi, vel intru- ducendi *Caristiam*. Hi Homines debent *acquisita pauperibus erogare, magis tamen ex bonestate, & consilio, quam necessitate* 14. quæst. 5. *quibabets*, & de his supra tit. 1. c. 23. Puto illud nomen, *Homines*, importare errorem, & esse legen- dum, *Omnes*. Sanctus Doctor in illis paragraphis solet prius explicare, quinam contineantur sub illa quaestione, & in fine decidit, qui teneantur ad resti- tutionem. Ponendo ergo vocem, *Omnes*, vult dicere, quod omnes illi Male- factores, quos enumerat in illo §. tenen- tur ad restitutionem magis ex bonestate, & consilio, quam necessitate. Hinc se- quitur, *Lenonem*, *Adulteram*, *Histrionem*, *Divinatorem*, *Incantatorem* non teneri ad restitutionem lucri ex illis tur- pibus artibus acquisiti, & solum ex *bo- nestate*, & *consilio* illud esse erogandum in pauperes. Tum quia, si etiam legen- dum esset *Homines*, adhuc sequitur in- tentum, nam significat, quod illi homi- nes, de quibus loquutus fuerat in illo pa- ragrapho, non teneantur de necessita- te ad restitutionem.

41. In c. 5. ante paragraphum primum dicit, *lucra habita ex histrionatu illicita*,

es, ex Duello, ex torneamento, ex  
sertis factis de floribus, ex decisiis factis  
ex arte *Matematica*, seu *Divinatoria*, ex  
lucro negotiationis &c. ita se habere, si-  
cut lucrum ex meretricio; & licet ali-  
qui dixerint, non posse fieri elemosi-  
nam ex huiusmodi lucro, sed hoc non  
est verum secundum Thomam, Raym.  
& Communiter alios. Postea refert,  
& approbat Doctrinam Villelmi Rod-  
nensis, quam retuli num. 25. Ibidem San-  
ctus Doctor. §. 1. expressè dicit, lucrum  
habitu ex Sententia injusta non posse  
retineri à Judice, tamen par. 3. tit. 9.  
cap. 2. post princ. vers. *Secundo nota* do-  
cet ex Guil. quod *restitutio talis pecunie*,  
(scilicet acquisitæ ex sententia injusta)  
est facienda, quando hoc consistit in foro cau-  
satum; sed in foro conscientie forte est ma-  
gis *consilium*, quam necessitas.

42. Supplementum Pisanelle. V. *elemo-  
sina* §. fin. tenet, regulariter, quan-  
do turpitudine est tam ex parte dantis,  
quam accipientis, in foro pœnitentiali  
non cogitur quis erogare, vel restituere,  
nisi ad hoc fuerit judicialiter con-  
demnatus, vel sibi à confessore fuerit  
injunctum pro satisfactione peccati, vel  
nisi à iure sit particulariter expressum,  
ut in Simonia. Ex hoc textu sequitur,  
lucrum cuiuscumque peccati carnalis, &  
etiam sententia injuste, non esse de  
necessitate erogandum Pauperibus, nec  
esse restituendum. Hoc postea expres-  
sè factus est. V. *Judex* 1. quæst. 6. his  
verbis, quod pecunia habita ex senten-  
tia injusta sit restituenda hoc verum in  
foro Judiciali, secus in pœnitentiali, in  
quo non succedit obligatio, nisi ad so-  
lum interesse, & non ad penam, nisi  
præceperit judicialis sententia, aliàs pœ-  
na non debetur in foro pœnitentiali, ut  
dicit glossa. 12. quæst. 2. *fraternitas*. Hac  
etiam sentit glossa Raym. ut patet in  
Summa Confess. eod. tit. quæst. 110. &  
ut ibi patet secundum Ul. hoc casu di-  
cendum est de hac pecunia idem, quod  
de alio turpi lucro.

43. In V. *restitutio* 1. §. *Utrum quis te-  
neatur* &c. refert, & approbat Doctri-  
nam Glossæ Raym. quam retuli num.

24. & 25. Postea subdit: Ex hac glos-  
sa, & ex dictis potest colligi, quod  
... in foro pœnitentiali, quan-  
do restitutio non est facienda certæ per-  
sonæ, de Consilio est, quod omnia il-  
licite acquisita erogentur in pios usus:  
de necessitate autem non est, nisi Judi-  
cialis condemnatio facta fuerit, vel nisi  
inquantum Confessori videatur; nam  
in foro pœnitentiali quis restituere pro-  
ximo non tenetur, nisi inquantum ip-  
sum damnificaverit, seu condemnatus  
fuerit, ut saepe præostensum est, & no-  
tat glossa. 12. quæst. 2. *fraternitas*. Ex hoc  
textu habes, ex quocumque scelere, in  
quo transfertur Dominium, licite reti-  
neri lucrum spectato jure naturæ. In  
aliquibus verò criminibus licite non reti-  
netur, quia lex humana præcipit,  
quod illud vel Fisco, vel pauperibus,  
vel personæ, in cuius injuriam datum  
est, reddatur. Vide eundem Docto-  
rem. V. *Concussio*, ubi eadem docet.

44. Abulensis in Math. par. 3. in c.  
6. à quæst. 36 per plures questiones agit  
de præsentii materia, & decidit satis be-  
nigne. Igitur in quæst. 37. tenet mere-  
tricem, & *Nigromantem* malè facere  
meretricando, & faciendo *divinationes*;  
tamen lucrum inde acquisitum *nulla le-  
gè prohibetur*; ideo de eo potest fieri *elemo-  
sina*. Observa, quaecumque mulie-  
rem fornicariam vocari meretricem,  
quæ sine lege matrimonii alicui viro co-  
pulari, sive sit conjugata, sive mona-  
lis, sive cuiusque status. Dicte ergo se-  
cundum opinionem quorundam Theo-  
logorum, & Juristarum, quod si me-  
retrix sit *mater secularis libera* potest li-  
cite retinere, & disponere ad libitum  
de lucro acquisito; *si autem sit monialis*,  
non potest de eo disponere, quia non potest  
habere proprium, sed vertetur in utilita-  
tem monasterii.

45. Subdit, quod, qui tenent contra-  
riam opinionem, dicunt; quod debent  
ista restitui, nisi Episcopus vellet dis-  
pensare cum muliere, quod ista sibi re-  
tineat, si est secularis, vel cum mona-  
sterio, quod retineat hac, si mulier est  
monialis.

re Judiciali, secus in Pœnitentia, in quo non succedit obligatio, nisi ad solum interesse, & non ad pœnam, nisi præciserit judicialis sententia, aliàs pœna non debetur in foro pœnitentiæ, ut dicit Glossa. 12. quæst. 2. *fraternitas*. In V. ludus §. 4. tenet cum Guil. quòd ubi restitutio non est facienda certę personæ, sed est fienda pauperibus, talis elemosina non est necessaria, & talis restitutio est de Consilio, *exceptis tamen quibusdam casibus, in quibus jus expresse præcipit restitutionem fieri*. Enumerat hic tres casus, in quibus iura jubent restitutionem lucri acquisiti per ludum alearum, postea subdit: In aliis casibus dicit Archiep. Floren. quòd est pauperibus illud lucrum erogandum de honestate. Licet alia opinio sit securior, & consulenda, non tamen videtur de necessitate imponenda, ut per hoc denegetur absolutio nolenti hoc facere, ex quo pro hac opinione sunt tot Sancti, & Doctores præallegati. Supra allegaverat D. Thomam, Richar. Joannem Andream, Joannem Calderinum, Monal. Asten. Zabarel. Raym. Palud. & Guilel. Et quidem Paludanus in 4. dist. 15. quæst. 3. art. 5. concl. 4. asserit, posse retineri pretium ex illis actionibus, in quibus transfertur Dominium, nec competit repetitio, ut in meretricio, *Lenocinio, & Histrionatu*.

53. Gabriel Biel in 4. dist. 15. quæst. 13. diffusè satis quatit, an lucrum habitum ex ludis prohibitis, v. gr. *alearum* possit retineri. Litt. D. asserit, in hoc adesse opiniones contrarias Doctorum. Pro negativa asserit D. Bonav. in 4. dist. 15. §. 67. (corrigere par. 2. art. 2. quæst. 1.) Hostien. & Raym. Pro hac conclusione asseritur præcipuè Constitutio græca, quæ concedit repetitionem talis lucri usque ad quinquaginta annos. Ergo juxta leges lucrans tenetur restituere lucrum. Pro opposita asserit Alen par. 4. quæst. 86. membr. 3. art. 6. (Vide num. 19.) Citat quoque Scotum pro eadem, D. Thomam, & Paludanum.

54. Litt. E. facit, Ludum alearum generalitèr esse prohibitum ex c.

*Episcopus*. 35. dist. subdit tamen omnino rationabiliter ex hoc non inferri tale lucrum esse de necessitate restituendum, aut lucrum esse prohibitum; sicut meretricium est divina lege prohibitum; & tamen secundum omnes non tenetur meretrix lucrum suæ turpitudinis restituere, vel pauperibus erogare. Dicit postea, nec jure Divino, nec Canonico prohiberi, licet glossæ, quæ jure non probantur, & Doctorum quorundam dicta ad hoc sonent; sed bis nemo obligatur. Nec obligamur ratione illius Constitutionis Græcæ; quia hac constitutio per D. Thomam videtur ex consuetudine abolita. Vel etiam potest dici cum Richar., quòd ex vi illius legis lucrantibus non renentur ad restitutionem lucri, nisi post sententiam condemnatoriam Judicis, sicut in aliis pœnis juris. Eodem modo respondet allato Canoni *Episcopus*. Hac responsio mihi maxime placet; cum nihil esse possit tam naturale, quàm ut acquisitio fiat secundum voluntatem Domini tradentis. Instit. de rerum divis. §. per traditionem. Ergo in nostro casu illud lucrum acquiritur à recipiente, cum Dominus illius voluntariè ipsi tribuat. Ergo, si Constitutio illud ipsi aufert, est pœna peccati commissi, quam proinde quis non tenetur exequi, nisi post sententiam latam à Judice. Hac Doctrina corrumpit principale fundamentum Adversariorum, qui dicunt lucrum habitum ex delicto, ex quo nascitur jus repetendi Tertio, non posse licitè retineri; corrumpit, inquam; nam solum probat, post actionem intentatam repetendi, & sententiam latam à Judice non posse hujusmodi lucrum retineri in conscientia, quia pœnam solum tenemur subire post Judicis sententiam.

55. In art. 3. litt. L. tenet, pretium acquisitum ab Histrione, à Traditore, à Meretrice, & similibus retineri licitè posse. Si Traditor per proditionem iuste acquirit, non video, qua ratione negari possit de aliis Malefactoribus. Denique de tali lucro Alearum an sit restituendum, idem Doctor art. 2. litt. K. sic clarè scribit: Licet securius sit



quod ille Canon facit hunc sensum, interficisti furem te liberando; non peccasti. Interficisti furem liberando tua; non peccasti. Certè si ly, & conjungit ly Te cum ly Tua, sequitur, quod ob solam defensionem sui quis non posset occidere invasorem. Sed audiamus Petrum Navarra de restit. lib. 2. cap. 3. num. 406. Hac expositio mihi non placet, nec Cajet. in d. art. 7. aliud enim est copulativè accipere, aliud copulativè. Copulativè accipitur nomen, cum non unumquodque per se, sed simul cum alio verificatur, ut cum dico: omnes Apostoli sunt duodecim; non enim isti sunt duodecim, & isti sunt duodecim, sed omnes simul. At cum copulativè accipitur, de singulis verificatur, cum conjunctione tamen, ut cum dico: *omnis homo est animal*, sensus est, quod hic est animal, & hic est animal; sic ergo illa conjunctio copulativè est accipienda, ita ut, cum dicit: *Te, & Tua liberando*, sensus sit, si interficisti Te liberando non peccasti, & si interficisti Tua eliberando, non peccasti.

11. Sed urget Fagnanus in d. cap. *interficisti* de homic. num. 10. fin. melius esse amplecti interpretationem Canonistarum dicentium illa verba esse conjunctivè accipienda, non verò disjunctivè, quicquid dicant Theologi, quia hac est propria mens Canonistarum.

Sed contra evidenter, quia in hoc decipitur; nam hic agitur de jure naturali; Utrum enim aliqua actio sit homicidium, est materia legis naturalis; certum est autem, Theologi muneri esse explicare legem naturalem; Canonistæ verò legem Ecclesiasticam ex D. Thom. Quodl. 9. art. 13.

12. Obijciunt tertio textum ex cap. *suscepimus eodem*, in quo dicitur, quod duo Monachi ligaverunt duos fures nocturnos, qui cum niterentur se solvere ab illis vinculis; Monachus, qui relictus fuerat ad illorum custodiam, timens ne occideretur ab eis, eosdem pravenit, & occidit. Pontifex subdit: *Verum, quoniam expediebat prius post*

*tunicam relinquere pallium, & verum sustinere iacintum, quam pro conservandis vilibus rebus, & transitoris tam activer in alios exardescere.*

Respondet Glossa. V. *ligaverunt*, quod isti Monachi exceperunt ligando illos fures. Glossa contentiunt alii DD. apud Boic, & Butrio. Idem Boic refert opinionem Alen, Goff. Vincen. & Hostien. qui dicunt Monachos, cum iter perfectionis arripuerint, non potuisse defendere res. Utraque solutio sufficit. Certè isti Monachi exceperunt; nam, si potuerunt ligare fures, poterant etiam illos expellere à Monasterio; & sic res poterant esse salvæ, absque occisione furum; ergo illa intentio fuit excessiva.

13. Denique obijciunt rationes, nam causa, quæ sufficiens est ad occidendum proximum, sufficiens est etiam ad illum licite non conservandum; Sed conservatio bonorum pretiosorum non est causa sufficiens ad deobligandum à conservatione proximi; hinc, si quis voluntariè venenum sumpisset, teneretur emere medicamentum pretiosum, ut à veneno illum liberemus. Ergo &c. Tum quia pluris æstimanda est vita proximi, quam res nostræ.

Respondetur ad primum cum Cajetano, & aliis, minorem valere, quando proximus est in necessitate, non verò quando est in *prava voluntate*; nec enim teneor dare rem meam, quia illam vult proximus, sed quia indiget illa; & dicere oppositum est dare fomentum ad furandum impunè; cum enim loquamur nos in casu, in quo fur nequeat per Judicem coerceri; sequitur evidenter, quod fur in hoc casu, impunè furabitur; unde in Villis, in quibus Domus dispersæ reperiuntur, passim fierent furta. Ad secundum nimis probat, probat enim, quod non possemus occidere invasorem pro defensione rerum, quæ sunt necessariæ pro conservatione nostri status, quia Vita proximi est magis æstimanda, quam status noster. Igitur eadem responsione fit satis; unde dicimus, quod in necessitate pluris est æsti-

estimanda vita proximi, quam res nostra, non verò quando proximus est in prava voluntate. Duobus verbis: Vita proximi est pluris facienda, non voluntas prava. Cesset proximus ab iniquitate, & tunc eius vita salva erit.

54. Instabis cum Montaltio. Occidentem furem diurnum plectuntur à Lege Moysæ; ergo non sunt absolvendi ab Evangelio.

Respondetur ex dictis, antecedens intelligendum esse, si fur nosci poterat, & capi; non verò, si fur erat ignotus, & capi nequiverat, quia illa divisio temporis nocturni, & diurni magis frequentiam, quam juris ministerium significat ex Boic. Fagnanus ubi supra num. 19. dicit, quòd ad moderamen inculpatæ tutelæ requisitum ad justam defensionem præcipuè spectandus est modus, ut scilicet si armis inferatur violentia, armis repellatur, si sine armis simili modo repelli debet, ut l. 1. §. vim vi. & l. 3. ff. de vi, & vi arm. Unde pugnum, vel alapam non liceret gladio propulsare, nisi in casu de quo per gloss. &c.

55. Eadem scribit Beatus Raymundus, sed ipse subdit Doctrinam benignam valde, & necessariam: Ait ergo: Circa hoc considero qualitatem personarum, ut interdum parvus, & debilis possint se defendere armis contra magnum, & fortem pugno elevato venientem. Arg. 3. quæst. 7. §. arcentur, vers. Si verò in uno adversario. Ita Beatus Vir, in quo concordant alii Antiqui, quos non juvat referre. Ratio est, quia ut dicit Bart. in l. ut vim. ff. de just. num. 8. cum Bald. num. 32. veritas est ista, quòd potest esse pugillus tantus peior, quam pugio, & pejor acere, quam alius cum ense. Subdit Bartolus: Et ideo dico, quòd veritas est ista, quia tunc dicitur moderata defensio, quando aliter non potest evadi, quin tu recipias offensionem. Eodem modo explicat moderatam defensionem Asten, ubi supra cum Glotia, & Richar. in 3. dist. 37. art. 2. quæst. 3. Vide etiam Angelum, & Baptistanem de Salis, ubi supra. Vide pariter Gloss. Instituit. de jur. natur. §.

ius autem gentium. V. bella in addit.

56. Ex hucusque dictis patet, nostram opinionem fundari in plurimis Antiquis; ex alia parte, cum Pontifex Romanus questionem non deciderit, nec Adversarii invenerint rationem evidentem, sequitur clarè, hanc opinionem damnari absque ratione, cum etiam communior opinio Modernorum sit pro ipsa. Vide Cardenas in Crisi Theol. disp. 57. cap. 3. art. 5.

## CAPUT XLVI.

*An turpe lucrum in conscientia retineri possit, unde ex hoc inferatur Probabilitas.*

1. **N**on possumus satis explicare, quantum exagitent Probabiliorista opinionem illam Modernorum, quòd licet retinetur pretium ob turpem actionem habitum, (excipiunt Simoniacum) etiam ob injustam sententiam, ob assassinatum, ob adulterium, ob sodomiam, &c. Legatur Montaltius litt. 8. in qua risibus, maledictionibus, & probris plenissimo calamo illam excipit. Quia verò Lessius dixerat, Judicem debere restituere pretium sententiae justæ, non verò injustæ, quasi hæc dicta essent contra principia lumine naturali nota, subdit: Stupidum me, ac mutum reddidit tanta hujus responsionis absurditas. Referens postea Opinientem Sanchez dicentis in Summa lib. 2. cap. 38. Magum posse retinere pretium, si apposuit diligentiam, ut per artem Dæmonis sciret, quod promiserat; non posse verò retinere, si nullam operam impendit, aut diabolica artis ignarus erat. Referens, inquam, hanc sententiam, dicaciter subdit: Cordati homines hoc responsum! hac enirratione, vel maxime Magi, & Hariosi adducuntur, ut arti suæ non segrè ediscende operam dent, quo vobis auctoribus justum ex ea questum faciant.

populo cum fide infervientes.

2. Hic amice peto doceri; si nequit accipi licite pretium ob divinationem Dæmonicam; quia ex hoc sequitur, quod Magi, & Hæroli adducentur, ut arti sua non segniter edificanda operam dent. Quomodo accipi poterit licite pretium à meretrice, si ex hoc sequitur, quod meretrix adducetur, ut arti sua non segniter edificanda operam det? Nunquid dare pretium Mago adducet ipsam ad addiscendam illam artem, dare verò pretium meretrici non adducet ipsam ad exercendum opus illud turpissimum? Vel erit peccatum adducere ad divinationem Dæmonicam, non verò ad opus meretricium?

3. Dicit etiam, apud Judices non accipi pro titulo iusto acquirendi res *Assassinium, Injustitiam, & Adulterium*. Tandem ait esse horribile, nec audiendum, quod *Virgo, Conjugata, Monialis* sit capax accipiendi pretium pro usu sui corporis.

4. Fagnanus in cap. *ne imitaris* de constit. num. 336. constituit inter opinionis periculosas, & damandas hanc: *Divinatores temeri ad restituendam rem acceptam pro Divinatione, si iustum consultis Astra, si Dæmonem, non item. Item illam: Neminem temeri, aut iura natura, aut legibus restituere acceptum pro ferenda sententia injusta, aut assassinium committendo, vel adulterio.*

5. Si solidum Doctores privati has propositiones damnavissent, parvum negotii facerent; sicut Scoti tæ multum non curant, dum legunt censuratas opiniones Scoti à Thomistis. Negotium magnum iure facessit, quia Illustrissimus Clerus Gallicanus eandem damnavit. Num. 51. proseribit, ut *falsam temerariam, & iuvendis fallaciam, etiam Dæbolicis, idoneam, hanc propositionem: Incantatores, alique ejusmodi deceptores, Magi, Astrologi Judicaria Profectores, Hæroli, Conjectures ex pessimis quibusque artibus captantes lucrum, licite servare possunt bona his mediis acquisita.* Num. 53. tanquam falsam, verbo Dei contrariam, & iudicium corruptelis inducere

tem sugillat sequentem: *Possunt Judices accipere munera à litigantibus, nec tenentur restituere, quia acciperint ad pronuntiandam sententiam injustam.* In margine hujus propositionis notatur, eandem pius fuisse condemnatam à Vicario Generali Parisiensi, & Senonensi. Si in Gallia permittitur, quod, nedum singuli Episcopi, sed etiam Vicarii Generales ipsorum possint censurare opiniones Doctorum, nec mos introducitur apud etiam Abbates, & Parochos; unde in Gallia procul dubio excitabitur bellum civile Theologicum, quod pejus devastabit illud Regnum, quam bellum Civile bellicum fecerit.

6. Ex damnatione harum propositionum inferunt absurditatem *Probabilitatis* tanquam principium ipsarum. Nos probando illas textibus clarissimis Antiquorum probabimus efficaciter Probabilitatem. Dicimus ergo sic. Illæ propositiones defensionis sunt à plurimis Antiquis, & adhuc defenduntur à plurimis Modernis. Insuper Sedes Apostolica illas non damnavit, nec inventum est principium certum contra ipsas; Ergo posuimus illas tueri. Consequencia est evidens juxta Doctrinam Antiquorum asserentium, ulque tunc posse variari in opinionibus in materia Divinarum Notionum, quando non est facta decisio Ecclesia, & ante percontationem scientificam.

7. Ante solutionem sciendum, difficultatem esse, loquendo in *jure natura, & jure communi*, id est, lege Canonica, & Civili Cæsareo; cum enim Doctores nequeant scire leges particulares Provinciarum, & multo minus Civitatum, hinc nequeunt difficultatem movere in hoc jure; aliter in aere bellarent. Item ut plurimum Theologi agunt de *jura natura*, de quo unice ad ipsos spectat, & de jure Canonico, non verò de jure Civili Cæsareo. Insuper difficultas est facto jam opere turpi; nam juxta Lels. lib. 2. de Justit. & jur. cap. 18. num. 17. omnis promissio ante patrationem operis pravi est invalida, quia nemo potest obligari ad peccatum.

8. In hac difficultate videtur certum, meretricem jure accipere, & retinere pretium habitum ob meretricium, quia, ut inquit lex 4. ff. de condict. ob turp. causam, *meretrix turpē agit, sed turpē non recipit.* Idem habetur expressē apud D. Thom. 2. 2. quæst. 32. art. 7. & aliis locis, quos non vacat referre. Difficultas ergo restat de aliis peccatis carnalibus, & aliis in alio genere, maxime de peccatis, quæ sunt contra justitiam. v. gr. de lucro habito ex Sententia Judicis injusta, de Assassinato, & hujusmodi.

9. Sed rem jam aggredimur. Dicitur in d. l. & in antecedenti eod. quod, quando turpitudine versatur ex parte tum dantis, tum accipientis, melior sit conditio possidentis. Hæc Doctrina exemplificatur in stupro, & in Judice accipiente pecuniam; ut malè judicet. Ex hoc subdit lex, quod dans nequit repetere turpe datum. Illa lex Canonizatur in cap. in *pari* de reg. jur. in 6. his verbis: *In pari delicto potior est conditio possidentis.* Glossa in V. in *pari* scribit: pono calum in delicto per can. 14. quæst. 3. non *sanè* in eo scilicet, qui repetit pecuniam, quam dedit pro iniquo judicio &c. Item per ff. de condict. ob turp. cau. l. *ubi autem*, & seq. ubi habes, quod non repetitur, quod propter stuprum, vel, ut malè judicetur, datum est.

10. Dices, hanc Doctrinam nihil nobis prodesse, sed obesse, nam Glossa Canonica dicit, quod illa pecunia non debet remanere apud Judicem, sed Fiscus debet illam habere, ita etiam tenet Glossa Civilis in d. l. ubi autem: *Sed apud accipientem non remanet, sed datur Fiscō, vel alteri parti, ut supra de calumn. in bared. princ.*

Sed contra primò; quia ad summum probatur ex lege humana, in his delictis non posse retineri turpo. acceptum, non verò ex lege naturali; *nam natura enim non docet, ut est evidens, quod pecunia accepta ab iniquo Judice sit lauda, vel Fiscō, vel alteri parti.* Si enim Dans amittit pecuniam ob illam turpem actionem, & Accipiens illam non acquirit;

potiùs debemus dicere, existimandam esse pro derelicta; & sic erit primi occupantis. Ergo, si debetur Fiscō, vel alteri Parti, erit ex lege humana, non naturali.

11. Contra secundò, nam in d. l. in *baredem*. ff. de calumn. dicitur: nam est constitutum, *turpia lucra habedibus quoque extorqueri, licet crimina extinguantur.* Notandum est illud verbum, *extorqueri*, significat enim, quod *vi accipiat*ur pecunia. Si pecunia *vi accipitur*. Ergo est pœna, quæ non debetur ante Judicis Sententiam. Ergo quis potest retinere licitè illā pecuniā usque, dum lata est Sententia; sicut pœna pecuniaria statuta à lege, & à Canone contra defraudantes gabellas non debetur in conscientia ante latam Sententiam juxta communem opinionem Doctorum ex Baptista de Salis. V. *pœna*, §. 8.

12. Ex alia lege probatur intentum; nam l. *nihil tam naturale*. ff. de reg. jur. expressē dicitur: *Nihil tam naturale, ut acquisitio fiat secundum voluntatem Domini tradentis.* Idem dicitur Instit. de rerum divis. §. *per traditionem*. Igitur naturalissimè acquiritur res alterius secundum voluntatem Domini tradentis. Ergo, si Dominus pecuniā vult, quod fiat *Uxorata*, *Judicis*, &c. si fecerint illas actiones turpes, debemus dicere, quod illæ personæ acquirant illam pecuniā secundum voluntatem Domini tradentis.

13. Dices, illas turpes actiones esse peccatum; sic esse nihil, atque adeo invendibiles. Sed prorsus vana est hæc obiectio, quia meretricium est etiam ipsum peccatum mortale; & sic est nihil; adhuc tamen, est vendibile. Ex hoc retorqueo argumentum. Ratio voluptatis, quæ est in meretricio, est ratio, quæ emens illud emit, & vendens vendit; Sed eadem voluptas reperitur in Adulterio, in stupro, in Sacrilegio, in Incestu, in Sodomia; Ergo etiam istæ actiones sunt vendibiles. Ex hoc sequitur, quod, si daretur peccatum quoad solam rationem formalem absq;

entitate Physica, non esset tunc vendibile, quia tamen ego possem donare res ex mera mea libertate absque ullo motivo se tenente ex parte donatarii; Ergo etiam in casu illo ficto de peccato sine entitate Physica possem dare meas res illi, & in ipsum transferre Dominium, si poneret *Nihilum peccati*; unde recipiens non consideret licite illas res ex solo titulo Donationis cum præsuppositione *Nihil peccati*.

14. Nunc asseramus Doctores. Albertus in 4. dist. 15. art. 24. vers. *solutio* scribit, quod si in illicitè acquisito transfertur Dominium, nec competit repetitio ei, à quo accipit, potest de ipso fieri elemosina. Cum ergo in stupro, & in pecunia recepta ab iniquo Iudice, transferatur Dominium ut patet, & insuper ex d. l. *abi autem* non competat repetitio, illi à quo accepta est, unde in d. cap. *in pari* potior est conditio possidentis; Ergo de lucro stupri, & sententiæ injustæ potest fieri elemosina. Porro elemosina fit de suo, non de alieno; si autem est suum, jure naturæ retineri potest.

15. Divus Thomas 2. 2. quæst. 87. art. 2. ad 2. expressè concedit, quod *acquisita ex fornicatione, & aliis hujusmodi non tenemur restituere; unde de talibus tenemur dare decimas secundum modum aliarum personalium Decimarum.* In 4. dist. 15. quæst. 2. art. 4. quæstion. 2. scribit: Si autem lex prohibuit actum, ex quo quis lucratur, sed non lucrum supposito actu, tunc, quamvis acquirendo tali actu contra legem fecerit, tamen tenendo non facit contra legem, sicut cum quis de lenocinio, vel meretricio lucratur; & ideo hæc retineri possunt, & de eis elemosina fieri potest.

16. Videamus, quid sit lenocinium ex Asten. lib. 2. tit. 47. de adult. & lenoc. art. 3. Leno, inquit, est, si qui adulterum, vel adulteram subijcit, vel pro comperto stupro pecuniam accipit. . . vel quassum ex adulterio uxoris facit. Angelus. V. leno ait, illum dici lenonem, qui recipit pecuniam pro adult.

mittere etiam lenocinium illū, qui quæstuarium mancipia habet. Et quidem, quod lenocinium committat Vir, qui uxorem adulterare facit, expressè habetur ex l. *cum mulier*. ff. soluto matrimonio &c. aitenim, *cum mulier viri lenocinio adulterata fuerit, nihil ex dote retinetur.* Idem dicitur in l. ex lege §. lenocinii. ff. ad l. Jul. de adult. Hæc lex est illa, quæ allegatur ab Angelo. Vide Sylv. V. leno.

17. Si ergo per Doctorem Angelicum possunt justè retineri acquisita per lenocinium; sequitur acquisita per stuprum, per adulterium, per subjectionem mancipiorum ad fornicationem licite retineri posse; & sic stuprum, adulterium, &c. esse titulos legitimos juxta D. Thomam acquirendi Dominium rerum. Si Montaltius dubitat, an adulterium sit titulus legitimus apud Judices, certificetur, esse titulum legitimum per Angelicum, & hoc ipsi sufficit pro quiete conscientie. Officium indignissimum lenocinis est adeo mihi peccatum inexcusabile, ut nihil magis inveniri possit; Isti enim Lenones veluti vendunt offensam Dei, ut offensam Dei, & nulla passione adducti hoc faciunt. Certè sunt damnosissimi Animabus, & familiis. Hinc infero, quod, si non possumus negare, hos Lenones ex ipsorum officio posse licite retinere acquisita, non possemus hoc negare de quibuscumque aliis malefactoribus, quantum est ex jure naturæ.

18. Irrefragabilis Alensis par. 3. quæst. 40. memb. 6. art. 3. §. 2. tenet, Judicem debere pecuniam acceptam pro sententiæ injusta restituere, non quidem danti, quia turpiter dedit, sed parti læsæ, sicut parti læsæ debet rescindere damnum acceptum ob sententiam injustam. Ex hoc textu ego arguo, Alensem tenuisse, quod ex jure naturæ Judex non teneatur, restituere pecuniam hujusmodi. Pecunia illa fuerat dantis, & ipse transtulit jus illius in recipientem, quis ergo transfert jus illius rei in partem lætam? Judex, & Dans damnificant illam partem auferendo. v. gr. agros, qui sub lite erant. Ex hoc sequitur, quod illi agri sint reddendi illi parti,

vi. De hoc nulli est dubium, & omnes tenent. Quod verò sit dandum pretium datum Judici in damnum illius, ex vi damni illati certè hoc non sequitur, quia solum debet restitui, quantum fuit damnum ex D. Thom. 2. 2. quæst. 62. art. 3. & solum per Judicem potest quis compelli ad plus reddendum, ut dicit art. 2. D. Angelicus. Hoc est adeo verum, ut D. Thomas d. art. 3. asserat, quod, qui damnificat aliquem in eo, quod erat in via ad acquirendum, v. gr. qui effodit Semina proximi, debet resarcire hoc damnum, non quantum importarent fructus, quos sperare potest Dominus; sed solum juxta conditionem negotii, hoc est juxta prudentem existimationem. Ergo in nostro casu restitutis illis agris ad æqualitatem læsus satisfactus est. Ergo ad nihil amplius tenetur. Ergo pretium iniquum non est de necessitate juris naturæ dandum parti læsæ. Si ergo isti ipsi dandum, vel pauperibus, hoc provenit ex mero jure humano.

19. In par. 4. quæst. 24. membr. 3. art. 3. §. 6. tenet primò, quod quamvis jura prohibeant ludum alearium, & lucrum ex tali ludo provenientem jubeant restitui, & competentibus actionibus sic amissa repeti; tamen nobis videtur, inquit Doctor, magis esse quasi civilis satisfactio pro peccato, quam obligatio ad restitutionem. Igitur per Alensem Aleatores de stricto jure non tenentur ad restitutionem; pactum enim intervenit inter partes, quod utrique parti placeat, & obligatio conditi. Unde secundum pactum illud, & obligationem conditi, nec ille, qui amisit, de jure potest repetere; nec ille, qui lucratus est, tenetur restituere. Subdit Doctor, quod sicut in foro poenitentiali inungitur sæpe satisfactio pecuniaria, non solum eis, qui lucrantur, sed etiam, qui amiserunt, ut reprimatur inhonesta occupatio; sic ad prohibitionem mali subsequenter data est ista lex de aleatoribus. Ecce per Authorem lex facta contra Aleatorum lucra se habet, sicut satisfactio pecuniaria, quæ Confessor sæpe inungit in poenitentiam

peccatorum. Sicut ergo præcisa impositione Confessarii poenitens non tenetur ad illam satisfactionem pecuniariam; ita Aleator præcisa illa lege Civili. Præterea sicut illa satisfactio pecuniaria inuncta à Confessore est poena, ita poena erit illa inuncta à Lege. Quia verò nemo sponte debet subire poenam; nisi iudex actus exigat illud lucrum, Aleator non tenebitur illud dare.

20. Infero, quod, si in aliis delictis Lex humana jubeat, ut acquisita restituantur, & competentibus actionibus sic amissa repotantur, hæc lex debet intelligi, ut facit Alensis de illa lege Aleatorum.

21. Prosequitur Doctor, & tenet, quod acquisita in torneamentis non est necesse restituere, eo quod illorum transfertur Dominium ratione legis institutæ inter torneatores. Nec valet hoc argumentum: hæc sunt acquisita contra prohibitionem Ecclesiæ; Ergo restituenda, quia et si sunt acquisita contra prohibitionem Ecclesiæ, nihilominus illorum transfertur Dominium; si autem non esset translatus Dominium, necesse esset, illa restituere &c. Quæ dicit Doctor de acquisitis in torneamentis contra prohibitionem Ecclesiæ, ego dico de quibuslibet aliis acquisitis in aliis actionibus turpibus, quia verificatur evidenter in aliis eadem ratio, scilicet quia illorum transfertur Dominium ratione legis institutæ inter partes.

22. Claudicet illam questionem Irrefragabilis, & definit acquisita per meretricium, & per histronatum non esse restituenda, quia in hujusmodi actionibus transfertur Dominium rerum, & hæc est disparitas de lucro usuræ, quia in usura non transfertur Dominium acquisitum. In quæst. 33. membr. 2. art. 3. tenet, acquisitum per meretricium posse dari in elemosinam, & jussu in meretricio acquiri pecuniam. Assignans iustitiam hujus acquisitionis scribit: *Iustitia acquisitionis est ex hoc, quod corpus unius personæ in ipso opere exponitur voluntati, & beneplacito alterius; corpus, inquam, illius, cujus est proprium, &*  
à quo

à quo liberè possessum, scilicet *quantum ad potestatem mancipandi se tali operi* . . . & infra: In actu contra fornicarii, quia corpus, quod est libera possessio, alicujus servitio, & voluntati alterius exponitur, ut accidit in expositione eique, vel domus alicuius servitio alterius, quod accipitur pro huiusmodi opere, vel actu, transfertur in Dominium accipientis, & iuste possidetur; unde, quod per meretricium acquiratur, licet inhonestius acquiratur, quam quod acquiratur usura, iuste possidetur, & ex huiusmodi acquisito potest fieri elemosina, non ex acquisito per usuram, quia huiusmodi acquisitum non transfertur in Dominium acquirentis.

23. Observa rationem formalem, quæ movetur Doctor, ut astringat, meretricem iuste possidere pecuniam acquisite per meretricium. Hæc ratio est, quia in meretricio transfertur Dominium pecunie, & supra dixerat etiam, nec competit repetitio illi, à quo datur pecunia pro huiusmodi flagitio. Sed quare in meretricio transfertur Dominium? Audi. Quia Corpus unus persona in ipso opere exponitur voluntati, & beneplacito alterius. Corpus, inquam, illius, cuius est proprium. Ex hoc inferitur in malefactis non esse considerandam offensam Dei, & rationem peccati quoad obligandum ad restitutionem, ut faciunt notari Probabilioristæ scrupulosi, qui exclamant, vociferantur, & in furias aguntur, dum audiunt in Damnatione, & iniqua sententia &c. dari iustum titulum acquirendi. Sed velis, nolint, debent acquiescere huic veritati. Igitur debent considerare cum Alensi, an transferatur Dominium, & competit repetitio. Nos dicimus in illis sceleribus transferri Dominium, nec competere repetitionem, quia in pari delicto potior est conditio possidentis. Ergo &c. Quia verò Vidua honestæ famæ, etiam si habeat rem cum Fratre habet corpus proprium, & in ipso opere exponitur voluntati, & beneplacito Fratris, ut est evidens; Ergo iuxta Alensem Soror Vidua potest iuste acquirere pecuniam

habendo in castum cum Fratre. Idem dico in Sodomia. Nec in his delictis potest recurrere ad repetitionem ab eo, qui dedit, quia in pari delicto potior est conditio possidentis. Ex textu allato puto concedi licitum lucrum habitum ob actum quemcumque luxuriosum, excepto adulterio, quia, excepta uxore, quilibet habet corpus, quod est proprium, & exponitur voluntati, & beneplacito alterius. In art. 4 iterum teret, ex acquisito per bistrinatum potest fieri elemosinam. Ergo res sic acquisita est ipsius Histrionis; & sic potest illam retinere. Hic repetere argumentum factum contra Adversarios num. 2.

24. Glossa Raymundi est clarissimè pro me. Lib. 2. de torneam V. *subsecuta* dicit, in foro pœnitentiali inducendum esse pœnitentem ad erogandam in pauperes pecuniam acquisitam in torneamentis; si tamen nolle huiusmodi pœnitentiam suscipere, non per hoc est incapax absolutionis, nec est in peccato mortali. In tit. de raptor. §. 9. V. *tenentur restituere* scribit: quædam sunt, (loquitur de rebus prohibitis, quia mala) quæ piniuntur à jure per Corporalem poenam, vel per extorcionem turpium lucrorum; & taliter acquisita retineri non debent ad usum acquirentis . . . Sed debent in usos pios erogari . . . & huiusmodi restitutio in foro pœnitentiali indicenda est pro parte satisfactoris; & ideo ibi laus patet officium pœnitentiarum; & ibi fortè potest dispensare, sicut in licentiando tempore pœnitentia, & mensuræ jejuniarum. Ego subdo. Certè Confessarius rem alienam alteri dare nequit. Ergo, si potest pœnitenti dispensare quoad mensuram restitutionis, est signum, quod illæ res turpiter acquisitæ sint ipsius pœnitentis. Præterea si illa restitutio est indicenda pro parte satisfactoris Sacramentalis; Ergo Confessarius potest illam non dare, & aliam substituere, quia per Doctorem lib. 3. de pœnit. §. 46. V. *Consuetudo revera hodie pœnitentie sunt arbitrarie* 26. quæst. 7. *tempora pœnitentia*.

25. Subdit Author: quæ sunt mala, quia

quia prohibita, sicut iornementa, negotiation in Clericis, facere feria de floribus &c. ex his acquisita retineri possunt. Licet autem hæc distinctio videatur probabilis; (Nota, quod etiam æqualis probabilitas placeat Antiquis) quia tamen pœne restringenda sunt, & qui nimis emungit, elicit sanguinem; verius credo, quod licet in prædictis casibus bonum sit, & salubre, quod pœnitens inducatur in foro pœnitentiali ad erogandum in pios usus taliter acquisita, non est tamen compellendus, nisi velit; nec iudicandum est, quod non esse in statu salvandorum, si non velit huiusmodi pœnitentiam recipere, nisi in casibus à jure expressis, ut in Simonia, de qua expressum est, quod pecunia Simoniacæ est restituenda Ecclesiæ, in cuius ignominiam est recepta; licet hoc possit intelligi, quando recepta est de bonis ejusdem Ecclesiæ; vel quando agitur de hoc in foro canonum. Similiter, cum quis aliquid acceperit, ut faciat damnum, vel injuriam, vel calumniam alii; quia tunc non ille, qui dedit, repetit, sed ille, contra quem datum est, ut ille de calumnia & generaliter. §. illud, quod tamen intelligitur, quando agitur in forma iudicii, quam severitatem non oportet observari in foro pœnitentiali.

26. Nota diligenter, opinionem rigidam esse rectam non posse retineri pecuniam acquisitam ex malefactis, in quibus per extortionem Judicis illam tollunt ab accipientibus, vocari à Doctore legem pœnalem, & esse adeo rigidam, ut nimis emungat, & sanguinem eliciat. Nota insuper, quod pretium simoniacæ acceptum solum sit restituendum, quando agitur in foro fori, vel si in foro pœnitentiali, quando pretium est de bonis ejusdem Ecclesiæ. Hanc tamen Doctrinam ego non recipio. Nota tertio; Damniificatorem, Injuriatorem, Calumniatorem in foro quidæ externodebere restituere pretiū acquisitū per Damniificationem, Injuriam, & Calumniam; tamen in foro pœnitentiæ non est necesse sequi huiusmodi severitatem. Hæc Doctrina ex diametro opponitur Ad-

versariis, qui in foro fori dicunt, benignitatem esse sequendam cæteris paribus, secus in foro pœnitentiali, quando agitur de periculo Animæ. Tu sequere Antiquissimum Vilelmum Rodonensem Glossatorem Raymundi.

27. In eodem §. V. videbatur scribit: Quid de muliere, quæ recepit pecuniam pro opere carnali? Respondetur, si recipi ab aliquo de rebus propriis, non Ecclesiasticis, non teneatur restituere, etiam si sit monialis, cui datum est; Sed acquiris monasterio, quod accepit; honestius tamen est, quod monasterium non retineat, sed erogat in pios usus. Si monialis, quæ est virgo, & tradidit corpus suum Deo, potest acquirere pecuniam ex sua profligatione, non quidem sibi, quia ratione voti paupertatis est incapax Domini, sed monasterio. Ergo Virgo secularis, quæ est capax Domini, nec tradidit corpus suum alteri, poterit ex stupro acquirere sibi pecuniam; idem dico ex incestu, ex Sodomia &c. Quia verò Uxorata dedit corpus suum marito, acquirere quidem Domini non rerum ex adulterio, non quidem sibi, sed marito. Infra, quod dixit Doctor de Moniali, alteri de Viro Clausurali. Tenet ergo, quod, si Religiosus ex peccato carnis recipit pecuniam à muliere, quæ habet Dominium illius, licet honestum sit, illud expendere in pias causas, non tamen credo, quod teneatur, nisi velit. Poterit tamen restituere ei, qui dedit, quod melius videtur, si pœnitent, vel egerit. Si Vir Religiosus potest ex opere carnali acquirere pecuniam, nec teneatur illam in pias causas expendere; à fortiori quilibet alius Vir tale turpe lucrum acquirere poterit, & retinere.

28. In eodem tit. §. 13. V. tenerentur doce: si quis furtim asportaverit pecuniam, vel incidit alienam, vel commiserit furtum, vel sacrilegium, & similia, super quibus statuta est pœna corporalis, vel pecuniaria per legem, vel canonem, non est injungendum pœnitenti in foro pœnitentiali, quod solvat huiusmodi pœnas, nisi tunc demum



fuerit condemnatus ad illas; sed sufficit, quod solvat interesse, vel satisfaciatur ad arbitrium boni viri, si injuriam intulit; *hoc etiam dici potest foris de pecuniababita per Simoniam*, de qua solet dici quoddam restituenda illi Ecclesie, in cuius ignominiam data est, vel recepta per illud Capitulum de Simon. *De hoc autem*; illud enim capitulum intelligi potest, quando de bonis Ecclesie erat data pecunia, vel quando agebatur in forma iudicis contra recipientem; & idem potest intelligi de omnibus similibus casibus, in quibus iura dicunt, esse extorquendam pecuniam turpiter acceptam, cujus tamen repetitio non competit ei, qui turpiter dedit. . . . Contra id, quod dictum est de Simonie acquisita est argumentum contra de Simon. mandato, argumento sumpto à contrario sensu; quia videtur ibi innui, quoddam pecuniam per pactum Simoniacum acquisitam resignare tenetur, qui eam accepit, licet *scensisset, si absque pacto fueris recepta*; & ideo tutius est dicere, quoddam pecunia ex pacto Simoniaci acquisita retineri non potest, etiam secundum iudicium fori penitentialis.

29. Nota, pecuniam simoniace receptam absque pacto posse retineri, etiam secundum iudicia fori penitentialis. Nota inluper, tutius esse, quoddam pecunia ex pacto Simoniaci recepta nequeat retineri. Hoc tamen non obstante dici potest forte oppositum; & illud capitulum intelligi potest, quando de bonis Ecclesie erat data pecunia, vel quando agebatur in forma iudicis: Hac juxta Glossatorem. Sed vide num. 26.

30. Sed maxime nota illa verba: *Idem potest intelligi de omnibus similibus casibus, in quibus iura dicunt esse extorquendam pecuniam turpiter acceptam, cujus tamen repetitio non competit ei, qui turpiter dedit.* Ex his colligitur, ex quocumque sceleris, & flagitio in foro penitentiali posse acquiri pretium, nisi tamen competat repetitio ei, qui illud dedit; Quia verò iuxta leges, & Canones in pari delicto ponitur si conditio possideatis; sequitur, quoddam v. gr. pecunia

recepta à Sicario, à Iudice &c. retineatur iuste ab istis, cum danti non competat repetitio. Ipse Doctor lib. 1. de Simon. §. 9. V. *turpiter dedit* tenet expressè, turpiter danti non competere repetitionem rei.

31. In tit. de præscript. §. 36. quid si accepit Iudex. V. *restituenda* dixerat D. Raymundus, quoddam, si quis dat pecuniam Iudici, ut ipsius animum sibi sub specie recti inclinaret, & ita indirectè, ac tacitè intendebat ipsum corrumpere, illa pecunia restituenda est pauperibus, & illi in cuius injuria data fuit juxta arbitrium Ecclesie. Hunc textum ita glossat Doctor noster: restituenda est pecunia, si de hoc constat in foro causarum; si autem in foro penitentiali, foris magis est consilium, quam necessitas.

32. In tit. de usuris. §. 4. V. *in faciendo* querit, cur in mentali Simonia non est restitutio facienda, bene verò in mentali usura. Respondet: In Simonia est turpitudine utriusque partis dantis, & accipientis; sed in usura non est turpitudine dantis; & ideo jure Divino, & naturali æquitate facienda est restitutio: nec posset in hoc Papa etiam dispensare; Sed ex solo jure humano, pecunia Simoniaci accepta restituenda est, non illi, qui turpiter dedit, sed Ecclesie; unde nec Eliseus præcepit Jezi restituere alicui pecuniam, quam accepit à Naaman; Et Papa, qui, quoddam vult, potest statuere, in hoc casu posset etiam dispensare, quoddam non solum in mentali Simonia, sed etiam in illa, quæ pacto esset expressa, retineri posset, quoddam esset Simoniaci acquisitum. Ex hoc textu evidenter concluditur, ex quolibet scelere, flagitio, facinore, quantumvis atroci, posse licitè retineri pretium acquisitum, spectato solo jure naturali; unde, si Adversarii dicunt, in aliquo crimine retineri non posse pecuniam acquisitam, debent afferre textum clarum, & expressum, in quo præcipiatur restitutio; aliter ipsis dicemus illud rotundum: *crubeant sine lege loqui.*

33. In tit. de negotiis secularibus &c.

§. 7. V. *competat repetitio* tenet, quòd in iis turpibus actionibus, in quibus Dominium transfertur, v. gr. in receptione pecuniæ ob movendam calumniam, possunt talia turpiter acquisita dari pauperibus; talia enim, quæ extorquentur à turpiter accipientibus per fictum, vel per alius personas privatas in pœnam taliter accipientium, non debentur illis, nec illi qui acceperunt, tenentur solvere, nisi cum agitur contra eos *informa Judicii*. . . . Illi facienda ei et restitutio in foro pœnitentiali, quando expressum est, quòd in foro pœnitentiali facienda est restitutio certæ personæ, vel Ecclesiæ, ut cautum est de pecunia Simoniacè accepta, quòd restituenda est Ecclesiæ de Simon c. *de hoc autem*: licet illa Decretalis intelligi possit de pecunia, quæ erat de bonis Ecclesiæ, & Simoniacè sunt recepta.

34. Lib. 3. de pœnit. §. 47. V. *nisi restituat*: scribit in iis turpibus actionibus, in quibus transfertur Dominium, & non competit repetitio & tamen mortaliter peccat, qui accipit; credo, quòd, quamvis congruum sit, & honestum, quòd puniatur quis, in quo deliquit, & quòd hu usmodi turpiter acquisitum non remaneat apud acquirentem, sed pauperibus erogetur, *potest tamen circa receptionem rei taliter acquisita pœnitentiarius dispensare cum pœnitente, si videat expedire*. Certè jure naturæ hæc turpia lucra non debentur aliis; quia sic pœnitentiarius non posset dispensare. Ergo illa sunt ipsius pœnitentis, cui pro satisfactione Sacramentali congruunt, & honestum est, quòd pœnitens puniatur, in quo deliquit. Quia verò hodie pœnitentiæ sunt arbitrariæ; ideo Pœnitentiarius potest dispensare pœnitentem à tali pœnitentia, & aliam imponere, ut dicebam num. 24.

35. Joannes de Friburgo lib. 2. tit. 8. de illicitè acquisitis. quæst. 22. expressè, & verbatim refert, & approbat Doctrinam Gloisæ Raymundi, quam supra retuli num. 33. ex lib. 2. de negotiis secularibus. §. 7. V. *competat repetitio*. In eodem libro. tit. 5. de rapina Cleric. &c.

quæst. 19. refert pariter, & approbat Doctrinam ejusdem Gloisæ Raymundi, quam retuli num. 24. ex lib. 2. de raptoribus §. 9. V. *tenentur*. Circa pretium receptum ex Simonia ipse quoque ponit limitationem ejusdem Gloisæ, quam ex §. 13. V. *tenentur* retuli num. 28. In quæst. 20. tenet eandem Doctrinam illius Gloisæ, quam habet de Moniali, & Viro Clausrali tit. de rapt. §. 9. V. *debitur*, & quam retuli num. 27. In quæst. 140. . . . de Judiciis, & Affectu toribus videtur approbare ex Ulrico doctrinam ejusdem Gloisæ, quam retuli num. 31. ex tit. de præscript. §. 36. V. *restituenda*. Lib. 3. tit. 34 quæst. 126. fin. approbat pariter Doctrinam ejusdem Gloisæ ex lib. 3. tit. de pœnit. §. 47. V. *nisi restituat*, quam retuli num. anteced.

36. Richardus in 4. dist. 15. art. 5. quæst. 8. ad 1. dicit, lucrum ex meretricio, & torneamenti licitè retineri, quia, quamvis meretricium, & torneamentum sint prohibita; tamen nullo jure Canonico præceptum est debere restituui, quæ lucrantur per illa; *Sed jure Civili præceptum est, restituui illud, quod inerat homo per ludum alearum, & ixillorum*. Meretricium est prohibitum jure naturali, sicut sodomia, incestus, stuprum, sacrilegium &c. & tamen jure naturali per Richardum Meretrix non tenetur restituere turpe lucrum; ergo nec sodomita, incestuosus, &c. Eandem Doctrinam habet Quodl. 2. quæst. 29.

37. Astenfis lib. 1. tit. 28. de torneamenti fin. concedit, si pœnitens nequeat expendere in usus pios pecuniam acquisitam per torneamentum, quòd possit illam retinere cum Rodon, cujus textum retuli num. 25. Lib. 5. tit. 26. de cleem. art. 4. quæst. 2. scribit: tertio est aliquid illicitè acquisitum, non quidem quia ipsa acquisitio sit illicita, sed quia id, ex quo acquiritur, est illicitum, sicut patet de eo, quod acquiritur per meretricium, vel Lenocinium; In eo enim, quòd mulier meretricium exercet, turpiter agit, & contra legem;

Dei; sed in eo, quod accipit, non agit contra legem; unde, *quod sic illicitè acquisitum est, retineri potest.* Hic habes lucrum ex detestando, etiam ab iniquis, exercitio *Lenocini*, posse licitè retineri. Unde *quod sic illicitè acquisitum est, retineri potest.* In tit. 31. de *mensura falsis*, quæst. 2. in quaest. iiii. approbat doctrinam Glossæ Raymundi, quam retuli num. 34. in qua dicit, quod in turpibus actibus, in quibus transfertur dominium, & non competit repetitio, licet mortaliter peccet accipiens, congruum sit, & honestum, quod illud non remaneat apud accipientem, sed pauperibus detur; potest tamen circa rei receptionem taliter acquirere, Pœnitentiarius dispensare cum pœnitente, si viderit expedire.

38. Sed legamus Beatum Antoninum, qui, sicut in pluribus est benignus, in hac etiam materia lalis fuit. Par. 2. tit. 1. cap. 23. §. 10 tenet, acquisitum ex meretricio posse licitè retineri, & idem dicendum de acquisito per Concubinatum, & Sodomiam, & adulterium eadem ratione; tamen, quia summe omnia iura detestantur sodomiam; ideo magis inducendum ad dandum illud pauperibus. Quidam tamen dicunt, quod acquisitum per Adulterium est dandum ei, in cuius injuriam est factum, scilicet viro, cum ipse est innocens. . . . vel nisi etiam è contra uxoris fidem frægerit; tunc enim est pauperibus erogandum; sed videtur idem dicendum, quod de aliis turpibus lucris, scilicet meretricio, & huiusmodi.

39. In §. 14. dicit, qui dant histriionibus turpia exercentibus, committere magnum peccatum, quia *sevantur in scelere suo*, & pertinet hoc ad turpe lucrum; unde, & pauperibus erogandum, de *Consilio tamen*, sicut etiam acquisitum per artem *Matematicam*, idest *Divinatoriam*, ut. 14. quæst. 5. cap. *qui habetis*. Ecce expressè conceditur licita retentio lucri ex *Divinatione* & *histriionatus* acquisiti, & licet per illud lucrum *histriionantur* in scelere suo, non per hoc sequitur, ut volunt Adversa-

rii, illicitè retineri tale lucrum juxta Beatum Virum.

40. In tit. 2. c. 1. agit de restitutionibus, per longum referens omnes, qui ad restitutionem tenentur; refert autem illos sub figura *Manuum*, & dicit, *Dæmonem* habere viginti manus, quibus utitur ad rapiendam rem alienam. In §. 19. tractat de *manu turpiter lucratoria*, & dicit, hanc manum habere quinque digitos, quorum primus est lucrum ex opere carnali, ut meretricio, *Lenocinio*, concubinato, *Adulterio*, & huiusmodi. Secundus est ex arte, vel actu prohibito lucrari, ut ex arte mutuandi, vel faciendo taxillos, chartas, fucos, tornamenta, vel ex histriionatu turpi, serviendo iurario in numerando pecuniam ad usuram, & scribendo huiusmodi, in faciendo *Divinationes*, *Incantationes*, & huiusmodi &c. Quintus est intentione meræ cupiditatis vacare negotiationi, vel introducendi Carissam. *Hi Homines debent acquisita pauperibus erogare, magis tamen ex honestate, & consilio, quam necessitate* 14. quæst. 3. *qui habetis, & de his supra tit. 1. c. 23.* Puto illud nomen, *Homines*, importare errorem, & esse legendum, *Omnes*. Sanctus Doctor in illis paragraphis solet prius explicare, quinam contineantur sub illa quaestione, & in fine decidit, qui teneantur ad restitutionem. Ponendo ergo vocem, *Omnes*, vult dicere, quod omnes illi Malefactores, quos enumerat in illo §. tenentur ad restitutionem *magis ex honestate, & consilio, quam necessitate*. Hinc sequitur, *Lenonem, Adulteram, Histriionem, Divinatorem, Incantatorem* non teneri ad restitutionem lucri ex illis turpibus artibus acquisiti, & solum *ex honestate, & consilio* illud esse erogandum in pauperes. Tum quia, si etiam legendum esset *Homines*, adhuc sequitur intentum, nam significat, quod illi homines, de quibus loquutus fuerat in illo paragrapho, non teneantur de necessitate ad restitutionem.

41. In c. 5. ante paragraphum primum dicit, *lucra habita ex histriionatu illicita*,

ed, ex Duello, ex torneamento, ex fertis factis de floribus, ex decisiis factis ex arte *Matematica*, seu *Divinatoria*, ex lucro negotiationis &c. ita se habere, sicut lucrum ex meretricio; & licet aliqui dixerint, non posse fieri elemosinam ex huiusmodi lucro, sed hoc non est verum secundum Thomam, Raym. & Communiter alios. Postea refert, & approbat Doctrinam Villelmi Rodonensis, quam retuli num 25. Ibidem Sanctus Doctor. §. 1. expresse dicit, lucrum habitum ex Sententia iniusta non posse retineri à iudice, tamen par. 3, tit. 9. cap. 2. post princ. vers. *Secundo nota docet ex Guil. quod restitutio talis pecunie*, (scilicet acquisitæ ex sententia iniusta) *est restituenda, quando hoc constat in foro casualium; sed in foro conscientie forte est magis Consilium, quam necessitas.*

42. Supplementum Pisanelle. V. elemosina §. fin. tenet, regulariter, quando turpitudine est tam ex parte dantis, quam accipientis, in foro pœnitentiali non cogitur quis erogare, vel restituere, nisi ad hoc fuerit judicialiter condemnatus, vel sibi à confessore fuerit injunctum pro satisfactione peccati, vel nisi à iure sit particulariter expressum, ut in Simonia. Ex hoc textu sequitur, lucrum cupiscumque peccati carnalis, & etiam sententiæ iniuste, non esse de necessitate erogandum Pauperibus, nec esse restituendum. Hoc postea expressè factus est. V. *Judex* 1. quæst. 6. his verbis, quod pecunia habita ex sententia iniusta sit restituenda hoc verum in foro Judiciali, secus in pœnitentiali, in quo non succedit obligatio, nisi ad solum interesse, & non ad penam, nisi præcesserit judicialis sententia, alias pœna non debetur in foro pœnitentia, ut dicit glossa. 12. quæst. 2. *fraternitatis*. Hæc etiam sentit glossa Raym. ut patet in Summa Confess. eod. tit. quæst. 1. o. & ut ibi patet secundum Ul. hoc casu dicendum est de hac pecunia iniusta, quod de alio turpi lucro.

43. In V. *restitutio* 1. §. *Utrum quis teneatur* &c. refert, & approbat Doctrinam Glossæ Raym. quam retuli num.

24. & 25. Postea subdit: Ex hac glossa, & ex dictis potest colligi, quod . . . in foro pœnitentiali, quando restitutio non est facienda certæ personæ, de Consilio est, quod omnia illicitè acquisita erogentur in pios usus: de necessitate autem non est, nisi Judicialis condemnatio facta fuerit, vel nisi inquantum Confessori videatur; nam in foro pœnitentiali quis restituere proximo non tenetur, nisi inquantum ipsum damnificaverit, seu condemnatus fuerit, ut sæpe præostensum est, & notat glossa. 12. quæst. 2. *fraternitas*. Ex hoc textu habes, ex quocunque scelere, in quo transferitur Dominium, licitè retineri lucrum spectato jure naturæ. In aliquibus verò criminibus licitè non retinetur, quia lex humana præcipit, quod illud vel Fisco, vel pauperibus, vel personæ, in cuius injuriam datum est, reddatur. Vide eundem Doctorem. V. *Concessio*, ubi eadem docet.

44. Abulensis in Matth. par. 3. in c. 6. à quæst. 36 per plures quæstiones agit de præsentia materia, & decidit satis benignè. Igitur in quæst. 37. tenet meretricem, & Nigromantem malè facere meretricando, & faciendo divinationes; tamen lucrum inde acquisitum *nulla lege prohibetur*; ideo de eo potest fieri elemosina. Observa, quamcumque mulierem fornicariam vocari meretricem, quia sine lege matrimonii alicui viro copulatur, *live sit conjugata, live monialis, live cuiusque status*. Dicit ergo secundum opinionem quorundam Theologorum, & Juristarum, quod si meretrix sit mulier secularis libera potest licitè retinere, & disponere ad libitum de lucro acquisito; *si autem sit monialis, non potest de eo disponere, quia non potest habere proprium, sed vertetur in utilitatem monasterii*.

45. Subdit, quod, qui tenent contrariam opinionem, dicunt; quod debent ista restitui, nisi Episcopus vellet dispensare cum muliere, quod ista sibi retineat, si est secularis; vel cum monasterio, quod retineat hæc, si mulier est monialis.

ro Judiciali, secus in Pœnitentiali, in quo non succedit obligatio, nisi ad solum interesse, & non ad pœnam, nisi præciserit judicialis sententia, aliàs pœna non debetur in foro pœnitentiæ, ut dicit Glossa. 12. quæst. 2. *fraternitas*. In *V. ludus* §. 4. tenet cum Guil. quod ubi restitutio non est facienda certis personæ, sed est fienda pauperibus, talis elemosina non est necessaria, & talis restitutio est de Consilio, *exceptis tamen quibusdam casibus, in quibus jus expresse præcipit restitutionem fieri*. Enumerat hic tres casus, in quibus iura jubent restitutionem lucri acquisiti per ludum alearum, postea subdit: In aliis casibus dicit Archiep. Floren. quod est pauperibus si ludum eroganda de honestate. Licet alia opinio sit securior, & consulenda, non tamen videtur de necessitate imponenda, ut per hoc denegetur absolutio nolenti hoc facere, ex quo pro hac opinione sunt tot Sancti, & Doctores præallegati. Supra allegaverat D. Thomam, Richar. Joannem Andream, Joannem Calderinum, Monal. Asten. Zabarel. Raym. Palud. & Guilel. Et quidem Paludanus in 4. dist. 15. quæst. 3. art. 5. concl. 4. asserit, posse retineri pretium ex illis actionibus, in quibus transfertur Dominium, nec competit repetitio, ut in meretricio, *Lenocinio*, & *Histrionatu*.

33. Gabriel Biel in 4. dist. 15. quæst. 13. diffusè satis quarit, an lucrum habitum ex ludis prohibitis. v. gr. *alearum* possit retineri. Litt. D. asserit, in hoc adesse opiniones contrarias Doctorum. Pro negativa asserit D. Bonav. in 4. dist. 15. §. 67. (corrige par. 2. art. 2. quæst. 1.) Hostien., & Raym. Pro hac conclusione asserit præcipuè Constitutio græca, quæ concedit repetitionem talis lucri usque ad quinquaginta annos. Ergo juxta leges lucrans tenetur restituere lucrum. Pro opposita asserit Alen par. 4. quæst. 86. membr. 3. art. 6. (Vide num. 19.) Citat quoque Scotum pro eadem, D. Thomam, & Paludanum.

34. Litt. E. fatetur, Ludum alearum generaliter esse prohibitum ex c.

*Episcopus*. 35. dist. subdit tamen omnino rationabiliter ex hoc non inferri tale lucrum esse de necessitate restituendum, aut lucrum esse prohibitum; sicut meretricium est divina lege prohibitum; & tamen secundum omnes non tenetur meretrix lucrum suæ turpitudinis restituere, vel pauperibus erogare. Dicit postea, nec jure Divino, nec Canonico prohiberi, licet glossæ, quæ jure non probantur, & Doctorum quorundam dicta ad hoc sonent; sed his nemo obligatur. Nec obligamur ratione illius Constitutionis Græcæ, quia hæc constitutio per D. Thomam videtur ex consuetudine abolita. Vel etiam potest dici cum Richar., quod ex vi illius legis lucran-tes non renentur ad restitutionem lucri, nisi post sententiam condemnatoriam Judicis, sicut in aliis pœnis juris. Eodem modo respondet allato Canon *Episcopus*. Hæc responsio mihi maxime placet; cum nihil esse possit tam naturale, quàm ut acquisitio fiat secundum voluntatem Domini tradentis. Inst. de rerum divis. §. per traditionem. Ergo in nostro casu illud lucrum acquiritur à recipiente, cum Dominus illius voluntarie ipsi tribuat. Ergo, si Constitutio illud ipsi aufert, est pœna peccati commissi, quam proinde quis non tenetur exequi, nisi post sententiam latam à Judice. Hæc Doctrina corrumpit principale fundamentum Adversariorum, qui dicunt lucrum habitum ex delicto, ex quo nascitur jus repetendi Tertio, non posse licite retineri; corrumpit, inquam; nam solum probat, post actionem intentatam repetendi, & sententiam latam à Judice non posse hujusmodi lucrum retineri in conscientia, quia pœnam solum tenemur subire post Judicis sententiam.

35. In art. 3. litt. L. tenet, pretium acquisitum ab Histrione, à Traditore, à Meretrice, & similibus retineri licite posse. Si Traditor pro prodicionem iustè acquirit, non video, qua ratione negari possit de aliis Malefactoribus. Denique de tali lucro Alearum an sit restituendum, idem Doctor art. 2. litt. K. sic clarè scribit: Licet securius sit

huiusmodi lucra restituere, vel pauperibus erogare, non tamen scilicet opinio tenens restitutionem, vel erogationem lucri esse necessarium ad salutem. Primum patet &c. Secundum probatur, incautum est, & malum asserere, aliquem actum fore peccatum mortale, ubi illud nec sufficiens ambiguitate, nec evidenti ratione ostendi potest; nam hoc est ponere laqueum pedibus ambulantium. Notentur, quod, hac verba: nec evidenti ratione &c. nam hoc est ponere laqueum pedibus ambulantium. Proculdubio condemnant Adversarios, qui contenti aliqua auctoritate, vel probabilis ratione duci exerceantur, & insillant opiniones aliorum. Hæc Doctrina Gabrielis est omnino conformis dictis aliorum Antiquorum, præcipue D. Thomæ, & D. Bonaventuræ, ut ex dictis constat aperit. Hanc Doctrinam de lucro Alearum, quam tradit Gabriel, dictam volo de aliis lucris turpibus, excepto tamen pretio Simoniaci.

36. In dist. 16 q. 4. lit. G. ait, non esse restituendum lucrum de *Leuismo*, meretricio, pretio *Incantationis*, *Histrionum*, fornicatione, *Traditione*, ludo alearum secundum probabilem opinionem Aletis, & similibus multis, in quibus etsi acquisitio est iniusta, non tamen possessio rei, seu lucri sic acquisiti est iniusta. De omnibus itaque huiusmodi rebus, ad quorum restitutionem acquirens non tenetur, potest fieri elemosina, quia quæcumque possunt licite in usus proprios converti, possunt etiam pauperibus erogari. Ecce pretium *Traditionis*, *Incantationis*, & *Leuicini* potest licite in proprios usus converti. Gabriel, & alii Antiqui tenuerunt, posse licite per *Incantationem* acquiri res; tamen nunquam fuit à Gallis proscripta huiusmodi opinio; Vix autem tradita est ab aliquibus Modernis, & statim audivimus Cleri Gallicani censuras. Ego nequeo imaginari causam tanti discriminis. Nunquid scripta Gabrielis nota non erant Clero Illustrissimo?

37. Quod attinet ad Canonistas, Gratianus, 14. quæst. 5. c. qui habetis,

scribit. Ex malo acquiritur, quod ex turpi causa possidetur, veluti cum Mathematicus ex arte, quam docet, vel ex futuris, quæ prænuñciat, nonnulla lucratur; quæ vero de malo sic acquiruntur, in bonum possunt converti; de peccato etiam nonnunquam acquiruntur, quæ pauperibus iuste erogantur. Hæstus Gratiæ. Adverte, quod hic Mathematicus, & vaticinans impius non convertit in bonum restituendo danti, quia de hoc prius egerat. Restat ergo, ut hæc turpia lucra in bonum convertat, illa scilicet bene expendendo, & sic hæc lucra ex divinatione licite retinentur. In c. non sine ead. V. *tantum sua*. Glossa dicit, fieri elemosinam de rebus turpiter acquisitis, si transferatur Dominium. In c. ex transmissa de decim. V. *licite* tenet, quod de illicitè acquisitis potest fieri elemosina, & dari decima, si de illis non competat repetitio, & dominium transferatur; & sic meretrix, histrio, Simoniacus, & qui de mammona iniquitatis vivunt, id est per sollicitudinem temporalem aliquid acquirunt, decimam dare, & elemosinam facere possunt, & de eo, quod extorquetur ratione Officii. 14. quæst. 5. non sanè, quia in his dominium transfertur, & non competit repetitio. Aliàs si dominium non transfertur, aut si competit repetitio, non potest inde fieri elemosina, vel dari decima, cum non sit illius; quia aliena non potest aliquis concedere præter voluntatem Domini, ut in usuris, & Simonia. Ecce Histrion acquirit dominium rerum, nec illa ab aliquo repeti possunt, & sic possunt retineri ab eodem. Hoc idem docet de Simoniaci, & de Extorqueute aliquid ratione Officii. Mihi videtur, Glossam in hoc textu utramque partem probabiliter tenere in Simoniaci. Expressè asserit, quod Histrion, & Simoniacus decimam dare, & elemosinam facere possunt, quia in his Dominium transfertur, & non competit repetitio. Infra verò dicit, non posse fieri elemosinam de iis, in quibus non transfertur Dominium, aut

si cōpetit repetitio, ut in usuris, & Simonia. En prius dicitur, quod Simoniacus acquirit Dominiū, postea quod non acquirit.

58. Joannes Andreas in c. quia plerique de immunit. Eccles. num. 4. querit, quid si Matematicus, vel uicetrrix, vel consimilis dolo, fraude, vel persuasione induxerit aliquem, ut eis crederet, & pecuniam deret? Respondeo non competit repetitio, quia hinc, & inde versatur uirpitudine; unde potior est conditio possidentis. si. de condi. ob tur. cau. ubi autem; In foro tamen penitentiali utrique iusta penitencia iniungenda secundum Innocentium. Sic Joannes Andreas. Ecce Matematicus non tenetur restituere acquisita per diuinationem, sed solum debet iustam penitentiam à Confessario impostam peragere. Hoc nemo negat. Sufficit nobis, quod illa pecunia possit retineri à tali diuinatore.

59. Henricus Boic in c. peruenit de Adult. num. 6 scribit: Si queris, utrum mulier teneatur restituere pecuniam, quam recepit pro opere carnali, & cui, distingue ut Rodoff. & Allen. post eum lib. 1. tit. de furt. art. 4 dicentes, quod si receperit à Clerico seculari de rebus propriis non tenetur restituere, etiam si sit maritalis, sed acquiritur monasterio ejus illud, quod accepit. Num. 10. ait. Vir secularis, quod à muliere conjugata recepit pro carnali opere, debet restituere viro, si illa dedit de dotibus, vel communibus. Sin autem dedit de rebus dotibus, aut si mulier soluta dedit aliquod amalo. de rebus propriis, licet sit honestum quod expendat illud in pias causas, non tamen tenetur, nisi velit. Vide, quae dixi cum de Gloss. Raym. num. 27. à quo mutuatus est Henricus hunc textum.

60. Godfredus Tranensis in Summa de decimis num. 11. tenet, quod de turpiter acquisito, si transferatur Dominium, nec competat repetitio, ut in meretricio, & Histrionatu, debet dari decima. Ex hoc inferitur, quod reliquum, præter decimam, ex his turpibus lucris, licet retineatur ab

Histrione, & ab aliis similibus malefactoribus.

61. Didacus Covvaruvias in reg. peccatum par. 2. §. 2. num. 3. vers. Secundæ quaestiones pars ter. et pretium licet retineri à femina, quæ occultè fornicatur, & hanc opinionem tenere ait, Monaldum de rellit. malè acquisit. Henricum Boic. c. peruenit de adult. D. Antonin par. 2. tit. 2. c. 5. Sylvest. V. restitutio. 2. Adrianum, & Dominicum Soto de justit. & jur. quaest. 7. art. 1. Et Joannem Lupi Subdit Author: Hinc sit, ut nec Monaca recipiens ob mercedem coitus abique ullo dolo pecuniam aliquam teneatur eam in foro Animæ restituere, quod expressim Henricus notavit idem, & in scaminia, quæ maritum habet, etenim, si quid ab adultero recipiat ob fornicationem, restituere id non tenetur, tametsi injuriam facit Monacæ Religioni, & adultera viro. Hic habes pro me duos novos Antiquos, Monaldum, & Joannem Lupi, & tres quasi Antiquos scilicet Sylvestrum, Adrianum, & Soto. Non dubito alios Doctores quasi antiquos stare pro hac opinione, sed non juvat ulterius illos recensere.

62. Videamus solum Sylvestrum loco allato vers. sed, quod dictum est. Ibi dicit, quod alix mulieres, quæ non sunt meretrices, idest quæ causa libidinis, non quaestus, malè operantur, secundum Cyn. &c. teneantur restituere. . . tamen secundum Veru. ubi restitutio nō est faciendā certæ personæ, est de consilio solum, & Arch. post Monaldum dicit specificè in hoc casu, quod non tenetur in foro Animæ, licet Filius injurè acquisita possit auferre per l. Lucius. ff. de jur. Filc. quod limita primo, si condemnatur, & secundo, nisi sua turpitudine fecerunt injuriam alicui, puta marito, quia tenerentur ei recompensare, & idem dico de masculo turpi. Ex glossa etiam Raym. tit. de raptor. §. sed quid de fornicariis. (vide nu. 24.) elicitur, quod in foro conscientie, quando restitutio non est faciendā certæ personæ, adde, vel loco, de consilio est, quod

illicite acquisita erogentur in pios usus, non autem de necessitate, nisi sit facta judicialis condemnatio, vel Sacerdos hoc imponat, quod tamen si non acceptat pœnitens, non est judicandus esse extra statum salutis, quia in conscientia non tenetur quis, nisi ad damnum, & condemnationem, ut notat Glossa in c. fraternitas 12. quæst. 2. Eadem repetit V. restitutio. 4. num. 1. med.

63. Pro coronis hujus quæstionis asseramus D. Augustinum, qui meo iudicio multum favet. In 14. quæst. 5. c. non sane dixerat D. Augustinus, Medicum licite accipere suum salarium, sicut Advocatus, & Jurisperitus ob patrocinium, & consilium accipiunt justam mercedem. Iudex tamen, & Testis non possunt vendere justum iudicium, & verum testimonium; multo verò sceleratius pecunia sumitur, si sententia iniusta, & testimonia falsa vendantur. Officiales autem ab utraque parte non insolenter sportulas accipiunt; ab ipsis verbò extorta per immoderatam improbitatem repeti solent. Hæc dixerat D. Augustinus, mox subdit: *Isti si viam vitæ mutaverint, aut excellentioris conscenderint Sanctitatis gradum, facilius ea, quæ hoc modo acquisierunt, tanquam suis pauperibus largiuntur, quàm eis, à quibus accepta sunt, tanquam aliena restituant; Qui verò contra ius societatis humanæ furtis, rapinis, calumniis, oppressiõibus, invasionibus aliquid abstulerint, reddenda potius, quàm donanda censemus Zacharæ publicani exemplo.*

64. Difficilis est, quid significet illa vox, *Isti*, si solum officiales, de quibus Sanctus Doctor loquutus ultimo loco fuerat, an etiam Iudicem, Testem, & Advocatum. Glossa in figuratone casus dicit, significare solum Officiales; refert tamen, H. tenere, significare & Iudicem, & Testem, & Advocatum. Hinc secundum Canonistam antiquissimum Iudex non tenetur restituere pretium pro sententia iniusta, sed potest tanquam suum illud pauperibus largiri. Bellam. era. num. 3. tenet quidem,

significare, & Iudicem, & Testem, & Advocatum, sed quatenus hi per importunitatem, & nimiam instantiam aliquid turpiter acquisierint.

65. Sed contra, quia D. Augustinus intendit dare regulam, quinam teneantur ad restitutionem ex turpi actione acquirendo. Ibi tradit duas regulas, prima est, quòd *Isti* non teneantur ad restitutionem, sed possunt facere elemosinam. Secunda est, quòd, quæ contra ius societatis humanæ furtis, rapinis, calumniis, oppressiõibus, invasionibus abstulerint, reddenda potius, quàm donanda sunt. Sub quænam ergo regula Iudex vendendo Sententiam iniustam, Testis testimonium falsum, de quibus D. Augustinus loquutus fuerat immediate ante, continentur? Certè non sub secunda, quia Iudex non furatur, aut rapit illud pretium, sed illud accipit à Domino volente, quin incitante, ut illud accipiat. Insuper nullum calumniatur. Opprimat quidem, & invadat innocentem dando contra ipsam sententiam iniustam; & sic debet resarcire totum damnum, quod patitur propter ipsam; sed illum non opprimat per acceptionem illius pretii, quod est evidens, cum, si nullum pretium acciperet, adhuc posset dare illam sententiam iniustam, & tunc idem detrimentum subiret. Cum ergo Iudex per acceptionem pretii iniuste sententia non opprimat, nec invadat innocentem, nec furetur, nec rapiat, nec calumniatur aliquem, sequitur, illud pretium non contineri sub secunda regula.

66. Qui cupit videre ingentem Catalogum Doctorum tum Veterum, tum Modernorum tenentium nostram opinionem, legat Cardenas in Crisi Theol. disp. 57. num. 81. & ex hac lectione poterit evidenter cognoscere, Adversarios omnino irrationabiliter condemnare nostram opinionem, cum illam docuerint Viri Doctissimi in quolibet sæculo, nec Sedes Apostolica aliquid in hac materia deciderit.



# CAPUT XLVII.

*Textibus Antiquorum demonstratur, Probabilitatem esse licitam.*

1. **D**Amnant Probabilioristæ equivocationem, itaut illam nunquam esse licitam asserant; quin Pater Natalis Alexandri in Paralip. Theol. in illa quæst. in qua refellit quorundam Casuistarum opinionem dicentium Deū verbis *equivocis uti posse*, dicit, esse damnatam ab Innoc. Under. num. 26. Videatur etiam Gonetius in dissert. de Probabil. num. 94.

2. Illustrissimus Clerus Gallicanus num. 66. damnat hanc propositionem; Patriarchæ, & Prophætæ, Angeli, ipse Christus, nedum viri iusti, & Sancti *equivocationibus, sive Amphibologiis, & restrictionibus mentalibus uti sunt*; proferbit autem hac censura: Hæc propositio scandalosa est, temeraria, misticæ, propheticæ, parabolicæ, sive æconomicæ ad insinuandam aliū veritatem dicta, vel tacita cum vulgari- bus gestis confundit, Sanctorum Patrum acta ludibrio vertit, ipsis etiam Angelis injuriosa, erga Christum contumeliosa, & impia. Quoad Patriarchas vide infra num. 18. Juxta ergo hanc Doctrinam instruunt Argumentum adversarii contra Probabilitatem: *Æquivocatio est illicita; sed Probabilitas importat equivocationem; Ergo Probabilitas importat Doctrinam illicitam.*

3. Nos in oppositum arguimus: *Æquivocatio in aliquo casu est licita, sed Probabilitas importat equivocationem; Ergo Probabilitas in aliquo casu importat Doctrinam licitam.* Difficultas stat in probatione majoris, & hoc præstabo juxta meum propositum asserendo testimonia Antiquorum.

4. Sed prius sciendum est differentiam inter equivocationem, amphibologiam, & restrictionem mentalem. Audiamus

Glossā in l. *quotiens in stipulationibus fide verbor. obligat.* Ver. *ambigua* ita dicentem: *Æquivocatio est in dictione, ut cum una dictio æqualiter significat plura, ut in hac dictione, Canis, quæ significat Marinum, Latrabilem, & Cæleste Sidus. Amphibologia fit in oratione, ut in hac oratione, Liber Aristotelis; nam hæc duplex est, & ambigua; nam uno modo potest intelligi, quod sit editus ab Aristotele, alio modo potest intelligi, quod sit proprius ipsius. Vel in hoc exemplo: *Littus aratur*; nam propriè significat terram scindi, transumptivè, *operam perdidit.* In compositione, & divisione. Pone exemplum in hac Oratione: Duo, & Trium sunt Quinque. Secundum quod est divisa, est Falsa; nam tunc intelligeretur, quod Duo sit Quinque, & Trium sit Quinque, quod est falsum. Hæc Glossator. Hujusmodi Doctrina traditur etiam ab Alberto Magno 1. Elench. tract. 2. c. 1. & Scoto ibidem quæst. 19. qui expressè distinguit equivocationem ab Amphibologia, quia *Æquivocatio sistit in voce incomplexa, Amphibologia verò in voce complexa.* Et hæc Doctrina deducitur ex Aristot. de Antepæ. c. 1. & Topic. 2. c. 2. num. 12. & ibi Pater Maurus. Vide etiam D. Thom. Opusc. 39. c. 3. & 4.*

5. Supponendum ulterius, aliquando æquivocum æqualiter significare sua significata. Sic hoc nomen, *Gallus*, æquali passu sumitur pro homine, ac pro Gallo Gallinaceo. Aliquando verò frequentius significat unum, aliud verò raro. Sic verbum, *Est*, ordinariè accipitur pro verbo substantivo, quod sententiam, & existentiam significat; raro verò significat comedere. Hinc Glossa Civilis supra allata, dum dicit, quod æquivocum *æqualiter significat plura*, si per *ly* æqualiter intelligit, quod vox æquivoca sumatur semper pro quolibet significato æqualiter, non dicit verum, ut patet in Verbo, *EST*.

6. Restrictio Mentalis est, quando illud, quod mente habemus, totum per voces non significamus, sed solum partem.

tem. Unde audiens unum cognoscit, & loquens aliud intelligit. v. gr. Ego in mente habeo, quod Petrus non sit in aula dormiens, & ego dico: *Petrus non est in aula*. Audiens hæc verba credit, quod loquens intelligat de existentia absoluta Petri in aula, & tamen loquens intelligit de existentia Petri modificata à dormitione.

Meminerunt Restrictionis mentalis Pauldanus in 4. dist. 21. quæst. 3. artic. 3. concl. 1. & expressè Capreolus ibidem quæst. 2. sub finem illis verbis. Nec obstat, si additiones, & restrictiones, quæ fiunt in mente, non exprimantur, &c.

7. Hic notabis differentiam inter propositionem ambiguum, & mentaliter restrictam; nam varietas, & multiplicitas in propositione orta ex æquivocis, & vocibus ambiguis significatur ab ipsis vocibus; Unde audiens, si attendat ad significatum illius propositionis, potest venire in cognitionem veritatis; Non sic autem audiens propositionem mentaliter restrictam; quia verba non habent virtutem significandi illa restrictionem, ut patet in exemplo dato; *Petrus non est in aula*; hæc enim verba nullam habent virtutem significandi existentiam modificatam à dormitione, quam loquens intendit significare.

8. Nunc ergo quaeritur, an liceat cum cautela loqui æquivocè, & amphibologice, & etiam per restrictionem mentalem. Dixi, cum cautela, quia sine cautela hoc est aperte illicitum. Si quidem societas humana importat, ut loquens aperiat clarè, quod habet in mente, & interrogatus respondeat ad interrogationem ærectè, & hoc maxime in iudiciis. Præter agemus de æquivocatione, & amphibologia, postea nonnihil attingemus de restrictione mentali.

9. Prima facie videtur omnia hæc esse prohibita ab Innocentio Undecimo in suo decreto num. 6. 27 & 28 ubi damnat hæc propositiones. Prima est. Si quis vel solus, vel coram aliis, sive interrogatus, sive propria sponte, sive recreationis causa, vel quocunque alio sine sciret, se non fecisse aliquid, quod

revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.

Secunda est, Causa utendi his amphibologis est, quoties id necessarium, aut utile est ad salutem Corporis, honorem, res familiares tuendas, vel ad quemlibet alium Virtutis actum, ita ut veritatis occultatio censeatur tunc excipiens, & studiosa.

Tertia est: Qui mediante commendatione, vel munere ad Magistratum, vel officium publicum promotus est, poterit cum restrictione mentali præstare iuramentum, quod de mandato Regis à similibus solet exigi, non habito respectu ad intentionem exigentis, quia non tenetur facere crimen occultum.

10. Revera tamen in hisce propositionibus Amphibologia, & Equivocatio non damnantur, ut tanquam certum supponit Cardenas in tractat. de propositionibus damnatis ab Innocentio in sec. dist. 19. c. 4. num. 35. quidquid Pater Natalis Alexandri, nullam rationem afferendo, credat. Certè in Prima Propositione damnatur Propositio, qua faciat alium sentium præter illum, quem ex vi vocum habet, & hoc intelligendo intra se aliud. Ecce evidenter, quod multiplicitas sensuum damnatur equidem, sed quæ proveniant ob diverfam intellectum internam; & sic damnatur restrictio mentalis.

In Tertia verò Propositione expressè prohibetur ipsa restrictio mentalis illis verbis: *Poterit cum restrictione mentali*.

11. Quoad secundam Propositionem observandum est, damnari quidem *Amphibologias*, non solitarias acceptas, sed cum illo pronomine, *His*. Certè Pronomina *Is*, *Ea*, *Id*. Hic, Hæc, Hoc, Ipse, Ipsa, Ipsum, sunt relativa ad præcedentia, & repetunt illa cum suis qualitativis, ut videre licet in Barbosa in tractatu de dic. usu frequen. Cum Pontifex in propositione antecedenti loquutus fuerit de propositionibus men-

te restrictis, debemus dicere, quòd de iisdem loquatur in hac. Tum quia illa propositio: *Causa utendi his Amphibologus est*: Certè est limitata, & minus ampla, quàm si dixisset: *Causa utendi Amphibologus est*. Tum quia, si dicam: Hoc animal volat, est propositio vera, quia illa particula, *Hoc*, est demonstrativa ad oculum; unde determinat ad aliquod particulare terminum Universalem, & significat determinatam rem, & talem rem. Tale autem Animal utique volat. Et contra si dicam, *Animal volat*, est propositio falsa; Nam homo, qui est animal, non volat. Ergo, si Papadamnat *has Amphibologias*, non damnat omnes Amphibologias, sed tales, & determinatas Amphibologias. Quznam erunt tales Amphibologiae? Ego dico, determinari ab antecedenti propositione; & sic mentales tantum proscribuntur.

12. Dicendum igitur est, nos licitè posse aliquando uti *Equivocatione*, & *Amphibologia*. Assigno casum: Interrogor à Sicariis, an Petrus sit domi, nam ipsum voluit interficere. Ego possum respondere: *Petrus non est domi*, intelligendo ly *est*, pro *Comedit*.

Item homo natione Gallus quaeritur ad necem à Germano. Ego possum respondere: Hic non est Gallus, id est pullus Gallinaceus. Ad evitandam ergo mortem injustam, vel aliam similem causam possum equivocare.

13. Hoc autem, ut dicebam, est mihi probandum Doctorem Antiquorum auctoritate. Igitur Divus Augustinus in q. q. de Genes. quaest. 16. tom. 4. Sed melius lib. 22. contra Faustum Manichaeum. tom. 6. c. 34. & refertur c. *Quaeritur* 22. quaest. 2. ait: Quaeritur, cur Patriarca mentiri voluit, ut diceret Saram Sororem suam, & non potius Deo commisit, qui, si vellet ejus pudicitiam apud Pharaonem servare, posset? Sed veritatem voluit celari, non mendacium dici. Soror enim dicitur, quia filia fratris erat. Et in hoc ostenditur, quòd nemo debet tentare Deum suum, dum habet, quod rationabili Consilio sa-

ciat: Divus Augustinus laudat expressè Abraham, quia celavit veritatem Pharaoni, quam non tenebatur manifestare. Quomodo autem celavit veritatem? Celavit dicendo, quòd *Sara esset Soror sua*. In hoc facto certum habemus, quòd Abraham celavit veritatem, qua erat, quòd Sara esset Uxor Abraham. Habemus insuper ex Divo Augustino, quòd bene fecit, & *rationabili Consilio* celare hujusmodi veritatem; Dubius est autem modus, quo talem veritatem celavit. In hoc dubio est certum, quòd non celavit, falsitatem dicendo: *Hac mulier non est mea Uxor*, ut patet ex textu Genesis. Quomodo ergo celavit? Ex eodem textu non habetur aliud, nisi quòd Abraham dixit: *Soror mea est*; Et Sara confirmavit, quòd Abraham esset ejus *Frater*. Porro hic casus contigit Abraham duplici vice, semel in Aegypto 12. Genes. & semel in Gerara 22. Genes. Igitur ex textu Canonico, & Geneleos Abraham voluit celare, *Saram esse suam Uxorem*, & ut hunc sinem obtineret, decrevit, ut Sara diceret, quòd Abraham esset ejus *frater*, & Abraham diceret, quòd Sara esset ejus *Soror*. *Soror mea est*, *Frater meus est*. Audiamus textum formalem Divi Augustini ex loco contra Faustum. Nulla causa cogor temeritate labi reprehendendum, quem nemo convincit, timore lapsum fuisse ad mentendum; Neque enim utrum ejus Uxor esset interrogatus, non esse respondit; sed cum ab eo quaeretur, quid ei esset illa mulier, *indicavit Sororem, non negavit Uxorem*. Tacuit aliquid Veri, non dixit aliquid Falsi.

14. Igitur ego puto, quòd Abraham usus fuerit equivocatione in illo nomine, *Soror*; Nomen enim hujusmodi apud Hebraeos & significat Filiam ejusdem Patris, & filiam sui Fratris. Sara enim erat filia Aram, ut Glossa Hieronymi in c. 22. Genes. litter. D. indicat. Aram autem erat Frater Abraham Genes. xi. Sicut nec Glois. in c. *no quis*. V. *occiditur*, & c. *quaeritur* 22. q. 2. V. *sororem suam* derogavit eidem Sancto, viro

viro, dum docuit, ipsum usum fuisse *equivoco*.

14. Dices: Melius est dicere, quod veritas facti Abrahæ salvetur per Prophetiam, & Figuram. Hinc Divus Augustinus de Mendacio cap. 5. tom. 4. ut refert etiam Divus Thomas 2. 2. quæst. 110. art. 3. ad 3 dicebat: Si quæ tamen in eorum dictis appareant, quæ mendacia videntur, intelligendum est ea figuratiter, & prophetice dicta esse.

Sed contra, quia Divus Thomas ex Divo Augustino de quæstionibus super Genes. observat, peculiariter in allegato facti Abrahæ voluisse Abraham in illis verbis, *Soror mea est*, veritatem celare, non mendacium dicere; Ergo juxta Augustinum, & Divum Thomam veritas illius propositionis à nulla figura, & prophetia dependet, Consequentia liquet, quia illa propositio: *Soror mea est*, ex se habet virtutem celandi Matrimonium, ut liquet ex dictis. Confirmatur, nam Divus Thomas relata illa Doctrina universali Divi Augustini, quod dicta perfectorum hominum, quæ videntur Mendacia, intelligenda sunt figuratiter, & prophetice, subdit: Abraham tamen, ut Augustinus dicit super quæstionibus de Genesi dicens Saram esse sororem suam, *veritatem voluit celare, non mendacium dici*; Soror enim dicitur, quia filia fratris erat, &c. Certè Divus Thomas his verbis præten dit, asserere novam, & peculiarem Doctrinam salvandi veritatem in dictis Abrahæ præter illam Commune.

16. Præterea de facto Jacob dicente se Esau subdit Angelicus Doctor: Jacob verò mysticè dixit, se esse Esau primogenitum Isaac, quia videlicet primogenita illius de jure ei debebantur. Ecce in dictis Jacob agnoscit Mysterium, in dictis Abraham fateretur celatam se esse veritatem, nec alicujus Mysterii meminisse.

17. Isaac pariter petens ipse Geraram Genes. xxvi. dixit de Rebecca Uxor tua, quod esset ejus soror: *Soror mea*

*est*. Subdit verò sacer textus, quod timebat confiteri, quod sibi esset sociata conjugio. Abimelech autem conqueffus est cum Isaac, quod dixerit *esse sororem suam*, cum esset ejus Uxor. Certè, si Abimelech conqueffus est, quod Isaac dixerit, Rebecca esse Sororem suam, oportet, quod Abimelech acceperit illam vocem, *Soror*, in sensu, qui excluderet esse ejus Uxorem, & sic ex hoc fuerit deceptus, & propter deceptionem hanc habuerit occasionem conquerendi de tali responsione; Ergo illa vox, *Soror*, habebat duplex significatum, & erat æquivoca.

18. Subdit tamen Doctrinam valde notabilem Abulen sis in Genes. cap. 26. quæst. 3. litter. F. quod scilicet non sit necesse excusare Patriarchas à mendacio officioso, cum & ipsi Apostoli non excusentur, & alii Viri Sanctiores. Quam Doctrinam prius tradiderat de Jacob Scotus in 3. dist. 38 §. ad Argumenta, vers. ad illud de Jacob. Et sequuti sunt ibidem Aureol. & Antonius Andreas, Lyranus in Genes. xxvi. Rosella Ver. Mendacium. num. 17. Gabriel in 3. dist. 38. litter. N. Joannes de Eriburgo lib. 1. tit. 10. de mendacio quæst. 7. primò defendit Judicium à mendacio, postea ait: Vel potest dici, quod laudetur; non quia mentita est Holoferni, sed propter affectum ob salutem populi.

19. Hic duo notabis, Unum, quod hi Doctores excusant probabiliter Isaac à mendacio, & probabiliter non excusant; & sic iidem D.D. duas oppositas opiniones probabiliter sequuntur. Alterum, quod, si illi absq; nota dicunt, nulum esse inconveniens, si teneamus Patriarchas fuisse mentitos, cum Apostoli, & alii Viri Sanctiores venialiter peccaverint, quæ Doctrina consonat cum Tridentino sess. 6. cap. 11. dicente Sanctos, & Justos in venialia cadere, à quibus sola Beata Virgo immunis fuit. Si, inquam, abique nota possunt sustinere, quod Isaac, Jacob, & alii Patriarchæ mentiti fuerint, cur nobis imputabitur indecens, si asseramus illos æquivocatione usos fuisse? Numquid majus

maius malum est aquivocare, quam mentiri? Si ergo hæc propositio est licita: *Patriarcha mentiri sunt*, nec ex hoc sequitur, quod Sanctorum Patrum acta ludibrio vertantur; nec ludibrio vertentur, si dicamus hanc aliam: *Patriarcha aquivocatione usi sunt*.

19. Nunc ponderemus factum Jacob, qui Genes. 27. ut Benedictionem à Patre acciperet, quæ Primogenito Esau iuxta legem conveniebat, dixit Isaac: *Ego sum Primogenitus tuus Esau*. Divus Augustinus quæst. 78. in Genes. & lib. 16. de Civit. Dei c. 37. & lib. contra mendacium c. 10. Theodoretus quæst. 80. in Genes. Gregor. Hom. 6. in Ezech. Isidorus, Beda, & Ruper. in Genes. 27. Gratian. in d. c. *queritur*. A lens. 2. par. quæst. 139. Divus Thomas loco citato, Magist. in 3. dist. 38. & quod magis est, Innocentius Tertius in c. Gaudemus de divort. expressè excusant à mendacio Jacob.

\*20. Abulensis tamen, ut dixi supra, & alii insinuant, Iacob mentitum fuisse. Nunc sustinendo opinionem benignam dico, excusari Iacob à mendacio, quia nomen, *Esau*, non accepit pro nomine alicujus substantiæ personæ, sed pro dignitate personæ. Voluit ergo significare: *Ego sum Esau*, idest *ego sum ille, qui habet dignitatem Esau*. Audiamus Gratianum post d. c. *Queritur*, sic scribentem: Iacob dicendo se esse Esau primogenitum, non est mentitus; non enim dixit, *se esse primogenitum nascendo, sed ius primogenitura illo vendente rite adeundo*. Sic & Christus Iohannem dixit esse Eliam, non personam, sed *imitatione Virtutis*. Erat ergo Iacob Esau non nascendo, sed emptione Primogenitura de non Primogenito in Primogenitum transeundo. Eandem explicationem illius termini, *Esau*, adhibent alii. Et hæc explicatio habet fundamentum in Divo Thoma, ubi supra, qui dicit, ideo potuisse Iacob, se dicere Esau, quia videlicet primogenita illius de iure ei debebantur. Et clarè hanc interpretationem sequitur Theodoretus loco supra allato, Ubi hæc habet:

Quid? An non visus est Iacob mentiri, cum dixit: *Ego Esau primogenitus tuus*? Emerat privilegia primogenitura; Verè igitur appellabat seipsum primogenitum. Et videbimus mox, Doctores communiter hanc explicationem amplecti. Juxta ergo hanc explicationem nomen, *Esau*, est aquivocum; Significat enim *aliquam personam*, & *dignitatem personæ*. Isaac illud accepit in primo sensu; Iacob verò in secundo sensu. Ergo Iacob usus est aquivoco.

21. Nec juvat, dicere, hoc factum Jacob fuisse Mysterium; & sic eius veritatem pendere à sensu mystico, non verò à littera. Hinc nos petentes eius veritatem à littera incidimus in absurdum illud inculcatum à Clero Gallicano, quod mysticè dicta ad aliud veritatem insinuandam cum vulgaribus gestus confundimus.

Sed contra, nam, salva reverentia Illustrissimo Clero debita, scimus, Sacram Scripturam multiplici sensu gaudere, ut post Augustinum, Hieronymum, & alios Antiquos Patres probat Divus Thomas par. 1. quæst. 1. art. 10. & cum Divo Thoma ceteri Theologi tradunt, quibus præjueant Albertus in Summ. par. 1. tract. 1. quæst. 3. & A lensis quæst. 1. membr. 4. art. 4. Est autem quadruplex hic sensus unde illud distictum.

*Littera gesta docet, Quid credas Allegoria,*

*Moralis quid agat, Quò tendas Analogia.*

22. Advertunt Doctores, quod sensus literalis est fundamentum aliorum. Unde Albertus dicebat, quod sensus literalis primus est, & in ipso fundantur tres alii sensus spirituales; & Divus Thomas dicebat, quod *sensus spiritualis super literalem fundatur, & eum supponit*. Si ergo sensus literalis est fundamentum cæterorum, & supponitur ante alios, distinguitur à cæteris, sicut fundamentum distinguitur à re fundata, & Prius distinguitur à Posteriori. Ergo Veritas sensus literalis non pendet, nec habetur à veritate aliorum.

rum sensuum; quia fundamentum non dependet à re fundata, nec Prius à Posteriori, & quæ distinguuntur, veritas unius non constituitur à veritate alterius.

23. Nunc difficultas stat in assignanda ratione sensus litteralis. Audiamus Doctorem Angelicum. Author Sacre Scripturæ est Deus, in cuius potestate est, ut non solum voces ad significandum accommodet, quod homo facere potest, sed etiam res ipsas; & ideo cum in omnibus scientiis voces significant, hoc habet proprium ista scientia, quod ipsæ res significant per voces etiam significant aliquid. *Illæ ergo primæ significatio, quæ voces significantes, pertinet ad primum sensum, qui est sensus Historicus, vel Litteralis.* Illa vero significatio, quæ res significant per voces iterum res alias significant, dicitur sensus spiritualis, qui super litteralem fundatur, & eum supponit.

24. Audiamus Albertum sic ex Beda dicentem: Dicit Beda in Glossa super primum Genes. Quatuor sunt sensus Sacre Scripturæ. Historia scilicet, quæ res gestas loquitur; Allegoria, in qua aliud ex alio intelligitur; Tropologia, idest Moralis loquitur; Anagogia, in qua de Summis, & Cælestibus tractatur. Et dat exemplum: v. gr. *Jerusalem secundum Historiam Civitas est Judæ; secundum Allegoriam significat Ecclesiam; secundum Tropologiam Ecclesiam animam; secundum Anagogiam omnium Cælestium vitam.* Ita Albertus ex Beda.

25. Ex hac Doctrina sequitur clarè, & evidenter, sensum litteralem, & Historicum in factis Jacob non debere desumi ex sensu mystico, & Allegorico, in quo significatur, quod Populus Christianus, qui posterius natus est, esset preferendus Populo Judaico, qui prius natus fuerat. Consequentia liquet, quia sensus Historicus, & litteralis supponitur ante spiritalem.

26. Consideratur Sicut Jerusalem Historice, & litteraliter significat Civitatem Judæ, ita Narratio facti Jacob

significat actionem materiale factam à Jacob; & sicut objectum Historicum nominis, *Jerusalem*, habetur independentem à sensu allegorico, qui importat Ecclesiam, ita objectum narrationis facti Jacob historice sumptum debet haberi independentem à sensu allegorico, qui importat Populum Christianum. Ergo sicut, si quis vellet explicare historice illas duas propositiones. 1. *Macabæor. c. 7. Venit Nicanor in Jerusalem;* non recurreret ad allegorias, & sensum mysticum; & si hoc faceret, male faceret, & confunderet Historias Sacras; Ita etiam, si quis explicaret Historice has duas propositiones: *Sara est Soror mea; Ego sum Esau primogenitus tuus;* non debet recurrere ad sensum mysticum, & spirituale, qui scilicet per Divum Thomam habetur per res significatas à vocibus; Et qui aliter faceret, confunderet Historiam, quia illam redderet parabolam, & illam explicaret, sicut explicatur illud Iudicum ix. quo narratur, quod Ligna concilium iniverint, ut Regem constituerent. Igitur debemus concludere, quod facta Jacob, Isaac, & Abraham veritate Historie contineant, & illa à mendacio in sensu litterali sint libera, præciso quocumque sensu mystico, & sub rebus latente.

27. Hic non refero alia exempla Scripturæ, quia ea narrabo, dum textum Divi Raymundi eferam. Invenit hic afferre exempla quorundam factorum Sanctorum in lege Nova, quæ communiter à mendacio excusantur. Primum erit illud Celeberrimi Divi Athanasii, quod Breviarium Romanum meminit in eius die festo; Cum enim quæreretur à Satellitibus ad mortem, & ipsum interrogarent, quantum inde abesset Athanasius, respondit, *enim non longe abesse.* Equivocatio stat in ly. *Longe;* ple enim Athanasius accepit illud in sensu physico, & in parva distantia physica, è contra Satellites acceperunt illud in sensu morali; & de distantia, quæ moraliter non esset longinqua.

28. Sic etiam Divus Paulinus narrans in Natali Quinto Divi Felicis factum ejusdem, quo à Satellitibus se subtraxit, proculdubio eum equivoco usum demonstrat. Audiamus Carmina, quæ habentur ibidem post 71.

*Felicem suis impietas, sed ab adibus absens*

*Forse suis media steteras securus in Urbe  
Fraternis de more suo vallatus amicis,  
Et pia verba serens populi credentis in aures.*

*Ecce ad eum striculis quærentes ensibus adsunt.*

*Cum subito aut illis corda hostibus, aut huic ora*

*Veruntur: notum non agnovere furentes,*

*Felicemque rogant; Felix ubi cernitur, & non*

*Cernitur; ipse, nec ipse vir est; cum sis prope, longe est:*

*Ignotus, notusque suis fit ci-vibus idem,  
Discernente Fide vultum credentibus, ipse*

*Hostibus alter erat: præsensit & ipse faventis*

*Consilium Christi, ridensque rogantibus insit.*

*Nescio Felicem, quem quæritis; illicet ipsi*

*Prætereunt ipsum; discedit as ille, platea includente Canes Domino, sinistras viantes.*

*Nec longum emensis spatium, & scitantibus illis*

*Qua Felix regione foret, quidam increpat, & dat*

*Judicium ignarus causa, credensque furor*

*Dementes, qui non vidissent comminus ipsum,*

*Ad quem contiguus fecissent verba loquelis.*

*Percussi novitate doli, graviusque su-ventes*

*Mox redeunt.*

29. Examinemus factum, & Verba. Christus stupendo miraculo ex Divo Paulino vel vultum Divi Felicis mutavit, vel corda Satellitum; unde ipsi

Satellites non agnoverunt Divum Felicem, quamvis præsentem. Hinc illum interrogaverunt, ubi esset Felix. *Notum non agnovere furentes, Felicemque rogant;* Quamquædò responsionem nostri scrupulosi Probabilioristæ dedissent huic interrogationi inopinæ? Manifestassentne, se esse Felicem? At fecissent contrarium illi, quod Christus manifesto miraculo celabat. Tacuissentne? At illa taciturnitas, vel manifestabat miraculum, vel illi magis furentes ipsum Divum Felicem trucidassent præsumentes, quod nollet manifestare, ubi Felix esset.

30. Restabat ergo unica via, qua & miraculum tegeret, & se à Satellitibus eriperet, & hæc erat responsio ambigua, & equivoca, & hanc arripuit gaudens, quin & ridens. Igitur Beatus Felix animadvertens ex miraculo Christi se non agnosci à Satellitibus, tunc ridens rogantibus insit: *Nescio Felicem, quem quæritis.* Accepta hæc responsione satellites illicet ipsam prætereunt. Nunc dicant mihi Adversarii, quare Satellites accepta illa responsione: *Nescio Felicem, quem quæritis,* abierint, & Divum Felicem re iquerint inactum. Certè nil aliud responderi poterit, nisi quod crediderint, quod ille Vir, qui ipsi respondebat, aliteret, se nescire ubi esset ille Homo, quem sub nomine *Felicis* quærebant. Igitur illa Verba: *Nescio Felicem, quem quæritis,* Satellites intellexerunt de Persona, & de illo homine, qui dicebatur, *Felix,* & quem quærebant. At Divus Felix proculdubio non accepit illa Verba in hoc sensu, quia sic mendacium dixisset, quod non est præsumendum de tanto Viro, quia nimis abusus fuisset favore miraculoso Christi. Debemus ergo dicere, quod Sanctus Martyr accepit illam Vocem, *Felicem,* adjectivè, nempe pro eo, qui habet *Felicitatem,* in quo sensu utique verum dixit, quia in hoc mundo nullus habet *Felicitatem.*

31. Nec dicas, quod Divus Paulinus hanc responsionem vocaverit *Dolum;* & sic peccaverit D. Felix, *Percussus novitate*

tate *Doli*. Non dicas, inquam, nam dolus non semper est malus, quoniam *Veteres*, inquit Vulpianus in *hoc edicto*. ff. de dolo malo §. non fuit, *dolum etiam bonum dicebant*. Hinc Gloss. Ver. etiam bonum dolum scribit. Nota bonum, & malum Dolum, sicut bonum, & malum Venenum, ut de Contrahen. empt. quod scepe §. 1. & de verb. signific. qui Venenum. Progredditur Textus: pro solertia hoc nomen (Dolus) accipiebant; maxime si adversus hostem, latronemq; quis machinetur. Ecce contra latronem, & hostem licet uti dolo. Quin Glossa Ver. Hostem notat ex illa voce, maxime, sequi, nos posse uti dolo etiam contra eos, qui nec sunt hostes, nec latrones, qui tamen contra nos fraudem machinantur; & hoc probat pluribus legibus. Vide ipsam Glossam, illam enim non est necesse referre, cum Satellites Divi Felicis essent & hostes acerrimi, & latrones crudelissimi. Igitur Divus Felix iusto dolo usus est contra Satellites, & hic dolus consistit in illis verbis: *Nescio Felicem*. Quem Dolum, ut iustum tuamur, non possumus aliud dicere, nisi quoddam fuerit *equivocatio*.

32. Navarrus in Manuali. c. 12. num. 2. refert ex Angelo de Perusio in l. ideo §. si tibi ff. de condit. ob turp. caus. & Joanne de Anania in c. qui cum sure. coll. fin. de furt. quod Divus Franciscus interrogatus, quā perrexisset quidam Homicida, qui iuxta eum transierat, manus in manicam immittens respondit: *Non transisse illuc*. Hæc responsio fuit ambigua, & illa vox *illuc*, poterat significare plura loca, & ipse Divus Franciscus accepit illam pro manica, & Satellites pro alio loco.

33. Nunc transeamus ad Textum Doctorum Antiquorum approbantium equivocationem. Præcedat Antiquissimus, & Sanctissimus Vir Divus Raymundus de Peniafort. Ergo ipse in Summ. lib. 1. §. 3. tit. de mendacio quaerit, quid debeat Petrus respondere illi, qui petit ab ipso, ubi sit alter, quæra intendit occidere. Pro solutione refert primò opinionem sustententem, in hoc

casu non esse mentiendum, quod multis textibus probat, & dicit, hanc opinionem plerisque Doctores tenere. Inde refert aliorum opinionem dicentem, in tali casu esse mentiendum, quam sustinet ejus Glossator. V. *mentiendum esse*. Tandem sic scribit: Ego credo, salvo meliori iudicio, quoddam talis debet esse processus. Primò debet tacere, ut dicit Augustinus. c. ne quis 22. quaest. 2. . . . . Vel respondeat verbum aliquod *Equivocum*, ut putat, non est hic, id est, non comedit hic, vel simile aliquid. Ad hoc movent nos infinita exempla, de quibus pauca dicamus. Jacob dixit Patri suo Isaac, se Esau primogenitum, non nativitate, quia tunc mentiretur, sed jure priusogenituræ, quam emerat. Item Abraham rogavit Uxorem suam Saram, ut diceret se non Uxorem, sed Sororem, cum iret in Ægyptum, ne occideret eum Pharaon propter eam. Verum dixit, sed *equivocè*, soror enim dicebatur, quia filia Fratris erat. Item Thobiaz cap. 5. Angelus Raphael respondit Thobiaz interroganti quis esset, aut de qua domo: *Ego sum*, inquit, *Azarias Anania magni filius*. Multa etiam alia potes invenire 22. quaest. 2. Utilem, & Queritur, & §. item opponitur.

34. Nota, quod bene Divus Raymundus refert pro Æquivoco responsum Angeli Raphaelis, & in rei veritate Azarias, & Ananias plura significant; Possunt enim significare nomen proprium personæ, & cognationis; & in hoc sensu intellexit Thobias; Nam Angelo dicenti se esse *Azariam Anania magni filium*, respondit: *Ex magno genere es tu*. Azarias etiam potest significare *Gratia Dei*, inquit Beda, sive *Donum*, *Miseratio*, & *Gratificatio Dei*, ait Pagninus. Ananias autem potest etiam significare *Nubes Dei*. In hoc autem sensu Angelus Raphael accepit nomina *Azaria*, & *Anania*. Ergo bene Divus Raymundus posuit pro exemplo *Equivocationis* factum Angeli Raphaelis.

35. Glossator Raymundi Ver. *Equi-*



verum, scribit: Ex hoc patet, quod ad elidendam malitiam alicujus possumus uti verbis duplicibus, etiam in juramentis, in alio sensu, quam ille intelligat. Divus Raymundus, & ejus Glossator nequeunt clarius, & expressius loqui pro me. Vide num. 71. & 72.

36. Subdo Testimonium Divi Antonini, non quia vixerit eodem tempore, sed quia ejusdem Sanctitatis, & Religio-  
exit cum Divo Raymundo. Igitur par. 2. tract. 10. c. 1. §. 1. scribit: Videtur etiam abique vitio mendacii posse uti verbis *Sophisticis*, seu *loquutione duplici* ad obviandum malis, cum scilicet quis dicit aliqua verba, quæ intelligi possunt dupliciter, & ad unum quidem intellectum dicit, & alium intellectum intendit imprimere in mente auditoris, ut si de aliquo, qui ad mortem quaeritur, interrogatus, utrum transiverit per illam viam, qui hoc novit, dicat, non transivit hæc, intendens loqui de loco, in quo ipse est, quod utique verum est. . . . non dicit mendacium, quamvis ille aliter intelligat verbum, quam proferens; Unde, & Angelus Raphael interrogatus à Thobia quis esset, & de quo genere, respondit: Ex Filio Israel ego sum Azarias Anania magni filius, quod verum est secundum interpretationem illorum nominum secundum Magistrum in Historiis, & non aliter. Israel autem interpretatur videns Deum, Azarias verò Adjutor, Ananias autem Gloria Dei interpretatur. Erat utique Angelus ex videtibus Deum per speciem, Adjutor Thobia, Ananias filius, id est dignus Gloria Dei. Thobias tamen aliter intellexit. Nota illa verba, *sophisticæ*, seu *loquutione duplici*.

37. Afferamus Testimonium ex Divo Bernardino tom. 1. serm. 32. in Sabb. post tertiam Dominicam in Quadrag. Hic ergo cap. 3. art. 2. ait: Notandum est, quod ad hoc, quod prolatio sermonis equivoci, seu multiplicis sensus habeat duplicatam prædictam, regulariter advertenda sunt quinque, Intentio, Affectio, Utilitas, seu Necessi-

tas, Autoritas, & Modus; quando enim primò Intentio est duplex, non simplex, & recta. Secundò Affectio est Carnalis, & perversa. Tertiò fit absque utilitate, seu necessitate. Quartò fit absque autoritate ejus, qui habet autoritatem mutandi communem sensum, & communem acceptionem Verborum, seu signorum. Quintò quando status proferentis, aut vita, aut gestus non exhibent homini aliquam imaginem, aut dubietatem prædictæ mutationis signorum, seu significatorum, tunc est plena duplicitas; ad verendum est tamen, quod quocumque alio modo intersint aliqua de prædictis, duplicitas etiam dici debet. Quando autem omnia prædicta his Quinque contraria, non duplicitas, sed actio, seu loquutio figurativa, vel prophetica, aut mystica appellatur. His igitur præmissis Triplicem oris duplicitatem distinguamus, prima dicitur Sancta, vel inspirata; Secunda permixta; Tertia verò prohibita. Hactenus D. Bernardinus.

38. Ecce expressè quod prolatio sermonis equivoci non habet duplicitatem, & sic non est illicita, quando habet quinque conditiones, nempe bonam Intentionem, bonam Affectiorem, Utilitatem, seu Necessitatem, quando illa loquutio fit autoritate illius, qui potest mutare sensum Verborum, & quando proferens est in statu, qui potest exhibere aliquam dubietatem dictæ mutationis.

39. Tres primæ conditionis per se sunt claræ. Difficultas est de aliis duabus. Ipse Divus Bernardinus explicans postea has conditiones in cap. 1. post art. 2. quoad factum Jacob ait, quod Jacob motus fuit ad sic loquendum à Deo, qui potest uti licet loquutionibus translatis, seu figuratis, cum ipse non alligetur legibus idiomatum, nec statutis humanis, sicut nec etiam Christus; unde Matth. 11. de Joanne Baptista ait: Ipse est Elias, ubi accipitur Elias non pro persona, sed pro officio, & Virtute, sic Jacob verè dixit, se esse  
R r 2 Esau,

Eſau, non ſecundum perſonam, ſed jure primogenituræ ſibi divinitus traditæ.

40. Ego quidem capio, quod verba, ut habeant virtutem ſignificativam, illam debeant recipere ab eo, qui eſt ſupra ſtatuta humana. Hinc hoc nomen, *Homo*, nequit ſignificare *Aſinum* v. gr. niſi à Superiore recipiat Virtutem. Sic etiam Nomen, *Eſau*, & illud, *Elias*, ab initio non ſignificabant niſi perſonas. A Deo autem aſſumpta ſunt poſtea ad ſignificandum officium illarum Perſonarum. Quia verò in Scriptura non invenitur veſtigium, quod poſſimus credere, illa nomina ſolum pro illa vice fuiſſe aſſumpta ad ſignificandum officium talium perſonarum; ergo nunc poterò uti illis nominibus pro ſignificatione officii illarum perſonarum; Ergo, ſi quis homo habet nomen, *Elias*, & hic quaeratur ad mortem, poterò bona intentione, & bono amore, & pro tanta neceſſitate reſpondere: *Non eſt hic Elias* ſumendo illud nomen, *Elias*, non pro perſona, ſed pro officio perſonæ, ſicut in tali acceptione accepit illud Chriſtus loquens de Joanne; & ſolum erit differentia inter Chriſtum, & me, quod Chriſtus, ut potè Deus, & Dominus, potuit uti illo nomine, quamvis aliàs talem ſignificationem non haberet; ego verò ſolum uti illo poſſum, quia a ſua talem ſignificationem accepit à Chriſto potente dare talem ſignificationem.

41. Nec juvat dicere, quod ego utendo illo nomine in tali ſignificatione decipiam auditores, qui credunt, quod egoutar illo nomine pro ſignificatione perſonæ. Non juvat, inquam, hoc dicere, quia etiam auditores Chriſti decipiebantur, & tamen, quia Chriſtus non tenebatur *ſtatuta humanis*, potuiſſe loqui; Ergo etiam, quia ego in tanta neceſſitate non teneor patefacere veritatem, poſſum uti loquela, quæ ex ſua ſignificatione continet Veritatem, hæc per accidens deceptio populi ſequatur. Igitur hæc quarta conditio, quam Divus Bernardinus requirit, debet intelligi in illo caſu, in quo, ut habeatur veritas loquutionis, exigitur, ut

voces mutent ſenſum communem. Tunc enim jure ſolum poteſt hoc fieri ab eo, qui mutare ſenſum verborum poteſt, ut eſt per ſe notum. Ego autem ex hoc infero, quod, quando verba aliàs habent illam ſignificationem, in qua volumus illis uti, non requiritur Authoritas Superioris, quia in hoc caſu non verificatur illa conditio, ſub qua Divus Bernardinus exigebat authoritatem Superioris.

42. Hic obiter nota, quod, ſi quis diceret, quod auditores Chriſti decepti non fuerunt, dum Chriſtus dixit: *Elias venit*, tunc ſubdam ego illud Chriſti: *Solvite Templum hoc*. Tunc enim auditores clarè decepti ſunt; nam Chriſtus pro *Templo* intelligebat ſuum Corpus, & auditores accipiebant pro *Domus Dei*.

43. Quoad quintam conditionem, exigit Divus Bernardinus, ut quis moveatur hoc agere ſub modo licito, & & honeſto, ideſt ſub certa regula virtutis, & ſolidæ veritatis, qui autem Sicariis quaerentibus ad mortem Regem, reſpondet: *non eſt hic*, habet regulam virtutis Juſtitie legalis, qua quis obligatur conſervare caput Reipublicæ; Et habet regulam certam veritatis, quia illud verbum, *eſt*, ſignificat verè conſeſſionem, & aliàs veriſſimum eſt, quod Rex hic non comedit. Et ſi audiens intelligit pro exiſtencia, ex hoc ſequitur, quod audiens percipit falſum, non verò, quod loquens falſum dicat.

44. Idem Divus Bernardinus art. 2. c. 2. agens de ſecunda oris duplicitate permiſſa, quam etiam dicit, aliquando eſſe debitam, ſcribit: poteſt quaeri, an vadens in aliquem locum, ut ibi aliquem aliquo traſſet, & ad hoc celandum vult ibi orare, ut ſcilicet interrogetur, poſſit dicere, *ego ivi illic cauſa orandi*; an ſcilicet talis dicendo hoc mentiatur, & prohibita duplicitate utatur. Et dicendum, quod abſque duplicitate, & mendacio verè hoc fieri, & dici poteſt; & præcipue, ſi hoc ſit intentione ſancta, & divina, ne detur peſtiferis cauſa malignandi; unde ſub tali modo loquendi licet.

*annus est occidere innocentem, ne impius occidatur.* Eandem Doctrinam habet D. Antoninus ubi supra. Hanc suam Conclusionem Sanctus Bernardinus probat triplici ratione, quarum tertia erat: qui in dicto existimat significari causam principalem, ipse seipsum fallit potius, quam fallatur; Nam, *si ex veritate mei dixi*, aut ex sola subterfientia alicujus veritatis meo dicto annexæ, *assumen non ex debito jure dicendo, quis fallitur*, non fallitur per se, sed solum per accidens à prædictis, quia nullum secundum inquantum secundum habet per se fallere; unde illi fallitur potius ab effectu suæ existimationis, per quam existimat, aliud contineri in dicto, quam continetur; nam præter dictum, & principale significatum loquutionis multa sunt ipsi per consequentiam significata, & consequentia non est aliquando necessaria, sed solum probabilis; & ideo, si aliquis tunc sumat probabilem pro necessaria, aut tale significatum pro primo, & proprio significato, seipsum potius fallit, quam fallatur.

45. Per hanc doctrinam clarè patet, nos posse uti nomine pro suo significato secundario, & non proprio; quamvis audiens credat illud adhiberi pro significato primo, & proprio, & tunc audiens potius seipsum fallit, scilicet per suam existimationem, per quam existimat aliud contineri in dicto, quam continetur, quam fallatur à loquente, quia non fallitur ex debito jure dicendo, id est quia non fallitur ex eo, quod loquens non dicit verum, quod jure teneatur dicere. Explico: Querit facilius à me: *Petrus estne hic?* Respondeo: *Non est hic*, id est non comedit hic. Certè illud verbum, *est*, principaliter significat existentiam in loco; Quia tamen etiam minùs principaliter significat comestionem, ego ob necessitatem accipio pro significato minùs principali; & licet sicarius accipiat pro principali, ego culpam non habeo huius deceptionis, sed ipse potius seipsum fallit, quam fallatur. Sicut Samuel i. Regum cap. 16. interrogatus à Bethleemitis, quare venisti huc? Respondit: Ad oran-

dum. Certè ly *quare* significat primò, & principaliter causam primariam principalem, & finalem, secundariò causam impulsivam, & secundariam. Adhuc tamen Samuel respondit juxta significatum secundarium, & Bethleemite acceperunt pro primario; In quo factò certè Samuel mendax non fuit, quia Deo obedivit; & Bethleemite, si decepti sunt, non sunt decepti à Samuele, sed à seipsis, & à propria existimatione. Hoc exemplum Samuelis assumitur à Divo Bernardino pro probatione suæ Conclusionis. Hic adverte, quòd in margine hujus textus dicitur: *Sub equivoco licet innocentem occidere, ne occidatur.*

46. Denique Divus Bernardinus in calce illius capitis ponit, & solvit ultimum objectum huius verbi: Tertio posset etiam quis ob stare dicens: Commune, & simplex vulgus commune, & & simplicem intentionem verborum accipit; Sed in tali loquutione commune vulgus simpliciter intelligeret illud fuisse causam absolutam, & principalem, & aliam significationem duplicitem reputaret, & fraudulentiam, & cum arte versutæ Calliditatis dicta; Ergo &c. Ad quod dicendum, quòd commune vulgus habet aliquid simplicitatis puræ, & rectæ, & aliquid astutæ, & *Astutia*, & ubi sit contra primam, malè sit, sed non contra secundam . . . ex tui duplicitate prudenti, & veritas præferatur, & Innocentia defensionis, sicut latius ostensum est in tractatu de Seraphin, Sermone . . . ubi septem ponuntur remedia, quibus homo licet, & debet uti potest pro liberatione innocentis, si queratur ad mortem. Ità D. Bernardinus.

47. Curavi invenire in Quadragesimali citato de Seraphin illa septem remedia pro liberatione Innocentis, sed frustra laboravi. Solum in Serm. 19. ter. par. princ. dub. 3. dicit, *quod si sciendo verum potes juvare hominem a morte, non est peccatum tacere verum in hoc casu, sed mendacium dicere nunquam licet.* Hæc ille, prætereaque nihil.

48. Videamus, quid dicat Antiquus Alisiodorensis. In 3. tract. 23. c. 1. quast. 3. fin. ita scribit: Ad illud, quod Vir perfectus non potest esse perplexus . . . Sed posito illo casu neque debet tacere, nec debet prodere; *sed debet deducere ipsos apparitores*, sicut dicebat Præpositivus sic dicendo: *Creditis, quod si ipse esset hic, quod ego dicerem vobis?* Vel debet respondere, sicut ille Sanctus Episcopus, de quo narrat Augustinus. . . hoc modo: *Nec possum mentiri, nec possum esse proditor*. Procul dubio illa verba ex Præpositivo: *Creditis, quod si ipse esset hic, quod ego dicerem vobis*, sunt ambigua, & in uno sensu intelligerentur ab Alisiodorensi, & Præpositivo, in alio verò ab apparitoribus. Hic textus, ut patet, est duorum Doctorum Antiquorum, & meo iudicio est clarus.

49. Idem Alisiodorensis c. 2. quast. 1. ait: Jacob non est mentitus; dixit ei se esse Esau instinctu Spiritu Sancti . . . ergo Jacob *transumptivè, & non propriè loquutus est*. Sicut Dominus loquutus est *transumptivè*, cum dixit: Elias jam venit de Joanne Baptista; Joannes enim fuit Elias in virtute, sed non intentione. Similiter Jacob dixit, se esse Esau non personaliter, sed virtute, & quantum ad jus primogenituræ. Ad primum dicimus, quod Jacob non intendebat persuadere, se esse Esau, ut propriè loquamur, quia persuadere est per verba, & argumenta; sed intendebat aliquid facere, quo facto Isaac crederet, ipsum esse Esau, & ita occasionaliter tantum persuadebat, se esse Esau. Ad secundum dicimus: si Esau sine peccato potuit persuadere, se esse Esau, non tamen verbo, quia factum non est proprius interpretis mentis, sed sermo est proprius interpretis mentis. Alisiodorensis verbatim sequitur Cathusianus in 3. dist. 38. quast. 1.

50. Nota, quod Jacob non est mentitus dum dixit, *se esse Esau*; nec Christus mentitus est, dum ait, *Joannem esse Eliam*; quia loquuti sunt *transumptivè*, idest metaphoricè, non verò pro-

priè; Ipsi enim per Esau, & Eliam non intelligebant personam, sed *virtutem Personæ, & quantum ad Jus*. Et tamen auditores accipiebant illa nomina pro Persona. Ergo illo casu illa nomina stabant æquivocè; Nomen enim, quod plura significat, juxta Doctores est æquivocum, si illa plura inter se non conveniunt.

51. Præterea per Alisiodorensis licet loqui in casu *transumptivè*, idest metaphoricè, ut patet in casu de Jacob, quem fuisse loquutum metaphoricè videtur etiam innuere Augustinus contra Mendacium cap. 10 tom. 4 post initium: Et in exemplo de Christo dicente Joannem esse Eliam. Et Alisiodorensis poterat asserere etiam illud Christi: *Servate templum hoc* Joan. 2. . . hac enim propositio est vera solum metaphoricè, prout illam dixit Christus, quia intelligebat, non de Domo Deo dedicata, ut faciebant audientes, sed de suo corpore. Certum est autem, quod corpus humanum solum metaphoricè Ten plium dicitur. Poterat etiam addere illud Joan. 1. famosum: *Lazarus amicus noster dormit, sed vado, ut a somno eum excitem*. . . patet enim hanc prepositionem esse totaliter metaphoricam, cum Mori vocet Dormire. Si ergo Jacob, & Christus potuerunt iusta de causa loqui *transumptivè, & metaphoricè*, quamvis cognoscerent, auditores esse decipiendos; ergo etiam nos iusta de causa poterimus loqui metaphoricè, & *transumptivè*, quamvis cognoscamus, audientes fore decipiendos. Consequentia liquet, quia Christus est norma nostrum. Si hoc concedatur, jam conceditur, posse nos uti propositione, quæ in se duplicem sensum habeat; & sic propositione ambigua.

52. Dices: Christus, ut dicebat supra Divus Bernardinus, non alligatur statutis humanis; ergo prout sibi libet potest uti nominibus; Nos autem ligamur à legibus humanis; ac proinde obligamur loqui, prout verba apud audientes sonant.

53. Sed contra, quia jam conceditur, quod

quodd Christus potest uti vocibus prout sibi placent; Sic jam conceditur, quodd Christus potest equivocare, & ambigued loqui; Consequentia sequitur, quia Christus vult uti v. gr. hac voce, *Templum*, ad significandum suum Corpus. Bene; hic tamen usus non tollit, quodd illa vox; *Templum*, amittat vim suam significandi aliis *Domum Deo Consecratam*, nam de facto Iudaei crediderunt, quodd Christus loqueretur de Templo Salomonis; Ergo, dum Christus utitur illa voce, *Templum*, illa vox habet duplicem significatum, unum impositum ab usu communi populi, aliud ipsi impositum à Christo. Ergo Christus ultus est propositione habente duplex significatum, unum prout intelligebat Christus, aliud prout intelligebant audientes; ergo Christus dixit propositionem ambiguum.

54. Alensis par. 2. quæst. 122. membr. 6. scribit: Obijciatur etiam de Joseph. Genes. 44. legitur, quodd dixit Fratribus suis: An ignoratis, quodd non sit similis mei in augurandi scientia? . . . Et antecap. 42. per salutem Pharaonis exploratores estis . . . possumus solvere per Augustinum in 5. lib. super Genes. ubi dicit sit loquens de verbis Joseph: hoc non serio, sed joco dictum, ut exitus docuit; Et ideo non est habendum mendacium, *mendacia enim à mendacibus serio aguntur, non joco*. Ecce propositio ambigua. Joseph illam dixit joco, & sic nihil volebat significare; Adhuc tamen auditores illam ut serio dictam acceperunt; & sic decepti sunt, sed per acudens.

55. Hic Textus fortè efficaciter non probat intentum. Melius, quin efficaciter illud probatur per Textum sequentem. Sed quæritur, inquit Alensis, aliquis proponit Orationem metaphoricam, sicut dicitur: *Litus aratur*. Hic primò unum significat, *ex consequenti aliud prætenditur*. Quæritur ergo, si mentiatut sic loquens, & peccet: *Ad quodd dicimus breviter secundum Augustinum, quodd talis, si intendat dicere sensum sequentem, propter hoc non*

*dicatur peccare, maxime cum dicit illud, quodd potest patere, sive quodd consuevit frequenter dici; unde non dicit contra conscientiam; non enim intendebat asserere primum sensum illius Orationis; Unde Augustinus, ubi loquitur de Iacob libr. contra mendacium c. 10. tom. 4. utrum mentitus sit, ita dicit: Omnis enunciatio ad id, quodd enunciat, referenda est, & propter hoc, si referendo ad intentionem enunciationis non fuit mendacium, non sunt censendi tales mentiri.*

56. Explico Alensem; Hæc propositio: *Litus aratur*, habet duplicem sensum, primum, quodd arena prope mare aratro vertatur, secundum, quodd frustra fiat aliquid. Primus sensus est proprius, & naturalis; Secundus improprius, & metaphoricus. Asserit ergo Doctor, quodd enuncians illam propositionem, si illam proferat, ut intendat significare secundum sensum, verum dicit, & non peccat. Et nota, quodd subdit hoc valere, *maxime cum dicatur illud, quodd potest patere, quæ verba significant hoc valere, etiamsi dicatur illud, quodd patere non potest, idest quodd frequenter non consuevit dici; Illa enim particula, maxime, supponit unum casum, & ampliat ad alium, ut videri potest apud Barbosam in tract. de dict. Usufrequen*

57. Dices: Alensis non loquitur in casu de interrogato circa aliquam veritatem, sed loquitur præcisè de enunciantie propositionem habentem duplicem sensum; Unde possumus dicere, quodd loquatur v. gr. de concionatore, qui utique potest loqui figuris Rhetoricis, & si audiens decipitur, est per accidens. Nostra autem quæstio est de homine interrogato de aliqua veritate, & dicunt Adversarii, quodd, si interrogatus posset respondere equivocè, figuratè, & per propositionem habentem duplicem sensum, tunc periret societas humana, & respondens causaret per se deceptionem in audiente.

58. Sed contra, quia, dato etiam, quodd Alensis esset intelligendus in illo casu,

casu, dicimus, quod ex hoc nostrum casum arguimus; Nam sicut concionator non potest semper loqui figuratè, sed signis parè utendum est, ut Rhetores docent; Et Theologi iubent, ne in rebus ad salutem necessariis auditor decipiatur. Ita in convictu humano non possumus loqui figuratè, & propositionibus duplex significatum habentibus, quia sic periret societas humana. Igitur tunc figuratè, *aquivoce*, metaphorice in convictu humano loqui fas est, quando possumus occultare veritatem, quod aliquando licere est certissimum. In hoc ergo casu possumus loqui, ut fecit Abraham iuxta Alesium quæst. 120. fin. qui nec falsum dixit, nec mentitus est iuxta Augustinum tom. 4. libr. contra mendacium cap. 10. & tom. 6. libr. 22. contra Faustum c. 34. circa finem. Non enim dicit, eam non esse Uxorem suam, sed dixit esse sororem suam, *Soror autem dicitur multipliciter*, quia filia fratris erat; Vel soror potest dici ex eodem patre, vel ex eadem matre genita.

59. Ecce clarè, & expressè per Alesium, Abraham respondit voce, *quæ multipliciter dicitur*, idest quæ habet plura significata. Respondit enim: *Soror mea est*, & *ly Soror* accipitur pro illa, quæ est filia Fratris, & pro illa, quæ est ex eodem Patre, vелеadem matre. Ipse Abraham intellexit pro sorore illam, quæ est filia Fratris: Pharao verò, & Abimelech illam, quæ est filia ejusdem Patris, vel matris, qui sensus est frequentior. Hinc Pharao, & Abimelech credentes Saram esse natam ex eodem Patre, vel Matre, ac erat Abraham rectè inferebant, non esse Uxorem Abraham; hinc volebant eamdem in uxorem sibi copulare.

60. Idem Doctor. 3 par. quæst. 37. membr. 6. in solutione Argum. habet eandem doctrinam de Abraham. Quoad Iacob verò dicit, non esse mentitum, dum se esse Esau primogenitum falsus est; nam non dixit, se esse primogenitum nascendo, sed *jus primogenituræ* illo vendente rectè adeundo; Sicut

Christus Ioannem dixit esse Eliam; non persona, sed imitatione Virtutis. Matth. 17. Transumptivè ergo, & non propriè loquutus est dicens: Ego sum Esau non personaliter, sed iure primogenituræ . . . & hoc verbum simpliciter verum erat, quia allegoricè, & transumptivè erat enunciatum.

61. Divus Thomas 2. 2. quæst. 69. art. 1. affirmat, rem juridicè non interrogatum posse licitè subterfugere per appellationem, *vel aliter*. Difficile est autem assignare alium modum effugendi manus Iudicis iniqui, si non, dicamus, juxta Divum Thomam posse eos uti ratione *aquivoce*, & *ambibologica*.

62. Dices Divus Thomas art. 2. dicit, quod Innocens potest occultare veritatem Iudici iniquo per aliquos convenientes modos, putà *quod non respondeat*. Igitur Innocens potest fugere manus iniqui Iudicis, vel per appellationem, vel *aliter*, idest non respondendo ad interrogata.

Sed contra, quia occultabit quidem veritatem Iudici nihil respondendo, et non subterfugiet Iudicem Iniquum, qui tantò acutius sæviet in ipsum. Tum quia Divus Thomas in art. 1. ejusdem quæstionis dicit: Quod, si Iudex exquirat, quod non potest, non tenetur ei accusatus respondere, sed potest, *vel per appellationem, vel aliter subterfugere*. Si per *ly aliter subterfugere* Doctor Angelicus non intelligit aliud, nisi quod non respondeat, tunc idem bis dixisset, sic ergo hic textus deberet poni: Accusatus non tenetur respondere, sed potest vel per appellationem, vel non respondendo subterfugere.

63. Item Divus Thomas 2. 2. quæst. 89. art. 7. 4. loco sibi objicit: nullus potest obligari ad duo opposita. Sed quandoque oppositum est, quod intendit jurans, & quod intendit ille, cui juramentum præstatur; ergo juramentum non potest esse semper obligatorium. Huic ergo obiecto responderet Angelicus Doctor: Quando non est eadem jurantis intentio, & ejus cui juratur, si hoc

hoc provenit ex dolo jurantis, debet juramentum servari secundum sanum intellectum ejus, cui juramentum præstatur. Si autem Jurans dolum non adhibeat, obligatur secundum intentionem jurantis; Unde Gregorius libr. 27. moral. c. 7. ante medium, dicit: Humanæ aures talia verba nostra judicare, qualia foris sonant; Divina verò judicia talia foris audiunt, qualia ex intimis proferuntur.

64. Nunc inquiri, cum ex textu pateat in hoc casu jurantem intelligere juramentum in uno sensu, in alio verò sensum intelligere, qui recipit juramentum. Inquiri, inquam, an verba juramenti in hoc casu habeant hunc duplicem sensum; & sic evidenter Divus Thomas concedit, quod aliquando liceat uti juramento amphibologico, id est habente plures sensus. Si verò in hoc casu verba juramenti non habent hunc duplicem sensum, tunc debemus dicere, quod illa verba habeant unum sensum ex propria institutione; alium verò ex voluntate proferentis, quia Doctor Angelicus loquitur in casu de juramento habente duplicem sensum; & sic Doctor Angelicus concedit, nos posse jurare per verba, quæ ex se habent unum significatum, & ex nostra voluntate aliud, quod est incidere in restrictiones mentales.

65. Igitur juxta Divum Thomam nequit negari, quod possimus licet uti juramento talis nature, quod audiens illud accipiat in uno sensu, & jurans in alio, & tunc hoc valet, quando dolus erit ex parte recipientis juramentum; ergo, si iudex ordine juris non servato me interroget: *Eratne tecum Gallus?* potero respondere, *Gallus mecum non erat;* Ego autem intelligo non de homine, quem inique vult occidere. Iudex certe dolo me interrogat, & ego teneor tacere veritatem; Ergo illa verba debent intelligi juxta intentionem meam, quæ est bona, & non Judicis, quia est dolosa.

66. Cajetanus in hoc articulo. §. ad 4. dicitur fin. dicit, quod si verba jura-

menti habent duplicem sensum extra Judicium, & in materia non præjudiciali, & jurans illa intelligit in sensu, quo sunt vera, & si habeat intentionem, ut audiens fallatur, dicit, inquam, Cajetanus, quod jurans peccat venialiter, & non mortaliter. Subdit Cajetanus: si autem artificiosè composita verba dicuntur cum juramento vera quidem, sed non penetrabilia ab audiente, nisi falsò, cessante præjudicio juris, & hominis absque peccato fieri potest. Ecce juramentum habens duplex significatum per Divum Thomam juxta Cajetanum, quamvis audientem decipiens, vel cum solo peccato veniali, vel sine ullo peccato.

67. Dominicus Bannez 2. 2. quæst. 69. art. 2. vers. respondetur, & sit: ita scribit: Nota obiter, quod ista Doctrina Divi Thomæ intelligitur, quando verba jurantis sunt Amphibologica, ita ut possint accipi secundum intentionem utriusque partis, vel ex vi verborum, vel ex circumstantiis. Nunc arguitur ex Doctrina Divi Thomæ: In casu proposito non est dolus ex parte jurantis, sed potius ex parte Judicis, qui contra Ordinem juris sub specie potestatis publica vult exigere crimen, & condemnare contra intentionem legis. Ergo, qui jurat, non tenetur verificare juramentum secundum intentionem judicis, sed sufficit verificare secundum propriam intentionem, supposito quod verba ipsa possunt accipi in illo sensu ex circumstantiis. Ita Bannez, qui explicat Doctrinam Divi Thomæ, quam supra retuli ex 2. 2. quæst. 89. art. 7 ad 4. Hinc patet clarè per Divum Thomam ex Bannez nos posse jurare in casu cum verbis amphibologicis, etiam in Iudicio. Vide etiam D. Thomam 2. 2. quæst. 110. art. 3. ad 4.

68. Divus Bonaventura in 3. dist. 38. in explicat. litter. dub. 4. ut excuset Jacob à mendacio, ita scribit: Quantum ad id, quod dixit, verbo excusatur, quia non intendebat patrem fallere, sed dirigere. Non intendebat enim dicere, scilicet Esau quantum ad personam, sed

72. Ut verò clarè ex mente Authoris cognoscamus, quid ipse intelligat nomine *Verbi duplicis*, habbo textum, quem habet tit. de mendacio §. 3. vers. *Alii dicunt*. V. *æquivocum*. D. Raymundus, ut retuli num. 33. scribit: *Respondeat verbum aliquod æquivocum* (sicario interroganti, ubi esset Petrus, quem intendit occidere.) Rodonensis explicans hunc textum sic ait: *Ex hoc patet, quod ad elidendam malitiam alienius possumus uti verbis duplicibus*, etiam in juramentis, in alio sensu, quam ille intelligat. Ecce *Verbum duplex* est idem, ac verbum *Æquivocum*. Ecce uti possumus *æquivoco*, etiam in juramento. Ecce etiam hic tradit hanc Doctrinam absque verbis formidolosis. Lib. 3. de *pœnit. & remiss.* §. 39. V. *revelantis Confessionem*, & V. *peccata sua* concedit, quod Confessarius possit respondere *Sophisticè* iniqui iudici interroganti de aliquo audito in Sacramento Confessionis. Vide num. 82. in eodem tit. §. 17. V. *quos potest fin.* habet sequentia verba: Si taliter excommunicatus, qui tamen verè pœnitet de commisso, & nullo modo est solvendo, non audeat confiteri in publico, sed in occulto petit absolvi, & cessari à denuntiatione excommunicationis, & ille, qui passus est damnum, nihilominus petit sententiam publicè innovari, quid faciet Sacerdos, qui scit hanc veritatem? Respondeo sine præiudicio, quod in hoc casu non debet nec Episcopus, nec Sacerdos sententiam innovare, sed debet ab excommunicatione cessare, & taliter excommunicatum absolvere in facie Ecclesiæ 14. quæst. 6. si res. & instantiam eius, qui passus est damnum, prout pofferit prudenter repellere, & pia quadam fraude illudere, aut si fortè propter pertinetiam eius aliter evadere non potest, utatur verbo *sophistico*, vel *æquivoco modo*, dum videtur innovare sententiam, & nullo modo intendat illum ligare, quæcumque verba proferet. ita Doctor. Quid dicent Probabilioristæ audientes hanc piam fraudem, hoc verbum *sophisticum*, hunc modum *æquivocum*,

& hæc omnia feri, dum Iudex pro tribunali sedens sententiam proferit? Vide num. 37.

73. Rainerius de Pisis pauca habet ad propositum. Sed adhuc Ver. *simulatio* c. 1 ita scribit: Omne mendacium est peccatum; sed omnis simulatio est quoddam mendacium in signis exteriorum Verborum, & factorum consistens; Ergo &c. hæc Beatus Thomas 2. 2. quæst. 111. artic. 1. Ad cuius evidentiam nota tria. Primum est, quod, quando fingimus aliquid, quod nihil est, live fingamus Verbo, live facto, tunc est mendacium. Quando autem Verba, vel facta fingendo ad aliquid signandum ordinatur, tunc talis fictio non est peccatum; & hoc modo se finxit Christus longius ire, ut dicitur Luc. cap. ultimo, quod fecerat signandum duo, scilicet defectum credulitatis, & Mysteriorum Ascensionis. Si verò simulat aliquid non intentione fallendi, sed propter utilitatem alterius, sicut contingit in figurativis loquutionibus, hoc non est mendacium, nec per consequens peccatum, sed meritorium. Ita in Summ. Confess. libr. 3. tit. 34. quæst. 252. in princ. Hæc Raynerius. Igitur Raynerius ex Divo Thoma, quin ex Divo Augustino in quæstionibus Evangel. tom. 4. lib. 2. cap. 51. docet, quam o hctio Verborum, vel Factorum ordinatur ad aliquid significandum, tunc talis fictio non est peccatum. Hinc Christus, dum composuit gestus corporis ad normam illius, qui longius ire parat, non peccavit; quinvis non haberet voluntatem ire ulterius; & hoc quia illa fictio nem factorum, ac verborum; Hinc dicit, quod fictio live factorum, live verborum non est peccatum, si tamen ordinetur ad significandum aliquid, quod verè sit; Ergo, si ita fingamus verba, seu illa ita componamus, ut verè aliquid significant, quamvis ex hac fictione audiens decipiat, ut decepti fuerunt Discipuli à fictione Christi, nullum peccatum habemus. Loquutio autem Amphibologica talis est, quæ



factorum, siue verborum non est peccatum, si tamen ordinetur ad significandum aliquid, quod verè sit; Ergo, si ita fingamus verba, seu illa ita componamus, ut verè aliquid significant, quamvis ex hac fictione audiens decipiatur, ut decepti fuerunt discipuli à fictione Christi, nullum peccatum habemus.

74. Asteſanus libr. 1. tit. 18. art. 7. ante quæſt. 2. refert, & approbat Doctrinam Rodonenſis, quam habet lib. 1. de iuram. §. 3. V. de credulitate, quam retulit. 71. In tit. 36. art. 5. excusat Jacob à mendacio eo modo, quo alii ſupra relati faciunt, unde ſupe. ſuum puto textum referre.

75. In fine ejuſdem articuli ſcribit: Imperfectus de quaſito ad mortem debet celare veritatem, ſcilicet *ſophiſticè*, vel figurativè quarentes deludendo, vel omnino tacendo, vel expreſſe ſe non indicaturum aſſerendo. (Ecce ſophiſtica, & figurativa reſponſio.) Vel ex Hoſtienſis de poenit. poteſt reſponderi: Si talem quaeris, curre illuc cito. Ita tamen, quòd ſibi oſtendatur alia via, quam fugiens teneat; Vel alius locus, ubi latet. Vel ſic: multi domum iſtam intrant, & exeunt, quos non video, *neſcio ubi ſit*, ideſt in quo angulo domus; Vel ſic: non vidi eum, *in eſt*; poſſum enim intelligere, illud, *lata*, ſicut velo; Vel ſic: *non eſt hic*, ideſt in loco ubi ſum. Ecce quot Amphibologia! Hic textus nequit ulla reſponſione infringi. Idem Author lib. 2. tit. 27. quaſt. 5. ex Div. Auguſt. in quaſtioni- bus Evangeſt. approbat illam Doctrinam, quæ ex Rainerio retuli num. 73.

76. Scotus in 3. diſt. 38. quaſt. Unic. §. ad Argumenta. vers. ad illud de Jacob in fine ſcribit, quòd non eſt necèſſe excuſare Patriarchas Antiquos à mendacio, cum nec à mendacio ſemper excuſemus noſtros Sanctos, qui habuerunt Gratiâ copioſiorem. Subdit tamen Scotus, quòd, ſiquis eos vellet excuſare, dicitur, quòd tales ſermones poſſunt intelligi figurativè, vel ſub alio intellectu, quem verba primò exprimant. Sed circa tales intellectus non oportet

immorari. Nota illa Verba: *Vel ſub alio intellectu, quàm verba primò exprimant*; Igitur per Scotum illa Verba, Patriarcharum, quæ videntur mendacia, habent duplicem intellectum, unum, quem verba primò exprimunt; & alium, quem ſecundò verba ſignificant. Primus eſt falſus, & hunc Patriarchæ non intenderunt, ſed ſecundum; & ſic mendacium non dixerunt. Igitur etiam ego dicam Sicario: *Petrus non eſt hic*; Hæc verba primò exprimunt exiſtentiam in loco, & hic ſenſus eſt falſus. Secundò exprimunt comeſtionem, & hic ſenſus eſt verus, & hunc ipſe intendendo. Ergo ego loquor eo modo, quem Scotus defendit à mendacio, & à peccato. Ergo Scotus clarè eſt pro me.

77. Albericus de Roſate Ver. Simulatio allegans Joannem de Friburgo in ſua Summa Confeſſ. lib. 3. tit. 34. de poenitent. & remiſſ. quaſt. 232. dicit cum Auguſtino de quaſtionibus Evangeſt. quòd, quando hæſio noſtra reſertur ad aliquam ſignificationem, non eſt mendacium, ſed aliqua ſignificatio veritatis; & ita Chriſtus ſinxit ſe longius ire ad aliquid figuratè ſignificandum, de hoc dixi ſupra num. 73. Uterius ſicut licet fallere aliquem in duplicitate Verborum propter aliquam ſimilitudinem, vel proximitatem, ita etiam licet & per opus intentione utilitatis conſequentis ad talem ſimulationem; Sicut David mutavit faciem ſuam coram Achis Rege, 1. Regum cap. 16.

78. Ecce clarè, & expreſſe Joannes de Friburgo, & Albericus dicunt licere uti duplicitate verborum, & ſectorum propter aliquam utilitatem inde conſequentem. Duplicitas autem verborum, quid eſt aliud, niſi equivocationis, & ambiguitatis? Et nota præcipuè, quòd aſſumit ad probandam ſimulationem, & duplicitem facti uſum de duplicitate verborum. Ergo tempore Joannis de Friburgo, & Alberici non vertebatur in dubium de licito uſu dupliciter verborum. Sed hoc ſuppoſito tanquam noto progreditur ad probandum ignotum. Ex notis enim, & conſeſſis progredimur ad ignota.

79. Nota, quòd Joannes de Friburgallegat pro se Ulricum lib. 6. tractat. 3. c. 28. circa principium. Hic ergo textus est trium Doctorem famosorum Antiquorum. Nota etiam pro faciliiori inventione textus Joannis de Friburgo, qui reperitur quidem libr. 3. tit. 34. quæst. 232. Sed non sub tit. de penitent. & remissis. Sed sub titulo de iudiciis peccatorum.

80. Hic refero alium textum ejusdem Joannis in eod. tit. 34. sed sub rubricella de Confessionis celatione, quæst. 98. ubi dicit ex Glossa Raymundi de penitent. & remissis § 59. Ver. peccata sua quid si Prædo, vel Tyranus interroget Confessarium, qui scit depositum, & debitum penitentis, debet Confessarius vel tacere, vel transferre sermonem ad alia, vel respondere *sophisticè*. Responsio *sophistica* meo iudicio eadem est, ac amphibologica. Videndum. 72.

81. Summa, quæ destructorum viti-  
orum dicitur, par. 4. c. 7. n. 3. ait: quòd Divus Augustinus quæstionibus super Genes. & ponitur 22. c. quartus, excusat Iacob à mendacio, quia dicendo se esse Esau primogenitum, non dixit se esse Esau primogenitum in nascendo, sed ius primogenituræ illo vendente rite adeundo. Sic & Christus Ioannem dixit esse Heliam non persona, sed imitatione Virtutis. Hæc explicatio est iuxta D. Gregorium homil. 7. in Evang. Ecce idem nomen significat personam, & imitationem personæ. In uno sensu accipitur à loquente, in alio ab audiente.

82. Idem Author longè ab illo textu loquens de facto Abraham dicentis, Saram esse suam Sororem, sic scribit: Respondet Augustinus in quæstionibus de Genes. quòd Abraham voluit celare veritatem, non mendacium dicere; In hoc, quòd rogavit illam, dicere se esse Sororem suam, non dedit eam mentiri, nam erat filia Fratris sui, & mulieres, & viri de eadem cognatione propinqua Fratres, & Sorores nominabantur; Unde Genes. 13. Abraham vocavit Loth nepotem suum fratrem suum:

Unde & perfectus homo potest licitè pro salute sua, vel alterius aliquando non mentiri, sed sub simulatione in verbis, & insignis veritatem celare. Unde Hieronymus simulationem in tempore assumendam Iheù Regis Israel docet exemplum, qui non potuisset interficere Sacerdotes Baal, nisi sinxisset se idolum velle colere. . . . Hæc Hieronymus; & ponitur 22. quæst. 2. c. utilem. Et isto modo Abraham per Uxoris suæ simulationem evasit mortis periculum, & in hoc, ut dicit Augustinus, ostenditur, quòd nemo debet tentare Deum suum, dum habet, quod rationabili Consilio faciat. Ecce simulatio in verbis licita. Tota autem simulatio Abraham sinit in eo, quòd dixit, Saram esse Sororem suam. Nota, quòd hæc simulatio verbalis erat licita, quia agebatur de vita Abraham; Ergo extra talem necessitatem sic loqui non licebat. Ergo nomen illud, Soror, habebat duplex significatum, in uno quorum solum posset accipi in tanta necessitate; si enim habuisset unum tantum significatum, potuisset illi uti sine necessitate; Unde Sara absque necessitate poterat dicere: Ego sum neptis Abrahæ.

83. Progreditur idem Doctor, & in fine illius Paragraphi sic scribit: Ex istis patet, quòd Abraham Uxorem suam non voluit mentiri, sed mortis periculum per suam Uxoris licitam simulationem evadere; & quamvis omnis duplicitas in signis, aut in verbis ut communiter sit peccatum; tamen ubi fieri potest, ad evitandum maius periculum, servata veritate, est licita. Unde Augustinus in quodam Sermone, desinunt, inquit, esse peccata, quæ propter graviora peccata vitanda accipiuntur. Sicut enim in rebus utilibus non vocatur damnum, quòd propter maius lucrum admittitur; Sic in rebus Sanctis non vocatur peccatum, quòd admittitur, ne gravius admittatur. Hæc ille. Ecce evidenter quòd hic Doctor fatetur, omnem duplicitatem in signis, & in verbis esse peccatum communiter; tamen, si hæc duplicitas, etiam in verbis, fiat ad vitanda ma-  
jora.

majora peccata, est licita; servata tamen veritate. Et credit, quod hæc Doctrina ab allato Augustini textu probetur. Ergo per hunc Doctorem possumus uti verbo *duplex*, id est habente duo significata; & sic verbo *equivoco*, & hoc etiam in occasione responsionis ad interrogata, ut fecit Abraham; *servata tamen veritate*, hoc est, ut utamur illo verbo in sensu, quo est verum, ut fecit Abraham.

84. Paludanus in 4. dist. 15. quæst. 2. art. . . . Concl. dicit, quod sicut is, qui non tenetur dicere veritatem profere verbo verum secundum intentionem suam, licet falsum secundum intentionem audientium, non mentitur, ut Christus dicens, Solvite templum hoc, &c. Sic faciens aliquid factum non ut fallat, sed ut veritatem significet, vel ad aliquid bonum, licet ex illo facto aliqui significanter eliciant falsum, non mentitur facto.

Ecce conceditur loqui in uno sensu, quamvis in alio sensu intelligatur ab audiente, & decipiatur. Ergo licet loqui, & loquutio habeat duplicem sensum, unum verum, & alterum falsum, ut patet in exemplo Christi dicentis: *Solvite templum hoc*.

85. Lyranus in c. 12. Genes. in Ver. *Dic ergo obsecro te, quod Soror mea sis*; Scribit: Non docuit eam mentiri, sed veritatem occultare cautè; Mulieres enim, & Viri de eadem cognatione propinqua fratres, & sorores nominabantur, &c. eadem Habent Abulen in Genes. c. 12. quæst. 32. Gabriel in 3. dist. 38 litt. M. & N. Ecce Lyranus exultat Abraham, ut alii faciunt, quia usus est nomine, Soror, in sensu minus proprio, pro ea scilicet, quæ est de cognatione propinqua, cum aliis propriis significet eam, quæ est de eodem Patre, vel Matre; & in hoc alio sensu Ægyptii illud nomen intellexerunt; Unde observat Author, quod Ægyptii Abraham benedixi sunt propter Saram, credentes, quod esset Frater ejus, & non Maritus: Ergo per Lyrantum Abraham ulus est nomine *equivoco*.

86. Joannes Nider in Præcepto 1. De cal. cap. 15. litter. D. scribit: Tamen Uldaricus dicit: Si quis dat per aliquod opus, vel per *verbum duplex* aliquid intelligere, quod non est, non intentione fallendi, sed intentione utilitatis consequentis, talem simulationem non esse peccatum. Nota hunc textum esse, etiam Uldarici.

87. In Præcept. 8. c. 2. fin. ita decidit: Aliquis queritur ad mortem, quem abscondit perfectus Vir. Veniunt Apparitores, & querunt ab abscondente, ubi sit Latitans. Aut respondet, *Ibi*, & tunc erit proditor; Aut respondet, se nescire, & sic mentitur; Aut taceret, & sic prodere videtur. Ergo est perplexus. Respondet Altiſiodorensis: *Debet deludere Apparitores*; Sicut dicebat Præpositivus, sic dicendo: Creditis, quod, si ipse esset hic, ego dicerem vobis? Ecce textum sua obscura ambiguitate diros apparitores deludens.

88. Pitarella, & eius Supplementum Ver. *Simulatio* sic scribunt: Dicit Augustinus de quæstionibus Evangel. non semper quidquid simulamus, aut fingimus, mendacium est. Mendacium est, quando id, quod dicimus, nihil significat. . . . Quando verò fictio nostra refertur ad aliquam significationem, non est mendacium, sed aliqua figura veritatis. Et ita Dominus finxit longius ire ad aliquid figuratè signandum. Approbant etiam illam Doctrinam de duplicitate verborum, & factorum; quam ex Uldarico retuli in Nider num. 86. & alibi.

89. Gabriel in 3. dist. 38 in solut. ad 3. argumentum de simulatione Patrum ait: Si facta sunt indifferentia, quæ possunt esse signa boni, vel alicujus mali indifferenti, sic non habent rationem mendacii. Sic Oratio *equivoca* in uno sensu vera, in alio falsa prolata, non potest judicari mendacium, quando potest habere sensum verum, & maxime si non est signum ex natura rei, sed à circumstantibus sic accipitur, tunc enim omnino non habet rationem mendacii. Jam scimus, quod ille terminus *Maximi*,

mè, non excludit alium casum magis dubitabilem, imò ordinariè, & in proprietate Sermonis includit, ut multis legibus, & Doctoribus allegatis observat Barbosa tract. de dict. usufrequ. & videri potest Barnabas Briffonius de Verb. significat: & dicit, hoc innumeris legibus probari. Ergo juxta Gabriel, si oratio æquivoca in uno sensu est vera, licet sit ex natura rei æquivoca, omnino non habet rationem mendacii. Si nullum importat mendacium; Ergo nec ullum peccatum.

90. Henricus Herp in Speculo aureo præcept. 8. serm. 7. fin. dixit, verè Jacob dixisse, se esse Esau primogenitum non in persona, sed jure primogenitura. Et Sermon. 8. prope fin. excusat Abraham, quia Sara erat ejus Soror, nam filia Fratris erat. Hic autem modus loquendi Amphibologiam, & æquivocationem importat ex dictis, & dicendis. Sermon. 10. med. ait, quòd possumus vincere hostes per insidias, & per dolum. Hic nolo inquirere, an sub dolo Henricus possit intelligere etiam loquutionem æquivocam, & amphibologiam, expendat Lector.

91. Quod attinet ad Canonistas, præcedat ipsorum Magister Gratianus; hic 22. q. 2. c. quæritur. §. Item opponitur, quòd Jacob, excusat Jacob à mendacio, dum dixit se Esau, quia non dixit se Esau nascendo, sed jure primogenitura illo vendente, rite adeundo. Sic dicit, quòd Christus imitatione virtutis Ioannem vocavit Eliam, & è contra Christus non vocavit Iudæos filios Abraham, quamvis natura tales essent, & hoc ideo, quia imitatione non sequebantur Abraham. Ergo per Gratianum Jacob æquivocavit se vocando Esau primogenitum.

92. Glossa adeo clarè est pro æquivoco, ut solus cæcus hoc videre nequeat. Igitur 22. quæst. 2. c. ne quis. Ver. non occiditur. quærit ibi, quid respondere debeam sicario quærenti ad mortem innocentem. Glossa primò dicit, quòd potest tacere; Secundò vel per æquivocationem cautè deludat interrogantem.

dicendo. Non est hic, idèst non comedit hic, sicut fecit Abraham. Ecce expressè æquivocationem concessam, & ab Abraham adhibitam. Idem docet c. quæritur ead. V. sororem.

93. Henricus Hostiens: qui Splendor Juris appellatur, in Summa de pœnitent. & remis. num. 49. §. dixisti unquam litt. C. facit quæstionem, quid sit respondendum Sicario quærenti innocentem ad mortem? Primò dicit, quòd non sit mentiendum, quod probat autoritate Augustini, & Isidori, qui in c. omne 22. quæst. 2. dicit: Omne genus mendacii fuge, nec qualibet jallacia vitam alienius defendas. Cave mendacium in omnibus. Secundò dicit, quòd alii affirmant in hoc casu esse mentiendum. Tertio refert Doctrinam Beati Raymundi, quam num. 33. retuli, in qua dicebatur ultimo loco, quòd possum respondere aliquod verbum æquivocum, puta, non est hic, idèst non comedit hic. Hæc responsio non placet Hostiens, quia putat esse contrarium Augustino, sed, maxime Divo Isidoro in autoritate allata.

94. Hic Doctor est primus, & unicus, quem ex Antiquis legi, qui æquivoca respuat. Licet autem ita expressè æquivoca neget, adhuc subijcit responsionem, quam suprà retuli ex Astesano, quæ tota ambiguitate est plena, & potest decipere pliusquam æquivoca responsio. Ait ipse, quòd possum dicere, Nescio, ubi sit, idèst nescio, in quo angulo domus later. Vide, quòd illud nomen, Ubi, per loquentem significat Angulum domus, & audiens intelligit pro domo. Sic etiam dum dicit, quòd potest respondere, non vidi ipsum, diu est, possum enim diu intelligere, sicut volo. Certè non potest negari, quòd illud adverbium, diu, plura significet, & quòd loquens pro uno tempore illud intelligat, & pro alio audiens; quin dubito, quòd hæc responsio implicet restrictionem mentalem. Item dicit, quòd potest respondere: non est hic, idèst in loco, in quo teneo pedes. Si hæc responsio non est ambigua, & amphibologica, nescio, quid sit amphibologia.

95. Tandem Hostiensis ait, quod in hoc casu possum respondere, *negando simpliciter*. Nec peccabo, nec mendacium dicam. Ego credo, quod illa verba, *negando simpliciter*, significant, quod ego possum simpliciter, & absolute dicere, *nescio, ubi homo quaesitus sit*. In casu tamen supponitur, quod ego sciam, quod homo quaesitus latet in domo mea. Si hac responsio non est aperta mendacium, non video, quodnam aliud esse possit mendacium. Proculdubio minus malum fecisset Hostiensis, simpliciter concedere *responsionem aequivocam* cum Divo Raymundo, quam in casu negare simpliciter, ubi homo quaesitus latet, dum supponitur, quod sciat illum hominem in domo latitare.

96. Henricus Boie in c. *omnis utriusque* de poenit. & remis. §. *Caveant* num. 43. dicit cum Glossa Guilelm. & Ioann. de Friburgo, quod Confessor interrogatus injuste à Principe, vel Tyranno quid sit de debito, vel deposito, cuius notitiam habet in Sacramento Confessionis, debet tacere, vel transferre sermonem ad aliud, *vel respondere sophistice*.

97. Habes hic textum clarum trium Doctorum, Boie scilicet, Ioannis de Friburgo, & Villemj Rodonensis, & hic textus habetur in Glossa Raymundi lib. 3. de poenit. & remis. §. 59. Ver. *peccata sua* fin. Vide num. 72. & Doctor loquitur de eo, qui in Sacramento Confessionis recipit notitiam debiti, & depositi. Per ipsum tamen non tenetur celare hanc notitiam sub sigillo Confessionis. Dicit ergo Rodonensis, quod qui sub sigillo naturali scit depositum, & debitum, si interrogetur à Iudice legitime, tunc debet revelare debitum, & depositum; Si vero interrogetur à Pradone, vel Tyranno, tunc debet vel tacere &c. *vel Sophistice respondere*.

Ecce juxta hos doctores ad servandum secretum naturale de deposito &c. uti licet *Sophismate*; ergo multo magis ad servandum secretum, ubi

agitur de Vita licebit, uti *Sophismate*, & *Amphibologia*.

98. Joannes Turrecremata 22. q. 2. c. *queritur* excusat Abraham à mendacio, quia Sara verè erat eius soror, *quia filia Fratris erat*. Dicuntur autem Sorores, vel Fratres *natura*, genere, *Cognitione*, Fide, similitudine, ut dicit Hugo. Quæro ergo à Turrecremata, & ab Hugo, quare Abraham non est mentitus? Respondent, quia Sara erat soror *ratione Cognitionis*, & sic verum respondit. Insto: At simul, & semel, & magis propriè dicitur soror *ratione naturæ*; & hoc significatum est proprium, & ordinarium; Ergo Abraham juxta Turrecrematam, & Hugo usus est voce habente duplex significatum, nempe solitum, & Ordinarium, ac insolitum, & extraordinarium. Et ipse Abraham usus est in significato insolito, & extraordinario, & Ægyptii in significato solito, & ordinario. Hoc autem apertè est uti *equivoca*.

99. In §. *item* opponitur excusat cum Gratiano Jacob à mendacio, quia non dixit, se esse Esau nascendo, sed jus primogenitura illo nascente adeundo. Et hunc modum loquendi probat quatuor exemplis Sacra Scripturæ. Et sic Jacob non fuit mentitus; loquebatur enim *mysticè*, sive *allegoricè*. Jacob loquebatur *allegoricè*, & Isaac intelligebat in sensu proprio; Unde primò creditur, quod ille, qui loquebatur, esset verè Esau, qui primò natus erat. Patet autem, quod significatio *allegorica*, & *propria* sunt *equivoca*; ergo juxta Turrecrematam Jacob loquutus est *equivocè*.

100. Fagnanus in c. *falsidicus* de crimine falsi num. 147. licet Probabiliorista rigidissimus, sequitur, nos posse licitè uti *equivoco*, & in confirmationem rectè assert Turrecrematam, & alios Antiquos his verbis. Si verba hujusmodi ex proprietate vocabuli, & communi usu utramque interpretationem recipiunt, & tunc non est mortale peccatum uti verbis amphibologicis; & *equi-*

æquivocis sine alicujus præjudicio uti in eum sensum, quem jurans intendit, licet is, cui juratur, illa in alium sensum accipiat, eo quod his verbis nullum inquit mendacium, ac proinde nec perjurium, & hanc doctrinam probant Alex. de Ales in 3. relatus à Turrecr. §. *queritur* post c. hoc videtur 22. quæst. 5. n. 5.

101. Hi sunt Antiqui, quos potui invenire faventes meæ opinioni. Nunc refero illos, qui ab anno 1. co. usque ad 1590. vixerunt, quique juxta Vendrochium Antiqui merentur appellari. Illos tamen succintè afferam.

Quid sentiat Cajetanus, hic non refero, quia supra, cum de Divo Thoma mentionem feci, hoc præstiti, & vidimus expressè esse nobiscum, & pro nobis explicare Anglicum Doctorem.

Pelbartus tom 3. Ver. *Mendacium* n. multa dicit ad propositum nostrum, & in §. 9. Concedit, quod Judici non juridicè interreganti de nostro crimine possumus respondere *utendo verbis duplicibus, & simulatis. arg. 22. quæst. 5. §. ex his.*

102. Sylvester Ver. *Mendacium* num. 6. ait: Quando homo non tenetur respondere secundum intentionem interrogantis, potest respondere, ita ut responsio sit vera in sensu, in quo cogitur à respondente, licet sit falsa in sensu, in quo intelligitur ab audiente; & sic respondit Abraham, dum Uxorem suam dixit esse *sororem*. Sic etiam potest uti *loquutione duplici habens duplicem sensum*, & in uno verum, & in alio falsum. Textus clarus, & manifestus.

Ver. *Simulatio*, num. 2. cum Uld. asserit, quod, sicut licet fallere aliquem *duplicitate verborum* propter utilitatem sequentem, ita licet & per opus propter eandem utilitatem. Facit c. *utilem* 22. quæst. 2. hoc est dicere, quod sicut *loquutione duplici* significante verum, & falsum licet ad bonum finem possumus, licet sciamus, proximum capere in se *falsum intellectum*, nisi obligemur alicui ad ejus intentionem respondere, ut re, quæ duo significare potest. ....

possumus uti bono fine, licet alius inde capiat sensum falsum. Sic Sylvester. Adversarii in vanum studebunt, si tractarent responsionem huic textui.

103. Tabienfis Verb. *Accusatio*. numer. 14. ait, quod Judici interroganti non legitime possumus secundum aliquos respondere *sophistica*, & hanc responsionem ait melius esse dare; Ver. *Mendacium* numer. 6. pro responsione *sophistica* intelligit responsionem *juxta mentem suam, & non Judicis*. Nil clarius potest dici.

104. Joannes Altenstaig Verb. *Mendacium* excusat Abraham, & Isaac à mendacio, dum dixerunt suas Uxores esse sorores, quia more illius gentis omnes cognatæ sorores dicebantur. Hinc per hunc Doctorem Soror ab Abraham, & Isaac accipiebatur pro Cognata, & ab Audientibus pro filia ejusdem Patris, & sic Ly Soror stat æquivocè.

105. Joannes Maior in 4. distinct. 15. quæst. 18. dixerat Interrogatum debere prodere Judici crimen, si legitime iudex inquirat. Mox sibi objicit: si queratur innocens ab homicida, & domum meam ingrediatur, homicida petenti ubi est innocens, dicam: *Non est hic*. Intelligo tertiam personam de Edo, non comedis hic, licet persequens intelligat tertiam personam de Sum. Si ne peccato ergo pro servanda mea vita sic intelligam in proposito. Possum enim tergiversationibus vitam protegere.

106. Respondeo non est simile, quia fugiens est innocens, vel si nocuit occidendo, est innocens, ut occidatur illo modo. Secus est in proposito, cum iste sit Judex, & petat juridicè. Ecce manifesta æquivocatio in ly *Est*. Paulo ante hunc textum concedit, quod Judici interroganti injustè decur responsio *ambibologica, nec imputatur ista falsitas dicenti*.

107. Dominicus Soto de just. & jur. lib. 8. quæst. 1. art. 7. fin. concedit, ut iudici iniquo juremus verbis sub æquivoco, vel artificiosè prolatis, & hanc

S f fran-

*fraudem*, & *ambibologiam* non esse illicitam. Navarus tom 2. in *de humana aures* quaest. 2. num. 10. expressè laudat, & pluribus nitiur probare Glossam illam, quam vocat *solemnem*, & *receptam*, quæ habetur. c. ne quis. 22. quaest. 2. cujus memini supra num. 94. Pro illa refert D. Thomam, Angelum de Perusio, Joannem de Anania, Scotum, & Paludanum in 4. distin. 33. qu. 1. art. 3. concl. 7. dicentem in quodam casu, posse quem celare veritatem, si dicat *verbum duplex*, quod est verum secundum intentionem suam, licet falsum secundum intentionem audientis, sicut ibi: *solvite templum hoc &c.* Vide num. 86.

108. Cum tot Doctores Antiqui docuerint ut licitam loquutionem æquivocam, & ambibologiam, mirum est, quomodo Probabilioristæ moderni audeant illam condemnare. Duo nunc postulo ab Adversariis, primum, ut pro se inveniant tot Antiquos, sicut ego feci pro me; & si paucos, aut nullos reperient, fateantur meam opinionem esse opinionem communem Antiquorum. Secundum, ut afferant argumenta evidentiā, & clara, quibus merito nostra opinio antiqua proscribatur ab albo Probabilitatis, maxime cum in l. in ambiguo. de reb. dub. dicatur: quod in ambiguo sermone non utrumque dicimus, sed id duntaxat, quod volumus. Ergo, dum utor æquivocatione, significo solum id, quod volo; sed volo significare id, quod verum est, non verò id, quod falsum est; ergo, dum utor æquivoco, & sicciam dum utor ambibologia, verum dico, si verum dico, nullum mendacium profero, & sic non pecco; quod si audiens decipitur, hoc provenit ex sua ignorantia, non verò, quia ego faciam contra meam obligationem, quia loquor in casu, in quod non teneor fateri veritatem, & alias per legem habeo, quod prolatio æquivoci solum significat id, quod volo.

109. Nunc brevissimè me expedio à restrictione mentali. Hæc porro du-

plex est. Prima, quando id, quod volumus significare, nec ex ipsis vocibus, nec ex aliis circumstantiis patet; secunda est, quando id, quod volumus significare, non exprimitur per ipsas voces, bene verò si attendantur circumstantiæ. Ver. gr. *furtum feci*, & jam fui plenè confessus; accedo iterum ad Confessarium, & hic me interrogat: *fecisti ne furtum?* & ego respondeo: *non feci furtum*, quibus verbis volo significare, me non fecisse furtum *post Confessionem*; hæc restrictio, non significatur quidem à verbis, ut liquet, sed ex circumstantiis, nam Confessarii, ordinariè loquendo, non solent, nec debent interrogare de peccatis aliis confessis; aliter nimis onerosa redderetur confessio, præcipuè in faminis de peccatis carnis. Licet ergo interrogatio Confessarii ex verbis sit absoluta; tamen ex circumstantiis est limitata.

110. Dicebam num 10 ab Innocentio undecimo in propos. 26. 27. & 28. daminari restrictiones mentales. Ex hoc sequitur, quod saltem restrictio mentalis in primo sensu proscribatur. Difficultas posset esse, an proscribatur in secundo sensu; & assero, quod non, ut bene probat Cardenas in dissertatione illarum propositionum, quinum. 48. affert exemplum de eo, qui respondet ad mentem interrogantis, *sicet cum non resè percipiat, qui interrogat*, inquit Cardenas; & hoc probat autoritate O. Thomæ in 4. distin. 21. quaest. 3. art. 1. quaest. in c. 1. ad 2. ubi scribit: si præcipiatur sub pena excommunicationis quod dicat, si aliquid scit de peccato, non debet dicere, *quia debet asserere, quod intento præsentis sit, si sciat ut homo*. Ecce præceptum Superioris absolutum quoad verba, sed à circumstantiis limitatum ad eam tantum, quæ quis scit ut homo. D. Thomam sequuntur Rainerius V. Confessio cap. 30. casu 3. & 4. Richar. in 4. distin. 21. art. 4. qu. 1. Guido de Monte Rocherio tract. 3. part. 3. cap. 11. Asten. lib. 5. tit. 20. quaest. 2. Palud. in 4. distin. 21. quaest. 3. art. 3. qui dicit ita omnes sentire de confessore, qui,

qui cogitur ad testificandum, D. Bonav. in 4. distin. 21. art. 2. quæst. 1. ad 1. quibus omnibus præverat Alen. par. 4. quæstion. 19. memb. 3. artic. 1. in solut. argum.

111. Verum forsitan D. Thomas non omnino bene assertur, quia ipse non loquitur de confessorio interrogato à Iudice, sed de Ecclesia præcipiente per edictum, quod, qui scit aliquid de peccato, *etiam per confessionem*, illud manifestet; dicit autem S. D. quod non debet hoc dicere, licet sciat per confessionem. Per hæc verba significatur, quod subditus non tenetur comparere coram Iudice, & ferre testimonium de aliqua re, si illud edictum sit iniquum; hoc verò est omnino verum, & nihil ad propositum. Sic, si Turca præcipiat, ut Christiani compareant coram ipso ad profitendam fidem, ut illos occidat, nemo tenetur obedire; at si compareant Christiani, debent clarè, & expressè dicere: Christiani sumus.

112. Sed quid erit, si aliquis sceleratus, Rex hæreticus ver. gr. urgeat Confessarium interrogando, an talis scemina confessa fuerit adulterium, & de facto talis scemina adulterium confessa fuerit? Respondet Cardenas num. 30. ex Suario tom. 4. par. 3. disput. 33. sect. 6. num. 7. hisce verbis: melior modus est, ut responsio accomodetur intentioni *debitæ interrogantis*, quæ esse debet, an alius taliter sciat, ut respondere teneatur, quo sensu verè negat audivisse. Dices, hunc sensum repugnare interrogationi, nam qui interrogat, an audiverit in confessione, hoc ipso excludit omnem alium modum. Respondetur, id verum esse ex eius formali intentione; illi tamen imputari repugnantiam in ipsis verbis, & interrogatione; alium verò uti jure suo respondendi juxta mentem legitimam, quæ inesse deberet. Ita Suarez, & Cardenas.

113. Respondet Richardus ubi supra q. 2. ad 3. quod Sacerdos tenetur dicere, se nunquam audivisse, & verum diceret, ut patet ex præcedenti quæstione.

In hac præcedenti quæstione hic Doctor affirmaverat, Confessorem non mentiri dicendo non audivisse, quæ verè audivit in Confessione, quia dum interrogatur extra forum Confessionis, tunc non gerit personam Dei, secundum quam audivit Confessionem; ergo dum interrogatur extra Confessionem, an audiverit aliquid peccatum, verè non potest dicere, quod audiverit, quia extra Confessionem non gerit vicem illius personæ, cuius officium dumungebatur, adivit peccatum. Hanc doctrinam Richardi affert Astesanus ubi supra quæstiuncula 3. postea subdit: potest etiam dicere Confessor, quod de eo nihil scit, *etiam per Confessionem*, quia subintelligitur, *ut homo*; vel nihil scit per Confessionem, *quod sit revelandum nobis*, sicut dicitur Matt. 24. *de die illa, & hora nemo scit, neque Angeli in Cælo, neque filius hominis*, & subintelligitur, quod sit revelandum nobis secundum Rodon. Hæc ultima verba habet etiam Angelus V. *Confessio* ult. num. 4. Baptista Tronemala V. *Confessionis celatio* num. 8. ait, quod debet dicere, se nunquam audivisse, & se nihil scire, & verum dicit, quia subintelligitur, *ut homo*; vel nihil scit, quod sit revelandum.

114. Pro hac quæstione videantur Adrianus, Ioannes Medina, Ioannes Maior, Ledesma, Navarus, & Dominicus Soto, quos avertit Vasq. par. 3. tom. 4. quæst. 93. art. 4. dub. 13. num. 8. quibus addo Caietanum tom. 1. opusc. trac. 31. resp. 5. & in Summa V. *Confessori necessaria*. Victorizum in Sum. de Sacram. num. 184. Ioannem Chappium in Summula Raym. trac. 4. par. 2. c. 3. num. 12. & Bartholæum Medinam in Instit. Confess. lib. 2. c. 4. qui omnes sunt Doctores viventes in sæculo, quod juxta Vendrochium est antiquum. Modernos recensere non juvat, quia nihili astimantur. Interim legatur Diana par. 3. tract. 11. resol. 43. & in Cobb. tom. 1. trac. 8. resol. 66.

SS 2 115. Hæc



Hac breviter de restrictione mentali dixisse sufficiat. Qui plura desiderat, aseat Cardenas, cui, licet Moderno, magis fidere debent Adversarii, quia ipse optimè evoluit propositiones damnatas ab Innocentio Uniceimo, inter quas sunt damnatae restrictiones *pure mentales*; unde in lectione solium huius Doctoris, melius quisque cognosceret, quamnam sint restrictiones mentales damnatae, & quamnam minime, quam si plures Antiquos legeret; maximè cum non defuerint aliqui Antiqui, qui propugnarent restrictiones proscriptas; unde Probabilioristae non debent curare aut Probabilitatem, aut Probabilistas, tanquam radicem, aut inventores restrictionis mentalis, quia restrictio mentalis vigebat tempore antiquo, in quo per ipsos, nec Probabilitas, nec Probabilistae vivebant.

## CAPUT XLVIII.

*Textus Sacrae Scripturae, Sacrorum Canonum, & Sanctorum Patrum allati contra Probabilitatem Solvuntur.*

1. **M**Ea opinio est, iuxta Antiquos licere in praxi sequi opinionem minus probabilem, & minus autam; hinc ego non teneor solvere argumenta, quae absolute tendunt ad probandum, non licere uti opinione minus probabili, & minus tuta, nam etiam ego teneo quoad praxim non posse nos illam sequi, non equidem ob argumenta allata à Probabilioristis, sed ob auctoritatem expressam, præcipue ob Illustrissimum Clerum Gallicanum, ut dixi cap. 33. num. 3. Igitur solum teneor demonstrare, textus Scripturae, Sacrorum Canonum, & illorum Antiquorum, quibus non possumus contraire, nobis non officere, ut sic plene pa-

teat Lectoribus; *Probabilitatem ex principis Antiquorum Compositi*, ut titulus libri praefert.

2. In cap. 23. & seq. solvi Autoritates, quas Vendrochius contra Probabilitatem in genere, & sic à fortiori contra minorem probabilitatem, attulerat. Duos textus omisi, quos ex D. Angelino sumpsit. De primo, cuius meminit not. 1. Epist. 5. sec. 3. § 6 & habetur lib. 3. contra Academicos c. 16 egic. p. 3. prius & ibi patenter demonstravi, D. Augusti in illis libris aliud intelligere nomine *Probabilis*, ac intelligant Probabilistae, & hoc doctior fictus cognovit ipse Vendrochius postea tom. 2. append. 2. sec. 3. art. 3 unde evidenter hic textus nihil facit Adversario. In sec. 4. § 1 expendit alterum textum ex lib. 1. de Bapt. c. 3. & c. 5. contra Donatistas, hunc explicabo commodius num. 28. Placuit eidem Vendrochio in append. 2. § 11. auctoritatem Episcopi Venciensis damnantis & Probabilitatem, & minorem probabilitatem asserere. Ego cap. 25. § num. 7. prælixè respondi quoad primam partem, quoad secundam breviter nunc me expediam. Conqueritur primò, quod asseratur, ex regula minoris Probabilitatis Confessarium obligari ad iudicandos pariterentes iuxta ipsam. Sive valeat minor Probabilitas, sive non, vidimus cap. 36. plures antiquos voluisse, Confessarium teneri ad iudicandos pariterentes iuxta ipsorum opinionem, non verò secundum proprium, & omnes dixisse, solum Confessarium Ordinarium obedire, vel posse hanc regulam sequi; unde Illustrissimus Episcopus debebat conqueri necdum de nostra regula Modernorum, sed etiam de regula Antiquorum. Verùm quid dixisset, si eius Confessor sequutus vel Antiquos, vel nostros Modernos noluisse ipsum absolvere, nisi mutasset opinionem hanc suam?

3. Postea asserit, manifestè violari conscientiam per sententiam Sanchez

in Sum lib. 2. c. 9. num. 14. & Vasq. 1. 2. dispu 26. num 14. dicentium, nos posse sequi in praxi opinionem minus probabilem, & minus tutam retenta adhuc opposita probabiliori, & tutiori. Sed contra, quia Judex per unam cognitionem, privatam nempe, scit, Petrum non esse damnandum, per aliam tamen, nempe publicam, scit esse damnandum, & de facto damnat. Ergo quis potest tenere unam opinionem, & aliam sequi in praxi absq. violatione conscientiae. Hoc idem patet in Subdito, & in Confessore, ut suo loco dixi.

4. Illustrissimus Author subdit: Si quis respondeat, eum, qui facit, quod probabilis putat esse peccatum, privatam sibi conscientiam fingere, qua sic agere sibi licitum putet; Idem est profecto, ac si diceretur; propterea ipsum contra conscientiam non agere, quia sibi licitum putat contra conscientiam agere. Sed contra, quia non sufficit dicere, hoc esse contra conscientiam agere, sed debet probari ita esse, quod modo non fit, & nos potius credimus Sanchez, & Vasq. quam Illustrissimo Episcopo, salva semper reverentia. Vide omnino cap. 37. num. 77. Tum quia, si displicet opinio horum Authorum, placeat nostra, qua sequimur opinionem minus probabilem abiecta probabiliori.

5. Denique Plurissimus Praeful credit, iuxta Ethnicos inter opiniones aequè probabiles dari dubium, & juxta regulam Canonicum esse in dubiis sequendam tutiorem. Sed de hoc toties dixi, & dicam iterum infra, ut superfluum sit, hic aliquid addere.

6. Nunc transitum faciamus ad Patrem Tyrsum Gonzalez. Igiur diff. 9. c. 1. num 7. refert textum D. Thomae ex opuscul. 73. in princ. ubi scribit: Quoniam verò in dubiis, quorum veritas agnita salutaris est, & incognita periculum ingerit humanæ salutis, admodum nulle est veritatem investigare; & temporibus nostris audivimus multas controversias inter Do-

ctores, non solum in naturalibus quaestionibus, verum etiam in moralibus, in quibus periculum est diversa sentire, & opinari, & præcipue in illa parte Iustitiæ, quæ commutativa dicitur à Philosophis, & in ista parte ejusdem, quæ vitium usuræ cohibet; ideo circa hanc materiam veritatem declarare, & dubia elucidare; quantum Deus donaverit, & noster labor conamine pauperis investigationis nostræ attingere poterit, in hoc Opere propositum nostrum est. Ex hoc infert Pater Gonzalez, ad vitandum periculum non sufficere habere Doctores pro utraq. parte; nam D. Thomas habebat Doctores diversa opinantes; infert etiam non quodlibet probabile sufficere pro conscientia, quia quamvis tunc temporis utraq. opinio impudè defendebatur, adhuc tamen Angelicus Præceptor volebat investigare quid majus.

7. Iam scimus, hoc Opusculum 73. esse sub lite, an verè sit D. Thomæ; & ego sum à parte negativa, quia stylus mihi videtur valde diversus ab angelico. Hinc non debebat Pater Gonzalez absolute illum referre tanquam legitimum. In hac materia difficilimè paterer tenere oppositum D. Thomæ, non sic verò alteri Doctori. Sed denus esse textum angelicum. Respondetur, de ratione Doctoris volentis obire munus Doctoris, non Historici, esse, ut diligenter examinet, & scribetur argumenta pro, & contra: præcipue tamen hoc debet exequi, si legit Anequos, apud quos erant in opinione quædam, quæ postea decisa sunt. Quod si voluisset obire munus meri Historici, ut aliquoties facit in Libris Sententiarum respondendo ad argumenta, ipsi sufficisset, quod daretur diversitas opinionum, & pro utraq. parte adessent Doctores. Hinc aliquoties audimus Thomistas dicentes: Divus Thomas non est loquutus in propria sententia, sed in aliena. Vide cap. seq. num. 8.

8. Si prodesset referre textus dubios

Si 3 Ange-

Angelici Præceptoris, invenitur unus in opuscul. 72. in fine Prologi; quimeo iudicio magis faveat Adversariis, quam cæteri omnes, quos ipsi afferunt. Ego adhuc à nullo legi citatum. Ibi Author proponit concordare diversas opiniones, quas in suis Operibus docuerat, & videbantur oppositæ, & postquam dixerat hoc perfectiis quoad eas quæ sibi venerant in mentem, subdit: Supplices, si quid aliquis invenerit à nobis non concordatum, si ei non sit magna causa dicendi, ex qua secundum Hilarium accipienda est intelligentia dictorum, discretum, & magis exercitatum consulat; si verò non fuerit inventum, quod simul utrumque stare possit, id illorum eligat, quod magis veritati consonum indicaveris, alterum verò revocemus, si talis nobis discordia occurreret. In rei veritate hic textus est clarè contra minorem probabilitatem. Hinc aliam responsionem dare nequeo, nisi negando esse Opusculum Sancti Doctoris, quod patere puto ex stylo. Præterea ipse clarè sustinuit dictum Alberti in materia de tactu requisito ad sacram Ordinationem, & tamen oppositum docuit. Ergo in materia speculativa Sanctus Doctor clarè non retractavit minorem probabilitatem. Ergo facto opponitur cum eo, quod dicitur in textu huius Opusculi; ergo non est Opus Divi Thomæ.

9. In disert. 13. c. 2. § 1. assert August. epist. 19 cuius verba habentur in c. ego solis 9. dist. & ponderat illa: *vel probabili ratione*, & dicit per probabilem rationem intelligi rationem validam infra evidentiam, quæ partem illam reddat ita verisimilem, ut vi illius possit vir sapiens iudicare, rem esse veram, quod nunquam facere poterit, nisi ratio illa manifestè præmineat rationibus partis adversæ; quibus etiam possit oppositam rejicere ut falsam.

Sed contra ex dictis cap. 3. num. 43. quia conclusio nequit esse nobilior præmissis, & communis, & certa

sententia est, quod conclusio sequitur debiliorem partem, ita ut si una ex præmissis sit de fide, & altera opinativa, conclusio est, merè opinativa; hinc hæc propositio: Christus est risibilis, est solum certa theologicè, non de fide, quia deducitur ab una præmissa naturaliter certa, quamvis alia deducatur ab altera de fide. Ergo implicat dicere rationem esse *verisimilem*, & adhuc hæc habeat virtutem motivam ad conclusionem veram. Habet ergo solum vim ad conclusionem verisimiliorem, iuxta quod est illa ratio. Vide cap. 20. num. 6. ubi ostendi d. textum c. ego solis nobis favere.

10. Prosequitur Author, & in §. 2. princ. assert textum ex c. *relatum* 37. distin. in quo Clemens Pontifex damnat explicantes Scripturas non secundum traditiones Patrum, sed per verisimilitudines. Hinc lex Dei non secundum propriam ingenii virtutem debet doceri, sed ex ipsis Scripturis, *sensum capere veritatis oportet*; & ideo oportet, scientiam ab eo discere Scripturarum, qui eam à Majoribus secundum veritatem sibi traditam servat, & ut ipse possit eam, quam rectè suscepit, competenter asserere. Subdit Pater Gonzalez: Hæc documenta persuadent in iis, quæ ad fidem, & bonos mores spectant, illam sententiam esse præferendam, quam sancti Patres ex Scripturis hausserunt, vel per traditionem à Majoribus acceperunt. Unde cum sententia benigna de minori probabilitate festanda destituta sit suffragio omni, & auctoritate Patrum, à veritate aliena censenda est. Isteque locus est valde opportunus ad improbandum modum procedendi aliquorum Casuistarum, qui ut affirmet aliquid esse licitum, satis habent adducere aliquod argumentum à paritate, seu similitudine aliarum rerum, quæ licitè reputantur; constatque hinc, ejusmodi opiniones sic probatas non sufficere ad securitatem conscientie, præsertim quando pro opposita parte sunt argumenta de-

sum.

sumpta à Patribus, & à jure Canonico.

11. Sed contra, quia evidenter apparet, Pontificem loqui de veritatibus, quæ fide sunt credendæ, & quarum scientiam habere possumus. Loquitur de ea cognitione, quam ipse possit competenter asserere. Ergo loquitur de illis doctrinis, in quibus non dantur diversæ opiniones; quando enim dantur diversæ opiniones, Doctores unius partis nolunt, nec possunt competenter asserere alteram pariem, ut patet in Scoto, & in aliis Antiquis oppositas opiniones sequentibus. Præterea loquitur in illis materiis, in quibus non licet arguere ex similitudinibus. Ergo non loquitur in materiis opinabilibus, quia in his licet taliter arguere, ut patet legenti ius Canonicum, & Civile; hinc Glossa in d. c. relatum V. verisimilitudines dicit, quandoque esse licitum arguere ex similitudine, quandoque non. Vide num. 41.

12. Quando Pater Gonzalez dicit, nostram opinionem esse destitutam omni auctoritate Patrum, patet esse falsum ex dictis cap. 33. num. 5. & seqq. Ego hoc possum dicere de opinione sua, & Adversariorum; quamvis enim pro ipsa adducantur plurimi textus, ex dictis, & dicendis patet, & patebit, nihil prorsus suffragari. Et in rei veritate plures asseruntur, qui adeo clarè nihil probant, ut ipsi hoc videre possent, si cum ponderatione illos legerent. In specie de textu Divi Cypriani hoc assero, quem refert num. 14. & ita se habet: In compendio autem est apud religiosas mentes, & simplices, & errorem deponere, & invenire, atque eruere veritatem; nam si ad divinæ Traditionis originem, & caput itur, cessat error humanus, & sacramentorum celestium ratione perspecta, quidquid sub caligine, ac tenebrarum latebat, luce veritatis aperitur. Hactenus Cyprianus. Hic textus tantum docet regulam, quæ possumus errorem deponere, & eruere veritatem, & regula sistit, ut recur-

ramus ad Traditionis Originem. Quis quæso Probabilista hoc negavit? Solus Hæreticus negabit. Fide credimus, per Traditionem veritatem erui; Ast constantissimè negamus, nostram opinionem esse oppositam Traditioni.

13. Num. 15. refert Chrysostomum homil. 44. in Matt. Sed Pater Gonzalez, si legit hunc textum in suo codice, debebat observare, hanc homiliam esse sub lite, an sit D. Chrysostomi. Est certum, quod Author illius habet plures errores, & graves. Cujuslenque sit textus ille, loquitur de Fide, quænam scilicet Fides sit sectanda. De hac materia, cum sit certa, non datur opinio, sed certitudo; unde nec Probabilioritas salvaret, si oppositum doceremus. Unde Hæretici, licet credant certos suos errores, damnabuntur. Ibidem quoque recitat textum ejusdem Chrysostomi. in 2. ad Cor. cap. 7. homil. 13. fin. qui quidem in meo codice est aliquatenus diversus. Nihil tamen urget, nam Sanctus Doctor dixerat, & probaverat, melioris conditionis esse Pauperem, quam Divitem, & postea subdit dictum textum, in quo ait, nos non debere attendere, quid dicant opiniones, sed quid Scripturæ. Igitur in illa materia, & sic in similibus, & sic in certis, opinio opposita, etiam probabilior, nihil valet.

14. Num. 16. recitat textum D. Basilii exponentis illa verba psalm. 61. mendaces filii hominis in statervis. Hæc ibi habentur: en tibi datur libra, quæ sufficiens discrimen boni, & mali demonstrat; corporea namque pondera in libræ lancibus comprobamus; quæ verò ad insituentiam vitum eligenda veniunt, per liberum arbitrium, ratione scilicet regulatum, discernimus, quod & stateram nominamus, quod momentum æquale ad utramlibet partem capere possit. Sic D. Basilius. Nescio, ad quid inserviat hic textus. Quæ, & quanta paritas currat inter Libram, & intellectum regulantem, alibi

alibi pluries vidimus. Tum, si liberum arbitrium *momentum aequale ad utramlibet partem capere potest*, cur, quando equalis ratio stat pro utraque parte, volunt Adversarii, debere ad unam solam partem, ad rigidam nempe, præponderare?

15. Subdit textum D. Augustini citati 24. quæst. 1. c. *non afferamus*, in quo dicitur, quod non debemus habere stateras dolosas, in quibus appendamus, quod volumus pro arbitrio nostro dicentes: *hoc grave, hoc leve*; sed afferamus divinam stateram de Scripturis sanctis, & in illa, quid sit gravius, quid levius, appendamus; imo non appendamus, sed à Domino appensu recognoscimus. Hunc locum expendens Glossa ait: sunt quidam, qui subtilitate sua ducuntur, & volunt aliter interpretari divinas Scripturas, quàm debebant, & ita errant. Hucusque Gonzalez Glossa prosequitur hæc duo verba: *¶ in sebisma incidunt*. Si Pater Gonzalez non suppressisset hæc duo verba, sed attulisset, tunc Lectores sui potuissent in justa statera appendere, & cognoscere verum sensum textus, nec intellexissent proptio, sed pro nobis. Igitur ex Glossa patet, textum intelligi de materia clara, in qua utique, si quis falsum dicit, errat, *¶ in sebisma incidit*. Scotistæ certissimè, quamvis teneant, opiniones D. Thomæ esse *minus Probabiles*, non per hoc possunt dicere, D. Thomam errare, *¶ in sebisma incidere*.

16. Refert num. 8. Textum Gregor. Nazian. Orat. 27. in quo dicit Gonzalez, quod Sanctus Doctor tenet, non sufficere ad securitatem conscientiarum, quod multis ita videatur, sed necessarium esse iudicium ferre de veritate, seu de veritate *assercurari*, sic enim habet: At plerisque secus videtur, inquit. Quid verò mea interest, qui rei veritatem magis curo? Hoc enim vel me condemnaverit, vel absolverit, hoc miserum, vel beatum reddiderit. At quid aliis videtur, nihil ad nos, quemadmodum neque alienum omnium. Ita

D. Nazianzenus. Ego non habeo Codicem Sancti Doctoris, in quo invenire possim dictum textum; sunt enim Orationes confusæ cum aliis Opusculis, unde citatio illa in meo codice non correspondet; hinc nequeo videre de quonam subiecto illa verba protulerit, ut sic valeam habere rectam intelligentiam; juxta enim D. Hilarium intelligentia dictorum sumenda est ex causa dicendi. Si tamen Sanctus Doctor ex confessione Gonzalez *vult assercurari de veritate*; ergo loquitur in materia, de qua potest haberi *assercuratio veritatis*; & sic est de materia clara, in qua quidem nihil est curandum, quid alii dicant; sed in materia obicura, in qua nos loquimur, est maxime observandum, quid alii teneant, & afferant, nam in re obscura dicta Sapientium ex Arist. reddunt probabilem opinionem. Num. 19. recitat textum Lactantii, de quo infra.

17. In § 3. num. 20. & seqq. plures textus habet D. Augustini, in quibus demonstratur, sollicitè esse querendam veritatem mandatorum Dei, ut ea exequamur, & purificandum esse affectus inordinatos voluntatis, quia unusquisque prout affectus judicat. Hæc quis quæso negat, vel negare potest? Ex hoc tamen principio ab omnibus admisso non sequitur, ut vult Pater Gonzalez, non posse intellectum judicare veram (veritate probabili) illam opinionem, quæ contra habet rationes probabiles æqualiter, vel magis; nam D. Thomas iustitiae utramque opinionem æqualiter probabilem de creatione Mundi, & minùs probabilem in questione de testu requisito ad Ordinationem; & quomvis hæc sint materiæ speculativæ, sunt ad propositum, quia veritatis cognitio in omnibus est sollicitè inquirenda.

18. Num. 26. ponderat textum Augustini relatum in c. *in canonicis* 19. dist. in quo dicitur, illas Scripturas esse præponendas, quæ *a pluribus* recipiantur, iis, quæ a paucioribus recipiantur; si autem alias invenerit à pluribus, alias

à gra-

à gravioribus haberi, quamvis hoc inveniri non possit, *aqualis auctoritatis eas habendas puto*. Ecce, quòd à pluribus recipitur, est præponendum. Ergo opinio, quæ est probabilior ab extrinseco, est præponenda opinioni minus probabili ab extrinseco.

19. Si hic textus favet Adversariis in uno, in altero proculdubio illis opponitur, in æquali scilicet Probabilitate, ut dicebam cap. 27. num. 13. Præterea, ut notant Geminianus, & Turrecremata art. 2. hic, non ita debent præponi, quæ à pluribus recipiuntur, ut alia rejiciantur. Debent ergo præponi, idest, majori veneratione sunt digna, ita tamen, quòd etiam alia sint digna veneratione, sed minori. Concordat Glossa V. *præponat*. Hæc explicatio plurimum nobis favet, qui dicimus, opinionem probabiliorē, & minus probabilem debere recipi, & pro regulæ morum haberi, sed magis *Probabiliorē*, & minus illam, quæ est *minus Probabilis*. Præterea in hoc textu sermo est *Facti*, non *Juris*; quòd enim hic liber sit Petri, vel Pauli, est factum, non jus; in dubiis autem Facti opinio probabilior, etiam per nos, est præponenda.

20. Num. 27. Supponit Author, nos interpretari, prædictum textum valere in rebus Fidei, non verò morum. Recitavit hanc responsionem alio textu Divi Augustini ex cap. 10. in quo præcipue hæc habet. *In iis, quæ aperte in Scriptura posita sunt, inveniuntur illa omnia, quæ continent Fidem, moreque vivendi*.

Sed contra, quia hæc verba & continent veram intelligentiam prioris textus, & aperte nobis favent. Nonne *In iis, quæ aperte in Scriptura posita sunt, inveniuntur illa omnia, quæ continent Fidem, moreque vivendi*? Ego subsumo; sed quæ sunt tantum probabilia, etiam probabilioriter, non continentur in iis, quæ aperte in Scriptura posita sunt; Ergo Probabilia non spectant ad Fidem, *moreque vivendi*. Major est textus D. Augustini. Minor pro-

batur evidenter; quamvis enim multi ex Probabilioristis dicant, opinionem probabiliorē esse de objecto moraliter certo; tamen nullus potest negare, ejus objectum posse physicè aliter se habere. Ex hoc sequitur evidenter, objectum probabilioritatis non contineri in iis, quæ aperte in Scriptura posita sunt, hæc, liquidem metaphisicè impossibile est, quòd possint aliter se habere; hinc Fides supernaturalis nequit compati cum formidine, quòd Deus non sit loquutus ex Innoc. undecim. propos. damn. 21. Ex his patet, Patrem Gonzalez impugnando Probabilitatem attulisse textum Divi Augustini aperte ipsi faventem.

21. Concludit probationes ex D. Augustino referendo textum ex homil. 12. quem retulerat olim Vendrochius not. 1. in epist. 3. sec. 2. § 2. *verf. dabunt, credo*, & hujus mentionem feci cap. 24. num. 17. Relato textu Augustini addit verba, quæ Cardinalis de Aguirre tom. 1. theol. Sancti Anselmi disp. 2. num. 37. habet expendens dictum Augustini. Hæc audiant, & expendant, qui in rebus summi momenti, quales sunt ad salutem æternam spectantes, & ad observantiam Divinæ Legis, avidè exquirunt Doctores benignos, ut vocant, suæ cupiditati faventes; quamvis enim ii procuratores securitatem promittant, quoniam Dominus Iudex est, & solis his securitatem spondet, qui ipsius iussa intentè, diligenterque audiunt, & opere exequuntur.

Sed jam loco allato evidenter demonstravi, Augustinum loqui in materia clara, non obscura, & dicere oppositum est damnare D. Cyprianum cum octuaginta tribus Episcopis, & Patres, & Scholasticos, & Doctores omnes, qui docuerunt opiniones falsas.

22. Ex tom. 6. lib. 1. de adulter. coniugiis c. 26. asserti Augustinum, qui tenet esse baptizandum Cathecumenum, qui morbo, vel casu ita opprimitur, ut nequeat tamen petere baptismum; & hanc opinionem benignam sequitur, quia *credibilis sit*,  
enim,

eum, si posset, *distinuum* esse velle *sacramentum*.

Sed contra, quia collatio Sacramenti dependebat ex facto, an scilicet Cathecumenus haberet actum volendi baptismi; in dubiis autem quoad factum sectanda est pars probabilior, vel tutior. Præterea dico, si D. Augustinus non fuisset certus, saltem moraliter, Cathecumenum habere voluntatem recipiendi baptismum, non potuisset licite, ipsum baptizare, quia in conferendis sacramentis non possumus uti opinione probabilis de valore Sacramenti relicta tutioris, ut patet ex propof. 1. damnata ab Innoc. Vnde. & de Baptismo est adeo certum, ut, licet hoc negarent de aliquibus Sacramentis Probabilistæ, de Baptismo hoc non audebant, ut patet ex eadem propositione. Igitur his temporibus, quando agitur de valore Sacramenti, debemus sequi vel certitudinem, vel tutiorem, & in hac materia nec Probabilioritas saluat.

Tandem in Disert. 8. c. 2. §. 3. iudicat, per damnationem Innocentii Vnde. propof. tertie non esse tactam opinionem de mino i probabilitate; dicit tamen, videri infirmari eius fundamentum à priori. Fundamentum erat, quod opinio minus probabilis sit absolute probabilis; & sic nitatur fundamento gravi; & sic agens ex vi illius operaretur ex ratione gravi, & prudenti. Hoc porro fundamentum est eversum per Pontificem, nam, qui utitur opinione exigue probabilis, utitur opinione, quæ absolute in se spectata est probabilis. Ergo utitur opinione habente fundamentum, quod absolute est grave. Adhuc tamen iuxta Pontificem hic operatur imprudenter. Ratio est, quia, licet illa ratio visa fuerit magna Doctoribus, qui ob eam iudicabant opinionem illam esse probabilioris, non tamen est gravis respectu illius, cui ea ratio apparet exigui momenti. Pariter ergo ex eo, quod opinio minus probabilis sit in se absoluta; probabilis, & nitatur ratio-

ne gravi, non sequitur esse absolute probabilem mihi, cui eius fundamentum apparet minus verisimile.

Cardenas in explic. proposit. damnatarum ab Innocentio Undec. disser. 4. offendit clare, ex damnatione illius tertie propositionis nihil inferri contra opinionem minus probabilem, & cap. 5. docet illam dici opinionem tenuæ probabilitatis, de qua dubitatur, an sit probabilis. Refert ibi Lumbierum, & Filgueram dicentes, illam esse tenuiter probabilem, quæ est probabiliter probabilis. His Doctoribus potius adhiendum est, quam Patri Gonzales, & aliis Probabilioristis, quia illi ex professo tractarunt de hac materia, hi vero solum incidenter, & obiter. Tum quia est evidenter falsum, quod illud, quod mihi apparet minus esse, quam aliud, sit tenue, & parvum absolute consideratum. Nam Gen. c. 1. Sol, & Luna vocantur duo Luminaria magna; & tamen Sol dicitur Luminare majus, & Luna Luminare minus. Ergo, quod est minus respectu alteri, in se, & absolute est magnum. Et revera si aliter dicamus, solum, quod est maximum, absolute posset dici magnum, quia alia possunt comparari cum majori. Dixi alibi D. Thomam, & Scotum esse duo Luminaria magna Theologiæ, & si Thomam comparans Scotum cum D. Thoma, & illam vocans Luminare minus intellexeret, esse Luminare tenue, parvum, mediocre &c. in se, & absolute, præcui dubio à Scottis, & ab omnibus iure vapularet. De hoc puncto egimus: unde nihil est addendum. Vide numer. 37.

23. Patrem Natalem Alexandri ex dictis pluries constat, valde adversari minori Probabilitati; Nunc respondetur, ut textus, quo, profert ex Antiquis contra nostram opinionem, explicemus, & demonstremus, nihil ipsi suffragari, aut nobis obesse.

Igitur Lib. 3. de peccatis cap. 14. regul. 13. assert illud: Diliges Dominum Deum tuum ex toto corde, ex tota Anima. &c.

ex totis viribus tuis; qui autem sequitur opinionem minus probabilem relicta probabiliori, & tutiori, non implet huiusmodi præceptum; quis enim sincerus amicus habeatur, qui, ut suo commodò indulgeat, nullatenus ea curet agere, ex quibus amicum suum probabiliter offensum iri prævidet?

24. Maitrius in 2. disput. 5. quæst. 2. à num. 66. & seqq. respondet pluribus textibus Scripturæ inculcantibus amorem Dei, & obsequantiam ipsius præceptorum quæ nedum sunt observanda, sed etiam custodienda *nimis* ex psalm. 118. & numer. 67. subiungit circa præcepta Decalogi, & alia expressa in scriptura, Sopinionones probabiles, & sic etiam probabiles, non habere locum; quia, ut dicebam ex D. Thoma, qui sequitur opinionem contra manifestum Scripturæ testimonium, non potest ab erroris vitio excusari. Circa verò, quæ expressè non continentur in Scriptura, sed solum virtualiter, & implicite, est utilis labor exppositorum, inquit Scotus quæst. 2. proli. in quæ expositiones cum modo sint probabiles, modò minus probabiles, debent omnes esse utiles; nec enim magis, & minus variant speciem, etiam in moralibus. Igitur, sicut per Patrem Alexandri, qui sequitur opinionem probabiliorē, in se, & à parte rei falsam, & cuius opposita videtur sibi minus probabilis, est sincerus Amicus, & illa offensa de materiali se habet; ita dicimus de opinante minus probabiliter, quia magis, & minus non variant speciem: nam licet, inquit Maitrius num. 126. fin. in italica *casu exerceam actum, quem iudico specificative illicitum juxta opinionem oppositam, non tamen illum exerceo ut reduplicative talem, quia illum exerceo, ut a me existimatum bonum juxta opinionem, quam sequor, atque ideo ut reduplicative bonum.* Vide c. 37. num. 77. Præterea in nostra opinione non præbeo assensum parti probabiliori; & sic non iudico hic, & nunc adesse offensam Dei, sed solum assertor opinioni minus probabili, & solum iudico objectum esse bo-

num; & sic multò magis in nostra opinione valet, offensam Dei de materiali se habere.

25. Author inde assert illud Apost. 1. Thessal. 5. *omnia probate, quod bonum est, tenete*, ab omni specie mala abstine- te vos. Et illud Matt. *Sicacus caco ducat*, *ambo in foveam cadunt.* Nunc negari nequit, opinionem minus probabilem habere speciem mali, quia ejus objectum probabiliter inhonestum est. Præterea ille cæcus est, qui opinionem falsam sequitur, cum verum lumen non cernat. Qui ergo tenue illud minus probabilis opinionis lumen sequutus fuerit, quia reipsa falsa est, corruet dubio procul, &c.

26. Respondetur ad primum cum D. Chrysostomo in hanc epist. orat. 11. litt. D. ubi hæc habet. Quoniam autem dixit, prophetias nolite spernere, ne existimarent, cum omnibus aperuisse fuisse, omnia inquit, probate, hoc est, eas, quæ veræ sunt Prophetiæ. Quod bonum est, tenete, ab omni specie mala abstinete, non ab hac, aut illa, sed ab omni. Omnia probate, & vera, & falsa, ut cum examinatione discernatis, & ab illis abstineatis, his verò adhareatis; Ita enim illorum erit odium vehemens, & horum amor, quando non leviter, & citra considerationem, & examinationem, sed exactè, & accuratè omnia fecerimus. Hic supponimus, Doctorum excussisse diligenter, & exactè fundamenta utriusque partis, ut faciunt Scotistæ, & Thomistæ; cum autem veritas non sit manifesta, sed probabiles argumenta, inæqualiter tamen, pro utraque parte inveniuntur, concludit cum Richardo de Mediavilla, qui vult tenere primam opinionem, potest dicere ad oppositam &c. qui vult tenere secundam opinionem, potest respondere ob- jectis &c. Si sic fecit Antiquus Richardus cum aliis, cur nos ita facere prohibebimur? Si Richardus vidit illam speciem malam in nostro casu materialiter se habere, & non formaliter; & sic non venire in considerationem; Cur ita



ita nos quoque facere non poterimus?

27. Præterea Pontifices c. cum ab omni de vit. & honest. cler. & c. veniens cl. 2. de eo, qui cogn. conf. explicantes illa verba ab omni specie mala &c. afferunt exempla, quæ erant in materia certò mala. Cur ergo nos erimus scrupulosi adeo, ut illa ad incertò mala extendamus? Potius per argumentum à contrario debemus ad hæc non extendere.

Ad secundum, qui fuit textus Vendrochii, respondimus cap. 24. à num. 3. Legatur etiam cap. 33. num. 74. & videbitur, ex Zabarella excusari aliquem malè intelligentem jus, & hoc propter varietatem opinionum.

Iterum idem Author assert alias Scripturas, & textum Tertulliani, & D. Augustini desumptum ex lib. contra Academicos. Sed his omnibus alibi satisfeci, ut superfluum sit aliquid dicere.

28. Vendrochius not. 1. in epist. 5. sec. 4. § 1. & tom. 2. append. 1. § 10. attulerat textum ex D. August. lib. 1. de Bapt. cap. 3. contra Donatistas; hunc quoque placuit Patri Natali referre, qui sic se habet: si dubium, inquit B. Augustin. haberet, non illic rectè accipi, quod in Catholica rectè accipi certum haberet, graviter peccaret in rebus ad salutem Animæ pertinentibus vel eo solo, quod certis incertis præponeret. Subdit alium textum ex cap. 5. idem omnino dicentem. Tunc sic instat Author: cum itaque minùs probabilis opinio, quæ libertati, & cupiditati favet contra legem in concursu probabilioris, quæ legi favet contra libertatem, & cupiditatem, incerta sit, & oppositi formidine quatiatur, ne fortè sit illicitum, quod ipsa licere docet, graviter peccat, qui minùs probabilem probabiliori, & secundum illam agit, quia in rebus ad salutem animæ pertinentibus certis incertis præponit.

29. Facor, hunc textum esse præcipuum ex plurimis, quibus Probabilioristæ nituntur oppugnare Probabi-

litatem, & primà facie videtur clarè pro ipsis decidere, ut bona fide credidit Vendrochius, & mihi olim apparebat; sed rem altius scrutanti obvia, & clara responsio occurrit. Igitur quero à Patre Alexandri, an, si quis probabilius judicet rectè accipi baptismum apud Hæreticos, hic peccaret accipiendo baptismum ab Hæreticis, an non. Si primum; quid mirum, si dicamus nos, in hoc casu peccaturum sequendo opinionem minùs probabilem? Nos dicimus in jis valere minorem probabilitatem, in quibus Probabilioritas ratione sui licet, & in quibus non licet Probabilioritas, nec valet minor Probabilitas. Secundum nequit dici, quia ex D. Thoma. tenere opinionem contra id, quod publice tenet Ecclesia, non potest ab erroris vitio excusari. Cum ergo Ecclesia semper prohibuerit, & damnaverit receptionem Baptismi ab Hæreticis, erroneum est tenere opinionem oppositam. Ergo in materia de receptione Baptismi ab Hæreticis, qui incerta, & sic probabiliora, & minùs probabilia certis præponit, peccat mortaliter, nec potest ab erroris vitio excusari, quia in re clara tenetur scire veritatem; unde ipsa incertitudo peccatum est: in re verò obscura incertitudo non est peccatum, quia impossibile est haberi scientiam; & sic in re obscura Probabilioritas, & minor probabilitas salvant. Solet afferri alter textus D. Augustini, qui habetur c. si quis autem dist. 7. de pœnit. sed huic plenè satisfactum est cap. 3. num. 85.

30. Urget Pater Natalis textum D. Bernardi lib. de præcep. & dispen. cap. 14. quem explanavi cap. 24. num. 34. & seq. Hic textus priùs fuerat allatus à Merenda, cui Mastrius num. 97. & alii responderant; unde non est necesse, ut in ipso amplius hæreamus. Accedit ad expendendos textus D. Thomæ ex quodl. 8. art. 13. & quodl. 9. art. 15. Sed hi textus explicati sunt ab omnibus Probabilistis

stis, & etiam à me præcipiunt cap. 23 à num. 11. & seq. & ibi etiam expendi textum quodl. 3. art. 10. Unde nihil aliud addendum est. Quia cap. 34. num. 4. & seq. ex textu quodl. 3. & 8. probavi nem op. nionem. Vide infra num. 36.

31. Tandem Author in hac reg. 13 sibi obicit illud Christi dicentis, v. pum suum suave esse, & leve, & nititur probare ex Augustino, & sacra Scriptura ta'e dici, non quia liceat in lege nostra uti regulis morum, *quæ libertati jarent, & cupiditati contra præcepta*; Sed tale appellari ratione gratia, & Charitatis, quas nobis copiose infundit. Cæterum, subdit, mores non esse informandos secundum opinioniones laxiores, quibus Deijugum nimis emollitur, & Christiana disciplina solvitur, significat Deus Ezech. cap. 13. & tu, fili hominis, pone faciem tuam contra filias populi mei, quæ prophetant de corde suo, & vaticinare super eas, & dic: Hæc dicit Dominus Deus: Væ quæ consuevit sub omni cubito manus, & faciunt cervicalia sub capite universæ ætatis ad capiendas Animas eorum, & violabant me ad populum meum propter pugillum hordei, & fragmen panis, ut interficerent animas, quæ non moriuntur, & vivificarent Animas, quæ non vivunt, mentientes populo meo credentis mendaciis.

32. Sed contra. De interpretatione illius textus: *Jugum meum suave est &c.* vide, quæ dixi cap. 29. num. 43. & seq. & num. 20. & 21. & hic invenies, in Lege nova, *quæ est perfecta libertas*, non esse faciendum interpretationem, ut contineat nimiam difficultatem, aliàs non salvaretur illud consolatorium Christi, *Jugum meum suave est*. Vide etiam cap. 23. num. 63. & cap. 33. num. 70. Legendo cap. 29. num. 38. reperies Augustinum conquerentem, quod, cum Christus fundaverit Religionem, in paucissimis, & manifestissimis celebrationum sacramentis, alij velint illam

humanis presumptionibus subjicere. Ex his colligit Lector, quod, sicut iuxta Patrem Natalem, & rei veritatem mores non sunt formandi juxta regulas, *quæ nimis emolliunt*; ita nec sunt subiciendi nisi paucissimis, & manifestissimis Sacramentis; nam quid prodest, immo quid non obest, coartare plus justo mandatum Dei, quod est latum nimis? Nam, *cissi contemptus ex hac lassatione, & dulcedine apud quosdam improbos major oritur, habentes malitiam libertatem*; ast apud alios bene institutos actiones gratiarum resonabunt. Præstabitur etiam sedulius obsequium Domino, & Patri tanta mansuetudinis, *cujus mandata graviora non sunt*. Ita verbatim Gerson, & Nider, ut retuli cap. 23. numero 63. & cap. 33. numero 70.

33. Negamus ergo per opinionem minus probabilem nimis emollii Legem Dei, & Naturæ, nec textus Ezechielis assertur ad propositum, nam illa verba: Væ quæ consuunt pulvillos &c. juxta Gregorium magnum intelliguntur de assentatoribus, qui audaciam hominibus in peccando augent: Sunt, inquit, *mannilli, qui dum mala facta hominum laudibus effecerunt, augent, quæ reprehendere debuerant*; hinc enim per Prophetam dicitur: *Væ qui consuevit pulvillos sub omni cubito &c.* Nunquid Thomista reprehendere debet opiniones Scotistarum, vel Scotista Thomistarum?

34. Idem Pater Natalis in reg. 14. ut probet authoritatem unius, vel plurium Scriptorum non conciliare securitatem moralem opinioni, assert plures textus, quibus alij Probabilistæ impugnant nostram conclusionem. Primo loco habet textum ex cap. ego solis, & cap. neque quorumlibet 9. dist. Hi textus, qui sunt Augustini, procul dubio sicut valde probant, authoritatem Unius Doctoris non asserre securitatem moralem, ita ille, & cap. ego solis evidenter demonstrant, Probabilitatem conciliare hujus.

Morum regulas ex Scriptura, & Traditione; non ex folis hominum opinionibus depremdas esse. Hanc conclusionem probat plurimis autoritatibus; de quibus tamen, cum non feriant nostram doctrinam, solum pauca dicam. Affer textum Ezech. cap. 13. in quo sanctus Vir invehitur contra falsos Prophetas. Dicit Author, quod Pseudoprophetae sunt tum Haretici, tum Pseudorheologi, laxioresque concipientiarum moderatores, qui parietem liniunt luto usq. paleis, cum figmenta, & opiniones hominum, quae Spiritus Sancti non habent condimentum, ut possint in divinis Scripturis, & Traditione Apostolica non fundata, adificari; unde totum edificium corruat, necesse est, & usq. ad fundamenta, & pulverem dissolvatur.

39 Si illa opinio, quae non fundatur in divinis Scripturis, & Traditione Apostolica necesse est, ut corruat; ego infero, vel opiniones Thomisticas, vel Scotisticas oppositas ruituras in nihilum, quia, cum una ex illis sit falsa, impossibile est, quod utraque habent fundamentum Spiritus Sancti, quia Spiritus Sanctus nequit fundare falsitatem. Praeterea Divus Thomas in pluribus quaestionibus nec Scriptura, nec Traditione utitur. Hac pauca exempla referre sufficiat. In 2.2. q. 64. art. 7. q. 70. art. 3. q. 71. art. 2. & art. 4. q. 72. art. 4. q. 73. art. 1. q. 77. art. 1. Observe, hunc articulum resolvere rationibus naturalibus, & triplici autoritate Philosophi; quamvis autem in argumento sed contra utatur Scriptura, nil officit, quia argumentum, sed contra, ponitur principaliter dubitandi causa. Dico ergo ipsa resolutio quaestionis, quae vocatur corpus quaestionis, in qua Author exprimit suam opinionem, sit absq. Scriptura, & Traditione in his locis, sicut & in plurimis aliis, quos non vacat referre. Solum hunc unum addo. In q. 147. tractat de senario octo articulis. Excepto 1. 5. & 7. alii articuli resolvuntur absq.

his principiis. Ipse Divus Thomas quodl. 4. art. 18. dicebat per auctoritates nos certificari, quod res ita sit, per rationes vero acquirere scire tiam rei: *si nudis auctoritatibus, Magister quaestionem determinet, certificabitur quidem Auditor, quod ita est, sed nihil scientia, vel intellectus acquireret, sed vacuus abscederet.*

40. Scotus in 3. dist. 3. quaest. 1. agitat quaestionem, an Beata Virgo fuerit immunis ab Originali. Pro parte negativa affer textus Scripturae, Patrum, & communem opinionem. Ipse Doctor Subtilis resolvit probabiliter, *Videtur probabile, & tenet partem affirmativam, & quamvis haec quaestio sit supernaturalis, nullam Scripturam, nullam Traditionem, quin nullum Patrem pro se habet, sed refert duas auctoritates Aristotelis.* Peto nunc à Patre Alexandri, an Decisio Scoti in hac materia supernaturali, contraria communi oppinionis Antiquorum, qui pro se Scripturas, & Patres asseriebant, sit in pulverem dissolvenda, an vero fuerit adeo firma, & fortis, & stabilis, ut nostris temporibus firmiter tradatur ab omnibus, exceptis Patribus Dominicis.

41. D. Augustinus in cap. ego solis 9. dist. ut flecteretur ad credendum aliquod verum, voluit, ut ipsi assereretur textus Canonicoe Auctoritatis, vel Probabiles rationes. Ergo per Augustinum sequitur evidenter, veritates posse determinari à solis rationibus, & quidem solum Probabilibus. Tum quia per Aristotelem in moralibus sufficit certitudo, quae provenit ex Probabilibus, & Probabilia ab ipso definiuntur, quod sint illa, quae videntur vel omnibus; vel Pluribus &c.

42. Affer Pater Alexandri pro se textum Augustini ex Prologo Reformationis dicentis, tunc plures fieri Magistros contra illud Jacobi 3. *molite plures Magistri fieri, cum diversa, & adversa inter se sentiunt.* Si hoc est

est verum, oppositæ Scholæ Thomistarum, Scotistarum, Baconistarum &c. sustinent hæc damnatam pluralitatem Magistrorum. Hæc doctrina D. Augustini cum alia D. Bonaventuræ, quam attuli alibi, & habetur in 2. dist. 15. in exposit. Litt. dub. 3. explicatur. Dicit ibi Seraphicus, quod Catholici Tractatores aliquid dicunt assertivè, & aliquid dicunt opinando. *Quod assertivè dicunt, in hoc non discordant, quia, quod asserunt, per revelationem Sancti Spiritus dicunt, qui non est sibi contrarius; in eo verò, in quo opinantur, dissentire possunt, & aliquando dissentiunt, quia opinio aliquando venit ex probabili conjectura rationis, in qua homo frequenter decipitur deceptione potius, quæ est pena, quam culpa.* Ecce expressè in Assertionibus non datur pluralitas Magistrorum apud Catholicos, datur verò in opinionibus.

43. In fine illius Regulæ Author ponit textum Gregorii Septimi lib. 3. epist. 10. In hac Pontifex conquiritur, *Ordinem Christianæ Religionis multis temporibus fuisse labefactum, & principales, ac proprias causas lucrandarum Animarum suadente Diabolo fuisse concutatas.* Accipe hic textum clarum contra Probabilioristas. Patet hic evidenter, antiquitus mores adeò fuisse depravatos, ut ipse ordo Christianæ Religionis fuerit labefactus, & concutata causa propria, & principales lucrandarum Animarum. Ergo illo tempore vel aderat Probabilitas; & sic non est inventum novum, ut vociferantur Adversarii. Vel potest corruptio ingens morum esse sine Probabilitate; atque adeò poterimus dicere, mores depravatos nostri temporis provenire ab illo capite, quod antiquitus corrupti Christianos. Subdit Pontifex, quodd, ut ordinem corruptum Christianæ Religionis redintegraret, *Ad Sanctorum Patrum decreta, doctrinamque recurreret, nihil novi, nihil ad inventionem nostram statuentes, sed primam, & unicam Ecclesi-*

*sticæ disciplina Regulam, & tritam Sanctorum viam relicto errore, preterendam, & sectandam censuerit.* Certè ordo Christianæ Religionis debet fundari in regulis certis, ita ut contrarium sit error. In his ergo materiis proculdubio opiniones Hominum non debent interviare Regulæ morum; quia in his materiis iuxta D. Bonaventuram Catholici Tractatores non opinantur, sed asserunt, & Probabilitatē dicunt, in rebus obscuris, & incertis opinionem, & Probabilitatem intervivere, non verò in claris, & certis.

44. Ante hunc textum Pater Natalis refert D. Bernardum ex epist. 174. sic scribentem. Nunquid Patribus Doctiores, aut devotiores sumus? Periculosè præsumimus, quicquid ipsorum in talibus prudentia præterivit. Nec verò id tale est, quod, nisi prætereundum fuerit, Patrum quiverit omnino diligentiam præterisse? Hic textus apertè est contra ipsum Doctorem. Doctor mellissimus arguit illis verbis Lugdunenses, quodd zusi fuerint repentina novitate celebrare Conceptionem Beata Virginis. Pater Alexandri debet fateri, omnes Ecclesias Orbis, & omnes Episcopos, & cujuscunque gradus recitantium Horas Canonicas, & etiam Patrum Dominicanorum, celebrare Solemnitatem Conceptionis Beata Virginis dicendo: *Conceptionem Beata Maria Virginis devotissimè celebremus.* Si ergo ille textus est ad suum propositum, cogitur fateri, ex sola hominum opinione provenire morem colendi Conceptionem Beata Virginis in toto Orbe.

45. In reg. 17. firmat illam regulam Canonicam: *In dubiis tutior pars est eligenda, & pro illa refert cap. ad audiendum cap. significasti de homic. cap. illud de Cleric. excomm. & can. si quis positus, & si quis autem dist. 7. de pœnit. & Clem. exvi de verb. signif. cap. juvenis de spons. cap. Dominus de secun. nupt. & cap. inquisitioni de senten. excomm. Divus Antoninus par. 3. tit. 5. cap. 2. § 9. fin.*

fin. scribit. *Adde etiam, quod in his, quæ concernunt forum conscientie, in dubiis tutior pars est eligenda, de Ipon. cap. juvenis, nec tamen de falsis opinio contraria contemnenda.* Nota hæc ultima verba. Alibi dixi, illud axioma intelligendum esse, ut verba sonant, & sic valere in Dubiis, non in *Probabilitatibus*, & opinionibus. Vide cap. 6. Hæc doctrina colligitur clarè ex Nider par. 3 cap. 11. in consolat. timor. conscient. ubi loquens de oppositis opinionibus D. Thomæ, & aliorum Doctorum ait. *Tutior est gradus comparativus præsupponens positivum, scilicet aliam tutam esse opinionem.* Patet illud, quia tutiores videntur esse opiniones prælatæ aliorum, quàm quas Sanctus Thomas ibi docet. Ibi tenet D. Thomas, peccatorem non obligari statim ad confessionem contra oppositam aliorum Doctorum. Ecce evidenter juxta Nider, quando adsunt plures opiniones oppositæ Doctorum, tunc tutior, idest quæ nullum periculum habet, non est de necessitate scitanda. Addo, textui ex cap. *illud* de cleric. excomm. debere etiam respondere Patrem Alexandri. In illo dicitur, quod quidam Episcopus credebatur, se non peccare celebrando contra sententiam latam à Judice delegato, eo quod ipse Episcopus nec ante, nec post admonitus fuerat ab illo Judice de iudicio, & de sententia. Ergo probabilis iudicabat, se non teneri ab illa sententia; adhuc ille Episcopus erat culpabilis. Ergo nec Probabilioritas salvat.

46. In cap. juvenis Pontifex dicit: *Quia igitur in his, quæ dubia sunt, quod certius æstimamus, tenere debemus;* tamen propter honestatem Ecclesiæ, quia ipsa coniux ipsius fuisse dicitur, tum propter prædictam dubitationem mandamus, quatenus consobrinam ipsius puellæ, quam postmodum duxit, dividat ab eodem. In cap. *inquisitioni* obligatur coniunctus in matrimonio, & habens conscientiam

probabilem, & discretam de invaliditate, ut reddat debitum, sed non petat. Assignent, quæso, rationem, cur in cap. *juvenis* dirimatur matrimonium, non verò in aliis, & magis videbatur solvendum in cap. *inquisitioni*, cum dubium esset probabile, quod majus esset juxta Adversarios, quàm simplex dubium. Igitur debemus dicere, in cap. *juvenis* *dubitationem* non fuisse causam sufficientem solvendi matrimonium, nam tolerabilius est ex cap. *licet* el. 2. de test aliquos contra statuta hominummittere copulatos, quàm coniunctos legitimè contra statuta Domini separare. In cap. *Dominus* rectè deciditur, quod, qui existimabant esse dubitandum de matrimonio, debitum non poterant petere, quia in *dubii* *tutior pars est eligenda.* Ergo poterant petere, si dubitationem exclusissent; dubitatio autem ex dictis excluditur nedum à scientia, sed etiam à opinione. Vide cap. 6. & cap. 19. num. 19. Vide Mastrium num. 84. qui priùs responderat huic textui allato à Merenda. Vide cap. seq. num. 24. & seq.

47. In reg. 19. probatur, dubium resultare ab opinionibus æqualiter probabilibus. In cap. 32 num. 43. respondi universaliter omnibus, quæ hic afferuntur, & num. 41. peculiariter respondi textui ex D. Bernardo, & num. 45. textui ex cap. *acutus*. Nunc breviter solvo alios textus. In cap. *illud* de præsumpt. vocatur res dubia in casu, in quo erant rationes pro utraque parte. *In huiusmodi dubietate.*

48. Respondetur, in rei veritate consideranti rationes à Pontifice allatas, non fuisse sufficientes ad Probabilitatem generandam; & sic rem illam verè remansit dubia; hinc Pontifex, ut decideret casum, respexit ad aliam rationem, scilicet famam nempe loci; quæ constabat, Virum tenuisse quandam faminam in læso, & in mensa tantum uxorem; hinc Glossa V. *fama* loci scribit. Eil hic argumentum.

quod fama sufficit ad probationem, si alie præsumptiones coadiuvant, ita quod cum fama faciunt probationem, & ita hic, *que non profunt singula, multa juvant*. Ergo, ego infero, rationes allate ante *famam loci* non sufficiebant pro probatione matrimonii, & sic non erant probabiles. Tum quia in hoc capite questio erat de *falso*, non de *iure*; fama enim, ex qua concluditur ibi matrimonium, est de *falso*, non de *iure*; nostra autem questio est de *iure*.

49 Sed minus suffragat cap. *veniens* de præb. non bapt. Questio erat, an ordinatus ante baptismum recepisset Ordinis characterem. Pro parte negativa asserbatur ratio, quod, cum Baptismus sit fundamentum, nullum Sacramentum recipiatur ante ipsum. Affirmans hac ratione nitebatur, quod non solum per Sacramentum Fidei, sed etiam per fidem Sacramenti homo Christi membrum fiat, & qui Christum habet in corde per fidem, habeat fundamentum, quod est Christus Jesus. Utraque pars probabilis erat, & tamen Pontifex respondit: *In hoc dubitabili casu, quod tutius est, sequentes, mandamus &c.* Ecce dubium inter probabiles rationes.

50. Sed contra, & nego partem affirmantem fuisse, etiam illo tempore probabilem, quia, ut refert ipse Pontifex in eodem § jam in Concilio apud Compendium legitur constitutum, quod si quis in præbiterium ordinatus deprehenderet, se non esse baptizatum, baptizetur, & iterum ordinetur. Hic textus approbatus etiam fuerat in cap. 1. huius tituli. Si ergo pars negativa erat expressè decisa, qui Pater Alexandri poterat dicere, partem affirmantem esse probabilem? Jam conflat ex dictis ex D. Thoma quodlibet 3. art. 10. propositionem esse erroneam, quæ opponitur ei, quod publicè tenetur ab Ecclesia. In hoc ergo dubitabili casu, licet pars minus tuta visi fuisset probabilior (Patri Alexandri) credebamus sequi id, quod tutius est.

51. Tandem ad probandum inter opiniones probabiles adesse dubium refert cap. *Fraternitatis* de frigid. & malef. in quo lata fuerat sententia nullitatis matrimonii ex errore probabili; & tamen Pontifex ait, rem tunc temporis fuisse dubiam: *quandiu articulus iste dubitabilis erat*.

Sed hic textus, salva reverentia, nihil iuvat; nam in re verè dubia non est dirimendum matrimonium ex d. cap. *inquisitioni*. Ergo in hoc casu ly *dubitabilis* non debet accipi *proprie*, sed *improprie*. Ibi dirimitur matrimonium, quia constabat, quod femina nunquam poterat esse mater, aut coniux, *tantum cui naturale desset instrumentum*. Ergo tunc dabatur certitudo moralis de nullitate matrimonii. Quamvis autem certò moraliter erat, illud matrimonium esse nullum, adhuc articulus iste erat *dubitabilis*, quia certitudo moralis fundatur in opinione, quæ ex cap. *ad nobis* el. 2. de sentent. excom. sæpe fallit, & fallitur; & in hac potentia fallendi fundatur hæc *dubitabilitas*, quæ in rigore debet dici formida. Sed nos non loquimur de hac *dubitabilitate*, quæ est ipsa formido, sed de alia, quæ distinguitur à formidine, & opinione, ut patet ex cap. 6. num. 24. Huic textui debet etiam respondere Pater Alexandri, quia, si dirimitur matrimonium; ergo saltem probabilius erat, esse nullum. Ergo etiam Probabilitas importat dubitationem.

52. Universaliter pro responsione ad Sacros Canones observandum maximè est, utrum textus fundetur in decisione illius capituli, si enim non fundetur in ipsa, tunc forsitan textus ille non debet accipi in stricta significatione, ut dicebam textibus ex cap. *fraternitatis*, & cap. *veniens*. Hoc patet in cap. *cum contingat* de atat. & qualit. &c. Dicitur ibi, quod ab Abbatibus per primam tonsuram iuxta formam Ecclesiæ datam Clericali Ordo confertur. Theologi, qui omnes negant, primam tonsuram esse Sacra-

Sacramentum, dicunt illa verba, *Clericalis Ordo*, accipi improprie, & subdunt, mirum non fuisse, Pontificem vocasse primam tonsuram *Ordinem Clericalem*, quia tunc questio non erat, an prima tonsura esset *Ordo*, sed an Abbates possent conferre *Ordinem Clericalem*. Debebat ergo decidere hanc secundam, non primam; & sic, si vocavit primam tonsuram *Ordinem*, non est multum ponderandum, tanquam per accidens dictum, an loquutus fuerit proprie, vel improprie.

53. Idem Auctor in alio Opusculo tractavit de Probabilitate, nempe in suis Epistolis. Vidiolim libellum complectens omnes Epistolas; nunc illas ex parte habeo in tom. 2. operum eiusdem Patris Alexandri excusso Venetiis apud Nicolaum Pazzana anno 1705. Igitur in prima Epist. quæ dicitur quadragesima sexta, conquiretur, quomodo à Theologo Catholico possit impugnari illa sua propositio: *Extrinsæca Probabilitas ex unus, vel plurium Scripturarum auctoritate petita opinioni morali securitatem conciliare non potest*. Subdit, hanc suam propositionem fundari in Sanctis Patribus Basilio &c. & contrarium fuisse damnatum ab Academicis Parisiensi, & Lovaniensi, necnon ab Innocentio Undecimo in illa propositione: *Generatim, dum probabilitate &c.* Vide numero 37.

54. Quidam Anonymus impugnabat hanc doctrinam, quia ignari, & rudes, scrupulosi ex auctoritate Confessarii dirigunt recte suam conscientias; ergo extrinsæca probabilitas *Unus* sufficit ad mores. Sed Pater Natalis dicit, questionem non esse de his rudibus, ignaris &c. quia hi excusantur non ob extrinsæcam opinionis Probabilitatem, sed ob *ignorantiam invincibilem*. Ego etiam credo, questionem nostram non esse de his rudibus &c. sed addo, hanc ignorantiam invincibilem fundari in extrinsæca Probabilitate Confessarii.

55. Hic est Controversiæ cardo, inquit Pater Alexandri, utrum Pastor, vel Doctor opinionem in praxi minus probabilem, relicta probabiliiori, tuta conscientia sequi possint, & utrum ex duobus opinionibus, quarum altera faveret *Cupiditati*, & *corrupta libertati* (Antiqui dicebant modestè, *quarum altera est benigna*) contra legem, altera stat à lege contra cupiditatem, simul concurrentibus, Christianus homo tuta conscientia illam amplecti possit, quæ blanditur cupiditati, & libertati faveret, illa posthac, *quam scit, vel scire tenetur, consonam esse legi*. Id non posse meritis asserui, constanterq. propugno, & Probabilitatem extrinsæcam, immo & intrinsæcam, sed *minorem*, quæ omnem oppositi formidinem, seu omnimodam hesitationem in illa hypothese non excludit, securitatem huiusmodi opinioni minus probabili in concursu probabilioris conciliare non posse.

56. Ego pro certo habeo in materiis, quas scire possumus, & tenemur, etiam Probabilitatem non siliare, quia in hoc casu, inquit D. Thomas, ipse error peccatum est; tunc si quis, nedum probabilis cognosceret, sed etiam certò crederet, fornicatorem esse peccatum veniale, hic fornicando non peccaret venialiter, sed mortaliter per Doctorem Anglicum quodl. 8. art. 15. Sed difficultas non est de his materiis. Questio est de materiis dubiis, & obscuris; hinc dico, quamvis Thomistæ credant, Scotum esse minoris auctoritatis D. Thoma; tamen possunt acquiescere in conscientia opinionibus benignis Scoti, in quibus nondum datur certitudo, & differt ab Angelico Præceptore.

57. Pro confirmatione huiusce suæ regulæ asserit textum ex 3. Reg. cap. 13. ubi euidam Propheta Deus præceperat: *non comedas panem, neque bibes aquam, nec reverteris per viam, qua venisti*. Alter verò Propheta fecellit eum dicens, quod à Deo acceperat,

T t 2 perat,

perat. ut ipsum reduceret secum per illam viam, vt comederet &c. Credulus Propheta fidem habuit, & reverius est, & contra præceptum Dei ibi comedit &c. Deus iratus in poenam transgressionis fecit, ut occideretur à Leone. Ecce quod autoritas Prophetæ non valuit excusare à peccato.

58. Sed quis non videat, hoc exemplum nihil probare ad propositum? Probat solum, quòd autoritas omnium hominum nihil valet in materia clara, & certa, de quo non est difficultas. Ille Propheta certò sciebat, Voluntatem Dei esse, quod non comederet in illo loco; ergo fuit levis corde, dum citò credidit alteri homini oppositum asserenti. Dicebam, opiniones falsas illorum Antiquorum excusasse homines operantes antiquitus juxta ipsas, in his verò temporibus non excusare. Ratio diversitatis evidens est, quia antiquitus res erat obscura; & sic opinio humana habebat securitatem; nunc verò res est clara; & sic opinio non habet locum, sed sola veritas. Meminerat hujus textus Gonzalez disp. 14. num. 84. & retulerat Cornelium à Lapide explicantem, quòd Propheta peccavit, quia clarè sciverat voluntatem Dei. Hoc idem solum probat textus D. Thomæ, quem dicit, esse disertum pro sua opinione, & est articulus decimus quodl. 3. ut evidenter monstravi num. 36. & cap. 34. num. 5. & seqq. Etiam aliter textum ex D. Bonavent., quem attulerat prius Pater Gonzalez, & cui respondi cap. 19. num. 7. & seqq. unde nihil est addendum.

59. In Epistola sequenti agit iterum de Probabilitate, & docet, esse reum lethalis culpæ, quisquis opinionem erroneam, aut minus probabilem in materia morum verè, & probabiliori anteposit, & secundum illam agit. Ego infero consequentiam à sensu à contrario; ergo non peccat mortaliter, qui opinionem minus probabilem falsa, & probabiliori anteposit. Sed

sæpe ex Aristotele falsa sunt probabiliora veris; ergo sæpe quis non peccat mortaliter, si anteposit opinionem minus probabilem falsa, & probabiliori.

60. Prosequitur Author: De Probabilitate quæstio est, ex duabus opinionibus, quarum una stat à lege contra libertatem, altera favet cupiditati, & libertati contra legem, prima, quæ probabilior, sola vera est; hanc igitur sequi, & secundum illam agere oportet. Ne morer hominum judicia, inquit S. Basilii Epist. 82. sed per Evangelica præcepta absolute instituar, quæ neque cum temporibus, neque humanarum rerum circumstantiis mutantur, sed eadem permanent ita perdurantia, ut à veraci, ac beato ore prolata sunt; Homines verò similes sunt nubeculis pro ventorum immutatione ad aliam, atque aliam aeris partem jactatis.

61. Sed contra evidenter, nam omnes Probabilistæ apertè negant, solam opinionem probabiliorē esse veram, quia ex Arist. falsa sæpe sunt probabiliora. Quomodo ergo Pater Alexandri sine probatione oppositum asserit? Textus ille D. Basilii valet, quando Evangelica præcepta clarè dantur; si enim probabile est, quòd non detur præceptum Evangelicum de confitendis circumstantiis aggravantibus, quare tu vis certam obligationem imponere, maxime cum iuxta D. Augustinum, & D. Thomam 1. 2. q. 107. art. 4. Christus voluerit fundare suam Religionem in paucissimis, & manifestissimis celebrationum Sacramentis.

62. Mox Pater Alexandri ait, pro se esse D. Bernardum de præcep. & dispen. cap. 24. & subdit se nihil novi dixisse, neque enim, inquit, velim esse singularitate famosus. In hoc verum omnino dicit, dum asserit, se nolle esse singularitate famosum, nam ex dictis constat, textus omnes, quos contra æqualem, & minorem Probabilitatem protulit, fuisse prius ab alii Probi.



Probabilitate expensis; & in specie hic textus ex D. Bernardo fuerat allatus à Merenda, & explicatus à Maffio num. 98. Allatus etiam fuerat à Mercoro, & ipsi responderat Bordonus in Propugn. Probabil. cap. 28. & mirum est, quod Pater Natalis non curaverit responsiones horum famolorum Scotistarum diluere, & aliorum Probabilistarum. Allatus quoque fuerat à Vendrochio, cui respondet cap. 24. num. 34.

63. Denique in alia Epist. immediate subsequenti rejicit contra Anonymum opinionem minus probabilem, & asserit, sequentem opinionem minus probabilem falsam semper falli, atque imprudenter agere. *Nonne fallitur, qui falsa pro veris approbat?* Nonne moralis imprudentiae reus est, qui in rebus ad salutem Animæ pertinentibus certis incerta præponit? Respondet etiam illum semper falli, qui sequitur opinionem probabilioris falsam. *Nonne fallitur, qui falsa pro veris approbat?* Addo etiam illum semper falli, qui sequitur opinionem falsam ut certam. *Nonne fallitur, qui falsa pro veris approbat?* Quin turpius falluntur, qui falsa credunt esse Probabiliora, quam qui falsa autumnant esse probabilia, sed minus. Si ille est imprudens, qui incerta certis præponit in pertinentibus ad salutem Animæ; Ergo erit etiam imprudens Probabiliorista, quia Probabilioritas est de re incerta, quæ potest aliter se habere; unde habet idem omnino objectum formale, ac minor Probabilitas, & differunt solum gradualiter. Respondetur igitur, illum non male facere, nec esse imprudentem, qui sequitur falsum probabile in materiis obscuris, in quibus nec tenemur, nec possumus scire veritatem; aliter etiam Sancti male fecissent, dum falsa sequenti sunt.

64. Subdit Pater Alexandri: Nonne hæc imprudentia ex pravitate cordis oritur? Num hæc cæcitas excusari potest? Nonne peccatorum no-

strorum iustissima pœna est, novique causa peccati? Cæcitas cordis, inquit Augustinus lib. 7. contra Julianum cap. 1. & peccatum est, quo in Deum non creditur, & pœna peccati, cum cor superbum digna animadversione punitur, & causa peccati, cum aliquod malum cæci cordis errore committitur.

Respondetur, patere ex modo dictis, nullam hic intervenire imprudentiam, nec pravitatem cordis; Nulla quoque cæcitas intervenit, & hoc puto omnino evidens, & à nullo negari posse. Nos loquimur de materiis obscuris, qui autem in obscuro non videt objectum, hic non est cæcus; sed ille est cæcus, qui objectum lumine circumfusum non aspicit, & aliter dicens necessariò deberet asserere, aut Thomistas, aut Scotistas esse cæcos, & fuisse quoque cæcos Patres illos, & Antiquos tamolos, qui opiniones falsas docuerunt. Hæc cum sint evidentia, mirum est, quomodo Pater Alexandri adeo confidenter crediderit, in nostro casu adesse cordis cæcitatem.

65. Addit Author: Non excusatur, qui veritates ad salutem æternam pertinentes, & Christianæ vitæ officia non cognoscit, cum cognoscere potest, culpaque sua ignorat, cum ad legem Dei non attendit; cum doceri non curat, cum cupiditatem suarum propensionum, ipsisque faventes opiniones sequi maluit, quam saniora moralis Christianæ principia; pluit enim Deus super peccatores laqueos, & lege insatigabili spargit pœnales cæcitates super illicitas cupiditates. Augus. lib. 2. Confess. cap. 19.

Sed contra est, quia hæc omnia dici possunt contra Probabilioritatem faventem libertati, & in specie dici possunt contra illos Antiquos, qui sequuti sunt illas plurimas falsas, & falsas opiniones, quamvis illas sequuti sint ut probabiliores. Dico ergo, nullam culpam intervenire, si in rebus obscuris veritatem non cognoscamus.

& legem Dei ignoremus, quia in his *materiis non tenemur scire veritatem, nec possumus*, licet possumus opinari illud, quod verum est à parte rei; hinc non sequitur, possum cognoscere hoc esse illicitum; ergo culpam habeo, si non cognosco esse illicitum; nam Jacob poterat cognoscere esse illicitum congrui cum illa femina præsenti; tamen, quia non tenebatur ad talem cognitionem, error ille culpa vacavit.

66. Instat Doctor, & dicit, totam iustitiam Christianam in eo esse positam, ut Dei voluntatem faciamus; hæc autem verbo Dei scripto, & tradito, non hominum placitis continetur; hinc Lactantius lib. 3. Divin. instit. cap. 13 sciunt, inquit, errare, qui Philosophiam putant esse Sapientiam; non trahantur autoritate cuiusquam, sed veritati potius faveant, ac cedant: Nullus hic temeritatis locus est; in æternum stultitiæ pœna subeunda est, si aut persona inanis, aut opinio falsâ deceiverit; homo autem qualiscunque est, si sibi credit, hoc est, si homini credit, (ut non dicam stultus, qui suum non videat errorem) certè arrogans est, qui sibi audeat vindicare, quod humana conditio non recipit: sic ex Lactantio Pater Alexandri. De hoc textu dixi cap. 32. num. 61.

67. Si tota iustitia Christiana pendet à voluntate Divina, hæc autem continetur in verbo Dei scripto, & tradito, non in hominum placitis; ergo vel Thomista, vel Scotista non habet iustitiam Christianam in illis, in quibus opponuntur, quia vel unus, vel alter facit contra voluntatem Dei, & unus, vel alter non loquitur ex verbo Dei scripto, vel tradito, cum unus, vel alter dicat falsum. Ad auctoritatem Lactantii, sciendum ibi nomine Philosophiæ accipere Ethicam, & nomine Sapientiæ Facultatem, quæ beatum facere potest. Cum ergo sit res clara, & evidens apud Christianos fideles, virtutem naturalem facere non posse

beatum, jam patet in hoc genere opinionem humanam, etiam credatur probabilior, nihil in contrarium valere. Sed de hoc nostra difficultas non procedit. In fine illius Epistolæ offert textum ex eodem Lactantio ibidem. cap. 27. quem expendi cap. 27. num. 27. & cap. 33. num. 13. & ibi dixi, evidenter demonstrare nostram opinionem de æquali, & minori Probabilitate.

## C A P U T XLIX.

### *Reliqui textus contra Probabilitatem militantes dissolvuntur.*

1. **N**unc solvendi sunt textus; quos habet Pater Fogarinus contra Probabilitatem, licet etiam ipse attulerit, quos alii priores invenerunt. Igitur disp. 3. par. 2. sec. 2. à num. 68. expendit textum D. Thomæ quodl. 8. art. 13. & num. 93. dicit, summam huius probationis consistere, quod operans ex D. Thoma in nullam dubitationem debet adduci; habens autem opinionem, etiam probabilior, in quandam dubitationem adducitur; ergo hic operans non recte operatur. Ergo volens sequi minus tutam debet prius solvere rationes stantes pro tutiori, aliàs juxta D. Thomam non posset dici habere certitudinem, quod actio sit honesta, & non contra legem.

2. Sed contra, & peto ab Adversario, an solutio illarum rationum sit certa, vel probabilis. Si probabilis; quomodo intellectus in nullam dubitationem adducitur de inhonestate actus, cum Probabilitas per ipsum non quietet? Si certa; quomodo invenitur certitudo in re obscura? Igitur in re obscura invenitur ratio probabilis pro opinione, & solutio probabilis argumenti contrarii; & quia nequit inveniri aliud genus probationis,

nis, Prudentia debet esse contenta *Certitudine Probabilitatis*, sicuti Ecclesia, ut approbet Opuscula Sanctorum, est contenta certitudine Probabilitatis ex Turrecremata, ut ex dictis patet. Hanc certitudinem Probabilitatis habet Minor Probabilitas ex hucusque dictis. Nota, quod Author utitur illo textu Divi Thomæ ad probandum, nec etiam Probabilioritatem salvare. Revera, si valet aliquid, valet etiam contra Probabilioritatem.

3. Expendit à num. 107. textum ex quodl. 9. art. 15. Ex iis, quæ super hunc textum dixi cap. 23. à num. 49. & seq. adeo latè, patere potest responsio omnibus, quæ dicuntur à Patre Fogarino.

4. Refert num. 109. responsionem Probabilistarum dicentium illa verba D. Thomæ: *error, quo non creditur, esse mortale, quod est mortale, conscientiam non excusat à toto licet &c.* intelligi de errore vincibili, non invincibili, quem scilicet aut non possumus, aut non tenemur vitare. Rejicit hanc responsionem num. 111. dicendo, solum illum errorem excusare, quo quis per certam cognitionem, saltem moraliter, credit, aliquid non esse prohibitum, quod à parte rei est prohibitum; ille verò error, qui habetur ex cognitione probabili, cujus opposita est probabilis, non excusat juxta hunc textum D. Thomæ, quia stat cum ambiguitate veritatis, cum qua nequit haberi bona fides excludens omnem dubitationem, ut requiritur ex D. Thoma ad non peccandum.

5. Sed contra, quia data responsio fundatur in claro textu D. Thomæ 1. 2. q. 76. art. 3. quem ipse Pater Fogarinus affert num. 132. Inquit Sanctus Doctor, illam esse ignorantiam voluntariam, & peccatum, quæ est eorum, quæ quis scire tenetur, & potest. Nota: scire dixit. Addit: Tenetur, & Potest. Sequitur evidenter; ergo ignorantia eorum, quæ scire non possunt, aut non tenemur, non est voluntaria: Ergo, cum ignorantia

fundata in opinione probabili non sit eorum, quæ scire possumus, & tenemur, ut est evidens, talis ignorantia non est voluntaria, & peccatum juxta D. Thomam. Vide cap. 23. num. 53. num. 60. 61. 62. ubi invenies in materiis, in quibus variant Doctores, adesse præcipuam, idest specialem, causam errandi, hoc est dicendi falsitatem; non verò errandi, idest erroneam opinionem sequendi, & sic non excusantem; quia varietas opinionum non est ratio præcipua, seu specialis sequendi opinionem non excusantem, imo est ratio præcipua, & specialis nos excusandi; hinc dicebam ibidem, Catholicos antiquos, qui non fatebantur peccata, excusabantur, & hoc, quia res erat obscura, & Doctores variant; nunc verò non excusarentur, si peccata non confiterentur, & hoc, quia res est clara, & Doctores non variant.

6. Dices ex eodem Fogarino num. 131. Cur D. Thomas volens resolvere quæstionem, an liceat habere plures præbendas, & videns adesse diversitatem opinionum, non est ilius modo, quem adhibent Probabilistæ, & est, quod in diversitate opinionum possumus eligere illam, quam volumus?

Sed contra, nemo negare potest, aliam esse quæstionem, an liceat habere plures præbendas, & an liceat habere plures præbendas ex eo, quia adsunt plures opiniones. Hæc secunda quæstio dependebat à primis principiis universalissimis; illa verò prima fundabatur in principiis particularibus, quæ desumuntur ex materia Præbendarum. Hanc primam Sanctus Doctor assumpsit agitare, ut patet ex titulo quæstionis; & sic non erat locus secundæ, quæ erat difficilioris, & altioris iudicinis. Præterea dico, hanc secundam illam agitavisse antea in quodl. 3. art. 10. ubi quæsierat universaliter: *utrum discipuli sequentes diversas opiniones Magistrorum excusentur à peccato erroris*; & ibi concluderat.

sequentes opinionem contra manifestum Scripturæ testimonium, siue contra id, quod tenetur publicè secundum Ecclesiæ auctoritatem non excusari ab erroris vitio. Vide cap. 23. num. 43. & seqq. ubi clarè demonstrò, quòd, si Divus Thomas bene agitavit hanc quæstionem, sicuti & alii Antiqui sequentes ipsum, faveat nobis. Nec, quæ habet idem Fogarinus disp. 2. subsec. 8. in contrarium, obstant, si Lector bene perpendet, quæ ibi habeo.

7. Duo alia loca expendit Fogarinus in subsec. 6. unum ex 1. a. q. 76. art. 3. & alium art. 2. Allatis hiis textibus conqueritur cum Merenda de Probabilitate ex eo, quia inventa sententia negante aliquod esse peccatum quiescunt, nec ulterius progrediuntur; & hujus negligentie rationem aliam nequeunt assignare, nisi quia verentur, ne per ulteriorem cognitionem veritatis reddatur difficilior operari contra opinionem docentem non esse peccatum. Quæro, an Doctor ille Scotista, qui composuit libellum, cui titulus, *Scotus Moraliter*, in quo refert opiniones Doctoris Subtilis, nec habet ulteriorem cognitionem veritatis, peccaverit mortaliter. Respondetur negativè; & tamen contra Scotum Divus Thomas tenet opiniones morales rigidas. Si dicas, opiniones Scoti esse certas moraliter. Hoc dices, sed alii præter Scotistas non tibi credent, & ut loquitur Fogarinus num. 135. non omnes Dominicani, nec omnes Carmelites, nec omnes Augustiniani, nec omnes Jesuitæ Scoti regulis utuntur, nec illas reputant certas.

8. Igitur Doctor aut vult loqui in propria sententia; & sic debet examinare fundamenta suæ opinionis, & insuper debet principiorum fundamenta contraria expendere, & solvere. Si verò non vult loqui in propria sententia, sed solum referre, quæ alii dixerunt, tunc munus Historici subit, non Doctoris, ac proinde, ut dicebamus cap. 3. num. 89. nullam habet auctoritatem, nec auget numerum Docto-

rum. Habet ergo solum auctoritatem tantam, quantum habet Doctor ille, cujus opiniones narrat. Sic se habet ille Scotista, qui fuit Pater Bonaventura Thibulo, qui aliam laudem, & aliud nomen sibi non comparavit, nisi *Abbreviatoris Scoti*; ejus tamen labor est omnino laudandus, quia ob oculos posuit, & evidenter probavit, Scotum fuisse versatum in moralibus, & Canonicis, quod iis, qui Scotum non sequuntur, non erat valde notum. Addo pro depellenda injuria, quæ inurunt Merenda; & Fogarinus nostros Probabilistas, falsum omnino esse, ipsi negligenter procedere in inquisitione veritatis. Legant Scholasticos Antiquos, & Scholasticos Modernos, Summistas Antiquos, & Summistas Modernos, & adinvicem comparentur, & videatur, an eodem modo procedant. Legantur Richardus, & Valquez, Argentinas, & Suarez, Astensis, & Azorius, De Pisis, & Castropalaus &c. Vide num. 7. Interea Merenda, & Fogarinus expendant illud verbum, *Scire*, quo utitur in definitione ignorantie Angelicus Præceptor, & videbunt, aut in probabilibus dari ignorantiam invicibilem, aut scientiam in oppositis opinionibus, quod est impossibile, cum scientia sit de necessariis.

9. In sec. 3. subsec. 1. Fogarinus affert pro se varios textus D. Bonaventuræ, quos expendi cap. 19. num. 7. & demonstravi ipsi non favere. Sect. 4. rectè affert pro se Henricum Gandavensem quodl. 4. q. 33. Sec. 5. agit de mente Baconi, sed nihil habet, ut possumus credere esse pro ipso. In sect. seqq. refert pro se alios Antiquos, & alios quasi Antiquos, quos esse pro sua opinione concedo, de quibus egi, & aliis pluribus cap. 18. In sec. 13. agit de Durando, Alensi, & Soto. Cap. 19. patefecit Alen., & Duran. non esse nobis contrarios; quia cap. 33. num. 41. attuli plures textus Durandi, qui valide nobis favent. Concedo Soto esse pro ipso; at cap. 36. numero 33. demou-

demonstravi esse pro nobis etiam.

10. In sect. 7. probat suam opinionem ex Patribus, & primò subsec. 7. assert aliquot textus D. Augustini, quos nos iam explicuimus. Unum habet num. 242. quem expendere oportet: dicit ergo D. Augustinus de utilit. creden. cap. 12. omne factum, si rectè factum non est, peccatum est. Nec rectè factum ullo modo esse potest, quod à recta ratione non proficiscitur. Porro recta ratio est ipsa virtus.

11. Retorqueo argumentum. Per Scotistas datur actus indifferens in individuo. Nunc quæro, an ille actus sit rectè factus, an non. Si non; ergo est peccatum; & sic non est indifferens. Si rectè factum est; ergo actus indifferens proficiscitur à recta ratione, quæ est virtus. Si proficiscitur à virtute. Ergo est bonus. Præterea Virtus est species qualitatis, non verò gradus qualitatis, ut patet ex definitione virtutis: quam dat Arist. 2. Eth. cap. 6. quodd sit habitus in mediocritate consistens, & ex D. August. lib. 83. qq. quæst. 81. quodd sit habitus Animi rationi consentaneus, & clariùs lib. 2. de lib. arb. cap. 18. cui subscribunt Theologi cum Magistro Sentent. & D. Thoma in 2. dist. 27. q. 1. art. 2. quodd sit bona qualitas mentis, qua nullus malè utitur. Vel ergo actus procedens ab opinione probabiliori procedit à virtute; & sic etiam procedet à virtute, si opinio erit minùs probabilis; vel non procedit à virtute; & sic textus opprimit etiam Probabilioristas. Nec recurrit Fogarinus ad certitudinem moralem ab ipso requisitam; nam cogitatio moraliter certa nec ipsa est virtus, cum possit esse falsa, quæ ratio facit ex Arist. 6. Eth. cap. 3. opinionem, & suspicionem non esse virtutes intellectuales. Igitur recta ratio operationis est ipsa virtus prudentiæ ex Arist. ibidem cap. 5. quæ cum versetur, ut dicit Arist. hic num. 8. circa ea, quæ possunt aliter se habere, sequitur Virtutem,

quæ facit rectas operationes, habere pro objecto opinionem; & sic tum probabiliorum, tum minùs probabilem; utpotè contentus sub eadem specie.

12. In subsec. 2. refert illum textum D. Bernardi: Ego verò, ut interior oculus verè simplex sit &c. quem alibi expendimus. In subsec. 3. assert textum D. Hieronymi in cap. 2. Lamentationis Hieremiæ dicentis: Hinc etiam per Esaiam dicitur: Vix, qui dicitis malum bonum, & bonum malum; unde cavendum est, ne pro veritate sequamur mendacium, ne pro lumine tenebras; multæ enim sunt viæ, quæ videntur hominibus rectæ, & novissima eorum perveniunt ad profundum inferni. Subdit Fogarinus, Sanctum Doctorem non agere de mendacio manifesto, nam verbum, *Videntur*, non congruit viæ manifestæ malæ; ergo agit de mendacio, & viæ mala habente Probabilitatem, & hanc distinguit à viæ expressa in præcepto: Nec declinabitis ad dexteram, nec ad sinistram.

13. Respondetur, Sanctum Doctorem intelligi de iis, qui debitas diligentias non adhibent, ut inveniant veritatem; non verò de iis, qui diligenter student, ut illam reperiant; aliter vel D. Thomas, vel Scotus in opinionibus oppositis includerentur in damnatione D. Hieronymi, si deberet intelligi de illis, qui quocumque modo fallum dicunt. Num. 261. fin. dicit Fogarinus se probasse num. 86. sequentes opinionem minùs probabilem non ignorare invincibiliter malitiam. Ecce evidenter, quodd nolens concedit, D. Hieronymum intelligi de iis, qui culpabiliter ignorant malitiam. Hinc poterat non asserere illum textum, quia per ipsum D. Hieronymum intendit dicere solùm, quodd ignorans vincibiliter veritatem peccat sequendo fallum, quodd ultro Probabilistæ fatentur, & nemo potest negare.

14. In sect. 9. à num. 299. dicitur Merenda, esse pro sua opinione undecim.

decim Patres, nempe Basilium, Nazianzenum, Chrysostomum, Ambrosium, Hilarium, Gregorium Papam, Anselmum, Isidorum Hispalensem, Isidorum Pelusiotum, & Doroteum. Nos dicimus, quòd, si duos solùm haberent, nos victos fateremur. Audiamus. Sanctus Basilus, ait Fogarinus num. 400. in princ. Proverb. inquit: *Vera Prudentia eorum, quae agenda sunt, cognitio est, quam si quis recte seclaus fuerit, nunquam ab officio, virtuteque abscedet, nunquam vitionum viam imitabitur.*

15. Si quis unam ex his propositionibus nescit, prorsus ignorans est, nec legit definitionem Prudentiae, nec vidit Arist. 6 Eth. cap. 5. supra allatam. Igitur hæc auctoritas est allata præter rem, & ad probandum id, quod nemo negat, ut solent Adversarii.

16. Prosequitur Fogarinus: *Usus Probabilitatis imitari passim viam vitionum ... certum est, ut patet ex tot propositionibus jam damnatis. At ego subdo: Usus Probabilitatum imitari nunquam viam vitionum certum est.* Supra cap. 42. probavi evidenter, ex propositionibus damnatis partim esse Antiquorum, & cap. 10. 11. & 12. retuli tot opiniones fœdas Antiquorum, ut nemo posthac solos Modernos carpet, sed ipsos quisque excusabit, si cût sit de Antiquis. Hinc omnino injustè, & falsò, & cum summa injuria Modernorum scripsit Fogarinus num. 393. *Qualis autem, & quanta fuerit Probabilitas doctrina plurimum Modernorum in hac controversia scribentium in favorem Probabilitatis, non est difficile colligere ex damnatione centum decem, & ultra proposuimus facia à Summis Pontificibus Alexandro Septimo, & Innoc. Under.* Hæc inre posse dici de Antiquis, & famosissimis Glossatoribus juris Canonici patet ex cap. 10. & tamen tantùm abest, quòd hæc in ipsos vibrentur; quin adhuc Probabiliorista Fagnanus vocat Glossam Canonicam *Idolum Canonistarum.* Num.

401. habet textum Chrysostomi quem retuli c. antec. n. 26. Lega ibi, quæ dixi, & adde hæc omnia esse evidentia, & omnia nos concedere; unde extra rem afferuntur.

17. Num. 403. fatetur, hosce textus sumpsisse à Merenda, sed ipsi placuit num. 404. referre alium ex Divo Doroteo, quem ipse Merenda omisit, & habetur in Doctrina quinta fin. cuius titulus: *Non debere quemquam suae prudentiae considerare.* Textus ita se habet: *Nostrium igitur est, fratres, nos ipsos totis viribus ad voluntatem Dei dirigere, nec proprio cordi quippiam credere. Sed, si quid nobis bonæ rei fuerit, audiamusque ab aliquo Seniorum, quia bona est, debemus quidem credere, quia bona est, non autem credere, quòd ante nobis sit vita bona esse; & quia iusta est, debet fieri, non autem, quòd sic eam opinemur ..... Deus nos eripiat ab hoc periculo insitiendi nos ipsos, dignosque faciat, ut sequamur, & teneamus viam Patrum nostrorum.*

18. Hæc ultima verba continent intelligentiam textus, & explicant in rei veritate compendiosè, quicquid dixerat Sanctus Doctor in toto illo capite. In principio dixerat, nos opus habere præter Deum Coadiutoribus; nam nihil miserabilius, nil, quod citius expugnare queat, his, qui nullos duces, nullos auctores habent ad viam Dei. Periculum ergo, quod incurritur ab illo, qui se instituit, sive sit Probabilista, sive Probabiliorista, sive Scurista, est, quia sine coadiutore quis expugnatur citius. Ergo, si textus D. Dorotei aliquid probat, impugnat etiam Patrem Fogarinum. Hic textus manifestè probat, debere nos potius credere aliis, quàm nobis; & sic subditus debet potius credere, esse veram opinionem Superioris, quam ipse iudicat minùs Probabilem; & sic deberet ipsi obedire, quod est contra Fogarinum disp. 3. par. 4. num. 55. De reliquo, quòd in rebus obscuris, possimus credere esse bonum id, quod

quod nobis videtur bonum, nemo poterit negare; aliter in rebus obscuris non liceret opinari.

19. Fogarinus jubet, ut bene notemus illud verbum, *Seniorum*. Post textum num. 401. prosequitur Author: ecce quam parvi fiat ab hoc Sancto Doctore autoritas Modernorum. Nunquid Senior est idem, ac Antiquus? Ego dico, quod Suarez fuit Senior, non verò D. Thomas, & Scotus, qui tamen sunt Antiqui, non sic Suarez. Gloriatur ibidem Author, pro sua opinione stare fere omnes Antiquos. At ego subdo, penes Lectorem doctum erit iudicium, an ego invenerim plurimos Antiquos stantes pro mea opinione.

20. Sed jam expendamus textus Canonicos, qui quidem jam allati fuerant ab aliis, ipsos tamen Pater Fogarinus diffusè examinat, & ponderat. Igitur sec. 8. num. 262. habet integrum cap. *inquisitioni* de sententia excomm. In ipso deciditur, quòd matrimonio junctus certò sciens impedimentum dirimens matrimonium nequit petere, aut reddere debitum matrimoniale. Probabiliter credens matrimonium esse invalidum potest reddere, sed non debet petere debitum. Leviter credens matrimonium esse invalidum, deposita ex consilio Pastoris hac levi credulitate, potest reddere, & petere debitum. Affert plures responsiones huic textui, & conatur illas rescindere. Sed vera responsio est, quam alibi dedi, quòd Pontifex non loquitur in nostro casu, qui est, quando utraque pars est probabilis; Loquitur enim solum, ut patet ex textu, quando pars periculosa est probabilis, & nihil dicens, an pars benigna sit probabilis.

21. Num. 265. affert responsionem Sanchez tom. 1. matrim. disp. 41. num. 46. referentis Sotum, Ledesmam, & Tabienam, qui dicunt, illud caput intelligendum esse ante factam diligentiam debitam; facta enim diligentia debita dubius de matrimonio potest

petere, & reddere debitum, quia melior est conditio possidentis.

Respondet primò dicendo clarè esse contra D. Thomam quodl. 8. art. 13. Sed jam de hoc alibi dixi. Respondet secundo, Pontificem asserere, hunc conjugatum non posse petere, cum conscientia pulsat Animum; sed post diligentiam adhibitam adhuc conscientia pulsat animum, cum perseveret dubium, ut supponitur; ergo nec tunc postulare debet. Major etiam patet ex cap. *per tuas* el. 2. de Simon. in quo dicitur in quodam dubio non posse aliquem ascendere ad Ordinem superiorem, nisi deponat errorem. Ergo retinens dubium, vel scrupulum debet sequi partem tutiorem.

22. Sed contra, quia adhibita diligentia perseverat quidem dubium speculative, non verò practice; atque adeo amplius conscientia non pulsat Animum; quia conscientia est scientia practica non speculativa. Hinc operans debet deponere practice, id est debet contemnere dubium, & scrupulum, non verò debet deponere physice, quod patet in Scrupulosis, qui aliquando nequeunt physice expellere Scrupulos, & dubia; nam in moralibus per D. Antoninum par. 2. tit. 3. cap. 10. circa finem sufficit certitudo, qua non semper scrupulos omnes abjicit, sed sufficit, ut contemnet, seu superet eos. Quæ certitudo, inquit Nider in consolat. timor. conficiat cap. 13. non remouet omnem Probabilitatem, vel opinionem alterius partis; & in cap. seq. vers. alioquin dubius scribit: Sufficit in moralibus terna certitudo, qualis non semper omnes scrupulos abjicit, sed sufficit, ut contemnet eos, vel superet eos sic operando, quasi non sint. Hinc in d. cap. 13. med. dicebat in casu, in quo Doctores numero pari oppositas opiniones sequuntur, nunquid tunc scrupulos quilibet, aut dubium habentem ligat ad causandum mortale? Nemo hoc asserit. Nota ly Habentem; & ly Nemo hoc asserit, & videbis, quod

nullus tempore Antiquo Nideri asserbat.

23. Num. 302. refert C. Dominus de secundis nuptiis, in quo per Pontificem deciditur, quod secundo nuptus dubitans de morte prioris conjugis *debet quidem reddere, sed postulare non debet*. Hic textus valet de dubio Facti; quod enim conjux vivat, aut sit mortuus, est factum, & textibus est probandum, non Legibus; nostra autem questio est de dubio juris, non facti.

24. Num. 308. Firmat illam regulam: *In dubiis tutior pars est eligenda*, & firmat ex c. *ad audientiam*, & c. *significasti* 18. de homicid. c. *juvenis* de sponsal. & Clem. *Exivi* §. *sunt exitum* de verbor. signifi. Vide cap. antec. num. 45. & 46.

Respondetur in c. *ad audientiam* decidi, quod clericus, qui vulneraverat aliquem, de quo dubitatur, an ex tali vulnere obierit, debet abstinere ab exercitio Majorum Ordinum, possit tamen ministrare in minoribus Ordinibus. In c. *significasti* pariter dubitatur, an quidam obierit ex vulnere accepto à quodam Canonico Regulari, & deciditur, in tali dubio illum canonicum debere *abstinere ab officio Sacerdotali*, cum in hoc casu cessare sit tutius, quam temerè celebrare pro eo, quod in altero nullum, in reliquo verò magnum periculum timeatur.

25. In c. 15, qui de sentent. excommun. in 6. queritur, an temerariè celebrans in Ecclesia polluta, vel præsentente excommunicato, Irregularitatem incurrat. Decisio est negativa, & redditur ratio, *cum id, non sit expressum in jure*. Glossa etiam infiguratione casus, Joan. Andreas, Anchirano, & Geminianus ponunt pro regula: *Nunquam quis incurrit irregularitatem in aliquo actu, nisi in casibus à jure expressis*. Subdit Geminianus numer. 3. *Unde dicens quem irregularem ex aliquo actu debet dare casum juris*. Ego subdo, cum id, quod est dubium, non sit expressum in jure; ergo dubius de irregularitate non est irregularis. Ante-

cedens negari nequit; nam in c. *quia periculosum* eod. deciditur, Episcopos non incurrere in interdictum, & suspensionem, *nisi de Episcopis expressa mentio habeatur*. Hinc Geminianus dicit: In generali suspensione non includuntur Episcopi, *si non exprimentur*. Ergo in jure verbum, *Exprimere*, importat *claram, & evidentem significationem*. Ergo, quando irregularitas est dubia, tunc nulla est irregularitas. Præterea, ut probetur me esse irregularem, debet assignari casus juris per Geminianum. Cum ergo ante illas *ad audientiam*, & *significasti* non detur casus juris, in quo *dubius homicida* sit irregularis; ergo illa c.c. condunt novum jus. Hinc infero, quod dubitans se esse excommunicatum, si celebrat, licet in hoc temerariè agat, *irregularitatem tamen*, cum id non sit expressum in jure, *laqueum non incurrit*. Hæc mea illatio est clara, quia est eadem cum illa, quam habet Pontifex in d. c. 15, qui.

Potest dari alia responsio illis duobus c. c. quod in ipsis est dubium facti homicidi; in dubio autem Facti etiam per nos debemus sequi partem tutiorem.

26. De c. juvenis dictum est ca. antec. n. 46. & lege num. 45. & videbis ex Antonino, quod, quamvis in dubiis tutior pars sit eligenda, *de facili tamen opinio contraria non est condemnanda*. Hanc benignam doctrinam memoriz mandent omnes rigidi Probabilioristæ. Circa textum ex Clemen. nota, quod licet Pontifex dicat, ad vitandos graves remorsus conscientiz pars securior sistenda, tamen in facto talem regulam non est sequutus, nam ante illa verba dicitur, quod quidam asserabant, Fratres Minores teneri ad observantiam omnium Constitutionum Evangelii, alii verò volebant, solum obligari ad aliqua. Certè prima opinio erat securior; adhuc tamen Pontifex sequitur benigniorem. Præterea post illa verba asserit, Fratres non teneri sub præcepto ad servanda omnia, quæ dicuntur



cuntur in regula sub modo imperativo; hinc Glossa V. item quia notat, non omnis, qui imperatur, importare necessitatem. Ecce hic benignitas decisa ab Ecclesia; nec enim ante hanc Clementinam erat certum, & securum, aliquod imperatum non importare necessitatem, cum tunc temporis Aliqui ex illis Fratribus opinabantur, omnia, quae in regula Beati Francisci sub imperativo modo ponerentur, esse sub praecepto servanda.

27. Ex his efformo hanc regulam: *quamvis in rebus ad salutem pertinentibus, ad vitandos remorsus conscientiae, pars securior sit tenenda, tamen inter plures opiniones possum amplecti benignam.* Regula patet, quia Pontifex & dicit partem securiorem in his materiis esse sequendam, & inter plures opiniones sectatur partem benigniorem. Subinfero: ergo inter opiniones D. Thomae, Scoti, Baeconi, Henrici, & reliquorum Magnorum Doctorum sequar opinionem benignam. Hæc doctrina proculdubio nobis favet, non Adversariis. Forsam ipsi respexit D. Antoninus, dum dixit, in dubiis tutiorem partem esse eligendam; tamen non esse de facili contrarium damnandum. Vid. Cant. n. 45.

28. Ex hoc potest deduci, Clementinam hanc intelligendam de dubio practico, non vero Speculativo, uti explicat Cardenas disp. 15. cap. 4. art. 11. num. 325. & disp. 59. cap. 16. art. 4. num. 1092. Ergo in dubiis practicis securior pars est amplectenda, in speculativis autem possumus sequi partem benignam, ut fecit Clemens; & hic per dubium speculativum non intelligimus dubium in re speculativa, & dubium practicum in materia morali, sed utrumque dubium est in re, & materia morali, sed aliter, atque aliter. Sic Scotista non est certus in speculatione, quod poenitens satisfaciat poenitentiae factæ in peccato mortali; in praxi tamen certus est, quod satisfaciat; Primum, quia potest aliter se habere, secundum, quia certò credit licere uti opinione Scoti.

29. Plurima dicit Fogarinnus pro explicatione illorum textuum, quæ tamen ex dictis solvi possunt; solum quædam hic breviter dilucido. Num. 363. tenet, Judicem in dubio non debere judicare aliquem esse irregularem; sed quilibet in dubio debet, se tenere irregularem. Si hoc est verum, facile me expediam à mea hac irregularitate. Dubius ergo de irregularitate me presentio Judici. Ipse judicat, me non esse irregularem. Ergo cum parvo labore me libero ab irregularitate. Sed sine hoc labore proculdubio me expedio, quia ex d. cap. 15, qui irregularitas non contrahitur, nisi sit in jure expressa. Pro sua opinione assert textum D. Thomæ 2.2. q. 60. art. 4. in quo dicitur, dubia proximi esse interpretanda in meliorem partem; propria verò in deteriorem. Prima pars est vera; Sed secunda valet in iis, in quibus antecederet ad dubium non habemus titulum certum in illa materia; in aliis non valet; hinc, quia ante dubium ego licetè poteram celebrare, non debeo ob dubium irregularitatem me retrahere à celebratione; hinc, quia ante dubium de voto solvendi stium majus habebam titulum certum satisfaciendi voto de solvendo stario per solutionem starii minoris, ob dubium superveniens non teneor solvere starium majus, ut colligitur cap. ex parte de censibus.

30. Dicit etiam, in Judicio neutram partem vacare periculo; nam, si Judex damnat innocentem, peccat contra proximum, cui sine causa injuriatur. Si absolvit criminolum, peccat in Rempubicam, cujus interest, ne delicta remaneant impunita.

Sed contra evidenter; nam dato, quod utraque pars sit periculosa Judici, tunc intrat illa regula: *ex duobus malis minus est eligendum* cap. duo mala, cap. Nervi 13. dist. cum ergo sit minus malum damnificare proximum, quàm Rempubicam, ut patet, Judex debet potius in dubio damnare innocentem, quàm criminolum.

sum absolvere.

31. Subdo obiter, omnia, quæ hic docet Fogarinus, desumere ex Fagnano, qui non semel in tract. de Probabilitate non refert rectè Doctores, & textus. De facto refert Innoc. in cap. *cum in* de test. dicentem, in foro externo sequendam esse partem benigniorem, in interno tutiorem. Hoc quidem dicit Innocentius, qui probat hujusmodi dictum ex cap. *per tuas* de Senten. excomm. Lector, quæso, videat hoc cap. *per tuas* diligentissimè, & comperiet, nec per umbram insinmare hanc Doctrinam. Interea recordemur doctrinæ D. Thomæ quodl. 4. art. 14. dicentis, non esse vitandos illos, de quorum excommunicatione est diversa sententia Peritorum, aut hoc *antesententiam Judicium*. Ergo confessorius in foro *pœnitentiali* ante Judicium sententiam debet judicare suum pœnitentem non esse vitandum.

32. Num. 365. tenet, in dubio facti tutiorem partem esse eligendam. In probatione tertia dicit, quod, si quis teneatur dare centum aureos, & nequeat ostendere Judici, illos solvisse, tunc, quamvis solverit, Judex damnat ad iteratam solutionem, si creditor ostendat suum creditum; ergo, cum conscientia, quæ est Judex fori interni, non sit certa, te solvisse debitum cum Deo, seu satisfecisse legi *corrò* constanti, te condemnare debet, ut iterum satisfacias.

Sed contra evidenter, quia in casu de certa obligatione, & sic de certa lege, Probabilistæ concedunt, dubiam solutionem non esse sufficientem; hinc dicunt, certum de Voto, incertum de solutione debere iterumolvere. Difficultas est, an, si dubitem, me emisisse, votum, teneam ad votum solvendum, & dicimus, quod non; & si paritas assumpta ab Adversario valet, debebit ipse, sic tenere. Si creditor clarè, & evidenter non probet creditum, Judex me non condemnabit; ergo, si paritas currit inter Judicem, & conscientiam, certè conscientia me non conde-

mnabit, nisi lex sit certa, & evidens.

33. Num. 369. tenet, in dubio juris tutiorem partem esse eligendam. Si intelligatur de dubio in sensu improprio pro Opinione, jam patet hoc esse falsum. Num. 370. assert. Ariagam dicentem, me non teneri restituere rem, quam habeo, si dubitem, an sit mea. Insurgit contra Fogarinus, quia secundum probabilem opinionem Adriani, Soti, Cordubæ hic dubitans tenetur potius rem restituere, juxta illud axioma: *in dubijs tutior pars est eligenda*.

34. Hic vide, quomodo Fogarino, qui adeo execratur Probabilitatem, placet Probabilitas. Vel Probabilitas importat veritatem, vel falsitatem; si primum; quare Probabilistas condemnatur? Si secundum; quomodo sequitur hic Probabilitatem? Contra ulterius. Non debet quis plus restituere, quam debeat. Quomodo ergo debet restituere centum certè, si dubitem, esse debitorem centum? Præterea, ut alibi dixi, cui restitutum? Petro? ac ipsi securior pars est non recipere; ergo tenetur non recipere. Ergo restitutio nulli fiet.

35. In sec. 9. facit Catalogum Doctorum tum Antiquorum, tum Modernorum sequentium Probabilioritatem, sed inter ipsos malè allegat D. Thomam & D. Bonaventuram, Durandum, & Alen. ex dictis. Inter Modernos enumerat Morendum, Fagnanum, Baronem, Gronetrum, & Ciaffoni, quos, salva reverentia aliis ipsis debita, in hac materia nullius, aut parvæ auctoritatis esse, quisque videbit legendo ipsorum Opera, quæ sunt scripta tanto ardore, ut statim evidentissimè pateat, illos non scripserisse zelo veritatis, sed ex calore passionis vehementissimæ, quin aliqua sunt à Sede Apostolica prohibita. Num. 383. refert Cardinalem de Aguirre dicentem: quare abstinendum erit ab opinione benigniore, & adharendum tutiori, sive stanti pro præcepto. Hac videtur fuisse praxis Sanctorum Patrum, Pontificum, ac Theologorum

logorum

logorum Doctrina, ac pietate insignium ad tempore nascentis Ecclesie usque ad finem fere sæculi præcedentis.

36. Sed jam aperte demonstravi, nullum sanctum Patrem esse pro ipsis. Si intelligatur, quod Patres usu, & facto sequuti sint partem, etiam tutiorem, relicta etiam opposita benigna certa, vel probabiliori, non est ad rem, quia Sancti Patres nedum præcepta, sed etiam Consilia sequebantur, nec pro nihilo Sanctitate celebrantur.

37. Quoad Pontifices, ex dictis constat, aliquos potius nihil favere, aliquos verò satis probabiliter cendi, nobis non obesse. Quoad Theologos Antiquos, fateor multos esse pro ipsis, sed constanter affirmo, multos etiam esse pro nobis, ut legenti quaecunque hoc meum opusculum patebit. Sed quoad Modernos nostram opinionem esse copiosiorum tum quoad numerum, tum quoad Doctrinam, puto adeo evidens, ut solus cæcus negare hoc poterit.

38. Pater Cajetanus Verani modernissimus Probabiliorista in tom. quinto Theol. sæcul. & dogmat. disp. 31. sec. 21. tenet, sectandam esse probabiliorrem. Assert plures textus, qui tamen ex usque dictis possunt solvi. Solum unicum ex Scoto placet expendere, quem num 8. allegat ex 3. dist. 25. qu. 1. numer. 8. Ibi sic dicit. In moralibus, quando sunt alterationes de aliquo peccato, quando primum est mortale; ut si unus peritus in scientia dicat, quod non licet sic mercari, & alius dicat, quod licet, tutius est non procedere sic, nec sic, sed expectare, quousque veritas pateat aliunde; si enim ita esset, quod unus Doctor diceret, aliquem peccare mortaliter, nisi sic faceret, & alius, quod peccaret, si sic faceret tunc simplex foret perplexus; ideo bene videndum est in moralibus, antequam aliquid asseratur, quia videlicet cum habens duas opiniones contrarias perplexus sit, periculosè se de-

terminaret ad unam, nisi, re diligenter inspecta, illam probabiliorrem agnosceret. Hunc textum at jacet, allegaverat Gonetius, & Cardenas disp. 36. cap. 19. num. 1016. ex codice Scoti impresso anno 1519. apud Jodocum Badium demonstrat, non reperiri illa verba: quia videlicet, &c. In meis etiam codicibus illa verba desiderantur. Vide Cardenas, qui clarè demonstrat, illa esse addita ab aliquo Probabiliorista, & advertit, Scotum loqui de simplici Idiota, qui sit perplexus; & sic habet dubium practicum, in quo casu certum est, esse sectandam partem tutiorem, nedum Probabiliorrem.

39. Num. 29. tenet, nos non posse cogi ad sequendam tutiorem relicta probabiliori; quia sic in questionibus Fidei non possemus in probabilibus unam partem sequi, quia suspendendo assensum nullum periculum incurreremus. Sed contra, quia per Antiquos magis non est necesse oblercuntia præceptorum, quàm Fidei; & in materia Sanctissimæ Trinitatis per Augustinum periculosius erratur. Ergo, si in probabilibus Fidei possumus uni ex illis adherere, etiam in moralibus, quia materia morum est materia minus nobilis, & minus periculosa, quàm materia Sanctissimæ Trinitatis. Num 35. dicit, nomen, *melius* non semper sumi comparativè. Vide cap. 38 à num. 14. & omnibus, quæ habet hic Pater Verani, reperies responsum.

40. Num 52. ait, Veteres esse præponendos Recentioribus. Sed contra, quia ipse sec. 24. num. 6. scribit, non omne illud esse probabile, quod per se ictorie consideratum apparet probabile; siquidem opinio, ut sit probabilis, debet niti ratione gravi, quæ post diligens examen appareat digna, cui intellectus assentiatur; & quæ plures, & graviores Theologi censeant probabilem; siquidem juxta Arist. 1. top. cap. 1. ea sunt probabilia, quæ videntur omnibus, aut pluribus, aut sapientioribus. Ex dictis patet, Aristotelem in textu habere sapientibus, non

non *sapientioribus*; unde sapientiores reddent opinionem Probabiliorē, & sapientes Probabilem. Si hæc sunt vera, ut in rei veritate sunt verissima, sequitur clarè, ut dicebam cap. 18. Modernos in hac materia Probabilitatis esse præponendos Antiquis, quia in hac materia Antiqui omnino sejuncti pro cesserunt, & contra Moderni enucleatè omnia evoluerunt. Videatur d. cap. & veritas elucebit.

41. Denique d. sec. 24. num. 13. ait, quòd, si aliqua opinio mihi videtur probabilior, contradictoriè opposita, seu alia opinio minus probabilis, tamen et si alius probabilis videatur, eadem non possit esse probabilis mihi; sicut duo contradictoria non possunt simul convenire.

Sed contra evidenter, quia D. Thomas defendit, ut vidimus, utramque opinionem oppositam Sanctorum in materia de Creatione Mundi, de Repudio, & aliis, & insuper defendit ut probabilius, requiri ad sacram Ordinationem tactum physicum, & simul tuetur ut minus probabile sufficere tactum morale.

Ex his manifestè patet, nullum textum Scripturæ, Pontificum, Conciliorum antiquorum, & Sanctorum Patrum esse pro Adversariis, quamvis gloriantur, suam opinionem fundari in illis, quin credant, esse veluti Traditionem; sed in hoc puto evidenter decipi; licet enim plures hujusmodi auctoritates afferant, quæ videntur clare, tamen non sunt clare pro puncto, in quo est controversia, sed pro alio, de quo nulla est difficultas; unde inutiliter tempus, & laborem insumunt, & lectores minus perspicaces decipiunt, dum videntes libros Probabilioristarum plenos textuum allatorum contra Probabilitatem, *bonæ fidei* credunt ad rem afferri, cum planè nihil intersit pro proposito.

43. Dixi nullum textum ex Conciliis Antiquis, & ab Ecclesia Catholica a simili referri bene pro Probabilitate; nam loquendo de Conciliis

modernis, fateor, ut dicebam cap. 9. Concilium Gallicanum de anno 1700. esse pro ipsis. Cum tamen Concilia, maxime non Generalia, non habeant auctoritatem infallibilem; ideo non coguntur Probabilistæ nisi ad fatendum, opinionem Adversariorum esse probabilem.

44. Ex eo, quòd ego fatear opinionem contrariam esse probabilem, sequitur solùm, quòd nos non possumus uti *minori probabilitate* in praxi, ut dixi alibi, non verò, quòd non sit longè probabilior in speculatione, ut potè clarè fundata in principiis Antiquorum, ut in toto hoc Opere demonstravi. Per hanc doctrinam patet responso argumento Vendrochii, quod habet Epist. 3. nec 1. sec. 2. §. 5. quodque ait, *rem planè Conficere.*

## CAPUT ULTIMUM.

*Plures propositiones benignæ Probabilistarum quoad Sacramentum Confessionis defenduntur.*

1. Vidimus cap. 36. Probabilioristas insequi Probabilitatem, quia ex ipsa consequitur, Confessorem posse, & debere absolvere penitentem utentem opinionem benignam, quam restitit ipse confessarius. Ibi claris Antiquorum textibus demonstravimus veritatem illius benigne opinionis, & inde confirmavimus ita efficaciter Probabilitatem, ut sperem posthac ex hoc capite cessaturas hostilitates in eandem Probabilitatem.

2. Sed ipsi non quiescunt, & ex eadem materia confessionis conantur ad nihilum redigere Probabilitatem. Dicunt ergo per Probabilitatis doctrinam relaxatam fuisse administrationem Sacramenti Penitentiae. Habeo ante oculos libellum, cui titulus: *Francolinus Clericus Romani Pedagogus Lætoris in administrando Penitentia Sacramento disci-*

*disciplina magister.* In observatione nona facit *elencbum laxitatum*, & *corruptelarum ad poenitentia Sacramenti administrationem atinentium*, quas *Moderni Laxones pepererunt*, inquit ipse. Est quidem verum, quod apertè non dicit, has propositiones oriri à Probabilitate; tamen non obsecut hoc asserit pag. 7. 14. 21. 38. & 133. Ego igitur textibus Antiquorum probabo plures ex illis opinionibus esse satis probabiles, & simul demonstrabo easdem non esse genitas à *Laxionibus Modernis*, sed à *Antiquis*. Dixi demonstrabo &c. quia quisque poterit legere, an egò sincerè asseram ipsos Antiquos, & sic an lucem viderint ante *Laxones Modernos*.

3. Si Author vidisset Magistrum Sententiarum, & Gratianum referentes suis temporibus, ut sepius admonui, viguisse opinionem apud viros Religiosos, & *Doctus* asserentem, non dari obligationem confitendi peccata. Si legisset quoque Glossatorem dist. 5. de poenit. §. 1. V. in poenitentia dicentem, confessionem institutam esse per generalem traditionem, quæ quia non emanavit apud Græcos, ideo ipsi non tenentur confiteri, quæ opinio multum placeat Panormitano in c. omnis utriusque de poenit. & remiss. num. 8. quia non est aliqua ambiguitas aperta, quæ innuat, Christum apertè instituisse confessionem faciendam Sacerdoti. Si, inquam, Author vidisset has lassissimas hereticas opiniones Antiquorum, ipse cum aliis Probabilioristis non persequutus fuisset Probabilioristas sub prætextu, quod laxaverint præceptum adeò difficile Confessionis, quia vidisset apud Antiquos viguisse opinionem, quæ omnes lassitates includeret. Vide Socin. Senior c. omnis utriusque de poen. & rem. n. 19.

4. Antequam aggrediar, quod promitto, noto condemnatores harum propositionum incidere in decretum Innoc. Unde quo idem Pontifex scripsit sexagintaquinque proposition. in ipso eni præcipitur in virtute sanctæ obedientiæ, quod Authores in libris imprimendis caveant ab omni censuræ,

& nota, nec non à quibuscunque contrariis contra eas propositiones, quæ adhuc inter Catholicos hinc inde controversantur, donec a sancta Sede recognita super ipsarum propositionibus iudicium proferatur. Cum ergo propositiones prædictæ damnatæ ab hoc Libello adhuc inter Catholicos hinc inde controversantur, nec à Sancta Sede à ipsis sit prolatum iudicium; jam Author hujus libelli incidit in Decretum Innocentianum; unde ipse, qui totus est, ut Fideles caveant à transgressionem Legum, manifestè in re magni momenti, deficit.

5. Nunc videamus Antiquos. Durandus in 4. dist. 17. quaest. 10. scribit: Alio modo potest intelligi aliquem teneri ad contritionem ex præcepto, ita quod, nisi conteratur, peccat mortaliter tanquam transgressor præcepti, & hoc modo peccator non tenetur regulariter contreri statim, postquam peccaverit, quia perse verare in eodem peccato secundum reatum non inducit novum peccatum. Tempus autem, quo imminet necessitas confitendi, est in quinque casibus. Primus est, quando homo habet Eucharistiam recipere.... Secundus est statutum Ecclesiæ.... Tertius est propter mortis periculum.... Quartus est, cum aliquis habet peccatum, de quo non potest eum absolvere, nisi superior, quem habet præsentem, & Probabiliter credit, quod eum de cætero non habebit. Quintus, quando aliquis ex scrupulo conscientie credit se teneri ad statim confitendum. Eadem habet Asten. lib. 4. tit. 11. & Rossella V. confessio 2. num. 6.

6. Scotus in 4. dist. 17. art. 3. §. quoad quando scribit, quod quidam dicebant, ante præceptum c. omnis utriusque peccatorem statim teneri ad confitendum; quidam verò asserabant, nec tunc teneri, sed tantum in voto pro aliquo tempore ante mortem. Subdit Scotus, secundum opinionem videri mitiorem, quia præcepta prænatalia non sunt amplianda, sed restringenda, nec invenitur, quando præceptum illud

V. u. tulli

tud affirmativum liget, nisi aliquando, & illud quando ante specificationem Ecclesiæ fuit indeterminatum quodcumque quando ante morsē.

7. Ex his patet esse Probabiles has duas opiniones: Præceptum naturale pœnitendi non obligat statim post peccatum commissum. ... Nulla est vi præcepti divini per se loquendo obligatio confessionis, nisi quando. instat periculum mortis, vel non habendi postea per totam vitam copiam Confessarii. Utramque damnat Libellus pag. 189. & 190. Pro prima propositione vide Mastrium in moral. disp. 18. num. 63. defendentem illam tanquam opinionem communem Recentiorum, & dicentem Alen. D. Thom. D. Bonav. & Scotum tenuisse quidem esse decens, & congruum, ut peccator statim pœniteat, non tamen dixisse esse hoc de præcepto. Vide etiam Dianam in Coordin. tom. 1. tract. 3. resol. 85. asserentem Marfilium, Adrianum, & utrumque Soto negantes hanc obligationem. Pro secunda lege infra num. 29.

8. Beatus Antoninus par. 3. tit. 14. c. 19. §. 3. fin. scribit: *Si quis tamen disferret confessionem expectans aptius tempus, & liberius, vel ut habeat peritorem confessorem, laudabiliter faciet, ita tamen, quod propter hoc non transcat annus, qui est terminus a jure statutus.* Loquitur Divus Antoninus de peccatore, qui non tenetur facto peccato confiteri statim. Ecce licet in anno disferre confessionem, non tamen per totum temporis ita, ut transcat annus à jure statutus. Ergo in toto integro anno ex Divo Antonino possumus satisfacere præcepto Ecclesiæ.

9. Confirmatur ex c. omnis utriusque de pœnit. & remiss. in quo jubetur, ut *semel in anno confiteatur.* In anno dicit. Ergo sive in principio, sive in medio sive in fine anni quis confiteatur, satisfacit præcepto, præciue quia textus loquens de Eucharistia non dixit in Anno, sed in Pascha. Ergo præceptum de Confessione potest adimpleri in tempore longiori, quam præceptum

de Communione. Audi Rosellam V. Confessio. 2. num. 4. eadem dicentem: ex vi præcepti c. omnis non teneat quis ad Confessionem tempore Pasche, Sed quocumque tempore anni confiteatur, satisfacit præcepto Ecclesiæ, secus de Communione. Subdo ego. In toto die nonne satisficit præcepto missa, cur in toto anno non fiet satisfactio præcepto annuæ Confessionis? Vide Bon. in c. omnis utriusque num. 33. qui dicit idem, ac B. Antoninus. Hinc inferes, bene dixisse Lugo disp. 13. num. 161. satisfieri præcepto de annua Confessione, si quis die prima Januarii 1701 falsus peccata differt Confessionem usque ad ultimum Decembris 1702. & male damnari à Libello pag. 190.

10. Male quoque proscrit illam propositionem, nos non teneri ad manifestandum complicem in Confessione. Fateor cum Mastrio in 4. disp. 5. num. 304. esse Communionem, & Probabiliorem affirmativam, & hanc tenuisse Processe Theologie, Alen., par. 4. quæst. 18. memb. 4. art. 2. §. 4. D. Thom. Opusc. 12. art. 6. D. Bonav. in 4. dist. 21. par. 2. art. 1. quæst. 3. Richard. art. 5. quæst. 2. Palud. quæst. 3. art. 2. Durand. d. st. 16. quæst. 4. num. 1. Biel. dist. 17. lit. P. & videtur esse supponere Scotus dist. 21. quæst. 2. vers. de quid. & pro hac militat expressè D. Bernardus in Opusc. de formula honestæ vitæ. Tamen cum contraria suffragetur à Marfilio, Navarro, Palatio, Valentia, Armilla, Bennez, citati à Mastrio, quibus addo Salon. de justit. & jur. quæst. 73. art. 2. Controv. 1. concl. 2. Medinam Summ. lib. 2. c. 4. §. 1. & Sot. in 4. dist. 18. quæst. 2. art. 5. & Fabrum in 4. dist. 17. disp. 24. c. 5. Multetiam Moderni illam defendunt, & insuper habet rationes non omnino spernendas, nescio, quo spiritu hæc opinio reponatur inter improbables, & lasas. Viceatur Navar. in sum. m. c. 7. num. 3. qui illam acerrimè tuetur, & propiâ assert. Innoc. & Hostien.

11. Sed si unquam nullo jure damnata fuit aliqua opinio, est illa, qua re-

gat obligationem confitendi circumstantias aggravantes. Hanc proferibit Author libelli pag. 192. Oporter, dicamus, aut illum non legisse Antiquos, aut ipsos nihili facere. Legatur cap. 13. in quo retuli tot, & tam claros textus D. Thomæ, ut prorsus voluntarie proceat, qui negat Doctorem Angelicum esse pro nostra opinione. Certè D. Antoninus 3. par. tit. 14. c. 19. §. 7. & tit. 17. c. 17. §. 5. refert pro hac opinione D. Thomam, specificando de furante *multum*, & secundo loco ait hanc esse communem opinionem, & in utroque juxta Doctrinam Angelici Præceptoris asserti rationem, quia solum illa circumstantia est confitenda, quæ aggravat in infinitum; Sed hæc circumstantia non aggravat in infinitum, quia intendit penam, & non extendit; extensio autem est infinita, nec potest crescere; sed intensio est finita, & semper potest crescere; nulla ergo talis, quæ non mutat, seu aggravat in infinitum, est necessariò confitenda.

12. Durandus in 4. dist. 16. quæst. 4. tenet, circumstantias aggravantes, V. G. furari multum, non esse de necessitate confitendas, sed de congruitate. Argentinas in 4. dist. 16. quæst. 1. art. 2. narrat, *Doctores communes* idem tenere, quosdam verò alios Dicit res oppositum docere. Vide cap. 13. num. 9. Rainerius V. confessio c. 4. idem prorsus asserit, & subdit, hanc esse opinionem D. Thomæ in 4. dist. 16. art. 2. quæst. 5. & Petri de Tharant. dist. 17. arg. 4. q. 2. Nider in præcep. 3. cap. 9. litt. H. refert, secundum multos Doctores esse confiteudum circumstantiam *notabiliter aggravantem* V. G. furari multum, non verò secundum Thomam, & secundum Scotum hoc est dubium. Concordat enim his Angelus V. Confessio 1. num. 23.

13. Turrecremata de poenit. dist. 6. cap. 1. num. 4. colligit dari circumstantias aggravantes, sed non mutantes speciem, ut furari multum. & num. 11. docet, circumstantias aggravantes non

esse de necessitate confessionis, sed de utilitate. Num. 14. observat cum Alberto, & D. Thoma quantitatem peccati esse duplicem, essentialem, & accidentalem, *seu in eadem specie*. Subdit, primam quantitatem esse de necessitate confitendam, ut debita penitentia taxetur; secundam verò de congruitate. Subdo ego, circumstantia notabiliter aggravans, ut magnitudo in furto, importat quantitatem in eadem specie; ergo non est de necessitate fatenda, ut pro ea detur debita penitentia; cur ergo Probabilioriste Moderni adeo inculcant, talem circumstantiam esse Confitendam, ut pro eadem satisfactio conveniens imponatur?

14. Abulensis tom. 5. in Matt. c. 18. quæst. 147. dicit, non esse confitendas circumstantias, nisi quando tales sunt, *quæ mutant speciem*. Ex hoc principio deducit, in quodam casu non esse fatendam ingratitudinem, *quia non mutat speciem*. Ergo circumstantia notabiliter aggravans, sed non mutans speciem, non est fatenda.

15. D. Bernardinus tom. 3. tract. de confess. vers. de tertia parte principali litt. E. dicit, primam opinionem tenere, quòd obligemur dicere circumstantias aggravantes V. G. *furatus sum centum libras*; subdit, D. Bonav. & D. Thomam judicare probabiliorum oppositam; mox ait: Unde dicendum, quòd confessio circumstantiarum in aliquod genus trahentium, ut *ornicari in Ecclesia*, spectat ad confessionem de necessitate. *Confessio arguentium* (corrigi) *aggravantium de congruitate*. Confessio allevantium facit incongruitatem.

16. Adversarius pro sua opinione posset referre D. August. relatum in c. *Consideret* dist. 5. de poenit. in quo videtur asseruere tales circumstantias esse de necessitate confitendas, ut etiam advertit Argentinas loco allato; sed respondetur, juxta Albertum in 4. dist. 16. art. 24. falsum esse, quòd Augustinus hæc dicat imperando, sed ad

*bene esse.* Concordant Durandus ubi supra ad 1. Affen. lib. 5. tit. 12. q. 1. & Biel in 4. dist. 7. q. 1. lit. O.

17. Ipse Author conatus est observ. 3. pag. 115. probare tribus rationibus suam opinionem, sed duæ primæ soluta sunt ab Antiquis, & ego cap. 15. num. 22. & 24. diluo.

In tertio argumento refert Catechismi Romanum par. 2. de pœnit. num. 63. & subdit opinionem Catechismi censendam esse Ecclesiæ; Assert etiam auctoritatem D. Caroli in 4. Synodo, & Innoc. Undec. condemnantis hanc propositionem: Non tenemur Confessario interroganti fateri peccati aliquis consuetudinem.

Respondetur, nostros DD. ex solis. 14. c. 4. Tridentini validdè deducere nostram opinionem; voluntariè hinc dicitur, Catechismi doctrinam importare sensum Ecclesiæ. Igitur ille Catechismus, & D. Carolus habent solam auctoritatem probabilem, non autem certam. Illa propositio damnata proculdubio ad rem non pertinet, quia consuetudo est confitenda, non quia aggravat peccatum præsens, sed ex aliis rationibus, ut videre est apud Cardenas in hanc propos. disert. 37. Sic Durandus in 4. dist. 17. q. 15. num. 6. negat esse eidem confessori dicenda omnia peccata ex eo capite, quia unum peccatum gravat aliud, & assig-nans rationem ait, quia circumstantiæ aggravantes non sunt de necessitate confitendæ, Sed solum illæ, quæ addunt novam speciem peccati.

Ex his patet evidenter nostram benignam opinionem esse omnino probabilem, & ex hoc puto sequi, non esse necessariò confitendam circumstantiam peccantis ex confidentia Jubilæi, alià non peccaturi, quam opinionem sequitur Facundez, & damnat pag. 193. Author libelli.

18. Ego summo animi studio exoror, & abhorrior illos confessarios, qui turpia patrant cum sua pœnitente; tamen non per hoc est damnavilis illa opinio, quæ asserit ealem circumstan-

tiam non esse necessariò confitendam à Confessario, nec moror à damnatione, quam de ipsa habet libellus pag. 194.

19. In c. omnes 30. q. 1. dicitur, pœnitentes esse filios spirituales Confessarii, sicut baptizati, & confirmati sunt filii Spirituales baptizantis, Confirmantis, & Patrini. Ergo pœnitens fornicans cum Confessore committit incestum spirituale; atque adeo hæc circumstantia est confitenda necessariò.

20. D. Thomas in 4. dist. 42. q. 1. art. 2. ad 8. fatetur, pœnitentem propriè non contrahere cognationem spirituales cum confessario. Contrahi tamen quoddam fœdus inter Sacerdotem, & mulierem simile cognationi spirituali, ut tantum peccet carnaliter eam cognoscens, ac si elset sua filia spiritualis, & hoc ideo, quia maxima familiaritas est inter Sacerdotem, & confitentem, *et ex hoc ipsa prohibitio est inducenda, ut tollatur peccandi occasio.* Concordat Turrecr. 30. q. 1. c. 1. num. 4. Loquitur sanctus Doctor de illa prohibitionem illius c. omnes.

21. Richardus in 4. dist. 42. art. 1. q. 1. ad 1. concedit inter Confessarium, & pœnitentem non consurgere cognationem spirituales *saltem, quæ possit matrimonium impedire*, videntur enim baptisma, & pœnitentia differre, sicut generatio, & resurrectio in corporalibus; unde licet non contraheretur cognatio carnalis inter resuscitatum, & illum, ad cujus preces Deus eum resuscitat, *ita nec inter sacramentum pœnitentia ministrantem, & suscipientem.* Ex his patet pœnitentem non esse propriè filium spirituales confessarii, in quo concordant Paludanus, & Argentinas.

22. Ego facilè adducor in illam opinionem, quòd confessarius, qui ex officio tenetur ministrare Sacramentum pœnitentiæ, committit speciale peccatum, si habeat rem cum pœnitente, non verò confessarius delegatus. Primò, quia ille textus. c. omnes loquitur



loquitur de confessariis ordinariis; si quidem antiquitus soli Pastores ministrabant sacramenta, & pro his dabatur speciale motivum prohibendi huiusmodi sparcitias; quia scilicet, ut ait D. Thomas, verè, & per se inter confessarium ordinarium, & pœnitentem intervenit illa maxima familiaritas inductiva talis prohibitionis; inter autem delegatum, & pœnitentem, cum per accidens se habeat, quod intercedat confessio, per accidens est talis familiaritas, facillè solvitur, & crebrò mutatur; unde non facillè, & per se, sed difficulter, & per accidens daretur occasio peccandi.

23. Confirmatur ex Richardo. Confessor ex vi confessionis se habet ut precibus resuscitans mortuum; Sed inter taliter resuscitantem, & resuscitatum nulla est prohibitio ex vi confessionis præcisè copulæ carnalis. Ergo, si confessarius prohibetur habere copulam, erit ex alio capite, quod erit, quia ex officio tenetur illum à peccatis avertere, quod officium ad solos Confessarios ordinarios attinet.

24. Rejicit pag. 199. Gobat tract. 6. num. 371. dicentem: Quando pœnitens omisit sacrilegè per plures annos aliquod mortale, opus non est, ut repetat omnes confessiones illorum annorum, sed sufficit dicere illa peccata, quæ alteri confessario aperuit, & quæ aperuit cum formali sacrilegio; non verò illa tenetur repetere, quæ interea omisit immemor prateriti sacrilegii, explicando tamen numerum confessionum, & communionum sacrilegarum. Hanc opinionem puto in praxi securam, & colligi ex Tridentino sess. 14. c. 5. clare dicente, post diligens examen nos posse inculpate oblivisci aliquorum peccatorum. Ergo in hoc casu illa confessio est valida; atque adeo non est reiterabilis sub precepto. Ergo quis inculpate poterit oblivisci confessionum sacrilegarum; nec enim potest assignari aliqua ratio, propter quam inculpate possit quis oblivisci peccata contra cultum

tem V. G. non verò contra Religionem, licet multoties patrati. Casus oblivionis potest accidere in homine rudissimi crassissimi ingenii, de quo loquitur Gobat.

25. Confirmatur. Angelus V. confessio. 1. num. 18. tenet, quod pueri, puellæ, & alii, qui faciunt multa peccata mortalia, quæ non cognoscunt fore peccata, saltem mortalia, unde sapius illa dimittunt in confessione, propter talem ignorantiam non tenentur iterare confessiones, Sed sufficit solum de illis confiteri, quando ea cognoscunt. Si pueri, puellæ, & alii faciunt multa peccata mortalia, & propter ignorantiam, quod sint peccata mortalia, excusantur, si illa non confitentur, & istæ confessiones sunt validæ, nec reiterandæ. Ergo etiam isti pueri, puellæ, & alii poterunt facere multa sacrilegia confitendo invalidè, & deinde habere inadvertentiam talium sacrilegiorum; & sic propter talem inadvertentiam excusari à confessione, & illæ confessiones subsequentes erunt validæ; & sic nec iterandæ. Hic advertite, quod illa ignorantia, propter quam per Angelum illi pueri &c. excusantur à confessione illorum peccatorum, non sit inculpabilis, ita ut excuset eos à peccato, sed est culpabilis; unde illi peccant mortaliter; & propter hoc postea tenentur illa peccata postea confiteri, quando scilicet ea peccata esse cognoscunt. Excusat ergo solum à confessione huiusmodii ignorantia, non à peccato.

26. Pag. 199. damnat illam propositionem, qua asseritur, nos non teneri peccata scribere, quamvis ad sit periculum morale oblivionis. Richardus in 4. dist. 17. art. 2. q. 5. Asten. lib. 5. tit. 18. in. q. an scripto possit quis confiteri, tenent, nos non obligari ad confessionem per scripturam sacerdoti adienti, & inter plures rationes, huius conclusionis asserunt, quia Sacerdos malitiosus posset per illam scripturam probare probatione probabili illud de se non contra pœnitentem. Idem sub-

dunt: & hac ultimaratio etiam concludit, quod sacerdoti presenti pœnitens, qui nec verbo, nec nutu posset confiteri, non teneretur intentione necessitatis consilieri per scriptum. Concordant Angelus V. Confessio. 1. num. 33. Dominicus Soto in 4. dist. 18. q. 2. art. 6. fin. Victoria, & Navar. apud Dianam Coord. tom. 1. tract. 3. resol. 72. Ego iudico simile incommodum posse sequi, si quis teneatur scribere peccata, ut illorum recordari possit, dum confitetur; posset enim illa carta amitti, vel inveniri ab aliis: præcipue cum supponamus hos alios esse magis multitimos, quàm sint Confessarii. Præterea Tridentinum sess. 14. c. 5. ait, quod peccata, quæ diligenter Cogitanti non occurrunt, eadem confessione inclusa intelliguntur. Ecce Cogitanti dicit, non Scribenti. Ergo, ut diligenter confiteamur, debemus diligenter cogitare, cur tu vis addere, Scribere?

27. Si legemus Antiquos, proculdubio facile absolvemus divites, qui moniti nolunt sublevare communes hominum miseria, ut tenet Layman à Libello damnatus pag. 210. Hic prius adverto, in materia de elemosyna nos non debere tenere opiniones, ex quibus sequeretur, pene omnes divites fore damnandos. Sic nos docent D. Antoninus par. 2. tit. 1. c. 24. §. 2. vers. nota igitur, Durand in 4. dist. 15. q. 6. num. 10. Biel. dist. 16. q. 4. conel. 5. Rainer. V. elemosyna c. 9. fin. & videtur ita etiam tenere D. Thomas quodl. 8. art. 12. arg. sed contra. Ex hac doctrina sequitur, non dari præceptum divitis subveniendi communes necessitates; & sic illis nedum facile, sed absolute negari non debet absolutio, si moniti non sublevent illas miseria. Consequentia sequitur, quia aliter pene omnes divites essent damnati.

28. Hæc opinio fundatur in D. Thoma in 4. dist. 15. q. 2. art. 1. question. 4. ubi scribit: præceptum legis ad hoc obligat, ut illud, quod superest alicui post subventionem perfectam, & sibi conjunctis, puta famulæ, quam

gubernare debet respectu utriusque necessitatis, in elemosynas expendat ad subveniendum aliis respectu utriusque dictarum necessitatum; Sicut etiam natura illud, quod sibi de alimento superfluit ab actu nutritivæ, in quo attenditur quasi necessitas absoluta, & actu augmentativæ, in quo attenditur quasi necessitas conditionata, præparat ad conservationem speciei, generativæ virtuti subministrans; & similiter præceptum legis obligat, quod etiam necessitati extraneorum absolutæ primò subveniat, quàm necessitati propriæ, vel propinquorum, conditionatæ; & ideo dicitur communiter, quod dare elemosinam de superfluo cadat in præcepto. Ecce clare D. Thomas solum agnoscit præceptum elemosynæ, quando proximus habet duas necessitates, utriusque dictarum necessitatum, scilicet absolutam, & conditionatam. Absoluta necessitas est in ordine ad sustentandam vitam. conditionata ex D. Thoma est, cum quis indiget aliquo ad sui statum decentem conservationem.

Sed quæ bona debemus expendere pro necessitate conditionata proximi? ea, quæ superfluant post perfectam subventionem mei, & propinquorum. Ergo per D. Thomam bona superflua meæ vitæ, & mei status ex præcepto sunt solum danda proximo, quando est in necessitate conditionata; & sic in gravi, non in communi, & ordinaria. Hæc doctrina confirmatur clare per exemplum nature in ordine ad subministrandam materiam generativæ virtuti.

29. Roboratur ex eodem Angelico dist. 17. q. 3. art. 1. question. 4. Ibi refert opinionem dicentem, peccatorem teneri statim ad confessionem; postea subdit. Sed hoc videtur nimis durum, quia præcepta affirmativa non obligant ad statim, sed ad tempus determinatum, non quidem ex hoc, quod nunc commode in plerique possunt; quia sic, si non daret aliquis elemosynam de superfluo, quandoque nec esset pauper, peccaret;

peccaret mortaliter, quod falsum est; sed ex hoc, quod tempus necessitatem urgentem adducit. Ecce præceptum affirmativum solum obligat, quando tempus necessitatem urgentem adducit. Ergo, ut teneamur ad eleemosynam, tempus debet necessitatem, & quidem urgentem, adducere. Nunquid dices, necessitatem communem adducere necessitatem urgentem? Certè non, quia sic quandocunque pauper offerretur, quis teneretur ad eleemosynam, quod est contra textum D. Thomæ præsentem, & contra quodl. 8. art. 12. D. Thomas agit de eleemosyna etiam 2.2. q. 32. art. 5. & 6. q. 87. art. 1. ad. 4. q. 118. art. 4. ad. 2. q. 13. de malo art. 2. ad. 4. quodl. 6. art. 12. & nunquam agnoscit, divites obligari in necessitatibus communibus; unde necesse est unum ex duobus dicere, aut non dari tale præceptum, aut Doctorem Angelicum fuisse mancum in hac materia, dum agitans questionem de præcepto eleemosynæ tractat de ipso in casibus non multum difficilibus, & saltat casum difficilem, & quotidie occurrentem.

30. Nostram opinionem tenet clarè Alen. 4. par. q. 34. memb. 1. dicens, *illis, qui communiconfuetudine mendicant, nec tamen apparet in eis signum aliquod notabile, siue gravis indigentia, si præsumatur, quod habeant ad pertranseundum tempus illud, esse meritorium subvenire*, non tamen esse demeritorium non subvenire. Nil clarius dici poterat. Scio allegari pro opposita opinione in 3. par. sed nihil obstat, quia meus textus est in 4. par. & sic ipsi standum est, quia est pollerior.

31. Gabriel Biel ubi supra habet eadem verba, ac Alensis, postea addit: *Prima tamen opinio* (id est illa, quam nos sequimur) *videtur probabilior.* (Nota bene rationem, nam faret manifestè Probabilitati,) *quia nihil debet damnari tanquam mortale peccatum, de quo non habetur evidens ratio, vel manifesta auctoritas Scripturæ.* Pro hac opinione videtur Richardus in 4. dist. 15. art. 2.

q. 2. Rainer. ubi supra, Gerson. par. 2. tract. de cognit. venial. & mortal. Consider. 10. Panorm. c. Si verò de jur. iuran. num. 6. & B. Antoninus supra allatus, qui dicit non esse mortale secundum D. Thomam non succurrere miseriis magnis, quæ non sunt extremæ, de superfluo naturæ, & statui; ipso verò cum Durando in 4. dist. 16. q. 6. num. 10. non audent definire esse mortale non dare eleemosynam habenti necessitatem magnam, & verecundam de superfluo naturæ, & statui.

32. Sed omnino rationabiliter tenuit Tamburinus lib. 3. in Decal. c. 7. §. 5. num. 1. pœnitentiam levem datam pro mortali in sacramento pœnitentie obligare solum leviter, nec audiendus est Author libelli hanc opinionem damnans pag. 210. Quod opinio Tamburini sit satis probabilis cuilibet patebit legenti Antiquos, qui in materia de satisfactione sacramentali fuerunt admodum benigni. Scotus in 4. dist. 19. q. 1. §. ad questionem motam vers. sed nunquid pœnam dicit, quod, si pœnitens velit se submittere huic sacerdoti, & quantum ad abolitionem culpe, & quantum ad susceptionem pœnæ totalis correspondentis, tenetur ad implementationem pœnitentie imposuit, quia tunc obligatur præcepto Ecclesiæ, cui se voluntarie submisit. Ecce juxta Scotum impletio pœnitentie imposuit provenit à præcepto Ecclesiæ. Vide num. 38. præcepta autem Ecclesiæ solent obligare juxta gravitatem materiæ; hinc, quia pro venialibus datur parva pœnitentia, hanc pœnitentiam non tenemur sub mortali perficere juxta communem opinionem, ut advertit Navarrus sum. c. 21. num. 43. & olim dixerant Alber. in 4. dist. 21. art. 12. Panorm. in c. omnis utriusque de pœnit. & remiss. num. 10. Sic etiam Legslator humanus aut nequit, aut non solet obligare sub gravi in materia levi, & qui contra dicit, juxta Sinarium de leg. lib. 3. c. 25. num. 2. imponit onera gravia, & importabilia, & impingit illud August. lib. 2. de bapti.

tis, c. 6. iniquas esse stateras eorum, qui dicunt, *hoc grave, hoc leve est*. Præterea, præceptum de solvendis decimis obligat sub mortali; tamen habens solum decimam oboli non peccat mortaliter, si illum non solvat. Idem dico de non restituente obolum.

33. Verū audiamus doctrinam valde benignam in materia de satisfactione sacramentali, & valde communem Antiquis. D. Raymundus lib. 3 de pœnit. & remiss. §. 49. scribit: Quid si aliquis pœnitet de peccatis, vel dicit se pœnitere, non tamen vult subire onus pœnitentiæ, dicens se tenerum, valetudinarium, vel malè complexionatum, vel simile?... Ad hoc dico:... debet sacerdos primò ipsum inducere, ut animum habeat paratum ad omnem satisfactionem, ostendendo sibi magnitudinem peccatorum &c. Ostendat etiam quantum pœnam sustinuit Adam... Si non potest eum ad hoc inducere, imponat ei talem satisfactionem cum voluntate sua, quam utiliter possit portare, ne forte postea frangendo, deterius peccet. Invitant nos ad hoc multa; primò exemplum Domini, qui nunquam legitur gravem pœnitentiam injunxisse, nisi Joan. 8. *Vade, & amplius noli peccare*. Item Joan. Chrysost. super illum locum: alligant onera gravia, & importabilia: si erramus modicam pœnitentiam imponentes, nonne melius est propter misericordiam rationem dare, quam propter aliquam crudelitatem? 26. q. 7. alligant,... Ad hoc autem præcisè laboret, ut peccator causas, & radices removeat, & omnem occasionem peccandi pro posse tollat. August. de pœnit. c. 17. satisfactio pœnitentiæ est, peccatorum causas excidere.... Item, si non potest gaudere Sacerdos de omnimoda ejus purgatione, gaudeat saltem, quòd ipsum liberatum à Gehenna ad purgatorium possit transmittere. Observa, quòd ob *malam, & delicatam complexionem, & similia motiva* peccator potest nolle subire onus pœnitentiæ, & tunc Confessorius de-

bet dare pœnitentiam, quæ placeat peccatori. Ratio hujus benignitatis est, primò ob bonum ipsius pœnitentis, ne, si aliter fiat, peccator frangat pœnitentiam, & inde deterius peccet. secundò ad hoc nos invitant *multa*, exemplum Christi, Authoritas Chrysostomi, & Augustini. Tertiò sacerdos debet gaudere de hac praxi, quia liberat peccatorem à Gehenna, & illum transmittit in Purgatorium. Glossator ipsius Raymundi ibidem V. *portare possit*, asserit, esse dandam pœnitentiam pœnitenti, quam sponte, & sine murmure voluerit suscipere, & propter vitandam transgressionem consulo, *aut nulla*, aut pauca injungatur sub præcepto, concedendo, quòd liceat ei jejunium sibi injunctum, aut orationes, aut elemosinas, aut quæcunque alia sibi injuncta redimere, *cum voluerit*.

34. Doctrinam D. Raymundi hisdem verbis sequuntur D. Bernardinus tom. 3. de confess. fin. D. Vincentius Ferrerius in tom. de term. hyem. fer. 6. post *Latare* pag. 617. impress. Anturp. D. Antonin. par. 3. tit. 17. c. 20. Joan. de Fribo. lib. 3. tit. 34. q. 135. qui addit cum Glossa Raym. talibus esse *nullam*, aut parvam pœnitentiam sub præcepto injungendam, Rainer. V. *pœnitentia*. c. 23. Asten. lib. 5. tit. 31. prope med. qui dicit, ob periculum transgressionis *nullam*, aut parvam pœnitentiam sub præcepto esse imponendam. Palud. in 4. dist. 20. q. 2. princ. Guido de monte Rocheria in manip. curat. de satisfactione sacram. c. 5. Gerson par. 2. opusc. 1. ubi agit de pœnitentia, & in tract. de arte audiendi confess. confid. ult. Supplementum Pitanelle. V. *Pœnitentia* §. 7. Angelus V. *Confessio*. 6. num. 1. Pacificus in sua summa c. 31. pag. 402. Bartholomæus Caimus in suo Interrogatorio par. 4. de confess. post canones pœnitentiales. §. *quamquam hos canones*, Gabriel in 4. dist. 16. q. 2. art. 3. dub. 1. Innoc. in c. *omnis utriusque* de pœnit. & remiss. num. 4. Joan. Andreas in c. *Deus qui*

& c. omnis utriusque de pœnit. & remiss. num. 22. Ancharano ibidem num. 20. Panorm. in c. Deus de pœnit. & remiss. num. 5. not. 4. asserens Hostien. Alexander de Nevo in addit. Panorm. ibidem addit. ult. q. 3. concl. 4. Butrio dicto c. omnis utriusque num. 54. Alberticus. V. Pœnitentia. 2. Abulen. in Matt. c. 16. q. 79. & c. 23. tom. 6. q. 28. vers. Sic dicit Augustinus.

35. Hæc benignissima opinio fundatur clarè in textu. c. alligans citato à D. Raymundo, quem, precor Lectorem, ut legat; in hæc enim hæc inveniet benignissima omnino memoriæ mandanda. *Ubi Pater familias largus est, dispensator non debet esse tenax. Si Deus benignus est, ut quid Sacerdos ejus austerus vult apparere?*

36. Pag. 211. condemnat Tamburinum dicentem adhuc post Tridentinum, esse probabilem opinionem illam, quæ tenet, pœnitentem non obligari ad acceptandam satisfactionem vindicativam. Mastrius in 4. disp. 5. num. 594. refert Gabriel, Rubion. Sylv. Mediam, Armil. Hostien. & Scotistas veteres ante Tridentinum docuisse illam benignam doctrinam, post verò Tridentinum ipsam tueri juniores Scotistas, Fabrum, Hiribarnem, Aretinum, Pontium, & alios passim. Si Doctores passim ex celeberrima Scoti Schola opinionem illam defendunt, quomodo Libellus eandem proscribit? & cur solum Tamburinum Condemnat? Ego illa non utor, sed nec audeo damnare. Vide Navarrum in sum. c. 26. num. 20. objecta in contrarium solventem.

37. Ibidem condemnat Gobat dicentem tract. 7. num. 744. Confessarium non peccare nullam pœnitentiam imponendo lucratorio Indulgentiam plenariam. Propositio intelligitur de pœnitentia punitiva, non medicinali.

38. D. Thomas in 4. dist. 20. q. 1. art. 3. quæstion. 1. scribit: quod indulgentiæ valent, & quoad forum Ecclesiæ, & quoad iudicium Dei ad remissionem pœnæ residua post contritionem, & absolutionem,

nem, & confessionem, siue sit injuncta, siue non. Ecce expressè indulgentiæ valent quoad forum Ecclesiæ; & sic quoad pœnitentiam, quam imponit sacerdos in confessione, siue hæc pœnitentia sit injuncta, siue non. Valent etiam & quoad iudicium Dei; & sic ad remissionem pœnæ debiti in purgatorio. Si pœnitenti nulla pœna debetur, acquisita Indulgentia, ad quid imponere pœnitentiam? acquisiturus indulgentiam dat æquivalens, ad quid imponere pœnitentiam? Hic valet regula legalis, nihil refert, quod fiat de æquipollentibus. Præterea art. 4. q. 1. dicit, communicationem bonorum Ecclesiæ, in qua Indulgentia consistit, absolvere à debito faciendi satisfactionem injunctam; ad quam obligatus est ex præcepto Ecclesiæ. Idem repetit art. 5. quæst. 2. ad. 2. Ecce lucraturus Indulgentiam absolvitur à pœnitentia. Ergo talis non tenetur illam adimplere; ad quid illam imponere? Lege quodl. 2. art. 16.

39. D. Antoninus par. 1. tit. 10. c. 3. princ. scribit: dicitur Indulgentia plena secundum Palud. in 4. dist. 20. quoad remissionem pœnæ mortalium, plenior respectu pœnæ injunctæ mortalium, & venialium, Plenissima non solum injunctarum, Sed & injungendarum. Nota ly injungendarum.

40. Glossa in extrav. Commun. Antiquorum de pœnit. & remiss. V. Confitebuntur med. refert, Papam consistorialiter declarasse, quod pœnitentiæ ante Indulgentiam injunctæ tollerentur per commutationem operis satisfactorii impositi in ipsa Indulgentia. Declaravit etiam, quod sui pœnitentiarum nihil debent jungere ultra injunctiorem hic positam, alias, ut dicebat, indulgentiæ frustrarentur, nisi consensu volens facere opera supererogationis voluntarie pœnitentiam satisfactoriam aliam ab hac taxata reciperet. Hic textus Glossæ apertè damnat adversarium, & observa, quod nedom habet hic auctoritatem Doctoris, sed Historici, & Historici præsentis; nedum quoad tem-

tempus, sed etiam quoad factum, nam infra V. plenissima dicit, Papam fecisse hanc declarationem in Concilio pre-  
sente ipso Glossatore. Ergo non possumus negare fidem huic Historie.

41. Denique Auctor libelli pag. 212. damnat Vasq. in 3. par. q. 93. art. 4. disp. 8. num. 5. tanquam dicentem, confessorium ex sola confessione sacramentali subditi peccata cognoscentem posse ex vi istius cognitionis amovere ab officio ad nutum amovibili. Apud Antiquos erat communis illa propositio, ut legenti. cap. 40. num. 41. patebit. Videamus Paludanum in 4. dist. 21. q. 3. art. 3. concl. 3. in hæc verba scribentem: Si ergo per confessionem Prioris, vel alterius scit Abbas, quod non expedit Priori tenere Monasterium, & sit talis, quod aliis potest amovere, expectet quousque sine nota revelationis possit amovere, & tunc statim amoveat, jam enim ex audientia confessionis ad nihil obligatur, nisi ad celandum, & si obligaretur ad aliquod, hoc esset ad medendum Animæ poenitentis: Sicut medicus, ex quo aliquem in cura suscipit, tenetur sibi dare remedium contra recidivum; sic in proposito, quam citò potest amovere, amoveat, quem sine hoc amovere poterat.... Similiter, quia licentia intrandi Villam ad libitum potest concedere, vel negare, licet aliis non esset negaturus, propter periculum, quod ex sola confessione novit, negare potest, dum tamen ex hoc suspicio non oriatur; an occulto tamen semper illum, qui confessus est, monere potest, nec hoc est confessionem revelare. Hæc Paludanus, quem verbatim recitans D. Antoninus par. 3. tit. 17. c. 22. §. 1. sequitur.

42. Adde Henricum, cuius non memini loco allegato, quodl. 8. q. 29. in secreto potest Abbas, inquit ipse, habere intentionem amovendi à cura parochiali Monachum corruptiorem propter salutem ejus, & populi, sed in publico debet habere rationem, & occasionem amovendi ipsam abique scandalo, & suspitione, quam si habere poterit, ipsum debet deponere, ut secretarius Dei, & po-

test ut publicus minister, nec dat scandalum occasionem, aut suspensionem, est forte alius conficius facti aliquantulum posset sumere scandali, aut suspensionem occasionem, propter quam non debet omitti bonum istud, si alio modo a quo competenti abique omni suspitione accepta non possit fieri. Hactenus Henricus.

43. Illa verba: Propter salutem ejus, & populi, significant motivum trahens voluntatem ad amovendum ab officio: Illa verò alia: Sed in publico debet habere occasionem amovendi, non denotant motivum trahens voluntatem, sed significant, aliquod requiri pro publico; ut scilicet tollatur scandalum populi, & Vasq. loco allato monet, in hoc casu cavendum esse adhuc, ne aliquo modo manifestetur confessio, juxta id, quod omnes docent. Nequit negari, nostros Laxones convicisse plures Antiquos in materia de sigillo confessionis. Vide cap. 40. num. 42.

Ut defendam ulterius nostros Modernos, si aliquas opiniones benignas in materia de confessione docuerunt, placet hic referre nonnullas opiniones Antiquorum, quas ipsi sequebantur, quia erant benignæ.

44. Si enim Antiqui sequuti sunt opiniones illas inter plures, quas judicabant benignas, cur hoc nefas erit Modernis? Merè altera has opiniones, relinquendo interim iudicium Lectori, an adhuc sint probabiles.

45. Lege cap. 40. h. num. 23. ubi refero communem opinionem Antiquorum benignam sustinentem confessorium inferiorem auditis peccatis reservatis, & non reservatis posse poenitentem absolvere, & pro reservatis illum mittere ad Superiorem. Illis D.D. adde Pacificum in sum. c. ult. pag. 407. Baconius in 4. dist. 16. q. 1. art. 5. relictis opinionibus oppositis subdit: Sed quia hæc sunt dura, ideo sunt contra hoc argumenta. Nota causalem, quia hæc sunt dura: Ergo in confessione opiniones, quæ videntur duræ, sunt rejiciendæ. Sic etiam Glossa 26. q. 6. c.

tempora §. quæ affectu. V. eod. jubet, ut confessor dulcè recipiat pœnitentes *declinando semper in partem miltiorem*. Hęc ultima verba consueiunt multos Probabilioristas, qui in materia confessionis *semper declinant in partem rigidiorē*. Hos alloquitur Boic. in c. *omnis utriusque* de pœnit. & remiss. dicens, qui nimis emungit, eicit sanguinem Proverb. 30 c. *denique* 4. dist.

46. Glossator Raym. lib. 3. tit. de pœnit. & remiss. 49. V. *possit portare* scribit: Si credo de aliquo, quod non faciet, quæ promittit, aut quæ injunguntur ei in pœnitentia, nunquid absolvetur sub conditione, si hoc, vel illud fecerit? Respondetur, Pœnitentiarius, ne laqueum transgressionis præparet pœnitenti, non debet ab eo exigere promissionem, aut votum de aliqua pœnitentia facienda, aut etiã juramentum, nisi in talibus expressis à jure, sed sufficit, quod dicat, se habere propositum faciendi, quod sibi injungitur; & sic debet absolvi simpliciter, etiã sine conditione; facta tamen processatione, si suspectus habeatur, quod, si non restituat, quæ abstulit, aut non faciat alia, ad quæ tenetur, dum tamen possit, fructum factæ confessionis, & absolutionis evacuabit. Hanc opinionem sequuntur Friburgo lib. 3. tit. 34. q. 136. Asten. lib. 3. tit. 31. prope med. & lib. 7. tit. 13. art. 3. q. 8. Pisanella, & ejus Supplementum. V. Confessor. 2. princ. Albericus. V. Confessio 3. post med. D. Antoninus par. 3. tit. 14. c. 19. fin. Orbellis in 4. dist. 17. q. 2. de confess. §. 21. Angelus. V. Confessio 4. num. 6. & V. Confessio. 6. num. 2. & allegat Mor. Pacificus. c. 31. pag. 402.

47. Durandus in 3. dist. 17. q. 13. dicit dari opinionem asserentem, quod confessio, & absolutio non contrici habeat effectum recedente sitione, sicut dicitur de baptismo. Opiniones benignas sustinentes sacramentum pœnitentiæ validum, & informe vide apud Palud. in 4. dist. 17. q. 8. & Antonini 3. par. tit. 14. c. 19. §. 5. & Guidon. de Monte Rocher. de Sacram. pœnit. de con-

fess. c. 7. Capreol. in 4. dist. 17. q. 2. Herp. præcep. 4. serm. 11. casu. 6. de iteran. confess.

48. Simplex narratio peccatorum facta sacerdoti ab eo, qui non dolet de præteritis, vel non vult cavere in futurum satisfacit præcepto Ecclesiæ. Ita D. Antoninus 3. par. tit. 17. c. 20. ante §. 1. Richar. in 4. dist. 17. art. 2. q. 8. ad 5. Asten. lib. 5. tit. 18. q. ult. Guido de Monte Rocher. tract. de Satisfac. c. & forsan Alber. in 4. dist. 17. art. 6. & Alen. 4. par. q. 18. memb. 4. art. 5. §. 7. de hac opinione dixi cap. num.

49. Sed quis crederet antiquissè pœnitentes multis in locis consuevisse sedere, dum sacramentaliter confitebantur? ita narrant Friburgo lib. 3. tit. 34. q. 84. Asten. lib. 5. tit. 16. Guido de Monte Rocher. de Sacram. Pœnit. c. 2. Hostien. Summ. de pœnit. & remiss. §. *quantuliter Sacerdos*. num. 46.

50. Ad Sacramentum pœnitentiæ non requiritur ex parte pœnitentis actus, qui ex charitate procedat; nam, inquit Antonius Andreas in 4. dist. 14. q. 3. non tenemur implere omnia præcepta ex charitate. Franciscus Mairon in 4. dist. 14. q. 3. tenet, virtutem pœnitentiæ non esse virtutem Theologicam, sed moralem, & spectare ad iustitiam distributivam. Dist. 15. q. 3. §. *de primo videndum*. vers. *respondeo ad primum* docet, actum hujusmodi virtutis, si aliquandiu duret, sufficere cetera Sacramentum pœnitentiæ.

51. Albericinus V. Confessio. 1. facit questionem, an confessio facta sine contritione, & charitate valeat, & sequitur opinionem benignam. Doctor Seraphicus in 4. dist. 17. par. 2. art. 2. q. 3. Asten. lib. 5. tit. 18. fin. concedunt, confessionem non esse sub præcepto faciendam ex charitate, sed posse fieri ex dispositione disponente ad charitatem. Videtur concordare Alen. par. 4. q. 18. memb. 4. art. 5. §. 7. Nec dicas, D. Bonav. Asten. & Alen. intelligi de charitate habituali. Sed contra, nam ipsi clarè sententur, & sunt certi, charitatem habitualement non debere de necessitate præcedere confes-

sio-

sionem, & absolutionem, sed sufficere, ut præcedat dispositio ad charitatem, & Gratiā. Præterea clarè dicunt, scpe. per absolutionem sacramentalem produci Gratiā, & sic charitatem habitualement; ergo, quando concludunt, confessionem non esse faciendam ex charitate, debent intelligi de charitate actuali.

52. Hic adverte, in Schola Scoti opinionem illam Mairon. vigere, de quo Mastr. in 4. disp. 5. n. 92. hinc videbis non esse *factā, & erroncam*, sed probabilem illam propositionem damnatam ab illustrissimo Clero Gallicano, quod in morte mortaliter pecces, si cum attritione tantum sacramenta suscipias, quamvis actum contritionis omittas libere. Per contritionem hic intelligit Clerus Doctissimus actum doloris ex obiecto charitatis elicitedum. Illa propositio clarè fundatur in opinione scotistica.

53. Scotus etiā docet: in 4. dist. 17. q. 1. art. 2. *vers. respondeo*, ibi posse penitentē pœnitentiam datam à Confessario solvere in peccato mortali. D. Thomas, & alii hoc negant rigidius loquendo de pœnitentia, quæ post se aliquem effectum non relinquit.

54. Gabriel in 4. dist. 16. q. 2. art. 3. dub. 2. narrat, Alensem in hac materia sequi partem rigidam. Hanc relinquit tanquam *duram, & scrupulis plenam*. Mox subdit relata opinionem benignam Scoti cum suis fundamentis. Inde assert Durandum existentem *utramque sententiam probabilem*, sed primam duram, & iustitiamque rationes solventem. Denique decidens quæstionem sic discurrit. lit. P. Si manifestum esset ex Scriptura... Opinio Scoti reproba esset; Quia verò id ex Scriptura deduci non potest, videtur opinio magis concordare misericordiae divinæ, quæ secundum Scripturam superexaltat iudicium Jacobi 2. & est super omnia opera magnificanda usque ad Cælos psal. 56.

55. Collige obiter ex illis verbis Gabrielis: *Si manifestum esset ex Scriptura,*

& etiam ex subsequentibus: *quia id ex Scriptura deduci non potest*; collige, inquam, regulam sequendi opinionem, etiam benignam, & à præcepto liberantem: Regula est: *quoties ex Scriptura, & ex aliis principis certis præceptum non constat, toties possumus sequi opinionem benignam*. Vide num. 3. & 31. In hac regula fundatur Probabilitas.

56. Sed jam finem imponamus huic Tractatui, quem libentissimè absolvo in materia de Sacramento Pœnitentiæ, in quo maximè opto, ut benignas opiniones sequamur. Ad hoc vide cap. 15. 37. Absolvo, inquam, hunc Tractatum duobus textibus, & quidem pertinentibus ad materiā confessionis. Unus desumitur à Seraphico Doctore in 4. dist. 17. par. 3. art. 1. q. 2. Alter verò ex Alberto magno in 4. dist. 17. art. 43. Uterque Doctor laudat Pontifices, quia dederint privilegium Regularibus audiendi confessiones, & reddendo rationem talis maximi privilegii primus sic scribit: Credo hoc privilegium in extremis temporibus emanasse, quia jam verificatum est illud Osæ. 4. *erit sicut populus, sic sacerdos*, & pro magna parte: Parochi sunt venales conductitii, & multi Parochianos suos plus ad malum, quam ad bonum trahunt. Secundus ita discurrit: Privilegium audiendi confessiones religiosi, & honesti personis utile est concedere... & hoc præcipue temporibus novissimis necessarium est, quia instant tempora periculosa propter abundantiam malitiae. In art. seq. dicit, impletum esse illud Ezechiel. 13. *pro fragmento panis, & pugnulo borderi Corrumpebant me, & meum populum*.

Nota, Lector, hæc textus, quia manifestè convincunt Probabilioritas volentes Probabilitatem esse novam, & mores corruptisse; Nam tempore antiquo pravi mores possum vigeant, etiam in Parochis; hinc inferes, aut Probabilitatem fuisse antiquam, aut laxitatem morum introductam fuisse nte. Probabilitatem.



# INDEX RERUM.

*Littera C. Caput, numerus sequens numerum capitis, numerus, cui non præcedit immediate littera C. numerum marginalem significat. Hac citatio: ult. Caput ultimum indicat. Si in aliqua citatione non adsit littera C. tunc redeundum est, usque dum inveniaturs dicta littera, quæ denotat Caput illius citationis, cui talis littera deficiebat,*

## A

*Abraham.*

**U**Sus est æquivoco. c. 47. 14. & in illis verbis nullum fuit mysterium 15. & 16. Uti etiam verbo habente multiplicem sensum, & in uno intelligebatur ab ipso, in alio ab audiente. 59. 85. & 107.

*Absolutio Sacramentalis.*

**E**rrores circa formam absolutionis. c. 12. 8. c. 32. 59. De peccatis nequit fieri dimidia, bene verò de censuris. c. 40. 35. debet absolvi sine conditione penitens, licet sit dubium, an sit adimpletur vel satisfactionem impositam, vel ea, ad quæ obligatur. c. ult. 46. Absolutio, & confessio non contriti recedente fictione consequitur effectum. 47.

*Absurdum.*

**E**x absurdis, quæ dicuntur sequi à Probabilitate, ipsa stabiliscunt. c. 10. 3. c. 20. 23. c. 42. per totum. ex luelli materia. c. 43. ex materia attentionis ad Horas canonicas, Condemnati, ut fame pereant, & Juramenti veri sine animo jurandi. c. 44. & ex aliis, quæ videntur absurdis Adversariis c. 36. c. 37. c. 40. c. 45. c. 46. ut vitetur absurdum in lege, & Doctoribus, verba sunt impropianda c. 23. 52.

*Abundare in proprio sensu.*

**Q**uando liceat. V. Opinionum varietas, & V. Sententia. fin.

*Academia, seu Universitates.*

**D**octrinaliter, non jur. c. e. damnare possunt opiniones. c. 9. 8. & 9. An teneantur Decreto Innoc. Undec. prohibentis damnare opiniones &c. 10.

*Academici. Schola Antiquorum.*

**N**ihil approbant pro certo, sed omnia ut probabilia; hinc scelera omnia admittere coguntur. c. 3. 1. & seqq.

*Actio V. Operatio.*

**U**t sit peccaminosa, debet esse contra legem c. 30. 3. Ut verò sit bona, non sufficit, quod à parte rei non adsit lex opposita, sed requiritur, quod hoc intellectus cognoscat. c. 32. 24. Sed hæc cognitio sufficit, quod sit probabiliter vera. 30. Nec exigitur certitudo moralis. 69. & seqq. In quavis actione duplex datur iudicium, directum unum, & hoc potest esse opinativum, reflexum alterum, quod debet esse certum, & hoc est actus Prudentiæ. 69. Sed triplex datur secundum Cordubam. c. 37. 78. V. iudicium.

*X*

*At*

*Advocatus.*

Potest utriusque parti patrocinari. c. 28. 70. Nec ista opinio est scandalosa 71. Secundum Leges Longobardas debet facere duellum ad terminandas lites pro Ecclesia, pro Viduis &c. c. 43. 18. & seqq.

*Equalitas rationum.*

Impedit, ne sequatur assensus intellectus; non impedit autem, quasi quoddam ratio unius partis destruat rationem alterius; & sic accedente voluntate, intellectus movetur. c. 5. 3.

*Æquitas. V. Benignitas.*

Quid sit c. 28. 36. c. 35. 26. Opinio, quia est æqua, in foro Conscientiæ est sequenda. c. 33. 86. c. 35. 26. & 41.

*Æquivocatio.*

Est damnata à Probabilioristis. c. 47. 1 A Clero Gallicano. 2 Sed non à Pontifice. 10 Ex æquivocatione probatur minor probabilitas 3. Differunt æquivocatio, amphibologia, & restrictio mentalis 4. Æquivocum aliquando utrumque significatum æqualiter importat, aliquando inæqualiter 5. Æquivocatio est licita cum causa c. 27. 32. c. 47. per totum à num. 13. In Scriptura reperiuntur verba æquivoca c. 31. 80. Jacob usus est æquivoco, dum dixit: *Ego sum Esau* c. 47. 20. Veritas huius dicti non debet delumi ex allegoria, sed ex sensu historico 25. & 26. Sancti novæ Legis usi sunt æquivoco in dictis, & factis. 27. & seqq. Infinita exempla Sacræ Scripturæ per Divum Raym. movent nos ad utendum æquivoco pro salute vitæ. 33. Angelus Raphael per D. Raym. loquutus est æquivocè, dum se appellavit *Azariam* *Anania magni filium*. 34 loquutus est sophisticè per Divum Antoninum. 36. Requisita per D. Bernardinum ad licitam æquivocationem 38. Nullus privatus potest uti nomine in significato, quod non habet; Christus tamen hoc potest, quia potest dare vir-

tutem significativam verbis, cum non teneatur statuti humanis; hinc possum uti æquivoco, si aliàs illa vox habet illud duplex significatum 40. Licet autem audiens decipiatur, nihil obest. 41. 42. 69. & 70. In æquivoco audiens per accidens fallitur. 45. 84. 102. & 106. Et decipitur ex simplicitate *Assimila*. 46. Sæpe non licet loqui figuratè, & æquivocè, sed tunc solum, cum licet occultare veritatem. 18 Possumus jurare per verba æquivoca. 72. Oratio æquivoca non est mendacium. 89. Æquivocatio à solo Hostien. rejicitur, cum tamen admittat loquutionem amphibologicam. 94. Quin videtur concedere mendacium. 95. In æquivoco significamus, quod volumus. 108.

*Alapa.*

Dans alapam antiquitus occidebatur impune. c. 45. 43.

*Alexander Avenis.*

Non est pro Probabilitate. c. 19. 2. & seqq.

*Ambiguum.*

In omni ambiguo non datur Probabilitas. c. 23. 59. In ambiguo *præcipue* est periculum cendi salum, non verò labendi in errorem. 60. & 62.

*Amphibologia. V. Æquivocatio.**Ananias Azaria filius.*

Angelus Raphael. usus est æquivoco illis nominibus. c. 47. 34. & Sophismate. 36.

*Angelus. V. Ananias Azaria filius.**Anima.*

De ejus origine plures opiniones docuit D. Augustinus. c. 5. 52. c. 27. 12. c. 33. 5.

*Antiqui. V. Moderni.*

Quantum temporis requiratur, ut Doctor possit dici antiquus c. 7 per totum.

tum. Nomine *Antiquorum* non veniunt sancti Patres i. nec veniunt illi, qui senes dicuntur. c. 17. 11. c. 49. 19. Plurimos errores habent. c. 11. per totum. c. 12. per totum. c. 32. 59. Tradiderunt plures propositiones damnatas à sede Apostolica. c. 42. 6. & seqq. 39. & seqq. An sint præferendi Modernis. V. *Moderni*. Narrantes facta antiqua sunt præferendi Modernis. c. 17. 17. Juxta Vendrochium parum agitarunt de morali ob difficultatem materia. c. 17. 6. Sed hoc est ob aliam causam. 9. Hinc difficultatem moralem discere possumus studendo ipsorum libris. Ibidem. Non sequuntur suas opiniones, ut certas. c. 32. 71. & seqq. Opinio de Probabilioritate sequenda non fuit Communis apud Antiquos, licet tot ex ipsis illam sequantur. c. 18. 52. & seqq. Fuerunt valde benigni in materia de Confessione. c. ult. per totum, præcipue. 40. & 46.

#### *Divus Antoninus.*

Inter Doctores benignos fuit principalis. c. 16. 24. Ibidem recensetur plurimæ eius opiniones benignæ, sicut etiam. c. 11. 34. & seqq. Probabilista potest relinquere probabilitates, & sequi benignam Probabilioritatem Divi Antonini. c. 16. 38. bene interpretatur quodl. 8. art. 13. D. Thomæ, & malè carpitur à Vendrochio. Ejus doctrina laudatur ab Ecclesia. c. 13. 25. Ipse laudat novitates in D. Thomæ. c. 39. 11. & seqq.

#### *Apprehensio.*

Si sit de objecto claro, cogit intellectum. c. 4. 13.

#### *Liberrimum Arbitrium.*

Per ipsum ratione regulatum discernimus eligenda pro institutione vitæ. c. 43. 14. Non debemus ex mero libero arbitrio judicare hoc grave, hoc leve, sed oportet, ut appendamus illa in statuta scripturarum. 15.

*Argumentum. V. Ratio. V. Theologia.*

#### *Assensus opinativus.*

V. *Opinio*, V. *Opinionum varietas*. V. *Probabilitas*. V. *Probabilitas minor*. Non importat majorem convenientiam prædicati cum subiecto. c. 31. 11. & seqq. Non est assensus, quo judico conclusionem esse probabilem. 27.

#### *Assertio.*

In re obscura licet variè opinari, non asserere. c. 1. 6. & 8. c. 19. 19. c. 21. 19. In tali materia est mala per D. Bernardum. c. 2. 5. 6. per Alenf. & alios c. 21. 19. Importat certitudinem c. 19. 18. c. 21. 19. c. 27. 30. c. 32. 41. c. 33. 24. & 27. c. 35. 13. e. 39. 29. Hinc in assertionibus Catholici conveniunt. c. 21. 19. c. 23. 20. c. 33. 24.

#### *Attentio mentis. V. Hora Canonica.*

Antiqui probabiliter opinabantur, non requiri ad horas Canonicas sub mortali. c. 44. 7. & seqq. & licet hanc opinionem plures Moderni doceant; tamen est dicenda potius doctrina Antiquorum, quam Modernorum. 38. Nullo modo est damnanda. 39. Quamvis de facto proscribatur à Clero Gallicano, & à Probabilioristis. 3. & seqq. Hæc condemnatio non reddit improbabilem illam opinionem. 41. De hac materia tres opiniones antiquitus ferebantur. 26 & 31. Opinio benigna est probabilior quoad authoritatem opinione rigida 43. D. Laurentius Justinianus est pro rigida, D. Antoninus est pro benigna, sed hic pluris æstimandus, quam ille 45. Author judicat probabiliorum rigidam. 46.

#### *Atrophia.*

Suscipiens in morte Sacramentum cum attritione, liberè omittens contritionem peccat mortaliter juxta Clerum Gallicanum c. 20. 25.

#### *D. Augustinus.*

Non habet magnam authoritatem in philosophicis c. 2. 4. Accipit in alio

X x 2

sensu opinionem, & Probabilitatem, ac faciant alii. c. 3. 1. Hinc nobis non opponitur c. 3. 3. *V. Anima* Cognoscit sua opuscula, & suorum Majorum iusto iudicio culpam posse. c. 40. 4. & seqq. Faveat Probabilitati, non opponitur ipsi. c. 24. 17.

*Auctor. V. Doctor. V. Sancti Patres.*  
Nullus auctor, excepto Canonico, dat certitudinē suis dictis c. 40. 4. & seqq.

## B

### *Baptismus:*

*V. Infans, V. Nativitas;  
V. Renovatio Spiritualis.*

**S**ecundum plures Antiquos si baptizans prolato nomine *Parris* nequeat ulterius loqui, vel infans moriatur, Sacramentum est validum. c. 22. 44.

Definitiones Baptismatis datæ ab antiquis. c. 41. 49. & 67. Semper fuit prohibitum recipere baptismum sine necessitate ab hæretico. c. 48. 29. Concilia Provincialia Gallie concedunt indulgentias iis, qui præbent auxilium, ut extrahatur puer vivus à mortua matre ad baptizandum. c. 41. 20. Hæc ordinatio parum est utilis. Magis proderit, si fiat pro incisione matris vivæ. 78. Fuit opinio D. Augustini, D. Isidori, Magistri, & trium sæculorum sequentium Doctorum tam Theologorum, tum Canonistarum negantium posse baptizari infantem in matris utero positum. 3. & 93. Nulla opinio fuit hac communior 1. Gabriel primus fuit, quæ hæc dubitavit, licet ab aliis ut certa haberetur 2. Ipse D. Thomas illam tenuit, & docuisset, etiam si cognovisset, infantem in hoc casu posse physicè abire. 8. & seqq. Antiqui non omnino fuerunt diligentes in hac questione, & diligenter erant in simili questione de matrimonio. 17. 18. & 22. Plures Moderni fuerunt negligentes in ca-

dem. 19. 1. & 20. Pro decisione hujus difficultatis non sufficienti Scripturæ Patres, & Theologi, sed debemus etiam recurrere ad Medicinam. 22. Modus, quo possit abluvi infans positus in matrem. 44. Textus, & rationes, quibus opinio negativa fulcitur. 36. & seqq. Quibus respondetur. 79. & 95. & seqq. Baptismus matris non prodest proli. 33. & 92. Opinio nostra de validitate Baptismi est conformior Scripturæ. 73. Quia tamen non est certa, & agitur de valore sacramenti, conferri debet baptismus sub conditione. 75. & 76. Nostra opinio potius in praxi est sequenda, ut potè magis pia. 109. Ut fecit Auctor. 107. D. Augustinus faveat nostræ opinioni. 82. Sicut Theophilus, & Rupertus. 92. Ad baptismum non exigitur, ut puer possit oculis cerni. 97. & seqq. Actio humana requisita necessario est tactus, & loquela. 99. *V. uterus.*

### *Basiliense Concilium.*

Rejicitur tanquam spurium. c. 8. 45. & seqq. Etiam ante vigesimam quintam sessionem. 51. In ipso procedebatur more castorum. 46. Erravit, dum decrevit ut dogma fidei Conceptionem. B. V. 50. Dissolvitur à Papa 57. Fuit approbatum à Papa, quod inæperit, & continuaverit legitimè usque ad annum 1434. Sed ex hoc non sequitur, ejus doctrinam fuisse à Papa approbatam. 61.

### *Benignitas.*

Allicit intellectum ad sequendam opinionem. c. 6. 38. & 39. hinc potest determinare intellectum existentem inter motiva æquè probabilia. 42. Est sequenda saltem in sacramentis. c. 16. 5. Sed in omnibus est potius sequenda, quam rigiditas. c. 29. Per totum. c. 16. 19. & 43. c. 18. 41. c. 22. 48. c. 28. 36. 37. 51. & 62. c. 31. 25. 33. 89. & 93. c. 35. 30. c. 44. 7. & 25. c. 45. 18. Per ipsam melius thahuntur homines ad salutem. c. 15. 37. c. 18. 40. Licet

cet ex benignitate opinionum apud improbos oriatur lassitas morum, tamen apud bonos præstabitur sedulius obsequium Domino, resonabunt actiones gratiarum &c. c. 23. 63. c. 33. 70. fin. c. 46. 32. Benignitas maxime laudatur in iure c. 13. 1. Illa dicitur opinio benignior, quæ faver liberati. c. 33. 39. & quæ solvit, & hæc inter plures est sequenda. c. 35. 27. & 41. Est adeo lex interpretanda benignè, ut sit ultra sensum verborum. c. 29. 38. Probabiliter eligunt partem benignam propter benignitatem, non amore periculi peccati. c. 32. 56. Opiniones benignæ D. Antonini. c. 11. 34. & seqq. Opiniones benignæ D. Thomæ. c. 13. per totum. c. 14. Per totum. Opiniones benignæ Scotti, D. Antonini, & D. Raymundi. c. 16. per totum. multæ Opiniones, quæ à Probabilioristis dicuntur lassæ, debent vocari benignæ. c. 13. 1.

#### Bona Ecclesiastica.

Si hæc sint deputate in usum Beneficentia, illa malè expendens peccat solum per abusum, ut & de bonis propriis, nec accipiens tenetur ad restitutionem. c. 14. 32. & 46. c. 16. 25.

#### Bona temporalia. V. Res.

##### D. Bonaventura.

Non est pro Probabilioritate. c. 19. 7. & seqq.

##### Bonum.

Ex duobus aequaliter bonis voluntas potest quodlibet appetere, & de duobus aequaliter probabilibus intellectus uni assentiri. c. 32. 61. fin. Minus bonum, quia tale, nequit appeti; absolute tamen voluntas potest appetere minus bonum. c. 38. 13. & 33.

## C

##### Cajetanus;

aliàs Thomas de Vio Cardinalis.  
Irridetur à Mastro, quia peccavit, se

attigisse veritatem in re obscura per longam orationem c. 21. 12.

##### Canones.

Faciunt certam veritatem quoad rem decidam, non quoad rationem decidendi. c. 41. 83. Quoad rem expresse decidam sunt interpretandi in proprio sensu, secus in obiter dictis c. 48. 52. & 53. Non sunt contra Probabilitatem. In c. 48. & 49. præcipue explicantur. In iis, & aliis locis explanantur sequentes. C. ad audiendam. de homicid. c. 48. 45. c. 49. 24. C. cum ab omni de vit. & honest. cleric. c. 48. 27. C. cum dilectio de consang. c. 39. 34. C. Dominus de sec. nupt. c. 48. 45. c. 49. 23. C. Ego solus 9. dist. c. 20. 6. c. 48. 9. 34. & 41. C. Capellanus de fer. c. 18. 57. Clement. Ex vi de verb. signif. c. 32. 52. c. 49. 27. & 28.

C. Fraternitatis de frig. & malef. c. 48. 51. C. Illud de cleric. excomm. c. 48. 45. C. Illud de præsumpt. c. 48. 48. C. In Canonicis 19. dist. c. 27. 13. c. 48. 19. C. Inquisitioni de sentent. excomm. c. 32. 67. c. 49. 20. C. Infirmitas in obscur. de reg. iur. in 6. c. 38. 48.

C. interfecisti de homic. c. 45. 51. C. Is, qui de sent. excomm. in 6. c. 49. 25. C. juvenis de spons. c. 48. 46. C. neque quorumlibet. 9. dist. c. 48. 34. C. non asseramus 24. q. 1. c. 48. 15. C. per tuas el. 2. de Simon. c. 49. 21. C. perfodiens. de homic. c. 45. 48. & 49. C. relatum 37. dist. c. 48. 11. C. significasti de elect. c. 8. 37. C. significasti de homic. c. 48. 45. c. 49. 25. C. si quis autem. de pœnit. dist. 7. e. 3. 85. c. 48. 45. C. si quis positus de pœnit. dist. 7. c. 48. 45. C. suscepimus de homic. c. 45. 42. & 52. C. veniens el. 2. de eo, qui cogn. consan. c. 48. 27.

In c. 8. 31. asseruntur triginta novem Canones pro Superioritate Papæ supra Concilium. Asseruntur alii textus Sacrorum Canonum in toto opere, sed brevitatibus gratia non juxta hic referre.

*Canonista.*

Sunt parvæ autoritatis in materia juris naturalis, & Divini c. 18. 22. in his materiis Theologus est præferendus. 20.

*Cassitas.*

Sicut ob defensionem bonorum licet occidere Invalorem, ita & ob tutelam castitatis c. 45. 28.

*Casus Conscientie.*

Possunt dari casus, qui nequeunt decidi per Scripturam, Concilia, & Patres c. 17. 3. c. 41. 22.

*Certitudo, Certus.*

Certitudo non provenit ab opinione communi c. 40 per totum, nec provenit à Probabilioritate formaliter sumpta c. 37. 7. Tamen, si opinio sit probabilior, potest fundari supra ipsam regulam certam morum 8. Deficientia principii certi in parte opposita præcisè non causat Probabilitatem, sed solum, quod opinio nequeat damnari. c. 3. 26. & seqq. Certitudo requisita ad opinionem surgit ex conjecturis probabilibus, grossis, & figuratibus magis ad unam partem c. 3. 85. & seqq. c. 32. 69. c. 38. 55. Hæc certitudo physice non abiecit, sed moraliter, omnes scrupulos c. 49. 22. Non requiritur certitudo moralis ad bene operandum c. 32. 69. & seqq. c. 36. 68. Qui in materia clara certis incerta præponit, etiam probabiliora, in rebus necessariis ad salutem, peccat c. 48. 29. Quomodo intelligatur D. Augustin. *Tene certum, & dimitte incertum.* c. 3. 85. Certitudo in objecto claro cogit intellectum c. 4. 4. In obscuro se sola non movet ipsum. 9.

*Charitas, V. Virtus.**Christus.*

In quonam sensu sit *via, veritas, & vita* c. 26. 8 c. 38. 50. Judicabit homines secundum terminem, quem loquutus est, prout tamen hic sermo applicatur per rationem c. 6. 42. Fun-

davit religionem in paucissimis, & manifestissimis celebrationum Sacramentis c. 29. 38. Loquutus est transumptivè, dum dixit: *Soluite Templum hoc. Lazarus amicus noster dormit.* c. 47. 51. & 91. Hinc usus est propolitione habente duplex significatum 53.

*Circumstantia aggravans.*

Per D. Thomam non est de necessitate constituenda c. 15. per totum. Ideo tenet communis opinio 9. ult. 11. Nec oppositum docet D. August. 16. Per Magistros circumstantia non aggravat in infinitum c. 15. 5. fin. Licet notabiliter si aggravans 27. 32. & seqq. Sed adhuc potest propter ipsam reservari peccatum 24. In materia carnis quandoque laudabiliter taceatur 20. Circumstantia tribuens infinitam gravitatem est necessariò constituenda, secus tribuens finitam 22. & seqq. Multæ dantur circumstantiæ c. 15. 9. & 34.

*Clarum, V. Obscurum.*

Si sit apprehensum ab intellectu cogit ipsum c. 4. 13. In materia clara ignorantia, & simplicitas non excusant c. 20. 5. In hac materia nil est curadū, quid alii dicant, bene verò in materia obscura c. 48. 16. 24. & 43.

*Clerus.*

Si ipsi non licet occidere pro defensione rerum, est ex prohibitione Ecclesiæ, non naturæ c. 45. 20.

*Clerus Gallicanus, V. Gallie Cælus.**Collum uteri, V. Uterus.**Cæcus, Cæcitas.*

Ille est cæcus, qui utroque oculo caret, non verò, qui objectum obscurum non videt c. 24. 4. c. 25. 38. fin. c. 48. 64. Cæcitas cordis non datur in re obscura, & probabiliter c. 48. 64.

*Comparativum.*

Improprie sumitur, si accipitur pro positivo c. 29. 38. c. 38. 17. Supponit in utroque

troque extremo eandem formam c. 32. 70. c. 38. 2. 3. & seqq. Hinc D. Thomas nequit dici doctior rustico 5. c. 48. 45. Quia calidum ut quatuor nihil habet de frigore; ideo debet dici minus calidum igne, non tamen frigidum potest appellari c. 38. 8.

*Concilium Basiliense, V. Basiliense Conciliū.*

*Concilium Constantiense.*

Non habet auctoritatem Concilii Generalis c. 8. 52. & seqq. Nec approbatur à Papa, nisi quoad decreta Fidei conciliariter facta 53. Decreta ejusdē de superioritate Concilii supra Papam intelliguntur de Papa dubio. Ibid.

*Concilium Generale.*

Si esset supra Papam, Ecclesia non posset venerari Pontifices extollentes se supra Concilium c. 8. 59. Et posset delegare suam auctoritatem alicui Episcopo, ex quo schisma nasceretur 64. & 79. Nequit uti regula fallibili, & probabili c. 33. 3.

*Concilium Provinciale.*

Possimus tenere oppositum, quod ab ipso statuitur. c. 3. 18.

*Conclusio.*

Sequitur debiliorem partem c. 3. 43. c. 48. 9. c. 20. 9.

*Condemnare.*

V. Propositiones damnatae, V. Fames. Nemo est condemnandus, nisi ad sint probationes evidentes 1. 8. Propositiones non possunt censurari, nisi sint contra jus expressum c. 36. 90. c. ult. 53. vel contra ipsas asserantur 2. g. munita certa c. 1. 8. & 9. q. si secus facit, incurrit in Decretū Innoc. Und. c. ult. 4.

*Conditio tacita, & implicita.*

Non reddit actum conventionatum, si ut nec expressio illius, quod jure inest, c. 26. 40.

*Confessarius.*

Potest absolvere poenitentem sequentē opinionem benignam, cuius opposita rigidam tenet ipse Confessarius c. 36.

per totum. Hoc etiam valet, licet opinio, quam sequitur poenitens, sit Modernorum 23. & 24. & 30. Si tamen Confessarius sit certus de sua opinione, non potest 5. 6. 26. & 38. In aliquo tamen casu hoc etiam potest, si poenitens invincibiliter sequatur opinionē fallam 35. Hæc nostra conclusio valet tam de confessorio ordinario, quam delegato 74. Quia ordinarius debet sequi iudicium Ecclesie, non suum, 9. & 32. sicut & delegatus 51. & 76. Hæc opinio damnatur à Probabilioristis 2 & 20. si opinio poenitentis evadat improbabilis, tunc nequit absolvi 30. In hoc casu non agitur, absolute loquendo, de valore Sacramenti, sed de licito usu 87. si tamen opinio poenitentis esset de valore Sacramenti, tunc non posset absolvi 53. Nostra opinio valet, licet opinio confessorii sit manifeste probabilior 60. Hic confessorius sic absolvens sequitur opinionē minus probabilem, & minus tutam. 54. 57. 66. & 67. Nullus ex Antiquis negavit de omni Confessario posse absolvere in hoc casu 42. & 46. Dissingunt equidem de Ordinario, & Delegato, de obligatione absolvendi, & de potestate simplici 18. 19. 33. 34. 35. & 44. In hac questione tria dicta colliguntur ex doctrina Antiquorum 45. Si ordinarius ex iustitia potest absolvere in hoc casu, & facere contra propriū iudicium, hoc idem poterit delegatus ex charitate in casu necessitatis 74. Confessarius, etiam delegatus, debet absolvere poenitentem habentem requisita audite confessione 48. & 50. Ibidem in Templis antiquitus qui absoluebatur ab uno, recitabatur ab alio Hæc praxis datur à Clero Gallicano 47. Inter iudicem & confessorium non currit paritas in omnibus 82. Nec inter medicum c. 32. 57. c. 36. 84. Confessarius in diversitate opinionum ante iudicium sententiam debet dicere aliquē non esse excommunicatum c. 49. 31. Si superior precipiat, ut confessorius revelet crimen scitum in confessione, non tenetur obedire c. 47.

c.47. 111. Si verbò de hoc Confessarius interrogetur à Superiore, quomodo se debeat gerere. 112. & seqq. Si interrogetur à Tyranno, prædone &c. potest respondere *supbistice* 80. & 97. Si tamen absolute neget hoc audivisse in confessione, adhuc non mentitur 113. peccans cum sua Parochiana tenetur fateri talem circumstantiam c. ult. 22. secus, si non sit de sua Parochia, ibid. debet esse benignus, sicut Deus benignus est 35. & inclinare in partem mitiorem 45.

*Confessio Sacramentalis.*

Facta per litteras erat licita antiquitus c.3.21. & 22. c.41.8 Sed hoc prohibetur à Clemente Octavo c.3.23. Secundum Glossam non delet peccata c. 10. 25. nec erat in præcepto divino 48. eundem errorem tenuit Pandormitanus c.11.4. & Gratianus dabat licentiam in hac materia amplectendi opinionem, quæ placeret c.12.4. c.28.49. Potest differri usque ad Quadragesimam c.14.41. quin etiam quali per duos integros annos c.ult.9. Lex de confessione est pœnalis, nec amplianda c.29.17. 25. & 36. Si Christus illam non præcipisset, Ecclesia non potuisset dare tale præceptum, sicut nequit præcipere iteratam confessionem ejusdem peccati c.36.19. Non tenemur iterare confessionem, ut recipiamus pœnitentiam oblitam, licet hoc tenuerint Antiqui c.40.45. confessio præcepta ab Ecclesia debet esse talis, ut sequatur absolutio c.42.13. Sola narratio peccatorum satisfaciæbat præcepto per plures Antiquos 12. c.ult. 48. Hæc opinio videtur esse contra propositionem damnatam c.42.14. præceptum Divinum de confessione non obligat ad manifestandū complicem c.ult. 10. nec ad scribenda peccata, quamvis adsit periculum obliviscendi peccatorum 26. obligat solum in morte, & quando imposturum nequeamus habere confessariū 7. Peccator non tenetur statim ad confessionem, quæ opinio est tenenda, quia mitior 6. nec tenetur fateri peccata, quæ

dixit in confessione, quam fecit immemor, prorsus confessionum sacrilegarum, quas antea per plures annos fecerat 24. Pueri, & puellæ non obligantur iterare confessiones, quia fassi olim non fuerant quædam peccata, quæ non cognoverunt esse peccata 25. confessio de præcepto non est faciendæ ex charitate, etiam actuali 51. In multis locis fiebat sedente peccatore 49. per confessionem nulla contrahitur cognatio spiritualis. 20.

*Consuetudo peccandi.*

Est confitenda de necessitate, sed non quia notabiliter gravat c.ult. 17.

*Contemptus.*

Tunc accidit, quando voluntas renuit subijci legi, & ex hoc illam frangit; hinc, si ex aliqua causa, etiam frequenter, transgreditur ipsam, non adest contemptus c.14.33.

*Copula conjugalis.*

Antiquitus credebatur illicita venialiter; & si haberetur ob voluptatem, mortale peccatū judicabatur c.12.19.

*Conscientia.*

Dictamen conscientie, etiam erroneæ, plus obligat, quàm præceptum Superioris c.37.46. Conscientia nominat applicationem legis naturalis ad aliquod faciendum c.23.31. Ut quis habeat bonam conscientiam, sufficit, ut sciat, rationes oppositas solvi ab alio, cui credit. Non est necesse, quòd physicè abiciat omnes scrupulos, & dubia, sed sufficit moraliter, idest, quòd contemnat c.49.22. Est securus, quando operatur ex responsione Doctoris magni c.31.37. Licet voce prolata 38. Non est facere contra conscientiam tenere unam opinionem, & operari secundum oppositam c.36.74. & 78. c.37.46. 70. 77. 78. & 80. c.48.3. & 4. Subditus opinans aliquam rem esse malam, adhuc potest facere sibi bonam conscientiam c.37.78. & 80.

*V. Judicium.*



*Conscientia erronea.*

Operans ex ipsa peccat, quia ipsa peccatum est c. 19. 11. & 14. c. 23. 42. quandoque habet vim excusandi c. 23. 31. & seqq. Conscientia erronea est solum contra veritates claras; unde non omnis cognitio contraria veritati causat conscientiam erroneam c. 23. 17. & 19.

*Conscientia opinativa, vel Probabilis,  
V. Opinio, V. Opinionum varietas.*

*Contradictoria.*

Quodlibet ex ipsis in obiculis potest esse probabile, & credi fidei pietate, non quia falsum est, sed quia probabile, vel apparens c. 35. 35.

*Contritio.*

Elicita ex motivo penitentiae, & non charitatis, iustificat extra Sacramentum c. 16. 14. c. ult. 52. peccator non tenetur statim ad ipsam regulariter, sed solum in quinque casibus 5.

*Convitiari.*

Convitia Probabilioristarum in Probabilitatem c. 1. 1. c. 33. 1. & 2. Est contra morem Sanctorum, & Antiquorum convitiari opiniones aliorum c. 1. 2. & seqq. Pontifices non convitiantur opiniones in materia obscura 4. Damnant taliter convitiantes 10.

*Correctio.*

Etiā Papa potest corrigi c. 8. 63. & 65. aliqui Antiqui docebant, solum eos, qui sunt in gradu, obligari ad corrigendum c. 12. 20.

*Creatio Mundi.*

An fuerit facta vel simul, vel successivè datur varietas inter Sanctos c. 5. 21. c. 27. 26. & 48.

**D***Damon.*

Si apparet ut Angelus bonus, & talis cre-

datur, hic error non est periculosus c. 26. 27.

*Debitor.*

Non damnatur ad solutionem, nisi creditor liquido probet debitum; sed dubia solutione non fit satis credito certo c. 49. 32.

*Decretum Gratiani.*

Non habet vim legis c. 16. 10. c. 41. 84.

*Defensio.*

Defensio occisiva pro rebus efflicita c. 49 per totum. Requisita ad licitam defensionem 24. & 26. Defensio moderata dicitur, si illud fiat, quo omnis violentia repelli non posset 33. 43. & 55. Vis inferenda personae non illata; inferenda vero, & illata rebus potest repelli, sed incontinenti, id est, priusquam divertat ad alium actum; potest etiam res ablata recuperari incontinenti 25. etiam si, dum recuperatur, aliqui occidantur 27. dum privatus deiecit aliquem, requiritur parvus apparatus ad recuperandam possessionem, scilicet *biduo*, vel *triduo*. Sic incontinenti fieri diceretur, quando commodè fieri potest; Aliqui tamen dicunt, quod pro conservatione rerum non licet occidere invaluorem, quia proximi vita magis est aestimanda 31. Hæc tamen commoda defensio his temporibus non debet permitti 32. Si defendendo res occidatur Clericus, iniuste me invadens, non incurritur excommunicatio; incurritur nihilominus irregularitas 34. 35. & 40. Si vis inferatur rebus, non tenetur quis fugere, sed potest expectare, & percutere 43. per triduum potest res recuperari, si copiam habeam Superioris; sed si non valet mihi foras, valet ensis per Baldum *quandocunque* 46. possum adhibere arma contra invadentem sine armis, si sine ipsis nequeo defendere res 55. Si excedam modum defensionis, sed non ex proposito, non teneor ad satisfactionem, nisi ad cautelam 23.

*Delectatio Morosa.*

Dabatur antiquitas opinio, quod non esset peccatum mortale c. 12. 22. non est peccatum ratione temporis, sed ratione consensu c. 13. 3.

*Delictum.*

In pari delicto melior est conditio possidentis; hinc turpe lucrum non potest repeti à dante. Quod si potest repeti à Fisco, est solum ex lege Civili, & quia est pœna, non debetur ante iudicis sententiam c. 46. 10. & 11.

*Deus. V. Lex Christi.*

Ejus lex benignior est interpretanda, quàm humana c. 29. 20. c. 31. 26. permittit actiones indifferentes naturæ fragili, c. 12. 34.

*Discipulus, V. Obscurum.*

Excusatur, si sequitur opinionem non subtiliter investigatam, si postea appareat falsa c. 35. 28. Secus, si illa opinio sit erronea c. 23. 42. c. 34. 5.

*Discordia in opinionibus, V. Opinionum varietas.**Dives.*

Est absolvendus, licet nolit succurrere miseris communibus. Non debemus sequi opinionem, quæ omnes divites damnat c. ult. 27.

*Doctores, V. Magister.*

Omnes Doctores fuerunt Moderni, & erunt Antiqui c. 7. 11. Convenientes in unam opinionem non faciunt rem certam, & ipsi possumus contradicere c. 3. 62 & seqq. In re obscura non debent tenere suam opinionem ut certam; hinc peccant asserendo in tali materia c. 21. 19. *V. Assertio.* In assertionibus non discordant, sed in opinionibus. Ibid. & c. 23. 20. c. 48. 42. Quando variant in opinionibus, tunc fieret ipsis præiudicium, si illæ non indicarentur probabiles c. 5. 25. In obscuris est curandum iudicium Doctorum, secus in claris c. 48. 16. & 35. Unde, si in claris saltem dicunt, licet sint plu-

rimi, non excusantur, nec excusantur 58. Excusantur autem, si in obscuris fallantur c. 1. 5. & seqq. c. 12. 49. Nec excusantur, si saltem dicant in materia rigida, quando tenentur scire veritatem c. 21. 5. Non debent decidere quæstiones, & sequi partem rigidam ob rigiditatem, sed ob veritatem præcisè; & si in rigidis errant, in aliis rigidis non sunt magnæ autoritatis c. 12. 54. *V. Rigiditas in opinionibus* quin, cæteris paribus, benigniorem sequi debent. *V. Benignitas.* In obscuris præcipue possunt dicere saltem, absque tamen peccato c. 21. 6. hinc in opinionibus vix aliquis à deceptione fuit immunis c. 35. 31. possunt decidere quæstiones absque Scriptura, & Traditione c. 48. 39. & seqq. Doctor solvens quæstionem solis autoritatibus certificatur, quod res sit, nihil tamen scientiæ acquirit c. 30. 1. qui plura scribit, est maximæ autoritatis c. 17. 32. variat in opinionibus ob obscuritatem materię juxta August. c. 33. 9. est majoris autoritatis, quàm Parochus in ordine, ut credamus aliquid esse verum c. 23. 24. debet docere, delectare, & flectere in suis dictis c. 29. 41. non debet de se fidere, & velle, ut alii suam opinionem sequantur, nec credere, quod scientia de aliquo sit obitura cū ipso c. 36. 39. debet tradere nedum vetera, sed etiam nova, & quidem plura c. 39. 18. *V. Novitas.* Doctor, ut obeat munus Doctoris, non debet referre solum ea, quæ alii scripserunt c. 48. 7. c. 49. 8. aliter faciens acquirit nomē Abbreviatoris, & tantā meretur autoritatem, quantā habet ille, cuius scripta in compendium cogit. Ibid. Plures possunt esse Doctores Magni, & unum esse alio majorem c. 35. 32. Doctores ne sint faciles ad asserendum aliquid esse mortale, nisi hoc habeatur per certam, & expressam scripturam c. 23. 63. c. 38. 7. c. 29. 7. omnes Doctores, etiā Sancti, variant in opinionibus c. 20. 18.

*Dolus.*

Alius est bonus, alius malus c. 47. 3. r.

*Dominium.*

Naturalissimè acquiritur dominium voluntate Domini c. 46. 12. 54.

*In Dubiis, V. Dubium.*

Hoc dictū: *In dubiis melior est cōditio possidentis*, valet in materia voti c. 32. 16. & hoc: *In dubiis Tutior pars est eligenda*, valet in dubio practico, non speculativo c. 31. 30. de facili tamen oppositum non est damnandum. c. 1. 6. c. 61. c. 48. 45. valet in dubiis, non in probabilibus c. 663 c. 18 7. fin. c. 30. 13. c. 31. 2. & seqq. c. 35. 28. c. 49. 24. & seqq. Valet etiam in dubiis probabilibus, si sint in materia necessaria necessitate Medii c. 3 84. Licet in dubiis tutior pars sit eligenda, tamen in dubiis non tenemur scire veritatem c. 38 37.

*Dubitans.*

Per Parisiensem, si non habet rationem se determinandi, debet orare Deum, & si non sit in culpa, Deus illuminabit ipsum c. 18. 26. Practicè dubius, & operans peccat c. 31. 48. Non est dubius, qui probabili ratione ducitur. c. 35. 28. fin.

*Dubium, V. Dubitans.*

Quid sit c. 62. & seqq. referuntur definitiones Antiquorum de ipso 14. quodplex sit 61. c. 32 30. non est æqualitas rationum, sed causatur ab ipsa c. 5. 27. c. 6. 4. & 5. nec est formido 26. nec est opinio c. 35. 28. dubium practicum, & speculativum distinguuntur c. 31. 48. quamvis dubium sit incertum, incertitudo tamen formaliter non est dubiū c. 31. 6. requisita ad dubium sunt quatuor c. 6. 54. & seqq. dubium in via intelligibili ita se habet ad intelligendū, sicut vinculum in corpore ad ambulandū c. 6. 6. reperiri potest inter motiva æque probabilia 32. qui habet æquales rationes pro utraque parte, nō est adeo incertus, ut ille, qui nullam pro aliqua habet 9. qui nullam rationē habet pro alterutra, hic propriè dubitat 10. & seqq. Proximus in dubiis debet existimari bonus c. 5. 4. Id est actū credi bonus 8 & seqq. c. 49. 29. nostra

verò dubia debemus interpretari in deteriore parte; si tamen ante dubium non habemus titulum certum iudicandi partem benignam; hinc in dubio voti, non tenemur iudicare, nos votum fecisse c. 49. 29.

*Duellum.*

Antiquitus fere ubique impiè Terrarum invaluerat. c. 12. 5 & 6 c. 43. 7. 11. Etiam in causa civili ibidem. Diverse opiniones Antiquorum, quando licebat ibidem, & 36. 29. Capellani, Abbates, & Episcopi cogebantur, aut inire Duellum, aut amittere bona Ecclesiastica de mandato Regis. c. 43. 7. & 8. Illis temporibus benedicebantur duella à Sacerdotibus, & pugiles super Reliquias Sanctorum jurabant, se rite inituros certamen. 9. Communis opinio Antiquorum tenebat, nunquam licere Duellum 41. iudicabat tamen probabilem opinionem benignam. 45. Pro defensione personæ licet duellum per plures Antiquos 31. & seqq. Licet, inquam, non ut probem aliis meam innocentiam, sed ut defendam meam vitam. 40. Si, dum possum me duello defendere, expectarem à Deo defensionem, Deum tentarem 41. & seqq. Duplex idatur duellum, proprium, & improprium, hoc ab Antiquis credebatur licitum, illud illicitum. 13. Leges Longobardæ tempore Luitpradi Regis solum permittebant duellum, sed tempore Imperatoris Ottonis sancti appellati expressè precipiebant. Illas dictas Imperator fecit, ut tolleretur abusus periurii, quod apud Italos prævaluerat. 17. & 25. In levibus casibus hæc leges illud præcipiebant. 17. 18. & 19. Hoc tamen duellum, excepto casu de crimine læsæ Majestatis, fiebat *susibus, & sentis*. 22. Qui per se illud inire non poterant, debebant dare Campionem, V. G. Senes, Ecclesiasticæ personæ, collegia &c. 17. 18. & 19. V. *Advocatus*. V. *Lex Longobarda*. Lex civilis. 16. Lex municipalis, & Philippus pulcher Rex Ga-

liae admittebant duellum. 31. Quando leges civiles prohibent duellum, intelliguntur de duello exercitii, & recreationis causa inito. 48. Materia de Duello antiquitus erat obscura; hinc plures Antiqui male scribunt de ipso. 28. Moderni in pluribus casibus de duello corrigunt Antiquos, & Pontifices varias Bullas ediderunt, & illuminaverunt hanc materiam. 30.

*Durities opinionum. V. Benignitas.*

Est omnino fugienda. c. 13. 11. c. 14. 34. c. 16. 18. c. 22. 23. 53. & 55. c. 23. 63. c. 28. 3. c. 29. Per totum, c. 42. 24. c. 43. 45. c. 44. 26. & 28. Retrahit intellectum ab assensu. c. 6. 38. Est periculosa. c. 11. 12. fin. Est magis periculosa, quam benignitas. c. 12. 50. & seqq. Debemus cavere à prædicando dura, sicut ab eo, quod inducit ad malum. 52. Per ipsam impeditur fructus Animarum, & terrentur homines &c. Juxta Humbertum. c. 15. 37. Quia homines profundius, & desperatius in lutum peccatorum immerguntur. c. 23. 63. c. 33. 70.

# E

*Ebrietas. Ebrinus.*

Olim secundum aliquos non erat mortale inebriare se, vel alios. c. 32. 59. Datur varietas opinionum, ut ebrius peccet, dum hominem occidit. c. 26. 47. fin. & 84.

*Ecclesia, V. Papa.*

Per ejus decisionem tollitur varietas opinionum, & Probabilitas. c. 3. 24. 25. Permittit varietatem opinionum. c. 29. 29. Magis ipsi placet benignitas, quam rigiditas. c. 31. 26. Non potest uti regula fallibili, nisi aliquando, secus homo privatus. c. 33. 3. Quod ipsa facit, & docet, debemus sequi, non verò, quod solum facit. c. 38. 22. Quando temporalis gladius non sufficit, potest temporalem injuriam gladio Spirituali defendere; nequit tamen uti gladio temporali in

modum Justitiæ, sed defensionis. c. 45. 6. Potest uti gladio, nedum ad percutiendum, sed etiam cadendum. 7.

*Ecclesia Romana, V. Papa.*

Qui lædit privilegium à Christo ipsi traditum, in hæresim incidit. c. 8. 80. Ipsa numquam in hæresim incidit, nec incidet. 83. Quod docet de fide, debemus, credere, non quod tradit ut probabilius. c. 38. 22.

*Elemosyna.*

Non cadit sub præcepto, nisi vel in extrema, vel in gravi necessitate. c. 11. 21. & 26. c. 14. 45. c. ult. 29. Apud plures Antiquos non dabatur præceptum de ipsa. c. 12. 25. c. 42. 31.

*Emptio.*

Si non erat infra dimidium, antiquitus licebat. c. 22. 13.

*Episcopus.*

Episcopi nec separati, nec conjuncti sunt adepti plenitudinem potestatis. c. 8. 22. Nequeunt juridicè dampnare propositus. c. 9. 1. Hinc oppositum tenere possumus. 2. & seqq. Non bene faciunt damnantes propositiones, quæ apud Catholicos controvertuntur. 5. & 6. Quoad mores tenemur sequi ipsorum doctrinam. 4. Olim cogebantur inire duellum. c. 43. 7.

*Episcopi Gallia.*

Orant Pontificem, ut damnet propositiones Jansenii. c. 8. 3. & 27. Damnant aliquas propositiones. c. 9. 1.

*Error.*

Error propriè est in materia clara, & falsitas in obscura. c. 25. 26. Alius est periculosus, alius non periculosus. c. 26. 27. Est error credere ut certam opinionem, licet sit magni viri. c. 31. 35. Error est malus, sive sit in materia rigida, sive benigna. c. 21. 5. c. 49. 5. Si tamen sit in materia clara. c. 21. 19. c. 26. 47. Aliquis error juris excusatur. c. 23. 15. & seqq. Error circa divina, si non sit expressè contra articu-

los fidei, vel contra decisionem Ecclesie, vel si est, nescit quis talem Decisionem, & abest assertio, non est peccatum. c. 21. 20. c. 33. 24. Si proveniat à conjectura probabili, est potius poena, quàm culpa c. 34. 13. c. 35. 31. Excusat versantem inter opiniones aequè probabiles. c. 32. 43. Requisita à Divo Thoma, ne quis peccet peccato erroris. c. 23. 45. & seqq. c. 34. 9. Quznam requirantur secundum alios. 14. c. 35. 23. & 25. Tunc error non excusat, quando ipse error peccatum est; ut cum procedit ex eo, quod quis scire tenetur, & potest. c. 21. 5. c. 23. 31. & seqq. c. 49. 5. Nec est idem cum Falsitate. c. 23. 43. 35. & 56. c. 25. 19. Error de Trinitate est major, quàm error in moribus. V. *Trinitas*.

*Erroris Glossa, & Antiquorum.*  
V. *Glossa*, V. *Antiqui*.

*Erroris damnati à Pontificibus.*  
V. *Propositiones damnata à Papa*.

*Est, verbum.*  
Licet illo uti aquivocè c. 47. 33. 45.

*Eucharistia, V. Hostia.*  
Olim erat varia opinio, an Christus Descenderet in ventrem hominis, eū speciebus. c. 27. 27. c. 33. 39. Hinc, si species fuissent evomitæ, erant, & non erant adorandæ latreticè ibidem. An liceat simulatio dandi Eucharistiam, & illam non dare. c. 42. 38.

*Excommunicatus.*  
Quando adiunt variz opiniones, & iudex non dedit sententiam, non est vitandus. c. 14. 44. c. 22. 47. c. 29. 3. c. 49. 31. Participans cum ipso in temporalibus non peccat mortaliter. c. 14. 47. Quis non debet se tenere ut excommunicatum, irregularem &c. nisi hoc sibi certò constet. c. 16. 13. fin.  
V. *Irregularitas*.

*Exemplum.*

Exemplis est iudicandum, quando lex deest, secus si adsit, c. 17. 40.

*Exprimere, verbum.*

In iure importat claram cognitionem. c. 49. 25. Non apud Theologos. c. 23. 52.

*Extrema unctio.*

Erroris circa ipsam. c. 12. 16.

## F

*Factum, V. Quæstio.*

In quæstione Facti plura probabilia uniuntur, & plenè probant illud, & semiplenæ probationes plenam constituunt. c. 20. 8. & 9. Ut veniamus in cognitionem alicujus Facti non tenemur, nisi media ordinaria ponere. c. 23. 35. Habere memoriam omnium Factorum est impossibile; unde talis cognitio non est debita homini. c. 26. 73. Quod res sit facta, vel non facta, non variat rem. c. 28. 35. c. 33. 82. & 84. In quæstione Facti inter aequales rationes intellectus est dubius. c. 31. 23. V. *Testis*.

*Falcidia, & Trebellianica.*

Potest detrahi à legato pio. c. 33. 88.

*Fallere, V. Equivocatio.*

Licet aliquando fallere proximum in duplicitate verborum. c. 47. 77.

*Falsitas, Falsum. V. Error.*

Doctrina falsi secundum se non est peccatum, Sed potest esse meritum, nisi admisceatur aliquod peccatum, quod est quadruplex. c. 33. 28. Si opinio probabilis appareat postea falsa excusatur operans. c. 22. 78. c. 23. 7. & 8. c. 25. 23. & 30. c. 35. 28. Nam falsitas in opinione probabili potius est poena, quàm culpa. c. 34. 13. c. 35. 31. Qui falsum sequitur in obiculis excusatur. c. 1. 9. c. 3. 16. 17. 24. & seqq. c. 18. 34. c. 22. 78. c. 23. 15. 16. 23. 31. 54. 55. 58.

55. 58. 62. c. 24. 16. c. 26. 21. 28. 48. 55. Nec est cœcus, nec cæco ducatum præbet. c. 24. 3. Nec via falsitatis in obsecris deducit ad mortem. 9. Opinio probabilis falsa in speculativis ante Decisionem Ecclesiæ non opponitur fidei, & in moralibus non est contra bonos mores. 13. c. 29. 30. Nam falsa aliquando, & sæpe sunt probabiliora veris. c. 23. 58. c. 31. 54. c. 35. 35. c. 36. 82. c. 38. 43. Falsum in obsecris potest habere rationes solidas. c. 3. 16. 20. & 25. c. 25. 23. Si falsum aliquando non excusaret, Antiqui essent damnati. c. 26. 57. Qui falsum sequitur sive ut minus, sive ut magis probabile, semper fallitur. c. 48. 63. 64. 66. Quod apparet falsum, non est probabile. c. 3. 55. Docens falsum tenetur illud revocare. c. 26. 18. Falsum non est idem cum erroneo. c. 23. 36. & 43. c. 24. 8. c. 25. 26. Non implicat, speculative aliud judicari falsum, & praticè judicari licitum. c. 37. 78. Quia tunc utor in praxi opinione aliorum. 79.

#### *Fama loci.*

Cum aliis adminiculis plene probat. c. 48. 48.

#### *Famelicus.*

Positus inter cibos æqualiter bonos curreret ad alterum. c. 5. 33.

#### *Fames.*

Damnatus ut Fame pereat, est varia opinio, an possit respicere cibum oblatum. c. 33. 42. c. 44. 51. Damnatur ab aliquibus opinio affirmativa. c. 44. 48. Sed male, nec D. Thomas est oppositus. 50.

#### *Felix nomen.*

D. Paulinus illo usus est æquivocè. c. 47. 30.

#### *Fides.*

Ad ipsam requiritur voluntarium. c. 4. 9. Fides est caput, quo servato, omnia rursus recuperamus. c. 8. 67. De Dei exitiis, & unitate in scientie nequit dari fides per D. Thomam. c. 14.

40. Valet argumentum à materia fidei ad materiam morum, quia fides est æquè necessaria. c. 21. 16. & 21. c. 28. 39. fin. c. 49. 39. V. *Speculativum.* Ante determinationem Ecclesiæ, & ante textum expressum scripturæ licet in materia fidei variè opinari. c. 1. 6. c. 21. 16. & legq. Quod non est ex fide, id est, ex *Consentientia*, peccatum est. c. 26. 16. & 17. Fides divina non semper est necessaria, ut bene operemur. 17. Per fidem falsam possumus mereri juxta Holcot. 28.

#### *Formido.*

Quid sit. c. 3. 77. Est de essentia opinionis. c. 34. 16. Saltem aptitudinalis. c. 3. 5. Non veritatem circa veritatem formalem opinionis, in qua est, sed circa veritatem objectivam alterius partis. 78.

#### *Forma penitentialis.*

Mitiùs est agendum in ipso, quàm in judiciali. c. 29. 9. fin. c. 46. 26. 41. 52.

#### *Fur, V. Res.*

Nocturnus potest occidi, diurnus non tam faciliè. c. 45. 21. nocturnus ideo occidi potest, quia aliter non possum salvare meas res. 43. 45. & 47. & idem in eodem casu de diurno dici potest 41.

#### *Furtum.*

Furari multum est malum ex suppositione, scilicet ratione speciei. c. 15. 4. & 6. fin. per plures Antiquos licuit furari in necessitate non extrema. c. 42. 27. Antiqui utebantur nomine, *Furtum*, pro accipere rem possessam ab alio. 29. furtum est intrinsecè malum. Furari, surripere, latenter rapere idem significant. Ibid.

## G

Gallia Cæsus celebratus Anno 1707.  
in Palatio Sancti Germani.

Damnat plures propositiones c. 9. 1. dam-  
nat

nat propositiones circa susceptionem Sacramenti tempore mortis cum sola attritione, liberè omittendo contritionem c.20. 25. damnat aequalem, & minorem probabilitatem c.33. 2. Sed non bene damnat minorem probabilitatem ex eo capite, quia Concilium Viennense sequutum est partem probabiliorē 3. decidit, nos posse operari ex opinione probabiliori c.22. 77. opinitur Divo Antonino in materia de necessitate hieci c. 21. 18. dicit ex probabilitate oriri iisdem in templis, & parochiis, unum à peccato absolvi, alterum rejici c.20. 26. celebratur, ut occurreret Ecclesiæ laborantis incommodis, sed hoc negotium spectat ad Pontificem c.9. 6. V. *Episcopus*. ob reverentiam Illustrissimo Clero debitā nequius uti in praxi opinione benigna, æqualiter, vel minùs probabili. c.33. 3.

*Gallia Episcopi, V. Episcopus.*

Damnare probabilitatem c.25. 2. tenentur damnare propositiones Jansenii particulari formula juramenti c.8. 42.

*Gallia Parlamentum.*

Prohibuit propositiones asserentes Pontificem supra Concilium 8. 15. & seqq. Sed nullo jure. Ibid.

*Gladiatoria ars.*

Erat instituta ad recreandum Populum Romanum, est semper illicita c.43. 48.

*Glossa.*

Ejus autoritas est summa c. 10. 4. & 5. Ipsius errores c. 10. per totū non carpuntur à Probabilioribus, quamvis carpāt Probabilistas minùs errantes. c.49. 16.

*Gratiani errores.*

Habentur c.12. 3. & seqq.

*Gula.*

Est solum peccatum mortale, quando causat nocuumentum corpori, & frangit legem Dei. c.14. 25.

## H

*Hæresis.*

Hæreses modernæ intantum creverunt, quia judicabatur, Papam esse fallibilem c.8. 20. credens etiam ut certam aliquam hæresim nō salvatur c.48. 13.

*Histrion.*

Ejus officium de se non est peccatum, licet in Gallia damnatus sit libellus hanc opinionem docens c.14. 26. & 27.

*Homo privatus.*

Ecclesia nequit uti regula minùs probabili, bene verò homo privatus c.33. 3.

*Hora Canonica. V. Assentio mentis.*

Omittere illas non ex consuetudine non erat mortale juxta Alexandrum Anglicum c.33. 85. Per Paludanum præceptum de ipsis ita se habet, sicut præceptum de decimis c.44. 13. Evagatio in ipsis, si sit quoad actus exteriores, est contra præceptum. 15. non verò quoad actus interiores per Antiquos, & hæc opinio erat amplectenda, quia benignior, & quia alia mittebat laqueos Animabus c.28. 62. c.29. 28. c.44. 7.

*Horologium.*

Nulla est paritas horologii, quod judicatur bonum, & non est, ac opinio probabilis in te falsa c.32. 4.

*Hostia. V. Eucharistia.*

Antiqui variè opinabatur, an esset adoranda sub conditione c.26. 23. & seqq. esse erriorem partem affirmativam, rei et Cajetanus 3. nunquam licet dare Hostiam non consecratam pro consecrata; quidam tamen Antiqui oppositum docent in casu etiam parum urgenti c.42. 35. 36. an liceat simulatio dandi Eucharistiam, & illam non dare 38.

*Humbertus Generalis Patrum Prædicator.* Vixit multo ante annum 1400. c. 18. 40. est author illius textus: quia fructus animarū impediuntur solet per nimiam austeritatem in consiliis, & opinionibus &c. c.15. 37. c.18. 40. *Jacob*

## I

*Jacob Patriarcha.*

**M**ulti Patres, & Doctores illum excusant à mendacio, dum se dixit Esau. c. 47. 19. alii illum non excusant 18. c. 28. 27. cum illud dictum sit historicum, ejus veritas litteralis debet haberi non per mysterium, sed per objectum, quod ita realiter se habeat. c. 47. 25. & 26. In illo dicto loquutus est allegoricè, & transumptivè 49. 61. & 99. accepit nomen *Esau* pro dignitate personæ, non pro persona, & hoc instinctu Spiritus Sancti 68. 81. 90. & 91.

*Jejunium.*

**I**n Dominicis Quadragesimæ olim forsitan caro comedebatur juxta Zabarellam c. 42. 25. præceptum jejunii per Zabarellam non obligat ab abstinentia multiplicis comestionis 24. & per plures Antiquos obligabat solum, ne ex contemptu illud violemus 22. erat parum probabilis apud Antiquos illa opinio, quod præceptum jejunii incipiat solum anno vigesimoprimo c. 14. 24. c. 27. 46. c. 33. 22.

*Ignorantia, V. Ignorantia juris.*

**E**st triplex, invincibilis, affectata, & crassa. c. 33. 68. tunc est peccatum, quando est eorum, quæ scire debemus 72. c. 30. 12. per ly, scire, Antiqui intelligunt cognitionem certam c. 33. 74. qui facit, quantum in se est excusatur, si ignorat, & hoc etiam in claris, etiam si exi sectione ad Magistrum probabiliter judicat verum, quod est falsum. c. 35. 28. Ille ignorans potest excusari à pena, qui, quod disceret, non invenit; illis autem ignosci non poterit, qui habentes, à quo discerent, operam non dederunt c. 37. 25. fin. *Ignorans ignorabitur*, intelligitur hoc dictum in materia, quam scire tenemur c. 30. 12. Ignorantia est invincibilis, cum studio, non oratione, superari non potest c. 26. 73. fin. & 74. c. 31. 67. non est invincibilis, si sit eorum, quæ scire pos-

sum, & teneor c. 49. 5. hinc ignorantia fundata in probabilitate est invincibilis. Ibidem. quæ provenit ex peccato potest esse invincibilis c. 26. 84.

*Ignorantia facti. V. Inadvertentia.*  
**N**on excusat per Parisiensem c. 12. 48. sed hoc dictum est error. Ibidem.

*Ignorantia juris.*

**I**n materia obscura excusatur, non in clara c. 1. 7. c. 23. 34. c. 33. 22. c. 37. 22. *V. Falsitas. V. Obscurum. V. Probabilitas. V. Ratio.* Hoc negat Altfiod. c. 18. 24. datur ignorantia invincibilis juris c. 28. 44. etiam Divini c. 14. 7. Etiam naturalis c. 26. 10. & 79. Ignorantia juris naturalis quoad prima principia non excusatur, bene verò quoad conclusiones remotas. 48. & 60. c. 33. 19. quoad conclusiones proximas, est dubium c. 26. 47. Ignorantia juris, quod omnes debent scire, non excusat. Excusat ignorantia juris particularis, quod non scitur, nisi per studium, si tamen casus sit multum difficilis 78. c. 33. 34. Doctores dicentes, ignorantia juris naturalis non excusare, intelliguntur de jure claro, non obscuro. c. 26. 33. 36. & seqq. c. 33. 37. Ignorantia juris obscuri, & facti pari passu procedunt. c. 23. 35.

*Illuminatus.*

**I**lluminatus à Deo de aliqua veritate in re obscura non debet alios damnare. c. 23. 41.

*Impossibile.*

**I**n lege nova per *Impossibile* intelligitur, quod est valde difficile c. 29. 21.

*Inadvertentia.*

**D**atur inculpabiliter de facto aliàs peccaminoso c. 14. 9. etiam iterato c. 16. 4.

*Incertitudo.*

**E**x incertitudine non bene arguitur, nos esse dubios. c. 32. 50.

*Infans.*

**I**nfans in utero potest oculis cerni c. 41. 102. potest baptizari c. 41. per totum. hic



Hic infans est dignior misericordia ceteris. 42. Certo potest physicè abluī. 43. Et subiaceat operationi humanæ. 94. Est capax delitionis baptismatis. 67. & seqq. Sed hæc non verificantur antequam egrediatur aqua ab utero, in quo tempore ipse uterus est clausus. 47. Ante partum est propriè genitus. 36. Egrediens per partum cæsareum non est propriè natus, est tamen propriè generatus. 38. Postius in secundina potest probabiliter baptizari. 76. Infans nutritus in sylvis, & vivens instinctu naturæ illuminaretur à Deo de vera Fide. c. 14. 7. c. 21. 13. Infans habens lumen rationis potest licitè dispensari, ut ordinetur in Episcopum. c. 26. 86.

#### *Infidelitas.*

Infidelitas negativa non est peccatum, unde Infideles damnantur propter alia peccata, non verò propter ipsam. c. 14. 7. Dependet ab aliis peccatis; hinc vivens secundum legem naturæ illuminaretur à Deo. Ibidem. Infidelis malè vivens, propter hoc non illuminatur à Deo, sed nò propter hoc infidelitas est ipsi peccatum. c. 26. 75.

#### *Inimicus.*

Odiū inimici secundum aliquos Antiquos erat licitum Judæis. c. 24. 11.

#### *Intellectus, V. Probabilitas.*

Necquit se determinare sine ratione; potest tamen ex voluntatis imperio moveri inter æquales rationes c. 5. 32. movetur à duobus, à proprio objecto, & à voluntate 30. non est cogendus, ut sequatur ea, quæ privatus Doctor tradidit c. 19. 4. potest determinari ab objecto, quod graviter, sed minùs moveat, quàm aliud c. 33. 39. fin. at hoc ratione voluntatis imperio, & in hoc adest disparitas, cur impulsus æqualiter in utramque partem non movetur c. 31. 16.

#### *Interpretatio, V. Benignitas.*

In foro fori est faciendā à Principe, in foro conscientie potest fieri à seipso. c. 29. 20.

#### *Interrogatus.*

Non tenetur dicere finem principalem, propter quem facit aliquod, sed potest assignare secundarium, quòd si audies fallitur, est per accidens c. 47. 45. etiam iudici iniquè interroganti potest respondere verbis duplicibus 101. sophistice 103. amphibologicè 106. æquivoce 107.

#### *Invaser vita.*

Non est in necessitate, sed in prava voluntate perdendæ vitæ c. 45. 14.

#### *Joannes Duns, V. Scotus.*

#### *Irregularitas. V. Excommunicatus.*

Non incurritur, nisi ex vi verborum sit expressa; hinc, si lex non sit clara, nulla est c. 32. 11. 12 & 13. c. 49. 25. nulla quoque est, si adest varietas opinionum c. 33. 98. dubius de irregularitate presentando se iudici declaratur liber c. 42. 29.

#### *Judai, V. Inimicus.*

Non peccabant sequendo sententiam Phariseorum in se falsam c. 24. 13. cū ipsis est sequendus rigor. c. 33. 93. med.

#### *Judex, V. Irregularitas.*

Bonum est habere Judicem propitium. c. 5. 17. & 26. c. 28. 63. & 68. debet finire lites c. 5. 17. In æquè probabilibus potest quamlibet eligere 26. c. 21. 23. c. 30. 18. sed non debet dividere rem c. 21. 34. nec facere compensationem c. 30. 19. & debet judicare, cujus sit filius, crumena &c. c. 31. 19 & seqq. nec facit licitū suam, si malè judicet c. 24. 8. c. 28. 63. utraque pars est iudici periculosa c. 42. 30. adest opinio probabilis in illa questione, an iudex possit damnare innocentem probatum juridicè reum. c. 33. 15. Iudex, quando fecit aliquem esse penitentem, si innovat excommunicationem contra ipsum, hoc faciat *sophistico verbo*, & *modo æqui voco*, & quæcumque verba proferat, non intendat illum ligare juxta Rodon c. 44. 66. c. 47. 72. potest retinere pretium sententiæ iniquæ c. 46. 30. 31. 42. & 43.

*Judicare.*

In dubiis debemus judicare bene de aliis  
c. 5. 4. & 8.

*Judicium, V. Sententia.*

Nemo debet fidere proprio judicio, &  
aliorum opiniones damnare, licet suae  
rationes sibi videantur insolubiles c. 25.  
34. triplex judicium datur, dum quis  
operatur, quorum unum secundum  
Cordubam Probabilioristam potest  
esse falsum c. 37. 78. sed per nos debet  
esse saltem minus probabile 81.

*Jugum Christi. V. Lex Christi.**Juramentum.*

Iuramentum puellae, & Uxoris irritari  
possunt à Patre, & Marito c. 14. 19.  
jurare sine animo jurandi semper est  
peccatum, sed non mortale, & malè  
damnatur hæc opinio c. 44. 54. & seqq.  
jurare falsum sine animo jurandi sem-  
per est mortale 59. sicut si taliter jure-  
tur ad decipiendum proximum 61.  
Hunc casum non agitarunt Antiqui,  
sed solum quæstionem fecerunt de eo,  
qui jurat sine animo se obligandi, vel  
adimplendi 62. quidam ex illis docent,  
licere jurare sine animo se obligandi,  
si aliàs non esset obligatus 64. & 65. est  
licitum juramentum habens duplex  
significatum, & in uno intelligitur à  
jurante, in alio à recipiente, qui tamè  
fit in dolo c. 47. 65. & seqq. 71. & 74.

*Jus.*

Jus universale scitur sine studio, & om-  
nes illud scire debent. Jus particulare  
solum studio scitur, nec omnes illud  
scire tenentur c. 33. 33. ad jus naturale  
non spectant res obscuræ in quacun-  
que materia 36. jura sunt promptiora  
ad absolvendum, quàm ligandum 77.  
V. Lex.

*Justificatio.*

Principaliter est effectus absolutionis  
Sacerdotis, sed per plures Antiquos  
est Contritio c. 40. 36.

*Justitia Christiana.*

Tota consistit in faciendi voluntate Dei  
clare expressa, non obscurè c. 48. 67.

## L

*Legatum.*

In dubio semper intelligitur de minori  
obligatione. si sit dubium quoad sub-  
stantiam, non obligat c. 21. 29.

*Lenocinium. V. Turpe lucrum.*

Quid sit c. 46. 16. & 48.

*Lex.*

Non debet esse obscura, sed clara. c. 1.  
7. c. 23. 27. Est regula remota huma-  
narum actionum. c. 26. 11. Non de-  
bet dura interpretatione explicari. c.  
29. 3. & seqq. V. Benignitas. Solet be-  
nignius agere, quàm homines. 11.  
Non datur pro casibus raris, sed quæ  
sæpe eveniunt. c. 31. 61. Per dubiam  
solutionem non fit satis legi certò  
existenti. c. 49. 32. Illud dictum: *Qui*  
*facit contra legem, peccat*, intelligitur  
de lege clara. c. 23. 27. fin. & 32. Tex-  
tus legum, quando videntur opposi-  
ti, quomodo sint conciliandi. c. 17.  
15. quæ sit lex benigna. V. Libertas  
V. Benignitas.

*Lex Aterna.*

Non obligat, ut illam sciamus in mate-  
ria obscura. c. 25. 15. Quos damnat  
lex aterna clara, Probabilitas non  
absolvit, bene verò, quos lex aterna  
obscura condemnat. 38.

*Lex Christi. V. Christus.*

Præcipue est interpretanda benignè. c.  
29. 20. 21. 24. 28. c. 31. 26. c. 48. 32.  
Non obligat strictius ad sciendam ver-  
itatem moralem, ac Veracitas divi-  
na ad sciendam veritatem speculati-  
vam. c. 30. 10. V. Fides. V. Specula-  
tivum. Est levior legè Judaica, sal-  
tem in caeremonialibus. c. 16. 5. Est  
suavis secundum se. c. 15. 4. 24. c. 23.  
63. c. 29. 20. fin. c. 33. 70.

*Lex Ecclesiastica, V. Lex.*

Debet esse clara, & manifesta. c. 17. &  
ita manifestè approbati, ut appro-  
bantur

bantur Decretalia. c. 30. 21. c. 33. 87.  
 Ne conversatio fidelium reddatur nimis onerosa, debent moderari instituta Patrum. c. 34. 3. Non iudicat de internis. c. 44. 7. & seqq. Per Angelum, & alios Antiquos non obligat citra contemptum, & consuetudinem. c. 33. 86. Nec, si non habetur textus expressus. 92. Nec obligat ad mortale in materia levi. c. ult. 32. Per verissimas intentionibus possumus ipsi satisfacere per Gersonem. c. 44. 22. precipit, ut habemus voluntatem ipsi satisfaciendi. 33.

#### *Lex humana.*

Sive civilis, sive canonica nequit obligare cum periculo vite. c. 43. 46. & 47. Debet esse possibilis, loco &c. conveniens, & in aliquo casu non obligat. Ibidem. Lex humana, ut humana non obligat, ut bono fine fiat juxta Gersonem. c. 11. 15. Errores circa legem humanam. ibidem. Ipsam non observare ob pigritiam. V. C. non erat mortale juxta Angelum. 31. c. 12. 32.

#### *Lex Longobarda.*

Leges Longobarda precipiunt Dnellū, & hæ sunt iniquæ. c. 43. 28. Sed absolute vocatur à Marata *Asinina*. 27.

#### *Lex Mosayca.*

Lex Exodus. 20. de fure prohibet, ne fur diurnus occidatur, quia talis fur cognoscitur, & capi poterat. c. 45. 54.

#### *Lex naturalis.*

Importat prima principia, conclusiones proximas, & remotas. De quibus possit dari ignorantia invincibilis. V. *ignorantia juris*. Quoad prima principia, & conclusiones proximas est impressa in corde à natura, non verò quoad remotas, unde hæ possunt deleri e corde. c. 26. 76. Nec illas tenemur scire. 77. V. *ignorantia juris*.

#### *Lex pœnalis, V. Irregularitas.*

Non est amplianda. c. 29. 12. 14. & 25.

Si ex vi verborum non sit infirma, nec sit manifesta, nulla est. c. 16. 10. & seqq. Est etiam pœnalis, si sit de re difficili. 19. & c. 29. 17.

#### *Libertas.*

In dubiis debemus eligere opinionem faventem libertati. c. 18. 19. & 20. Est sufficiens titulus solvendi dubia. c. 32. 15. Opinio, & lex est benignior, quæ favet libertati. c. 18. 19. 20. c. 33. 93. c. 35. 27.

#### *Libra.*

Habens æquale pondus in utraque parte non movetur, bene verò intellectus inter æquales rationes. c. 31. 15.

#### *Lis.*

Non debet fieri immortalis. c. 5. 17. Idem potest patrocinari utrique parti. c. 28. 70. Ut fecit Author. 72.

## M

#### *Magister, V. Illuminatus.*

Tunc accidit pluralitas Magistrorum prohibita à Christo, quando Doctores discordant in assertionibus, id est materiis clavis. c. 48. 42.

#### *Magister Sententiarum.*

Ejus errores habentur. c. 12. 2.

#### *Magnus, V. Mathematicus.*

#### *Malum.*

Ex duobus malis minus est eligendū. c. 38. 62. c. 49. 30. hoc axioma intelligitur, quando voluntariè non sumus inter duo mala. c. 33. 96. Quodnam sit minus malum ratione investigandum est. c. 31. 62. Malum incertum est minus, quàm certum. c. 23. 4. Illud *Maie*: *va*, qui dicitur *malum bonum* &c. intelligitur de iis, qui non student, ut veritatem acquirant. c. 49. 13.

#### *Beata Maria Virgo.*

Credens per fidem falsum Christum esse in comitatu meruit juxta Hieron. c. 22. 2. 26.

26. 28. Fuit ita pura, ut pervenerit ad summum puritatis. c. 34. 31. Quod B. V. Sic immaculatè concepta est una ex veritatibus, quas Spiritus Sanctus revelavit Modernis. c. 17. 53. In hac materia D. Thomas utramque partem tenuit. c. 34. 27. Sed partem benignam docuit ut minus, partem rigidam ut magis probabilem. 34. Sic dicendo, melius demonstratur, D. Thomam contradictoria non tenuisse. 39. Opinio benigna juxta D. Bernardum fuit præterita à Patribus c. 48. 44. & suo tempore erat nullius momenti. c. 40. 15. Opposita erat communis, & in genere autoritatis hæc opinio erat summa, & maxima. 8. & 9.

#### *Matematicus.*

In iure est idem, ac incantator. in lege punitur capitaliter. c. 46. 49.

#### *Mater.*

Potest incidi viva licitè, ut puer baptizetur, nec ipsa morietur, si incisio fiat à perito. c. 41. 77. & 78.

#### *Matrimonium.*

In casu verè dubio non est solvendum. c. 48. 51. Si sit ratum, & marito præcitantur virilia, solvitur. c. 14. 47.

#### *Matrimonium Spadonum.*

Est validum, si fiat ad castè vivendum, secus, si ad exercendam copulam. c. 10. 22. Erat etiam validum ad copulam exercendam per Glossam, si viro virga orgebatur. 21. c. 33. 104.

#### *Medicus.*

Tenetur sequi probabiliorē, non cōfessarius. c. 32. 57. c. 36. 84.

#### *Medium.*

Si non habet in se formas extremorum, non sumit denominationes illorum. c. 38. 8. Propriissimè æquè distat ab utroque extremo. 12.

#### *Mendacium.*

Antiquitus putabatur licitum mentiri,

ne alter peccaret mortaliter. c. 47. 33. & 93. Iud est mendacium maximum, quod sit in doctrina Religionis, & pietatis. c. 34. 24.

#### *Mensurata.*

An possit petere, vel reddere debitum sine mortali, adest varietas opinionū, c. 36. 3.

#### *Misericordia.*

Melius est reddere rationem propter nimiam misericordiam, quam severitatem. c. 33. 77.

#### *Missa.*

Secundum commune Antiquorum sub mortali est dicendum matutinum ante celebrationem Missæ, secus juxta Modernos. c. 40. 47. & 49. Si sacerdos, sumpta hostia, advertit, vinum non esse consecratum, datur duplex opinio de modo supplendi hunc defectum. c. 27. 14. c. 28. 1. c. 37. 2. Non audire Missam in die festo ex pigritia, vel ex passione, si non sit ex consuetudine, mortale non erat juxta Ricar. c. 42. 23. Per Gersonē possumus satisfacere præcepto de auditione Missæ perversissima intentione. c. 44. 22.

#### *Moderni. V. Antiqui.*

Diligentissimè procedunt in inquisitione veritatis, comparati etiam cum Antiquis. c. 49. 8. V. *Probabilitas*. Quin melius agitur quæstiones, quam Antiqui, in omnibus; nec hoc dicere derogat Antiquis, aut Patribus. c. 17. 20. & seqq. Plenius instruimur legendo Modernos, quam Antiquos. 19. Sunt præferendi Antiquis in moralibus. c. 17. per totum. Sed præcipuè in Probabilitate. c. 18. 62. c. 49. 40. Ut Moderni præferantur Antiquis, etiam in moralibus, debet comparari opinio Communis cum communi &c. c. 17. 25. Dant certam auctoritatem Antiquis. 45. Non scribunt ex passione de Probabilitate. c. 18. 62. Nec dicunt mendacium, licet teneant opiniones falsas. c. 25. 44. Tenendo fal-

sum

sum sunt digni venia, sicut sunt Antiqui. 46. Vituperantur à Probabilioristis. c. 17. 2. V. *Convitiari*. Sub pretextu lascivitarum. c. 42. 16. Non sunt vituperandi, quia referunt Modernos. c. 17. 29. Non pepererunt plures opiniones benignas de Confessione, quas damnant Adversarii. c. ult. 2. Tempus modernum est clarum, & Antiquum obscurum. c. 17. 43. Non sunt vituperandi, quia dicunt, Patriarchas æquivoce uti. c. 12. 48.

#### Mores.

Lassitas morum dabatur Antiquitas. c. 10. 11. & 12. per totum. c. 32. 59. 60. c. 48. 43. Etiam in Parochiis. c. ult. 56. Materia morum, & Fidei pari passu gradiuntur. c. 34. 26.

#### Mutuum.

Si munus ab obsequio, vel lingua non quasi ex obligatione rei exhibeatur, sed ex benevolentia, licet hoc expectare, & exigere in mutuo per D. Thomam. c. 14. 17. Possumus sperare in ipso aliquid quasi gratuitum. 39. c. 16. 18.

## N

#### Nativitas.

Nativitas in utero propriè est nativitas. c. 41. 60. Nativitas ex utero necessario non requiritur ad baptismum. 59. & seqq. Nec dicitur renativitas, quia nativitas ex utero, & in utero sunt nativitates omnino diversæ. 80.

#### Natura.

Nequit nos reddere beatos, & hoc est certum apud Christianos. c. 48. 67.

#### Notiones divina, V. Trinitas.

Licet de ipsis variè opinari ante decisionem Ecclesiæ, & ante investigationem scientificam. c. 21. 19. c. 23. 19. c. 27. 45. c. 33. 24. c. 38. 34.

#### Novitas.

Præbet argumenta pro minori Probabilitate c. 39. & c. 40. per totum. Impegitur à Probabilioristis c. 39. 2. & seqq. reddidit gloriosum D. Thomam 11. & seqq. rapit in stuporem auditores 13. & 16. novitas doctrinæ est laudabilis 16. placet Ecclesiæ 17. & 35. non est damnabilis 22. usque dum est ante decisionem Ecclesiæ, & alia principia certa 25. & 33. Illa est damnabilis, quæ generat dissensionem 34. quæ opponitur principiis certis 23. & 26. & quæ nullam habet rationem c. 40. 17. licet sit in materia rigida 38.

## O

#### Obedientia, V. Subditus.

#### Obiectum fortius.

Si est obscurum, actu non movet sine voluntate c. 4. 3. & seqq. & 34. In actu primo magis movet, quàm minus, sed hoc etiam movet c. 5. 35. c. 38. 32.

#### Obscurum, V. Probabilitas.

Opinans in obscuro non peccat, asserens peccat c. 35. 13. In materia obscura nõ tenemur scire veritatem c. 25. 15. unde falsum dicendo non peccamus c. 38. 36. & 45. V. *Falsum*. nec tenemur sequi probabilius 47. nec tutius 50. nec potest inveniri, nisi ratio, & responsio probabilis, & adhaerens certò suæ opinioni recipitur ab Arist. c. 21. 7. c. 32. 63. nec dabitur certitudo, licet servidè Deum oremus c. 21. 8. V. *Oratio*. nec in obscuris statim omnia percipimus, sed paulatim c. 17. 25. & seqq. quia materia paulatim illuminatur 27. sicut non valet argumentum à luce ad tenebras, ita nec à materia clara ad obscuram. c. 26. 58.

#### Occisio.

Ut se quis salvet, nequit intendere occisionem invaloris, sed debet intendere solam sui defensionem c. 45. 8. in hoc sensu intelliguntur Patres, si videntur oppositi 11. cum hac intentione

ne possumus occidere pro defensione propinquorum, & propriarum rerū.  
12. V. *Defensio*. V. *Res*.

*Operatio*. V. *Actio*.

Ut sit bona, plura requiruntur, quàm ad bonam opinionem c. 3. 30. potest dari operatio bona ex omni parte nedum absque fervore charitatis, sed etiam absque gratia c. 26. 7. omne opus bonū est à Spiritu sancto, solum ut ab infundente naturale lumen 5. & 8. ex opinione probabili in se facta potest provenire opus bonum, & opus lucis 11. & 38.

*Opinio*.

Quid sit. c. 2. ex Patribus, & Theologis Antiquis. est mala, quando in obscuris est cum assertione 1. & 6. hinc nihil certi habet c. 24. 38. non importat veritatem, sed quasi veritatem c. 2. 5. c. 3. 32. & seqq. Ipsa possumus dicere falsū c. 2. 1. & ipsa saepe fallit, & fallitur c. 48. 31. importat assensum, sed imperfectū c. 2. 8. c. 6. 17. & voluntariū V. *Voluntarium*. & formidinem alterius partis c. 2. 7. & seqq. non est assensus de veritate rei, sed de verisimilitudine c. 3. 32. & seqq. adhuc ipsa possumus considerare Deum c. 24. 40. opinio, quando ratione non caret, & est benigna; est amplectenda c. 29. 2. opinio benignior, & fragilitati temporis magis accommodata est tenenda 10. V. *Benignitas*. sicut & opinio pia c. 41. 109. c. 42. 19. licet opinio sit omnium, adhuc remanet in linea opinionis, & potest rejici ab aliis c. 3. 62. & seqq. opinio agitata ex professo debet censeri probabilis ab aliis Doctoribus ejusdem temporis, non verò à posterioribus 68. & 70. c. 38. 44. nō ē damnable, nisi opponatur certitudini c. 3. 26. & seqq. c. 32. 29. vel si nullā habet rationem, vel non sit primum principium 28. opinio non est regula proxima operationis, sed judicium reflexum fundatum supra opinionem c. 32. 41. quilibet homo in quavis materia cum salute potest sequi quamcunque opinionem, si sit magni viri c. 20. 17. c. 22. 7. & 75 licet sit contra con-

muniem c. 25. 30. c. 31. 35. c. 32. 32. & 105. c. 35. 31. c. 36. 6. opinio veritas circa validitatem Sacramenti non est practica c. 36. 86. apud Legistas nomen, opinio, habet multiplex significatum c. 2. 11. ad assensum opinativum requiritur & ratio validè impellens, & imperium voluntatis; hinc non possumus opinari, quando volumus c. 4. 39. datur assensus de primis principiis opinativus, ultra quā non progreditur c. 3. 34. adhuc tamen distinguitur ab intellectu 36. & 37. opinio dividitur rectè in magis, minùs, & æquè probabilem 71. earum definitiones 74. & seqq.

*Opinio benigna*,

V. *Opinio*, V. *Benignitas*.

*Opinio communis*.

Laudes ipsius. c. 3. 88. Ad ipsam requiritur pluralitas Doctorum, & discussio fundamentorum. 89. 90. & 95. Ad opinionem communem Antiquorum sufficiunt septem, aut octo Doctores, non verò ad Communem Modernorum. 93. & 94. Hinc opinio habens plures Doctores, qui non eximant materiam, non est communis. c. 18. 21. & ex hoc, & aliis capitulis opinio de Probabilitate non erat Communis apud Antiquos. 52. & seqq. c. 19. 23. *Opinio communis* non facit certam fidem; unde oppositum possumus sustinere. c. 40. per totum, & in materia prophana hoc est certum. 3. Possumus decerere communem sola ratione probabili freti. 11. & 12. V. *Ratio*.

*Opinio erronea*.

Reperitur solum in materia clara. c. 23. 36. Omnis opinio vel est vera, vel falsa in se, non tamen omnis opinio vel est vera, vel erronea. ibidem. 43. 45. & seqq. & 55. Nunquam est probabilis per probabilitatem. 55.

*Opinio falsa*, V. *Falsitas*.

*Opinio inducens plures in peccatum,*  
V. *Periculum.*

Non est sequenda, licet sit in materia rigida. c. 11. 9. fin. c. 12. 20. c. 29. 7. & 26. c. 33. 76. c. 43. 32. c. 45. 18. Maxime in materia de elemosyna. c. ult. 27.

*Opinionum varietas.*

Nascitur ab obscuritate materię. c. 1. 2. Etiam per August. c. 33. 9. Unde est licita in materia obscura, secus in clara. 6. c. 23. 48. c. 35. 28. Est licita ante decisionem Ecclesię in materia fidei. c. 21. 16. & 21. & in materia morum. c. 34. 17. c. 36. 14. & 16. & in apicibus juris. c. 32. 43. & 47. c. 26. 49. c. 28. 22. c. 33. 98. & in materia irregularitatis. c. 22. 12. & in rebus supernaturalibus. c. 34. 23. & seqq. & quando una opinio est melior, & benignior. c. 35. 30. & quando Patres sunt oppositi inter se. c. 28. 57. 61. & 65. & licet postea appareat falsa. 69. c. 35. 15. & 28. Est quidem licita varietas opinionum in his materiis, si tamen procedit à ratione probabili. c. 22. 73. & 75. c. 26. 63. Nec in dubitationem adducamur. c. 34. 4. In quam non semper adducimur ab hac varietate. c. 23. 39. c. 31. 6. Varietas, & discordia opinionum proveniens à probabili ratione est potius poena, quam culpa. c. 23. 20. c. 26. 63. & 66. Qui excusat à transgressione præcepti. c. 18. 23. fin. Hec abundantia opinionum in proprio sensu est licita per D. Hieronymum, etiam in moralibus. c. 1. 2. c. 25. 17. c. 27. 3. Hæc varietas non destruit scripturam, sed exponit, & à spiritu Sancto est. c. 27. 41. & seqq. In varietate opinionum est consulendum, quod tutius est, sed non condemnandi contrarium facientes. c. 36. 13. & 14. & debemus potius sequi opinionem solventem, quam ligantem, æquam, quam rigorosam. c. 35. 41. V. *Benignitas*, V. *Æquitas*. & sufficit eligere tutam, id est, quæ habet Doctorum latius acceptum. c. 25. 32. V. *Tutum*. Posita varietate opinionum possumus ex voluntate quamlibet eligere. c. 4. per totum, præpue juxta Richardum. 30. V. *Voluntarium*. & possumus

communicare cum excommunicato, si tamen iudex non deciderit dubium. c. 14. 44. c. 22. 47. D. August. & Hieronym. excusant variantes in opinionibus, non verò Arrius, & Nestorius, quia hoc fecerunt ante decisionem Ecclesię, & quando res erat obscura; c. 31. 18. propter eandem rationem excusantur Doctores Catholici. c. 1. 6. & seqq. Quando circumstantia textus patitur varietatem opinionum, possumus illam ponere. c. 5. 22. & seqq. Ut cognoscatur ad unam opinionum, requiritur aut textus clarus, aut ratio certa. 53. & seqq. Probabiliter varietas opinionum stare nequit simul in eodem intellectu. c. 3. 56. Sed probabiliter simul esse potest, licet una ex opinionibus sit minus probabilis. c. 33. 44. & seqq. c. 37. 52. Non enim importat contradictionem. c. 33. 50. Inter varias opiniones potest intellectus uni assentiri. c. 30. 20. Requirit quidem ad hoc aliquam causam, sed hæc necessarii non debet esse probabilitas, sed potest esse benignitas opinionis. c. 31. 28. Assentietur autem uni, quia prius solvet rationes alterius, quas prius licet solvere valet. c. 32. 26. & hic assensus non erit suspicio. 27. Est licitum asserre in suis scriptis varias opiniones, cum hoc esset in usu etiam apud Patres. c. 4. 12. c. 27. 2. & seqq.

*Opinio probabilis, V. Probabilitas.*

*Oratio.*

Non est medium, quo necessario acquiramus veritatem in re obscura. c. 21. 9. & seqq. c. 26. 70. & 75. Hinc in obscuris non tenemur orare, ut veritatem sciamus. c. 21. 11. c. 26. 44. c. 31. 60. Cajetanus, qui scripsit, oratione quindecennali attingit veritatem in re obscura, irridetur à Scotistis. c. 21. 12. ut sciamus præcepta clara, & media necessaria ad salutem, obligamur orare 13. & 15. Sicut & ut Sciamus veritates, quas scire tenemur. c. 31. 63. & 69. Est orandum pro dispositione conscientię scrupulose, & erione, non dubia. 78. Licet D. Tho-

Thomas oratione acquisierit veritatem, ex hoc non sequitur, vel quod teneamur ad orandum pro veritate in obscuris assequenda, vel oratione firmus acquisituri talem veritatem. 61. Oratio potest consistere cum voluntaria distractione. c. 44. 39. V. *Attentio mentis*. Canens voluntariè distractus psalmos cum Hebraeis habet cultum hebraicum. 40.

#### *Ordo, Sacramentum.*

Ad validam Ordinationem non requiritur tactus physicus, & hæc opinio non est damnata, quicquid dicat quidam Regens Sacre Theologie. c. 36. 86. Collatus ante baptismum erat certo nullus, etiam ante tempus, quo conditum est c. *Veniens*, de præbyto. non bapt. 48. 50.

#### *Ornatus.*

Propter superfluum ornatum confessor non debet rejicere poenitentem. c. 11. 30. 39. c. 14. 28. & seqq. c. 33. 91.

## P

#### *Papa, V. Ecclesia.*

EA caput visibile Ecclesie. c. 8. 69. Solus habet plenitudinem potestatis. 22. & seqq. Est infallibilis in suis decisionibus, & supra Concilium. c. 8. 19. & deinceps. contraria opinio dat fomentum hæresi. 20. & seqq. Se opponit Concilio Constantensi. 56. & seqq. Approbat ejus Decreta quoad Fidem conciliariter facta, nec alio modo. 54. Nec alia, & præcipue illa, quæ subijciunt Papam Concilio. 55. 57. & seqq. V. *Basilienſe Concilium*. In eodem. c. 3. 31. & seqq. Indicanur triginta novem canones, in quibus manifestè Papa præponitur Concilio. D. Thomas in variis locis apertè militat pro hac veritate. 40. & seqq. Multa, quæ in contrarium opponit Gerson, clare solvuntur. 62. & seqq. Papa est corrigendus privatim, sed non denunciandus Ecclesie. 63. Sequens ali-

quam opinionem non damnat dñs positam. c. 18. 57. Ad ipsum spectat juridicè quæstiones decidere, & de facto semper hoc fecit, præcipue his temporibus. c. 8. 1. V. *Quæſtio*. Est solum deponendus, quando est à fide devius. 65. Licet non sit consulendum, ut obtineamus ab ipso dispensationem contra probabiliorem, tamen ipsa habita possumus uti. c. 26. 86. c. 33. 78. & 79. Papa declaravit, tempore Jubilæi non esse dandam sub obligatione satisfactionem pro peccatis, nisi, quæ imponitur à Jubilæo. c. ult. 40.

#### *Parochus.*

Per hoc, quod aliquis assumatur ad munus Parochiale, aut ad aliud majus, ejus mens magis non illustratur; & sic ipsi magis non tenemur credere, quàm alteri. 23. 22. Ex munere Parochi nequimus arguere Parochos Parisienses esse doctiores Suario, vel similibus. 21.

#### *Sancti Patres.*

Faciunt autoritatem probabilem c. 3. 66. Hinc possumus tenere aliquam opinionem oppositam alicui ex ipsis. c. 21. 23. c. 40. 14. c. 41. 89. Hoc tamen debet fieri multis cautelis. c. 21. 26. Si tamen sunt unanimes in explanatione alicujus textus Scripturæ faciunt rem fidei. c. 8. 11. Important etiam certitudinem scribentes de re & fide, & damnatione Hæreticorum. c. 21. 24. & tunc, quod ipsis opponitur, non est probabile. c. 34. 12. Si sunt oppositi inter se, fieret ipsis præjudicium, si utramque opinionem non defenderemus. c. 5. 25. Opponuntur aliquando inter se in moralibus. c. 20. 16. Non teneantur suas opiniones ut certas. c. 22. 80. c. 32. 63. Contemnunt, quod in sacris literis non habet autoritatem. c. 30. 4. Ut approbentur Opuscula Patrum sufficit, quod habeant *Certitudinem Probabilitatis*. c. 21. 25. fin. c. 32. 50. Approbatio Patrum habita in c. *Sancti*. 15. dist. non est de singulis dictis, hoc solum



solum approbatur Epistola Leonis Papæ ad Flavianum. c. 41. 92. Sæpe asseruntur à Probabilioristis pro Probabilitate sine aliqua specie veritatis. c. 48. 12. & 14. Licet sequui sint Probabilitatem, non infertur, ipsam esse de præcepto sequendam. c. 49. 36. Non opponuntur Probabilitati; hinc explicantur, qui contra ipsam asseruntur, c. 24. à 14. & seqq. & sunt Tertullianus, August. Felix tertius Papa, Basilus, Gregorius magnus, & Bernardus, nec opponuntur minori Probabilitati. Explicantur, qui in contrarium referuntur c. 48. à 9. & seqq. & sunt August. Clemens Papa, Cyprianus, Joan. Chrysost. Basil. Gregor. Nazian. Bernard. Felix tertius Papa, Gregorius Septimus Papa, Lactantius. Nota in hoc cap. in pluribus locis referri Augustinum, sed præcipue num. 28. explicatur textus ex lib. 1. c. 3. & 5. de baptis. contra Donat. qui est unicus, qui videtur facere pro Probabilitate. In c. 49. explicatur August. 11. Hieronymus. 13. Basil. 15. Doroteus. 17. De D. Thoma. c. 23. per totum, & c. 49. 1. & seqq. de D. Bonav. c. 19. 7. Patres non sunt unanimis in explanatione illius textus: nisi quis tenuerit fuerit &c. c. 41. 92.

*Patriarchæ, V. Abraham, V. Jacob.*  
Uti sunt verbo duplici c. 47. 75.

*Peccator, V. Confessio, V. Contritio.*  
Pro ipso opinio benignior est tenenda. c. 29. 17.

#### *Peccatum.*

Ut fiat magis peccatum, non est necesse, ut addatur peccatum. c. 15. 5. ut actus sit peccatum, oportet, quod sit contra legem, applicatam tamen vel per rationem naturalem, vel per aliqualem revelationem. c. 26. 12. non debemus esse faciles ad iudicandum aliquod esse mortale, ne homines desperent c. 15. 37. c. 16. 40. c. 29. 7. c. 36. 2. & nisi hoc constet per rationem

evidentem, aut per manifestam scripturam. ibidem, & c. ult. 55.

#### *Periculum peccandi.*

Est duplex, materiale, & formale. c. 3. 81. tenemur vitare secundum, non primum, quod potest reperiri in utraque parte absque formali. 83. c. 30. 11. 12. Quod periculum sit in utraque parte non reddit unam magis veram. c. 5. 26. & si sit in una, illam nec facit veriore, quàm benignitas. c. 27. 38. c. 30. 6. Tam reperitur in materia speculativa Theologica, ac in morali c. 30. 11. Quin est majus periculum in materia speculativa, si sit de Divinis Notionibus. V. *Trinitas* possumus sequi opinionem periculosa. c. 22. 67. c. 43. 82. Opinio est periculosa, si sit benigna, si sit rigida. c. 11. 12. & 26. c. 12. 50. 52. c. 16. 25. Si pars periculosa sit probabilis, non verò benigna, non possumus uti opinione benigna. c. 49. 20.

#### *Periurium.*

Periurium leve indeliberatum ab Antiquis eximitur à mortali. c. 42. 40. etiam iteratum c. 16. 4.

#### *Perplexitas.*

Est triplex, & quomodo tollatur. c. 31. 70. & 83. Perplexitas, in qua utraque pars est peccatum, est fatna. 87.

#### *Plenitudo potestatis.*

Reperitur in Pontifice, non in Episcopis, aut Concilio Generali c. 22. & seqq.

*Pœnitentia Sacramentum, V. Confessio.*  
Ejus vis præcipue sistit in forma absolutionis; Sed juxta plures Antiquos absolutio quoad Deum habebatur à contritione. c. 36. 57. Exdem dispositiones requiruntur, si accipiatur à Parocho, si delegato 74. Errores quoad ejus formam. V. *Absolutio.*

#### *Pœnitens.*

Potest absolvi, licet sequatur opinio benigna opposita opinioni confessarii c. 36. per totum. Inter ipsum, &

confessarium nulla contrahitur cognatio spiritualis, bene verò magna familiaritas, si confessor sit Parochus. c. ult. 22.

*Præceptum, V. Lex, V. Subditus.*

Qui nimia, vel nimium gravia præcipit, onus importabile ponit, & nimis emungit c. 29. 42. Debemus sequi opiniones, quæ admittunt paucitatem præceptorum in lege Christi c. 48. 61. Stultum est parere juxta Lactantium illi præcepto, de quo incertum est, an sit verum c. 27. 17. c. 33. 13. præceptum de aliquod faciendo habet vim obligandi, sed non illuminandi mentem de veritate c. 37. 51.

*Probabile.*

In iure accipitur pro opinabili c. 20. 11. accipitur in bonam partem c. 3. 54. fin. & 55. nunquam est erroneum c. 23. 56. Probabilia sunt, quæ videntur vel omnibus, vel plurimis, vel Sapientibus &c. c. 3. 7. c. 27. 15. sufficit ad probabile auctoritas unius Famossissimi c. 3. 9. non tamen, si sit Junior, & Modernus 11 sufficit auctoritas viri docti, si sit data voce. Ibid. quin sufficit auctoritas unius Doctoris Antiqui, sed Magni, c. 3. 12. c. 20. 17. c. 22. 7. *V. Opinio.* Possimus sequi probabile c. 16. 2. si Ecclesia non prohibeat c. 40. 10. Probabile, Probabilius, & Probabilissimum reperiuntur in iure c. 20. 1. Probabile nō est indifferens, ut sit conforme, & disforme, sed formaliter est conforme, materialiter disforme c. 32. 5. argumenta probabilia spectant ad Theologiam c. 20. 15. & si sint plura non faciunt rem certam in quaestione juris, bene verò in quaestione Facti 8. & 9. *V. Ratio.* possunt dari in actu primo motiva probabilia pro utraque parte c. 3. 62.

*Probabiliorista, V. Convitiari.*

Præcipue insectantur Probabilitatem, quia credunt per ipsam relaxatam esse administrationem Sacramenti Pœnitentiæ c. ult. 2. tenent multas opiniones ut ceteras, sed malè c. 2. 2. multi,

qui videntur stare contra Probabilitatem, non sunt c. 18. 56. malè loquuntur, dum simpliciter damnant Probabilitatem, cum ipsi sequantur Probabilioritatem c. 23. 2. contra morem Antiquorum inter plures opiniones non sequuntur benignam propter benignitatem c. 29. 8. c. 31. 25. faciunt interpretationem duriorē de lege Divina, quàm de lege humana, contra morem pariter Antiquorum c. 29. 24. nituntur reddere arctam viam salutis, & grave Jugum Christi 42. & 43. *V. Jugum Christi.*

*Probabilista, V. Moderni.*

Possunt sequi partem, quam volunt, & concedere Probabilioristis, quod contendunt c. 30. 15.

*Probabilitas, V. Opinio, V. Falsitas.*

Convitiis inpetitur à Probabilioristis. c. 1. 1. & seqq. c. 10. 1. Damnatur à Clero Gallicano. c. 1. 12. c. 20. 23. & 25. & à variis Episcopis. c. 25. 2. In alio sensu accipitur à nobis, ac à D. August. c. 3. 1. Quid sit. c. 3. per totum, sed præcipue. 50. Dicit incertitudinem, & licet possit esse de obiecto necessario, tamen debet apparere intellectui ut potens aliter se habere. 4. Debet habere motivum prudens, & grave. 6. Magna sollicitas reperitur in opinione probabili, quamvis ex parte obiecti falsa. c. 3. 15. & seqq. c. 25. 23. *V. Falsitas.* Non cogit intellectum. c. 3. 13. & seqq. c. 31. 65. Hinc probabilitati, quantacunque sit, licet contraire. c. 22. 16. c. 38. 12. & 57. Non est inventa à mendacii parente, nec præcepta eludit. c. 25. 7. Nec carnalibus animis doctrinæ Christianæ arbitrium permittit. 10. Nec est via, cujus novissima deducunt ad mortem. c. 24. 9. Nec est via lata. c. 29. 45. Nec est origo propositionum damnatarum, ut dicit Celerus Gallicanus. c. 33. 4. & sequens Probabilitatem non est dux cæcus, nec suos discipulos turpat, nec illos in foveam trahit. c. 24. 23. Nec intrudit vitia sub specie virtutis 29. & habet oculum simplicem requisitum à D. Bernardo. 41. Con-

Conspicitur ex conjecturis *grossis*, & figurantibus magis ad unam partem. c. 32. 69. c. 38. 55. Potest reperiri in utraque parte c. 35. 35. Spectat ad lineam veritatis. c. 14. 34. & 36. Adhuc tamen ex ipsa nequit inferri, quod obiectum ita se habeat. c. 3. 61. Inferitur quidem veritas contingens; quæ scilicet sistit in conformitate rei cum motivis rationalibus. c. 32. 50. Quæ requirantur ad probabilitatem. c. 31. 45. & seqq. c. 40. 12. In materiis certis, & claris Probabilitas non est bona regula morum. c. 20. 5. Nec in quibuscumque materiis, etiam obscuris. V. G. cum agitur de valore sacramenti, de Medico &c. 2. Est ergo bona regula morum in materiis obscuris, quando agitur merè de peccato vitando, & hæc doctrina est certa, & probatur pluribus rationibus. c. 20. 6. & seqq. dat securitatem conscientie. c. 25. 43. Ipsa probabilitas quæ talis reduplicative est bona regula morum. c. 21. per totum. Textus pro hac doctrina sunt. c. *Ego solus*. 9. d. 1. c. 20. 6. c. *Cum Marthe* de celebr. Missæ. 13. Decreti Alexandri. Octavi. 14. D. Thomæ 15. & 19. & seqq. c. 21. 2. & seqq. V. D. Thomas. Nider, Gerson: & Anton. c. 22. 16. Item D. Anton. cum Alber. Hostien. Guilel. & Palud. 17. In c. 21. Adferuntur D. Thomas 2. 4. & seqq. Nider, Gerson, & Antonin. 16. Alber. Alen. D. Thom. D. Bonav. & alii. 19. August. 22. Decretum Alexandri sept. & Innoc. Undec. 27. regula juris. in 6. c. in *obscuris*. c. *inspicimus*. 29. In c. 22. Referuntur Bonav. 2. D. Raym. 3. 4. D. Antonin. 5. & seqq. Alen. 8. Alber. 9. & seqq. Villemus Rodon. 12. & seqq. Friburgo. 18. Richar. 20. & seqq. Palud. 27. Durand. 32. plures alii antiqui subducunt usque ad finem capituli. Omnes Doctores antiqui, etiam sancti, sequuti sunt Probabilitatem. c. 20. 18. Est error dicere, quod nequeamus sequi in praxi opinionem benignam probabilem, hoc est opinionem, quæ possit esse falsa, & sit benigna, etiam in iure naturali. c. 26. 55. Probabilitas veritatis est causa, cur Opacula Patrum approbentur ab Eccle-

sia. c. 21. 25. fin. Probabilitas in se falsa non est adeo tuta, ut est veritas. c. 25. 45. Assensus probabilis non habet pro motivo aliquid, quod sit necessarium ipsæ res. c. 3. 58. probabiliter nequit dari simul assensus probabilis de utraque parte. 59. Sed probabiliter potest esse simul. c. 33. 41. & seqq. Falsitas in probabilitate est potius poena, quam culpa. c. 27. 43. c. 34. 13. c. 35. 34. Divisio probabilitatis in practicam, & speculativam, est divisio formæ in subjecta. c. 28. 10.

*Probabilitas Academicorum,  
V. Academicæ.*

*Probabilitas aequalis,  
V. Opinionum varietas.*

Quid sit c. 3. 74. Quia possumus sequi æqualem probabilitatem in re speculativa sacra, possumus illam sustinere in moralibus 73. V. *Fides*, V. *Speculativum*. Inter æquales opiniones possumus sequi, quam volumus. V. *Voluntas*. Si tamen nihil expresse decidat Ecclesia c. 22. 33. hinc in schismate possumus obedire modò huic Apæ, modò illi 45. certò possumus sequi opinionem, quam volumus, quando utraque pars est aequè periculosa c. 30. 7. etiam Iudex hoc potest c. 5. 26. universaliter ergo in rebus obscuris, in quibus licet sequi probabilitatem, possumus sequi æqualem Probabilitatem, quod intelligitur in dubio Juris, non Facti, in quo est specialis ratio hoc negandi c. 6. 51. In c. 27. per totum stabilitur æqualis probabilitas textibus. D. Hieronymus refertur 2. August. 12. & 13. Arist. 13. Lactantius 17. D. Thomas 19. 21. 22. & seqq. D. Bonav. 27. & seqq. D. Raym. 32. & seqq. Glossa Raym. 40. Alen. 41. & seqq. Alber. 47. In c. 28. & c. 29. per integra capita referuntur plurimi alii Antiqui. Vide etiam c. 5. 11. & seqq. c. 22. 19. 41. & 60. c. 32. fin. c. 33. 92. c. 45. 42. c. 47. 19. In V. *Benignitas*. V. *Voluntarium*. V. *Voluntas*. innuuntur plurimi alii textus pro æquali probabilitate, quæ in c. 30. stabilitur rationibus. Æqualis probabilitas est à Spiritu sancto, & per ipsam declaratur Scriptura c. 27. 14. non

importat indifferentiam ad conformitatem & diffinitatem c. 32. non importat dubium c. 30. §. c. 31. 6. & 8. hinc assentiens utrique parti non est dubius c. 6. 26. & seqq. nescit quidem veritatem 31. & 41. existens inter æquales rationes potest determinari & à voluntate, & à benignitate c. 6. 41. & 42. V. *Benignitas*, V. *Voluntarium*. Modus, quo ex duabus opinionibus æqualibus potest intellectus sequi unam, quam vult, est, quod ex imperio voluntatis solvat rationes partis oppositæ, & ipsis solutis movebitur à rationibus illius partis, quam vult sequi c. 6. 35. & seqq. 53. & 58. & hoc modo poterit sequi alterutram 59. c. 30. 19. Solutio rationum unius præ alia non est contra rationem c. 6. 48. In c. 5. 12. 27. & seqq. c. 31. & 32. solvuntur objecta contra æqualem Probabilitatem V. *Canones*, V. *In Dubiis*. æquales opiniones Modernæ magis non opponuntur inter se, quæ æquales opiniones antiquæ c. 36. 23. gravitas Doctorum habet æqualem auctoritatem, ac pluralitas c. 27. 13.

*Probabilitas major.*

Quid sit. c. 3. 74. Non importat ens, sed gradum entis; hinc ab alia parte non excludit ens, sed gradum entis. c. 5. 63. Nec excludit probabilitatem ab opinione opposita. c. 5. 48. & 51. c. 16. 11. 20. c. 22. 40. c. 33. 40. c. 37. 81. c. 38. 2. & seqq. Est incerta. c. 33. 14. c. 37. 7. c. 48. 61. Possumus ipsi contraire. c. 33. 18. c. 38. 42. Licet sit à Papa talis declarata. c. 35. 37. c. 48. 8. In materia clara, in qua genemur scire veritatem, non salvat, si sit falsa. c. 34. 19. c. 48. 13. & 56. Habet rationes solubiles c. 30. 15. c. 16. 1. versatur intra lineam Probabilitatis. c. 23. 2. Ipsa sola non est vera. c. 48. 61. Si sit valde dura est relinquenda. c. 29. 18. Ejus obiectum nec efficitur, nec determinatum in Scriptura. c. 33. 24. Nec continetur inter ea, quæ habentur apertè in Scriptura. c. 48. 20. Opinio de sequenda Probabiliori non est Traditio. c. 19. 20. Nec est opinio Communis Antiquorum. c. 18. 32. c. 19. 23. Antiqui ip-

sam sequentes. c. 18. 1. & seqq. Alen. D. Bonav. & Durandus non sunt pro ipsa c. 19. sicut nec aliquis ex sanctis Patribus. c. 49. 36. V. *Patres*. Nec canones. V. *Canones*. Nec ullus Pontificum. 37. Clerus Gallicanus de anno 1700. aperit militat pro ipsa. c. 33. 2. D. Antoninus non est pro Probabilioritate contra Probabilistam, sed contra Scuristas. c. 18. 7. fin. Possumus illam sequi in praxi. c. 18. 64. Sequens opinionem probabiliorum non censetur damnare oppositam. c. 33. 85. c. 38. 20. & seqq. Licet illam sequantur Canones 21.

*Probabilitas minor;  
V. Probabilitas.*

Quid sit. c. 3. 74. Adhuc perseverat talis, licet non sit totaliter concors consuetudini Ecclesiæ. c. 33. 44. & licet sit contra opinionem probabiliorum Ecclesiæ 61. Non est contra manifestum scripturæ testimonium, nec contra id, quod publicè tenetur per Ecclesiæ. c. 34. 10. & seqq. Nec est error, licet fuerit error opinio Adæ, ex qua pomum comedit. c. 19. 8. 12. Nec est Doctrina vana, sed stat cum Doctrina fidei, & Apostolorum. c. 33. 29. 31. Comparata cum Probabilioritate nequit dici improbabilis. c. 38. 9. Nec mediat inter Probabilioritatem, & improbabilitatem. 11. Nec componitur ex ipsis 12. Non est tenuiter probabilis. 38. c. 46. 22. Quin est satis probabilis, & sustinibilis. c. 33. 39. 43. Importat veritatem, sed minus, quam Probabilitas major. c. 5. 57. & seqq. Ex eo, quod habeat rationes minus urgentes, sequitur solum, quod iudicetur non esse magis probabiliter vera. 61. Non est suspicio, nec dubitatio. c. 6. 73. 74. c. 35. 23. 29. Est de genere opinionis. c. 33. 54. c. 35. 22. Est conformis reitæ rationi. c. 35. 4. Accedit veritati, sed minus, quam Probabilioritas. c. 34. 20. Potest habere rationes fortes. c. 35. 37. Est tolerabilis 43. Est sanior, & securior Probabilioritate. c. 29. 18. Solvit obiecta probabilioris opinionis. c. 30. 15. c. 33. 46. 58. Etiam faciliter. c. 32. 65. c. 33. 62.

33. 60. Consurgit ex conjecturis grossis, & figurantibus magis ad unam partem; & sic est certa moraliter. 94. Licet in physicis magis forte superet minus, non tamen in obiectivis. c. 5. 63. Opinio de minori probabilitate in materia Fidei ante decisionem Ecclesie, & tractationem scientificam non est peccatum. c. 25. 18. c. 34. 23. Possumus juxta Antiquos sequi opinionem minus probabilem, & minus tutam in quaestione juris obicuri, exceptis quibusdam casibus. Hanc doctrinam admittimus ut probabiliorē, quā nimis non emollit jugum Christi. c. 48. 33. Hæc conclusio probatur. c. 33. ex August. 5. & seqq. ex Hieron. 12. ex Lactan. 13. & 14. ex D. Raym. 15. & seqq. & deinceps ex Parisien. Alen. Altiſiod. Alber. D. Bonav. Durand. Richar. Scotto. Ocham. Argent. Bacon. Petro Aquilano, Gerson, Nider, Antonin. Angelo à Clavasio, Glossa Raym. Rainerio, Aſten. Glossa Canonica, & Panormitano. In. c. 28. 37. habetur textus clarus. In. c. 34. Afferuntur pro eadem varii textus D. Thomæ, & in. c. 35. recitantur Doctores, qui non sunt adeo Antiqui. In. c. 38. eadem conclusio stabilitur argumentis Theologicis. In. c. 42. probatur, quia ex ipsa per Adversarios sequuntur ingentia absurda, in specie ex duelli materia. c. 43. in. c. 39. quia est nova, in. c. 40. ex materiis de conceptione Beatæ Mariæ Virginis, de absolutione à reservatis, de Sigillo confessionis, de iteratione confessionis ob oblivionem penitentis, & recitatione officii divini ante Missæ celebrationem, in. c. 41. ex baptismo puerorum in utero. In. c. 44. confirmatur, quia ex ipsa sequuntur quædam opiniones, quæ videntur absurde Adversariis, & sunt de attentione mentis ad Horas Canonicas, de damnato, ut fame pareat, respuente panem oblatum, de juramento sine animo jurandi. Confirmatur etiam ex defensione rerum cum morte invasoris in. c. 45. ex retentione turpis lucris, in. c. 46. ex acquisitione in. c. 47. ex Confessore absolvente penitentem sequentem opinionem benignam opposi-

tam illi, quam tenet Confessarius in. c. 36. ex subdito obediente superiori præcipienti juxta minus probabilem, & minus tutam in. c. 37. Solvuntur in. c. 38. & 40. Scripturæ, Patres, & Canones in contrarium adducti. V. *Canones*, V. *Patres*. fin. V. *Scriptura Sacra*. Argumēta omnia contra minorem Probabilitatem allata resolvuntur exemplo subditi obedientis contra propriam opinionem. c. 37. 80. & exemplo Confessarii absolventis contra propriam sententiam. c. 36. Multa, quæ afferuntur contra ipsam, fuerant inculcata à D. Bernardo contra immaculatam Conceptionem. B. V. c. 40. 16. Tenere opinionem probabiliorē, & operari juxta minus probabilem non est facere contra conscientiam. c. 36. 78. V. *Conscientia*, quia non operatur ex opinione probabiliori, sed minus probabili, hinc si actus est malus de materiali se habet. c. 48. 24. 25. Potest etiam intellectus solvere rationes partis probabilioris; & sic bona conscientia operabitur juxta minus probabilem. c. 6. 53. c. 30. 15. c. 32. 46. 58. 60. Explicatur modus, à Probabiliorista Corduba, quo subditus potest obedire contra propriam opinionem operando secundum opinionem Superioris, quam subditus opinatur esse falsam, & adhuc non facere contra conscientiam. c. 37. 71. & seqq. 77. & 78. Hoc modo operans juxta minus probabilem potest sibi formare bonam conscientiam. 80. Tamen talis debet habere causam sic operantē. 71. 81. Si quis non vult sequi opinionem minus probabilem, quā talem, sequatur illam ut benignam. c. 28. 37. c. 33. 89. Primus Author, qui mota quaestione de minori probabilitate ipsam expressè sequutus est, fuit Bartholomæus Medina, qui scripsit anno 1577. Opinio de minori probabilitate processit, sicut opinio de Immaculata Conceptione. B. V. c. 40. 20. 21. & sicut opinio de dimidiata absolutione ratione reservationis 39. Exemplo Socii Probabilioristæ deserentis opinionem omnium Summistarū possumus deserere opinionem communem de Probabilitate. 49. Opinio de

minori Probabilitate non est causa, cur Confessarius absolvat contra propriam opinionem. c. 48. 2. Auktor non sequitur in praxi minorem probabilitatem, exceptis paucis casibus, ob autoritatem extrinsecam Cleri Gallicani. c. 48. princ. Juxta Majorem additus alicui Scholæ potest sequi probabile in his, quæ non spectant ad fidem, & bonos mores. c. 18. 9.

#### *Procurator.*

In re obscura licet ipsi oppositum sequi, quod præcipitur à Domino, maxime in spiritalibus, non sic in re clara, c. 24. 18. 24. sed in temporalibus etiam hoc licet aliquando 20.

#### *Propositiones damnata à Papa his temporibus.*

Multæ sunt traditæ ab Antiquis. c. 12. 1. c. 42. 6. & seqq. V. *Papa*. nulla ex ipsis obest Probabilitati. c. 48. 37. V. *Condemnare*.

#### *Proximus.*

Vita proximi pluris æstimanda, quàm nostra bona, quando proximus est in necessitate, non quando est in prava voluntate. c. 45. 53. V. *Defensio*. V. *Res*.

#### *Prudentia.*

Versatur circa Probabilitatem tanquàm objectum. c. 32. 69. c. 49. 11. hinc potest eligere minus probabile. c. 38. 28. Sed hoc in obscuris. c. 49. 2. operas ex prudentia non peccat 14. actus prudentiæ non est actus directus judicans de objecto, sed reflexus judicans de operationibus. c. 32. 69. V. *Actio*. V. *Judicium*.

## Q

#### *Quæstio, V. Ratio.*

Tunc periculosè deciditur, quando veritas expressè, vel certò, vel saltem probabiliter non habetur. c. 23. 52. & seqq. Potest decidi absque Scriptura, & Traditione. c. 48. 39. & seqq. melius agitur à Modernis, etiam in quali-

bet materia, quàm ab Antiquis. V. *Moderni*, post multum temporis à sua inceptione deciditur à Papa. c. 3. 63. ab ipso solo juridicè definitur, quod semper fecit, maxime his temporibus. c. 8. 1. & seqq. ab Episcopis non debet decidere. c. 9. per totum; hinc contrarium possumus suslinere. 3. & 13. inter æquales rationes in quæstione *Falsi* intellectus est dubius, non in quæstione *Juris*. c. 6. 51. & 52.

## R

#### *Ratio.*

Plus est tribuendum rationi, quàm auctoritati humanæ. c. 19. 4. Ratio humana est proxima regula humanarum actionum. c. 26. 11. Non semper tenemur probare intentum per leges, & canones, & Patres, sed licet etiam per rationem probabilem. 52. Ratio probabilis approbatur à jure, & valet pro dubiis moralibus. Ibidem, & c. 20. 11. 12. Sola ratione, etiam probabilis, possumus decidere quæstiones. c. 48. 41. Et nos cindere, & aliam opinionem sequi. c. 22. 73. & alterius dicta redarguere. c. 38. 38. Ratio probabilis non est contemnibilis, nisi habeamus aliam rationem probabilem. c. 132. 67. Antiquitus ratio erronea bene arguebat. c. 28. 26.

#### *Regeneratio, seu Renativitas in Baptismo.*

Potest dari Regeneratio facta per Baptismum de puero existente in utero matris contra omnes Doctores antiquos per tria sæcula. c. 41. Per totum; hinc hæc Regeneratio non supponit necessariò nativitatem ex utero. 63. 65. & 79. Nec obstat textus: *nisi quis renatus fuerit* &c. Nam nequit vis fieri in ly. *Renatus*. 64. & 65. Nec est tertia nativitas, licet supponat nativitatem ex utero, & in utero. 80. Idem est renasci, ac regenerari in baptismo. 66. Hæc regeneratio assimilatur potius nativitati in utero, quam

ex ntero. 80. Assimilatur actioni seminis. 92. fin.

*Religio Christiana, V. Christus.*

*Requidum.*

Nulla adest Tractatio Patrum, quod fuerit illicitum apud Hebræos, cum in hoc detur varietas opinionum c. 24. 7. c. 27. 22. c. 28. 8. 12. & 33. c. 34. 3.

*Reservatio Casuum.*

Communitur antiquitus inferior auditis reservatis, & non reservatis absoluebat, sed pro reservatis mittebatur pœnitens ad Superiorem c. 40. 23. & seqq. & 31. licet reservata haberent excommunicationem; hoc tamen solum aliqui tenebant 27. hæc praxis credebatur esse juxta morem Ecclesiæ Romanæ 24. Sed non est verum 25. per D. Bonaventuram reservatio fiebat magis propter taxationem pœnitentiæ, quam pro absolutione 29.

*Res, seu Bona temporalia.*

Possunt defendi cum occasione invaloris 45. per totum, quod intelligitur cum ea intentione, qua licet occidere pro defensione vitæ 5. hæc opinio damnatur à Probabilioristis 1. & 2. & à Cle- ro Gallicano 3. si res sit necessaria pro statûs conservatione videtur certum, posse sic defendi 4. nobis immitet cura propriarum rerum, non alienæ vitæ, nisi in casu necessitatis; & sic curam majorem debemus habere de nostris rebus 14. eadem defensio, quæ est licita pro defensione vitæ, est licita pro defensione rerum; unde considerandum est, an defensio sit excessiva, vel non; & an sit ex proposito, vel non ex proposito 17. & 23. pro defensione rerum possum ponere in periculo vitam meam 19. possum etiam defendere res depositas occidendo 29. sicut etiam res alienas non depositas 38. plures Antiqui supponebant licitam defensionem rerum cum occasione, & ex hoc inferebant eandem defensionem ad avertemdam personalem percutionem 30.

*Restitutio.*

Paterfamilias debet potius nubere filiis per D. Antoninum, quàm restituere c. 16. 26. non teneor restituere omnia centum, si dubitem, me debere centum c. 49. 34. Si in materia restitutionis in dubiis tutor pars est eligenda, nulli fieret restitutio. Ibid.

*Restitutio mentalis.*

Quid sit c. 47. 6. Palud. & Capreol. eidem patrocinantur. Ibid. quotuplex sit 109. quænam sit dānata à Pontificibus 109.

*Reus.*

Accusatus de occulto, an possit negare veritatem, est problema c. 35. 30.

*Rex, V. Subditus.*

Potest male facere in imperando, & subditum bene in obediendo c. 37. 4.

*Rigiditas in opinionibus,*

*V. Durities Opinionum.*

Non confert ad veritatem; hinc, si possum sustinere rigidam minùs probabilem, possum sustinere benignam minùs probabilem c. 33. 44. fin. & 101. nec evadit fortior ad solvenda opposita 47. non licet sequi rigiditatem in damnum proximi, nec docere opinionem rigidam, si non est vera 103. opinio rigida non eruit à peccatis, sed in illa facit impingere, & opponitur verbo Dei 71.

**S**

*Sacerdos.*

Antiquitus poterat, quin cogeretur ini- re duellum c. 43. 7. Simples Sacerdotes absque alia approbatione se absol- vebant ad invicem c. 42. 18. debet esse benignus cum peccatoribus, ut est Deus c. ult. 35.

*Sacramentum.*

Propositio damnata ab Innoc. Undec- num. 1. loquitur de valore Sacramen- ti, non de licito usu c. 36. 87. intentio suscipientis est de valore Sacramenti; unde

unde in hac materia nec major Probabilitas salvat c. 48. 22.

*Salomon.*

Est varia opinio apud Patres, an sit salvus c. 29. 29. debebat tandem judicare, cujus esset filius controversus, si aliàs non cognovisset, cujus erat c. 31. 19.

*Salus Spiritualis.*

Salus itineris spiritualis dependet à cognitione, corporalis vero à securitate viarum c. 30. 12. per Clerum Gallicanum nequit haberi sequendo Probabilitatem 22. V. *Probabilitas*. Sive quis sit Sicurista, sive Probabiliorista, sive Probabilista, melius est, ut sequatur ductum alterius in negotio salutis spiritualis, ne decipiatur c. 40. 18. quæ sint necessaria ad salutem c. 31. 6). & 75. Deus providet nobis de necessariis ad salutem animæ c. 31. 77.

*Sancti, V. Patres.*

Trepidant, dum bene operantur, quia timent, ne passio ipsos obcecet c. 24. 33.

*Sapientia.*

Importat veritates veteres, & novas, c. 39. 17.

*Satisfactio Sacramentalis.*

Secundum Gersonem poenitens non tenebatur acceptare poenitentiam propter ténéritudinem corporis, & tutius est imponere parvam c. 11. 23. & 24. peccatoribus non est danda gravis c. 14. 43. vel delicatis, teneris &c. c. 16. 15. & 41. quia propter hæc motiva Antiqui nullam, aut parvam poenitentiam dabant c. ult. 33. in illa imponenda de necessitate sola est pensanda gravitas ex specie proveniens c. 15. 17. opinio asserens etiam his temporibus posse poenitentem respicere satisfactionem Sacramentalem nec est damnanda, nec sequenda c. ult. 36. si sit levis, imposita etiam pro mortali, non obligat sub mortali 32. præceptum de ipsa est Ecclesiasticum 32. 38. Confessor non debet exigere aut votum, aut promissionem de implenda poenitentia 46.

*Schisma.*

Si contra veritatem claram imus, incidimus in schisma, secus, si contra obscuram c. 48. 15.

*Scientia, & scire.*

Quid sit, & quænam scire teneamur c. 33. 72. V. *Salus Spiritualis* fin.

*Scotus, aliàs Joannes Duns.*

Sequitur opinionem non ut certas, sed ut probabiles c. 32. 74. non opponitur Probabilitati c. 49. 38. licet Thomistæ judicent, Scotum esse minoris auctoritatis Divo Thoma, tamen non credunt, illum non esse magnum c. 35. 32. c. 38. 38. vel esse parvum in se c. 48. 22.

*Scriptura Sacra.*

Non opponitur Probabilitati, & explicatur textus, qui in contrarium asseruntur c. 24. à 1. ad 14. nec opponitur minori Probabilitati, & expanditur textus Adversariorum c. 48. 24. & seqq. & in eodem vocabulo habet multiplicem intelligentiam, sic Jacob in voce *Esau* potuit intelligere non proprietatem personæ, sed dignitatem c. 47. 68. habet etiam verba æquivoca c. 31. 80. habet quoque quaduplicem sensum, litteralem &c. c. 47. 21. explicationes horum sensuum ex Antiquis habentur 23. & 24. litteralis est fundamentum aliorum 22. est exponenda secundum Traditiones Patrum c. 48. 10. continet, quæ spectant ad Fidem, & mores 20.

*Sententia.*

Non est præcipienda sententia de mortali, quando adest varietas opinionum, & in re difficili c. 16. 27. & 28. Idem dic, quando casus non est omnino expressus in jure c. 22. 17. Idem debet facere Confessarius in Confessione, quando adest varietas opinionum. 30. c. 29. 27 & 34. c. 33. 79. 81. fin. & 82. c. 36. 3. 14. 16. 24. & 90. Possumus abundare in proprio sensu, etiam in moralibus, quando adest varietas opinionum. c. 34. 22.



*Sigillum Confessionis*,  
V. *Confessarius* fin.

In hac materia turpe errarunt aliqui Antiqui c. 12. 38. & seqq. erat communis opinio, quod Superior poterat amovere à Prioratu ad nutum amovibili subditū, si sciret ejus indignitatem ex confessione c. 40. 41. c. ult. 41. & seqq. In praxi tamen oppositū est sequendū. c. 40. 42.

*Simile.*

Licet idem arguere ab alio simili, non verò à dissimili; tunc enim valet argumentum à contrario sensu c. 23. 13. & 24. c. 26. 58. c. 29. 17. aliquando licet argumentari per similitudines, aliquando non c. 48. 11.

*Simoniacum pretium*, V. *Turpe lucrum*.

*Simulatio*, V. *Hostia*.

Aliquando est licita c. 47. 82.

*Sophisma*, V. *Æquivocatio*.

*Sorbona*.

Olim non defendebat Superioritatem Concilii supra Papam c. 8. 18.

*Soror*.

Apud Hebræos est vox æquivoca c. 47. 14. 17. 82. 85. & 98.

*Speculativum*.

Si voluntas potest flectere intellectum ad unum in speculativis æquè probabilibus, ita in moralibus c. 37. 3. c. 5. 24. & 31. valet argumentum à re speculativa ad morale c. 21. 16. c. 27. 37. c. 30. 9. c. 33. 6. & 24. c. 38. 34. in speculativis licet sequi æqualem Probabilitatem c. 30. 9. & etiā inæqualem c. 36. 38.

*Subditus*, V. *Superior*.

Hæc est regula obedientiæ: In male scienter non obedias. In dubiis, an res præcepta sit bona, vel mala, obedias; nisi dubium sit crassum, vel superius, v. g. si præcipiatur aliquid contra articulos Fidei, vel quod apud omnes constat esse peccatum c. 37. per totum.

sed præcipue 20. 28. 29. & 31. hoc valet, etiam si subditus habeat opinionem probabiliorē, rem præceptam esse malam 4. 12. 32. 35. 38. 65. & 67. licet etiam Subditus retineat illam opinionem probabiliorē 49. 56. & 57. est obediendum Superiori quoties evidentia non cogit in oppositum 31. 41. 54. quæ regula videtur certa ex Patribus 48. unde erravit Adrianus, dum scripsit, dubium de re licita debere non obedire 47. D. Bernardinus tenuit, probabiliter credentem bellū esse injustum subiacere restitutioni 27. est obediendum etiam in dubio, an Superior possit dispensare c. 37. 24. per Cordubam subditus potest obedire Superiori in re, quam ipse subditus opinatur esse malam; ad hoc tamen requiritur aliqua causa 78. Si inferior Superior præcipiat aliquid, & major oppositum imperat, est obediendum majori c. 2. 12.

*Sors*.

Non est magis apta ad decidendā litem, quàm volentes c. 31. 19.

*Superfluum*.

Illud non teneo dare in elemosynam, si necessitas non imminet c. 14. 45. c. ult. 29.

*Superior*, V. *Subditus*.

Autoritas Superioris nequit me illuminare, ut judicem probabiliorē illam opinionem, quæ meæ opponitur c. 37. 49. 51. 56. 60. 63. c. 38. 41. Si Superioris præceptum posset facere invenire rationes probabiliores, tūc vel non posset præcipere partem benigniā, vel redderet utramque partem probabiliorē c. 37. 60. posset etiam præceptū destruere, & resuscitare Scholam Scotistas, & Thomistas ad invicem consentientes 56. nequit præsumi, quod Superior dirigatur à Deo in suis præceptis 62.

*Suspicio*.

Suspicionē possumus dicere falsum c. 2. 1. c. 6. 70. importat assensum ex levi signo

gno c. 2. 12. c. 6. 67. est triplex 65. quid sit 70. distinguitur ab opinione probabili, quia tenetur levi signo c. 2. 12. c. 6. 70. non est de ratione suspicionis, quod *magis* inclinet in unam partem, sumendo ly *magis* comparative 71. non differt gradualiter, sed specie ab opinione probabili 72. etiam minus 73. & 74. de genere suo non est peccatum mortale c. 14. 49.

## T

### *Templum.*

Christus usus est hoc nomine pro alio significato, ac audiores c. 47. 42.

### *Tempus. V. mores.*

Decursu temporis, quæ erant probabilia, evadunt certa, & materia magis illustratur c. 3. 67. & seqq. c. 17. 25. hinc tempus modernum est clarum, antiquum est obscurum 43.

### *Testis.*

Duo testes oppositi faciunt rem dubiâ, non sic duo Doctores, contraria docentes c. 32. 33. 35.

### *Theologia, Theologus.*

Duo genera principiorum habet, alia probabilia, alia certa c. 39. 21. opinio contra prima est vituperabilis, non contra secunda 37. Theologus non succedit Ap. stolis in prædicationis officio c. 8. 71. non debet in sua doctrina uti figuris; hinc debet uti comparativo pro comparativo, non pro positivo c. 38. 18. ad ipsum spectat explicare jus divinum, a. Canoniam jus Ecclesiasticum, hinc explicatio c. *interfecti*, de homic. facta a Theologo est præferenda factæ a Canonista c. 45. 51.

### *D. Thomas.*

Fuit benignior ceteris Theologis c. 13. 2. c. 15. 37. ejus opiniones benignè referuntur c. 13. & 14. per totum. Juxta antiquos Thomistas tenuit, circumstantias notabiliter aggravantes non

esse de necessitate confitendas c. 15. 25. c. 16. 33. omnia dicta ipsius sunt probabilia, non certa c. 20. 27. c. 23. 10. c. 26. 55. c. 31. 33. oppositum dicere importat absurdum c. 20. 22. ipse D. Thomas expressè sequutus est opiniones, ut probabiles c. 21. 2. & seqq. sequens opiniones D. Thomæ, licet futuro tempore damnarentur, operatus malè non fuit c. 20. 27. quando tradit aliquod ut certum, hoc significat c. 21. 4. docens oppositas opiniones D. Thomæ non est damnandus c. 44. 49. quando D. Thomas dicit, illum peccare, qui facit contra legem, debet intelligi de lege clara, non obscura c. 23. 13. & seqq. 30. & seqq. in materia de pluribus præbendis fuit certus in pluribus, & in uno dubius 38. & 39. non opponitur Probabilitati c. 23. per totum. ibi explicatur quodl. 8 art. 13. num. 13. & seqq. quodl. 3. art. 10. num. 42. & seqq. quodl. 9 art. 15. n. 50. & seqq. nec opponitur minori Probabilitati c. 38. explanatur quodl. 3. art. 10. num. 36 c. 49. quodl. 9 art. 15. num. 3. & seqq. Si Sanctus Doctor bene agitavit questionem, quam preposuit quodl. 3. art. 10. & cum eo alii Antiqui, quis excusatur à peccato erroris, qui sequitur opinionem non oppositam certitudini c. 23. 47. c. 34. 9. sed procul dubio illa questionem bene tractavit c. 39. 26. textus ex quodl. 3. art. 13. si aliquid probat, probat, nec etiam Probabilitatem salvare c. 49. 1. & seqq. in pluribus locis decidit questiones sine Scriptura, & Traditione c. 48. 39. cur D. Thomas querens an liceat plures habere præbendas, usus non fuerit regula Probabilitatum, quod in varietate opinionum licet eligere, quam volumus c. 43. 6. D. Thomas placet novitas in opinionibus c. 39. 21. & seqq. adducebat Scholares in stuporem, quia articulos novæ sententias novas &c. invenit 13. V. novitas c. 41. fuit problematicus in quaest. de Conceptione B. V. c. 13. 37. c. 34. 27. Si unquam D. Thomas agitat quaestionem, quæ dicat connexionem cum Probabilitate, fuit in quodl. 3. art. 10. c. 49. 6.

*Traditio.*

Non opponitur Probabilitati per ipsam veritas patet bit c. 18. 12. doctrina tradita a D. Augusti. Hicoro, & postea a Magistro cum Theologis per tria secula de baptismo puerorum in utero non est Traditio c. 41. 89.

*Trajanus.*

An consequutus fuerit veniam peccatorum per preces Divi Gregorii Magni, utraque opinio per D. Thomam est probabilis c. 34. 35.

*Trinitas, V. Notiones divinae.*

Nullus major est error, quam in hac materia c. 21. 22. c. 34. 24. c. 38. 34.

*Turpe lucrum.*

Universaliter licet retineri potest c. 46. per totum, qui dedit 21. 30. 32. 47. 51. 54. excepto Simoniaci 28. 42. si non competit repetitio es, hac opinio damnatur a Probabilioristis 1. & a Clero Gallicano 5. antepatrationem reitutus debet restituere tale lucrum 7. licet peccatum in ratione peccati sit nihil, est aliquid in ratione physica, & sic potest vendi 13. lucrum acquisitum per meretricium certo retineri potest 8. quod actio sit turpis, vel non; impertinenter se habet, ut lucrum sit restituendum 23. 47. 51. & 52. quin etiam Simoniacum per Glossam Raym. 57. sed scilicet iure humano nequit retineri 26. 29. 32. cui sit restituendum 28. 33. 35. Igitur lucrum ex adulterio 17. 38. 40. 44. 48. 49. ex calumniatione, & damnificatione 26. ex divinatione, & mathematica, id est incantatione, licet quis foveatur in his artibus 31. 42. 41. 48. 49. 51. 56. 58. ex duello 41. ex histrionatu, lenocinio, & similibus 15. & 56. ex ludu prohibito 12. 54. ex injuria data 26. ex ito. pro, & mencioporum fornicatione 17. ex delictis, quae corporali poena, vel per extorsionem talis lucrum 2. ex Sodomia 38. ex Traditione 53. ex tormento 21. ex his, inquam, omnibus sceleribus lucrum licet retineri potest Monialis, & Religiosus lucrum habi-

tum per peccata carnalia non tenentur restituere, sed illud debent dare Monasterio 27. 44. 59. 61. Iudex per Allen. debet dare pretium sententiae iniuriae parti laicae, ex iure tamen positivo 18. & 50. Sed ex D. Antonino est problema, an Iudex debeat tale pretium restituere 41. Sed ex D. Augusti satis probabiliter retineri potest 63. & seqq. Pœnitentiarius potest dispensare, ut pœnitens licet retineat turpe lucrum 24. 34. 35. & 37. fin. & Papa, ut retineatur pretium Simoniacum 32.

*Tutus.*

Quid sint opinio tuta, tutior, & minus tuta c. 3. 80. hæc opiniones dantur in iure 82. in varietate opinionum non tenemur eligere tutiorem, sed sufficit cingere tutam, id est, quæ habet Doctorem satis acceptum c. 25. 30. c. 35. 15. & 16. c. 48. 46. ratio tuti non reddit opinionem veriolem c. 28. 5. c. 38. 37.

## V

*Varium, Adjectivum.*

Accipitur pro opposito c. 27. 8.

*Vel.*

Hæc particula dat libertatem eligendi, quod placet c. 27. 35.

*Venditio, V. Emptio.**Venditio.*

Nimium extollit potestatem Episcoporum c. 8. 22. & nimis deprimit potestatem Pontificis 25. a nobis exigit Scripturas, & Patres, & ipse probat suum dictum poësis c. 31. 14.

*Venia.*

Non datur dimidata venia de mortalibus a Deo c. 40. 30.

*Veniale peccatum.*

An non habens mortale teneatur confiteri peccata venialia, ex præcepto Ecclesiae, utraque opinio est probabilis c. 27. 21. c. 28. 14. c. 33. 97. c. 34. 1. non possumus

mus committere veniale, ut alter vi-  
cet mortale, licet aliter aliqui Anti-  
qui tenuerint c. 31. 70. & 83.

*Verbum duplex, & Sophisticum.*

Duplicitas in verbis aliquando licet c. 47.  
36. 83. 97. 101. 102. & 107. etiam in ju-  
ramenti, licet proximus decipiatur  
35. 78. 84. 86. & 88. si utor verbo du-  
plici in sensu insolito, tunc requiri-  
tur causa 41.

*Verisimile.*

Non est verum, sed est proximum vero  
c. 21. 31. est regula decidendi casus 32.  
ex ipso non inferitur veritas, sed ve-  
risimile c. 3. 43. c. 48. 9.

*Veritas, V. Oratio.*

Est duplex, necessaria, & contingens c. 3.  
47. c. 23. 51. objectum primæ debet esse,  
& apparere, quod non possit aliter  
se habere. Objectum secundæ sufficiens,  
quod appareat posse aliter se habere  
47. 48. item alia est objectiva, alia for-  
malis 49. prima reperitur in una sola  
parte, secunda in utraque 52. c. 33. 27.  
item est triplex impertinentium, per-  
tinentium, & necessariorum ad salu-  
tem c. 31. 45. veritas necessariò non re-  
peritur in parte probabiliori c. 5. 48. &  
licet sit in una sola parte, non infer-  
tur, nos debere sequi hanc partem, &  
non illam 46. veritas a quocunque di-  
catur, semper præferenda est c. 18. 2.  
sive sit in materia benigna, sive rigida  
c. 12. 54. si veritas nos salvat, debet in-  
telligi etiam de veritate probabili c.  
25. 12. c. 26. 19. V. *Probabilitas*. Veritas  
etiam moralis haberi potest sine gra-  
tia 6. veritas expressa juxta Juristas im-  
portat certitudinem c. 23. 51. non sic  
per Theologos 52. & seqq. & 65. veri-  
tas tum in moralibus, tum in specula-  
tivis sollicitè querenda est c. 48. 17.

*Virtus.*

Virtus moralis, & Theologica possunt  
versari circa objectum falsa imagina-  
tione propositum c. 26. 32. & seqq. de-  
finitio virtutis ex Arist. Augustin. &  
Theologis c. 49. 11.

*Voluntarium, V. Voluntas.*

Requiritur ad assensum opinativum c. 4.

per totum, ex August. 11. ex Hieron. 12.  
ex D. Thoma 13. & seqq. & c. 5. 18. ex  
D. Ignatio Lojola c. 4. 27. & c. 5. 16. ex  
Parisien. c. 4. 28. ex Major. & D. Raym.  
29. ex Richar. 30. & seqq. ex Scoto 33.  
ex Asten. c. 5. 11. hoc tamen voluntariū  
est imperfectum c. 4. 17. requiritur etiā  
ad scientiam, sed alio modo 26.

*Voluntas, V. Voluntarium.*

Potest physicè flectere intellectū ad par-  
tem aequè, & minùs probabilem c. 5. per  
totum, V. *Probabilitas minor*. flectit au-  
tem, quia accedente ad unam partem  
hæc habet omnia requisita, ut trahat  
intellectum 3. 61. & seqq. non flectit,  
quali quoddam faciat apparere magis ver-  
similem unam partem 13. sed flectit,  
quia facit solvere rationes oppositas,  
quibus solutus intellectus est proximè  
potens ut aliam amplectatur c. 6. 35. &  
seqq. 53. & 59. & hæc solutio rationum  
est licita 48. nequit facere, ut intelle-  
ctus recedat opinionem probabiliorē,  
quæ aliàs non erat c. 37. 54. & 56. alter  
possemus semper sequi partē benignā  
60. licet moveat maximè intellectum,  
moveret etiam omnes vires animæ c. 5.  
30. in diversitate opinionum licet vo-  
luntas eligit, quam vult c. 24. 8. c. 27. 36.  
c. 28. 8. 12. 22. 23. 31. 50. 59. 61. 65. & 68. c.  
33. 49. & seqq. 95. 99. & 100. c. 35. 30. &  
42. c. 36. 6. & 17. c. 38. 37. c. 42. 19. usque  
tunc voluntariè possum remanere in  
mea opinione, quoadusque non sit pæ-  
tesfacta veritas c. 39. 31. non possumus  
opinari, quando volumus c. 4. 39.

*Votum.*

Votū puellæ potest irritare pater, uxoris  
maritus c. 14. 19. Votum sit dubium,  
non obligat c. 21. 2. c. 32. 15. & 16.

*Ujura.*

Est licitū ab hostibus usuras recipere c.  
28. 17. & per aliquos Antiquos hebræi li-  
citè recipiūt usuras à Christianis c. 12. 47

*Uterus.*

Datur de ipso sufficiens cognitio pro  
solutione illius questionis, an possit  
baptizari infans in utero, c. 41. 24.

FINIS.



005677077



